


1310/5/1

L x

18/8



Digitized by the Internet Archive
in 2018 with funding from
Wellcome Library

https://archive.org/details/b30529797_0002

TRACTATUS DE

MATERIA MEDICA

SIVE DE

MEDICAMENTORUM SIMPLICIUM


Historia, virtute, delectu, & usu;

Auctore STEPHANO-FRANCISCO GEOFFROY,
Doctore Medico Parisiensi &c. &c.

Editio novissima locupletior, aliisque emendatior, Sup-
plemento PARTIS SECUNDÆ SECTIONIS SECUNDÆ
Anonymi Professoris nunc primum aucta, ex Gal-
lica in Linguam Latinam eleganter redacta.

TOMUS SECUNDUS.

DE VEGETABILIBUS INDIGENIS.



VENETIIS,
Apud NICOLAUM PEZZANA.

M DCC LVI.

SUPERIORUM PERMISSU, AC PRIVILEGIO.

T R A C T A T I O N E S

MATRIAE MEDICAE
SIVE DE

MEDICAMENTORUM PREPARATIONE

LIBRARIUS JOHANNES DE WELLCOME
HISTORICAL MEDICAL LIBRARY

THE HISTORY OF THE
ART OF MEDICINE
FROM THE EARLIEST TIMES
TO THE PRESENT

TOMUS SECVNDVS

DE PREPARATIONE MEDICAMENTORVM



AMSTELÆDAMI
APUD H. W. BLONDELL

MDCCCLXXXIII



MATERIÆ MEDICÆ

PARS SECUNDA.


DE

VEGETABILIBUS INDIGENIS.

SECTIO SECUNDA.

DE PLANTIS INDIGENIS.

Quæ in Usum Medicum veniunt.



Indigenæ Plantæ, seu quæ nostro sub cœlo nascuntur, vel hominum saluti, tum restituendæ, tum conservandæ, aliquid conferunt; vel Medicinæ prorsus inutiles sunt; aut saltem earum vires salutares hæcenus ignotæ fuerunt. Has silentio prætermittimus; de illis vero hic agemus.

In earum historia, & virtutibus recensendis alphabeticum servabimus ordinem, quo facilius unusquisque plantas, quarum historiam inquireret, reperire possit. Officinalia vulgatioresque nomina cæteris denominationibus ex Auctoribus desumptis, præponemus utpote magis cognita. Deinde nomen genericum ex Institutionibus rei herbariæ depromptum, cæteraque synonyma a Clarioribus Botanicis scriptoribus assignata, recensebimus. Denominationi plantæ, descriptionem subjungemus, analysim ac virtutes, & utendi rationem, eodem ordine, quem in exoticorum medicamentorum expositione secuti sumus.

At vero stirpium harum cum illis, quæ sub eadem denominatione, a veteribus recensitæ fuerunt, comparationem inutilem censemus, disqui-

rendo nempe, utrum eædem sint, necne. Quandoquidem plantæ ipsis cognitæ, & usitatæ nobis defunt, & difficile est ex parum accuratis earum descriptionibus decernere, utrum eædem sint plantæ quæ apud nos nascuntur, an diversæ? Præterquamquod plurimas plantas veteribus notas, & in Græciæ solo natas, ab iisdem speciebus nostro sub cælo nascentibus, viribus multum discrepare, veritati sit maxime consentaneum. Eandem ob causam de viribus ab antiquis, tum Græcis, tum Arabibus, illis stirpibus attributis, parum solliciti erimus; sed tantum assiduo, & quotidiano usu comprobatas apud nos virtutes, tum salutiferas, tum noxias, quam poterimus diligentissime, pervestigabimus.

ABROTANUM.

A Brotanum vel Abrotonum. Duæ sunt plantæ hujus nominis in officinis usitatæ, Abrotanum mas, & Abrotanum fœmina.

Abrotanum mas *Officinarum*. Abrotanum mas angustifolium majus, G. B. P. 136. *Institut. Rei Herbar.* 459. Abrotanum vulgare, J. B. 3. 191. Abrotanum mas *Dodon. Pemptad.* 21. vulgo, *Aurone mâle*. Ex radice lignosa, fibris aliquot donata, crebris frutescit sarmentis, tres, quatuorve cubitos altis, duris, fragilibus, medulla alba plenis, subrubentibus, striatis, ramosis: folia per alas nascuntur multa, tenuiter dissecta, sceniculaeis paulo majora, inferiora quidem multifida, superiora uno tantum aut altero segmento divisa, canescentia, odore vehementi, sapore amaro acris: flores secundum ramulos conferti, sublutei, floribus Absynthii similes sunt, flosculosi nempe, sed exigui, compositi ex plurimis flosculis minutissimis, tubulosis, in summitate quinquefariam divisus, quorum singuli singulo infident semini, & omnes squamoso flores calyce comprehenduntur. Floribus succedunt semina exigua, oblongiuscula, nuda, pappo carentia, Absynthii similia, sed minora. Ab Absynthio differt sola facie externa, & optime ad ejusdem genus reduci posset. Ratione culturæ, & loci, necnon pro anni tempore multo amarior videtur. In montosis Italiæ & Galliæ provinciis, sponte nascitur. Hic in hortis colitur, ubi avulsis ramulis, alii ex radicibus de novo progerminant. In usum medicum folia, & comæ floridæ veniunt.

Analyti chymica, ex hujus plantæ foliorum ac summitatum recentium & succulentarum ℥v. per retortam distillatis, prodierunt, primo phlegmatis limpidi plantæ odore, & sapore imbuti ℥xij. humoris odorati, acidi, & sale alcali aliquantisper turgidi ℥iiij. ℥vj. ℥vj. gr. xij. humoris rufescentis, odoris empyreumatici, tum acidi, tum urinosi, & volatili sale imprægnati ℥ij. ℥j. gr. v. olei tum fluidioris, & essentialis, tum crassioris, & empyreumatici ℥ij. ℥ij. Massa nigra in retorta residua pendebat ℥v. ℥ij. quæ igne reverberii tamdiu calcinata, donec nullam amplius flammam ederet, reliquit cinerum ex fusco leucophæorum ℥j. ℥vij. gr. xxxvj. ex quibus lixivio, salis alcali fixi ℥j. ℥ij. extractæ fuerunt. Partium perditio in distillatione fuit ℥ij. ℥iiij. gr. lv. in calcinatione ℥iiij. ℥ij. gr. xxxvj. Ex hac analysi concludendum est, Abrotanum mas ex multo oleo essentiali amaro aromatico, & sale ammoniacali constare.

Rarius Abrotano intrinsecus utimur, quod Etmullero mirandum, & dolendum videtur. Revera ejus odor vehemens ac sapor aromaticus; acris, amarus, innuunt, partibus volatilibus tenuibus salino-oleosis donari, quibus fermentativus sanguinis motus augetur, crassiores humores dividuntur, solidarum partium tonus imminutus restituitur, debilior augetur: quamobrem medici vim calefaciendi, incidendi, aperiendi ipsi tribuerunt. Actuosus iisdem particulis putredini resistit, vermes necat, non solum oleo suo essentiali amaro vermibus infenso, sed etiam propter tenues & actuosas ejus particulas, quæ nimis glutinosum ventriculi, & intestinorum mucum, in quo vermes nidulantur, dividunt ac resolvunt. Eadem ratione flatus discutit, urinas & menses movet, renum, & uteri obstructions referendo. Illud tamen ventriculo infensum esse nonnulli existimant, quod de omnibus ægrotantibus pronuntiari nequit, sed tantum de illis, quorum ventriculi temperies calidior est, seu quorum ventriculus in inflammationem pronus est, præ nimio sanguinis, & spirituum ad hanc partem affluxus. In quamplurimis autem ventriculus ab his acris, & aromaticis medicamentis læditur. Neque adeo fors nostra lugenda est, ob parcum Abrotani usum, dum frequentior est usus Absinthii quod iisdem viribus donatur, & quidem valentioribus: quapropter a nonnullis ut Absynthii succedaneum tantummodo proponitur.

Abrotani tamen coma pulverata ad ℥j. cum tantillo Nitri, a S. Pauli in Quadripartito Botanico, iis quibus, ob calculum, urina supprimitur, proponitur & velut specificum commendatur: sed Nitro potissimum hæc virtus fortasse debetur, aut saltem ab illo plurimum augetur. Nonnulli decoctum ejus, pro lotionem capitis, contra capillorum defectum aut defluvium laudant. Basim constituit unguenti Bucrelii Vvratislavien-sis, secreti & experti contra capillorum defectum, cujus hæc est descriptio ab Etmullero prolata.

℥. Folior. Abrotan. maris & Capillor. vener. ana m. j. Favi mellis, Ladani ana ℥j. Myrtillor. ℥j. Semin. Fœnugræc. Lini ana ℥iij. Olei Amygdalar. dulc. vini albi generosi ana ℥iij. Facta infusione per 24. horas, bulliant ad humiditatis consumptionem: postea fiat colatura cum expressione. Cum hoc unguento, crescente Luna, inunctio fieri debet.

Oleum essenziale Abrotani, maris, ex herba florida & exsiccata, cum magna aquæ copia distillatur. Eo membra paralytica illinuntur. Commendatur quoque ad pilorum generationem promovendam, præsertim si cum Ladano & adipe Ursino, misceatur.

℥. Olei Abrotani mar. stillatitii ℥ß. Ladani ℥vj. Axungia Ursi ℥ij. Misce, fiat unguentum.

Abrotanum mas usurpatur in unguento Martiato.

Abrotanum Fœmina, Santolina, Chamæcyparissus *Officinarum*, Cre-spolina, *Quorumdam*. Santolina foliis teretibus, *Inst. R. H.* 460. Abro-tanum fœmina foliis teretibus *C. B. P.* 136. Chamæcyparissus *J. B.* 3. 136. Polium Theophrasti & Dioscoridis & Arabum, Vermiculatæ, folio, *Column. P.* 1. 4. Abrotanum fœmina, *Lobel. Icon.* 768. vulgo, *petit Cy-prees & Garderobe.*

Geoffroy Tom. II.

A 3

Ex

Ex radice crassa, dura, lignosa, & subinde in brachia fissa, virgulta cubito altiora emittit, lignosa, gracilia, tenera lanugine incana & in plures ramos divisa, quos ambiunt tenuia folia, longitudine circiter unciali, minutim denticulata, aut potius tuberculis exiguis onusta, ita ut quatuor fere tubercula in eadem phalange agminatim circumposita conspiciantur, incana omnino, odore medicamentoso & cum quadam suavitate gravi, sapore partim acri, partim amaro aromatico. Singulis ramulis singuli insident flores lutei, perfecti, flosculosi, compositi nempe ex plurimis flosculis tubulosis in summitate quinquifidis, foliis intermediis imbricatis, & calyce communi squammoso quasi hemisphærico comprehensis: singulorum flosculorum calyx seu embryo abit in semen oblongiusculum striatum, fuscum, pappis nequaquam instructum. Majores sunt hujus plantæ flores quam Abrotani maris & Absynthii, quibus ab illis plantis distingui potest, sicut & tota plantæ facie. Sponte luxuriat in campestribus Italiæ locis & vinetis. In Gallo Provincia quoque a Garidello observata fuit. Hic in hortis colitur. Folia, summitates floridæ, & semina in usum medicum veniunt.

Analyti chimica, foliorum & summitatum Santolinæ recentium ℥v. præbuerunt phlegmatis limpidi odorem plantæ saporemque referentis ℥xj. ℥ij. humoris limpidi adhuc odorati & acidi ℥ij. ℥xj. ℥ij. gr. xxxvj. humoris rufescentis acidi & subsalsi, qui tum acidi, tum alcali urinosi salis notas præbuit, ℥ix. ℥vj. gr. xxx. salis volatilis urinosi concreti, gr. xl. olei adiposæ crassitudinis ℥iiij. ℥ij. Massa nigra in retorta superstes pendebat ℥viiij. ℥vj. quæ igne reverberii calcinata cinerum leucophæorum ℥ij. ℥ij. gr. xij. reliquit; ex quibus salis fixi mere alcalini ℥j. gr. viij. lixivio extracta sunt. Partium deperditio in distillatione fuit ℥ij. ℥j. gr. xxxviij. in calcinatione ℥vi. ℥ij. gr. lx. Per hanc analysim patet, Santolinam constare ex sale ammoniacali, & oleo crasso copioso.

Santolinæ eadem quæ Abrotano mari, tribuuntur virtutes. Attamen paulo plus salis volatilis urinosi, majorem olei crassioris quantitatem, minorem vero olei tenuioris seu essentialis suppeditat: unde ad hystericos affectus compescendos, hæc præstare videretur.

Rarioris est usus apud nos in Medicina. Ad ventris lumbricos interimendos, in primis commendatur ejus semen, solum vel saccharo obductum: infantibus comedendum porrigitur, vel herbæ decoctum in lacte aut in aqua conveniente propinatur. Andreas Matthiolus Santolinæ folia sicca & in pulverem trita, dari perquam utiliter ex aqua Matricariæ, semi-drachmæ pondere, asserit, ad sistenda alba sceminarum profluvia, si continuis decem diebus sumantur a jejunis, & deinde interpolatis diebus. Costeus quidam Aquisextiensis Medicus, teste Garidello, Santolinæ foliorum pulveratorum drachmam unam felici cum successu in pleuritide, & peripneumonia exhibere solebat.

Ejus folia inter laneas vestes sparguntur, ad tineas ab illis arcendas. Usurpatur cum Abrotano mare, in unguento Martiato.

ABSINTHIUM.

Absinthii species duæ in officinis usitatæ sunt, scilicet, Absinthium latifolium, seu majus, & Absinthium tenuifolium, seu minus. Absinthium latifolium, Absinthium vulgare, Absinthium majus, *Officinarium*. Absinthium Ponticum, seu Romanum officinarum, seu Dioscoridis *C. B. P.* 138. *Ind. R. H.* 457. Absinthium vulgare majus *J. B.* 3. 168. Absinthium latifolium. *Dodon. Pempt.* 23. vulgo, *Absinte*, *Alvine ordinaire*, *grande Absinte*.

Radice est crassiuscula, lignosa & fibrosa, saporis aromatici grati absque amaro, caulibus cubitalibus & bicubitalibus, striatis, firmis, lignosis, medullosis, canescentibus, ramosis & furculosis, in quibus folia plurima alternatim oriuntur, pediculis oblongis, canaliculatis innixa, profunde dissecta iterum atque iterum incisa, candicantia, mollia, intense amara & odoris aromatici vehementis: flores longa serie in summis ramulis nascuntur, pediculis brevibus, tenuibus, & ex quorundam foliorum alis egressis hærentes ac penduli, globosi, exigui, completi, & flosculosi, seu compositi ex plurimis flosculis tubulosis, brevioribus, in summitate, quinquefariam divisis, luteis, e communi calyce squamulato prodeuntibus, singulis singulo insidentibus embryoni, qui deinde abit in semen nudum, non papposum. A cæteris Absinthii speciebus differt foliis, & laciniis amplioribus, & insigni odore cum amaro conjuncto. Colitur in hortis. Ejus folia, & summitates in primis usurpantur.

Analyti chymica, ex foliorum Absinthii latifolii nondum floridi \mathfrak{lbv} . prodierunt phlegmatis limpidi, plantæ odore & sapore imbuti, quod neque alcali, neque acidi notas præbuit \mathfrak{zxx} . \mathfrak{zvj} . gr. \mathfrak{xlvij} . cum oleo essentiali permixto: deinde humoris limpidi, odorati, qui debilis acidi & alcali valentioris notas præbuit, \mathfrak{lbij} . \mathfrak{zxiij} . \mathfrak{zvj} . gr. \mathfrak{lx} . tandem humoris mere alcali, & sale volatili imprægnati, \mathfrak{zj} . \mathfrak{zv} . gr. \mathfrak{xlvij} . salis volatilis urinosi concreti \mathfrak{zv} . olei, tum tenuis, tum crassi \mathfrak{zj} . \mathfrak{zij} . Massa nigra in retorta superstes, pendebat \mathfrak{zvj} . \mathfrak{zij} . quæ igne reverberii calcinata reliquit cinerum \mathfrak{zij} . \mathfrak{ziiij} . ex quibus lixivio, salis fixi mere alcali \mathfrak{zj} . extracta fuit. Partium jactura in distillatione fuit \mathfrak{zxiiij} . \mathfrak{zij} . gr. \mathfrak{lx} . in calcinatione vero \mathfrak{zij} . \mathfrak{zvj} .

Ex Absinthii, latifolii foliorum, & summitatum floribus, & seminibus onustarum \mathfrak{lbv} . prodierunt phlegmatis limpidi odore plantæ saporeque perfusi quod primum subacidi, deinde intense acidi, ac tandem acidi, & alcali urinosi notas præbuit, \mathfrak{lbij} . \mathfrak{zxiij} . \mathfrak{zvj} . gr. \mathfrak{lx} . cum non mediocri olei essentialis portione: humoris rufescentis empyreumatici, alcalini, & sale urinoso turgidi \mathfrak{ziiij} . \mathfrak{zj} . gr. \mathfrak{xij} . salis volatilis concreti gr. \mathfrak{xxiiij} . olei tum essentialis, & tenuioris tum foetidi & spissioris consistentiæ \mathfrak{ziiij} . \mathfrak{zvj} . gran. \mathfrak{xviiij} . Massa nigra in retorta superstes pendebat \mathfrak{zviij} . \mathfrak{zviij} . gr. \mathfrak{xij} . quæ igne reverberii calcinata reliquit cinerum \mathfrak{zij} . \mathfrak{ziiij} . gran. \mathfrak{xxxvj} . ex quibus, lixivio salis fixi mere alcali \mathfrak{zj} . \mathfrak{ziiij} . gran.

xliij. prodierunt : jactura in distillatione fuit ℥v. Zij. gran. xvij. calcinatione in fumum , & flammam abierunt ℥v. Zij. gran. xlvij.

His ambabus foliorum , & summitatum Absynthii majoris analysibus inter se comparatis , liquet , folia majori partium tenujum , & volatilium copia turgere quam flores , & semina ; cum triplo major sit partium deperditio in foliorum distillatione , quam in summitatum analysi . Cum unaquæque foliorum libra salis volatilis drachmam unam præbeat , summitates vero vix grana quinque pro singulis libris : eadem folia multo minus acidi salis , & olei exhibere . Unde concludere possumus , folia sale ammoniacali , & oleo copioso ac tenui donari ; in summitatibus autem salem tartareum cum ammoniacali conjunctum reperiri ; at verisimile est omnem Absynthii energiam pendere potissimum ab ejus oleo essentiali , amaro , & aromatico , quod licet in foliis , & summitatibus , natura idem semper videatur , in foliis tamen ob intimum salium volatilium consortium tenujus sit , magis expansum ac magis volatile .

Absynthium vulgare quasi polychrestum medicamentum prædicatur ; calefacit & exsiccat , ut ajunt , seu potius tenujbus , & actuosis suis particulis salino-oleosis quæ massam sanguineam subeunt , fermentativum sanguinis motum auget , partium quoque fibras sollicitat ad motum & ad oscillationem ; sic calor in corpore accenditur : restituta vel aucta fibrarum oscillationem , succi inter partium fibras hærentes , & otiosi , si crassiores sint , attenuantur ; si tenaces inciduntur , & canales solitos repelluntur , vel per transpirationem foras expelluntur : sic quoque viscerum functiones debilitatæ restituuntur , obstructions referantur ; hinc stomachicum dicitur , hepaticum , splenicum , uterinum , anticachecticum insigne , febrifugum , vulnerarium detergens , bilis succedaneum , & anthelminticum : ventriculum debiliorem roborat ac firmat , ciborumque appetentiam excitat , tum fibras ventriculi laxiores constringendo ac firmando , tum etiam mucaginem spissam ejusdem parietibus inhærentem dissolvendo : eisdem rationibus diarrhæas sistit , superpugationes compescit , & colicos dolores flatulentos sedat . Viscerum obstructions resolvit quæ pendent , vel a fibrarum laxitate , vel ab humorum spissitudine . Sic ictero , hydropi , chlorosi , cachexiis & febribus medetur . Vermes interimit , tum amaritie summa vermibus infesta , tum mucilaginosos humores , in quibus eorum ovula retinentur , fovetur , excluduntur , resolvendo .

Verum cavendum ab illis affectibus , qui a fibrarum rigiditate , crispatura , erethismo , vel convulsiva aut inflammatoria tensione , oriuntur , quos Absynthium non modo non sedat , quin imo auget , & nonnunquam insanabiles reddit . Sic in ciborum concoctione læsa præ nimio ventriculi ardore adeo intendit , & auget , ut renes in consensum per nervos trahantur , & ardorem contrahant , quem breviter sequuntur urinarum color intensus , & rutilans , cum crasso , & rubro sedimento , earundem imminutio , suppressio , hydrops ; si vero renes ob laxiorem texturam illæsi servantur , cæterorum viscerum

rum fibræ paulatim convelluntur, rigescunt, & tabes sensim adducitur. Hinc fit ut maxima pars helluonum, ad prostratum appetitum sollicitandum, aut ciborum nimia copia ingestorum coctionem perficiendam, quotidie vinum Absynthites, aut tincturas stomachicas & spirituosas ingurgitantium, plerumque ante obitum lente veluti liquefiat, tabefacta vero ante annos moriatur, observante Simone Paulli. Sic etiam muliebribus evacuationibus mensstruis, a sanguine nimis æstioso, vel ab uteri ardore aut inflammatione suppressis, Absynthium ægrotañtem in viscerum inflammationem, & febrem ardentem inducit. Idem de cœteris visceribus præfervidis & ad inflammationem pronis dici potest.

Præterea Absynthium sicut amara pleraque, nervis est insensum, ut intelligere est ex animalibus plurimis, tum quadrupedibus, tum volatilibus, tum insectis, quæ ab amaris devoratis, spasmis afficiuntur, & convulsa sæpe moriuntur, quod ex Vvepferi observationibus satis liquet. Insuper multi ab experientia edocti tradunt, usum Absynthii caput gravare, oculis noxium esse, & appetitum venereum extinguere. Cautè igitur in morbis, quorum anceps est & dubia causa, Absynthium & amara medicamenta acria & aromatica sunt usurpanda, ne pro remedio, venenum exhibeatur.

Comæ floridæ & folia exsiccata & pulverata exhiberi possunt a ℥j. ad ℥j. rarius tamen usurpantur. Ex his cum saccharo condita parantur. Flores conditi obstructions valentius referant, folia vero magis adstringunt, inquit Cl. Hoffmannus. Exhibetur a ℥j. ad ℥℥. succus ex foliis expressus, deinde parva coctione purgatus, ab ℥℥. ad ℥ij. nonnunquam propinatur, rarissime tamen ob intensum amarorem. A quibusdam vis cholagoga illi tribuitur, de qua tamen non plane constat.

Infusum cum aqua, vino, vel cerevisia præparatur, & ad ℥iiij. vel ℥vj. propinatur. Aquosum Absynthii infusum a multis, cerevisiæ aut vino Absynthiti anteponitur, quia caput minus gravat.

Fit vinum Absynthites extemporaneum, macerando nempe per noctem, comas Absynthii siccatas, in vino. Est autem vinum Absynthites quod ex herba sicca infusa paratur, palato gratius, aut potius minus ingratum, quam quod ex herba recenti. Hoc enim herbaceum & terreum quid resistit. Paratur quoque vindemiarum tempore, vinum Absynthites fermentatum, Absynthii exsiccati & minutim concissi fasciculum, in dolium conjiciendo & musti ℔c. aut circiter affundendo & fermentando simul. Vinum Absynthites quocumque modo paratum sit, exhibetur ad ℥ij. iv. vel vj. mane jejuno ventriculo, vel etiam ante, aut post pastum. Ex Absynthio præparari solent in officinis tinctura, seu, ut vocant, essentia Absynthii, aqua distillata, oleum essenziale, extractum & sal fixus.

Tinctura Absynthii fit ex foliis aut summitatibus, cum spiritu vini in amphora vitrea, rite maceratis, donec spiritus intense amarus evadat. Si folia fuerint recentia, tinctura viridis erit; si exsiccata, rufa vel fusca: sumitur ad ℥℥. vel ℥j. pro dosi. Quidam hanc tincturam parant cum spiritu ardente ex ipso Absynthio fermentato extracto, & adhuc præstantiorem tincturam esse existimant.

Aqua

Aqua Absynthii distillata sic conficitur.

℥. Foliorum virentium Absynthii nondum floridi, ℥xv. Incidantur & contundantur. Indantur vesicæ aheneæ & affundantur decocti fortis ejusdem plantæ ℥x. aut q. s. digerantur vase clauso per quatrimum; deinde apposito capitello cum refrigeratorio, & adjuncto recipiente, fiat distillatio, ut artis est. Aqua spiritiosa & magis odorata servetur ad usum. Dosis ab ℥j. ad ℥vj.

Spiritus Absynthii urinosus flavescent, a nonnullis plurimum laudatus, sic extrahitur. Absynthium viride cum floribus & seminibus minutim concisum, congeritur in vasculum rite obturatum, ut sponte incalasciat, & nonnihil putrescat. Incipiente putrefactione, antequam fœteat, igne aperto, per retortam terream amplam, distillatur, & sic copiosissimus liquor urinosus obtinetur, per alambicem, igne arenæ, rectificandus. Prodit spiritus urinosus, volatilis, & valde amarus. In scorbuticis affectionibus utiliter exhibetur. Sed idem spiritus salino-oleosus & quidem præstantior, ex spiritu volatili urinoso quocumque, & oleo Absynthii essentiali simul mixtis & circulatis, ut ajunt, obtineri potest.

Oleum essenziale ex herba florida, seminibus jam turgida & exsiccata extrahitur, distillando nempe plantæ partem unam, cum aquæ limpidæ partibus viginti, ex alambice aheneo, igne forti. Aqua & oleum in recipiens vas promiscue profluunt. Oleum supernatans ab aqua rite separatur. Intus sumptum, iisdem viribus donatur ac Absynthium. Externe gossypio exceptum, & umbilico admotum, intestinorum vermes necat. Dosis a gutt. ij. ad x. Ex eo paratur oleo-saccharum Absynthites quod facilius aquosis mensuris admiscetur, quam oleum.

Extractum Absynthii fit ex succo folior. Absynthii expresso, & ad mellaginem aut ad extracti consistentiam, evaporato. Extractum magis adstringit quam Absynthium, aut cæteræ ejus præparationes. Exhibetur a ℥j. ad ℥ss. aut ℥j.

Sal fixus Absynthii fit ex lixivio cinerum plantæ combustæ, quod rite percolatum, evaporatur ad ficcitatem usque. Sic remanet sal rufescens, qui, si non satis purgatus videatur, igne reverberii calcinatur, aqua solvitur; solutio autem percolatur & exhalatur, ita ut sal candidus & purus remaneat. Quidam salem hunc non summe purgatum expetunt, sed qualis extrahitur ex cineribus Absynthii in vase clauso calcinati: tunc enim sal ille neque candidus, sed rufescens, neque mere alcalinus, sed salsus adhuc remanet, & multo sulphure imprægnatus, ac proinde plantæ virtutibus adhuc imbutus. Sed tunc aut plantam ipsam pulveratam, aut ejus succum, aut extractum, aut salem essentialem, anteposenda censerem.

Sali Absynthii fixo virtus febrifuga tribuitur, & in primis adversus tertianam, a Sim. Paulli commendatur. Dosis a ℥j. a ℥ss. Observandum est salem illum admodum acrem esse, ac proinde, non majori copia exhibendum, nec nisi multo liquore dilutum, ne acrimonia sua gulam, & ventriculum lædat. Ad obstructions removendas utiliter exhibetur. Usitatissimus est apud Medicos Londinenses, & a Riverio, Sidenhamioque, com-

inendatur ad vomitum compescendum, in febribus biliosis, iliaca passione aliisque affectibus.

℥. Summitatum Absynthii siccatar. pug. j. Infunde in aquæ servidæ ℥vj. Macerentur paululum. Infusum, cum tantillulo Sacchari, calens hauriatur, ad appetitum excitandum, concoctionem adjuvandam, ventriculum & viscera roboranda, menstruas purgationes mulierum promovendas, &c.

℥. Absynthii exsiccati & pulverati ℥ß. Croci Martis sub rore majali præparati ℥iij. Gumm. Ammoniac. ℥j. Croci ℥j. Syrup. de Absynthio vel Menthæ q. s. Misce, fiat opiata. Dosis ℥ß. bis in die, servatis servandis, ad menses suppressos, cachexiam, icterum, hydropem, obstructions, & quoscumque, id genus, morbos, qui a sanguinis lentore & crassitudine, aut a fibrarum tono nimis laxo pendent.

℥. Tincturæ Absynthii ℥ij. Spir. carminativ. Sylvii ℥ß. Syrup. Menthæ ℥j. Fiat mixtura. Cochlear unum exhibeatur in colicis & flatulentis affectionibus, ciborum inappetentia, aut difficili coctione, ventriculi imbecillitate & frigiditate, alvi profluvio, &c.

℥. Vini Absynthitis ℥xij. Pulpæ Colocyntidos minutim concisæ ℥ß. Macerentur per xxiiij. horas. Fiat colatura. Fit vinum catharticum quod phlegma crassum & viscidum, ventriculi & intestinorum parietibus inhærens, dissolvit & vacuat, & mesenterii obstructions resolvit. Exhibeantur ℥iij. singulis diebus mane, jejuno ventriculo.

℥. Salis Absynthii ℥j. succi Limon. ℥j. Aq. Menthæ ℥j. Fiat mixtura, bis, terve, die iteranda. Vel:

℥. Sal. Absynth. ℥ij. Aq. Puleg. vel Menth. crisp. ℥vj. Fiat mixtura, cujus cochlear unum in singulis jusculis permiscendum est contra vomitionem.

℥. Salis Absynth. & Nitri purificati, ana q. l. Solve in aq. Cichor. q. s. Solutio percolata ad siccitatem evaporetur. Exhibetur adversus tertianam ad ℥ß. aut ℥j. in vino, cerevisia, aut alio liquore idoneo, cum tantillulo Sacchari edulcorato, paulo ante paroxysmum, & sudorem provocare solet.

Externe adhibitum, ventriculum & intestina roborat, vermes necat, putredini resistit, tumores resolvit, dolores & inflammationes incipientes discutit. In cataplasmatibus resolventibus recipitur, & in vino aromatico, seu defensivo contra putredinem.

℥. Folior. Absynth. virentium partes duas. Axungię Porcinæ, p. unam. Contundantur simul, & fiat cataplasma collo calide admo- vendum in angina.

℥. Folior. Absynth. & Parietar. part. æqual. Contundantur, & ca- lide parti dolenti applicentur sub forma cataplasmatidis, aut decocto earumdem herbarum pars affecta foveatur ad dolores externos sedan- dos, incipientes inflammationes compescendas, & contusiones re- solvendas.

℥. Folior. Absynth. & Senecionis, ana M. ij. Flor. Chamæmeli & Melilot. ana M. j. Rad. Ireos & Bryon minutim incisarum, ana ℥ij.

℥ij. Coquantur ex arte in aq. com. q. s. ad putrilaginem. Contundantur in mortar. marmor. & per cribrum pultis trajiciatur. Cui affund. vini albi ℥ij. Pulver. Absynthii, Cumini, ana ℥j. Quatuor Farinar. resolventium ℥iiij. Olei Chamæmeli ℥iiij. Coquantur lento igne ad debitam spissitudinem, & fiat cataplasma resolvens.

℥℥. Folior. & summitatum Absynth. majoris, radic. Cucumeris sylvest. ana q. s. Decoquantur in aq. partibus ij. & olei part. iij. Hydrolæo mediocriter calente pars dolens foveatur. Radices & Absynthium contusa in modum linimenti capiti apponantur, ad hemicraniam curandam.

℥℥. Folior. Absynthii majoris, Abrotani, Tanaceti, summitatum Sabinæ ana M. j. Radic. Aristoloch. rotund. ℥j. Helleborastri M. β. Pulpæ Colocynthid. Aloes ana ℥j. Fiat decoctum in aquæ ℥iiij. ad ℥ij. Coletur pro fotu abdominis regioni calide admovendo, ad verminosos affectus.

℥℥. Olei essentialis Absynthii, gutt. viij. Aloes pulverat. ℥ij. Fellis bov. vin. q. s. Misce, fiat emplastrum quod super alutam ductum umbilico applicetur. Contra vermes.

In officinis servantur Oleum Absynthii per infusionem paratum; Syrupus de Absynthio, tum simplex, tum compositus. Præterea Absynthium usurpatur in Pulvere contra rabiem Palmarii, Syrupo cachectico, & Syrupo henterico, Charas, Confectione Hamech, Pilulis sine quibus, aggregativis, de Rhabarbaro, pro morbo colico, Charas, stomachicis *Ejusdem*, Unguento martiato, Unguento mundificativo de Apio, Emplastro de Meliloro, Balsamo tranquillante Franciscanor. Regior. & Aqua vulneraria.

Absynthium Tenuifolium seu minus seu Ponticum *Officinar.* Absynthium Ponticum, tenuifolium, incanum C. B. P. 128. *Inst.* R. H. 457. Absynthium Ponticum, vulgare, folio inferius albo. J. B. 3. 175. Absynthium tenuifolium *Dodonæi Pemptad.* 24. vulgo, *Petite Absynthe*, *Absynthe*, *Pontique*.

Numerosas spargit radices parvas, crebris fibris intertextas, lignosas & sapore aromatico præditas: caules vero ex eadem radice plures erigit cubitales & sesquicubitales, teretes, glabros, virescentes, aut ex virore rubescentes, purpurascentesve, frequentibus adnatis ab initio ad summum usque ramosos; folia non minus tenuiter incisa quam Abrotani, sed brevioribus, concinnioribusque segmentis, brevi & incana lanugine pubescunt, potissimum inferna parte, odore suavi, sapore subamaro. Flores quales in latifolio Absynthio, sed minores & oblongi, vehementiorem spirant odorem quam folia. Colitur in hortis, ubi, repente sub terris radice, mirum in modum multiplicatur.

Analyfi Chymica, Absynthii tenuifolii foliorum & summitatum nondum floridarum ℥v. exhibuerunt phlegmatis limpidi, odorati & sapidi obscure subacidi ℥j. ℥x. ℥iiij. gr. xxxvj. cum aliqua olei essentialis portione: humoris limpidi, adhuc odorati & sapidi, manifeste acidi & austeri, cum olei essen.

essentialis tantillulo, ℥xv. ℥j. gr. lxij. humoris rufescentis turbidi, sale volatili urinoso imprægnati ℥ij. ℥vj. gr. xxxvj. olei tum tenuioris & essentialis, tum adiposi ℥iij. ℥j. gr. xv. salis volatilis urinosi, concreti gr. xix. Massa nigra in retorta superstes pendebat ℥viij. ℥j. gr. xxx. quæ igne reverberii calcinata reliquit cinerum leucophæorum ℥ij. ℥iij. gr. xv. ex quibus lixivio, salis fixi mere alcali ℥j. ℥v. gr. xvj. prodierunt. Partium jactura in distillatione fuit ℔j. ℥viij. ℥j. gr. xvij. In calcinatione ℥v. ℥v. gr. xv.

Hæc analysis in Absinthio tenuifolio, maximam partium tenuium, tum salinarum, tum sulphurearum copiam nobis commonstrat, tam ratione jacturæ in distillatione, quam ratione olei essentialis & salis volatilis: quod quidem plantæ odore & sapore vehementi confirmatur. Verum ejus oleum essentielle minus amarum est, quam in Absinthio latifolio.

Absinthio minori seu tenuifolio eadem tribuuntur virtutes, quæ in majori dignoscuntur. Minus tamen amarum est & magis aromaticum: unde palato quidem magis gratum, sed tamen idcirco minus efficax censemus. Ejus Conditum a Matthiolo ad aquam intercutim commendatur tanquam expertum remedium, si ejus Conditi ℥ß. quotidie assumatur tribus horis ante cibum: quod de hydrope qui a nimia fibrarum flacciditate & laxitate pendet, aut a sanguinis vel seri crassitudine & tenacitate, intelligendum.

Eadem ex hoc Absinthio fieri possunt præparationes quæ ex majore fieri solent, sed in officinis minus usitatæ sunt.

A C A N T H U S.

A Canthus five Branca ursina *Officinarum*. Acanthus sativus vel mollis Vergilii *C. B. P.* 383. *Inst. R. H.* 176. Carduus Acanthus five Branca ursina *J. B.* 3. 75. Acanthus sativus *Dod. Pempt.* 719. Pœderota, Melamphillum, Marmoraria quorundam, vulgo *Acanthe* ou *Branche Ursine*.

Radicibus est crassis, carnosis, hac illac diffusis, foris nigricantibus, intus candidis, & capillitio stipatis. Folia humifusa cubitum æquant, & quandoque superant longitudine, spithamam amplitudine, mollia, obscure virentia, glabra, nitida, sinuosa, & quodammodo crispa. Caulis ad duos cubitos erigitur rectus, firmus, longa serie donatus florum eleganter thyrsi modo dispositorum: singuli autem perfecti sunt, monopetali, anomali, carnei quodammodo coloris: antè trifariam dividuntur, & rictum imitantur, qui labio superiori caret, inferius vero amplum & convexum obtinet; posterius in annulum desinunt, staminibusque donantur labii superioris locum occupantibus, apicesque scoparum æmulos sustinentibus; calycibus foliosis coercentur, viridibus, per extremum laciniatis, nonnihil spinosis, & veluti nucamenta quædam oblonga referentibus. E calyce surgit pistillum posticæ floris parti seu annulo ad instar clavi infixum, quod abit in fructum glandiformem, calyce obvolutum, septo intermedio in loculamenta duo distinctum, in quibus singulis semen unicum continetur subrufum, compressum, duriusculum, duas tresve lineas latum.

Tota

Tota planta succo turget glutinoso & mucilaginoso. In Italia & Sicilia copiose nascitur. Hic in hortis colitur. Multiplicatur autem facile germinibus a matre avulsis, & pinguiori terræ commissis.

Distinguendum autem est inter Brancam urfinam Italorum, quæ est noster Acanthus, & Brancam urfinam Germanorum, quæ est Sphondylium vulgare.

Analyti chymica, ex folior. Acanthi recentium ℥v. prodierunt phlegmatis limpidi, odoris & saporis expertis, sale salso aliquantisper & obscure imbuti, quod nempe salis Saturni solutionem turbidam efficit, ℥ix. ℥iij. gr. xxxvj. humoris obscure subacidi, deinde manifeste acidi, tum etiam aliquantisper alcalini, ℥ij. ℥xiiij. gr. xxiiij. humoris rufescentis empyreumatici, tum leviter acidi, tum alcali urinosi, & multo sale volatili imprægnati ℥j. ℥iij. olei tum fluidi, tum spissioris ℥vj. gr. xxxvj. Massa nigra in retorta residua pendebat ℥iij. ℥j. quæ igne reverberii calcinata reliquit cinerum subalbidorum ℥j. ℥iij. gran. xij. ex quibus lixivio, fuerunt extracta salis fixi mere alcali ℥iij. gran. lx. Partium jactura in distillatione fuit ℥iij. ℥j. gran. xlvij. in calcinatione ℥j. ℥iij. gran. lx.

Ex hac analyti & lentore glutinosi hujus plantæ succi, concludere licet, eam constare ex sale Ammoniacali copioso & mediocri olei portione, multo phlegmate dilutis.

Acanthus inter emollientes numeratur herbas quæ sunt Malva, Mercurialis, Parietaria, Beta, & Acanthus. Folia tantum usurpari solent, in clysteribus, fomentis & cataplasmatibus emollientibus, & paregoricis, seu dolorem sedantibus. Dolorem lenit & alvum emollit.

℥. Folior. Acanth. Malv. Parietar. Mercurial. Betæ, Viol. Atrip. & Senecionis ana M. j. Coquantur in aq. commun. quant. sufficit. In colaturæ ℥j. dissolve Mellis Nenuphar. ℥iij. Crystall. mineral. ℥j. Fiat enema emolliens.

℥. Rad. Althææ, Nenuphar. & bulbor. Lilior. albor. ana ℥j. Folior. Acanthi, Malv. Parietar. ana M. j. Flor. Chamæmeli & Meliloti ana P. iij. Coq. in aq. q. s. deinde colentur. Liquor servetur pro fotu emolliente instituendo calide cum linteis quadruplicatis, vel pannis laneis molliusculis dicto liquore imbutis, leviter expressis & mutatis quoties refrixerint.

℥. Rad. Alth. mundatar. & minutim incisar. ℥iij. Coquantur in aq. comm. quant. suffic. donec insigniter mollescant. Deinde adde folior. Branc. urfin. Malvæ, Parietar. Violar. & Mercurial. ana M. j. Caricar. pingu. n. xij. Coquantur omnia ad putrilaginem usque. Contundantur in mortar. marmor. & per cribrum setac. trajiciantur. Pulpa secreta cum farinæ Lini & Fenugræci ana ℥ij. Olei Lilior. ℥iij. Coquantur lento igne sæpius agitando ad debitam spissitudinem. Et fiat cataplasma emolliens.

Dodonæus refert Acanthi radices prodesse tabidis sanguinem spucentibus, tum ex alto delapsis, ab ictu aut conatu aliquo supra vires læsis, non minus quam Symphiti majoris radices, quas substantia, lento succo, & qualitatibus proxime referunt. Rarissime tamen in usum medicum veniunt, quoniam Symphiti radices anteponuntur.

Acanthi folia Veteres ob figuræ venustatem, & elegantiam epistyliis, seu columnarum capitulis insculpere solebant. Vestibus etiam pretiosis figuram Acanthi foliorum circumtexebant: unde Virgilius:

Et circumtextum croceo velamen Acantho.

ACETOSA seu OXALIS.

Ex pluribus Acetosæ speciebus duæ potissimum in usum Medicum, & culinarium veniunt, scilicet Acetosa vulgaris vel pratensis folio longo, & Acetosa rotundifolia.

Acetosa vulgaris, Acetosa pratensis, Oxalis pratensis *Officinarum*. Acetosa pratensis, C. B. P. 114. *Inst. R. H.* 502. Oxalis vulgaris folio longo J. B. 2. 989. Oxalis, *Dod. Pempt.* 648. *Ozeille longue ou Vinette*.

Radice est fibrosa, longa, sublutea, amara, & stiptica: foliis alternis palmam superantibus acutis, qua pediculo adhærent falcatis, & auritis, atroviuentibus, acidis, & succulentis. Caulis striatus, cubitalis, & ramosus flores sustinet apetalos, plurimis scilicet constante staminibus cum apicibus luteis surgentibus ex calice hexaphyllo. Joannes Rajus observat in hac plantæ specie, nonnullas flores steriles seu incompletos dumtaxat proferre, alias completos. Floribus sterilibus nullum succedit semen: floribus completis seu perfectis pistillum abit in semen triquetrum, spadicum ac nudum, obvolutum capsula foliacea triangulari, quæ conficitur ex tribus calycis foliis, cæteris tribus marcescentibus. Occurrit vulgo in pratis, & sylvis agri Parisiensis, & in hortis colitur ad usum culinarium.

In usum Medicum veniunt folia, radix, semen, quæ seorsim consideranda sunt. Analyti chymica, recentium, & succulentorum Acetosæ pratensis foliorum ℥v. per balneum vaporosum distillatæ, præbuerunt humoris limpidi, herbam virentem sapore, & odore referentis, acidi primum obicuri, deinde manifesti, ac tandem intensi ℥iij. ℥j. ℥v. deinde massa exsiccata, per retortam distillata fudit humoris rufescentis empyreumatici, tum acidi, tum alcali urinosi ℥ij. ℥vij. gr. xiiij. cum salis volatilis urinosi granis aliquot: olei spissioris, & adiposæ consistentiæ ℥j. ℥j. gr. lvij. Massa nigra in retorta superstes pendebat ℥iij. ℥vj. gr. xxxvj. quæ per decem horas calcinata reliquit cinerum albicantium ℥j. ℥ij. ex quibus lixivio, salis mere alcali fixi ℥ij. gr. xxiiij. extracta fuerunt. Partium jactura in distillatione fuit ℥vj. ℥iij. gr. xxxvj. in calcinatione ℥ij. ℥iij. gr. xxxvj.

Præterea succus Acetosæ saporis est acidi manifesti, & chartam subcœruleam, purpuream efficit. Sal essentialis Acetosæ in carbones injectus eodem fere modo ac Nitrum fulminando deflagrat. Si vero cum sale Tartari permisceatur, odorem urinosum exhalat, haud dissimili ratione ac sal Ammoniacus. Adeo ut Acetosa videatur constare sale essentiali Ammoniacali, simili salis qui exurgeret ex acido Nitri spiritu, & sale urinoso, olei portione mediocri, & pauca terra, multo phlegmate dilutis.

Ex

Ex recentium *Acetosæ pratensis* radicum ℥v. balneo vaporoso distillatis; prodierunt phlegmatis limpidi, saporis herbidi subacidi ℥iij. ℥j. jam exsiccatæ radices per retortam distillatæ, præbuerunt humoris empyreumatici rufescentis, tum acidi, tum alcali urinosi ℥vij. ℥ij. gr. liij. olei spissioris consistentiæ ℥iij. ℥ij. gr. xvij. Massa nigra in retorta superstes pendebat ℥xij. ℥ij. quæ igne reverberii calcinata reliquit cinerum ℥iij. ℥j. gr. xlvij. ex quibus salis fixi subsalsi ℥ij. gr. vj. fuerunt extracta. Partium jactura in distillatione fuit ℥viii. ℥j. in calcinatione ℥ix. gr. xxiiij.

Succus radicum cœruleam chartam, purpuream efficit: sed color ille purpureus paulo post evanescit, maculam fuscā relinquendo ob magnam copiam olei conjuncti, quod paulatim super partes ab acido evolutas diffunditur.

Radices majorem olei, & terræ quantitatem continent quam folia, triplum fere: quibus sal essentialis Ammoniacalis, Nitrosus, qualis in foliis deprehenditur, involvitur. Hinc sapor stipticus, & amarus radicum; hinc etiam vis aperiendi aut obstructions viscerum referandi qua donantur. Econtra in foliis in quibus acidum magis explicitum est, & evolutum, vis refrigerandi seu sanguinis, & bilis motum fermentativum compescendi deprehenditur.

Ex seminum *Acetosæ* recentium ℥v. prodierunt humoris fere inodori, & insipidi, qui tamen salis alcali notas præbuit ℥vij. ℥vj. humoris non-nihil turbidi, manifeste acidi, & aliquantisper urinosi ℥v. ℥v. humoris rufescentis empyreumatici, tum acidi, tum urinosi, & sale volatili imprægnati ℥vj. ℥vj. gr. xlvij. olei ℥ix. ℥j. Massa nigra in retorta superstes pendebat ℥bj. ℥vj. ℥vij. gr. xxxvj. quæ igne reverberii calcinata reliquit cinerum leucophæorum ℥iij. ℥vij. gran. lx. ex quibus lixivio, extracta fuerunt salis falsi foliati, & quasi talcosi, ℥j. gr. xvj. Jactura partium in distillatione fuit ℥bj. ℥j. ℥v. gran. lx. in calcinatione ℥bj. ℥ij. ℥vij. gr. xlvij.

Semina *Acetosæ pratensis* multo plus salis volatilis, tum acidi, tum urinosi continent, quam folia vel radices. Hæc autem principia non solum in aqueis liquoribus continentur, sed etiam partim avolant in distillatione, (jactura enim partium in seminum analysi longe major est,) partim cum oleosis partibus concresecunt, & irretiuntur in capite mortuo vel carbone, cujus massa carbonariam foliorum, & radicum massam longe superat. Olei quantitas non solum triplo major est olei quantitate in radicibus reperta, sed eam multo magis superat: quandoquidem major pars massæ nigræ in retorta residuæ ex oleo producitur, ut ex hujus massæ deflagratione satis liquet. Hinc seminis virtus a foliis, & radicibus prorsus diversa est. Constat nempe ex oleo copioso cum salis Ammoniacalis portione non mediocri, a qua cardiaca ejus virtus pendet. Ab oleosis quoque partibus semen obtinet vim humores acres demulcendi, tenuiores inspissandi, æstuentes compescendi, partium fibras molliendi, & flexiliores efficiendi.

Acetosa, & *Oxalis rotundifolia* seu *hortensis* *Officinar.* *Acetosa rotundifolia hortensis* C. B. P. 144. *Inst.* R. H. 503. *Oxalis folio rotundiore repens* J. B. 2. 990. *Acetosa rotundifolia.* *Dod. Pempt.* 649. *Ozeille ronde.*

Ex radice tenui, repente, saporis adstringentis, caules cubito longiores emit-
tit,

tit, tenues, repentes: foliis vero subinde ludit modo rotundis fere, modo alarum appendicibus donatis, alias sagittæ instar mucronatis, pinnatifque, colore glauco aut pallido, pinguiusculis, delicato acore præditis. Flores & semina Acetosæ vulgaris non dissimilia sunt. In hortis ad culinarium usum feritur.

Analysi Chimica, ex Acetosæ rotundifoliæ floridæ ℥v. prodierunt humoris limpidi herbam viridem odore & sapore referentis, tum acidi, tum aliquantisper salis aut urinosi, ℥j. ℥viii. ℥v. gr. iiij. humoris limpidi, intense acidi, austeri, tum etiam urinosi, ℥ij. ℥xiiij. ℥iiij. gr. xxxvj. humoris rufescentis empyreumatici acidi, austeri & sale volatili urinoso imprægnati, ℥ij. ℥j. gran. xxiiij. olei spissioris & adiposæ consistentiæ, ℥j. ℥j. gran. lx. Massa nigra in retorta residua pendebat ℥iiij. ℥v. gran. xxiiij. quæ igne reverberii calcinata reliquit cinerum, ℥vij. gran. liij. ex quibus salis fixi mere alcali ℥iiij. gr. xij. lixivio fuerunt extracta. Partium jactura in distillatione fuit, ℥ij. ℥v. gr. lvj. in calcinatione, ℥ij. ℥v. gr. xlij.

Acetosa rotundifolia paulo plus phlegmatis continebat, quam pratensis, minus terræ, plus salis fixi. Cæterum, sicut Acetosa pratensis, sale Ammoniacali nitroso & oleo phlegmate multo dilutis componitur.

Utriusque Acetosæ folia gratissimum embamma seu intinctum nec spernendum præbent: gratiores enim escas reddunt, & cibi appetentiam augent acidulo suo sapore.

Intus sumpta refrigerant, id est, motum sanguinis fermentativum & intestinum, fluiditatemque minuunt, expansionem coercent, sicque caloris sensum præsertim in visceribus temperant, æstuantem choleram reprimunt, tenuiorem inspissant, acriorem emendant, sitim sedant, appetitum excitant, & putredini resistunt: Unde in biliosis febribus, tum simplicibus, tum pestilentibus, usitatissima sunt & utilissima. In jusculis & apozematibus temperatis alterantibus & aperientibus incoquantur. Succus expressus & defæcatus solus vel sorbitionibus immixtus propinatur: & ex eo cum Saccharo cocto syrupus conficitur. Conditum quoque ex foliis præparatur, & aqua distillatur, quæ quidem succo vel decocto multo languidior est, minorumque virium. In febribus intermittentibus biliosis, tertiana & duplici tertiana, succus Acetosæ felici cum successu exhibetur, præsertim verno tempore, ad ℥vj. vel ℥viii. ineunte paroxysmo, præmissis præmittendis. Iteratur donec æger sanatus fuerit. Cavendum tamen ne pulmo quamdam patiatur læsionem; tunc enim ab hoc remedio abstinendum foret, ne ab acido prava hujus visceris dispositio augeatur. Medicina in scorbuto specifica existimatur. Clarissim. vir, & in praxi medica exercitatissimus Doctor Morinus, dum viveret Nosocomii Parisiensis Medicus ordinarius, scorbuticos quamplurimos sanavit, eorum alimenta foliis Acetosæ coctis immiscendo. Thomas Bartholinus *Actis Hafniensibus* 1671. *Observat.* 9. refert: „Groenlandos populos scorbuto misere vexari, sanari vero miscendo Cochleariam & Acetosam simul in jusculis suis avenaceis vel hordeaceis. Has duas plantas co- piose simul crescere in hac regione, quasi seorsim sumi non

„ debeant , ne separatæ noceant , quippe una sale volatili oleoso , al-
 „ tera acido turgescit , ex quarum mixtura media qualitas exsurgit :
 „ modum autem eas assumendi hunc esse usitatum , ut carnem recen-
 „ tem cum avenacea vel hordeacea ptisana excoquant , ejusque deco-
 „ ctum his herbis scorbuticis condiant , & hujus alimenti medicamen-
 „ tosi usu ita laxari alvum , ac si medicamentum catharticum haufif-
 „ sent . “ Hæc scorbutum curandi methodus a Thoma Sydenham proba-
 tur , qui Cochleariæ , cæterarumque plantarum scorbuticarum acrium fuc-
 cos , nonnisi Aurantiorum vel Citriorum Malorum succo temperatos
 præscribit .

Radix non acida est , sed amara & adstringens . Obstructiones aperit ,
 urinas ciet , quapropter in decoctis aperientibus usurpatur . Siccata & de-
 cocta rubello colore eleganti aquas tingit .

Semen inter cardiaca medicamenta numeratur : præterea vis adstringen-
 di in alvi profluviis , & in dysenteria ipsi tribuitur : quæ quidem virtus
 adstrictoria , non tam ab ejus stypticitate pendet , quam ab oleosis ejus
 partibus , quæ humorum acrimoniam demulcent .

℥. Rad. Cichor. Bugloss. folior. Cichor. Bugloss. Borriginis , Lactuc.
 Portulac. & Acetos. rotund. ana M. ℥. Hordei integr. P. j. Fiat de-
 coctum cum pullo Gallinaceo aut frustulo colli carnis vitulinæ . Fiat
 jusculum refrigerans , mane sumendum .

℥. Seri lactis optime depurati ℔j. in quo leviter incoque folior. Aceto-
 sæ M. j. ℥. Fiat colatura , cui adde Syrup. Violat. ℥ij. Dividatur in
 duas doses mane , jejuno ventriculo , sumendas .

℥. Hordei integr. pugill. ij. Rad. Acetosæ & Gramin. ana ℥j. Coquan-
 tur in aq. fluviatil. ℔iij. ad ℔ij. Decoctum servetur pro potu diure-
 tico & aperiente .

℥. Folior. & rad. Cichor. sylv. Taraxac. Fragar. Borrig. & Bugloss.
 ana M. j. Rad. Acetosæ , Gramin. ana ℥ij. Folior. Agrimon. M. j.
 Coquantur , ut artis est , in aq. comm. ℔ix. in vase terreo vel fer-
 reo . Fiat Apozema , vulgo , *Bouillon rouge* .

℥. Amygdalarum dulc. excorticatarum ℥ss. Semin. Acetos. Melon. &
 Card. bened. ana ℥ij. Contund. in mortar. marmor. sensim affund.
 aquar. Scabiosæ . Ulmar. & Scorfonner. ana ℥iij. Fiat emulsio , pro
 duabus dosibus , cuique adde Syrup. flaved. Citri , vel Syrup. Caryo-
 phyllor. hortens. ℥ss. Capiat vesperi & mane in febribus malignis &
 variolis , in quibus caloris æstus temperandus , acrimonia humorum
 demulcenda , & diaphoresis juvanda .

Acetosæ folia contusa aut cocta & externe admota potenter resolvunt ,
 maturant & suppurationem promovent , tenuibus nempe & volatilibus
 suis particulis , tum acidis , tum urinosis , quæ in tumorem penetrant ,
 humorem commovent & attenuant . Si vero humor ille hujus sit in-
 dolis , ut totus facile attenuari possit , resolvitur & per cutis poros
 dissipatur , aut vasa debita remeat . Si vero crassior sit quam ut resolvi
 possit , assiduo motu agitatur ejus moleculæ fermentescunt , rarescunt ,
 & in pus convertuntur : tumor humoris rarefcentia attollitur , ac tandem
 rumpitur .

Riverius observationem proponit de ganglio in genu resoluto , sine sup-
 pura-

uratione, cataplasmate præparato ex foliis Acetosæ sub cinere coctis, & cineribus permixtis, supra tumorem admoto.

24. Folior. Acetosæ q. l. foliis Brassicæ vel charta madida involutor. Sub cineribus coquantur; cocta cum fermento misceantur, & fiat cataplasma tumori applicandum ad suppurationem promovendam.

24. Oxalid. folia. Coque cum Axungia veteri, & fiat cataplasma, quod phlegmonem brevi ad suppurationem perducit.

24. Oxalid. & Arnogloss. p. æq. Coq. in Oxymelite. Contund. postea & trajiciantur, addendo cuique libræ Theriac. veter. 3ß. Fiat cataplasma in carbunculo & malignis inflammatis pustulis.

Acetosæ Conditum usurpatur in Opiata *Salomonis*.

Semen in Confectione de Hyacinthis, & Pulvere Diamargariti frigidi, Charas, Syrupo Elleborato *Quercetani*, Diascordio *Fracastoris*.

ADIANTUM.

Adianti species septem in officinis distinguuntur, scilicet, 1. *Adiantum verum seu Capillus Veneris*. 2. *Adiantum Americanum*. 3. *Adiantum nigrum*. 4. *Adiantum album Filicis folio*. 5. *Adiantum album foliis Rutæ*. 6. *Adiantum rubrum*. 7. *Adiantum aureum*. Quæ quidem herbæ *Capillares* quoque nunc dicuntur, licet sub titulo *Capillarium* in antiquis Pharmacopœis, quatuor tantum ex his comprehendantur, scilicet, *Adiantum verum*, *Adiantum nigrum*, *Adiantum album folio Rutæ*, *Adiantum rubrum*, quibus quinta adscribitur planta, *Ceterac dicta*. De *Ceterac* suo loco: nunc de *Adianti* speciebus.

Adiantum verum. *Capillus Veneris verus*. *Capillus Veneris Monspelienfis*, *Officinarum*. *Adiantum foliis Coriandri*, C. B. P. 355. *Inst. R. H.* 543. *Adiantum sive Capillus Veneris J. B.* 3. 751. vulgo, *Capillaire de Montpellier*.

E radice tenui, transverse imposita, carnosa & fibrosa, oriuntur pediculi palmam superantes, exiles, nigri, nitidi, splendentes, ramosi, folia sustinentes alterna, quatuor aut quinque lineas lata, nonnihil breviora, viridia, cristata, radiatim quasi striata, glabra, profundis quibusdam incisuris *Coriandri* foliorum inferiorum ritu ferme dissecta, tactu mollia, aliquantisper odorata, & sapore nonnihil adstringente, subamaricante, non ingrato. Floribus carere videtur: sed mense Septembri crenulæ producuntur & duplicantur, sibi invicem adhærentes. His in sinibus seu foliorum complicationibus fructus continentur, seu capsulæ membranaceæ sphæricæ admodum exiles, annulo vi elastica donato munitæ, accurate a Cl. Tournefortio observatæ, & in *Elementis Botanicis* descriptæ. Annuli contractione capsulæ

aperiuntur, & in his semina minutissima pulvisculi instar contineri microscopii opeprehenduntur. Nonnulli tamen floris nomine eas prominentias insignire volunt, dum adhuc virides sunt, & antequam pulvisculum seminale fundant. Alii quoque contendunt capsulas illas non fructus esse, sed flores seu apices floridos, illumque pulverem inibi contentum non semen esse, sed pulvisculum floridum, qualis in florum apicibus contineri solet. Res tempore dilucidabitur. Prior tamen sententia nobis magis verisimilis videtur. Nascitur in puteorum marginibus & rupibus aspergine madentibus Galliae Narbonensis. Quavis anni tempestate etiam hyeme viret. Vulgus Narbonense pro certo salubritatis aquarum signo habet Adianti circa puteos & fontes proventum.

Olim omnes herbæ Capillares in Officinis nostris usitatissimæ erant, nunc autem hic rarissime reperiuntur. Aliud Adianti genus ex America affertur, quod ob odoris fragrantiam & saporis gratiam huic anteponitur.

Adiantum Americanum, Adiantum Canadense, *Officinarum*: Adiantum Americanum *Cornuti 7. Inst. R. H. 543.* Adiantum fruticosum Brasilianum *C. B. P. 355. Prodrom. 15.* vulgo, *Capillaire de Canada.*

Ex Radice pusilla, capillamentis nigris fibrata, cauliculi ad spithamam & nonnunquam ad usum, alterumve cubitum assurgunt, atropurpurei, nitentes, ramosi, & latissime in orbem expansi: quibus utrinque adhærent duodecim & nonnunquam viginti folia Adianto vero proxima, parva, oblonga sed obtusa, incisuris superne tantum divisa, inferne integra & costa qua petiolo insident obducta, odore grato, præsertim dum aqua calida madent, sapore parum acerbo, non injucundo. Flores nulli conspicui sunt. Fructus more Adianti veri adversa folii parte profert. In Brasilia, Virginia, Canada, & aliis Americæ provinciis frequens nascitur.

Adiantum nigrum, *Officinarum*: Filicula quæ Adiantum nigrum Officinarum, pinnulis obtusioribus *Inst. R. H. 542.* Adiantum foliis longioribus pulverulentis, pediculo nigro, *C. B. P. 355.* Adiantum nigrum *J. B. 3. 743.* Dryopteris nigra *Dod. Pempt. 466.* vulgo, *Capillaire comm.*

Radix est transversa & fibris capillaribus nigris minuta saporis acerbi cum quadam dulcedine; ex qua pediculi prodeunt spithamei, firmi, nigri, nitidi, ramosi, cum foliis ad Filicem marem accedentibus, sed longe brevioribus, in segmenta crenata, mucronata & oblonga divisis. Floribus caret. Lineolis vero pulverulentis averfa foliorum parte de Filicum more distinguitur, quæ fructus continent seu capsulas rotundas, pulvere seminali aureo turgidas. In opacis ad radices arborum & fruticum & in aggeribus umbrosis, antiquisque muris passim in agro Parisiensi nascitur. Supradictis Capillaribus deficientibus in earum locum sequens nonnunquam substituitur.

Adiantum album Filicis folio, *Officinarum*: Filicula fontana major, sive Adiantum album folio Filicis *C. B. P. 358. Inst. R. H. 542.* Adiantum album Filicis folio, *J. C. 3. 711.* Dryopteris candida, *Dod. Pempt. 465.* vulgo, *Capillaire blanc.*

Radice est transversa, satis crassa, coloris herbacei, fibris nigricantibus onusta, saporis subdulcis cum majore adstrictione: pediculis spithameis tenuibus, fra-

fragilibus , virescentibus , nigricantibusve inferna parte : ramulis modo binis oppositis , modo alternatim adnatis ad duodecim aut quatuordecim paria , extremo scapo in folium abeunte , longissimis , duas tresve uncias æquantibus foliis alternatim adnatis , oblongis , altius incis , adeo ut e pluribus composita videantur ; mollibus , teneris , facile marcescentibus , averfa parte punctis primo virentibus , tandem ferrugineis , quæ capsulas seminales continent , aspersi ; sapore citra evidentem adstrictionem dulci , & pene fatuo , cum viscido lentore . Nascitur in locis umbrosis , muris antiquis , rivulorum , & fontium marginibus .

Adiantum album foliis Rutæ , Ruta muraria , Salvia vitæ *Officinar.* Ruta muraria C. B. P. 356. *Inst.* R. H. 541. J. B. 3. 753. *Dod. Tempt.* 470. Adiantum album . *Tab. Icon.* 796. Salvia vitæ , *Adversar. Lobel. Icon.* 811. Paronichia . *Matthioli* : Saxifraga seu Empetrum , *Fuchsi* : Filicula petrea Rutæ facie , *Moriss. Oxon.*

Radice est capillacea , tenui , nigricante , & subadstringente , e qua erumpunt petioli multi , duas vel tres uncias longi tenues , juxta radicem nigricantes aut atrorubentes , reliqua parte virentes , nonnihil in summo divaricati , folia sustinentes Rutæ hortensis similia , sed longe tenuiora , duas , tresve lineas longa , paulo angustiora , angulosa & in ambitu crenata , gustu acerba subadstringentia , cum aliqua dulcedine , superne virentia , averfa parte rufescente , aspersa pulvisculo , qui nihil aliud est quam acervulus capsularum sphaëricarum Adianti similium . Nascitur in rupibus & parietibus agri Parisiensis .

Adiantum rubrum , Trichomanes , Polytrichum *Officinarum* : Trichomanes sive Polytrichum *Officinarum* , C. B. P. 356. *Inst.* R. H. 539. J. B. 3. 754. Trichomanes *Dod. Tempt.* 471. Adiantum rubrum *Loniceri* : vulgo , *Politric.*

E Radice capillacea , fibrosa , & nigricante pediculos promit semipalmes aut palmes , atrorubentes , nitidos , teretes , rigidiusculos , fragiles in quibus per conjugationes utrinque vel alternatim oriuntur folia subrotunda , obtusa , viridia , glabra , in quorum averfa parte sacculi eminent squammosi , pleni plurium capsularum membranacearum , globosarum ferme , annulo elastica vi donato munitarum , sicut in Capilli Veneris fructibus , quæ annuli contractione rumpuntur seminaque pulverulenta emittunt tenuissima , & fusca . In umbrosis aggeribus , antiquis muris , humentibusque saxorum fissuris agri Parisiensis provenit .

Supra recensitarum Adianti specierum principia non adeo dissimilia sunt : quapropter duarum tantum specierum analysim exponemus , ex quibus de cæteris judicare licebit .

Analysi chymica , ex Adianti nigri foliorum ℥v. prodierunt phlegmatis limpidi fere inodori & insipidi , obscure acidi ℥x. ℥v. gr. xviii. humoris rufescentis , nonnihil empyreumatici , primo subacidi , deinde intense acidi ℥iiij. ℥ij. gr. l. humoris rufi sale volatili urinoso imprægnati ℥iiij. ℥iiij. gr. xlviii. olei spissioris , & adiposæ consistentiæ ℥ij. ℥iiij. gr. lxxvj. Massa residua in retorta superstes pendebat ℥ix. ℥iiij. gran. xviii. Quæ igne reverberii calcinata reliquit cinerum ℥ij. ℥j. gran. x. ex quibus salis fixi mere alcali ℥vij gr. xxxviii.

extracta fuerunt. Jactura partium in distillatione fuit ℥iij. ℥vj. gran. xv. in calcinatione ℥vij. ℥ij. gran. viij.

Ex Polytrichi folior. lbv. prodierunt phlegmatis limpidi, insipidi & inodori lbj. ℥vj. gr. xlij. humoris primo acidi, deinde austeri, limpidi, postea rufescentis aliquantisper empyreumatici & intense acidi lbj. ℥viij. gr. xij. humoris rufi empyreumatici tum acidi, tum urinosi & sale volatili imprægnati ℥iij. ℥ij. gran. xl. olei spissioris ℥ij. ℥vj. gran. xxxvj. Massa nigra in retorta superstes pendebat ℥vj. ℥vij. gr. lx. quæ igne reverberii calcinata reliquit cinerum ℥j. ℥j. gr. xxxvj. ex quibus salis fixi mere alcali ℥ij. gr. lvj. extracta fuerunt. Partium jactura in distillatione fuit ℥ix. ℥viij. gran. xlvij. in calcinatione ℥v. ℥vj. gran. xxiiij.

Itaque his in plantis multum acidi continetur, sed non mediocriter terræ portione implicitum, unde sal exurgit salsus, sali coralliorum haud dissimilis. Insuper inest aliquantulum salis ammoniacalis: ambo oleo copioso involvuntur, & multa aqua diluuntur. Unde compositum exurgit mucaginosum, salino-terreum & ammoniacale. Sapor eorum subadstringens a sale terreo; subdulcis autem a sulphure quosales involvuntur. Ab iisdem principiis virtutes pendunt quæ illis plantis tribuuntur, scilicet; humores acres blando suo sulphure demulcendi, sale ammoniacali crassiore incidendi, tenaces resolvendi, sale autem stiptico partes firmandi, roborandi, ac proinde viscerum obstructions referandi.

Plantæ Capillares stomachi cruditates leniunt, singultus ac diarrhæas inde pendentes curant, pituitam viscidam in pectore stagnantem ad expectorationem præparant: tussi contumaci, asthmati, difficili respirationi, peripneumonix ac pleuritidi medentur. In visceribus humores inspissatos inhærentes & obstructions procreantes, abstergunt: icterum sanant, hepatis & mesenterii glandulas obstructas referant: præcipue lieni amicæ & hujus visceris ægrotantis quasi specifica medicina creduntur. In mensibus non bene fluentibus & in affectionibus renum suas habent laudes. Uno verbo blanda qua donantur adstrictione partium fibras roborando, functiones vegetiores fiunt, humorum circuitus acceleratur, commolitio eorumdem succorum ac fluiditas augetur, excretiones promoventur.

Earum infusum vel decoctum propinatur. Vel seorsim vel promiscue usurpantur. Singularium Capillarium manipulus unus sumiter & levi ebullitione coquitur in libris quatuor aquæ, cum Liquiritiæ frustulo.

Adiantum Monspeliense a Petro Formio Doctore Medico Monspeliensi in *Libello de Adianto*, quem Gallice conscriptum prælo commisit, anno 1644. tanquam Panacæa & medicamentum universale ad omnium fere corporis partium sanitatem tuendam & morbos debellandos, vel solum sufficiens commendatur. Sed encomiastarum more, in ejus laudes nimis effertur. Ejus virtutes longe remissiores & debiliores esse usus & experientia demonstraverunt.

Inter varias formulas medicamentorum ex eo parandorum, ptisanam, seu Adianti infusum miris laudibus extollit, quo se complures parvulos & infantes exsiccatos & fere consumptos febre lenta ab obstru-

tio-

tionibus mesenterii orta, pristinae sanitati restituisse affirmat. Sic parari jubet.

24. Summitatum aut foliorum Adianti adhuc virentium & recens collectorum tres circiter manipulos; infundantur supra cineres calidos per spatium unius noctis, in duabus tribusve sextariis aquae fontanae optimae: tandemque, si placet, leviter ebulliant. Colatura vasi vitreo immixta pro potu ordinario inserviet vel sola, vel cum tantillo vini.

Ex Adianto Americano infusum in Theae modum paratur, palato gratum, in tussi & pectoris affectionibus, cum tantillo sacchari.

Ruta muraria viribus cum Adianto vero convenit. In tussi, asthma, re, pleuritide, ictero, obstructionibusque lienis prodest. Quin & ad renum vesicaeque dolores valet, urinam & arenulas expellit. Matthiolus praestare eam perhibet ad enteroceles puerorum, continuis quadraginta diebus pulvere exhibito. In scorbuto & cachexia optima est. Ettmullerus refert, Belgicos milites quosdam extreme scorbuto laborantes ex assumpta impura aqua, nullo alio medicamento curari potuisse, quam adhibito hujus plantae decocto.

Polytricho eadem tribuuntur facultates. Tragus asserit illud vel solum, vel cum Ruta muraria, vino aut hydromelite decoctum, & per aliquot dies ex ordine potum, obstructiones jecinoris solvere, morbum regium expellere, pulmonis vitia purgare, spirandi difficultati prodesse, duros lienis tumores emollire, urinam ciere, arenulas expellere, & mulierum menses suppressos promoveri.

Omnes Adianti species usurpantur in jusculis, decoctis, & apozematis aperientibus.

24. Capilli Vener. Adianti nigri, Polytrici, Rutae murariae & Ceter. ana M. j. Flor. Tussilaginis, pugill. ij. Rad. Althaeae ʒj. Coq. cum aq. limp. ℥iij. ad ℥ij. fiat apozema expectorans.

24. Herbar. quinque Capill. ana M. j. Cum frustulo carnis vitulinae, fiat jusculum aperiens.

Plantae Capillares sterilitatem inducere a quibusdam immerito accusantur. Ipsi vis cathartica ab Arabibus tribuitur, sed & acerbus nostrarum plantarum sapor, & experientia contrarium demonstrant.

Extrinsecus admotae quaedam capillorum defluvia curare, cutis nempe poros constringendo, achoras, strumas, & abscessus sanare dicuntur, incidendo, resolvendo, abstergendo, & constringendo.

Ex Adianto Monspelienfi vel Americano praeparatur Syrupus Capillorum Veneris simplex. Idem quoque Syrupus ex Canada affertur, cum saccharo Acerino confectus, ut jam diximus.

Quinque Capillares usurpantur in Syrupo Capillor. Veneris composito Renodaei.

Capillus Veneris usurpatur in Syrupo de Althaea, Jujubino, de Tussilagine composito seu antiasthmatico Charas; de Cichor. composito, antinephritico, Chalybeato aperiente Cathartico ejusdem, & Electuar. lenitivo.

Adiantum vulgare in Syrupo de Althaea & de Cichor. comp.

Polytrichum in Syrupo de Cichor. comp.

Adiantum aureum, *Polytrichum aureum*, *Officinarum*: Muscus capitulaceus major, pediculo, & capitulo crassioribus *Inst. R. H.* 550. *Polytrichum aureum majus*, *C. B. P.* 356. *Polytrichum Apulei majus* quibusdam, *J. B.* 3. 760. *Adiantum aureum Tabern. Icon.* 797. vulgo, *Perce-mousse*.

Radice est tenui, longa, fibrata, ex qua cauliculi assurgunt quatuor vel sex uncias longi, ab imo ad medium usque, foliis tenuibus angustioribus, longiusculis, & flavescentibus onusti; a medio ad summum nudi, & læves, quorum summitati innascitur capitulum oblongum, hians, & nutabundum, quod pulvisculum continet, more plurimarum musci specierum, qui a plurimis Botanicis pro semine habetur. In agri Parisiensis sylvis nascitur.

Hæc planta apud nos rarissimi est usus. Apud Germanos, observante S. Pauli, inter quinque Capillares herbas Officinales sub *Polytrichi* nomine numeratur, cum *Adianto* vero, *Ruta muraria*, *Trichomane*, & Ceterac. cum aliis Capillaribus interdum permiscetur aut iisdem substituitur pro tollendo pertinaci mucro pulmonibus aut cæteris visceribus impaeto. Cl. Tournefortius in agri Parisiensis plantarum historia eam ut diaphoreticam, & adversus pleuritidem præstantissimam commendat. Ejus decoctum vel aqua spiritiosa distillata usurpatur.

℥. *Adianti aurei*, M. j. Coquatur in aq. comm. ℥j. Exhibeatur per cyathos, tertia quaque hora propinandos in asthmate, pleuritide, & pectoris affectionibus.

Sic autem spiritus præparatur. Planta contusa, & aqua limpida irrorata per tres dies maceratur in vase clauso, donec incalescat: macerata distillatur. Aqua distillata novæ plantæ contusæ affunditur, iterum maceratur, & distillatur, quod quinquies iteratur: tandem post sex distillationes spiritus obtinetur subtilis, & sudorificus, qui ad ℥ij. vel ℥iij. propinatur in pleuritide, ad sudorem proliciendum.

A G E R A T U M.

A Geratum *Officinarum* & *Eupatorium Mesuæ*, quorumdam: *Pfarmica lutea* suaveolens, *Inst. R. H.* 497. *Ageratum foliis serratis*, *C. B. P.* 224. *Ageratum plerisque*, herba *Julia* quibusdam, *J. B.* 3. 142. *Balsamita minor*, *Dodonæi* 295. *Eupatorium Mesuæ*, *Tragi* 515. *Menta corymbifera minor*, *Cordi*: *Ageratum* sive *Costus hortorum minor*, *Parkins*.

Ex radice lignosa, minimi digiti crassitudine, varie implexa, & fibrosa, plurima exsurgunt virgulta, cubitalia, & altiora, tenuia, rotunda, ramosa, colore alias rubente, alias ex viridi pallescente, foliis numerosissimis, unciam unam aut alteram longis, angustis, profunde serratis & odoratis, ab imo ad summum stipata. In summis ramulis corymbi emicant compositi ex floribus radiatis, quorum discus ex plurimis flosculis luteis, corona vero ex semiflosculis ejusdem coloris componitur, embryonibus insidentibus, & calice squammoso comprehensis: embryones
autem

autem deinde abeunt in semina exigua, oblonga & pallide lutea. In Gallia Narbonensi circa Monspelim & alibi nascitur. Hic colitur in hortis. Planta cum foliis & floribus, necnon semina in usum medicum veniunt.

Analyſi chymica, Agerati folior. & summitatum floridarum ℥v. præbuerunt phlegmatis limpidi odorati obscure acidi ℥j. ℥viij. ℥iij. gr. xlv. cum olei essentialis alſquantulo; humoris intense acidi, austeri & sub finem obscure alcali urinosi ℥ij. ℥v. ℥iij. gr. lvij. humoris, rufescentis empyreumatici, tum acidi intensi, tum alcali urinosi & sale volatili imprægnati ℥ij. ℥vij. gr. lv. olei empyreumatici adiposæ crassitudinis ℥iij. ℥vj. gr. xxij. Massa nigra in retorta superstes pendebat ℥vj. ℥j. gr. xlij. quæ igne reverberii calcinata reliquit cinerum ℥ij. ℥j. gr. xxj. ex quibus lixivio, salis fixi mere alcali ℥vij. gr. xvij. extracta sunt. Partium deperditione in distillatione fuit ℥v. gr. lxxvij. in calcinatione ℥iij. gr. xxj. Per hanc analysim patet Ageratum constare ex sale ammoniacali & oleo, tum tenui, tum crasso conjunctis. Saporis est aromatici, amari, cum quadam adstrictione. Adstrictionis moderatæ ratione, ventriculum, hepar, & viscera aliquantisper firmat & roborat: ratione tenuium partium, humores attenuat, resolvit, abstergit, atque putredini resistit.

A Schrodero, Hofmanno, & Simone Paulli inter herbas hepaticas recensetur. Illud Ettmullerus ad emendandam sanguinis crasim vitiatam in morbis chronicis a viscerum obstructionibus oriundam, utilissimum prædicat. Ex eo infusa vel decocta parantur, necnon etiam epithemata & fœtus ad viscerum induratorum tumores resolvendos. Ad intestinorum vermes necandos præstantissimum censetur. Simon Paulli oleo ex eo distillato felici cum successu utebatur in verminantibus puerulis; quod ad guttas aliquot illis propinabatur, & gossypio exceptum umbilico eorum applicabatur. Ejusdem semen, semini contra vermes subrogari posse asserit, illudque usurpat in pulveris contra lumbricos ipsi familiaris compositione, & quo ad vermes cucurbitinos in quodam lanione enecandos felicissime usus fuerat.

℥. C. C. Philos. pp. Rad. Filicis, ana ℥ij. Corallin. Sem. Santon. Sem. Agerati, Tanaceti ana ℥j. Myrrh. select. Lig. Aloes, Flor. Sulphur. ana ℥ss. Sal. Nitri purific. ℥iij. Misce. Fiat l. a. pulvis, cujus ℥j. vel ℥jss. ex aqua Graminis vel Portulacæ, mane, jejuno ventriculo, sumitur.

Agerato vis alvum subducendi tribuitur, de qua tamen omnes non conveniunt.

Externe admota folia & summitates tumores resolvunt, splenis duritiem emolliunt, vel etiam infessu uteri tumores sanant. Ex Agerati, & Ophioglossi foliis contusis & in oleo Olivarum bulliendo coctis, cum Ceræ, Resinæ & Terebinthinæ tantillo, Gerardus Chirurgus Anglicus, Unguentum parat præstantissimum ad vulnera & ulcera sananda.

Usurpatur in Syrupo & in Trochiscis de Eupatorio *Mesue* dictis.

A G N U S.

Agnus, Agnus Castus & Vitex, *Officinarum*. Vitex foliis angustioribus, Cannabis modo dispositis, C. B. P. 475. *Inst. R. H.* 603. Agnus folio

lio non ferrato. *J. B.* 1. 205. *Vitex* *Dod. Pempt.* 774. *Salix amerina* ; *Matth.* *Elæagnon* *Theophrasti* , *Adversar.* *Lobel.* *Icon.* 138. *Agnus Castus* in *Officinis* inepte dicitur . *Castus* enim nihil aliud est quam expositio vocis græcæ ἀγνός .

Arbuscula est frequentibus brachiata ramis , lentis , flexilibus , frangi contumacibus . *Fronde* adverso ortu pediculis unciam unam aut alteram longis hærent digitati , *Lupini* vel *Cannabis* modo , in quinque fere lacinias seu folia particularia , oblonga , utrinque acuminata , mollia subdivisi , medio horum majore & longiore , coloris subtus cinerei , superius fusci propemodum . *Flores* odorati verticillatim spicato ordine virgularum fastigia circumdant , colore aut purpurei toti , aut purpurei albo intermixto , completi monopetali , irregulares , in sex septemve lacinias inæqualiter divisi quasi bilabiati , posterius tubulati . Ex singulo calyce etiam multifido surgit pistillum posticæ floris parti , ad instar clavi , infixum , quod deinde abit in fructum fere sphaericum , instar *Piperis* , saporis acris , in quatuor loculamenta divisum , totidemque seminibus foetum minutissimis & oblongis . In fluminum ripis asperis , torrentium alveis ac locis paludosis *Italiæ* meridionalium regionum sponte nascitur . Hic in hortis colitur . Folia , seu summitates in usum medicum veniunt , sicut & fructus seu grana rotunda , pipere minora , colore cinericeo nigricante , saporis acris , subadstringentis , exsiccantis .

Analyti chymica ex *Agni* fructuum recentium ℞ij. prodierunt phlegmatis limpidi odorati & saporis aromatici , tum acidi , tum alcali urinosi ℥iiij. humoris rufi , odoris & saporis empyreumatici , acidi intensi & alcali urinosi ℥vj. ℥ij. gr. xvij. olei ℥iiij. gr. liij. cujus quarta pars circiter adiposæ crassitudinis erat . *Massa* nigra in retorta superstes pendebat ℥ix. ℥vij. quæ per horas viginti igne reverberii in crucibulo calcinata reliquit cinerum spadiceorum ℥j. ℥iiij. ex quibus lixivio , salis fixi mere alcali ℥iiij. gr. xij. extracta sunt . Partium jactura in distillatione fuit ℥vij. ℥vj. in calcinatione ℥viiij. ℥iiij. Per hanc analysim liquet , *Agni* semina partibus tenuibus & volatilibus copiosis donari , quandoquidem dum distillantur , totius fere quarta pars in auras avolat , quam quidem non solæ alcalinæ urinosa particula , sed etiam acidæ & oleosæ tenues constituunt . Deinde multum olei continent , quod totius dimidium superat ; acidi salis portionem non mediocrem & aliquantulum ammoniacalis salis , pauxillum vero terræ . Sapor & odor partium tenuium abundantiam testantur .

De antivenereis *Agni* virtutibus ab omni ævo prædicatis plurimæ inter Medicos agitantur controversiæ . Alii eum ad impetus venereos reprimendos & castitatem tuendam utilissimum esse narrant ; sive edatur , sive bibatur , sive substernatur , seminis acrimoniam & inde natam in partibus genitalibus tentiginem demulcere , nocturnasque veneris per somnum imaginationes profligare , asserunt . Alii econtra cum *S. Pauli* , nonnullos reperiri scribunt , qui in venerem *Viticis* usu excitantur . Hoc itaque incerto sub præsidio male tutam esse virtutem quis non censebit ? Ab omnibus tamen ad hystericos affectus & uterinos furores compescendos in mulieribus , necnon etiam ad hypochondriaco-

diacorum virorum spasmodicos insultus sedandos, commendatur, modo illæ affectiones pendeant ab humore viscido, crasso, in visceribus hærente, qui mora sua acrior factus, nervosas partium membranas titillabit. Ille enim humor ab hoc remedio dividetur & demulcebitur. Alioquin si solidæ partes jam inflammationem contraxerint, tunc ab illius usu major fiet inflammatio & morbus ingravescet. Semen pulveratum usurpatur a ℥ss. ad ℥j. vel Emulsio ex eo sic præparatur.

24. Seminis Viticis ℥iiij. Contunde in aq. Nénuphar. ℥vj. Fiat emulsio.

Idem semen a Vedelio in gonorrhæa commendatur. Foliorum & summitatum infusum vel decoctum menstrua mulierum profluvia promovet & viscerum obstructions tollit, ulcera interna detergit & sanat, potissimum in virga; unde in gonorrhæa utile censetur.

Externe folia & summitates tumores resolvunt, splen induratum emolliunt. Suffitus ex eorum decocto ad uteri tumores a nonnullis præscribitur.

A G R I M O N I A.

A Grimonia & Eupatorium *Officinarum*: Agrimonia *Officinarum*, *Inst.* R. H. 301. Agrimonia seu Eupatorium, J. B. 2. 398. Eupatorium verum sive Agrimonia, C. B. P. 321. Agrimonia sive Eupatorium, Dod. Pempt. 28. Eupatorium Grecorum, Agrimonia *Officinarum*, Lobel. Icon. 692. Eupatorium vulgare, Tragi. 514. vulgo, *Aigremonie*.

Radice est nigricante, crassa, fibrosa, saporis adstringentis, caule bicubitali, hirsuto, ramoso, frondibus palmo longioribus, alternatim nascentibus, compositis ex quatuor fere foliis conjugatis & obscure virentibus, venosis, villosis, hirsutis, oblongis, crenatis, cum intermediis minoribus conjugationibus & extremo impari claudente, sapore subacri, cum quadam adstrictione. Flores longissima serie summos ramulos occupant, suaveolentes, rosacei, lutei, e petalis quinque in orbem positis constantes; calyce echinato & quinquepartito, qui muratur in fructum subrotundum, echinatum, in superiore parte inferiore vero glabrum, tres lineas longum, unicapsulam, raro bicapsularem, cum semine uno vel altero oblongo. Occurrit in satorum & pascuorum marginibus agri Parisiensis. Folia in usum veniunt.

Analyti chymica, foliorum Agrimonie recentium ℥v. præbuerunt phlegmatis limpidi primum occulte acidi, deinde manifeste acidi, ac tandem austeri, ℥iiij. ℥iiij. gr. xxiiij. humoris rufescentis empyreumatici, intense acidi & austeri ℥vj. ℥v. gr. lx. humoris subfusi, sale volatili urinoso turgidi, ℥j. ℥ij. olei melleæ crassitudinis ℥j. ℥v. gr. xxxvj. Massa nigra in retorta residua pendebat ℥v. ℥v. gr. xxvj. quæ igne reverberii calcinata reliquit cinerum rufescentium, ℥j. ℥vj. gran. xx. ex quibus salis fixi mere alcali ℥vij. gr. xxxvj. extracta fuerunt. Partium deperditio in distillatione fuit, ℥iiij. gr. lx. in calcinatione ℥iiij. ℥vij. gr. xvj. Ex hac analysi, & sapore quem folia referunt austero subsalfo, cum acrimonia quadam, & ex quodam tenui rubore quo eorum succus chartam cæruleam leviter tingit, concludere licet, hujus plantæ

tas virtutes referendas esse ad salem Tartaro vitriolato, vel sali Coralliorum similem, cum paucis sale ammoniacali conjuncto, utroque multo sulphure crasso involuto.

Agrimonia adstrictione sua viscerum tonum laxiorem restituit & firmat; sale essentiali incidente & digerente obstructions resolvit, humores fluidiores efficit: quapropter hepaticas inter plantas recensetur. In cachexiis, hydrope, ictero, mensium suppressione & in febribus chronicis a viscerum obstructionibus, feliciter usurpatur. Insuper vulneraria dicitur, blande enim abstergit, leviter exsiccat & adstringit, ac dolores demulcet. Speciatim in vulneribus & ulceribus renum, & inde oriundo mictu cruento ab Ettmullero commendatur. Foliorum Agrimonie ficcatorum pulvis ad ℥j. in vehiculo idoneo exhibitus, a Riverio in urinae incontinentia proponitur. Ejus decoctum vino factum ab Ettmullero commendatur, cujus ℥iij. quarta quaque hora hauriat æger. Vvedelius ejusdem decoctum aqua paratum in mictu cruento & in gonorrhæa præscribit. In apozematibus, jusculis, & potionibus aperientibus & vulnerariis usurpatur ad M. j. pro singulis liquoris libris, vel ejus succus repurgatus, ad ℥iij. vel iij. Utiliter quoque in decoctis adversus luem veneream paratis permiscetur, teste Simone Paulli qui refert, quemdam in luis venereæ curatione celebrem, eam pro secreto specifico habuisse. A Dolæo adversus maniam utilissima prædicatur, sed Garidellus se hoc remedium sæpius & frustra tentavisse asserit.

℥. Rad. Gramin. Rusc. & Asparagi ana ℥j. Folior. Agrimonie & Cichor. sylvestr. ana M. ij. Summitatum Lupuli, M. j. Bull. in aq. comm. ℥iij. ad ℥iij. Fiat decoctum aperiens.

℥. Rad. Eryngii & Cichor. sylvestr. ana ℥ij. Folior. Agrimon. Scopolendrii, Adianti, Bugloss. & Chærefol. ana M. j. Summ. Absynth. & florum Calendulæ ana, P. ij. Fiat decoctum cum q. s. aq. fluvial. pro sex dosibus; in qualibet dilue Syrupi de 5. Rad. aperientib. ℥j. & Salis Martis River. gr. j. Debitis intervallis exhibeantur ad obstructions resolvendas.

℥. Succ. Agrimon. repurgati ℥iij. Tinctur. Martis ℥j. M. cum jusculo vitulino in cachexia.

℥. Folior. Agrimon. M. ij. Flor. Hyperici Pug. iij. Coquantur in aq. comm. ad ℥xv. In colatura dilue Syrup. Heder. terrestr. ℥jß. pro tribus dosibus in mictu cruento.

Externe usurpatur in fomentis, aqua vel vino cocta, vel contusa sub forma cataplasmati, pro vulneribus atque ulceribus partium externarum recentibus & antiquis mundificandis, sordibus detergendis & carne promovenda & pro sedandis inflammationibus. In gargarismatibus quoque ad anginam & ad faucium, & oris ulcera detergenda, & dolorem leniendum.

℥. Folior. Agrimon. Hyssop. ana M. j. Hordei integr. Pug. j. Ficuum ping. n. ij. Fiat decoct. In colatur. ℥j. dissolve Mellis rosacei ℥ij. Fiat gargarisma detergens & resolvens in angina.

Agrimonia in aceto vel vino cocta calide cataplasmati forma scroto applicata testium inflammationem sedari, Simon Paulli post Joannem Tiengium Medi-

Medicum Amstelodamensem , testatur , quod Cl. Garidellus , in *Plantar. Aquisextiensium historia* experimentis comprobavisse scribit.

Agrimoniæ flores Sambuci Hildanus consociat . Idem S. Pauli commendat decoctum Agrimoniæ , & radicem Helenii ad perniones exulceratos , quo mane , & vesperi pedes abluantur . Folia contusa ad ani procedentiam utiliter usurpantur . Eadem quoque nonnulli tophis venereis admovent , ad nocturnos artuum dolores mitigandos . Narrant viatores defatigatos ab iisdem foliis allevari , si ex iis pedilavium sibi parent .

Tragus Agrimoniam ad membra luxata post reductionem utilissimam asserit . Herba recens vel exsiccata cum furfure triticeo , in vappa decoquitur , quoad instar pulmenti spissescant , quod calidum imponitur .

Ex tota planta aqua distillatur longe imbecillioris virtutis , quam succus vel decoctum . Prodest exulcerationibus oris aliisque ulceribus , si ex illa colluantur . Eandem assidue potam , efficacissimam contra calculum , Petrum Bembum expertum fuisse , referunt . Quin etiam Petrus Forestus de quodam scribit , cui lapis in vesica erat , cum crebro herbam hanc cum ovis comedisset , lapidem per frustra cum lotio tandem expulsum fuisse . O ! utinam tali lithontriptica virtute donetur .

Usurpatur in decocto aperiente rubro D. De Lorme , in Syrupo hydragogo , Syrupo aperiente cachectico , & Syrupo Martiali aperiente cathartico , Charas : in Pilulis Polychrestis , seu aggregativis , Unguento mundificativo de Apio , Ung. martiato , & in Aqua vulneraria .

A L C E A .

Alcea vulgaris , *Officinarum* : Alcea vulgaris major , C. B. P. 316. *Inst. R. H.* 97. Alcea vulgaris , *J. B.* 2. 953. *Dod. Pempt.* 656. Alcea , *Tab. Icon.* 771. vulgo , *Alcée ou Mauve sauvage* .

Ex radice lignosa , prolixa , albida , plures emittit caules cubitales aut sesquicubitales , teretes , medullosos , raris , sed tamen longiusculis pilis hirsutos . Folia , quæ e radice exeunt & caulium inferiora cingunt , subrotunda , per margines incisa pediculis longis insident : quæ in caulibus sunt alternatim sita , quo cacumini propiora , eo brevioribus pediculis fulta , altius incisa in quinque , ut plurimum lacinias insigniores , atrovirentia , hirsuta , præcipue averfa parte . Flores ex foliorum alis singulis singuli , in caulis , & ramorum summitatibus conferti , pediculis quadrantalibus , hirsutis , sustinentur , floribus Malvæ similes purpurascente , carneove colore , nonnumquam etiam albo : quibus succedunt semina hirsuta , per maturitatem nigra , Malvaceis similia . Ab Althæa , & Malva foliorum incisuris discrepat . In agro Parisiensi sponte nascitur .

Radices & folia in usum veniunt , raro tamen nec nisi Malvæ , aut Althææ defectu .

Ejus succus minus lentus & mucosus est , quam Malvæ . Eædem ipsi tribuntur virtutes , sed debiliores . Ejus decoctum in alvi torminibus , & epidemicis

micis dysentericiis plurimum laudatur. In fomentis, & cataplasmatibus emollientibus & resolventibus usurpatur.

ALCHIMILLA.

Alchimilla seu Pes Leonis, *Officinarum*: Alchimilla vulgaris, C. B. P. 319. *Clus. Histor.* 108. *Inst. R. H.* 508. Pes Leonis sive Alchimilla, J. B. 2. L. 17. 598. Alchimilla, *Dod. Pempt.* 140. Leontopodium, *Brunsfelsit*: Stellaria Matthioli, *Lugd.* 1281. Stella herba Italica, *Gesner*, *Hort*: vulgo, *Pied de Lion*.

Ex radice minimum digitum crassa, transversa, fibrosa, nigricante, i& adstringente; pelliculi exoriantur longi, sesquipalmares, hirsuti plurimi, quo singuli folium sustinent unicum, ad Malvam accedens, sed magis durum & crispum, in octo, vel novem angulos obtusos divisum, & veluti complicatum, cum totidem nervis a pediculo ad extremos angulos prodeuntibus, concinne in ambitu crenatum. Ex foliorum medio assurgunt caules aliquot tenues, teretes, hirsuti, ramosi, dodrantales, foliis nonnullis minoribus onusti, in quorum summo flores dense glomerantur apetalis, seu plurimis staminibus constantes, cum apicibus flavescentibus, calyce monotomo, infundibuliformi, herbacei coloris aut pallidi, in quatuor partes acutas diviso, inter quas totidem minores interpositæ sunt, & pistillo quod abicit, deinde in semen unum aut alterum exiguum, stavescens, splendescens, subrotundum, in capsula, quæ calyx floris fuit, reconditum. Delectatur locis herbosis in Alpibus, & Pyrenæis, & Gallo provinciæ montibus. Folia ad usum medicum colliguntur.

Analysi chymica, Alchimillæ foliorum recentium ℥v. per Balneum vaporosum distillatæ præbuerunt phlegmatis limpidi, herbaceo sapore, primum obscure acidi, deinde manifeste acidi ℥ij. ℥x. humoris manifeste acidi, & sub finem aliquantisper austeri ℥j. ℥ij. gr. xvij. Folia in alambice residua & exsiccata pendebant ℥j. ℥j. ℥vij. gr. xxxvj. quæ per retortam distillata exhibuerunt humoris rufescentis, tum intense acidi, tum alcali urinosi ℥ij. ℥ij. gr. xvij. olei instar syrupi crassi, ℥j. ℥vj. gr. vj. Massa nigra, in retorta superstes pendebat ℥vij. ℥vj. quæ per quindecim horas igne reverberii calcinata reliquit cinerum leucophæorum ℥iiij. gran. xxxvij. ex quibus lixivio, salis fixi salis ℥iiij. gran. lix. extracta sunt. Partium jactura in distillatione fuit, ℥vj. ℥v. gran. xxx. scilicet in distillatione per Balneum vaporosum ℥ij. ℥iiij. gr. xvij. in distillatione per retortam ℥ij. ℥j. gran. xij. in calcinatione ℥iiij. ℥v. gr. xxxiiij.

Hæc analysi multum terræ in hac planta demonstrat, acidi multum, & non mediocrem olei quantitatem; unde compositum exsurgere videtur ex sale sali Coralliorum simili, sulphure crasso involuto.

Inter plantas, quæ vulnerariæ dicuntur, recensetur. Equidem hic observandum est, Medicos vulnerarias eas dicere plantas, quæ vulneribus, & ulceribus, tum internis, tum externis medentur: cum autem vulne-
ra non-

ra nonnumquam hæmorrhagiam conjunctam habent, cum vetustiora in ulcus degenerent, cum circa vulnera inflammationes quandoque superveniant, aut humorum extra vasa stagnantium collectiones, vel etiam obstructions ex humoribus in ipsis vasibus inspissatis, quæ omnia vulnerum sanationi plurimum obstant, idcirco, prout plantæ hæc vel illa remore valent impedimenta, distinguuntur in diversas classes, quæ ad tres potissimum reduci possunt: scilicet adstringentes, quæ vasorum extrema corrugando, aut spissiore efficiendo sanguinem, hæmorrhagias sistunt, & solutarum partium unionem citius promovent: abstergentes, quæ mucosam, & acrem colluviem vulnerum labiis adhærentem dissolvunt: & resolventes, quæ vulnerum inflammationem compescunt, tumores resolvunt, humorum acrimoniam demulcendo, & crispas fibras laxando.

Alchimilla inter vulnerarias adstringentes numeratur. Adstringendi, & glutinandi virtute donatur. Sanguinem tenuem inspissat. Interne succus ad ℥iij. aut decoctum ad ℥vj. ad vulnera & ulcera interna consolidanda, menses nimis profluentes, & albos mulierum fluores coercendos, dysenteriam sanandam feliciter usurpantur: in hæmophthoe, ulcere pulmonum, mictu cruento, diabete, plurimum conferunt: herniis quoque ejus pulvis ad ℥j. vel ejus ex vino decoctum medentur.

Externe ab iisdem liquoribus vulnera & ulcera felici cum successu laxantur.

Usurpatur in potionibus & decoctis vulnerariis, clysmatibus dysentericis & unguentis vulnerariis.

℥. Alchimill. Pervinc. bellidis major. & minor. Millefolii, Pyrol. Bugul. Sanicul. ana ℥j. Vini generosi ℔j. Digerantur simul in vase idoneo, per horas sex. Deinde affunde aq. ferventis ℔ij. Macerentur adhuc simul per aliquot horas, vas identidem agitando. Deinde fiat colatura. Dosis ad ℥vj. Singulis dosibus adde Syrupo de Hedera terrestri ℥j. Mane & sero iteretur in causa ab alto, abscessibus internis.

℥. Succor. Alchimillæ & Plantag. ana ℥iij. Coralli rubr. pp. Antihectici Poterii ana ℥j. Syrupi de Symphyto ℥j. Fiat potio cochleatim sumenda in hemophthoe.

℥. Folior. Alchimill. & Pervinc. exsiccat. & pulveratorum ana ℥j. Rad. Consolidæ major. pulverat. ℥ij. Corall. rubr. Boli Armeni, & Terræ sigillatæ pp. ana ℥j. Conserv. Rosar. ℥β. Syrupi Granator. q. s. M. F. Opiata. Dosis ℥ij. mane & sero, vel etiam sæpius in sputo cruento & hæmorrhagiis uterinis.

Nonnullæ, referente Frederico Hofmanno, quibus libata virginitas, solenter norunt decocto Alchimillæ in forma inessus, sibi reparare dolosam *σενοχαλία*, & illibatum mentiri virginitatis florem. Eadem ejus decocto mammas laxas, & flaccidas nimis, linteo decocto ejus intincto, & imposito firmas ac turgidulas efficere tentant.

ALKEKENG I.

Alkekengi, Halicacabum & Solanum vesicarium, *Officinarum*: Alkekengi *Officinarum*, *Inst. R. H.* 151. Solanum vesicarium, *C. B. P.* 166. Solanum Halicacabum vulgare, *J. B.* 3. 609. Solanum vesicarium, *Dod. Pempt.* 454. Saxifraga rubra, & 4. *Brunsfelsii*: Vesicaria, *Cordi*: vulgo, *Alkekenge*, *Coqueret*, ou *Coquerelle*.

Radicibus geniculatis, tenues fibras spargentibus, repit in vinetis, caulesque profert cubitales, subrubentes, subhirsutos, & ramosos, ad quorum nodos folia oriuntur bina simul ab eadem caulis parte, pediculis longis appensa, Solani hortensis foliis similia, sed ampliora, per margines non crenata. Ex foliorum alis singulis singuli exeunt flores pediculis semuncialibus aut uncialibus, tenuibus, hirsuti fulti, monopetali, rotati, pelvi-formes, quinquifidi, albi, cum apicibus concoloribus & calyce campaniformi, qui ampliatur in folliculum membranaceum, primum herbaceum, deinde phæniceum, pentagonum, in quo continetur fructus Cerasi forma, magnitudine, & colore, mollis, carnosus, saporis primo subacidi, deinde intense amari, seminibus compressis, orbiculatis, & flavescentibus turgidus. In agro Parisiensi sponte nascitur. Fructus solus in usum venit.

Analyfi chymica, ex Cerasorum Alkekengi maturorum, & recens collectorum ℥v. per retortam distillatis; prodierunt phlegmatis limpidi fere inodori insipidi, quod tamen salis obsecuri & postea acidi occulti notas præbuit ℥ij. ℥vj. ℥j. gran. xij. humoris manifeste acidi & nonnihil austeri ℥ij. ℥iv. ℥ij. humoris rufi, empyreumatici, saporis acidi, cum quadam acrimonia, ℥vj. olei ad Syrupi consistentiam accedentis ℥iij. gr. xij. Massa nigra retorta superstes pendebat ℥vij. gr. lx. quæ per 12. horas calcinata igne reverberii reliquit cinerum nigricantium ℥j. ℥v. gran. xxiiij. ex quibus lixivio, salis fixi, mere alcali ℥j. gr. xxxvj. extracta fuerunt. Partium jactura in distillatione fuit, ℥viiij. ℥j. gr. lx. in calcinatione ℥v. ℥iij. gr. xxxvj.

Itaque nullum salem volatilem concretum, nullumque urinosum spiritum ille fructus exhibuit, multum vero salis alcali fixi & salis acidi, cum olei acris mediocri portione, unde compositum exsurgit Oxysali diaphoretico Angeli Salæ non prorsus dissimile.

Alkekengi cerasa seu fructus usitatissimi sunt ad urinam promovendam, ejus acrimoniam demulcendam & saburram a renibus & vesica deturbandam, forasque protrudendam. Ad regium quoque morbum commendatur. Sumi possunt crudi tres, quatuor, sexve & amplius, aut saccharo conditi, vel vino infusi, vel in fero lactis, aliove liquore conveniente decocti, vel exsiccati, & in pulverem redacti, & in quovis liquore commixti. Eorum decoctum cum radice liquiritiæ in dysuria laudatur. Arnaldus Villanovus, & Cæsalpinus hydropticis, & urinæ suppressione laborantibus; vini haustum, in quo fructus aliquot contusi fuerunt, potandum suadent. Quinque vel sex fructus contunduntur in emulsionibus, & ægrotanti, dum in balneo sedet, pro-

propinantur , ad urinæ suppressionem & in dolore nephritico . Iisdem in affectibus , eorum succus expressus & coctione defœcatus ad ℥j. præscribitur , aut ad extracti spissitudinem extractus , ad ℥ss. Ex eodem succo recens expresso & musto simul fermentatis , vinum diureticum & ad arenulas expellendas præparatur , ad ℥iiij. mane jejuno ventriculo , propinandum .

℥. Semin. quatuor frigidior. major. ana ℥j. Contund. sensim affundendo aq. Parietar. ℥vj. sub finem adde & contere baccar. Halicacabi n. v. Fiat expressio , in qua dissolve Syrup. de 5. Rad. aper. ℥j. Fiat emulsiō in urinæ suppressione , propinanda .

℥. Rad. Petrosel. & Asparag. ana ℥ij. Virgæ aureæ , M. ij. Nitri purificati ℥ij. Bull. in aq. comm. ℥xxiv. ad xvij. Fiat colatura , in qua contundantur fructus Alkekengi n. xx. Milleped. vivor. n. cc. Affunde vini albi generosi ℥xviiij. Hauriat æger , partitis vicibus , tertia quaque hora , ad urinam promovendam , arenulas propellendas & saburram ex renibus & vesica efficaciter abluendam , præmissis præmittendis .

℥. Oculor. Cancror. ℥j. Pulver. Milleped. gr. xij. Extracti Alkekeng. ℥ss. M. F. Bolus in dolore nephritico .

Civis quidam Augustanus , narrante J. Rajo , morbo articulari gravissime laborans , ita ut sæpe per integrum semestre decumberet , cœpit cujusdam suasu , singulis lunæ mutationibus , in ipso illarum puncto , octo fructus Alkekengi comedere , vel contusos e vino bibere : ita expelli sibi per urinam materiam mire fœdam , totumque se ab hoc morbo liberum affirmabat .

Suffitus seu fumus , referente eodem post Ettmullerum , ex contuso Halicacabi fructu cum cera mixto , & in laminam ferream ignitam injecto , ore excipitur , quo catervatim vermes e dentibus cum sputo copioso rejecti & crudelissimi dolores sopiti observati fuerunt .

Usurpantur in Trochiscis de Alkekendi dictis *Ph. universal. Lemery.* in syrup. de Cichor. composito & in syrupo antinephritico *Ph. Reg. Charas* .

A L L I A R I A .

A Lliaria , *Officinarum* : Hesperis Allium redolens , *Moriss. Histor. 252. Inst. R. H. 222. Alliaria, Matthiol. 843. J. B. 2. 883. vulgo, Alliaire* .

Ax radícula tenui , lignosa , alba , Allium redolente , caules promit cubitales & sesquicubitales , tenues , subhirsutos , teretes , striatos , solidos . Folia primum rotunda Hederæ terrestris modo , sed longe majora , mox nonnullum acumen assequuntur , per ambitum crenata , pallide virentia , glabra , pediculis longis nixa , sapore & odore Allii mitiore , ad intervalla longiora , in caulibus alternos aut nullo ordine sita . In summitate caulis & ramulorum flores multi , cruciformes , quatuor scilicet petalis constantes , albi , nascuntur : quorum ex calyce surgit pistillum quod deinde abit in fructum seu siliquam membranaeam , teretem , septo intermedio , cui valvæ imbricatæ utrinque adhærescunt , in quo loculamenta divisum , seminibusque fœtum oblongis , teretiufculis , nigris , incerti numeri quæ veluti nidulantur in scrobiculis

culis septi intermediis . Tota planta contrita Allium redolet . In dumetis & fossarum aggeribus agri Parisiensis nascitur . Omnes plantæ partes usitatæ sunt .

Analyti chymica , ex Alliarie folior. recenter collectorum lbv. prodierunt phlegmatis limpidi , Allium sapore & odore aliquantisper referentis , subacidi lbj. ℥xiiij. ℥iij. humoris rufescentis primum acidi , austeri , deinde empyreumatici , tum intense acidi , tum alcali urinosi lbj. ℥ix. ℥iij. gr. lxx. humoris fusci , sale volatili urinoso copioso imprægnati ℥j. ℥ij. salis volatilis urinosi , concreti , gr. xxxvj. olei adiposæ crassitie ℥j. gr. lx. Massa nigra in retorta superstes pendebat ℥iij. ℥iij. quæ igne reverberii calcinata reliquit cinerum ℥ij. ℥j. gran. vj. ex quibus salis fixi mere alcali ℥vj. gran. l. lixivio extracta sunt . Partium jactura in distillatione fuit ℥ij. ℥j. gr. l. in calcinatione ℥ij. ℥j. gr. lxxvj.

Alliaria intense amara est , Allium redolet & chartam cœruleam subrubram efficit ; unde & ex analysi concludere possumus sale donari ammoniaci simili , multo sulphure intricato . Planta recens urinam ciere dicitur ; sicca veneno adversari , si in vino coquatur . Decoctum ejus asthmaticis plurimum confert . Nonnulli folia in enematis incoquant ad colicos , flatulentos , & nephriticos dolores . Semen tritum , naribusque attractum sternutamenta excitat . Idem contritum & emplastri modo vulvæ admotum mulieres uteri strangulatu oppressas liberat & excitat .

Externe putredini resistit . Fabricius Hildanus Veris tempore , sub finem scilicet Aprilis vel ineunte Majo , Alliarium colligere solebat , & postquam per diem unum in umbra paululum exsiccata fuerat , minutim incidebat , in mortario contundebat , succumque in prælo exprimebat , quem in ampullis vitreis , superinfuso paululum olei , annum integrum , imo ad tres usque annos reservabat . In ulceribus putridis & sordidis , uti in gangrenis , eo utebatur feliciter , & tanquam præstantissimum remedium prædicavit .

A L L I U M .

Alli species duæ in Officinis , seu potius in culinis usitatæ sunt ; scilicet Allium vulgare & Allioprasum seu Opioscorodum .

Allium vulgare , *Officinarum* : Allium sativum , C. B. P. 73. *Inst. R.* H. 383. Allium vulgare & sativum , J. B. 2. 554. Allium *Dod. Pempt.* 682. vulgo , *Ail.*

Huic pro radice bulbus est tenuissimis membranis ex albido dilute admodum purpurascens velatus , ex pluribus cohærentibus nucleis separatim circumvestitis , coagmentatus , sapore peracri , odore gravissimo ; a quo inferius tenues fibræ seu capillamenta dimittuntur . Foliis vires oblongis , non fistulosis , ut in cepis , sed gramineis , inter quæ scapus procerus , enodis , concavus , glaber , assurgit , & fastigio capitulum sustinet acuminatum , candida membrana velatum , qua per maturitatem disrupta flores apparent glomeratim congesti , liliacei , ex petalis sex albidis compositi . Floris uniuscujusque medietullum pistillum occupat , quod dein-

deinde abit in fructum subrotundum, Pisi magnitudine, colore foris purpurascente, sed pulpa interiore candida, sapore, & odore bulbi nucleis similem, in tria loculamenta divisum, seminibusque foetum subrotundis, nigricantibus. Hic seritur in hortis. Bulbosa radix in usum venit.

Allioprasum, Scorodapasum, & Ophioscoridum, *Officinarum*: Allium sativum alterum sive Allioprasum caulis summo circumvoluto, C. B. P. 73. *Inst. R. H.* 383. Scorodoprasum secundum, *Clus. Hist.* 191. Alii genus, Ophoscordon dictum quibusdam, *J. B.* 2. 559. vulgo, *Rocambole*.

Ex bulbo multis nucleis constante, fibrisque numerosis, exalbidis, capillato fessili parte, tunicis cepaceis binis vel ternis, ex albo purpurascentibus circumvestito, caulis assurgit singularis, minimi digiti crassitudine, sesquicubitalis aut bicubitalis, foliis ut plurimum quinque porraceis, carinatis, donatus, quæ postquam caulem aliquousque involverunt, ab eo abscedentia & reflexa terram spectant, medio inter Porrum & Allium odore. Suprema vero caulis pars nuda, viridis, lævis, in gyrum unum aut alterum spirarum serpentinarum more intorquetur, donec tandem caput erigat vagina involutum albicante, corniculata, extra volumina protensa, longa & rostrata, qua dehiscente, bulbuli apparent congesti, initio purpurascentes, postea exalbidi, & inter eos flores Alii floribus haud dissimiles. Tota planta gravem Allii odorem spirat. In hortis ad culinarium usum colitur.

Analyti chymica, ex bulborum Allii a pelliculis mundatorum ℥v. prodierunt phlegmatis limpidi Allii odorem & saporem apprime referentis, primum salis & subacidi, deinde subsalis & intense acidi ℥ij. ℥v. ℥ij. gr. vj. humoris limpidi, intense acidi, ac tandem austeri ℥ij. ℥v. ℥ij. gr. xxiiij. humoris limpidi rufescentis tum subacidi, tum alcali urinosi & sale volatili urinoso imprægnati, ℥iiij. ℥ij. gr. lxxvj. salis volatilis urinosi concreti gran. xij. olei crassioris ad extracti spissitudinem ℥ij. ℥iiij. gr. xliij. Massa nigra in retorta residua pendebat ℥xiiij. ℥j. quæ per novem horas igne reverberii calcinata reliquit cinerum ℥j. ℥j. gr. vj. ex quibus salis fixi salis ℥iiij. gr. viij. lixivio extracta sunt. Partium jactura in distillatione fuit ℥ij. gr. lxxvj. in calcinatione ℥xj. ℥vii. gr. lxxvi.

Allium itaque constat ex sale ammoniacali cum oleo tum tenui, tum crasso, acri, copioso, sed summæ expansionis capace, conjuncto.

Allium tenuibus actuosis & acris partibus donatur, quod non solum odore vehemente, sapore acri & nonnihil caustico & analysi chymica comprobatur, sed etiam variis experimentis demonstratur. Si enim emplastra ex Allio contuso plantis pedum applicentur, oris halitus Allium spirabit. Allium gallinis & altilibus cum esca objectum saporem & odorem suum in eorum carne & ovis prodit. Christoph. Bennetus M. Lond. in *Theatro Tabidorum exercitat.* 29. asserit fonticulos ægrorum membris vel incisos vel inustos, in rarioris texturæ hominibus, Allii intus sumpti, post tertiam aut quartam a comestione horam, odorem reddere. Costæus observat, Allium non tantum vesicas excitare, sed etiam cutim corrodere.

Allium apud quasdam nationes solitum & palato gratum est alimento-

rum condimentum, licet plurimis execrandum & intolerabile videatur. Sebizius enim, *De Alimentorum facultatibus*, scribit, Allium alimentum præbere paucissimum, idque prævum & acre: fugiendumque esse cholericis & sanguineis. Iis vero qui debiliores sunt stomacho ciborum appetentiam excitat, concoctionem juvat. Milites, Nautæ, & rustici crudas aquas aut corruptas, vel alimenta prævæ aut difficilis coctionis, Allio corrigere tentant.

Alexipharmacum præstantissimum a nonnullis habetur, in morbis contagiosis & adversus venena frigida intus sumpta. Quidam Allium ferentes se ab omni contagio immunes fore existimant: alii ægros putridis febribus infestos invisere coacti bulborum particulam unam aut alteram in ore detinent ad contagium præcavendum. A Galeno Theriaca rusticorum dicitur. Platerus *Tractatu de Febris*, Allium commendat peste laborantibus, in hydromelite decoctum & ad ℥ij. circiter exhibitum, ad sudores & urinas proliciendas. Hungari, inquit Joan. Bockelius *de Peste*, pestis tempore non habent certius remedium quam Allium. Aliæ plures ipsi tribuuntur virtutes, scilicet humorum putredini resistendi, urinas & arenulas propellendi, colicos dolores flatulentos sedandi, lumbricos enecandi. Ad hos affectus a vulgo sæpissime vel in lacte vel in jussculo decoctum hauritur, vel clysteris modo in intestina injicitur, aut umbilico contusum epithematis modo admoveretur. Illud idem Galenus, Schenckius, Zacutus, & Borellus ad ventris tormina & flatus discutendos sæpius comprobatum remedium esse asserunt: tunc aliquot haustus aquæ calentis in qua Allii bulbus minutim sectus maceratus fuit, ægrotantibus utiliter propinantur. Forestus in suis observationibus testatur hydropicorum aquas nonnunquam evacuassee, & adversus scorbutum a Laurembergio commendatur. Asthmati conducit & expectorationem promovet in thoracis affectionibus catharrois: Dr. Boovles Medicus apud Anglos celeberrimus pro arcano habuit in asthmate, Allium conditum sic paratum.

℥. Allii bulbor. q. l. Denudatis pelliculis, coque in aq. limp. q. s. in vase clauso ad teneritudinem. Exempti bulbi linteo siccentur, & in olla vitreata reconduntur. Tam.

℥. Decocti supradicti & aceti acerrimi tantumdem & cum Sacchari albissimi q. s. fiat Syrupus qui bulbis superaffundatur vase probe obturato: servantur ad usum. Dosis, unus duo vel tres bulbi mane deglutiantur, cum syrapi cochleari uno vel altero, ad asthma humorale.

Allium ipsum dosi admodum exigua sumendum est. Infusum unius bulbi in vini albi ℥vj. vel ℥viii. percolatum propinatur. In lactis vero ℔j. bulbuli duo vel tres contriti decoquantur.

Verum ejus frequentior usus molestus est & noxius. Cum enim aliquantisper causticum sit, ventriculum & viscera inflamat, æstumque in humoribus accendit. Hinc flatus parere nonnulli asserunt, sitim excitare observant, capitis dolorem inferre, oculis & sensuum organis nocere. Isbrandus de Diemerbroek, *T. de Peste*, plurimorum Medicorum auctoritate & propria experientia fretus, Allium in morbis pestilentibus non tantum non utile esse, sed noxiam pronuntiat. Fallopius, C. 101. *De Morbo*

Gallico, p. 847. notant Allii & Ceparum usum illis, qui lue venerea laborant valde nocivum esse. Quin, & hæmorrhoidibus laborantes lædere, *Pisanellus*, *De Esculentor. & Potulentor. facultatibus*, auctor est. Allii succus potus hominem non modo turbat, sed etiam interficit, annotante *Spigelio*, *Isagoge lib. 2. cap. 16.* *Crantzius Histor. Saxon. l. 3. c. 3.* narrat, *Arnulphi* Imperatoris vitam terminatam fuisse vermiculis in ejus carne ex nimia Allii comestione genitis. Itaque cum vel pravum vel nullum omnino corporis alimentum gignat, illud cum *Simone Paulli* potius ex culinis eliminemus, quam ut condimenti saltem loco cuique integra valetudine fruendi commendemus.

Externe Allium in mortario cum oleo Olivarum contusum, & in unguentum redactum, tumores frigidos potenter resolvit; puerorum umbilico inunctum vermes interimit: idem cum adipe suillo tritum, & plantis pedum admotum, multum conducit ad pulmonum canales aperiendos, & ab infarctu liberandos in asthma, annotante *J. Raio*. Ejus succus cum Melle & Butyro permixtus porriginem (*la teigne*) & psoram sanat. Idem succus ad ambusta plurimum valet. Ad arthriticos dolores sedandos Allii & Sedi majoris partes æquales contundantur in pulvem & parti dolenti applicentur. Allii bulbus detracto cortice in frustula oblonga scissus & in aurem intrusus dentium dolorem compescit: ejus succus cum pauxillo Theriacis mixtus & in aurem instillatus idem efficit, Tertianæ febris hoc remedio sæpe profligata fuit.

℞. Allii contusi ℥j. Fuliginis splendentis ℥j. Piperis longi ℥j. Croci, Camphoræ ana ℥ss. Misce. Fiant Epicarpia ante paroxysmum applicanda.

Observandum autem est omnia remedia ex Allio tum externa, tum interna, minime convenire, ubi datur catarrhus tenuis, acris, sputum cruentum, constitutio calida, sanguinis aut præcordiorum æstuatio.

A L N U S.

Alnus, *Officinarum*: Alnus rotundifolia glutinosa, viridis, *G. B. P.* 428. *J. R. H.* 587. Alnus vulgaris, *J. B. I.* 151. Alnus, *Dod. Pempt.* 839. vulgo, *Aulne*.

Arbor est alta ac procera, caudice recto, mediocris crassitudinis, cortice scabro, fragili, nigricante, ligno subrubente, molli, levi, tractabili, ramis valde fragilibus, medullosis, cortice tectis externe subcinereo, intus subluteo, amaro cum adstrictione, & ingrato: foliis latis, Avellanæ vulgaris, rotundioribus, nervosis, crenatis, viridibus, splendentibus, tactu glutinosus: in ramulorum fastigiis juli seu flores amantacei dependent multi, primo virentes, deinde rubentes, unciam circiter longi & fragiles antequam se explicaverint, evoluti enim duas uncias superant. Componuntur ex floribus plurimis, glomeratis, axi affixis, quorum singuli plurimis staminibus e calyce quadripartito surgentibus, constant. Steriles sunt; aliis enim in locis fructus nascuntur: conuli sunt magnitudine parvæ Avellanæ, primo virentes, ubi maturescunt rubentes, & mox hiantes, ex imbricata squammarum compage congesti, e quibus oriuntur filamenta quædam prominula, purpurea

purea, bifida, embryonibus infidentia. Embryones autem abeunt in semina exigua, compressa, inæqualia, rubentia, medulla pauca alba repleta, sapore manifesto destituta. Juli & coni sapore adstringente donantur cum aliqua amaritudine. Nascitur in humidioribus, & uliginosis locis agri Parisiensis. Cortex & folia in usum sed raro veniunt.

Sale essentiali tum acido stiptico, tum Ammoniacali oleo & terra involuto donantur. Viribus ad Quercus corticem & folia proxime accedunt. Ex Alni cortice cum ferro detrito & rubiginoso pes aliquot dies aqua macerato, color efficitur niger atramenti similis, quo nonnulli ad tingendum utuntur. Idem pro atramento scriptorio conficiendo Gallæ vices supplere potest.

Cortex, juli, & fructus adstrictione donantur: eorumque decoctum ad oris & tonsillarum inflammationes ac humores conducit: eoque sub nomine, in gargarismatis repercutientibus & resolutivis usurpatur. Cortex contusus incipientibus inflammationibus utiliter imponitur.

Alni folia viridia externe admota tumores discutiunt & inflammationes extinguunt. Veteribus vulneribus sæpius imposita ad sanitatem perducere feruntur. Alpium incolæ paralyticos curant, foliis Alni sudorem proliciendo, eo potissimum qui paralysem a causa externa contraxerunt, nempe vel in locis humidis habitando, vel super terram dormiendo. Saccos foliis Alni repletos Solis radiis exponunt vel in furnum calentem immittunt, donec incalescat: eisdem deinde ægrotantibus substernunt, & superimponunt, sicque derelinquunt donec sudor copiosus diffuat. Quod pluries reiteratur, donec æger sanatus sit. Eodem remedio rheumatici & ischiadici dolores curantur. Iis qui lue venerea afficiuntur ad dolores venereos restringendos prorsus inutile est, annotante Tournefortio.

Unicuique notum est Alni lignum, quod extra aquas non diu incorruptum durat, sub ipsis aquis ac in aquosis fere ad æternitatem immortale non putrescere & ædificiorum fundamenta ac immania structurarum pondera sustinere.

A L S I N E.

Alsine vulgaris, Morsus Gallinæ, *Officinarum*: Alsine media, C. B. P. 250. *Inst.* R. H. 242. Alsine vulgaris sive Morsus Gallinæ, J. B. 3. 362. Alsine minor, *Dod. Pempt.* 29. Hippiæ minor, *Cordi*: Morsus Gallinæ 1. genus, *Tragi*, 385. vulgo, *Morgeline*, & a nonnullis, *Mouron*.

Ex radiculis capillaribus & fibratis, cauliculos plures, humi stratos, repentes, tenellos, hirsutos, subrubentes, geniculatos, ramosos emittit, ad quorum nodos folia bina ex adverso nascuntur subrotunda, acuminata, tres, quatuorve lineas longa, duas, tresve lata, pediculis innixa, subhirsuta, virentia. Flores ramulorum extrema occupant, rosacei, plurimis scilicet petalis bifidis constantes, candidis, striatis & calyce quinquefolio villosa, ex quo surgit pistillum, quod abit in fructum membranaceum, unicapsum, conicum, apice dehiscens, seminibusque foetum minutissimis, subruis, placentulæ quasi racematim affixis. In uliginosis locis ad sepes,

sepes, & vias, itemque in vineis, & hortis, inter olera passim provenit in agro Parisiensi. Usus est herbæ.

Analysi chymica, Alsinæ floridæ ℥v. per balneum vaporosum distillatæ præbuerunt phlegmatis saporis, & odoris herbacei subsalsi ℥iiij. ℥v. ℥vij. Planta residua exsiccata pendebat ℥viiij. ℥vj. gr. xxxvj. quæ per retortam distillata præbuit humoris rufescentis ℥ij. ℥v. gr. xxxvj. salis volatilis urinosi concreti grana aliquot; olei syrupi ad instar crassi ℥j. ℥iiij. gr. lj. Massa nigra in retorta superstes pendebat ℥iiij. ℥vi. quæ per decem horas igne reverberii in crucibulo calcinata reliquit cinerum nigricantium ℥ij. ex quibus salis fixi mere alcali ℥j. lixivio extracta fuit. Partium jactura in distillatione fuit ℥ij. ℥j. gr. lvij. in calcinatione ℥j. ℥vj.

Folia sapore herbido subsalfo donantur. Eorum succus chartam cæruleam subrubram efficit: unde liquet plantam sale Ammoniacali Nitroso donari cum oleo, & terra permixtis, & multo phlegmate dilutis.

Huic plantæ vis resolvendi, discutiendi, & præterea refrigerandi tribuitur. Ejus decoctum oculorum inflammationes sedat. Eadem ipsi, quæ Portulacæ virtutes a Trago tribuuntur. Ad cruentam expuitionem planta minutim secta, & cum ovis permixta, & cocta comeditur. Plurimi eam nutrire asserunt atque restaurare eos, quorum vires morbo diuturno fractæ, phtisim, & marasmm minitantur. Emmanuel Konig M. Basileensis, in epilepsia puerorum, illam intus sumptam commendat, & externe eorum abdomini admotam in butyro frixam, ad eorum tormina sedanda. Herba contusa hæmorrhoidum dolores sedat cataplasmatibus modo apposita, lac quoque grumofum, mammis admota resolvit. Ejus succus defœcatus ad ℥j. in jusclo; foliorum in umbra exsiccatorum pulvis ad ℥j. aut eorumdem manipulus unus in aquæ ℥j. decoctus solent præscribi. Ejus succus vel decoctum vulnera, & ulcera detergit, & sanat. Simon Paulli ejus decoctum adversus scabiem commendat, si addito momento cineris Fagi vel salis manus, & pedes laventur.

Passeribus Canariis cibum temperatum præbet.

A L T H Œ A.

Althæa, Ibisus, Bismalva, Malvaviscus, *Officinarum*: Althæa Dioscoridis, & Plinii, C. B. P. 315. Inv. R. H. 97. Althæa sive Bismalva, J. B. 2. 954. Althæa Ibisus, *Dod. Pempt.* 655. vulgo, *Guimauve*.

Radicibus est albis, numerosis, digitum crassis, ab uno capite pendentibus, fibrosis, mucagine lenta turgidis. Caules cubitales sunt aut bicubitales, tenues, teretes, villosi, foliis alternis donati, e rotundo acuminatis, canescentibus, molli lanugine pubescentibus, tres uncias circiter longis, sinuosis, serratis, longo pediculo insidentibus. Flores in foliorum alis nascuntur ex albido nonnihil rubentes, monopetali, in quinque segmenta ad centrum usque divisi, in quo stylus adest pyramidalis, tubulosus, staminibus onustus, in cavitate sua excipiens pistillum quod abit in fructum orbicularem, compressum, e pluribus capsulis, annuli in modum dispositis, circa placentam mediam conflatum.

Capsulæ membranaceæ sunt, tenues, reniformes & semen continent ejusdem formæ. In agro Parisiensi nihil Althæa vulgatus in paludosis & secus rivulos. Usu sunt radices, folia, flores, semina. Sed radices magis usitatæ.

Analyſi chymica, ex foliorum & ſummitatum Althææ recentium ℥v. per retortam diſtillatis, prodierunt phlegmatis liquidi fere inodori & inſipidi, obſcure acidi, ℥x. ℥iij. gr. xlvij. humoris limpidi primo manifeſte acidi, deinde aſteri, tandem empyreumatici ℥iij. ℥vj. ℥v. gr. liv. humoris empyreumatici, ruſi, ſale volatili urinoſo imprægnati, ℥ij. ℥ij. gr. xlij. ſalis volatilis urinoſi, concreti, gr. lx. olei craſſi ac mellei ℥j. ℥vj. gr. xxxvj. Maſſa nigra in retorta ſuperſtes pendebat ℥vj. ℥iij. gr. xlvij. quæ in crucibulo igne reverberii calcinata, reliquit cinerum ℥iij. ℥j. gr. viij. ex quibus ſalis fixi mere alcali ℥j. ℥j. gr. viij. lixivio extracta ſunt. Partium jaçtura in diſtillatione fuit ℥iij. in calcinatione ℥iij. ℥iij. gr. xl.

Ex ℥v. recentium Althææ radicum, quarum medulla lignoſa, funis inſtar, adempta fuerat, prodierunt phlegmatis limpidi, inodori, inſipidi & obſcure ſaſi ℥j. ℥x. gr. lxiiij. humoris ſubacidi, ſubſaſi & aſteri ℥ij. ℥viiij. gr. xij. humoris empyreumatici, ruſcentis, tum acidi, tum alcali, urinoſi & aſteri ℥iij. ℥ij. gr. xvij. olei adipoſæ ſpiſſitudinis & aqua gravioris ℥j. ℥v. gr. xvij. Maſſa nigra in retorta ſuperſtes pendebat ℥v. ℥vj. gr. lxiiij. quæ igne reverberii calcinata reliquit cinerum ℥ij. ℥iij. gr. xx. ex quibus ſalis fixi mere alcali ℥vij. gr. xlij. lixivio extracta fue-
re. Partium jaçtura in diſtillatione fuit ℥iij. gr. xl. in calcinatione ℥iij. ℥ij. gr. xliij.

Folia Althææ ſucco turgent inſipido, glutinoſo, quæ cœruleæ chartæ colorem nullo modo mutat. Idem mucosus ſuccus in radicibus luxuriat, quo tamen, licet guſtu inſipido, charta cœrulea ſubrubro colore perfunditur. Folia & radices perparum urinoſi liquoris, analyſi chymica, fundunt, plus vero præbent ſalis alcali fixi, mediocrem acidi liquoris portionem, multo copioſiorem ſaſi & aſteri quantitatem. Unde concludimus, mucosum hujus plantæ ſuccum & ex terra tenui ac ſubtili, ſale terræ foliatæ tartari ſimili, oleo copioſo intime permixtis, & multo phlegmate dilutis componi. Folia ſalis volatilis aliquantulum ſuppeditant, unde nonnihil ſalis Ammoniacalis continere cenſemus: radices vero minus urinoſi liquoris & paulo plus ſalis acidi manifeſti continent, quandoquidem cœruleum chartæ cœruleæ colorem in rubrum mutant.

Ab illa mucagine lenta & ſubdulci qua Althæa turget, pendent potiſſimum illius virtutes, emolliendi nempe, laxandi, diſcutiendi: dolores leniendi, tumores maturandi, humorum acrimoniam mitigandi & corrigendi. Folia ob aliquam ſalis Ammoniacalis portionem paulo magis quam radices reſolvunt.

Ad quatuor præcipue Althæa utilis eſſe perhibetur.

1. Ad affectiones renum & veſicæ ab urinæ acrimonia, a calculo aut ab arenulis oriundas, urinæ ſales mucosus ſuis partibus involvendo, abraſum urinarum viarum mucum quodammodo reſtituendo, & arenularum deſcenſum exitumque faciliorem efficiendo.

Deco-

Decoctum foliorum & præsertim radicum epotum aut in apozematis, emulsionibus & aliis potionibus ejuscemodi propinatur. In decoctis diureticis quoque utiliter præscribitur ad diureticorum vim & acrimoniam contemperandam.

2. Ad affectus pulmonum, tenuiorum pituitam inspissandam, acrem & falsam demulcendam, asperam arteriam corrugatam illiniendam, exsiccatam emolliendam, expectorationem promovendam, in raucedine, tussi, catarrhis, asthmate, phthisi, pleuritide. Tuncque radicum decoctum, syrupus, pastilli seu rotuli & linctus ex ejus mucagine feliciter usurpantur, & nonnumquam cum medicamentis incidentibus & attenuantibus, velut Iride Florentina, floribus Sulphuris, floribus Benzoini & aliis utiliter adhibetur.

3. Ad intestinorum erosiones & dysenterias ejusdem decoctum epotum aut in clysteribus injectum prodest non quidem adstringendo, sed succorum acrium & erodentium acrimoniam retundendo & intestinorum membranas mucosae spoliatas illiniendo: necnon etiam in alvi profluviis cum adstringentibus, Tormentillæ, ex. gratia, Bistortæ, aut similium radicibus, ad dolores mitigandos apposite quidem Althæa confociatur.

4. Denique ad tumores duros emolliendos & maturandos, dolores sedandos, cataplasmata ex seminibus, foliis, & radicibus præparata; lotiones quoque & fomenta ex eorum decoctis utiliter adhibentur, aut cum medicamentis resolventibus ad eorum vim retundendam, ubi inflammatio metuenda est, permiscuntur.

Folia paulo plus resolvunt quam radices, ratione salis Ammoniacalis quem continent.

Radices Althææ acrimonia præditas esse arguit Georgius Segerus qui in *Ephem. German. an. 9. & 10. Observ. 100.* ex applicatione hujus radice contusæ & in aqua simplici decoctæ, plurimas pustulas rubicundas & dolorificas membrum adeo exasperavisse, ut undique plane exulceratum apparuerit, observat. Verum perperam radice acrimoniæ pustularum eruptio tribuitur, quæ effectus est humoris acris & caustici e profundo ad summam cutim evecti, tepore nempe cataplasmatibus quo humor resolutus fuit & ad perspirationem dispositus. Quinimo S. Paulli observat radice Althææ mucilaginem aqua Rosarum extractam illitam, eos mitigare dolores, qui arte a sinapismis & vesicatoriis excitantur, si nimis molesti sint.

Dum Althææ radices in ptisanis & apozematibus præscribuntur; observandum est, ne majori copia in his injiciantur, nec diutius coquantur, alioquin mucosum & glutinosum nimis fit decoctum, palato ingratum & stomacho grave. Iisdem sub finem coctionis adjiciuntur ad ℥j. pro decocti libris duabus, folia ad M. j. & flores ac semina ad ℥j. aut ℥ij. pro unaquaque libra.

℥. Rad. Althææ & Nymphææ ana ℥ij. Coquantur in aquæ comm. ℔iij. Fiat colatura, in qua dilue Nitri purificati ℥ij. Fiat decoctum per cyathos propinandum in dolore nephritico, ardore, & suppressione urinæ.

℥. Glycyrrhizæ rasæ & contusæ ℥ij. Rad. Althææ ℥j. Folior. Malvæ M. ij. Passu-

Passular. exacinar. ℥vj. Coquantur in aq. fluviatil. q. s. Fiat apozema pectorale.

℥. Rad. Althææ ℥iiij. Folior. Althææ, Malvæ, florum Chamæmeli, Meliloti ana M. j. Ficum ping. n. iiij. Fiat cataplasma s. a.

℥. Radicum Althææ, bulbor. Lilior. ana ℥iiij. Folior. Althææ, Malvæ, Violar. Senec. & Branc. ursin. ana M. ij. Flor. Chamæmeli & Meliloti ana M. j. Semin. Lini & Fœnugræc. ana ℥j. Radices & folia minutim incisa floribus & seminibus permixta, duobus æqualibus & aptæ amplitudinis sacculis excepta in aq. comm. q. s. vel ℔x. ad putrilaginem usque decoquantur; sacculique manibus leviter expressi, parti inflammatae ac dolenti alternatim tepide admoveantur, per horam unam aut alteram, illisque remotis oleo Liliorum vel unguento de Althæa pars affecta illinatur.

Ex Althææ radicibus præparantur Mucilago, Syrupus de Althæa simplex, Syrupus de Ibisco compositus, Tabellæ seu Pastilli, & Unguentum.

Mucilago ex radicibus coctis per setaceum extrahitur, ex qua Conditum & Pastilli cum Saccharo conficiunt, in catarrhis, raucedine & in aliis gutturis affectionibus summæ utilitatis. Externe papillarum scissuræ hac mucagine illitæ consolidantur, partes ambustæ sanantur.

Syrupus de Althæa simplex fit ex Althææ radicum & florum infuso cum æquali Sacchari portione ad syrupi consistentiam coctis. In supradictis affectionibus convenit, & apozematibus, potionibus & aliis hujuscemodi, admisceri solet. Alius Syrupus magis compositus in Officinis servatur, cujus descriptio in *Pharmacop. Regia Charas* exarata, cæteris præstantior nobis videtur, tum ad expectorationem promovendam, tum ad ciendas urinas & earum acrimoniam retundendam. Ejus dosis ad ℥j.

Tabellæ sunt quoque simplices vel compositæ, in tussi quacumque frequenter usitatæ, in pectoris affectionibus & præsertim ad pituitæ acrimoniam temperandam. Simples ex pulpa radic. in aqua decoctæ & emolitæ extracta & cum Saccharo cocta conficiuntur. Compositarum compositionem in *Pharmacopœa Regia Charas*, videre licet.

Unguentum de Althæa in *Pharmacopœa Regia Charas* descriptum, in quo Terebenthina, semen Fœnugræci, Scillæ laminæ & Galbanum cum Althææ radicibus consociantur, longe magis resolvit, quam simplex radicis pulpa. Usurpatur ad dolores rheumaticos & ischiadicos sedandos, ad punctorios lateris dolores resolvendos. Tunc etiam spiritus vini Camphoratus huic utiliter admiscetur. In suppressione urinæ, illud unguentum cum oleo Scorpionum mixtum & regioni pubis illitum, tanquam præstantissimum remedium a nonnullis prædicatur.

℥. Camphoræ ℥ss. Dissolve in Spiritu vini ℥j. Solutioni adde Olei Lumbricor. terrestr. ℥ss. Unguenti Althææ ℥jss. Croci pulver. ℥j. Fiat linimentum quo dolens latus inungatur in pleuritide.

Præter has præparationes, radices Althææ usurpantur in Unguento Martiato, Emplastro pro fracturis, *Charas*, de Mucaginibus, de Meliloto.

Semina usurpantur in Syrupo de Ibisco Fernelii, de Hyssopo, Mesue : Jujubino, de Prassio, Trochiscis Gordonii, Lohoc sano, & Syrupo antinephritico, Charas.

A M Y G D A L U S.

A Mygdali species duæ sunt, quarum fructus in pharmaceuticarum Officinarum sicut & mensarum usum veniunt, scilicet Amygdalus sativa & Amygdalus amara.

Amygdalus sativa, Amygdalus dulcis, *Officinarum* : Amygdalus sativa fructu majori, C. C. P. 441. *Inst. R. H.* 627. Amygdalus dulcis, J. B. 1. 174. Amygdalus, *Tabern. Icon.* 996. Nux Græca ; *Cordi* : vulgo, *Amandier doux*.

Radicibus est validis & multifidis, trunco scabro, materie dura & rufescente, foliis Persicæ angustis, acuminatis, crenatis. Flores rosacei e quinque petalis in orbem positis conflantur, candicantibus vel leviter purpurascentibus, calyce montomo, quinquifido, cum pistillo abeunte in fructum unciam circiter longum, compressum, pulvinato callo obductum: cujus os perdurum est, acuminatum, & continet nucleum oblongum, album, carnosum, oleosum, & grati saporis, cuticula tenui, rufa, veluti pulvisculo resinoso respersa, circumvestitum. Hic colitur in hortis: sed in regionibus calidis, præsertim in Gallia Narbonensi seritur in patentissimis, aridis, & arenosis campis. Fructus mensis apponitur & in Officinis pharmaceuticis ad medicamentarium usum reservatur: Amygdala & Amygdalum dicitur.

Aliæ duæ species sunt quarum fructus ad mensas apponuntur, scilicet Amygdalus sativa fructu minori, C. B. P. 441. & *Inst. R. H.* 627. & Amygdalus dulcis, putamine molliore, C. B. P. 442. *Inst. R. H.* 627. Hæc a præcedente differt putamine, quod fragile est, & Violæ odorem quodammodo refert: illa vero tantummodo magnitudine.

Analysi chymica, ex Amygdalarum virentium, adhuc immaturarum, quarum nucleus nondum induruit ℔v. per retortam distillatis, prodierunt primo phlegmatis limpidi fere inodori, saporis aliquantisper herbacei, subacidi, ℥xv. ℥v. gr. xxxvj. humoris limpidi, manifeste acidi, ac tandem austeri, ℔iiij. ℥viiij. ℥vj. humoris sale alcali urinoso imprægnati ℥vj. gr. salis volatilis urinosi, concreti, gr. xxx. olei ℥vij. Massa nigra in retorta superstes pendebat ℥iiij. ℥v. gr. xxxvj. quæ igne reverberii calcinata reliquit cinerum leucophæorum ℥vj. gr. xlviiij. ex quibus salis fixi mere alcali ℥ij. gr. lxxviiij. lixivio extracta fuerunt. Partium jactura in distillatione fuit ℥ij. gr. liiiij. in calcinatione ℥ij. ℥vj. gr. lx.

Ex Amygdalarum dulcium bene maturarum ℔v. per retortam distillatis, prodierunt phlegmatis limpidi, saporis & odoris expertis, obscure salis & obscure acidi ℥v. ℥iiij. gr. ix. humoris limpidi, odoris aliquantisper ingrati & saporis subacidi, obscure austeri, ℥vj. gr. xviiij. humoris primum limpidi, rufescentis deinde fusci, sale volatili urinoso imprægnati ℥v. ℥iiij. gr. xviiij. olei fluidi ℔ij. ℥ix. ℥iiij. gr. xxxix. Massa nigra in retorta superstes pendebat ℥xiiij. ℥vij. gr. lxxiiij. quæ

igne

igne reverberii per 12. horas calcinata reliquit cinerum ℥ij. ℥j. gr. lxxvj. ex quibus salis fixi alcali ℥ij. gr. xxj. lixivio extracta sunt. Partium ja-ctura in distillatione fuit ℥xij. ℥v. gr. lxxix. in calcinatione ℥xj. ℥v. gr. lxxix.

Oleum per retortam multoties distillatum plurimum humoris aquei acris, tum acidi, tum alcali urinofi, disjicit, aliquantulum capitis mortui nigri in retortæ fundo relinquendo, ita ut totum oleum per iteratas distillationes converti videatur in terram nigram, aquam, & aliquam salis tum acidi, tum alcali urinofi portionem admodum exiguam.

Maturæ igitur Amygdalæ oleo copioso constare videntur, multo phlegmate, mediocri salis acidi, & exigua salis ammoniacalis portione, cum pauca terra subtili. Econtra Amygdalæ immaturæ perparum admodum olei præbent, multum phlegmatis acidi, ita ut oleum nihil aliud esse videatur, quam sal acidus & aqua cum inflammabili principio seu igne elementari certo quodam modo conjunctis & mixtis, ut jam alibi demonstravimus.

Ex Amygdalis contusis oleum limpidum exprimitur & quidem magna copia. Si cum aqua paulatim contundantur in liquorem lacteum convertuntur, sapore dulcem & gratum particulis oleosis & aqueis, mediantibus salibus, intime conjunctis. Lacteus ille liquor veluti lac per tempus aliquantisper acescit, ab acidis affusis nonnihil grumescit, ita ut quædam pars caseosa coagulata separari possit, necnon etiam assidua agitatione nonnihil butyrosæ substantiæ fundit, ac proinde lac tenue merito dici potest.

Amygdalæ diu asservatæ oleosæ fiunt & rancidæ, exhalata nimirum humiditate qua oleum adeo divisum erat ut sensibus percipi non posset. At vero per tempus exhalatis aqueis particulis, olei partes salibus onustæ coadunantur & palatum ac nares graviter feriunt.

Amygdalæ dulces recentes corpus nutriunt, non abunde tamen, quidquid econtra nonnulli affirmant; & alimentum crassum suppeditant. Quorundam ventriculum gravant, quorum succus digestivus debilior est. Attendendum quoque Amygdalas edendo ut probe dentibus comminuantur, antequam deglutiantur. Si enim sub dentibus non accurate commolantur, adeo densa & compacta est earum substantia ut particulas deglutitas integras rejectas videas. Ad varios, lautosque mensarum usus adhibentur. Saccharo incrustatæ bellaria præbent, variaque ex illis scitamenta dulciarii parant, quæ inter gulæ potius irritamenta, quam vitæ præsidia annumerantur. Ægrotantibus tamen quandoque exhibentur ad humores acriores leniendos, & tenuiores inspissandos, unde tabidis & macilentis escam præbent non insalubrem.

Eligi debent recentes, non rancidæ, extus fulvæ, planæ, non rugosæ, intus albiissimæ, sapore dulces & gratæ. Nam vetustate, ut jam diximus, aquea humiditas absumitur & evaporatur, adeoque evadunt extus rugosæ, intus flavescentes oleosæ & acres. Nec illud videtur prætermittendum, semper & in omni usu detrahendam esse pelliculam flavam carni candidæ immediate adhærentem. Fusco enim pulvisculo resinoso & acri contegitur, quo comedentium fauces sæpius irritantur & tussis excitatur.

Exhibetur autem sub emulsionum nomine lac seu cremor Amygdalinus, qui sic præparatur.

Sumuntur Amygdalæ dulces recentes: Aquæ calenti immerguntur donec pellicula fuerit emollita, quæ detrahatur. Postea in mortario marmoreo probe contunduntur, sensim affundendo decocti Hordei, Seri Lactis, vel liquoris alicujus convenientis ℥j. vel ℥ij. pro singulis Amygdalarum drachmis; & colatura fit cum expressione, cui Sacchari tantillum vel Syrupi alicujus q. s. adjicitur ad gratiam huic Cremori majorem conciliandam. Urinas promovere dicitur sicut cætera diuretica quæ improprie frigida dicuntur, quæ quidem serum expellunt per accidens tantum, ut ajunt, vel massam sanguineam inspissando & ejus seri infusionem provocando, vel renum inflammationem sedando, unde illæ partes ad pristina sua munera aptiores fiunt. Eandem ob causam vis anodyna ipsis tribuitur. Emulsiones ex hoc cremore ægrotantibus offeruntur in febribus ardentibus, vigiliis nimis, urinæ ardore, renum & vesicæ inflammatione, doloribus quibuscumque, diarrhæis, dysenteris, hæmorrhægiis. Phthisicis & emaciatis cremor ille utiliter præscribitur, præsertim si sudores colliquativi immineant. Lactis enim vices quodammodo adimplet, acris seri sanguinis spicula retundendo & involvendo, partiumque segregationem impediendo: nec iisdem noxis obnoxius est, non enim adeo facile acescit, nec tot sulphureis particulis donatur, quæ ab humorum æstu accenduntur. Non solum ut medicamentum illis ægrotis proponitur, sed etiam ut alimentum conveniens. Oryza enim vel Hordeum perlatum in hoc Amygdalino cremore decocta idoneum præbent alimentum quod æstuantibus humores facile domare potis est, & ab iisdem vehementer æstuantibus in effervescentiam compelli nequit.

Nonnulli moti auctoritate Avicennæ dicentis, Amygdalas ob suam unctuositatem movere choleram, sibi persuadent non tutum esse cremoris Amygdalini usum febricitantibus & iis, qui stomachumbiliosum habent, facile inflammari, caput gravare, nec vulnerato capite ægrotantibus utendum esse. Verum licet unctuositas illa, levissima quidem in Amygdalis negari nequeat, terrestribus particulis irretitur; quapropter nihil quicquam nocumentorum jam dictorum experientia quotidiana omnium fere Medicorum monstravit: quinimo ex Amygdalino lacte aut emulsionibus ægrotantes fere omnes in febribus acutis & colicis morbis maximum solatium atque levamen accipere, quotidie exploramus.

Ex Amygdalis dulcibus oleum dulce recenter expressum frequenter usurpatur, tum ad humorum acrimoniam demulcendam, tum ad crispas aut induratas partium fibras emolliendas & laxandas, in inflammationibus, urinæ ardore & suppressione, colicis doloribus ac nephriticis, tussi molesta, ad expectorationem promovendam, urinas pellendas, alvum subducendum, dolores compescendos, ita ut a plurimis Panacea merito habeatur. Est sane medicamentum *ευήπιστον*, ad multa efficax, blandum & gratum: sed recenter expressum esse oportet. Exhibeatur ad ℥j. ℥iij. vel ℥viiij. & pro necessitate reiteratur tertia vel quarta quaque hora. Pulmoni & pectori utilissimum est. Recens expressum syrupo alicui bechico ut Althææ, Capillor. Vener. Papaver. Rhæad.

Rhæad. Hyssopi aut Hederæ terrestris affusum, una agitare, miscere, adeoque bibendum præbere, parva quidem quantitate una vice, solent, & sæpius repetere illius usum, vas denuo agitantes: nam oleum a syrupo facile recedit, eique supernatat.

Ad infantium tormina cochleatim propinatur cum syrupo Capillor. Vener. de Althæa vel de Cichorio composito cum Rheo. Ad eorundem tussim vehementiorem, cum Syrupo Papaveris Rhæados vel Diacodio. Purperis aliquot uncia ad dolores post partum demulcendos in jusculo vel solæ exhibentur. Similiter pleuritidis initio post venæ sectionem, aliquot illius uncia per intervalla sumptæ incipientem pleuræ inflammationem mire discutere valent. In nephriticis affectionibus idem oleum cum aqua vel decocto Parietaræ, syrupo de Limonibus, de Ibisco, aut alio utiliter propinatur: & hæc potio oleosa reiteratur, prout res postulat.

Hoc affatim bibitum in colicis affectionibus quibuscumque, in alvi siccitæte, & constrictione plurimum valet & est præterea singulare convulsionum remedium. Clysteribus permiscetur utiliter ad ℥iij. vel ℥viij. in colicis doloribus, alvinis obstructionibus, dolore nephritico, tenesmo, dysenteria.

Externe inunctum sæpius & calide tonsillarum tumores resolvit, pleuræ inflammationem & partium dolores lenit, durities emollit, cutis asperitatem tollit, quapropter inter cosmetica medicamenta usurpatur.

℥. Amygdalar. dulc. a pellicula mundatar. paria vi. Contundantur in mortario marmoreo, sensim affundendo Decoct. Hord. vel Aquar. Portulacæ aut Lactucæ q. s. Fiat amulsio pro duabus dosibus. Unicuique adde Syrup. de Nymphæa ℥j. ad sitim extinguendam & æstum temperandum, in febribus, cæterisque calidis affectionibus pulmonum, pleuritide, peripneumonia, quarta quaque hora.

℥. Amygdalar. dulcium excorticatarum ℥ss. Semin. quatuor frigidiorum majorum ana ℥j. Semin. Althæa ℥ij. Contunde, ut artis est, & affunde Decocti Hordei, & Liquiritiæ ℔ij. Fiat Emulsio, in qua dissolve salis prunellæ ℥j. Syrup. de Althæa ℥ij. Sumatur per vices in renum ardoribus, gonorrhæa ad humoris & urinæ acrimoniam demulcendam.

℥. Amygdalar. dulc. excorticatar. ℥ij. Semin. Melon. & Card. bened. ana ℥j. Aquar. Scabiosæ, & Scorfonner. ana ℥vj. Adde Diaphoretic. miner. gr. xxx. Syrup. Caryophyllor. hortens. ℥ij. Fiat emulsio s. a. pro duabus dosibus in variolis & morbillis.

℥. Amygdalar. dulcium & quatuor frigidior. major. semin. ana ℥j. Contunde, ut artis est, cum aq. Nymphææ, Lactucæ, & Portulacæ ana ℥ij. Fiat colatura cum expressione. Adde Syr. Nenupharis, & Diacod. ana ℥ss. Fiat emulsio pro una dosi ad somnum conciliandum.

℥. Aquæ vel Decocti Parietar. ℥iij. Syrup. de Althæa vel Limon. ℥j. Olei Amygdalar. dulcium recens & sine igne expressis ℥j. Fiat potio uno haustu sumendam, & sæpius iteranda in dolore nephritico, urinæ ardore & suppressione, præmissis præmittendis.

℥. Mann. Calabr. ℥ij. Solve in decocti carnis vitulinæ ℥vij. Solutioni transcola.

ſcolatæ adde Olei Amygdalar. dulc. ℥j. Sumat æger in colicis doloribus, ad alvum blande ſubducendam.

24. Confect. univerſal. Mann. Glabr. ana ℥j. Diſſolvantur & bull. leviter in Aqu. Plantag. ℥vj. Colaturæ adde Olei Amygdalar. dulc. ℥j. Fiat potio purgans, in dyſenteria & alvi profluviis.

24. Syrup. de Cichor. comp. cum Rheo, & Olei Amygdalar. dulc. recens expreſſi ana ℥j. Miſceantur & cochleatim infantulis exhibeantur ad tormina ventris ſedanda, ventriculi & inteſtinorum ſaburram eliminandam.

24. Olei Amygdalar. dulcium ℥j. Spermat. Ceti ℥ij. Diſſolvantur, & miſceantur. Fiat linimentum ad maculas & aſperitates cutis.

Amygdalæ dulces uſurpantur in Electuario Diaphænico, Trochiſcis Gordonii, Ph. Reg. Charas.

Amygdalas dulces tenellas, & virentes, antequam offacula induruerint, menſiſecundis inferunt, & integra una cum tegumentis eſitant præſertim Saccharo conditas: ſuntque revera ſubacido ſapore palato acceptæ, ſed prævum præbent alimentum.

Amygdalus amara, *Officinarum*: Amygdalus amara, C. B. P. 441 J. B. 1. 174. *Inſt. R. H.* 627. Ab Amygdalo ſativa dulci non differt niſi fructuum amarore; de cæteris conveniunt.

Analyſi chymica, ex Amygdalarum amararum ℔v. prodierunt phlegmatis fere inſipidi & inodori, obſcure ſalſi & obſcure acidi ℥v. humoris ingrati, ſubacidi, obſcure aſteri ℥vij. gr. xij. humoris limpidi, ruſcentis, empyreumatici, tum ſubacidi, tum ſale volatili urinoſo imprægnati ℥ix. ℥iij. olei ruſcentis ℔ij. ℥vj. ℥j. Maſſa nigra in retorta reſidua pendebat ℔ij. ℥ij. ℥ij. gr. xxxvj. quæ per 12. horas igne reverberii calcinata reliquit cinerum ℥ij. ℥iij. gr. xxvij. ex quibus ſaliſi fixi alcali ℥j. gr. xij. lixivio fuerunt extracta. Partium jactura in diſtillatione fuit ℥vij. ℥ij. gr. xxij. in calcinatione ℥xv. ℥vij. gr. ix.

Licet olea empyreumatica, tum ex amaris, tum ex dulcibus Amygdalis diſtillata, empyreuma redoluerint, guſtu tamen acrius eſt amararum, quam dulcium oleum. Deinde oleum expreſſum ex Amygdalis amaris odorem tantillo penetrantiorẽ ſpirare videtur, quam quod ex dulcibus expreſſum eſt. Horumce oleorum acrimonia & ſubtilis odor a volatilibus pendent ſalibus, qui paulo majori copia in amaris, quam in dulcibus deprehenduntur. Amaror autem a particulis craſſioribus oritur, ſalinis potiffimum; quandoquidem amarus in expreſſo oleo ſapor minime diſtinguitur, licet expreſſum magma intenſam ſervet amaritiam. Et amaræ illæ particulæ fortæſſe a ſale cathartico amaro non multum diſſimiles ſunt, oleo craſſiori, & terræ ſubtili implicitæ.

Amygdalis amaris vis incidendi, abſtergendi, aperiendi, urinas promovendi, ac vermes enecandi tribuitur. Rarius tamen propter amarorem ad uſum internum uſurpantur. Earumdem oleum expreſſum urinas ciere, alvum laxare, expuſionem promovere, & blande ſtatus diſcutere dicitur, ſi ejus dimidia vel integra uncia cum juſculo hauriatur.

Extus hoc oleum commendatur, ad inflammationis ſedandas, tumores reſol-

solvendos , dolores mitigandos , & oleo Amygdalarum dulcium potentius resolvit . Tonfillarum inflammationem resolvit , si collum eo inungatur . Aurium sordes induratas emollit , & resolvit : idcirco efficax ad surditatem , & aurium tinnitum vulgo habetur , si gossypium hoc oleo madidum auri indatur : sed perperam si ab alia causa surditas oriatur , siquidem Fridericus Hoffmannus observat surditatem aut gravem auditum sæpissime ejus usu auctum fuisse , eo quod tympani membranam nimium laxaverit . Idem auctor in tympanitide sequens oleum commendat .

24. Amygdalar. amar. ℥j. Semin. Cumin. Absynth. ana ℥ss. Contunde in mortario & misce . Postea in lagenâ stanneâ , per quatuor horas , in ahenâ aqua ferventissima pleno coque , deinde fortiter exprime . Prodit oleum viride . Dos. ℥ij. vel ℥ss. mane & vesperi in jusculo : & sæpius etiam venter hoc oleo inungatur .

Præterea oleum Amygdalar. amarar. faciei maculas a sole oriundas tollit : cum oleo ovorum mixtum , & inunctum variolarum foveolas præcavere potis est .

Ad manuum nitorem , lævoremque conservandum usurpari solet magma ab olei expressione relictum , & exsiccatum , quo aqua diluto manus lavari , fricarique solent , & quovis Sapone præstantius est .

Observandum est Amygdalis amaris aves , vulpeculas , catellos , & animalia quamplurima , homine excepto , convulsionibus sæpe deleteriis affici ; quod quidem magis exquisito fibrillarum nervosarum gulæ , & ventriculi horum animalium sensui tribuendum est , quo fit , ut ab his amaris particulis gravius lædantur quam in homine , facilius crispentur , vehementius constringantur , convellantur .

Amygdalas amaras quinas vel senas ante pastum comestas ebrietatem arcere vulgaris est opinio . Novimus tamen , inquit J. Bauhinus , qui remedium illud adversus ebrietatem in usu habentes , nihilo secius a Bacchio obruuntur .

Amygdalæ amaræ usurpantur in Electuario de Baccis Lauri , & Trochiscis de Capparibus .

A N A C A M P S E R O S .

A Nacampseros , Telephium vulgare , Fabaria , Faba crassa , Faba inversa , Crassula major , *Officinarum* : Anacampseros , vulgo Faba crassa , *J. B.* 3. 681. *Inst. R. H.* 264. Telephium vulgare , *C. B. P.* 287. Telephium alterum sive Crassula , *Dodon. Pempt.* 130. Fabaria , *Matthiol* : Scrophularia media vel 3. *Brunsfelsii* : Acetabulum alterum , *Cordi* : vulgo , *Orpin* , *Reprise* , *Grassette* , *Joubarbes des vignes* .

Radice est tuberculis carnosus , candidis , strumosa ; caulibus rectis , teretibus , solidis , in ramulos aliquot divisus , palmum unum , aut alterum altis , quibus perquam crebra adnascuntur folia surrecta , carnosâ , crassa , succulenta , Portulacæ foliis longiora , colore glauco , rubedine aliqua subinde perfuso , crenata , ut plurimum , licet interdum integra sint .

sint . Flores in summis caulibus & ramulis insident in umbellas digesti , rosacei , pentapetali , rubentes & non raro albicantes , cum pluribus staminibus . Ex floribus calyce surgit pistillum quod abit in frustum ex quinque veluti capsulis vaginalium æmulis in capitulum quoddam collectis , compositum , seminibusque foetum perexiguis . Flore & fructu cum Sedi convenit , sicut & foliis crassiusculis , succulentis : ab eo tamen distinguitur , quod a prima statim germinatione excaulescat , cum folia Sedi in globulos oculi bovilli æmulos congerantur . In sylvis umbrosis & humidis maxime & ad sepes nascitur . Usu sunt radices & folia .

Analyti chymica , ex plantæ floridæ lbv. per retortam distillatis prodierunt phlegmatis limpidi , aliquantisper odorati , obscure salis & obscure acidi ℥x. ℥vij. gr. xxiiij. humoris primum limpidi , subacidi , deinde rufescentis , manifeste acidi , ac tandem fusci , intense acidi & austeri , empyreumatici , lbij. ℥xij. ℥iiij. gr. vj. humoris fusci , obscuri , empyreumatici , intense acidi , austeri & sale volatili urinoso imprægnati ℥j. ℥ij. gr. lxxij. olei crassitudinis adiposæ ℥vj. Massa nigra in retorta residua pendebat ℥iiij. ℥ij. gr. xij. quæ igne reverberii calcinata reliquit cinerum ℥j. ℥j. gr. lxxvj. ex quibus salis fixi ℥j. gr. xliij. mere alcali extracta sunt . Partium jactura in distillatione fuit ℥ij. ℥j. gr. xxxix. in calcinatione ℥ij. ℥vij. gr. xviiij.

Anacampteros succus aliquantisper glutinosus est , & chartam cœruleam rubro colore inficit ; salem acidum austerum continet salis aluminoso haud dissimilem , cum aliquantisper salis Nitrosi Ammoniacalis , & sulphuris portione mediocri commixtum . Hoc mucoso & subacido succo saniei ulcerum erodentis acrimoniam retundit , spicula salina , acria , involvendo & irretiendo .

Ex Anacampteros radicum recentium lbv. per retortam distillatis , prodierunt phlegmatis limpidi , saporis & odoris aliquantisper aromatici , non ingrati , subacidi lbij. ℥xiiij. ℥vij. humoris primum limpidi , saporis aromatici , manifeste acidi , deinde fusci , empyreumatici , intense acidi & austeri lbj. ℥iiij. gr. lx. humoris rufi , sale volatili urinoso copioso imprægnati ℥j. ℥ij. olei ℥j. ℥iiij. gr. xxxvj. Massa nigra in retorta superstes pendebat ℥vj. ℥vj. gr. xxiiij. quæ igne reverberii calcinata reliquit cinerum ℥j. ℥iiij. gr. xxxvj. ex quibus salis fixi mere alcali ℥ij. gr. xxviij. lixivio fuerunt extracta . Partium jactura in distillatione fuit ℥ij. ℥ij. gr. xxxiiij. in calcinatione ℥v. ℥j. gr. lx.

Per hanc analysim liquet has radices sale tum ammoniacali , tum aluminoso constare & oleo copioso tum tenui & aromatico , tum crasso . Radices plus olei & quidem tenuis & aromatici continent quam folia , & majorem salis ammoniacalis portionem : unde magis resolvunt quam folia . Hæc vero major acidi nitrosi salis portione donantur , quo refrigerant magis & abstergunt .

Internus Anacampteros usus fere nullus est aut saltem rarissimus . Foliorum succus in potu usurpatus a nonnullis in hæmoptisi , ulceribus internis & hæmorrhoidum affectionibus laudatur . In clysteribus eorum decoctum ad consolidanda intestinorum ulcera in dysenteria cum reliquis vulnerariis utiliter usurpatur : detergit enim & adstringit .

Externe in recentibus vulneribus sanguinem sistit , ulcera detergit , & ad cicatricem perducit , tumorum suppurationem promovet , dolores

mitigat , præsertim hæmorrhoidales , tum planta contusa & in cataplas-
matis formam redacta , tum ejusdem succus expressus . Nonnulli ad in-
flammationes sedandas totam plantam in mortario plumbeo contundunt &
cum oleo Rosarum terunt . A Friderico Hoffmanno ejus succus in ulceri-
bus uteri , & ejus excoriationibus plurimum commendatur .

Radices contusæ & cum insalfo butyro coctæ vel tritæ in unguenti
consistentiam in hæmorrhoidum inflammationibus plurimum valent . Imo
eædem radices recentes tot quot hæmorrhoidalia in ano tubercula protu-
berant , loco amuleti de collo filo usque ad Os sacrum suspensæ a Vede-
lio & Ettmullero multum prædicantur : marcescentibus enim radicibus ,
si illis credere fas est , tubercula tabescunt & evanescunt .

Silentio prætermitto Sympathicam herniæ inguinalis curandæ virtutem ,
quæ ipsis tribuitur , utpote admodum incertam .

Aqua ex tota planta distillatur , quæ per aliquot dies continuo bibita ad
vulnera & ulcera interna laudatur .

Anacampseros usurpatur in Aqua vulneraria .

Alia est Anacampserotis species cujus radix in usum nonnunquam ve-
nit : dicitur .

Rhodia Radix , *Offic.* Anacampseros radice Rosam spirante , major ,
Inst. R. H. 264. Rhodia radix , *C. B. P.* 286. *J. B.* 3. 683. *Dodon. Pempt.*
347. A Telephio vulgari parum differt , nisi radicis odore saporeque Rosa-
rum consimili . Radix sola in usu est . Cephalica & adstringens habetur .
In adstringentibus decoctis quandoque usurpatur . Externe in capitis dolo-
ribus ex applicatione contractis contusa & cum aqua Rosarum vel Verbe-
næ decocta fronti admovetur & circumligatur .

A N A G A L L I S .

A Nagallidis species duæ in Officinis usitatæ sunt , quarum una mas
dicitur , altera fœmina , quæ nonnisi floris colore inter se
discrepant .

Anagallis mas , *Off.* Anagallis phœniceo flore , *C. B. P.* 252. *Inst. R.*
H. 142. Anagallis phœnicea , mas *J. B.* 3. 369. Anagallis mas , *Dod.*
Pempt. 32. vulgo , *Mouron à fleurs rouges* .

Radice alba , simplici , fibrata donatur , cauliculis infirmis & humifu-
sis palmaribus , quadratis , lævibus , quos folia bina opposita , nonnun-
quam terna siingunt . Alines mediæ paria , absque pediculis , inferna su-
perficie punctis ex rubro nigricantibus guttata . Flores ex alis foliorum sin-
gulatim exeunt , pediculis tenuibus oblongis nixi , monopetali , in quin-
que segmenta acuta totidem folia imitantia ad unguem fere divisi , phœ-
nicei , cum staminibus purpureis , apiculis luteis & calyce quinquifido ,
ex quo surgit pistillum mediæ floris parti ad instar clavi infixum , quod
abit infructum seu testam fere globosam , pro plantulæ modo grandem ,
per maturitatem in duas partes quarum altera alteri incumbibat transver-
sa dehiscens & seminibus fœtam exiguis , ut plurimum angulosis , ru-
gosis , subfuscis , placentæ affixis .

Anagallis fœmina, *Off.* Anagallis cœruleo flore, *C. B. P.* 252. Anagallis cœrulea fœmina, *J. B.* 3. 369. Anagallis fœmina, *Dod. Pempt.* 32, vulgo, *Mouron a fleurs bleues*. Solo floris colore a præcedente diversa est. Nonnunquam flore albo floret. In campis & hortis agri Parisiensis utraque frequens nascitur. Usus est foliorum cum floribus.

Instituta Anagallidis maris analysi chymica, totius plantæ floridæ ℥v. per B. V. distillatæ præbuerunt phlegmatis limpidi odoris & saporis herbacei ℥j. ℥xiiij. humoris manifeste acidi ℥j. ℥xiv. ℥ij. quod in alambice supererat pendebat ℥j. ℥ij. ℥vj. ex quo per retortam distillato prodierunt humoris fusci tum intense acidi, tum manifeste alcali urinosi ℥iiij. ℥ij. gr. xxxvj. cum salis alcali urinosi concreti granis aliquot: olei syrupi ad instar crassi ℥j. ℥ij. gr. xxxiv. Massa nigra in retorta residua pendebat ℥viiij. ℥j. quæ per horas quatuor in crucibulo igne reverberii calcinata reliquit cinerum leucophæorum ℥iiij. ℥vij. ex quibus salis fixi salis ℥ij. gr. xxj. lixivio fuerunt extracta. Partium jactura in prima distillatione vaporosa fuit tantummodo ℥vij. in altera per retortam ℥v. gr. xij. in calcinatione vero ℥ij. ℥ij.

Totius plantæ sapor herbaceus est, subsalsus, austerus. Ejus succus chartam cœruleam rubro colore tingit: unde concludere possumus essentialem hujus plantæ salem ad terram foliatam Tartari proxime accedere cum aliqua salis Ammoniacalis portione & oleo copioso permixtum.

Anagallis utraque Cephalicas inter plantas recensetur. Sudoriferæ sunt & vulnerariæ. Anagallis flore phœniceo potissimum in usu est. In mania, phrenitide febres ardentes comitante, in epilepticis, convulsivis & hypochondriacis affectibus, necnon adversus infantium tormina utiliter usurpatur. Succus vel decoctum præscribitur. In mania succus vel decoctum ad ℥iiij. ter die propinatur. Anagallidem adversus pestem mire conducere Tragus asserit ita usurpatam ut postquam ex illa in vino decocta mediocrem haustum ægri acceperint, in lecto se componant bene contexti & sudabunt. Idem decoctum muliebres menses mover. Ad phthisim, pulmonum tabem, sputum fœtidum & purulentum Joannes Rajus distillatam Anagallidis maris aquam cum pari vaccini lactis quantitate permixtam & Sacchari optimi q. s. edulcoratam, quotidie mane & vespri ad ℥vj. epotam tanquam medicamentum multoties expertum commendat.

Anagallidis succus aut decoctum ex aqua vel vino ulcera mundificat & sanat, medeturque serpentum & viperarum ictibus & canis rabidi morsui, & bibatur aut si ex eodem vulnera colluantur, & herba contusa imponatur: dolores mitigat.

Usurpatur in Unguento mundificativo de Apio.

A N E T H U M.

A Nethum, *Off.* Anethum hortense, *C. B. P.* 174. *Inst. R. H.* 317. Anethum, *J. B.* 3. 2. 6. *Dod. Pempt.* 298. vulgo, *Anet.* Radice est gracili, singulari, alba, fibrata, caule sesquicubitali, ramoso, firmo, foliis Fœniculi sed minoribus, glaucis, odore gravi. Flores in summis amulis oriuntur in umbellam congesti, rosacei, & quinque petalis

luteis conflati, quorum calyx mutatur in duo semina ex flavo pallescencia, ovata, compressa, lineam longa, tribus striis distincta & limbo foliaceo cincta.

In hortis feritur, & semel satum sæpe quotannis ex deciduo semine reviviscit.

Gravis utcumque est Anethi halitus, sed tamen jucundus ac suavis.

Semen in primis usitatum est, deinde summitates & folia.

Analyti chymica, ex Anethi summitatum floridarum ℥v. prodierunt phlegmatis limpidi, odorati, manifeste acidi ℥ij. ℥ij. gr. xxiiij. humoris limpidi, adhuc odorati, intense acidi ℥j. ℥vij. ℥vj. gr. xv. humoris rufescentis tum acidi, tum salis ℥v. ℥v. gr. xvij. humoris fusci, urinosi, & multo sale volatili urinoso foeti ℥v. ℥j. gr. xxxvj. olei tum essentialis fluidi & flavescentis, tum fusci spissioris ad instar axungiae ℥ij. ℥ij. gr. xij. Massa nigra in retorta superstes pendebat ℥v. ℥iiij. gr. xij. quæ igne reverberii calcinata reliquit cinerum ℥ij. ℥iiij. gr. liij. ex quibus salis fixi mere alcali ℥j. gr. lx. lixivio sunt extracta. Partium jactura in distillatione fuit ℥xj. ℥vj. gr. lj. in calcinatione ℥ij. ℥vij. gr. xxx. unde liquet hanc plantam sale ammoniacali & oleo tum tenui, tum crasso copioso turgere.

Anethum ratione ejus olei & ammoniacalis salis inter carminantia recensetur medicamenta, seu quæ viscidos ac lentos humores incidunt ac dividunt. Revera flatus & abdominis aut ventriculi distensiones quæ lentorum ac tenacium humorum effervescentiam comitantur, sale ammoniacali & oleoso mire dissipat. Idcirco in colicis doloribus & flatulentis intestinorum affectionibus, quæ a causa, ut ajunt, frigida, seu partium atonia aut humorum lentore pendent, usurpatur & prodest: ciborum concoctionem juvat: singultui, vomituique medetur, modo ab humoribus tenacibus & acris ventriculi parietibus inhærentibus, ejusque membranas moleste vellicantibus ortum duxerint: urinas & menses provocat, resolvendo nempe obstructions renum aut uteri: lac nutricibus auget, chylum tenuiorem ac fluidiorem efficiendo, adeo ut intricata mammarum vasa facilius permeare queat. Vis anodyna a nonnullis ipsi tribuitur: somnum vero conciliare valet & dolores pacare, non diversa ratione ab ea, qua Crocus, Nux moschata, & alia aromata oleosa hujusmodi consopire valent. Semen ad ℥j. usurpatur.

Extrinsecus summitates, folia & semina in cataplasmatibus & fomentis solventibus usitata sunt ad tumores resolvendos vel maturandos. In enematis carminantibus semen & flores usurpantur, flores enim quatuor carminantibus floribus annumerantur, scilicet floribus Chamæmeli, Meliloti & Matricariæ. Semina recentia contusa & puerorum temporibus apposita placidum somnum accersunt.

Ex Anetho in Officinis præparata asservantur, Aqua distillata, Oleum essenziale, & oleum per infusionem paratum.

Aqua odora ex tota planta distillatur iisdem virtutibus instructa, sed longe debilioribus. Præstantiores vero Oleum essenziale obtinet, carminans & anticolicum eximium. Ad guttas ij. vel iiij. intus sumitur. Illi proxime accedit Oleum Anethi per infusionem præparatum, quo in colicis doloribus abdomen, in cephalalgia caput & tempora illiniuntur.

24. Decoct. folior. & seminum Anethi ℥vj. Theriaces veteris ℥j. Olei essential. Anethi guttas iiij. Syr. Menth. crispæ ℥j. Fiat julap. in colico dolore.
24. Rad. Althææ ℥ij. Summitatum Chamæmel. & Melilot. ana Pug. ij. Semin. Carvi & Aneth. ana ℥j. Coq. in aq. fontan. ad ℔j. cum Mell. Anthos. ℥ij. Fiat enema in colico dolore.
24. Olei essentialis Aneth. gutt. iiij. Olei Amygdalar. dulcium recenter express. ℥ß. Misce. Fiat haustus ab Otthon. Heurnio in singultu contumaci commendatus.
- Summitates Anethi usurpantur in Oleo vulpino. Oleum per infusionem in Emplastro de Ranis cum Mercurio, Empl. Diachylo gummato, & Empl. de Mucaginibus.

A N I S U M.

A Nisum vulgare, Off. Cuminum dulce *Quorundam*: Apium Anisum dictum. *Inst. R. H.* 305. Anisum herbariis, *C. B. P.* 159. Anisum, *J. B.* 3. 2. 92. vulgo, *Anis*.

Radice est exili, annua, fibrata, alba; foliis inferioribus subrotundis, læte virentibus, unciam superantibus, trifariam divisis, crenatis & glabris: superiora vero multifida sunt; caulis ramosus, striatus, cavus, flores sustinet in umbella dispositos, exiguos, rosaceos, e quinque petalis bifidis, candidis, constantes, cum calyce abeunte in fructum oblongum, turbinatum, ex duobus seminibus exiguis, gibbis, & striatis conflatum, colore ex viridi cineraceo, odore ac sapore dulci, gratissimo, cum jucunda quadam acrimonia. Seritur copiose in Gallia apud Turones.

Anisi semen præcipue in usum est: herba raro in usum venit: radix tanquam inutilis.

Analyfi chymica, ex totius Anisi plantæ recentis ℔v. dempta radice, per balneum vaporarium prodierunt phlegmatis limpidi odori ℔j. ℥ij. absque ullo manifesti acidi indicio: humoris limpidi, acidi, occulti primo, deinde manifesti ac tandem intensi ℔ij. ℥iiij. ℥iiij. cum olei essentialis tantillo. Herba in alambice residua, exsiccata, per retortam distillata præbuit humoris tum acidi, tum alcali, urinoso sale fœti ℥j. ℥iiij. gr. lx, olei tum tenuioris & essentialis, tum spissi ad instar axungiae ℥v. gr. xxxiiij. Massa nigra in retorta superstes pendebat ℥ij. ℥vj. gr. xxxvj. quæ igne reverberii per sex horas calcinata reliquit cinerum nigrorum ℥j. ℥j. gr. lx. ex quibus salis fixi mere alcali ℥vij. gr. xxvj. fuerunt extracta. Partium jactura in distillatione fuit ℔j. ℥v. ℥iiij. gr. xiiij. in calcinatione vero ℥j. ℥iiij. gr. xlvij.

Semen multo plus olei essentialis continet quam cæteræ hujus plantæ partes, illudque fundit majori vel minori quantitate prout recens est & bene maturum aut vetus & exsuccum. Duplici modo extrahitur. Vel semen contusum aqua per viginti quatuor horas maceratur ac tandem igne vegeto distillatur. Aqua odorata extrahitur cui oleum limpidum Anisi supernatat rite separandum. Vel Anisi semen contusum setaceo imponitur. Setaceum lineo obiectum aquæ bullientis vapori expositum detineatur donec

semen madeat. Madidum & calens adhuc semen linteo involvitur, prælo subjicitur, & fortiter exprimitur. Sic oleum subviride odoratum, palato gratum ac dulce diffluit a ℥vj. ad ℥ix. & amplius ex singulis Anisi libris. Illud oleum frigore facile concrefcit ob copiosum salem acidum, tenuem tamen & cum oleosis partibus intime admixtum, atque conjunctum. Sapor Anisi dulcis oritur ab eorundem acidorum salium subtilitate & accurata cum oleosis particulis mixtura: qualis in Saccharo, Melle & sale Saturni deprehenditur.

Anisi semen inter quatuor semina calida majora primum locum obtinet. Sunt autem semina Anisi, Fœniculi, Cumini & Carvi: minora vero sunt semina Ammeos, Amomi, Dauci & Apii. Hæc autem semina a Pharmacopœis carminativa, hoc est, flatus discutientia vocitantur.

Veteres Medici in ventriculo frigido & humido semen Anisi tanquam Stomachicum eximium commendarunt. Hinc in difficili ciborum concoctione, quæ a ventriculicruditatibus, aut ajunt, oriuntur, ut in colico dolore, singultu, dolore capitis, vigiliis, diarrhæis, Dyspnœis & aliis hujuscemodi feliciter usurpatur. Lactis coagulationem in nutricum mammis præcavet. In lacte ebullitum & propinatum uberem lactis copiam nutricibus suppeditat: aliis suavem somnum conciliare solet. In infantium torminibus & doloribus colicis a pituita crassa ac viscida plurimum conducit, humores viscidos ac tenaces dividendo & solvendo, ut de Anetho diximus, cui longe præstat. Eorundem convulsivos motus a prava ciborum concoctione oriundos sedat, unde ab Helmontio solamen intestinorum audit. Heurnius semine Anisi pulverato & ad ℥j. cum pulte propinato infantes tam valide purgari asserit, quam ætate provectiores Rhabbarbaro. In raucedine, tussi, asthma, difficili respiratione atque pectorisdoloribus punctoriis, flatulentis, qui ab humore crudo seu tenaci ac viscido nascuntur, feliciter usurpatur, & a quibusdam anima pulmonum dicitur. Urinas & menses promovet. Præterea cum purgantibus medicinis sæpius consociatur ad earum vim temperandam, & tormina quæ ab illis excitantur præcavenda.

Pulvis a ℥j. ad ℥j. intus sumitur solus vel cum Saccharo permixtus: vel ejus infusum in vino, aqua vitæ aut aqua simplici propinatur. Semen integrum Saccharo involutum sæpe etiam deglutitur. Ejus oleum tum expressum, tum distillatum in usu sunt, sicut & spiritus. Oleum expressum iisdem virtutibus ac semen donatur, sed valentioribus præsertim distillatum; a gutt. ij. ad x. vel xx. præscribuntur. Commendantur potissimum in respiratione difficili, asthma, tussi sicca: & ex oleo Anisi expresso paratur balsamum sulphuris Anisatum, non contemnendum his in affectionibus præsidium. Attamen de oleo Anisi Joannes Junkerus scribit in *suo Conspectu Medicinæ Theoretico-practiciæ*, illud in pectoris affectionibus nisi summa cum circumspectione adhibendum esse, ne phthisicis & hæcticis febrilibus symptomatibus viam sternat. Heurnius observat, pulverem seu decoctum Anisi in colicis doloribus longe præferenda esse ejus oleo.

Tanta est autem olei Anisi subtilitas, ut si brevi post exhibitionem lac emulgeatur, odor ejus in eo adhuc deprehendatur. Forestus illud contra
san-

sanguinis suffusiones, & contusiones in primis nervosarum partium externe admotum, singulare, & experitissimum remedium pronuntiat. Eodem adversus infantium tormina umbilicus inungitur.

Spiritus Anisi vel ex Aniso in aqua macerato, & fermentato præparatur, vel sola hujus seminis in aqua vitæ maceratione, cujus spiritus postea distillatur. Eisdem cum semine viribus pollet.

℥. Semin. Anisi, Fœnicul. dulc. ana ℥j. Nuc. mosch. ℥ß. Cinnamom. ℥j. Caryophyllor. & Piper. long. ana ℥ß. Sacchar. alb. ℥iiij. M. F. pulvis, cujus ℥j. in haustu vini post pastum ad ciborum concoctionem perficiendam exhibeatur.

Semen Anisi usurpatur in Syrupo de Arthemisia; anti-asthmatico, *Charas*, pulvere Diarrhodon, & Lætificante, in Theriaca, Mithridatio, Electuar. Catholico, Lenitivo, Confect. Hamech, Electuar. de Psyllio, Trochiscis de Rhabarbaro, Pilulis aureis, & polychrestis.

Oleum vero in pilulis aliquibus purgantibus excipitur, tum ad resinosas purgantium medicamentorum particulas dissolvendas, & expandendas, tum ad ventriculum roborandum & ventris tormina sedanda.

A Dulciariis semen Anisi voluptatis gratia Saccharo obducitur, quo palato jucundius fiat. Sic fœdum oris halitum tollit, ventriculum roborat, flatus discutit, & ciborum concoctionem juvat. Idipsum multis adhuc condimentis, & potulentis adjicitur ad majorem gratiam illis conciliandam.

Aliud est semen, Anisum Sinense dictum, ab Aniso nostro prorsus diversum, de quo in *Tractatu de Exoticis* egimus. Solo odore conveniunt.

A N O N I S.

A Nonis sive Ononis, & Resta-bovis, Off. Anonis spinosa flore purpureo, C. B. P. 399. Inst. R. H. 408. Anonis sive Resta-bovis vulgaris purpurea, J. B. 2. 395. Anonis, Dod. Pempt. 743. Antella, *Adversar. Lobel*: Ononis, *Cordi*: Remora aratri, *Quorumdam*: vulgo, *Arrete bæuf*, *Bugrande ou Bugrane*.

Radicibus est pedem superantibus, hac illac repentibus, fractu contumacibus, foris fuscis, intus albis, sapore ingrato. Caules humi sparguntur patuli, densi, tenues, lenti, rubescentes, hirsuti, spinosi, in quibus folia alternatim nascuntur terna, ex oblongo rotunda, leviter crenata, hirsuta, obscure virentia, tactu glutinosa, sapore leguminoso, odore fœtido. Flores in summo quasi spicatum nascuntur papilionacei, dilute purpurascens vel carnei coloris, raro albi, cum pistillo abeunte in siliquam tres pene lineas longam, unicapsularem, bivalvem, compressam & semen unicum continentem renis forma. In agro Parisiensi sponte nascitur. Tota planta, sed præsertim radix, & radice cortex in usum veniunt.

Analyti chymica, ex Anonide multum olei, acidi salis, & terræ, salis fixi mediocris quantitas, spiritus urinosi exigua eliciuntur. Hæc autem principia a succo quodam glutinoso, qui ab igne destruitur, involvuntur. Præterea Anonidis succus chartam cæruleam subrubro colore tin-

git: folia leguminoso sapore sunt fœtida, & glutinosa; unde Cl. Tournefort concludit, hanc plantam constare ex sale Tartaro vitriolato fere simili, phlegmate, multa terra, multoque sulphure involuto. Ab his autem principiis, quæ unanimi consensu ab omnibus Medicis ipsi tribuitur vis aperiendi, & urinas abunde provocandi pender.

Radix Anonidis vulgo recensetur inter quinque minores aperientes radices, quæ sunt Anonidis, Capparis, Eryngii, Graminis, & Rubiæ radices; dum Apii, Asparagi, Fœniculi, Petroselini, & Rusci radices quinque majores aperientes dicuntur. Reipsa Anonidis radix inspissatos humores potenter resolvit, contumacibus hepatis obstructionibus & ictero apprime conducit: nephritidi atque urinæ suppressionibus medetur: mucum spissum renibus aut vesicæ inhærentem resolvit, & foras amandat, atque simul arenulas, & calculos nonnumquam pellit. Hujusce radicis cortex a Simone Paulli velut præstantissimum remedium tam in vesicæ, quam in renum calculo habetur. A Matthiolo quoque commendatur ad ramicem carnosum resolvendum. In sarcocoele ab Ettmullero euporiston, & polychreston existimatur. Verum enimvero Alexander Pfisterus Scaphusianus Medicus in *Dissertatione de Hydroscarcocoele*, §. 1. refert se sæpius, & in diversis subjectis eam præscripsisse, experientia aut didicisse. 1. Illam non in omnibus diureticam existere. 2. In pluribus anorexiam, & cardialgiam inducere. 3. Sarcocoelem veram nequaquam ex ejus usu continuato imminui; unde verissima esse quæ Olaus Borrichius scripsit, propria intellexit experientia. Is autem in *Actis Hafniensibus anni 1671. & 1672. Observ. 97.* arguit eos, qui non satis providi rei æstimatores confirmatam sarcocoelem vel medicamentis discussisse se putant, vel discuti posse evulgant, quod nimium occalleat massa illa, & mille plexibus nervosis iisque solidis contrahat invictam duritiem. Crediderit Matthiolus in *Dioscoridem*, inquit Borrichius, crediderit Scultetus in *Armentario Chirurgico*, sese sarcocoelem pulvere Ononidis percurasse, nihil tamen mihi fit verisimilius quam fuisse hydrocoelem duriori cortice circumdatam atque ideo sarcocoelem mentientem. Atque ut id credam, persuadent cum similia passim exempla apud Forestum, Sennertum, & alios; docentia, artifices sæpe aqua profundius in testiculorum sinibus latente deceptos, pro carnosis æstimasse herniis, quæ fuerint aquosæ: tum docet illud idem radix Ononidis, quæ cum inter nobilissima diuretica sit, aquas haud dubie in sinu testium intimo occultatas, paulatim eduxit, atque ita concidentibus sensim in se involucris durioribus, sarcocoelem æstimata fuit, sustulisse.

Radix Anonidis vel ejus tantummodo cortex pulveratus intus sumitur ad ℥j. vel decoctum semiunciæ radicis propinatur. In decoctis, ptisanis, & jusculis aperientibus usurpari solet.

℥. Cortic. radic. Anonid. pulver. ℥j. Propinetur aliquamdiu ex decocti radic. ℥vj. singulis diebus mane, jejuno ventriculo ad arenulas expellendas, & nephritidem præcavendam.

℥. Decoct. rad. Ononid. ℥vj. Syrup. de 5. radicib. aper. ℥j. Sp. Tartar. ℥ß. Sal. volatil. Succin. gr. x. Fiat julep. propinandum in urinæ suppressione, & dolore nephritico.

℥. Radic. Anonid. Eryngii, Cappar. ana ℥j. Coquantur cum frusto carnis viru-

vitulin. in aq. q. s. pro duobus jussulis, quibus dissolve Tartar. martial. solubil. ℥j. mane & sero pro hepatis obstructionibus.

27. Rad. Ononid. Brusci & Asparag. ana ℥j. Cortic. Sambuc. & radic. Cappar. ana ℥ss. Folior. Pimpinell. & Parietar. ana M. j. Semin. Sefeli & Lithospermi ana ℥iij. Flor. Genistæ & Leucoji ana pug. ij. Coq. in aq. comm. ℔ij. ad ℔iij. Fiat apozema pro tribus dos. Cuique add. Nitri purg. vel Tartar. Chalyb. solub. ℥ss. in viscerum obstructionibus.

Radicis decoctum optime detergit extrinsecus usurpatum. Ex eo cum pauxillo aceti gargarisma præparatur utile in gingivarum laxitate, exulceratione, putredine, item in dentium dolore a Scorbuto.

Essentiam Ononidis Ettmullerus in affectibus calculosis insigniter commendat. Sic præparatur.

24. Plantam integram cum radice & floribus recenter avulsam, & minutim incisam. Affunde spiritum vini ad quatuor digitor. transversor. supereminentiam: in loco calido per octo dies noctesque digerantur. Postea distillantur, ut artis est. In hunc distillatum liquorem infunde recentem herbam cum radice & floribus, quibus adde ejusdem plantæ calcinatæ falem fixum: iterumque digerantur per totidem dies & noctes. Tum fiat colatura cum forti expressione. Colatura per aliquot dies in loco remoto reposita servetur, ac tandem limpidus liquor a fœcibus separetur & servetur ad usus. Dosis ab ℥ss. ad ℥ij.

Aqua distillata ex Anonide tum ad urinæ suppressionem, tum ad hernias curandas a nonnullis commendatur: sed levioris est armaturæ præsidium.

Anonidis radix usurpatur in Syrupo antinephritico *Charas*, in Aqua diuretica & antinephritica, *Ejusdem*.

A P A R I N E.

A Parine, Asperugo, Aspergula, Spargula, Asperula, Aspera Lappago, Philantropos & Omphalocarpus, Off. Aparine vulgaris, C. B. P. 334. *Inst. R. H.* 114. Apparine, *J. B.* 3. 713. *Dod. Pempt.* 353. *Raii Hist.* 484. vulgo, *Grateron*, *Rieble*.

Radice est tenui, fibrosa; tenuibus & quadrangularibus viticulis asperis, geniculatis, obsequiosis, scandentibus, tres quatuorve cubitos longis, ramosis: foliis quinis, senis, vel septenis Rubiæ modo ad singula genicula orbiculatim dispositis, stellæ ritu decussatis, angustis, asperis, in spinulam desinentibus. Flores prope summos ramulos e geniculis exeunt in pediculis oblongis, tenuibus, perpussilli, candidi, monopetali, campaniformes, patentes, quadrifariam divisi, cum calyce quadrifido, qui deinde abit in fructum siccum, durum & quasi cartilaginem, cortice tenui nigricante obductum, ex gemellis globulis constantem, semine fœtis umbilicato. Ad sepes, interdum etiam inter segetes agri Parisiensis sponte nascitur. Herba in usum venit.

Analyti chymica, hujus plantæ recentis ℔v. per B. V. distillatæ præbuerunt phlegmatis limpidi, primo obscure acidi, deinde subacidi, ac tandem

dem salis ℥iij. ℥iij. ℥iij. Ex herba exsiccata residua per retortam distillata prodierunt humoris fulci empyreumatici, subalsi, subausteri & obscure acidi ℥j. ℥ij. gr. xvij. humoris alcali urinosi, sale volatili urinoso imprægnati ℥vj. gr. xvij. olei crassioris & fere adiposi ℥j. ℥ij. gr. xxxvj. Massa nigra in retorta superstes pendebat ℥iij. ℥v. quæ igne reverberii calcinata reliquit cinerum albicantium ℥j. ℥v. gr. xxx. ex quibus salis fixi mere alcali ℥v. lixivio fuerunt extractæ. Partium jactura in distillatione fuit ℥iij. ℥ij. in calcinatione ℥j. ℥vij. gr. xlij.

Hac analysi, Aparine constare videtur sale essentiali sali ammoniacali simili oleo crasso implicito.

Aparine incidit & aperit: obstructions resolvit, urinas promoveret & nonnumquam sudores. Ejus succus a Theodoro Turquet de Mayerne plurimi æstimatur ad aquas hydropicorum per vias urinarias expellendas: ad ℥ij. propinatur. Ejus decoctum in vino albo vel ejusdem aqua distillata arenulas, renumque calculos pellit, narrante J. Rajo. Idem auctor affirmat, pulverem ex Aparine & Liene vitulino in clybano exsiccatis lienis tumores & hypochondriacos flatus discutere. Simon Paulli refert ejus aquam distillatam apud Hafnienses adversus molestos tum pectoris, tum hypochondriorum dolores, usitatum esse & plurimum commendatum. A nonnullis in pleuritide propinatur.

24. Aparines recenter collectæ M. j. Coquatur in aq. comm. ℥ij. ad 4. partis diminutionem. Colatura in tres doses dividatur, debitis intervallis propinandas, in urinæ suppressione.

Externe herba cum axungia trita & strumis imposita eas discutere dicitur: & ejusdem aqua distillata ad eundem morbum propinatur.

A P I U M.

A Pium vulgare, Apium palustre, Paludapium & Eleoselinum, Off. Apium palustre & Apium, Off. C. B. P. 154. Apium vulgare, J. B. 3. 2. 100. Eleoselinum, Dodon. Pempt. 695. vulgo, *Ache*.

Ex radice crassa, albicante, recta, profunde in terram descendente, in plura interdum capita divisa, fibrata, sapore acri subamaro, ingrato, odore gravi, aromatico, frondes exeunt multæ, pediculis dodrantalibus, rubentibus, striatis, concavis, duabus, tribusve pinnarum paribus & impari in extremo compositæ: sunt autem pinnulæ istæ latæ, circa margines dentatæ, in tres insigniores lacinias divisæ, læte virentes, glabræ, nitidæ, succulentæ, odore, dum digitis conteruntur, gravi sapore acri, ingrato. Caules ab eadem radice multi exsurgunt crassi, profunde striati, concavi, bicubitales & altiores, nodosi, longis internodiis, frondibus cincti iis quæ ad radicem similibus. Flores tum in caulium axillis, tum in extremis ramulis nascuntur in umbellam congesti, exigui, rosacei, e quinque petalis candidis conflati, calyci insidentibus qui deinde abit in fructum ex duobus perexiguis seminibus compositum, una parte depressis, altera gibbis, striatis, cinereis, acribus, subamaricantibus, aromaticis. In humentibus & paludosis locis nasci gaudet: transfertur vero & ad hortos. Radix, herba, & semen in usum veniunt.

Radix inter quinque radices aperientes recensetur. Semen feminibus calidis minoribus annumeratur.

Analyſi chymica, ex totius plantæ floridæ ℥v. dempta radice, prodierunt humoris limpidi, odori, acris obscure acidi ℥j. ℥xij. ℥vij. gr. xlj. humoris primo limpidi, deinde rufefcentis, odori, abſque acrimonia, intenſe acidi, & tandem auſteri ℥ij. ℥v. ℥iiij. gr. liij. humoris ruſi, ſale volatili copioſo imprægnati ℥iiij. ℥j. gr. xl. olei tum tenuis, tum craſſi ℥j. ℥vij. gr. xij. Maſſa nigra in retorta ſuperſtes pendebat ℥v. ℥v. gr. lxxix. quæ igne reverberii calcinata reliquit cinerum ℥iiij. ℥ij. gr. xxvij. ex quibus ſalis fixi ſaliſi ℥j. ℥v. gr. lv. extracta fuerunt. Partium jactura in diſtillatione fuit ℥ij. ℥v. gr. ix. in calcinatione vero ℥ij. ℥iiij. gr. xxxj.

Per hanc analyſim liquet, hanc plantam ſale eſſentiali donari tum ammoniacali, tum ſali Coralliorum ſimili, oleo acri, ſubtili, copioſo, implicito.

Apium craſſos humores attenuat, viſcerum obſtructiones reſolvit, urinas ciet, ſudores promover, febres arcet, & vulnera ſanat. Succus foliorum deſœcatus in febribus intermittentibus ineunte paroxyſmo ad ℥vj. propinatur. Ægrotans debite conſectus abundante ſudore perfunditur & ſanatur. Ad febrem quartanam & aliam quamcumque ab obſtructionibus oriundam bolus ſequens plurimum confert.

℥. Extracti folior. Apii paluſtr. ℥j. Cortic. Peruvian. tenuiſſime triti ℥ij. Syrup. de Abſynth. q. ſ. M. F. bolus ſ. a. Sumat æger paulo ante paroxyſmum.

Radix, folia, & ſemina in ptifanis, apoxematibus & juſculis aperientibus præſcribuntur.

℥. Radic. Apii, Fœnicul. Bruſci & Aſparagi ana ℥j. Cortic. Fraxin. & Tamaric. ana ℥ſſ. Folior. Ap. & Agrimon. ana M. j. Semin. Apii dulcis & Cuſcutæ ana ℥iiij. Flor. Geniſt. Borrag. & Bugloſſ. [ana P. j. Coquantur in ſ. q. aq. comm. ad ℥jſſ. Fiat apozema pro tribus doſibus, cui adde Syrup. de 5. rad. vel de Pom. ſimplic. ℥jſſ.

Apium lac nutricum minuit, & concretum reſolvit.

℥. Folior. Paludapii & Menthæ ana M. ij. Coquantur in aq. comm. ſ. q. cum axungię ſuillæ tantillo, ad putrilaginem. Pulpa per ſetaceum exprimatur, cui immiſce ſemin. Ap. pulver. q. ſ. Fiat cataplaſma mammis lacte turgidis applicandum.

Ex Apii ſummitatibus floridis cum Saccharo conditum præparatur in aſthmate, orthopnœa, flatulentis doloribus, urinæ & menſium ſuppreſſione commendatum. Ad ℥ſſ. præſcribi ſolet.

Joannes Bauhinus poſt Hollerium, internum Apii uſum epilepticis ſuſpectum cenſet. Eundem Robertus Boyle oculis inſenſum eſſe aſſerit *Tr. de Specific. & Simpl. remed.*

Externe Apii ſuccus ſcorbutica oris ulcera & alia quæcumque dertergit. Cancris etiam exulceratis confert: nam tametſi hos curare nequeat, putredini tamen reſiſtit, auctore J. Bauhino, & fœtorem eorum reprimit.

Apii radix uſurpatur in Syrup. de Cichor. cum Rheo dupl. Syrup. aperiente cachectico Pb. Reg. Charas, Syrup. anti-aſthmatico *Ejuſdem*,
de

de Hyssopo *Mesue*, de 5. rad. aper. Folia in ung. mundificativo de Apio dicto. Succus in Electuar. de Psyllio, Emplastro de Betonica. Semen in pulvere lithontriptico *Renodæi*, Benedicta laxativa, Philanio Romano, & Pilulis aureis.

Illud Apii genus translatum diligenti cultura mitius, minusque ingratum evadit; tunde apud nos folia ejus teneriora sub fimo dealbata, una cum superna radice parte abscissa, cum oleo, aceto & pipere esitantur & in deliciis habentur. Ejus usus Italici debetur a quibus Seleri vel Celeri vocatur. A Botanicis dicitur, Apium dulce Celeri Italorum, *H. Reg. Paris.* Selinum sive Apium dulce *Parkinson.* Licet autem Parkinsonus illud ut novam speciem ab Apio palustri diversam proponat, attamen J. Rajus asserit eandem prorsus esse, sola cultura diversam & mitiorem factam: quandoquidem observavit illud Apium dulce seu Celeri Italorum in Angliæ hortis satum & cultum, tandem post aliquot annos in vulgare Paludapium degenerare, scilicet ob aeris frigiditatem.

AQUIFOLIUM.

Aquifolium & Agrifolium, *Off.* Aquifolium sive Agrifolium vulgo; *J. B. I. 114. Inst. R. H. 600. Agrifolium, Dod. Pempt. 758. Ilex aculeata baccifera, folio sinuato, C. B. P. 425. vulgo, Houx.*

Frutex est quandoque, cultura præcipue, in arborem excrescens & perpetua fronde virens. Caudex & rami lentî, flexiles, læves, cortice duplici conteguntur; exteriori in ramis viridi, in trunco ut plurimum cinereo; interiore pallido, odore cum avelluntur ingrato, fœtente. Materies ligni dura & solida, albicans & interius nigricans, quæ præ pondere in aqua subsidit, Buxi aut Guajaci instar. Folia pulchre virent, lævia, glabra, laurinis fere similia, sed minora, in ambitu sinuata, angulosa & longis ac rigidis aculeis horrida, quos tamen, senescente arbore, pauciores vel nullos habent. Flores parvi, conferti, brevibus pediculis appensi, monopetali, rotati, in quatuor lacinias divisi, cum totidem staminibus & calyce quadrisido, ex quo surgit pistillum posticæ floris parti ad instar clavi infixum, quod deinde abit in fructum mollem seu baccam parvam, rotundam, umbilicatam, rubram, gustu subdulcem, ingratam, officulis fœtam albidis, quaternis, triquetris, oblongis, hinc gibbis, inde vero planis. In agri Parisiensis sylvis occurrit. In hortis colitur, præsertim in regionibus septentrionalibus, ad opera topiaria, quibus præ aliis commodus & opportunus est, cum sit frigoris patientissimus & perenni nitentium foliorum virore aspectui gratus, nec tonsuram respuat. Radix, cortex, baccæ in usum veniunt, sed raro.

Analyti chymica, baccarum maturarum & recentium ℔v. præbuerunt humoris limpidi fere inodori & insipidi, primo obscure acidi, deinde intensi ℔j. ℥ix. ℥vj. gr. xij. humoris limpidi primo intense acidi, & intense austeri ℔j. ℥viiij. gr. xij. humoris rufescentis tum acidi, tum alcali urinosi ℥vij. ℥vj. olei ℥vij. gr. lxiiij. Massa nigra in retorta superstes pendebat ℥viiij. ℥j. quæ per duodecim horas igne reverberii calcinata reliquit cinerum ℥j. ℥j. gr. xlviiij. ex quibus salis fixi mere alcali ℥iiij. gr. xviiij. fuerunt extracta.

tracta. Partium jactura in distillatione fuit ℥xiiij. ℥ij. gr. lix. in calcinatione ℥vj. ℥vij. gr. xxiiij. unde concludi potest, salem essentialem tartaro similem his in baccis contineri.

Radice & corticis decoctum emollit & resolvit. Eo soventur utiliter articuli, qui prius luxati duritiem contraxerunt, teste Matthiolo.

Zithogalum factum ex cerevisia, & lacte in quo decocti sunt hujus foliorum aculei, mire conducit ad dolorem colicum & intestinorum tormina, cujus rei observationem J. Rajus refert de quadam matrona, quæ post alia medicamenta frustra tentata, a muliercula quadam vaga & circumforanea hocce remedio sanata fuit.

Baccæ ad colicos dolores utiles sunt. Crassos siquidem, pituitososque humores per alvum educunt decem aut duodecim numero sumptæ, auctore Dodonæo.

Viscum aucuparium ex Aquifolii cortice in Anglia sic præparatur.

Deliberatis Junio aut Julio mensibus quotquot videtur aut opus fuerit arboribus, cortices detracti in aqua fontana per septem aut octo horas continuas decoquuntur, donec tenerrimi evadant. Cocti in acervum humi cum filice s. s. s. componuntur, aqua prius curiose separata & per duas tresve septimanas fermentantur & computrescunt, donec in mucilaginem abeant. Exempti deinde in mortario tamdiu tunduntur, donec fingi, formarique possunt instar massæ farinacæ. Massa in aquam profluentem submersa manibus versatur & diligenter subigitur. Aqua brevi sordes omnes eluit, visco residuo puro & defæcato. In fictili aliquo vase per quatuor adhuc aut quinque dies despumando relinquitur, donec se purgaverit & perfecerit; deinde in novum vas translatus reservatur ad usum. Non ex corticibus hujus arboris tantum viscum aucuparium paratur, sed etiam e fructu Visci & Sebesten.

Viscum autem aucuparium ex hujus cortice factum intus sumptum non minus nocivum, quam ex arboreo visco Dodonæus pronuntiat: tenacissimum siquidem est: iteraneâ omnia conglutinat: excrementorum exitus contrahit & claudit, atque hoc modo perniciem homini affert, non qualitate aliqua deleteria, sed glutinosa sua substantia. Externe admotum resolvit, emollit, maturat.

A Q U I L E G I A.

A Quilegia, Aquileja, & Aquilina, Offic. Aquilegia sylvestris, C. B. P. 144. Inst. R. H. 428. Aquilegia flore simplici, J. B. 3. 484. Aquilegia, Dodon. 181. Aquilina, Matthiæ & Adversar. Lobel. vulgo, Ancolie, Gants de Notre-Dame.

Radice est pollicem crassa, candida, alte in terram descendente ramosa & fibrosa, sapore subdulci, & in multos annos vivace: foliis ternis Chelidonii majoris similibus, paulo tamen rotundioribus, per ambitum incis, inferius glaucis, superne obscurius virentibus, cum quadam cærulei tinctura, ex pediculis longis, rigidis, hirsutis: caule vero cubitali tenui rubente, & leviter hirsuto: cujus alæ singulos proferunt flores cæruleos vel phæniceos polypetalos, anomalos, ex plurimis nempe petalis dissimilibus

constantes : horum enim quinque planta sunt, cœtera vero cucullata utraque simul alterno ordine posita. E floris meditullio surgit pistillum staminibus stipatum, quod deinde abit in fructum, in quo velut in capitulum colliguntur vaginæ quaternæ vel quinæ, surrectæ, membranaeæ, univalves, suprema parte hiantes, inferiora versus conniventes, seminibus foetæ parvis, Milii magnitudine, ovatis, nigris, lubricis, splendens, sub testa tenui nucleolum oleosum continentibus. Color florum cultura diversus fit, siquidem in hortis excoltæ hujus generis plantæ colore cæruleo, rubro, candido carneo, herbaceo versicolore, infinitam pariunt varietatem. In agri Parisiensis sylvis sponte nascitur, in hortis quoque colitur. Herba, radix, flos, & semen in primis usui medico inserviant.

Semen multum olei & salis ammoniacalis continet.

Tota planta aperit menses suppressos, & urinas ciet, ac sudores provocat. Radix pulverata ad ℥j. Trago affirmante, cum vini haustu sumpta, colicos dolores sedat. Eadem in vino infusa, additis Becabungæ, Cochleariæ, & Nasturtii aquaticis foliis, egregium componit antiscorbuticum, quo sanatus fuit miles asciticus & scorbuticus, ut Ettmullerus refert. Camerarius narrat, hujus radice frustulum apud Hispanos contra calculum quotidie mane intus sumi. Joannes Rajus Aquilegiæ foliorum decoctum apud Anglos usitatum esse scribit contra calidos faucium & asperæ arteriæ affectus : & a quibusdam in scorbutico ad oris ulcera colluenda, & detergenda peculiariter commendatur. Flores cærulei elegantem, & ab Ettmullero plurimum laudatam in morbillis tincturam præbent, cum a qua calente macerati, cum olei vitrioli guttis aliquot ad ruborem tantummodo conciliandum : haustum mane, & vesperi propinatur.

In scorbutico ad oris ulcera detergenda, firmandos dentes, gingivasque roborandas veluti præstantissimum remedium a Tournefortio proponitur eorundem florum tinctura, cum spiritu vini parata, & cum tinctura Laccæ, & Mastiches tinctura, anaticis partibus, mixta. Semen in ictero eximium censetur remedium. Hujus seminis pulverati ℥j. quotidie mane in haustu vini albi sumitur. Vel ejusdem contusi ℥ij. per noctem in vini albi ℥ss. macerantur. Colatura mane, jejuno ventriculo, propinatur. Tragus & Matthiolus idem semen pulveratum ad ℥j. cum Croci tantillo in haustu vini sumptum commendant, modo æger in lecto se componat, ut copiose sudet. Ex eo quoque cum aqua stillatitia vel decocto florum Aquilegiæ paratur emulsio, cui eboris sine igne præparati q. s. permiscetur adversus eundem morbum. In morbis mali moris, nonnulli emulsiones ex seminibus Aquilegiæ & Ficaum vel Passularum decocto plurimi faciunt. S. Paulli testatur semen pulveratum ℥ss. vel ℥j. pondere in emulso, Fumariæ, Card. benedict. aut C. C. distillata aqua, propinatum, veluti ab orco revocasse tenuioris sortis puerullos morbillis ac variolis laborantes. Ab eodem & ab Hoffmanno idem semen in partu difficili maxime commendatur.

℥. Semin. Aquileg. sylvestr. gr. xxv. Rasur. Ebor. tenuissime pulver. ℥jss. & pulver. Lumbric. terrestr. ℥ss. M. F. pulvis a Langio commendatus in ictero.

℥. Semin. Aquileg. ℥jss. Croci ℥. Fiat pulvis. Detur in vino.

℥. Se

℥. Semin. Aquileg. ℥ss. Pulver. Lumbr. terrestr. ℥j. Croci ℥ss. M. F. pulvis mane sumendus.

℥. Semin. Aquileg. ℥ss. Contunde in aq. Aquileg. vel Chelidon. major. ℥ss. Eboris philosophice pp. ℥ss. Fiat emulsio s. a. cum syrupi de 5. radicibus aper. ℥j. In duos haustus dividatur, mane & sero ictericis propinandus.

℥. Semin. Aquileg. ℥vj. Croci pulver. ℥j. Tartar. vitriolati ℥ss. Conserv. Cynorrhodon. q. s. Fiat opiata in septem partes æquales distribuenda. Sumantur mane, jejuno ventriculo, per septem dies continuos, decocti aperientis haustum super bibendo.

Hoc remedium a Timæo, & Ettmullero commendatum, ac sæpius expertum raro spem meam fefellit præmissis præmittendis.

℥. Pulver. folior. Aquileg. Salviæ, Menthæ crisp. Nuc. Mosch. Rutæ & Myrrhæ ana ℥ss. Alumin. usti ℥j. Mellis purissim. ℥vj. Mel leni igne despumetur. Despumato & calenti pulveres inspergantur. Fiat linimentum quo gingivæ putridæ inungantur. A Sennerto hoc linimentum tanquam efficax & longo usu compertum proponitur. *Lib. 2. Prax. Med. part. I. cap. 16.*

A R G E N T I N A.

Argentina, Potentilla, & Anserina, *Offic.* Pentaphylloides argenteum alatum, seu Potentilla, *Inst. R. H.* 298. Potentilla seu Argentina, *J. B.* 2. 398. Argentina, *Dod. Pempt.* 600. Potentilla Matthioli, *C. B. P.* 321. Pentaphylloides Argentina dictum, *Raii Histor.* 617. Argentina, *Volk. Tragi* 480. vulgo, *Argentine*.

E radice nigricante, nunc simplici, nunc fibrosa adstringente, mire reperit in locis humidis secus vias & fluviorum ripas, & viticulis Fragariæ modo se propagat. Folia conjugata sunt Agrimonix similia, majoribus hinc inde pinnulis obtusis circa margines profunde dentatis, cum plurimis intermediis minusculis, constantia, superiore parte herbaceo colore virentia, inferiore vero argentea, & molli lanugine obducta. Ex alis foliorum quæ appendicibus suis viticulos amplectuntur, exeunt flores singulares, pediculis longis hirsutis fulti, e quinque petalis aureis conflati, cum calyce monotomo in quinque partes acutas diviso, inter quas totidem minores alternatim occurrunt, cum plurimis in medio staminulis & apicibus concoloribus. Pistillum mutatur in capitulum sphaericum trium linearum diametri, in quo semina congeruntur plura, subrotunda, minora, sublutea, papaverinis similia. Radix, herba, semen ex usu sunt.

Analysi chymica, ex herbæ recentis ℥v. per B. V. distillatis, prodierunt phlegmatis limpidi, mere insipidi & inodori ℥x. humoris limpidi primo obscure acidi, deinde acidi manifesti, ac tandem intensi ℥ij. ℥v. ℥v. In alambice residuum ℥xiii. ℥vj. pondere æquabat: quod per retortam distillatum præbuit humoris rufescentis tum acidi austeri tum alcali urinosi ℥j. ℥v. gr. vj. humoris rufi empyreumatici urinosi & sale volatili urinoso copioso imprægnati ℥j. ℥vij. gr. xvij. salis volatilis urinosi concreti ℥j. gr. xvij.

xviii. olei spissi butyri ad instar ℥ij. ℥iiij. gr. liij. Massa nigra in retorta superstes pendebat ℥v. ℥vj. quæ per tredecim horas igne reverberii calcinata reliquit cinerum nigricantium ℥j. ℥v. ex quibus lixivio, salis fixi alcali ℥vj. extractæ fuerunt. Partium jactura in distillatione per alambicem fuit ℥xij. ℥v. in distillatione per retortam ℥ij. ℥v. gr. xlix. in calcinatione ℥iiij. ℥j.

Tota planta sapore herbaceo, subsalfo, stiptico donatur, & ejus succus chartam cæruleam rubro colore inficit: unde liquet hanc plantam sale ammoniacali & aliquantisper aluminoso seu vitriolico conflare, cum oleo crasso conjuncto.

Universa hæc planta refrigerare, adstrictoria & exsiccatoria virtute polere, repellere, & roborare dicitur. Inter herbas vulnerarias adstringentes recensetur. Revera hæmorrhagias quascunque coercescit. In spuito cruento, in fluxu uterino, & hæmorrhoidali utiliter præscribitur, diarrhæam, & cruentos alvi fluxus compescit. Ejus succus ad ℥iiij. vel ℥vj. decoctum vel infusum in vino vel aqua propinatur, necnon etiam in decoctis, aut jusculis adstringentibus & vulnerariis præscribitur. Tabernæmontanus eam ad album fluorem uterinum commendat & ex foliis exsiccatis, rasura eboris, Coralliis, pulverem parat ejusdem aqua stillatia propinandum. Tournefortius valde prædicat juscula ex Argentina, & Astacis fluviatilibus parata ad hunc fluxum cohibendum. Vulnere conglutinat & ulcera sanat, ea præsertim, quæ pudenda invasere & oris partes erodunt, si ejus decocto colluantur.

Ejus semen contusum & ad ℥ß. in ejus aquæ distillatæ ℥iiij. hæmorrhagias sistit. Ettmullerus Argentinam ut specificum in ictero remedium commendat. Eadem Timæo a Guldenkleee in secretis fuit contra nephritidem & calculum renum. Sunt, inquit Ettmullerus, qui pro arcano habent sequentem potionem contra calculum.

24. Argentinæ viridis M. iiij. Secalis viridis M. ij. Succum exprimunt & addunt vinum rubrum ad pondus omnium. Mixturam percolant pro una dosi in aurora primi die Maji mensis sumendum: & asserunt, si tribus annis continuis primo die Maji hoc repetatur, quod per totam vitam quis sit futurus immunis a calculo.

Vis febrifuga Argentinæ tribuitur. Idem Ettmullerus observat Argentinæ succum vel decoctum frequentius haustum nimium calorem in paroxysmis febrilibus compescere, sed non semper adeo tuto propinari, quia paroxysmus exinde nonnumquam magis prolongatur. Unde potius herba contusa & cum sale & aceto subacta a nonnullis carpis admoveatur, aut plantis pedum supponitur in febrilibus paroxysmis, quos sæpe mitigat, imo quandoque abigit, teste Simone Paulli. Sunt etiam, observante eodem, qui ad delirium compescendum eam contusam, & sale conspersam plantis pedum applicant. Quod quidem sanguinem acidis suis salibus vitriolicis inspissando, ejusque circuitionem nimis citam retardando perficit.

Adversus dysenteriam Castor Durantes jubet, ut dysentericorum calceis indatur: atque hac arte Simon Paulli eam non solum dysenteriam, sed omne genus fluxionum infimi ventris, ut nimios menses, imo narium hæmorrhagiam sistere existimat.

Ejus

Ejus decoctum in gargarismate nimis laxam columellam restituit, addito aluminis momento. In aceto cocta commotos dentes firmat & laxas cohibet gingivas.

Ejus aqua distillata in Officinis pharmaceuticis servatur, ad lentigines, panos & maculas faciei, fuscumque colorem sole contractum delendum commendata.

Ejus radices nonnulli apud Anglos, hyberno tempore esitant: sunt enim sapore suavi, nec minus grato quam Pastinacæ. J. Rajus observavit etiam porcos radices hæcæ rostro effossas libenter vorare.

ARMENIACA MALUS.

A Armeniaca malus, Off. Armeniaca fructu majori nucleo amaro, I.R. H. 623. Mala Armeniaca majora, C. B. P. 442. Armeniaca mala majora, Camer. Epitom. 146. J. B. 1. vulgo, *Abricotier*.

Arbor est moderatæ magnitudinis, Pyro videlicet minor, Persica major, cortice nigriore, candice crassiore, firmo, ramis magis patulis brachiata. Folia ejus subrotunda, acuminata veluti nigræ Populi, at minora & ad Betulæ magis accedentia, marginibus serrata, quaterna, quinave simul emergunt. Flores ante foliorum exortum primo vere profert pentapetalos rosaceos, quinque scilicet petalis albicantibus in orbem positos constantes, cum calyce quinquifido ex quo surgit pistillum quod deinde abit in fructum carnosum, succulentum, firmum, fere globosum, utrinque plerumque compressum, secundum longitudinem sulcatum, intus, forisque luteum, aliquo rubore interdum perfusum, sapore dulcem & palato gratum, ossiculo fœtum ligneo, duro, compresso pariter, non ut in Persica sulcato, sed lævi, nucleum includente seu Amygdalam candidam amaricantem, non injucundam, nonnunquam dulcem, pellicula flavescente obductam. In hortis & viridariis colitur: sobolescit insitione & inoculatione. Fructus ejus ob odoris gratiam & saporis dulcedinem plurimum arrident, & lautiores mensas tam cruda quam Saccharo condita nobilitant.

Analyti chymica, ex ejus fructuum immaturorum & tenellorum ℥v. prodierunt humoris limpidi, odoris & saporis herbacei haud ingrati, subacidi ℥ij. ℥vij. ℥vj. humoris limpidi, intense acidi & austeri ℥ij. ℥v. gr. xxxvj. humoris rufi empyreumatici, tum acidi, tum alcali volatilis & sale volatili urinoso imprægnati ℥j. gr. xxxvj. olei fluidi ℥vij. gr. liij. Massa nigra in retorta superstes pendebat ℥ij. quæ igne reverberii calcinata reliquit cinerum nigricantium ℥vj. gr. xxiiij. ex quibus salis fixi mere alcali ℥ij. g. iij. lixivio sunt extracta. Partium jactura in distillatione fuit ℥ij. ℥iiij. gr. xvij. in calcinatione ℥ij. ℥j. gr. xlvij.

Caro fructuum maturorum, ossiculis rejectis, ad ℥v. per retortam distillata præbuit humoris fructum odore & sapore leviter referentis, obscure acidi ℥xiiij. ℥j. gr. xxxvj. qui aliquamdiu asservatus acorem manifestum contraxit: humoris limpidi primo subacidi, deinde manifeste acidi, austeri admodum, & nucleorum contusorum odorem referentis ℥ij. ℥ix. ℥vj. gr. xxx. humoris rufi empyreumatici sale volatili urinoso imprægnati ℥j. ℥j.

gr. xxiiij. olei crassi & spissi ad instar extracti ℥ij. gr. xij. Massa nigra in retorta superstes & densa admodum pendebat ℥ij. ℥vj. gr. xxx. quæ per 20. horas calcinata reliquit cinerum nigricantium ℥vij. gr. xxxvj. ex quibus salis fixi mere alcali ℥iiij. extractæ fuerunt. Partium jactura in distillatione fuit ℥ij. ℥vj. gr. xij. in calcinatione ℥ij. ℥vj. gr. lxxvj.

Analysis horumce fructuum comparata non adeo diversas ex quibus componuntur substantias exhibet. Magnam salis acidi & olei stricte conjunctorum copiam continent, ita ut olei portio tantum mediocris sub oleosa specie per retortæ rostrum transeat, major vero pars in capite mortuo fixa remaneat.

Fructus Mala Armenia vel Armeniaca dicuntur; a quibusdam Chrysomala, ab aliis Præcocia, Præcoqua & Bericocia, unde vox Gallica *Abricot*, nuncupantur. Optima censentur quæ magna, quæ bene colorata, quæ matura, quæ gustu grata, & quorum caro ab ossiculis facile separatur.

Medici plerique, Galeni auctoritate freti, illa bonitate superare Persica dicunt, quod neque in ventriculo, ut ea, corrumpantur, neque facile acelescant, scilicet ob ficiorem pulpæ consistentiam: esse quoque Persicis suaviora, hocque nomine ventriculo gratiora: omnibus enim quæ suavia sunt hoc inesse, ut stomacho sint grata atque accepta.

Alimentum hæc mala, sicut alii fructus fugaces dant exiguum. Convenientiora sunt calidis, siccisque naturis quæ sunt bilis feraces, quales sunt juvenes: in pituitosis quæ frigida sunt atque humida & quibus stomachus debilis est, facile corrumpuntur.

Immoderatus ingesta ventriculum inflant, cito corrumpuntur, febresque accendunt ut ceteri horæi fructus, mucosum scilicet chymum efficiendo, ventriculi & intestinorum parietibus adhærentem, facile acelescentem & ventriculi functiones lædentem, unde oriuntur febres quæ tamen facile solvuntur, & statim initio ventriculus & intestina emeticis & catharticis medicinis ab hac saburra tempestive liberentur.

Armeniaca cum Saccharo condita & asservata sive liquida, sive sicca, sive matura, sive immatura, inter præstantissima dulciaria seu bellaria a matronis nostris habentur. Nucleus eorum, quia amarus, necat vermes. Elici ex illis lacteus succus non secus ac ex Amygdalis & emulsio parari potest, quæ in febribus salutaris, incidendo nempe viscidos humores, existimatur. Oleum ex illis expressum valere tradunt inunctum ad inflamas hæmorrhoidas & ad aurium dolores. Idem potum ℥v. pondere cum vini Malvatici ℥j. calculos pellere & colicos dolores levare Matthioli refert.

Plura Armeniacorum sunt genera, cum sapore, tum magnitudinis differentia. Sed his in regionibus hoc genus vugatilus est.

A R T E M I S I A.

Artemisia vulgaris, Off. Artemisia vulgaris, major, caule & flore purpurascentibus, C. B. P. 137. Inst. R. H. 460. Artemisia vulgaris, J. B. 3. 184. Artemisia rubra, Tabern. Icon. 7. Artemisia mater herbarum, Lobel. Icon. 754. vulgo, *Armoise*, herbe de la S. Joan.

Ra-

Radice est repente, digitum crassa, fibrosa, dulci, aromatica: caulibus bicubitalibus & altioribus, digiti crassitudine, teretibus, striatis, brevi lanugine hirsutis, firmis ac rigidis, ut plurimum purpurascentibus, medullosis, ramosis, cum foliis crebris alternatim positis, Absinthii fere divisura, ad costam usque incisus, superne obscure virentibus, subtus incanis, qua nota ab Absinthio facile distinguitur. Flores dense nascuntur in summis ramulis, longa serie quasi spicatum dispositi, minimi & flosculosi, plurimis scilicet flosculis constantes quinquifidis, purpurascentibus, embryoni insudentibus & calyce squammoso comprehensis. Inter flosculos vero occurrunt & embryones nudi in capillamentum bifidum desinentes, qui perinde ac flosculorum embryones abeunt in semen Absinthii æmulum. Flores Absinthitis crebriores sunt, minores, nec deorsum nutantes, odore aromatico haud ingrato perfusi, minus, quam Absinthii vehementi. Secus fossas & rivulos agri Parisiensis nascitur. In hac planta caulis & flores interdum albescunt. Herba integra utilis est.

Analysi chymica, ex hujus plantæ recenter collectæ ℥v. prodierunt humoris limpidi, primo saporis herbacei & obscure acidi, deinde manifeste acidi & aliquantisper austeri ℥iiij. ℥v. gr. xxx. humoris tum acidi, tum salis subausteri, rufescentis & aliquantisper empyreumatici ℥iiij. ℥vij. gr. vj. humoris fusci empyreumatici, alcali, urinosi & sale volatili urinoso foeti ℥j. ℥v. olei adiposæ spissitudinis ℥ij. ℥vj. gr. iiij. salis volatilis urinosi concreti gr. xliij. Massa nigra in retorta superstes pendebat ℥v. ℥iiij. quæ igne reverberii calcinata reliquit cinerum ℥ij. gr. xxxvj. ex quibus salis fixi mere alcali ℥ij. gr. xxxvj. lixivio extracta fuerunt. Jactura partium in distillatione fuit ℥iiij. gr. lxij. in calcinatione ℥iiij. ℥iij. gr. xxxvj. Ex hac analysi manifestum est, Artemisiam sale essentiali donari ammoniacali, multo sulphure crasso & multa terra conjunctis. Quod etiam probatur ex falso ejus sapore, & rubro quem chartæ cœruleæ conciliat colore.

Artemisia uterina est & antihysterica vel etiam antispasmodica. Menses, foetum & secundinas pellit, uteri sordes abstergit, adeoque usus creberrimi est mulierculis, quæ eam adhibent non solum interne in decoctis, jusculis & potionibus; sed etiam externe in balneis & lotionibus. Ex ea sacculi parantur qui repentes in suffocationibus hystericis, partu difficili & mensium aut lochiorum suppressione ventri admoventur.

℥. Folior. & summitatum floridar. Artemis. M. j. Maceretur in aq. bullientis ℥ss. Vas operiatur, & post horæ quadrantem aqua effundatur & forbillando propinetur.

℥. Folior. & radic. Artemis. M. ij. Cinerum rubr. ℥j. Coquantur cum aq. comm. vel Artemis. distillatæ ℥iiij. ad ℥ij. Colatura per cyathos propinetur adversus dolores post partum & lochior. suppressionem. Adde tantillum aq. Cinnamomi, si adsit virium prostratio.

℥. Folior. Artemis. & Matricar. ana M. j. Infund. per noctem in vini albi ℥ss. Colaturæ adde tincturæ Martis ℥ij. Aq. Cinnamom. ℥j. Propinetur in mensium & lochior. suppressione.

℥. Folior. Artemis. & Matricar. ana M. j. Coq. leviter in aq. comm.

ad ℥vj. In colatura dilue syrup. de Artemisia ℥j. Adde sp. vol. C.C. succinati gutt. xx. Fiat julapium cochleatim sumendum in hysterica passione.

℥. Summitatum Artemis. pulverat. ℥ss. Succini pp. ℥ss. Castor. gr. iiij. Extracti Aloes gr. xv. cum s. q. conserv. flor. Calendulæ. Fiat bolus in passione hysterica & mens. suppressione.

℥. Folior. Artemisiæ, Matricar. Mercurial. & utriusque Malvæ ana M. ij. Flor. Chamæmeli & Melilot. ana M. j. Semin. Lini & Sefeli ana ℥j. Incisa & contusa sacculis includantur, & in aquæ comm. q. s. coquantur. Sacculi calentes regioni umbilicali admoveantur ad menses movendos & dolorem post partum sedandum. Ex iisdem herbis infusus præparetur pro partu difficili.

Herbæ siccatae pulvis ℥iij. pondere in vino potus optimum est doloris ischiadici remedium, auctore Parkinsono, qui & herbam recentem aut ejus succum haustum in convenienti aliquo liquore præstantissimum esse remedium asserit illis, qui nimium Opii sumplerunt.

De præstantia hujus plantæ contra lassitudinem multa proferuntur, quæ ut superstitiose dicta habentur a nonnullis. Plinius de ea sic loquitur. Artemisiam & Elelisphacum (plantam nunc ignotam) alligatas qui habeat viator, negatur lassitudinem sentire. Post eum Botanici plurimi dicunt hanc plantam ad lassitudinem ex itinere maximum esse præsidium, quæ, ejus decocto si laventur aut foveantur pedes, omnis tollitur. Joann. Bodæus a Stapel, in notis ad Theophrasti Historiam plantarum, non dubitat emphatice proferre hujus decoctum hominum ex itinere lassorum pedes adeo recreare, ut nihil in rerum natura reperiatur quod ei sit conferendum; quod, licet C. Hoffmannus rideat, tamen S. Pauli haud a vero prorsus alienum putat. Scribit enim se sancte testari posse, se iis ægris, in quibus nervosum genus male habere sibi visum esset, flutulento spasmus obnoxiiis, aut qui de doloribus aut lassitudinibus membrorum, præsertim post chronicos & quandoque etiam post acutos malignos morbos, conquesti sunt, felicissimo sæpe eventu præscripsisse balneum maximam partem ex Artemisia, deinde Salviæ, Agrimonix, Chamæmeli & polentæ tritæ decocto repletum, ut in eum se immergerent vel in eo considerent. Quod quidem tribuit tenuibus partibus quibus Artemisia instruitur, quæ vim habent attenuandi, resolvendi, discutiendi. Illud autem probat non solum auctoritate ejusdem Hoffmanni qui hanc partium subtilitatem in ea agnoscit; sed etiam quotidiana coquorum experientia, qui duram anserum carnen, teneriorem efficere solent, eam Artemisiæ foliis infarciendo, antequam coquantur. Addit insuper observationem ejusdem vetulæ, quæ, cum utraque genua tumor insignis œdematosus obsedisset, linteis duplicatis super Artemisia fumigatis eum ex voto abegit: qua hæc partium Artemisiæ tenuitas confirmatur: non ergo adeo ridicula est aut spernenda defatigatos artus sublevandi facultas, quæ hujus plantæ decocto tribuitur.

Sunt qui carbones sacro Joannis Baptistæ die sub hujus radice effossos ad epilepsiam commendant. Eos autem tum in pulvere exhibent, tum de collo suspendunt pro amuleto. Equidem rejecto quidquid superstitionis est in hac
praxi

praxi tanquam futili ac vano, non virtutis prorsus expertes sunt illi sic dicti carbonēs. Non enim carbonēs sunt, sed radices Artemisiæ annosæ demortuæ & ita exsiccatæ ac semiputrefactione nigricantes factæ, ac principiis aut actuosis particulis non omnino destitutæ, ut Schroderus & Deckers in notis ad Barbettepraxim asserunt, & ut putat Fernellius, qui eas adversus epilepsiam proponit, & odorata expostulat. Eædem a Francisco Joele in *Praxi cap. de Epilepsia* laudantur, viro alias minus superstitioso. Ettmullerus quoque, qui, quæ de his carbonibus proferuntur, anile figmentum diu putaverat, refert novisse mulierculam quæ hosce carbonēs propriis infantibus epilepticis cum fructu, cuspis cultelli quantum capit, propinavit. Dosis illorum carbonum pulveratorum est ad ℥j. in aqua conveniente exhibita. Similes carbonēs interdum sub Absinthio, Plantagine, & aliis plantis reperiri solent.

In Officinis Pharmaceuticis pro usu medico ex Artemisia præparata servantur, aqua distillata ex planta florida, Syrupus de Artemisia dictus, Conditum, extractum, & Sal fixus, in quibuscunque uterinis affectionibus commendata.

Usurpatur Artemisia in Syrupo de Artemisia *Pharmacop. Regiæ Charas*, Pulvere *Palmarii* contra rabiem, Unguento martiato, Emplastro diabotano *Franc. Blondel. Penicher. Coll. Pharmac.* Aqua vulneraria *Ejusdem* & aq. hysterica *Ph. Reg. Charas*.

A R U M.

Arum & Aron *Offic. vulgo, Pied de veau*. Inter diversas Aris species duæ præsertim in Officinis occurrunt usitatiores, quæ indiscriminatim usurpantur, scilicet Arum vulgare non maculatum, & Arum vulgare maculatum maculis nigris vel candidis.

Arum vulgare non maculatum, *Off. Arum vulgare non maculatum, C. B. P. 295. Inst. R. H. 158. Arum Tab. Icon. 746.*

Radice est tuberosa, carnosæ, pollicem crassa, subrotunda, sed difformi, candida, succo lacteo turgida, fibris quibusdam stipata: foliis dodrantem longis, quasi triangulis, & sagittæ formam referentibus, nitidis, venosis. Caulis ad cubitum pene assurgit teres, striatus, florem sustinens membranaceum, monopetalum, anomalum, auris asininæ, vel leporinæ forma, vaginæ in modum convolutum, ex albido virescentem, in quo latet pistillum pallide flavescens, ad cujus exortum, flore marcescente, oriuntur acini seu baccæ fere globosæ, dense in capitulum oblongum congestæ, purpureæ, molles, succi plenæ, semen unum aut alterum, exiguum, duriusculum, subrotundum, continentes. Tota planta acerrimi est saporis, & linguam deurentis.

Arum maculatum vulgare seu *Off. Arum maculatum vulgare, maculis candidis vel nigris, C. B. P. 195. Inst. R. H. 118. J. B. 2. 783. Dodon. Pempt. 328.* Hæc species a priori non discrepat, nisi maculis candidis vel nigris, quibus folia sunt respersa. Nascuntur in sylvis, locisque umbrosis, secus vias & in sepibus agri Parisiensis. Radix in usum venit, rarius folia.

Analysi chymica ex radicum recentium ℥v. prodierunt humoris limpidi saporis & odoris herbacei subacris, cum sale alcali occulto, & obscure au-

steri ℥x. ℥j. gr. vj. humoris primo limpidi, deinde rufescentis, subacidi, austeri, odoris empyreumatici, tandem fusci, obscuri, saporis tum acidi, tum acris ℥iij. ℥viij. gr. lxxvj. humoris rufi tum acidi, tum alcali & sale volatili urinoso imprægnati ℥ij. gr. xxxvj. olei spissioris & ad instar extracti ℥ij. ℥viij. gr. xij. Massa nigra in retorta superstes pendebat ℥vj. ℥viij. gr. xxxvj. quæ igne reverberii calcinata reliquit cinerum ℥viij. gr. lx. ex quibus talis fixi mere alcali ℥ij. gr. lx. extracta fuerunt. Partium jactura in distillatione fuit ℥v. ℥iij. gr. lx. in calcinatione ℥v. ℥vj. gr. xlvij.

Ari radix insigni pollet acrimonia, ita ut semel gustata verno tempore dum succo maxime turget, per diem integrum vellicationem in linguam relinquat. Succus foliorum igne blando paululum inspissatus ab olei tartari affusione spiritum urinosum dimittit. Chartam cæruleam rubro colore tingit. Insuper glutinosa est & veluti farinacea. Ex quibus conjici potest Ari radicem sale essentiali donari simili sali Ammoniaco spiritu Nitri saturato, cum oleo crasso & succo viscido & mucaginoso intermixto. Insignis illius acrimonia a spiritu seu oleo quodam subtili & acerrimo quale in Cochlearia, Helleboro, Croco deprehenditur pendere videtur, quod sola radicis exsiccatione avolat. Nam radix recens acrior est quam exsiccata, quæ extrinsecus fere insipida est, dum in medio conservat acredinem haud mediocrem.

Radix in primis in usu est tam recens quam exsiccata. Ratione particularum tenuium & volatilium mucum viscidum & spissum ventriculi, & intestinorum parietibus adhærentem potenter incidit, attenuat, atque resolvit: & ea de causa egregium fit stomachicum, appetitum prostratum mire restaurat & acuit: febres intermittentes sæpe solvit, tenaces, lentosque succos in primis alimentorum viis aut in mesenterii glandulis morantes solvendo. In asthma humorali, tussi a pulmonum infarctu, plurimum laudatur; pulmonum enim bronchia a pituita viscida liberat; in ictero, chlorosi, cachexiis, & chronicis morbis apprimè conducit, viscerum obstructions referando. In affectionibus melancholicis, hypochondriacis, hysteriis, & scorbuticis quæ pendent a succorum lentore, feliciter usurpatur. Non item illis in affectionibus quæ ab humorum acredine, & fibrarum spasmò, crispatura, & ereismo oriuntur.

Radix sive sicca, sive recens a ℥ss. ad ℥j. & ℥iij. intus exhibetur, & in opiatís mesentericis, & aperientibus usurpatur. Recens radix decocta, & melle excepta medetur pectoris morbis omnibus pituitosis, expectorat enim validissime crassas, lentasque excreationes, adeoque asthmaticos maxime juvat ℥ij. pondere sumpta.

Nonnulli vim catharticam illi tribuunt: Mesuæus eam velut catharticum præstantissimum commendat in morbis chronicis, & contumacibus, præsertim cum Ceba aut Passularum decocto temperatam. In eadem sententia fuisse videtur Antonius Constantinus Medicus Aquisextiensis, & Pharmacopœæ Gallo-provincialis auctor, qui cachecticos ægros hoc Electuario purgare solebat.

24. Radic. Aronis lotar. & mundatar. ℥iij. Contunde in mortar. mar. mor. & per setaceum pulpa trajiciatur; cui adde Menthæ pulver. ℥iij. Folior. Absinth. ℥jss. Fiat Opiata quæ egregie purgat ad ℥ss. vel ℥j. in cachexia.

24. Rad.

℥. Rad. Ari pulver. ℥ss. Cinnamomi ℥j. Sacchar. albi ℥j. Misce. Fiat pulvis ex vino vel hydromelite sumendus in asthmate, tussi, mensum & lochiorum suppressione.

℥. Radic. Ari, Ind. Florentin. Antihectic. Poterii, flor. Sulphur. ana q. pl. Cum melle vel syrup. de Eryfino fiat Electuar. de quo ℥ij. æger bis die sumat, in asthmate & pectoris affectibus pituitosis.

℥. Ari pulver. & Gumm. ammon. ana ℥j. Tartar. vitriolati, & Cre-mor. Tartar. ana ℥ss. Sennæ pulver. ℥vj. Rhei & Diaphoret. mine-ral. ana ℥ij. Agaric. Trochiscati ℥ij. Trochiscor. Alhandal ℥ij. Dia-grydii ℥j. Conserv. Calendulæ ℥ij. Syrup. Rosar. pallidar. q. s. Fiat Opiata dosi ℥ij. quotidie vel alternis diebus per mensem sumenda, in mesenterii, & viscerum obstructionibus.

℥. Rad. Ari pulver. ℥ij. Acori vulgar. Pimpinellæ, Saxifragæ ana ℥j. Oculor. Cancror. ℥ss. Cinnamomi ℥ij. Salis Absinth. & Juniper. ana ℥j. Sacchar. rosati ℥jss. M. F. pulvis cachecticus, cujus dosi ℥jss.

℥. Rad. Ari pulver. ℥jss. Croci martis aper. ℥ss. Myrrh. & Gumm. ammon. ana ℥j. flor. sal. Ammon. martial. ℥ss. Conserv. flor. Calen-dul. vel Genistæ ℥ss. Syrup. de Absinth. q. s. M. F. Electuar. antica-checticum & multoties probatum. Dosis ℥j. bis in die.

℥. Cortic. Peruvian. ℥ss. Rad. Ari pulver. & Croci mart. aper. ana ℥ij. Syrup. de Absinth. q. s. M. F. Electuar. Dos. ℥j. quarta quaque hora in febre quartana, febribus contumacibus, & cachecticis affe-ctionibus.

Pulpa radice recentis, & contusæ a Trago dicitur præsentissimum re-medium ac minime fallax adversus venenum & pestem, sive sola, sive cum Theriaca tantumdem. A quodam Philagrio, narrante Mesuæo, ex hac radice recenti contusa, placentulæ cum frumentacæ farinæ æquali portione simul mixtis conficiebantur, in clybano coctæ comedendæ adver-sus hæmorrhoidales affectiones. Laurembergius ad hernias sanandas solam radicem pulveratam ad ℥j. exhibebat. Dölæus *Lib. 1. Cap. 5. Section. 16.* radices Ari cum floribus sulphuris commixtas tanquam summum remedium in phthisi commendat.

Quidam summam Ari acrimoniam mitigare tentarunt, sed cavendum ne vis ejus atque præstantia simul cum acredine extinguantur. Ettmul-lerus improbat macerationem in aceto a nonnullis propositam, qua sa-lia alcalia volatilia acido aceti retunduntur, & in tertium salem neutrum abeunt ab utroque prorsus diversum. Alii fœculam parant ex radicum recentium contusarum succo expresso, quem residere sinunt, donec li-mus seu fœces quædam tenues subsederint: tunc liquore per inclinatio-nem effuso, limum exsiccant in tenuissimum pollinem fœculam dictum. Sed hæc fœcula elumbe remedium est, & omni virtute fere destitu-tum. Hinc radix exsiccata, & pulverata sine alia præparatione ante-ponenda est.

Ari folia, notante Ettmullero, adversus scorbutum usurpantur, vel cum infuso vino, vel in aceto una cum radice macerata, vel alio quocumque modo præparata.

Radix & ipsa planta recens & viridis in aceto coctæ & mitiores factæ, vim diureticam obtinent, remediumque suppeditant egregium, contra ca-

sum ab alto, sanguinem grummosum factum solvendo; qua de causa ab Helmontio dicitur remedium magnum in casu magno. *Tr. Dispensator. modernor.* 840.

Externo usu folia arthritidis dolorem sublevant, si contusa & cum stercore vaccino mixta dolenti parti calide admoveantur. Ulcera brevi mundificant & sanant. Ad anthracem & bubonem pestilentialem imposita plurimum laudantur a Trago. Radix etiam carcinomati exulcerato prodest, & ex ea fit pulvis a Sennerto, Hartmanno, & aliis commendatus.

℥. Radic. Ari ℥ij. Arsenic. correct. ℥j. Fuliginis splendidæ ℥iij. M. F. pulvis inspergendus.

Matronæ nonnullæ ex Ari radicibus stillatitias aquas ad fucum præparant, quas ad faciem erugandam, illustrandamque magis laudibus efferrunt. Fœcula quoque ad eisdem adhibetur usus, siquidem cuti splendorem, nitoremque conciliare dicunt. Apud Pictones rusticana mulierculæ massam quamdam præparare solent ex caulibus, & radicibus plantæ floridæ minutim sectis, & aqua per tres hebdomadas maceratis, aquam quotidie renovando: tandem aqua effusa, massam conterunt, exsiccant, qua linteamina saponis loco mundantur. Eundem usum J. Rajus in quibusdam Angliæ locis haud ignotum esse refert.

Ari radix usurpatur in Pulvere cachectico *Quercetani*.

A S A R U M.

A Sarum, Asara Baccara, & Baccarus: Nardus rustica, *Off.* Asarum, *Dod. Pempt.* 358. & *Inst. R. H.* 501. *J. B.* 3. 548. *C. B. P.* 197. vulgo, *Cabaret*, *Oreille d'homme*, *Oreillette*, *Rondelle*, *Girard roussin*, *Nard sauvage*.

Humillima est, & perpetuo virens planta, radice tenui, repente, angulosa, nodosa, fibrosa, spadicea, vel cinerea, acri, amaricante, nauseabunda, aromatica, Valerianam hortensem redolente: foliis rotundis, auritis, rigidis, nitidis, obscure virentibus, logis pediculis innixis. Flores prope radicem inter folia reconditi, tenui, & brevi pediculo insident, staminei, purpurei, & vix conspicui, si calycem excipias, qui crassior est, & in tria segmenta divisus, acuta, & atropurpureascentia. Hujus autem posterior pars, quæ hexagona est, abit in fructum in capulas sex divisum, in quibus semina continentur subrotunda, exigua, acinis uvarum quoad formam externam similia, fusca tunica involuta, quæ medullam albam continent acriusculam. Delectatur sylvis, & frequens occurrit circa Parisios in septo sancti Mauri. Radices, & folia in Officinis usitata sunt.

Analyti chymica, ex radicum & folior. recentium ℔v. prodierunt humoris limpidi aliquantisper odorati, subamar, obscure acidi ℔ij. ℥v. ℥j. humoris primo limpidi, manifeste acidi, deinde rufescentis, intense acidi ac tandem subausteri ℔j. ℥xij. ℥v. gr. xij. humoris fusci, tum acidi, tum alcali urinosi ℥iij. gr. xxij. olei spissioris ad instar extracti ℥ij. gr. xv. Massa nigra in retorta superstes pendebat ℥vj. gr. xij. quæ igne reverberii calcinata reliquit cinerum ℥ij. gr. xlvij. ex quibus salis fixi mere alcali ℥vij. gr. lxxvj.

gr. lxxvj. Partium jactura in distillatione fuit ℥iij. ℥j. gr. ix. in calcinatione ℥iij. ℥vij. gr. xxxvj.

Folia & radices Asari amara sunt & acria; chartam cæruleam rubro colore tingunt. Ex his liquet, Asarum succo donari simili spiritui vitrioli dulcificato & spiritui oleoso volatili, aromatico, acri, simul conjunctis.

Asarum remedium est polychrestum, vomitorium nempe & per inferiora valide purgans, diureticum, sudoriferum, aptissima morborum diuturnorum medicina & menses stimulans.

Radices & folia vomitum & secessum violententer provocant. Radix pulverata a ℥ss. ad ℥j. exhibetur: in infuso a ℥j. ad ℥iij. Pulvis autem variat ratione præparationis: si enim minutissime pulveretur, eo efficacius vomitum & urinam pellit, sicut & menses. Si vero minus accurate conteratur, per inferiora solummodo purgat, sine insigni ventriculi subversione. Decoctum autem præparatur vel in vino vel in aqua. Si decoquatur in vino, retinet vim vomitoriam & cathartica: si vero decoquatur in aqua simplici, a qua sulphurea ejus pars solvi nequit, vis ametica & cathartica perit, & rite administratum fit egregium alterans medicamentum, diaphoreticum & diureticum, in morbis chronicis & febribus intermittentibus summæ utilitatis. Quod quidem primum ab Helmontio & post eum a Zvvelfero & a Cl. Tournefortio observatum fuit.

Præter facultatem emeticam & cathartica Asarum insigni donatur virtute obstructions referandi, visceraque roborandi, unde illud emetico-catharticum in febribus intermittentibus, ictero, hydrope, diarrhæa & dysenteria, in affectionibus melancholicis, ischyadico dolore & arthritide utiliter exhibetur: urinas ciet & menses pellit, unde meretriculæ plus satis frequentant decoctum ejus, cum sentiunt se gravidas: & eandem ob causam prægnantes ab eo abstinere debent.

Folia, observante Vedelio, radicibus violentius purgant. Exhibentur n. 5. 6. 7. 8. vel 9. vino aut hydromelite macerata vel cocta & expressa.

℥. Pulver. rad. Asari ℥ss. vel ℥j. Capiat æger ex hydromel. aut Oximel. vel ex conserva flor. Aurantior.

℥. Rad. Asari ℥iij. Infunde per noctem in vini albi ℥vj. Colaturam æger capiat mane.

℥. Folior. virid. Asar. n. 7. vel 8. Contusis affunde vini albi ℥vj. Macerentur frigide per horam. Fiat colatura cum expressione pro haustu ad vomitum provocandum.

℥. Rad. Asar. ℥j. Macerentur per noctem supra cineres calidos in aq. commun. ℔j. Fiat colatura mane, jejuno ventriculo, propinanda & in viscerum obstructionibus.

Ex radicibus & foliis Asari cum spiritu vini extractum in Officinis præparatur emeticum a ℥ss. ad ℥j.

Rarius Asarum purgantis nomine in usum venit, ex quo vomitoriæ sibi præparationes invaluerunt.

Pulvis foliorum errhinum est præstantissimum de quo J. Colbatch Medicus An-

Anglus in suo Tentamine Physico-Médico, *De alcalibus & acidis quatenus habent respectum ad morborum curationem*, mentionem facit, tanquam novissime detecto a quodam D. Pitt, Pharmacopæo Vvorcestriensi. Narrat autem tria, quatuor, aut quinque grana pulveris foliorum exsiccatum adversus cephalalgiam, cubitum euntibus Tabaci more exhibita, efficere ut non turbata ægri quiete mane sequenti per nasi glandulas materiæ serosæ non parva quantitas exoneretur, quod verum esse sæpius comperi: imo hunc pituitosum fluxum per tres dies continuos perseverasse observavi, cum summo ægri levamine.

Idem pulvis surditati nonnumquam medetur, annotante eodem auctore, modo in aures granum unum aut alterum insuffletur. Hujus novi errhini efficaciam expertus sum in oris & linguæ paralyti, quæ unica dosi hujus remedii & largo inde suborto pituitæ fluxu sanata fuit. Quapropter hoc errhinum seu capitipurgium medicamentum contra capitis affectus diuturnos & contumaces, ex viscida tenacique materia oriundos, gravativos dolores, paralytism, morbosque soporosos utiliter præscribi posse censeo.

Cæterum Asarum a signatura quæ aurem refert, a quibusdam ad aurium morbos commendatur, referente Ettmullero. Folia vel sola vel cum aliis specificis remediis mixta coquunt & decoctum auribus instillant, aut in suffitu auribus admovent. Alii lixivio in quo decoctum fuit Asarum, caput lavant, & specificum dicunt ad catarrhos quoscumque, speciatim si auditum affligant, & hinc auditum & memoriam firmare credunt.

Radix usurpatur in Syrupo hydragogo *Ph. Reg. Charas*.

Radices, folia & fructus contrita & carpis admota, ineunte paroxismo, febres intermittentes nonnumquam profligant.

A S C L E P I A S.

Asclepias, Vincetoxicum, & Hirundinaria, *Off. Asclepias albo flore*, *C. B. P. 303. Inst. R. H. 94. Asclepias sive Vincetoxicum multis*, *floribus albicantibus, J. B. 2. 138. Vincetoxicum, Dod. Pempt. 407. Hirundinaria, Tragi 180. Hirundinaria flore albo, Parkinson: Cission, Cissophylon, Hederalis, Ruel. 728. vulgo Dompte venin.*

Radice est numerosis stipata fibris, pluribus ex uno capite prodeuntibus, crassiusculis, longis, albis, sapore acri subamaro, ingrato, nauseoso, odore graviusculo: caulibus lentis, cubitalibus & altioribus, hirsutis, geniculatis: foliis binis ex adverso nascentibus, nonnihil per extremos margines & nervos hirsutis, forma hederaceorum, longioribus, rugosioribus, brevibus pediculis innixis. Ex foliorum alis pediculi prodeunt divisi in plures alios, qui flores sustinent albicantes, monopetalos, campaniformes, patentés, & quinquifidos, cum quinque apicibus concoloribus, rotulæ modo dispositis, calyce in totidem partes diviso, & pistillo posticæ floris parti ad instar clavi infixio. Flori supponitur capitulum etiam quinquifidum. Pistillum abit in fructum ex duobus vaginis constantem membranaceis, lesquiunciam & amplius longis a basi ad apicem dehiscentibus, multo

multo semine foetis rufo, latiusculo, compresso, pappis seu cristata lanugine instructo, ac placentæ squammatim affixo. Ab Apocyno & Periploca Asclepias differt, quod limpidus sit illius succus, non vero lacteus ut in illis. In nemore vici Bononiæ dicti apud Parisios sponte nascitur. Usus est radicum & foliorum.

Analysi chymica, ex plantæ floridæ recentis demptis radicibus ℥v. per B. V. distillatis, prodierunt humoris limpidi, saporis herbacei, primo obscure acidi, deinde manifeste acidi ℥ij. ℥xij. ℥vj. gr. xxxvj. Massa exsiccata residua, per retortam distillata, præbuit humoris rufescentis, subausteri, deinde salis ℥j. ℥ij. ℥iiij. gr. lvij. humoris rufi tum acidi, tum salis ℥ij. ℥ij. gr. xxxvj. humoris rufescentis, alcali, urinosi, & sale volatili urinoso copioso imprægnati ℥v. gr. xxxvj. olei spissi & butyrosi ℥ij. ℥ij. gr. liij. Massa nigra in retorta superstes pendebat ℥vij. quæ igne reverberii calcinata reliquit cinerum nigricantium ℥j. ℥vj. gr. xxxvj. ex quibus salis fixi mere alcali ℥vj. gr. xxxvj. fuerunt extracta. Partium jactura in distillationibus fuit ℥iiij. ℥j. gr. lxxix. in calcinatione ℥v. ℥j. gr. xxxvj.

Ex radicum recenter avulsarum ℥v. per B. V. distillatis prodierunt humoris limpidi, odoris & saporis aliquantisper aromatici, acris, linguam pungentis, primo obscure acidi, deinde manifeste acidi, & subausteri ℥ij. ℥xij. ℥ij. gr. xxiiij. Massa superstes per retortam distillata præbuit humoris primo rufescentis manifeste acidi & salis, deinde fusci, intense acidi, tandem salis & alcali urinosi volatilis ℥vij. ℥iiij. gr. xxvij. humoris fusci, empyreumatici, alcali urinosi ℥vij. gr. xlv. olei butyri ad instar spissi ℥ij. ℥iiij. gr. xxxvj. Massa nigra in retorta residua pendebat ℥xiiij. ℥v. gr. xxxvj. quæ igne reverberii per 24. horas calcinata reliquit cinerum leucophæorum ℥vij. ℥vij. gr. xxxvj. ex quibus salis fixi salis ℥j. gr. ij. extracta fuerunt. Partium jactura in distillationibus fuit ℥ix. ℥j. gr. xlviij. in calcinatione ℥vj. ℥vj.

Asclepiadis radices amaræ sunt, subacres, aromaticæ, & chartam cæruleam rubro colore tingunt, folia vero debilius tingunt & subsalsa sunt. Unde concludimus, sicut ex analysi, hujus plantæ radices donari sale essentiali salso tum vitriolico, tum ammoniacali, acido plusquam saturatis, & multa terra, multoque oleo tum tenui, tum crasso bituminoso involutis: folia vero plus ammoniacalis salis continere.

Radix alexipharmaca est & sudorifera: in peste & aliis morbis mali moris plurimum commendatur. Menses & urinas provocat. Pulverata ad ℥j. exhibetur. In infuso vel decocto ab ℥ss. ad ℥j. Nonnullis, dum recens est, nauseam vel vomitum levem excitat. In variolis, morbillis & febribus malignis, ejus decoctum a Cl. Tournefortio Scorsonneræ decocto antepositum ad diaphoresim aut sudorem promovendum. Decoctum ejus in aq. comm. ℥ij. præscribitur pro potu ordinario. Ad strumas sanandas, & ad menses suppressos revocandos utile est idem decoctum sæpius usurpatum.

24. Radicum Vincetoxici ℥j. Infunde in aq. bullientis ℥ij. Infusum percoletur. Dividatur in tres cyathos, cum syr. de Arthemisia aut aperiente cachectico Ph. R. Charas propinandos quaque hora, in suppressione mensium.

Ejus-

Ejusdem decoctum cum vino a Paracelso laudatur in hydrope. Radix pondere semilibrae per noctem in vino macerata & deinde usque ad tertias decocta mane, jejuno stomacho, calida pota, sudore interim provocato, mirifice expellit aquam intercutem, adeo ut illa per pedum plantas erumpat: estque hoc singulare experimentum a Trago relatum.

Externe tam folia, quam radices & semina usurpantur in mammarum ulceribus, aliisque sordidis ac malignis mundificandis: ad morsus viperarum & insectorum venenatorum ictus. Folia contusa mammarum tumores resolvunt & discutunt.

Ex foliis & radicibus præparatur extractum ad eadem usurpatum a ʒʒ. ad ʒʒʒ.

Radix usurpatur in aceto Theriacali *Pharm. Reg. Charas* & in electuario Orvietano *Frederici Hoffmanni*.

ASPARAGUS.

Duplex est Asparagus in Officinis usitatus, sativus & sylvestris. Asparagus, sativus *Off. Asparagus sativa C. B. P. 489. Inst. R. H. 300.* Asparagus hortensis & pratensis *J. B. 3. 725.* Asparagus sylvestris *Mathiol. 478. vulgo, Asperge.*

E radicibus numerosis, ab uno veluti capite pendentibus, teretibus, carnosis, candicantibus, subdulcibus, glutinosis, primo vere cauliculos emittit teneros, longos, teretes, virides, glabros, sine foliis, ab uno cespite plures, esculentos, & grati saporis, qui paulatim ad duorum cubitorum altitudinem assurgunt & in numerosos, tenues, firmos dividuntur ramos & virgas, circa quas folia nascuntur frequentia, viridia, capillacea, mollia, uncialia. Flores rosacei sunt, hexapetali, pallide virentes, cum pistillo in fructum seu baccam mollem abeunte, Pisi magnitudine, fere globosum, purpurascentem, mollem, subdulcem, cum seminibus duobus vel tribus umbilicatis, nigris, duris, corneæ soliditatis. In hortis & arvis colitur, in primis ad culinarium usum. Ejus enim recens enati turiones seu Asparagi proprie dicti diversimode cocti mensis apponuntur & palato mirifice placent, Radix & semen in Officinis Pharmaceuticis usitata sunt.

Analyti chymica, ex radicum tenerarum & recentium ʒv. per. B. V. distillatis, prodierunt humoris limpidi saporis herbacei, obscure salis ʒiij. ʒiij. ʒvj. gr. xxvij. humoris limpidi, subacidi ʒxj. ʒij. gr. xlv. Residuum per retortam distillatum præbuit humoris rufescentis, subacidi, subacris & austeri ʒiiij. gr. xvj. humoris alcali, urinosi, volatilis empyreumatici ʒj. ʒv. gran. xx. olei spissi ʒj. ʒ. gr. liij. Massa nigra in retorta residua pendebat ʒv. ʒj. gr. xvij. quæ igne reverberii calcinata reliquit cinerum fuscorum, nigricantium ʒj. ʒij. gr. xv. ex quibus salis fixi alcali ʒiij. gran. liv. extracta fuerunt. Partium jactura in distillationibus fuit ʒiv. ʒvj. gr. xxxvj. in calcinatione ʒiij. ʒvij. gr. iij.

Illæ radices subdulci & glutinoso sapore donantur cum quadam austeritate, chartam cæruleam colore rubro levissimo quidem, inficiunt; unde Tournefor-

nefortius censet eas sale essentiali donari tartareo vitriolato simili, multo phlegmate diluto, oleo crasso, copioso & mediocri terræ portione implicito. Aliquid tamen nitrosi huic tartaro vitriolato conjungitur, quod quidem in turionibus majori copia deprehenditur.

Turionum viridium summitates ad ℥v. per retortam distillatæ præbuerunt humoris aliquantisper turbidi & lactescentis, odoris, & saporis herbagei Asparagos referentis ℥xiiij ℥ij. gr. xlvij. humoris limpidi, primo obscure acidi, deinde manifeste acidi ℥iiij. ℥ix. ℥iiij. humoris rufi empyreumatici, alcali urinosi ℥j. gr. xxiiij. salis volatilis urinosi, concreti gr. lx. olei adiposæ crassitudinis ℥iiij. gr. xxiv. Massa nigra in retorta residua pendebat ℥ij. ℥iiij. quæ igne reverberii calcinata reliquit cinerum ℥vj. gran. xlvij. ex quibus salis fixi alcali ℥iiij. gr. xxiiij. lixivio extracta fuerunt. Partium jactura in distillatione fuit ℥v. gr. lx. in calcinatione ℥j. ℥v. gr. xxiiij. Ex hac analysi liquet Asparagorum turiones salem ammoniacalem nitrosum continere copiosum, & magis explicitum quam in radicibus, a quo vis diuretica pendere videtur.

Asparigi turiones seu germina recentia ciborum appetitum excitant, sed nutrimenti parum præbent. Urinam provocant, & mirum fœtorem ei communicant. Sunt qui eos tanquam præservativum in calculo, & lithontripticum commendant; sed ab Helmontio, & Ettmullero arguuntur, qui ab eorum usu lithiasin inducit asserunt. In quibusdam venerem stimulant acris suis salibus, nerveas partium & urinæ secretioni & generationi dicatarum membranas proritando. A nonnullis vis alvum emolliendi illis tribuitur, quæ ab aliis denegatur; adeo incerta est.

Radix Asparagi inter quinque radices aperientes majores numeratur cum Apio, Fœniculo, Petroselino, & Rusco. Diuretica censetur, sed hac virtute turionibus inferior mihi videtur. In ptisanis, apozematibus, & jusculis aperientibus, præscribitur cum aliis radicibus aperientibus ab ℥ss. ad ℥j. pro decocti ℥j.

Eadem vis diuretica seminibus tribuitur, sed in usum rarissime veniunt.

Radicibus usurpantur in Syrupo de quinque radicibus aperientibus, Syr. de Althæa, antinephritico *Ph. Reg.* Syrup. de Cichor. comp. Semina vero in pulvere lithontriptico *Renaudæi*, & Benedicta laxativa.

Asparagus, sylvestris *Offic.* Asparagus sylvestris tenuissimo folio *C. B. P.* 490. *Inst. R. H.* 300. Asparagus sylvestris *Matthiol.* 478. A sativo non differt, nisi partium exilitate, ita ut nonnulli eos inter se discrepare existimarent sola cultura, quæ speciosiora & ampliora omnia reddit. Attamen *Cl. Tournefortius* observavit Asparagum sylvestrem diu in horto *Regio* ex cultum nullam mutationem subisse nec cultura ampliorem factum fuisse. Unde concludit eum non sativi varietatem esse, sed speciem diversam.

Idem donatur virtutibus, imo valentioribus; ita ut, pro usu medico sativo a plurimis anteponatur.

A S P E R U L A.

A Sperula, Aspergula, Asperula odorata, Hepatica stellata, Stellaria; Matrisylva Off. Aparinæ latifolia humilior montana *Inst. R. H.* 114. Asperula sive Rubeola, montana, odora *C. B. P.* 334. Rubiis accedens. Asperula quibusdam, sive Hepatica stellaris *J. B.* 3. 718. Asperula odorata flore albo *Dodon. Pempt.* 355. Hepatica stellata *Tabern. Icon.* 816. Stellaria *Brunsfels*: Matrisylva *Trag.* 496. vulgo *Petit Myguet*.

Radice est tenuj, geniculata, fibrata, repente cauliculis tenuibus, quadratis, geniculatis, palmaribus & dodrantalibus: foliis ad singula genicula senis vel septenis verticillatim dispositis, aliquantulum scabris, foliis Aparines latioribus, pallidius virentibus. Flores in ramulis summorum caulium nascuntur, monopetali, campaniformes, patentes, quadrifariam divisi, candidi, suaviter olentes, cum calyce, qui abit in fructum siccum, cortice tenuj & alpero obductum, ex gemellis globulis constantem. Tota planta gratum, suavemque spirat odorem. In agro Parisiensi sponte nascitur. Tota planta in usum venit.

Analyfi chymica, totius plantæ floridæ, dempta radice ℥v. præbuerunt humoris limpidi, obscureacidi, saporis herbacei, amaricantis ℥j. ℥ij. ℥iij. humoris primo rufescentis, subacidi, amaricantis, acris, linguam pungentis, & Persicorum nucleorum saporem referentis, deinde fusci, empyreumatici, acidi manifesti, amari & aliquantisper austeri ℥ij. ℥ij. gr. xij. humoris empyreumatici, fusci, alcali, urinosi, & sale volatili imprægnati ℥j. ℥vij. gr. xlvij. olei instar syrupi crassi ℥ij. ℥iij. gr. xxiiij. Massa nigra in retorta residua pendebat ℥vij. ℥ij. quæ igne reverberii calcinata reliquit cinerum leucophæorum ℥iij. ℥j. gr. xxxvj. ex quibus salis fixi mere alcali ℥v. gr. li. lixivio fuerunt extracta. Partium jactura in distillatione fuit ℥xiiij. ℥vj. gr. lx. in calcinatione ℥iij. gr. xxxvj. Per hanc analysim liquet Asperulam sale essentiali donari tartari vitriolato simili, multo oleo acri tum tenuj, tum crasso consociato. Tota planta gratum suavemque spirat odorem, saporem habet subsalsum, & aliquantisper austerum.

Ratione tenujum suarum particularum humores crassos ac tenaces incidit, attenuat, discutit: & levi qua donatur adstrictione viscerum fibras nimis laxas firmat & roborat. Eapropter in levioribus & incipientibus hepatis, lienis, mesenterii obstructionibus, in ictero, plurimum valet, nec non etiam in epilepsia, & paralyfi commendatur. Vulnerariis quoque plantis annumeratur, nec immerito: blando enim suo sulphure humorum acrimonia demulcetur, & adstringentibus suis particulis solidæ partes leviter constringuntur. Externe herba contusa cataplasmatibus modo hepatis tumori imponitur. Ejus decocto cutis scabie foedata lavatur.

Ex floribus conditum præparatur adversus epilepsium proficuum, & ex illis tinctura cum spiritu vini extrahitur adversus paralyfim commendata.

A T R I P L E X.

A Triplicis plures sunt species, quarum tres potissimum in Officinis usitatae sunt, de quibus hic agemus, scilicet Atriplex alba, Atriplex rubra, & Atriplex foetida.

Atriplex alba *Offic.* Atriplex hortensis alba, sive pallide virens C. B. P. 119. & *Inst. R. H.* 505. Atriplex alba hortensis J. B. 2. 970. Atriplex sativa alba Lob. *Icon.* 253. vulgo, *Arroche*, *Belle-dame*, *Bonne dame*, *Follette*.

Radice est recta, palmari fibrosa, annua: caule procero & erecto, imo terete, supremo anguloso, ramoso: foliis Blini minoribus, laevioribus, molioribusque, triangulis, ad pediculum quasi alatis nonnihil in ambitu sinuatis, & tenui quadam farina respersis, colore ex viridi in luteum languente, gustu saturo. Flores in summo caule & ramulis copiosi nascuntur, apertali, plurimis scilicet staminibus & apiculis constantes luteis vel herbidis, ex calyce pentaphyllo surgentibus, cum pistillo quod abit in semen unicum, orbiculatum, compressum, spadiceum, saporis, dum recens est nidorosi, ipso calyce seu capsula folliculacea obvolutum.

Atriplex rubra *Off.* Atriplex hortensis rubra C. B. P. 119. & *Inst. R. H.* 505. Atriplex rubra hortensis J. B. 2. 970. Atriplex sativa altera, folio & flore purpureo livens Lobel. *Icon.* 253.

Hæc species cum præcedente omnibus suis partibus, totaque facie externa convenit, præter colorem sanguineum seu purpureum obsoletum, quo penitus tingitur, & imbuatur.

Atriplex utraque in hortis olitoriis, ubi seritur, annua est. Semel vero sata ex semine deciduo sequotannis renovat. Herba cocta estur, ut oleum nunc tamen rarissime caulinas ingreditur. Folia & semina in usum Medicum veniunt.

Analyti chymica, ex foliorum Atriplicis albæ ℥v. prodierunt humoris primo limpidi, deinde subturbidi, flavescentis, odoris & saporis subsalsi, lixiviosi, qui salis & alcali salis notas præbuit ℥ij. ℥vj. ℥vij. gr. lj. humoris flavescentis tum salis & alcali urinosi, tum acidi ℥ij. ℥j. ℥vj. gr. lix. humoris fusci, sale volatili urinoso imprægnati ℥vj. salis volatilis urinosi, concreti gran. xliij. olei ℥. vj. gr. xvij. Massa nigra in retorta residua, pendebat ℥iiij. quæ igne reverberii calcinata reliquit cinerum ℥ij. ℥ij. gr. xxxviij. ex quibus lixivio salis mere alcali fixi ℥j. ℥ij. gran. xvij. Partium deperditio in distillatione fuit ℥j. ℥v. gr. iij. in calcinatione ℥ij. ℥iiij. gr. xliij.

Atriplex itaque sale essentiali donatur salso ammoniacali, nitroso qualis exurgeret ex mixtura spiritus nutri & salis volatilis urinosi, cum olei portione non mediocri conjunctis, multo phlegmate dilutis & pauca terra.

Atriplex utraque alba & rubra exiguum admodum nutrimentum vescentibus præbent, stomacho nocent, nisi aromatibus aut sale, & aceto condiantur. Jusculis quæ alvi ciendæ causa parantur non parum utiles sunt. Natura sua refrigerant & humectant. Herbis emollientibus annumerantur.

tur. Alvum emolliunt, blande laxant, fœces induratas fluxiles faciunt, simulque flatus discutiunt. Egregie præsertim conveniunt hypocondriacis, quorum viscera æstuant & alvus constricta est nimis. Ebullientes in primis viis humores acres & biliosos temperant, indeque natos ardores & inflammationes mitigant. In clysterum decoctis recentes præscribuntur ad Mj. aut Mij. in primis emollientibus & anodynis, alvum durum provocantibus & moderate laxantibus. In cataplasmatibus etiam pro inflammationibus sistendis, doloribus mitigandis, partium tensionibus laxandis & emolliendis tumoribus duris imponuntur, atque podagricis doloribus leniendis. Cum foliis Vitis, herba Anethi & Chamæmeli ingreditur pediluvia, pro somno conciliando, in febribus ardentibus & deliriis.

Atriplicis albæ semina recentia tum alvum abunde subducunt, non sine molestia, tum crebros vomitus provocant teste Matthiolo. Serapio narrat Rhasim vidisse hominem quemdam, qui ex Atriplicis semine Zij. pondere sumpto, crebris tum vomitibus, tum alvi dejectionibus vexatus fuit, adeo, ut ad extremam virium imbecillitatem devenerit. A quibusdam in ictero commendantur, ab aliis in rachitide. Usurpantur in pulvere de Guttera dicto, a Riverio adversum infantium epilepsiam præcripto.

Atriplex fœtida, Vulvaria *Offic.* Chenopodium fœtidum *Inst. R. H.* 506. Atriplex fœtida *C. B. P.* 119. *J. B.* 2. 974. Vulvaria *Tabern. Icon.* 428. Atriplex pusilla, olida hircina, Vulvaria vocata, Garum olens *Lob. Gurosmum Dod. Pempt.* 616.

Ex radice gracili, fibrata, cauliculos promit repentes, ut plurimum ramosos, dodrantes aut longiores, quos vestiunt foliola subrotunda, in obtusum acumen desinentia, colore formaque Atriplicis, sed minora multo, farinaceo pulvisculo asperso candicantia, odore viroso Garum putridum referentia, præsertim si digitos inter conterantur. Flores summis ramulis acervatim inhærent, exigui, apetalii, plurimis scilicet staminibus constantes ex calyce quinquifariam diviso surgentibus, cum pistillo, quod abit deinde in semen unicum minutum, splendens, nigricans orbiculatum, & planum, in capsula veluti stelliformis, quæ floris calyx fuit, reconditum. Locis incultis & juxta semitas nasci gaudet. In agro Parisiensi reperitur.

Analyti chimica, ex Atriplicis fœtidæ floridæ lbv. prodierunt humoris primo limpidi, deinde flavescens, odoris & saporis salis, lixiviosi, qui alcali urinosi notas præbuit, lbij. ℥vij. gran. xxxvj. humoris primo flavescens, deinde rufescens, salis, tum alcali urinosi tum subacidi lbj. ℥iiij. ℥vj. gran. xxxvj. humoris fusci empyreumatici, sale volatili urinoso imprægnati ℥j. ℥iiij. gran. xxiiij. salis volatilis urinosi concreti ℥iiij. gran. xij. olei adiposi, ℥j. ℥vij. gr. xxxiiij. Massa nigra in retorta superstes pendebat ℥iiij. ℥vij. gran. xxxvj. quæ igne reverberii calcinata reliquit cinerum ℥ij. ℥vij. gran. xlviij. ex quibus lixivio, salis fixi mere alcali ℥j. ℥vij. gran. xxx. Partium jactura in distillatione fuit ℥j. ℥iiij. gran. xxxix. in calcinatione ℥j. ℥vij. gr. lx.

Tota planta odorem fœtidum ammoniacalem urinosum refert, & constat sale essentiali ammoniacali, fere explicito, & oleo crasso copioso permixto.

Hæc planta antihysterica censetur. Odore paroxysmos hystericos fugat. Potus infusi foliorum extractorum calide sumptus passioni hystericæ mire prodest. Ex foliis recentibus contusis, cum saccharo conditum præparatur hystericis utilissimum. Eorum tinctura cum aqua vitæ parata a Cl. Tournefortio ad eisdem affectus commendatur. In paroxysmis hystericis ejus decoctum pro clystere utile censetur.

A V E N A.

A Venæ species duæ usitatæ sunt, Avena alba, & nigra.

Avena alba Off. Avena vulgaris seu alba C. B. P. 23. Inst. R. H. 514. Avena alba J. B. 2. 432. Avena, Dodon. Pemptados 511. vulgo, *Avoine*.

Ex radicibus tenuibus, copiosis, culmi aliquot ex gramineis vaginis prorumpentes assurgunt, geniculis quatuor aut quinque in eodem culmo distincti, cum foliis gramineis. In cacumine panicula se explicat sparsa, cum floribus apetalis, per fasciculos pendulos dispositis. Singuli autem flores plurimis staminibus constant candicantibus, ex calyce surgentibus. Pistillum autem deinde abit in semen oblongum, tenue, acutum, subalbicans, farinaceum, & superiori parte exiguis capillis hirsutum, gluma quæ calyx floris fuit, crassa, & dura obvolutum. In omnibus regionibus tam calidis, quam frigidis seritur. Semen in usu est.

Avena nigra Off. Avena nigra C. B. P. 23. Inst. R. H. 514. J. B. 2. 432. Avena sylvestrior, nigra tenuiorque Cæsalpin. 177.

Alba aspectu magis agrestis est, stipula crassiore, & folio nigriore. Granum huic strigosius, longius, & pilosius est quam præcedenti, gluma pilosa, & nigra tectum.

Analyfi chymica, ex Avenæ vulgaris optime purgatæ ℥v. prodierunt humoris limpidi, Avenam coctam odore, & sapore referentis, subacidi, & occulte salis ℥x. ℥v. gr. lvij. humoris rufescentis, empyreumatici, intense acidi, austeri, acris, linguam aliquantisper pungentis, cum aliquibus alcali indicibus ℔j. ℥ij. ℥iiij. humoris fusci, alcali urinosi, & sale volatili urinoso copioso imprægnati ℥ij. ℥v. gr. xxxiiij. olei spissioris, Syrupi ad instar ℥vij. ℥ij. Massa nigra in retorta residua pendebat ℔j. ℥vij. ℥ij. gr. xxxiiij. quæ igne reverberii per duodecim horas calcinata, cinerum reliquit pinguium adhuc, & viscidorum ℥ij. ℥ij. gr. xx. ex quibus lixivio, salis fixi alcali ℥j. gr. xi. extracta sunt. Partium jactura in distillatione fuit ℔j. ℥j. ℥iii. gr. xx. in calcinatione ℔j. ℥v. gr. xiiij.

Avena itaque constat sale ammoniacali multo oleo involuto; unde compositum exsurgit mucaginosum. Insuper Avena, cerealium more, aqua macerata fermentescit, & in liquorem vinosum posteaque in acetosum convertitur.

Avena in usu frequentissimo est, tum in cibo, tum in Medicina. Seritur quidem pro equorum pabulo, aliorumque animalium. Ex ea tamen optimæ, & variæ pulres atque sorbitiones præparantur. Non alia fere

juscula apud Anglos in usu sunt, quam Avenata, tam apud nobiles, quam plebejos, quæ sane tam ægrotis, quam sanis saluberrima sunt. Facile coquuntur, & optimum alimentum corpori subministrant.

In annonæ caritate, inquit Rajus, tenuioris conditionis homines, hisce jusculis præcipue victitant, & tamen meliore valetudine fruuntur, quam qui delicatissimis, variaque arte confectis cibis utuntur. Bene nutriunt, floridumque satis colorem infantibus efficiunt.

In montosis septentrionalibus Angliæ, inque Cambria, ex Avena decorticata, & molita panes, & placentas varii generis conficiunt. Nec alio pane utuntur rustici, & tamen optima valetudine fruuntur, & maxime longævi sunt, narrante J. Raio: & sane minime dubium est, quin panes illi saluberrimi sint, quamvis non assuetis ob amarorem minus grati.

Est & edulium quoddam, quod ex ea decorticata leviter tusa, pinstitaque, apud inferioris Normanniæ, & Armoricarum Regionum populos conficitur, Gualdum, *Gruau* vulgo nuncupatum. Vel solum ex aqua, vel lacte, vel carniū jure leviter coquitur: & decoctum in sorbitione seu jusculo acceptum bechicum est, confertque tussientibus. Humorū acrimoniam demulcet, æstum temperat, effervescentiam coerct, æstuantēque sales per urinarum vias præcipitat, & expellit. Ex eo quoque pulicula seu cremor paratur, cui adjicitur lac vaccinum, aut succus Amygdalarum dulcium, itemque saccharum, qua ratione fit palato gratissimum. Omnes fere apud Anglos Medici in morbis acutis non aliis fere sorbitionibus ægrotos alunt, quam avenatis. Revera blanda mucagine humoris acrimoniam demulcent, æstum temperant, effervescentiam coercent, tenuibus suis particulis crassos ac tenaces succos dividunt, æstuantēque sales per urinarum vias præcipitant, & expellunt, necnon etiam sudores quandoque provocant, & insensibilem transpirationem restituunt: unde in catharris, raucedine, tussi, exulceratione, & asperitate faucium, aphthis ab acri lymphā oriundis, pleuritide, peripneumonia, erysipelatosis affectionibus utiles sunt, & in febribus acutis jusculis carniū anteponendæ, quandoquidem humores, & sanguineam massam ad effervescentiam minus inducunt.

Cerevisiam quoque ex Avena non secus quam ex aliis frugibus Angli & Lithuani conficiunt, quæ hordeaceæ bonitate non multum cedit, aliquo etiam respectu ei præfertur.

VValli ex amylo Avenæ in aqua ad gelatinæ crassitiem decocto ferculum parant, quod in magno, non in VVallia tantum, sed per totam Angliam pretio est. Gelatinam hanc amyleami, avenaceam, calidam, in taleolas dissectam cum lacte, vel cum cerevisia, aut vino albo Saccharo edulcorato mixtam comedunt.

Avena cum pugillis aliquot salis in sartagine torrefacta, sacculo tenuioris telæ inclusa, calensque abdomini applicata, in colico dolore levamen affert, & eo felicius si grana Juniperi, & Cumini semen illi admisceantur.

Farina Avenæ extrinsecus ad cataplasmata non minus utilis est quam Hordei: exsiccat enim, & mediocriter digerit. Cum butyro cocta in scabie capitis exsiccanda commendatur.

Illis qui calculo renum laborant, Simon Paulli commendat balneum ex Polenta trita, Lupulo, & Avenæ stramine, quod insigniter mitigat dolores nephriticos.

AURANTIA MALUS.

Inter varias Aurantiarum arborum species, duæ sunt potissimum, quarum fructus apud nos in usu sunt, scilicet malus Aurantia fructu acri, & malus Aurantia fructu dulci.

Malus Aurantia, fructu acri *Off. Aurantium acri medulla vulgare, Ferrarii Hesperid. 377. Inst. R. H. 620. Malus Aurantia major C. B. P. 436. Aurantia Malus J. B. 1. 97. Oranger a fruit aigre, vulgo Bigarades.*

Elegantissima hæc arbor parum procera, radice est crassa, lignosa, ramosa, alte, & late diffusa, intus lutea: trunci materie dura, spissa, intus candida, odorata, cortice glabro ex viridi subalbicante circumvestita; ramis numerosis, nitide virentibus, & complures in ramulos flexiles, & spinis nonnullis refertos divisas: foliis Lauro latifoliæ proximis, perpetuo virentibus, crassis, lævibus, latis, & utrimque in acumen desinentibus, cum pediculo foliato seu corculi aspectu, & infinitis Hyperici instar, cellulis oleariis minutissimis translucentibus refertis, velut totidem foraminulis perviis. Flores odorati, quasi fasciculatim conferti, rosacei sunt, quinque scilicet petalis, candidis, in orbem positis, constantes: ex floris calyce surgit pistillum viride, foliolis in albicantia desinentibus stamina, cum apicibus luteis stipatum, quod deinde abit in fructum fere globosum, cortice carnosio, lineas duas, tres, quatuorve crasso, intus albido, extus aureo vel croceo, dum maturus est, ante maturitatem, viridi, amaro, acri, linguam pungente, facile ab interiori medulla separabili, in octona loculamenta facile ab invicem separabilia divisum, succi acidi, & pulpæ vesicularis plena, nucleisque vel seminibus foeta oblongis, ex luteo candicandibus, callosis, cum medulla amara.

Malus Aurantia dulci medulla *Off. Aurantium dulci medulla vulgare Ferrarii Hesperidum 377. Inst. R. H. 620. Malus Aurantia Dod. Pempt. 792. Oranger a fruit doux, Orange douce.*

Hujus inter, & prioris arboris folia, & flores nullum observatur discrimen. Soli fructus inter se differunt, tum cortice, tum medulla. In acris ille subtristi colore flavet, granosa plerumque scabritie rugat, peracri amaritudine mordet, odore peracuto ferit: hæc autem, medulla nempe, dilutioris est palloris, & asperioris acrimoniæ. Differt autem Aurantium dulce corticis tenuitate, lævore sæpius mollissimo, colore ardentem croceo, amaritie remissiori, & odore diluto: medullæ quoque subflavo sive sulphureo aspectu, insulsa nonnumquam, nonnumquam vinosa dulcedine, laxiore frequenter orbe, succoque uberiore. Utraque hic in horris summa cura colitur. In insulis Stœcadibus (*Hyeris*) & in Gallo Provinciæ maritimis oris, adeo familiaris est Aurantia Malus, ut semper virentium lucorum amœnitate, & Pomorum foetura perenni

neutiquam inquilina videatur. Folia, flores, & fructus seu fructuum cortex, medulla, semen in usu sunt.

Fructus in officinis varia obtinet nomina. Malum dicitur Aurantium, Arantium, Aureum, Anarantium, Nerantzium, Chryfigenum, & Citrangulum.

Analyſi chymica, unaquæque libra petalorum florum Aurantium a piſtillis, & calycibus ſeparatorum per B. M. blando igne diſtillatorum, præbuit humoris aquoſi, limpidi, odorati, fragrantis, ſubamaricantis, & ſub finem obſcure acidi ℥xiiij. circiter, cum aliquot olei eſſentialis guttulis.

Eorundem petalorum exſiccatorum ℔v. per retortam diſtillatæ præbuerunt humoris ruſcentis turbidi, primo odoris, & ſaporis non ingrati florem adhuc referentis, acidi, pungentis, deinde intenſe acidi, & empyreumatici ℔j. ℥v. ℥j. gr. l. humoris turbidi albicantis cum acidi, tum alcali, & ſale volatili urinoſo copioſo imprægnati ℥ix. ℥ij. gr. xliiij. ſalis volatilis urinoſi concreti gr. xxvj. olei tum eſſentialis, tum craſſioris ℥viiij. ℥j. gr. xxviij. Maſſa nigra in retorta reſidua pendeſcit ℔j. ℥x. ℥viij. gr. xl. quæ igne reverberii calcinata reliquit cinerum albicantium ℥v. ℥v. gr. xl. ex quibus ſalis fixi mere alcali ℥iiij. ℥iiij. gr. xij. lixivio extracta fuerunt. Partium jaſtura in diſtillatione fuit ℥xiiij. ℥ij. gr. xxx. in calcinatione ℔j. ℥v. ℥ij.

Per hanc analyſim liquet flores Aurantios ſalem eſſentialem continere ammoniacalem; aliquantisper aſterum, cum multo oleo aromatico, tum tenui, tum craſſo, conſociatum.

Ex corticum malorum Aurantium acidorum, recentium, per vaporarium diſtillatorum ℔v. prodierunt humoris limpidi odorati acidi, primo occulti, deinde manifeſti ℔iiij. ℥viiij. cum olei eſſentialis ℥ix. Maſſa ſicca in alambice reſidua pendeſcit ℥xxij. ℥ij. quæ igne reverberii diſtillata fudit humoris intenſe acidi ℥v. ℥ij. & peculiaris indolis; quippe qui vitrioli Hungarici ſolutionem rubro colore inficit, modo unicæ vitriolicæ ſolutionis parti, huiusce liquoris partes 15. vel 16. affundantur: humoris tum acidi, tum alcali volatilis urinoſi ℥j. gr. xxxvj. olei fluidi tum eſſentialis, tum craſſioris ℥ij. ℥viij. gr. lxj. Maſſa nigra in retorta reſidua pendeſcit ℥viij. Quæ igne reverberii per 14. horas in crucibulo calcinata reliquit cinerum leucophæorum ℥j. ℥iiij. gr. xij. ex quibus ſalis fixi mere alcali ℥iiij. gr. xviiij. extracta ſunt. Partium jaſtura in diſtillatione per vaporarium fuit ℥j. ℥vj. in diſtillatione per retortam ℥v. ℥viij. gr. xlvij. in calcinatione ℥v. ℥iiij. gr. lx.

Itaque cortex Aurantium multum olei continet eſſentialis, & craſſi cum ſale eſſentiali tartareo, & aſtero commixtum.

Succus malorum Aurantium acidorum per vaporarium diſtillatus ad ℔iiij. fudit humoris limpidi, fere inſipidi, acidi, primo occulti, deinde manifeſti ℔iiij. ℥viiij. Maſſa reſidua ſpiſſa, & fere arida pendeſcit ℥iiij. ℥vj. quæ per retortam igne reverberii diſtillata præbuit humoris tum alcali urinoſi, tum acidi ℥j. ℥iiij. humoris alcali urinoſi ℥iiij. gr. liiij. olei ſpiſſi ad inſtar ſyrupi ℥ij. gr. xxxj. Maſſa nigra in retorta ſuperſtes pendeſcit ℥j. ℥ij. gr. xxxvj. quæ in crucibulo per ſex horas calcinata reliquit cinerum nigricantium ℥ij. gr. lxix. ex quibus ſalis fixi mere alcali ℥j. lixivio extracta fuit.

Succus

Succus ille licet gustu acidus mediocri tamen acidi salis quantitate donatur, & cujus portio non exigua in salem alcali urinosum igne convertitur. Sal ille acidus rarus est admodum & cum tenuissimo sulphure intermixtus. Ea sane de causa succus ille recenter expressus & per aliquod tempus in loco frigido asservatus in tenuem gelatinam seu mucaginem concrevit.

Succus malorum Aurantiorum dulcium exigua admodum salis acidi portione donatur, & parum salis alcali præbuit.

Flores malorum Aurantiorum odoris gratia apud nos hodie in præcipuo honore sunt, in odoramentis, tum in condimentis. Hic odor fere solus super Rosas, Ambarum & Moschum prævaluit. Ex his floribus distillatur aqua fragrantissima quæ non solum odoris præstantia cæteras præcellit, sed ad medicamenta etiam optime facit. Aqua Naphæ a nonnullis nuncupatur. Cephalica est, stomachica, hysterica & alexipharmaca. Ventriculum roborat & flatus discutit blando suo amarore haud ingrato. Paroxismos hystericos & spasmodicos hypocondriacorum motus sedat, & menses promovet ad cochlear unum aut alterum epota sola vel cum alio quocumque liquore idoneo. Ad febres pestilenciales & mali moris a Matthiolo commendatur tanquam alexiteria & sudorifica, si sex unciarum pondere potanda exhibeatur. In potionibus & julapiis cephalicis, cardiacis, stomachicis & hystericis ad ℥j. aut ℥ij. præscribitur.

Ex iisdem floribus condita varia tum solida, tum molliora, & tabellæ conficiuntur, quæ palato gratissima mensis secundis apponuntur, aut medicamentis admiscuntur ad eorum saporem ingratum corrigendum, aut ad ventriculum roborandum.

Ex foliis viridibus mali Aurantiæ aqua stillatitia quoque paratur a nonnullis magis laudata ad easdem affectiones, utpote amara magis, licet minus odora.

Cortex malorum Aurantiorum acidorum utpote magis amarus, non solum ad intinctus reservatur, sed etiam in usum medicum præ dulcium cortice venit. Ventriculum roborat, ciborum concoctionem juvat, humores crassos ac tenaces dividit, attenuat, flatus discutit, colicos dolores sedat, menses movet & lochia, & vermes necat. In ischuria & dysuria laudatur a nonnullis ut præsidium specificum. Pulvis a ℥j. ad ℥j. exhibetur.

Idem cortex ad immodicos mulierum menses sistendos a Ludovico Septalio commendatur. In aq. comm. ℔vij. trium acrium Aurantiorum subviridium adhuc & nondum perfecte maturorum cortices in phylliras seu pelliculas confectos incoquit, donec sint ejusdem aquæ partes duæ consumptæ: tum decoctum percolatur, cujus ℥vij. aut ix. mane potui dantur. Huic decocto, si valentius desideretur Pilosellæ manipulum postremo excoquendum adjicit, & in eo candens ferrum sæpius extinguit.

Oleum essentielle dictum ex hoc cortice distillatum vel leviter expressum ad guttas ij. vel iij. cum Saccharo sub elæosacchari forma exhibetur iisdem in affectionibus.

Tinctura quoque ex hisce corticibus tum siccis, tum recentibus, cum spiritu vini tartarizato extrahitur ad eadem commendata. A ℥ss. ad ℥j. exhibetur.

Usurpatur cortex in tinctura amara stomachica *Londinensium*, & in Aqua Theriacali *Charas*.

Cortices tum dulcium, tum acidorum, Saccharo conditi, inter delicatissima bellaria mensis secundis inferuntur.

Pulpa interior Aurantiorum dulcium comeditur sola vel cum Saccharo; sitim extinguit, refrigerat, appetitum prostratum suscitatur: sed exiguum admodum vel nullum alimentum præbet nisi pravum. Itaque cavendum ab illius ingurgitatione, diarrhæas enim, & dysenterias excitat. Acidorum pulpa deterior est, pulmones irritat & tussim inducit. Succus Aurantiorum acidorum e medulla expressus, aqua dilutus & Saccharo temperatus potum *Orangeat* vel *Orangeade* vulgo dictum, sanis gratissimum, in diebus æstivis ad sitim extinguendam, & temperandum sanguinis æstum suppeditat, biliosis naturis, febricitantibus, & scorbuticis utilissimum. In potionibus antiscorbuticis, & febrifugis ad ℥j. aut ℥ij. præscribitur. Idem succus urinas, & menses promovet, quapropter in mensium suppressione succus unius mali Aurantii acidi in haustu vini albi expressus cum Croci pulverati gr. xij. a mulierculis haud inutiliter usurpari solet.

Malum Aurantium dulce integrum cum cortice, & medulla comestum ante febris intermittens accessionem tertianæ præsertim persæpe paroxysmum avertit, & febrem ipsam nonnumquam profligat. Idem ad scorbutum sanandum efficacissimum est: cum cæteris antiscorbuticis medicamentis optime consociari solet: imo Aurantia, & Citrea mala sola plurimum valent, siquidem scorbutici nonnulli solo esu crudorum diuturno persanati sunt.

Semina amara sunt; vermes necant, putredini resistunt, quare inter alexipharmaca a quibusdam recensentur.

B A R D A N A.

Bardana, Personata, Lappa major, Off. Lappa major, Arcium Dioscoridis C. B. P. 198. Inst. R. H. 450. Personata sive Lappa major aut Bardana J. B. 3. 570. Personata, Lappa major, Bardana Lobel. Icon. 388. Personata *Fuchsi*: vulgo, *Bardane*, *Glouteron*.

Radice[m] habet crassam, simplicem, pedem longam, rectam, foris nigricantem, intus albam, & fibris stipatam, saporis subdulcis, & subausteri. Folia ampla sunt, pedem longa, & majora, qua pediculo adhærent utrimque aurita, in summo mucronata, hirsuta, obscure virentia, subtus incana. Caulis bicubitalis, crassus, hirsutus, flores capitatos sustinet summis ramulis innascentes, & flosculosos, plurimis scilicet flosculis constantes purpureis, profundius quinquefariam dissectis, embryoni insidentibus, & calyci capitato, qui e pluribus squammis conflatur in hamum desinentibus, introsum incurvatis. Embryo autem abit deinde in semen oblongum, compressum, striatum, nigricans, pappis brevibus aut potius villis instructum, saporis subamari, subacris. Occurrit in pratis, & viis agri Parisiensis. Radices, folia, & semina usitata sunt.

Analyfi

Analysi chymica, ex lbv. recentium hujus plantæ radicum prodierunt humoris limpidi, saporis herbacei, obscure acidi lbj. ℥x. humoris primo limpidi, intense acidi, sub finem rufescentis austeri lbij. ℥iiij. 3j. gr. vi. humoris rufi tum acidi subsalsi, tum alcali urinosi 3j. 3iij. olei 3vij. gr. xxiiij. Massa nigra in retorta residua pendebat 3iij. 3vij. gr. xlvij. quæ igne reverberii calcinata reliquit cinerum 3j. 3iij. ex quibus lixivio salis fixi mere alcali 3v. gr. lx. extracta fuerunt. Partium jactura in distillatione fuit 3xj. 3iij. gr. lxxvj. in calcinatione 3ij. 3iij. gr. xlvij.

Radices Bardanæ sapore donantur subdulci cum quadam levi austeritate in recessu. Earum succus chartam cæruleam subrubro colore aliquantisper inficit. Unde liquet sale essentiali donari tartareo, styptico, cum mediocri olei portione conjuncto.

Ex foliorum recentium Bardanæ per retortam distillatorum lbv. prodierunt humoris limpidi, saporis herbacei, primo insipidi, deinde obscure acidi lbj. 3xiiij. 3vj. gr. liiij. humoris primo limpidi subacidi, deinde rufescentis, acidi, salis, sub finem rufi, empyreumatici, subausteri, & aliquantisper alcali urinosi lbij. 3ix. 3j. gr. xlij. humoris rufi, alcali urinoso volatili imprægnati 3j. gr. xlij. salis volatilis concreti 3j. olei spissi extracti ad instar 3j. 3v. Massa nigra in retorta residua pendebat 3iij. 3vj. gr. xxiiij. quæ igne reverberii calcinata reliquit cinerum 3j. 3vij. gr. xlij. ex quibus salis fixi mere alcali 3vij. gr. xl. extracta sunt lixivio. Partium jactura in distillatione fuit 3j. 3ij. gr. xlvij. in calcinatione 3j. 3vij. gr. xlij.

Folia Bardanæ amara sunt: eorum succus chartam cæruleam non mutat. Exsiccata, & combusta levia fulgura ad instar Nitri emittunt. Unde conjicere licet salem ammoniacalem nitrosum continere, multo oleo crasso involutum. Seminum recentium Bardanæ per retortam distillatorum lbv. præbuerunt humoris limpidi, fere insipidi, & inodori, obscure acidi 3vj. gr. xxiiij. humoris intense acidi, austeri 3vij. 3vij. gr. xxxvj. humoris rufi, empyreumatici, tum acidi, tum alcali urinosi volatilis 3xiiij. olei fluidi lbj. 3v. gr. xxxvj. Massa nigra in retorta superstes pendebat lbj. 3vij. 3vij. quæ igne reverberii calcinata reliquit cinerum albicantium 3iij. 3iij. gr. xxxvj. ex quibus salis fixi salis cum particulis talcosis nonnullis 3ij. gr. xiiij. lixivio extracta sunt. Partium jactura in distillatione fuit 3xj. 3iij. gr. xlvij. in calcinatione lbj. 3iij. 3iij. gr. xxxvj.

Semina Bardanæ amara sunt, & acria. Multo oleo donantur cum sale tartareo ammoniacali conjuncto.

Radix Bardanæ diuretica habetur, sudorifera, pectoralis, uterina, vulneraria, & febrifuga. Ejus decoctum in morbis malignis, & variolis Scorsonneræ decocto a nonnullis nec immerito antepositur: & a Simone Paulli in morbis venereis decocto Salsæperillæ, & cæterorum lignorum exoticorum præstantius censetur, saltem pro emaciatis, & rarioris texturæ ægris. Henricus tertius Galliarum Rex a Petro Pena, decocto radicum Lappæ, ab hac lue sanatus fuit, narrante Samuele Formio apud Riverium obs. 41. Cæsalpinus eam radicem intus sumptam cruentis, & purulentis expuitionibus utilem esse asserit. Pro pleuriticis

commendatur, illis præsertim quorum pleuritis in empyema aut phtisim degenerat. Arthriticis succurrit. Quidam Vastelius, narrante Foresto ab arthritide liberatus fuit radicis decocto, quo uberrimum urinæ, lactis ad instar albæ, profluvium provocatum fuit. Radices pulveratæ ad ℥j. in decocto ad ℥j. pro unaquaque aquæ libra vel etiam Saccharo conditæ ad ℥ij. usque comedendæ præscribuntur: sicque urinas potenter movent, & calculos, & arenulas expellunt, referentibus Pena, & Lobelio.

Folia, & flores iisdem virtutibus donantur. Eorum succus expressus, & defœcatus ad ℥iiij. utiliter propinatur iisdem in affectionibus. Caules antequam flores perficiantur, derafo cortice, crudi, coctique ex oleo, & aceto non insuaves sunt, & urinam potenter cient. Foliorum, & caulium decoctum pleuriticis affatim propinatur, sumptis prius decem vel duodecim ovorum germinibus: & hocce remedio sudor copiosus diffluit. Adversus quartanam idem decoctum plurimum laudatur.

Semen Bardanæ diureticum est valentissimum. Ad ℥j. ex vino albo vel alio liquore idoneo sumitur: vel ex eo emulsio cum Bardanæ decocto vel aqua stillatitia conficitur. Idem semen pulveratum, & quotidie mane sumptum ab Apulejo adversus ischiadicum dolorem præscribitur.

℥. Pulver. rad. Bardan. ℥j. Dilue in aq. vel decoct. Bardan. ℥v. Fiat potus sudoriferus in pleuritide.

℥. Rad. Bardan. ℥iiij. Coq. in aq. comm. q. s. Fiat prisana, cui adde crystall. mineral. ℥ss. pro singulis libris.

℥. Radic. Bardanæ taleolatim dissectar. ℥ij. Rasur. C. C. ℥j. Bulliant in aq. ℥iiij. ad quartæ partis diminutionem. Adde malum citreum taleolatim sectum ad gratiam conciliandam. Fiat prisana in febribus malignis, & variolis.

In decocti folior. & caul. Bardan. ℥ij. dissolve syrup. de 5. Rad. aper. ℥ij. Fiat apozema diureticum per vices propinandum.

℥. Semin. Bardan. pulverator. ℥j. Vini albi ℥iiij. Macerentur per sex horas; sumat æger ad urinam promovendam.

℥. Semin. Bardan. ℥ij. Cum decocti Gramin. & radic. Petroselin. q. s. fiat s. a. emulsio diuretica.

℥. Semin. Bardan. & Card. benedict. ana ℥ij. Contund. in aq. Meliss. ℥vj. Fiat emulsio sudorifera s. a. cum syrup. Caryophyllor. hortens. aut alterius idonei ℥j. edulcoranda.

Extrinsecus Bardanæ folia ulcera mundificant, membris luxatis, & ambustis conferunt. Ex illis contusis vel sub cinerem aut cum lacte coctis fit cataplasma ad arthriticos dolores demulcendos, parti afflictæ admovendum, & sexta quaque hora renovandum. Dolores arthriticos tam fixos quam vagos cum insigni tumore conjunctos sedat, teste Ettmullero. Sanguinem grumofum ex contusionibus mire dissolvit, & discutit. Pulpa vel rasura radicum recentium super linteum extensa, & calide parti afflictæ admota ecchymosim sive suggillationem sanat.

Ex foliis aqua distillata in officinis præparatur, & extractum quæ ad eadem valent. Folia usurpantur in Ung. Populeo Nicol. Salernitan.

B E C C A B U N G A .

Beccabungæ species duæ occurrunt in officinis quæ a Casparo Bauhino inter Anagallides recensentur, & a Morisone & Tournefortio inter Veronicas. Altera major, minor altera dicitur.

Beccabunga major Off. Veronica aquatica major, folio subrotundo, Moris. Hort. Oxon part. 2. 323. Inst. R. H. 145. Anagallis aquatica, major folio subrotundo C. B. P. 252. Berula seu Anagallis aquatica Tabern. Icon. 719. Anagallis aquatica folio rotundiore, major J. B. 3. 791. Anagallis five Beccabunga major, Parkins. Radicibus est fibrosis, albis, repentibus, caulibus supinis, rotundis, fungosis, rubentibus, ramosis, in quibus folia bina ad nodos oriuntur subrotunda, unciam superantia, glabra, nitida, crassa, crenata, atrovirentia. Ex eorum alis pediculi prodeunt palmares aut sesquipalmares cum floribus spicatum positis, monopetalis, rotatis, cæruleis, quadripartitis, in umbilico perforatis, apicibus dilute cæruleis, ternis, & pistillo abeunte in fructum membranaceum quodammodo cordatum, compressum, tres lineas longum, in duo loculamenta divisum, in quibus semina plura, exigua, compressa continentur.

Beccabunga minor, Off. Veronica aquatica minor, folio subrotundo Inst. R. H. 145. Anagallis aquatica minor, folio subrotundo C. B. P. 252. Anagallis aquatica, flore cæruleo, folio rotundiore minor J. B. 3. 790. Anagallis aquatica, five Beccabunga Germanorum, Adversarior. Lobel. Dodon. Pempt.

Hæc species priori similis est; ab ea tantum differt quod caulibus, foliis & floribus minor sit. Ambæ in agro Parisiensi sponte nascuntur juxta rivulorum margines.

Analyti chymica, ex Beccabungæ floridæ lbv. prodierunt humoris limpidi fere insipidi & inodori, obscure acidi lbj. ℥j. ℥iij. gr. xlvij. humoris primo limpidi, manifeste acidi, deinde rufescentis, intense acidi, austeri lbij. ℥v. ℥j. gr. liij. humoris fusci empyreumatici tum acidi, tum alcali urinosi ℥j. ℥v. olei ℥j. ℥iij. gr. xxiiij. Massa nigra in retorta superstes pendebat ℥iij. quæ igne reverberii calcinata reliquit cinerum ℥j. ℥iij. gr. vj. ex quibus lixivio, salis fixi falsi ℥v. gr. xliij. Partium jactura in distillatione fuit ℥ij. ℥j. gr. xx. in calcinatione ℥ij. ℥iij. gr. lxxvj.

Totius plantæ sapor nullus manifestus. Sale essentiali donari mihi videtur salso vitriolico blando & temperato, salis mirabilis Glauberi haud absimili, multo phlegmate diluti & non mediocri olei portione involuti.

Anagallidi aquaticæ ab Hieronymo Trago, Casparo Bauhino & aliis, vis calida, urinam ciens, calculos frangens, menses promovens & mortuos foetus propellens tribuitur, cum tamen Beccabungam menses, fluidosque & tenues humores sistendi & incrassandi virtute præditam Theodorus Corbejus in sua Pharmacia Francofurti edita 1656. affirmet, experientiæ id testante. Reipsa herba est temperatæ naturæ quæ etiam in cibo

cibo & in medicina ad scorbutum adhibetur, acetariisque adjungi commode potest, sicut Nasturtium aquaticum: imo calidis & siccis naturis magis convenit. Reliquis acrioribus plantis antiscorbuticis antepositur, in eo scorbuto qui a causa calida oriri dicitur, nempe a summa salium fere causticorum acrimonia, qui summa sanguinis dissolutione, maculis lividis erysipelatosi, febre & calore præter naturam comitatur. Tunc sola exhibetur, vel cum Acetosa, Oxytriphyllo, Lapatis, succo Limonum & Aurantiorum consociatur: vel etiam sæpe cum Cochlearia, Nasturtio & aliis acris plantis antiscorbuticis admiscetur ad earum acrimoniam contemperandam.

Succus defœcatus ad ℥iiij. vel solus vel cum sero lactis permixtus præscribitur. Herba in jusculis & apozematibus alterantibus aperientibus & antiscorbuticis a M. j. ad iiij. usurpatur. Extractum ad ℥j. Conditum ex herba florida cum saccharo præparatur, quod per tres menses continuos ad ℥j. quotidie mane, jejuno ventriculo sumptum impetigines & cutis vitia sanat.

℥. Folior. Beccabungæ, Nasturtii aquatici, Oxytriphylli & Acetosæ rotund. ana M. ij. Carnis vitulinæ ℔j. Fiat jusculum in balneo mariæ & in vase probe obturato.

Extrinsècus Beccabungæ folia contusa vel in aqua cocta hæmorrhoidibus cæcis & condylomatibus cataplasmatibus forma admota mira præstant, teste Simone Paulli. Testatur quoque Jacobus Fabricius in notis Crollianis sola Beccabunga cocta in cerevisia & bis quotidie apposita satis magnum ulcus universam fere tibiam occupans & ad os fere profundum feliciter in scorbutico quodam sanatum fuisse. Simon Paulli eandem hujus plantæ vulnerariam virtutem confirmat praxi Rusticorum Megalopolitanorum, (*Mechelbourg*) qui certo experimento vulnera consolidare norunt Beccabunga recenti cum modico salis & telæ araneæ permixto. Ex eadem quoque fons aut balneum vaporarium præparantur quæ paralyti scorbuticæ plurimum conferunt, & quibus delentur maculæ, quibus scorbuticorum crura & brachia varie pingi conspiciuntur. Nonnumquam etiam contingit, observante Ettmullero, ut post partum difficile intumescant puerperis iguina, & ad gangrenam inclinent, ubi itidem Beccabunga cum floribus Chamæmeli vel contusa in forma cataplasmatibus, vel decocta cum fomentis genitalibus applicata egregie discutit ac resolvit.

Ejus aqua distillata in Officinis asservatur, sed debilioris admodum virtutis est.

B E L L A D O N A.

Belladonna, Solanum furiosum, Solanum maniacum, Solanum letale; Off. Belladonna *Clus. Hist. lxxxvi. Inst. R. H. 77.* Solanum melanocephalos *C. B. P. 166.* Solanum maniacum multis, sive Belladonna *J. B. 31. 611.* Solanum letale *Parkins. Raii Histor. pl. 679.* Solanum somniferum *Adversar. Lobel. 102.*

Radice est crassa, longa, succosa, albicante, in plures ramos divisa: cau-

caulibus bicubitalibus & altioribus, rotundis, pollicem crassis, ramosis; hirsutis, e subrubro nigricantibus, foliis Solani hortensis forma, sed duplo triplove majoribus, mollibus, nonnihil lanuginosis. Ex foliorum alis flores nascuntur monopetali campaniformes, quinquifidi, striati, subhirsuti, obscuriore purpura nigricantes cum staminibus quinque & totidem apicibus albidis. Ex eorum calyce quinquifariam diviso & hirsuto surgit pistillum posticæ floris parti ad instar clavi infixum, quod deinde abit in fructum veluti globosum, mollem, acino uvæ fere similem, splendide nigricantem, vinoso succo prægnantem, calyci insidentem, septo intermedio in duo loculamenta divisum & seminibus numerosis minutis ovatis foetum placentæ affixis. Circa sylvas, juxta parietes & sepimenta agrorum, aliisque perinde parum cultis ac desertis locis reperitur. Umbrosa amat. In agro Parisiensi circa Cantiliacum (*Chantilly*) sponte nascitur. In hortis nonnumquam seritur. Folia & baccæ ad usum externum solummodo adhibentur.

Analysi chymica, ex herbæ floridæ & jam fructiferæ ℥v. per vaporarium distillatis, prodierunt humoris limpidi, odoris & saporis herbacei cum acrimonia levi qui nullam aut acidi aut alcali notam præbuit ℥ij. ℥xiiij. humoris limpidi obscure acidi ℥j. ℥x. gr. liiij. Ex massa sicca in alambice residua per retortam distillata prodierunt humoris tum acidi, tum alcali urinosi ℥iiij. ℥v. gr. xij. olei spissi ad instar syrupi ℥ij. ℥v. gr. x. Massa nigra in retorta superstes pendebat ℥v. ℥j. gr. xviiij. quæ in crucibulo per 12. horas calcinata reliquit cinerum fuscorum ℥ij. ℥j. gr. lxxvj. ex quibus salis fixi mere alcali ℥j. gr. xlix. lixivio extracta sunt. Partium jactura in distillatione fuit ℥xiiij. ℥iiij. gr. l. in calcinatione ℥ij. ℥viij. gr. xxiiij.

Per hanc analysim patet Belladonam mediocri salis essentialis tartarei quantitate donari & multo oleo acri & narcotico admixto.

Ex fructuum maturorum ℥v. per B. V. distillatis prodierunt humoris limpidi odoris non ingrati, saporis herbacei subacris, qui nulla acidi aut alcali signa præbuit ℥j. ℥iiij. humoris limpidi r. obscure acidi, deinde manifesti ℥iiij. Massa in retorta residua per retortam distillata fudit humoris rufescentis tum acidi, tum alcali urinosi ℥vj. ℥viij. olei spissi ad instar syrupi ℥iiij. gr. xxxiiij. Massa nigra in retorta residua pendebat ℥viij. ℥vj. quæ per 18. horas in crucibulo calcinata reliquit cinerum pallide flavescentium ℥vj. gr. xxx. ex quibus salis fixi mere alcali ℥iiij. extractæ fuerunt.

Belladonæ fructus plus olei crassi continet quam herba & majorem acidi salis quantitatem, minus vero salis urinosi & perparum terræ.

Belladona somnifera est & maligna. Baccæ comestæ in summum vitæ discrimen hominem inducunt, & plerumque mortem tenellis adferunt, quod multis experimentis & exemplis constat. De quibusdam adolescentulis Anglis in adversariis Lobelii fit mentio, qui cum per imprudentiam peregre sitibundi baccas illas inesitassent, lymphatici & somno semisepulti interierunt. Bodæus a Stapel. refert 586. *Hist. plantar.* adolescentulos duos Lugduni Batavorum in horto medico ex imprudentia baccas duas trefve devorasse, & altero quidem die alterum obiisse, altero admodum periculose laborante, qui evasit. Simon Pauli in *quadr. Bot.* narrat quasdam filiolas quinquennes & septennes harum baccarum esu ad
orci

orci fauces perductas fuisse, e quibus illas, una excepta, ipse remedium alexipharmacis eripuit. Accidit Romæ, referente Hocchstetero *Decad. observ. 7.* quosdam de famulatio cujusdam Cardinalis infudisse in vino Malvatico Belladonam per noctem ut hujus herbæ effectus discerent. Infusum hoc propinaverunt fratri cuidam mendicanti. Primo breve delirium, cachinni, gesticulationes variæ, dein insania vera, postea stupor mentis, qualis est ebriorum vigilantium. Medicus qui hujus morbi causam subolfecerat, aceti cyatho propinato, a dementia quam Belladona causaverat, eum liberavit. Acetum enim aut succus Limonum pro hujus veneni antidotis habentur.

Plura aliaque exempla referunt auctores: nobis hæc memorasse sufficit. Quamvis aut baccarum esus periculosus & letalis supra dictus fuerit, nihilominus tamen Gesnerus *L. 1. Epistolar. p. 34.* refert quod succus harum baccarum expressus & ad syrupi consistentiam cum paucis saccharo redactus, sit conveniens & efficax medicamentum ut cochlearis parvi mensura somnum inferat, quascumque fluxiones sistat, dolores tollat & dysenterias curet: quod etiam confirmari videtur *Ephemeridum Germanicarum observatione 64. Decad. 2. anni 3.* de quodam Pastore, qui in Chersoneso Cymbrica adversus dysenteriam, morbum eo loci contumacissimum & contagiosissimum, summo cum fructu & successu decumbentibus propinavit vinum cui infusæ sunt baccæ Solani: non solum, inquit auctor, enormem fluxum sistunt, & dolorem demulcent: sed etiam malignitatem in sudorem resolvunt. Verum ab hoc remedio satius est abstinere, a quo plus non raro periculi imminet ægrotantibus quam ab ipso morbo.

Folia recentia contusa & exterius admota dolores demulcent & potenter resolvunt, ad erysipelas, sacros ignes & alios calidos affectus commendantur. Hæmorrhoidum inflammationem compescunt. Mammis imposita earum durities & humores etiam cancriferos emolliant & discutiant, narrante Joanne Raio.

Vel sola recentia contusa tantummodo, vel in aqua aut axungia porcina cocta sub cataplasmatibus forma applicantur: vel etiam eorum succo solo aut cum spiritu vini admixto partes affectæ foventur.

A Matthiolo folia contusa & oculis admota ad oculorum palpebrarumque phlegmonas leniendas proponuntur. Sed non adeo tutum & innoxium esse illius usum ad oculos constat ex hac Raii observatione. Nobilis Domina ulcusculo cuidam paulo infra oculum, quod cancriferos esse suspicabatur, folii Belladonæ recentis particulam imposuit: quæ noctis unius spatium uveam oculi tunicam adeo relaxavit, ut omnem explicandi sese & pupillam contrahendi facultatem ei adimeret: siquidem pupilla clarissimo lumini obversa vehementer dilatata perstitit, socio & pari suo plus quadruplo amplior: donec amoto folio uvea musculosam vim suam & tonum paulatim recuperaret. Atque hoc ne quis casui imputet, tribus distinctis vicibus in seipsa nobilis matrona experta est. Non ergo incaute remedia illa stupefacientia etiam externe adhibenda sunt.

Aqua e tota planta distillata pota, duorum aut ad summum trium cochlearium mensura, internas viscerum inflammationes extinguit, referente Matthiolo, sed a copiosiore potu abstinendum est.

Ex Belladonæ succo vel aqua stillatitia Italæ mulieres fucum faciunt quo faciem oblinunt, ut ex rubicunda pallidam efficiant, unde Belladonna planta dicta fuit.

Usurpatur herba in Balsamo Tranquillante P. *Tranquilli Franciscani Regii.*

B E L L I S.

DUæ plantæ genere diversæ Bellidis nomine censentur in officinis, major scilicet, & minor.

Bellis Major, Leucanthemum vulgare, Buphtalmum majus, Oculus bovis, *Off.* Leucanthemum vulgare *Inst. R. H.* 492. Bellis sylvestris, caule folioso, major *C. B. P.* 261. Bellis major *Dod. Pempt.* 265. *J. B.* 3. 114. Oculus bovis *Brunsfelsii*. Consolida media vulnerariorum *Adversarior. Lobel.* 253. Buphtalmum majus *Loniceri*. Bellium majus *Tabern. Icon.* 351. vulgo *Grande Marguerite*. *Grande Paquette*. *Oeil de Bœuf*.

Radice est fibrosa, reptante, acri: caulibus bicubitalibus, pentagonis, rectis, villosis, ramosis, in quibus folia alternatim nascuntur pingua, duas uncias longa, semiunciam lata, & crenata. Flores adsunt inodori, radiati, ampli, quorum scilicet discus ex plurimis flosculis tubulosis, aureis, in quinque segmenta divisus, cum stylo in medio uniuscujusque; corona vero ex semiflosculis candidis componitur, embryonibus insidentibus, & calyce semisphærico squammoso, & nigricante comprehensis. Embryones autem deinde abeunt in semina exilia, oblonga, striata, non pappelcentia. Folia, & flores in usu sunt.

Analyti chymica, ex Bellidis majoris lbv. prodierunt humoris limpidi fere inodori, & insipidi, obscure acidi lbj. ℥v. gr. xlv. humoris i. limpidi, sub finem rufescentis, acidi manifesti, & subausteri lbj. ℥xiiij. ℥v. humoris rufi empyreumatici tum acidi tum alcali, & sale volatili urinoso imprægnati ℥ij. ℥j. olei spissi ad instar extracti ℥ij. gr. xxiiij. Massa nigra in retorta residua pendebat ℥v. ℥ij. gr. xxxvj. quæ igne reverberii calcinata reliquit cinerum ℥j. ℥vj. gr. lxxvj. ex quibus salis alcali fixi ℥v. gr. xx. lixivio extracta sunt. Partium jactura in distillatione fuit ℥iij. ℥vj. gr. xxxvj. in calcinatione ℥iij. ℥iij. gr. xliij.

Folia saporis sunt herbacei, subsalsi, chartam cœruleam levissimo rubore tingit. Sale essentiali donari videtur Tartaro vitriolato vel sali Coralliorum simili cum multo oleo conjuncto.

Bellis Minor *Off.* Bellis sylvestris minor *C. B. P.* 261. & *Inst. R. H.* 491. Bellis minor sylvestris spontanea *J. B.* 3. 111. Bellis minor *Tabern. Icon.* 328. Solidago consolidæ species *Brunsfelsii*: Symphytum minimum *Quorumdam*: Primula veris *Cæsalpini* 493. Consolida minor *Herbariorum*: vulgo *Paquerette* ou *petite Marguerite*.

Radicibus est multis, tenuibus: foliis numerosis, humi sparsis, pingujusculis, hirsutis, longis, versus radicem angustis, sensim latescens rotundatisque, levissime serratis: nullo caule, sed pediculis frequentibus inter folia exortis, palmaribus, & altioribus, tenuibus, teretibus, hirsutis: quorum singulis flos insidet unus, radiatus, cujus scilicet discus ex plurimis floscu-

ſoſculis luteis corona vero ex ſemi-ſoſculis lacteis aut ex albo ſanguineis componitur, embryonibus inſidentibus, & calyce ſimplici, & multifido comprehenſis. Embryones autem deinde abeunt in ſemina exigua nuda Thalamo pyramidato affinia. Folia, flores, & radices in uſu ſunt. Utraque Bellis in pratis, & pascuis agri Pariſienſis paſſim naſcitur.

Analyſi chymica, ex Bellidis minoris floridæ ℥v. prodierunt humoris limpidi, odoris, & ſaporis expertis, obſcure tamen acidi ℥j. ℥v. ℥ij. gr. lx. humoris primo limpidi, manifeſte acidi, deinde ruſcentis, empyreumatici, auſteri ℥ij. ℥xv. ℥v. gr. xxiiij. humoris fulci, ſale volatili urinoſo imprægnati ℥j. ℥ij. gr. xlvij. olei ſpiſſi ad inſtar extracti ℥j. ℥iiij. Maſſa nigra in retorta ſuperſtes pendebat ℥v. ℥vij. gr. xxxvj. quæ igne reverberii calcinata reliquit cinerum ℥ij. ℥vij. gr. xxx. ex quibus lixivio ſalis fixi alcali ℥iiij. extracta ſunt. Partium jactura in diſtillatione fuit ℥ij. ℥j. gr. xlvij. in calcinatione ℥ij. gr. vj.

Hujus plantæ folia acria ſunt, ſucco viſcoſo turgida, & chartam cœruleam tingunt colore rubro. Sale eſſentiali donantur ammoniacali tartareo aut Corallino ſimili, multo oleo acri involuto.

Bellides vulnerariæ ſunt, emolliunt, attenuant, & detergunt. Earum ſuccus expreſſus, & deſcæcatus ad ℥iiij. propinatur. Coquuntur folia, & flores in aqua communi vel in juſculo carniū ad M. j. vel contuſa in vino macerantur, & expreſſum hauritur. Ex Bellide majore collectæ priuſquā flores erumpant, habetur decoctum acris ſaporis, Piperis modo ſubtilis, & penetrantis, diureticum, & vulnerarium inſigne. In purulenta exſpuitione plurimum commendatur. Alii utuntur infuſo folior. & florum in aqua calcis vivæ, cujus ℥iiij. quotidie mane propinant. J. Rajus herbam integram in Zythogalo decoctam, & potam adverſus aſthma, phthiſim, & orthopnœam tanquam ſingulare remedium proponit.

Externe unguentum ex Bellidis majoris floribus, & axungia ſuilla adverſus porriginem (*la Teigne*) a Cæſalpino laudatur.

Maximam Bellidis minoris probari efficaciam in curatione vulnerum Jacobus Cornutus in *Hiſtor. plantar. Canad.* aſſerit, nec præſtantius ullum ab herbariis præſidium dicatum eſſe. Ejus folium impoſitum labia unit, & cicatrice obducit: ſuccus inditus aut linamentis exceptus inflammationi quæ ſupervenire ſolet, valide obſiſtit, ad omnes cervicis dolores, tumoresque quacumque in parte illinitur: ſtrumas diſcutit: podagras lenit: in ferventium inteſtinorum cruciatibus utiliter injicitur, ulceratis bibendus datur. Ejus ſuccus aut decoctum, auctore Ettmullero, multum prodeſt in quocumque ſanguine grumolo diſſolvendo, & diſcutiendo, ſive ex caſu, ſive ex vulnere, ſive ex contuſione. Hinc etiam inter antipleuritica ad ſanguinem fere coagulatum reſolvendum ab Helmontio commendatur. Mindererus in *Medic. Meht.* p. 77. iis, tanquam ſingulare ſpecificum, qui poſt nimiam incaleſcentiam corporis, ſubito frigidum potum ingurgitant, proponit. Ettmullerus refert experimentum Michaelis in coquo, qui per diem incaluit, & ſitibundus arripuit hauſtum frigidum, unde aſthmate aliſque ſymptomatibus correptus fere ſuffocandus videbatur: hunc ſucco ex tenellis foliis floridis recenter expreſſo, & in
vino

vinum propinato per sudorem curavit, ut sequenti die optime se habuerit. Ad hepatis inflammationem, & adversus hydropem a nonnullis commendatur. Obstructiones enim discutit tenuibus suis partibus, sanguineam molem spissiore dissolvit, attenuat, & fibrarum tonum restituit. Emanuel Konig Medicus Basileensis in suo Regno Vegetabili refert vulnus thoracis cum læsione pulmonum usu continuato decocti Bellidis minoris cum oculis canceror. sanatum fuisse, & idem decoctum in diathesi pulmonum inflammatoria plurimum valere asserit. VVepferus, referente eodem, phthificis desperatis auxilium fecit illis Bellidis minoris, Nasturtii & Nummulariæ succi recens expressi cochlearia duo vel tria cum pauxillo mellis rosati vel cum jusculo carniū propinando. Horum usu duos prope desperatos præter expectationem convalescere testatur: quod etiam Simonis Paulli testimonio, & experientia confirmatur. Schroderus refert mulierculis Germanicis usitatum esse herbam cum floribus ad alvum laxandum infantibus exhibere. Et Garidellus in *Histor. Plantar. Aquisext.* observat hujus herbæ succum alvum ciere. Quapropter monet hunc succum pleuriticis non incaute propinandum esse, præsertim dum humoris purulenti excretio per expectorationem fieri incipit, ne naturæ molimen laxante medicamento irritum fiat & morbi crisis interrumpatur. Herbæ decoctum alvum non movere idem observat.

Ruellius asserit Bellidis minoris folia trita cum Arthemisia strumas efficacissime resolvere. Ejus flores & Geranii Roberciani folia hemicranie plurimum conducunt, auctore D. J. Comel Medico Parisiensi peritissimo Acad. Reg. scientiar. Socio.

Aqua distillata paratur in Officinis ad eosdem affectus utilis, sed decocto vel succo debilior. In potionibus vulnerariis præscribitur ad ℥iij. ad ℥iijve. Extractum quoque conficitur ad eadem commendatum: ad pondus ℥j. exhibetur.

Bellis utraque usurpatur in aqua vulneraria Lemerii.

B E R B E R I S.

Berberis & Oxyacantha, Off. Berberis Dumetorum C. B. P. 454. *Inst. R. H.* 614. Berberis vulgo quæ Oxyacantha putata J. B. 1. 52. Spina acida sive Oxycantha Dod. *Pempt.* 750. Crespinus *Matthioli*. Amirbaris *Avicennæ*: Uva ursi, Spina Sancta, Spina Christi, Spina acuta *Quorundam*: vulgo: *Epine-vinette*.

Frutex est procerus radicibus flavescentibus, multifidis, fibrosis & repentibus: stolonibus tres cubitos altis, ramosis, spinis minacibus armatis, intus luteis: folia parva sunt, oblonga, ex angusto principio latescencia subrotunda, in ambitu crenata, mollioribus aculeis cincta, dilute virentia, glabra, gustu acida. Flores odore gravi in uvam nascuntur conglobati, rosacei, petalis scilicet senis, luteis, in orbem positos constantes, cum totidem staminibus concoloribus & pistillo viridante abeunte in fructum cylindraceum mollem quatuor lineas longum, rubrum, succi acidi plenum, nucleum unum aut alterum oblongum continentem. In agro Parisien-

Parisiensi sponte nascitur. Transfertur & ad hortos ad quorum sepimentum utilis est. Radix, fructus & semina in usu sunt.

Analysi chymica, ex succi acidi fructuum Berberis expressi ℥v. prodierunt humoris limpidi fere inodori, saporis aliquantisper vinosi & acidi ℥j. ℥xij. ℥vij. gr. xxix. humoris i. saporis & odoris ejusdem, sed minus grati, acidi & subausteri, deinde rufescentis, empyreumatici, acidi austeri ℥ij. ℥xiiij. gr. lj. humoris rufi, subacris, acidi & aliquantisper alcali urinosi ℥j. ℥j. olei fluidi ℥j. Massa nigra in retorta superstes pendebat ℥ij. ℥v. gr. xlvij. quæ igne reverberii calcinata reliquit cinerum nigricantium ℥j. ℥iiij. gr. xlvij. ex quibus salis fixi mere alcali ℥iiij. gr. vj. lixivio extracta sunt. Partium jactura in distillatione fuit ℥j. ℥j. gr. xv. in calcinatione ℥j. ℥ij.

Fructuum succus saporis est acidi austeri: chartam cæruleam colore intente rubro inficit. Radix amara est & styptica & chartæ cæuleæ colorem vix mutat. Sale igitur donatur essentiali tartareo aluminoso haud dissimili.

Berberis fructus refrigerant & adstringunt: humorum effervescentiam ab acri & fervida bile excitatam compescunt, biliosos alvi fluxus sedant, ventriculum & intestina roborant, appetitum languentem recreant, dysenterias compescunt, hæmmorrhagiis ab humorum acrimonia vel nimia sanguinis dissolutione oriundis conducunt.

Maturi comeduntur recentes, soli vel Saccharo conditi. Exsiccati in ptisanis vel decoctis adstringentibus usurpantur: exsiccati enim magis adstringunt. Eorum succus expressus & defœcatus ad ℥j. propinatur: & ex eo syrupus, gelatina, sapa, in Officinis præparantur quæ in julapiis refrigerantibus usurpantur, tum ad sitim extinguendam in febribus ardentibus, tum ad humorum malignitatem debellandam. Vis enim cardiaca & alexipharmaca ipsis tribuitur.

Ægyptii, narrante P. Alpino de Medic. Ægyptior. hosce fructus in febribus malignis & pestilentialibus felici cum successu & simplici interveniente apparatu usurpare solent. Horum siquidem libram in vase magno aqua pleno vel duodecim etiam aquæ libras continente mittunt, cum nonnullis seminibus Fœniculi vel frusto panis, atque per noctem vel diem sic macerare volunt, deincepsque de frigida hac expressione per colum transfusa cum Saccharo multo rosaceo vel simplici, vel syrupo ex acido Citri, large ægrotis propinant, qua potione calorem febrilem sitimque extinguunt, vires reficiunt, atque etiam putredini prævalide obsistunt. Præstantissimum auxilium ad alvi fluxiones apud eam gentem sua adstrictione habetur, eoque potu ipse P. Alpinus, pestifera ibi febre correptus, cum immoderata diarrhæa biliosa, felici cum successu Ægyptiorum Medicorum consilio usus est. Simon Paulli Prosp. Alpini exemplum imitatus ab acri febre & enormi diarrhæa quibus hic Lutetiæ Parisiorum olim afflictus fuit, solius syrupi Berberis usu limpidissima fontana diluti fuit liberatus: atque post dein ex his fructibus parata medicamenta plurimi fecit.

Idem S. Paulli observat Ægyptios Medicos non sine causa remiscere infuso ejus tantillum seminis Fœniculi, nempe ad frigidiorum ejus temperiem corrigendam, ne officiat ventriculo. Gaspar Hoffmannus eandem cautelam circa illius usum commendat his verbis: Tu vero, inquit, ante omnia vide

vide ne ventriculus sit frigidior . Siquidem acida minus conveniunt illis quorum ventriculus cibos tardius concoquit , tum ob caloris aut potius spirituum defectum in hujus visceris succo , tum ob ejusdem succi tenacitatem quam acida semper augent .

S. Paulli *Quadr. Bot.* hujus fructus salem essentialem plurimi facit cujus conficiendi ratio hæc est .

℥℥. Succi Berberis ℥ij. succi Limon. ℥ij. Digerantur per biduum in balneo arenæ : fiat colatura ad dimidias blando calore balnei mariæ exhalanda , tunc per aliquot dies in locum subterraneum aut cella reponatur . CrySTALLI tartarei circa vasis fundum & latera concrecent . Succus per inclinationem effundatur ad dimidias , iterum evaporetur & reponatur ut in cryсталlos concreseat ; quod toties repetatur , donec nullæ amplius cryсталli concrecant . Cryсталli blando calore exsiccantæ servantur ad usum .

Sal ille essentialis instar cremoris Tartari pulveratus jusculis ptisanæ , decoctis & julapiis adversus febres immixtus , non solum illis acore suo ori & ventriculo pergratum saporem conciliat , sed etiam corruptioni humorum & febrili æstui insigniter resistit .

In ischuria , dysuria & inflammationibus internis Nitrum in succo Berberis solutum exsiccatum & in cryсталlos coactum Cl. Tournefortius ut præstantissimum remedium proponit .

Succus vel decoctum Berberis faucium & tonsillarum inflammationem compescunt , gingivis laxis & putrescentibus scorbuticorum medentur , si es eluatur & fauces gargarizentur .

℥℥. Confection. Alkermes s. od. ℥j. Syrup. Berberis ℥j. aq. Cinnamom. ℥℥. aquar. Meliss. & Oxytriphyll. ana ℥ij. M. F. potio cochleatim sumenda in febr. malign.

℥℥. Aq. Plantag. ℥vj. succi Berber. ℥j. Mellis Rosati ℥℥. salis Prunel. ℥j. M. F. gargarisma in faucium inflammatione .

℥℥. Rosar. rubrar. siccatar. & Balaustior. ana ℥ij. affunde aq. Plantag. ℥ij. Macerentur in B. ciner. per aliquot horas ; in Colatura dilue syrup. Berber. ℥ij. Sumat æger ℥iiij. tertia quaque hora in hæmoptoe aut diarrhæa .

Acini sex semina potenter siccant & adstringunt : quare in quocumque alvi fluxu & albo mulierum fluore a nonnullis ad ℥j. pulverati præscribuntur in liquore convenienti .

Cortex interior flavus tam ramorum quam radicum in convenienti liquore decoctus vel in vino albo aut Hispanico maceratus & potus in ictero a Joan. Rajo commendatur . Clusius vinum album tenue in quo cortex ille per trium horarum spatium maceratus fuerit potum mirifice purgare scribit . Ejusdem corticis pulverem in aceto maceratum Camerarius in aphthis puerorum laudat .

Eo cortice Tinctorii artifices lixivio macerato ad flavum colorem pannis conciliandum utuntur .

Berberis fructus usurpatur in syrupo myrtino *Charas* ; succus in syrupo Corallior. & in syrupo dysenterico *Medicor. Parisiensium collectaneor. pharmacæuticor. Lud. Penicher.*

Acini usurpantur in pulvere Diarrhodon *Abb. Nicolai præpos. Geoffroy Tom. II.* G in

in Diapruno simpl. *Nicol. Alexandrin.* & in Electuar. de Pſyllio *Meſuæi*.

B E R U L A.

Berula & Sium, *Off.* Sium ſive Apium paluſtre foliis oblongis, *C. B.* *P.* 154. & *Inſt. R. H.* 308. Sium umbelliferum, *J. B.* 3. 172. Sium, *Dod. Pempt.* 589. Creſcione vulgo, *Cæſalpin.* 300. Sium, ſive Laver Dioſcoridis Olufatri folio, ſive Paſtinaca aquatica, *Lobel. Icon.* 208. vulgo, *Berle Ache d' eau.*

Ex radicibus geniculatis, repentibus, albis, fibroſis, caules promit cubitales & altiores, teretes, ſtriatoſ, inanes, rectos, ramoſos, & frondes longos pediculo ſtriato, glabro, intus cavo, innixos, ex pluribus ſingularibus foliis per conjugationes coſtæ innascentibus & uno impari claudente conſtantes, pinguib, glabris, & per circumferentiam terræ modo incifis. Flores umbellatim diſpoſiti caulium extrema occupant Roſacei, e quinque petalis albis conſtantes in orbem poſitis & calyci inſidentibus. Is autem abit in fructum ſubrotundum ex duobus ſeminibus parvis odoratis, acribus, hinc gibbis & ſtriatis, inde vero planis compoſitum. Hæc agri Pariſienſis incola planta delectatur in rivulis & foffis. Planta integra in uſum venit.

Analyſi chymica, ex Berulæ recens collectæ ℥v. prodierunt humoris limpidi, odoris & ſaporis herbacei, primo aliquantiſper obſcure alcali, deinde obſcure acidi ℥xj. ℥v. gran. vj. humoris primo limpidi, odoris herbacei, ſubacidi, tandem fulci, empyreumatici, ſubauſteri, tum acidi, tum alcali ℔ij. ℥xj. ℥vij. gr. ix. humoris fulci alcali & ſale volatili urinoſo imprægnati ℥ij. gr. xxxvj. ſalis volatilis urinoſi concreti gr. lvij. olei ſpiſſi ad inſtar extracti ℥v. gr. l. Maſſa nigra in retorta ſuperſtes pendeat ℥ij. ℥j. gr. xij. quæ igne reverberii calcinata reliquit cinerum ℥j. ℥j. gr. lx. ex quibus ſalis alcali fixi ℥vj. gr. lxij. lixivio fuerunt extracta. Partium jaçtura in diſtillatione fuit ℥j. ℥j. gr. xxiiij. in calcinatione ℥vj. gr. xxiiij.

Folia ſapore ſubacri donantur. Itaque cum hæc planta parum acidi contineat, plus vero ſalis ſaliſi & urinoſi; ſale eſſentiali donari videtur ammoniaco ſimili cum olei portione mediocri conjuncto.

Berula inter plantas antiſcorbuticas, & aperientes recenſetur. Obſtrictiones reſerat, menſes & urinas movet. Quapropter in ſcorbuto, cachexia, chloroſi, hydrope, & febribus intermittentibus convenit, & arenulas expellit. In acetariis comeditur, vel in juſculis aut apozematibus aperientibus præſcribitur. Succus etiam deſcæcatus ad ℥ij. quatuorve exhibetur.

Extus admota abdominis tumores reſolvit.

B E T A.

Betæ, triplex genus in olitoriis hortis tum ad uſum culinarium, tum ad uſum medicum excolitur: ſcilicet Beta alba, Beta rubra vulgaris, & Beta rubra radice Rapæ.

Beta , Beta alba , Beta candida , Sicla & Cicla , Off. Beta alba vel pallescens quæ Cicla Officinarum , C. B. P. 118. *Inst. R. H.* 502. Beta candida , J. B. 2. 961. *Dod. Pempt.* 620. *Trag.* 706. vulgo , *Bette ou Poiree*.

Radice est terere , lignosa , minimum digrum crassa , longa , candida : foliis magnis , latis , lævibus , crassis , succulentis , quandoque dilute , alias saturatius virentibus , sapore nitroso , cum costa spissa , lata : caulibus bicubitalibus , gracilibus , striatis , in ramulos effusis : in quibus longa serie ex foliorum alis nascuntur flores exigui , staminei seu constantes ex plurimis staminibus cum apicibus luteis , ex quinque-folio surgentibus calyce , subviridi , qui deinde abit in fructum fere globosum , asperum , verrucosum , in quo veluti nidulantur semina duo vel tria , exigua , oblonga , angulosa , seu inæqualiter rotunda , rubentia .

Beta rubra vulgaris , Beta nigra , Off. Beta rubra vulgaris , C. B. P. 118. *Inst. R. H.* 502. Beta rubra , J. B. 2. 961. *Dodon. Pempt.* 620. vulgo , *Bette ou Poiree rouge*.

Radice est alba : foliis brevioribus quam præcedens , plurimum rubentibus plus minusve , interdum atro-rubentibus . Hoc foliorum colore a priori distinguitur .

Beta rubra radice Rapæ , Beta Romana , Beta Erythrorisos , Beta-rapa , Off. Beta rubra radice Rapæ , C. B. P. 118. *Inst. R. H.* 502. Beta radice rubra crassa , J. B. 2. 961. Beta rubra Romana , *Dod. Pempt.* 620. Rapum rubrum sativum , *Fuchsi* : vulgo , *Bette rave*.

Caule est altiore quam Beta vulgaris rubra : radice uncias duas tresve crassa , ventricosa , intus forisque sanguineo saturo colore infecta . Betæ omnes in hortis inter olera coluntur . Alba ad usum medicum sæpius usurpatur : ejus folia & pediculi seu costæ inter cibos magis recipiuntur : rubræ vero seu Romanæ radices in primis expetuntur .

Analyti chymica , ex foliorum & costarum Betæ ℥v. prodierunt humoris limpidi odoris & saporis herbacei , obscure acidi ℥j. ℥vij. ℥iij. gr. xxxvj. humoris limpidi , primo ejusdem odoris & saporis cum acido manifesto , tandem-intense acidi & austeri ℥iij. ℥iij. ℥j. gr. xxij. humoris rufi , alcali , sale volatili urinoso copioso imprægnati ℥v. gr. xxxvj. salis volatilis urinosi concreti ℥j. gr. x. olei spissi ad instar extracti ℥vij. Massa nigra in retorta superstes pendebat ℥ij. ℥vj. gr. lxxvj. quæ igne reverberii calcinata reliquit cinerum nigricantium & in massam fusorum ℥j. ℥ij. gr. xliij. ex quibus salis fixi mere alcali ℥vj. gr. xij. lixivio extracta sunt . Partium jactura in calcinatione fuit ℥j. ℥iij. gr. xxij. in distillatione vero incrementum fuit ℥j. gr. xxvj.

Beta sale essentiali donatur ammoniacali nitroso cum terra adstringente & oleo permixto & multo phlegmate diluto . Betæ enim folia exsiccata & in prunas injecta ad instar nitri comburendo fulgurant .

Beta alba lautioribus mensis hodie non est ingrata , quamquam Betas Martialis Poeta fatuas fabrorumque prandia carmine suo appellavit . Inter herbas emollientes numeratur cum Acantho , Althæa , Malva , Viola , Arriplice , Mercuriali & Parietaria : succus sale nitroso ammoniacali imbutus absterforia & quodammodo acri qualitate donatur : quapropter alvum ad excretionem stimulat assumpta , atque interdum ventriculum mordet , præsertim si cui natura exquisitioris sit sensus ; proinde & sto-

macho frequens aut nimius ejus usus noxius est . Nonnulli adstrictionem quamdam in Betæ corpore seu crassamento observasse credunt , qua ratione ventrem stipare & indurare asserunt , dum succus absterforia & laxante virtute donatur , unde tritum adagium :

Sicla parum nutrit , ventrem constipat & urget .

Quamobrem ad alvum subducendam cum jure in quo decoquitur commendam esse præscribunt , & absque jure esitatum minus aut nullatenus alvum laxare arbitrantur . Verum reipia nulla adstrictio in Beta deprehenditur .

Nutrimentum ex Beta exiguum , sicuti ex cæteris oleribus corpori accedit . Nostræ culinæ varia ex ea ciborum genera concinnant . Ejus folia ob fatuum saporem cum Acetosæ foliis sæpe consociantur . Costæ latiores & candidæ coctæ in pretio sunt .

Succus Betæ tum folior. tum radicis naribus exceptus sternutamenta pro-ritat , humores pituitosos magna copia elicit , adeoque cephalalgiam , hemicraniam , catharros , coryzam compescit & profligat : & in inveteratis distillationibus in oculos quæ subinde ophthalmiam causantur illis , a Simone Paulli commendatur : hunc succum cum aqua Majoranæ diluere solebat , quod quidem medicamentum a nonnullis pro secreto habetur . At Olaus Borrichin in *Actis Hassniensibus ann. 1673. Observ. 63.* Betæ succum esse periculosum & valde noxium errhinum scribit : quod confirmat experientia cujusdam virginis jam nubilis , quæ ludibunda & ullo absque incommodo liberalem hujus mixturæ portionem naribus sanis excepit ; sed paulo post inter cruciatus intensissimos caput ejus totum ita intumuit , ut duplo majus naturali appareret , & de vertigine , anxietate , agrypnia , doloribusque gravissimis per plures dies conquereretur : tandem ab his malis , curante eodem Olao Borrichio , præmissis universalibus , errhino contrario ex solo lacte recenti & tepido paulatim liberata fuit .

Foliorum decoctum intus sumptum lenit , emollit , & alvum blande laxat , quare folia in apozematibus & jusculis refrigerantibus , laxantibus , atque etiam aperientibus usurpantur , obstructions enim lienis & hepatis aperiunt .

℞. Folior. Betæ , Lactuc. Portulac. Chærefol. Oxytriphyll. ana M. j. Coq. cum pullo gallinaceo aut frustulo carnis colli vitulini . Fiat jusculum .

℞. Radic. Gramin. Acetos. Fragar. ana ℥j. Folior. Bet. Lactuc. Portulac. Cichor. Borrage. Bugloss. Pimpinell. ana M. j. Coquantur in aq. comm. q. s. ad ℔ij. Fiat apozema pro sex dosibus . Cuique adde syrup. Violar. ℥j.

In decoctis pro clysteribus emollientibus & abstergentibus folia Betæ usurpantur .

℞. Folior. Betæ , Atriplic. Malv. Althææ ana M. j. Semin. Lini pug. j. Coq. in s. q. aq. fluviatil. In colaturæ ℔j. dilue mellis violati ℥ij. Olei Lilior. ℥j. Fiat enema emolliens .

℞. Decoct. folior. Betæ , Cichor. Lactuc. Portulac. ℔j. qua dilue salis Prunell. ℥j. Mellis Nenuphar. ℥ij. Fiat Clyster emolliens & refrigerans .

℞. Succ. radicum Betæ ℥j. aq. Majoran. ℥ij. Mellis anthosati ℥ss. Misce . Fiat errhinum naribus attrahendum in coryza .

Externe folia vel integra vel sub cinerem cocta cuti a medicamento caustico aut comburentē admoventur : & humorum excretionem per cutis glandulas blanda irritatione promovent.

Betæ rubræ radice Rapæ radix rarissime in usum medicum venit , frequenter in usum culinarium expetitur.

Analyſi chymica , ex radicibus Betæ Romanæ recentium ℥v. prodierunt humoris odore & sapore radicem crudam referentis , obscure salſi & alcali urinosi ℥xj. ℥j. gr. xxx. humoris limpidi ejusdem odoris & saporis , obscure acidi ℥ij. ℥j. ℥ij. humoris primo limpidi , deinde rufescentis , intense acidi ℥ij. ℥x. ℥j. gr. xvij. humoris ruſi , empyreumatici , acris , tum intense acidi , tum alcali urinosi & sale volatili urinoso copioso imprægnati ℥ij. ℥j. gr. xlvij. salis volatilis urinosi gr. xxxvj. olei fluidi ad instar syrupi ℥j. gr. lx. Massa nigra residua pendebat ℥ij. ℥vij. gr. xxxvj. quæ calcinata reliquit cinerum ℥vij. gr. lxxvj. ex quibus lixivio salis fixi mere alcali ℥ij. gr. lij. extracta sunt . Partium jactura in distillatione fuit ℥j. ℥vj. gr. lx. in calcinatione ℥ij. ℥vij. gr. xlij.

Betæ Romanæ radix sale essentiali donatur ammoniacali, cum olei & terræ portione mediocri conjuncto.

Betæ Romanæ radix alvum minus movet , imo nonnullius adstrictionis particeps censetur , parum nutrit & in ventriculo difficile coquitur . In clybano vel sub cineribus cocta , tum calida , tum frigida comeditur . Hi-berno tempore in acetariis præcipuæ est æstimationis . In assulas vel circulos transversim secta a coquis ad margines patinarum & fercula exornanda adhiberi solet.

B E T O N I C A :

Betonica , Off. Betonica purpurea , C. B. P. 235. & Inst. R. H. 203. Betonica vulgaris , purpurea , J. B. 3. 301. Betonica , Dod. Pempt. 40. vulgo , *Betoine* .

Radice est pollicem crassa , transversa , fibrosa , capillata , gustu amara : caulibus cubitalibus , quadrangulis , nodosis : foliis aliis ad caulium nodos binis ex adverso nascentibus , aliis humi sparsis , inconditis , pediculis palmaribus circiter donatis , oblongis , villosis , rugosis , obscure virentibus , ad basim auritis , in ambitu crenis acuminatis , incis , & sapore aromatico præditis . Flores in spicas dense oriuntur verticillatim dispositi , monopetali , labiati , purpurascens , labio superiori sulcato & ad posteriora veluti reclinato , inferiori vero trilobato , cum staminibus flori concoloribus e medio exortis . Ex calyce monosomo in quinque partes inciso surgit pistillum posticæ floris parti ad instar clavi infixum & quatuor veluti embryonibus stipatum , qui deinde abeunt in totidem semina subrotunda & fusca in capsula , quæ floris calyx fuit recondita . In agri Parisiensis dumetis & sylvis sponte nascitur . Folia & flores creberrimi sunt usus .

Analyſi chymica , foliorum Betonice ℥v. præbuerunt humoris limpidi , odorem foliorum referentis , subacidi ℥x. ℥v. humoris primo limpidi acidi , deinde rufescentis , odoris acescentis , intense acidi , austeri ℥ij. ℥vij.

℥ij. gr. xlvij. humoris rufi, empyreumatici, tum acidi austeri, tum alcali urinosi & sale volatili urinoso imprægnati ℥ij. ℥vj. olei ℥j. ℥ij. Massa nigra in retorta residua pendebat ℥v. ℥ij. gr. xvij. quæ calcinata reliquit cinerum ℥ij. ℥v. gr. xxx. ex quibus salis fixi mere alcali lixivio extractæ sunt ℥iiij. gr. xlvij. Partium jactura in distillatione fuit ℥iiij. ℥v. gr. vj. in calcinatione ℥ij. ℥v. gr. lx.

Folia sapore herbaceo subsalfo donantur, & odore aromatico: chartæ cœruleæ colorem non mutant. Sale essentiali donantur composito ex sale tartareo & ammoniacali conjunctis cum multo oleo & pauca terra. Flores chartam cœruleam rubro colore leviter tingunt, & analysi chymica multo plus olei præbent.

Samuel Fischer Medicus Shesseldensis apud Rajum observat expressos plantarum omnium succos quos expertus est, postquam aliquamdiu steterint & fœcibus subsidentibus clari evaserint, aliqua ruboris tinctura perfusos apparere, alios dilutiore, saturatiore alios: at Betonicæ succum omnium dilutissimum esse & minime coloratum.

Betonica discutit, attenuat, aperit & abstergit. In primis cephalica est, hepatica, splenetica, thoracica, uterina, diuretica, antiarthritica & vulneraria. In capitis affectionibus præcipue commendatur. Nonnulli vim anodynam & fere inebriantem in ea observaverunt. Simon Paulli in *Quadripartito Botanico*, refert quasdam edentulas anus occupatas in eruenda & eradicanda Betonica, eaque transplantanda in distantiore areolam sole sub ardente cernuas & conquiniscentes, a nimia Betonicæ fragrantia temulentas factas fuisse, & miros, ridiculosque corporis gestus egisse. Bartholinus in *Historia Anatomicarum observationum*, *Observ.* 97. *Centur.* 3. recenset quod cum hortulani operarii hero suo evellere voluissent Betonicam pro usu medico, omnes velut temulenti & ebrii titubarent. Quæ quidem vis oritur a Betonicæ recentis & vegetæ subtili sulphureo spiritu cerebrum & nervos feriente.

In Officinis frequentissime ex Betonicæ floribus conditum; ex foliorum succo syrupus & extractum; ex herba ipsa aqua distillata, infusa, decocta & epithemata præparantur. Foliorum vel recentium vel exsiccatum manipulus unus in aqua bulliente maceratur Theæ ad instar, aut in ℔j. decoquitur. Flores a nonnullis ad hunc usum anteponuntur. Syrupus vel conditum ab ℥ss. ad ℥j. foliorum succus ad ℥iiij. vel extractum ad ℥ss. præscribuntur & iisdem virtutibus instruuntur. In hemicrania, vertigine, membrorum stupore & paralyfi hæc omnia usurpantur. Expectorationem promovent & ulcera interna detergant & ad cicatricem perducunt.

Fabricius Hildanus *Centur.* 3. *Observ.* 32. observavit, multos arthriticos curatos fuisse quotidiano usu florum foliorumque Betonicæ in jusculis, acetariis, potu & balneis: sed exquisitam observabant victus rationem, corpus per intervalla expurgabant, & fonticulos aliquot gestabant.

Doctor Boyvle Medicus Anglus apud Rajum, infusum e foliis Betonicæ, Scorodonæ & Chamæpithyos exsiccatis paratum & calide potum ad ℥vj. bis, terve die, & per longum tempus continuatum proponit velut medicamentum admirandæ efficacæ in podagra, cephalalgia, & nervorum affectionibus.

Poterius historiam cujusdam calculo laborantis refert, qui *Betonica* cum *Herniaria* in carniū juscū cocta sanatus fuit. Bibit quotidie hoc jusculum ad tres vel quatuor menses, & vesp̄is ℥ss. oculorum Cancrorum cum succo Limonum sumpsit, ac tandem convaleuit.

Betonicae folia exsiccata & pulverata sternutatorium præbent potissimum & in morbis capitis præstantissimum. Cerebrum enim purgat irritando fibras nerveas quarum extremitates in interiori narium tunica expanduntur. Hac irritatione nervi & cerebri membranæ commotæ humores viscosos in glandulis cerebri aut in sinibus altius impactos fortiter excutiant, qui per vasa sanguinea ad glandulas narium, faucium & vicinas partes delati, sub aquæ, muci, pituitæque viscidæ specie e naribus per sternutationem ejiciuntur. Aptè igitur *Betonicae* pulvis præscribitur contra capitis affectus diuturnos & contumaces ex tenaci materia oriundos, uti gravativos dolores, paralysem præsertim linguæ & faucium, morbos soporosos, necnon rheumaticos oculorum affectus sine multo dolore & rubore.

Sternutatoriis autem abstinendum est ubi inflammatio imminet vel adest, in cerebri defluxionibus cum febre, oculorum inflammatoriis affectionibus, ulceribus narium, aut quando malum est inveteratum, in obnoxio vertigini, hæmorrhagiæ, & in gravidis. Nonnulli foliorum *Betonicae* exsiccatorum & concisorum vel seorsim vel cum Tabaco mixtorum & tubis infarctorum fumum ore haurire & reddere solent in capitis affectionibus.

Externe folia contusa sola vel vino calido macerata capiti admoventur tum ad dolores capitis gravativos sedandos, tum ad vulnera sananda.

℥j. Folior. *Betonicae*. M. j. *Liquiritiæ* ras. & contus. ℥ss. Coquantur in aq. comm. ℔ij. Colatura per cyathos propinetur. In capitis affectionibus.

℥j. Folior. exsiccator. *Betonicae* & *Majoran.* ana q. v. M. F. pulvis sternutatorius ad usum.

℥j. Folior. *Beton.* *Salviæ*, *Majoran.* & rad. *Irid. Florentin.* ana ℥ss. folior. *Nicotianæ* ℥j. Fiat pulvis sternutatorius.

℥j. Folior. recentium *Beton.* *Majoran.* *Salviæ* ana M. ss. Contund. sensim affundendo vini albi & aq. *Betonicae* ana ℥iiij. Liquor percolatur cum expressione & fiat errhinum, de quo tepido, prono capite & aqua ore pleno naribus attrahatur aliquantisper, ter quaterve mane, jejuno ventriculo, ad purgandum cerebrum a crassis & viscidis humoribus.

Radicum facultates in hac planta a foliorum & florum viribus longe dispares sunt: multum ori, stomachoque ingratae nauseam, ructus, vomitumque provocant. Rarissime in usum veniunt.

Betonica usurpatur in pulvere contra rabiem *Palmarii*, Syrupo de *Arthemisia Charas*, de *Ibisco Pharmacop. Parisiensis*, Emplastro de *Betonica*, de *Gratia Dei*, Unguento mundificativo de *Apio*, & Ung. martiato, Aqua vulneraria *Lemery Chymie*. Ex planta florida aqua distillata servatur in Officinis, & ex foliorum succo syrupus conficitur.

B E T U L A.

Betula ; Off. Betula ; C. B. P. 426. & *Inst.* R. H. 588. J. B. I. 148.
Dodon. Pempt. 839. Populo albæ similis in Alpibus , *Cæsalpin.* 121.
 vulgo , *Bouleau*.

Arbor est satis procera , sæpe etiam fruticans . Ramos spargit tenues , flexiles , magna ex parte deorsum pendentes . Multiplici libro vestitur . Cortex ejus exterior caudicem convestiens crassus , scaber , albidus at rimosus ; qui vero huic subest interior tenuis admodum , lævis atque instar membranæ pellucidus : crassiorum ramulorum cortices inalbicant quoque , sed minimorum non ita qui spadiceo resplendent . Ligni materia alba est similiter ac ramulorum , qui adeo lenti & flexibiles , ut ex illis circuli ad dolia magna constringenda probatissimi parentur . Viminum seu furculorum gracilium usus ad scopas & ad fascium vincula frequens est . Folia quæ primo exeunt plicata & crispa prorumpunt læte virentia , singula singulis iisque tenuibus dependentia pediculis , subrotunda , acuminata , Populi nigræ haud absimilia , sed minora , minus lævia , in ambitu serrata , subpinguia , odorata , sapore amaro . Fructus huic arbori a Matthiolo & Camerario denegatur , a Trago & Dodonæo cum nucamento confunditur . De eo J. Rayus dubitanter loquitur . Clariss. Tournefortius & fructum & florem distinguit in *Inst.* R. H. & accuratissime descripsit in *Agri Parisiensis plantarum Historia* . Jutos menses Aprili profert seu flores amentaceos & quasi vermiculares , sesquiunciam longos , lineas duas crassos , ex plurimis foliolis rubescentibus , subrotundis , cuspidatis , duas lineas longis , axi seu capillamento affixis & squammatim dispositis constantes : squammulæ paulatim dehiscunt , promuntque congeriem quatuor vel quinque apicum sub foliolis delitescentium , gracilium , flavescentium vel purpurascentium , lineam longorum , bivalvium , seu in duas partes hiantium , & pulvisculum tenuissimum subluteum expansionis tempore fundentium . Hos inter apices quædam occurrunt foliola intermixta . Eodem tempore fructus iisdem ramis separatim adnascuntur , primo vermiculis similes , semiunciam longi , lineam crassi , ex squammulis virentibus compositi acuminatis cum acumine reflexo , axi cuidam affixis . Singulis sub squammis seminum embryones cum quatuor vel quinque plumulis tenuissimis purpurascentibus delitescunt . Maturitatem adepti cylindracei sunt , pollicares , tres , quatuorve lineas crassi , utraque parte extrema rotundati , ex squammulis conflati fuscis duas lineas & amplius longis , trifidisque . Squammulæ semina tegunt minuta , fusca , compressa , lineam longa , fere ovata , cum duabus alis membranaceis utrimque dispositis , semine latioribus & pallidioribus . Autumno maturescunt , & adhuc hyeme & vere sequente in arbore nondum decidui reperiuntur . Ratione fructus hæc arbor inter coniferas a nonnullis recensetur , a quibus distinguitur folio deciduo ad Populneum accedente . In nemore Bononiaco agri Parisiensis sponte crescit . Folia , cortex & lacryma in usum veniunt .

Hieronimus Tragus existimat veteres antequam papyri usus esset inventus.

tus ; libro Betulæ ; hoc est , cortici candido opera sua inscribere solitos fuisse . Revera non inepti sunt huic usui exteriores illi candidi & membranacei cortices , qui veluti cuticulæ quædam in mediocris magnitudinis arboribus , crassiorem corticem amplectuntur , cujusmodi quatuor aut etiam quinque diversas nonnumquam separasse J. Rajus testatur . Unde suspicatur novam quotannis huic arbori cuticulam accedere , vel ex humore , qui paulatim per corticem transsudat concretam , vel ex annua a cortice decedente tunica spoliî Serpentis in modum excrecente . Quicquid sit ; J. Bauhinus Trago assentiri nequit Betulæ librum fuisse papyrum veterum .

Hujus arboris cortices bituminosi sunt & Alpini ex illis contortis nocturnas faces parant , quæ optimæ flagent & incenduntur .

Sub finem hyemis Betula succo turgida lacrymare incipit . Si vero in trunco aut ramis vulneretur , dulcem , & potulentum humorem adeo copiose effundit ut ramulus aliquis unico die facile ploret libras 8. vel 10. liquoris . Hunc siti pressi pastores in sylvis sæpenumero potare solent .

Helmontius observat quod si vulneretur cortex Betulæ prope terram in trunco , liquor qui ex vulnere manat , sit totus aqueus ac pene insipidus ; sin autem ramus crassitudinis trium digitorum ad medium usque perforatur , fluet liquorem sapidiorem , subacidulum , non ingratum , quod quidem notatu dignum videtur .

Analyti chymica , ex foliorum Betulæ recentium ℥v. per retortam distillatis prodierunt humoris limpidi , coriarii odorem referentis , subamari , occulte salis & subacidi ℥j. ℥vij. gran. xlvij. humoris primo rufescentis , deinde rufi , ejusdem odoris , manifeste acidi , deinde intense acidi austeri , empyreumatici ℥j. ℥xiiij. ℥ij. gran. xlvij. humoris rufi , austeri , sale volatili urinoso mediocriter imprægnati ℥ij. ℥vij. gran. xxxvj. olei adiposissimi ℥iiij. ℥vij. gran. lx. Massa nigra in retorta residua pendebat ℥x. ℥vij. quæ igne reverberii calcinata reliquit cinerum ℥j. ℥vij. gr. xxx. ex quibus lixivio , salis fixi mere alcali ℥ij. gran. xiiij. extracta sunt . Partium jactura in distillatione fuit ℥v. ℥vj. gr. xxiiij. in calcinatione ℥viiiij. ℥vij. gran. xlij. .

Ex ramulorum recentium ℥v. prodierunt humoris limpidi fere inodori , & insipidi , obscure acidi ℥viiiij. ℥vij. gran. xij. humoris rufescentis manifeste acidi pungentis , subausteri ℥j. ℥xiiij. ℥iiij. gran. xvij. humoris fusci , empyreumatici intense acidi , subsalis & subausteri ℥ix. ℥ij. gr. xlij. olei ℥ij. ℥ij. gr. xij. Massa nigra in retorta superstes pendebat ℥xv. ℥ij. quæ igne reverberii calcinata reliquit cinerum læucophæorum ℥v. gran. xxxviiiij. ex quibus salis fixi mere alcali & caustici gran. lix. lixivio extracta sunt . Partium deperditio in distillatione fuit ℥xiiij. ℥ij. gr. lx. in calcinatione ℥xiiij. ℥v. gr. xxxiiij. .

Betulæ folia sale essentiali tartareo , nitroso & aliquantisper ammoniacali cum multo oleo bituminoso permixto donantur . Lignum minorem olei quantitatem continere videtur & minus terræ . Chymici observant optimos ex Betula parari carbones , ad fundenda metalla peridoneos ; sane ratione bituminis copiosi quod in illis continetur .

Folia aperiendi , resolvendi & potenter abstergendi facultate sunt prædita.

Coſta

Cocta cum aqua & imposita pro epithemate adversus hydropem & scabiem a S. Paulli & Friderico Hoffmanno commendantur. Cortex & ramuli teneri ad eadem valent. S. Paulli narrat se balneo ex tenellorum ramulorum & corticis decocto parato honestissimam matronam scabie pruriginosa universali, quam ex contagio contraxerat, laborantem sanavisse. Cortex aerem halitibus malignis & pestilentialibus inquinatum suffitu corrigere dicitur, præsertim ad inferiorem caudicem natus. Horum suffimentorum duo adsunt specimina a Medicis Vvratislaviensibus proposita, ad puras necnon etiam infectas ædes pestis tempore fumigandas.

24. Baccar. Juniper. M. iiij. Rutæ virentis, Absinth. radic. Helen. corticis Betulæ inferius circa caudicem nati ana M. ij. Folior. Quercus ʒj. Myrrhæ rubr. ʒiiij. Exsiccentur & fiat l. a. pulvis pro fumo purarum ædium a contagio præservandarum.

24. Baccar. Juniper. M. iiij. Rutæ virentis, Absinth. radic. Helenii, corticis Betulæ ex caudice inferiori detracti, cornu Hirci rasi, non castrati, Sabinæ, pilor. Hirci, ana M. ij. Folior. Quercus, Myrrhæ ana ʒj. Fiat pulvis pro domibus contagio infectis.

Humoris verno tempore ex Betula profluentis vim & efficaciam in calculo renum & vesicæ, in stranguria & urina cruenta Tragus, Helmontius & alii non immerito celebrant. Hic humor colligitur vel ex cortice ejus terebra perforato, cui filum laneum vel xylinum inseritur, vel ex ramorum extremis præscissis antequam folia erumpant: simulatque enim hæc apparent, liquor, qui exstillat nullius est usus, inquit Helmontius. Ante germinationis tempus collectus saporem habet suavem, acidulum, quasi Terebinthinaceum, & facile acescit. Servatur autem optime vasis & lagenis prope clausis, superaffundendo tantisper olei Olivarum ad aeris contactum arcendum: vel etiam leni committitur fermentationi, quam liquor ille musti ad instar facile concipit, donec in liquorem convertatur potulentum & quasi vinosum: sic enim gratum saporem retinet & per totum annum servari potest. Cyathus unus aut alter hujus humoris Betulini hauritur matutino tempore, jejuno ventriculo. Nonnulli eum ad ℥ij. tresve propinant in phthisi incipiente aut ad calculi præservationem. Diuresim promovet, sicque calculos renum & vesicæ propellit, eorum generationem impedit, & ipsum paroxysmum nephriticum sedat; quapropter a nonnullis Betula vocatur lignum nephriticum Europæum, & succedaneum habitur ligno nephritico ex Indiis allato. Ut major ipsi concilietur vis diuretica, cuilibet haustui potest admisceri aliquid vini cui primo vel radix aut semen Raphani, semen Lithospermæ, vel baccæ Alkekengi infusæ sint. Podagricis confert humorem podagræ causam per urinæ vias eliminans. Dysuriis & stranguriis quibus senes obnoxii sunt medetur. In scorbuto Cerevisiæ recenter coctæ & liquori Betulæ æquali proportionem simul mixtis immittunt nodulum ex antiscorbuticis, sumuntque pro potu ordinario. In ictericis, cachecticis, item melancholia hypocondriaca egregii est usus. Hepatis, lienis, mesenterii obstructions nitroso sale suo reserat & curat crassos succos resolvendo. Ettmullerus illum mense Martio per aliquot dies haustum ad massam san-

sanguineam tenuiorem, & puriorem efficiendam apprimè convenire asserit : In scabie quoque commendatur, tum externe, tum interne adhibitus. Idem tamen Ettmullerus observat, hunc succum sanguineam molem adeo purgare ut etiam usu suo quosdam scabiosos reddiderit, dum scilicet heterogenea salia ex massa sanguinea secreta & intra cutim defixa, pathemata illa scabiosa produxerunt : sed brevi ab illius usu continuato perfecte sanantur. Gualther. Needham Medicus apud Anglos celebris hoc succo partim mero, partim cum melle permixto phthisim scorbuticam, referente J. Rajo, non semel curavit. Quidam hunc succum distillant, & creber ejus potus cum aqua Sambuci in hydrope laudatur. Aqua præcipue commendatur ad vulnerum abstersionem & curationem. Simon Paulli hunc succum jonthis seu varis faciei certo experimento mederi affirmat : si interdium, & præsertim mane & vespere facies colavetur, atque non deterfa siccescat.

B I S T O R T A.

Bistortæ duæ sunt species in Officinis usitatæ, una radice minus intorta, altera radice magis intorta, quarum radices promiscue venales prostant in seplasiariorum officinis, & iisdem virtutibus donantur.

Bistorta vulgaris radice minus intorta, *Offic. Bistorta major*, radice minus intorta, *C. B. P. 192. Inst. R. H. 511. Bistorta major*, rugosioribus foliis, *J. B. 3. 538. Bistorta*, *Dod. Pempt. 333. Colubrina*, & *Dracunculus major*, *Brunsfelsii* : *Serpentaria fœmina*, & *Colubrina*, *Fuchsi* : *Bulapathum* seu *Bistorta* : vulgo *Bistorte*.

Ex radice crassa, oblonga, geniculata, articulum digiti complicatum referente, nonnumquam retorta, multis fibris capillata, foris fusca vel ex spadiceo nigricante, interiore vero pulpa non intense rubente, gustu austeriusculo adstringente, folia in longiusculis pediculis promit oblonga, lata, & acuminata, Lapathi similia, verum minora, venosa, superne, quidem atrovirentia, inferne vero glauca : inter quæ mediæ exeunt caules pede altiores, tenues, glabri rotundi, geniculati, minoribus aliquot foliis circumvestiti : in quorum fastigio spica florum nascitur aperalorum, qui scilicet ex plurimis staminibus constant, cum apicibus coloris carnei, & ex calyce quinquifido, & concolori surgentibus : pistillum abit in semen triangularem rufum & fere nigricans, splendens : in capsula, quæ calyx floris fuit reconditur. In hortis colitur. Sponte crescit in regionibus calidis super altiora montium juga, in locis humentibus. Radix in usum venit.

Bistorta radice magis intorta, *Off. Bistorta major*, radice magis intorta, *C. B. P. 192. Inst. R. H. 511. Bistorta media*, folio minus rugoso, *J. B. 3. 538. Serpentaria mas*, seu *Bistorta*, *Fuchsi*.

A priori differt foliis minoribus & lævibus, radiceque magis intorta & complicata. Hæc radix exsiccata ex calidioribus regionibus nobis affertur. Iisdem virtutibus donatur.

Analysi chymica, ex radicibus Bistortæ recentium ꝑlv. prodierunt humoris limpi-

limpidi, subacidi, aliquantisper odorati, aromatici, cum olei essentialis guttis aliquot ℥ij. ℥ij. 3j. gr. xliij. humoris primo limpidi, aromatici, deinde rufescentis, manifeste acidi ac subausteri ℥xij. 3vij. gran. lx. humoris fusci, empyrenmatici, manifeste acidi, subalsi 3vij. 3vij. olei spissi ad instar extracti 3j. 3ij. gran. xl. Massa nigra in retorta residua pendebat 3xiiij. gran. xxiiij. quæ igne reverberii calcinata reliquit cinerum 3ij. 3vj. gr. xlvij. ex quibus salis fixi mere alcali 3ij. gr. xl. lixivio extracta sunt. Partium jactura in distillatione fuit 3vij. 3ij. gr. xlvij. in calcinatione 3xj. 3j. gr. xlvij.

Hæc radix continet salem essentialem aluminosum seu acidum terra & oleo, cum tenuj, tum crasso ac bituminoso copioso involutum.

Virtute balsamica, vulneraria & adstringente donatur. Usurpari solet adversus omnes affectus in quibus adstrictione opus est, ut urinæ incontinentiam, gonorrhæam, menses nimios, sanguinem e vulneribus manantem, sanguinis sputum, vomitiones biliosas, dysenteriam, aliasque alvifluxiones.

Recensetur quoque inter alexipharmaca & sudorifera; quapropter ad febres malignas, variolas, pestem, & dysenteriam malignam usurpatur, & sæpius cum Tormentilla consociatur. Verumtamen diaphoreticam, & sudoriferam virtutem illi sicut & Tormentillæ S. Pauli denegat; vim exsiccantem solum & refrigerantem aut incrassantem concedendo. Reipsa si in peste & in malignis febribus Bistorta præstantissima sit, sane quia sanguinis æstum compescit, nimiamque dissolutionem ejus coercet, tum sale suo luminoso, tum etiam bituminoso suo sulphure, quibus acres massæ sanguineæ sales retunduntur, irretiuntur. Radix recens vel siccata usurpatur in pisanis, & apozematibus adstringentibus ab 3ß. ad 3j. in aq. comm. ℥ij. ad ℥ij. Pulvis exhibetur a 3ß. ad 3j. cum conserva Rosar. rubrarum mixtus vel liquore idoneo dilutus, ejus infusum in vino ab 3ij. ad 3iiij. propinatur. Pulveris Bistortæ 3ß. cum pari Succini portione ex ovo sorbili diebus aliquot continuis usurpata abortum prohibet, auctore J. Rajo. Ettmullerus in hæmorrhagia ex febris maligna hunc pulverem ad 3j. feliciter exhibuit. Sylvius decoctum ejus ad fluxus sanguinis uterinos nimios post partum, qui contingunt ex retentione particularum secundinæ stimulantium ad excretionem, sicque sanguinis fluxum inducentium, præscribit permixtum cum uterinis & leniter expellentibus. Sic enim apprimè conducit secundinæ reliquiis expellendis & hæmorrhagiæ sedandæ. Ejusdem radice decoctum adversus mulierum florem album commendatur.

℥. Rad. Bistortæ minutim concisæ 3j. Glycyrrhizæ rasæ & contusæ 3j. Rasuræ C. C. 3ß. Radic. Graminis M. j. Coquantur in aq. comm. ℥iiij. ad ℥ij. Fiat colatura pro potu solito in alvi fluxu variolis superveniente.

℥. Rad. Bistort. pulver. 3ß. Conserv. Rosar. rubr. 3j. Syr. Berberis q. s. M. F. bolus adstringens in dysenteria, & alvi fluxu.

℥. Rad. Bistort. 3j. Coquantur in aq. comm. 3xvj. ad 3x. Adde fol. Majoran. & Pulegii ana M. j. Vini albi 3xij. Digerantur in vase clauso. Infusum refrigeratum transcoletur. Colatura dilue syr. de Artemisia 3ij. Adde aq. Cinnamomi 3ß. Dosis 3ij. bis terve die, in hæmorrhagia uterina ex secundinæ portione retenta, Vel

℥. Rad.

℥. Rad. Bistortæ pulv. ℥ij. Corall. rubr. pp. Cinnamomi acuti pulver. & Boracis ana ℥j. Croci pulver. ℥ss. M. F. pulvis pro duabus dosibus cum syrupi Kermisini q. s. sumendus.

Bistortæ radix usurpatur in Aceto theriacali *Charas*, in pulvere dysenterico *Ejusdem*, & in Electuar. *Diascordio Fracastor*.

B O L E T U S.

Boletus esculentus vulgaris : Boletus esculentus, *Inst. R. H.* 561. Fungus porosus, *C. B. P.* 370. Fungus rugosus vel cavernosus, sive *Merulius niger*, & albus, *J. B.* 3. 836. Primi generis Fungorum esculentorum 3. species, *Clusii Histor.* 363. Fungus spongiosus, *Dalechamp. Lugd.* Fungi terreni præcoces, *Spongiolæ* nonnullis, *Dodon. Pempt.* 481. Fungi favaginosi, sive Fungi rugosi favis mellis similes, *Lobel. Belg. vulgo*, *Morilles*.

Plantæ genus est cujus flores, & fructus adhuc ignoti sunt. Nucis Juglandis magnitudinem sæpe æquat, nonnumquam superat, substantia carnosus, totus circumquaque scrobiculis pervius ut favos apum imitetur, ex albo nonnihil rubescens, fulvus, aut niger, interiori parte cavus, albus, & velut farinaceo quodam lævore aspersus. Pediculus vero, qui Fungi corpus sustinet, totus albus, cavus, & infima parte tenuibus radiculis filamentosis instructus est.

Clusius quatuor hujus Boleti species observavit, quæ magnitudine, figura & colore differunt. Verno tempore reperitur in sylvis Vitæ sanæ, vernaculo idiomate, *Vincennes*, in sylvis Castelli regii sancti Germani dicti, & in valle pagi *Montmorency* dicti. Ad usum culinarium tantummodo colligitur.

Analyti Chymica, ex Boletor. esculentor. recentium ℔v. per retortam distillatis prodierunt humoris limpidi Boletorum odorem, saporemque referentis, primo subacidi, deinde acidi manifesti ac tandem intensi ℔ij. ℥viiij. ℥j. gr. lx. humoris limpidi, intense acidi ℔j. ℥xiiij. ℥iij. gr. xxxvj. humoris primo rufescentis, limpidi, acidi & subsalsi, deinde rufi sale volatili urinoso copioso imprægnati ℥j. ℥vj. gr. xxxvj. salis volatilis urinosi concreti gr. xlvij. olei fluidi ℥j. ℥iij. gran. xxx. Massa nigra in retorta residua pendebat ℥iiij. quæ igne reverberii calcinata reliquit cinerum ℥j. ℥v. ex quibus salis fixi salsi ℥iiij. gr. xlvij. lixivio extracta sunt. Partium deperditio in distillatione fuit ℥ij. gran. vj. in calcinatione ℥ij. ℥iij. Itaque Boleti salem essentialem continent tartaro similem, cum sale ammoniacali conjunctum, cum oleo copioso permixtum, & multo phlegmate dilutum.

Boletus tum recens, tum exsiccatum ob gustum suavissimum in deliciis habetur variis modis præparatus, & hominum palatum variis condimentis oblectatur. Appetitum excitat, sanguinis motum auget, vires instaurat, sed parum nutrit: usa nimio sanguinem accendit: quapropter biliosis, & calidis naturis noxius censetur.

Boletus olim exitio Claudii Imperatoris nobilitatus fuit. Optimus, inquit Plinius, cibus Boletus est: sed immenso exemplo in crimen adductus veneno Claudio Principi per hanc occasionem dato a conjuge Agrippina. Certum est

est non vitio Boleti extinctum Claudium, sed vi medicamenti quo imbutum fuisse omnes tradunt. Hinc medicatum Boletum dixerunt.

BONUS-HENRICUS.

BONUS-Henricus, & Tota-bona, *Off.* Chenopodium folio triangulo, *L. R. H.* 506. Lapathum unctuosum folio triangulo, *C. B. P.* 115. Bonus-Henricus, *J. B.* 2. 965. Tota-Bona, *Dod. Pempt.* 651. Rumex unctuosus, *Tragi* 319. Spinacia sylvestris, *Matthiol.* Mercurialis, *Anglor.* vulgo *Bon-Henry*.

E radice crassa, sublutea: fibris aliquot donata, acris & amara plures emittit caules striatos, concavos partim erectos, partim supinos, brevi lanugine hirsutos, pedales aut cubitales: folia triangula, triplicis aut Arisimilia, & interdum paria, superne glabra, inferne farina tenui respersa, longis pediculis nixa, caulibus alternatim adnata, sapore nonnihil nitroso. Flores in summis caulibus nascuntur conferti in thyrsis, exigui, apetalis, plurimis scilicet staminibus constantes luteis, ex calyce multifido surgentibus. Eorum pistillum abit in semen parvum, orbiculatum, planum, ad renis figuram accedens, per maturitatem nigrum, in capsula veluti stelliformi, quæ floris calyx fuit, reconditum. Herba integra in usum venit. In incultis locis ac ruderalis, secus vias, veteres muros & agrorum sepiamenta frequenter reperitur, aut etiam in oleraceis excolitur.

Analyti Chymica, ex totius plantæ cum semine, & radice ℥v. per retortam distillatis, prodierunt humoris limpidi, odoris, & saporis herbacei, occulte acidi ℥xv. ℥j. gr. xij. humoris limpidi, ejusdem odoris saporisque manifeste ac tandem intense acidi ℥ij. ℥xij. ℥ij. gr. xxxvj. humoris rufescentis, empyreumatici, intense acidi, subsalsi, subausteri ℥j. ℥iiij. gr. xxx. humoris rufi, empyreumatici sale volatili urinoso copioso imprægnati ℥j. ℥v. gr. lx. olei crassi ad instar syrupi ℥j. ℥iiij. gr. xxxvj. Massa nigra in retorta residua pendebat ℥viiij. ℥iiij. quæ calcinata reliquit cinerum leucophæorum ℥iiij. ℥viij. gr. lx. ex quibus sali fixi mere alcali ℥j. ℥j. gran. xlv. lixivio extracta sunt. Partium deperditio in distillatione fuit ℥vj. ℥j. gr. xliij. in calcinatione ℥iiij. ℥iiij. gr. xij. Itaque hæc planta continet sallem essentialem nitroso ammoniacalem oleo copioso permixtum & multo phlegmate dilutum, & ex hac mixtura compositum lentum & aliquantisper mucaginosum.

Hujus plantæ turiones, germina novella, florum thyrsi dum adhuc teneri sunt, & folia in aqua aut carniū jure decocta & cum butyro & sale condita comeduntur: sed parum nutrimenti præbent. Alvum emolliunt & laxant.

Ejusdem folia concisa aut confusa externe admota vulnera recentia unguunt, ulcera sordida & vetustiora expurgant & detergunt, & vermes, si qui in eis enati fuerint, interimunt, tumores digerunt atque resolvunt, doloresque sedant. Simon Paulli, in *Quadripartito Botanico* non sine felici successu totam plantam cataplasmatibus forma ad mitigandos podagricos dolores adhiberi semel atque iterum apud plebejos observavit: nec quidquam

quam periculi timendum esse affirmat, cum non repellat, sed discutiat, & digerat; imo insuper anodyna est: quæ qualitates raro in uno simplici conveniunt.

24. Folior. Boni-Henrici recentium M. iij. Flor. Sambuc. & Chamæmeli siccor. ana M. ij. Contund. grosse: coquantur in s. q. aq. Sambuc. ad putrilaginem. Tum adde gumm. Carann. ℥ß. Camphor. ℥ß. Fiat lege artis cataplasma ad podagram parti dolenti applicandum, præmissis prætermittendis.

B O R R A G O.

Borrage, Off. Borrage floribus cæruleis, J. B. 3. 574. Inst. R. H. 123. Buglossum latifolium, Borrage flore cæruleo, C. B. P. 256. Buglossum sive Borrage, Matthiol. 1186. Borrage, Dod. Pempt. 627. Corago quorundam: vulgo, *Bourrache*.

Radice est alba, digitum crassa, fibrata, mansu viscida: foliis latis, subrotundis, e viridi nigricantibus, asperis, rugosis & plicatis, per terram sparsis, eminentibus pullis, tenuissimisque aculeis: caule hispido, terete, inani, cubitali, ramoso. Flores ejus in cacuminibus ramulorum nascuntur eleganter cærulei, raro carnei aut albidi, pediculis uncialibus & sesquiuncialibus insidentes, purpurascens, & deorsum incurvatis. Monopetali sunt, rotati, in quinque segmenta acuminata divisi, cum umbone acuto in medio e quinque apicibus nigricantibus fastigio coeuntibus pyramidis in modum coagmentato, & segmento oblongo purpurascens cuique apici seu cincinnulo extrorsum appposito calyce quinquifido, acuminato, viridi, hirsuto sustinentur, ex quo surgit pistillum posticæ floris parti ad instar clavi infixum & quatuor veluti stipatum embryonibus qui deinde abeunt in totidem semina nuda, viperini capitis æmula, basi lata, mucrone acuto rugosa, per maturitatem nigricantia, quæ in calyce ipso longe ampliato maturescunt. Tota planta succo donatur viscido & fatui saporis. In hortis colitur. Radices, folia, & flores in usum veniunt.

Analyti chymica, ex totius Borraginis recentis cum radicibus ℔v. per retortam distillatis prodierunt humoris primo limpidi, deinde albicantis, odoris & saporis lixiviosi, subsalsi ℔ij. ℥ix. ℥vj. gr. xlij. humoris primo limpidi, deinde rufescentis ejusdem odoris & saporis, sed debilioris, qui primo subsalsi, deinde subacidi notas præbuit ℔j. gr. lxx. humoris rufi, sale volatili urinoso copioso imprægnati ℥v. gr. xxxv. olei spissi ad instar extracti ℥v. gr. ij. salis volatilis urinosi concreti gr. xj. Massa nigra in retorta superstes pendebat ℥ij. ℥ij. gr. lx. quæ igne reverberii calcinata reliquit cinerum ℥j. ℥ij. gr. lj. ex quibus salis alcali fixi ℥v. gran. xxiv. lixivio sunt extracta. Partium jactura in distillatione fuit ℥ij. ℥ij. gran. lxxvij. in calcinatione ℥j. gr. ix.

Borrage exsiccata & super prunas projecta comburendo plurimas edit fulgurationes nitri ad instar, & revera salem essentialem continet nitroso ammoniacalem, qualis ex mixtura spiritus nitri & spiritus urinæ exurgeret. Quemadmodum autem sal ille medius numquam concreveret in salinam formam, ita pariter nitrosum acidum in Borragine contentum non concrevit cum urinoso sale in salem essentialem aut potius in nitrum nisi calce.

calce aut sale alcali fixo imprægnetur, quæ cum sale acido nitroso avide confociantur, & urinosum salem dejiciunt. Radicum succus Heliotropii tincturam efficit rubram: dilutior est tinctura ex florum succo. Nulla vero a foliorum succo hujus tincturæ fit mutatio, unde conjicere licet acidum in radicibus magis evolutum esse, minus in floribus, at in foliis sulphure & terra magis implicitum esse.

Borrago, licet temperata censeatur, inter cardiaca medicamenta numerari solet. Vis corroborandi, lipopsychiam removendi, lætitiæ melancholicis excitandi, & sanguinem defœcandi omnibus ejus partibus vulgo tribuitur. Vulgari tamen sententiæ C. Hoffmannus adversatur, qui Borruginis partes aut præparata in affectibus cordis biliosis, ad cor muniendum in febribus pestilentibus, in ictu serpentum aliisque venenis frustra adhiberi se novisse affirmat. Sed in hac sententiarum diversitate non possumus quin multum concedamus sali nitroso ammoniacali, quo hæc planta donatur utpote digestivo potentissimo. Humores enim lentos, tenaces, & crassos dissolvit, dividit & attenuat, sanguinem fluidiorem efficit, obstructions tollit, secretiones, & excretiones restituit, urinas promovet, vel sudores excitat, expectorationem provocat. Quapropter in calida, ut vocant, viscera intemperie a succis crassis, stagnantibus, acrioribus factis, & phlogosim minantibus hæc planta utiliter præscribitur: in pleuritide, peripneumonia, morbisque inflammatoriis incipientibus, in affectionibus extra bile oriundis, melancholicis nempe hypocondriacis, & hystericis, in cordis palpitatione, in cachexia, & mensium suppressione a succorum crassitie, aut ab irritatione membranarum, ubi calidiora medicamenta vitanda sunt, ægrotantes ab illius usu diuturno non parum levaminis recipiunt.

Radices, folia & flores usurpantur in decoctis, & jusculis alterantibus. Succus ex foliis contusis extractus & defœcatus propinatur ab ℥ij. ad ℥iiij. vel ℥vj. nonnumquam permiscetur cum succis Buglossi, Chærefolii & Cichorii sylvestris, & edulcoratur cum syrupis pectoralibus vel laxantibus pro libitu.

Succi harumce plantarum, aliarumque per residentiam spontaneam solam defœcantur, vel per levem ebullitionem, despumationem, & colaturam. Reipsa per solam residentiam purgati majoris sunt energię; verum illis quorum ventriculus imbecillior est, nocent, ventriculum enim gravant. Idcirco levi decoctione indigent. Nec adeo effœti sunt illi succi ut nonnullis videretur. Alius plantarum succos obtinendi modus a Th. Fullero in sua *Pharmacopœa extemporanea* proponitur, non contemnendus.

℥. Borragin. q. l. Concisa & leviter contusa ponatur in olla fictili vitreata cum operculo debite obturato, quæ clibano calido post panes extractos indita stet per sex horas. Dein massa in colum effusa, liquor clarus diffluens servetur ad usum.

Quandoquidem per hyemem plantarum succi facile obtineri nequeunt vere vel æstate, dum herbæ vigent, earum succos extrahere & rite reconditos ad usum medicum asservare expedit. Cum autem facile corrumpantur, triplicem illorum conservandorum modum idem Fuller proponit: 1. Scilicet affuso oleo olivarum, mediante quo a mucore & acore per tempus præservantur: 2. Post ali-

aliqualem phelgmatis exhalationem, & despumationem ad quartæ partis consumptionem coquuntur. Deinde pro unaquaque succorum libra spiritus vini ℥ij. vel iij. adjiciuntur. 3. Per residentiam spontaneam despurati succi immittuntur vasis halitu sulphureo conditis. Nimirum tæda sulphurea incensa in vase suspendatur, ita nebula alba totam lagenam implebit: hoc tamdiu fiat donec a fumo sulphuris extingatur: deinde lagena succo repleta claudatur. Ita per longum tempus succi incorrupti commode conservari possunt. Verum ab acido sulphuris fumo nonnihil immaturi possunt, ad quod attendendum est.

Flores Borriginis inter flores cordiales recensentur, nempe Borriginis, Buglossi, & Violarum, quibus nonnulli Rosas addunt. Recensentes in acetariis comeduntur: vino injecti animum exhilarare dicuntur. Ex his conditum in Officinis, & syrupus præparantur. Exsiccati quoque servantur. Verum observandum est, hos flores, quando exsiccantur, exiguæ admodum virtutis esse, & tunc ad medelam ægrotantium parum conferre.

Ex integra planta aqua distillatur, & extractum conficitur.

Borrigo, & Buglossum sæpius consociantur, & iisdem fere virtutibus donantur.

R. Succor. desecator. Borrigin. Bugloss. ℥j. Dilue syrup. Violar. Tusilagin. aut Caryophyll. hortens. ℥ij. Distribuat in quatuor doses quarta quaque hora interjectis jusculis propinandas, in plerutide, peripneumonia, & febribus inflammatoriis. Sæpe etiam succi Chærefolii, & Cichor. sylvestris adjiciuntur ad diuresim promovendam, & viscerum obstructions potentius referandas.

R. Radic. Borrigin. & Cichor. ana ℥j. Folior. Borrigin. Bugloss. Lactuc. & Agrimon. ana M. j. salis prunellæ vel polychrestæ ℥j. Decoquantur cum pullo gallinaceo, aut frustullo colli carnis vitullinæ. Fiant juscula duo mane & sero sumenda, ad sanguinis æstum compescendum, viscerum obstructions referandas; in cachexia, chlorosi, aut hydrope incipiente.

Borrigo usurpatur in illo apozemate satis noto quod vocatur jusculum *D. De Lorme*, cujus descriptionem alibi dedimus. Ejus succus usurpatur in Electuar. de Psyllo correcto *Charas*, & in syrupo de pomis composito *Ejusdem*, Syrupo Mercurialis seu *De longa vita* dicti, de Eryfimo *Lobelli*.

B O T R Y S.

DUÆ plantæ hujus generis in usum medicum veniunt, scilicet Botrys ambrosioides vulgaris & Botrys ambrosioides Americana.

Botrys ambrosioides vulgaris: *Off. Chenopodium ambrosioides*, folio sinuato: *Inst. R. H.* 506. & *Raii Histor.* 196. Botrys ambrosioides vulgaris, *C. B. P.* 138. Botrys: *Dod. Pempt.* 34. Atriplex odora seu suaveolens: *Morriff. Hist.* Botrys plerisque Botanicis: *J. B.* 3. 2. 298. vulgo: *Piment*.

Radice est parva, alba, recta descendente, paucis fibrillis donata: caule dodrantali, aut pedali, terete, rigido, erecto, hirsuto, crebris foliis alternatim positis vestito, ab imo statim ramoso: foliis Quernorum æmula divisura u rinque laciniatis, ac profundius incis, venis majoribus rubri

insignitis , pediculis longis insidentibus , cum primo emergunt , rubris ; postea pallescentibus . Flosculi ad tactum glutinosi in summis caulibus , & ramulis numerosissimi , longa serie velut in spicas laxas digesti sunt . Ex uniuscujusque autem folioli sinu duo exeunt furculi , & velut racemuli flosculis , & seminibus onusti . Hi furculi divisionibus suis *Αιχόρομον* observant , & in unoquoque divaricationum angulo flosculus sedet nullo pediculo , itemque in ipsis foliorum alis inter pediculos furculorum modo dictorum . Flosculi apetalii sunt , plurimis scilicet staminibus constantes , ex calyce herbaceo multifido surgentibus . Singulis singula succedunt semina Sinapeos similia , sed minora multo in capsula , quæ calyx floris fuit , inclusa .

Tota planta odorata est cum quadam graveolentia non insuavi , saporis subacris , aromatici , & resinoso quodam lentore prædicta , quo colligentium manus inficit .

Sponte nascitur in Gallo-provincia circa profluentes aquas , & fontes , in aridis , arenosisque locis . Facile nostris in hortis adolescit . Herba integra usitata est .

Analysi chimica , ex hujus plantæ floridæ dempta radice ℥v. per retortam distillatis , prodierunt humoris limpidi , odoris , & saporis aromatici , subamaricantis , acris , obscure falsi , & obscure acidi ℔ij. ℥j. gr. xxxvj. humoris primo subacidi , deinde manifeste acidi , tandem subausteri ℔ij. ℥iiij. humoris rufescentis , limpidi , sale volatili urinoso copioso impregnati ℥ij. gr. xxxvj. olei spissi ad instar extracti ℥j. ℥j. gr. xij. Massa nigra in retorta superstes pendebat ℥iiij. gr. vj. quæ igne reverberii calcinata reliquit cinerum leucophæorum ℥ij. gr. lx. ex quibus lixivio salis fixi mere alcali ℥vij. gr. xxx. extracta fuere . Partium jactura in distillatione fuit ℥iiij gr. liiij. in calcinatione ℥j. ℥vij. gr. xviiij.

Hæc planta sale essentiali ammoniacali cum oleo tum tenui , tum crasso conjuncto donatur .

A recentioribus ad pectoris affectus pituitosos magnopere commendatur , præsertim in tussi , & asthmate humido , & orthopnœja . Infusum in vino aut hydromelite , aut in aqua bulliente instar Theæ mane , & vesperi ad ℥vj. propinatur , vel herbæ siccæ pulvis cum melle vel syrupo idoneo ad ℥j. exhibetur . Sic pulmonum infarctum referat , mucum spissum incidit , attenuat , & expectorationem promovet . Purulenta exspuentibus mirifice auxiliatur , attestante Matthiolo . Pulmonum ulcera detergit , & vomicas sanat . Camerarius in *Horto suo* scribit in Misnia herbam mandi , & cum paucis vino deglutiri , vel etiam fieri ex ea cum melle electuarium ad pulmonis vitia præstantissimum .

Puerperarum flatulentos dolores colicos , & abdominis inflationem sedat . Præterea expertam Ettmullerus asserit in inflammatione hypochondriorum infantum , in qua succus cum pulve permixtus exhibetur .

Externe admota herba ipsa recens facit quoque ad uteri dolores , & ad puerorum flatulentam abdominis distensionem , si in calenti tegula , vino generoso irrorata calefiat , & ventri imponatur . Eadem quoque una cum Matricaria , & Chamæmeli floribus puerperarum a partu cruciatibus

tibus auxiliatur, & est præsentaneum auxilium, ubi simul omnia concisa in oleo Liliorum in patella parumper coquantur, & deinde ovis galinaceis excipiantur, simul misceantur, coquanturque quod placentæ formam referant, & calida ventri superponantur.

Aqua ejus distillata servatur in Officinis, & epota ad dolores post partum leniendos, & hyponchondriorum infantum inflationem sedandam perutilis censetur.

℞. Botryos M. j. Infund. in aq. cal. ℥vj. Colaturæ adde mell. Narbonens. q. s. Sumat æger infusum calens instar Theæ in orthopnœa, tussi & asthmate humido.

℞. Botryos exsicc. & pulver: q. s. Adde Mel. despumati q. s. Fiat Electuar. Dosis ℥j. ter quaterve die adversus vomicas pulmonum.

℞. Herbæ Botryos recentis M. vj. Capillor. Vener. M. iij. Passular. Corinthiacar. ℥ss. Glycyrrhiz. rasæ ℥iij. Incisa & contusa infund. in aq. Botryos q. s. Coquantur. Fiat colatura, cui adde succi Botryos ℥iij. Succu Hederæ terrestr. ℥ij. Sacchari albi q. s. Coq. Fiat syrupus s. a. Sumat æger ℥j. mane & vesp̄ri cum cyatho infusi Botryos in phthisi incipiente, ulcere pulmonum, & purulenta expuitione.

Nonnulli inter vestes Botrym reponunt ad tineas abigendas & ad odoris suavitatem communicandam.

Botrys ambrosioides Americana, Off. Chenopodium ambrosioides Mexicanum: *Institut. R. H.* 506. Botrys arabrosioides Mexicana: *C. B. P.* 138. & *App.* 516. Epazotl seu Atriplex odorata Mexicana, *Hernandez* 159.

Radice est oblonga, fusca, capillaribus fibris cincta, intus candida: caule pedali, etiam altiore, eoque subrubente quandoque, rotundo, striato, pilis levissimis, & rarissimis aspersis: foliis pallide virentibus, Atriplicis sylvestris vulgaris forma similibus, oblongis, sinuatis, & absque ordine caulem ambientibus. Ad singulorum exortum ramuli, ut in Atriplice emergunt, pluribus velut capitulis alternatim dispositis onusti, quibus singulis foliolum exiguum subjicitur, quibusque apertis flosculi exigui luteoli, ut in Botry vulgari conspiciuntur, hisque semen minutum, copiosum succedit. Tota planta odorem gravem sed non ingratum spirat, & saporem aromaticum ad Cuminum accedentem refert.

Analyti chymica, ex foliorum, & summitatum recentium Botryos Americana ℥v. prodierunt per B. V. humoris limpidi, odorati, saporem resinofum, & subamarum referentis primo obscure acidi, ac tandem subacidi ℥iij. ℥xiiij. ℥ij. gr. ljj. cum olei essentialis flavescentis gr. lxxix. deinde per retortam humoris subfalsi, subacidi, & urinofi ℥ij. ℥iij. gr. xvij. humoris rufescentis, obscure acidi, manifeste alcali, urinofi, & sale volatili urinoso copiosa imprægnati ℥iij. gr. x. salis volatilis urinofi concreti ℥j. gr. iij. olei adiposi ℥iij. vij. gr. x. Massa nigra in retorta superstes pendebat ℥vj. ℥j. gr. lvij. quæ calcinata reliquit cinerum leucophæorum ℥ij. ℥vj. gr. ix. ex quibus salis fixi mere alcali ℥vij. gr. lxxvj. lixivio extracta sunt. Partium jactura in distillatione fuit ℥v. ℥j. gr. lxxix. in calcinatione ℥iij. ℥iij. gr. xlviij.

Per hanc analysim manifestum est , Botrym Americanam continere salem ammoniacalem multo oleo tum tenui , tum crasso conjunctum . Multo plus salis volatilis urinosi , & olei in eaprehenditur quam in vulgari Botry .

Hæc planta sudores , urinas , & menses potenter movet , flatu discutit , & ventriculum roborat . Francisc. Hernandez herbam crudam coctamve adjectam condimentis corroborare scribit , pectori asthmaticis , & obstructis conferre , gratamque alimoniam præbere ; radicum decoctum dysenterias coercere , dissipare inflammationes , & noxia venenis animalia pellere .

B R A S S I C A .

BRassicæ , seu Caulis species non paucæ observantur in hortis excultæ , vel colore , vel forma differentes . Quædam enim sessili folio patulæ sunt ; aliæ contracto capitatæ ; nigræ nonnullæ , vel rubræ : pleræque albidæ , vel etiam saturato colore virentes jam ex lævi folio istæ , illæ vero crispo aut laciniato . Est etiam , quæ ex florido caule Cauli-flora dicitur , sicut ex tumente caule Caulo-rapa . Quarum varietatum præcipuæ , & magis usitatæ sunt , Brassica capitata alba , Brassica capitata rubra , Brassica rubra vulgaris , Brassica alba vulgaris , Brassica alba crispa , Brassica cauli-flora .

Brassica capitata alba : *Olitorum* , C. B. P. 111. J. B. 2. 826. *Inst. R. H.* 219. Brassica capitata albida : *Dod. Pempt.* 623. vulgo : *Chou pomme blanc* .

Ex alba , & fibrata radice caulem producit humilem , crassum , albicantem , crasso cortice tectum , medulla parum acri , & subdulci . Folia quæ primum erumpunt lata habet , & ampla , nullis insignibus laciniis sinuata , longis , crassis pediculis hærentia , costis nervisque albicantibus crassis intertexta , colore cæsius aut cinereo cærulescente , quorum inferiora evulsa , aut sponte decidua stertitem relinquunt densa vestigiorum serie rugosum & inæqualem : superna vero , quæ remanent , lata quoque & subrotunda , & ex viridi albicantia , aut cæsia , mutuo incubitu in caput maximum nonnumquam ultra libras quadraginta ponderantem , durissimum , conglobantur tam arcto amplexu , ut difficile separentur . Horum interiora plane albicant . Porro glomer , adveniente vere , quo tempore seminii ergo plantari solet , parum dehiscens , e medio caulem erectiorem profert , floribus onustum cruciformibus , qui scilicet quatuor petalis constant luteis aut luteo pallidis , calyce quadrifido , ex quo surgit pistillum quod deinde abit in fructum seu siliquam teretem , longam , tenuem , cylindraceam , septo medio cui valvæ imbricatæ utrinque adhærescunt , in duo locula menta divisam , seminibusque fœtam subrotundis , nigricantibus .

Brassica capitata rubra : *Olitorum* : Brassica capitata rubra C. B. P. 111. J. B. 2. 831. *Inst. R. H.* 219. Brassica rubra capitata : *Dodon.* 621. vulgo : *Cou pomme rouge* .

Quod folia attinet , albæ similia quodammodo sunt : at colore magna varietate ludunt : quædam enim atro-purpurea , quædam atro-virentia , aut etiam dilutius virentia : nonnulla quoque cæsius nebulæ aspersu glauca sunt . At omnes rubris costis , ac nervis intertexta . In reliquis cum alba convenit .

Brassica rubra vulgaris : *Olitorum* : Brassica rubra : C. B. P. 111. *Inst. R. H.*

R. H. 219. & Tabern. Icon. 396. Brassica rubra vulgaris, J. B. 2. 831. vulgo, *Chou rouge*.

Procerior hæc reliquis esse videtur. Stipite namque velut arborefcit duorum, trium aut quatuor pedum, aut etiam cubitorum alto, crasso, atropurpureo, ima parte verrucoso, alias singulo, alias in ramos divaricato: quem folia fortuito positu stipant lata, ex viridi rubentia, alias sanguineo rubore aut obscuriore etiam tota perfusa, non sine obductu nebulæ cujusdam glaucæ, crebro crassarum venarum discursu rugosa, patula, sinuataque. Flores lutei cauli erecto hærent: quos siliquæ excipiunt palmares, in quibus semen rufum, rotundum. Hujus folia patula manent & expansa. Hyemem perfert, ac sæpe, præsertim culta, arboream acquirit proceritatem, firmitatemque, ac ita in plures durat annos. Sæpe etiam laterales producit ramulos. Ramorum extrema adventante vere delicatioribus in acetaria expetuntur.

Brassica alba vulgaris, *Olitorum*: Brassica alba vel viridis, C. B. P. 111. *Inst.* R. H. Brassica alba vulgaris, J. B. 2. 829. vulgo, *Chou blond*, ou *Chou verd*.

Ex radice tophosa surgit stipes qui foliis, nervorumque divisura atque intertextu rubræ quodammodo respondet. Folia tamen subrotunda, auriculata ex longis, crassis pediculis delicatiora videntur, in quorum circuitu ferraturæ quædam apparent. Flores albidi cruciformes sunt in cæteris Brassicis. Tota planta albicat, & cæso quodam colore obducta est.

Brassica alba crispa, *Olitorum*: Brassica alba crispa, C. B. P. 111. *Inst.* R. H. 219. Brassica Sabauda rugosa, J. B. 2. 828. Brassica Sabauda, *Dodon.* 624. vulgo, *Chou frise blanc*.

Hujus folia rotunda, rugosa valde & ita quidem rugis inæqualia sunt, ut singula ceu ex vesicis aut cellulis quibusdam similibus congesta videantur subtus extuberantibus atque prominentibus, averfa parte cavis, & brevibus pediculis hærentia, ex luteolo quodam & atro-virentia & pallide viridantibus costis intertexta. Eadem etiam in densum globum coguntur, sed parvum & candicantem, dum extremitates interim obscurius virent. Flos luteus. Semen ut in reliquis.

Brassica Cauli-flora, *Olitorum*: Brassica Cauli-flora, C. B. P. 111. *Inst.* R. H. 219. Brassica multi-flora, J. B. 2. 828. Brassica florida Botryitis, *Lobel. Icon.* 245. vulgo, *Chou-fleur*.

Perampla hæc quoque fert folia, cubitalia, longiora quam Brassicæ capitatæ albæ, acutiora, nec ita lata, nulla insigni laciniarum divisura, dilute virentia, quædam etiam colore magis glauco, exteriora præsertim nervis candicantibus conspicua, per ambitum nonnihil denticulata & veluti ferrata, sed nec profunde, nec dense. In caput glomerantur sed mollius, minus denso foliorum incubitu formatum: inter quorum sinum cauliculi florigeri densissimo stipatu prodeunt crassi, albidi, molles, qui cocti palato grati, cum suavitate comeduntur. His cauliculis, si per tempus liceat, debitam proceritatem adeptis innascuntur flores & siliquæ aliorum similes.

Hæ omnes Brassicæ species in hortis coluntur ad culinarium usum potius quam ad Medicum. In Officinis Pharmaceuticis præsertim usitata sunt folia Brassicarum rubrarum.

Analyſi chymica, Braſſicæ capitatæ folior. lbv. per retortam diſtillatæ præbuerunt humoris limpidi, odore & ſapore caules coctos referentis, obſcure ſalſi ℥xj. ℥v. humoris limpidi ejusdem odoris & ſaporis, primo obſcure acidi, & deinde manifeſti, nonnihil ſalſi lbij. ℥viiij. gr. xxxv. humoris primo limpidi, deinde ſubturbidi, odoris & ſaporis ejusdem, ſed ingrati, quaſi porracei, intenſe acidi, ſubſalſi & ſubaſteri lbj. ℥vj. ℥j. gr. xxxvj. humoris fuſci, ſale volatili urinoſo copioſo imprægnati ℥j. ℥ij. gr. xxxv. ſalis volatilis urinoſi concreti gr. xx. olei adipoſi, ℥iiij. gr. xxij. Maſſa nigra in retorta ſuperſtes pendebat ℥iiij. gr. vj. quæ calcinata reliquit cinerum ℥v. gr. xl. ex quibus ſalis fixi mere alcali ℥ij. gr. lxxvj. lixivio fuerunt extracta. Partium jactura in diſtillatione fuit ℥j. ℥ij. gr. lxxij. in calcinatione ℥iiij. gr. xxxij.

Per hanc analyſim liquet, Braſſicam capitatam ſale eſſentiali donari tartareo, nitroſo, ammoniacali, cum olei portione mediocri conjuncto.

Ex Braſſicæ cauli-floræ ſummitatum recentium lbv. per retortam diſtillatis prodierunt humoris limpidi, odore plantam referentis, fere inſipidi, obſcure ſalſi & obſcure acidi ℥xiiij. ℥ij. gr. xxxvj. humoris limpidi ejusdem odoris, ſaporisque, obſcure alcali lbiiij. ℥v. gr. xxxij. humoris primo limpidi ejusdem odoris, ſubſalſi, alcali, urinoſi, deinde ruſcentis, ac tandem ruſi, ſale volatili urinoſo copioſo imprægnati ℥v. ℥iiij. gr. xlviiij. ſalis volatilis urinoſi concreti ℥iiij. olei ſpiſſi ad inſtar extracti ℥j. ℥iiij. gr. vj. Maſſa nigra in retorta ſuperſtes pendebat ℥iiij. ℥vj. gr. xxxvj. quæ calcinata reliquit cinerum ℥vj. gr. xxiiij. ex quibus ſalis fixi mere alcali ℥iiij. gr. lxxvj. lixivio extracta ſunt. Deperditio partium in diſtillatione fuit ℥ij. ℥iiij. gr. lxxiiij. in calcinatione ℥ij. gr. ℥ij. Ex hac analyſi concludendum ſalem eſſentialem Braſſicæ cauli-floræ eſſe ammoniacalem.

Braſſicæ decoctum ex aqua ſumme foetet & Braſſica in terram putrefacta tetrum ſpirat odorem. Ille foetor oritur ex ſulphure craſſo & admodum compacto, per ſalia volatilia in putrefactione aliquantisper evecto.

Braſſica omnis apud olitores & coquos magis familiaris eſt, quam apud Pharmacopœos. A quibuſdam veterum pro Medicina univerſali plane habitata eſt. Narrant Romanos per ſexcentos annos ſola Braſſica ad omnes morbos uſos fuiſſe. Etiam medicina magni Catonis audit, qui ejusdem beneficio familiam ſuam a lue peſtilenti immunem ſervaviſſe dicitur. Hodie quamplurimi tum ex magnatibus, tum ex plebeiis eam inter edulia avide appetunt. Ruſtici fere omnes ea veſci ſolent. Verumtamen ex omnium fere Medicorum ſententia difficilis eſt concoctionis, parum nutrit, & ſuccum craſſum, ac melancholicum gignit, quod facile quivis in ſeipſo colligere poteſt ex ruſtibus foetidis ingratisque, quos excitat. Ventrem inflat, halitibus caput replet, mentis operationes hebetiores reddit, ſomnumque turbulentum efficit. Quapropter eam relinquendam cenſemus illis, qui valent ſtomacho, aliisque hominibus qui multis durisque laboribus exercentur. Alba guſtu cenſetur præſtantior rubra, præſertim folia illius interiora quæ tenera, ſuaviſſima, delicatiſſima, concoctuque facilior cauli-flora. Rubra vero ad uſum medicum reſervatur, quæ ſpeciali dote pectori convenire dicitur.

Medici

Medici contrarias distinguunt in Brassica virtutes scilicet alvum solvendi, & adstringendi. Succus qui nitrosus est ammoniacalis, alvum movet; ipsum corpus seu substantia terrena adstringens est. Hinc illud Scholæ Salernitanæ:

Jus Caulis solvit, cujus substantia stringit.

Præterea vis detergens & vulneraria in ea deprehenditur. S. Paulli vidit verrucas illitas succo Brassicæ spatio 14. dierum evanuisse in ancilla quadam cui manus oblitæ erant verrucis, quas sinebat sponte exsiccari sua citra detorsionem ullam. Camerarius refert folia ejus in ulceribus & lepra vino incocta admodum utiliter adhiberi. Tragus tantæ Brassicæ efficaciam ait, ut urina eorum qui hoc olere vescuntur, fistulis, cancro, serpigini, & similibus vitiis mederi queat. S. Paulli potum vulnerarium ad consolidanda vulnera ex Brassicæ rubræ, Saniculæ, Verbenæ ana M. j. Nucis mosch. Zingiber. ana ℥ss. in ℔vj. Cerevisiæ maceratis describit & vulneratis pro potu ordinario propinandum proponit. G. Hieronymus Velschius refert ex Ottone Heurnio quemdam scorbuto adeo misere laborantem, ut maculis toto pectore & cruribus diffusis, membrisque rigentibus vix incedere posset, sanatum potu quotidiano ex vini ℔iij. quibus Brassicæ rubræ concisæ M. iiij. cum Zingiberis ℥ss. Cinnamomi ℥ij. im-macerata fuerant. Grube *De Arcanis Medicinæ*, testatur quemdam hydrope & scorbuto laborantem ope solius Brassicæ vino cum suis corrigentibus infusæ feliciter fuisse restitutum.

Rubra acrimoniam humorum in pectore potissimum summopere mitigat, tussim egregie sedat, & incipientia ulcera detergit. Eo nomine in decoctis & jusculis pectoralibus præscribitur. Concionatoribus quibusdam & cantoribus in usu est pro raucedine nimiam loquelam insequente emendanda, ac voce conservanda, decoctum ejus cum passulis frequenter haurire.

℞. Pulmonem unum vitulinum minutim sectum, Brassicæ rubræ frustulatim sectæ ℔j. Napor. n. xij. Orizæ mundatæ cochlear unum. Coquantur in aq. comm. ℔vj. ad ℔iij. pro quatuor jusculis adversus tussim vehementem, & spirandi difficultatem.

℞. Succ. defæcati caulium rubror. ℔j. Croci minutim concisi ℥iij. Mellis despumati & Sacchari albi ana ℔ss. Coquantur ad syrup. consistentiam. Fiat colatura. Syrupus rite coctus servetur ad usum.

Hartmannus ad lateris dolorem folia Brassicæ butyro illita pulvere Cuminis aspersa dolentique parti imposita proponit. Puerperarum mammis ad lactis abundantiam aut coagulationem præcavendam, mammarum quoque abscessibus, ad præcavendam inflammationem, & ad ulceris consolidationem promovendam utiliter imponuntur.

Brassica rubra usurpatur in Unguento mundificativo de Apio. Ex ejus succo syrupus Caulium rubrorum in Officinis paratus servari solet.

BRUNELLA.

Brunella, Prunella, Consolida minor; & Symphytum minus, Off. Brunella major, folio non dissecto, C. B. P. 260. *Inst. R. H.* 182. Prunella flore minore, vulgaris J. B. 3. 428. Brunella, *Dod. Pempt.* 136. Consolida minor, *Matthiol. Camerar. Epitom.* 703. Symphytum petræum, *Lobel. Icon.* 474. vulgo, Brunelle.

Radice est transversa, fibrata, parva: caulibus spithamam superantibus, quadrangulis, hirsutis, ramosis: foliis subrotundis, obscure virentibus, sinuatis, pediculis, longiusculis hærentibus. Flores quasi spicatum & verticillatum in densis capitulis oriuntur monopetali, labiati, purpurei, labio superiori galeato, inferiori vero trilobato. Calyx monotomos quatuor semina subrotunda continet e pistillo nata. Delectatur locis herbidis & Soli expositis agri Parisiensis. Herba integra in usum venit.

Analysi chymica, folior. Brunellæ recentium ℔v. per retortam distillatæ præbuerunt humoris limpidi, primo odore & sapore plantam referentis, deinde saporis & odoris expertis, obscure acidi libij. ℥iij. humoris primo limpidi, deinde rufescentis, inodori, manifeste acidi, deinde fusci, empyreumatici, intense acidi, subausteri, ac tandem aliquantisper & obscure urinosi ℔ij. ℥iij. ℥ij. humoris fusci, turbidi, sale volatili urinoso copioso imprægnati ℥vij. salis volatilis urinosi, concreti gr. viij. olei spissi ad instar extracti ℥iij. gr. xxxvj. Massa nigra in retorta residua pendebat ℥iiij. ℥vj. gr. xxxvj. quæ calcinata reliquit cinerum ℥ij. ℥j. ex quibus salis fixi mere alcali ℥v. gr. lx. lixivio sunt extracta. Partium jactura in distillatione fuit ℥vj. ℥j. gr. lxiiij. in calcinatione ℥ij. ℥v. gr. xxxvj.

Brunellæ succus chartam cœruleam rubro inficit colore, saporem refert herbaceum, stipticum, mucaginosum, cum exiguo amarore. Salem essentialem continet aluminosum cum Ammoniacy portione exigua & mediocri sulphuris crassi, bituminosi, portione conjunctum.

Brunella inter plantas vulnerarias astringentes recensetur, nec infimum locum tenet. Usus præcipuus in vulneribus, in primis pulmonum, in spuito & mixtu cruento, uterinis hæmorrhagiis, & dysenteria. In decoctis, jusculis & potionibus vulnerariis ejus decoctum ad ℥vj. succus ad ℥ij. vel ℥iiij. præscribitur. Usurpatur quoque decoctum in enematibus vulnerariis & adstringentibus adversus cruenta ventris profluvia, necnon in profundiora vulnera injicitur. Ab animali venenato demorsis J. Bauhinus ejus succum propinat.

In faucium & tonsillarum inflammationibus, in aphthis & ulceribus oris & palati, decoctum ejus in ore detentum specificè convenit & ingreditur gargarismata anginosa.

℞. Brunellæ M. j. Coqu. in aq. comm. ℔j. ad medias: sub finem coctionis adde mellis rosati ℥j. Salis Prunell. ℥j. Fiat colatura cui adde phlegmatis vitriol. ℥j. Fiat gargarisma.

℞. Folior. recent. Brunell. & Veronicæ ana M. j. Vini rubr. ℔j. Macerentur

in vase clauso in balneo Mariæ per sex horas. Fiat colatura cum expressione ℥iij. ter die in mistu cruento sumat æger.

℞. Succor. defæcator. Brunell. Bugulæ, Saniculæ ℥iij. Syrup. Heder. terrestr. ℥ß. Fiat potio in sputo cruento, & hæmorrhagiis sæpius pro urgentia mali reiteranda.

Rustici plantam recentem contusam vulneribus imponunt ad sanguinem sistendum, & agglutinandum vulnus. In putridis ulceribus sedis, & pudendorum commendatur. Cæsalpinus plantam contusam in cataplasmate furunculis ad eorum suppurationem excitandam admovebat. Idem in vehementi cephalalgia, succo Brunellæ cum oleo Olivarum, & aceto commixto tempora colluebat.

Brunellæ aqua distillata servatur in Officinis.

Brunella usurpatur in balsamo polychresto *Bauderoni*, in Emplastro pro fracturis *Nic. Præpositi*, in Emplastro ad herniam *Ejusdem*, & in Aq. vulneraria.

B R Y O N I A.

BRYONIAE sub nominæ duæ plantæ genere diversæ in Officinis usitatæ sunt; Bryonia alba, & Bryonia nigra. Bryonia alba adhuc duplex, baccis rubris scilicet atque baccis nigris.

BRYONIA, & Bryonia alba, Vitis alba, Uva serpentina, Uva anguina, *Offic.* Bryonia aspera five alba, baccis rubris, *C. B. P.* 297. & *Inst. R. H.* 102. Vitis alba five Bryonia, *J. B.* 2. 143. Bryonia alba, *Dod. Pempt.* 400. Tamarum vulgo, vel Cerasiola, *Cæsalp.* 206. vulgo, *Coleuvree*, *Bryone*, ou *Vigne blanche*.

Radice nititur brachium superante, & femur humanum, cum annosa est, æquante, carnosâ, in crassiores fibras divisa, cum exsiccat fungosa, circulis ac radiis distincta, saporis acris, amaricantis, ingrati, & odoris, dum recens est, virosi: caules longissimos fundit tenues, scandentes, striatos, subhirsutos, capreolis donatos, in quibus folia alternatim nascuntur angulosa, ad Vitis formam quodammodo accedentia, sed longe minora, & subaspera. Ex foliorum alis flores aliquot simul juncti exeunt, monopetali, campaniformes, patentes, in quinque partes subrotundas divisi, ex albido virescentes, & venis distinctas, quos ita complecti solet calyx ut ab iis sejungi nequet. Ex floribus alii steriles sunt, majores, & nulli embryoni adhærescentes, alii secundi, minores, insidentes embryoni qui abit in baccam sphæricam, Pisi magnitudine, primum viridem, deinde rubram, mollem, succi nauseosi plenam, seminibus foetam subrotundis, mucagine quadam obductis. Nasceitur passim in sepibus, & sylvis præsertim in temperatis, & frigidioribus regionibus. Agri Parisiensis est incola. Radix potissimum in usum venit.

Bryonia alba baccis nigris, *C. B. P.* 297. *Inst. R. H.* 101. Bryonia nigra, *Dod. Pempt.* 399. Hæc a priore differt radicem, & baccarum colore. Hujus radix interius buxæ colore pallet, illius ex albido sub-lutei coloris est: hujus baccæ nigricant, illius rubent. Hæc priore minus usitata est.

Analysi chymica, radicis Bryoniæ recensitis ℔v. per B. V. distillatæ præ-

præbuerunt humoris limpidi, insipidi, obscure falsi lbij. ℥xiiij. humoris limpidi, saporis herbacei, obscure acidi ℥xiiij. ℥vij. gr. xvij. Massa residua per retortam distillata præbuit humoris rufescentis primo manifeste acidi, deinde austeri ℥ij. ℥vj. gr. xxxvj. humoris fusci, empyreumatici, alcali urinosi ℥ij. gr. xxxiiij. salis volatilis urinosi concreti ℥ij. olei fluidi ℥ij. gr. xxxiiij. Massa nigra in retorta residua pendebat ℥vj. ℥vij. gr. lxij. quæ calcinata reliquit cinerum ℥j. ℥vij. ex quibus lixivio, salis alcali fixi ℥j. ℥ij. extractæ sunt. Partium jactura in distillatione fuit ℥iiij. ℥vj. gr. xxxj. in calcinatione ℥v. gr. lxij.

Radici succus chartam cœruleam rubro colore inficit, amarus est, & odoris nauseabundi. Itaque patet, eam continere salem essentialem, tartareum, ammoniacalem, cum oleo acri & foetido conjunctum.

Bryoniæ radix recens serum lentum, crassum & glutinosum potenter dissolvit, quacumque in parte sit condensatum, illudque evacuat per secessum & nonnumquam per vomitum. Siccata vero debilior est, & per inferiora solummodo purgat. Feliciter usurpatur in hydrope, passione hysterica, asthma, epilepsia, vertigine, paralyti, arthritide, & morbis chronicis. In primis in asthma humoralis, in hydrope pectoris & uteri & in hysterica suffocatione ab obstructionibus hujus visceris specifica audit. At vero cum potens sit & acre catharticum, ejus vehementia temperari solet a cremore Tartari, Sale vegetabili, Aceto tum simplici, tum stillatitio, aut aliquo pulvere aromatico & stomachico. Radix siccata & pulverata exhibetur a ℥j. ad ℥j. succus a ℥j. ad ℥ss. in jussulo. Radix ex lacte vel vino cocta ad ℥ij. vel ℥vj. Ex succo radici paratur syrupus ad eosdem morbos efficax si propinetur ad ℥j.

Refert Arnaldus a Villa-nova epilepticum curatum fuisse trium septimanarum spatio, purgando se quotidie cum succo Bryoniæ defœcato, addito paucis Saccharo. Thomas Sydenham mania curationem hoc cathartico inniti asserit, si, debitis venæ sectionibus, tum ex brachiis, tum ex jugularibus venis præmissis, æger hujus radici pulveratæ ℥j. cum lacte, vel infusum ℥ss. in vino, tertia vel quarta quaque die sumat, donec convalescerit. Ad passionem hystericam vel succus vel decoctum in vino præstat ex Matthiolo, si bis vel ter in hebdomada usurpetur.

Aqua vel succus radici Bryoniæ singularis a quibusdam adversus hydropem commendatur, qui sic præparatur. Primo vere radix Bryoniæ circa caput ex transverso refecatur: pars vero reliqua terræ cohærens excavatur: tum superior pars resecta tanquam operculum ipsi imponitur. Cavitās postero die reperitur repleta succo quodam fere lacteo, qui exhibetur ad cochlear unum, duo vel tria quotidie mane jejunio ventriculo, clementer purgat per inferiora, aquas hydropicorum subducit, viscerumque obstructions tollit.

Fœcula Bryoniæ præparata servatur in Officinis; quæ nihil aliud est quam farinacea pars radici quæ dum succus depuratur in pelvis fundo subsidet, & effuso paulatim succo exsiccatur. Sed exiguæ admodum est virtutis.

Extractum majoris est energię & præparatur radicem recentem minutim concisam decoquendo in vino ad medias, decoctum exprimendo, & colaturam ad extracti consistentiam inspissando. A ℥ss. ad ℥j. exhibetur.

℞. Radic. Bryon. pulver. ʒʒ. Cremor. Tartar. ʒj. Fiat bolus cum
s. q. conserv. Rosar.

℞. Radic. Bryon. alb. pulver. ʒj. Lactis vaccin. ʒiiij. Hauriat æger.
Vel

℞. Rad. Bryon. recentis ʒʒ. Vini albi ʒiiij. Macerentur per noctem.
In colatura dissolve syrup. Violar. ʒj. M. Fiat potio in mania.

℞. Radic. Bryon. recent. ʒiiij. Coque ex aq. ad ʒvj. In colatura dissolve
Mann. Calabr. ʒj. Sal. vegetabil. ʒj. Fiat potio.

Externe admota radix potentissime resolvit. Ad hydropem, lateris
dolorem, ischiadicum dolorem, & scrophulas commendatur. Radix recens
contusa, & renum regioni applicata sola vel cum stercore vaccino, uri-
nas promovet, & hydropem sanat, auctore J. Raio. Tachenius refert
dolorem ischiadicum radice recente tusa, cum oleo Lini mixta, & tepide
applicata, mirum in modum pacari.

Zacutus cum juramento affirmat scrophulas tam apertas, quam non
apertas hoc unguento sanari.

℞. Rad. Bryon. alb. succosæ libʒ. In taleolas minutim sectam frige in
sartagine, quousque contabescat. Cola. Adde Terebenthin. Abietis
libʒ. Ceræ ʒv. Fiat unguentum. De hoc unguento supra strumas
appones mane, & vesperi. Vel enim strumas resolvit, vel ad sup-
purationem deducit, tandemque sanat ulcera.

Turiones, & Baccæ alvum vehementer commovent, & ventriculum
gravant. Rarius in usum veniunt.

Circulatores, & Agyrtæ nonnulli ex hujus radice mira quædam mon-
stra effingunt, quæ cum aliquot dies siccæ arenæ mandaverint, pro
Mandragoris postea distrahunt, & vendunt.

Radix Bryoniæ usurpatur in syrupo aperiente cachectico *Charas*, in
unguentis *Agrippæ* & *Aregon*. *Nicolai Salernitani*.

BRYONIA nigra vulgaris seu racemosa, Vitis nigra, Tamnus, Sigil-
lum Beatæ Mariæ, *Off.* Tamnus racemosa flore minore, luteo-pallescente,
Inst. R. H. 103. Bryonia levis sive nigra racemosa *C. B. P.* 297. Vitis
nigra quibusdam sive Tamnus Plinii, folio Cyclaminis, *J. B.* 2. 147.
Vitis Sylvestris, *Dodon.* 401. vulgo, *Sceau de Notre Dame ou Racine
vierge*.

Radice est magna, crassa, longa, tuberosa, foris nigra, intus alba,
succo glutinoso, & lento turgida, sapore acri non ingrato: cauliculis
viticulosis, tenuibus, longis, scandentibus, lignosis, obscure subruben-
tibus, absque capreolis: foliis alternis, mollibus, læte virentibus, splen-
dentibus, Smilacis lævis haud absimilibus, multis nervis sinuatis prædi-
tis, saporis visceris. Flores ex foliorum alis oriuntur racematim cohæ-
rentes, exigui, monopetali, campaniformes, patentes, in sex partes
divisi, ex luteo virentes, quorum alii steriles sunt, nulli embryoni
adhærescentes, alii fœcundi insidentes embryoni, qui deinde abit in baccam
ovatam, rubentem, aut ex rubore fuscam, calyptra membranacea in-
structam, seminibusque fœtam subrotundis. In agro Parisiensi frequens
nascitur. Radix in usu est.

ALIA est Bryoniæ nigræ species quæ Bryonia nigra baccifera dicitur:
Tamnus baccifera flore majore albo, *Inst. R. H.* 103. Bryonia lævis sive
nigra baccifera, *C. B. P.* 297. *J. B.* 2. 149. A vulgari Bryonia nigra
race-

racemosa potissimum in his differt, quod vulgaris florem minorem habeat, & racemosa sit: hæc vero flore sit majore, & albo, atque baccas ferat Cerasis fere similes, & singulatim in singulis pedicellis e caule prodeuntes.

Analysi chymica, ℥v. radice Bryoniæ nigræ vulgaris recentis per retortam distillatæ præbuerunt humoris limpidi, fere inodori, & insipidi, obscure acidi ℥xij. humoris primo limpidi subacidi, obscure austeri, deinde rufescentis, empyreumatici, intense austeri ℥iij. ℥iij. ℥ij gr. xlvij. humoris fusci, empyreumatici, intense acidi, cum quadam acrimonia, nec non obscure alcali, urinosi, & austeri ℥ij. ℥vij. gr. xxxvj. humoris fusci, mediocri salis volatilis urinosi portione imprægnati ℥j. olei ℥j. gr. xxxvj. Massa nigra in retorta superstes pendebat ℥vj. ℥v. quæ calcinata reliquit cinerum ℥iij. ex quibus salis fixi alcali ℥ij. gr. xiiij. extracta sunt. Partium jactura in distillatione fuit ℥iij. ℥vij. gr. xxiiij. in calcinatione ℥iij. ℥v.

Hæc radix salem continet essentialem aluminoso similem cum ammoniacali, & oleo tenui ac raro conjunctum. Licet enim parum olei extractum videatur: attamen duæ posteriores humoris distillati portiones iterata distillatione rectificatæ olei fere ℥iij. reliquerunt.

De internis hujus plantæ viribus inter Botanicos non convenit. Compertum est, inquit Lobelius, vel mulierculis vehementius urinam renunquere sabulum, mensiumque saburram impellere potu. Quidam contendunt ejus radicem aquosa detrahare ac hydropicis utilem esse. Verum C. Hoffmannus de vi purgatrice valde dubitat: & J. Rajus refert Mart. Lister celeberrimum apud Anglos Medicum, tum radicem ipsam in substantia, ut vocant, tum ejus extractum larga dosi sæpius exhibuisse, numquam tamen observasse eam vel per vomitum, vel per secessum, vel alio quovis modo sensibili operari.

Externe hæc radix vulneraria est, & potenter resolvit. Vulgaris est usus in suggillationibus hanc radicem rasam, & contusam sub forma cataplasmati contusæ parti imponere: & livorem cito discutit. J. Rajus pulverem radicum cum aceto, & stercore vaccino ad formam cataplasmati redactum podagricos dolores lenire asserit.

Usurpatur in pulvere ad puerorum enterocelum *Pauderoni*, & in Empl. Diabotano D. Blondel, *Collectaneor. Pharmaceuticor.*

BUGLOSSUM.

BUGLOSSUM, & Buglossa, Off. Buglossum angustifolium majus flore cæruleo, C. B. P. 256. *Inst.* R. H. 134. Buglossum vulgare majus J. B. 3. 578. Buglossa Italica, *Tragi* 232. Buglossa vulgaris, *Dodon Pempt.* 628. Cirsium Italicum, *Fuchs*: *Lycopsis Anguill*: vulgo, *Euglose*.

Ex radice oblonga, terete, digitali crassitudine, pluribus annis restante, foris rubente aut nigricante, intus candida, lentoque succo prædita, caules plures exserit sesquicubitales aut cubitales, teretes, pilis rigidulis asperos, sum-

summa parte ramosos : quibus absque pediculis adnascuntur folia crebra , angusta , oblonga , ex viridi glauca , non ut Borriginis rugosa , in acutum mucronem desinentia , consimilibus pilis utrimque hirsuta , ad margines æqualia . Flores in fastigiis caulium & ramorum , e calyce quinque oblongis , angustis , acutis , pilosis segmentis composito , exeunt monopetali , infundibuliformes , in quinque segmenta obtusa seu orbiculata e cæruleo purpurascentia , divisi , cum umbone medio obtuso , villosa ; quinque staminibus composito . Pistillum oblongum ex imo calycis fundo nascitur posticæ floris parti ad instar clavi infixum , & quatuor veluti stipatum embryonibus , qui deinde abeunt in totidem semina viperini capitis æmula , in acutum mucronem ad latus spectantem fastigiata , per maturitatem pulla , rugosa , quæ in calyce ipso longe ampliato maturescunt . Summitates caulium & calyces florum purpurascunt . Surculi floriferi , antequam flores expandantur , reflectuntur , seu contorquentur caudæ scorpii in modum . In agro Parisiensi sponte nascitur , & in hortis ad usum medicum colitur . Tota enim planta usitata est .

Analysi chymica , ex folior. Buglossi recentium lbv. prodierunt humoris limpidi , saporis & odoris herbacei , obscure alcali lbj. ℥xij. gr. lxxvj. humoris limpidi , tum obscure acidi , tum obscure alcali lbj. ℥x. gr. xl. humoris limpidi subsalsi , tum obscure acidi , tum obscure alcali ℥iij ℥ij. gr. xxxvj. humoris rufi , sale volatili urinoso copioso imprægnati ℥vij. salis volatilis urinosi concreti gr. lx. olei spissi ad instar extracti ℥vij. gr. lxxij. Massa nigra in retorta superstes pendebat ℥iij. quæ calcinata reliquit cinerum ℥j. ℥vij. gr. lxxvj. ex quibus lixivio salis fixi mere alcali ℥vj. gr. xliij. extracta sunt . Partium jactura in distillatione fuit ℥j. ℥iij. gr. xxij. in calcinatione ℥j. gr. vj.

Buglossi radicum succus glutinosus est , & chartam cæruleam rubram efficit . Non adeo lentus est florum & foliorum succus , & longe debiliorem rubedinem conciliat . Præterea folia exsiccata & prunis imposita accenduntur , & leves emittunt fulgurationes , quales ex sale nitri in prunas projecto exsurgere solent . Ex quibus concludere licet , salem huic plantæ inesse essentialem , nitrosum , ammoniacalem , quadam mucagine involutum , & multo phlegmate dilutum . Sed acidum in radicibus magis est evolutum , minus vero in floribus & in foliis .

Buglossum easdem obtinet virtutes , quas Borrago : cum illa sæpe sociatur aut illi substituitur . Borragine minus succosum videtur . Ratione salis nitrosi tenuis & volatilis qui in illo deprehenditur , sanguinis æstum & effervescentiam biliosam temperat , & coercet : ejus lentorem sale ammoniacali blando resolvit : sicque sanguineum laticem resolvendo , fermentatitium ejus motum compescendo , ejusdem circuitiorem expeditiorem efficit , secretiones excretionisque imminutas aut interruptas restituit . Ea ratione utiliter exhibetur in affectionibus melancholicis & hypochondriacis , in febribus inflammatoriis , pleuritide , peripneumonia , & aliis .

Flores sunt e numero florum cordialium quorum pugillus unus aut alter in liquoris idonei cyatho uno infusus instar Theæ præscribitur , aut eorum con-

conserva a ℥ij. ad ℥℥. Folia & radices in decoctis bechicis, in jussulis alterantibus & refrigerantibus usurpantur. Buglossi succus sicut & Borraginis expressus & defœcatus ad ℥iiij. vel ℥vj. pro dosi sumitur in pleuritide : & tertia vel quarta quaque hora iteratur, ut diximus articulo de Borragine. Sæpe sudorem movet, sanguinem spissum & fere coagulatum resolvendo.

Extractum Buglossi in officinis præparatur, & aqua distillata quæ inter aquas cordiales temperatas recensetur.

Succus Buglossi usurpatur in syrupo Mercuriali, de longa vita dicto, syrupo de Fumaria *Mesuae*, syrupo de Pomis composito *Charas*, Electuar. de Pyllo *Ejusdem*, Pilulis angelicis *Collectaneon*. Pharmaceutic. Flores adhibentur in syrupo Elleborato *Quercetani* : Conserva florum in opiata *Salomonis* & in Electuario de Citro solutivo.

B U G U L A.

Bugula, Consolida media, & Symphytum medium, Off. Bugula, *Dodon. Pemptad.* 135. *I. R. H.* 209. Consolida media pratensis cærulea, *C. B. P.* 260. Consolida media, quibusdam Bugula, *J. B.* 3. 430. Prunella Germanis, *Tragi* 311. Herba Laurentiana, *Cast. Dur. Arthetica Pandedar. Anguill.* Chamæcissus quorundam, *Lugd.* 109. Symphytum medium *Lonicer* : Sylvatina vulgaris cærulea, *Hort. Oxon. Morisson* : vulgo, Bugle ou petite Consoude.

Radice est tenui, fibrosa, albida, styptica : foliis duabus unciis longis, subrotundis, mollibus, sinuatis, leviter incis, nitidis, obscure virentibus, & in apricis & saxosis nonnumquam inferiore parte purpurascens, sapore primo occurso subdulci, mox amarescente & adstringente : duplici caulium genere, aliis tenuibus, teretiusculis, humi repentibus quibus se propagat, aliis erectis, palmam superantibus, quadrangulis, non ex omni parte hirsutis, sed duobus oppositis tantum lateribus, idque alternatim ad singula internodia, in quibus folia bina ex adverso nascuntur inferioribus minora. Flores in foliorum alis verticillatim oriuntur monopetali, unilabiati, cærulei, in tres divisi partes, quarum media bifida est, labii superioris locum occupantibus denticulis, cum pistillo & apicibus cæruleis : calyci insident sessili, brevi, hirsuto, cyaneo, monotomo, quinquepartito : ex quo surgit pistillum posticæ floris parti ad instar clavi infixum & quatuor veluti embryonibus stipatum, qui deinde abeunt in totidem semina subrotunda, in capsula quæ calyx floris fuit recondita. Delectatur pratis & locis umbrosis. Herba integra in usum venit.

Analyti chymica plurimum præbet spiritus urinosi, phlegmatis acidi & olei, mediocrem vero salis volatilis & terræ quantitatem ; unde exsurgit sal essentialis aluminosus ammoniacalis cum oleo spisso bituminoso & aliquantisper aromatico consociatus.

Vulneraria est adstringens tam intrinsecus quam extrinsecus adhibita. Commendatur in hæmorrhagiis quibuscumque, cruenta exspuitione, dysen-

dysenteria, fluore albo mulierum. In infusis, apozematibus, jusculis & potionibus vulnerariis, folia ad M. j. flores ad P. j. aut ij. præscribuntur vel sola, vel cum Sanicula, Brunella, aut aliis herbis vulnerariis permixta. Succus foliorum expressus & defæcatus ad ℥iij. vel ℥vj. ad eadem valet. Insuper sanguinis concretionibus ubicumque sint dissolvere & circulationi denuo reddere dicitur. Qua ratione propinatur ab alto devolutis, item cæsis, ruptis, confractisque, & iis qui externa, intestinave vulnera acceperunt. Idem succus externe adhibitus vulnera ulceraque sanat. Utiliter quoque adhibetur in collutionibus ad aphthas, oris & gingivarum ulcera, sicut & pudendorum utriusque sexus.

Quidam huic plantæ vim diureticam & aperientem tribuunt. Camerarius & Dodonæus eam in hepatis obstructionibus, ictero, urinæ suppressione utilem esse asserunt. Poterius decoctum Bugulæ in jusculo vervecis factum maxime in phthisi, commendat & internis ulceribus. Hepati quoque conferre mirifice asserit: & observat eam parum & clementer ventrem laxare, contra naturam Consolidarum inter quas reponitur.

℞. Folior. Bugulæ, Saniculæ, Alchimillæ, Vincæ Pervincæ, Pyrolæ, Veronicæ ana P. j. seu ℥ss. Affunde vini rubri generosi ℔. Infundantur per sex horas in vase clauso: deinde superaffunde aq. comm. ferventis ℔iij. Macerentur adhuc simul per aliquot horas, & colentur. Dosis erit ℔ss. mane & sero propinanda, in cruenta exspuitione, casu ab alto, &c.

℞. Radicum Aristoloch. rotundæ & Gentianæ ana ℥iij. Radicis Rubiæ tinctor. ℥jss. Minutim incidantur, & bulliant per horæ quadrantem in aq. commun. ℔iij. Tum adde foliorum Bugulæ, Saniculæ, Brunellæ, Alchimill. ana ℥ss. flor. Centaur. minor. & Hyperici ana P. j. Bulliant leviter, & colatura servetur ad usum. Dosis ℥v. vel ℥vj. cum syrupi de Hedera terrestri ℥ss. Est potio vulneraria insignis ad vulnera, ulcera, & casum ab alto.

Aqua distillata Bugulæ servatur in Officinis, iisdem fere virtutibus instructa ac planta ipsa sed debilioribus. Extractum quoque conficitur in Officinis non contemnendum.

Parkinsonus unguentum e foliis Bugulæ, Scabiosæ & Saniculæ tufis, in axungia bullitis ad siccitatem usque, deinde expressis, ad omnis generis ulcera, contusiones, & vulnera sananda plurimum valere scribit.

Bugula usurpatur in aq. vulneraria Lemerii; Balsamo polychresto Bauderoni, & mundificativo de Apio Charas.

BURSA PASTORIS.

Bursa Pastoris, Off. Capsella, Sanguinaria, & Crispula, *Quorundam*: Bursa pastoris major, folio sinuato C. B. P. 108. *Inst. R. H.* 216. Bursa pastoria J. B. 2. 936. Pastoria Bursa Dodon. *Pemptad.* 103. Bursa pastoris major, capsula cordata, foliis laciniatis, *Morisson. Oxon*: Thlaspi fatuum, Bursa pastoris dictum *Raii Histor.*

Histor. 838. vulgo , *Tabouret* , *Boursfette* , *Bourse* ou *Malette* a *Berger* .

Radice est alba , recta , fibrosa , exili , sapore subdulci & nauseoso : caule cubitali singulari vel multiplici , in ramulos alternatim positos diviso : foliis inferioribus modo integris , plerumque tamen profunde utrimque laciniatis , & Dentis leonis pene modo dissectis , ex angusto principio sensim dilatatis , asperis ; quæ vero caulem amplectuntur , minora sunt , lata basi , cum auricula utrimque producta , nec omnino laciniata . Flores longa serie in summis ramulis oriuntur parvi , cruciformes , seu e quatuor petalis subrotundis , albidis constantes , cum staminulis aliquot apices luteos gestantibus , calyce quadrifolio & pistillo abeunte in fructum compressum & quasi cordatum , aut latiusculam bifidam crumenulam referentem , tres lineas longum , septo intermedio cui valvæ utrimque adhærescunt , in duo loculamenta divisum , in quibus continentur semina minutissima per maturitatem fulva aut subrufa . In agro Parisiensi secus vias , locis incultis & desertis ac in ruderibus passim provenit . Herba integra in usu est .

Analyti chimica , hujus plantæ floridæ ℥v. præbuerunt humoris primo flavescentis , deinde limpidi , odoris & saporis quasi sulphurei & alcalini ℥iiij. ℥viiij. ℥ij. gr. xxxviiij. humoris primo limpidi , obscure salis & urinosi , ac tandem rufescenti , intense alcali , urinosi & obscure acidi ℥xij. ℥vj. gr. xij. humoris rufescentis sale volatili urinoso copioso imprægnati ℥j. ℥iiij. gr. xlviiij. salis volatilis urinosi concreti ℥ij. gr. lvj. olei ℥j. ℥vij. gr. xlviiij. Massa nigra in tetorta residua pendebat ℥v. ℥ij. gr. lx. quæ calcinata reliquit cinerum ℥iiij. ℥j. gr. vj. ex quibus salis fixi mere alcali ℥vj. gr. iiij. lixivio extracta fuerunt . Partium jactura in distillatione fuit ℥j. ℥v. gr. xxvj. in calcinatione ℥ij. ℥j. gr. liij.

Herba integra saporem herbaceum , subsalsum , nonnihil adstringentem , aliquantisper glutinosum refert . Succus foliorum chartam cæruleam rubro tingit colore . Parum tamen acidi analysi chymica exhibet , plurimum vero alcali tum volatilis , tum fixi , non parum terræ & olei quibus alcalini sales involvuntur . Salem igitur ammoniacalem continet cum aluminosi portione & cæteris principiis implicitum .

Inter plantas vulnerarias , adstringentes & refrigerantes recensetur . Hinc in hæmorrhagiis quibuscumque utiliter adhibetur , necnon etiam in diarrhæis , dysenteriis , alvi profluviiis & gonorrhæa . In aqua vel vino rubro cocta vel infusa ad M. j. vel succus defæcatus ad ℥iiij. vel ℥vj. vel folior. ficcator. & pulverator. ℥j. præscribuntur & in jusculis , apozematibus , & clysteribus recipiuntur .

In mictu cruento specifica habetur . Theodorus Turquet Mayerne refert quemdam in paroxysmis nephriticis , & etiam extra paroxysmos urinas cruentas fundere sæpius solitum , pluribus frustra tentatis , intra decem dies curatum fuisse sequenti methodo .

℞. Folior. virid. Bursæ pastoris , Plantagin. Centinod. & summ. Hyperici ana q. l. Concisis affundatur in vesica stannea lactis vaccini recenter mulcti q. s. Fiat distillatio & aqua reservetur ad usum .

℞. Hujus aquæ ℥vj. syrup. Althææ vel Symphyti ℥j. M. Capiat æger ter in die

die, videl. mane, hora quinta pomeridiana, & hora somni, per duodecim vel quindecim dies.

In gonorrhæa succus vel decoctum ejus ad ℥ij. cum granis tribus vel quatuor Camphoræ epotum confert præmissis præmittendis.

Ipsi quoque febrifuga virtus tribuitur. Succum vel decoctum bis die febricitantibus propinant in febribus intermittentibus.

Externe in usu est contra qualvis hæmorrhagias: in primis planta contusa & naribus indita, vel in nucha, vel sub axillis utrisque applicata, vel in ea manu detenta ex quo latere nares sanguinem fundunt, narium hæmorrhagias sistit. Quidam succum expressum naribus attrahunt, aut turundam succo intinctam naribus applicant. Eandem in cataplasomatis formam redactam cum aceti tantillo vel cum foliis Plantaginis contusam, regioni pubis contra nimium mensium fluxum cum successu sæpius adhibui.

Herba contusa vulneribus recentibus pro sistendo sanguine, & ad inflammationem præcavendam utiliter apponitur, vel pulverata iis inspergitur, vel ejus succo vulnera eluuntur. Cum aceto contusa, & imposita tumores calidos, inflammationes, & erysipelata sedat, & a nonnullis cum Sempervivo consociatur. Abdomini imposita etiam dysentericæ confert. Item cum aceto, & sale adhibetur a mulierculis carpis manuum pro febribus intermittentibus, imminente paroxismo, vel sola, vel cum Plantagine contusa ac tantillo Croci, & Camphoræ in cataplasomatis formam redacta. Tota planta a quibusdam in ictero commendatur calceis indita, & nudis pedibus admota. Decoctum in gulæ affectionibus purulentis pro gargarismo inservit.

℥. Folior. Bursæ pastoris, & Plantaginis ana M. ij. Aceto irrorata contundantur, & in sartagine decoquantur ad consistentiam cataplasomatis regioni pubis calide applicandi, in uterinis hæmorrhagiis. Expertum.

℥. Folior. Bursæ pastoris, Erysimi, Plantaginis, & Millefolii ana q. s. Contusa instar pultis plantis pedum applicentur ineunte paroxismo in febribus intermittentibus cum cephalalgia. Ab Emmanuele König commendatum

B U X U S.

BUxus, & Buxum, Off. Buxus arborescens C. B. P. 471. Inst. R. H. 578. Buxus J. B. 2. 496. Dodon. P. 782. vulgo *Bovis* vel *Buis*.

Radice est magna ex parte nodosa tuberosaque: caudicibus subinde humani cruris, raro femoris crassitudine, non alte assurgentibus, densis ramis, cortice scabro albicante, materie densa, dura, ponderosa valde æquali, flava, nulla intus medulla: foliis creberrimis, semper virentibus, lævibus, splendentibus, oblongo-rotundis, crassis, rigidis, & interdum concavis, odoris & saporis ingrati amaricantis. Flores ex foliorum alis secundum ramulos racematim nascuntur distincti a fructibus qui in aliis ejusdem plantæ locis oriuntur, ut primus observavit Clariss. Tournefortius. Apetali sunt seu plurimis staminibus constantes e fundo plerumque tetragonocalycis foliati flavescentis surgentibus. Steriles sunt: fructus enim aliis in partibus

nascuntur ollæ inversæ quodammodo similes, virides, in tres partes apice dehiscences, in tria divisi loculamenta, quibus singulis bina plerumque continentur semina oblonga, lucida, spadicea, in capsula vi elastica munita recondita. In agro Parisiensi sponte nata reperitur in via, quæ ducit ad Pagum *Marcouffy*, & circa vicum *Chevreuse*. Necnon etiam in hortis colitur.

Analyſi chymica, ex *Barchusen Acroamarib.* ex folior. Buxi viridium ℥v. prodierunt humoris primo limpidi, odoris ingrati, obscure acidi, ac tandem flavescentis, empyreumatici, subausteri, & alcali urinosi ℥iiij. ℥vij. ℥vj. gr. xlvij. olei spissi ℥vij. ℥vij. gr. xliij. Massa nigra in retorta residua pendebat ℥x. gr. lx. quæ igne aperto cremata reliquit cinerum albidorum ℥ij. gr. viij. ex quibus salis fixi salſi ℥j. gr. lxxvij. lixivio extracta sunt. Partium jactura in distillatione fuit ℥vj. gr. lxiiij. in calcinatione ℥viiij. gr. liij.

Hæc folia amara sunt, foetida, & chartam cæruleam debili rubore tingunt: talem essentialem tartareo-vitriolicum continere videntur cum multo oleo crasso, & narcotico conjunctum.

Ex ligno Buxi multum spiritus acidi, & olei foetidi crassi extrahitur, parum vero spiritus urinosi. Quidam, ut Amatus, erronee Buxum cum Guaiaco eandem esse arborem putaverunt. Amatus, Prævotius, & alii in lue venerea idem præstare decoctum ligni ejus cum decocto Guaiaci asserunt. Lobelius virgulta ejus, lignum, & folia decocta Guaiaci modo sudores elicere scribit, & hoc decocto famulam pauperulam a lue venerea vindicatam fuisse. Sunt quoque nonnulli, qui in decoctis sudoriferis, & antivenereis Buxum pro Guaiaco, pro ligno Sassafras Juniperinum, radices Bardanæ, & Caryophyllatæ pro China, & Sarsaparilla substituunt. Sed quid opus est nova, & incerta medicamenta in locum certiorum & longo usu comprobatorum medicaminum sufficere?

Fernelius folia Buxi inter purgantia medicamenta recenset. Verum tanta est purgantium medicamentorum, & quidem præstantiorum multitudo, ut a nemine hodie præscribantur.

Quidam ajunt, Buxei ligni scobem adstringere, & exsiccare: unde decoctum in aqua, alvi profluvia sanare tradunt, & cum vino rubro prodesse in doloribus dentium a frigidis fluxionibus?

Oleum nigrum, & empyreumaticum ex Buxeo ligno arte chymica distillatur eodem modo quem exposuimus articulo de *Guaiaco*. Huic oleo vis narcotica, & antispasmodica tribuitur. In epilepsia, & in hysteriis atque spasmodicis affectionibus magnopere commendatur. Mira de hoc oleo prædicat Quercetanus in *Tetrade cap. 16. p. 211. §. 215.* illudque tantæ virtutis esse asserit, ut omnis generis dolores edomare, corruptiones, & putrefactiones corrigere, vermes enecare, & expellere, malignosque vapores ex quibus sympathicæ epilepsiæ nascuntur, quæ facile tandem in idiopathicas transeunt, arcere, & absumere valeat. Ab eodem Quercetano, & aliis habetur pro oleo Heraclino genuino Rulandi, sed perperam, contra affirmante Friderico Hoffmanno, qui oleum esse ex visco Corylino distillatum pronunciat. Usurpatur ad dolorem dentium compescendum, & eorum cariem emendandam, guttulam in cavum cariosi dentis instillando.

Cum

Cum autem fere intolerabilis sit ejus fœtor, rectificatur iteratis distillationibus, & cohobationibus cum aqua simplici, cum calce viva aut cum sale communi, vel etiam cum vini spiritu. Sic multum de suo fœtore empyreumatico deponit. Hoc oleum rectificatum intus sumptum anodynum est, & diaphoreticum; a gutt. x. ad xx. præscribitur. Illitum impetigines sanat. Cum oleo Hyperici permixtum ad rheumaticos dolores, sub forma linimenti commendatur.

Buxum lignum ad opera quævis conveniens est, & summe expetitur.

Alia est Buxi species minor, quæ Buxus foliis rotundioribus C. B. P. 471. J. R. H. 579. Chamæpyxos Tabern. Icon. 1050. vulgo, *Bouis a Partere*, quæ ad hortorum areolas, & pulvillos limitandos magni usus est. A priori nonnisi magnitudine discrepat.

CALAMINTHA.

Calaminthæ species tres quatuorve occurrunt in Officinis: Calamintha nempe vulgaris, Calamintha Pulegii odore, Calamintha magno flore, & Calamintha arvensis.

Calamintha vulgaris Off. Calamintha vulgaris vel Officinarum Germaniæ, C. B. P. 228. & I. R. H. 194. Calamintha flore magno vulgaris J. B. 3. P. 2. 228. Calamintha montana Dod. P. 98. Nepeta montana Cordi: vulgo, *Calament*.

Radice est fibrata: caulibus palmaribus, & altioribus, quadrangulis, ramosis, in quibus folia bina nascuntur ex adverso posita unciam aut sequiunciam longa, subrotunda, obtuse acuminata, leviter serrata, pilosa, saporis acris, odoris grati. A medio ad summum usque ramorum ex alis foliorum pediculi duo in plures minores divisi flores sustinent monopetalos labiatos, quorum labium superius surrectum est, subrotundum, bifidum, inferius vero tripartitum; semiunciales, & longiores, purpurascens, odore jucundo præditi. E calyce hirsuto, striato, surgit pistillum posticæ floris parti infixum, & quatuor veluti embryonibus stipatum, qui deinde abeunt in rotidem semina subrotunda, lævia, nigricantia, in capsula quæ calyx floris fuit recondita. Frequens occurrit in Sylvis Regii Castellii Sangermaniaci. Herba integra usu est.

Calamintha Pulegii odore. Off. Calamintha Pulegii odore, sive Nepeta, C. B. P. 228. & I. R. H. 194. Calamintha flore minore, odore Pulegii, J. B. 3. P. 2. 229. Pulegium sylvestre sive Calamintha altera Dod. Tempt. 98. Nepeta agrestis Cordi.

Priori haud absimilis est, at foliis, & floribus minoribus, & sapore ac odore Pulegii ab illa discrepat. In calidioribus Galliæ Narbonensis regionibus sponte nascitur.

Calamintha magno flore, Off. Calamintha magno flore C. B. P. 229. & I. R. H. 194. Calamintha montana, flore magno ex calyce longo, J. B. 3. P. 2. 229. Calamintha montana præstantior Lobel. Icon. 512.

Gignitur in herbidis Alpium, & Pyrenæorum collibus, prioribus minor si caulis spectetur: sed foliis ac floribus longe amplioribus, & suavius olentibus.

Calamintha arvensis, Off. Mentha arvensis verticillata hirsuta J. B.

3. P. 2. 219. & I. R. H. 189. Calamintha arvensis verticillata C. B. P. 229. Calamintha arvensis 1. Tab. Icon. 352. Polycnemon Lobel. Lugd. 332. Nepeta agresti Tragi 16. Pulegium agreste Serap. Eidem 17. vulgo, *Pouliot-Thim* quorundam.

Calaminthæ vulgaris similis est foliorum figura & odore : ab ea vero florum figura discrepat quæ ad Menthæ genus reducitur . Flores enim ejus verticillatim nascuntur monopetali labiati, quorum labium superius fornicatum est, inferius vero tripartitum : sic tamen ambo secantur ut flos quadripartitus primo aspectu videatur . In agro Parisiensi sponte nascitur .

Calaminthæ species sale essentiali ammoniacali donantur cum oleo aromatico copioso conjuncto .

Viscidos humores potenter incidunt : appetitum excitant, ciborum concoctionem juvant, flatus discutiunt, menses, & urinas movent, ulcera renum detergunt, lochia, & secundinam expellunt, expectorationem promonent, asthmaticis conferunt, & pulmonibus exulceratis auxiliantur, ex infuso Thææ modo assumptæ .

Externe discutiunt, attenuant, & resolvunt, præscribuntur vel in balneo vel in fomentis . Herbæ aqua vel vino maceratæ abdomini in affectibus intestinorum flatulentis, vel regioni pubis ab ciendos menses, & sistendos mulierum dolores post partum, vel capiti in vertigine aut veterino admoventur . Earum decocto partes paralyti tentatæ utiliter foveantur .

Oleum essentielle distillatur utile ad flatus discutiendos, & colicos dolores sedandos, Menses quoque ab uteri infarctu suppressos promovet . Aqua distillata fragrans in officinis servatur, & syrupus ex earum succo præparatur .

Usurpatur in decocto cephalico *Chara*, Lohoch sano *Ejusdem*, syrup. de *Artemisia*, de *Stœchade*, de *Prassio*, & *Theriaca Andromachi* .

CALCITRAPA.

Calcitrapa & Carduus stellatus, Off. Carduus stellatus sive Calcitrapa J. B. 3. 89. I. R. H. 440. Carduus stellatus foliis Papaveris erratici C. B. P. 387. Spinatella Tab. Icon. 701. Hippophæstum Column. *Phytobasan*. 107. vulgo *Charddon etoille* ou *Chaussetrappe* .

Radicibus est albidis, longis, mollibus, succosis, intus nervosis, digitum crassis : caulibus sesquicubitalibus, angulosis, & ramosis, in quibus folia nascuntur villosa in profundas lacinias Papaveris rhœados more divisa . Extremis in ramulis capitula florida nascuntur composita ex floribus flosculosis, purpurascentibus, embryoni insidentibus, & calyce squammato aculeatoque, cujus squammæ in unciales, & sesquiunciales, rigidas, mordaces, recta foras minantes spinas desinunt, ut radiatam stellam imitari videantur . Embryones deinde abeunt in semina lubrica, parva, oblonga, pappis instructa . In agro Parisiensi frequens occurrit . Radices, folia, & semina in usum veniunt .

Analyti chymica, Calcitrapæ ℥v. præbuerunt humoris limpidi, absque odore, & insigni sapore, obscure falsi ℥j., ʒvj. ʒv. humoris limpidi primo obscu-

obscure acidi, deinde manifesti, postea rufescentis, leviter empyreumatici, austeri ℥iij. ℥iiij. humoris fulci sale volatili urinoso copioso imprægnati ℥j. gr. xxiiij. salis volatilis urinosi concreti gr. xx. olei spissi, extracti ad instar, ℥j. ℥iiij. Massa nigra in retorta residua pendebat ℥iij. ℥vj. gr. xxxvj. quæ calcinata reliquit cinerum ℥ij. gr. lx. ex quibus lixivio salis fixi mere alcali ℥iiij. gr. xl. extracta fuerunt. Partium jactura in distillatione fuit ℥ij. ℥iiij. gr. lxiiij. in calcinatione ℥j. ℥v. gr. xlviiij.

Calcitrapæ folia insigni amarore donantur & chartam cœruleam leviter tingunt rubore. Radix vero sapore dulcis magis intensum ruborem ipsi conciliat. Unde liquet, salem essentialem continere ammoniacalem, tartareum cum sulphure crasso conjunctum. Ammoniacalis copiosior est in radicibus. Tartareus vero uberior in foliis.

Calcitrapa diuretica est, vulneraria & febrifuga. Succus foliorum expressus ineunte paroxysmo ad febres intermittentes sedandas propinatur ad ℥iiij. vel ℥vj. Extractum ad ℥ij. vel pulvis foliorum & florum exsiccatorum ad ℥j. ad eadem valere dicitur. Ejusdem succus externe vulnera consolidat.

Tota planta in decoctis & jusculis diureticis & aperientibus utiliter præscribitur. Semen contusum ad ℥i. vino per noctem maceratum & mane jejuno ventriculo potum urinas pellit, & urinarias vias a muco viscido liberat. Sed caute his utendum est, ne mictum cruentum afferant.

Cortex radicum mense Septembri effossarum exsiccatus & pulveratus insigne præbet remedium ad dolores nephriticos præcavendos summopere commendatum. Hæc est illius remedii præparandi & exhibendi ratio.

℥. Cortic. radic. Calcitrapæ ℥j. Infunde per noctem in vini albi ℥v. Infusum capiat mane jejuno ventriculo, die 28. mensis lunaris. Postridie potus sequens mane propinandus est.

℥. Foliorum Parietar. M. j. ligni Sassafras, Semin. Anisi ana ℥j. Cinnamonomi ℥ß. Bull. leviter in aq. comm. ℥viiij. Infunde per noctem. Summo mane ad ignem admoveantur ut incalescant. Fiat colatura cum expressione, qua dissolve Sacchari candidi ℥ij. Fiat potio calidissime propinanda, nullumque exhibeatur alimentum nisi tribus post elapsis horis. Hoc remedium veluti specificum a D. De Lamoignon de Baviile in Gallia Narbonensi summo Præfecto publici juris factum fuit, ejusque jussu typis mandatum.

C A L E N D U L A.

Calendulæ vel Calthæ duæ species in officinis usitatæ sunt, hortensis scilicet & sylvestris.

Calendula hortensis, Caltha vulgaris. Off. Caltha vulgaris flore pallido C. B. P. 275. Inst. R. H. 498. Caltha flore simplici J. B. 3. 101. Calendula Dod. Pempt. 254. Chryzanthemum & Caltha Poetarum, Lobel. Icon. 552. vulgo, Soucy.

Radice est surculosa, in fibras multas crassiores oblongas divisa: caulibus tenuibus, teretibus, aut nonnihil angulosis, hirsutis & tactu nonnihil viscidis, in crebros ramos divisis: foliis sine pediculis, caulem amplexis,

oblongis , ad basim angustioribus , summitate latioribus & subrotundis ; pinguibus , hirsutis , incanis , dilute virentibus , gustu herbaceo , mox calidiusculo , odore gravi . Flores in summis ramulis nascuntur cum gravitate quadam aliquantulum odorati , coloris aurei , radiati , quorum discus ex plurimis foliulis tubulosis , in summitate quinquefariam divisus ; corona vero ex semiflosculis in summo crenatis componitur , embryonibus insidentibus , & calyce multifido , hirsuto , comprehensis . Embryones autem deinde abeunt in capsulas incurvas & marginatas , semine fœtas oblongo . In hortis colitur . Flores & folia usitata sunt .

Calendula sylvestris Off. *Caltha arvensis* C. B. P. 276. & I. R. H. 499. *Caltha minima* , J. B. 3. 103. *Calendula arvensis* , *Tabern. Icon.* 335. vulgo , *Soucy de vigne* ou *Soucy sauvage* . A priori magnitudine tantum differt . In agro Parisiensi sponte nascitur .

Analysi chymica , ex *Calendula* multum extrahitur olei & humoris acidi ; parum vero salis volatilis & spiritus urinosi .

Flores *Calendulæ* annotante Riverio *observ.* 30. a Pacheco communicata , odorem sanguinis menstrui bene valentis exhalant . *Calendulæ arvensis* folia , observante Cl. Tournefortio , amara sunt , scœrida & chartam cœruleam levissimo rubore tingunt . Exsiccata dum comburuntur , fulgurationes nonnullas nitrosas edunt . Unde liquet has plantas saltem essentialem continere nitrosoammoniacalem multa terra & sulphure copioso permixtum .

Utrique *Calendulæ* eadem virtutes tribuuntur . Sylvestris ut valentior a nonnullis anteponitur . Aperienti & resolvendi vim obtinent . Obstructiones hepatis , lenis & uteri resolvunt . Ictero medentur , menses cient , partum promovent . Humores crassos ac viscidos attenuant ; necnon inter alexipharmaca recensentur . Succus totius plantæ ab ℥j. ad ℥iij. propinatur . Infusum florum & foliorum contusorum in vino albo ab ℥ij. ad ℥vj. extractum a ℥j. ad ℥ij. conditum a ℥ij. ad ℥j. præscribuntur . In scrophulis flores & folia cruda vel cocta comesta , & decoctum pro potu solito commendantur . Decoctum florum *Calendulæ* in Zythogalo ad variolas expellendas , teste J. Rajo , apud Anglos usitatissimum est . Pestilentia , eodem narrante , floribus *Calendulæ* cum oleo & aceto comestis præcavetur , eademque sanatur sudoribus provocatis per succum florum *Calendulæ* calide potum . Acetum *Calendulatum* tanquam prophylacticum in peste a plurimis laudatur , si mane jejuno ventriculo os primum abluatur , & cochlear hujus aceti unum aut alterum poterit .

℥. Succi florum *Calendulæ* ℥ij. Pulver. lumbricor. terrestrium ℥j. Salis ammoniaci gr. xij. Fiat haustus in ictero .

℥. Extracti *Calendulæ* ℥j. Aloes gr. xij. Boracis pulver. ℥j. Olei Cinnamon. gutt. j. Syrup. de Absynth. q. s. Fiat bolus in remora mensium .

Aqua ex floribus distillatur quæ oculis instillata eorum rubori & inflammationi medetur .

Folia contusa & tumoribus admota eos resolvunt : callofis ulceribus , verrucis & clavis pedum utiliter applicantur .

Florum extractum & conditum in opiatis aperientibus usurpantur .

Flos perinde atque ipsa herba secundas educit mirifice , teste Trago , si aridus suffitibus admotus fuerit .

CAMPHORATA.

CAmphorata Off. Camphorata hirsuta, C. B. P. 486. & *Commentariorum Regiæ Scientiar. Academ. Parisiensis anni 1705.* 238. Camphorata Montpelienfium J. B. 1. P. 2. 379. Camphorata Montpelienf. an Chamæpeuce five humilis Picea Plinii, *Adversarior. Lobel.* 174. Selago Plinii five Camphorata Lugd. 1207. vulgo, *Camphree*.

E radice lignosa, longa, pollicari, cauliculos plures emittit lignosos, crassiusculos, cubitales, ramosos, subhirsutos, albicantes, cum nodulis alternatim positis, ex quorum singulis confertissima prodeunt foliola trientem unciz non excedentia, tenuia, pilosa, mediocriter rigida, odore aromatico dum inter digitos teruntur, ad Camphoram accedente, sapore aliquantulum acri. Flores profert apetalos seu quatuor constantes staminibus, cum apicibus roseis ex calyce monophyllo herbaceo, modo trifido, modo quinquifido surgentibus, & pistillo quod deinde abit in semen exiguum, nigrum, oblongum, subrotundum, in capsula quæ calyx floris fuit reconditum. In Gallia Narbonensi & in Gallo-provincia sponte nascitur. Planta integra in usum venit.

Lobelius inter Botanicos fere solus de hujus plantæ virtutibus mentionem fecit. Vulnerariam & adstringentem virtutem illi tribuit. Vir Doctissimus Claudius Burlet, Doctor Medicus Parisiensis & quondam primarius Hispaniarum Regis Medicus in *Commentariis Academicis anni 1703.* cum aliis dotibus instructam ostendit. Urinas ciet, sudores aut blandam diaphoresim excitat & menses provocat. Recentes viscerum obstructions tollit & in morbis chronicis proficit. Asthmati humido prodest. Apud Montpelienfes adversus hydropem usitatissima est. At vero non omni hydropi confert, observante Cl. Burlet. Illis tantum conducit in quibus nulla sitis, nullus ardor deprehenditur; in hydropisi inveterata fere semper inutilis est. Hujus plantæ usus diuturnus esse debet, & identidem catharsi opus est. In decoctis ad ℥j. in aquæ ℔ij. coquenda vel in vino maceranda præscribitur: necnon etiam ejus infusum instar Theæ propinatur. Multum autem calefacit, quapropter ea caute utendum est.

CANNABIS.

Cannabis nomine duæ sunt plantæ non genere sed specie tantummodo diversæ, fructifera scilicet & florifera, ex eodem semine natæ.

Cannabis fructifera, Off. Cannabis sativa, C. B. P. 320. *Inst. R. H.* 535. Cannabis mas, J. B. 3. P. 2. 447. Cannabis foecunda, *Dodon. P.* 535. vulgo, *Chanvre*.

Cannabis florifera, Off. Cannabis erratica C. B. P. 320. *Inst. R. H.* 535. Cannabis foemina, J. B. 3. 2. 447. Cannabis sterilis, *Dod. P.* 535.

Radice est simplici, alba, lignosa, fibrata: caule quadrato, hirsuto,

ad tactum aspero, intus concavo, singulari, quinque aut sex pedes alto, cortice in fila ductili: frondes contrariis inter se pediculis bini, in quatuor, quinque vel plura segmenta ad pediculum usque dividuntur angusta, oblonga, acuminata, serrata, venosa, atro-virentia, alpera, odore gravi caput tentante. Flores & fructus non in eadem planta nascuntur, sed in stirpibus diversis. Florigera dicitur species quæ flores gerit, ab aliis sterilis seu fœmina improprie nuncupatur: altera vero fructifera quæ fœcunda seu mas ab aliis. Flores in florigera stirpe ex alis foliorum exeunt in quatuor surculis seu racemulis decussatis, apetalis, quinque staminibus & apicibus subluteis calyci quinque foliolis exterius purpurascentibus, intus albicantibus composito insidentibus constantes, & steriles sunt. Fructus in fructifera stirpe copiosi nascuntur ullo præeunte flore secundum caules conferti: pistillis constant capsula membranacea ex luteo virente involutis, quæ abeunt in semen subrotundum, nonnihil compressum, glabrum, sub testa tenui, ex cinereo spadicea, lucida, albidam, teneram, dulcem & oleosam medullam, odoris dum recens est gravis, caput ferientis, continens, & capsula seu pellicula univalvi, in apicem desinente, inclusum. Ex ejusdem plantæ seminibus utraque species nascitur. In omnibus fere regionibus in agris feritur, ob culmorum filamenta valida & tenacia ad funes & linreamina texenda idonea. Folia & semen in usum medicum veniunt.

Analysi chymica, ex foliorum & summitatum recentium ℥v. prodierunt humoris limpidi plantæ odorem aliquantisper referentis, saporis subacris, obscure salis ℥ij. ℥iiij. ℥iiij. gr. xvij. humoris limpidi, obscure salis, obscure acidi, deinde rufescentis, empyreumatici, obscure acidi ℥ij. ℥iiij. gr. xlij. humoris fusci, sale volatili urinoso copioso imprægnati ℥ij. ℥ij. olei spissi syrupi ad instar ℥ij. ℥ij. Massa nigra in retorta superstes pendebat ℥xj. ℥ij. quæ calcinata reliquit cinerum ℥iiij. ℥vj. ex quibus lixivio salis fixi mere alcali ℥iiij. gr. xlv. extracta sunt. Partium jactura in distillatione fuit ℥v. ℥iiij. gr. xij. in calcinatione ℥vj. ℥v.

Hæc planta sale essentiali ammonicali videtur instructa cum multo oleo crasso & narcotico conjuncto.

Nulla fere planta hominibus magis necessaria occurrit propter fila, funes, linreamina & papyrus quæ cunctis populis suppeditat. Cannabis utriusque fasces lacunis & scrobibus aqua plenis immerguntur, ubi macerantur eluunturque multum & diu, deinde siccantur in sole & tunduntur: ac demum cortices staminei tundendo idonei fiunt, ut pectine separentur a lignosis culmorum partibus fungosæque substantia ad filum postea inde parandum. Sed aqua in qua intabuit tantopere viru nocet, ut epota præsentissimo sit sitientibus exitio, cui antidotis præstantissimis & tempestive etiam datis occurri vix possit. Itaque vi inebriante & stupefaciente Cannabis folia donata videntur. Siquidem ex illis aut saltem ex Cannabis specie in nonnullis Indiæ orientalis locis nata & nostrate paulo minore. Kæmpferus in *Amœnitat. Exotic.* refert parari potum inebriantem apud illos populos usitatum, terendo nempe Cannabina folia in aqua fervida, & aquam cum pulvere permixtam ac turbidam statim hauriendo.

Semen Cannabinum a nonnullis inter cœteros cibos quotidie decoquitur non aliter quam hordeum. At caput vaporibus replet, & immodice fit estur, delirium facit ut Coriandrum, referente Rajo.

Idem lacte decoctum tussi opitulari dicitur. Franciscus Sylvius a solo Cannabis semine in lacte ad crepaturam cocto, & colato atque bis terve die ad ℥v. vel ℥vj. sumpto plures curavit ictericos. Idem præstat emulsio ex eodem semine parata, si quando icterus ex sola obstructione & citra febrim exoritur, observante Dodonæo: eadem quoque gonorrhææ & ardori urinæ conducit.

Ex hoc semine contuso oleum exprimitur non solum lucernis idoneum, sed etiam ad tumores resolvendos utile. Idem cum cera in unguenti consistentiam redactum plurimum commendatur ad ambusta, quorum dolorem sedat.

Ferunt, Elisabetham Angliæ Reginam contractas variolarum suppuratione maculas in seipsa delevisse emulsione lactea ex semine Cannabio, de tractis corticibus, cum aqua Rosarum parata, & cum gossypio sæpius die admota. Folia & semina contusa & in cataplasmate apposita tumores potenter resolvunt. Ettmullerus pro uvulæ inflammatione aut relaxatione gargarisma ex semine Cannabino proponit.

℥. Semin. Cannabin. ℥j. Contund. in decoct. rad. Chelidonii maj. Fragar. & Oxalyd. ℔ij. Colatura cum expressione facta propinetur per cyathos in ictero & in hepatis obstructionibus.

Matthioli Cannabinum semen Gallinas ovorum feraciores reddere experientia sese comperisse scribit, adeo ut hoc semine pastæ, etiam hyeme sæviente quo tempore rarius parere solent, ova frequentius multo ponant. Verum easdem, ut observat Lobelius, ob alimenti copiam quam suggerit, postea steriles & quasi pinguedinis mole obrutas reddit. Aviculis omnibus cibis est optimus & valde expetitus.

C A P P A R I S.

CApparis, Offic. Capparis spinosa, fructu minore, folio rotundo C. B. P. 480. *Inst. R. H.* 261. Capparis spinosa, *J. B.* 2. 63. Capparis retuso folio, *Lobel. Icon.* 635. vulgo, *Ciaprier*.

Ex radice lignosa, grandi, numerosa, crassiore cortice circumvestita, plures stolones bicubitales profert hic frutex, aculeis duris & acutis munitos, in quibus folia alternatim nascuntur, circinata pene rotunditatis, semiunciam lata & peramara. Ex eorum alis pediculis exeunt singulares, longi, quibus flores insident rosacei, tetrapetali, candidi, quorum medium occupat numerosa staminum congeries, cum pistillo longiori, e calice tetraphyllo, viridi, surgente, cujus extrema pars abit in fructum turbinatum & quasi pyriformem, Oliyæ aut Glandis magnitudine, in quo nidulantur semina plurima, parva, albida, veluti reniformia. In Italia sponte nascitur in muris ac ruderibus. Circa Tolonam in Gallo-provincia ad muros & macerias culta reperitur. In foraminibus scilicet murorum lapideorum trium vel quatuor pedum intervallo prope terram ad id factis Cappares plantant. Radicis cortex & florum gemmæ in usum veniunt.

Gemmas florum adultas, quas vulgo *Capres* dicimus, antequam explicentur colligunt, & per trium quatuorve horarum spatium in umbra sparsas relinquunt, donec flaccescere incipiant, ad impediendum, ne se aperiant. Tum vasi immittunt & acetum superaffundunt, asserculo imposito vas contegentes, adeoque contactas octiduum servant. Deinde exemptas leniter premunt & recenti aceto infundunt: per alterum octiduum. Eandem operationem iterum repetunt expressis gemmis & novo aceto tertium affuso, quo peracto eas in dolia cum aceto recondunt, Nonnulli salem aceto admiscunt. Gemmæ hoc modo conditæ in frequenti usu sunt in acerariis & ad intinctus.

Cortices ex radicibus delibrantur, & Cinnamomi modo in tubulos efficati contorquentur colore cinereo, lienis quibusdam & rugis transversis notati, amari sunt, acres, acerbi.

Analyfi chymica, ex corticis radicum Capparis lbv. per retortam distillatis, prodierunt humoris primo rufescentis, inodori, subacidi, deinde fusci, odoris empyreumatici, manifeste acidi ac austeri lbj. ℥ij. ℥iij. gran. xxxvj. humoris fusci, saporis & odoris empyreumatici, intense acidi, subsalsi, obscure alcali, urinosi & austeri ℥ix. gr. xxxvj. humoris fusci, sale volatili urinoso copioso imprægnati ℥ij. ℥j. xxiiij. olei ℥ij. ℥ij. Massa nigra in retorta superstes pendebat lbj. ℥ix. ℥vj. quæ per horas octo calcinata reliquit cinerum fulcorum ℥vij. gran. xxxvj. ex quibus lixivio salis fixi salsi ℥ij. ℥iij. gr. xij. extracta sunt. Partium jactura in distillatione fuit lbj. ℥vj. ℥ij. gr. xlvij. in calcinatione lbj. ℥ij. ℥ij. gran. xxxvj.

Totus ille frutex saporis est subamari, adstringentis, & salem essentialem continet nitroso-aluminosum cum oleo copioso conjunctum.

Conditæ Capparis gemmæ palato pergratæ invitant ad epulas & languentem revocant appetitum, unde inter irritamenta gulæ recensentur. Verum illarum sapor ascititius est a muria aut aceto: ipsæ vero difficilis sunt coctionis. Unde stomacho imbecilliori nocivæ a nonnullis habentur. Hepati autem & lieni obstructis ob vim suam abstergentem, incidentem & resolventem valde conducibiles existimantur. Schenckius *lib. 3. observationum* ex Benivenio refert quemdam a 7. annis spleneticum liberatum fuisse solo usu Capparum adjuncto potu aquæ ferrariorum. Et Forestus *lib. 20. observ. 2.* simile quid refert de vetula 20. annorum splenetica a tumore ingenti solo usu Capparum curata.

Cavendum est, ne Cappare ab ærugine virorem suum contraxerint, tunc enim maxime nocerent. Quandoquidem sæpius mercatores ob elegationem colorem viridem Capparibus conciliandum eas in vase aheneo cum aceto macerant: acetum autem cuprum erodendo viridescit & eodem virore. Cappares inficit.

Externe acetum quo gemmæ conditæ fuerunt, utilissime cum linteo seu spongia lateri sub hypochondrio sinistro apponitur ad tumores splenis discutiendos. Ettmullerus semen Sinapi huic aceto admiscet.

Cortex radicum diureticus est, & vulgo refertur inter aperientia & solventia. Nitroso suo sale humores viscidos dissolvit, urinas provocat: styptica sua terra viscerum tonum laxiorem restituit, & firmat. Unde omnibus fere morbis chronicis conducit. Sed in hepatis, pancreatis, ute-

uteri & potissimum lienis obstructionibus & in hypochondriacis affectionibus plurimum laudatur. Menses provocat & ad paralysem utilis dicitur. Pulvis ad ℥j. intus sumitur, infusum vero vel decoctum ℥j. in ℔j. aquæ vel vini.

℥. Cortic. Cappar. ℥iij. Capparum muria conditar. ℥j. Coq. in aq. mull. vel vini aut oxymelit. ℔iij. Fiat apozema ad induratum lienem.

℥. Cortic. Capparis, medii Fraxini, Tamarisci ana ℥j. Cuscutæ, Epithym. summitatum Lupul. & folior. Scolopendrii ana. M. j. Capparum conditar. ℥ß. Fiat decoctum ex aqua ad ℔iij. quo dilue syrup. Capillor. vener. ℥ii. Dosis ℥iij sexta quaque hora in morbis ex viscerum obstructionibus, & in affectionibus hypochondriacis.

Gemmæ, & cortex radices usurpantur in oleo de Capparibus *Mesue* ad tumores resolvendos perutili. Cortex radices usurpatur in Trochiscis de Capparibus, Syrupo hydragogo *Charas*, & in oleo Scorpionum composito *Mesue*.

CAPRIFOLIUM.

Caprifolium, & Matrisylva, Off. Caprifolium Germanicum, *Dod. Pempt.* 411. *R. H.* 608. Periclymenum non perfoliatum Germanicum, *C. B. P.* 302. Periclymenon non perfoliatum, *J. B.* 2. 104. Matrisylva, *Schroderi* vulgo, *Chevreseville*.

Radice est lignosa, repente, in plures fibras crassiores divisa, longis, tenuibus, lignosis, repentibus cauliculis in ramulos partitis: circa quæ ex intervallis folia nascuntur bina, ex adverso posita, oblonga, acuta, mollia, dilute virentia, subtus incanescencia. Flores in summis ramulis complures emicant candicantes, interdum flavescentes, suavissime olentes, monopetali, tubulati, ex corniculato angusto principio in latius orificium fascicantes & in duo labia dehiscences, quorum superius multifidum, inferius linguiforme, plures in orbem positi, & calyci insidentes monotomo viridi. Calyx autem abit in fructus molles seu baccas conglomeratas acinis Sambucinis similes, per maturitatem rubentes, seminibus fætam duriusculis, subrotundis, & compressis. In agro Parisiensi sponte nascitur & in hortis colitur. Folia, flores, & baccæ rarioris sunt usus.

Analysi chymica, ex florum Caprifolii recentium ℔v. prodierunt humoris limpidi, odorati nec ingrati saporis, obscure acidi ℥xv. ℥iij. gran. xxxvj. humoris manifeste acidi, deinde austeri ℔iij. ℥v. ℥vj. gr. lxxvj. humoris rufescentis, subalsi & sale volatili urinolo imprægnati ℥iij. gran. lx. olei spissi ad instar extracti ℥vij. gr. xxxvj. Massa nigra in retorta superstes pendebat ℥iij. ℥j. gran. xxxvj. quæ calcinata reliquit cinerum ℥vj. gran. xij. ex quibus lixivio salis fixi mere alcali ℥iij. gr. lvij. extracta sunt. Partium jactura in distillatione fuit ℥ij. ℥ij. gr. liij. in calcinatione ℥iij. ℥iij. gr. xxiiij.

Caprifolii folia distillatione plurimum humoris tum acidi, tum salis, tum austeri præbuerunt, parum spiritus urinosi, non mediocrem olei portionem, nec parum salis fixi mere alcali.

Infu-

Insuper folia saporis sunt fatui, styptici, odoris gravis, ingrati, cimicem redolentis: eorumque succus chartam cæruleam levissimo rubore tingit. Intensior fit rubedo a radicum succo. Earum cortex gustu est acris, salus, stypticus & odoris ingrati. Hæc planta salem essentialem continere videtur tartareum cum salis ammoniacalis aliquantulo & multo oleo tum tenui, tum foetido crasso conjunctum.

Omnibus Caprifolii partibus vis diuretica tribuitur. Vetus est a Dioscoride traditio fructum maturum in umbra siccatum ℥j. pondere in vino exhibitum per quadraginta dies, lienem absumere, lassitudinem discutere, sed urinam ciere statim a sexto die eruentam: quapropter illius usum reformidarunt, nec immerito. si Caprifolium nostrum sit Periclymenon Græcorum. Ejus decoctum in Cerevisia paratum Ettmullerus in arthritide vaga laudat.

Ex foliis succus expressus vulnerarius est & abstergens. Ad capitis vulnera & ad impetigines aliaque cutis vitia sananda commendatur. Foliorum decoctum in tonsillarum & faucium affectionibus, gulæ inflammatione, exulceratione & aphthis, in gargarismatibus usurpatur.

Baccæ maturæ contusæ in balneo maris vel in fimo equino in vase clauso digestæ resolvuntur in liquorem oleosum, qui a G. Agricola in *Chirurgia parva* 110. velut catholicum balsmum magnopere commendatur in omnibus vulneribus, non vero in ulcere sanando.

Aqua ex floribus distillatur, quæ oculorum inflammationi confert, & a Rondeletio ad partum accelerandum plurimi æstimatur, præsertim si seminis Lavandulæ triti ℥j. in hujus aquæ ℥iij. propinetur.

Alia Periclymeni species in hortis nostris colitur, quæ Caprifolium Italicum, *Dodon. Pempt.* 411. Periclymenum perfoliatum. *C. B. P.* 302. Periclymenum perfoliatum, *J. B.* 2. 104. A priori differt foliis pene glaucis, rotundioribus, & pediculis brevissimis, quorum quædam sunt sæpe continua & a viticulis trajecta pertusave, suprema autem acetabuli instar modice concava, floribus ex purpura albescentibus aut in luteum languescantibus, brevioribus & minoribus. In Italia & Gallia Narbonensis sponte oritur. Eædem virtutes ipsi tribuuntur.

Homolycos *maritima* *perfoliata*

Cardiaca *Agripalma*

C. A. R. D. I. A. C. A.

Cardiaca *Agripalma* *Cardiaca*

Cardiaca *Agripalma* *Cardiaca*

Cardiaca & Agripalma. *Off. Cardiaca*, *J. B.* 3. 320. *Inst. R. H.* 1861. *Dod. Pempt.* 94. *Lobel. Icon.* 516. Marrubium Cardiaca dictum, forte 11. Theophrasti, *C. B. P.* 1230. Lycopsis Branca lupina, *Anguill. Cardiacæ* vel Lycopus, *Fuchsi*; vulgo, *Agripaume*.

Plurimæ proradicibus fibræ ab uno veluti capite descendunt: plures quoque ex eodem assurgunt quadrangulares caules, crassi, duri, duos tresve pedes alti, obscure & ex nigro rubentes. Folia longis insidunt pediculis, venosa & rugosa, brevi adeo lanugine utrinque obsita ut nihilominus glabra videantur: quæ infimum occupant, subrotunda sunt, pallidius virentia, in tres insigniores lacinias profunde divisa, laciniis circa margines dentatis; quæ in caulibus sunt obscurius virent, sensim angustiora fiunt & integra fere in lon-

longam cuspidem definunt, ad latera utrinque unico dente incisa. Calyces monotomi, duri, in quinque spinulas rigidas, pungentes divisi, plurimi dense stipati, nullis pediculis, ex alis foliorum orti verticillatim caules ad nodos amplectuntur, & flores sustinent ex albido purpureos, exterius lanugine alba, densa, hirsutos, parvos, monopetalos, labiatos, quorum labium superius imbricatum & multo longius est inferiore tripartito. Ex calyce autem surgit pistillum posticæ floris parti ad instar clavi infixum, & quatuor veluti embryonibus stipatum, qui deinde abeunt in totidem semina parva, oblonga, angulata, lævia, spadicea, totam capsulam, quæ floris calyx fuit, occupantia. Tota planta gravi satis odore prædita gustu amaricat. Ruderibus & locis incultis ac asperis gaudet agri Parisiensis incolæ. Planta integra ex usu est.

Analyti chymica, ex foliorum & summitatum floridarum recentium ℥v. prodierunt humoris limpidi, odoris & saporis herbacei, subacidi ℥ij. ℥ix. ℥vj. gr. lxxvj. humoris acidi manifesti, deinde austeri ℥j. ℥vj. ℥ij. gr. xxxvj. humoris rufi, sale volatili urinoso copioso imprægnati ℥j. ℥ij. gr. xxiiij. olei ℥ij. gr. xxiiij. Massa nigra in retorta superstes pendebat ℥v. ℥vj. quæ calcinata reliquit cinerum leucophæorum ℥ij. ℥iiij. gr. xij. ex quibus salis fixi mere alcali ℥vij. gr. xij. lixivio sunt extracta. Partium jactura in distillatione fuit ℥vj. ℥v. gr. lxxvj. in calcinatione ℥ij. ℥j. gr. lx.

Cardiaca salem essentialem continet tartareum multo sulphure tenui & crasso conjunctum. Nomine longe quam usu celebrior est hæc planta quam nonnulli cordis affectibus convenire dicunt. Eam autem Schroderus & Ettmullerus sic dictam tantummodo putant, quod molestiis cordis, ut vulgus loquitur, seu potius ventriculi succurrere soleat. Medetur enim puerorum cardialgiis ab inflatione & distensione hypochondriorum & ventriculi cataplasma ex foliis contusis & coctis præparatum & abdomini applicatum, viscidos nempe humores quorum effervescentia flatus producit resolvendo. Fertur convulsis mederi, obstructions viscerum tollere, ventris tineas & lumbricos interimere, & ejus pulverem ad ℥j. cum vino exhibitum non modo urinam & menses evocare, sed etiam difficulter parientibus prodesse.

Decoctum Cardiacæ, ejusve siccatae pulvis cum Saccharo mixtus & haustus in palpitatione cordis lienis morbis & affectibus hystericis, ut admirandæ virtutis & efficaciam medicamentum a J. Raio proponitur.

A Veterinariis & Mulo medicis ad quosdam Boum & Equorum morbos usurpatur cum successu.

CARDUUS BENEDICTUS.

Carduus Benedictus & Carduus sanctus, Off. Cnicus sylvestris hirsutior five Carduus benedictus, C. B. P. 378. & Inst. R. H. 450. Carduus benedictus. J. B. 3. 75. Dod. Pempt. 737. Carduus sanctus Attractylis Dioscorid. *Cæsalpini* 354. Attractylis hirsutior, *Fuchsi*: Acanthium *Cordi*: vulgo, *Chardon benit*.

Radicem habet albam, multifidam, fibratam: folia laciniata Dentis leonis pene

pene modo sed minus profunde incisa, amara valde, hirsuta & in spinulas breves & molles desinentia, alternatim in caule posita. Is autem sesquicubitalis, ramosus, supinus, villosus, striatus, flores magnos sustinet flosculosos, plurimis scilicet flosculis luteis constantes quinquepartitis, pistillo trifido, quod quinque staminula apicibus longis, fuscis, sibi invicem adnatis, & velut tubulum quemdam efformantibus donata amplectuntur, cum calyce pyriformi squammoso, spinis ramosis munito, foliis amplioribus capitelli instar obvallato & multa lanugine instructo. Semina longa sunt striata, sublutea & papposa. Tota planta amarore insigni prædita est, radice excepta quæ vix leviter amaricat. Hujus Cardui capitula antequam flores pandantur, & florida recisa succum sanguineum paucum fundunt. Colitur vulgo in hortis. Folia, capitula & semina usitata sunt.

Analysi chymica, ex foliorum & summitatum Cardui benedicti ℥v. prodierunt humoris limpidi, odoris & saporis herbacei, obscure salis, obscure acidi ℥j. ℥vii. ℥vij. humoris limpidi, subacidi, deinde rufescentis, austeri ℥ij. ℥xv. gr. lvij. humoris fuscis, empyreumatici, sale volatili urinoso copioso imprægnati ℥vij. gr. xxxvj. salis volatili urinosi concreti gr. xv. olei ℥vij. gr. xij. Massa nigra in retorta superstes pendebat ℥iiij. gr. xlvij. quæ calcinata reliquit cinerum ℥ij. ex quibus salis fixi mere alcali ℥v. gr. xv. lixivio sunt extracta. Partium jactura in distillatione fuit ℥ij. gr. lj. in calcinatione ℥ij. gr. xlvij.

Carduus benedictus salem essentialem continet tartareo ammoniacalem cum paucis oleo admixto. Diaphoresim & sudores potenter movet. Alexiterius est, antipleuriticus & febrifugus. In omnibus malignis febribus utiliter usurpatur, & in ipsa peste a Palmario plurimum commendatur. Succus ad ℥ij. iiijve exhibetur; decoctum ad ℥vj. sæpius die iteratum; pulvis ad ℥j. in vino vel in ejusdem plantæ aqua distillata; extractum ad ℥j. vel ℥ss. quod Ettmüllerus cum tantillo Laudani opiatum propinatum sudores adeo promovere asserit ut ægri sudore quasi diffluant. Pleuriticis opitulatur statim initio una aut altera præmissa venæ sectione. Febres intermittentes sæpissime sanat continuato aliquamdiu usu ante paroxysmum, præmissis universalibus, in primis vomitorio, vel solus vel cum Centauro minori aut Asaro usurpatus. Conducit quoque ad sanguinem in corpore grumosum dissolvendum, præsertim in casu ab alio, illum autem resolutum per urinas expellere dicunt. Notatu sane dignum est quod Ballonius *Lib. 2. Consil. 2.* observat, decoctum Cardui benedicti ad ℥ij. vel ℥iiij. assumptum urinam reddere crassam & foetidam.

In morbis chronicis summitatum infusum cum aliis amaris plantis sæpius die utiliter propinatur.

Semen in emulsionibus cum aqua stillatitia Papaveris rhæados paratis adversus pleuritidem & rheumatismum sæpe felici cum successu usurpatur. Sudorem enim copiose prolicit. Eadem emulsio in variolis & morbillis, aliisque morbis mali moris utiliter præscribitur: exanchematum enim eruptionem faciliorem efficit & feliciorem.

Virtus quoque vulneraria huic plantæ a nonnullis tribuitur. Simon Paulli in *Quadr. Botanico* scribit vix huic secundam aliquam reperiri herbam

ham in consolidandis putridis , & contumacibus ulceribus , etiam in cancro ipso . At Schroderus tempus colligendi hanc plantam pro usu vulnerario observandum esse existimat . Si enim , inquit , sub initio Junii collectus fuerit *Carduus benedictus* , vulnera recentia mirabiliter sanat , sin alio tempore , numquam id præstabit . Quandoquidem eo tempore succo illo sanguineo balsamico turget , quod in hac planta aliis temporibus non reperitur .

℥℥. Folior. Card. bened. M. ℞. Contund. in vini alb. generos. ℥v. Colatura hauriatur ad sudorem proliciendum in pleuritide .

℥℥. Semin. Card. bened. ℥iij. Contund. in aq. Card. bened. ℥vj. In colatura dilue syrup. Meliss. vel Caryophyllor. ℥j. F. emulsio ad sudorem provocandum in pleuritide , & ad variolar. aut morbillor. eruptionem promovendam .

In Officinis aqua distillata servatur quæ sudorifera est , & in julapiis ac potionibus cardiacis & sudoriferis præscribitur . Sæpe Pharmacopœi aquam ex alia planta sub *Cardui benedicti* nomine distillant , quæ dicitur

Attractylis lutea , Off. *Cnicus Attractylis lutea* dictus , *H. Lug. Bat. & Inst. R. H.* 451. *Attractylis vera* *J. B.* 3. 83. *Attractylis* , *Dod. Pempt.* 736. *Chartamum sylvestre* , *Cæsalp.* 532. *Attractylis lutea* , *C. B. P.* 379.

Cardui bened. folia usurpantur in aceto theriacali *Charas* : *Ol. Scorp.* *Matthiol.* Ung. Martiato *Charas* , semina in opiata *Salomonis* & in decocto amaro *Pharm. Londin.*

CARDUUS MARIE.

Cardus Mariæ , Cardus Marianus , Cardus lacteus , Off. Cardus albis maculis notatus vulgaris , *C. B. P.* 381. *Inst. R. H.* 440. Cardus Marianus sive lacteis maculis notatus , *J. B.* 3. 52. Cardus Leucographus , *Dod. Pempt.* 722. *Leucacantha* , *Lacun* : *Sylbum Cardus Mariæ* , *Lobel. Icon. T.2. p. 7.* *Spina alba hortensis* , *Fuchs.* vulgo , *Cardon Marie* , *Chardon de Notre-Dame* , *Artichaut sauvage* .

Radice est longa , crassa , succulenta : foliis latis , longis , sinuatis , ambitu crenatis , multis duris aculeis horrentibus , nitidis , glabris , dilute virentibus , notis , & lineis varie ductis , candidis , ac lactei coloris maculatis : caule digitum crasso , striato , lanugine villosa incano , bicubitali aut tricubitali , ramoso . Summi ramuli sustinent flores capitatos flosculosos , plurimis scilicet flosculis purpureis constantes tubulosos , in summitate quinquefariam divisis , quorum singuli singulis insident embryonibus , & calyce squammato aculeatoque comprehensos . Embryo autem abit deinde in semen læve , Carthami magnitudine , ovatum , & aliquantisper compressum , pappis instructum , gustu dulce . Agri Parisiensis incolæ sponte nascitur in campestribus , & incultis locis , secus itinera , & agrorum margines . Semen in usum venit , raro folia , & radices .

Analyti chymica Cardus Mariæ plurimum humoris acidi , non mediocrem olei & alcalini humoris portionem , parum terræ præbet . Folia amara sunt , & adstringentia . Eorum succus intenso colore rubro char-

tam

tam cæruleam inficit. Salem essentialem in hac planta Tournefortius contineri suspicatur enixum, seu alcalinum acido sale plusquam saturatum, quale est Oxysal Diaphoreticum *Angeli Salæ*.

Hujus Cardui folia tenera, demptis spinis a nonnullis inter olera recensentur.

Eædem ipsi tribuuntur virtutes quibus Carduus benedictus insignitur. Sudorem & urinas promovet.

Foliorum & radicum decoctum ad hepatis & viscerum infarctus utiliter præscribitur. In hydrope, ictero, nephritide a Matthiolo commendatur.

Seminis insignis est usus in pleuritide & rheumaticis pectoris doloribus. In emulsionibus propinatur, aut pulveratum ad ℥j. aut ℥ij. ex vino aut aq. distillata sumitur. Lindanus *super praxim Hartmanni*, hoc semen ut specificum adversus hydrophobiam proponit: quod egregie sudorem movet. Succus febrifugus dicitur: ineunte paroxismo ad ℥iiij. propinatur.

℥. Semin. Card. Mariæ & femin. Card. bened. ana ℥ij. Semin. Nasturtii ℥j. Contund. sensim affundendo aq. still. Card. bened. ℥viiij. Fiat colatura cum expressione, qua dilue syrup. Meliss. ℥j. Fiat emulsio sudorifera, in pleuritide & rheumaticis doloribus punctoriis.

Externe hujus Cardui decoctum vel aqua distillata in phagedænis, nomis & ulceribus erodentibus, in cancro narium utilia censentur.

C A R Y O P H Y L L A T A.

Caryophyllata, Off. Caryophyllata vulgaris, C. B. P. 321. Inst. R. H. 294. Caryophyllata vulgaris, flore parvo luteo, J. B. 2. 398. Vulgaris Caryophyllata, Lobel. Icon. 693. Herba Benedicta, Brunsfels: Gariofilata, vulgo *Cæsalpi*: Sanamunda, *Quorumdam*: vulgo, *Benoite*, *Herbede S. Benoit*, *Galiot*, *Gariot*, *Recise*.

Radice est fibrata, subrufa, acri, aromatica, verno tempore Caryophyllum olente: caulibus cubitalibus, hirsutis, alternatim ramosis: foliis inferioribus veluti conjugatis cum extremo impari claudente, cæteris ampliori, trifido superioribus vero cauli adnexis, tripartitis, & duabus pinnulis minoribus ad pediculi basim stipatis, obscure virentibus & villis tenuioribus aspersis. Flores in summis ramulis adsunt aurei, rosacei, pentapetali, quorum umbilicum occupat pistillum globosum & quasi echinatum, quod mutatur in capitulum sphaericum pluribus seminibus conflatum villosis, compressis, in orbem positis, acutis & in filum quoddam rigidum extremo reflexum uncinatumque abeuntibus. Calyx monotomus in decem partes acutas, majores, minoresve alternatim positas dividitur. Nascitur in sepibus & sylvis agri Parisiensis. Radix & folia in usu sunt. Radix non semper æque odorata est: verno tempore & in aridis calidioribus locis collecta longe fragrantior est.

Analyti chymica, ex plantæ integræ recentis cum radicibus ℥v. prodierunt humoris limpidi, leviter aromatici, obscure acidi ℥viij. ℥ij. gr. xxxvj. humo-

humoris primo limpidi, manifeste acidi, ac tandem rufescentis austeri ℥iij. ℥ij. ʒj. gr. xij. humoris fusci sale volatili urinoso copioso imprægnati ℥iij. gr. xxxvj. olei adiposi ʒj. ℥iij. gr. xxxvj. Massa nigra in retorta superstes pendebat ʒix. ʒij. gr. xxxvj. quæ calcinata reliquit cinerum ℥iij. ʒv. ex quibus salis fixi mere alcali ʒvj. gr. xxxvij. lixivio extracta sunt. Partium jactura in distillatione fuit ʒix. ʒiij. gr. lx. in calcinatione ʒv. ʒv. gr. xxxvj.

Radices solæ recentes distillatæ plurimum humoris acidi, odorati, aromatici præbuerunt, parum spiritus volatilis urinosi, mediocrem olei portionem, sed adeo gravis ac densi ut aquæ fundum peteret. Caryophyllatæ folia amara sunt, & styptica: & eorum succus chartam cæruleam intenso rubore tingit. Itaque hæc planta ammoniacalem salem continet acidius quam saturatum, oleo tum tenui, tum crasso involutum.

Radix recens, & in calidioribus locis nata, blandumque aroma Caryophyllatum spinas adversus catarrhos, & capitis obstructions commendatur ob salem volatilem quo donatur: sicca vero, & sale volatili fere orbata magis adstringit, & utiliter usurpatur ad fibrarum ventriculi, & intestinorum tonum firmandum in diarrhæis, & alvi profluviiis cruentis, in cruenta exspuitione, & hæmorrhagiis. Decoctum radicum recentium ʒj. vel herbæ integræ M. j. in aq. communis ℥ij. ad medias; vel eorundem contusorum infusum in vini ℥ij. per noctem, deinde percolatum, & ineunte paroxismo haustum sudorem potenter provocat, & sæpius febres abigit. In variolis, morbillis, aliisque malignis morbis ejusdem radice decoctum cum rasura Cornu Cervi utiliter propinatur, ubi alvi profluvium metuendum est. Eadem radix in sanguine coagulato resolvendo in illis commendatur qui ex alto deciderunt pulverata ad ʒj. in vino calido. Foliis succus ad eadem valet. Ad ℥iij. propinatur,

℥. Radic. Caryophyllatæ exsiccatae, & contusæ, Rasur. Cornu Cervi ana ʒij. Radicis Scorsonn. taleolatim concisæ ʒj. Coquantur in aq. comm. ℥ij. ad ℥ij. Detur pro potu solito in dysenteriis, & morbis malignis alvi fluxu stipatis.

℥. Rad. Caryophyllatæ recentis & Acori veri ana ʒj. Infunde per noctem in vini generosi ℥ij. Sumat æger ad ℥iij. quarta quaque hora in catarrho.

Folia contusa carpis admota ante paroxysmum febres intermittentes nonnumquam profligaverunt.

C A R V I.

Carvi, Off. Carvi, *Cæsalpini* 291. *Inst. R. H.* 306. Cuminum pratense, Carvi Officinarum, *C. B. P.* 158. Caros, *J. B.* 3. 2. 69. Carum, *Dod. Pempt.* 299. Careum, *Fusch. Ger.* : vulgo, Carvi.

Radice est singulari, longa, pollicem crassa, acri & aromatica, fibris nonnullis stipata: caulibus cubitalibus & sesquicubitalibus, striatis, glabris, ramosis frondibus partim e radice partim ex ramulorum alis enatis, compositis ex longo carinato pediculo, sed angusto & foliis conjugatis tenuissime incis, nitidis & obscure virentibus. Flores in umbellis nascuntur parvi, odorati,

rosacei, e quinque petalis cordiformibus, inæqualibus, & nonnihil ad filifuras crispis, in orbem positis, & calyci viridi insidentibus, staminibus tenuissimis, albicantibus, & apicibus virentibus constantes. Calyx mutatur in fructum ex duobus seminibus compositum exiguis, longiusculis, hinc gibbis, & striatis, inde vero planis, subnigricantibus, acris, aromaticis. Nascitur in pratis circa Parisios, tum & in Alpibus, & Pyrenæis. Semen in usum venit, nonnunquam etiam radix.

Analyfi chymica, semen Carvi plurimum exhibet olei tum essentialis, tum empyreumatici crassi, nec mediocrem portionem humoris tum acidi, tum volatilis urinosi. Oleum essenziale acre, aromaticum, & exurens paratur ex semine cum aquæ magna copia distillato.

Semen Carvi passim in Germania, Batavia, & Anglia usitatissimum est: nam cum panibus quos biscoctos vocant, pinsitur, & caseis adjicitur, jusculis, placentis, aliisque ferculis incoquitur, & Saccharo obducitur.

Stomachicum, & diureticum dicitur. Inter quatuor semina calida majora recensetur, quæ sunt Anisi, Fœniculi, Carvi, & Cumini semina. Minora vero sunt semina Ammeos, Amomi, Apii, & Dauci. Humores crassos ac tenaces incidit, flatu discutit, colicos dolores sedat, ciborum concoctionem juvat, urinas promovet, & mentes. Sed actuosis suis partibus, oleosis, & acris æstum accendit in sanguine, & ardorem invehit in partibus, & eas ad inflammationem disponit. Quapropter hæc oleosa, aromatica, & acria remedia prorsus evitanda sunt ubi adest in visceribus ardor, & inflammatio. Semen pulveratum a ℥j. ad ℥j. usurpatur, vel infusum ℥j. in vino aut vehiculo idoneo. Ejus oleum essenziale a gutt. iij. ad vj. præscribitur, cum Saccharo.

Radix dum adhuc tenera est non minus efficax censetur quam semen. In apozematis, & enematis carminantibus nonnunquam præscribuntur.

℥. Sem. Carv. pulver. ℥j. Sacchar. alb. ℥ij. cum vini generosi ℥iiij. Sumat æger in colica flatulenta.

℥. Olei essential. Carv. gutt. v. Sumat ex aqua Menthæ vel vino.

Externe in colicis doloribus fomenta abdomini admoventur ex seminum, & radicum decocto; vel oleo essentiali Carvi cum oleo Amygdalar. amarar. vel oleo Absinth. permixto abdominis regio utiliter inungitur.

℥. Rad. Carvi, Acori veri, & althææ ana ℥j. Folior. Malvæ, Calamenth. Puleg. Majoran. & summ. Anethi ana M. j. Flor. Chamæmeli, & Melilot. ana P. j. Semin. Carv. & Cumin. ana ℥ss. Fiat decoct. in aq. comm. addendo sub finem vini albi ℥vj. Colatura foveatur abdomen, & ventriculi regio ad emolliendum, & discutiendum in colicis doloribus aliisque morbis a flatu.

Semen Carvi usurpatur in Electuar. de Baccis Lauri, El. Micleta, & Benedicta laxativa Pharm. Reg. Charas, necnon in Clareto vulgo dicto *Rossolis des six graines*, quod sic conficitur.

℥. Semin. Anisi, Fœniculi, Anethi, Coriandr. Carvi, & Dauci ana ℥j. Contusa macerentur ad Solem in vase vitreo clausa per tres hebdomadas cum sp. vini ℥iiij. Fiat colatura cui adde syrupi præparati ex Sacchari albillimi ℥j. cum s. q. aq. Chamæmeli vel Menth. crispæ.

pæ. Servetur ad usum. Dosis cochlear unum aut alterum ad cibor. concoctionem juvandam, dolores colicos flatulentos discutiendos, urinas provocandas, & menses ciendos.

CARYOPHYLLUS.

Caryophyllus hortensis, Caryophyllea, Tunica, Off. Caryophyllus altissimus major, C. B. P. 207. Inst. R. H. 330. Betonica coronaria sive Caryophyllus major flore vario, J. B. 3. 327. Caryophyllus multiplex, Lob. Icon. 441. Caryophyllea, Trag. 574. Herba Tunica, Quibusdam, Cantabrica, Turneri: Viola flammea, Scaligeri: vulgo, Oeillet.

Radice est simplici, fibrosa: caulibus numerosis, lævibus, teretibus, cubitalibus, raro altioribus, geniculatis, nodosis, ramosis: foliis e singulis geniculis binis, angustis, gramineis, duris, per extremum acuminatis, cæsis quasi vel glauco colore. Flores in summis caulibus nascuntur Caryophyllei seu plurimis constantes petalis, coloris diversi, coccinei, nigricantis, carnei, candidi vel variegati, in orbem positis, quinis, senis aut pluribus, lente fimbriatis, odore Caryophyllos aromaticos suaviter referentibus, staminibus, & apicibus candidis, in medio emicantibus, pistilloque in duo vel tria filamenta recurva desinente, ex calyce cylindraceo, membranaceo, ad exortum squammato, in summo denticulato, emergentibus. Pistillum autem ab initio deinde in fructum cylindraceum, apice dehiscens, calyce ipso involutum, seminibus foetum parvis, planis & quasi foliaceis, rugosis, per maturitatem nigris, placentæ affixis. Varia sunt horum florum genera magnitudine, colore, & petalorum numero differentia: quæ quidem varietates a diversa cultura emergunt. Coluntur in hortis ob florum elegantiam, & odoris suavitatem. Seruntur frequentius avulsis exiguis cum foliis surculis, seminibus rarius; nam e semine nati flores ad agrestem naturam redeunt, minores minusque odorati, & simplices, etiam si prius multiplices, redduntur. Usus est florum. Coccinei, & odorati cæteris anteponuntur.

Analysi chymica, florum a calycibus separatorum ℥v. per retortam distillatæ præbuerunt humoris limpidi, odore, & sapore Caryophyllos aromaticos referentis, obscure acidi ℥ix. Zij. gr. xij. humoris primo odorati, subacidi, deinde empyreumatici, manifeste acidi, & austeri ℥iiij. ℥viii. gr. xxxvj. humoris rufescentis, sale volatili urinoso imprægnati ℥j. ℥vj. gr. xliij. olei spissi ad instar extracti ℥ij. ℥iiij. gr. liiij. Massa nigra in retorta superstes pendebat ℥v. ℥iiij. gr. xlviiij. quæ per decem horas calcinata reliquit cinerum nigricantium ℥j. ℥vij. gr. xlviiij. ex quibus salis fixi mere alcali ℥v. gr. xxxvj. lixivio extracta fuerunt. Partium jactura in distillatione fuit ℥iiij. ℥vj. gran. xxiii. in calcinatione ℥iiij. ℥iiij. gr. xliij.

Caryophylli flores non mediocrem olei tenuis, & subtilis portionem continent ut ex eorum odore fragranti conjicere licet, multum olei densi, & rarefactionis capacis, & salem tartareum ammoniacalem. Copioso suo sulphure acres sanguinis sales involvunt ac demulcent. In omnibus capitis, & cordis affectionibus commendantur, sed præsertim in morbis malignis, & pestilentialibus. Nonnulli succum totius plantæ vel etiam

radicum ut alexipharmacum commendant . Verum solus flos hac virtute donatus videtur , nec quidem tota substantia , sed solum infusum vel decoctum quod C. Hoffmannus præsertim commendat . Simon Paulli testatur , innumeros solo decocto florum a febribus malignis liberavisse , & asserit hoc decoctum sudores , & urinas potenter provocare citra magnos naturæ motus , cor simul corroborare sitimque sedare .

Ex his floribus syrupus , conditum , acetum in officinis præparata servantur , & aqua distillatur odorata . Syrupus in julapiis ac potionibus cardiacis frequenter usurpatur ad ℥j. vel ℥ij. conditum ab ℥ss. ad ℥jss. in electuariis cephalicis , cardiacis , & antispasmodicis . Aqua distillata ad sudores proliciendos aut exanthematum eruptionem promovendam utilis censetur . Flores in aceto macerati illud colore rubro , odore suavi , sapore grato , & virtute cardiaca insigniunt . Tempore pestilentiae ad contagium arcendum lintea hoc aceto Caryophyllato madefacta gestanda , & identidem olfacienda sunt , nec non etiam illius aceti cochlear unum aut alterum mane utiliter assumitur ad contagium præcavendum .

C A S T A N E A .

Castaneæ arboris duæ sunt species in Officinis , altera sativa , sylvestris altera .

Castanea sativa , *Off.* Castanea sativa , *C. B. P.* 418. *Inst. R. H.* 584. Castanea , *J. B.* 1. 121. Castaneæ majores , *Lugd.* 31. vulgo , *Marronier* .

Arbor est magna , procera , ramosa , furculosa , tantæ nonnumquam amplitudinis ut truncum ejus tres homines vix complecti potuerint : ligni materie solida , durabili , non obnoxia putredini , & in igne multum crepitante , cortice lævi , maculoso , subnigro aut ad cinereum vergente . Folia gerit ampla , uncias duas plus minus lata , quatuor aut quinque longa , tenuja , aspera , rugosa , ambitu incisa , transversis multis venis in dorso eminentibus a media insigni costa extensis . Flores e ramulis dependent amentacei , plurimis staminibus e calyce quinquefolio viridi surgentibus cum luteis apicibus constantes , tenui capillamento seu axi affixis , steriles . Fructus echinati , pungentes , erinaceis similes , in eadem arbore a floribus separati nascuntur subrotundi , quadrifariam dehiscentes , intus villosi , in quibus continentur binæ aut ternæ Castaneæ , alias uncia , unciales circiter , subrotundæ , ex lata basi veluti in acumen desinentes , ab uno latere planæ , ab altero plerumque gibbosæ , cortice exterius obductæ veluti coriaceo , duro ac lento , exterius spadiceo ac lævi , excepta basi scabriore & subcinerea qua parte adhæsit , interne incana , lanugine molli pubescente , cui subjacet alia tenuior membrana rufa , crispa , fragilis , amaricans & adstringens , nucleum seu medullam continens albam , solidam ac duram satis , sed dulcem , & gratam palato , præsertim si cocta fuerit . Maturo fructu echinati cortices sponte dehiscunt & Castaneas maturas dimittunt . In Galliæ meridionalis provinciis colitur . Materies arboris ædificiis atque aliis domesticis utensilibus admodum apta est . Castaneæ in cibos veniunt .

Castanea, Off. Castanea sylvestris quæ peculiariter Castanea, C. B. P. 419. *Inst. R. H.* 584. Castanea, *Dod. Pempt.* 814. vulgo, *Chataignier*.

Magnitudine tantum a priori differt ratione culturæ. Fructus enim & cæteræ arboris partes minores sunt. In agro Parisiensi sponte nascens reperitur.

Analyſi chymica, ex Castanearum sativarum decorticatarum ℥v. per retortam distillatis prodierunt humoris limpidi, fere insipidi, sub finem obscure acidi ℥xiij. ℥iij. humoris subacidi & austeri ℥vj. ℥xv. ℥ij. gr. xxiiij. humoris fulci, empyreumatici, intense acidi, austeri ℥ij. ℥iiij. gr. xlvij. humoris fulci, empyreumatici, intense acidi, subsalsi ℥ix. olei ℥ij. ℥ij. gr. xlvj. Massa nigra in retorta superstes pendebat ℥x. ℥iiij. quæ caleinata reliquit cinerum ℥j. ex quibus salis fixi mere alcali ℥v. gr. xx. lixivio sunt extracta. Partium jactura in distillatione fuit ℥xj. ℥vij. gr. vj. in calcinatione ℥ix. ℥iiij.

Castanearum medulla dulcis est, aliquantisper styptica, & chartam cœruleam rubro colore tingit: unde liquet abundare sale essentiali aluminoso multo sulphure involuto.

Castaneæ gentium multarum apud nos opes sunt: adjuvant in primis rem escariam. Integræ vel in aqua coquuntur, vel igne torrentur, idque duobus modis, vel in sartagine aut perforata patina ad ignis flammam, vel sub prunis & cineribus candentibus. Prius tamen quam cineribus aut igni credantur, cultello obiter vulnerari debent, ut e plagæ hiatu flatus igne citatus evadat: alioqui ubi flagrant incaluerint, humore intus contento rariore facto, magno cum strepitu prosilient non sine adstantium periculo: & insuper æquabilius torrentur. A nonnullis posterior coquendi modus præfertur: nam in sartagine tostæ partim comburantur, aut aliquid fuliginosi empyreumatis contrahunt. Apud lautiores Castaneæ sub cineribus tostæ & decorticatæ cum succo Aurantiorum vel Limonum & tantillo Sacchari mensis secundis inferuntur. In Gallia Lugdunenses prædicantur amplitudine & saporis suavitate commendatissimæ, non solum quæ in agro Lugdunensi nascuntur, sed etiam quæ ex Delphinatu, ubi maximus est earum proventus, a negotiatoribus Lugdunum devehuntur, unde in alios tractus deinde comportantur.

Multis populis pro pane Castaneæ sunt, præcipue Petrogoriis, Lemoicensibus & Gebennicorum montium incolis. Sic autem illas parare solent. Primum ut diutius servari possint spoliantur lento cortice coriaceo qui sub echinato calyce primo subest, deinde proxima corpori membrana, quæ infestat saporem, detrahitur: mox ut siccentur exacte, curant sedulo: nam cratibus sic delibratas imponunt, quas postea in caminis suspendunt, & siccitas in usus servant. Coquunt plerumque cum suilla in capaci cacabo: viceque pulmentarii ac panis jucundissime vescuntur.

Castaneæ quocumque modo paratæ flatulentæ sunt, difficile coquuntur: multum quidem præbent nutrimenti sed crassi, nec conveniunt nisi robustis & duris laboribus assuetis. Citra igitur satietatem comedendæ sunt: quippe valetudinem mire infestant si modus absit & potissimum eorum qui calculis renum, colicis doloribus, & viscerum infarctibus obnoxii sunt.

Adstringunt cum ipsæ nuces & præsertim crudæ, tum quoque membrana

subrufescens quæ carnem ambit . Siftunt utique stomachi & ventris fluxiones , & sanguinem excreantibus prolunt . Earum farina cruda vel medulla cocta cum melle & sulphure subacta tussientibus & cruenta expuentibus utile præbent electuarius . Diarrhæis decoctum Castanearum vel earum cortex exsiccatus & pulveratus conferunt . Interior membrana rubens commendatur ad alvi profluvia & sanguinis rejectiones seu in aqua decocta & pota , seu in vino austero ℥ij. pondere : quin etiam cum pari pondere eboris rasi alba fœminarum profluvia cohibet . Emulsio Castanearum & seminum Papaveris albi cum decocto Glycyrrhizæ extracta , confert iis , qui ardoribus urinæ laborant .

Externe cataplasma cum Castanearum medulla , farina Hordei & aceto mammis admotum earum duritiem resolvit & lac coagulatum dissolvit .

C E N T A U R I U M .

DUæ in Officinis occurrunt plantæ Centaurii nomine insignitæ , genere tamen prorsus diversæ : Centaurium majus & Centaurium minus . Centaurium majus , Centaurea major , Rhaponticum vulgare seu Pharmaceuticum , Off. Centaurium majus folio in plures lacinias diviso C. B. P. 177. Inst. R. H. 449. Centaurium majus Juglandis folio J. B. 3. 38. Centaurium magnum Dodon. Penpt. 334. Rhapontica quæ hodie Centaurea major Tragi 138. vulgo , *Grande Centauree* ou *Rhapontique vulgaire* .

Ex radice crassa , ponderosa , solida , tripedali , foris nigricante , intus rubescente , succo sanguineo prægnante , cum dulcedine & adstrictione nonnihil mordaci , caules edit rotundos , teretes , bicubitales aut tricubitales , ramosos cum multis adnatis ; frondes gerit amplissimos in plures particulas divisos & in alæ formam dispositos , quorum folia oblonga , spithamam fere longa , tres vel quatuor uncias lata , Juglandis foliis fere similia , in ambitu serrata , nervosa , glabra , saturate virentia . Surculorum extrema capitula sustinent seu flores flosculosos , plurimis nempe flosculis constantes cœruleis , quinquifidis , embryoni insidentibus & calyce squammoso non aculeato comprehensis . Embryo autem abit deinde in semen oblongum , glabrum , Cnico fere simile & pappis instructum . In Alpibus sponte nascens reperitur , unde radix quæ usus est , affertur . In hortis colitur .

Analyti chymica , radicum recentium ℔v. præbuerunt humoris limpidi , saporis aliquantisper herbacei , obscure subsalsi ℥vij. ℥iij. humoris limpidi primo obscure acidi , deinde manifesti , ac tandem austeri ℔iij. ℥vij. ℥v. gr. xxiiij. humoris rufi , empyreumatici , tum acidi , tum urinosi & sale volatili urinoso imprægnati ℥iij. ℥j. gr. xxiiij. olei adiposi aqua gravioris ℥j. ℥iij. gr. xij. Massa nigra in retorta superstes pendebat ℥vij. ℥ij. gr. xxxvj. quæ calcinata reliquit cinerum ℥j. ℥v. gr. xxiiij. ex quibus salis fixi mere alcali ℥iij. gr. vj. lixivio extracta sunt . Partium jactura in distillatione fuit ℥iij. gr. xlvij. in calcinatione ℥vj. ℥v. gr. xij.

Centaurii majoris radix cum quadam adstrictione ac dulcedine acri , sale donatur essentiali tartareo aliquantisper aluminoso cum olei crassi portione non mediocri , unde concretum exsurgit salinorefinosum .

Virtu-

Virtutes contrariæ huic radici tribuuntur, ob acrimoniam crassos humores incidit, viscerum obstructions resolvit & menses movet: ratione adstrictionis profluvia sistit; prodest in hernia & exspuitione sanguinis. Ad vulnera recentia conglutinanda efficax admodum dicitur. Hepatis obstructions referat & hujus visceris tonum firmat ac roborat, unde hydropicis & ictericis auxiliatur tum vino macerata, vel aqua decocta, tum in pulvere pota. Ad ℥j. usurpatur in infusis aut decoctis vulnerariis, adstringentibus necnon etiam aperientibus. Pulvis ad ℥j. præscribitur in vino vel alio liquore idoneo.

Usurpatur in Pulvere antipodagrigo *Principis Mirandolani*.

A nonnullis hæc radix pro Rhapontico vero sumitur, sed perperam, ut jam alibi diximus.

Centaurium minus, Centaurea, Fel Terræ Off. Centaurium minus C. B. P. 278. *Inst. R. H.* 122. *Dodon. Pemptad.* 336. Centaurium minus, flore purpureo J. B. 3. 353. Centaurea *Brunsfels*: Gentiana dydropica *Hoffm. Altorf.* vulgo, *Petite Centauree*.

Radice est parva, candida, lignosa, fibrata, insipida: caule spithameo, anguloso, ramoso: foliis aliis in terram sparsis, aliis in caule binis ex adverso positis, Hypericis forma, sed majora, glabra, nervosa, dilute virentia. Flores in summis ramulis velut in muscarium nascuntur monopetali, infundibuli forma, quinquepartiti & suave rubentes. Calyx florum e quinque foliis acutis constat, & pistillum quod infimam floris partem perfodit, mutatur in fructum semiunciam longum, cylindraceum, membranaceum, bicapsularem, in duas carinas hiantem & semina fundentem minutissima. Folia & flores intenso amarore donantur. In agro Parisiensi sponte nascitur. Usus est herbæ cum floribus.

Analyti chymica, ex plantæ floridæ ℔v. demptis radicibus, prodierunt humoris limpidi, fere inodori, saporis acris, linguam pungentis, subacidi ℥xij. ℥vj. gr. xxxvj. humoris primo limpidi, acris, deinde rufescentis, minus acris, intense acidi, tandem odoris & saporis empyreumatici, intense acidi & austeri, ℔ij. ℥ix. gr. xxj. humoris fusci, odoris & saporis empyreumatici, fumum referentis, austeri, alcalini ac tandem sale volatili urinoso imprægnati ℥ij. ℥iiij. gr. xliij. olei spissi ℥j. ℥v. gr. vj. Massa nigra in retorta superstes pendebat ℥viiij. quæ calcinata reliquit cinerum ℥i. ℥iiij. gr. liij. ex quibus salis fixi alcali ℥iiij. gr. xl. lixivio sunt extracta. Partium jactura in distillatione fuit ℥xij. ℥vij. gr. xxxix. in calcinatione ℥vj. ℥iiij. gr. xvij.

Centaurii minoris folia & flores insigni amarore donantur, chartam cœruleam intenso rubore tingunt: salem continere videntur essentialem Tartaro vitriolato haud absimilem cum ammoniacali consociatum & multo oleo acri & crasso conjunctum.

Centaurii minoris summitates floridæ, ratione salis digestivi quo donantur, viscidos humores potentissime incidunt & obstructions viscerum referant. Hinc in affectionibus chronicis & febribus intermittentibus plurimum valent. Ratione olei tenuioris & acris sanguinem in vasis infimi ventris expandunt & fermentant: hæmorrhoidales venas aperiant & menses provocant. Summitates floridæ ad pugillum unum aut alterum in vino macerantur, vel in aqua Card. Benedicti decoquuntur pro

haustu . Pulvis earundem exsiccatarum ad ℥j. præscribitur , & conditum ad ℥ss.

Rulandus , referente Ettmullero , febres intermittentes fere omnes ; præmisso vomitu , solo ejus florum , vel etiam herbæ decocto curabat : in chronicis vero radicem Asari cum Centaurio minori consociabat . In ictero & mensium suppressione utiliter exhibetur . Centaurium minus ad suppressum hæmorrhoidum fluxum revocandum tum interno usu tum externa affrictione conducit . Ventriculum roborat , ciborum concoctionem juvat , vermes enecat . A Palmario in morbis contagiosis , veluti specificum laudatur : si pulveris Centaurii minoris ℥j. in vino vel aqua Cardui benedicti hauriatur , sudorem moderate provocat .

Licet stirpes nostrates cum veterum plantis comparare nolim , non possum tamen quin hic obiter dicam , veteres tanti fecisse Centaurium minus ut inter opera Galeno adscripta , integer libellus reperiatur *de virtute Centauræ* inscriptus , in quo Simon Pauli duo observavit notatu digna ; primum scilicet veteres aut saltem auctorem illius libri extracta conficiendi modum non ignoravisse , quippe qui Centaurii extractum præparandi modum accuratissimum proponit : alterum quod ingens præsidium idem collocet in hac planta tanquam specifica in curandis canis rabidi aliorumque venenatorum animalium moribus . Hac ratione Julianus Palmarius illud usurpat in præparatione insignis sui pulveris contra rabiem , quem adeo probatum esse dicit , ut nullum umquam animal hoc usum se vidisse scribat , quod non atrocis morbi periculum evitaret quacumque uteretur victus ratione , illæsis tamen capitis partibus quæ dentes superant : his enim vulneratis exigua spes est , ut & vulnerata parte statim a morso frigida elota annotante eodem Palmario . Hæc est illius pulveris præparandi ratio.

℥j. Foliorum Rutæ , Verbenæ , Salviæ minoris , Plantaginis , foliorum Polypodii , Absinthii vulgaris , Menthæ , Artemisiæ , Melissophylli , Betonicæ , Hyperici , & Centaurii minoris , p. æq. Legantur singula quo tempore viribus pollent maximis , id est circa Junii plenilunium , & coelo sereno . Papyraceis dein chartis conclusa siccantur seorsim in loco ad quem neque sol , neque pluvia pertingat , ne vel nimium exarescant , vel situm contrahant . Siccata ad futuros usus asserventur ea lege ut quotannis renoventur .

Cum autem utendi necessitas incidet , singulorum æquale pondus in pulverem tenuissimum redigatur , qui a ℥ss. ad ℥j. demorsis quotidie exhibeatur , idque ex cochleari cum duplo Sacchari , vel ex vino , vel ex pomaceo , vel ex jusculo , vel ex butyro aut melle electuarii forma jejuno stomacho tribus horis ante cibum . Quamquam autem ℥ss. aut ℥ij. satis sint tum homini tum omni animali quantumvis crudeliter sauciato , nihil tamen obfuerit ad tres quatuorve processisse , cum præsertim vel longo post morsum tempore , vel jam nata etiam hydrophobia curationem aggredimur . Nonnulli hujus pulveris ℥j. cum pulveris Viperarum ℥ss. in vini albi generosi haustu quotidie propinant per novem , nonnunquam etiam per quindecim dies . Interim vulnus non aqua frigida lotum , sed ficcis linteis aut spongia exsiccatum vino aut hydromelite in quo supradicti pulveris ℥ss. soluta sit bis terve quotidie fovetur . Deinde unguentum aut emplastrum inducitur quale aliis vulneribus ex usu est .

Fernelius ad ischiadicum dolorem Centuarii minoris decoctum per clysterem infusum plurimum commendat.

Confert quoque Centaurium minus glutinandis vulneribus recentibus, & ulceribus inveteratis, quæ abstergendo siccandoque glutinat & carne replet. Contra furfures, & crustosam capitis scabiem vix præstantius ullum decoctum S. Pauli reperiri asserit quam Centaurii minoris ex Pisorum brodio paratum. Illo enim decocto si lavetur caput, insigniter furfures & scabiem detergit, imo una myriades pediculorum enecat.

Sal ex ejus cineribus extrahitur qui tertianam fugare dicitur & menses suppressos restituere. Ad ℥℥. exhibetur.

Aqua arte distillatoria ex Centauro parata in usum venit, sed exiguæ virtutis est. Usurpatur in Theriaca *Andromachi*, aceto theriacali, syrupo de *Aethemisia*, Pulvere *Comitis Mirandolæ* antiarthritico, decocto amaro *Pb. Londinens.* & mixtum reperitur cum cæteris plantis vulnerariis quæ ex Helvetia sub *Faltran* titulo advehuntur.

C E P A.

CEparum diversæ sunt species ratione coloris, magnitudinis, formæ &c. quarum usitatæ sunt, Ceba vulgaris candida & rubra, Ceba Ascalonica, & Ceba fissilis.

Ceba vulgaris candida vel rubra, *Off.* Ceba vulgaris floribus & tunicis candidis vel purpurascentibus *C. B. P.* 71. *Inst. R. H.* 382. Cephæ siye Ceba rotunda, alba vel rubra *J. B.* 2. 547. vulgo *Oignon*.

Radice nititur bulbosa, ex variis tunicis contexta, interioribus carnosis, exterioribus membranaceis, modo rubra, modo alba, interdum orbiculari, alias oblonga, alias depressa, pendulis ab imo fibris albis, subtili & acerrimo turgida succo oculos mordicando lacrymas eliciente: ex qua folia assurgunt longa, pedalia, fistulosa, teretia & acuminata, acri sapore, & caulis nudus, rectus, duorum triumve cubitorum alitudine, circa medium in ventrem utrinque turbيناتum turgescens, qui glomeratum in summo fastigio gestat florum caput pugni magnitudine. Flores liliacei sunt ex petalis sex compositi, quorum meditullium occupant stamina sex & pistillum, quod deinde abit in fructum subrotundum in tria loculamenta divisum seminibusque fœtum subrotundis, angulosis, atris. Ab omnibus aliis bulbosis differt quod ejus radix nullam omnino sobolem edat, unde & Unio latinis dicta est olim, referente Columella. Unde forte gallicum *Oignon*. In hortis olitoriiis ad usum culinarium colitur. Radix usus est.

Analyti chymica, Ceparum albarum a tunicis membranaceis mundatarum ℔v. per B. V. distillatæ præbuerunt humoris limpidi, fere insipidi, odore Cepas referentis, obscure salis ℔j. ℥xij. ℥vij. humoris limpidi, obscure acidi, ℔ij. ℥vij. ℥v. gran. xlvij. Massa residua per retortam distillata præbuit humoris rufi, subsalsi, & obscure austeri ℥ij. ℥ij. humoris rufescentis, obscure acidi, & alcali urinoso imprægnati ℥ij. gran. vj. salis volatilis urinosi concreti ℥j. gran. xxxvj. olei adiposi ℥ij. Massa
nigra

nigra in retorta superstes pendebat ℥iij. ℥ij. quæ per duodecim horas calcinata reliquit cinerum fuscorum ℥ij. gr. lxxiij. ex quibus salis fixi salis ℥j. gr. viij. extracta sunt.

Cœpæ rubræ minorem salis volatilis & olei quantitatem præbuerunt ; scilicet gr. xxxvj. & olei ℥ijss.

Partium jactura in distillatione fuit ℥iij. ℥vj. gr. liij. in calcinatione ℥ij. ℥vij. gr. viij.

Cœpa itaque salem continet ammoniacalem cum olei crassi portione mediocri, & spiritu quodam oleoso essentiali tenui, & acerrimo conjunctum.

Cœpæ ad escarum condimenta frequenter hodie in culinis usurpantur. Nonnulli eas devorant crudas : Delicatiores tamen coctis magis delectantur, quia non adeo foetidum spirant odorem.

Coctæ enim asperum & acrem saporem amittunt. Appetitum languentem excitant, palatum irritant, & conducunt stomacho frigidis, crassis, glutinosisque humoribus referto : hos enim coquunt, incidunt, attenuant, atque detergunt, urinas & menses movent, sed nil aut parum nutrimenti suppeditant : succi sunt pravi, flatus gignunt, largiori esu capitis dolores invehunt, somnia efficiunt turbulenta, halitibus multis & acerbis caput implendo quibus nervosæ cerebri membranæ commoventur, sitim pariunt, alvum faciunt lubricam acredine sua intestinorum membranas vellicando. Oculis nocere dicuntur, & animi functionibus obesse intus sumptæ. Venerem irritant, sanguinem inflammant & biliosis nocent.

Cœpæ cum melle coctæ asthmatis & pulmonum affectionibus a pituita crassa & lenta oriundis conveniunt. Succus bulbi & foliorum ad ℥vj. cum Saccharo epotus a nonnullis velut diureticum præstans commendatur in urinæ suppressione & hydropo. Adversus nephritidem Cœpa alba taleolatum secta in vini albi ℥viij. per noctem maceratur, infusum mane percolatum propinatur, jejuno ventriculo, quod per tres mensis lunaris ultimos dies iteratum a D. Chomel Med. Parisiensi tanquam comprobatum remedium prædicatur.

Cœpa non secus ac Allium rusticorum est Theriaca, & Prophylactica existimatur in peste & morbis contagiosis mane comesta. Quidam Cœpam excavatam Theriaca replent, sub cineribus coquunt, & comedendam præbent peste correptis, vel ejus succum propinant ut remedium antipestilens, & diaphoreticum. Eadem simili modo cocta, tusa, & cataplasmatibus ritu imposita pestilentes bubones efficacissime attrahit, emollit, & aperit. Nonnulli Cœpam in aquæ pauco coctam, & cum porcino adipe non falso contusam & Theriacæ ℥ij. ad bubonem pestilentem potenter attrahendum supra partem affectam imponunt, & mane ac vespere illud cathaplasma renovare solent.

Fernelius Cœpas cum sale contusas parti impositas ambustæ sanare scribit. Eadem quoque Ambrosius Paræus mirecommendat, modo ne Epidermide pars sit spoliata vel ulcerata. Cœpæ contusæ ad Alopeciam ab omnibus prædicantur, unde Schola Salernitana canit :

Contritis Cæpis loca denudata capillis

Sæpe fricans poteris capitis reparare decorem.

Mane & vespere caput iis confricetur dum prorsus rubescat & mox molle oblinatur vice cathaplasmatibus.

Ad Cephalæam Cēpa alba per medium incisa & in spiritu vini macerata applicata supra partem dolentem valde prodest . Auditus difficultatem tollit succus Cēparum cum æquali portione spiritus vini mixtus & ad aliquot guttas auribus instillatus.

Cēpæ contusæ plantis pedum admotæ œdematosos pedum tumores tollunt urinas promovendo , ventri vero applicatæ ascitidi , necnon & leucophlegmatiae medentur . Cēpæ contusæ & in cathaplasmatibus formam redactæ a Riverio commendantur ad urinæ suppressionem . Vel etiam placenta ex Cēpis minutim concisis , cum ovis agitata , in axungia porcina frixis calide applicetur parti dolenti , si urinæ suppressio sit renalis , renibus ; si vesicalis , regioni pubis ; necnon etiam perinæo admoveatur .

Cēpa alba sub cineribus assata & cum butyrō infuso in cathaplasmatibus formam redacta hæmorrhoidum dolorem sedat & tumorem discutit , narrante Riverio . Suppositoria ex Cēpa parata hæmorrhoides aperiunt .

Cēpa Ascalonica & Ascalonia *Obsoniorum* : Cēpa Ascalonica *Matthiol.* 556. *Inst. R. H.* 382. Cēpa Ascalonica sive fissilis *J. B.* 2. 551. vulgo : *Echalottes* .

Plures simul conjunctos bullos nuce avellana paulo majores , ab uno radicum fibrosarum cespite prodeuntes habet , sapore Cēpæ vulgaris admodum acri , haud tamen ingrato , ex quibus folia exeunt tenuia , fistulosa , teretia , glabra , eodem sapore prædita . Seritur in hortis olitoriis ad ciborum condimenta .

Analyti chymica , bulborum recentium a tunicis mundatorum per retortam distillatorum ℥v. præbuerunt humoris limpidi , odoris sapidi , obscure alcali , obscure salis , ac tandem subacidi ℥j. ℥iij. ℥j. humoris primo limpidi , deinde rufescentis , ejusdem odoris & saporis , acidi & subausteri ℥ij. ℥xiiij. ℥v. gr. vj. humoris rufi , sale volatili copioso imprægnati ℥ij. salis volatilis urinosi concreti ℥j. gr. xxxvj. olei spissi ad instar extracti ℥v. Massa nigra in retorta residua pendebat ℥vij. ℥vj. gr. xlvij. quæ calcinata reliquit cinerum ℥j. gr. lx. ex quibus lixivio salis fixi parum alcalici ℥iij. extractæ sunt . Partium jactura in distillatione fuit ℥iij. ℥v. gr. liij. in calcinatione ℥vj. ℥iij. gr. lx.

Cēpæ Ascalonicæ salem ammoniacalem continent oleo crasso conjunctum & cum spiritu quodam acri tenui conjunctum . Major terræ copia in illis quam in Cēpa vulgari reperitur .

Eadem præstare dicuntur quæ cætera Cēparum genera . Cibi appetentiam excitant . Ab illis qui sitim quærunt summe prædicantur . Vermes intestinorum earum esu necari vulgo creditur . At iisdem ac Cēpæ vitiis obnoxie sunt .

Cepula & Cēpa fissilis *Obsoniorum* : Cēpa fissilis *Matthioli Lugd.* 1539. *I. R. H.* 382. vulgo , *Ciboule* .

Facie tota Ascalonicam refert , nisi quod omnibus suis partibus major spectatur . Bulbi plures ab una tantum radicum coma oriuntur longa tenuique cervice nitentes , Ascaloniæ modo , sed acredine differentes . In hortis olitoriis seritur .

Analyti chymica , ex Cepularum recentium per retortam distillatarum ℥v. prodierunt humoris limpidi primo plantæ contusæ odorem & saporem referentis , deinde saporis & odoris debilioris , obscure salis , obscure acidi & ob-

& obscure urinofi ℥iij. ℥vj. gr. xij. humoris limpidi ejusdem odoris & saporis debilis, deinde manifeste acidi, ac tandem austeri ℥j. ℥xj. ℥iij. humoris rufescentis empyreumatici, sale volatili urinoso copioso imprægnati & obscure acidi ℥v. gr. ix. salis volatilis urinofi concreti ℥j. gr. xij. olei adiposi ℥vj. gr. l. Massa nigra in retorta residua pendebat ℥j. ℥iij. gr. xlvij. quæ calcinata reliquit cinerum ℥vij. gr. xvij. ex quibus salis fixi mere alcali ℥ij. gran. xxvij. lixivio sunt extracta. Partium jactura in distillatione fuit ℥v. gr. xij. in calcinatione ℥iij. gr. xxx.

Cepula sale ammoniacali & tenui spiritu donatur.

Ea omnia potest, quæ cætera Ceparum genera. Folia minutim incisa pro olere usurpantur.

Cruda Acetariis admiscuntur ad saporem acutum communicandum; item salitis piscibus & carnibus bubulis. Cocta vero placent in aliis esculentis ut ovis frixis. In ventriculo difficile coquuntur, & comedentibus tædium est ex eorum halitu & ructibus ingratis quos pariunt.

C E R A S U S.

PLurimæ sunt arborum, quæ Cerasia vel Cerasa proferunt, varietates ex fructus potissimum forma, colore, & sapore & magnitudine desumptæ. Aliæ tamen sativæ sunt, aliæ sylvestres, quæ etiam ratione habitus totius arboris aliquantisper variant. Distinguuntur pomi figura turbinatiore, longiore, rotundiore, cordis etiam figura, alia pediculo longiore, alia brevior, singulis vel pluribus una coeuntibus. Distinguuntur etiam colore albo, sed rarius, partim rubro, partim candicante, quædam pallide rubente, quædam plane cereo, alia rubro, rufescente, nigricante, nigro, & quædam etiam nigerrimo & succo sanguineo labia & manus inficiente. Distinguuntur quoque sapore dulci, acido, austero, & ex dulci acido admixto: nonnulla amaritudinis quid retinent; alia nimia sua dulcedine fastidium pariunt; alia ob nimium acorem respuuntur; alia ob aquei succi redundantiam insipida sunt: similiter alia carne sunt prædura, alia carne molliore & teneriore sive aquosa constant, & in quibusdam caro pertinacius adhæret nucleo qui in aliis fragilior & medulla non insuavi est.

Ex his apud nos potissimum veniunt in usum Cerasa acida & vulgaria, *les Cerises ordinaires*; Cerasa sativa majora Agriotta nonnullis, *les Griottes*; Cerasa duracena, *les Bigarreaux*; Cerasa aquea, *les Guignes*; Cerasa nigra, *les Merises* ou *Cerises noires*.

Cerasia acida & vulgaria fructus sunt arboris, quæ dicitur Cerasus sativa, fructu rotundo, rubro & acido *Inst. R. H. 625*. Cerasa sativa, rotunda, rubra & acida, quæ nostris Cerasa sativa *C. B. P. 449*. Cerasia sativa *Tab. Icon. 985*. vulgo, *Cerisier*.

Arbor est haud procera nec recta, multis brachiata ramis fragilibus, caudice mediocriter crasso, cortice e puniceo nigricante, ligni materie intus subnigricante, ad circumferentiam subalbida: foliis magnis, oblongis, venosis, ambitu crenatis, cæteris speciebus minoribus magisque rotundis. Flores profert

fert rosaceos, plurimis scilicet petalis albidis in orbem positis & aliquot staminibus concoloribus mediis constantes, ex quorum calyce in quinque segmenta recurva diviso surgit pistillum quod abit in fructum longis & tenuibus pediculis adhærentem, subrotundum, carnosum, carne non admodum dura vel compacta, sed succosa, sapore dum bene maturuit grato, non nimium acido sed quodammodo vinoso: in carnis medullis officulum continetur lignosum, durum, cum nucleo amaricante haud ingrato. Gummi ex se fundit lucidum, flavescent, insipidum & inodorum. In hortis colitur & magna est harumce arborum copia in valle *Montmorency*.

Analyſi chymica, ex carnis Ceraſorum maturorum ab officiulis ſeparatæ ꝑ. per retortam diſtillatis prodierunt humoris limpidi, odoris & ſaporis expertis, obſcure ſubſaſi ꝑ. gr. xxiiij. humoris limpidi, ſapore aliquantisper ſubamaricantis, nucleorum Ceraſi contuſorum amarorem leviter referentis, obſcure ſubacidi ꝑ. ꝑ. gr. xxxvj. humoris primo ſubacidi, ſubauſteri, deinde manifeſte acidi, ſubauſteri & amaricantis ꝑ. gr. xxx. humoris ruſcentis, acidi & ſaſi ꝑ. gr. lxxvj. olei ſpiſſi ad inſtar ſyrupi ꝑ. gr. xxxvj. Maſſa nigra in retorta ſuperſtes pendeſcit ꝑ. gr. xxxvj. quæ calcinata reliquit cinerum ꝑ. gr. xliij. ex quibus lixivio ſalis fixi mere alcali ꝑ. gr. lvj. extracta ſunt. Partium jaſtura in diſtillatione fuit ꝑ. gr. lxxvj. in calcinatione ꝑ. gr. lxxvj.

Liquor ex Ceraſis expreſſus & rite fermentatus vinolum præbet liquorem non ingratum, licet non admodum ſpirituolum ob magnam phlegmatis copiam quo ſalia & ſulphura diluuntur.

Ceraſa ſativa majora, Agriotta nonnullis, fructus ſunt arboris quæ dicitur, Ceraſus ſativa fructu majore *Inſt. R. H. 625.* Ceraſa ſativa majora *C. B. P. 449.* Ceraſa acida rubella *J. B. 1. 221.* Ceraſia hispanica *Tabern. Icon. 984.* vulgo, *Griottier*.

Arbor eſt priori haud diſſimilis, humilior multo, quarum & minimæ atque ideo paucorum annorum fructum ferre conſueverunt. Fructus brevi pendet pediculo, & quam reliquorum fere craſſiore. In hortis, pomariis & campis colitur.

Ceraſa inter fructus horarios maxime commendantur. Acida corpori ſuccum alibilem tenuem ſed laudabilem ſuppeditant, ſtimulans, humorem bilioſum fervidiorem contemperant & jecoris inſarctus tollunt. Febricitantibus utilia cenſentur & dicitur vulgo febres apud plebem deſinere ſtatim atque Ceraſa matura ſunt. Bene matura recentia ventrem ſubducunt, viridia diarrhæas excitant, ſiccata vero ſiſtunt.

Ceraſorum ſuccus aqua dilutus & ſaccharo edulcatus potum præbet diebus æſtivis refrigerantem & ſtomacho gratum & febricitantibus utilem. Ceraſa coquantur ex aqua cum tantillo ſacchari: Et eſca eſt non modo ſanis perſucunda, ſed etiam ægrotantibus & convaleſcentibus bilioſis præſertim perutilis: ſapore enim dulci & ſubacido languentem ventriculum excitat & ciborum appetentiam promovet. Majori vero ſacchari copia condita, ut per longum tempus ſervari queant, ſecundas menſas ſubeunt & inter præſtantiffima dulciaria habentur: nec adeo facile in ventriculo debiliori corrumpuntur ut cruda, imo, ventriculum roborant ac firmant.

Quibus ventriculus debilior est, aut acidis scatet humoribus, qui diarrhæis obnoxii sunt, ab his fructibus abstinere debent, qui facillime acescunt & alvi profluvia provocant. Cerasa acida sole vel furno exsiccata febricitantibus masticanda conceduntur ad sitis ardorem extinguendam eorumque os refrigerandum. Eorundem decoctum in hypochondriorum affectu summopere valere, imo hoc unico remedio complures convaluiffe liquido asseverare non veretur Fernelius, *Consil. 43. ad D. de Morigni*.

Ex Cerasis potiones fermentatæ a nonnullis conficiuntur quæ vinum mentiuntur. Si cum carne nuclei contusi fermentescant, vis lithontriptica his vinis tribuitur. Ex iisdem vinis spiritus ardens distillationis ope extrahitur qui cum nucleis Cerasorum contusis maceratus blando suo amaro-re palato & ventriculo non est ingratus.

Nucleis Cerasorum vis diuretica adscribitur; unde utiles censentur in nephritide & urinæ suppressione, ad renes ab arenulis & mucagine liberandos. Ex his emulsiones præparantur. Quin etiam oleum ex his nucleis expressum contra eosdem nephriticos affectus a quibusdā commendatur.

Gummi ex arboribus distillans ad eadem valet quibus Gummi arabicum conducit, insuper vi lithontriptica donatum censetur. At perperam hæc vis illi tribuitur, siquidem nullum adhuc medicamentum hac virtute donatum novimus. Revera urinæ ardores demulcere valet mucosis suis partibus urinæ salia involvendo, & urinarias vias magis lubricas efficiendo, sicque urinæ aut mucaginis aut arenularum excretionem faciliorem & feliciorem efficit.

Cerasa Duracena fructus sunt arboris quæ dicitur Cerasus major, fructu magno cordato *Raii Histor. 1538. Inst. R. H. 626. Cerasa crassa, carne dura C. B. P. 450. Cerasa duracena, oblonga J. B. 2. 221. Cerasia Pliniana Tabern. Icon. 985. vulgo, Bigarotier.*

Hujus arboris folia majora sunt quam Cerasi vulgaris acidi, ad Castaneæ folia quodammodo accedentia, deorsum fere dependentia. Fructus magnus est, oblongus, ad cordis figuram aliquatenus accedens, carne dura solidaque, dulci, coloris ex albo rubelli, nucleo magno. Hæc arbor in hortis satis frequens est: variat fructus colore rubro, albo, nigricante.

Analysi chymica, carnis Duracenorum a nucleis separatæ lbv. per retortam distillatæ, præbuerunt humoris, odoris & saporis expertis, obscure salis & obscure alcali ℥iij. ℥vij. gr. xliij. humoris limpidi fere insipidi & inodori, obscure acidi lbj. ℥viij. ℥iiij. humoris primo limpidi sub finem rufescentis, manifeste acidi, austeri lbij. ℥viij. ℥ij. gr. xij. humoris rufescentis, sale volatili urinoso imprægnati ℥ij. gr. xxxvj. olei spissi ad instar extracti ℥ij. Massa nigra in retorta superstes pendebat ℥iiij. ℥vj. quæ calcinata reliquit cinerum rufescentium ℥iij. gr. xlviij. ex quibus lixivio salis fixi mere alcali ℥ij. gr. xxiiij. sunt extracta. Partium jactura in distillatione fuit ℥iiij. ℥j. gr. liiij. in calcinatione ℥iiij. ℥ij. gr. xxiiij. Duracena itaque sale tartareo multo oleo crasso implicito donantur.

Duracena matura ut plurimum vermibus scatent & facile putrescentia sunt; in ventriculo difficile coquuntur, viscidos humores & putrefactioni obnoxios in ventre generant, qui, cum per intestina tardius descendant, facile corrumpuntur & vermium generationem promovent: idcirco ab illis

illis quorum ventriculus imbecillior est, quorum viscera glutinosis humoribus infarcta sunt, rejici debent.

Cerasa Aquea fructus sunt arboris quæ dicitur Cerasus fructu aquoso *Inst. R. H.* 626. Cerasa carne tenera & aquosa *C. B. P.* 450. Cerasia aquea *Tabern. Icon.* 986. vulgo, *Guignier*.

A priori tantum differunt fructu molliori, magis succoso & obscurius rubente.

Analyti chymica, minorem olei portionem quam Duracena suppeditant; unde liquet, sale essentiali tartareo donari multo phlegmate diluto.

Cerasa aquea non adeo ventriculum gravant ut Duracena & facilius digeruntur, sed facilius corrumpuntur quam acida Cerasa.

Cerasa Nigra fructus sunt arboris quæ nuncupatur Cerasus major ac sylvestris fructu subdulci, nigro colore inficiente *C. B. P.* 450. Cerasus sylvestris fructu nigro *J. B.* 1. 220. Cerasia nigra *Tabern. Icon.* 986. vulgo, *Merisier*.

Arbor est procera, caudice recto, cortice exteriori spadiceo aut cinereo, maculoso, lævi, interiori virenti, materie firma subrufa, foliis oblongis Pruni foliis longioribus, dense crenatis, splendidis, subamaris. Flores ex eadem quasi vagina plures simul juncti, ex pediculis tenuibus, longis, nonnihil rubentibus pendent cæterorum similes, quibus succedunt fructus rotundi fere, parvi, carne pauca, dulci, aliquantisper amaricante, haud ingrata, succo nigro colore inficiente.

Cerasa nigra in morbis capitis, epilepsia, apoplexia, paralyti peculiariter proficua censentur. Fructus recentes comedendi offeruntur: vel aqua ex his fructibus non fermentatis distillata exhibetur, vel etiam aqua spiritiosa præparatur, siue recentes fructus cum nucleis contusos vino generoso irrorando & distillando, siue eorum succum expressum novis Cerasis contusis affundendo & rite fermentando donec vinosum saporem adipiscatur, & inde spiritum ardentem distillando. *P. Joan. Faber* in balbutie & aliis loquelæ vitiis os hoc spiritu sæpius lavari commendat. *Ch. Keslerus* in sua *Chymia c. de fructibus*, asserit, quemdam apoplecticum, qui loqui non poterat, spiritu Cerasorum hausto loquelam recuperavisse. *J. Raius* refert, Cerasorum nigrorum aquam stillatitiam valde celebrari, & in frequenti usu esse apud Anglicas Matronas ad motus convulsivos præcipue infantum. In febribus malignis ad motus convulsivos compescendos sæpe a Medicis apud Anglos præscribitur.

℞. Sp. Cerasor. nigrorum, aquæ flor. Tiliæ ana ℥iij. pulver. de Gut-teta ℥ss. M. F. potio. Sumat æger cochlear unum alterumve singulis bihoris. In convulsion. infantum, in epilepsia & paralyti.

Cerasa nigra usurpantur in aq. Cerasor. nigror. comp. *Ph. Bateanæ*, in aq. paralytica & apoplectica *Ph. Reg.*

C E T E R A C H.

CEterach, Asplenium, Scolopendrium siue Scolopendria, *Offic.* Asplenium siue Ceterach *J. B.* 3. 749. Ceterach Officinarum *C. B. P.* 354. Asplenium *Dod. Pempt.* 468. vulgo, *Ceterac*.

Radicibus est capillaribus & nigricantibus, ex quibus plurima folia in orbem

orbem sparsa oriuntur tres uncias longa, semiunciam circiter lata, sinuata & undulata fere ad costam, superne glabra & viridia, inferne squammulis obducta inter quas erumpunt acervuli capsularum sphaëricarum annulo elastica vi donato munitarum, cujus contractione rumpuntur, seminaque fundunt aurea minutissima. Delectatur maceris & rupibus. In agro Parisiensi sponte nascitur.

Analyfi chymica, ex Asplenii foliis plurimum educitur phlegmatis acidi & austeri, non mediocris olei & terræ portio, parum vero spiritus urinosi. Saporem præbet herbaceum, mucaginosum, aliquantisper asperum seu adstringentem.

Itaque Asplenium mucagine sua humores acres demulcet, adstrictione vero partes roborat, viscerum tonum laxum firmat. Sic expectorationem promovet, cœterasque functiones in visceribus restituit. Unde Asplenium pectorale & aperiens habetur. In tussi, asthmate, ictero, liene tumido, urinæ suppressione conducit in vino maceratum vel in aqua aut jussculis decoctum. In liene tumido juvat præcipue, non quod splenem absumat ut quidam falso reputant unde Asplenium dici volunt, sed quod spleni ut cœteris obstructis visceribus ferat opem. In cruenta exspuitione & alvi fluxu creditur prodesse: sed debilior est illius adstrictio, unde his in affectionibus parum levaminis affert.

Tradit Matthiolus aurei illius pulveris qui invenitur in aversa foliorum parte ℥j. cum albi Succini farinæ ℥ss. ex succo Portulacæ aut Plantaginis potam gonorrhæa laborantes mirifice juvare.

Schroderus refert Asplenii folia externe admota mundificare vulnera ac ulcera.

Cœterach cum cœteris plantis Capillaribus in decoctis & jussculis sæpius usurpatur.

Usurpatur quoque in syrupo Capillorum veneris, *Renaudæi*.

C H Æ R O P H Y L L U M.

CHærophyllum, Chærephyllon, Chærefolium, Cerefolium, & Gingidium, Off. Chærophyllum sativum C. B. P. 152. Inst. R. H. 314. Chærephyllon J. B. 3. p. 2. 75. Chærefolium Dod. Pempt. 700. Cerefolium Matthiol: Gingidium Fuchs: vulgo, *Cerfeuil*.

Radice est singulari, alba, fibrata, subacri: caule sesquicubitali, tereti, striato, inani, geniculis longius distantibus nodoso, glabro & ramoso: foliis Cicutæ similibus sed minoribus, tenuioribus & dilute rubentibus, pediculis sæpe rubentibus, nonnihil hirsutis, saporis & odoris aromatici, Flores summis ramis insident umbellatim digesti, rosacei, e quinque petalis albis, inæqualibus, cordatis, in orbem positos, totidemque staminulis albis compositi, cum calyce abeunte in duo semina oblonga, hinc gibba, inde plana, glabra, per maturitatem nigricantia, rostro aviculæ similia, sapore dulci aromatico. Crescit in hortis, in quibus seritur singulis mensibus ut tenerius sit.

Analyfi chymica, ex Chærophylli foliorum & caulicor. ℥v. per B. V. distillatis prodierunt humoris limpidi, odore & sapore Chærophyllum referentis, subsalsi & obscure acidi ℥ij. ℥xj. humoris manifeste acidi, deinde austeri

ſeri ℥j. ℥vij. ℥vj. gr. lx. Maſſa reſidua in alambice exſiccata pende-
bat ℥xij. quæ per retortam diſtillata præbuit humoris ruſi, epyreumatici, ma-
niſeſte acidi, ſubſaſi, auſteri, & obſcure alcali urinoſi ℥j. ℥v. gr. lvij.
humoris, & fuſci, ſale alcali urinoſo copioſo imprægnati ℥ij. gr. xxij.
ſalis volatilis urinoſi concreti gr. x. olei ſyrupi ad inſtar ſpiſſi ℥j. ℥vj.
Maſſa nigra in retorta ſuperſtes pende-
bat ℥iiij. ℥ij. gr. xxxvj. quæ per
quindecim horas in crucibulo calcinata reliquit cinerum leucoph. ℥j. ℥vij.
gr. lx. ex quibus lixivio ſalis alcali fixi ℥vj. gr. xlvj. extracta ſunt. Par-
tium jactura in diſtillationibus fuit ℥iiij. ℥vj. gr. xxvij. in calcinatione
℥ij. ℥ij. gr. xlvij.

Chærophyl-
lum recens odorem herbaceum tenuem ac blandum ſpargit,
ſaporemque refert ſubacrem, aromaticum cum quadam adſtrictione; nec
ingratum: exſiccatum ſuper prunas candentes projectum fulgurationes
quaſdam nitroſas emittit: unde concludendum eſt, illud ſale eſſentia-
li ammoniacali nitroſo donari cum oleo ſubacri aromatico copioſo con-
juncto.

Olus eſt familiare ſuaveolens, & ſapidum, ori proinde, & ventriculo
gratum. Eſtur crudum cum aliis herbis in acetariis; diſſectum etiam bro-
diis incoquitur ſolum vel cum aliis oleribus, eaque palato gratiora red-
dit: ſed propter partium tenuitatem diuturnam coctionem ferre nequit. In-
cidit, attenuat, aperit, urinam movet, menſes evocat, calculos pellit,
viſcerum obſtructiones recludit, cutaneis affectibus medetur, chronicis mor-
bis opitulatur, grumos ſanguinis ex caſu vel icſtu collectos egregie reſol-
vit, tum interne tum externe adhibitum. Succus ex herba recenti contu-
ſa exprimitur, & levi ebullitione deſœcatur: vel herba in vaſe fictili in-
cluſa furni calentis calori exponitur, deinde ſuccus cum expreſſione ex-
trahitur. Ad ℥ij. quatuorve propinatur reiterando ſi opus ſit tertia vel
quarta quaque hora. Decoquitur etiam in aqua, & decoctum ad ℥v. vel
vj. hauritur. A nonnullis infunditur in vino. Ejus ſuccum ſolum vel cum
nitro deſœcato, & ſyrupo de ꝑ. radicibus aperientibus quarta quaque ho-
ra aſſidue ſumptum in qualibet hydropiſi maxime proſicuum expertus ſum.
Hydropicorum enim urinas fere ſuppreſſas reſtituit, turbidas, & fœculen-
tas deſœcat, ardentes, & igneas pallidiores reddit. Diureticum eſt blan-
dum, nequaquam irritans, imo inflammationes compoſcens, & ſedans.
Hoc ſi medicamento non curetur hydrops, vix alio ſanabitur modo. Id-
circo illud ſpecificum antihydropicum cenſeo. Obſervandum eſt tamen
Chærophyl-
lum ſale nitroſo donari; cujus ope ſuos effectus exerit, & iſ-
dem vitiis obnoxium eſſe, quæ in nitro deprehenduntur. Siquidem ex lar-
go, & diuturniori illius uſu tuſſis excitatur; quapropter tuſſientibus non
adeo convenit utrumque; nec cruenta exſpuentibus niſi cum cautione
præſcribenda ſunt. In apozematibus aut juſculis carni-
um cum aliis herbis,
Canceris fluviatilibus, ſalibus aut aliis medicamentis idoneis incoquitur,
præſertim vere novo; humorum enim ferociam, & impetum compoſcit.
Dolæus ſuccum Chærophyl-
li aut ejus aquam diſtillatam terque ſuper no-
vam plantam cohobatam ſæpius epotam tanquam ſpecificam contra verti-
ginem commendat. Idem ſuccus febres intermittentes ſæpe proſligavit co-
pioſo ſudore prolicito ad ℥vj. epotus paulo ante paroxiſmum, & a non-
nullis in pleuritide ad ſudorem excitandum præſcribitur.

Extrinfecus in urinæ suppressione Simon Paulli usum Chærophylli, Parietaræ & Petroselini in butyro insulso simul frixorum, & pectini calide applicatorum proponit. Ettmullerus ejus decoctum ad dolores internos post partum sedandos, si ex retentione sanguinis grumosi oriantur, plurimum valere asserit. Idem decoctum solum vel cum tantillo aquæ vitæ inflammationes, & vitia cutis erysipelatosa demulcet, & mundat. Herba contusa hæmorrhoides cæcas sanat podici calide apposta.

24. Chærophylli recenter collecti M. vj. carnis vitulinæ taleolatim sectæ lbj. Stratum super stratum disponantur in olla fictili, addendo salis Prunell. ʒj. Olla operculo accurate obturata bulliat in cacabo aqua repleto per horas quatuor vel quinque. Tunc succus exprimatur, & ad ʒvj. propinetur quarta quaque hora in hydropo. Vel

24. Succu Chærophylli defœcati ʒxij. Quo dilue Nitri puri ʒß. Syr. de 5. rad. aper. ʒij. Dividatur in quatuor doses quarta quaque hora sumendas.

Aqua Chærophylli distillata servatur in Officinis.

CHAMÆDRYS.

Chamædrys, Off. Chamædrys minor repens, C. B. P. 248. Chamædrys repens minor, Dod. Pempt. 43. Chamædryus vulgaris sive 2. Clus. Hist. 351. Trissago, Trixago, Quercula Calamandrina, Germanor. vulgo, Germandrêe, petit Chene, Chenette.

Radibus mire repit fibrosis in sylvis, caules hinc inde spargens supinos, quadrangulos, ramosos, dodrantaes, lanuginosos, in quibus folia bina ex adverso nascuntur læte virentia, semiunciam longa, duas aut tres lineas lata, basi angusta, a media parte ad extremam usque crenata, & amara, aliquantisper aromatica. In eorum alis flores nascuntur monopetali, labiati, purpurascens, labio superiori carentes, cujus loco stamina gerunt incurva cum pistillo bicorni. Labium inferius præter cervicem in duas appendices acutas abeuntem trilobatum est. Calyx monotomos, cytiniformis, & quinquifidus quaterna semina subrotunda continet e pistillo nata. Folia, & flores in usum veniunt. In sylva Bononiensi agri Parisiensis sponte nascitur.

Analyti chymica, ex hujus plantæ floridæ recentis lbiiij. & ʒx. per retortam distillatis prodierunt humoris limpidi, fere inodori, subacidi ʒxij. ʒj. humoris manifeste acidi, sub finem austeri lbij. ʒv. ʒv. gr. xvij. humoris rufi, empyreumatici, intense acidi, austeri, subfalsi, deinde tum acidi, tum alcali, & sale volatili urinoso imprægnati ʒvj. gr. xlviij. olei adiposi ʒiiij. ʒj. gr. xxiiij. Massa nigra in retorta superstes pendebat ʒx. gr. xvij. quæ rite calcinata reliquit cinerum ʒij. ʒj. gr. xxxvj. ex quibus lixivio, salis fixi mere alcali ʒiiij. gr. liiij. sunt extracta. Partium jactura in distillatione fuit ʒiiij. ʒvij. gr. xxxvj. in calcinatione ʒvij. ʒvj. gr. liiij.

Hujus plantæ folia amara sunt, & subaromatica. Chartæ cæruleæ colorem nullo modo mutant. Salem essentialem continere videntur sali mirabili Glauberi similem cum ammoniacali conjunctum, & multo oleo aromatico involutum.

Humores crassos, & tenaces incidit, attenuat, laxiorem partium solidarum tonum firmat, & roborat, urinam, & sudorem potenter movet. Intus assumpta confert in viscerum obstructionibus, ictero, tumoribus lienis, mensium suppressione, febribus contumacibus, hydropo incipiente, scorbuto, & arthritide. Matthiolus asserit eam in pestilentia juvare, lumbricos necare, & capitis affectibus frigidis mederi. J. Rajus scribit hanc plantam in agro Cantabrigiensi Theriacam Anglicam nuncupari, procul dubio quia alexipharmaca censetur.

Vesalius in *Epistola de china*, narrat decoctum Chamædryos fuisse commendatum a Medicis Genuensibus Carolo quinto Imperatori pro perpetuo podagræ auxilio, facto decocto sive ex vino, sive ex aqua stillatitia. Experiatur qui volet, inquit C. Hoffmann. eam tamen utiliter decoctis aperientibus utiliter admisceri annuit, & J. Rajus refert in Anglia apud mulierculas idem decoctum creberrimi esse usus in mensium suppressione. Idem profert quemdam celebrem ob scrophularum curationem exhibuisse decoctionem Chamædryos in vini albi ℥ij. ad ℥j. consumptionem, & sumebat æger cochlearia vj. mane & vesperi per mensem. Ejus summitates infusæ in modum Theæ ad P. j. aut ij. usurpantur in morbis chronicis & viscerum obstructionibus. Ejus pulvis ad ℥j. exhibetur, & celebratur apud Ægyptios adversus febres intermittentes, referente Alpino *De Med. Ægypt. fol. 146. 147.* Multi rustici curant febres quartanas ejus pulvere sumpto in jusculis per aliquot dies. Adversus febres contumaces D. Chomel infusum Chamædryos, & Centaurii minoris in vino commendat.

Ejusdem plantæ extractum in Officinis conficitur ad eoldem affectus utile. Exhibetur ad ℥j.

℥. Chamædryos, & Centaurii minor. pulverator. ana ℥ss. Infunde per noctem in vini generosi cyatho uno. Hauriat æger ante paroxysmum in febribus intermittentibus.

Usurpatur in Theriaca *Andromachi*, hiera *Diacolocynthidos*, syrup. de *Arthemisia Rhabis*, syrup. Chamædryos *Bauderon*. syrupo *Hydragogo*, & aperiente cachectico *Pharm. Regiæ*, Pulvere arthritico *Comitis Mirandolani*, Oleo *Scorpionum composito Matthioli*, Ung. Martiato, Unguento mundificativo de Apio.

C H A M Æ M E L U M.

TRes Chamæmeli species in usum medicum veniunt, scilicet Chamæmelum vulgare, Chamæmelum odoratum & Chamæmelum foetidum. Chamæmelum vulgare, Chamomilla, Off. Chamæmelum vulgare, *Leucanthemum Dioscor. C. B. P. 135. Inst. R. H. 494.* Chamæmelum vulgare, amarum *J. B. 3. 116.* Chamæmelum vulgare *Dodon. Pempt. 257.* *Anthemis Matthiol. Cord.* Chamæmelum *Parthenii* 3. species, *Brunsfelsii*: vulgo, *Camomille*.

Radicibus est tenuibus, fibrosis, cauliculis tenuibus in alas multas divisis, dodrantalibus aut altioribus: foliis tenuissimis, & dissectis, numerosis. Flores in summis caulibus, & ramulis singulares pediculis prælongis insident radiati, quorum discus ex plurimis flosculis aureis, corona vero ex semiflosculis candidis componitur embryonibus insidentibus, & calyce

squammoso comprehensis. Embryones autem abeunt in semina tenuia, oblonga, pappo destituta, & thalamo infixa. Tota planta odorem spirat medicatum non adeo ingratum. In agro Parisiensi sponte nascitur.

Chamæmelum odoratum, Chamæmelum Romanum, Chamæmelum nobile, Chamomilla Romana odorata, *Off.* Chamæmelum nobile sive Leucanthemum odoratius *C. B. P.* 135. *Inst. R. H.* 494. Chamæmelum odoratissimum repens, flore simplici *J. B.* 3. 118. Chamæmelum odoratum *Dodon. Pempt.* 260. vulgo, *Camomille Romaine*.

Ex radice fibrosa caules profert multos non erectos sed procumbentes, & quasi per terram repentes, folia ut Chamæmeli vulgaris sed majora, & virentiora, flores quoque similes. Referunt folia, & flores pergratum ac jucundum cum gravitate quadam odorem, aromaticum. In hortis colitur.

Est & hujus generis quoddam, semiflosculos candidos medium floris ambientes densissime multiplicans, luteis flosculis in angustum orbem coactis, quod odore & forma præcedenti per omnia simile alias est. Dicitur Chamæmelum nobile flore multiplici, *C. B. P.* 135. & *Inst. R. H.* 494.

Chamæmelum foetidum, Cotula foetida, *Off.* Chamæmelum foetidum, *C. B. P.* 135. *Inst. R. H.* 494. Chamæmelum foetidum sive Cotula foetida, *J. B.* 3. 120. Cotula alba, *Dodon. Pempt.* 258. Buphtalmum minus, *Cordi*: Parthenium, *Fuchisii*: vulgo, *Camomille puante*, ou *Maroute*.

Ex fibrosis radicibus caules promittit rotundos, virentes, fragiles, & succulentos, in alas multas divisos: crassiores, & altiores quam Chamæmeli vulgaris, folia similiter ampliora in virore nigricantia, flores forma & colore similes. Foetet herba tota, gravemque spirat odorem. Nascitur sponte in agro Parisiensi.

Analyti chymica, Chamæmelum vulgare præter phlegma acidum copiosum, non mediocrem olei tum tenuis seu essentialis, tum crassi, sicut & spiritus urinosi quantitatem, & aliquantulum salis volatilis urinosi concreti suppeditat. Præterea succo suo chartæ cæruleæ rubrum colorem conciliat, & aromaticum est amarumque. Salem igitur essentialem continet ammoniacalem acido saturatum, & sulphure copioso tum tenui, tum crasso involutum. Chamæmelum odoratum multo plus olei essentialis possidet. Foetidum vero Chamæmelum odorem quasi bituminosum spargit. Chartam cæruleam rubro colore leviter admodum tingit, ac proinde sale gaudet essentiali ammoniacali cum multo oleo crasso ac foetido implicito.

Utriusque Chamæmeli, scilicet vulgaris, & odorati, floridæ summitates, & folia usurpantur. Digerunt, laxant, molliunt, flatu discutunt, dolores mitigant, & nervosis partibus utilissima deprehenduntur. Romanum potentius calefacit, & attenuat, digerit, & rarefacit, remissius vero emollit, & dolores mitigat quam vulgare. Utriusque usus est insignis in dolore colico flatulento, in cruciatibus spasmodicis, & convulsionibus, cardialgia, adversus calculum, ad febres intermittentes profligandas. Interne, & externe usurpantur. Florum pulvis exhibetur ad ℥ss. vel ℥j. succus expressus, & defœcatus ad ℥ij. iij. iiijve: infusum vel decoctum ex aqua aut vino ad ℥vj. Ettmullerus in *Praxi*, p. 1. c. 9. Chamæmelum præ aliis omnibus antispasmodicis com-

commendat, adeo ut in nephritide, doloribus gravidarum, torminibus puerperarum post partum, aliisque cruciatibus mirabile sit remedium. A Simone Paulli in pleuritide ejus aqua distillata plurimum laudatur ad dolorem discutiendum, intus sumpta, & decoctum calidum in vesica fucilla supra latus dolens applicatur. Ad cardialgiam a Foresto & Ettmullero ejus decoctum aut tinctura ex floribus cum spiritu Chamomillæ fermentatæ, vel cum spiritu quocumque carminativo extracta, veluti specificum valde prædicatur.

Nonnulli adversus calculum ejus decoctum propinant: Simon Paulli plurimos nephritide laborantes insigne levamen ex infuso florum Chamæmeli in vino Rhenano percepisse testatur, si præsertim in balneo Avenæ & Artemisæ sederent. Illud autem infusum sic præparari jubet.

℥℥. Flor. Chamæmeli vulgaris M. ij. Quibus affunde vini Rhenani, vel vini albi generosi ℥ij. Digerantur in cineribus calidis per duas horas. Infusum cum forti expressione coletur, & duobus aliorum florum Chamæmeli manipulis affundatur. Digerantur iterum super cineres calidos per totidem horas: fiat fortis expressio novis adhuc floribus affundenda & pro tertia vice maceranda eodem modo: tandem bulliant leviter & hoc decoctum ultimo coletur. Hujus decocti duo vel tria cochlearia sumat æger cum haustulo vini calido permixta. Sic non tantum mitescebant gravissima nephritica symptomata, sed etiam calculi nonnunquam ejiciebantur.

Hoc infusum adeo salum gustu deprehenditur, inquit S. Paulli, ut si quis degustaret inscius, pugillos aliquot salis culinarii in eo esse liquefactos asseveraret.

A veteribus & neotericis vis febrifuga Chamæmeli valde prædicatur. Richard. Morton refert, febres intermittentes rebelles & Cortici Peruviano haud cedentes pulvere florum Chamæmeli ad ℥j. vel solo exhibitio, vel cum sale Absynthio & Diaphoretico minerali permixto feliciter curatas fuisse. J. Rajus succi Chamæmeli cochlearia duo vel tria cum guttulis aliquot spiritus Vitrioli in juscule exhibita in febre quacumque intermittente paulo ante accessum instantem paroxysmum sæpe avertere & febrem ipsam sanare scribit. Ejusdem decoctum vel aquam distillatam ad ℥vj. propinatam idem præstare Riverius asserit. Hujus plantæ infusum vel decoctum, annotante Rajo, ad scrophulas felici cum successu propinantur. Forestus decocto florum Chamæmeli & lacte bubulo senem dysuria laborantem curasse testatur.

℥℥. Decocti Chamæmeli ℥vj. Syrup. Menth. ℥j. Sp. carminativ. Sylv. ℥ss. M. F. julapium in colica flatulenta propinandum.

℥℥. Flor. Chamæmel. subtilissim. pulverator. ℥j. Diaphor. miner. & sal. Absynth. ana ℥ss. M. F. pulvis sumendus in haustu vini aut alio liquore idoneo, vel in formam boli cum syrupo Caryophyllor. hortens. q. s. redactus, sexta quaque hora per biduum vel triduum reiterandus.

Externe hæc planta in fomentis & cataplasmatibus emollientibus, res solventibus ac demulcentibus, vel sola, vel cum Melitoto consociata usurpatur. In clysteribus ad intestinorum dolores sedandos, quacumque ex causa procedant, magnopere conducit. Ad duritiem mammarum ex lactis coagulatione, ejus decocto pars affecta lavetur bis die & superponatur

cataplasma ex summitatibus Chamæmeli, foliis Enulæ, Marrubii & semine Lini contusis & axungię permixtis ad emplastri consistentiam.

Oleum Chamæmelinum duplex in Officinis deprehenditur, scilicet vulgatissimum quod per infusionem, alterum elegantissimum quod per vesicam arte chymica paratur, coloris cœrulei elegantia & amœnitate ipsi saphyro non cedens. Primum tumores duros emollit & dissipat, dolores sedat, lassitudinem spontaneam tollit. Idem quoque clysteribus admiscetur, ut omnis generis dolores infimi ventris in utroque sexu leniat & compescat.

Posterius oleum arte chymica ex Chamæmeli Romani floribus calidioribus præsertim in regionibus collectis elicatum & eorum dotibus instructum, illis qui decoctum florum Chamæmeli fastidiunt, cum tantillo Sacchari in conveniente vehiculo contra colicos dolores & calculum propinatur ad guttas aliquot.

Observandum est cum S. Paulli hoc oleum essentiale Chamæmeli florum infuso vel decocto dotibus præstantius non esse, ut quidam volunt. Imo experientia compertum habuit quemdam nephriticum post usum olei essentialis Chamæmeli frustra tentatum tandem ejusdem plantæ infuso suprascripto sanatum fuisse. Idem auctor observat insuper post C. Hoffmannum olea essentialia stillatitia ventriculo esse infesta. Reipsa hæc olea usu diuturno & intempestivo ardorem accendunt in ventriculo & in renibus, hepatis obstructions pariunt, sanguinem inflammant, in quibusdam sitim perpetuam excitant, in aliis cachexiam biliosam, in aliis calidum hydropem inducunt. Quapropter nonnisi maxima cautione eorum usus præscribendus est, & calidis naturis atque biliosis interdicens.

℞. Radic. Althææ, Calami aromatici ana ℥ij. folior. Malv. Calamenth.

Puleg. summitatum Aneth. flor. Chamæmel. & Melilot. ana M. j.

Fiat decoctum in aq. commun. q. s. ad ℔ij. addendo sub finem vini albi ℔j. Colatura foveatur abdomen tepide cum linteis crassioribus quadruplicatis, vel pannis laneis, aliquando cum spongiis dicto liquore imbutis & mutatis quoties refrixerint, vel etiam vesicis bubulis aut fuillis dicto liquore semiplenis, in colicis doloribus præsertim flatulentis.

℞. Rad. Alth. & Brion. ana ℥ij. Bulbos Lilior. contusor. n. iiij. Radices mudentur & concidantur. Bulliant deinde in s. q. aq. donec insigniter mollescant. Deinde adde folior. Malvæ utriusque, Violar. Acanthi, Mercurialis ana M. j. Caricar. ping. paria vj. Coqu. omnia ad putrilaginem, deinde setaceo trajiciantur. Trajectis adde flor. Chamæmeli & radices Ireos Florentin. pulverat. ana ℥ß. Olei Lilior. ℥ij. F. cataplasma emolliens.

℞. Quatuor farinar. resolvent. ℔ij. Coquantur in lixivio leni farnentor. Tum remoto lixivio adde pulver. flor. Chamæmel. Meliloti, Sambuci & radic. Ireos Florentin. pulver. ana ℥ß. cum olei Chamæmelin. s. q. Fiat cataplasma resolvens.

℞. Olei Chamæmelini ℥ij. Ung. de Althæa ℥j. Fiat linimentum in pleuritide quo latus dolens illiniatur.

℞. Folior. Malv. Althææ, Violar. Flor. Chamæmeli, Melilot. Origan. ana M. j. Semin. Fœnicul. P. ij. Fiat decoct. in cujus ℔j. dissolve Diaph.

Diaph. vel Bened. laxativ. ℥j. Mellis anthosar. ℥jss. Fiat clyster. ad flatum discutiendos in colicis doloribus. Addi potest Therebenth. vitello ovi dissolut. ℥ss. Olei Chamæmel. ℥ij. in dolore nephritico.

Chamæmelum usurpatur in Ung. Martiato, Empl. de Meliloto, Emplastro pro utero Nicolai, de ranis, *J. de Vigo*.

Chamæmeli fœtidi decoctum, auctore Trago, in passionibus hystericis infessu, fomentis & odoratu saluberrimum est. Adeo acris est hæc herba, inquit Matthiolus, ut cutem exulceret alligata. Quo fit, ut qui in campis alvum exonerant, ac deinde hac herba sedem abstergunt, paulo post intolerabili vexentur ardore.

C H A M Æ P I T Y S.

Chamæpitys seu Iva duplex in Officinis, scilicet Chamæpitys lutea vulgaris, seu Iva arthritica, & Chamæpitys moschata seu Iva moschata.

Chamæpitys lutea vulgaris, Iva arthritica, Arthetica, *Off.* Chamæpitys lutea vulgaris sive folio trifido, *C. B. P.* 249. *Inst. R. H.* 208. Chamæpitys vulgaris odorata, flore luteo, *J. B.* 3. 295. Ajuga sive Chamæpitys mas Dioscoridis, *Lobel. Icon.* 382. Peristerona crateræ, *Anguilar*: vulgo, *Ivette*.

Planta est vulgarissima in agro Parisiensi sponte nascens, radice exili, fibrata, alba: caulibus supinis & humifusis, villosis, in orbem sparsis & dodrantalibus, in quibus folia ad nodos bina oriuntur unciam superantia, trifariam laciniata, acuta, ex luteo virentia & villosa. Flores in alis adsunt monopetali, unilabiati, lutei, labio inferiori in tres partes diviso, quorum media bifida est, labii superioris locum occupantibus aliquot denticulis, cum staminibus dilute purpurascens. Calyx cytiniformis, quinquifidus, villosus, quaterna semina includit triquetra, fusca, e pistillo nata. Herba tota usitata est, odore resinam piceam aut larignam refert.

Analyti chymica, ex totius plantæ floridæ lbv. per retortam distillatis prodierunt humoris limpidi, odoris & saporis aromatici, subacidi ℥xj. gr. xxxvj. humoris primo limpidi, deinde rufescentis ac tandem rufi & sub finem empyreumatici, manifeste acidi & austeri lbij. ℥j. ℥vij. gr. xxxvj. humoris rufi sale volatili urinoso imprægnati ℥ij. ℥ij. gr. lx. olei crassi adiposi ℥j. ℥vij. gr. xij. Massa nigra in retorta residua pendebat ℥x. ℥v. gr. xij. quæ calcinata reliquit cinerum ℥v. ℥vij. ex quibus lixivio salis fixi salis ℥j. extracta fuit. Partium jactura in distillatione fuit ℥iiij. gr. lx. in calcinatione ℥iiij. ℥vj. gr. xij.

Amara est & aromatica hæc planta, & succo suo chartam cœruleam rubro colore inficit. Sale essentiali tartareo aliquantisper aluminoso multo oleo & terra implicito instructa videtur.

Chamæpitys moschata, seu Iva moschata, *Off.* Chamæpitys moschata, foliis ferratis, an prima Dioscoridis, *C. B. P.* 249. *I. R. H.* 208. Chamæpitys sive Iva moschata Monspeliensium, *J. B.* 3. 296. Chamæpitys spuria prior, sive Anthyllis altera, *Dodon. Pempt.* 47. Chamæpitys altera & major, *Cæsalp.* 456. Anthyllis Chamæpitydes minor, *Lobel. Icon.* 384. Anthyllis altera, *Clus. Hist.* 166. vulgo, *Ivette musquée*.

Humi serpit instar prioris Chamæpityos quam tenuibus sed tamen durioribus cauliculis & foliis satis refert : flos similis sed colore purpureus . Semina in singulis calycibus quaterna , nigra , crispa , sublonga , vermiculi instar aliquantulum incurva in utriculis lanuginosis . Tota hæc herba admodum hirsuta est , sapore amaricante , odore gravi , resinoso prædita , haudquaquam grato , ad moschum nonnunquam accedente præsertim diebus æstivis & calidis in regionibus , ut observat D. Garidel in *Historia Plantarum agri Aquisextiensis* . Circa Monspelim in Occitania & Gallo-provincia sponte crescit .

Iisdem fere principiis donatur ac prior , sed paulo plus olei essentialis continet . Utraque in Officinis fere indiscriminatim usurpantur , cum iisdem virtutibus præditæ censeantur . Inter plantas aperientes , vulnerarias , cephalicas , hystericas & nervinas numerantur . Foliorum & florum infusum , decoctum & pulvis intus sumuntur . In catharralibus affectionibus , doloribus rheumaticis , ischiadicis , artuum tremore & paralyfi earum pulvis ad ℥j. solus vel cum pulvere Chamædryos in vino rubro , vel earum decoctum in sero lactis , si vinum minus conveniat , quotidie mane propinatur . A nonnullis in asthma convulsivo , ab aliis in mictu cruento laudantur . A quibusdam earundem decoctum ex lacte vaccino in vesicæ exulceratione commendatur ter die sumptum . A S. Paulli adversus paralyfim valde prædicantur pilulæ a Matthiolo præscriptæ in *Commentar. Dioscorid. c. ultimo L. 3.* quarum hæc est descriptio .

℥j. Chamæpityos , Betonice . Stæchad. flor. Rorismarini ana ℥j. Turpeth. ℥jss. Agaric. ℥ij. Colocynthid. ℥ss. Zingiber. Sal. gemm. ana gr. x. Rhabarbar. ℥jss. Spicæ indic. gr. vij. pulv. Hieræ simpl. ℥ss. Diacr. ℥j. Omnia in mortario Chamæpityos succo excipiantur & in massam redigantur , e qua catapotia formentur ex qualibet drachma novem . Ex quibus si quotidie tria sumantur a paralyticis , cum se cubitum recipiunt , præsentaneum fere sentient auxilium .

Insuper Chamæpityos in ischiadicis & arthriticis affectionibus præcipuæ est æstimationis cum Chamædry instar Theæ pota vel in pulverem redacta : Quamquam ex his podagrici nonnisi parum solatii sibi promittere possint , observante Ettmullero .

℥j. Chamædryos & Chamæpityos ana M. j. summ. Centaur. minor. M. ss. Coquantur in aq. ℔ij. ad ℔ij. Propinetur ad ℥iiij. calide quater die in arthriticis & ischiadicis doloribus .

℥j. Chamæpityos M. ij. flor. Salvix & flor. Betonice . ana ℥j. Rad. Pæoniæ mar. ℥j. Coqu. in aq. comm. ℔ij. ad ℔ij. Colatura dilue syrup. de Stæchad. ℥ij. Sumatur ℥vj. ter vel quater die in artuum tremore & paralyfi .

Hepatis & lienis obstructions referare dicitur & ictero mederi , menses suppressos revocare , fœtum mortuum & secundinas pellere , & adeo potenter , ut usus ejus in utero gestantibus omnino interdicator , ne abortum faciat .

Ejusdem extractum in Officinis paratum servatur ad eosdem usus . Ad ℥j. exhiberi potest .

Externe absterfione vulnerum & ulcerum solidationem promovent utraque & tumores discutiant .

Chamæpityos lutea usurpatur in Theriaca *Andromachi* , syrupo de Artemisia ,

miffa , Pulvere arthritico *Comitis Mirandulani* , Pilulis de Iva arthritica *Nicolai Salernitani* , & Ung. Martiato .

C H E L I D O N I U M .

Chelidonium duplex in Officinis habetur , majus & minus .

Chelidonium majus , Chelidonia major , Hirundinaria major , *Off.* Chelidonium majus vulgare , *C. B. P.* 144. *Inst. R. H.* 231. Chelidonia *J. B.* 482. Chelidonium majus , *Dod. Pempt.* 48. Papaver corniculatum luteum Chelidonia dictum , *Raii Syn. Histor.* 857. vulgo , *Eclaire* , *Chelidoine* , *Felougue* .

Radicibus est fibrosis , multo capillitio stipatis , ex uno capite pendentibus , miniati coloris , succo croceo intensiori , acri , turgentibus : folia inferiora ampla sunt , spithamam longa , lobata , superne pulchre virentia , subtus glauca , & villis nonnullis aspersa : lobi subrotundi sunt , auriti , ex adverso quandoque positi , venosi , venis amplis & incisuris distincti , majoresque fiunt quo magis a pediculo recedunt . Caules cubitales sunt & ampliores , nodosi , fragiles , fistulosi , ramosi , foliis alternatim donati , quæ in inferioribus sæpe ampliora sunt ; ex eorum alis in summo oriuntur pediculi palmo longiores qui flores velut in umbella sustinent cruciformes , e quatuor petalis aureis conflatos , calyce bifolio , & facile decidente . Pistillus florum mutatur in siliquam sesquiunciam longam , teretem , gracilem , bivalvem quidem , sed monocapsularem , glabram , & quasi corrugatam , primum viridem deinde rufescentem , quæ semina effundit nigra , lucida , rotundiora , compressa , semilineam lata . Tota planta graveolens est , & quacumque parte læsa , aut vulnerata crocei coloris succum acrem mordacemque ac nonnihil amaricantem fundit . Delectatur locis aquosis & umbrosis . In agro Parisiensi sponte nascitur . Folia & radix usitata sunt .

Analysi chymica ex Chelidonii folior. & stirpium \mathfrak{lbv} . per retortam distillatis prodierunt humoris limpidi , fere insipidi & inodori , subacris , obscure acidi \mathfrak{lbj} . $\mathfrak{℥xj}$. $\mathfrak{℥iij}$. gr. xvij. humoris limpidi , manifeste acidi , & obscure austeri \mathfrak{lbj} . $\mathfrak{℥xiiij}$. gr. xvij. humoris rufescentis , subsalsi , alcali , urinosi $\mathfrak{℥j}$. $\mathfrak{℥vij}$. gr. xxxvj. salis volatilis urinosi concreti $\mathfrak{℥j}$. olei spissi ad instar extracti $\mathfrak{℥iv}$. gr. xxxvj. Massa nigra in retorta residua pendebat $\mathfrak{℥ij}$. $\mathfrak{℥vij}$. gr. xvij. quæ rite calcinata reliquit cinerum $\mathfrak{℥j}$. $\mathfrak{℥ij}$. gr. xxxvj. ex quibus salis fixi mere alcali $\mathfrak{℥vj}$. gr. xxvij. lixivio sunt extracta . Partium jactura in distillatione fuit $\mathfrak{℥ij}$. gr. xvij. in calcinatione $\mathfrak{℥j}$. $\mathfrak{℥iv}$. gr. liv.

Tota planta & radix potissimum succo turget amaro , acri , deurente . Chartam cæruleam nonnisi leviter rubro colore tingit , & odore ova putida aliquantisper refert . Unde conjicere licet hunc succum ad lac sulphuris accedere ; ac proinde salem essentialem continere ammoniacalem , vitriolicum oleo bituminoso implicitum .

Chelidonium majus intus sumptum obstructions aperit , urinas & sudores movet , cachexiæ , & hydropi medetur , febrifugum est , & ictero præsertim dicatum . Radicis exsiccatae pulvis ad $\mathfrak{℥\beta}$. vel $\mathfrak{℥j}$. ejusdem recentis $\mathfrak{℥j}$. infusum in vini

in vini ℥ij. vel decoctum ex aqua ad ℥vj. epotum ; succi crocei guttæ tres vel quatuor in vini haustu vel alio vehiculo idoneo præscribuntur .

Dicunt nonnulli ejus radicem fuisse specificum remedium Helmontii adversus hydropem ascitem .

Pro sudorifero quoque egregio cum aceto decocta in febribus malignis , & pestilentialibus propinata habetur . Radix , inquit Tragus , quantum ejus manus capere potest purgata , in sextario aceti rosacei decocta , ita ut deinceps percoletur , decoctoque adjiciatur Theriacæ ℥jss. cyathique vulgaris mensura exhibita a peste correptos liberabit , si in lectum se composuerint & sudaverint . Jul. Palmarius *Tractatu de Morbis contag. c. 18. p. 456.* ejus succum his verbis commendat . Succus radiceis Chelidonii majoris ex vino albo , & aceti rosacei momento expressus nonnullis præsentaneum auxilium attulit , & virus sudore foras depulit .

Garencieres *Tractatu de Tabe Angelica* , Chelidonium majus multum celebrat in hac tabe , illudque in omnibus pulmonum affectionibus utilissimum & convenientissimum prædicat . At eo in affectu Simon Paulli observat pulmones nonnisi secundo affici , hepar vero primario & in eo viscere præcipuam latitare morbi causam , ut apud auctorem in *Quadr. Botanico* , videre licet : ac proinde Chelidonium tunc tabidos juvasse non tam pulmones quam jecur ab infarctu liberando .

Emmanuel Konig in *suo regno Vegetabili* monet , ne Chelidonium nimia dosi exhibeatur . Si enim radix ad ℥ij. infusa propinetur , eam horrenda inducere symptomata asserit . Lobelius raro intus sumendum esse putat . J. Rajus in eadem est sententia : nec succum , cum acerrimus sit ad oculorum affectus adhibendum esse existimat , nisi eis additis , quæ acrimoniam ejus retundant , cujusmodi est lac muliebre .

℥. Folior. Chelidon. major. P. j. cremor. Tartari ℥j. Macerentur in seri lactis ℥vj. Colatura dilue syr. de Cichor. comp. c. Rh. ℥j. Fiat potio mane jejuno ventriculo propinanda in ictero & in mensium suppressione.

℥. Rad. Chelidon. maj. minutim incis. q. v. Affunde vini albi vel Rhenan. ad supereminentiam trium vel quatuor digitor. Digerantur frigide in vase bene clauso per dies aliquot , sæpius agitando , donec tinctura extrahatur , quæ per chartam bibulam transcolata servetur usui .

Dosis ℥iv. vel ℥vj. mane & quarta pomeridiana in ictero .

℥. Radic. Chelidon. major. M. ij. Baccar. Juniperi M. j. Contund. cum vini Rhenan. ℥ij. Deinde exprimatur succus , cujus capiat æger ℥iv. bis in die .

℥. Rad. Chelidon. major. Urtic. urentis , & Aristoloch. rotund. ana ℥ij. Radic. Gentian. ℥jss. summ. Absynth. roman. & Scord. ana M. ss. semin. Aquileg. & Cannabis contusor. ana ℥jss. flor. Hyperic. Centaurea minor. ana P. j. Croci marris aper. nodulo inclus. ℥ss. salis Tartar. ℥j. Coquantur per semihoram in ℥iv. aq. comm ad medias Colatura dividatur in 4. doses . Exhibeantur duæ quotidie , una sero circa octavam , altera circa sextam matutinam , addita cuilibet ℥ss. syr. de Prassio albo . In ictero .

℥. Rad. Chelid. major. ℥j. Tinctur. Martis ℥v. albi ℥ij. Digerantur per 24. horas . F. colatura cujus ℥ij. pro singula dosi bis die sumantur .

Chelidonium majus externe adhibitum vulnera præsertim vetustiora & ulcera abster-

abstergit & mundat seu foliis contusis admotis, seu pulvere insperfo, seu succo instillato. Croceus ejus succus verrucis applicatus eas tollit. Idem præstat herba trita cum axungia. Cataplasma ex contusis & bis die parti admotum herpetem miliarem efficaciter compescit & sanat.

In oculorum affectionibus Chelidonium plurimum celebratur. Succus ejus luteus ex rupto caule exstillans oculis instillatus a nonnullis commendatur ad oculorum ulcera detergenda & pro panniculis aut nubeculis removendis. Sed quia est admodum acris vel diluitur cum liquore quolibet idoneo, vel ejus aqua distillata usurpatur quæ longe mitior est. Fabricius Hildanus *Cent. Epistolar.* 59. testatur extractum Chelidonii non solum in externis nubeculis, sed etiam incipiente suffusione proficuum esse, veluti sæpissime expertus. At non ultra magnitudinem capitis aciculæ singulis vicibus imponendum esse monet propter acredinem.

In Officinis prostat aqua distillata Chelidon. major. quæ a Rulando, & Quercetano mirum habetur ophtalmicum, si in ea infusum fuerit antimonium crudum vel crocus metallorum. Herba aut radix recens contusa imponitur plantis pedum in tumoribus œdematosis ex febribus intermittentibus pertinacibus aut aliis morbis chronicis oriundis, quos dissipare valet.

Usurpatur in Orvietano *Frideric. Hoffmann.* Ung. mundificativo de Apio, Emplastro Diabotano, Aq. distillata usurpatur in aqua ophtalmica *D. Daquin Ph. Reg.*

Chelidonium minus, Scrophularia minor, Ficaria, Hæmorrhoidum herba *Off.* Ranunculus verus, rotundifolius, minor, *Inst. R. H.* 286. Ranunculus præcox rotundifolius granulata radice, *Moriss. Hist.* 446. Ranunculus latifolius, *Lugd.* 1036. Chelidonia rotundifolia minor, *C. B. P.* 309. Scrophularia minor sive Chelidonium minus vulgo dictum *J. B.* 468. Chelidonium minus, *Dod. Pempt.* 49. Malacocissus minor, *Fuchs. Favagello, Cæsalp.* 546. Strumea, *Plin.* vulgo, *Petite Scrophulaire*, ou *petite Chelidoine*.

Radice est ex multis tenuibus & candicantibus composita fibris quibus adhærent aliquot tubercula, granis triticeis magnitudine similia, subrotunda vel oblonga, foris pallida, intus alba: cauliculis palmaribus, tenuibus humi plurima parte procumbentibus: foliis subrotundis, lævibus, glabris, virentibus ac splendentibus, quam Hederæ minoribus. Summo caulicorum fastigio insidet flos unus Ranunculi æmulus rosaceus, ex octo scilicet aut novem petalis aureo fulgore micantibus, cum unguibus Chloris, in orbem positus, staminulis multis croceis medium occupantibus & calyce triphyllo compositus. Ex floris meditullio surgit pistillum, quod abit in fructum subrotundum, echinatum, e viridi luteum, cujus placentæ multa semina tenuia adhærescunt. Agri Parisiensis incola hæc planta in pratis, secus vias in scrobium fossarumque marginibus crescit. Herba integra & potissimum radices tubercula usitata sunt.

Analyti chymica, ex foliorum Chelidon. minor. ℥v. per retortam distillatis, prodierunt humoris limpidi, inodori, at initio seminis Sinapi saporem fere & leviter referentis, sub finem saporis prorsus expertis, primo obscure acidi, deinde manifesti ℥iij. ℥vj. ℥j. gr. xxxvj. humoris limpidi, primo inodori, deinde empyreumatici, austeri ℥j. ℥j. ℥iij. xlvij. humoris fusci, empyreumatici, sale volatili urinoso copioso imprægnati ℥j. salis volatilis urino-

urinofi concreti ℥iij. gr. xxx. olei spiffi ad instar fyrupi ℥vij. Massa nigra in retorta superstes pendebat ℥ij. ℥vij. gr. xxxvj. quæ calcinata reliquit cinerum ℥j. ℥ij. gr. xvij. ex cineribus lixivio ℥v. gr. ix. salis alcali fixi sunt extracta. Partium jactura in distillatione fuit ℥ij. ℥vij. gr. lxxvj. in calcinatione ℥j. ℥v. gr. xvij.

Radicum recentium ℔v. per retortam distillatæ præbuerunt humoris limpidi, odore tenui sed acuto, sapore Sinapi fere referente, absque ullis acidi aut alcali signis ℔j. ℥vij. ℥ij. humoris limpidi, odore simili, sapore vero debiliore, primum obscure acidi, deinde manifesti ℔ij. ℥x. ℥ij. gr. xxiiij. humoris fusci, empyreumatici, acidi, austeri, ac tandem obscure alcali urinofi ℥ij. ℥ij. gr. xxxvj. olei spiffi ad instar extracti ℥j. gr. liij. Massa nigra in retorta residua pendebat ℥v. gran. xxx. quæ calcinata reliquit cinerum ℥j. ℥vj. gr. xxvij. ex quibus lixivio salis alcali fixi ℥ij. gr. lxxij. fuerunt extracta. Partium jactura in distillatione fuit ℥iij. ℥vj. in calcinatione ℥iij. ℥ij. gr. iij.

Chelidonii minoris folia saporem herbaceum referunt: nec in eis ulla acrimonia manifesta gustu deprehenditur. Folia, & radices spiritum quemdam acrem, & sinapizantem obtinent, qui in primis phlegmatis portionibus manifestum se præbet. Insuper salem essentialem continere videntur ammoniacalem, vitriolicum, magna olei, & terræ copia implicitum. Folia plus salis ammoniaci seu volatilis urinofi, radices plus salis acidi vitriolici continent. Idcirco folia magis resolvunt quam radices.

Schroderus scribit radices hujus plantæ refrigerare, & humectare: verumtamen distillatione spiritum acrem fundunt tum folia tum radices, ut per analysim manifestum est. Idcirco nonnulli hanc plantam calidam esse potiori jure pronuntiant.

Inter plantas antiscorbuticas temperatas non infimum locum obtinet. Vel folia recentia in acetariis comeduntur, vel infusa in vino, vel condita Saccharo præscribuntur, vel etiam succus expressus usurpatur.

Radices ad hæmorrhoides, & strumas tam intus sumptæ quam externe admotæ commendantur. Hæmorrhoides earum succo cum vino aut ægro-tantis urina permixto sæpius ablutæ contrahuntur, & dolore sopito resiccantur. Nonnulli hæmorrhoidas inungunt unguento ex radicibus recentibus cum butyro recente contusis parato. Sunt etiam qui existimant vel gestatam solummodo herbam prodesse adversus earumdem dolores posse. Neque exterius tantum exstinguunt dolores, sed & interius consuetum illarum fluxum promovent, auctore C. Hoffmann.

Radices recentes contusæ, & impositæ a Cæsalpino ad scrophulas curandas commendantur, vel etiam comedendæ a Sylvatico præscribuntur. Boyleus radices contusas in axungia porcina incoquit ad radicem ficitatem, his rejectis novas radices cum axungia expressa coquit iterum atque iterum, ut radicem succo axungia imprægnetur; sic præstantissimum obtinet unguentum adversus hæmorrhoides, & strumas, quo partes affectæ mane, & sero inungantur.

Tragus herbam ipsam contusam, ejus pulverem, succum, aut aquam distillatam mariscas aut ficos ani curare scribit imposito, colluto, aut inspersu.

Succus radicum per nares attractus caput per ipsas nares expurgat.

C I C E R.

Ciceris species plures in hortis coluntur quæ non differunt nisi fructuum vel etiam florum colore. Duæ in primis in usum veniunt tum medicum, tum culinarium, scilicet Cicer sativum seu arietinum, & Cicer rubrum, quæ nonnisi varietates ejusdem plantæ a nonnullis existimantur.

Cicer sativum five arietinum nigrum, rubrum, vel album, *Off.* Cicer sativum flore candido *C. B. P.* 347. *Inst. R. H.* 389. Cicer arietinum *J. B.* 2. 291. *Dodon. Pempt.* 525.

Cicer rubrum *Off.* Cicer floribus, & seminibus ex purpura rubescentibus *C. B. P.* 347. vulgo *Pois chiches* ou *Pois becus*.

Radix tenuis, albida, nonnihil rufescens, fibrosa, & capillacea, caulem promit erectum, patulum, hirsutum; folia conjugata ultimo impari claudente, subrotunda, serrata, villosa. Flores papilionacei sunt in foliorum alis pediculis tenuibus insidentes, colore aut candidi aut ex purpura rubescentes. Calyx villosus, in sex partes acutas divisus. Pistillum abit in fructum tumidum, vesicam referentem, unciam pene longum, & in filum tenue abeuntem, in quo semen adest unum vel alterum Piso majus, subrotundum, angulosum, unico angulo acuto præditum colore albido, aut subrubro, & fere capitis arietini forma. Semina seu Cicera rubra præ aliis seliguntur ad usum medicum: cætera inter legumina esculenta recensentur. Seruntur in arvis in plurimis Gallicæ meridionalis provinciis, ut & in Italia, & Hispania.

Analyti chimica, Cicera præter phlegma acidum, falsum, & subausterrum, plurimum olei, nec mediocrem salis volatilis urinosi quantitatem præbent. Salem itaque essentialem ammoniacalem continent multo sulphure implicitum.

Legumen est flatuosum, copiosi nutrimenti, sed crassi, alvo movendæ habile, ciendæ urinæ idoneum. A quibusdam non tantum maturum sed etiam viride, non solum coctum, sed etiam crudum esitatur, ut Pisa, & Fabæ. Sed difficile concoquitur in ventriculo, nec nisi rusticis, utpote valentioribus ac robustis convenit, non vero delicatioribus hominibus.

Veteres Medici illud inter potentiora lithontriptica numerabant. Eorum sane promissis delusi Empyrici nonnulli calculum frangere ejus decocto promittunt, sed sæpius malis ægri rebus. Sæpius enim Cl. Tournefortius compertum habuit decoctum Ciceris dolores atroces afferre, si revera in vesica vel renibus calculus adsit. Abstergit enim, & urinas crassas, limosas ac turbidas educit, dum remanet letalis calculus mucagine sua denu-datus. Ideo caute eo utendum est.

Apud nos ejus decoctum solum usurpatur in urinæ suppressione a muco copioso vel tenaci vias urinarias fere occludente. Monent autem practici, ne usurpetur frequentius ab illis, in quibus illæ partes exulceratæ sunt. Idem decoctum ad vermes enecandos, & ejiciendos a nonnullis prædicatur, menses etiam promover, & lochias.

℞. Cicerum rubror. ʒj. Carnis vitulinæ lb̄ss. Coq. in q. s. aq. comm. Fiat juleu-

jusculum in urinæ suppressione, vel ad mucum & arenulas ex vesica vel renibus expellenda.

24. Semin. Cicer. rubr. ℥β. Stipitum Fabarum crematar. M. j. Rad. Gramin. Petrosel. ana ℥ij. Coq. in aq. comm. ℔iiij. ad medias. P. decoctum diureticum, cui adde syrup. de Ibisco Fernel. ℥jβ.

Externe Cicer rubrum vi pollet resolvendi, attenuandi, emolliendi & abstergendi. Ejus farina in cataplasmate psoras & lichenes detergit, tumores mammarum ac testium discutit.

Usurpatur in syrupo de Althæa Fernelii.

C I C H O R I U M.

Cichorium sylvestre, Cichorium erraticum, Cichorea sylvestris, Off. Cichorium sylvestre sive officinar. C. B. P. 125. Inst. R. H. 479. Cichorium sylvestre, Picris Dodon. Pempt. 635. Cichorium sylvestre J. B. 2. 1007. Seris Picris Dioscoridis, Amarugo Theophrasti, Hippochæris Dalec. Lugd. 563. Hieracium latifolium Gerard: Cichorium Intybus erratica Tabern. Icon. 170. vulgo, *Chicoree sauvage*.

Radix pedem longa, pollicem crassa, obliqua & fibrosa, succo lactescente prægnans, caulem profert firmum, hirsutum, tortuosum, sesquicubitalem, ramosum, cum foliis Dentis leonis foliis similibus sed majoribus, pillis hirsutis & obscure virentibus. Flores in foliorum supremorum alis nascuntur semiflosculosi, plurimis scilicet semiflosculis cæruleis constantes, embryoni insidentibus & calyce comprehensis, qui deinde contrahitur & in capsulam abit seminibus foetam angulatis, brevibus, pappo carentibus. Diffluit ex caule, foliis aut radice vulneratis albicans & amarus succus. Amari vero saporis folia & radices sunt. Non modo hic in hortis feritur, sed etiam secus vias & in locis incultis nascitur, ac potissimum folia habens profundioribus incisuris lacinata, quod & reliquis amarius est. In usum veniunt radices, folia, flores & semina.

Analyti chymica, ex foliorum tenerorum recentium ℔v. per B. V. distillatis prodierunt humoris limpidi, saporis & odoris herbacei, obscure acidi ℔ij. ℥xij. humoris limpidi, manifeste acidi, ℔j. ℥vij. ℥ij. Massa sicca in alambice residua pendebat ℥x. ℥vij. quæ per retortam distillata præbuit humoris rufescentis, empyreumatici primo acidi austeri, deinde sale volatili urinoso copioso imprægnati ℥ij. ℥v. gr. xxxvj. salis volatilis urinosi concreti ℥j. gr. xl. olei adiposi ℥j. ℥iiij. gr. vj. Massa nigra in retorta superstes pendebat ℥iiij. quæ calcinata per vij. horas reliquit cinerum nigrificantium ℥j. ℥vij. gr. xlvij. ex quibus salis fixi mere alcali ℥vj. gr. lx. lixivio sunt extracta. Partium jactura in prima distillatione fuit ℥vij. in secunda distillatione ℥ij. ℥ij. gr. lxij. in calcinatione ℥j. gr. xxiiij.

Radicum tenerarum recentium ℔v. per B. V. distillatæ præbuerunt humoris limpidi, odoris & saporis herbacei, obscure acidi ℔ij. ℥xij. humoris manifeste acidi ℔j. ℥iiij. ℥v. Massa sicca in alambice superstes pendebat ℥xij. ℥vj. ex qua per retortam distillata prodierunt humoris rufescentis, empyreumatici, acidi, austeri & sub finem alcali urinosi ℥iiij. ℥vj. gr.

gr. lxxij. olei adiposi ℥vj. gr. lxxvj. Massa nigra in retorta residua pendebat ℥iiij. ℥ij. quæ per decem horas calcinata reliquit cinerum fuscorum ℥j. ℥ij. ex quibus salis fixi mere alcali ℥vj. olivio fuerunt extractæ. Partium jactura in prima distillatione fuit, ℥j. ℥v. in secunda ℥iiij. ℥vj. gr. xiiij. in calcinatione ℥iiij.

Planta & radix moderate amara sunt cum aliqua stypticitate, flores minus amari sunt, & saporem glutinosum referunt. Radicum & foliorum succus chartam cæruleam colore rubro vix tingit. Folia salem essentialem continere videntur salsum, vitriolico ammoniacalem, multo sulphure involutum. Radices minus salis volatilis urinosi continent, ac proinde majore stypticitate donantur.

Frequentior est Cichorii sylvestris usus in pharmacopoliis quam in culinis. Crudum & viride in acetariis a nonnullis comeditur. Alii vero ob insignem amaritudinem ab ejus usu abhorrent. At olitorum cura ac diligentia, maxima ex parte amaritudinem deponit, eximium candorem & suavem teneritudinem adipiscitur, quo fit ut ab omnibus fere in acetariis cum oleo, sale & aceto, aut cum saccharo & succo Citriorum vel Aurantiorum sumatur. At vero Cichorium sylvestre toto suo amarore atque virore stipatum tanquam polychrestum tum alimenti, tum medicamenti loco variis in morbis laudatur, præcipue ubi resolvendum, abstergendum & temperandum est. Humores crassos attenuat, glutinosos resolvit, spissos fluidiores efficit, solidas partes aliquantisper constringit & roborat, secretionem omnes promovet, elegantiorumque faciei colorem reddit, calidam viscerum intemperiem temperat, oriundam nempe ab obstructionibus & ab acrimie humorum stagnatione. Hinc in incipientibus hepatis, & viscerum obstructionibus, in ictero, cachexia, melancholicis affectionibus, faucium, pectoris, vel aliarum partium inflammationibus feliciter adhibetur, sive foliis recentibus crudis aut coctis comestis, sive succo ad ℥iiij. quatuorve, sive aqua stillatitia aut decocto ad ℥vj. hausto, sive foliorum exsiccatorum pulvere ad ℥j. assumpto. Solum etiam, vel cum aliis plantis idoneis consociatum, sive folia, sive radices, sive tota planta in apozematis & jusculis alterantibus & aperientibus incoquitur. Nec pauci sunt qui pro potu solito utuntur levi decocto vel infuso foliorum Cichorii in calida viscerum intemperie & in affectionibus melancholicis & cachecticis. Blando enim suo amarore laxiores ventriculi fibras firmat, appetitum excitat, ciborum concoctionem juvat, vias urinarias expurgat, sæpe etiam diaphoresim aut expectorationem promovet. Commendatur etiam in febribus. Novi qui solo usu foliorum Cichorii sylvestris assidue in acetariis comestorum diuturnas & contumaces febres intermittentes profligarunt, plurimis febrifugis antea frustra tentatis. Usus radices Cichorii sylvestris in febre hæctica insigniter laudat Crato ab experientia edoctus. In febribus inflammatoriis & malignis succus defœcatus inter juscula, tertia vel quarta quaque hora, propinatur ad ℥iiij. solus, vel cum succis Borruginis, Chærophylli, & cum syrupo Violarum aut alio conveniente consociatus. Idem succus in hepatis, lienis vel viscerum obstructionibus cum tinctura Martis vel cum sale quocumque digestivo utiliter quoque præscribitur.

Ex Spigelio & Simone Paulli ejus folia vere novo collecta exsiccata, in

in pulverem redacta & bis die ad ℥j. assumpta mane & fero, podagram præsertim biliosam levant. A Joanne Rhodio adversus melancholiam hypochondriacam jussula Cichoracea plurimum laudantur.

Ex Cichorio sylvestri præparantur in Officinis aqua & extractum. Aqua ex floribus cæruleis distillata inflammationibus & caligini oculorum medetur; cardiaca etiam censetur.

Extractum ad omnia usurpatur quibus Cichorium convenit, solum vel cum aliis extractis amaris & aperientibus, necnon martialibus conjunctum, in electuariis aperientibus, ad ℥ss. aut ℥j.

℥j. Succī defæcati Cichor. sylvestr. ℥iiij. Tinctur. Martis ℥ss. Syrup. de quinque radic. aper. ℥ss. F. potio bis terve die reiteranda in cachexia & viscerum obstructionibus.

℥j. Extracti Cichor. sylvestr. ℥ij. Extractor. Gentianæ, Centaur. minor. Fumar. Nasturt. Corticis Peruviani & Rhabarbar. Croci Martis aper. & cremor. Tartar. ana ℥j. Salis Martis River. ℥j. Syrup. de Absinth. q. f. M. F. Electuarium. Dosis ℥j. bis terve die. In cachecticis & melancholicis affectionibus, mensum suppressione, & viscerum infarctu.

Folia nomen dederunt syrupo de Cichor. simpl. *Codic. Parisiensis*, & syrupo de Cichor. composito cum Rheo *Pb. Regiæ*.

Semina inter quatuor semina frigida minora numerantur, scilicet Cichorii, Intybi, Lactucæ, Portulacæ.

C I C U T A.

Cicuta, Off. Cicuta major C. B. P. 160. & *Inst. R. H.* 306. Cicuta *Dod. Pempt.* 461. & *J. B.* 3. 2. 175. Cicutaria vulgaris *Clas. Hist.* 200. *Tragi* 474. vulgo, Cigue.

Radice est pedali, digitum crassa, multifida, priusquam caulem ferat, solida, cortice tenui flavescente, carne alba, fungosa, odoris gravis, saporis subdulcis, quando caulem facit interius cava: caule fistuloso, striato, tres cubitos alto, inani, lævi, dilute videnti, nonnullis tamen subrubentibus veluti serpentum maculis resperso: foliis alatis multifariam partitis, glabris, atrovirentibus, graveolentibus, ad Apium hortense accedentibus. Flores umbellatim congesti fastigia occupant, rosacei, quinque scilicet petalis constantes candidis, cordiformibus, inæqualibus, in orbem positis & calyci insidentibus, qui abit in fructum fere globosum, ex duobus seminibus compositum exiguis, hinc gibbis & striatis, inde vero planis, pallide virentibus. Ingratum, gravem virosamque tota planta odorem spirat. Agri Parisiensis incola in umbrosis vulgo nascitur.

Analyti chymica, ex foliorum & caulium tenerorum ℔v. per retortam distillatis prodierunt humoris primo albicantis & turbidi, deinde limpidi, odore & sapore Cicutam referentis, aliquantisper acris, obscure subsalsi, obscure acidi ℔j. ℥viiij. ℥iiij. gr. xlviiiij. humoris limpidi, ejusdem odoris & saporis acidi & obscure austeri ℔ij. ℥xv. ℥ij. gr. xxj. humoris rufescentis, sale

sale volatili urinoso copioso imprægnati ℥j. 3j. gr. xxxix. salis volatilis urinosi concreti 3j. gr. xx. olei 3j. 3j. gr. xxxvj. Massa nigra in retorta residua pendebat ℥iij. 3iij. gr. xvij. quæ rite calcinata reliquit cinerum nigricantium & fuscorum 3j. 3iij. gr. xij. ex quibus lixivio salis fixi mere alcali 3vj. gr. lvj. extracta sunt. Partium jactura in distillatione fuit 3ij. 3j. gr. xliij. in calcinatione 3j. 3vij. gr. vj.

Totius plantæ sapor herbaceus salsus est, odor narcoticus, fœtidus. Succus chartam cœruleam rubro colore perparum inficit. Unde conjicere licet, Cicutam sale ammoniacali donari cum multo oleo & terra permixto.

Cicutam intus sumptam venenum esse, & publica Atheniensium pœna invisam præcipueque morte Socratis celebrem, fere inter omnes constat. Kircherus *Tr. de Peste* gravia & admiranda symptomata ex radicibus Cicutæ pro Petroselini radicibus a duobus religiosis viris comestis excitata refert. Vix enim in ventriculum descenderat cibus, statim virulentam ac mortiferam suam virtutem explicat, caput utriusque tam horrendis fuliginum exhalationibus opplevit, ut uterque protinus mente captus, alter in vicinum lacum se præcipitaverit, in anatem se transmutatum existimans, alter, omnibus spoliatis disruptisque vestibus, in publicum prorumpens, nihil nisi flumen ad intestini incendii vehementiam extinguendam appetens, in anatem se transformatum sine aquis vivere non posse clamaret. Paulo post totum corpus livore perfusum apparuit. Tandem diversis admotis remediis mortem quidem effugerunt, sed paralytico membrorum tremore afflicti nonnisi languidam & miseram vitam per triennium adhuc protraxerunt; denique ambo summis doloribus cruciati extincti sunt. Unde conjicere licet Cicutam non adeo frigidam esse, sicut nonnulli existimaverunt. Nec semper noxia est hæc planta, imo salutifera quandoque deprehenditur, siquidem J. Rajus in *histor. plantarum* asserit post observationes Doct. Bovvle pulverem radicum Cicutæ ad grana viginti in febribus malignis & quartana ante paroxysmum exhibitum omnibus Diaphoreticis antecellere. Et Renealmus in *observationibus* 3. & 4. intus hunc pulverem a ℥j. ad 3℥. in vino, vel ejusdem infusum a 3j. ad 3ij. idque felici cum successu in scirrhis hepatis & lienis ut & pancreaticis gravissimis exhibuit. Caute tamen tali medicamento utendum esse censemus. Qui vero ab eo abstinet, prudentior est.

Inter Cicutæ antidota commendantur Acetum, Absynthium, Daucus, Gentiana, Urtica. Tragus refert, quamdam mulierem, cum inter Pastinacas Cicutæ radicem decoctam forte comedisset, ebriam quasi ac insanam redditam fuisse, ut in altum scandere ac subvolare conaretur, cui haustu aceti subventum est, ut ad mentem rediret. Sennertus folia Absynthii vel radices Gentianæ aut semina Dauci vel Urticæ in pulverem redacta & ex vino generoso hausta, vel eorundem decoctum in vino factum proponit.

Externe frequentior est ejus usus. In primis Cicutæ succus expressus, vel ipsa contusa planta, aut cum decocto applicata mammarum incrementum coercet, duras & parvas reddit, auctore Ettmullero: verum hanc applicationem temerariam & periculo plenam esse Dodonæus existimat. Sunt qui non inepte ad nimium lactis proventum mammis puerperarum quæ

lactare nolunt, vel sub metu coagulationis lactis coerciti & indurationis mammarum, plantam hanc contusam & in lacte vel aqua Caprifolii vel in aqua & aceto decoctam, sub forma cataplasmatum, vel succum cum aceti tantillo temperatum applicant.

Henricus ab Heer *in observ.* 7. magnopere commendat Cicutam ad inflammationem & tumorem lienis ex nimia venere, discutit enim & tumorem resolvit. Cicutæ nempe folia si recentia, contusa, si exsiccata, macerata vel decocta in aqua florum Sambuci cum tantillo Camphoræ immittantur intra præputium.

Eadem folia in lacte cocta commendantur ad dolores podagricos & hæmorrhoidales mitigandos; cataplasma ex foliis cum Cochleis & quatuor farinis solventibus plurimum laudatur adversus hydrocelem & dolorem ischiadicum. In emolliendis tumoribus, tam lienis & hepatis, quam etiam partium externarum duris, nempe schirrosis, strumosis, grumosis, folia & radices potissimum, quocumque modo applicentur, remedia sunt egregia.

24. Folior. Cicutæ M. ij. Contund. cum limacibus terrestribus n. 24. sensim addendo farinar. resolv. ℥ij. F. cataplasma in tumoribus testiculorum vel mammarum.

In Officinis emplastrum de Cicuta præparatur quod ad strumas & omnes tumores duros & schirrosos emolliendos & præsertim lienis aut hepatis schirrum resolvendum plurimum laudatur, si cum oleo Succini subigatur.

Cicuta usurpatur in empastro Diaborano *D. Blondel.*

Alia est Cicutæ species, quæ huic in officinis nonnunquam substituitur & dicitur.

Cicuta minor, *Off.* Cicuta minor, Petroselino similis *C. B. P.* 160. Cicutaria Apii folio *J. B.* 3. 2. 279. Cicutaria fatua *Lobel. Icon.* 280. Petroselini vitium *Tragi* 459. Sed viribus priori longe debilior est.

CINARA.

Cinara vel levis est, nullis neque in foliis, neque in capite spinis seu aculeis armata, vel aculeata seu spinosa; unde duo Cinaræ genera exsurgunt quæ plurimas species seu varietates sub se continent. Duæ potissimum ad culinarem cupedias coluntur.

1. Cinara hortensis, *Off.* Cinara hortensis, foliis non aculeatis *C. B. P.* 383. *Inst. R. H.* 442. Carduus sive Scolymus sativus non spinosus *J. B.* 3. 48. Cinara *Dodon. Pempt.* 724. Scolymus non aculeatus *Tab. Icon.* 695. vulgo, *Artichaut.*

Radice nititur crassa, firma, non insuavi, folia promit pedem & sesquipedem longa, semipedem fere lata, in lacinias latas subiectas divisa, incano & cinereo tomento obsita, potissimum parte prona, spinis carentia aut omnino paucis obsita. Caulis cubito altior, striatus, tomentosus, ramis aliquot donatus, in singulorum cacumine caput gerit hic turbinatum seu in gracilescientem metam productum, ille magis compressum & rotundum, squamis magnis, glaucis, carnosis, acumine obtuso, ungue infimo crassiusculo, tenero, velco, albicante compactum. Caput illud squamosum seu calyx sensim divulsis squamis superius latefcit & se pan-

pandit, tandemque in medium profert flosculosos flores plurimis scilicet flosculis ex subcœruleo colore eleganter purpureis, quinquefariam divis, & embryoni insidentibus, qui abeunt deinde in semen oblongum, tumidiusculum, lævi cortice obtectum cinereo, pappis candicantibus & lanuginosis instructum. Floris seu calycis ima pars seu placenta seminum carnosæ est esculenta.

2. Cardones, *Off.* Cinara spinosa cujus pediculi esitantur *C. B. P.* 383. *J. R. H.* 342. Scolymus aculeatus *Tabern. Icon.* 696. Cardones *Cæsalp.* 526. vulgo, *Cardons*.

Hæc a priore non differt, nisi quod hujus foliorum omnes anguli & calycis squamæ duris, pungentibus spinis armentur. Caules seu foliorum costæ terra obruuntur, qua ratione mirum candorem contrahunt, teneritudinemque; sicque demptis utrinque foliosis costarum lateribus in cibos vel pretiosos lautioresque transeunt. Utraque planta in hortis colitur.

Analyfi chymica, ex placentarum carnosarum Cinaræ tenerarum & recentium lbv. per retortam distillatis, semotis squamis & seminibus papposis, prodierunt humoris limpidi, odoris & saporis herbacei, fatui, obscure acidi lbij. Ziiij. gr. xxxvj. humoris primo limpidi, acidi manifeste, sub finem intense acidi, austeri, rufescentis, empyreumatici, lbj. ℥xj. ℥. ij. gr. ix. humoris empyreumatici rufi, primo intense acidi, deinde subfalsi & sale alcali urinoso copioso imprægnati ℥ij. Ziiij. gr. lx. olei ad instar syrupi Ziiij. gr. xlvij. Massa nigra in retorta residua pendebat ℥v. ℥v. gr. xxxvj. quæ per decem horas calcinata reliquit cinerum ℥j. gr. xxxvj. ex quibus salis fixi mere alcali Ziiij. gr. xvij. lixivio sunt extracta. Partium jactura in distillatione fuit ℥xj. Ziiij. gr. xxvij. in calcinatione Ziiij. ℥v.

Carnosæ hæc substantia saporem obtinet subdulcem, austerum & vitrioli solutionem nigro colore tingit. Salem igitur essentialem continet tartareum cum terra adstringente copiosa & oleo subdulci conjunctum.

Cardones ab hac carnosæ substantia plurimum differunt. Cum phlegmate copiose plurimum salis volatilisi urinosi præbent, mediocrem olei & terræ portionem, acidi vero perparum.

Cinara cruda estur plerumque cum adhuc tenera est cum sale & pipere. Sic stomacho grata & amica est, ciborum appetentiam dejectam recreat, potatoribus vero vini potum suaviorem efficit. Ubi vero grandior evāsit, coquitur, rejectis squamarum duriori parte & lanugine intus contenta, & ex butyro liquato, aromatis, aceto vel omphacio parata comeditur, vel ex pingui carniū jure elixa, vel per frustula secta & in sartagine frixa additis sale & Petroselino, vel ex oleo & aceto supra cineres cocta. Asservantur quoque placentæ illæ carnosæ in hiemem, si insolentur vel in fumo exsiccentur; atque in loco sicco reponantur, ne situm contrahant, & ad intinctus & carniū condimenta usurpantur.

Quocūque modo præparetur aut coquatur Cinara parum nutrit & succi est crassi & flatulenti, qui fit ut quidam eam venerem stimulare existiment. Concoctu tamen facilis est in ventriculo, si moderate comedatur, ratione stypticitatis suæ qua ventriculi fibræ roborantur. Urinam ciere præcipue traditur, eamque turbidam ac putidam, quem tamen effectum Rajus ipsi denegat.

Foliorum costæ & caules teneri & candidi difficilis coctionis dicuntur , quod verum deprehenditur , nisi ab illis qui eos butyro saturant .

Radices Cinaræ urinas potenter provocant . In decoctis & jusculis diureticis usurpari possunt . A quibusdam earum decoctum ad urinas ciendas in enematibus præscribitur .

CITREUM ET LIMON.

Citreum , Citrum & Malus Medica , Off. Citreum vulgare *Inst. R. H.* 621. Malum Citreum vulgare *Ferrarii hesperid.* 61. Malus medica *C. B. P.* 435. Medica Malus sive Cidromela *Advers. Lob. Icon.* 143. vulgo , *Citronier.*

Arboris modus nostratibus in hortis modicus est . Radix ramosa , alte lateque diffusa , lignosa & corticosa , foris lutea , intus albicans : truncus gracilis , ligno albo duroque , cortice coloris e viridi pallentis : rami numerosi , proluxi , tenues , ductilique lentitia obsequentes : ex his vetustiores diluto virore flavescentes , pallidisque aculeis armati , recentiores vero læta viriditate nitidi : summa ramorum foliorumque teneritas rubente virore fulca . Folium ad Juglandis folii magnitudinem accedens , persæpe obtusum , interdum etiam acuminatum , triploque fere in longitudinem quam in latitudinem porrectius , supina parte quam prona viridius , oris leviter incisus serratum , fibris a medio crassiore nervo excurrentibus venosum , nonnunquam corrugatum & veluti bullans , spisso ambitu ramos convestiens & tota hyeme exornans , bene odoratum , gustatu amarum , soli si obijciatur instar foliorum Hyperici foraminibus vel potius punctulis translucidis undique respersum : spina foliorum plerisque superne contigua , gemmæque finitima , acumine subrubens , cætero viridis , apprimè rigida & satis longa . Flores confertim summis ramulis velut odorarium in fasciculum frequenter cohærentes , rosacei , petalis carnosissimis , persæpe quinque per ambitum resupinatis , foris interfusis rubore , cæterum candidis , in orbem positis , ex caliculo viridi , quinquifido emergentibus constantes , albescentibus flavo sub apice , staminibus numerosis bene capillati , languide olentes , gustu primo subdulces , mox amari , partim frugiferi , exstante inter flamina longulo pistillo fructus rudimento , partim citra hoc indicium infœcundi , & hi quidem cito decidui , at illi tenacius hærentes . Fructuum figura sæpius oblonga , nonnunquam globosa , fastigio alias mucronato , alias retuso , superficie rugosa tuberosaque , longitudine non raro dodrantali , imo quandoque majori ; magnitudo enim varia , pondusque diversum , siquidem nonnulli ad sex , novem , imo ad triginta usque libras proveniunt : cortex exterior coriaceus , tenuis , amarus & fervidus , colore primum viridi , in maturitate vero aureo seu citrino , odore fragranti : cortex interior seu caro crassa , veluti cartilaginea , firma , candida , subdulcis , aliquantisper acida & leviter odorata ; intus divisa in varia loculamenta succi acidi vesiculis membranaceis contenti plena : denique semina cuicunque pomo complura , aliqui quinquagena supra centena in medullæ vesicularis sinu inclusa , oblonga , semiuncialia , utrinque fere acuminata , duriuscula & membranacea

amara, foris flava, striataque cute vestita, nucleo duplici, candido, amaricante cum quadam admixta dulcedine referta. In eadem arbore sæpe visitur eodem tempore tempestivum, & pulchre confusum florum verum cum pomifero autumno, pomis aliis cadentibus, aliis maturiscentibus, aliis subnascentibus. Sed per autumnum proventus uberior. In Gallo-provinciæ hortis colitur hæc arbor ab Assyria, & Media primum in Græciam, & inde in meridionales Europæ regiones translata. Unde fructus Mala Medica, Mala Assyria dicuntur. Fructus partes omnes, cortex exterior seu flavedo Citri, cortex interior seu caro, pulpa seu succus, & semina eximii usus sunt in medicina.

Analysi chymica, ex corticis exterioris Citri ℥v. per retortam distillatis prodierunt humoris limpidi, odorati, & sapidi, primo obscure salsi, deinde obscure acidi, cum oleo essentiali limpido flavescente, odoratissimo, ℥iij. ℥iij. ℥j. gr. xvij. humoris limpidi, citrei odoris saporisque grati, manifeste acidi, & austeri, cum oleo essentiali limpido, flavescente, grato, sub finem rufo ℥xv. ℥iij. gr. xxxviij. humoris rufi, empyreumatici, intense acidi, austeri cum levi acrimonia ℥ij. ℥vij. olei tum tenuis, & essentialis, tum crassi, & empyreumatici ℥j. gran. liij. Massa nigra in retorta residua pendebat ℥v. ℥vij. quæ calcinata reliquit cinerum ℥j. ℥j. gr. xxxvij. ex quibus lixivio salis fixi mere alcali ℥iij. gr. xxxiij. extracta sunt. Partium jactura in distillatione fuit ℥iij. ℥iij. gr. xxxvj. in calcinatione ℥iij. ℥v. gr. xxxv.

Ex succi Citrei recentem expressi ℥v. prodierunt humoris limpidi, saporis, & odoris fere expertis, obscure subsalsi, & obscure acidi ℥ij. ℥v. ℥iij. gr. vj. humoris limpidi saporis, & odoris expertis, neque manifeste neque obscure acidi ℥xiiij. ℥iij. gr. xxxvj. humoris primo obscure acidi, deinde manifeste acidi, austeri, subsalsi ℥ij. ℥vij. ℥iij. gr. xxx. humoris rufi, leviter empyreumatici, intense acidi, austeri, cum acredine quadam, obscure subsalsi, & alcali ℥vj. gr. xij. olei spissi ℥ij. Massa nigra in retorta residua pendebat ℥ij. ℥vij. gr. xvij. quæ calcinata reliquit cinerum ℥iij. gr. lxj. ex quibus salis fixi mere alcali ℥ij. gr. xxiiij. lixivio sunt extracta. Partium jactura in distillatione fuit ℥vj. gr. xlij. in calcinatione ℥ij. ℥ij. gr. xxix.

Itaque cortex Citrei mali plurimum olei continet, cum sale essentiali ammoniacali subadstringente conjuncti. Econtra medulla seu succus olei portionem exiguum, & salis acidievoluti plurimum obtinet.

Citrea mala mensis non tam ut alimenta, quam condimenta apponuntur. Saporis, & odoris gratia in taleolas concisa multis ciborum veneribus intermiscuntur sola, vel sacchari polline conspersa. Succo eorum carnes irrorantur: ejus enim aciditas appetitum languentem excitat, & ciborum concoctionem juvat, modo modicus sit illius usus. Cortex exterior propter duritiem in ventriculo difficile concoquitur, quemadmodum & cortex interior seu caro alba.

Commendantur integra contra venena febresque malignas, & pestilentiales: & a pluribus Medicis Theriacæ, Mitridatio, & confectionibus quibuscumque alexiteriis in ipsa pestilentia potiora, & magis proficua censentur. Insuper insigni donantur antiscorbutica virtute, ita ut pro hujus morbi specifico remedio habeantur. Equidem solo succo Citri vel malorum

Citreorum esu scorbutici etiam gravissimi sanantur. Eorundem succo scorbuticorum gingivæ exulceratæ sæpius collutæ citissime absterguntur. Batavi certe post diuturniores navigationes in Indiam orientalem, aut alia absita loca, ubi scorbutum sæpissime contrahunt, statim atque Lusitanicas oras attingere possunt, & mala Citria vel Aurantia obtinere, ab eo citissime liberantur. In febribus ardentibus & malignis plurimum conferunt ad sitim extinguendam, bilis aut sanguinis æstum & effervescentiam coercendam, vires prostratas restituendas. His nominibus in potum frustulatim secta conjiciuntur. Succus cum saccharo aqua diluitur, & potum præbet refrigerantem, palato gratum, sanis & ægris saluberrimum. Præterea succus Citri diureticus est, arenulas pellit, & ad affectus nephriticos commendatur: vomitiones cohibet, quas biliosi humores movet: affectionibus melancholicis, & hypochondriacis opitulatur: cordis palpitationes spasmodicas sistit: languores quos utriusque bilis fervidi vapores faciunt, discutit.

Externe quoque hæc Mala valde prædicantur in peste, & morbis contagiosis ad contagium arcendum. Pomum Citri solum vel Caryophyllis aromaticis confixum manu assidue gestant, identidem naribus admovent, & interdum morsicant. Equidem hoc modo non tam arcetur contagium, quam compescuntur nausæ, & vomitiones, vel ex pravis ægrotantium halitibus, vel ab imaginatione læsa oriundæ, quibus ventriculus debilitatur, & ciborum concoctio depravatur.

Exterior cortex flavescens valde odoratus est, & aromaticus, quod vesiculis constet innumeris oleo essentiali repletis. Masticatus oris halitum emendat, amarore ventriculum roborat, vermes necat. Ipsi exsiccatō vis cardiaca, & alexiteria tribuitur. Flatus potenter discutit, humores crudos in ventriculo aut in intestinis contentos concoquens, ac digerens. Exsiccatum cardiacum vel alexiterium habetur præstantissimum. Saccharo conditus inter bellaria mensis secundis infertur. Electuariis etiam cardiacis admiscetur adversus morbos contagiosos, vel ad ventriculum roborandum, necnon etiam electuariis, & medicamentis purgantibus ad purgantium medicamentorum vehementiam temperandam.

Ex eodem cortice flavo oleum essenziale extrahitur duplici ratione: vel corticis exterioris recentis tæniæ tenuissimæ inter digitos exprimuntur super vitrum latum vel infundibulum vitreum, in quod ros oleosus cadit qui sensim in olei essentialis summe volatilis, penetrantissimi, & suavissimi guttas maiores coalescit, & in aliud vas recipiens stillat: vel iidem cortices ærea vesica cum magna aquæ copia, ignis ope distillantur, ut cætera olea essentialia dicta. Ex his olæosaccharum conficitur quod utiliter julapiis cardiacis, stomachicis, vel extractis purgantibus admiscetur. Sed cavendum est ne immodicus sit horum oleorum essentialium usus, ut jam diximus. Alia est olæosaccharum conficiendi ratio compendiosior, & facilior; affricantur nimirum integra Citrea poma durissimo, & siccissimo sacchari frusto tamdiu donec inde extimus flavescens cortex oleosus plane abrasus sit. Saccharum flavo, & oleoso hoc succo imbutum cultro abraditur, & in vase probe clauso reservatur ad usum.

Syrupi tum ex succo acido, tum ex cortice flavo Citri conficiuntur. Ille dicitur syrupus e succo Citri: potenter refrigerat seu sanguinis æstum compescit, bilis effervescentiam coercet, & urinas promovet. Hic syrupus

pus flavedinis Citri nuncupatur, & inter cardiaca, & stomachica numeratur. Nonnulli etiam syrupum totius Citri præparant qui utriusque virtutes in seipso retinet.

Cortex interior seu caro alba rarioris est usus in medicina, & difficile coquitur in ventriculo. Nonnulli tamen vim diureticam, imo lithontrippticam ipsi tribuunt, sed illam cæteris diureticis valentioribus consociant. Saccharo rite condita inter dulciaria locum tenet.

Ex pulpa Citri seu medulla acida conditum præparatur quod inter alexipharmaca, & antiscorbutica medicamenta annumeratur.

Semina alexipharmaca existimantur. In quibusdam compositionibus alexiteriis usurpantur. Ventriculi, & intestinorum vermes enecant, menses provocant, flatus discutiunt, humores viscidos attenuant, & dividunt. Ex his emulsionem conficiuntur vermifugæ, & cardiacæ, in morbis mali moris, & pestilentialibus.

Etiamsi in prædictis morbis acida utiliter usurpentur, quia insignem vim habent refrigerandi, aperiendi, pituitam crassam incidendi, putredini resistendi, inflammabilitatem humorum, & eorum acrimoniam demulcendi; advertendum tamen in pleuritide, peripneumonia, hæmoptoe, phthisi, cæterisque pulmonum affectionibus, ventriculi, & intestinorum inflammatione, dysenteria, sanguinis mictum, renum, & vesicæ ulceribus, plurimum nocere. Tunc igitur ab illis abstinendum est. Tussim enim provocant, ventriculi, & intestinorum tormina pariunt, diarrhæas aut hæmorrhagias provocant. Speciatim vero de succo Citri, & Limonum Riverius observat cautum esse debere illius usum; quia frequentius aut nimia copia exhibitus aphthas facit in ventriculo, & excoriationes, unde lenteria succedit.

℞. Crystall. mineral. ℥j. Sacchar. albi ℥iiij. Coccinillæ gr. xvj. Bulliant in aq. comm. ℔ijß. ad despumationem. In decocto per subsidentiam purgato & per inclinationem a fœcibus separato ac refrigerato mali Citrei succus exprimatur, & sæpius de vase in vas transfundatur liquor pro potu palato grato, in febribus ardentibus, biliosis, malignis, & pestilentialibus perutili.

℞. Folior. or. ℥ijß. Mann. Calabr. ℥ij. Sal. vegetabil. ℥jß. Liquiritiæ rasæ & contus. ℥j. Coriandr. ℥ß. Folior. Pimpinell. Mij. Malum Citreum unum taleolatim sectum. Affund. bull. ℔ij. Macerentur per noctem. Fiat colatura, & erit ptisana laxans distribuenda in quatuor doses tertia vel quarta quaque hora sumendas.

℞. Radicis Raphani rusticani recentis, & minutim concisæ ℥ij. Folior. Cochlear. P. j. Passulas exacinas n. vj. Liquir. rasæ, & contus. ℥ß. Dimidium Citri cum cortice taleolatim concisi, vini, albi, & aq. comm. ana ℔j. Macerentur frigide per 24. horas in vase vitreo rite clauso, identidem agitando. Sit pro potu ordinario in scorbuto.

℞. Spir. Cochleariæ, & Sp. vini ana ℥j. Succu Citri ℥ij. Aq. Nasturtii ℥iiij. Fiat gargarisma in scorbuto ad gingivarum exulcerationes abstergendas.

℞. Conserv. Cochlear. ℥ij. Conserv. Lujulæ ℥j. Pulver. Ari comp. ℥vj. Syrup. e Succo acido Citri q. s. F. electuarium de quo sumat æger ter die ad magnitudinem nucis moschatæ in scorbuto, servatis servandis.

24. Aquæ Parietar. stillatit. ℥iiij. quibus dilue syrup. e succo Citri vel Limonum ℥j. Adde olei Amygdalar. dulc. ℥j. F. potio oleosa in doloribus nephriticis perutilis.

Observabunt Tyrones in julapiis cardiacis, & diaphoreticis Stibii præparationes diaphoreticas cum acido succo Citri vel Limonum permiscendas non esse, ne emeticæ fiant. Caveant pariter ne acida emulsionibus commisceant: quippe substantiam lactescentem facile præcipitant.

Cortex Citri tum conditus, tum ficcus usurpatur in opiata *Salomonis*, electuar. de Citro solutivo, Tabellis contra vermes laxativis *Penicher. collectan. Pharm.* Pulver. lætificante, & digestivo *ejusdem*. Semina usurpantur in diamargarito frigido *Codicis Paris.* Tabellis contra vermes, Pulver. Pannonico *Charas*, confectione, & Hyacinthis, & opiata *Salomonis*.

Limon, mali Limonia *Off.* Limon vulgaris *Ferrarii hesperid.* 193. *I. R. H.* 621. Malus Limonia acida *C.B.P.* 436. Limonia malus *J.B.* 196. Limones *Lobel. Icon.* 143. vulgo, *Limonier* cujus fructus *Limon*.

Citro congener est malus Limonia quam ea de causa hîc adjungimus. Arbor enim satis procera, nec tamen admodum plerumque ramosa: oblongo Citri folio, sed brevior: crebris sæpe aculeis, at minoribus, & venenatis: languidi odoris flores propemodum æquali, fructu in ovatam figuram conglobato sed contractiore, remissius flavente, ac levius odorato Citrum ex parte repræsentat. Ab eo tamen distinguitur fructu minore, cortice carnosio seu interiore tenuiore, copiosiore pulpa, & succo uberiore, ut interdum nihil fere nisi succum contineat, eoque magis acido quam quæ mandi facile queat. In hortis Galliæ meridionalis colitur. Poma in usum veniunt, & medicum, & culinarium.

Limonia mala, cum Aurantiis, & Citreis sint gustu acidiora, ideo magis refrigerantia esse verisimile est. Valent ad eisdem usus atque Citrea; ad venena tamen ut minus efficacia, ita ad æstuentes morbos valentiora habentur. Cortices Limonum saccharo condiuntur pro bellariis. Fructus integri parvi, & virides condiuntur quoque, & inter stomachica recensentur. Quidam Mala hæc taleolatim secta, asperso multo saccharo, comedunt, sicque appetitum languentem excitant, sitim potenter extinguunt, & febrilem ardorem compescunt. Succus Limonum admodum efficax in dissolvendis calculis, & detergendis viis urinariis censetur. Sed ne quid nimis.

Syrupus de succo Limonum in officinis præparatur commendatus ad calculum, & obstructions renum: item ad sitim, & æstum in febribus ardentibus: cordi, & ventriculo robur addit, & bilis effervescentiam compescit; ideoque haud infeliciter imbecillitates, lipothymias, vomitus, & singultus febribus ardentibus supervenientes curat.

Succus Limonum tinctoribus utilis est ad colores multos transmutandos, aut fixiores efficiendos. Quæ hoc succo exarantur super chartam litteræ occultæ, igni admotæ manifestæ fiunt.

C I T R U L L U S.

Citrulus, & Anguria, *Offic.* Anguria Citrullus dicta C. B. P. 312. *Inst. R. H.* 106. Citrullus folio Colocynthis secto, semine nigro, quibusdam Anguria J. B. 2. 235. Anguria, Cucumis, Citrullus *Dod. Pempt.* 664. Cucumer, vel Cucumis Citrullus *Fuchs.* vulgo, *Citroville*.

Radices habet tenues, rectas, fibratas, capillatasque, spargit per terram sarmenta fragilia, hirsuta, foliis vestita amplis, in profundas lacinias dissectis, asperis, & hirtis, e quorum sinu exeunt capreoli, necnon pediculi, flores sustinentes luteos, campaniformes, patentes, quinquifidos, quorum alii steriles sunt, alii fecundi seu insidentes embryoni qui deinde abit in fructum magnum, & rotundum, quem vix ambabus ulnis ambias: cortex duriusculus sed lævis, nullis tuberculis inæqualis, atro-viridis, dilute virentibus maculis aut albicantibus perfusus: caro Cucumeris vulgaris, alba vel subrubra, firma, grati saporis. Semen fungosa medullum occupante substantia immergitur oblongum, latum, compressum, rhomboideum, flavescent aut subrubens, rugosum, duriusculo cortice præditum, sub quo medulla alba esui grata ut Cucurbitarum. Hortos olitorios locupletat. Caro edulis est, & semen e numero quatuor frigidorum majorum.

Analyti chymica, ex carnis Citrulli ℥v. per retortam distillatis prodierunt humoris limpidi, saporis, & odoris herbacei, obscure subsalsi, ℥vij. ℥vij. gr. xlvij. humoris limpidi, obscure subacidi ℥ij. ℥v. ℥iiij. gr. xlij. manifeste acidi ac tandem intensi ℥ij. ℥ij. gr. lxxvj. humoris rufescentis, alcali, urinosi ℥v. olei spissi, & gravis ℥ij. gr. xxxvj. Massa nigra in retorta superstes, & jam semi-calcinata pendebat ℥vij. gr. lxxij. quæ rite calcinata reliquit cinerum ℥iiij. gr. xij. ex quibus lixivio salis fixi mere alcali ℥ij. gr. xxvj. extracta sunt. Partium jactura in distillatione fuit ℥j. gr. xxxiiij. in calcinatione ℥iiij. gr. l.

Citrullus plurimum phlegmatis continet, mediocrem salis essentialis tartarei, & ammoniacalis portionem, olei vero aliquantulum a sale essentiali ita divisum, ut liquorem aliquantisper mucaginosum constituat. Hic liquor fermentatione saporem nonnihil vinosum adipiscitur, evolutione nempe salis acidi, & olei, sed multo phlegmate obrutorum.

Citrulli caro, quæ cortici subest, a nonnullis cruda, sed frequentius cocta comeditur. Nutrimentum autem confert exiguum, sanguinemque producit aquosum, qui internarum partium inflammationes mitigat, & bilis acrimoniam ac fervorem contemperat. Infinitis modis culinæ eam parant, elixant, frigunt, assant; butyro, lacte, sale, cepis, aromatis, & saccharo condiunt. Imo & Citrulli pulpæ admixta triticea farina, panis conficitur qui flavescit, sapit suaviter, & in refrigerium salubriter assumitur.

Semina refrigerant, & eam ob causam inter semina frigida majora recensentur. Urinas movere dicuntur, vel potius urinarum acrimoniam demulcent, & sanguinis effervescentiam compescendo ejus feri secretionem per renes juvant. Eapropter emulsionem ex his parantur cum decoctis vel aquis

aquis convenientibus in febris ardentibus, dysuria, ischuria, ardore urinæ, calculo, renum aut vesicæ exulceratione, arthritidis doloribus; & cum aliis seminibus frigidis consociari solent. Cum medicamentis purgantibus nonnunquam admiscuntur ad eorum vehementiam retundendam.

Oleum ex seminibus expressum cutim emollit, ejus inæqualitates lævigat & vitia delet, in pomatis cosmeticis sæpe usurpatur.

℥. Semin. Citrull. & Melonum ana ℥j. Semin. Papaver. alb. ℥ss.

Contunde in mortario marmoreo sensim affundendo aq. Lactucæ, Portulacæ, vel Papaver. rhæad. ana ℥vj. Colatura cum expressione facta dilue syrup. de Nymphæa, vel Diacodii ℥vj. F. emulsio hora somni propinanda ad sanguinis æstum coercendum & somnum conciliandum.

℥. Semin. Citrull. Cucumer. Cucurbitæ & Melon. ana ℥j. Amygdalar. dulc. decorticatar. paria vj. Contundantur sensim affundendo decocti Hord. vel aquar. Lactuc. Portulacæ ℔ij. Expressione dilue syrup. de Althæa vel Næuphar. ℥ij. F. emulsio. Sumat æger per cyathos inter juscula, in febris ardentibus, renum aut vesicæ affectionibus.

℥. Quatuor semin. frigidior. major. ℥ss. Semin. Card. bened. ℥j. Decoct. Scorfonner. vel aquar. Ulmar. Scabios. aut Bugloss. ℥xij. F. emulsio qua dilue syrup. Caryophyllor. hortens. vel syrup. flavedin. Citri ℥j, pro duabus dosibus. Unicuique addi potest Diaphor. mineral. ad gr. xv. aut conf. Alkermes ad ℥ss. in febris malignis aut pestilentialibus.

Usurpantur semina Citrulli in pulvere Haly *Pharm. Lond.* Pulvere Diatraganthi frigidi, *Charas*, Electuario Diapruno, El. de Psyllio & El. de succo Violar. *Charas*.

℥. 4. S. Semin. frigidior. major. ℥j. Contusa insuantur in ventre palli gallinacei & coquantur in aq. communis ℔ij. ad ℔ij. Aqua Pullastri dicitur, quæ per cyathos propinatur in juscula.

C O C H L E A R I A.

COchlearia, Off. Cochlearia folio subrotundo, C. B. P. 110. *Inst. R. H.* 215. Cochlearia, *J. B.* 2. 942. *Dodon. Pempt.* 594. Cochlearia major Batavica subrotundo folio, *Moriss. H. Oxon.* Britannica, *Gesner.* vulgo, *Herbe aux Cuilliers*.

Radice est candida, crassiuscula, recta, fibrata & capillata: foliis multis, satute virentibus, rotundioribus, auritis, unciam longis, cochlearis fere in modum nonnihil cavis, succi plenis, crassis & pediculis palmatis insidentibus, acribus, pungentibus, amaricantibus, odoris nidorosi ingrati: caules ramosi sunt, supini, cubitales, glabri, foliis onusti magis laciniatis, longioribus & sine pediculis, floribus ornati tetrapetalis, cruciformibus, candidis, cum calyce quadrifolio & pistillo abeunte in fructum membranaceum, sphaericum, duas lineas longum, bicapsularem, in quo semina continentur parva, subrotunda, rufa. Nascitur in Pyrenæis & in ora maritima Belgii. Planta integra usu est.

Analyfi chymica, Cochleariæ floridæ ℔v. demptis radicibus præbuerunt

tunt humoris primo albicantis, deinde limpidi, saporis acris, linguam pungentis, odoris penetrantis, Cochleariam crudam referentis, tandem saporis minus acris & acidi ℥ij. ℥xiiij. ℥iiij. gr. lx. humoris primo limpidi, deinde rufescentis, acidi, empyreumatici, postea acidi austeri ℥ij. ℥x. gr. lx. humoris rufescentis, sale volatili urinoso imprægnati ℥vij. gr. xxiiij. olei spissi adiposi ℥vj. Massa nigra in retorta residua pendebat ℥iiij. ℥j. gr. liiij. quæ calcinata reliquit cinerum ℥j. ℥vj. gr. vj. ex quibus lixivio salis fixi mere alcali ℥vj. gr. xlvij. extracta sunt. Partium jactura in distillatione fuit ℥ij. ℥ij. gr. xliiij. in calcinatione ℥j. ℥iiij. gr. xlvij.

Phlegma quod primum in distillatione prodit, turbidum est ab oleo quodam tenui, acri, pungente & summe volatili, a quo plantæ odor & sapor acris præcipue pendebat. Præterea sale essentiali ammoniacali donatur hæc planta copioso phlegmate diluto. His principiis Cochlearia humores lentos & crassos incidit & attenuat, illisque morbis medetur quia hoc humorum lentore originem ducunt, in primis vero scorbuto, cujus peculiare seu specificum, ut vocant, medicamentum est, unde & Germanice & Anglice inde nomen sumpsit. Usurpari solet a nonnullis in jure carniū lacte aut vino decocta. Verum quia partes illæ, in quibus præcipua vis & utilitas hujus herbæ consistit, admodum volatiles sunt, & coctione facile evanescunt; J. Raius multa cum ratione satius esse putat succum herbæ expressum aut ejus infusum exhibere quam decoctum.

Herba recens leviter contusa vel potius incisa cerevisiæ, vino vel aquæ infusa in vitro probe obturato, intra tres quatuorve dies totam suam vim antiscorbuticam seu spiritum volatilem eis communicat. J. Raius experientia fretus cerevisiam sic præparatam pro potu ordinario scorbuticis commendat. Minus proficua est, observat idem auctor, in qua Cochlearia diu infusa fuerit: nam diuturna infusione partes terræ & fixiores herbæ eliciuntur & cerevisiæ communicantur, partesque volatiles vel avolant, vel cum fixioribus complicatæ vim suam amittunt. Herba exsiccata nil vel parum habet virtutis. Extractum a nonnullis laudatur, sed in eo parum energiæ deprehenditur: diuturna enim evaporatione spirituosæ hujus plantæ partes avolaverunt.

Licet autem in scorbuto curando Cochlearia apud septentrionales populos primatum ducat, attamen non omnibus naturis conducit. Nam illis, qui phlogosi vagæ, observante Ettmullero, rubori faciei, palpitationibus cordis, hypercatharsi, cephalalgis, & aliis symptomatibus sunt obnoxii, acria hæc non conducunt, sed potius nocent; nisi cum Acetosa, Acetosella, Beccabunga, vel lacte, vel sero lactis aut vino propinentur, ut ita temperetur acrimonia eorum volatilis. Unde iis qui laborant febre intermittente scorbutica, cujus norma est typus erraticus, medicamenta antiscorbutica præscribit in sero lactis quod egregie abstergit.

Joannes Junckerus in *Medicinæ conspectu*, pro variis naturis varias antiscorbuticorum classes constituit. Temperamentis phlegmaticis acriora & penetrantiora, Cochleariam scilicet, Nasturtiorum genera, Raphanacea Armoraciam, Sinapi, Cœpas, Allium proponit: melancholicis amara, scilicet Beccabungam, Fumariam, Trifolium fibrinum, Chelidonium minus, Cichorium, Chærophylum assignat: sanguineo-cholericis acida vel sola

sola vel cœteris consociata, qualia sunt Acetosa, Oxytriphyllum, succus Citri, Limonum, Ribium, Berberum, &c. præscribit. Verum quamplurimi & magni nominis Medici acribus medicamentis antiscorbuticis acida consociare amant. Usu Felici Th. Sydenham cum Cochleariæ condito Majorum Citreorum vel Aurantiorum pulpam adjungit; Martinus Lister *Exerc. de Scorbuto*, acidos omnes fructuum succos, acetum & ipsum vitrioli spiritum; Simon Paulli mixturam simplicem ad ℥j. cum succo Cochleariæ permiscet; & Groenlandi populi diuturna experientia edocti ad scorbutum curandum Cochleariam & Acetosam promiscue apud eos sponte nascentes usurpant. Reipsa in scorbuto incipiente sanguis & lymphæ spissiores sunt, motu circulari per artus lente admodum circumferuntur, & vitali fere destituuntur fermentatione, ac proinde acribus & spirituosus medicamentis indigent, ad torpidas fibrarum solidarum oscillationes concitandas, ad humorum lentorem dissolvendum, & eorum motus tum circularem, tum fermentatitium concitandum; verumtamen in scorbuto jam confirmato humores stagnatione & mora quamdam susceperunt putredinem, qua sales in illis contenti urinosa indolem contrahunt, & evolvuntur, ut in sanguine, sero, & urina putrescentibus observare licet, & sui juris fiunt. Tunc autem urinosi sales, si spirituosus & actuosus antiscorbuticorum medicamentorum partibus concitentur, & agitentur, sulphureas humorum partes carminant & dividunt, spissam & viscidam humorum crasim destruunt coagula dissolvendo, partes solidas corrodunt, unde tot scorbuti symptomata. At vero acidorum subtilium & volatiliū ex vegetabili potissimum desumptorum intromissione hi sales urinosi a spiculis acidorum irretiuntur, & ex amborum consociatione exsurgit sal salsus non amplius reformidandus, qui ut plurimum per vias urinarias blande & placide secernitur. Actuosus vero partibus quæ inter acida vegetabilium spicula latent, vel quæ cum illis a prudente Medico consociantur, spissior humorum crasis diluitur, & blanda vitalisque fermentatio restituitur. Illis, qui hujus succum fastidiunt, S. Paulli Cochleariæ essentiam liquidam proponit in Germania celebratam, quam eo parant modo.

24. Cochlear. recentis contusæ q. v. Affunde ejusdem plantæ succum in quo tantillum fermenti vel fœcis cerevisiæ solutum sit. Irrora, consperge raro sale. Hæc probe mixta reponantur vase optime operculato tamdiu in locum subterraneum usque dum acriorem odorem spirent. Tunc distillantur per alambicem in balneo M. & obtinebitur spiritus Cochleariæ. Postea

24. Recentia Cochlear. folia: Contunde & torculari valido ex iis succum exprime, eumque in vase aut vitro optime lutato defœca & per chartam bibulam filtra.

Hujus hac arte depurati succi tribus partibus affunde partem unam spiritus Cochleariæ supra descripti. Digere & circula l. a. Quibus si addideris paululum Sacchari, essentia Cochleariæ parata est. Dosis ℥j. aut ℥ij. Adhuc præstantior erit, si mixturæ simplicis dictæ aliquot guttulæ ad ℥j. pro dosi remisceantur.

Spiritus antiscorbuticus præstans præparatur ex aliquot manipulis foliorum Cochleariæ contusarum & totidem uncis radicis Raphani rustici rasæ simul mixtis, succo Cochleariæ irroratis, per 24. horas maceratis ac tandem blando ignis calore distillatis. Hujus spiritus unum aut alterum cochlear jusculis vel potionibus antiscorbuticis affunditur.

Spiritus Cochleariæ, annotante J. Junkero; concitat facile sanguinem, infert anxietates, æstuosam cephalalgiam, & maculas nimium expellit. Major in *Chirurgia infusoria*, p. 270. observat spiritum Cochleariæ quibusdam cephalalgiam concitare. Ideo cum acidis liquoribus hunc spiritum semper miscendum esse Ettmullerus existimat.

℥. Radicum Raphani rustici, Scrophular. minor. Helenii, & Acetosæ ana ℥ss. Folior. Fumariæ, Becabung. Nasturtii aquatic. ana M. j. Summitatum Pini & Abietis, florum Centaur. minor. & Genist. ana P. j. Seminum Erucæ & Aquilegiæ, Bacchar. Juniper. contus. ana ℥j. Coquantur in aq. comm. ℥vj. ad ℥v. addendo sub finem folior. Sempervivi minor. P. ij. Cochlear. M. j. Apozema coletur ad usum. Dosis ℥vj. cum syr. Limon. ℥ss. quater die in scorbuto.

℥. Aquar. stillatitiar. Raphan. rustici, Nasturtii, Becabung. ana ℥ij. Succu Cochlear. ℥j. Mixtur. simplicis gutt. xxx. Syr. Limon. ℥ss. F. julap. in scorbuto.

℥. Folior. Cochlear. Becabung. Nasturtii Cichor. sylvestr. Oxytriphyll. & Acetosæ rotund. ana M. j. cum frustulo carnis vitulinæ. Fiat jusculum in baln. Mariæ in vase probe obturato.

℥. Rad. Raph. rustican. ℥j. fol. Cochlear. & Nasturtii contusor. ana M. ij. Passular. exacinator. ℥vj. Fiat infusio ex vini albi vel feri lactis ℥ij. De qua capiat ℥iv.

Externe in scorbuticis oris affectionibus, tumore cruentato gingivarum, earumdem inflammatione, exulceratione, dentium vacillatione, Cochleariæ succus vel ejus spiritus apprime conducunt. His humectetur linteam, quod postmodum affricetur gingivis & partibus oris scorbuto affectis. Vel etiam in gargarismatis recipiuntur. Quidam in succo Cochleariæ aluminis usti tantillum dissolvunt & sic parant gargarisma in excrecentia gingivarum scorbutica egregium.

Cochleariæ succus cum herba contusa & limposita faciei maculas intra breve spatium tollit: postea vero decocto furfuris abluenda est.

Cochleariæ conditum & aquam distillatam in Officinis præparant ad scorbutum & in viscerum obstructionibus perutilia.

COLCHICUM

Colchicum vulgare, Off. Colchicum commune, C. B. P. 67. Inst. R. H. 348. Colchicum, J. B. 2. 649. Dodon. 460. Colchicum Anglicum purpureum, & Anglicum album, Prækins, & Gerard. vulgo; *Colchique*.

Paulo ante autumnæ æquinoctium flores erumpunt, nullis jam apparentibus foliis, liliacei, monopetali, ab ipsa radice emergentes sub tubi tenuissimi, tenerioris, albicantis forma in sex partes sensim ampliati. Croci flosculis, & forma, & colore affimiles, dilutius tamen cærulei, staminibus internis pallide luteis & pistillo e floris fundo surgente, & in capillamenta tenuia deficiente. Postquam unum aut alterum diem duraverint, flaccescunt. Deinde post sequentis veris initium folia præfert terna aut quaterna, oblonga, lata,

lata, lævia, pingua, Lili albi foliis, & forma & lævore satis similia: inter quæ medii in brevibus pediculis exeunt duo, tres aut quatuor instar siliquarum folliculi triangulares, crassi, oblongi, in tria loculamenta divisi, & per maturitatem in tres sese explicantes partes, semine pleni rotundiusculo, & rufo colore nigricante, quo maturo folia una cum cauliculis intercidunt.

Radice nititur bulbo simili, turbinata, ab una parte in planum compressa, rimam sive sulcum cum florēt habente, reliquo tempore non apparentem, tunicis convestita nigricantibus & fibris aliquot inferius donata. Bulbus ipse carnosus, candidus, lacteo succo manans dum quidem virescat & recenter e terra erutus: siccatus etenim rugosus, & foris interiusque nigricat, aut obscure rubescit. Sapore autem est dulci, amaritudinis tamen exiguum salivam eliciens subsequitur. Odorem vero omnes partes gravem & nauseabundum spirant. In pratis agri Parisiensis sponte nascitur.

Medici veteres & Neoterici unanimi consensu Colchici radicem venenatam esse & in cibo acceptam necare pronuntiant. Ferunt eos, qui Colchici radicem comederunt, pruritu per totum corpus affici, in internis partibus morsum, & circa stomachum cum multa gravitate æstum percipere: invalescente vero affectione per alvum cruenta cum ramentis admixta excernere. D. Ludovici narrat unicam Colchici radicem rustico cuidam robusto exhibitam validissime & ad necem usque purgavisse. Petrus Garidel in *Histor. Plant. Aquisextiens.* refert quosdam rusticos tres quatuorve Colchici flores febris intermittente laborantibus comedendos offerre & sæpe felici cum successu. At ipse quamdam vidit ancillam quæ hocce a rusticis acceptum remedium sumperat, diris anxietatibus circa præcordia & ventris torminibus per tres dies vexatam, quæ tandem post triduum interiit. Legitur apud Historiæ Lugdunensis auctores, Turcas Colchici floribus uti cum inebriari volunt: eos enim vino macerant, quo epoto adeo stupidi redduntur, ut in extasim abeant. Unde liquet hanc plantam omnibus suis partibus deleteriam esse.

His, qui Colchici bulbum sumperunt auxilium ferendum i. per vomitum, per clysteres ex decoctis demulcentibus foliorum & radicum Althææ seminis Lini, &c. deinde lac quodcumque calidum magna copia propinandum est.

Externe vero non nocet, imo juvat. J. Bauhinus refert, quemdam Medicum ad verrucas anni Colchici bulbos tusos cataplasmati modo superligare: quo remedio excidunt: eundemque ad pediculos latos pudendorum eorundem decocto ex aqua locum affectum abluere.

At præstantiorem hujus radiceis energiam Georg. Volffgangus Vvedelius peculiari dissertatione nuperrime promulgavit sub hoc titulo *Experimentum curiosum de Colchico veneno & alexipharmaco simplici, & composito Gene 1718.*

Celebris ille Medicus & summa eruditione & diuturna felicique praxi clarus narrat se ab anno 1668. in hunc usque annum 1718. hanc radicem pro amuleto collo appensam semper gestasse & optimo quidem cum successu, neque seipsum solum, sed & alios plurimos, neque solum in peste, sed etiam in morbis epidemicis quibuscumque, dysenteria, febribus malignis, variolis, morbillis, & similibus.

Occasionem qua hoc amuletum sibi ipsi innotuit sic refert. Cum anno 1668. in urbe Gothana strages dysenterica sævire incipiebat, qua minimum quadringenti ipsi curandi incumbabant homines malignis symptomatibus affecti, cum petechiis, deliriis, faucium inflammationibus decumbentes & quotidie invisendi per duos menses & ultra, ipsi occurrit dissertatio, quædam antiloimica de peste universali anno 1637. grassante cum quibusdam remediis & arcanis. Auctor nomine Caspar narrat, quemdam præfectum militum in bellis Hungaricis suos milites solo hoc amuleto a sævienti peste immunes semper fecisse, quod a rusticano didicerat, qui asserbat omnes vicini cujusdam pagi incolas ab eodem præfecto hic degente eodem amuleto præmunitos, pestifera lue affectos non fuisse, dum in pagis, & urbibus vicinis dire sæviret. Laudata experientia inducti Vedelius, & socii appendere cœperunt radicem, & nullus eorum contagiosa hac pestilente dysenteria affectus fuit.

Cum ante aliquot annos, addit Videlius, in urbe Hamburgensi grassaretur pestis, illustris Magistratus a facultate Medica nostra desiderabat duos Medicos pestilenciales, quos illuc mandabamus divinæ tutelæ commissos, & hoc amuletum ipsis appendendum luadebamus. Bene gesta re, liberata urbe, salvi utrique & incolumes redierunt.

Grassantibus variolis ejusdem amuleti efficaciam deprehendisse testatur. Data enim essentia præservativa interne, & amuleto hoc munito corpore vel non correpti sunt quamplurimi, vel levius affecti felicius evasere.

Huic bulbo idem auctor Plantaginis majoris radicem sæpius adjunxit pro amuleto antipestilentiali valde commendatam. Has radices suo tempore collectas, exsiccatas, & contusas cum tantillo pulveris Lavandulæ admixto, ut res coletur, & sacculo inclusas distribuere solebat & Arcanum duplicatum catholicum nominabat. Hoc tandem comprobata quinquaginta annorum experientia publici juris facere non dubitavit velut alexipharmacum pestis, febrium ardentium, malignarum, variolarum, morbillorum purpuræ simplicis puerperarum, dysentericæ & similium: ita ut vel non corripiant homines, vel minori copia, minori molestia, & periculo.

Attamen Vedelius observat legitimam diætam insuper requiri, vitando noxia & moderationem servando in rebus dictis sex non naturalibus, aere, cibo & potu, somno, motu, & vigiliis, & quiete, excretis & retentis, & animi parhementibus.

Colchici bulbi colligi debent circa festum Sancti Michaelis seu autumnale æquinoctium, dum flores marcescere incipiunt. Tunc enim radix succo turget. Taleolarim concisi in umbra exsiccantur. Cum uno Colchici bulbo crassiuscule contuso radicis Plantaginis majoris seu latifoliæ exsiccatae, & contusæ ʒj. permiscetur. Sacculo sericeo incluso de collo suspenduntur, ita ut circa cordis scrobiculum pendeant. Nonnulli his radicibus Camphoræ tantillum addunt: post tres menses amuletum renovandum est.

Jacobus Vvolffius Medicinæ Professor Jenensis in tractatu cujus titulus est *Curiosus Amuletorum scrutator*, testatur hoc amuletum a plurimis laudatum & commendatum fuisse variis temporibus in Germania grassante peste.

peste . At exemplum deficientis hujus amuleti refert in quodam Theologo insigni in Thuringia qui hoc amuleto præmunitus nihilominus febre maligna correptus fuit & interiit . At non ideo omnis virtus huic amuleto deneganda . Non ideo enim medicamentum rejiciendum est , & reprobandum quod una aut altera vice inefficax deprehendatur , modo sæpius profecerit . D. Aug. Quirin. Rivinus *Tractatu de Peste Lipsiensi anno 1680.* de hoc amuleto sibi ipsi communicato mentionem facit tanquam certissimo contra pestem : & postea suam de his amuletis mentem aperit : & non alium esse eorum usum , nisi quod his confisi præsidii plebeji præsertim magnanimi reddantur , minusque contagium perhorrescant , existimat . Omnes autem norunt quid valeat terror , quantum pestilentia vires adauget .

CONSOLIDA.

Plantæ plurimæ Consolidarum nomen acceperunt propter virtutem vulnera consolidandi , quæ ipsis tribuitur . Sex septemve in Officinis usitatæ sub hoc nomine prostant : scilicet Consolida major , seu Symphytum : majus consolida media , quæ duplex ; Bugula una , altera Bellis major sive Leucanthemum : consolida minor quæ etiam duplex ; Brunellâ & Bellis minor : Consolida rubra sive Tormentilla : denique Consolida Sarracenica quæ Virgâ aurea . De Bugula , Brunella , Ballide majori , & minori suo loco jam egimus : de Consolida rubra differemus sub nomine Tormentillæ , & de Consolida Sarracenica sub nomine Virgæ aureæ . Hic vero Consolidam majorem tractabimus . Alia consolida in hortis sæpius colitur ad ornamentum , quæ Consolida regalis seu regia , sed nullius fere usus est .

Consolida major , Symphytum majus ; *Off. Symphytum* , consolida major , *C. B. P.* 259. *Inst. R. H.* 138. *Symphytum magnum* , *J. B.* 3. 593. *Dod. Pempt.* 134. Consolida major , *Trag.* 240. *Symphytum Alum seu Alus.* *Lobel. Icon.* 538. vulgo , *Grande Consoude* , *Oreille d'ane* .

Radicibus est crassis , multifidis , carnosis , foris nigris , intus albis , viscidis , & glutinosis : caulibus sesquicubitalibus , inanibus , hirsutis , asperis , & alatis folia duas spithamas longa sunt , aspera , hirsuta , obscure virentia palmam lata , mucronata . Flores in summis ramulis & caulibus oriuntur multi , eleganti serie dispositi , antequam aperiantur caudæ scorpii in modum revoluti , penduli , monopetali , albidi , aut purpurascens , infundibuliformes oblongi & quasi campaniformes , quatuor lineas longi , leviter quinquepartiti , cum calyce quinquifido & pistillo longo flori concolori e centro calycis oriundo abeunte , in quaterna semina caput viperinum referentia , nigricantia & splendentia . Agri Parisiensis incolæ nascitur in pratis , & secus rivulos . Folia , flores ; sed radix potissimum in usum veniunt .

Analysi chymica , ex radicem recentium Symphyti majoris ℥v. per retortam distillatis prodierunt humoris limpidi , saporis , & odoris herbacei , obscure subasali ℥ix. ℥j. gr. xij. humoris subacidi ℥j. ℥xij. ℥vij. gr. xlv. humoris limpidi , sub finem rufescentis , acidi , subausteri ℥j. ℥xij. ℥vij. gr. xlvij. humoris rufescentis , empyreumatici , intense acidi , subacris ac tandem urinosi , &

fale

Sale volatili urinoso, parco tamen imprægnati ℥iij. ℥vj. gr. xxiiij. olei spissi, gr. lx. Massa nigra in retorta residua pendebat ℥vj. ℥iij. quæ rite calcinata reliquit cinerum ℥ij. ℥v. gr. liiij. ex quibus salis fixi mere alcali ℥v. gr. xxx. lixivio sunt extracta. Partium jactura in distillatione fuit ℥ij. ℥v. gr. xxx. in calcinatione ℥iij. ℥v. gr. xviiij.

Ex foliis pariter plurimum phlegmatis subacidi extrahitur, olei portio exigua, aliquantulum spiritus urinosi, nullus sal volatilis urinosus concretus; remanet vero terra copiosa cum mediocri salis alcali fixi quantitate. Succus foliorum & radicum fatuus est & mucaginosus; chartam cœruleam levissimo colore rubro tingit. Tournefortius salem hujus plantæ essentialem sali Coralliorum comparat cum aliquanta salis ammoniaci portione conjuncto. Ex eorum & pauci olei miscela compositum exsurgit mucaginosum, unde ejus vires præcipue emanant.

Radix crassiore mucagine pollet quam Althæa cum qua convenit. Speciatim vulnerarium est, antidyntericum & antihæmoptoicum. Adstringit autem, consolidat, incrassat, & egregie temperat, serum salsum & acre corrigit. Pulvis radice exhibetur ad ℥j. In infuso vel decocto præscribitur ab ℥ss. ad ℥j. Conditum quoque ex ea paratur in Officinis, ad ℥ij. vel ℥ss. sumendum. Observandum est decoctionem hujus radice mediocrem esse debere, ne decoctum mucilaginosum fiat & nimis glutinosum ac proinde palato & stomacho ingratum & noxium. Eadem radix in ulcere pulmonum & in aliis eorum affectionibus quæ a tenui, subtili, acri, & calida materia eveniunt, commendatur; sanguinis scretum & fluxum sistit, renum & vesicæ exulcerationibus medetur, dysentericæ prodest tam per os sumpta, quam sub enematis forma injecta. Externe & interne exhibita enterocelas cohibet, ossibus fractis mederi dicitur, vulneribus consolidandis efficax est. Florum decoctum ex vino bis in die sumptum in cruenta urina optimum scribit Camerarius.

℥. Radic. Symphyt. maj. taleolatis sectæ ℥j. Orizæ lotæ ℥ss. Liquir. ras. & contus. ℥j. Coq. in aq. flav. ℥liij. ad ℥liij. F. ptisana in hæmoptoe.

℥. Pulmonis vitulini dimidiam partem minutim sectam, Orizæ cochlearia duo, radice Symphyti maj. ℥ij. fol. Urtic. urentis & Plantag. ana M. j. Coq. in aq. comm. q. s. F. juscula duo in sputo cruento. Vel

℥. Pulver. ad. Symph. major. Terræ japonic. ana ℥j. Succin. pp. Mastiches pulver. ana ℥ss. syr. Corallior. q. s. M. F. opiata. Dosis ℥j. ter quaterve die.

℥. Pulver. Symph. major. & Tormentill. ana ℥j. fol. Alchimill. Plantag. ana M. j. flor. Hyperic. M. ss. Coq. leviter in aq. comm. ℥ss. Colatura dilue syrup. de Symph. Fernel. ℥j. F. tres doses quarta quaque hora sumendæ in hæmorrhagiis.

℥. Rad. Consolid. major. ℥j. radice Tormentill. & Bistortæ ana ℥ss. folior. Pyrol. Alchymill. & Sanicul. ana M. j. Coq. in aquæ Chalybeatæ q. s. Colaturæ adde olei Hyperic. ℥j. F. enema antidyntericum.

Externe admota Symphyti radix vulnera conglutinat, dolores compefcit, fracturas ossium consolidat, herniis & luxationibus confert, atque potenter adstringit. In luxationibus & fracturis ossium Ettmullerus commendat cataplasma factum ex radice Symph. major. contusa, permixta

cum pulvere osteocollæ , vel etiam cataplasma ex radicibus Symphyti & foliis & radicibus Geranii rubri seu sanguinei . Parkinsonus & Rajus radices recentes minutim concisas , tulas & impositas ad dolores podagricos leniendos & ulcera serpentia aut etiam gangrænas compescendas plurimum laudant . Cataplasma sequens a Paulo Hermanno ad quamvis herniam recentem ex laxato peritoneo commendatur .

℞. Semin. Nasturtii hortens. ℥ss. Gummi. Carann. Mucaginis ex rad. Symph. extract. ana ℥j. F. cataplasma .

Ex Symphyti radicibus paratur syrupus de Symphyto simplex , seu syrupus Boyleanus a celeberrimo Roberto Boyle plurimum laudatus pro hæmoptoicis . Sic autem conficitur .

℞. Radic. Symphyt. major. ℥iiij. folior. Plantag. M. xij. Contusis exprimatur succus cui adde Sacchari pondus æquale & fiat syrupus s. a.

Usurpatur insuper radix Consolidæ in pulvere *Bauderoni* ad puerorum enterocelum , Balsamo polychresto *Ejusdem* , Aqua vulneraria *Lemery* , Unguento mundificativo de Apio , Emplastro ad herniam *Charas* , Emplastro pro fracturis & luxatione ossium *Ejusdem* , Emplastro Regio ad herniam , vulgo , *du Prieur de Cabrieres* .

C O R I A N D R U M .

Coriandrum , *Offic.* Coriandrum majus , C. B. P. 158. *Inst.* R. H. 316. Coriandrum , *Lobel. Icon.* 705. *J. B.* 3. 2. 89.

Radice est tenui , candida , simplici , nonnullis fibris stipata : caule simplici , gracili , tereti , glabro , medulla farcto , sesquicubitali , ramoso : foliis inferioribus quasi conjugatis , rotundioribus , pulchre incisissimis , superioribus multifidis ac profunde dissectis . Flores in summis ramulis adsunt in umbellam digesti , rosacei , ex albo purpurascens , ex quinque petalis inæqualibus & bifidis constantes , cum calyce in duo semina abeunte quæ simul juncta sphaeram integram complent primo viridem , deinde pallide flavescentem . Odor totius plantæ aromaticus sed vehemens , gravis & ad cimum odorem accedens . Semen odor progressu temporis mitescit & suavior fit , gratusque sapor . In arvis circa Parisios colitur . Semen solum in usum venit .

Coriandri semen dum recens est , habet odorem gravem , aliquantisper virosum , caput tentantem , qui tamen per exsiccationem & progressu temporis evanescit & in gratum ac suavem odorem convertitur . Oleum essenziale tenue , odorum , & aromaticum analysi chymica suppeditat , cum phlegmate acido & aliqua spiritus urinosi portione .

Magna de Coriandri facultatibus inter auctores agitur controversia . Plerique Arabes & Græcorum nonnulli Coriandro frigidam facultatem , narcoticam , stupefacientem atque deleteriam tribuunt . His adstipulatur Matthiolus , qui asserit semen in ciborum aut medicamentorum usum nunquam admitti debere , nisi prius triduo aceto fuerit maceratum . Tragus etiam , qui monet seplasiarios , ne semen cuiquam nisi prius dicto modo præparatum vel cum Saccharo vendant , nisi venenum loco remedii exhiberi velint .

His adversantur Lobelius & Alpinus, qui asserunt herbæ etiam virentis usum in cibo esse apud omnes Ægyptios familiarissimum. Hispani quoque, auctore Amato, frequentissime illa utuntur & pro cordiali habent. Nihilominus tamen experientia docuit, monachos in Mesnem propter hunc usum Hispanorum plurimos esse fatuos, ob quorum curam aam frequentia sunt valetudinaria publica. Malignitatem arguit fœtor plantæ digitis comminutæ teterrimus. Utcumque hoc medicamento propter malignam vim quæ ei a multis dubio procul non absque experientia tribuitur, præsertim non temere utendum censet J. Bauhinus. Verum Zvvelferus existimat noxiam seminis Coriandri qualitatem, si qua inest, a cruda ejus & excrementitia humiditate & immodico usu dependere. Si quidem semen viride virosum quid spirat quod evanescit dum siccatur. Quapropter utrum hæc noxia qualitas rectius aceto affuso, an vero sola & simplici exsiccatione corrigatur, inquit: ac tandem concludit hanc qualitatis nocivæ, crudæ, excrementitiæ correctionem melius arescentia quam aceti maceratione & iterum exsiccatione perfici, quia vis seminis Coriandri carminativa & balsamica sic non destruitur, imo conservatur & augetur; olea enim essentialia in quamplurimis aromatis exsiccatione magis evolvuntur. Aceto autem potiore sua virtute spoliantur, dum acetum partes oleosas volatiles ac spirituosas figit, & in aliud compositum traducit, ut experientia quemvis edocere potest. In eadem sunt sententia S. Pauli, Fredericus Hoffmannus, Ettmullerus, Paulus Hermans quotidiana experientia edocti, quandoquidem populi plurimi Coriandrum tanquam gratissimum aroma cibis admiscent.

Laudatur autem semen Coriandri tanquam carminativum & stomachicum singulare. Viscidos incidit ventriculi succos & inde flatus ructusque enatos dissipat. Commendatur maxime illis quibus ex sympathia ventriculi caput dolet. Haberetiam aliquid adstrictionis qua ciborum concoctionem juvat, & in hæmoptisi, nimis menstruis & ventris fluxibus conducit. Insuper strumas discutere creditur. Externe in statulentis herniis laudatur.

℞. Semin. Coriandri, Anisi, Fœnicul. ana ℥ss. Cinnamom. acut. ℥j. Macis ℥j. Flavedin. cortic. Citr. ℥ij.

℞. Semin. Coriandr. ℥ss. Anisi; Fœnicul. ana ℥j. Nuc. mosch. ℥ss. Cinnamom. ℥j. Piper. long. ℥ss. Sacchar. alb. ℥j. M. F. pulvis post pastum sumendus ex vino. Dosis ℥j. ad ciborum concoctionem perficiendam, ructus, flatus, & colicos dolores discutiendos.

℞. Semin. Coriandr. ℥ss. semin. Cumin. Anis. ana ℥j. Alum. rup. ℥ss. Vini rub. Aq. chalib. ana ℥ss. Coq. & applica decoctum in fotu herniæ statulentæ.

Semen integrum Saccharo obduci solet. Usurpatur in Clareto, vulgo dicto. *Rossolis des six graines*: aqua Melissæ composita H. R. pulvere digestivo Charas.

C O R N U S.

Cornus & Cornus mas seu sativa, Off. Cornus hortensis mas, C. B. P. 447. Inst. R. H. 641. Cornus sativa seu domestica, J. B. 1. 210. Cornus, Clus. Histor. 12. Camerar. Epitome 159. vulgo, *Cornouiller*, *Cornier*: cujus fructus Cornum, *Cornouilles* dicitur, aut *Corne*.

Arbor est mediocriter procera, multis brachiata ramis, cortice subrubro vel cinereo, scabro, materie alba, firma, solida & dura: foliis lævibus, latis, mucronatis, venosis per oras, æqualibus, ex viridi nigricantibus, Cotoneæ mali pene similibus. Flores primo vere profert, antequam folia erumpant, in ramorum extremis furculis insidentes, numerosos, rosaceos seu quatuor petalis croceis constantes, cum stamulis exiguis, luteis, ex calyce tetraphyllo communi, purpurascens vel subluteo, sex, octo, vel decem prodeuntes. Fructus subsequuntur oblongi, ad Olivam accedentes, graciliores, molles, carnosissimi, primum virides, postea rubri, sanguinei, majores, nonnunquam ceræ colorem referentes, raro albicantes, forma sua ad Jujubas accedentes, gustu primum acerbo, at ubi maturatione remollita fuerint, acido, dulci & suavi, cum quadam tamen adstrictione, officula condentes oblonga, teretia, qualia ferre in Olivis, durissima, in duo loculamenta divisa, in quibus nuclei latitant exigui, subdulces, graciles. In hortis colitur. Fructus edulis est, & in usum medicum nonnunquam venit.

Analyti chymica fructus nondum bene maturi plurimum præbuerunt phlegmatis acidi, austeri & terræ, mediocrem olei crassi portionem, nonnihil salis fixi mere alcali, fere nullum vero spiritum utinosum. Fructus aciditate styptica pollet & instar Aluminis cœruleam Heliotropii tincturam rubram efficit, adeo ut ejus salis essentialis cum sale aluminoso multa sit affinitas.

Fructus nullo in ciborum honore nisi apud vulgus & rusticos habentur. Refrigerant, exsiccant, adstringunt quomodocumque sumpti. Ob id contra alvi profluvia, mensium & hæmorrhoidum immoderatiorem fluxum exhibentur. Sed præstat ad suavitatem succum ex fructibus expressum cum Saccharo in Cydonitis consistentiam coquere: tunc enim acidulo sapore palato magis blanditur. Dysentericis & aliis qui adstrictione indigent non minimum proficit. Fit etiam ex iis Rob seu Sapa, sed minus gratum. Nonnulli in diarrhæa & dysenteria fructus exsiccatos & pulveratos ad ℥j. præscribunt. Vinum quoque adstringens a nonnullis paratur adversus eosdem morbos cum fructus contusi ℔x. Vini rubri ℔. centum, aquæ ferratæ ℔xij. simul fermentatis. Corna frigido ventriculo nocent & ejus cruditates adaugent.

Corna sicca contrita & cum oleo myrtino aut omphacino mixta in emplastri formam præsentis auxilio sunt ad vomitiones ventriculo impostæ: contra fluxum autem alvi abdomini admota; contra menses immodicos pectini & coccygi applicata.

In Hetruria abstinere demorfi a cane rabido per integrum annum a quorundam lignorum præsertim Corni contactu: siquidem si harum virgæ tantisper manibus teneantur, donec concalescant, illico demorfi rabie exagitantur, sic narrante Matthiolo.

Folia quoque & germina gustu acerba sunt, valenterque desiccant; itaque maxima vulnera glutinare possunt.

Hujus arboris lignum omnibus lignis durius perhibetur, ad radios & dentes rotarum & cochleas utilissimum.

C O R Y L U S.

Plurimæ sunt Coryli species ratione fructuum five nucularum inter se diversæ. Sunt enim vel domesticæ ac cultæ, vel sylvestres. Ex domesticis quibus hortorum pergulæ ornantur aliæ sunt oblongæ, & abditæ latent in calycibus longis, callosis, herbaceis, in extremo fimbriati: aliæ rotunditate insignes, & calycem exteriorem breviorē, & magis patulum habentes. Inter longiores, quæ membrana rubente obvelantur, sunt præstantiores. Sylvestres seu calvæ dictæ parvæ admodum sunt, minus grata, & in sepibus, dumetis, & sylvis passim nascuntur. Harum innumera fere in figura, magnitudine putaminum, crassitie, nucleorum sapore, maturescendi tempore differentia sunt. Duas tantum considerabimus apud nos magis usitatas quæ colliguntur ex arbore pumila quæ dicitur Corylus.

Corylus, Nux Avellana, Off. Corylus sativa fructu albo minore, five vulgaris, C. B. P. 417. Inst. R. H. 581. Corylus sativa, J. B. 1. 266. Corylus, Clus. Histor. 11. vulgo, Noisetier.

Corylus sativa, fructu rotundo maximo, C. B. P. 418. Inst. R. H. 581. Avellana Lugdunensis major, Camerar. Hort. vulgo, Aveline, quarum fructus, Nuculæ Avellanæ, Noces Ponticæ, Noces Prænestinæ, Noces Heracleoticæ, Avelines, Noisettes.

Corylus arbor pumila est, radice crassa, alta, nodosa, late diffusa, crassis caudicibus in multos ac robustos stolones divisis, virgasque lentas, enodes, obsequiosas, cortice, ubi annosi fuerint, incano, & lævi obductis, materie candida, molli: foliis latis, majoribus, rugosioribus quam Alni, modice serratis, colore virentibus, aversa parte albidioribus. Flores oblongi, tenues, compactique. Juli cum quibusdam coccineis filamentis pro floribus dependent primum virides, deinde flavi, plurimis foliolis constantes axi squamatim affixis, quibus singulis subsunt denso agmine apices flavescentes. Fructus in eadem arbore a floribus separati nascuntur aliquot simul juncti, involucris callosis, succosis, herbaceis, barbatis, hirsutis, adstringentibus, & acidis obsepti, magnitudine dimidio minores ut plurimum Juglande, oblongi, vel globosi, putamine umbilicato per maturitatem flavescere aut rufo, lævi, lignoso, & duro satis: cui subest pellucula in domesticis quibusdam coccinea, in aliis subrufa, nucleum obvestiens albidum, firmum sicut Amygdali nucleus, ejusdemque sapore dulci, lacteum remittentem succum. In Avellanis nucibus antequam nucleus formetur aut perficiatur, ambiens pulpa est candicans, fungosa, saporis acidi. Domesticæ habentur in hortis, vineis, & viridariis. Sylvestres vero ubique proveniunt, in sylvis, & secus itinera. Fructus usu sunt.

Analyti chymica Avellanæ noces mediocrem phlegmatis tum acidi tum urinosi portionem continent, plurimum olei tum tenuis tum spissi, & resinosi plusquam dimidiam partem, parum terræ, & salis fixi.

Alimentum copiosius præbent Avellanæ quam Juglandes, sed crassum. Potissimum expetuntur recentes, nondum perfectam maturitatem assecutæ, quo tempore magna humiditate excrementitia donantur; tunc palato gratiores

sunt, sed nullo modo concoquuntur in ventriculo. Bene maturæ, & per aliquod tempus asservatæ salubriores sunt. Incrustantur Saccharo, & inter tragemata accensentur. Quidam scribunt novem vel decem Avellanas perpurgatas, ante pastum per aliquod tempus comestas, a nephriticis doloribus liberare. Bechicam quamdam vim obtinent ob copiosum earum oleum dulce, nec inepte medicamentis thoraci dicatis admiscuntur, aut ex his lac exprimitur Avellanatum dictum, non solum tussientibus, sed etiam cœliacis & dysentericis prodesse fertur. Adstringentis enim quid obtinent.

Nuces Avellanas stomacho infestas esse, & difficulter concoqui, necnon caput gravare, præsertim largius sumptas Medicerum veterum, & recentiorum communis est sententia. Si quis post cibos illas edat, sitim, & inflationem molestantem percipiet. Vulgaris est opinio nuces Avellanas pinguedini corporis conferre: ac etiam anhelosos, & asthmaticos efficere ad satietatem eis vescentes vulgo persuasum est. Quod alvum sistant, & dysentericis prosint, nonnulli scribunt: alii, & verius dysentericæ aut diarrhææ obesse potius quam prodesse tradunt, ideoque in ejusmodi morbis ab iis omnino abstinendum. Intestinis infestas esse experientia docere conatur Tragus. Pueri namque, inquit, si Augusto mense Avellanas nuces avide devorant, facile in dysentericum morbum incidunt. Ad dysenteriam etiam pestilentialem nocuas esse vulgo persuasum est.

Oleum ex Avellanis nucibus per expressionem extrahitur, quod ad tussim veterem, & distillationes utile Tragus scribit. Hoc oleo mulierculæ infantium caput inungunt, ut capilli majori copia crescant.

Avellanarum juli, cortices exteriores virides, & putamina adstringere, & ventris fluores sistere affirmant qui, de illis scripserunt. Putaminum pulverem cum pulvere seminis Anisi mixtum Ettmullerus ad fluorem album commendat.

Ligno Corylino vis sudorifera & diuretica a nonnullis tribuitur. Sed præstantiora habemus ligna sudorifera in Guaiaco, & Sassafras. Ex hoc ligno oleum per distillationem extrahitur, quod sæpius super calcem vivam distillatum, aut ut ajunt, rectificatum, amittit odorem empyreumaticum, colorem limpidum aureum adipiscitur, & est oleum Heraclinum a Rulando Medico Cæsareo magnopere decantatum ut antiepilepticum, anodynum & anthelminthicum. Dosis a guttulis ij. ad x. cum mica panis vel in quolibet condito idoneo. Ad epilepsiam infantium etiam commendatur a nonnullis spiritus acidus qui in eadem distillatione cum oleo prodit.

In Corylo viscum nonnumquam nascitur quod epilepticis aliisque capitis affectibus obnoxius Querno longe utilius a nonnullis habetur: a ʒss. ad ʒj. ratione ætatis ejus pulvis exhibetur. Illud autem certo tempore collectum, nempe luna crescente, inter duos dies B. Mariæ expostulant. Nam tale viscum amuleti instar collo appensum contra epilepsiam, paralytim, & morbos ab incantatione ortos plurimum valere credunt. Ex eodem parant unguentum ad veneficiorum infringendam vim mirabile, cujus descriptio apud Henricum ab Heer *L. primo Observ. octava* videri potest; sed has nugas ne dicam imposturas aniculis delirantibus relinquimus. Ejusdem farinæ est virgula divinatoria qua vulgus metallicorum ad venas metallorum inquirendas utitur, & ex ligno Corylino parat.

Lignum Corylinum ad varios usus mechanicos utile est.

COTONEA MALUS

Plures sunt hujus arboris species, quæ quidem inter se nonnisi fructus magnitudine, & forma differunt. Harum duo genera constituuntur potissimum, sativa, & sylvestris; sativa duplex, fructu nempe majore, & minore.

Cotonea malus fructu majori, *Off. Cydonia fructu oblongo læviori*, *Inst. R. H. 632. Malus Cydonia fructu oblongo, & læviori. H. R. P. Mala Cotonea majora, C. B. P. 434. Cydonia majora, Raii Histor. 1453. Cotonea malus, J. B. 1. 27. vulgo, Coignier femelle.*

Cotonea malus fructu minori, *Off. Cydonia fructu brevior, & rotundior, Inst. R. H. 633. Malus Cydonia fructu brevior, & rotundior. H. R. P. Mala Cotonea minora, C. B. P. 434. Cydonia minora, Raii Hist. 1453. vulgo, Coignier femelle.*

Cotonea malus sylvestris, *Off. Cydonia angustifolia vulgaris, Inst. R. H. 633. Malus Cydonia angustifolia vulgaris, H. R. P. Cotonea sylvestris, C. B. P. 434. vulgo, Coignassier.*

Arbor est humilis sæpiusque tantum instar fruticis assurgens, radice copiosa, fusco cortice vestita, alias recta, alias oblique acta, e cujus summo multi stolones virgati sese exerunt: ligno contorto, intus pallente, & albicante, firmo satis & æquabili, cortice obrecto mediocri, non rimoso nec valde scabro, inferna parte subfusco, superne subcinereo, lævior atque glabro, foliis Malo vulgari æqualibus, subrotundis mucronatis, nulla in ambitu crena incisurave dissectis, prona parte cana lanugine ubertim obstitis, supina vero viridantibus, & lævibus fere, rarius, & nonnisi tenellis foliis lanuginosis, quæ lanugo facile affricu digiti deraditur. Flores non multi simul ut in Malis, sed in surculis singulares, rosacei, Rosis sylvestribus persimiles, quinque petalis subrotundis ac semiuncia latioribus, carneo colore præditis, in orbem positis constantes: in quorum medio stamina multa purpurascentia, apicibus luteolis, calyci insident composito ex quinque foliis ex viridi canescentibus, villosis, quæ postmodum fructus *Πύρε* seu umbilicum foliatum efficiunt, & embryone tumido, oblongo, lanuginoso, qui cadentibus florum petalis incrementum capescit donec fructus perficiatur magnitudine Mali, figura varius, turbinatus, modo circa pediculum, modo circa umbilicum angustior, alias subrotundus, & torulis (*Godron*) eminentibus tuberosus, parvus, magnus, mediocris, densa lanugine rasili obducta, carne firma, melina, odora, adstringente, & subacida. Semina in ipso pomi centro quinque cellulis distincto continentur, cortice spadiceo, medulla alba, Pyri seminibus non multum dissimilia, viscido quodam lentore lubrica, quem in aquam dejecta deponunt, & ipsam mucilaginosam reddunt: fructus odorem gratum quidem sed vehementem spargunt, & qui quorundam capita ita percellit ut ipsis dolorem moveat, præsertim si conclavi inclusi habeantur. Arbor in hortis, & viridariis passim colitur. Ex usu sunt fructus, & semina.

Analyti chymica, ex pulpæ malorum Cydoniorum rasæ lbv. per vaporarium distillatis prodierunt humoris limpidi, saporis, & odoris tenuis ma-

li Cotonei, primo obscure acidi, deinde subacidi ℥ij. ℥iij. humoris limpidi, & subausteri, ℥j. ℥viiij. ℥iiij. gr. lx. Massa in vaporario residua, fusca, fere exsiccata pendebat ℥xviiij. ℥vj. quæ per retortam distillata præbuit humoris primo limpidi, rufescentis, deinde fusci, odoris, & saporis empyreumatici ℥vij. ℥ij. gr. xxxvj. olei ℥j. Massa nigra in retorta residua pendebat ℥v. ℥vj. quæ per 29. horas calcinata reliquit cinerum fuscorum subrubentium ℥iiij. gr. xxxvj. Partium jactura in distillatione fuit ℥viiij. ℥vij. gr. xlviiij. in calcinatione ℥v. ℥ij. gr. xxxvj.

Cotonea mala sapore acido austero donantur. Odorem spargunt haud dissimilem illi, qui ex olei vitrioli, & spiritus vini mixtura per aliquam digestionem exhalat. Salem continent essentialium acidum, stipticum, pauca terra implicitum, ac multo phlegmate dilutum.

Crudorum malorum Cotoneorum vix ullus est efus. Cocta palato gratiora, & naturæ amica magis. Adstringunt valide, præsertim quæ cruda, ventriculum firman: vomitiones arcent, alvi profluvia sistunt. Propterea cœliacis, lientericis, dysentericis, diarrhæa conflictatis, sanguinolenta, & purulenta exscreantibus, vel fluore mensium aut hæmorrhoidum immoderatiore affectis utilia sunt: venenorum vires frangere dicuntur. Ante cibum sumpta alvum constipare creduntur, econtra a pastu laxare. Certum est alvum movere, si avidius, & copiosius ingerantur. Apponuntur mensis secundis vel sub cineribus cocta, vel saccharo condita. A nonnullis in veru assantur, & tostorum carniū succo irrorantur. Frustulati secta, feminibus, & cortice mundata, caryophyllis confossa, cum vino, cinnamomo, & saccharo elixantur.

Officinæ pharmaceuticæ varia ex Cydoniis conficiunt. Ex his fructibus tuis, expressis, & cum melle fermentatis fit vinum melites vel cydonites, quod paratur etiam ab aliis conjiciendo tantum Cydonia mala frustulati secta in dolium vino repletum. Mivam, & gelatinam parant ex succo expresso defœcato, & ad mellis aut gelatinæ consistentiam cocto, cum vel sine saccharo. Ex fructuum pulpa tusa, & cum saccharo cocta fit Cydoniatum vel Cotoneatum aut marmelata. Syrupus ex eorum succo paratus in officinis servatur; oleum quoque ex malis cotoneis nondum maturis in oleo communi decoctis.

Sylvius de Leboe *Method. Medend. lib. 2. c. 10.* refert se effectum mirabilem & valde laudabilem percepisse non sine admiratione ex syrupo seu miva Cydoniorum ex solo succo ad syrapi consistentiam igne blando decocto. Hujus, inquit, si cochlear semis vel plus adultioribus exhibeatur, pituitam glutinosam incidit, & nunc tussi ex pulmonibus educit, nunc vomitu e ventriculo tenuique intestino, nunc dejectione ab iisdem partibus expellit, quodque maximi faciendum, robur simul affert ægris, adeo ut hoc uno remedio plures restituerim ægros a plerisque medicamentis abhorrentes. Pituitæ autem in primis conducit tum evacuandæ, tum corrigendæ. Est & seminibus sua præstantia. Aqua infusa seu macerata mucilaginem præbent quæ lenit & vitiosorum humorum acrimoniam demulcet. Gargarismatibus admiscetur hæc mucilago cum aqua rosacea vel alia quacumque extracta ad linguæ ariditatem in febribus ardentibus leniendam, collyriis ad ophtalmiam sanandam, enematis ad dysentericorum tormina placanda, & dolores hæmorrhoidum sedandos: scissuris mammarum, & amblyis insuper illinitur utiliter.

℥. Mucilaginis semin. Cydonior. & sem. Psyllii extractæ cum aqua rosarum ana ℥ij. albumin. ovi dilutissime agitati, & aq. Plantag. ana ℥j. Camphoræ gr. iij. F. collyrium in ophtalmia.

℥. Mucilag. sem. Cydonior. Psyllii & Hormin. cum aq. Semperviv. vel Plantag. extract. ana ℥ij. Pulpæ malor. Cydonior. sub ciner. coctor. & pomor. dulc. ante ignem coctor. ana ℥iij. Camphor. ℥j. sacchar. saturni ℥ss. F. cataplasma ad ambusta, oculorum contusiones & ophtalmias.

Succus Cydoniorum malorum usurpatur in syrupo de Absynthio & syrupo Emetico *Charas*, & semina in syrupo jujubino *Ejusdem*.

C R U C I A T A.

CRuciata & crucialis, *Off.* Cruciata hirsuta *C. B. P.* 335. *Inst. R. H.* 115. Cruciata *Dod. Pempt.* 357. Gallium latifolium, Cruciata quibusdam, flore luteo, *J. B.* 3. 717. vulgo, *Croisette*.

Radice plurimis fibris subluteis, e geniculis emissis capillata reptat. Caules profert plures, pedales interdum & longiores, quadratos, hirsutos, tenues, infirmos, crebris geniculis interceptos: ad quorum singulos folia quaterna cruciatim disposita, decussata, hirsuta, paulo latiora quam Aparines, mucrone obtuso, absque pediculis cauli adnata. Flores ex alis foliorum egrediuntur verticillatim. Non tamen, si curiose observes, e foliorum omnium sinibus egredi advertes, sed ex oppositis duobus tantum, tres fere ex uniuscujusque folii sinu surculos pluribus floribus exiguis, monopetalis, campaniformibus, patentibus, quadrifidis, flavis onustos. Eorum calyx abit deinde in fructum siccum ex gemellis seminibus subrotundis & sub cortice tenui, hirsuto reconditis constantem. Ad sepes & in dumetis frequens nascitur. Herba usu est. A Callio & Aparine differt solo foliorum numero, quæ quaterna tantum decussatim ad caulium nodos oriuntur.

Analyfi chymica, ex totius plantæ recentis floridæ, dempta radice ℔v. per retortam distillatis prodierunt humoris limpidi, saporis & odoris fere expertis, seu aliquantisper herbacei, obscure subacidi ℥xj. ℥iij. humoris primo acidi manifesti, deinde intensi & austeri, postea rufescentis, ac tandem fusci, empyreumatici, intense acidi, austeri ℔iij. ℥ij. ℥j. gr. xxx. humoris rufescentis, sale volatili urinoso copioso imprægnati ℥j. ℥ij. gr. xxiiij. olei spissi extracti ad instar ℥j. ℥iij. Massa nigra residua pendebat ℥vj. ℥j. gr. xxxvj. quæ calcinata reliquit cinerum ℥ij. ℥ij. gr. liiij. ex quibus lixivio salis fixi mere alcali ℥vj. gr. xij. extracta sunt. Partium jactura in distillatione fuit ℥iij. ℥iij. gr. liiij. in calcinatione ℥iij. ℥j. gr. xxxvj.

Hæc planta salem continet essentialem aluminosum cum aliqua portione salis ammoniacalis & multo oleo involutum.

Cruciata inter plantas vulnerarias dictas numeratur. Siccat enim & adstringit tum interne sumpta, tum externe adhibita. Dicunt, ramices hac curari posse, decocto ejus aliquot diebus epoto, herba vero ipsa loco imposita. Jungken ejus fotum in schirro hepatis commendat. Joannes Cruso in suo medicamentorum euporiston Thesauro affirmat se rusticum, qui sal-

ce superiorem manus partem vulneraverat, hac planta inter duos lateres trita & cataplasmatibus forma vulneri admota feliciter curavisse, sine ulla alia applicatione.

C U C U M I S.

Cucumis aut sativus est, aut sylvestris, qui etiam asininus nuncupatur.

Cucumis vel Cucumer, & Cucumer sativus seu esculentus *Off.* Cucumis sativus vulgaris maturo fructu subluteo *C. B. P.* 310. *Inst. R. H.* 104. Cucumis vulgaris viridis *J. B.* 2. 245. Cucumis vulgaris *Dod. Pempt.* 662. Citreolus vulgo, *Cæsalpin.* 199. vulgo, *Concombre*.

Ex radicibus rectis, multisque candidis capillamentis fibratis, hirsuta sarmenta, crassa, longa, ramosa per terram huc illuc reptant, quibus alternatim adnascuntur folia palmi unius aut alterius amplitudine, angulis hederaceis cæsa, ambitu serrata, tactu aspera, e quorum alis exeunt capreoli & flores monopetali, campaniformes, patentes, quinquepartiti, semiuncia majores, ex luteo pallentes; ex quibus alii steriles sunt nulli embryoni adhærescentes; alii fœcundi insidentes embryoni qui deinde abit in fructum semipedem & amplius longum, teretem, utrinque turbinatum sæpius incurvatum, angulosum, verrucosum, primo viridem, deinde flavescens vel albicantem, carnosum, cortice tenuiore, carne firma, translucida, candida, succosa, sapore non ita grato ac Melonum, sed peculiari quodam & agresti, in terna vel quaterna loculamenta divisum, medullosa quadam & laxa carne repleta quæ semina continet copiosa, oblonga, plana, Melonum seminibus fere similia, paulo tamen angustiora, & ab illis pusillo apiculo subtus protenso distincta, medulla lactescente, suavi. Seritur in hortis. Fructus crudus vel coctus edulis est. Semina officinis multi sunt usus.

Analyfi chymica, ex hujus fructus nondum bene maturi ℔v. per retortam distillatis prodierunt humoris limpidi, odore & sapore primo herbam viridem, deinde Cucumeris fructum referenti, obscure acidi ℔iij. ℥viiij. ℥iiij. gr. xviiij. humoris limpidi, manifeste acidi, subausteri, ℔j. ℥v. gr. xviiij. humoris rufi, sale volatili urinoso imprægnati ℥v. gr. lxxvj. olei fluidi ℥ij. gr. xviiij. Massa nigra in retorta superstes pendebat ℥j. ℥iiij. gr. xxiiij. quæ calcinata reliquit cinerum ℥iiij. gr. xlviiij. ex quibus salis fixi mere alcali ℥ij. gr. xxxvj. lixivio extracta sunt. Partium jactura in distillatione fuit fere nulla; in calcinatione ℥vj. gr. xlviiij.

Salem essentialem tartareum obtinet parum multo phlegmate viscido dilutum.

Cucumeres exiguum & aquosum corpori præbent nutrimentum. Crudi licet bene maturi difficile coquuntur in ventriculo, ejus fibras viscido suo succo laxant, & ad cœterorum alimentorum concoctionem perficiendam inhabilem eum reddunt. Virides & parum ventricosi vulgo *Cornichons*, licet gula erudita suaviores judicet, nullo modo coquuntur, imo sæpe ventriculum lædunt, si præsertim aceto vel muria conditi fuerint. Facile autem Cucumeres in ventriculo & intestinis corrumpuntur, & ex eorum esu assiduo prævi congeruntur succi, qui exiguum ad putrescendum occa-

Occasionem naſti febres accendunt contumaces, ut in ſeipſo Petrus Gonterius expertus eſt, referente eodem *lib. de ſanitate tuenda*. Attamen J. Rajus refert ſemetipſum per multos annos Cucumeres copioſe comediffe, quamdiu tempeſtivi, & eſui idonei erant, nec tamen ullam vel leviffimam noxam aut incommodum inde percepiffe, licet ſexagenarium. Narrat inſuper cum Florentiæ in Italia febris laboraret, præſcribente quodam Medico Anglo ibi degente, pulpam Cucumerum juſculis incoctam non ſine inſigni ſolatio, & levamine eſiſſe.

Verum crudi cum comeduntur, cortice cartilagineo reſecato, in orbiculos tenues conciſos, & ſale aſperſos duplici paropſide exceptos, eo uſque exagitare convenit, inquit Rajus, donec humor aqueus copioſus eliciatur, & extillet; quo effuſo, aceto, oleo, & pipere condiendi ſunt; quo modo, & palato, & ventriculo gratiffimi evadunt, & certe non inſalubres. Alii Cucumeres in taleolas ſectos, manibus atterunt, deinde contritam pulpam ſucco madentem per noctem ſervant, poſtea ſuccum exprimunt, pulpamque oleo, ſale, aceto, & pipere conditam non ſolum innoxiam, ſed etiam calidioribus naturis, & æſtuantibus viſceribus utilem aſſerunt. Revera quadam inchoata fermentatione, agreſtis, & viſcida pulpæ ſubſtantia inciditur ac dividitur, ac proinde coctioni fit magis apta.

Quandoquidem autem viſcida hæc ſubſtantia coctione melius quam ullo alio modo reſolvitur, multos Cucumerum coquendorum modos culinæ invenerunt. Cortice mundati, & per fruſtula ſecti, cum aliis oleribus in carniū jure elixantur. Quandoque cum aliis herbis, & ſpeciebus aromaticis ſaporati in offas apparantur. Alias elixati, & aqua expreſſa, in ſartagine friguntur ex butyro multo. Infarciuntur quoque purgati ſeminibus. Farctura cum carne vitulina, ſuilla, caponum, perdicum, aut alia quacumque, lardo inſuſſo, medulla bubula, ovis, & aromatis omnibus conciſis paratur: jure carniū infarcti coquuntur, & offis immixti apponuntur. Quin etiam illud farcimen ex carniſus piſcium quorumlibet butyro conditis concinnantur, tum cum multo butyro coquitur, & nutritur jure ex carniſus reſiduis, capitibus, ſquamis, pelliculis, ſpinis parato.

A nonnullis commendatur Cucumerum uſus internus in affectibus renū, & veſicæ, maxime calculoſis.

Externe Cucumerum caro capiti applicata in pleuritide multum laudatur a Borello. Bartholetus in *Tractatu de Respiratione*, in fervida maxime phrenitide commendat carnem Cucumeris aut Cucurbitæ ruſam, niveque refrigeratam, abraſis capillis capiti impositam.

Semen Cucumeris inter ſemina quatuor frigida majora refertur, adeoque ſolet ingredi emulſiones refrigerantes, quas vocant, in febribus ardentibus, nephritide, urinæ ardore. Minus tamen refrigerat quam fructus ipſe.

Cucumis agreſtis, Cucumis aſininus, Cucumis ſylveſtris, Off. Cucumis ſylveſtris, aſininus dictus C. B. P. 314. *Inst. R. H.* 104. Cucumis ſylveſtris ſive aſininus J. B. 2. 248. Cucumis ſylveſtris Dod. *Pempt.* 663. Cucumer elaterii ſylveſtris *Adverſor. Lobel. Icon.* 646. vulgo, *Concombre ſauvage*.

Radicem habet duas treſve uncias craſſam, pedem longam, in varias fibras diviſam, albam, carnoſam, amaricantem, & nauleoſam, ex qua caules oriuntur humi fuſi, aſperiuſculi, craſſi, in quibus folia naſcuntur

ex rotundo acuminata, palmo longiora, ad basim aurita. Ex eorum alis emergunt flores monopetali, campaniformes patentes, semiunciam superantes, in quinque partes profunde divisi, flavescentes cum venis virescentibus. Fructus sesqui unciam vel duas uncias longi sunt, cylindriciformes, bullis asperiusculis echinati, divisi in tria loculamenta tenuibus septis distincta, succi amari plena: qui maturi levissimo tactu virosum succum cum lubrico semine violenter ejaculantur. Semina lata sunt, lævia, & nigricantia. In meridionalibus Galliæ provinciis sponte secus vias, & in ruderatis nascitur: hic in hortis colitur. Ejus succus expressus, & inspissatus, quod elaterium dicitur, in usum venit.

Analyti chymica, ex totius plantæ floridæ, & cum aliquot fructibus lbv. per retortam distillatis, prodierunt humoris primo aliquantisper turbidi, flavescentis, saporis, & odoris subacris, deinde limpidi, saporis, & odoris expertis, obscure salis lbj. ℥vij. ℥vj. gr. xlvij. humoris limpidi, acidi lbij. ℥xj. ℥iiij. gr. lx. humoris rufescentis sale volatili urinoso copioso imprægnati ℥vij. ℥iiij. gr. xvij. salis volatilis urinosi concreti gr. xij. olei spissi extracti ad instar ℥j. gr. liij. Massa nigra in retorta superstes pendebat ℥iiij. ℥vj. gr. xxxvj. quæ calcinata reliquit cinerum ℥ij. ℥j. gr. liij. ex quibus salis fixi mere alcali ℥vij. gr. lxij. lixivio sunt extracta. Partium jactura in distillatione fuit gr. lx. in calcinatione ℥j. ℥iiij. gr. liij.

Hæc planta igitur abundat sulphure tum tenui, & acri, tum crasso, ac sale ammoniaco cum mediocri quantitate salis nitrosi. Tota planta exsiccata, & prunis injecta fulgura quasi nitro copioso turgida, & odorem foetidum spargit, ab illo oleo crasso.

Omnes plantæ partes catharsim vehementer movent. Radicum vis cathartica major est, quam foliorum, minor vero quam fructuum. Ejus succus expressus, & inspissatus a veteribus græcis Elaterion dicitur, quo nomine non solus hic succus, sed omne per inferiora purgans designatur medicamentum. Græci eo frequentissime ceu valido aquas, pituitam bilemve superne ac inferne evacuante medicamento, usi sunt; rarius vero neoterici.

De duplici elaterio mentionem faciunt auctores, viridi, & albo. Viride ex pulpa fructus leviter expressa, & per cribrum adacta; album vero ex liquore albicante, & seroso ex fructu frustulatim secto sponte sua exstillante, absque ulla pressura fit. Viride elaterium minorum virium est; minusque violenter sursum deorsumve purgat quam album. Hujus enim vel granum unum liquore aliquo solutum in corpore teneriore potenter operatur. Imo Parkinsonus, narrante Rajo, testatur, dimidium granum medicamento cuidam cathartico inditum, ad illud acuendum, ventriculum conturbasse mirum in modum, vomitus crebros excitasse, & postea per sedem violenter purgasse. Fructus ad elaterii præparationem eligendi sunt non immaturi; succum enim tunc dant virosum, qui hypercatharsim, & dysenteriam inducit, sed pene maturi, non vero ad hunc maturitatis gradum eo usque perducti ut ad primum contactum diffiliant: sic enim periret, quod ad purgandum validissimum est.

De quodam elaterio ex semine contuso, & expresso veteres mentionem faciunt, nunc ignoto.

Elaterium purgat pituitam, & interdum bilem, si vacuari parata est, serosum.

rososque humores etiam evulso contumaces vomitu & dejectione dejicit atque etiam e juncturis mirifice trahit; adeo ut tunicas etiam intestinorum erodat, & vasorum oscula aperiat. Movet menses, foetumque expellit: unde rarus ejus usus, præcipue cum nec malignitate careat. Hinc factum ut multis annis, ejus usus evanuerit. Massarias tamen observat, si quando contingit ut aqua thermarum pota in corpora detineatur, nullum præstantius hoc medicamento repertum iri.

Veteres elaterium exhibebant a gr. vj. ad xxx. hodie longe parcius dosi præscribitur a gr. ß. ad gr. ij. quæ stimuli loco tantummodo cum aliis extractis purgantibus admiscetur, licet Mercurialis *Tom 3. consultation. 75.* scribat, elaterium facilius erumpere & evacuare si paulo plus illius, quam paulo minus exhibeatur, aut viscosis gummatibus misceatur. Populi enim sub calidis climatibus viventes vehementiora purgantia facilius ferunt quam qui sub frigidis degunt. Non utimur autem eo, utpote stomacho & intestinis venisque mesenterii valde infesto, nisi stomachicis corrigatur. Attamen ex recentioribus nonnulli in hydrope illud commendant. S. Pauli narrat se in contumaci hydrope, viribus constantibus, uni & alteri hydropico aquas elaterio eduxisse, moxque eosdem roboratis visceribus pristinae sanitati restituisse: sed nihilominus medicinæ candidatos commonefacit tam ex Colocynthis quam ex Cucumere asinino parata medicamenta, ceu canem caveant; nec iis nisi irritis benignioribus iisque tutioribus unquam utantur. Acerrimi quoque sunt elaterii patroni Sydenhamus, & Lyster utrinque apud Anglos Medici spectatissimi: ille palmarium illud vocat hydragogum in hydrope: hic elaterio tribuit vim calefacientem, digerentem & exedentem, ac citra inflammationem, & sitim. Mercurialis & Heurnius elaterium laudant in illius hydropis specie, quæ Anasarca dicitur sub duabus conditionibus; 1. modo multa sit aqua: 2. modo non adsit febris: ab illis dissentientes qui illud in ascite usurpant, ubi, monente Vvillisso, sæpius ad patientis noxam quam emolumentum cedit.

Egregiam adhuc illius operam laudat Saxonia in fluore albo, & Ettmullerus in hydrocele. Verum Capivaccius frequentiori in usu elaterium habuit. Elaterio utebatur incipiens a gr. ß. postea exhibens grana duo, tria. ad quinque, sed sensim, nec augendo dosim, nisi evacuanda materia postulet & vires ferant: formula talis est.

℞. Elaterii gr. ij. vel iij. &c. Pilular. aloëphanginar. ℥j. cum succo Iridis. F. pilulæ.

Hydropicis vero qui elaterium admittere non poterant, idem ipsis radicem vino maceratam exhibebat. Dosis radicis a gr. xv. ad ʒß. in pulverem redactæ.

℞. Radic. Cucum. asinino. exsiccatae & pulveratae ʒß. Vini Malvatici vel Hispanici ʒxij. Macerentur per triduum. Vinum hoc cum pulvere tribus partitis viscibus per dies continuos mane, jejuno ventriculo propinetur. Deinde tribus aliis vel quatuor intermissis diebus, rursus aliud vinum hydragogum per tres alios dies exhibeatur. Sic citra molestiam plurimos hydropicos Capivaccius sanavit.

Michaelis ex hac radice Tincturam extrahit cum spir. vini tartarizato, quam speciatim in hydrope uteri commendat: eam a ʒj. ad ʒij. exhibet cum oleo Cinnamomi vel alio quocumque temperatam.

Succus Cucumeris asinini naribus attractus ad guttas aliquot multum se-
ri educit. A nonnullis utilis dicitur ad icterum solvendum sic exhibitus.
Vulvæ ex pefso inditus fœtum mortuum expellit, sed vivum enecat,
quapropter ab eo abstinendum est.

Cucumeris asinini succus multum facit externo usu in tumoribus duris
emolliendis & scirrhis discutiendis, uti & scrophulis & strumis resolvendis.

Elaterium usurpatur in extracto pancymagogo *Crollii*, unguento Agrip-
pæ *Nicol. Salernitani*, unguento aregon *eiusdem*, ung. de Arthanita *Me-
sue*, & Empl. Diabotano *Blondel. Penich.*

CUCURBITA.

Cucurbita, Off. Cucurbita longa, folio molli, flore albo *J. B. 2. 214.*
Inst. R. H. 107. Cucurbita oblonga, flore albo, folio molli *C. B. P. 313.*
Cucurbita longior, *Dod. Pempt. 669.* Cucurbita sive Zucca omnium
maxima, anguina *Adversarior. Lobel. 366.* vulgo, *Courge ou Calébasse.*

Viticulas digitali crassitudine, angulosas, orgyas aliquot longas, e radi-
ce tenera, candida, in multas tenues partes distracta emittit, quæ per
terram sparguntur, alioqui pergulas, & perticas. Capreolorum ope scan-
dunt: folia rotunda, pedem aut sesquipedem lata, molli lanugine tomen-
tosa, crenis subinde nonnullis per ambitum incisa, & pediculo tereti oblongo,
concavo. Flores ex foliorum sinu exeunt albidi, campaniformes, parentes,
& plerumque ita secti ut ex quinque petalis constare videantur, intus
villosi, exterius brevi pilo obsiti. Horum alii steriles sunt, nulli embryo-
ni adhærescentes, alii vero fœcundi seu insidentes embryoni, qui deinde
abit in fructum insignis magnitudinis; pedes quinque aut sex nonnumquam
longum, cervice crassa, in ventrem modice turgescens, cortice recentis te-
nero, herbaceo, adulti vero, duro flavescente: medulla sua carne alba, insipi-
da, modice fungosa, in sex loculamenta plerumque divisum, quibus semina con-
tinentur uncialis fere longitudinis, oblonga, plana, compressa, una parte
lata, duobus angulis seu auriculis conspicua, altera quæ germinare so-
lent angustiora, quasi introrsum emarginata, & sub tunica duriuscula qua-
si cartilaginea, alba, medullam includentia alba, dulcem, esui gratam.
In hortis feritur & colitur. Fructuum pulpa edulis est. Semina in nume-
ro quatuor seminum frigidorum majorum recensentur.

Analyti chymica, ex seminum Cucurbitæ a cortice mundatorum ℥v. per
retortam distillatis prodierunt humoris limpidi, odoris, & saporis expertis,
obscure subsalsi ℥vij. ℥iv. humoris flavescentis, odoris empyreumatici,
primo subacidi, salsi, deinde urinosi ℥j. ℥iv. gr. xxix. humoris rufescentis
sale volatili urinoso copioso imprægnati ℥viii. ℥j. gran. xv. olei rufescen-
tis ℥ij. ℥v. Massa nigra in retorta superstes pendebat ℥xij. gr. xviii. quæ
per 20. horas calcinata reliquit massam nigram ac densam, ponderis ℥v.
℥iij. gr. liv. ex qua salis fixi leviter alcali gr. xv. lixivio extracta sunt.
Partium jactura in distillatione fuit ℥xiiij. ℥vj. gr. x. in calcinatione ℥vj. ℥iv.
gr. xxxvj.

Hæc semina multo oleo donantur quod etiam per expressionem extrahi-
tur. Præterea ammoniacalem salem continent.

Cucurbitæ caro vel pulpa quam veteres Medici aquam coagulata[m] esse dixerunt, frigidum, humidum & exiguum corpori præbet alimentum, stomachum relaxat, & omne bibendi desiderium restringit. Ideo calidis naturis utilis est, frigidis noxia. Cito per alvum secedit. At quoniam insuavis est, fatua & insipida, raro nostris mensis apponitur. Cœterum ut hæ plantæ valde sunt affines, Cucumer scilicet, Melo, Cucurbita, & Citrullus, ita viribus non multum differunt. Semina ex illis collecta, quæ a Medicis quatuor frigida majora appellantur, adversus febres morbosque ab humorum æstu vel acredine oriundos usurpantur. Ex his emulsiones præparantur quæ urinæ acrimoniam contemperant, eandemque mediocriter provocant, somnum conciliant. Ex his oleum per expressionem elicitur, ejusdem cum aliis seminum frigidorum majorum virtutis & energiæ.

C U M I N U M.

CUminum, Cyminum, Off. Fœniculum orientale, Cuminum dictum *Inst. R. H. 312. Cuminum semine longiore C. B. P. 146. Cuminum sive Cyminum sativum J. B. 3. 22. Cuminum Dioscoridis Lobel. Icon. 742. vulgo, Cumin.*

Planta est umbellifera, annua, vix pedem assequens, radice tenui, alba, fibrata; foliis paucis, raris, capillaribus, Fœniculi similibus, sed longe minoribus, nisi, quod lacinia trassiores sint. Flores candidi, rosacei, exigui & in umbellis parvis rotundis congesti, quibus semina oblonga, angusta striata, e cinereo spadicea, longitudine quartam fere uncia[m] partem æquante, ex duabus partibus composita, una parte gibbis, inde vero planis, saporis subamari, aromatici, acris, ingrati, odoris admodum gravis, & vehementis, non insuavis, columbis maxime grati. In Melita Insula copiosè feritur. Semen usus est.

Analytichymica, semen Cumini plurimum præbet olei phlegmatis tum acidi, tum urinosi. Salem igitur essentialem obtinet ammoniacalem, oleosum, aromaticum.

Cumini semen ciborum concoctionem juvat, flatus discutit unde utiliter a quibusdam pane incoquitur & caseis inditur. Utile est in colica flatulenta, tympanite & vertigine a prava digestionem oriunda, tam interne quam externe. Ad usum internum tamen semen Carvi, Cumini semini utpote minus grato & vehementiori anteponitur, externe vero Cuminum potius adhibetur.

24. Semin. Cumini contusi q. l. Sacculo involv. & irroretur cum vino calido aut aqua vitæ & ventriculo flatibus distento vel abdomini contra tormina admoveatur.

Oleum essentielle arte chymica extrahitur quod iisdem viribus donatur, quibus oleum Carvi, sed præstantioribus. Ad guttas tres præscribitur tantum. Confert affectibus flatulentis præsertim uterinis. Ejus guttæ aliquot affunduntur pani tosto, qui statim calide umbilico imponitur.

C U P R E S S U S.

CUpressus duum est generum, mas alterum, alterum fœmina. Hæc fastigatio est culmine; illa ramos in latum spargit. De cœteris conveniunt. Cu-

Cupressus fœmina *Offic.* Cupressus meta in fastigium convoluta, quæ fœmina Plinii *Inst. R. H.* 587. Cupressus *Dod. Pempt.* 856. vulgo, *Cypres femelle*.

Cupressus mas, *Off.* Cupressus ramos extra se spargens, quæ mas Plinii *Inst. R. H.* 587. Cupressus *Matthioli* 119. vulgo; *Cypres male*.

Utraque procero, recto crassoque caudice surgit, cortice fere spadiceo; ligni materiæ solida, compacta, pallida aut rubescente, undulis nonnihil crispata, saturationibus, vehementer ac suaviter odorata, Santalorum fere modo. Supra medium in ramos abit fœmina metam acuminatam concursu suo effingentes, mas in latum undequaque sparso. Foliis viret perpetuis, Sabinæ bacciferae, aut Tamarisci proximis; quæ furculi sunt brevissimis veluti squamis toti convestit. Flores amentacei sunt plurimis scilicet fotiolis seu squamis constantes, sed steriles: in earum alis adsunt apices pulverem tenuissimum effundentes. In aliis ejusdem arboris partibus fructus nascuntur subrotundi, confragosi, sapore acerbi, rimas agentes, in plura clavata tubera dehiscentes, inter quarum commissuras semina continentur rufa, sublonga, altera parte rotunda, altera acuminata, semiculmo latiora, medulla donata. In Cræta insula, & in plagis orientalibus sponte nascitur: hic in hortis colitur. Calidis in regionibus resinam fundit, sed modicam odore haud ingrato. Fructus fere soli usitati sunt; nuces Cupressi, Pilulæ Cupressi, Galbuli, & Gallulæ in officinis nuncupantur.

Analysi chymica, ex nucum Cupressi recentium ℥v. per retortam distillatis prodierunt humoris limpidi, odoris resinosi, terebinthinati, subacidi, deinde rufescentis, odoris, & saporis aliquantisper empyreumatici, intense acidi, austeri ℥ij. ℥xv. ℥v. gran. xxiv. humoris rufescentis, intense acidi subsalsi: austeri ℥ij. ℥iv. gr. xij. humoris rufescentis, sale volatili urinoso copioso imprægnati ℥iij. ℥iij. olei partim fluidi & flavescentis, aquæ supernatantis, partim adiposi, aqua gravioris ℥iij. ℥v. gr. xxxv. Massa nigra in retorta residua pendebat ℥xiv. ℥vj. gr. xxxvj. quæ calcinata reliquit cinerum ℥ij. gr. xvij. ex quibus salis fixi mere alcali ℥j. gr. xlix. lixivio sunt extracta. Partium jactura in distillatione fuit ℥vij. ℥vij. in calcinatione ℥xij. ℥vj. gr. xvij.

Cupressi fructus seu Galbuli inter adstringentes sunt celeberrimi usus. In dysenteria, alvi fluxibus, hæmorrhagiis, eorum pulvis vel decoctum exhibetur. Insuper vis febrifuga ipsis tribuitur. Eorum pulvis ad ℥j. in vino maceratus propinatur in febribus intermittentibus, vel etiam in quartana, eandem dosim quarta quaque hora reiterando.

Externe conveniunt ubi porulorum occlusionem & fibrarum laxatarum constrictione opus est. Recentes viredesque fructus herniosos magnopere juvant, si eorum decoctum ex vino paratum quotidie biberint trium unciarum pondere: interim tamen folia Cupressi trita testiculis illinantur. Est enim hoc auxilium multis experimentis comprobatum, auctore Matthiolo.

Lignum cupressinum ex hoc maxime laudatur quod neque vetustatem, neque cariem sentiat, & bonum semper odorem spiret.

C U S C U T A.

Cuscuta duplex in officinis occurrit, major, & minor.

Cuscuta major, Cassutha major, & Cassytha, Off. Cuscuta major C. B. P. 219. Inst. R. H. 653. Cassuta sive Cuscuta J. B. 3. 266. Cassytha Tabern. Icon. 901. Androsaces vulgo Cuscuta Tragi 810. Cassuta Dodon. Pempt. 554. Cassitha Quorumdam: vulgo, Cuscute, Goute de lin.

Cuscuta minor, Cassutha minor, Epithymum, Off. Cuscuta minor I. R. H. 553. Epithymum sive Cuscuta minor C. B. P. 219. Epithymum Tabern. Icon. 357. vulgo, Epithym.

Cuscuta seu Epithymum est planta singularis quæ radicibus suis nititur, cum primum erumpit e semine, ut Fuchsius observavit. Hæ vero aridæ fiunt, & pereunt cum capillamenta Cuscutæ plantas vicinas amplectantur: foliis enim plane destituitur, nec aliud profert nisi cirrhos (seu capillamenta) subrubentes, fidibus testudinum, non absimiles, saporis acris, & subadstringentis, qui tuberculis quibusdam veluti cotyledonibus radicum vicem obtinentibus ita figuntur in corticem cæterarum plantarum, ut vasa succum nutritium deferentia lacerent: quo plane modo Hederæ vulgaris rami facere solent: idcirco inter plantas parasiticas recenseri debet. Flores in capitulum nascuntur hinc inde per capillamenta digesti, monopetali, albi vel subrubentes, campaniformes, urceolis similes, in quatuor vel quinque segmenta divisi, atque in fundo perforati, qua parte excipiunt pistillum, quod decidentibus floribus abit in fructum subrotundum: trigonum aut tetragonum, monocapsularem, transversim in duas partes hiantem, quarum superior inferiorem longe superat, semina autem continet minutissima, fusca. Cuscuta e semine in terram deciduo se quotannis renovat. Cum tamen adoleverit, radix penitus marcescit. Si semen in fictili seratur, emergit quidem plantula, sed brevi radicitus perit, si non sint in propinquo stirpes, quibus irrepit, unde alimentum suum exsugit.

Cuscuta proprie dicta ea est quæ Lino adhæret; quæ autem aliis plantis adnascitur, ab iisdem suam appellationem desumit: sic Epithymum, Epilavandula, Epimarrubium, prout has plantas amplectitur, dici solet. Ab illis proinde temperamentum, & vires mutuare existimatur pro varia plantarum a quibus alimentum recipit, natura. Hic super diversas plantas nascitur. Sed Cuscuta nostras rejicitur. Veneunt in officinis duo Cuscutæ seu Epithymi genera, Creticum, & Venetum. Creticum longioribus constat capillamentis, Veneti tuniores sunt citri, odoratiores, & quasi crispati.

Analyti chymica, ex Cuscutæ recentis floridæ ℥v. prodierunt humoris limpidi, fere insipidi, deinde subacidi, obscuri ℥j. ℥iij. ℥iij. humoris manifeste acidi, & austeri ℥ij. ℥xiv. ℥vij. gran. lx. humoris primo rufescentis, intense acidi, deinde rufi, sale volatili urinoso copioso imprægnati ℥iij. gr. xxx. olei adiposi extracti ad instar ℥j. ℥iij. gr. xxxvj. Massa nigra in retorta superstes pendebat ℥vij. ℥j. quæ per horas octo calcinata reliquit cinerum nigricantium ℥j. ℥ij. gr. xij. ex quibus lixivio salis fixi mere alcali fuerunt extra-

ſa ꝑij. gr. l. Partium jaſtura in diſtillatione fuit ꝑij. gr. xvij. in calci-
natione ꝑv. ꝑvj. gr. lx.

Cuſcuta itaque abundat ſulphure & ſale eſſentiali tartareo ſubadſtringente.

Cuſcuta, Epithymum purgandi vim adeo debilem obtinent, ut eorum
uſus plane obſoleverit. Reſtius inter aperientia medicamenta quæ affecti-
bus melancholicis, & hypochondriacis conveniunt, ſicut & ſcorbuticis,
a Cl. Tournefortio reponuntur. Ab auctoribus in obſtructionibus lienis &
hepatis, ictero, ſcabie, utilia dicuntur.

Plantarum quibus Cuſcuta innſcitur temperamentum participare ali-
quatenus creditur. Sic humidior eſt quæ Lino implicatur, quæ Geniſtam
ſuperat urinas potentiſſus movet, adſtringendi facultatem admixtam habet
quæ Rubiæ inſidet, quæ in Urtica nata eſt urinis potenter eliciendis effi-
cax dicitur, adnotante Lobelio, & poſt eum Parkinsono. Præſcribitur a
pugillo uno ad duos vel tres.

℥. Epithymi ꝑ. ij. Quinq. herbar. capill. M. j. Infunde per noctem ſu-
pra cineres calidos in aq. font. q. ſ. In colaturæ ꝑvj. diſſolve extract.

Rhabarbar. ꝑj. Syrup. de pom. c. ꝑj.

℥. Epithymi ꝑ. iij. cortic. Cappar. & Fraxin. ana ꝑß. folior. Marrub.
& Meliſſ. ana M. j. Coquantur in aq. comm. q. ſ. Colatura diſſolve
Tartar. chalybeati ſolut. ꝑvj. F. apozema pro tribus doſibus in chlo-
roſi aut in viſcerum obſtructionibus.

Uſurpatur Epithymum in pilulis tartareis *Quercetani*, Pulvere lætifi-
cante *Renedei*, Electuario de Pſyllio, El. ſennato, confeſtione hamech,
& ſyrup. cachectico *Charas*. Semina Cuſcutæ adhibentur in ſyrupo de Ci-
chor. comp. *Charas*, in ſyrupo de Fumaria *Mefuæ*.

C Y A N U S.

Cyanus, Off. Cyanus ſegetum flore cæruleo, C. B. P. 273. *Inſt. R. H.*
446. Cyanus hortensis flore ſimplici C. B. P. Cyanus flos *Dodon.*
Pempt. 251. Cyanus *J. B.* 3. 21. Lichnis agria, & flos frumenti *Brunſfel-*
ſii: Baptiſecula *Tragi* 506. Papaver heracleum quorundam *Chomeli*: vul-
go, *Bleuet*, *Aubifoin*, *laveole*, *Peroole*, *Barboau*, *Caffelunette*.

Cyano lignoſa eſt multiſque fibris capillata radix: caules plures cubita-
les, & ſeſquicubitales, anguloſi, cavi, lanugine incani, ramoſi: folia in-
fima, acutis laciniis ſinuata, Scabioſæ aut Dentis leonis more alia longa,
culmum lata, per longitudinem nervoſa, cæſia albicantiave: capitula in
ſummis cauliculorum ſaſtigiis turbinata & in anguſtiis ſe contrahentia, ex
multiſ parvis veluti ſquamis non aculcatis, ſibi invicem impositis, con-
allicujus exigui modo compoſita, ex quibus flores erumpunt ſoſculofi; plu-
rimis ſcilicet ſoſculis ſed diſſimilibus conſtantes: alii enim qui meditullium
floris occupant cæteris minores ſunt, in quinque lacinias æquales, diviſi,
cæteri vero ad circumferentiam poſiti majores ſunt magiſque conſpicui, ve-
luti bilabiati, & in extremitate profundius ferrati: utriſque colore commu-
niter cæruleo, &, ut nomen loquitur, Cyaneo, alias albo, alias puni-
ceo aut purpureo, embryoni inſident, qui abit deinde in ſemen parvum,
forma

forma oblongum, læve, splendidum, superiore parte pappis instructum, Centaurii majoris semini simile, sed minus, & candidus, quod in ipsis capitulis seu calycibus, inter eos qui in ipsis gignuntur molles pilos recon- duntur. Nascitur in agris frumentariis una cum Tritico, Secali, Hordeo, & aliis frugibus. Seritur & in hortis, ubi culturæ mangonio non tantum flores edit cœruleos, albos, purpureos, carneos, aut variegatos, sed etiam multiplices seu plenos. Flores fere soli in usum veniunt.

Analyfi chymica, flores Cyani præbuerunt plurimum phlegmatis acidi, subausteri, aliquantulum spiritus urinosi, non mediocrem olei ipsi ad instar extracti portionem, nonnihil salis alcali fixi, & terræ. Flores perperarum odoris spirant, & sapore subadstringente donantur: unde salerni essentialem vitriolico-tartareum obtinere videntur multo cum oleo per- mixtum.

Plurimæ, & fere contrariæ inter se facultates huic plantæ tribuuntur, verbi gratia, æstus febriles extinguere, adversus venenatarum bestiarum morsus, & puncturas prodesse, putredini resistere, contagium arcere, in palpitatione cordis, in suffocatione uterina prodesse, iis qui ex alto delapsi sunt aut contusi, & quacumque de causa sanguinem concretum intus habentibus utiliter exhiberi, viscerum obstructions tollere, & aquas pur- gare; quæ quidem virtutes admodum incertæ sunt. Florum aqua distillata a plurimis commendatur in oculorum inflammationibus, rubedine, lippi- tudine, necnon etiam ad visum acuendum, & roborandum. Unde *Eau de Casseluneite* a plebe nuncupatur, quæ sic conficitur.

24. Florum Cyani cum propriis calycibus collector. & contusor. q. l.

Cum nivis vel aquæ nivis q. s. horis viginti quatuor macerentur, deinde simul igne arenæ moderato distillantur, & aqua servetur ad oculos pluries die abluendos.

Pulvis ex floribus una cum capitibus factus, ad ʒj. in vino per aliquod tempus assumptus adversus morbum regium a nonnullis commendatur. Rajus eundem pulverem erysipelati inspersum utilem dicit, & eorundem florum expressum succum ulcera putrida sanare.

Aqua stillatitia in officinis servatur.

C Y C L A M E N.

Cyclamen, Cyclaminus, Panis Porcinus, & Arthanita, Off. Cyclamen orbiculato folio inferne purpurascens, C. B. P. 308. *Inst. R. H.* 154. Cyclaminus folio rotundiore vulgatiore J. B. 3. 551. Cyclaminus orbicularis rotundifolius Dod. *Pempt.* 337. Panis porcinus, & Artanita, Rapum terræ Lobel. *Icon.* 604. Cyclaminus minor, & umbilicus terræ Tragi: vulgo, *Ciclamen* ou *Pain de pourceau*.

E globulari radice crassa, carnosa, & aliquantulum depressa, foris nigricante, intus candida, nigricantibusque fibris prædita, saporis acris, pungitivi, exurentis, ingrati, inodora, multa circumscriptæ propemodum rotunditatis profert folia, palmaribus plus minus pediculis hærentia, Asari foliis haud multum dissimilia, non adeo tamen crassa superne atro- virentia, aspersis subinde maculis, lacteis, inferne purpurascens, nonni- hil per margines sinuata. Flores longis, & tenellis inhærent pediculis,

deorsum nutantes, monopetali, rotati, globosi, in quinque partes sursum revolutas divisi, coloris vel dilutius vel saturatius purpurascens, odoris suavis. Ex calice quinquifido surgit pistillum posticæ floris parti ad instar clavi infixum, quod marcescente flore, & deciduo, pediculo cui insidet in multas spiras circumactis convolvitur, donec terram attigerit, cui incumbens paulatim augescit in fructum fere globosum, membranaceum, multifariam dehiscentem, seminibus foetum oblongis, angulatis, ex fusco fulvescentibus, placentæ affixis. Semen terræ commissum in germen non abit, sed in tuberculum aut radiculam convertitur, præter reliquorum seminum naturam, unde postea foliola promit. Sub æstatis finem aut autumnii initium flores emittit, deinde folia, quæ postquam tota hyeme perstiterunt, sub Aprilis finem aut mense Majo amittit. Hic in hortis colitur. Radices usitatæ sunt.

Analyti chymica, radicum recens effossarum ℥v. præbuerunt humoris limpidi, primo fere insipidi, odoris non ingrati, obscure salsi, deinde sub finem subacidi ℥ij. ℥ij. ℥vj. gr. xij. humoris primo rufescentis, manifeste acidi, subausteri cum quadam acredine, qualis est panis rustici sapor, & odor, deinde fusci, odoris, & saporis empyreumatici, intenni acidi, & austeri, ℥ij. ℥ij. gr. xix. humoris rufi, sale volatili urinoso copioso imprægnati ℥j. ℥ij. gr. xxxvj. olei spissi extracti ad instar ℥j. ℥ij. gr. xij. Massa nigra in retorta superstes pendebat ℥vij. ℥j. quæ rite calcinata reliquit cinerum ℥j. ℥j. gr. xlvij. ex quibus salis fixi mere alcali ℥iiij. gran. xxxvij. lixivio extracta sunt. Partium jactura in distillatione fuit ℥j. ℥ij. gr. lxxv. in calcinatione ℥v. ℥vij. gr. xxiiij.

Radix recens valde acris est; ubi vero exsiccata est, nulla acredo percipitur. Salem essentialem obtinet tartareum cum oleo tum tenui, & acerrimo, tum crasso conjunctum.

Cyclaminis radix inter purgantia vehementiora refertur. Bilem, & serum educit. Licet cum summa violentia humores expurget, tardioris tamen est operationis propter particulas terrestres quibus donatur. Plebeji robustiores ejus pulverem ad ℥j. in decocto vero ℥ss. usurpant. Aromaticis stomachicis corrigitur, & Asaro, Diacrydio aut cremore Tartari stimulat. Sed parum tutus est illius usus internus: faucium enim, ani, ventriculi, & intestinorum inflammationem excitat. Externus crebrior, & minus noxius est. Potenter enim incidit, resolvit, abstergit. Contusæ radices recentes utiliter scirrhis durisque tumoribus, & strumis, lienibus duris aut tumentibus admoventur sub cataplasmati forma. Succus radice abdomini illitus ventrem subducit, aquas hydropicorum per alvum, menses suppressos movet, foetum nonnunquam expellit, & vermes necat. Idem succus valet ad scirrhus, & tumores duros emolliendos, & resolvendos, item ad scrophulas, strumas, & tumores partium externarum. Unde gummi ammoniaco inspissatur, & coquitur a nonnullis ad emplastri consistentiam: & plurimis in emplastris, & unguentis emollientibus, & solventibus recipitur.

Ex hoc succo celeberrimum illud conficitur unguentum de Artanita dictum ad scirrhus lienis præsertim tumores emolliendos, & aquas hydropicorum educendas commendatum externe abdomini admotum. Hoc unguentum ventriculo impositum vomitum excitat, abdomini catharsim, re-

aibus urinas promovet , si præsertim oleum ex granis Tilli expressum admisceatur.

Matthiolus aquam e Cyclaminis radicibus distillatam , si naribus excipiatur, fluentem inde sanguinem sistere refert , eandemque potam sex unciarum pondere , addita sacchari uncia , manantem ex pectore , ventriculo , jecinore sanguinem mirifice cohibere testatur.

Radices Cyclaminis usurpantur in Empl. Diabotano *D. Blondel* , & Empl. ad ganglia *Charas*.

C Y N O G L O S S U M.

Cynoglossum , Off. Cynoglossum majus vulgare *C. B. P.* 257. *Inst. R. H.* 139. Cynoglossum vulgare *J. B.* 3. 598. Cynoglossum *Dod. Pempt.* 54. Cynoglossa major *Brunsfels* : *Lycopsis Lacunæ* : vulgo , *Langue de chien* , *Cynoglosse*.

Cynoglossio radix recta est , crassa , Rapam exiguam repræsentans , foris ex atro rubens , intus albida , odore gravi , aliquid fœtidi canis redolente , narcotico , sapore mucoso , qui dulcedinem nonnullam fatuam linguæ offert : caules cubitales aut bicubitales , ramosi , vetustate concavi , multa lanugine obfiti : folia longa & latiuscula primo anno , secundo ubi caulem fert , stricta , acuminata , incana , mollia , lanuginosa , odore gravi , viroso , alternatim cauli adnata absque pediculis . Flores monopetali , infundibuliformes , in quinque segmenta divisi , colore sordide rubentes , calycibus insident hirsutis , quinquepartitis . Pistillum ex calycis fundo surgit infimæ floris parti ad instar clavi infixum quod deinde abit in fructum ex quatuor capsulis constantem nonnihil compressis , hispida , que pertinaciter vestibis adhærescunt , placentæ pyramidatae & quadrilateræ affixis , semine fere plano fœtis . Agri Parisiensis incola est . Radix & folia in usum veniunt.

Analyti chymica , ex folior. Cynoglossi exsiccat. ℥v. prodierunt humoris limpidi , odoris & saporis herbacei , obscure salis & alcali ℥iij. ℥iij. ℥vij. gr. viij. humoris limpidi , subsalsi , subacidi ℥vij. ℥vj. gr. xvj. humoris rufescentis , acidi , subsalsi ℥vij. ℥vij. gr. xvj. humoris rufi , sale volatili urinoso copioso imprægnati ℥j. ℥vj. gr. v. salis volatilis urinosi concreti gr. lxxvj. olei adiposi ℥j. ℥v. gr. xl. Massa nigra in retorta residua pendebat ℥vj. gr. lxxiij. quæ post calcinationem reliquit cinerum ℥iij. gr. xlj. ex quibus salis fixi mere alcali ℥v. gr. xliij. lixivio extracta sunt. Partium jactura in distillatione fuit ℥ij. ℥vj. gr. j. in calcinatione ℥iij. gr. xxij.

Radiceis cortex subamarus est , salsus , stypticus , glutinosus : chartam cœruleam rubro colore tingit : salem essentialem videtur obtinere ammoniacalem multo phlegmate , terra & oleo fœtido temperatum.

Cynoglossum vi narcotica & anodina pollet ; qua ratione ad catarrhos cohibendos commendatur . Præterea adstrictio quædam in eo deprehenditur , qua sistendis alvi profluviiis , fluori albo , gonorrhææ & hæmorrhagiis utile est . Nonnulli illud narcosis virulentæ suspectum habent & eapropter illius usum reformidant , sed immerito , ut *J. Rajus* observat ; quandoquidem intus tuto sumi posse arguunt pilulæ de Cynoglossio quarum frequens &

laudabilis est usus . Radix ad ℥j. folia ad M. j. in aqua vel jusculis decocta utiliter præscribuntur in catharris , tussi , diarrhæis , dysenteria & hæmorrhagiis .

24. Folior. Cynogloss. M. iiij. Hyssop. Capillor. vener. Tussilag. ana M. j. Rad. Clycyrrhiz. ℥ij. Oriz. ℥j. Coq. in aq. comm. ℔vj. ad ℔iiij. Sub finem adde Mell. Narbon. ℥ij. F. apozema per cyathos propinandum in tussi ferina .

Externe tumores emollit & resolvit , ad omnis generis vulnera & ulcera conducit , ubi in cataplasmatibus & emplastris magno cum successu adhibetur . Hieron. Tragus unguentum ex illius succo cum Melle & Thebenthina paratum ad ulcera antiqua maligna & fistulosa valde extollit . In strumis & scrophulis Cynoglossi radix tum intus in decocto , tum extra in cataplasmatibus forma a quibusdam commendatur . At J. Rajus refert mulieris cujusdam pauperculæ puerulum , cujus caput & vestes pediculis scatebant , suspensas Cynoglossi radices circa collum gestasse ad scrophulas quibus afficiebatur sanandas , pediculos quidem radicum foetorem exosos procul aufugisse , at scrophulas obstinate resistisse .

Pilulæ de Cynoglossio præstantissimæ sunt ad catharros tenues sistendos , tusses ferinas sedandas , epilepticos puerorum insultus compescendos , somnum conciliandum & omnis generis dolores placandos . A gr. iiij. ad gr. x. exhibentur .

D A U C U S .

Semina duo sub Dauci nomine in Officinis occurrunt , scilicet , Dauci Cretici & Dauci vulgaris .

Daucus Creticus , Off. Myrrhis annua semine striato villosa incana , Morisson. Umbellif. 67. Inst. R. H. 315. Daucus foliis Fœniculi tenuissimis , C. B. P. 150. Daucus Creticus semine hirsuto , J. B. 3. 2. 56. Daucus Creticus , Tabern. Icon. 75. vulgo , *Daucus de Candie* .

Radice est longa , digitum crassa , fibrata , sapore Pastinacæ Germanicæ simili ; dodrantali aut altiore caule , tereti , striato , hirsuto ; foliis lanuginosis , ciliatis , minutissime dissectis , nonnunquam , observante Rajo , penitus glabris atrovirentibus . Umbella mediocris magnitudinis summo cauli , extremisque ramis insidet florum exiguorum , rosaceorum , pentapetalorum , candidorum , quorum calyx abit in fructum e duobus seminibus compositum oblongis , striatis , superiori in parte acutioribus , hinc gibbis , inde vero planis , incanis , villosis , acris , aromaticis , odoris debilis . In Creta insula & Germanicis Alpibus sponte nascitur . Semen in usum venit quod ex Creta insula nobis affertur .

Daucus vulgaris , Off. Daucus vulgaris , Clus. Histor. cxcviij. Inst. R. H. 307. Pastinaca tenuifolia sylvestris Dioscoridis , vel Daucus Offic. C. B. P. 151. Pastinaca sylvestris , sive Staphylinus Græcor. J. B. 3. 2. 62. vulgo , *Chyrouis* , *Carotte sauvage* .

Pastinacæ sativæ similis , radice est minore & acriore : caules profert altitudine pares , sesquicubitales scilicet , striatos , hirsutos , medulla farctos , in alas divisos : folia minutim dissecta ; atrovirentia , adversa parte hirsuta : flores in umbellis magnis consimiles , rosaceos scilicet , quinque petalis constantes candidis , cordiformibus , inæqualibus , in orbem posi-

positis & calyci insidentibus. Flosculus umbellæ medius interdum purpurea rubet. Umbellas autem obvallant folia in angustia, longa, acuta segmenta divisa. Delapsis floribus succedunt fructus subrotundi Dauco Cretico breviores, latiores, ex duobus seminibus compositi cinereis, striatis, circa marginem utrinque villo instructis & cinctis, saporis Dauco Cretico debiliori, odoris fragrantis: tum vero convoluta umbella cavitatem seu aviculæ nidum in medio efficit. In agro Parisiensi sponte nascitur. Semen in usum venit & pro Dauco Cretico substituitur.

Dauci utriusque semina sale oleoso aromatico pollent uberrimo & oleum essenziale copiosum in distillatione fundunt. Carminativa, diuretica & uterina censentur. Humores lentos & crassos attenuant & incidunt: flatus discutunt, obstructions aperiunt, menses & urinas provocant.

Semen Dauci in cerevisia tenui infusum & bibitum ad stranguriam & calculum renum ac vesicæ miris laudibus efferunt nonnulli. Verum de ejus vi lithontrica nihil nobis constat, quidquid dicat Helmontius de quodam Consiliario lithiasi afflicto, qui ejus usu seminis ab hoc affectu liber per plures annos vixit.

Dauci Cretici semen in uterinis doloribus & affectionibus commendatur, in tussi chronica, singultu & colica flatulenta. Seminis Zij. vino albo infusæ & potæ hystericis paroxysmis medentur.

Dauci semen inter quatuor semina calida minora recensetur cum Ammeos, Apii & Petroselinii seminibus.

Creticum usurpatur in Theriaca, Mithridatio, Triphera magna, Electuar. de Baccis Lauri, Philonio magno, Aurea Alexandrina Nicolai Alexandri, Syrupo de Calamintha Mesuæ, & Syrupo de Prassio.

Radix Dauci vulgaris primo vere comeditur & plebeis non injucundum alimentum præbet.

DENS LEONIS sive TARAXACUM.

Dens Leonis & Tarxacum, Off. Dens Leonis latiore folio, C. B. P. 126. Hedypnois sive Dens Leonis Fuchsi, J. B. 2. 1035. Dens Leonis, Dodon. Pempt. 636. Aphaca Theoph. Plinii: Hedypnois major Fuchsi. Dalechamp Lugd. 564. Caput Monachi, Rostrum porcinum & Ambubeja, Nonnullis: vulgo, Dent de Lion, Pissenlit.

E radice digiti fere minimi crassitudine, lactescente, folia promit oblonga, acuminata, utroque margine profundis incisuris veluti per lacinias divisis, sylvestris Cichorii æmula, sed læviora, humifusa: caule caret, sed pediculos habet nudos, fistulosos, teretes, palmares & plusquam dodrantes, non ramosos, aliquando hirsutos lanugine facile cedente, subrubentes, quibus insident singulis singuli flores semiflosculosi, patuli, lutei, exterioribus foliis prona parte ex fusco rufescentibus, calyce glabro multifido, extra quem quatuor, aut quinque folia viridantia reflexa conspiciuntur. Semiflosculus uterque embryoni insidet, qui, calyce dehiscente & circa pediculum reflexo, abit in semen rufum vel citrinum pappis instructum. Semina per maturitatem decidunt & avolant, nudumque thalamum porosa pellicula calvitium senile quodammodo imitante obductum relinquunt; unde a nonnullis Caput Monachi dicitur.

In agro Parisiensi frequens ubique nascitur, & in hortis colitur. Omnibus suis partibus amarus est & succo lacteo turget. Radix & folia usitata sunt.

Analyſi chymica, ex Taraxaci floridi folior. ℥v. per retortam distillatis prodierunt humoris limpidi, fere inodori & insipidi, primo obscure salſi: deinde obscure acidi ℥ij. ℥iiij. ℥v. gr. lx. humoris primo limpidi, manifeste acidi, deinde rufescentis, subausteri ℥ij. ℥xiiij. ℥ij. gr. xviiij. humoris rufi, empyreumatici, primo obscure acidi, subsalſi, austeri, ac tandem sale volatili urinoso copioso imprægnati ℥ij. ℥v. gr. xij. olei fluidi ℥j. ℥ij. gr. xxiiij. Massa nigra in retorta superstes pendebat ℥vij. quæ rite calcinata reliquit cinerum rufescentium ℥iiij. ℥vij. ex quibus salis fixi salſi aliquantisper alcali ℥iiij. gr. xxxvj. lixivio extracta sunt. Partium jactura in distillatione fuit ℥ij. gr. xxx. in calcinatione ℥iiij. ℥j.

Ex radicum Taraxaci recentium ℥v. prodierunt humoris limpidi, odoris & saporis debilioris ad herbaceum accedentis, obscure acidi ℥x. ℥v. gr. xlv. humoris primo limpidi, manifeste acidi, subausteri, deinde rufescentis, intense acidi & austeri ℥ij. ℥xiiij. ℥ij. gr. xxiiij. humoris rufi, tum intense acidi, tum alcali & sale volatili urinoso copioso imprægnati ℥ij. ℥iiij. gr. xxxvj. olei spissi extracti ad instar ℥j. ℥ij. gr. lxiiij. Massa nigra in retorta superstes pendebat ℥ix. ℥vj. gr. ix. quæ calcinata reliquit cinerum rufescentium ℥ij. ℥iiij. gr. vij. ex quibus lixivio salis fixi salſi ℥j. gr. xxxix. extracta sunt. Partium jactura in distillatione fuit ℥x. ℥ij. gr. xxxix. in calcinatione ℥vij. ℥ij. gr. ij.

Intense amara sunt hujus plantæ folia, & chartam cœruleam rubro colore leviter tingunt: radices colorem rubentem magis intensum efficiunt: amaræ sunt & adstringentes. Sal essentialis hujus plantæ ad salem mirabilem Clauberi accedit; cum ammoniacali sale & oleo consociatur. Sal acidus in radicibus uberius est & magis evolutus quam in foliis.

Dens Leonis hepatis & viscerum obstructions aperit, urinas movet, vulneraria & febrifuga censetur. Infusum vel decoctum ad ℥iiij. vel vj. usurpatur. Succus recenter expressus & defœcatus ad ℥iiij. iijve præscribitur. Succus in morbis chronicis hepatis & mesenterii obstructioni adscriptis, item in febribus intermittentibus & febribus putridis inveteratis ab Ettmullero commendatur. Laudatur quoque in curanda pleuritide, & sanguine grumoso solvendo, necnon etiam in aliis partium internarum inflammationibus cum febribus acutis conjunctis. Thomas Fuller succum defœcatum commendat in cutaneis affectionibus ad ℥iiij. vel vj. ter vel sæpius die exhibitum. Radices in ptisanis & apozematibus aperientibus usurpantur. Universæ plantæ decoctum potum morbo regio laborantibus auxiliatur.

Externe succus in affectibus oculorum commendatur oculis instillatus: leniter morſicat quidem & pungit, attamen pro visu acuendo & roborando, & pro delendis maculis, nebulis & albuginibus oculorum, & abstergenda cornea, lacteus hujus plantæ succus ab Ettmullero prædicatur sive solus, sive propter acrimoniam cum aqua Fœniculi dilutus. Linthea eodem succo madentia ad vulnera quoque & ulcera quæcumque mammillarum, aliaque putrida manantia & sordida pudendorum ac tibiæ abstergenda optime conveniunt; succum enim hunc post Nicotianam omnibus præferendum idem Ettmullerus censet.

Aquam distillatam magnopere commendat Tragus in apozematibus & febri-

febris ardentibus, trium aut quatuor cochlearium mensuram singulis vicibus sumptam, ex qua & optima collyria adversus oculorum maculas fieri afferit. Verum dum succus obtineri poterit, longe majoris erit efficaciae. Extractum ex totius plantae succo defœcato præparatur ad eadem perutile. Ad ℥j. exhibetur.

Folia teneriora in acetariis comeduntur, ventriculum roborant, appetitum excitant, ciborum concoctionem juvant, alvum nimis fluentem sistunt, & urinas provocant.

Taraxacum usurpatur in apozemate aperiente D. De Lorme, vulgo dicto *Bouillon rouge*, & in syr. de Cichorio comp. *Pharmacop. Regiæ*.

D I G I T A L I S.

Digitalis, Off. Digitalis purpurea, J. B. 2. 812. Dod. *Pempt.* 169. *Inst.* R. H. 165. Digitalis purpurea folio aspero, C. B. P. 243. Campanula sylvestris, Tragi 889. Aralda Bononiensibus, Gesner: Virga regia major flore purpureo, Cæsalp. 348. Digitalis purpurea vulgaris. Parkinsoni: vulgo, *Digitale*, & *Gants de Notre-Dame*.

Ex radicibus multis, tenuibus, fibrosis, amaris, caulem promit cubitalem & bicubitalem, pollicem crassum, angulosum, hirsutum, subrubentem, concavum: folia oblonga, acuminata, hirsuta, in ambitu serrata, superne atrovirentia, inferne incana, Verbaci quodammodo similia, quæ ad radicem sunt, longis nituntur pediculis; quæ in caulibus, nullo ordine posita, crebra. Flores in thyrsi longioris morem, frequentes, ab uno caulis latere penduli, brevibus, hirsutis pediculis, quorum singulis est appositum foliolum acuminatum, innixi, monopetali, anomali, tubulati, utrimque patentes & quasi bilabiati, dactylotheticis propemodum similes, colore foris coccineo, excepta inferiore parte, quæ propter admixtam nonnullam albedinem carneo est, intus vero similiter purpurei, inferiore parte, (quæ & longis pilis obsita est) versicolore, albis maculis nigro guttatis: floris basi penitus adnascuntur stamina alba aut purpurascencia contorta, quæ apices didymos, croceo guttatos sustinent. Ex calyce plerumque quinquefolio surgit pistillum tenue, purpurascens, posticæ floris parti ad instar clavi infixum, cujus basis crassior, oblonga, hirsuta ab ita in fructum seu testam e rotundo acuminatam, bifariam dehiscentem, in duo loculamenta divisam & seminibus fœtam exiguis, quodammodo angulosis, subruis: variat interdum coloris flore albo. Agri Parisiensis incola ob florum elegantiam in hortis colitur. Tota planta in usum venit, licet rarius.

Analyti chymica, ex Digitalis foliorum recentium ℔vj. per retortam distillatis, prodierunt humoris primo rufescentis, inodori; deinde, limpidi odoris, & saporis herbacei, subacidi, ℔j. ℥vj. ℥vij. gran. lx. humoris limpidi, inodori, intense acidi, austeri ℔iij. ℥ij. ℥vij. humoris rufi, empyreumatici intense acidi, austeri, & subsalsi ℥ij. ℥v. gran. xij. humoris rufi, sale volatili urinoso copioso imprægnati cum salis volatilii concreti granis aliquot ℥j. ℥ij. olei spissi syrupi ad instar ℥j. ℥j. gr. xij. Massa nigra in retorta residua pendebat ℥v. ℥iv. gr. xxx. quæ calcinata reliquit cinerum ℥ij. gran. xxxvj. ex quibus lixivio salis fixi mere alcali ℥iij. gran. lx. lixivio extracta sunt. Quæ facta fuit jactu.

jactura partium in distillatione non percepta est: imo substantiarum extraharum pondus herbæ sumptæ distillatæ quantitatem superavit ℥iv. ℥ij. gr. xlij. Partium jactura in calcinatione fuit ℥v. ℥j. gr. lxxvj.

Digitalis folia amara sunt. Salem essentialem obtinent austerum, ammoniacalem, similem fere vitriolico ammoniacali, cum multo oleo conjunctum.

Digitalem emericam esse Rajus profert. Dodonæus refert quosdam cum placentas ex hujus plantæ & aliarum herbarum foliis cum ovis factas gustassent atque edissent, mox sese male habuisse & ad vomitionem excitatos fuisse. Lobelius in *Observationibus*, narrat Somerseti Angliæ rusticam turbam hujus decocto febricitantibus purgationem & interdum superpurgationes & vomitiones humidioribus alvo moliri. Parkinsonus efficacem contra epilepsiam affirmat, si duodecim manipuli cum ℥iv. Polypodii quercini in cerevisiæ q. s. decoquantur & decoctum propinetur; quod bis in hebdomada iterandum. Qui enim, inquit, sex & viginti annos hoc morbo laboraverant, ut singulis mensibus, bis terve caderent, hujus decocti usu penitus liberati sunt, & saltem per integros sexdecim menses, ne unum quidem paroxysmum senserunt. Verum J. Rajus observat medicamentum hoc robustioribus tantum convenire, siquidem violenter admodum purgat & vomitiones immanes excitat.

Parkinsonus externe strumosis conducere tritam & impositam, succumve ejus in unguento experientia compertum esse affirmat. Novi plures (inquit Rajus post D. Batesium) qui in strumosis tumoribus Digitalis floribus valde confidunt, quos quidam in butyro majali, quali quot possunt immittentes curant insolandos per æstatem. Alii cum adipe suillo miscent, & sub terra defodiunt per quadraginta dies: utrinque flores cum unguento reservant, una cum linteis inducunt & tumoribus applicant. Hosce tumoribus discutiendis vel maturandis, ulceribus detergendis vel explendis sufficere ferunt se expertos. Quinto & sexto quoque die Diacanthamo purgant, interim continue herbæ Robertianæ decoctum præbent. Pars ulceris rubens parte unguenti tenuiore illinatur: pars autem crassior unguenti linteamini imponatur, quod numquam mutetur. Sunt, qui novella & primo erumpentia plantæ germina accipiunt, eorumque succum expressum in butyro coquunt ad succi consumptionem, atque novo succo addito bis terve repetunt.

Notæ. Oportet ut paretur sufficiens quantitas unguenti eo anni tempore, quo flores haberi possunt, cum nonnumquam integer annus aut amplius ad curam perficiendam requiratur. 2. Quamvis ulcera primo majora fiant, ne metuas; siquidem unguentum postquam humores omnes absumperit & exsiccaverit, ea demum sanabit & cute obducet. 3. Unguentum hoc in scrophulis humidis & pure manantibus utile est, in siccis parum valet: sed ad Basilicum & Præcipitatum confugiendum est.

Vetus apud Italos adagium hoc quidem est: *Aralda che tutte piaghe salda*, hoc est, Digitalis quæ omnia vulnera sanat.

D I P S A C U S.

Dipsacus sativus & Carduus Fullonum, Off. Diplacus sativus, C. B. P. 385. J. B. 3. 73. Inst. R. H. 466. Carduus Fullonum sive Diplacus sativus.

sativus, *Lobel. Icon.* 17. Labrum vener. *Matthiol. Lugdunens.* vulgo, *Char-*
ano a Bonnetier ou a Foulon.

Duorum aut trium cubitorum, aut etiam majorem altitudinem assequitur, caule pollicari, recto, recte rigido, multis alis concavo, striato, spinulis quibusdam horrente: folia bina apposita ita circa caulem conjuncta sunt, ut concavum labrum excipiendæ roris vel pluvie aquæ efficiant, ampla, longa, dilute virentia, marginibus spinosa, dorso vero eminente durioribus etiam spinis rigentia: scaporum fastigia oblonga occupant capitula quæ pugnum implent, composita ex plurimis foliis imbricatis squamarum instar positis, cum mucronibus rigidissimis hamulorum instar reflexis, & axi medio favi æmulo affixis, & quorum alis surgunt flosculi multifidi, candidi aut albo purpurascens, embryonis parti supremæ coronatæ insidentes & abeuntes, deinde in semina striata veluti Fœniculi, gustu amaricantia. Inabescunt per vetustatem capitula, ac in ipsis per medium sectis subinde parvuli quidam vermiculi reperiuntur. Radice nititur lævi, candida, mediocris longitudinis. Agri Parisiensis incola in agris seritur, cujus echinata capitula utilia ad rudes pannos depectendos & exoliendos habentur, & expetuntur. Radix & folia in usum veniunt medicum.

Scrophulas sanare dicitur Carduus Fullonum. Omni putredini resistit. Coctus in vino purgat per urinam non secus ac Asparagus. Phtificis etiam quodammodo desperatis, experimento Guidonis Helidei & Henrici Stromajerii, Achilles Gasserus in *Obs.* mire proficuum comperit radicem tusam, & melle exceptam.

Radicis decoctæ in vino usus in rhagadibus ani consolidandis commendatur & in verrucis abigendis.

Aqua quæ in foliorum concavo reperitur caliginosis & rubentibus oculis prodesse creditur. Eadem maculas faciei emendat & exterit.

DRACUNCULUS.

TRes plantarum species diversæ in Officinis occurrunt sub Dracunculi nomine, scilicet Dracunculus major seu Serpentaria, Dracunculus pratensis seu Prarmica, & Dracunculus esculentus seu Tarchon.

Dracunculus major, Dracontium, Dragontea, & Serpentaria, *Off.* Dracunculus polyphyllus, *C. B. P.* 195. & *Inst. R. H.* 160. Dracunculus major vulgaris, *J. B.* 2. 789. Dracontium, *Dod. Pempt.* 329. Arum polyphyllum, Dracunculus & Serpentaria dictum, caule maculato; majus & elatius *Hort. Lugd. Batav.* Erva de sancta Maria, sive Dracunculus major *Pisonis* 240. Anguina, Dracontia, & Serpentaria Colubrina, *Lob. Icon.* 600. vulgo, *Serpentaire.*

Dracunculo majori profunde in terram depacta radix est, perennis, fere orbiculata, volam implens, bulbo similis, multis candidis capillamentis stipata, candida, tenui cortice flavescente induta sapore fervido, cujus lateribus parvi bulbi plures, quibus se propagat, adnasci consueverunt. Caulis unicus rectus, pollicaris & crassior, sesquicubitalis & altior, teres, levis, versicoloribus lituris veluti Serpentum maculis respersus, e tunicis convolutis constans. Ipsa vero folia pediculis dodrantalibus, fungosis donata, in segmenta digitata, sena, septena vel plura, oblonga, angusta, lævia, splen-

splendentia, glabra, finduntur; eorum medio eluctatus scapus vix digiti minimi crassitiem æquat, cujus fastigium occupat vagina oblonga, pedalis, coloris foris herbacei, intus in purpura rubentis, odoris foetidi admodum, quæ evoluta florem constituit monopetalum anomalum, auris asininae vel leporinae forma, e sinu suo pistillum promens nigricans longum, crassum, Ari majus, & in mucronem acutiorem desinens, ad basim plurimum apicum congerie & plurimis embryonibus stipatum, qui singuli deinde abeunt in baccas fere globosas, succosas, racematim dispositas, primum virentes, deinde rubentes, ferventi ac mordaci gustu, uno vel altero semine foetas subrotundo, duriusculo, quodammodo rugoso. Calidarum regionum incola hic in hortis colitur. Radix & folia ex usu sunt.

Principia, quæ ex *Serpentaria* analysi chymica extrahuntur, ab Ari principiis parum differunt: salem essentialem ammoniacalem multo acido saturatum continent & sulphure acri copioso implicitum.

Radix & folia *Dracunculis Ari* vires obtinent, ita ut unum pro altero substitui possit. Nos tamen Simon Paulli monet mitius esse Arum *Dracunculo* remedium; quare ubi fortius aliquantulum extergere animus est, *Dracunculus* anteponendus est. Eandem ob causam frequentius in externis usurpatur.

Interne ut Arum usurpatus venenum a corde pellere dicitur. Crassos ac lentos humores, in pulmonum & viscerum glandulis hærentes incidit, & expurgat, obstructions aperit, menses & urinas movet. In asthmate piritoso, mensium suppressione, affectibus chronicis & cachexia a lymphæ tenaci & inspissata utiliter usurpari potest. Radix exsiccata & pulverata ad ℥j. aut ℥ij. præscribitur. Alvum nonnumquam subducit. Ex ea radice fœcula seu gersa sicut ex Aro præparatur.

Externe radix optimum est remedium contumacium ulcerum, quæ cacœthe nuncupantur. Expurgat enim abstergitque strenue. Folia quoque utpote simili facultate instructa ulceribus vulneribusque recens inflictis accommodata sunt; & quanto minus fuerint sicca, tanto magis conglutinant: nam quæ sicciora viribus sunt acrioribus, quam ut vulneribus conveniant. Venenatorum animalium moribus imposita recentia venenum extrahunt, ac brevi tempore partes affectas sanant. Fructus valentior est non foliis tantum, sed & radice: proinde & cancos & polypos eliquare creditus est. Succum quoque ejus oculorum vitia expurgare dicunt. Recens radix ferventi cinere tosta & imposita dolorificas, & tumentes hæmorrhoidas curat, scirrholos tumores resolvit, strumas & lienis duritiem emollit. Supposita menses remorantes trahit. Eadem absterguntur cutis maculae quæcumque.

Radiceis *Serpentariæ* pulvis recipitur in celebri ad cancerum pulvere cujusdam Antonii Fuchsi, de quo mentionem faciunt Rodericus a Castro L. I. *De Morbis mulierum*, & Daniel Sennertus T. III. fol. 758. Pulvis Benedictus a Fuchso dicebatur: sic autem ab illis describitur.

24. Sandaracæ græc. vel Arsenici albi subtilissime pulverati ℥j. Per quindecim dies de die tertio in tertium affundatur aqua vitæ ad supereminentiam unius transversi digiti, identidem agitando. Post triduum aqua vitæ abjiciatur, & nova affundatur. Post quintam affusionem pulvis exsiccetur.

Tum adde radiceis *Dracunculi majoris* mense Julio vel Augusto collectæ, in taleolas scissæ, exsiccatae, & pulveratae ℥ij. Fuliginis camini splen-

splendidi ℥iij. Redigantur omnia in subtilissimum pulverem super lapidem marmoreum, & servantur in vase vitreo bene clauso per longum tempus, saltem anni unius integri. Rodericus a Castro refert, Fuchsum hunc postquam suum pulverem inspersisset, si intra triduum tumor non exacerbabatur, sed in melius tendebat sanari posse prædixisse, cum procul dubio conjiceret canceri radices non admodum alte esse infixas, nec humorem valde adustum: atque tum in usu pulveris ad 30. diem perstitisse, quo termino, ut referebat, radices extinctæ per se cadebant, ac si quid adhuc hæreret, scalpello præscindebat.

Pulverem autem hunc ita applicabat. Mane ipse jejunos sputum super bombacem apponebat: si cancer exulceratus, absterfo prius vulnere ab omni sanie, aspergebat pulverem, adeo ut totus cancer tegeretur, & cum illa supra scripta bombace tegebat. Cum adhæret numquam cadit, nisi una secum radices tollat. Solet ut plurimum inferre dolorem non continuum sed interpolatum, quando humor acris & mordax non potest purgari per ulcus. Et aliquando fit magnus tumor, quando ille acris humor purgatur per ulcus: eo tempore neque removendum medicamentum, neque aliud supra apponendum, sed circum circa oleum illinendum rosaceum & postea dimittendum usquedum per se cadat. Postea purgandum sicut alia ulcera. Ipse Fuchsius usus est pulvere incarnativo & mundificativo hoc.

℥i. Thuris, Sarcocollæ, Mastiches, Mirrhæ, Aloes, Mumix, Aristoloch. rotundæ ana ℥iij. Mercurii præcipitati ℥jss. F. pulvis subtilissimus. Digestivi loco solum usus est unguento ex Terebinthina & vitello ovi.

Dracunculus usurpatur in emplastro Diabotano D. Blondel *Collectan. Pharm. Penicheri*.

Dracunculus Pratenfis, Ptarmica, Off. Ptarmica vulgaris, folio longo serrato, flore albo, *J. B. 3. 147. Inst. R. H. 496.* Dracunculus pratensis, serrato folio *C. B. P. 98.* Draco sylvestris, sive Ptarmice, *Dod. Pempt. 710.* Pyrethrum, *Brunsfels*: Mentha sarracenica Myconi, *Lugd. 672.* Tanacetum album seu acutum, *Trag. 159.* vulgo, *Herbe æternuer.*

Hæc planta cubitalis est, nonnumquam bicubitalis & tricubitalis, radice oblique acta & velut geniculata, fibris majusculis & longissimis donata, sapore acris & fervido: caule singulari, tereti, glabro, fistuloso, gracili, satis tamen rigido: cui alterno aut potius nullo ordine posita adnascuntur folia forma & magnitudine Oleaginis similia, sed ab imo ad summum argutis asperiusculisque denticulis circumquaque serrata, atro virore splendentia, sapore fervido, Pyrethri mitiore. Summus scapus nonnihil angulosus & subhirsutus in surculos aliquot dividitur, qui umbellatim fere flores gestant candidos, radiatos, Millefolii terrestres duplo vel triplo majores, odore non dissimili sed remissiore: quorum discus ex plurimis flosculis arcte stipatis & in quinque segmenta acuta divisus, corona vero ex semiflosculis componitur trifariam divisus, embryonibus insidentibus & calyce squamoso brevioris quam in Millefolio comprehensis. Embryones autem deinde abeunt in semina tenuia. Agri Parisiensis incola in pratis udis & palustribus Julio mense floret. Radix & folia in usum licet minus frequentem veniunt.

Ptarmica sale essentiali oleoso acri donatur. Plantæ siccæ pulvis naribus inditus sternutamenta movet, unde ei nomen. Verum raro usurpatur, nec nisi cum aliis generosioribus capiti appropriatis remediis destituimur. Radix commansa caput purgat & dentium dolores mulcet pituitam eliciendo. Dicunt quoque contusa ipsius folia viridia, contusionibus imposita discutere livorem. Adduntur nonnullis Lactucis aliisque acetariis hujus folia, quorum frigiditatem veluti *Eruca* & *Draco*, corrigunt quoque ac temperant.

Dracunculus esculentus sive *Tarchon*, *Off.* *Abrotanum* Lini folio acriori & odorato, *Inst. R. H.* 459. *Dracunculus hortensis*, *C. B. P.* 98. *Dracunculus hortensis*, sive *Tarchon*, *J. B.* 3. 148. *Draco* herba, *Dod. Pempt.* 709. *Tarchon* *Avicennæ* & *Sethi*, *Gesner. Hortor* : vulgo, *Estragon*.

Fruticosa promit duorum cubitorum & ampliora virgulta, dura, gracilia, nonnihil angulosa, inconditis ramis divisa : foliis primo orientibus divisis, ubi vero adolevit, foliis onusta Lini folia æquantibus aut *Hysopi*, atrovirentibus, splendidis, omnis divisionis ignaris, sapore acri, aromatico, cum quadam dulcedine grata, *Anisum* conditum æmulante. Flores eo ordine per summos ramos quo in *Abrotano*, in corymbum digesti, flosculosi, sed exigui & vix conspicui, plurimis flosculis constantes tubulosis, in summitate quinquefariam divisis, embryoni insidentibus & calyce squamoso comprehensis. Embryo autem abit deinde in semen minutum, pappis nequaquam instructum. Radix perennis novam singulis annis stolonum sobolem emittit. In olitoriis hortis colitur.

Planta tota insigni acrimonia prædita est, & sale essentiali oleoso aromatico donatur. Valenter incidit, aperit, digerit, appetentiam excitat, flatu dissipat, urinam & menses ciet, obstructions expedit, mansa pituitam ducit & salivam instar *Pyrethri*; hinc dentium dolores mulcet & humidum cerebrum purgat. Frequentissimus est apud nostrates usus ejus in acetariis ad temperandam & corrigendam aliarum herbarum quibus admiscetur frigiditatem & cruditatem. Prodest *Tarchon*, scribente *Matthiolo*, iis quibus ventriculus frigidior. Vehementer excalescit : ad pestis contagia maxime & primæ laudis est ejus aqua stillatitia apud *Anglos*, auctore *Lobelio* : quæ tamen virtus *J. Raio* prorsus ignota fuit.

D U L C A M A R A.

D *Ulcamara*, *Amaradulcis*, *Solanum Scandens*, *Off.* *Solanum scandens* seu *Dulcamara*, *C. B. P.* 167. *Glycypicros* sive *Amaradulcis*, *J. B.* 2. 109. *Dulcamara*, *Dod. Pempt.* 402. *Salicastrum*, *Plinii* : *Cucæa*, *Adversar. Lobel.* 104. *Vitis sylvestris*, *Camerar. Epitom.* 986. *Solanum lignosum* sive *Dulcamara*, *Parkinson. Raii Histor.* 672. vulgo, *Morelle*, *Douce amere*.

E radice modica, fibrosa, sarmentosa lignosa, fragilia, tenuia, tres, quinque vel sex pedes longa, vicinis sepibus aut fruticibus scandendo se circumvolventia emittit. Cortex novellorum ramulorum viret, sed vetustiorum ipsorumque caudicum asperior cinericeo subcandicat colore, extrinsecus quidem, nam intrinsecus pulchre etiam viret. Lignum fragilem medullam intus fungosam habet. Folia alternatim nascuntur oblonga, lævia mucronata, Smilaceis minora, atrovirentia, duabus pinnis nonnumquam in parte aurita, pediculo circiter unciali. Flores in muscariis exiguis foetidi, sed

sed pulchelli, monopetali, rotati, in quinque segmenta angusta, acuminata, extrorsum reflexa partiti, cæruleo-purpurei, quandoque candidi, in quorum medio apices lutei in umbonem compositi. Ex floris calyce surgit pistillum mediæ floris parti ad instar clavi infixum, quod deinde abit in fructum mollem seu baccam succulentam per maturitatem coccinei coloris, sublongæ formæ, lenti & ingrati saporis, parvis granulis compressis, albescentibus repletam. Aquosa & rigua amar. Tota planta usitata est.

Analyti chymica cum Solano officinali fere convenit. Chartam cæruleam folia rubro colore vix tingunt: sapore fatuo & odore narcotico donantur. Fructus vero vinosum saporem refert & chartam cæruleam rubro tingit colore. Salem essentialem continet ammoniacalem qui in foliis multo sulphure crasso narcotico involvitur, in fructibus vero hujus salis pars acida magis evoluta est. Unde fructus magis refrigerant & reperiunt, folia vero magis resolvunt & absterunt.

Intus sumpta efficax censetur ad hepatis & lienis obstructions resolvendas. Urinam ciere dicitur, & contra hydropem utiliter exhiberi. Fertur a ruptis & ex alto præcipitatis aut etiam cæsis succum utiliter bibi. Creditur siquidem concretum alicubi in visceribus sanguinem dissolvere & partium læsarum sanitatem procurare. Parkinsonus scribit quoties ex Medicorum præscripto illum exhibuit, se comperisse satis violenter purgare. Et Prævotius *L. de Med. Pauperum*, ligno Dulcamaræ decocto inter bilem benigne evacuantia principem locum tribuit. Tragus hujus ligni decoctum præscribit in morbo regio præsertim inveterato.

℞. Dulcamaræ ligni ℥j. ac minutim in frustula tali ludicri instar concisam cum mensura vini albi in novam ollam, eamque operculo exiguo foramine in medio pertuso probe contextam & massa farinacea oblitam reponas, superque carbones lento igne decoquito ad tertias, demumque his utare. Hæc potio mane una hora antequam surgas, & vespert cum lecto te committere velis, cyathi vulgaris mensura sumpta, morbi regii causam, bilem nempe viscidam leniter per alvum & urinam exigit.

℞. Caulium virid. Solani lignosi concisor. ℥iiij. Coccinill. ℥j. vini albi ℥ij. Infunde calide in vase clauso per noctem. Colaturæ adde Syrup. Heder. terrestr. ℥iiij. Theriac. Androm. ℥ss. M. Dosis ℥iiij. vel vj. bis terve die.

Hoc traumaticum infusum a Th. Fullero singulariter commendatur ad casum ab alto, & contusiones. Cruorem quippe extravasatum & grumescens mire dissolvit, in massam sanguinis intra vasa majora circulantis denovo propellit; atque illinc partim per diaphoresim, per diuresim, partimque nonnumquam per catharsim exterminat. Tam potenter & specificè, inquit, operatur, ut aliquando (non sine stupore) notaverit ab ejus usu urinam (propter grumos solutos absorptos, & sero commixtos) plane nigricantem reddi.

Externe vi anodyna & resolvente plurimum valet. Sebizius viridem Dulcamaram contusam & cataplasmatibus forma applicatam ait mitigare mammarum dolores, emollire earum duritiem, atque dissolvere in iis grumescens lac. J. Raius refert cataplasma ex foliorum Dulcamaræ concisor. manipulis quatuor cum ℥iiij. feminis Lini pulverati decoctor. in vino moscha-

schato cretico aut larido porcino, calide applicatum, unius noctis spatio tumorem capitis humani magnitudine resolviffe, & contusiones deploratas musculorum sanavisse.

Mulieres in Hetruria, narrante Matthiolo, Acinorum succum usurpant ad faciei nitorem, & lentigines, maculasque delendas.

EBULUS.

EBulus, Sambucus humilis, Sambucus herbacea, Chamæacte, Off. Sambucus humilis, five Ebulus, C. B. P. 456. Inst. R. H. 606. Ebulus five Sambucus herbacea, J. B. 546. Ebulus, Dodon. Pempt. 381. Chamæacte, Dioscorid. vulgo, Yeble.

Hæc planta herbacea Sambuci æmula, raro hominis altitudinem æquitur, sæpius sesquicubitalis: ex radice longa, digitalis crassitudinis, non lignosa, carnosa, albida, late sparsa, saporis amaricantis, subacris & nauseosi, caules herbaceos promit, striatos, angulosos, ac frequentibus articulis geniculatos, Sambuci ritu medullosos, hybernis mensibus contabescentes: frondes ordinatius dispositas, e tribus quatuorve conjugationibus ad creffum, nervosum pediculum annexis, imparique extremo folio compositas, quarum singula folia Sambucinis longiora, acutiora, ambitu serrata, odore graviore. Flores in umbellis nascuntur parvi, numerosi, odorati, & nescio quid nucleorum Persicorum magmatis spirantes, sed esu vix ferendi, candidi, monopetali, rotati, quinquepartiti, cujus medutellum a mucrone calycis tanquam a clavo perfoditur inter quinque stamina candida & totidem apices ferrugineos. Floribus deciduis calyces abeunt in fructus seu baccas, per maturitatem nigras, torulis multis angulosas ante maturitatem & pene triangulas, post vero magis rotundas, succo suo manus rutila quadam purpura inficientes, seminibus foetas oblongis, ternis, altera parte gibbis, altera angulosis. Ad vias publicas & in agrorum limitibus non raro occurrit. Cortex radice, folia, baccæ usitata sunt.

Analyfi chymica, ex folior. & summitatum Ebuli recentium lbv. per retortam distillatis prodierunt humoris limpidi, sub finem rufescentis, odoris & saporis ingrati, primo obscure acidi, deinde remissioris ac tandem subsalsi lbj. ℥iiij. 3v. gr. xlviij. humoris rufescentis, primo leviter alcali, urinosi, ac tandem intensi lbj. 3v. 3vij. gr. xxxvj. humoris rufi, sale urinoso copioso imprægnati 3vij. gr. xlviij. olei 3j. 3iiij. gr. xxiiij. Massa nigra in retorta residua pendebat 3vj. 3iiij. gr. xxxvj. quæ rite calcinata reliquit cinerum 3ij 3v. ex quibus salis fixi leviter alcalini 3iiij. gr. ij. lixivio extracta sunt. Partium jactura in distillatione fuit 3xij. 3ij. gr. xxiiij. in calcinatione 3ij. 3vij. gr. xxxvj.

Baccarum maturarum recentium lbv. per retortam distillatæ præbuerunt humoris limpidi, odoris & saporis fatui, ingrati & obscure salis, deinde obscure subacidi 3ix. 3vj. gr. xlviij. humoris rufi, odoris & saporis ingrati, primo subacidi, deinde acidi, subsalsi & austeri 3vij. 3ij. gr. xviiij. humoris limpidi, rufescentis, acidi, alcali, urinosi & austeri simul 3xj. 3iiij. gr. xxxj. olei 3xiiij. 3iiij. gr. xxxvj. Massa nigra in retorta residua pendebat lbj. 3ix. 3vij. gr. xxxvj. quæ rite per 12. horas calcinata reliquit cine-

cinerum albicantium ℥iij. ℥iij. ex quibus salis salsi talcosi ℥j. gr. xxx. lixivio sunt extracta. Partium jactura in distillatione fuit ℥x. ℥viij. gr. xliij. in calcinatione ℔j. ℥vj. ℥iiij. gr. xxxvj.

Folia Ebuli amaricantia sunt, baccarum vero magis intensus est amarus, cum quadam adstrictione: chartam cœruleam earum succus non mutat. Sale essentiali ammoniacali cum oleo copioso, baccæ præsertim donantur tum tenui, tum crasso.

Ebulo facultas purgandi per alvum eximia & valida tribuitur: radices ad hunc scopum efficacissimæ sunt ac præsertim cortex ejus. Alii sumunt medianum stipitis corticem. Post radices sunt baccæ & semina. Asparagi seu turiones & folia mitiora censentur. Radicis substantia lignea interior adstringit potius, & propterea in fluore albo & nimio mensium fluxu ex vino sumpta a P. Hermans & Friderico Hoffmanno laudatur. Folia digerendi & discutiendi potentia præstant. Educunt autem cortices non modo pituitam, sed & aquosos potissimum humores: utiles idcirco prædicantur ad hydropicorum purgationes; sed tamen correctæ & ubi vires suffecerint. Purgant enim cum molestia, ventriculum subvertunt, vomitum nonnunquam promovent, interioraque viscera omnia perturbant. Male omnibus usus earum succedit, quibus hepar obduruit, ut quando morbo regio ascites successit. Quamobrem nec temere nec nisi valde robustis & viribus adhuc integris ex Ebuli corticibus medicamentum aut potio danda.

Succus, cui vis purgandi valida, elicitur vel e radice vel e mediano stipitis cortice contuso, affuso Hordei vel uvarum passarum decocto cum Cinnamomi vel Nucis mosch. momento & Saccharo. Infusum corticum radice Ebuli, non adeo violentum est, decoctum vero minus. Coctura, auctore Fernelio, vis ejus purgandi perit & exsolvitur. Succus exhibetur ad ℥j. Cortex in vino maceratur vel decoquitur ab ℥ss. ad ℥ij. si causa morbi frigida, si febris absit: alias pro affectus natura potio temperanda est.

Semen in pulvere præscribitur ad ℥j. Semen Ebuli ℥ss. in vini albi ℥vj. maceratur per noctem & colatura hydropicis propinatur. Vel etiam ex eorundem seminum ℥vj. contusis in aq. florum Parietariæ emulsio hydragoga conficitur. Fridericus Hoffmannus radicem, dempto cortice, tempore verno rubicundam collectam & pulverizatam a ℥ss. ad ℥ij. exhibitam nimio mensium fluxui mederi scribit. Ex baccis Rob conficitur ad aquas hydropicorum in robustioribus subjectis educendas ab ℥ss. ad ℥j. exhibitum.

Flores Ebuli sicut flores Sambuci interne sudores movent.

Ex Ebuli seminibus in aqua calida maceratis & fortiter expressis oleum aquæ supernatans obtinetur quod externe dolores podagricos demulcet & tumores optime resolvit.

Aqua stillatitia radicum Ebuli commendatur a D. Duval Medico Paris. in doloribus, inflationibus & obstructionibus lienis: propinatur ad ℥iiij. per decem aut duodecim dies mane, jejuno ventriculo.

Folia cocta ad cataplasmatum formam sopiendis podagricorum doloribus conferunt. Eadem tumores aquosos & herniam in specie aquosam discutiendo ac resolvendo tollunt. Contusa & imposita ambustæ parti eam persanant. S. Paulli *Quadrip. Botanico* ingentem testium & scroti inflam-

mationem in puero , cataplasmate ex foliis Ebuli & Agrimonix partibus æqualibus & vino rubro coctis curavit . Cortex radicum potenter discutit & emollit , unde externe in inflammationibus & erisypelate admoveatur . Ad tumores pedum œdematosos resolvendos , aut dolores podagricos , rheumaticos sedandos , fots foliorum Ebuli , Tanaceti , Salviæ in aqua vel vino coctorum commendatur .

℥. Cortic. radicum Ebuli ℥j. Baccar. Juniper. ℥j. flor. Sambuc. P. j. Macerentur in vini q. s. Colatura detur ad aquas per urinam & alvum educendas .

℥. Fol. Ebuli recentium ℔ij. Contunde & misce cum butyri majalis ℔j. Coq. ad herbæ siccitatem . F. colatura & unguentum erit efficacissimum ad tumores resolvendos , arthriticos dolores sedandos .

Radix & semina Ebuli usurpantur in hydragogo eximio *Renodæi* . Radix adhibetur in syrupo hydragogo *Pharmacop. Regiæ* , & in emplastro de Ranis cum Mercurio *Ejusdem* . Folia vero in extracto panchymagogo *Crollii* , & in ung. Martiato , *Pharmacop. Regiæ* .

E L A T I N E .

Elatine & Veronica fœmina , Off. Linaria segetum , Nummulariæ folio villoso , *I. R. H.* 169. *Raii Hist.* 759. Elatine folio subrotundo *C. B. P.* 252. Elatine mas , folio subrotundo *J. B.* 3. 372. Veronica fœmina Fuchsi sive Elatine *Dod. Pempt.* 42. Verbasculum quorundam , *Lugd.* 1301. vulgo , *Velvete* ou *Veronique femelle* .

Radix alba , simplex , tenuis , paucis fibris donata , recta in terram descendit . Caulis tenuis , rotundus , vix palmum altus : verum flagella quæ ad latus supra terram spargit , longitudine non raro spithamam excedunt . Folia quam Alfinæ mediæ majora , rotundiora , pallide viridia & canescentia , hirsuta & ad tactum mollia , circa margines plerumque æqualia , interdum tamen obiter dentata , pediculis brevissimis fulta , situ alterno . Ex alis foliorum emergunt pediculi singulares , longi , tenues , singulos flores sustinentes Linariæ similes , parvos , monopetalos , anomalos , personatos , posterius in caudam seu calcar tenue , incurvum desinentes , antè in duo labia divisos , quorum superius colore pullo , bifariam , inferius vero , ex herbido flavescens trifariam secatur . Ex calyce pentaphyllo surgit pistillum posticæ floris parti infixum , quod deinde abit in fructum seu testam membranaceam , subrotundam , septo intermedio in duo loculamenta divisam , seminibusque pluribus minutis , subrotundis fœtam . Usu herba est quæ in sylva Bononiensi sponte crescit .

Analysi chymica , ex totius plantæ recentis ℔v. per retortam distillatis prodierunt humoris limpidi , inodori , sub finem subacidi ℥xiiij. ℥iiij. gr. xxxvj. humoris primo limpidi , magis ac magis acidi , deinde rufescentis , intense acidi & austeri ℔iiij. ℥ij. ℥v. humoris rufescentis , sale volatili urinoso copioso imprægnati ℥j. ℥j. olei ℥vj. gr. xliij. Massa nigra in retorta superstes pendebat ℥ix. gr. xliij. quæ rite calcinata reliquit cinerum ponderosorum & terræ similium ℥vj. ℥j. gr. xxxvj. ex quibus salis fixi salis ℥ij. gr. xxxvj. lixivio sunt extracta . Partium jactura in distillatione fuit ℥iiij. ℥vj. gr. xvij.

Elatines folia intense amara sunt , subadstringentia , & aliquid oleosi spi-

spirant. Salem essentialem continere videntur Tartareo-aluminosum mediocri olei portione involutum.

Summe vulneraria est, temperans & detergens, aperit & resolvit. Ejus infusum, decoctum vel aqua distillata usurpari solent ad ℥iij. vel ℥vj. Succus vero ab ℥iij. ad ℥v. bis terve die potus. Laudatur in cancro, podagra, impetigine, lepra, hydrope, scrophulis. Pena & Lobelius narrant, quemdam misellum barbitonsorem, cum perdocti Medici complures nasum cujusdam ægrotantis abscindere decrevissent, hoc remedium a quopiam suo hero edoctum, amputationem dissuasisse, & hujus plantæ succi litu & potu sic effecisse, ut nasus non abscinderetur & ut reliquo corpori in lepram prono mederetur. Ejus extractum præparatur & ad ℥j. exhibetur. Externe admota planta, vel succus effusus ulcera fordida & cancrosa abstergere, cohibere & sanare dicitur. Unguentum ex ea conficitur a Tournefortio ad ulcera, hæmorrhoides, scrophulas, cunctaque cutis vitia prædicatum.

24. Elatines floridæ q. v. Contundantur & macerentur per 24. horas in vini albi q. s. ut herba tegatur. Tum fiat colatura cum forti expressione. Coquatur ad tertias & affund. adip. porcini q. s. F. unguentum.

Utiliter quoque a nonnullis in enematum decoctis adversus alvi profluvia & dysenteriam usurpatur.

ENDIVIA sive INTYBUS.

Endivia sive Intybus Cichorii species est. Intybum tamen a Cichorio J. Rajus distinguit foliis brevioribus, non laciniatis & quod annua planta sit, cum Cichorium perennet. Tres Endiviæ species usitatæ sunt, Endivia latifolia, seu vulgaris, Endivia angustifolia, seu Scariola vulgaris, & Endivia crispa seu Romana.

Endivia latifolia, Endivia vulgaris, Intybus sativa, Intybum latifolium, Scariola latifolia Seriola, Off. Cichorium latifolium, sive Endivia vulgaris *Inst. R. H.* 479. Intybus sativa, latifolia, sive Endivia vulgaris *C. B. P.* 125. Intybum sativum latifolium *J. B.* 2. 1011. Intybus major sativa, Cichorium domesticum *Tabern. Icon.* 173. Seris domestica *Dioscoridis*: Cichorea sativa *Tragi* 273. Intubus *Turn.* Intubum latifolium sativum *Fuchs. Dod.* Scariola Arabum, *interpretibus*: Gallice *Endive commune* ou *Chicoree blanche*.

Radicibus est fibrosis, lacte prægnantibus: foliis per terram sparsis antequam caulescat, longis, latis, Lactucæ foliis similibus, in ambitu subinde crenatis, subamaris: foliis quæ in caule sunt quasi hederaceis, minoribus: caule cubitali & sesquicubitali, lævi, striato, inani, multis ramis brachiato, tortuoso, vulnere lac fundente; floribus e foliorum alis nascentibus, cœruleis, Cichorii sylvestris, seminibus quoque confimilibus.

Endivia angustifolia seu minor, Intybus angustifolia, Scariola vulgaris seu angustifolia, Seriola & Endiviola: Off. Cichorium angustifolium, sive Endivia vulgaris *Inst. R. H.* 479. Intybus sativa, angustifolia *C. B. P.* 125. Intybum sativum, angustifolium *J. B.* 2. 1011. Serium, Cichorium sativum minus *Tabern. Icon.* 174. Intybum sylvestre *Gerard.* Intybus sive Endivia minor angustifolia *Parkinson*: vulgo, *Petite Endive*.

Foliis est angustioribus , sapore amariore , caule ramosiore ; in reliquis cum priore convenit .

Endivia crispa , seu Romana , Intybus crispa , *Off.* Cichorium crispum *Inst.* R. H. 479. Intybus C. B. P. 125. Intybum sativum crispum *J. B.* 2. 1011. Intybus crispa , Endivia crispa *Tabern. Icon.* 173. Seris seu Intybus crispa *Adv. Lobel:* vulgo , *Chicoree frisée* .

Foliis est quam Endivia vulgaris majoribus , ubique in ambitu crispis ac sinuatis : caule cæteris majore , crassiore , teneriore , semine nigro : cætera similis .

J. Bauhinus hortulanorum mangonio Intybum crispam effici opinatur . J. Rajus Intybum crispam a sativa specie differre existimat. Seritur Intybus in hortis olitoriiis , ad usum culinarium . J. Rajus observat quod vere sata celeriter adolescat , & ipsa æstate florens semina proferat & deinde intercitat : Julio vero sata in hyemem restet , Septembri aut Octobri terra obruta , colligatis prius foliis , nivis instar candida reddatur , ac deinde mensibus hybernis , aliorum acetariorum loco , mensis inferatur palato sapida & grata .

Analyſi chymica , totius Intybi sativæ majoris recentis cum radicibus ℥v. præbuerunt humoris primo sub turbidi , deinde limpidi , saporis & odoris herbacei , obscure salſi , obscure acidi , tandem manifeste acidi ℥ij. ℥xij. ℥j. humoris limpidi , manifeste & magis ac magis acidi , sub finem rufescentis , atque saporis odorisque leviter empyreumatici , austeri ℥j. ℥x. ℥vj. gr. xvij. humoris fulci , odoris & saporis vehementer empyreumatici subacidi , aeris & salſi , sub finem rufi , sale volatili urinoso copioso imprægnati ℥j. ℥v. olei spissi ad instar extracti ℥v. gr. lx. Massa nigra in retorta superstes pendebat ℥iiij. ℥v. gr. viij. quæ rite calcinata reliquit cinerum ℥ij. ℥ij. gr. xxxvj. ex quibus salis fixi mere alcali ℥j. ℥j. gr. xxxviii. lixivio sunt extracta . Partium jactura in distillatione fuit ℥iiij. gr. lvij. in calcinatione ℥ij. ℥ij. gr. xliij.

Ex Intybi sativæ candidæ foliorum recentium & a radicibus separatorum ℥v. prodierunt humoris limpidi , primo inodori & insipidi , obscure salſi , deinde subacidi ℥iiij. ℥iiij. ℥iiij. humoris limpidi , subsalſi , urinosi ℥v. ℥iiij. gr. xiv. humoris fulci , empyreumatici , sale volatili urinoso copioso imprægnati ℥iiij. ℥iiij. gr. xxiiij. olei ℥v. gr. xxiiij. salis volatilis urinosi concreti gr. circiter xx. Massa nigra in retorta residua pendebat ℥vij. gr. xlij. quæ rite calcinata reliquit cinerum ℥vij. ex quibus lixivio salis fixi mere alcali ℥ij. gr. viij. extracta sunt . Partium jactura in distillatione fuit ℥j. gr. xx. in calcinatione gr. xlij.

Intybi viridis junioris foliorum recentium ℥v. per retortam distillatæ præbuerunt humoris limpidi , rufescentis , odoris & saporis herbacei quasi lixiviosi , subsalſi ℥j. ℥xv. ℥j. gr. vj. humoris rufescentis , sub turbidi , ejusdem saporis & odoris ℥j. ℥ij. ℥iiij. humoris flavescentis , limpidi , saporis & odoris lixiviosi , subsalſi & aliquantisper urinosi ℥j. ℥iiij. ℥j. gr. liij. humoris turbidi , rufescentis , odoris & saporis empyreumatici , sale volatili urinoso copioso imprægnati ℥j. ℥j. gr. xxij. salis volatilis urinosi concreti nitidi ℥j. gr. xxiiij. olei spissi ad instar extracti ℥v. gr. xij. Massa nigra in retorta superstes pendebat ℥ij. ℥ij. quæ rite calcinata reliquit cinerum ℥j. ℥iiij. gr. lx. ex quibus lixivio salis fixi mere alcali ℥iiij. gr. xlvij. extracta sunt . Partium jactura in distillatione fuit ℥v. ℥vij. gr. xxvj. in calcinatione ℥vj. gr. xij.

Endiviæ viridis folia recentia salem essentialem continere videntur nitroso-ammoniacaalem cum olei tenuis, & paululum terræ permixtum. Nullum acidi signum præbuerunt in tentaminibus ob maximam salis urinosi copiam.

Endiviæ folia colligatione dealbata aliquantulum acidi exhibuerunt, minus vero salis volatilis, & terræ: succus eorum, dum colligantur ut dealbescant, quamdam fermentationem intus suscipit, qua salia volatilia in hac planta copiosa, & evoluta satis, partim avolant, remanente acida portione, & aqua. Terra autem eadem fermentatione attenuata cum cæteris principiis intimius miscetur.

Folia dealbata teneriora sunt, & palato magis sapida virentibus, ob acidi portionem magis evolutam, & cum alcalinis, & oleis intimius permixtam; virentia amaricantia sunt ob molecularum salinarum crassitiem, & diversam cum oleo, & terra miscelam.

Endiviæ virentes apud nos raro esitantur, sed angustifolia, & crispa cura olitorum qui illas terra vel arena in hortis vel in cellis subterraneis obruunt, candidæ factæ, & dulciores, in acetariis crudæ in mediis frigoribus sicut lactucæ in æstate frequentissime comeduntur. Usitatæ sunt etiam in jusculis carniū, & ex jure coxæ vervecinæ, in quo sensim elixantur, & tabescunt, dum caro assatur, saporatæ, ut artis est, cibum præbent & gratum, & salubrem.

Nec minus notæ sunt in officinis pharmaceuticis quam in culinis, ubi & virides, & dealbatæ in usum veniunt. Folia præsertim frequenter usurpantur, semina raro, fere numquam radices.

Endiviæ omnes refrigerant, abstergunt, & aperiunt: sale suo nitroso ammoniacali, subtili, multo phlegmate diluto, sanguinis fervorem sedant, biliosorum humorum orgasmum compescunt, acres sanguinis sales nimis evolutos, & nimis evecta sulphura sibi consociant, & per urinas aut per secessum abducunt: viscera maximeque jecur infarctu liberant, emolliunt, & diluunt collectam in illis bilem viscidam, & quasi resinosa factam, serum glutinosum seu pituitam crassam dividunt: icterum sanant, febribus biliosis ardentibus, & inflammationibus quibuscunque conducunt: hæmorrhagiis medentur. In jusculis, & apozematibus temperantibus, refrigerantibus, & aperientibus usurpantur: earum succus defæcatus sæpius die, ad ℥iij. vel decoctum pro potu solito propinatur.

Simon Paulli *Quadr. Botanico* 322. folia exsiccata commendat, quæ decoctionibus hepaticis permixta, ad præparandam bilem, quæ icterum invehit, additis Fragariæ foliis, valde prodesse asserit.

Semen Endiviæ inter quatuor semina frigida minora numeratur, ex quibus æque ac ex majoribus emulsiones præparantur.

Externe Endiviæ virentis folia in inflammationibus, & tumoribus erysipelaceis admoventur contusa. Usurpantur in enematibus refrigerantibus, & emollientibus, & in pediluviiis pro concilianda quiete, & somno, vel tempore æstivo vel in ardoribus febrilibus.

℥. Radicum Gramin. Fragar. & Asparag. ana ℥j. Folior. Cichor. sylvestr. cum toto, folior. Endiviæ vulgar. Scariolæ, Pimpinell. & Agrimon. ana M. j. Coquantur in ℔iij. ad ℔ij. aq. comm. Colatura dilue sal. amar. *Geoffroy Tom. II.*

cathartic. ℥ss. Syrup. de pom. simpl. ℥ij. F. apozema ad bilem crassam incidendam in ictero, & hepatis obstructions referandas. Propinetur per cyathos stasis temporibus.

℥. Radic. Cichor. & Nenuphar. ana ℥j. Folior. Endiviæ, Scariol. Bugloss. Borrag. Lactuc. & Portulac. ana M. j. Semin. Melon. Citrull. Endiv. & Althææ ana ℥j. Passular. Jujubar. ana ℥j. Orizæ contusæ P. j. Coq. in aq. fluviatil. ℥iiij. ad ℥iiij. F. apozema ad pituitam tenuem, & salsam in catharris contemperandam, & demulcendam.

℥. Pullum gallinac. exenteratum, excorticatum, capite, & pedibus resectis. Coquatur in aq. ℥vj. ad ℥iiij. Sub finem coctionis adde folior. Intybi utriusque, Cichor. Sylvestr. Chærophylli, Borrag. Bugloss. Lactuc. Pimpinell. & Agrimon. ana M. j. Per cyathos calens propinetur 3. vel 4. quaque hora ad refrigerandum, aut humorum æstum compescendum in febribus biliosis.

℥. Fol. Intybi utriusque, Lactuc. Cichor. Sylvestr. Borrag. Bugloss. Acetos. rotund. Scolopendr. Fumar. Agrimon. ana M. j. Contrundendo affunde sensim feri lactis ℥ij. F. colatura cum forti expressione. Colatura defæcata, dissolve syrup. de Cichor. simpl. ℥ij. F. serum medicum refrigerans & aperiens ad temperandum viscerum æstum & obstructions aperiendas.

Endivia utraque usurpantur in syrupo de Cichoreo simplici, & composito *Collectaneor. Pharm. Penicheri.*

ENULA CAMPANA.

Enula Campana, Helenium, Inula, Off. Aster omnium maximus, Helenium dictus, *Inst. R. H.* 483. Helenium vulgare, *C. B. P.* 276. Helenium sive Enula campana *J. B.* 3. 108. Helenium *Dod. Pempt* 334. Elenion *Tragi* 170. Panax Chironium Theophrasti *Anguill*: Inula *Gesner. hortor*: vulgo, *Aunée*, *Enule campane*.

Radice est crassa, carnosa, multicaulis, foris fusca, intus alba, sapore acri, aliquantisper amaro, & aromatico, odore etiam, præsertim cum exsiccata fuerit, suavi, & grato: folia cubitum æquant & sæpius superant, spithamam pene lata, superne pallide virentia, subius incana, per ambitum crenata, utrinque acuta, ad tactum mollia; caulis ad tres vel quatuor cubitos assurgit, rectus, villosus, striatus, ramulosus, flores sustinens radiatos, aureos, amplos, cum seminibus longis, angustis & papposis. Agri Parisiensis incolæ delectatur locis pinguibus & udis. Nulla hujus plantæ pars præter radicem odorata fit. Radix sola fere totius plantæ pars usitata autumno, & nonnumquam Aprili, & Majo mensibus legitur.

Analyti chymica, ex radicem Enulæ recentium ℥v. per retortam distillatis prodierunt humoris limpidi, odoris, & saporis radicem referentis, cum quadam amaritie, primo obscure salis, & obscure acidi, deinde subacidi, austeri ℥j. ℥xj. gr. xij. humoris limpidi, ejusdem odoris, & saporis, cum exigua olei essentialis adiposi, & granulatim concreti, cineracei portione, magis ac magis acidi, austeri ℥ij. ℥ij. ℥v. gr. vj. humoris rufescentis, odoris,

odoris, & saporis empyreumatici, intense acidi, austeri ℥ij. ℥iiij. gr. xx. humoris fusci, empyreumatici, obscure acidi, & sale volatili urinoso copioso imprægnati ℥ij. ℥v. gran. xij. olei spissi (syropi ad instar ℥j. ℥ij. gr. xij. Massa nigra in retorta residua pendebat ℥vij. ℥j. gr. xxvij. quæ rite calcinata reliquit cinerum ℥j. ℥iiij. gr. xx. ex quibus lixivio salis fixi mere alcali ℥iiij. gr. lvij. extracta sunt. Partium jactura in distillatione fuit ℥iiij. ℥vj. gr. lv. in calcinatione ℥v. ℥v. gr. vij.

Ex radicibus Enulæ recentium, minutim incisarum, & contusarum ℔x. & ℥v. cum aqua communis ℔xl. per tres dies maceratis, & per refrigeratorium simul distillatis, prodierunt humoris turbidi, lactescentis, radicis odorem, & saporem referentis, sine ullo acido aut alcali manifesto ℔xx. cum olei essentialis cineracei in diversæ magnitudinis flocculos concreti, partim in aquæ superficie fluctuantis, partim fundum petentis ℥v. deinde humoris limpidi, odorati, obscure acidi cum tantillo ejusdem olei ℔viiij.

Cineraceum illud oleum concretum in vase idoneo igne eliquatum, & postea refrigeratum in humorem spissum, resinosum, Terebinthinæ instar concrevit colore fuscum, & radicis Enulæ odorem referentem.

Humoris illius lactescentis primo distillati ℔xx. oleo semoto, per refrigeratorium serpentino canali instructum iterum distillatæ præbuerunt humoris lactescentis, radicis odorem, saporemque referentis cum quodam amarore ℔vj. Humor ille per tempus limpidus evasit, supernatante olei hujus essentialis, cineracei, concreti, portione exigua, & flocculis aliquot candidis oleosis, nivis flocculorum ad instar, ex plurimis lamellis tenuissimis compositis liquoris infimum petentibus, illi flocculi salino-oleosi Camphoræ species videntur seu sal essentialis oleosus haud multum discrepans a Benzoini floribus, nisi quod majori olei copia scateat. Liquor in alambice residuus odoris, & saporis experts repertus fuit, attamen obscure acidum in quibusdam tentaminibus se præbebat.

Radix Enulæ campanæ acris est, amaricans, aromatica, nonnihil glutinosa: exsiccata odorem gratum spirat ad Iridem aliquantisper accedentem. Chartæ cœruleæ colorem in subrubrum mutat. Multum resinæ continet hæc radix cum aliqua salis vitriolico-ammoniocalis portione permixtam.

Radix Enulæ campanæ ad multa maxime utilis est tum recens, tum exsiccata. Bechica est, stomachica, diuretica, uterina, aperiens, necnon alexipharmaca, & sudorifera. Prodest adversus respirandi difficultatem, asthma humidum, incidendo nempe, & attenuando crassos, lentos ac pertinaces humores, qui in thorace, & pulmonibus hærent. Phthysicorum ulcera pulmonum abstergit. In jussulis, & apozematibus bechicis ab ℥ss. ad ℥j. recens præscribitur, vel ex ea cum saccharo conditum paratur ad ℥j. exhibendum. Exsiccata, & pulverata ad ℥j. vel ℥ij. intus sumitur, vel in vino aut alio liquore idoneo; vel cum melle Narbonensi, aut extracto seu Rob Juniperi fit electuarium crebriori usu ad humores glutinosos ubicumque hærentes incidendos, & expellendos, seu per expectorationem, seu per urinas; vel Tabellæ cum saccharo conficiuntur. Extractum ejus quoque præparatur ad ℥ss. vel ℥j. exhibendum.

Stomacho etiam commoda, & salubris est, unde tritum illud adagium:

Enula campana reddit præcordia sana.

Apud Germanos Salgamarii magnam hujus radicis copiam condiunt, & a Platero dicitur aroma Germanicum, quo cibi utiliter condiuntur, & maxime laudatur præ Zingibere, & aliis Indicis aromatibus. Revera ciborum concoctionem promovet, laxatum nimis fibrarum ventriculi tonum restituit, & firmat, & viscidam saburram qua non solum ventriculus, sed etiam intestina infarciuntur; incidit, & expellit sæpe per secessum, unde alvum fluxiliorem reddere dicitur. Eadem ratione colicos dolores flatulentos compescit: renes expurgat, & arenulas pellit; uteri obstructions referat, & menses suppressos provocat, humores nempe spissos, tenaces & mucosos his in partibus concretos dividendo.

Valet ad venena, non modo quæ corpus inficiunt humanum, sed & reliquorum animantium præsertim quadrupedum. Data enim ovibus, referente Renodæo, cum vino aut aceto, eas servat, & sanat a peste quadam cui sunt obnoxie, quam vulgus *Clavelatum* vocat. In peste contagiosisque morbis plurimum laudatur tum ad arcendum contagium, tum ad luem sanandam. Et ex ea vinum præparatur Enulatum dictum, radicem cum musto fermentando, vel eam solummodo macerando in vino. Illud vinum largiter haustum sudores movere dicitur. Urinam ciet, calculos, & arenulas pellit, & nephritidi medetur, si per tres dies, decrescente Luna, haustus hujus vini mane, jejuno ventriculo, sumatur. Ejusdem vini haustus mane, jejuno ventriculo, epotus visum mirabiliter acuit, referente J. B. His qui usi sunt mercurio nimio in lue venerea, aut qui ex mercurialibus halitibus artuum tremores patiuntur, decoctum Helenii, & Fœniculi potum Ettmullerus commendat, expectando sudorem, ut mercurius per cutis poros e corpore propellatur.

Enula vino decocta, aut ejus succus vino infusus & potus lumbricos & tineas ventris enecat.

Externe potenter resolvit, & abstergit. In scabie plurimum valet. Radix in taleolas dissecta tamdiu in aqua coquitur, ut digitis conteri queat: tunc conteritur in mortario, & pulpa per setaceum trajecta cum butyri insulsi parte æquali miscetur, & fit unguentum, quo pars affecta scabie ungitur. Ejus decocto scabiosorum manus, & pedes eluuntur. Idem decoctum tum intus sumptum tum externe admotum, a Parkinsono, aliisque ad spasmus, contusiones, & dolorem ischiadicum commendatur.

Ex radice exsiccata per spiritum vini refina extrahitur, in qua vis plurima concentrata videtur, quæ in uteri ruptura ex partu difficili specifica audit, referente Paulo Hermanno.

℞. Rad. Helen. exsiccata. ℥ss. Infunde per noctem in vini albi ℥vj. Colaturam capiat mane.

℞. Enulæ campanæ ℥ij. Coque in aq. fluv. ad ℥ij. F. pilula.

℞. Enul. camp. ℥ss. Ireos Florentin. ℥ss. Sem. Cymin. ℥ij. Piper. long. ℥ss. Mellis despumati ℥j. F. Electuarium tussientibus, & asthmaticis perutile. Dosis a ℥ij. ad ℥iij. mane, & sero.

℞. Rad. Enul. exsiccata. & pulver. ℥j. Mellis Juniperini q. s. M. F. bolus ad ventriculum roborandum, renes a mucō inhærente liberandos, & arenulas expellendas, necnon etiam ad expectorationem promovendam.

℞. He-

℥℥. Helen. Bardan. Fœniculi ana ℥j. F. ex aqua comm. decoctum ad ℥ij. contra tremores artuum ex mercurialibus halitibus.

℥℥. Resinæ Helenii ℥ij. Terebinth. Venet. ℥iij. Olei Hyperic. ℥iij. Myrrh. Sang. Dracon. ana ℥j. M. F. balsamum quo inungantur puerendorum rupturæ post partum.

℥℥. Radicum Enulæ campanæ & Lapathi sylvestris ana M. j. Incidantur & coquantur in aq. comm. ℥iij. in vase clauso ad ℥ij. Colatura laventur partes scabie affectæ, vel alio cutis vitio. Vel

℥℥. Earundem radicum pulpæ per setaceum trajectæ ℥v. axungiae porc. ℥ss. Flor. sulphuris ℥ij. F. unguentum in scabie.

Enulæ radix usurpatur in syrupo de Artemisia, syrupo hydragogo *Ph. Reg. Charas*, syrupo antiasthmatico *eiusdem*, Looch sano & Looch pectorali, Opiata Salomonis *Jouberti*, Electuar. Catholico simplici *Fernelii*, Unguento martiato, Emplastro J. De Vigo, *Renodæi*, & Empl. Diabotano D. Blondel, *Penicher*.

EQUISETUM SIVE HIPPURIS.

Equisetum, Hippuris, Cauda equina, Herba equina : vulgo, *Preste* ou *Queve de Cheval*. His sub nominibus duæ plantarum species in officinis cognitæ sunt, scilicet Equisetum majus, & Equisetum minus.

Equisetum majus, *Offic.* Equisetum palustre longioribus setis *C. B. P.* 15. & *Inst. R. H.* 533. Equisetum majus aquaticum *J. B.* 3. 728. Hippuris *Lobel. Icon.* 793. Hippuris *Dioscoridis* : Cauda equina *Tab. Icon.* 251. Polygonum femina *Fuchs*.

Pro radicibus sunt creberrimæ, tenuissimæ nigricantesque fibræ, longe e caulium geniculis demissæ. Asparagos primum protrudit palmares & cubitos altiores, internodiis & pixidata insertione distinctos, fimbria nigricante, geniculum cingente, striatos, inanes, quorum summo fastigio clavatum insidet capitulum veluti nucamentum, plurimis scilicet staminibus apice fungiformi, ex fusco albibo, donatis constans, spicatum & sterile. Fructus enim Equiseti speciebus innascuntur, quæ staminibus carent, grana nempe nigra, aspera & farcta. Procedente tempore caules sunt bicubitales & interdum altiores, minimi propemodum digiti crassitie, teretes, concavi, albicantes plerumque, læves aut striis vix conspicuis exarati, crebris geniculis pixidatim cohærentibus intercepti. Singulos geniculos ambiunt folia seu setæ plurimæ, prælongæ, tenues, asperæ, striatæ, virides, non ramosæ, octo, novem & amplius, nonnumquam ad triginta usque, pluribus aut paucioribus internodiis pixidatim articularis compositæ. Cum veterascere incipit caulis in colorem spadiceum aut atrorubentem e latere soli obverso non raro mutatur. In palustribus & aquosis nascitur.

Equisetum minus : *Off.* Equisetum arvense longioribus setis *C. B. P.* 16. Equisetum minus terrestre *J. B.* 3. 730. Hippuris minor *Dodon. Pempt.* 73. Equisetum segetale *Gerard*.

Radice est gracili, nigra, articulata & serpente, fibris nigricantibus e geniculis exortis capillata, quæ vere haud secus ac Equisetum majus asparagos

ragos emittit, sed graciliores, longioribus & laxioribus, fimbriatis, nigricantibus cotydis tubulos excipientibus, nucamenti æmulum capitulum apicibus albis confertum sustinentes. Deinde caules frequentes sequuntur pedales, geniculis distincti, pixidatim inserti, cavi, aliquantisper scabri. Ex geniculis prodeunt folia seu setæ radiatim enatæ, pauciores ad singulos caulis nodos quam in priori, quatuor sulcis profunde striatæ, tortuosæ, e geniculis interdum folia seu setas secundarias emittentes. Inter segetes solo humidioris & arenoso non raro invenitur. Utraque in usum venit: hæc autem viribus præstantior censetur.

Analyti chymica, ex herbæ Equiseti majoris lbv. per retortam distillatis prodierunt humoris limpidi, odoris & saporis herbacei, subsalsi lbiiij. ℥iij. humoris limpidi, subsalsi & obscure austeri ℥j. gr. xlvij. humoris rufescentis, turbidi, sale volatili urinoso copioso imprægnati ℥j. ℥vij. gr. liiij. olei ℥iij. gr. xlvij. Massa nigra in retorta superstes pendebat ℥vij. ℥ij. quæ rite calcinata reliquit cinerum ℥iij. ℥iiij. ex quibus lixivio salis fixi falsi ℥iiij. gr. xv. extracta sunt. Partium jactura in distillatione fuit ℥ij. ℥j. gr. lxxvj. in calcinatione ℥iij. ℥vj.

Equisetum saporem herbaceum subsalsum refert: chartam cæruleam vix mutat. Sale ammoniacali donari videtur cum multa terra adstringente & exigua olei portione permixto.

Equisetum adstringit valide; hinc ad sanguinis rejectionem, ad profluvium muliebrem, potissimum rubrum, mictum cruentum, & ad dysenterias reliquosque ventris fluxus strenuum & generosum est remedium vel herba ipsa aut ex aqua aut ex vino epota, vel pulvis ℥j. pondere, aut decocti in vino ℥iiij. mane & vesperi propinatæ, vel succus ejus ad ℥ij. vel aqua ejus stillatitia, si cochlearia tria duobus tribusve diebus bibantur. Sistit hæmorrhagias quascunque: item exulcerationes & vulnera renum, vesicæ tenuiumque intestinorum sanasse auctores annotarunt. S. Pauli in sua *Flora Danica* singularem refert historiam vulneratæ puellæ, punctim culiro ad oram ossis pubis in pectine ita percussæ, ut ei post inflictam plagam urina per aliquot dies ex vulnere vesicæ efflueret: quæ illo ipso articulo temporis, quo plaga inflictæ est, tam distenta fuit ab urina, ut prominuerit ultra modum dictum os. Quæ tamen, parvo intermisso temporis spatio, potionibus, decoctis ac clysteribus vulnerariis rite administratis, quibus Equisetum remixtum erat, præter spem pristina valetudini restituta est. Ad sanguinis sputum exhibet radices Equiseti exsiccatæ & pulverisatæ ℥j. cum succo Granatorum acidorum. Ad pectoris pulmonumque ulcera decoctum Equiseti in aqua mane & vesperi calide potum ad ℥iij. vel ejus succi ℥ij. in phthisi pulveris Equiseti ℥j. cum aquæ Plantaginis ℥iij. mane & vesperi aliquot diebus sumpta commendatur. In diuturnis febribus, etiam malignis, miracula fecisse cum aliis, se comperisse scribit C. Hoffmannus.

Diutina experientia compertum est, inquit Ammonius *Medic. herbar. p. 95.* scabiei vesicæ mederi. Nam unico hoc medicamine testatur lithotomum insignem hanc scabiem penitus profligasse, decoctiones illius ægroto propinandas porrigendo.

Notatu vero dignum quod Pechlinus *Observationibus medicis* refert, Equisetum adstringentem & aluminosam herbam, ubi inter gramina a bo-

bus

bus decerpitur, succo fermentante alvum vehementer turbare, pinguedinemque vel detrahare vel prohibere.

Equiseti asparagos, auctore Matthiolo, in Hetruria, modo defectu melioris cibi, modo in dynteria aliisque alvinis fluxibus comedunt Hetrusci, quibus alvus nonnumquam adeo stringitur, ut inde coli cruciatus facile excitentur.

Gonorrhææ conducit, auctore Emanuele Konig. & prostaticarum laxitatem maxime corrigit.

Extrinfecus foliis tritis & admotis, vulnera glutinantur, etiam ubi nervi læduntur.

ERUCA.

Inter plures *Erucae* species duæ potissimum usitatæ in officinis prostant, scilicet *Eruca sativa* & *Eruca sylvestris*.

Eruca sativa, Off. *Eruca latifolia*, alba, sativa Dioscoridis C. B. P. 98 & Inst. R. H. 227. *Eruca major*, sativa, annua, flore albo, striato J. B. 2. 859. *Eruca sativa* Dod. Pempt. 708. *Sinapis* alterum genus Fuchs. *Sinapi hortense* Lugd. histor. 646. vulgo, *Roquette*.

Alba, lignosa, tenui & restibili radice est donata, sapore acri; caulibus cubitalibus & sesquicubitalibus, subhirsutis: foliis Sinapi albi, longis, angustis, utrimque profundis incisuris laciniatis, teneris, glabris, ejusdem cum radice saporis: floribus in caulium cacumine cruciformibus, quatuor scilicet petalis constantibus, e luteo albidis, striis nigricantibus pictis, cum calyce hirsuto, ex quo surgit pistillum, quod deinde abit in siliquam brevi pediculo innixam, glabram, qualem in Sinapi siliqua glabra, sed longiorem, septo intermedio, cui valvæ utrimque adhærescunt, in duo loculamenta divisam, seminibusque foetam multis flavis, majoribus quam Sinapi jam dicto, minusque rotundis. Odor hujus plantæ validus & ingratus, nec minus sapor, quamvis nonnulli, & Itali præsertim, eo delectentur, & acetarius gustus gratia *Erucam* admisceant. In hortis passim feruntur. Folia & semen usitata sunt.

Eruca sylvestris, Off. *Eruca tenuifolia* perennis flore luteo J. B. 2. 861. Inst. R. H. 227. *Eruca sylvestris* vulgatio, Parkins. *Eruca sylvestris* Gerard. Dodon. & Raii histor. 807. *Sinapi sylvestre* Lugdunens. 646. vulgo, *Roquette sauvage*.

Radice hæret alba, crassa, satis longa: ex qua multi prodeunt caules crebris alis, concavi, striati, villosi potius, quam hirsuti. Folia crebris incisuris Dentis leonis divisa, atrovirentia, glabra, sapore fervido sativæ, cujus & flores, sed colore præditos luteo, serie simili dispositos gerit odoratos: siliquis succedentibus longioribus, angulosis, erectis seminibus Sinapis sylvestris similibus, acerbis & amariusculis repletis. Odor totius plantæ foetidus & ingratus.

Analysi chymica, ex *Erucae sylvestris* floridæ ℥v. demptis radicibus, per retortam distillatis, prodierunt humoris odore & sapore plantam referentis, subacidi ℥j. ʒij. ʒvij. gr. liij. humoris primo limpidi, ejusdem odoris, manifeste acidi magis ac magis, deinde flavescentis & rufescentis, empyreumatici, acidi, salis, austeri ℥iij. ʒv. gr. lxij. humoris rufi, odoris

ris valde empyreumatici, saporis acris, austeri, & sale volatili urinoso copioso imprægnati ℥ij. ℥ij. salis volatilis urinosi concreti gr. xvij. olei spissi ad instar extracti ℥j. ℥ij. gr. xlij. Massa nigra in retorta residua pendebat ℥iiij. ℥vj. gr. lxxvj. quæ rite calcinata reliquit cinerum ℥ij. gr. lxxij. ex quibus salis fixi falsi ℥vij. extractæ sunt. Partium jactura in distillatione fuit ℥ij. ℥vj. gr. liij. in calcinatione ℥ij. ℥vj. gr. iij.

Eruca sylvestris saporis est acris, urentis cum quadam amaritudine in recessu. Chartam cæruleam rubro colore tingit, & odorem refert oleorum foetidorum super calcem vivam rectificatorum. Salem igitur essentialem continere videtur acrem ad ammoniacum accedentem, cum oleo tum tenui essentiali, tum crasso foetido, & terra copiosa conjunctum.

Erucae sativæ odor & sapor remissiores sunt, sicut & virtus debilior; unde in alimoniam sæpius desumitur: illa vero pro medicamentis præstantior est.

Eruca diversæ prorsus est a Lactuca naturæ: idcirco veteres in cibis illas consociare solebant, ut nimio frigori par fervor temperamentum æquet. Itali etiam nunc dierum acetariis Erucae tantillum admiscunt, forte viribus potius quam sapore illis commendatæ. Eruca enim non Medicorum tantum, sed & poetarum testimonio conciliatrix veneris videtur. Sic Martialis:

. . . *Et venerem revocans Eruca morantem.*

Columella: *Excitat ad venerem tardos Eruca maritos.*

Et Ovidius: *Nec minus Erucas jubeo vitare salaces.*

Omnes Erucarum partes comestæ appetitum excitant, ciborum concoctionem promovent, viscidam saburram in ventriculo immorantem dissolvunt, quapropter in anorexia & aepsia commendantur. Urinam provocant, quam acriorem reddunt, ac proinde levi titillatione partes & urinæ & seminis secretioni & evacuationi dicatas afficiunt. Eapropter in compositionibus languenti veneri sollicitandæ dicatis usurpantur. At biliosis aut calidis naturis minus conveniunt, nec illis, quorum stomachus æstuat.

In scorbuto & chronicis morbis Eruca conducit, sive herba cruda comedatur, sive succus solus vel cum vino hauriatur, sive in jusculis aut apozematibus decoquatur. Observandum tamen has plantas acres antiscorbuticas levi coctione indigere, alioquin & sale suo volatili & oleo essentiali tenuissimo spoliantur, & simul sapor & præcipua virtus earum avolat. Semina easdem obtinent virtutes, imo ab Ettmullero præstantiora censentur, qui tempore hyemali hanc antiscorbuticam mixturam commendat.

℥℥. Pulver. stomachal. Quercetan. ℥ij. Semin. Cochlear. Nasturt. Erucae ana ℥j. Aloes Succotrin. & Myrrh. elect. ana ℥ij. M. F. pulvis. Dosis ℥j. bis die cum conserva Lujulæ, vel syrup. acetositis Citri q. s. in scorbuto, vel conserv. flor. Anthos in apoplexia & paralyfi.

Præter vim antiscorbuticam, in præcavenda apoplexia semina Erucae aut Sinapeos plurimum laudantur. Sunt, qui pro certo affirmant, senes plurimos per multos annos ab apoplexia, soporosis affectibus & paralyfi immunes perstitisse, Erucae semina ad grana xv. vel xx. sola vel cum seminis Cymini parte æquali mixta quotidie matutino tempore mastigando. Mathiolus refert foliorum Erucae decoctum cum saccharo propinatum tussim infantum sanare.

Semen masticatum, non secus ac Sinapi, acri suo stimulo copiosum phlegma salivale ex ore eliciunt, unde in apophlegmatismis usurpantur. Commendantur quoque sub nomine Sinapismi sola vel cum fermento mixta & cuti imposita ad rubefaciendum & ad vesiculas excitandas.

℥. Seminum Erucæ, Sinapi & Baccar. Juniper. ana p. æq. Contusis affunde sp. vini camphorati ad supereminentiam unius transversi digiti. Liquorem decanta quo foveatur pars paralytica, & postea massa residua eidem admoveatur.

Semen Erucæ usurpatur in Electuar. de satyrio *Ph. Reg.* & in tabellis magnanimitatis *ejusdem*.

ERYNGIUM.

ERyngium, *Off.* Eryngium vulgare *C. B. P.* 386. *Inst. R. H.* 327. *J. B.* 3. 85. Eryngium campestre *Dod. Pempt.* 730. Eryngium mediterraneum sive campestre *Parkinson. Advers. Lobel. Icon.* 22. Cardus Lepusculus & Cardus volutans *Rusticorum*: vulgo *Chardon roland*, *Chardon a cent tetes* *Panicaut*.

Radice[m] habet pedem longam, pollicem crassam, mollem & teneram cum nervo in medio solidiore, exterius nigricantem, internus candidam, sapore dulcem: caule[m] striatum, cubitalem, medulla fungosa, alba plenum, in ramos patulos orbiculatim divisum: folia alternatim posita, lata rigida, glabra, glauca, aliquantisper aromatica, utrinque in lacinias profundas divisa, quæ inciduntur crenis in spinas minaces desinentibus. Flores in capitulis rotundis copiose nascuntur rosacei, e quinque petalis albis & minimis, totidemque staminibus concoloribus conflati. Calyx oblongus & quinquecuspidatus abit in duo semina qua se tangunt plana, altera vero parte gibba & striata. His capitulis subjecta sunt folia seu potius spinæ longæ striatæ, mucrone & marginibus spinosæ, in orbem positæ. Copiose provenit in satis & secus vias. Planta integra marcescens, vi ventorum evellitur, & per medios agros volutatur, ita ut currentem Lepusculum diceres. Plantæ partes omnes usitatæ, & præsertim radix.

Analy[si] chymica, ex radicem Eryngii succulentarum ℔v. per retortam distillatis prodierunt humoris limpidi, saporis & odoris herbacei, subacidi ℔. ℥v. ℥v. humoris primo limpidi, deinde sub finem rufescentis, intense acidi & austeri ℔ij. ℥viiij. ℥ij. gr. xxxvj. humoris rufi, tum acidi, tum alcali, & sale volatili urinoso copioso imprægnati ℥ij. ℥v. gran. xxxvj. olei syrupi ad instar spissi ℥j. gran. lx. Massa nigra in retorta superstes pendeat ℥vij. ℥ij. gran. xxxvj. quæ rite calcinata reliquit cinerum ℥ij. ℥j. gran. xxiv. ex quibus lixivio salis fixi mere alcali ℥ij. gran. xlij. extracta sunt. Partium jactura in distillatione fuit ℥v. ℥vj. gran. xlvij. in calcinatione ℥v. ℥j. gr. xij.

Nonnihil acredinis in Eryngio masticando deprehenditur. Charta cærulea a foliorum succo aliquantisper rubescit, multo magis a radicem humore. Sale essentiali donatur tartareo ammoniacali, cum multo sulphure, & terræ adstringentis portione non mediocri conjuncto.

Eryngium humores crassos ac tenaces, quibus viscera infarciuntur, incidit, & eo-

& eorum obstructions aperit . Hinc hepaticum dicitur , uterinum , diureticum ; & nephriticum . Ictero medetur , urinam ciet , renum & vesicæ saburram , & arenulas abstergit , & foras amandat , mesenterii obstructions referat , mensesque provocat .

Eryngii vis potior in radice vel etiam in radicis cortice , qui non facile in pulverem teri potest nisi exsiccatus , sed tum fere omni virtute orbatur , observante P. Hermans ; hinc in decocto recens ad ℥j. pro singulis decocti libris , vel conditus usurpari debet . In numero quinque radicum aperientium minorum collocatur , & sunt radices Graminis , Capparis , Rubiæ , Ononidis & Eryngii . Majores vero sunt radices Apii , Asparagi , Fœniculi , Petroselini , & Rusci . In jusculis & apozematibus diureticis & aperientibus usurpari solet . S. Pauli Eryngii radices insigni menses moderate ducendi virtute præditas agnoscit : & ideo in sequiori sexu eas in decoctis aperientibus & materiam peccantem præparantibus , dum menses tardiuscule & inordinate excernuntur , præ aliis commendat . Non igitur incongruum est earum usu prævio martialibus medicamentis viam sternere . In morbis chronicis earundem decoctum assidue potum ab Ettmullero commendatur . Veneris quoque blandum est incentivum : & hac ratione radices vel recentes vel conditæ in pluribus adversus virilem impotentiam medicamentis usurpantur . A nonnullis tamen hac in indicatione semina radicibus anteponuntur .

Eryngii radices melle aut saccharo conditas maxime conferre gonorrhææ Velschius refert . *Sylloge observationum Marcelli Cumani obs. 44. p. m. 64.*

Externe Simon Simonius Medicinæ Professor Lipsiæ affirmabat , referente Raio , multis in Italia cum successu , familiarissimum remedium esse ad prohibendum abortum , radicem Eryngii , cataplasmatibus modo ventri sub umbilico impositam . Eandem Emanuel Konig in *regno vegetabili* , cum vino coctam & impositam ad abortum præcavendum proponit .

In nimio menstruorum fluxu J. Raius decoctum radicis Eryngii ex vino commendat , quo lavetur ægrotans mane & vesperi , linteis calidis post ablutionem impositis . Initium vero ablutionis fieri debet pone aures , tum in cervice , hinc per totam spinam usque ad os sacrum , postea foveantur illa . Nonnullæ intra triduum hoc remedio sanatæ fuerunt . Aqua ex junioribus foliis Eryngii distillata , vel sola vel cum aqua Nucum affatim pota febrim fugat & depravatam sanguinis crasim emendat .

℥. Radic. Eryng. vulgar. & Gramin. ana ℥j. Coquantur in aq. comm. ℔iij. ad ℔ij. F. prisana aperiens .

℥. Rad. Eryngii & Lapathi acuti ana ℥ij. Folior. Agrimon. & Veronicæ ana M. j. Coquantur in aq. comm. ℔iiij. ad medias . Colatura dilue syrup. de ꝑ. radic. aper. ℥ij. & arcani duplicati ℥ij. F. apozema aper. in quatuor doses propinandum .

℥. Rad. Eryngii , Ononid. ana ℥jß. Baccas Alkekengi contusas n. iiij. Coquantur in aq. ℔iij. ad ℔ij. Colatura contund. semin. Eryngii & Melon. ana ℥ß. F. emulsio diuretica qua dissolve syrup. de Ibisco ℥j.

Radix Eryngii usurpatur in syrupo hydragogo & in syrupo antiscorbutico *Pb. Reg. Syrup. de Ibisco Cod. Paris. Electuar. de satyrio P. R.*

Eryn-

Eryugium marinum , *Offic.* Eryngium maritimum C. B. P. 386. *Inst.* R. H. 327. Eryngium marinum J. B. 3. 86. *Dod.* *Pempt.* 730.

Radices huic subsunt longissimæ , circumquaque profunde vagantes , digitum aut pollicem crassæ , aliquot locis nodosæ , candicantes , sapore dulces , & gratæ , aliquantisper odoratæ : folia plurimum pullulantia ex longis pediculis , interdum palmum lata , subrotunda , malvaceis fere similia , sed marginibus angulosa , durisque spinis circumsepta , crassa sive spissa , cæsis candida , gustu aromatico : caulis crassus , cubitalis , valde ramosus , inferius subinde nonnihil rubescens , cacuminibus vero capitula proferens spinosa , ac globosa , Nucis fere magnitudine senis ut plurimum spinosis foliolis , cauliculi fastigium orbiculariter ambientibus incumbencia , quæ una cum capitulis cæruleo nitent colore : flores autem Eryngio vulgari similes , albicantes . In maritimis septemtrionalibus , tum mediterraneis oris frequens sponte nascitur .

Licet Eryngii marini radices rarius hîc usitatæ sint , attamen a pluribus Eryngio vulgari anteponuntur , velut viribus præstantiores . Præter virtutes cum vulgari communes , J. Rajus eas utiles etiam adversus pestem , & aeris contagionem , saccharo conditas & mane jejuno ventriculo sumptas ; insuper tabidis & macilentis valde proficuas esse , ac tandem lûi venereæ mederi scribit .

ERYSIMUM.

ERysimum vulgare , & Irio , *Off.* Erysimum vulgare C. B. P. 100. *Inst.* R. H. 228. Erysimum *Tragi* , flosculis luteis juxta muros proveniens J. B. 2. 863. Erysimum , Irio 1. *Tab. Icon.* 448. Hierobotane fœmina *Brunsfels* : Verbena fœmina , & Sinapi 7. *Trag.* 102. Cleome Octavii , *Anguill* : Eruca hirsuta , siliqua cauli appressa Erysimum dicta , *Raii Histor.* 810. vulgo , *Velar* ou *Tortelle* .

E radice simplici , minimum digitum vix crassa , alba , lignosa , acri & Rapæ sapore , caules profert duos cubitos superantes , rotundos , firmos , asperos , & ramosos : in quibus folia ad exortam nascuntur plurima , palmo longiora , hirsuta , in plura segmenta quasi trigona utrimque divisa , quorum supremum amplius & trifidum . Flores pusilli longissima serie in ramis digeruntur cruciformes , e quatuor petalis luteis compositi , cum calyce tetraphyllo & hirsuto . Pistillum mutatur in siliquam semiuncia longiorem , teretem , corniculatam , in duas distinctam capsulas , in quibus semina continentur exigua spadicea , & gustu ferventia . In muris & ruderibus , & ad sepes non raro invenitur . Herba integra in usum venit .

Analyfi chymica , ex foliorum & summitatum Erysimi vulgaris ℥v. per retortam distillatis prodierunt humoris limpidi , odoris & saporis herbacei , obscure salis & alcalini ℥iv. ℥iij. ℥ij. gr. xvij. humoris salis , alcalini , urinosi ℥j. ℥ij. humoris rufi , sale volatili urinoso copioso imprægnati ℥ij. ℥iij. gr. xlvij. olei ℥vj. gr. xlvij. Massa nigra in retorta residua pendebat ℥iv. ℥v. quæ rite calcinata reliquit cinerum ℥ij. ℥v. gr. xlij. ex quibus lixivio salis fixi mere alcali ℥j. gr. xvij. extracta sunt . Partium jactura in distillatione fuit ℥iij. ℥iv. gr. xxx. in calcinatione ℥ij. gr. xxx.

Erysi-

Erysimi foliorum sapor herbaceus est, subsalsus, & aliquantisper glutinosus. Chartam cœruleam succus rubro colore tingit, licet analysi chymica parum acidi præbeat. Salem essentialem continere videtur ammoniacalem cum multo phlegmate, sulphure, & terra involutum.

Vires ejus sunt egregiæ in resolvendo muco viscido canales bronchiorum, & vesiculas pulmonum investiente, faucesque occupante. Tenuibus enim, volatilibus, & acribus suis particulis crassum hunc ac tenacem mucum incidit, resolvit, & abstergit, illum per expectorationem evacuando. Unde in asthmate, pulmonum affectionibus, tussi chronica, raucedine, & aphonia a materia crassa, non inelegans est medicina, & a Lobelio, & Pena commendata. Phonascos plurimos tum juvenes, tum ætatis provectæ ferme jam amissa voce, unius Erysimi ope a Rondeletio qui primus illius usum monuit, paucis diebus fuisse restitutos asserunt. Ex eo paratur celebris ille syrupus de Erysimi Lobelii, seu pro raucedine, qui vulgo Syrupus Cantatoris, *le Syrop du Chantre*, nominatur. Viribus tamen inferior non est syrupus de Erysimi simplex ex Erysimi succo expresso cum Melle confectus, quo diu, & assidue utendum, corpore prius purgato. Dos. ℥j. in decocto pectorali.

Herba incisa vel contusa ad M. j. aut M. ij. per aliquot horas in aqua vel hydromel. maceratur, & colatura tepens propinatur.

Nec solam pituitam viscidam in pulmonibus aut faucibus hærentem, sed etiam in ventriculo aut intestinis cumulatam dissolvit, unde colicis doloribus ab hoc muco oriundis convenit. Multos, colico dolore laborantes Erysimi decocto Riverius curavit. Ejus infusum ex vino efficacius adhuc remedium est. Scire licet non forti aut diuturna coctione Erysimum indigere, sicut de plantis antiscorbuticis jam monuimus; ignis enim partes ejus volatiles secum abripit, ac proinde vim, & energiam destruit.

Vi antiscorbutica instruitur hæc planta, & præsertim semen ejus, sicut Erucæ, & Sinapis semina, quibuscum sapore etiam convenit. Idem semen ab Ettmullero in ischuria seu suppressione urinæ commendatur ad ℥j. exhibitum, & a Lobelio ad ulcera pulmonum abstergenda.

Extrinsècus utile est Erysimum in cancro non exulcerato, tumoribusque renitentibus.

Alia est Erysimi species quæ Erysimi vulgaris defectu huic substituitur, & dicitur

Erysimum latifolium majus glabrum, C. B. P. 101. & *Inst. R. H.* 228. Irìo Apulus alter, lævi Erucæ folio, *Col. p.* 1. 265. Sinapi sylvestre Monspessulanum, lato folio, flosculo luteo, minimo, filiqua longissima, *J. B.* 2. 858. Erysimum Monspessulanum Sinapeos foliis, *Raii Histor.* 812. In agro Parisiensi quoque nascitur, nec a prioris virtutibus multum discrepat.

E S U L A.

SUB Esulæ nomine Pharmacopœi diversis in regionibus diversas exhibere solent Tithymali species, & eam seligunt, quæ frequentius apud ipsos occurrit. Alii enim usurpant radices Tithymali Cyparissæ, alii radices Tithymali

mali foliis Pini , alii utuntur radicibus Tithymali palustris fruticosi , nonnulli Tithymali Helioscopii radicibus : nec in eo vituperandos Cl. Tournefortius existimat , quandoquidem iisdem facultatibus pollent , eodemque modo præparari debent . Hic vero duæ stirpes sub Esulæ nomine in Officinis occurrunt , altera Esula proprie dicta seu Esula minor , altera Esula major .

Esula , Esula minor , Off. Tithymalus Cyparissias , C. B. P. 291. Inst. R. H. 86. Tithymalus Cupressinus sive Humipinus , Lobel. Icon. 356. Esula Officinarum , Cæsalp. 374. vulgo , *Esule* , ou *petite Esule* .

Radice est minimo digito crassiori , lignosa , fibrosa , nonnunquam serpente , saporis acris , pungentis & nauseosi : caulibus cubitalibus in summo ramosis : in quibus folia densissime nascuntur , primo Linariæ forma , mollia , postea vero tenuiora multo & capillacea , cum in ramos dividitur . Flores in summis ramulis , veluti umbellati , monopetali , urceoli forma , virescentes , in quatuor partes distincti quasi circinatas . Pistillus mutatur in fructum trigonum & tricapsularem , in quo semina subrotunda tria continentur . Tota planta lacte turget . Nascitur ubi vis secus vias & in sylvis . Ab eadem quoque radice exsurgunt cauliculi , quorum folia breviora multo , pinguiora , subrotunda , adversa parte plurimis punctulis seu stigmatis rufis notata , in quibus ramulis nullum florem J. Bauhinus observavit . Hos surculos pro abortu J. Rajus habet , licet a nonnullis pro privata specie proponantur . Hinc patet quid sentiendum sit (inquit J. Bauhinus) de Tithymalo Styctophyllo *Thalii* , idest Cyparissia foliis punctis croceis notatis C. B. & foliis maculatis *Parkins.* Hic Tithymalus pro anni tempore , & ætate insigniter variat : non raro enim verno tempore coma rubente aut flava exit . Ex his varietatibus quas Cl. Tournefortius ipse in hac planta in nemore Bononiensi nata observavit , non mirum est Botánicos de ea tam confuse & obscure scribere . Vix enim intelligi potest , quid sibi velint & quo titulo illam proponant , ut J. Rajus & Cl. Tournefortius illud observaverunt . Ab aliis speciebus tamen discretu facilis est , annotante Rajo , radicibus reptatricibus , statura humili , foliis oblongis , angustis , virentibus , mollibus , & teneris , in caule creberrimis , Linariæ adeo similibus , ut obiter intuentem pro iis fallant ; verum succo lacteo facile distinguuntur , secundum vulgarem illum versiculum :

Esula lactescit , sine lacte Linaria crescit .

Nascitur ubivis secus vias & in sylvis . Radix fere sola in usum venit .

Esula major , Off. Tithymalus foliis Pini , forte Dioscoridis Pithyusa , C. B. P. 292. Inst. R. H. 86. Tithymalo Cyparissia similis , Pithyusa multis , J. B. 3. 665. Tithymalus Pineæ , Lobel. Icon. 357. Tithymalus Pineus , Gerard.

Nascitur in arvis , radice pollicem æquante , acri , pedem longa , & parum fibrosa . Caules cubitales sunt , ramosi , foliis Linariæ vulgaris similibus , flores lunati , fructus trigonus & tricapsularis . Tota planta lactescit . J. Rajus suspicatur hanc plantam ab auctoribus descriptam cum priori unam & eandem plantam esse . Hæc enim a Cyparissia differre videtur sola radice longiore , crassiore , minusque fibrosa , quod quidem varietas prioris esse potest . Eas tamen Cl. Tournefortius & in I. R. H. & in *Materiae Medicæ codicibus* distinguit : quem secuti sumus .

Analyſi chymica , ex Tithymali Cypariſſiæ recentis ℥v. per retortam diſtillatis prodierunt humoris limpidi , cum levi odore & ſapore herbaceo & quadam acredine , primo obſcure ſaſi & alcali , urinoſi , deinde debiliter admodum alcali ℥j. ℥iij. ℥iiij. gr. xlij. humoris limpidi , primo obſcure & leviter alcali , deinde acidi , manifeſti magis ac magis ℥ij. ℥iij. ℥iiij. gr. liij. humoris ruſi , magis ac magis acidi , intenſi , ſub finem ſaſi , aſteri ℥x. ℥v. gr. lxxvij. humoris ruſi , tum acidi , aſteri , tum alcali & ſale volatili urinoſo copioſo imprægnati ℥iij. gr. xxxvj. olei ℥ij. ℥vij. gr. xvij. Maſſa nigra in retorta ſuperſtes pendebat ℥vj. ℥ij. gr. xij. quæ rite calcinata reliquit cinerum ℥j. ℥v. gr. xvij. ex quibus ſalis fixi mere alcali ℥iiij. gr. xvij. extracta ſunt . Partium jactura in diſtillatione fuit ℥j. ℥vij. gr. lix. in calcinatione ℥iiij. ℥iiij. gr. lxxvj.

Tithymali Cypariſſiæ folia ſaporem habent magmatis Amygdalarum ex quibus lac expreſſum fuit , aliquantiſper ſtypticum , ſed abſque amarore aut acredine : chartam cœruleam levi rubore tingunt ; radices intenſiori rubore illam inficiunt , eundemque ſaporem primo referunt , ſed poſtea in faucibus inſignem relinquunt acredinem urentem . Salem eſſentialem tartareum , aluminosum continere videtur hæc planta cum ſulphure reſinoſo , in foliis parco , in radicibus copioſo permixtum . Quæ quidem mixtura magiſterio Jalapæ vel Scammonii ſeu eorum reſinæ phlegmate dilutæ optime comparari poteſt .

Omnia Tithymalorum genera validam per inferiora purgandi vim obtinent , in primis vero lacteus eorum ſuccus , etiam in exigua quantitate ſumptus , quare raro citra noxam ſumi poteſt .

Eſulæ minoris radix , ejuſque cortex potiſſimum , pituitam validiſſime , præcipue per inferiora purgat , ſed ventriculum vehementer conturbat & interna viſcera inflammât . Si enim ejus corticis tantillulum deglutiat , urentem ardorem non ſolum in faucibus & in æſophago , ſed etiam in ipſo ventriculo accendit . Eam ob cauſam prudentes Medici ab ejus uſu abſtinere ſolent , aut ſaltem nonniſi mitigatam vel aliquo modo temperatam atque præparatam exhibere .

Cortex radicis Eſulæ ſic in Officinis corrigi ſolet . Cortex recens per horas 24. in aceto acerrimo , omphacio , ſucco Cydoniorum , Limonum aut Berberidis maceratur & poſtea exſiccatur . Hac ratione præparata pulvis a ℥j. ad ℥j. exhiberi poteſt , vel in infuſo ad ℥ij. Magnam ſeri copiam extrahit & evacuat ; hydropicis ; cachecticis , & febre quartana , aut intermittente quacumque contumaci laborantibus utiliter præſcribitur , ubi cœtera remedia magis temperata nihil profecerunt . Nec ſolus exhibendus eſt , ſed cum aliquibus medicamentis ejus violentiam temperantibus , tum ſtomachicis , tum mucilaginofis conſociatus .

℥. Cortic. rad. Eſul. pp. ℥j. Cremor. Tartari ℥ß. Elæoſacchar. Citri vel Abſinth. ℥ß. Pulpæ Caſſiæ recentis , vel Conſerv. flor. Aurantior. q. ſ. F. bolus hydragogus .

℥. Cortic. rad. Eſul. pp. ℥iiij. Macis , Galang. ana ℥ij. Glycyrrhiſæ pulver. ℥j. Gumm. Tragacanth. & Bdell. ana ℥iij. M. F. pulvis , cujus doſis a ℥ß. ad ℥j. in morbis contumacibus .

℥. Cort. rad. Eſul. pp. ℥ij. Crem. Tart. ℥ß. Mercur. dulcis ℥ß. Baſam. Peruv. gutt. v. Conſerv. Abſinth. q. ſ. F. bolus purgans in cachecticis affectionibus .

Cavendum tamen ne hæc medicamenta exhibeantur in visceribus delicatioribus, vel æstuantibus.

Extractum ex tota planta præparatur cum vino generoso, vel Spiritu vini diu macerata, cum additione olei Anisi vel Cinnamomi. Dosis ℥j. aut ʒß. Nonnulli folior. ʒij. coquunt in lacte & colaturam propinant ad serum educendum. Semina Esulæ N. x. vel xij. intus sumpta vehementem catharsim movent, nec nisi rusticorum visceribus utilem.

Cortex radicum Esulæ præparatus usurpatur in extracto Catholico & Cholagogo *Rolfincii*, Benedicta laxativa, hydragogo eximio *Renodæi*. Parantur etiam pilulæ de Esula *Fernelii*, quarum dosis a ℥j. ad ℥ij.

EUPATORIUM.

Eupatorii nomen in Officinis tribus diversis plantis assignatur, scilicet Eupatorio vulgari seu Cannabino, Eupatorio Mesue seu Agerato, & Eupatorio veterum seu Agrimonix. De his duobus suo loco sub Agerati & Agrimonix nominibus jam actum est, nunc de illo differendum est.

Eupatorium Cannabinum, Eupatorium vulgare, *Off.* Eupatorium Cannabinum, *C. B. P.* 320. *Inst. R. H.* 455. Eupatorium adulterinum, *J. B.* 2. 1065. Vulgare Hepatorium, *Dod. Tempt.* 28. Eupatorium Avicennæ creditum, *Gesner*: Herba sanctæ Kunigundis, *Tragi* 491. Cannabina aquatica, sive Eupatorium mas, *Lobel. Icon.* 528. vulgo, *Eupatoire d'Avicenne*.

Radice est oblique acta, plurimis fibris majusculis, albicantibus stipata: caule duos tresve cubitos alto, recto, tereti, tomentoso, & in viridi purpurascens, medulla alba pleno, gratum & aromaticum odorem dum inciditur spirante: foliis in caule crebris, adversis, in eodem pediculo ternis, Cannabis folia nonnihil referentibus, oblongis, acuminatis, per ambitum serratis, sapore amaro: floribus velut in umbellas digestis, flosculosis, seu compositis ex plurimis flosculis tubulosis, in summitate quinquifariam divisus, purpurantibus, cum longis capillamentis seu pistillis bifidis, embryoni insidentibus, & calyce longo, tereti ac squamoso comprehensis: seminibus oblongis, sub pappo delitescantibus. Aequola & loca aquis vicina amat. In agro Parisiensi sponte nascitur. Usus est herbæ integræ.

Analyti chymica, ex foliorum Eupatorii Cannabini recentiorum ℔v. per retortam distillatis prodierunt humoris limpidi, odore & sapore non ingrato, obscure acidi ℔ij. ʒix. ʒij. gr. xij. humoris magis ac magis acidi, manifesti, obscure subausteri ℔j. ʒix. ʒiiij. humoris subturbidi, deinde rufescentis, odore & sapore leviter empyreumatico, acidi, subsalsi, & subausteri ʒij. ʒv. gr. xvij. humoris rufi, sale volatili urinoso copioso imprægnati ʒj. ʒj. salis volatilis urinosi concreti, ʒj. gr. viij. olei adiposi ʒij. gr. xxx. Massa nigra in retorta residua pendeat ʒiiij. ʒv. quæ rite calcinata reliquit cinerum ʒj. ʒvj. gr. xxiiij. ex quibus lixivio salis fixi salis ʒiiij. gr. lx. extracta sunt. Partium jactura in distillatione fuit ʒij. ʒiiij. gr. xij. in calcinatione ʒij. ʒvj. gr. xlviij.

Folia Eupatorii amara sunt, chartam cœruleam non mutant. Salem essentialem nitro similem continere videntur cum multo sulphure, & terra copiosa permixtum.

Hepaticum est , aperiens & vulnerarium . Usus præcipuus est in cachexia , ubi massam sanguineam lentescentem dissolvit & hepatis viscerumque tonum roborat & restituit . Catharris & tussi medetur , urinam & suppressa menstrua provocat , cutis vitia emendat . Folia & summitates ad M. j. in seri lactis vel aq. comm. ℥j. levi ebullitione cocta potum constituunt perutilem ad viscerum infarctus & obstructions quæ morbis diuturnis superveniunt , febribus præsertim intermittentibus , cum ægrotautes œdematosi fiunt & ad hydropem proclives . Necnon etiam in hydrope ascite proficuum est illud decoctum post paracenthesim celebratum . Eodem tempore œdematosi ægrotantium pedes herbæ decocto ex vino fovendi sunt , addito tantulum Camphoræ . In jussulis etiam incoquantur ; foliorum ficcatorum infusum Theæ instar sæpius die propinatur . Succus folior. ad ℥ij. præscribitur . Extractum quoque ex hoc succo paratum ad ℥j. exhibetur . Ad scabiem , cutaneos affectus , hepaticas maculas , icterum , Eupatorium cum Fumaria consociatum commendatur .

℥℥. Folior. & summitatum Eupatorii Cannabin. M. ij. Fumar. M. j. Coquantur leviter in seri lactis ℥ij. Colatura per cyathos debitis intervallis propinetur . In hydrope incipiente , & cutaneis affectibus .

Externe folia & summitates floridæ in vino cocta & tumoribus œdematosis admota eos resolvunt ; scroti præsertim tumores aquosos & hydrocelem absque punctione sanant .

Radicibus vim purgantem inesse Gesnerus in seipso expertus asserit his verbis : „ Eupatorii aquatici , vel Avicennæ quorundam , radicis fibras „ in vino nuper decoxi , bibi colatum ; unde per horam post alvus , „ urinaque copiose motæ sunt , & vomitus postea duodecies fere , pituita „ quamplurima evacuata multo tutius & facilius quam ab Helleboro „ ro fiat .

Nihilominus tamen D. J. B. Chomel refert in *Plantar. usualium Historia* , decoctum ℥j. radicum in vini ℥viii. hydropicis propinasse absque ulla per vomitum vel secessum evacuatione . Unde , quæso horum experimentorum diversitas ?

E U P H R A S I A .

Euphrasia , Off. Euphrasia Officinarum , C. B. P. 233. *Inst. R. H.* 174. Euphrasia , J. B. 3. 432. *Dod. Pempt.* 54. Eufragia , *Matthiol. Casalp.* 339. Ophtalmica sive Ocularia , *Eric. Cordi* .

Radice est simplici , exili , tortuosa seu huc illuc reflexa , fibris paucis majusculis donata , lignosa , alba : cauliculo palmari vel sesquipalmari , tereti , subhirsuto , subnigricante , nunc ramoso , alias nudo , cum foliis tres aut quatuor lineas longis , subrotundis , glabris , nitidis , rugosis , cristatis , obscure virentibus , binis ex adverso nascentibus sine pediculis & conjugationibus sese intersecantibus , sapore pingui , subamaro . Ex eorum alis nascuntur flores in summo , monopetali , anomali , personati , albicantes , purpureis tamen ac luteis lineis intus striati , in duo labia distincti , labio superiore surrecto , fornicato , bifido , obtuso , crenato staminula aliquot occultante , inferiore vero trifido segmentis quasi cordatis . Calyx sessilis , cytiniformis , quadrifidus pistillum involvit

posticæ floris parti infixum, quod deinde abit in fructum seu capsulam tres lineas longam, compressam, fuscam, in duo loculamenta distinctam, in quibus adsunt semina plura minutissima, oblonga, cinerea. Agri Parisiensis incola frequens nascitur in montanis, herbidis & sylvosis. Herba florida in usum venit.

Analyti chymica, ex totius plantæ floridæ recentis ℥v. dempta radice per retortam distillatis distillaverunt humoris primo limpidi, fere inodori, saporis herbacei, obscure acidi, deinde manifeste acidi magis ac magis, sub finem rufescentis, odoris & saporis empyreumatici ac tandem austeri ℥iiij. ℥j. ℥v. gr. lx. humoris rufescentis, sale volatili urinoso copioso imprægnati ℥ij. gr. xxiiij. olei spissi ad instar extracti ℥j. ℥j. gr. lx. Massa nigra in retorta superstes pendebat ℥vj. ℥v. quæ rite calcinata reliquit cinerum cerulescentium ℥j. ℥vj. gr. xxiiij. ex quibus salis fixi mere alcali ℥iiij. gr. l. lixivio extracta sunt. Partium jactura in distillatione fuit ℥iiij. ℥ij. in calcinatione ℥iiij. ℥vj. gr. xlvij.

Euphrasie folia amara sunt, eorum succus chartam cœruleam colore purpureo leviter tingit. Salem essentialem obtinent tartareo-ammoniaca-lem cum sulphure copioso & multa terra conjunctum.

Euphrasia humores lentos & glutinosos, serosos, præsertim in cerebro concrecentes, potenter discutit & ad circulationem habiles reddit, aliquantisper etiam subadstringit, & laxum fibrarum tonum in glandulis cerebri firmat & restituit. Quare cephalica dicitur & ophtalmica. Siquidem quoquomodo sumpta, seu in pulverem redacta, & cum vino aut aqua Verbenæ vel Fœniculi pota, seu per se sola aut cum alimentis masticata & deglutita, seu succus ejus expressus visionem mirifice roborat & adauget, debilem aut amissam reparat & restituit. Fabricius Hildanus, auctor in primis celebris & fide dignissimus *Centur. Epistol.* 103. tantam esse ait Euphrasie in imbecillitate visus vim & efficaciam, ut ejus usu septuagenarios quosdam, propter vigilias & studia plurima amisso visu, in decrepita ista ætate eum recuperavisse observaverit. Fuchsius in cataractis & suffusionibus eam commendat. Datur autem commodissime in pulverem trita a ℥j. ad ℥ij. Additur non raro Fœniculi semen pari pondere, & nonnihil Maceris, cui Sacchari tantillum additur. Exhibetur mane jejuno ventriculo, & quidem per continuos non modo dies, sed & menses & annos. Alii hujus pulvis ℥j. ter die præscribunt, mane scilicet jejuno ventriculo, paulo ante prandium & cœnam. Fit & ex Euphrasia vinum vindemiæ tempore, cujus usu senum etiam oculi rejuvenescere feruntur, auferrique omne oculorum impedimentum visusque defectionem, præsertim pituita crudisque humoribus redundantibus, ut auctor est Arnoldus Villanovanus. Attamen S. Paulli post Lobelium, Camerarium, Cl. Hoffmannum & alios, non promiscue vino Euphrasia-to utendum esse nos admonet; non enim curat quamvis caliginem, ait Camerarius, sed illam, quæ est a frigidityte, neque hanc omnem, sed positive a pituita. Imo notat Lobelius socium ac commilitonem suum, ex trimestri tantum hujus vini potu in Helvetia, pene ambobus orbatum fuisse oculis & fluxionibus modo non oppressum, cum antea dumtaxat levi cataphora & lacrymatiunculis laboraret. Hinc idem sciscit tutiorem esse pulveris Euphrasie usum.

Emmanuel Konig in *Regno Vegetabili* hunc pulverem, si cum Millepe-

dum pulvere confocietur , efficaciorē esse censeat . Non solum ad visus læsionem valet Euphrasia , sed etiam ad capitis affectiones a nimia lymphæ visciditate , aut fibrarum cerebri laxitate plurimum commendatur . Schroderus memoriam debilitatam ab illa restitui scribit . Eandem scotomiæ mederi J. Rajus refert : & Fridericus Hoffmannus in *Clavi Pharmaceutica* , Euphrasiam præsertim flore albo in vino decoctam contra icterum flavum utilem deprehendisse asserit .

Inflammationibus & caligini oculorum herba recens tusa & imposita , aut succus ejus oculis inditus , vel etiam aqua distillata plurimum conferunt .

℥. Euphras. exsiccata. & pulver. ℥ij. Macis pulver. ℥ss. M. F. pulvis subtilis , de quo cochlear medium seu ℥j. ante cibum mane & sero deglutatur ex aq. Verbenæ , Fœniculi , aut vino .

℥. Euphras. pulver. ℥j. Semin. Fœniculi dulcis ℥ss. Macis ℥j. Sacchar. cand. in tenuissimum pollinem redacti ℥j. M. F. pulvis qui non solum visus debilitati medetur , sed etiam eximie valet ad capitis dolorem , si quotidie sub ingressum in lectum sumatur cum haustulo vini , observante Th. Fuller in *sua Pharmacop. extemporan.* qui cephalica medicamenta opportunius & fœlicius hora somni quam ullo alio tempore exhiberi pronunciat .

℥. Euphras. pulver. ℥j. Semin. Fœnicul. & Milleped. pp. ana ℥ss. Syrup. Stæchad. q. s. M. F. bolus bis die sumendus , in oculorum caligine , glaucomate aut cataracta .

℥. Euphras. pulver. Cran. human. pulver. ana ℥ss. Rad. Pæon. mar. Semin. Fœnicul. dulc. pulver. & Cinnabar. Antimon. ana ℥ij. Syrup. de Stæchad. q. s. M. F. electuar. Dosis ℥j. bis terve die in capitis affectionibus , paralyti & comatosi affectionibus a pituita viscida .

℥. Euphras. M. j. in vasi idoneo impositæ affunde aq. bullientis ℔ss. & post unam aut alteram ebullitionem , macerentur per horæ quadrantem . Liquor clarus Theæ modo sumatur per cyathos debitis intervallis . In visus imbecillitate

Aqua Euphrasæ distillata in Officinis servatur pauci effectus .

F A B A .

Faba , Faba major hortensis , Off. Faba flore candido , lituris nigris conspicuo , C. B. P. 338. I. R. H. 391. Faba cyamos , J. B. 2. 278. Faba major recentiorum , Lobel. Icon. 57. Bona sive Phaselus major , Dod. Pempt. 713. Faba major hortensis , Gerard & Parkins : Faba , Raii Hist. 909. vulgo , *Fève de maret* .

Radice partim est recta , partim serpente , strumosa & fibris donata : ex qua caules surgunt bicubitales & altiores , quadrangulares , inanes , cum costis plurimis ex intervallis adnascensibus , in mucronem , desinentibus , quibus annexæ sunt foliorum conjugationes non exactæ , tres , quatuor , quinque , vel plures ex oblongo rotundorum , subpinguium , cœsiorum , venosorum , glabrorum . Ex costarum alis flores nascuntur complures , ex uno tantum pediculo seriatim & eodem latere appensi , papi-

papilionacei , quorum vexillum ungue purpurascente albidum , striis purpurantibus pictum est : alæ in medio nigræ , in ambitu albæ , carina colore est ex albo herbaceo . Ex calyce autem viridi , quinquifido surgit pistillum quod deinde abit in filiquam longam , crassam , carnosam , hirsutam , surrectam , seminibus seu Fabis foetam tribus , quatuor , quinque , raro pluribus , oblongis , latis , planis , compressis , quasi reniformibus , maximis , dimidiam drachmam interdum pendentibus , colore plerumque albo , interdum rubente , hilo in summa parte qua filiquarum commissuris adhærent , longo , nigro . Putamen hujus Fabæ densum est & velut coriaceum , interior substantia exsiccata , dura solidaque , in duas partes facile finditur , & ab uno latere germinationis principium evidens seu plantulam habet . Postquam semen dedit , radicitus exarescit . Stipites , folia , flores , filiquæ & Fabæ in usum medicum veniunt . Fabæ virides & maturæ exsiccatæ inter edulia mensis apponuntur . Colitur in suburbiis hujus civitatis & agris palustribus magna copia .

Analyſi chymica , foliorum & stipitum recentium ℥v. per vaporarium distillatæ præbuerunt humoris limpidi , inodori & insipidi : mere phlegmatici ℥x. humoris limpidi , inodori & insipidi , obscure acidi ℥ij. ℥viij. ℥iij. humoris limpidi , manifeste acidi ℥x. ℥iij. Massa sicca in alambice residua per retortam distillata præbuit humoris rufescentis , intense acidi , aliquantisper alcali , urinosi ℥iij. ℥vj. gr. xxxvj. humoris limpidi , rufi , empyreumatici , sale volatili urinoso imprægnati ℥j. ℥j. gr. xxiiij. olei syrupi ad instar spissi ℥ij. Massa nigra in retorta superstes pendebat ℥v. ℥vj. quæ rite in crucibulo per 8. horas calcinata reliquit cinerum albicantium ℥ij. gr. xij. ex quibus salis fixi mere alcali ℥j. gr. l. lixivio extracta sunt . Partium jactura in distillatione fuit ℥vj. ℥iiij. gr. xij. in calcinatione ℥iij. ℥v. gr. lx.

Stipites seu caules recentes absque foliis distillati minorem olei quantitatem præbuerunt quam folia , plus massæ nigræ , quæ calcinata majorem salis fixi alcali quantitatem , minorem vero terræ portionem exhibuit .

Ex Fabarum virentium recentium ℥v. per retortam distillatis prodierunt humoris leviter rufescentis , saporem odoremque decocti Hordei referentis & obscure salis ℥xiiij. gr. lx. humoris limpidi , ejusdem odoris & saporis , primo obscure salis & obscure acidi , deinde subacidi ac tandem manifeste acidi ℥ij. ℥x. ℥iiij. gr. xxviij. humoris primo subturbidi & rufescentis , ejusdem saporis & odoris , obscure acidi & subsalis ℥iiij. ℥iiij. gr. xvij. humoris rufi , odoris & saporis empyreumatici , salis , urinosi , sale volatili urinoso copioso imprægnati ℥v. ℥iij. gr. xxiv. salis volatilis urinosi concreti ℥iij. gr. xij. olei spissi ad instar extracti ℥j. gr. xv. Massa nigra in retorta residua pendebat ℥iiij. ℥vj. gr. xxxvj. quæ calcinata reliquit cinerum ℥vj. ex quibus salis fixi alcali ℥iij. gr. xij. lixivio sunt extracta . Partium jactura in distillatione fuit ℥iiij. ℥j. gr. xxxiiij. in calcinatione ℥iiij. gr. xxxvj.

Ex Fabarum maturarum & exsiccatarum ℥v. per retortam distillatis prodierunt humoris limpidi , inodori , & insipidi , obscure subsalis ℥viiij. ℥viij. gr. viij. humoris rufescentis , æcris , salis , urinosi ℥ij. ℥j. gr. xvj. humoris rufi , empyreumatici , acerrimi , sale volatili urinoso copioso imprægnati ℥viiij. ℥viij. gr. viij. salis volatilis urinosi ℥j. gr. lxiiij. olei ℥v. ℥vj. gr. xlviiij. Massa nigra in retorta residua pendebat ℥ij. ℥iiij. ℥iiij.

gr. xxxj. quæ calcinata reliquit cinerum ℥ij. ℥j. gr. lxxvj. ex quibus salis fixi mere alcali ℥j. ℥j. gr. xxxij. lixivio extracta sunt. Partium jactura in distillatione fuit ℥xv. ℥vij. gr. xl. in calcinatione ℔j. ℥ij. ℥j. gr. xlvij.

Foliorum Fabæ succus chartam cæruleam rubro colore tingit, non item Fabarum recentium viridium succus. Salem essentialem folia continent tartaro haud dissimilem cum mediocri sulphuris & terræ portione conjunctum. Fabæ virides essentialem obtinent salem ammoniacalem cum sulphure copioso, terra & magna phlegmatis copia sic permixtum, ut mucaginem simul constituent. At vero cum maturæ sunt & aliquantisper asservatæ & exsiccatae, quadam intus suscepta fermentatione, mucago illa dissolvitur, principia magis ac magis evolvuntur, acidi sales nova & diversa cum sulphure & terra mixtione in sales urinosos volatiles aut alcalinos fixos convertuntur; unde major horum salium volatilium copia in Fabis maturis deprehenditur, & nihil fere acidi salis in distillatione fundunt.

Faba legumen primum fuisse quo homines usi sunt, Isidorus L. 17. *Origin. C. 4.* asserit: & Plinius quoque Fabæ honorem inter legumina fuisse maximum testatur, & ex ea etiam tentatum esse panem. Ex Faba farinam conficiebant Latini quæ Lomentum teste eodem dicebatur, sicut ea quæ mola leviter tantum confracta, Faba fressa (a frendeo, frango) nuncupabatur.

Verum an Faba nostra sive Bona quorundam recentiorum sit veterum Faba non levis est inter Botánicos controversia: ut videre licet apud Tragus, Dodonæum, J. Bauhinum, Casp. Hoffmannum, Melchiorum Sebizium &c. Certe veterum Faba parva fuit & rotunda, ut patet ex pluribus locis Theophrasti, Dioscoridis, & aliorum. Econtra tamen certe vix credibile est legumen adeo vulgare & quotidiani usus in desuetudinem abiisse, aut nomen mutasse; in ejus locum nomenque Boonam successisse nemine conscio. Hæc enim nobis pro Faba, & Faba latinis pro *χουμω* unanimi consensu tradita est. Quod tamen non est impossibile.

De Fabarum natura & facultate auctores non inter se conveniunt. Vulgaris est opinio Fabas nostras flatulentas esse & difficilis coctionis & tanto magis quo viridiores, ac proinde crassum & excrementosum alimentum præbere corpori. J. Rajus cum Trago eas recentes innoxias esse asserit; nec probat sententiam Dodonæi aridas & exsiccatas recentibus præferentis, utpote minus flatulentas, sed potius cum Trago eas rusticis & operariis relinquit. Nec video, inquit, cur Porcos, aliaque animalia saginent, non æque homines. Præterea Mundyus *De Esculentis*, p. 121. se novisse scribit rusticum quemdam pauperem, qui in gravi annonæ difficultate Fabis solis elixis, nec ulla alia re, liberos aluit. Pueris tamen ita pastis melius coloratos aut habitiores vix alios videres. Unde constat copiose nutrire Fabas aridas, postquam ventriculus eas ferre assueverit.

Verum enimvero non ex brutis ad hominem valet Raii conclusio. Fœnum enim & palea optima sunt Equorum edulia, hominibus parum proficua. Neque omnibus omnia alimenta æque accommoda sunt. Rustici & duris laboribus assueti illis indigent cibis, quæ multum & crassum præbent nutrimentum, quibus delicatiores & otiosam vitam ducentes læduntur. Peritiores Medici fere omnes pronuntiant Fabas quocumque modo,

ac ratione apparatus atque conditas difficilis esse coctionis, & flatus parere, obstructions in visceribus, mesenterio, meatibus urinariis creare, propter flatus, quos gignunt, maxime virides, ventrem distendere, colicam gignere, ructus & crespitus causare, caput gravare, mentem turbare, visum hebetare, viresque ingenii enervare sæpius & immoderatus esitatas. Quapropter vitandæ sunt delicatulis, & illis qui calculo, colicæ passionis capitis dolori, & alvi constipationi sunt obnoxii. Declinandæ quoque otiosi, litterarum studiis addictis, & quibus ventriculus est debilior, visusque hebetior. Revera hujus cibi flatulentia condimentis flatus discutientibus, Cœpis, Porris, Apio, Petroselino, Satureja, Piper, aromatis, non parum emendatur.

Cœterum viridis ac recens summopere a nostris Parisiensibus commendatur in re excaria, expetiturque avidissime lautiorum mensis & procerum gulæ. Alias juscula ex iis parantur, alias in sartagine ex lardo, aut butyro, aut oleo aliove pingui frigunt quibus Saturejam, Piper aut alia ejusmodi adjiciunt. Hæ autem cum durescere incipiunt & ad maturitatem properantes, delibrantur ac decorticantur, sicque delicatiores ac teneriores eduntur. Siccæ vero coquuntur, trajiciuntur, & quasi puls conficitur, quæ ex butyro vel lardo frizo coquitur. Itali recentes cum siliquis crudas esitant cum & sine sale: Verum sapidum & gulæ placens magis quam valetudini conducens edulium præbent.

De adstringente facultate farinæ Fabarum, ejusque proinde usu a nonnullis in dysenteria commendato Medici quoque inter se dissentiunt. Cl. Hoffmannus a farina Fabacea, seu Faba fressa veteribus dicta, & Lomento Fabæ, quia paratur sine cortice, non oportere ait ullam expectare adstrictionem, quæ corticis est, non autem substantiæ: ac proinde in errore versari illos, qui hac farina vel in aceto solo, vel in aceto & aqua decocta utuntur in alvi fluxibus ex fibrarum intestinalium laxitate; nisi enim totæ decoquantur, nihil fit. Dodonæus econtra Fabam cum putaminibus descendere ait nec omnino facile, nec omnino tarde: absque his autem alvum constringere. Huic assentiri videtur J. Rajus, rem tamen experientia determinandam relinquendo. Hanc litem S. Paulli dirimeret experientia in suo *Quadripartito* allata, nisi illud Hippocratis effatum, *Experientia fallax*, sæpius nimis verum deprehenderetur. Narrat, quemdam cruenta alvi excretionem jugi, seu diarrhæa cruenta, absentibus signis hepatico fluxui, & dysentericæ propriis, tres quatuor menses integros laborasse, cum antehac nullum levamen persensisset a medicamentis præscriptis, præter omnem spem, integre pristinam valetudinem fuisse consecutum solo usu Fabarum & præsertim rubrarum non contritarum, ex lacte pulmenti in modum coctarum, quo a Gregorio cive Hafniensi quodam vescei jussus erat, mane jejunos, & vesperi cubitum iturus. Hic enim ægrotans recuperatam bonam valetudinem fortasse non tam Fabis debuit, quam lacti quo incoquebantur. Sed ad externum, certiores earum usum progrediamur.

Pulvis seu farina Fabarum ex Fabis decorticatis per trituram parata inter quatuor farinas resolventes numeratur, Hordei scilicet, Orobi, Lupinorum, & Fabarum. Externe in contusionibus & inflammationibus partium glandulosarum discutiendis, & resolvendis vel ad suppurationem perducendis

dis plurimum confert : quibus cum aqua vel lacte cocta sub cataplasmatibus forma applicari solet . In testium inflammationibus , & tumoribus a contractione violenta , casu , contusione , suppressione seminis , & similibus a Riverio & Ettmullero cataplasma ex ea sola cocta cum oxycrato , seu aqua simplici & aceto , vel cum dimidio pulveris seminis Cymini , calide applicatum velut egregium discutiens & resolvens commendatur . Quod si acrius videatur cataplasma , addito pauco Lithargyrio , acrimonia aceti frangi , & ita pro mitigandis & resolvendis inflammationibus idoneum reddi potest . Idem cataplasma valet etiam ad tumores scroti duros & scirrhusos , ad mammarum tumores .

℥. Farinæ Fabar. ℥iij. Semin. Cumini pulv. ℥j. Lithargyrii P. j. aceti acerrimi ℥ij. aq. comm. q. s. M. f. a. Coq. ad cataplasmatibus consistentiam .

Inter cosmetica eadem farina Fabarum refertur , si nempe cum aquis cosmeticis v. g. florum Fabarum aqua distillata , vel sigilli Salomonis , permixta forma pultis liquidæ , faciei lentiginibus , item oculis suffusis applicetur .

Dux in Officinis aquæ distillantur : prima ex Fabarum floribus . Inter cosmetica non infimum locum obtinet . Lentigines , & faciei maculas detergit . Altera ex corticibus seu conchis Fabarum elicetur , urinas pellit , & adversus nephritidem & calculos a Thoma Bartholino plurimum commendatur propria experientia edocto , *Epistolar. Centur. 1. p. 238. Epist. 55.* Salem quoque ex stipitibus , & siliquis Fabarum combustis & calcinatis lixivio extrahunt , potens quidem diureticum . Ettmullerus hunc salem ex cineribus cum vino eluendum esse suadet . Nonnulli finum columbinum cineribus in calcinatione admiscunt , sicque salem obtinent diureticum & antihydropicum potentissimum . Ad gr. viij. vel x. præscribitur in haustu liquoris convenientis cum syrupo de Althæa edulcati ; & pro lubitu pluries die reiteratur .

Cæterum pro immundo edulio Ægyptii Fabas habuisse dicuntur . Ab illis eorum Sacerdotes abstinebant , teste Herodoto . Has etiam damnasæ Pythagoram quidam putarunt : sed contra alii nullo legumine sæpius usum fuisse tuentur , qualis est Aristoxenus apud Aulum Gellium *L. 4. no. a. c. 11. Inst. R. H.* At vero Pythagoricum illud symbolum *Κυαπων απέχεσθαι* , a Fabis abstineto , varie interpretantur veteres & recentiores . Alii de Fabis simpliciter accipiunt , a quibus ideo abstinere Pythagoras præcipit , quia sunt flatulentæ , veneris incentivæ , mentis tranquillitati contrariæ , infomniæque turbulenta efficientes : vel ut alii volunt , teste Plinio , quia mortuorum animæ sunt in illis , & quia in floribus earum litteræ lugubres reperiuntur . Alii *Κυαπὺς* , Fabas symbolice & ænigmatice testiculo appellatos ajunt , quia sunt *ἄτιοι τῆς φύσεως* , auctores fœcunditatis seu generationis . Unde non a Faba comedenda , sed a rei venereæ proluvio voluisse philosophum homines deducere . Tandem alii , ut Plutarchus ipse , a muneribus reipublicæ tractandis abstinendum interpretantur . Nam veteres vice calculorum in magistratibus eligendis Fabis utebantur .

F A G O P Y R U M .

Fagopyrum , Fagotriticum , Frumentum Sarracenicum , *Off. Fagopyrum vulgare , erectum , Inst. R. H. 511.* Erysimum Theophrasti folio Hedera.

deraceo, C. B. P. 27. Fagotriticum, J. B. 2. 993. Erysimum Theophrasti, Lobel. Icon. 63. Ocymum veterum, Tragi 648. Ocymum cereale, Clus. Pan. & Tabern. Icon. Fagopyrum, Dod. Pempt. 512. & Raii Histor. 182. Tragopyron, Gerardi Emaculati, & Parkins: Frumentum Sarracenicum, Matthiol. Lugd: vulgo *Bled noir* ou *Bled sarrasin*.

Radice nititur surculosa, plurimis fibrillis capillata: caule surgit cubitali & altiore, simplici, tereti, glabro, solido, viridi, sed in apricis purpureo ramoso, ramulis alternatim e foliorum sinubus exeuntibus. Folia ima pediculis duas uncias longis insident, superiorum in caule pediculi sensim breviores sunt, donec tandem in summo immediate adnascantur, hederacea, glabra, atro-virentia, per margines æqualia, sapore fatuo. In summis caulibus & ramulis ex alis foliorum egrédiuntur surculi seu pediculi unciales, tenues, flores sustinentes in spicas habitiores seu muscaria congestos, pulchellos, apetalos, plurimis staminibus rubentibus constantes, e calyce quinquepartito, ex albo purpurascente surgentes. Pistillum autem abit deinde in semen oblongum, triquetrum, sordido colore nigricans, in capsula quæ calyx floris fuit reconditum, farinam intus continens candidissimam, insipidam. Ajunt Africanæ originis esse. Apud nos in arvis feritur, nec ullum fere solum refugit. Gaudet imbribus, cito provenit & celeriter maturescit. Seminis farina usitata est.

Analyfi chymica, Fagopyri semen præter liquorem acidum copiosum, plurimam olei mediocrem spiritus volatilis urinosi portionem, parum vero terræ & salis fixi præbuit. Vulgare est in hocce regno Frumentum Sarracenicum dictum, quo solo vel cuiuspiam alteri mixto rura sæpissime utuntur, cum præsertim per annonæ gravitatem non alia frumenta suppetunt. Tritico, Secali & Hordeo minus nutrit, plus tamen quam Milium & Panicum. Panis ex eo confectus ater est, gustu non insuavis & hordeaceo multo sapore antecellit: humidus est, citiusque descendit ac flatulenti plus obtinet quam ex Secali coctus. Accommodum est edulium hominibus laboribus & exercitiis addictis.

Potest ex eo parari crassior farina, cujus erit usus ad pultes, offas, placentas cum lacte, vel butyro, vel oleo & sale, vel carniū jure: nec est injucundum edulium, & quamquam flatulentum, Milio, Pisis, Fabis anteponendum. Pulmentaria atque placentæ ex ejus farina confectæ facile concoquuntur, cito descendunt, alimentumque corpori afferunt, exiguum quidem, non tamen malum aut vitiosum. A Petro Pavio Medico Amstelodamensi celeberrimo & S. Paulli in *Quadr. Botanico*, senibus quorum alvus nimis est contricta maxime commendantur.

Ejus farina in cataplasmatibus resolventibus & emollientibus utiliter usurpari potest. Optime resolvit, digerit & maturat.

Herba viridi priusquam semen maturaverit, boves & jumenta pascuntur. Semine gallinaceum genus cibatur, eoque cito facileque pinguescit.

Furfuræ ex hujus seminis farina extracto hortulani ad cellas, quibus hyberno tempore plantæ reconduntur, ab humiditate præservandas feliciter utuntur. Tabulata lignea duorum triumve pollicum intervallo a muris remota construuntur, & vacuum illud inter muros & tabulata spatium hoc furfure accuratissime repletur.

FILIPENDULA.

Filipendula, Off. Filipendula vulgaris, an Molon Plinii, C. B. P. 163. I. R. H. 293. Filipendula J. B. 3. p. 2. 189. Dod. Pempt. 56. Oenanthe, Fuchsi, Cordi, Lobel. Icon. 729. vulgo, Filipendule.

Radice est torosa, nigricante, in plurima extenuata filamenta, quæ versus extrema in nodulos aut bulbos extuberant olivares aut longiores minusque ventricosos, Alphodeli more, foris ex rubro nigricantes, intus albentes, acrimoniam quamdam cum adstrictione, dulcedine & levi amaritudine gustu referentes: Foliis ad radicem plurimis, multifariam pinnatis, Pimpinellæ saxifragæ fere modo, angustioribus, profundius laciniatis, atro-virentibus: caulis plerumque unicus, erectus, dodrantalis, aut etiam pedalis & altior, striatus, ramosus, paucis foliis vestitus, flores in fastigio sustinet velut in umbellæ formam dispositos: rosaceos, sex petalis candidis, exterius subrubentibus, in orbem positis, leviter odoratis constantes, plurimis staminibus & apicibus luteis, & calyce monophyllo, multicuspidi, ex quo surgit pistillum, quod deinde abit in fructum fere globosum, compositum ex undecim, duodecim aut pluribus seminibus asperis, compressis, rhombi irregularis figura, radiatim in capitulum dulioli æmulum collectis. In sylvis circa Lutetiam sponte crescit. Radices, & folia usualia sunt.

Analyti chymica, ex Filipendulæ radicum recentium ℥v. cum ℥iv. prodierunt humoris limpidi, subflavescentis odore, & sapore radices referentis subacidi ℥xij. ℥iv. humoris rufescentis, limpidi, ejusdem odoris, saporis austeri ℥ij. ℥iv. ℥iv. humoris rufescentis, tum acidi austeri, tum salsi, urinosi, empyreumatici ℥vij. ℥vj. gr. xxxvj. olei adiposi ℥vij. Massa nigra in retorta residua pendebat ℥j ℥j. quæ calcinata reliquit cinerum ℥iv. ℥v. ex quibus salis fixi salsi ℥v. lixivio extractæ sunt. Partium jactura in distillatione fuit ℥x. ℥ij. gr. xxxvj. in calcinatione ℥xij. ℥ij.

Filipendulæ folia sapore sunt adstringente, subsalfo, odorata, glutinosa & chartam cæruleam rubro colore tingunt. Rubro magis intenso radices inficiunt. Stypticæ sunt & subamaricantes, & salem essentialem continere videntur tartareum, aluminosum cum copioso sulphure conjunctum. Folia vero, quæ plus acidi humoris, & spiritus urinosi fundunt, salem essentialem ad ammoniacalem magis accedentem continere videntur.

Tota planta humores crassos incidit, attenuat, & per urinas pellit. Inter diureticas plantas locus haud infimus ei a S. Paulli conceditur. Ejus usus a plurimis laudatur in nephritide, ad stimulandum calculum, renes abstergendos, ac vesicæ sabulum, aut mucum viscidum rudimentum calculorum expellendum. Verum quod speciali vi lithontrica polleat, ut nonnulli opinantur, vix sperandum. Radices magis quam folia subadstringunt. In albo mulierum profluvio, & in nimio lochiorum fluxu, usus sunt eximii, teste D. Needham apud Rajum. Pulvis radicum Filipendulæ celebratur in fluore albo mulierum ab experimento a S. Paulli allato in *Quadripart. Botanico*, qui narrat, quamdam Dauci vulgaris decocto, in quo ℥j. pulveris radicum Filipendulæ sibi ipsi pro-

propinarat, profluvio albo muliebri intra paucos dies vindicatam fuisse, plurimis aliis medicamentis incassum propinatis. Hermannus Corbæus quoque apud Dolæum L. 5. C. 4. 5. 20. pro experimento habet quotidie ℥j. radice Filipendulæ virentis cum vino nigro exhibere in eodem fluore. Dy-lenteriam sæpius a se curatam notavit in adversariis suis exhibito ℥j. pon-dere, ex vino aut ovi vitello, ejusdem radice pulvere; quem ante ipsum Lut. Mercatæ L. 1. De recto præsidiorum usu, c. 14. secreti loco commen-daverat. Est sane huic plantæ adeo insignis vis adstringendi, ut hernias quoque ejusdem usu curatas Thomas Carthusius observaverit, ut videre li-cet in *Observationibus Hieronymi Velschii*, 33.

Pulverem, radices, ejusve succum adversus morbum comitalem com-mendant nonnulli. Alii Filipendulam proxime accedere qualitatibus ad Pæ-oniam scripserunt: hinc epilepticis & vertiginosis Filipendulæ radices con-ferre Lobelius retulit. Medentur etiam anhelosis, suspiriosis, ventriculi in-flationibus cum semine Fœniculi.

Sennertus hanc radicem adversus scrophulas commendat. Ettmullerus asserit hanc radicem scrophularum materiam incidere & resolvere, eamque per urinarias vias educere.

Exhibetur sola vel cum Scrophulariæ & Rusci radicibus admixta in de-coctis & pulveribus contra scrophulas.

℥. Radicum Scrophulariæ, Filipendulæ, Rusci ana ℥ß. Folior. Agri-mon. Pimpinellæ ana M. j. Flor. Rorismarin. P. ij. Digerantur vase clauso in vini albi ℥xvj. Colatura dulcoretur Saccharo pro tribus do-sibus.

F I L I X.

PLurimas inter Filices, quas orbis uterque nobis offert, tres potissimum in Officinis usitatæ sunt, scilicet, Filix mas seu non ramosa, Filix fœmina seu ramosa, & Filix florida seu Olmunda regalis.

Filix mas dicta, Filix non ramosa, *Offic.* Filix non ramosa dentata C. B. P. 358. *Inst.* R. H. 536. Filix vulgo mas dicta sive non ramosa J. B. 3. 737. Filix mas *Dod. Pempt.* 462. *Dryopteris Matthiol. Lugdunens.* 1227. Filix mas vulgaris *Parkins. Raii Histor.* 143. Filix mas non ramosa, pin-nulis latis, densis, minutim dentatis *Gerard. Emacul.* vulgo, *Fougere male.*

Ex radice crassa, ramosa, fibrosa, foris nigricante, intus pallida, mul-tis appendicibus involuta, & implexa, saporis primum subdulcis, deinde amariusculi, subadstringentis, odoris nullius verno tempore multos pro-mit asparagos, primo exortu inflexos, cano capillitio obductos, qui pro-gressu temporis abeunt in frondes amplas, bicubitales, crebras, rectas frangi faciles, diluto colore virentes, quæ ex alis seu tarsis (a) aut fo-liis componuntur mediæ costæ musco ferrugineo leviter obductæ alterna-tim adnascentibus, non conjugatim, nec paribus intervallis in pinnula seu cristas latas, & lata basi nervo tarsi medio adnascentes obtusas, circa margines dentatas divisas. Linea nigra nervum uniuscujusque alæ medium superne producta notat. Singulæ pinnulæ supina parte venulis insignes

(a) Ταρπῖς, alarum productio seu expansio.

insignes sunt, prona duplici ordine punctorum ferrugineorum. Hæc puncta fructus reipsa sunt, ut apud Cl. Tournefortium *J. R. H.* videre licet, compositi ex numerosa congerie vesicularum fere ovatarum, minutissimarum, annulo elastica vi donato munitarum & membrana communi involutarum. Per maturitatem corrugatur aut dilaceratur exterior illa communisque membrana, exsiccat & contrahitur annulus elasticus, in binas partes diffiliunt vesiculæ, seminaque fundunt minutissima. Floribus carere videtur hæc planta, aut si qui sint, nondum detecti fuerunt. In agro Parisiensi ubique fere nascitur.

Filix foemina, Filix non ramosa, Filix vulgaris, *Off.* Filix ramosa, major, pinnulis obtusis, non dentatis *C. B. P.* 357. *Inst.* *R. H.* 536. Filix major & prior Trago, sive ramosa repens *J. B.* 3. 735. Filix foemina *Dod. Pempt.* 462. *Gerardi hist.* 149. Thilypteris Filix foemina *Cord. in Dioscor.* vulgo *Fougere commune, Fougere femelle.*

Huic radix est digitum subinde crassa, foris nigricans, intus albida longe lateque importuno reptatu terram occupans, odore gravi, sapore amaricante succoque glutinoso prædita, quæ summa parte oblique aut etiam transversim secta bicipitis aquilæ speciem quamdam exhibet. Caulis seu verius pediculus tres quatuorve cubitos altus rigidus, ramosus, solidus, lævis & aliquatenus angulosus: frondes pinnatæ seu elatæ in tarfos primo, deinde in pinnulas, seu foliola angusta oblonga, acutiuscula, obiter interdum dentata, alias æqualia, dissectæ, superne virides, inferne canescentes. Fructus seu vesiculæ ovatæ fructiferæ, fructibus Filicis maris similes non eodem modo in adversa foliorum parte disponuntur, sed in marginibus pinnularum elongatis & reflexis reconduntur. Nam autumnopinnularum margo circumcirca plerumque producit, incurvatur, & complicatur, sinusque subtus format quosdam, in quibus fructus nascuntur. In pascuis sterilibus ubique fere luxuriat. Utriusque Filicis radices, in primis foeminæ, in usum veniunt.

Analyti chymica foliorum & stipitum Filicis foeminæ *℔v.* per retortam distillatæ præbuerunt humoris limpidi, primo saporis, & odoris fere expertis, deinde subacidi *℔j.* *℥viiij.* *℥iv.* gr. xxxvj. humoris limpidi, acidi, magis ac magis intensi austeri *℔ij.* *℥ix.* *℥vj.* gr. xxx. humoris rufi odoris, & saporis empyreumatici, intense acidi, subsalsi & intense austeri *℥vj.* humoris rufi, sale volatili urinoso imprægnati *℥j.* *℥vij.* olei spissi *℥j.* *℥ij.* gr. xxxvj. Massa nigra in retorta superstes pendebat *℥v.* *℥vij.* gr. xxxvj. quæ rite calcinata reliquit cinerum cærulescentium *℥j.* *℥v.* gr. xxiv. ex quibus lixivio salis alcali fixi *℥iv.* gr. lxij. extracta sunt. Partium jactura in distillatione fuit *℥iiij.* *℥vj.* gr. vj. in calcinatione *℥iv.* *℥ij.* gr. xij.

Filix mas eadem principia distillatione fundit, sed tamen paulo plus olei terræ & salis fixi præbuit.

Ex radicibus Filicis foeminæ recentium *℔v.* per retortam distillatis prodierunt humoris limpidi, odoris, & saporis fere expertis, obscure subacidi *℥xiiij.* *℥iv.* humoris primo limpidi, acidi magis ac magis intense, sub finem rufescentis, odoris, & saporis leviter empyreumatici, ac tandem austeri *℔iiij.* *℥iv.* gran. lxxvj. humoris rufi tum intense acidi, & austeri, tum salis & sale volatili urinoso leviter imprægnati *℥iiij.* *℥ij.* olei *℥iiij.* gr. xlviiij. Massa nigra in retorta residua pendebat *℥ix.* *℥j.* gr. xxxvj. quæ

quæ rite calcinata reliquit cinerum albicantium ℥ij. gr. xxx. ex quibus salis fixi salis ℥j. gr. xx. lixivio extracta sunt. Partium jactura in distillatione fuit ℥iiij. ℥vj. gr. xxx. in calcinatione ℥vij. ℥j. gr. vj.

Radix Filicis maris haud dissimiles substantias analysi chymica præbet. Fœmina minorem olei fluidi quantitatem suppeditat, at plus olei condensati in capite mortuo retinet, quam mas dicta; minorem quoque salis fixi, plus vero terræ.

Filicis fœminæ radix glutinoso succo primo subdulci, amaricante, & subadstringente, fastidioso donatur, qui chartæ cœruleæ colorem mutare nequit. Salem essentialem continere videtur sali coralliorum proximum, ut Cl. Tournefortius opinatur, quodam involutum muco composito ex acido, oleo, terra adstringente, & copioso phlegmate, quorum specialis commixtio ab igne facile destruitur.

J. Rajus narrat pilas seu globulos effici apud Anglos ex utriusque Filicis cineribus cum aqua in massam coactis, & in sole exsiccati, quorum usus est lotricibus ad linteamina mundanda, saponis aut lixivii loco. Antequam iis utantur in ignem luculentum immittunt, donec candescant, tunc enim calcinati facile in pulverem fatiscunt.

Utraque Filice exsiccata, ligni aut straminis inopia, ad furnos calefaciendos rustici utuntur. In Suffexia etiam Angliæ provincia, referente eodem Rajo, ad calcem coquendam adhibetur: est enim ejus flamma vehemens admodum, & huic usui valde idonea. Filix utraque iisdem virtutibus donatur. Marem tamen Filicem J. Rajus rachitidi morbo vulgo dicto peculiariter convenire scribit. Pro cœteris fœmina præ mari sæpius eligitur. Tota planta una cum radice apud antiquos in frequenti admodum fuit usu in morbis chronicis ex melancholia natis, in affectionibus hypochondriacis, præsertim in quibus splen simul affectus fuit, in tumoribus, & scirrhis lienis, & pancreatis. In decoctis, jusculis, potionibus aperientibus, & antispaleneticis præscripta reperitur, nec absque fructu adhibita fuit. Sed cum hodierno tempore delicatioris sint palati homines, & ad ejusmodi decocta diu continuanda nauseent, rarius hodie præscribitur. Forestus tamen valde commendat decoctum radice cum Cuscuta in vino ceu arcanum expertum in splenis affectionibus. Ettmullerus, & alii commendant singulariter sequens decoctum in affectibus melancholicis, & dicunt expertum esse ad lienis tumorem, & duritiem. Quod quidem operatur tum sale suo essentiali concretos humores solvendo, sed multo magis terreis suis particulis, & oleosis adstringentibus fibras partium solidas firmando, & constringendo.

℥. Herbarum Filicis cum sua radice, Sabinæ, Absinth. ana q. l. Coquantur in q. s. aq. comm. vel aquæ ferrator. fabror. ad tertiæ partis diminutionem, vel macerentur in vino: addendo si libet Paspular. minor. contus. q. s. pro grato sapore, de quo sub ingressu lecti unus haustus bibatur.

Filix autem gravidis infensa censetur, ut quæ abortum faciat.

Hujus radix in pulverem redacta, & pondere ℥j. duarum vel trium ex aqua mulsa sumpta lumbricos enecat, imo lumbricorum latorum, quæ latinis Tænia, & solium dicuntur, præsentissima pestis est, teste S. Paulli, eamque inter secretissima sua secreta, inquit, habent, & venditant agyrtæ.

℥. Rad.

℥. Rad. Filic. fœmin. pulver. ℥j. Mercur. dulc. gr. vj. M. F. bol. cum syr. de Absynth.

℥. Rad. Filic. fœmin. Rhei pulv. & summitat. Tanaceti ana ℥j. Cortic. Mor. arbor. & Corallinæ ana ℥ij. Æthiop. mineral. ℥iv. M. F. pulvis. Dosis a ℥ß. ad ℥ij.

Singulare quoque est in Filice experimentum, quod ex Antonio Batto refert de ejus virtute adversus ambusta, si sequenti ratione subigatur.

℥. Radicum Filicis fœminæ q. s. Ex contusis succum exprime, vel in defectu recentiam radicum, sume exsiccatas, & contusis affunde aquam rosaceam vel aquam communem. Tunc per expressionem succus mucilaginosus exprimatur. Hic præ omnibus aliis remediis mirifice prodest.

Tragus idem de hujus radicis succo mucoso confirmat.

Notum est, quosdam populos in frugum inopia e radice Filicis panem confecisse. Cl. Tournefortius in *historiam plantarum circa Lutetiam nascentium* refert seipsum vidisse panes ex hac radice confectos, qui annis 1693. & 1694. ex Arvernia Lutetiam allati fuerant. Saporis erant pessimi, & coloris rufi, similes fere panibus ex querneis confectis cortice, qui ad coria inficienda inservit: vulgo, *Mottes a bruler*. Notum est quoque Filicum cineribus nitri loco injectis saxa collisquescere in vitrum colore viridi & subobscurio.

Filix florida, & Osmunda Regalis; Off. Osmunda vulgaris & palustris *Inst. R. H.* 547. Osmunda Regalis, sive Filix florida *Parkinson. Theatr.* 1038. Filix floribus insignis *J. B.* 3. 736. Filix ramosa non dentata florida *C. B. P.* 357. Filix palustris *Dodon. Pempt.* 436. Filicis majoris alterum genus, *Trag.* 543. Filisticarum *nonnullis*, & Lunaria major *Chimæastrorum quorundam*: vulgo, *Osmonde*, ou *Fougere fleurie*.

Ex uno perplexarum radicum, longarum nigricantium cespite, caules attollit complures, bicubitales & altiores, virides, glabros, striatos, ramis patulos. Hinc inde alæ exoriuntur, pinnatis octo vel novem conjugationibus foliorum impari uno alam claudente constantes. Singularia autem folia omnia sursum spectant, tum quatuorve unciarum longitudine, semiunciam lata, ex principio latiore sensim extenuata, in obrusum mucronem desinentia, a nervo per longitudinem decurrente exporrectis in margines haudquaquam sectos infinitis oblique venulis. Caulis scapus in surculos aliquot divisus racemulos unciales in singulis surculis multos sustinet fructiferos. Floribus enim carere videtur. Flores herbarii dicti, inquit J. Rajus, nihil aliud esse videntur quam folia, ob semina adnascencia, non explicata, sed ad margines reflexa. Fructus vero veluti in uvam collecti capsulæ sunt sphaericæ, Filicum cæterarum capsulis similes, quæ fibrarum contractione rumpuntur, seminaque fundunt minutissima, ut microscopii ope observatur. In quibusdam agri Parisiensis locis sponte nascens reperitur; herba & radix in usum veniunt. Vis præcipua in fructiferis racemis & radicis medulla albicante consistit.

Osmunda analysi chymica a Filice parum differt. At sapore est minus amaro, & adstringente. Minus adstringens, & magis temperata censetur.

Ejus radix ad hernias, & ulcera exploratissimi commodi esse scribit Lobelius; quin etiam colicis, & spleneticis plurimum conferre. Ejusdem radicis mucaginem ad curandam herniam in pueris extra applicatam, ut probatissimum remedium, Paulus Hermans commendat.

Pars illa radicis media subcandida efficacissima censetur non modo vulneratis, sed etiam cæsis, ruptis, ex alto deturbatis, decocta vel etiam tusa, & cum idoneo liquore sumpta. Sunt qui tantam ejus potentiam esse existiment, ut sanguinem alicubi intra corpus hærentem ac concretum dissolvere queat, & foras etiam per vulnus expellere.

Rachitidi morbo dicto remedium præstantissimum, & quasi proprium ac specificum a J. Raio, & Paulo Hermannno prædicatur hujus radix cui percurando vel sola sufficiat. Doctor Boovles in rachitide proponit conservam asparagorum seu germinum teneriorum Osmundæ, & Filicis maris, vel etiam Asplenii, & Phyllitidis, prospero successu.

℥. Summitatum fructiferar. Osmund. M. j. Coq. cum lactis vacc. ℥j. Colatura hauriatur sing. diebus contra rachitidem.

℥. Radicis medull. subcandicantis ℥ij. Capillor. vener. M. j. Coquantur ex aq. ℥ij. F. decoctum contra rachitidem.

F Æ N I C U L U M.

Fœniculi semen duplex est in officinis, vulgare, & dulce.

Fœniculum vulgare, Off. Fœniculum vulgare, minus, acriori, & nigriori semine J. B. 3. p. 2. 2. Inst. R. H. 311. Fœniculum vulgare, Italicum, semine oblongo, gustu acuto C. B. P. 147. Fœniculum sive Marathrum vulgatius Adversar. Lobel. 347. Fœniculum vulgare, Germanicum C. B. P. 147. & Inst. R. H. 311. Fœniculum Dod. Pempt. 297. vulgo, Fenouil commun.

Ex radice vivaci, & in plures annos restibili, digitali aut majore recta, alba, sapore cum quadam dulcedine aromatico, caulis surgit tres aut quatuor cubitos altus, rectus, teres, striatus, geniculatus, lævi, tenui ac virente cortice circumvestitus, fungosa interiorius medulla candida factus, in alas crebras circa fastigium divisus. Pediculi veluti quadam vagina caulem, & ramos complectuntur, quibus folia insident ampla, ramosa, in tenuissima segmenta dissecta, atrovirentia, sapore dulci, odore suavi, quorum singula segmenta teretia sunt, extrema vero capillamentorum instar tenuia. Umbellæ latæ in cacuminibus cauliculorum, & ramulorum eminent rotundæ ac in orbem circinatæ. Flores rosacei, pentapetali, lutei, odorati, calyci insident, qui abit in fructum ex duobus seminibus compositum oblongis, crassiusculis, hinc gibbis, & striatis, inde vero planis, nigricantibus, sapore acriori aut minus dulci. Sponte nascitur in locis saxosis, & calidis in regionibus, ubi cultura semen dulce evadit, & planta aliquantisper variat; hinc quarundam Fœniculi specierum varietas. Hic in hortis colitur. Radices, folia, semina in culinis, & officinis usitata sunt.

Fœniculum dulce, Off. Fœniculum dulce majore, & albo semine J. B. 3. p. 2. 4. Fœniculum dulce C. B. P. 147. Fœniculum sive Marathrum vulgatius, dulce Lobel. Icon. 775. vulgo, Fenouil doux.

Geoffroy Tom. II.

R

A vul-

A vulgari radicibus, foliis, caulibus, & flore vix differre videtur, nisi forte caule minus procero, & graciliore ac foliis minoribus. Semina quidem multo sunt majora, striata, albida, dulcia magis, & minus acria. Hæc Fœniculi species post unum aut alterum annum, iterata satione seminis hinc producti, inquit J. Raius, in hortis paulatim degenerat, & in vulgare transit, nec in nostris tantum, sed in Germanicis atque etiam Italicis, ut testatur Cæsalpinus. Unde autumat J. Raius semen ejus ex ulterioribus adhuc meridiem versus regionibus afferri; ex Syria forte ut Lobelius scribit, aut ex Insulis Azoticis, ut alii.

Analyti chymica, Fœniculi folia recentia plurimum humoris acidi, odori, mediocrem olei tum essentialis tenuis, tum crassi portionem, modicum salis fixi alcalini, terræ, & perparum spiritus urinosi exhibuerunt. Semina eadem principia præbent, sed oleum essentielle majori copia fundunt, cui eorum virtus præcipue tribuenda est; subtile enim illud oleum & sal acidus tenuis ac volatilis simul permixta sese invicem temperant, & compositum constituunt ad spiritus acidos dulcificatos chymicorum aliquantisper accedens.

Fœniculum spissiore sanguinis crasim blande dissolvit, lympham viscidam incidit, & fluidiorem efficit. Aperiens est hæc planta, diuretica, sudorifera, stomachica, pectoralis, & febrifuga.

Apud nonnullos specificum audit contra variolas, & morbillos. In febribus putridis, quibus adjuncta est malignitas, S. Paulli vix ullam plantam Fœniculo secundam reperiri asserit, sive ad aperiendum, sive ad discutendum; hinc variolis, & morbillis laborantibus decocto Fœniculi vel seminis vel radicum nihil salubrius esse dicit.

Radix est primaria ex radicibus quinque aperientibus majoribus. Ab Etmullero veluti antinephriticum egregium, & in renum doloribus stranguriisque polychrestum proponitur.

Ad quartanam, & alias febres intermittentes succus radicum Fœniculi ad ℥iij. cum saccharo edulcatus, & jejuno propinatus in aurora decem diebus continuis eas fugat. Zacutus qui facile, sed utile illud remedium vocat, observat plurimis in lecto bene coopertis sudores plurimum moveri, aliis lentæ pituitæ secretum, aliis ructus fœtidos, & crepitus. Omnes Fœniculi partes ventriculum roborant, ciborum concoctionem juvant, laxiorem nimis fibrarum ventriculi tonum restituunt, & firmant, viscidum mucum parietibus hujus visceris inhærentem dissolvunt; semen præsertim, unum e quatuor seminibus calidis majoribus. Utiliter usurpatur quando post pastum adfuerint ægritudo, nausea, ructus, gravitas, tensio, inflatio ventriculi, item segnities, somnolentia, capitis dolor, & cætera id genus coctionis læsæ, & male peractæ signa a pituita mucaginosa in ventriculo collecta. Eam enim incidit, attenuat, rugas ventriculi blande detergit, spiritus influos recreat. Eodem modo quoque in intestinis operatur; quare in colicis flatulentis ejus usus est egregius: flatus enim sursum & deorsum expellit, unde tritum illud adagium:

Semen Fœniculi reserat spiracula culi.

Pulvis ejus cum saccharo in vino a ℥ss. ad ℥j. ante vel post pastum hauritur, vel semina integra saccharo condita comeduntur. Attamen C. Hoffmannus has doses de semine sicco solum accipiendas existimat. Tantum abest enim, inquit, ut juvet

ut juvet concoctionem aliorum semen aut herba viridis, ut ipsa potius ad-
jutorio opus habeant. Confert quoque idem semen ad lactis generatio-
nem, chylum fluidiorem efficiendo, & lympham aut chylum in mam-
marum glandulis concrecentem resolvendo. Radicis decoctum solum, vel
etiam floribus Sambuci aut Lumbricis sociatum ad lactis abundantiam pro-
movendam ab Ettmullero, & Helidæo de Padoanis commendatur: idem
præstant foliorum decoctum aquosum, vel vinum, in quo herba vel semen
macerata fuerunt.

Fœniculi semen medicamentis thoracis admixtum æsthmaticos juvat,
veteri tussi, & contumaci medetur.

In oculorum vero affectionibus herba tota ejusque semen est commen-
datissima, illis in primis quorum visio lucubrationibus nocturnis admodum
debilitata fuit. Seminum pulvis cum saccharo quotidie mane jejuno ven-
triculo sumitur. Arnaldus Villanovanus semen hoc aceto infusum, exsic-
catum, cum Cinnamomi, & sacchari momento permixtum commendat ad
visionem integram conservandam, debilem, & jam fere extinctam etiam
in octuagenariis restituendam. Ad caliginosos oculos nihil hoc semine ef-
ficacius, inquit H. Tragus. Idem præstat succus foliorum aut radicis, &
aqua distillata, tum intus sumpta, tum oculis indita. J. Crato Medicus-
Cæsareus, referente Raio, quemdam vidit ex suffusione curatum facillis-
mo remedio, radicibus nempe Fœniculi in vino coctis, & decocto oculi
sæpius applicato.

Seminum pulvis cum pulveribus solventibus utiliter miscetur in cata-
plasmatis, & fomentis solventibus.

Oleum essentielle ex seminibus exsiccatis aqua maceratis distillatur vi
carminativa insigni præditum. Guttæ sex, decem vel duodecim saccharo
exceptæ, & ex vino sumptæ dolores colicos flatulentos discutunt, cibo-
rum concoctionem promovent, & perficiunt: ex lacte aut decocto pecto-
rali, tussientibus, & æsthmaticis conferunt.

Aquam ex tota planta distillatam servant officinæ ad collyria utilem.
Herba tota jusculis, & sorbitionibus incocta ad corpus obesum extenuan-
dum utilis esse perhibetur.

Semen adhibetur sæpissime ad corrigenda purgantia.

℞. Radic. Fœniculi ℥ij. Lenticum excorticatar. ℥ss. Caricas ping. n. iij.

Coq. in aq. comm. ℔iiij. ad ℔ij. Sub finem coctionis adde fol. Scor-
dii, M. β. semin. Fœnicul. ℥j. Fiat colatura pro potu in morbillis &
variolis ad exanthematum eruptionem promovendam.

℞. Rad. Fœnicul. ℥iiij. Semin. Fœniculi ℥ss. Flor. Sambuc. M. j. Coq. in aq.
comm. ℔iiij. ad ℔iiij. F. decoctum pro potu solito in lactis imminutione. Vel

℞. Sem. Fœnicul. dulc. pulver. ℥ss. Pulver. Lumbr. terrestr. ℥j. Fiat pulvis
jejuno ventriculo sumendus.

℞. Rad. Helenii ℥j. Semin. Fœnicul. contus. ℥ss. Passular. ℥jss. cum. aq. s.
q. F. decoct. in tussi & æsthmate.

℞. Mucaginis gumm. Tragacanthæ cum aq. Hyssop. extract. & ad syrupi
consistentiam redact. ℥iiij. Syrup. de Erysim. ℥jss. Olei amygdalar. dulc. ℥j.
Olei essential. Fœnicul. gutt. x. F. Lohoch. in æsthmate.

℞. Fœniculi dulcis ℥j. Anisi ℥ss. Olei distillati Fœniculi gut. j. Sacchar
candi ℥ss. M. F. pulvis contra tormina.

Fœniculi viridis comæ acetariis dum adhuc tenellæ sunt permixtæ suavitatem addunt. Pisces sive asserventur muria conditi, sive elixentur, sive craticula assentur, Fœniculi foliis involvuntur a nonnullis ut durent, & ut lapidiores fiant.

Germina Fœniculi teneriora, antequam caulescant, cum superna radicis parte recisa, cum oleo, & pipere mensis secundis adjiciunt Itali, & Narbonenses Galli eodem modo, quo nos Apium dulce, *Celery*.

Radices Fœniculi usurpantur in syrup. aperiente cachectico *D. Daquin*, syrup. Chalybeato aper. cathartico *D. Daquin Ph. Reg.* antiasthmatico, & antinephritico *ejusdem*, de Cichor. comp. *Ph. Reg.* de Artemisia *ejusdem*, de Prassio, & de 5. rad. aper. *Mesuai*. Semina in Theriaca, Mithridatio, confectioe Hamech, Electuar. Catholico cum rheo dupl. pulvere Diarrhodon *Abbatis Nicol. præpositi*, Philonio magno, Diaphænico, Benedicta laxativa, de Psyllio, El. de Citro. Folia in aq. vulneraria *Penicherii collectan. pharmaceutic.*

F Æ N U M - G R Æ C U M.

FÆnum-Græcum, & Fœnu-Græcum, *Off.* Fœnum-Græcum sativum *C. B. P.* 348. *Inst. R. H.* 409. Fœnu-Græcum *J. B.* 2. 363. *Dod. Pempt.* 536. *Trag.* 597. Fœnum-Græcum *Gerard. Raii Hist.* 954. vulgo, *Fenu Grec.*

E radice tenui, candida, simplici, lignosa, caulem emittit singularem semicubitalem, tenuem, virentem, intus concavum, in alas ramosque divisum; folia ex uno pediculo terna, pratenfi Trifolio similia, minora tamen, in ambitu leviter serrata, modo oblonga, modo latiora quam longiora, superna parte virentia, inferna cineracea: flores ex foliorum alis nascentes, papilionaceos, subcandidos, siliquas vero longas, palmares, & sesquipalmares, nonnihil planas, falcatas, graciles, angustas, compressas, mucrone tenui, longo, inani, seminibus foetas non magnis, rhomboidiformibus, linea cum cavitate quadam oblique ab angulo ad angulum impressa, sulcatis, odoratis cum gravitate nonnulla, & flavescentibus. In campis feritur. Semen solum usitatum.

Analyti chymica, ex seminum Fœnu-Græci *℔v.* per retortam distillatis prodierunt humoris limpidi, seminis, odorem saporemque referentis, obscure salis, & obscure acidi *℥xij. ℥ij. gr. iiij.* humoris rufescentis, odoris, & saporis empyreumatici, subsalis, & acidi *℥ix. ℥v. gran. xxxj.* humoris rufi, sale volatili urinoso copioso imprægnati *℥vij. ℥v. gr. xlvij.* salis volatilis urinosi concreti *℥j. gr. xxvij.* olei tum essentialis, tum empyreumatici, fluidi *℔j. ℥j. gr. xxxj.* Massa nigra in retorta residua pendebat *℔j. ℥ij. ℥iiij. gran. xlvij.* quæ rite calcinata reliquit cinerum flavescentium *℥ij. gr. xij.* ex quibus lixivio salis fixi alcali *℥vj. gr. vij.* extracta sunt. Partium jactura in distillatione fuit *℥xij. ℥ij. gr. xxvj.* in calcinatione *℔j. ℥iiij. gr. xxxvj.*

Fœnu-Græci semina saporem mucilaginosum referunt odoremque gratum cum quadam gravedine. Salem ammoniacalem continere videntur cum multo oleo tum tenui tum crasso implicitum, & terra copiosa quibuscum mucosum compositum exsurgit, quod ex eis cum aqua coctis extrahi potest.

Farina seminis tumores emollit, digerit, maturat, discutit, doloresque compescit, ususque adeo frequentis est ut in fomentis & cataplasmatibus emollientibus & maturantibus, vel discutientibus fere omnibus usurpetur, vel ejus mucilago coctione cum aqua extracta. In clysteribus emollientibus, carminantibus & anodynis utiliter præscribitur ad flatum discutientes, humorum acrimoniam obtundendam, intestina erosa muco obducenda, in colicis, alvi fluxibus & dysenteria. Insuper conducit ejus mucilago ad oculorum sugillationes discutiendas. Interne rarissime usurpatur. In erysipellate fotum sequentem Th. Sydenham laudat.

℞. Semin. Fœnu-Gr. & Lini ana ℥ss. Rad. Althææ, Bulbor. Lilior. ana ℥ij. Folior. Malv. Sambuc. Verbasci ana M. ij. Flor. Melilot. Hyperic. & Centaur. minor. ana M. j. Coq. in s. q. aq. ad ℔ij. F. colatura. Usus tempore singulis decocti libris adde spiritus vini ℥ij. Pars affecta calide foveatur.

℞. Folior. & flor. Verbasci M. j. Furfuris triticei M℔. semin. Fœnugr. & Lini ana ℥ij. Coq. in aq. vel lactis q. s. Fiat Enema in tenesmo & dysenteria.

℞. Radic. Althææ & Lilior. minutim incisarum ana ℥ij. Fol. Malvæ, Althææ, Senecionis, Violaris, Parietar. & Brancæ ursinæ ana M. j. Coq. ex arte in aq. comm. ℔vj. ad putrilaginem usque. Deinde contunde in mortario marmoreo, & per cribrum cerne: colaturam & pulvem secretam cum farinæ Lini & Fœnu-Græci ana ℥ij. & oleor. Lilior. & Chamæmel. ana ℥ij. coq. igne lento sæpius agitando ad debitam usque spissitudinem, & fiat cataplasma emolliens & maturans.

℞. Farinæ Fœnu-Græci ℥ij. Fermenti veter. ℥j. Stercor. columbin. ℥ij. Olei Chamæmel. ℥jss. Mellis ℥j. Contunde. M. F. cataplasma in maturandis abscessibus.

℞. Radicum Cyclamin. Bryon. & Cucumer. agrestis ana ℥ij. Folior. Absinth. & Mercurial. ana M. ij. Florum Chamæmeli & Meliloti ana M. j. Coquantur in aq. comm. ℔ij. & vini albi sub finem additi ℔ij. ad putrilaginem usque. Colaturæ & pulvi tractæ adde farinæ Fœnu-Græci & Lupinor. Pulver. Absinth. Cumini Fœnicul. & Baccar. Lauri ana ℥j. F. ex arte cataplasma discutiens & resolvens.

Ad ischiadem, arthriticos dolores & tumores mammarum sequens cataplasma a J. Rajo commendatur.

℞. Semin. Fœnu-Græci in melicrato cocti ad dissolutionem usque q. v. quod deinde contundatur, & iterum cum melle coquatur ad cataplasmatem spissitudinem quod super pannum extensum parti dolenti applicetur.

Insuper conducit ejus mucilago ad oculorum sugillationes discutiendas, & a S. Paullio ut optimum ophthalmicum commendatur. Laudatur quoque a Riverio in ophthalmia. Postulat autem Riverius ut Fœnu-Græci semen, antequam decoquatur vel ex eo mucilago extrahatur, excutiat per cribrum, ut pulvis quo abundat, auferatur, postmodum vero aqua frequenter abluatur.

℞. Mucilaginis seminum Fœnu-Græci & Cydonior. extractæ in aqua Rosar. & Euphrasie ana ℥jss. Trochiscor. albor. Rhasis sine Opio ℥j. Tuthiæ pp. ℥ss. F. collyrium in ophthalmia.

℞. Pulpæ Pomor. dulc. ad consistentiam pultis in aq. Fœniculi & Ver-

benæ coctæ ℥℥. Mucilaginis Fœnu-Græci aq. Rosar. extract. ℥j. Lapid. Hæmatitis exquisitissime triti ℥j. Camphoræ & Tuthiæ pp. ana ℥j. Boli armen. q. s. Fiat epithema pro oculo in suggillationibus.

S. Paulli refert se aliquoties observavisse quod licet promiscue Fœnu-Græci semen commendetur utrique sexui ad alvum adstrictam remolliendam aut ad sedanda ventris tormina receptum in clysteribus, facile tamen nonnullas mulieres odore illius offendit, & præsertim illas, quæ hysterica passioni obnoxia sunt. Quare abstinendum esse suadet a Fœnu-Græco in præscribendis illis clysteribus sesquiori sexui.

Fœnu-Græci semen usurpatur in Syrup. de Marubio *Mesue* & in hoc *sano ejusdem*, in ung. de Althæa, mundificativo de resina, martiato, emplastr. Dyachylo, de mucaginibus & de meliloto *Ph. Regiæ*.

FRAGARIA

FRagaria, Off. cujus fructus Fragum: Fragaria vulgaris C. B. P. 326. & Inst. R. H. 295. Fragaria ferens Fraga rubra J. B. 2. 394. Fragaria & Fraga Dod. Pempt. 672. Fragula Cordi: Fragum & Trifolium. Fragiferum Tabern. Icon. 118. Fragaria Gerard. Raii histor. 609. vulgo, Fraizier, & fructus Fraise.

Ex radice diuturna, subrufa, multis fibris capillata, gustu adstringente, pediculos palmares, tenues, lanuginosos & in summum ramosos promittit, quorum nonnulli folia, alii flores sustinent, tenuia quædam edit flagella proserpentia, ad intervalla nodosa & foliosa, ad nodos radices agentia, quibus late se propagat: folia autem profert in uno pediculo terna, oblonga, lata, Pentaphylli similia, venosa, hirsuta, per ambitum serrata, superius virentia, inferius albidiora: flores quatuor aut quini ab uno pediculo exeunt rosacei, quinque petalis albidis in orbem positis constantes, staminulis numerosis, brevibus, apices luteos sustentibus, pistillo globoso, & calyce e decem partibus seu segmentis composito. Pistillum deinde abit in fructum fere globosum vel ovato-acuminatum, edulem, carnosum, mollem, per maturitatem rubrum, quandoque, sed raro albicantem, dulci vinosoque succo prægnantem, odoratum: cui semina multa, exigua, extrinsecus adhærescunt. In sylvis & locis umbrosis sponte nascitur & in hortis colitur, ubi lætius viret, & Fraga fert crassiora & suaviora. Fructus inter edulia usus sunt frequentioris: inter medicamenta diuretica & aperientia radices & folia.

Analyti chymica, ex Fragorum maturor. ℥v. per B. V. distillatis prodierunt humoris limpidi, odoris & saporis fragrantis & vinosi, grati, primo obscure acidi, deinde magis aperte acidi ℥iij. ℥ij. humoris limpidi, manifeste acidi, subausteri, ℥xiiij. ℥vij. Massa sicca in alambice residual per retortam distillata præbuit humoris rufescentis, empyreumatici, manifeste acidi & adstringentis ℥j. ℥vj. gr. xxxvj. olei spissi ad instar extracti ℥j. ℥v. Massa nigra in retorta residual pendebat ℥j. ℥iij. quæ per 16. horas in crucibulo calcinata reliquit cinerum e cinereo fuscorum ℥vj. ex quibus lixivio salis fixi mere alcali ℥ij. gr. xx. extracta sunt. Partium jactura in distillatione fuit ℥ix. ℥j. in calcinatione ℥vj.

Fraga

Fraga saporem vinosum gratum obtinent, succo vinoso donantur cum multo mucō, seu terreis & aquosis partibus permixto & temperato. Si eorum succus fermentescat, vinosus fit, ex quo spiritus ardens extrahi potest, ac tandem diuturniori fermentatione acefcit, putrescit & corrumpitur. Foliorum succus chartam cœruleam rubro colore leviter tingit, intensius vero radicum succus, & saporem aliquantisper stypticum, amaricantem referunt. Radices & folia sale essentiali donari videntur, tartareo nitroso, multo sulphure & terra adstringente simul mixtis.

Fraga refrigerant, sitim sedant, æstum ventriculi compescunt, alvum emolliunt, urinam provocant, arenulas expellunt, parum nutriunt, fugacemque alimoniam corpori exhibent. Hæc maxime secundis mensis apponuntur, & saccharo insperso comeduntur vel ex lactis cremore, vel vino aut aqua irrigata. Minus tutum est ea comedere cum lacte, quod facile in ventriculo coagulatur ab acido Fragorum evoluta sale. Vino quamdam horum fructuum commentitiam frigiditatem corrigere tentant, sed perperam: imo, vini admixtione sæpe difficilius coquuntur in ventriculo, nec adeo facile mucosa eorum pulpa dissolvitur, unde diuturniori mora effervescit & acefcit, vel corrumpitur; aqua vero facilius dissolvitur, coquitur, & citius intestina permeat. Eligenda bene matura, & lotionem in aqua ab omni terra & eluvie repurgata. Picrocholis convenire dicuntur & siticulosi. Verum in ventriculo & intestinis imbecillioribus aut saburra mucosa vel etiam acida onustis facile corrumpuntur aut acefcunt, cruditateque pariunt generi nervoso noxias, ut in quibusdam hypochondriacis observare est. Nonnunquam etiam si majori copia ingerantur, vinosi spiritibus fermentatione evolutis, viscerum æstum augent, aut caput tentant & aliquo modo inebriant, nec gravidis majori copia concedenda, nam præterquam quod colicam in iisdem facile concitant, metuendum est, ne propter vim diureticam foetum pellant.

Insuper aperientia sunt & splenitica dicuntur, viscerum obstructions referant, partibus suis tenuibus & volatilibus humores lentos & viscidos dissolvendo, & blanda adstrictione partium fibras roborando. Renes & vesicam expurgant, unde inter antinephritica recensentur. Mirandum sane quod notat C. Hoffmannus *L. 2. deo Med. offic. ff. 16.* se vidisse in quodam, qui copiosius comederat Fraga, multas illorum particulas in matula, ita ut renes putarentur colliquati. Certe quidem urina eorum qui assidue Fraga comedunt, fragranti Fragorum odore perfunditur.

G. Fabricius Hildanus *Centur. 5. obs. 38.* cujusdam foeminae mentionem facit quæ, post æsum Fragorum, jejuno adhuc ventriculo, horrendis symptomatibus statim vexata fuit, ut lipothymia, vertigine, hypochondriorum tumefactione, dolore ventriculi &c. Nec nisi post exhibitum vomitorium restituta fuit. Sed hic notandum est foeminam comedisse hæc fraga illota, sine vino aut saccharo. Unde recte J. Rajus existimat eos fructus venenatos fuisse ab urina, saliva aut halitu serpentis vel bufonum (qui Fragis summopere delectari dicuntur,) vel insecti alicujus punctura, quod succum quemdam noxium ipsis immiserat. Sane, ut observat idem Rajus, qui ex Fragorum solo odore in animi deliquium incidunt. Narrat quoque post Velschium virginem quamdam Austriacam

ex esu Fragorum epilepticam factam fuisse, atque exinde quotannis tempore quo efflorescunt, paroxysmo obnoxiam fuisse. Sed observationes illæ de Fragorum noxis peculiaria tantum subjecta respiciunt; unde nihil ex eis adversus Fragorum salubritatem concludendum est. Ex Fragorum succo julapia parantur æstate gratissima & utilia ad sitim extinguendam, & sanguinis æstum compescendum; in febribus etiam utiliter propinantur.

Aqua ex Fragis distillatur in officinis pharmaceuticis ad usum cosmeticum præsertim: siquidem illitu faciei maculas & lentigines abstergit. Ad hunc usum tamen aqua ex tota planta distillata a C. Hoffmanno utpote magis abstergens anteponitur. At præstantiores dotes ab auctoribus aquæ Fragorum tribuuntur. Cor enim confortare dicitur, vitia thoracis expurgare, morbum arcuatum discutere, sanguinem purgare, ulceribus oris & anginæ auxiliari gargarizatu, calculum renum comminuere, alia etiam juvamenta præstare, si H. Trago credimus. Eadem in calida viscerum intemperie a C. Hoffmanno commendatur, iis præsertim qui pustulosam habent faciem, qui scabie vel in toto, vel in parte, pruriginosa & sicca afficiuntur: singulis diebus mane ℥jss. præterpropter propinatur. Eandem eodem modo sumptam calculosis proponit. Verum aliam longe præstantiorem adversus calculum Fragorum aquam seu potius tincturam J. Bauhinus Gesnero a multis calculosis commendatam refert, quæ sic præparatur. Fraga matura in phialam aqua ardente optima plenam conjicito, in aquam ardentem post horas quadraginta circiter colatam rursus nova Fraga injicito, ac sic relinquito optime tecta, ac munita, ne aliquid exspiret. Cochlear unum sumatur mane jejuno ventriculo cum sacchari candi tantillo. At vero licet J. Bauhinus gratum, probatum, efficacissimumque hoc remedium prædicet, dubito tamen de ejus ad calculum comminuendum efficacia. Reipsa renes & vias urinarias stimulando, arenulas e suis latebris renalibus expellere potest; sed non semper felici eventu, imo nonnunquam pessimo. Si enim arenulæ majores sint quam ut per ureteres descendere queant, incassum propelluntur in eorum orificia, ubi dolores nephriticos, diros cruciatus, mictionem cruentam, renum exulcerationem, & alia mala excitabunt. Quod quidem Em. König de hac aqua spiritiosa observavit, qui in Regno suo vegetabili refert incautum ejus usum ulcus renum in quodam senatore Basileensi induxisse.

Fragariæ radices & folia diuretica sunt & aperientia, & crebri usus in viscerum obstructionibus, in ictero. Aliquantisper tamen adstringunt, unde adversus hæmorrhagias, alvi fluxus, dysenterias nonnunquam præscribuntur. Catarrhos & distillationes cohibere dicuntur, tum adstrictione sua partes roborando, tum serum sanguinis per urinarias vias educendo. In decoctis & ptisanis diureticis & aperientibus frequentur usurpantur, radices præsertim quæ Oxalydis radicibus consociari solent, & decoctum subrubrum efficiunt. Ubi observandum est etiam harum radicum decoctum assidue & assatim epotum alvinis excrementis rubentem colorem fæcum vini aut carniæ loturæ similem inducere, ita ut primo intuitu ægrotans fluxu hepatico affici videatur. Sed mutato potu statim

statim alvinarum fœcum color mutatur . G. Hoffman. asserit Fragariam præstare egregium diureticum in febribus colliquativis , ad aquam intercutem ad renes derivandam . Ejusdem decoctum adversus icterum utile esse S. Paulli testatur : & hoc decoctum palato gratum puerulis ictero laborantibus qui Chelidonii decoctum plerumque averfantur parare solebat .

24. Herbæ Fragariæ cum toto (ut loqui amant Medici , hoc est , plantæ integræ cum foliis , radicibus & flagellis) Cuscutæ ana M. j. Uvar. passular. Corinthiacar. concisar. vel contusar. ℥ij. Tartari albi pulver. ℥ss. Coq. in s. q. decocti Hord. ab remanentiam ℔j. in qua dissolve syrup. Berberis ℥j.

Idem refert Fragariam in vino rubro coctam , & aliquoties pubi , & pectini impositam instar catasplamatis , album mulierum fluxum sistere , quod etiam in pollutione nocturna & gonorrhæa non virulenta efficacissimum comperit .

Nobelius in *Miscell. natur. curiosor. Dec. 3. ann. 3. observ. 81.* vim traumaticam insignem Fragariæ assignat , & aliquot observationibus ulcerum pedum , tibiærum aut crurum sanatorum & tumorum œdematosorum resolutorum sola foliorum Fragariæ contusorum applicatione comprobat . Quam quidem virtutem tribuit tum particulis salino-sulphureis tenuibus , quibus hæc planta turget , quæ stagnantem sub cute lympham viscidiorum resolvere , fracidum ulcusculorum acorem immutare & humorum circuitum in loco affecto restituere valent , tum particulis suis austeris ac terreis fixis , quæ laxatas cutis fibras stringunt , atque ita resolutam lympham per cutis poros exprimunt , patentia ulcusculorum ora contrahunt , & illa , nova succrescente carne , consolidant .

Ad perniones , seu fissuras , & intertrimenta manuum , & pedum hyberno tempore a summis algoribus provenientia , præcavenda , Fraga contusa catasplamatis modo , partibus quæ per hyemem affici solent , æstate per aliquot noctes applicantur .

Fragariæ folia usurpantur in unguento martiato magno *Fernelii* & ung. mundificativo de *Apio Bauderoni* .

F R A X I N U S .

FRaxinus *Off.* Fraxinus excelsior *C. B. P.* 416. *Inst. R. H.* 577. Fraxinus vulgarior *J. B.* 1. 174. *Raii Hist.* 1702. Fraxinus *Dod. Pempt.* 833. Fraxinus vulgaris *Parkinson* : vulgo , *Frene* .

Alta , & procera arbor Fraxinus caudice assurgit simplici , recto , crassitudinis subinde haud exiguæ , frequenter mediocris : cortice contegitur lævi , cinereo : lignum albidum est , læve , durum , & crispo pectinum discursu undulatum : rami hujus ex adverso positi , teneriores recensque enati geniculis aliquot nodosi sunt , medullamque intus habent candidam , & fungosam , sed vetustiores toti lignosi geniculis , ac medulla carent . Frondes pinnatæ ex compluribus foliis constant , quadruplici , quintuplici , vel etiam sextuplici pinnarum conjugatione quam impar folium terminat , ad costam annexis , oblongis , latis , Laurinis similibus , sed mollioribus , dilutius virentibus , ac nequaquam odoratis , per ambitum leviter ferratis , & sicco sapore , subamaro , acri , ac mordaci præditis . A tenerioribus ramis juxta foliorum exortum aliquot prodeunt simul

simul dependentes pediculi ramosi, qui flores plurimos sustinent apetalos, exiguos, gemino apice donatos, & pistillo bicorni quibus succedunt fructus plani, membranacei, oblongi, angusti, avicularum nonnullarum linguis affimiles, fescunciam longi, parum culmo latiores, fusci, in quibus semen perficitur ejusdem pene formæ, subrubrum, intus album, medullosum, gustu amaricante ac medicato. Radices summa tellure gaudent & in superficie terræ late extenduntur. In sylvis agri Parisiensis sponte crescit. Cortex, lignum, fructus usitata sunt.

Analyti chymica, ex Fraxini foliorum recentium ℥v. distillatis prodierunt humoris limpidi, fere inodori & insipidi, obscure acidi ℥xiv. ℥v. humoris primo limpidi, magis ac magis acidi manifeste, deinde rufi, leviter empyreumatici, obscure austeri ℥iij. ℥j. gr. liv. humoris rufi empyreumatici, sale volatili urinoso copioso imprægnati ℥ij. ℥iv. gr. xxvj. olei spissi ad instar extracti ℥iij. gr. xxxvj. Massa nigra in retorta superstes pendebat ℥vj. ℥v. quæ rite calcinata reliquit cinerum ℥ij. ℥. gr. xxxvj. ex quibus salis fixi mere alcali ℥iv. gr. xxv. lixivio sunt extracta. Partium jactura in distillatione fuit ℥iv. gr. xvij. in calcinatione ℥iv. ℥iij. gr. xxxvj.

Ex corticis Fraxini recentis ℥v. prodierunt humoris limpidi, inodori, subacidi, cum levi acredine ℥xij. humoris limpidi, acidi magis ac magis, subausteri ℥j. ℥iij. ℥iij. gr. lx. humoris rufi, fusci, empyreumatici, intense acidi, acris, urinosi & austeri ℥viiij. ℥iv. gr. xviiij. olei spissi & aqua gravioris ℥ij. ℥ij. Massa in retorta residua semicalcinata ob retortæ fissuram pendebat ℥j. ℥v. quæ calcinata reliquit cinerum albicantium ℥iv. ℥iv. gr. liv. ex quibus salis fixi mere alcali ℥ij. gr. xlv. lixivio extracta sunt. Partium jactura uberior ob fissuram æquavit ℥j. ℥v. gr. lxxvj. in calcinatione ℥xij. gr. xviiij.

In Fraxino Cl. Tournefortius salem essentialem contineri dicit fere similem Oxysali Diaphoretico Angeli Salæ, cum multo sulphure, & terra conjunctum. Corticis infusum vel decoctum vitrioli solutionem Gallarum instar nigro colore tingit.

Foliis vis vulneraria assignatur; cortici splenitica, diuretica, & febrifuga: semini diuretica, & aphrodisiaca. Ligno quoque vis exsiccans & sudorifera necnon styptica a nonnullis tribuitur.

Folia interne raro adhibentur. Quidam tamen foliorum & summitatum succum quotidie mane pauca quantitate potum hydropicis conducere dicunt. Ettmullerus eadem recentia contusa vulneribus, recentibus, & locis, quibus hæmorrhagiæ contingunt, imposita, revera balsami vulnerarii vices sustinere scribit, & vulgarem rusticorum curationem esse refert. Aqua ex Fraxini foliis distillata ad surditatem commendatur, referente Ettmullero; eandem potam ictero & calculo mederi Tragus scribit.

Cortex, & lignum Fraxini siccant & attenuant: lienis duritiem specificè emollire dicuntur; unde & in polliculis ex hoc ligno factis, si quis assidue bibat, lienem extenuari ajunt, eoque nomine & corticis decoctum, quidam exhibent. Idem cortex febrifugus dicitur, & a nonnullis in locum Kinæ Kinæ substituitur, sed perperam. Lignum etiam, referente Ettmullero a nonnullis Germanorum Guajacum dicitur & ab illis diureticum, & sudoriferum habetur, licet hoc ligno viribus longe

longe inferius sit. Multa de hujus ligni vi vulneraria sympathica proferruntur, quæ velut futilia rejicimus.

Sal ex corticis Fraxini cineribus elixus urinas potenter movet, quod quidem illi commune est cum reliquis salibus alcali lixiviosis. Idem sal, auctore S. Paulli ex Fraxini tenellis ramulis & corticibus una extractus mire convenit variolis & morbillis laborare incipientibus, in aqua Cardui benedicti, cum tantillo syrupi Granatorum vel Rubi Idæi dilutus, a gr. v. ad xv. vel etiam cum Cornu Cervi philosophice præparato remixtus: potentissime enim, inquit, sudores movet.

Corticis & summitatum Fraxini cinis nodulo exceptus, cauterii potentialis supplet vicem madefactus & impositus, ut testatur post Lobelium Simon Paulli, indeque foraminulum contractum reaseratum, immisso Hederae folio, fovetur.

Ramulus Fraxini recens avulsus & una extremitate igni commissus, altera exsudat liquorem seu aquam, quæ maxime commendatur in surditate.

Semen quod in Officinis pharmaceuticis Ornithoglossum, Orneoglossum, Lingua avis, Passerina & Anserina dicitur, quod avium linguam quodammodo referat, sale volatili acri nitroso turget, & diureticum est: propterea nephriticis & calculosis commendatur. Hujus seminis post plenam maturitatem exsiccatis pulvis ad ℥j. non tantum ad calculum, sed etiam ad icterum, & hydropem remedium præstantissimum a J. Rajo dicitur. Idem etiam sæpius ex vino Rhenano exhibitum ad obesitatem laudatur, nam corpore obesos ad maciem reducit. Insuper acrimonia sua veneris stimulos excitare dicitur. Cum nucleis pistaceis, pineis, & Saccharo miscetur, & comeditur.

Semen illud distillatum oleum fundit empyreumaticum, ab empyreumate per rectificationem liberandum, perquam acre, & potenter diureticum, & velut insigne antinephriticum a Glaubero in sua *Pharmacia Spagyrica*, magnopere laudatum. Semina Fraxini viridia, seu potius fructus collecti ante maturitatem in Anglia, narrante Rajo, muria ex aceto & sale condiuntur pro acetariis.

De antipathia inter serpentes & hujus arboris ramos foliaque Plinius mira refert. Tanta vis est, inquit, ut ne matutinas, occidentesve umbras cum sint longissimæ, serpens ejus arboris attingat, adeo eam procul fugit. Experti prodimus, si fronde ea gyro claudatur ignis & serpens, in ignem potius quam in Fraxinum fugere serpentem. At Camerarius contrarium se expertum scribit in serpentibus Germanicis: & Moyses Charas in *Observ. & Experimentis de Viperis* asserit se facto circulo e foliis Fraxini, qui habuerat circa tres pedes diametri, viperam vivam in eum immisisse, quæ folia nihil verita, illico sub iis sese occultatum ivit.

Ligni materies ad plurima utilis, quippe quæ obedientissima, tenacissima & durissima.

Fraxini semen usurpatur in electuario Diasatyrio Nicolai Myrepsi.

F U M A R I A.

FUmaria, & Fumus terræ, Off. Fumaria Officinarum, & Dioscoridis flore purpureo, C. B. P. 143. & I. R. H. 422. Fumaria vulgaris, J. B. 3.

201. *Parkinſ. Raii Heſt.* 405. *Fumaria*, *Dod. Pempt.* 59. *Capnos*, *Fumaria*, *Lobel. Icon.* 757. *Fumus terræ*, *Brunſfels. Thalii*: *Herba melancholiſuga*, *Catalog. Altorſſin*: *Cereſolium felinum* aut *Columbinum nonnullorum*, *Corbej. Pharmac.* 36. vulgo, *Fume terre ou Fiel de terre*.

Fumariæ radix tenuis, alba, modice fibroſa, recta dimiſſa: caulis nunc unus, nunc plures brachiati, anguloſi, inanes, glabri, colore partim purpurante, partim in albo virente. Folia ima ex longis pediculis, latiusculis, & anguloſis tenuiter diſſecta ad umbellatarum fere modum, glauca, alternatim caulibus adnata. Flores congeſti in ſpicam, quæ non e folii ala oritur, ſed ex adverſa caulis parte, tenues, oblongi, polypetali, anomali, papilionaceorum æmuli, ex duobus tantum petalis conſtantes quaſi bilabiati, labio ſuperiori in caudam abeunte, cum inferiori ad pediculum conjuncto. Inter hæc labia velut in palato piſtillum poſitum eſt vagina obvolutum cum ſtaminibus aliquot apicibus donatis. Singulis floſculis ſinguli ſuccedunt fructus membranacei, cranio ſimiles, ſubrotundi, minutuli, in quibus ſemen parvum, ſubrotundum, ex nigro viſcens, ſaporis amari, ingrati. In agris, & locis cultis ſponte naſcitur. Planta integra uſurpatur, præſertim florida.

Analysi chymica, *Fumariæ floridæ*, demptis radicibus, ℥v. per retortam diſtillatæ præbuerunt humoris limpidi, odoris, & ſaporis fere experis, obſcure acidi ℥j. ℥xv. ℥j. gr. lxxvj. humoris primo limpidi, ſubacidi, deinde ruſi, ac fulci, odore, & ſapore panem ruſticanum referentis, ſub finem empyreumatici, manifeſte acidi, ac tandem intenſe acidi, aſteri ℥ij. ℥iiij. ℥vj. gran. xlviij. humoris fulci, ſale volatili urinoſo copioſo imprægnati ℥j. ℥iiij. ſalis volatilis urinoſi ℥j. olei ſyrupi ad inſtar ſpiſſi ℥j. ℥vj. gr. xv. Maſſa nigra in retorta reſidua pendebat ℥iiij. ℥v. gr. xxxvj. quæ rite calcinata reliquit cinerum ℥j. ℥vij. gr. iiij. ex quibus lixivio ſalis fixi mere alcali ℥iiij. gr. xxx. extracta ſunt. Partium jactura in diſtillatione fuit ℥iiij. gr. xxvij. in calcinatione ℥ij. ℥vj. gr. xxxij.

Hæc planta intenſe amara eſt, & chartam cœruleam rubro colore inficit. Sale eſſentiali donatur ammoniacali cum aliqua ſalis mirabilis Glauberi portione, & multo ſulphure conjuncto.

Fumaria purgat bilem, & humores aſtuſos, verum magna doſi exhibitæ. C. Hoffmannus ſuccum exhibet ab ℥v. ad ℥x. vel ℥xij. Ad alterandum ad ℥vj. propinari ſolet. Noſtrates verno tempore herbam integram floridam ad M. j. in ſeri lactis ℥j. leviter decoquunt, & decoctum percolatum cum ſyrupi *Violarum* ℥j. propinant. Diuturnam coctionem non fert: ea enim ſale ſuo volatili orbatur. Sanguinem fluidiorem efficit, humores tenaces potenter incidit, & ſenſim expurgat, obſtructiones aperit, ventriculum, & viſcera roborat, urinas, & menſes promovet. Hinc in cachexia, morbis chronicis, melancholicis, hypochondriacis, ictero, ſcorbuticis affectionibus plurimum commendatur. Freitagius in *Aurora Medicor.* dicit ſe hypochondriacis quos ſimul ſcorbutus affecerat, quique aliis remediis diu exagitati fruſtra fuerant, ſuccum *Fumariæ*, & *Cochleariæ* in ſero lactis caprilli, idque in primis verno tempore, cum ſucceſſu exhibuiſſe. Ettmullerus ſuccum *Fumariæ* recenter expreſſum cum ſucco *Bugloſſi*, & ſero lactis mixtum, & Vere mane calide ſumptum

prum in morbis cachecticis & melancholicis commendat. Riverius in *Observ.* refert succi Fumarie ℥iij. cuidam ictero laboranti & vomitu frequenti vexato propinatis, prima exhibitione vomitum fuisse cohibitum, eodemque remedio per aliquot dies continuato morbum omnino sublatum fuisse.

In cutaneis affectionibus, scabie, pruritu, impetigine, serpigine, specificum medicamentum audit. Simon Paulli scabiosissimos ejus simplici infuso ex sero lactis vel decocto ex cerevisia se restituisse asserit. Necnon virgunculam quamdam nobilem septennem delicatulam, scabie infestatam, universalibus præmissis, sequenti decocto non ingrato, paucis intermissis diebus fuisse restitutam refert.

℥. Herbæ Fumarie M. j. Fragariæ, Cuscutæ ana Mß. Radicum Taraxaci, Acetosæ ana ℥ij. Cinnamomi acuti ℥iij. Coquantur in seri Tamarindinati q. l. F. colatura, quæ clarificata edulcetur cum syrupi Berberis q. s. Pro singulis hujus decocti ℥. adde essentiæ Plantaginis ℥ij. F. apozema sumendum ad ℥vj. tertia vel quarta quaque hora.

Aqua ex Fumaria distillata servatur in Officinis, quam diureticam & sudoriferam esse dicunt. Simon Paulli illam deficienti aquæ Cardui benedicti surrogare solebat. Alii hanc sudoriferam virtutem illi denegant, nisi cum Theriaca vel Mithridatio consocietur.

Camerarius ex Brassavola observat hujus plantæ pulvere sæpius exhibito quemdam a melancholia liberatum fuisse. Pulvis a ℥ß. ad ℥j. exhibetur.

Conserva Fumarie in Officinis præparatur. Ad eisdem usus ad ℥ß. sumitur.

Extractum quoque conficitur non exiguæ virtutis ad ℥ß. vel ℥j. exhibitum. Cum cæteris extractis amaris in cachecticis affectionibus & viscerum obstructionibus optime consociatur.

℥. Extractor. Fumarie, Gentianæ, Absynth. Centaur. minor. & Nasturtii aquatic. ana ℥j. Extractor. Elixir. propr. Paracels. Rhabarbar. & cortic. Peruvian. ana ℥jß. Croci martis aper. & cortic. malor. Aurantior. acrium pulverat. ana ℥ß. Syr. Menthæ crispæ q. s. M. F. opiata. Dosis ℥ß. bis die.

Externe Fumarie succus vel aqua distillata oculis indita oculorum caliginem discutere vulgo creduntur. Idem succus, in quo gummi solutum fuit, oculis illitus præcavet duplicaturam ciliorum. Ex succis Fumarie, Lapathi sylvestris, & Enulæ campanæ super ignem inspissatis cum axungia porcina mixtis unguentum conficitur adversus scabiem & cutaneos affectus perutile.

Ex Fumaria syrupus simplex & compositus in Officinis nonnumquam reperiuntur.

Usurpatur Fumaria in electuario de Psyllio, Electuar. Sennato, Confectione Hamech, Syrupo de Cichorio composito.

F U N G U S.

EX tot Fungorum generibus sive innoxiiis, sive nocivis, de duobus tantum mentionem faciemus qui apud nos innoxie esitari solent, quorum unus dicitur, Fungus campestris esculentus vulgatissimus; alter vero Fungus vernus & esculentus (*Mouceron*) nuncupatur. Quibus tertium genus adjiciemus ex nocivorum classe qui Fungus pulverulentus, Crepitus upi, & Lycoperdon nuncupatur.

Fungus campestris esculentus vulgatissimus, Fungus sativus equinus *Parisienſium* : Fungus pileolo lato & rotundo, C. B. P. 370. *Inst. R. H.* 556. Fungus campestris, albus superne, inferne rubens, J. B. 3. 824. Fungi vulgatissimi, esculenti, *Lobel. Icon.* 271. IX. Genus esculentorum Fungorum, *Cluſ. Hiſt.* cclxvii. vulgo, *Champignon*.

Primo pullulatu globosus est, postmodum paulatim explicatus, membranulas seu lamellas infra ostendit rubentes, confertas : suberius inoffenso lævore æquabilis & albus, materia intus candidissima, pediculo brevi, crasso. Saporis & odoris est boni, primum e terra erumpens, ideoque antequam explicetur, colligendus est; nam vetustate vitium contrahit & noxius fit, gravem odorem contrahens & fuscum colorem. Fungus ille vulgatissimus in sylvis & in pascuis sponte passim crescit, & post pluvias potissimum exit. In suburbanis hortis olitoriis, in pulvinis ex fimo equino & terra summa arte & industria constructis ac præparatis, colitur & uberrime provenit. Horum pulvinorum construendorum & præparandorum ratio in *Commentariis Regiæ Scientiar. Academiæ Parisiensis ann. 1707. pag. 58.* a clariss. viro D. Tournefort accurate enarrata reperitur.

Fungus vernus & esculentus, *Mouceron* dictus, Fungus pileolo rotundiori, *Mouceron* dictus, *Inst. R. H.* 557. Fungi verni, *Mouceron* dicti odori & esculenti, J. B. 3. 823. vulgo, *Mouceron* ou *Mouſſeron*, quia sub musco communiter provenit & sub eo latitat.

Primulum erumpentes hi Fungi, pediculis brevibus fibras deorsum agentibus capitula sustinent Pilo magno æqualia : duodecuplo majorem molem nisi avellerentur, assecuturi; sed pediculus teres, & in imo crispus vel rugosus, ex terra non multum emergit. Cæterum clusiles sunt, rotundique in summo, subtus vero, qua instar tentorii reflexi, rimosis e centro ad circumferentiam striis donati : ubi penitus excreverunt, campestrium Fungorum instar expanduntur. Tota vero substantia intus forisque candidi, gustus gratissimi, odorisque grati, & eapropter mensis lautioribus expetuntur.

Analyſi chymica, ex Fungorum campestrium, vulgatissimorum, esculentorum, recentium ℔v. per retortam distillatis prodierunt humoris limpidi, Fungorum odorem & saporem referentis, magis ac magis ingrati ac tandem paulisper urinosi, obscure alcali & subsalsi ℔j. ℥xiiij. ℥vij. gr. xx. humoris limpidi, minus odori & sapidi, subsalsi ℔ij. ℥vj. humoris limpidi, ejusdem odoris & saporis, subsalsi & alcali urinosi ℥xj. ℥vij. gr. xij. humoris rufi, deinde fusci, empyreumatici, sale volatili urinoso copioso imprægnati ℥j. ℥ij. gr. xlvij. olei fluidi & limpidi ℥vj. gr. xlij. salis volatilis urinosi concreti ℥ij. gr. x. Massa nigra in retorta residua pendebat ℥j. ℥iiij. gr. lvj. quæ rite calcinata cinerum reliquit ℥vj. gr. xlvij. ex quibus lixivio salis fixi mere alcali ℥iiij. gr. xxj. extracta sunt. Partium jactura in distillatione fuit ℥iiij. gr. xxix. in calcinatione ℥vj. gr. viij.

Fungi salem ammoniacalem essentialem continere videntur cujus acidum sale volatili urinoso copioso saturatum est, & cum oleo copioso ac pauca terra conjunctum. Hæc principia magna phlegmatis copia diluuntur. Ex actuoso illo sale volatili, urinoso, ammoniacali, oleoso, sapor & odor Fungorum; unde etiam eorum corruptio vel putrefactio facilis.

Si

Si enim contusi sibi relinquantur ad putrescendum, in liquorem mucosum colliquescent, qui nullas salis urinosi notas amplius præbet, sed falsi, & acidi salis evoluti. Urinosus enim sal volatilis avolavit.

Fungus nonnullis a *funere*, vel a *funus*, & *Ago*, vel a *Fungor* dictus videtur, quia veneno suo ad funus vescentes deducit. Quidquid sit de etymo, Fungus certe hoc nomine non immerito male audit, ut qui avide deglutientibus non raro funestus, & exitialis fuerit. Nam ut eos præteream Fungos qui se noxios fatentur, & habitu ipso malitiam produnt; alii non pauci maligni cum sint, salubres simulant, adeoque incautos persæpe fallunt, & ad se colligendum invitant. Unde nos oblatores salubritate securos esse non sinunt colligentium vel imperitia, vel incuria, vel forte etiam malitia. Quin & salubres, & esculenti habiti vitium facile contrahunt, vel ex genio loci ubi nascuntur, vel ex natura succi quem combibunt, vel ex putridorum aut venenatorum vicinia, & afflatu. Quod si nihil horum sit, consentientibus omnibus peritissimis Scriptoribus, vel optimi largius sumpti lædunt, ut qui pravum succum generent, ægre coquantur, strangulent, & bilis sursum, & deorsum eruptionem inducant. De his Athanasius Kircherus *L. de Peste* sic loquitur. Fungus qualiscumque sit semper malignus est, semper exitialium qualitatum apparatu instructus: etsi non statim sentiat, frequenter tamen comesus, nescio quid tamen occultæ machinationis interiore viscerum administratione moliatur. Apagete ergo, inquit J. Rajus, isthæc gulæ blandimenta. Quæ tanta, ut cum Plinio loquar, ancipitis cibi voluptas? An usque adeo vitæ tædet, ut eam tam vili ossa permutemus, mortemque semper in procinctu stantem sollicitemus.

Symptomata gravissima, imo letalia, quæ a deleteriis Fungis excitantur, sunt maxime vomitus, præcordiorum oppressio, & anxietas, strangulationis sensus, ventris tormina, cardialgia, diarrhæa, dysenteria, animi deliquium, frigidus sudor, singultus, tremor partium. Forestus *De Venenis Observ. 2. p. 36.* solo interdum odore eos comitialis similisque cerebri morbi, imo subitæ mortis causam extitisse scribit, & mulierem ex esu Fungorum in morbum gravissimum incidisse, & ab eo insanam permanisse refert. Hildanus *Centur. 4. Observ. 35.* memorat, symptomata pessima cuidam, qui manibus tantum Fungos versabat, accidisse.

Hæc symptomata quæ Fungi adeo celeriter in ventriculi, & intestinorum membranis, & fibris nerveis concitant a particulis salino-sulphureis, subtilibus, acribus, & causticis provenire videntur. Reipsa exsiccati, & bene cum aqua calida eloti non ita nocent, quia partes illæ acres causticæ exsiccatione vel lotione avolarunt aut extractæ fuerunt. Nonnulli etiam eorum noxam emendare putant aceto vel oleo quæ easdem particulas retundunt vel involvunt. Verum quocumque modo etiam sumptuosissimo præparati, ad fimetum unde oriuntur relegandi sunt, fugiendique cane pejus, & angue ab omnibus sanitatis studiosis. Si quis vero forsan venenatos comederit, nullum præsentius possem suadere auxilii genus, quam ut emeticum cum copioso lacte aut oleo bibat, quod & temperandæ acrimoniæ, & expellendæ ex ventriculi regione venenatæ materiæ erit accommodatissimum.

Fungus pulverulentus, Crepitus lupi, & Lycoperdon, *Off. Lycoperdon vulgare*, *Inst. R. H.* 563. Fungus rotundus orbicularis, *C. B. P.* 374. Fungus orbicularis, *Dod. Descript. Pempt.* 484. Fungus pulverulentus, dictus Crepitus lupi, *J. B.* 3. 848. Fungus ovatus, Crepitus lupi, *Tragi*: vulgo, *Vesse de loup*.

Nulla fere conspicuo pediculo nititur: subrotundus est, nucis Juglandis plus minus magnitudine, membranofus, primo dum junior est, cute albicante subcinerea, eaque non lævi & æquali sed velut granulata textus, includens pulpam initio mollem, candidam aut virescentem, deinde per tempus medullosam, levem, raram, spongiosam, lividam & veluti fuliginosam, quæ, dum corrumpitur, in tenuissimum, siccum, foetidum, & gustu adstringentem pulverem abit. Calcatus crepitum edit, & fumum pulverulentum ac foetidissimum emittit.

Alia species est hujus Fungi, quæ tantam assequitur magnitudinem, ut caput humanum facile æquet aut excedat, cute membranea satis firma cinctus, in principio ex albo cinerea, cum tempore livida, substantia lenta, rara: siccus adeo levis est ille Fungus, ut caput humanum mole æquans unciale pondus quandoque non excedat. Dicitur Lycoperdum alpinum, maximum, cortice lacero, *Inst. R. H.* 563. n. XXXVI. generis perniciosorum Fungorum species 3. *Clusii Hist.* cclxxxviiij. Fungus maximus rotundus pulverulentus dictus Germanis *Pföfist*, *J. B.* 3. 848. Prior species in agro Parisiensi sponte provenit. Posterior in Alpibus, Germania, aliisque locis nascitur.

Analysi chymica, ex hujus Fungi recens collecti ℔v. per retortam distillatis prodierunt humoris primo limpidi, Fungorum odorem saporemque leviter referentis, obscure salis, deinde rufescentis, alcali urinofi, ac tandem rufi, & sale volatili urinoso copioso imprægnati ℔iiij. ℥viiij. ℥iiij. salis volatilis urinofi concreti gr. xxxviij. olei fluidi ℥iiij. gr. xv. Massa nigra in retorta residua pendebat ℥iiij. ℥ij. gr. xxxvj. quæ rite calcinata reliquit cinerum obscure cærulescentium ℥ij. gr. xxiiij. Lixivium horum cinerum per chartam bibulam transcolatum semper turbidum remansit, & ad tertias evaporatum glutinosum remansit & spissum pultis ad instar: tandem assiduo igne exsiccatum massam glutinis taurini similem reliquit siccam, quæ aeri exposita citissime humiditatem & lentorem contraxit: sicca pendebat ℥iiij. gr. l. Saporem salsum referebat. Sal ille fixus non mere alcali, sed salis, aliquam olei portionem retinere videtur, quam in diuturna calcinatione numquam deserit. Partium jactura in distillatione fuit ℥ij. ℥v. gr. lv. in calcinatione ℥iiij. gr. xij.

Ille Fungus salem essentialem ammoniacalem continet multo sale volatili urinoso saturatum cum oleo tenui, acri, copioso, terraque adstringente permixtum.

Interne ob metum veneni non exhibetur. Externe adstringit, incrassat, & humida absorbet, & sanguinem sistentibus medicamentis annumeratur. Vulneribus unde sanguis prorumpit exsiccat & pulveratus inspergitur, ulcera manantia exsiccat, hæmorrhoidum fluxum cohibet. Vetustiores & justam maturitatem adepti, exsiccati & omni pulvere vacui in Germania a consoribus omnibus asservantur ad hos usus. Oculis tamen pulvis iste inimicus est, vehementissimasque ophtalmias incaute inspersus producit.

G A L E G A.

Galega, Off. Galega, vulgaris, floribus cœruleis, C. B. P. 352. Galega, J. B. 2. 342. Dod. Pempt. 548. Raii Hist. 911. Ruta capraria, Fœnum-Græcum sylvestre, Tabern. Icon. Caprago, Cæsalp. 249. vulgo, Galega.

Hinc inde per terram spargit tenues radices, lignosas, albas, fibratas, diuturnas, aliquot continuis annis primo vere regerminantes: caules vero tollit bicubitales & altiores, striatos, inanēs, ramis compluribus brachiatis: folia Viciæ pinnata, impari alam claudente, longiora, spinulam mollem ex extremitate proferentia, sapore leguminaceo: flores peculiaribus insident furculis ex foliorum alis exortis; jubam longam efficientes, penduli, papilionacei, colore albo, vel ex albo violaceo: quibus succedunt siliquæ teretes & quasi cylindracæ, tenues, longæ, erectæ, in quibus semina continentur plura, oblonga & veluti reniformia. In Italia sponte crescit: apud nos in hortis feritur. Herba usus est apud Italos crebrioris, apud nos vero rarioris.

Analyſi chymica, Galega acidum phlegma copiosum, spiritus & salis concreti urinosi aliquantulum, mediocrem olei, exiguam vero terræ portionem præbet. Salem essentialē continere videtur ammoniacalem cum sulphure & terra adeo implicitum, ut mixtum mucaginosum constituat.

Celeberrimum dicitur alexipharmacum & sudoriferum, venenum, in primis pestilentielle, potenter discutiens. Illius usus commendatur in petechiis expellendis, aliisque morbis pestilentialibus, ipsaque peste curanda, in morbillis, in epilepsia infantum, in ictibus serpentum & adversus lumbricos. Estur herba ipsa cruda vel cocta, vel succus ad cochlear unum aut alterum exhibetur: in jusculis & apozematibus alexitericis ad M. j. præscribitur. Fabulam de duello lacertæ & viperæ a Foresto L. 2. de falso urinarum judicio c. 5. p. 156. relatam, ad vim ejus alexiteriam & vulnerariam comprobendam, sedulo omisimus.

Ex tota planta florida contusa & vino albo macerata per sex dies, aqua distillatur, cui eædem virtutes tribuuntur. Ab ʒj. ad quatuor exhibetur.

G A L E O P S I S.

TRes plantæ sub hoc nomine in usum medicum veniunt, nempe Galeopsis sive Urtica iners, magna, foetidissima; Galeopsis angustifolia foetida; & Galeopsis sive Urtica iners flore luteo.

Galeopsis, Galiopsis, sive Urtica iners, magna, foetidissima, Off. Galeopsis procerior, foetida, spicata, Inst. R. H. 185. Lamium maximum, Sylvaticum foetidum, C. B. P. 231. Galeopsis sive Urtica iners, magna, foetidissima, J. B. 3. App. 853. Urtica herculea, Tab. Icon. 536. Galeopsis legitima Dioscoridis, Parkinsf. R. H. 548. Galeopsis vera, Gerard. Emacul: vulgo, Grande Ortie puante.

Radix sub terra reptat, fibras tenues e geniculis subinde dimittens. Caules inde exurgunt cubitales aut sesquicubitales, quadrati, hirsuti, inanēs,

ramosi . Folia ex adverso bina , Urticæ majoris nonnihil latiora , acuminata , innocua lanugine obsita , in ambitu serrata , pediculis longis insident , ea etiam quæ in caule sunt . In summis caulibus & ramulis flores in spicas longas , angustas , verticillis non admodum crebris compositas digesti , monopetali , labiati purpurei , quorum labium superius lineis albis picturatum cochlearis instar est excavatum , inferius vero in tres partes divisum , medio segmento obtuso , longo , utrinque reflexo , lateralibus parvis , brevibus , cum staminibus purpureis , odorem foetidum , ac gravem spirantes . Ex calyce quinquipartito , brevi , patulo , surgit pistillum posticæ floris parti ad instar clavi infixum , ac quatuor veluti embryonibus stipatum , qui deinde abeunt in totidem semina oblonga , mediocris magnitudinis , per maturitatem nigra , in imo calyce recondita . Odor totius plantæ foetidus & ingratus admodum . Tota planta agri Parisiensis incola in usum venit .

Galeopsis odorem foetidum bituminosum refert , saporem herbaceum subsalsum , aliquantisper adstringentem . Ejus succus chartæ cœruleæ colorem non mutat . Unde salem ejus essentialem Cl. Tournefortius asserit sali terræ naturali similem , compositum ex sale ammoniaco , nitro & sale cibario , qui hac in planta multo viscoso phlegmati uti & sulphuri & terræ immixtum est .

Vulneraria est , tumores resolvit , & dolores demulcet . Infusum foliorum & florum a rusticis exhiberi solet in pleuritide , nephritide , & adversus scrophulas . Doctor Boevles apud Rajum herbæ decoctum , vel ejusdem exsiccatae pulverem commendat in affectibus lienis . Folia recentia contusa & phagedenæ imposita , eam brevi sanant . Oleum in quo folia & flores per aliquod tempus macerata sunt plurimum valet adversus ambusta & tendinum vulnera .

Galeopsis angustifolia foetida , Off. Galeopsis palustris , Betonicæ folio , flore variegato , *Inst. R. H.* 185. Stachys palustris foetida , *C. B. P.* 236. Galeopsis angustifolia foetida , *J. B.* 3. *App.* 854. Stachys aquatica , *Tabern. Icon.* 377. Clymenum minus , *Dalechampi Lugd.* 1357. Sideritis Anglica strumosa radice , *Parkinson. Raii Hist.* 563. Panax coloni , & Marrubium aquaticum acutum , *Gerar: Tertiola* , *Cæsal.* vulgo , *Petite Ortie puante* .

Radice est geniculata , reptante , tumoribus inæquali & velut strumosa : caulibus bicubitalibus & tricubitalibus , modice rubentibus , hirsutis , asperis , quadratis , inanibus : foliis ex nodis binis ex adverso nascentibus , angustis , acuminatis , hirsutis , mollibus , adversa folii costa rubescente , nonnihil asperis , per ambitum serratis , odore gravi , sapore subamaro : floribus spicatis , verticillatis , monopetalis , labiatis , purpurascens , labello variegato : calyculo brevi , quinquipartito : seminaibus quaternis , nigris , nitidis fere triquetris . In locis humidis sylvarum & secundum rivulorum ripas sponte nascitur .

Folia amara sunt & foetida , & chartæ cœruleæ mutationem fere nullam eorum succus affert . Salem essentialem continere videntur ammoniacalem oleo multo implicitum .

Eædem huic tribuuntur virtutes quæ priori . Vulneraria est insignis . Gerardus hujus herbæ efficaciam in vulneribus sanandis , experientia cujusdam messoris Cantiani , qui crus sibi falce graviter vulneraverat , edoc-

aus ,

Ætus, miris illam præconiis celebrat. Folia tusa cum axungia porcina vulneribus recentibus imponit. Hinc nomen Panacis coloni. Paul. Hermannus syrupum ex ea paratum optimum esse remedium ad raucedinem perhibet. Adversus tertianas febres a Cæsalpino commendatur.

Galeopsis sive Urtica iners flore luteo, *Off. Galeopsis sive Urtica iners flore luteo*, *J. B. 3. 323. Inst. R. H. 185. Lamium folio oblongo luteum*, *C. B. P. 231. Urtica iners tertia, sive Lamium luteo flore. Dod. Pempt. 153. vulgo, Ortie morte a fleurs jaunes.*

Radice est inæquali, fibris plurimis majusculis stipata: caulibus longis, quadratis, infirmis, concavis: foliis binis, per intervalla oppositis, viridibus, longis, angustis: floribus ad genicula verticillatim caulem ambientibus, monopetalis, labiatis, luteis, galea ampla ad margines pilosa, quatuor staminibus albescentibus cum apicibus luteis, & stylo purpureo, bicorni, e centro calycis in medio quatuor seminum egresso. Rarius in usum venit, nonnunquam Lamio vulgari albo substituitur.

Adversus alvi fluxus & fluorem album mulierum commendatur. Urinam promovet & lienis morbis medetur sive externe admota, sub forma cataplasmatum, aut decoctum ejus intus sumptum.

Aliæ plures plantæ sub Galeopsidis nomine apud Medicos auctores reperiuntur, ut Lamii species nonnullæ, de quibus suo loco.

G A L L I U M.

Gallium duplex in Officinis, luteum & album.

Gallium & Gallium luteum, *Off. Gallium luteum*, *C. B. P. 335. Inst. R. H. 115. Gallion verum*, *J. B. 3. 720. Gallium*, *Dod. Pempt. 355. vulgo, Caillelait ou Petit Muguet.*

Radicula donatum est longo tractu repente, tenui, lignosa, fusca: ex qua virgulæ surgunt dodrantes & cubitales, tenues, subhirsutæ, quadratæ, in apricis rubentes. Folia ad genicula ex intervallis radiatim cauliculos ambiunt longa, angusta, tenuia, mollia, obscuro virore nitentia, quina & novena plerumque. Ad singula etiam genicula bini plurimum ramuli, in quibus, ut & in summis caulibus, flores copiosi in racemulos digesti, parvuli, monopetali, campaniformes, patentes, quadrifidi, lutei, odore suaves: quorum calyx abit in fructum ex gemellis seminibus constantem siccis, subrotundis. Summitates floridæ in usum veniunt.

Analyti chymica, ex Gallii lutei floridi & recens lecti ℥iij. ℥iij. prodierunt humoris limpidi, plantæ odorem saporemque aliquantisper referentis, obscure acidi ℥x. ℥vj. gr. xxxvj. humoris primo acidi manifesti, deinde intensi magis, ac magis, subausteri, ac tandem rufescentis, empyreumatici, intense acidi & intense austeri ℥ij. ℥x. gr. xxx. humoris alcali, urinosi, volatilis ℥ij. ℥iij. gr. xlvij. olei spissi ad instar extracti ℥ij. ℥j. gr. xlvij. Massa nigra in retorta residua pendebat ℥vij. ℥ij. gr. xxxvj. quæ rite calcinata reliquit cinerum leucophæorum ℥ij. ex quibus salis fixi alcali ℥ij. gr. xx. lixivio extracta sunt. Partium jactura in distillatione fuit ℥ij. ℥vij. gr. xvij. in calcinatione ℥v. ℥ij. gr. xxxvj.

Gallii lutei florum succus chartam cœruleam rubro colore tingit, &

lac cogit: Gerardus Castrienses circa Nantvicum Angliæ oppidum, ubi laudatissimus conficitur caseus, coagulo suo Galli lutei summitates floridas immittere solere tradit, & multo pluris facere caseos eo coactos, quam alios quoscumque.

Acetum ex his summitatibus Olaus Borrichius distillatione elicit hoc modo. Recentissimas Galli lutei comas floridas, ad manipulos aliquot lectas cucurbitæ vitreæ commisit, & subito subjecto igne invitavit ad distillandum, ne quam ab aere aut mora subirent mutationem. Primo stillatitius liquor prodiit pene insipidus, odore tamen fragantes Galli flores non parum referens. Post unam circiter liquoris hujus unciam, successit acetum non ingrati saporis ad uncias propem odum tres: tandem validiori igne admoto subsecutum est cum liquore acido oleum flavum ad drachmas pene duas, nec illud admodum ingrati odoris. Hoc acetum fermenti infusum lacti, illud statim coegit & seri a caseosis partibus separationem quam ab aceto vulgari infuso experimur, effecit.

Gallium igitur luteum acido, subtili, & volatili oleo essentiali commixto abundat. A neotericis adversus epilepsiam commendatur plurimum. Ejus pulvis ad ℥j. exhibetur, succus ad ℥iij. vel decoctum manipuli unius in aq. ℔j. quotidie mane propinatur, jejuno ventriculo.

Insuper herba aut pulvis ipsius hæmorrhagiam & sanguinis profluvia sistit. Nonnulli adversus podagram ejus infusum ad modum Theæ propinant.

Externe herba recens, tusa & imposita sacris ignibus & ambustis medetur. Naribus indita sanguinis profluvia sistit. Mulierculæ, inquit Tragus, Galli decocto infantes arida ac exigua scabie laborantes abluunt, asserentes singulare id esse adversus eam experimentum.

℥j. Pulver. Galli lutei & conserv. flor. Pœon. mar. ana ℥j. Radicis Valerianæ sylvestris ℥vj. Pulver. de Gutteta ℥ss. Myrrhæ & pulver. Lumbricor. terrestrium ana ℥ij. Cum syrupo de Stæchade fiat opiata. Dosis. ℥ij. aut ℥iij. mane & sero.

Usurpatur in unguento martiato Nicolai.

Gallium album, Off. Gallium album vulgare, *Inst. R. H.* 115. Mollugo montana angustifolia, vel Gallium album latifolium, *C. B. P.* 334. Gallium album, *J. B.* 3. 721. Mollugo vulgatio herbariorum, Gallium album quorundam *Lobel. Icon.* 802.

Hæc a priori differt foliorum magnitudine, florum albo colore. Rarioris est usus: Gallio luteo deficienti substituitur. Eidem vis antiepileptica tribuitur.

G E N I S T A.

Genistæ species duæ in officinis usurpantur, scilicet Genista vulgaris & Genista Hispanica.

Genista vulgaris Off. Cytiso Genista scoparia vulgaris, flore luteo, *I. R. H.* 649. Genista angulosa & scoparia, *C. B. P.* 395. Genista angulosa trifolia, *J. B.* 1. 388. Genista, *Dod. Pempt.* 761. vulgo, *Genet commun.*

Fruticosa stirps Genista est, interdum hominis staturam attingens: radicem habet duram, lignosam, lentam, flexilem, luteam, fibris quibusdam obliquis subinde stipatam; caudices tenues, lignosos, a quibus plurimæ tenues spar-

guntur virgulæ, angulosæ, virentes, lentæ, & flecti neſtque faciles, non raro quoque in alas diviſæ; circa quas folia exigua, crebra, hirsuta, obſcure virentia, priora trina, alia ſimplicia, acuminata. Flores virgulis quoque adnaſcuntur eleganti colore, lutei, papilionacei, ſtaminibus recurvis cum apicibus croceis: quibus ſuccedunt ſiliquæ compreſſæ, latæ, per maturitatem nigricantes, in duas partes dehiſcentes, ſeminibus ſœtæ planis, duris, ſubrufis, & quaſi reniformibus. In agro Pariſienſi ſponte naſcitur. Totâ planta, flores, ſemen uſurpantur.

Analyſi chymica, phlegma acidum, aſterum præbet, olei, & terræ mediocrem portionem, nonnihil ſalis volatilis urinoſi, haud parum ſalis alcali fixi; odorem fœtidum ad Sambucum vel ad olei empyreumatici odorem accedentem ſpargit. Ejus folia amara ſunt, neque chartæ cœruleæ colorem mutant. Unde C. Tournefortius concludit hanc plantam ſalem eſſentialem continere ſali naturali terræ ſimilem cum oleo fœtido plurimo intime permixtum. Exinde vero, & amaritie inſigni aperit, abſtergit, attenuat, hepatica, ſplenitica, & nephritica dicitur. Folia, ramuli, & ſummitates Geniſtæ cocta in vino aut aqua, eorumve ſuccus utilia ſunt hydropicis, & omnibus obſtructionibus renum ac veſicæ: partim enim purgant ſeroſos humores per alvum, partim per urinas. Purgat Geniſtæ ſemen non minus potenter fere quam Spartium aut Helleborus, ʒiſſ. pondere ex hydromelite ventriculo jejuno ſumptum. Quare Matthiolus illud utiliter exhiberi putat adverſus podagram. Idem confirmat Lobelius, ſeminæ Geniſtæ ſcopariæ vomitum non ſecus ac Spartio Dioſcoridis ſæpius ʒij. decocto propinato citra magnam contentionem ſe moviſſe ſcribens. Pulvis ſeminum cum hydromelite doſi ʒj. exhibitus in liene tumido, hydrope, ictero utroque a J. Rajo commendatur. Flores, inquit Ettmullerus, ſi in decocto propinentur, per inferiora educunt; ſi in ſubſtantia, vomitum cient. Verum flores recens decerptos ſæpiſſime quamplurimos, & per ſe acetariis inditos vorat, narrante Lobelio, plebecula Arvernæ, & Aquitanæ, maxima copia innocuos non modo, ſed etiam admodum guſtui ſuaves: nec quicquam vomitionis aut nauleæ vel commotionis movere ſolent. Quin apud Brabantos, & Anglos non minus, gemmantes, dum adhuc virides ſunt, condiuntur ſale, & aceto flores, menſique inferuntur, capparum olearumve pari commendatione. Creduntur enim non modo cordi vires, ac ſtomacho appetitum augere, ſed etiam obſtructiones referare ac calculum frangere. Tunc forte vis eorum vomitoria ab aceto infringitur.

Paratur ex Geniſtæ ramulorum ac virgultorum aridorum, & combuſtorum cinere cum vino tenui albo lixivium quod ad cachexiam, & leucoplegmatiam a nonnullis valde celebratur, & potenter quidem ſeroſos humores cum urina per veſicam pellit. Sed acrimonia ſua, inquit Dodonæus, interna viſcera quandoque & lædit, & exedit, quod quidem ipſe in hydropico obſervavi poſt paracentheſim. Vulnuſculum enim ejus non ſolum non coaluit, ſed inflammatum, & ulceratum fuit, quamdiu hoc uſus eſt lixivio. Obſervat etiam Ettmullerus cineres cauſe nec adeo vehementer calcinandos eſſe, ita ut ſal ſaluſ maneat: tunc enim nonnihil oleoſarum partium retinet, quibus ejus vis cauſtica demulcetur, & irretitur.

Extractum florum a Cl. Tournefortio commendatur ad ventriculum robo-

randum, & adhibetur in suis pilulis balsamicis. Verum cum incertæ admodum sint illius extracti vires, satius est ab eo abstinere, cum longe præstantiora in officinis reperiantur stomachica medicamenta.

Genista Hispanica, Off. Genista juncea, J. B. 1. 395. Spartium arbore-sens, seminibus Lenti similibus, C. B. P. 396. Spartium Dioscoridæum, Narbonense & Hispanicum Lobel. Icon. 91. Genista Hispanica Gerardi Raii hist. 1726. Spartium Hispanicum, frutex vulgare Parkins.

Frutex ad hominis proceritatem assurgit, caule brachiali, vimina profert juncea, tertia, obsequiosa, viridantia, ad glaucum accedentia: per quæ dum floret & novella adhuc planta est, sparsa sunt rara quædam folia, oblonga, angusta, Oleæ foliis similia, decidua, ramis fere concoloria. Flores in summis ramulis velut in spica oriuntur multi, papilionacei, ampli, aurei, odoratissimi, gustu dulces, pistillo in siliquam abeunte bivalvem, surrectam, uncias quatuor vel quinque longam, compressam, aliquantulum incurvam, colore fere Castaneæ; in qua semina continentur nonnumquam ad viginti, sæpius pauciora, compressa, reniformia, rubentia, lucida, sapore leguminoso Pisorum sarum saponi æmulo. In Gallia Narbonensi sponte crescit. Hic in hortis colitur.

Viribus cum Genista vulgari convenit, qua tamen efficacior censetur.

GERANIUM.

EX tot Geranii speciebus cognitis tres potissimum in usum medicum veniunt, nempe Geranium Columbinum, Geranium Robertianum, & Geranium Sanguineum.

Geranium Columbinum, Off. Geranium folio Malæ rotundo; C. B. P. 318. Geranium folio rutundo, multum serrato, sive Columbinum, J. B. 3. 473. Pes Columbinus, Dod. Pempt. 61. Geranium Columbinum Gerardi Raii histor. 1059. Tab. Icon. 56. vulgo, *Bec de Grue*, *Pie de Pigeon*.

Radice est alba, simplici, surculosa, caules emittente plurimos, dor-
drantales & altiores in terram reclinatos: foliis Malvaceis in plura seg-
menta, (septem plerumque insigniora, aut saltem quinque in summis
caulibus) divisis, minoribus tamen, candidioribus, minus glabris, ambitu-
que ferratis, longis pediculis fultis. Flores bini in eodem surculo nascun-
tur, prope summitates caulium & ramulorum ex adverso plerumque fo-
liorum siti, parvuli, hilari purpura nitentes, pentapetali, rosacei. Ex sin-
gulorum calyce surgit pistillum, quod deinde abit in fructum rostratum,
quinque striis per longitudinem incisum, quibus totidem adhærescunt ca-
psulæ, in longam, tenuem, acuminatam, fere semiuncialem caudam ro-
stri gruis instar desinentes, tenues, nonnihil pilosæ, per maturitatem a
basi ad apicem extrorsum se revolventes, singulæ singulo semine fætæ,
oblongo, per maturitatem fusco.

Geranium Robertianum & Herba Roberti, Off. Geranium Robertianum
primum, viride, C. B. P. 319. Geranium Robertianum murale, J. B. 3.
480. Geranium Robertianum, Dod. Pempt. 62. Gratia Dei, Geranium
quibusdam Tragi: Sideritis tertia Gesneri Column. Rupertiana vulgo,

Cæsalpin. 559. *Herba Ruperti*, & *Geranium secundum Dioscorid.* *Lugd.* 1278. vulgo, *Herbe a Robert.*

Ex radice tenui, colore buxæo, caules surrigit dodrantes, & cubitales, hirsutos, geniculatos, rubentes, maxime circa articulos, & prope terram, ramosos, & nonnullis pilis obsitos. Folia promit partim a radice, partim ex geniculis, hirsuta, pediculo rubente, hirsuto, *Matricariæ* fere divisura, segmentis primariis dumtaxat tribus, odore, ubi teruntur, *Pastinacæ*, sapore adstringente, per oras aliquantulum rubentia, interdum tota. Flores purpurei, dilutione purpura striati, pentapetali, rosacei, e calyce hirsuto, attrorubente, quinquepartito exeunt; apicibus in medio croceis, succedunt rostra mucronata, cum seminibus priori similibus. Tota herba est odore gravi satis, attamen haud injucundo.

Geranium sanguineum, & *sanguinaria*, *Off.* *Geranium sanguineum* maximo flore, *C. B. P.* 318. & *Inst. R. H.* 267. *Geranium sanguineum*, sive *Hæmatodes*, crassa radice, *J. B.* 3. 478. *Geranium septimum*, *Auxatodes* *Clus. hist. cij.* *Sanguinaria radix*, & *Geranium tertium Tragi*, 548. *Geranium sanguinarium*, *Taber. Icon.* 774.

Crassa hæret radice, rubra, multis, longis, crassiusculis appendicibus aucta, aliquot fibris donata, novas sub terram propagines singulis annis ad latera spargente, quæ non modo fibras similiter agunt, sed etiam crassioribus radicibus interdum sese firmannt; caules emittit plures, cubitum altos, rubentes, hirsutos, geniculatos, in multas alas divisos. Ad singulos nodos bina nascuntur folia circumscriptione rotunda, sed in quinque lacinias, trifidas plurimum, ad pediculum fere dissecta, hirsuta, superne virentia, subtus canescentia, sicco, & adstringente sapore prædita. Ex superioribus alis oblongi nascuntur pediculi, unicum sustinentes singuli florem, inter reliqua *Geranii* genera maximum, *Cisti maris* flori ferme parem, colore eleganti rubro, quinque foliis compositum, decem intus staminulis, quæ quinque nervosis, hirsutis, viridantibus foliolis subtus natis suffulciuntur. Rostra suboriuntur pentagona, semen intumescens utriculis seu torulis continentia, quod maturum cum sonitu exilit, circumvolventibus se utriculorum mucronibus.

Geranium columbinum in pratis, & hortis frequens nascitur; *Robertianum* in veteribus muris, cœsis arboribus, aggeribus sepium, & locis ruderatis passim provenit; *Sanguineum* vero in sylvis, & dumetis sæpius occurrit. Tres illæ *Geranii* species sæpe indiscriminatim sumuntur, sæpius tamen *Robertianum*.

Analyssi chymica, ex *Geranii Robertiani* floridi, demptis radicibus ℥v. per retortam distillatis, prodierunt humoris limpidi, primo odoris, & saporis herbacei, deinde subacidi ℥ix. ℥j. gr. xxvij. humoris primo limpidi, deinde rubescentis magis ac magis acidi, subaustri, odorem, & saporem panis rustici referentis, ac tandem austri ℥ij. ℥x. ℥vj. gran. xlij. humoris fusci, sale volatili urinoso aliquantisper imprægnati, & intense austri ℥j. ℥iiij. gr. xvij. olei adiposi ℥vij. gr. x. Massa nigra residua pendebat ℥iiij. ℥v. gr. xxv. quæ rite calcinata reliquit cinerum ℥j. gran. lx. ex quibus lixivio salis fixi mere alcali ℥iiij. gran. xij. extracta sunt. Partium jactura in distillatione fuit ℥v. ℥vij. gr. xxij. in calcinatione ℥ij. ℥iiij. gr. xxxvij.

Geranii Robertiani folia sapore styptico, falso, acidulo donantur, chartam cœruleam rubro colore tingunt, Bitumen aut Petroleum redolent. Ex his liquet, salem essentialem in hac planta contineri aluminosum cum aliqua olei fœtidi portione, & modico sale ammoniacali conjunctum.

Robertianum Geranium insigne vulnerarium est, & adstringens, & præ cœteris temperatum, inquit Ettmullerus; unde in portionibus, & decoctis vulnerariis frequenter usurpari solet. Potenter quoque resolvit, sanguinis fluxum sistit, ipsumque sanguinem coagulatum resolvit, vulnera, & ulcera mundificat. Vinum in quo folia contusa per noctem macerata fuerunt, hæmorrhagias quascumque sistit. Ejus pulvis ad ℥j. in vino generoso sumptus ad uteri flatus discutiendos multum prodest.

Externe in catharris, & tumoribus sub cataplasmatibus forma folia contusa, sive in vino cocta parti dolenti utiliter admoventur. Tumores pedum œdematosos resolvunt contusa, & cum sale, & aceto subacta. Usus est vulgo, inquit J. Rajus, ad erysipelata, mammarum, & pudendorum ulcera, & vulnera. Ettmullerus ejus succum subactum cum paulillo Terebinthinæ in balsami formam commendat, quod applicatum ea tuto, cito, & jucunde curat. Fabricius Hildanus asserit simplex ejus decoctum mammis cancris applicari sæpe non infelici successu.

Geranii sanguinei folia styptica sunt, & subsalsa. Chartam cœruleam rubro colore vivido, æque ac alumen, inficiunt: itaque vis ejus vulneraria pendet potissimum ab aluminoso sale cum magna sulphuris, & terræ copia, & tantillulo salis volatilis concreti.

Hujus plantæ folia utiliter usurpantur in decoctis, & jussulis vulnerariis, & ad catharros cohibendos.

Geranii Columbini folia palato saporem referunt herbaceum, salsum, stypticum, & glutinosum: chartam cœruleam rubro colore tingunt: salem essentialem aluminosum obtinent in viscido phlegmate dilutum. Syrupus ex eorum succo paratus a Cl. Tournefort. adversus dysenteriam commendatur. Ejus extractum ad idem valet. Ejus folia in potionibus, decoctis, emplastris, oleis, & unguentis adversus contusiones, & vulnera usurpantur: herba quocumque modo exhibita sanguinem undecumque manantem mirum in modum compescit.

G N A P H A L I U M.

Plantæ duæ genere diversæ sub Gnaphalii nomine in usum medicum veniunt, Gnaphalium Pes cati dictum, & Gnaphalium vulgare seu Filago.

Gnaphalium, Pes cati, Æluropus, Hispidula, Off. Elychrysium montanum, flore majore purpurascens, *Inst. R. H.* 453. Pilosella major quibusdam, aliis Gnaphalii genus, *J. B.* 3. 162. Gnaphalium montanum flore rotundiore, *C. B. P.* 263. Gnaphalium montanum suaverubens, *Lobel. Icon.* 483. Auricula muris *Lonic.* Lagopiron Hippocratis, *Gesner*: Gnaphalium montanum Gerardii *Raii histor.* 283. Gnaphalium montanum sive Pes cati, *Parkins*: Lagopus secundus *Tragi* 332. vulgo, *Pied de Chat.*

Radicebus fibrosis hinc inde repit & humi fundit circumcirca appressa fere terræ folia oblonga, cum acumine rotundiore, dilute virentia, incana lanugine obsita inferna parte: inter quæ surgunt caules palmares aut dodrantes tomentosi, candicantes, foliis vestiti longis, angustioribus, e quorum cacumine glomerati pendent flores multi flosculosi, plurimis scilicet flosculis constantes, stellæ ad instar divisæ, embryoni insidentibus & calyce comprehensis squamoso, splendido, Embryo autem deinde abit in semen pappis instructum.

Hujus duæ habentur species, altera flore majore, & squamulis latioribus, altera flore minore, squamulis angustioribus: utraque floris colore albo & purpureo variat. In agro Parisiensi sponte nascuntur, & delectantur montosis herbidis & vento perflatis. Flores in primis usurpantur.

Analysi chymica, ex Gnaphalii floridi ℥iij. demptis radicibus per B. V. distillatis prodierunt humoris primo insipidi, deinde obscure acidi ℥ij. ℥v. ℥ij. gr. xlvij. Massa residua per retortam distillata præbuit humoris limpidi, manifeste acidi & subausteri ℥vij. gr. lx. humoris fusci, sale urinoso imprægnati & intense austeri ℥ij. ℥iiij. gr. lvj. olei adiposi aqua gravioris ℥ij. ℥v. gr. xxxvj. Massa nigra in retorta residua pendebat ℥vij. ℥j. gr. xxxvj. quæ per tredecim horas calcinata reliquit cinerum albicantium ℥iiij. ℥j. gr. vj ex quibus lixivio salis fixi leviter alcalini ℥j. gr. lvij. extracta sunt. Partium jactura in distillatione fuit ℥v. gr. liij. in calcinatione ℥iiij. gr. xxx.

Pes cati succum obtinet lentum & viscidum, constantem sale essentiali, vitriolico, ammoniacali, sulphure copioso, & multo phlegmate.

Inter moderate refrigerantia, seu incrassantia efficaciter adstringentia, & agglutinantia reponitur, atque ideirco herba vulneraria adstringens perhibetur: cujus usus commendatur ad pulmonum affectus, qui ob imbecillitatem, laxitatem nimiam, & continendi sanguinis impotentiam oriuntur. Tussim sedat, humorum acrimoniam demulcet, expectorationem promover, pectoris infarctus resolvit, sanguinem sistit, pulmonum exulcerationem præcavet, ulcera abstergit & consolidat. Maxime vero his convenit, quibus a capite, ac aliis partibus fit fluxio in thoracem, & quibus pulmones pituitoso humore multo infarciuntur. Humoris enim irruentis impetum cohibet, crassitiem digerit, partem affectam roborat & expectorationem movet, in spuito nimio & cruento, dysenteria utiliter adhibetur infusum & decoctum ejus vel syrupus ex eo confectus, tum simplex, tum compositus.

Conditum ex floribus paratum in officinis præparatur ad eadem utile.

Gnaphalium vulgare, Filago, Herba Impia, Off. Filago seu Impia, Dod. Pempt. 66. Inst. R. H. 454. Gnaphalium Germanicum, J. B. 3. 158. Gnaphalium vulgare majus, C. B. P. 263. vulgo, Herbe a Cotton.

Plures ex eadem radice fibrata & capillata caules surrigit tenues, semipedales & dodrantes, plurimum erectos, teretes incanos, & lanugine obsitos, summa parte ramosos, foliis vestitos creberrimis, nullo ordine positos, pariter lanuginosis, angustis, oblongis, florum globuli tum in extremis ramulis, tum in ipsis angulis quos ramorum divaricationes efficiunt, sessiles, e pluribus floribus stipatis coagmentatis nascuntur. Sunt autem flores qui globulos hosce componunt & ipsi compositi e flosculis ob exiguitatem suam ægre visibilibus, quinquefariam divisæ, embryoni insidentibus & calice squa-

squmoso, sed nequaquam splendente aut specioso comprehensis. Embryo autem abit deinde in semen pappis instructum.

Filago rarius in usum venit: vulneraria & adstringens existimatur. A nonnullis Pediculi substituitur ad cruentam exspuitionem in pleuritide. Decoctum manipuli unius in aq. comm. ℥ij. præscribitur. Dodonæus exsiccantem facultatem & nonnihil adstringentem illi tribuit. Hinc fortasse, inquit J. Raius, hæmorrhagiis, dysenterici, nimio mensium fluori, atque etiam anginæ conducit. Aquam ab hac planta distillatam ad cancrum, præcipue mammillarum utilissimam Dodonæus asserit: quippe quæ cum linteolis semel in die imposita occultos canculos continet, ne exulcerentur. Sunt vero, inquit, qui Alari foliis hujus aqua madefactis non infelicitè ad canculos reprimendos utuntur.

Lobelius occidua Angliæ plebem herba contusa oleo macerata & cocta, ad livores, concussiones, cæsa & verbera feliciter uti scribit.

GRAMEN.

DUÆ Graminum species usurpantur in officinis, Gramen caninum & Gramen Dactylon.

Gramen caninum vulgare, *Off.* Gramen loliaceum radice repente, sive Gramen officinarum, *Inst. R. H.* 516. Gramen caninum arvense, sive Gramen Dioscoridis, *C. B. P.* 1. Gramen repens officinarum forte, triticeæ spicæ aliquatenus simile *J. B.* 2. 457. Gramen caninum arvense, sive primum, sive Gramen Dioscoridis & officinarum, *C. B. Theatr.* 7. Gramen, *Dod. Pempt.* 558. Gramen caninum, sive Canarium primum, *Tabern. Icon.* 301. vulgo, *Chiendent*.

Radicibus est candidis, nonnihil flavescentibus, longe lateque repentibus, geniculatis per intervalla, lineam aut selquilineam crassis, sibi invicem implicitis, sapore subdulci, cum aliqua stypticitate. Culmi ad duos pene cubitos assurgunt recti, nodosi, foliis donati quatuor vel quinque in eodem culmo, e totidem geniculis exeuntibus, basi caulem instar vaginæ ambientibus, palmum superantibus, angustis, tres lineas latis, & in exquisitum mucronem abeuntibus. Flores spicatim summo culmo insident staminei, per duos versus digesti, cum aristis brevioribus & seminibus oblongis fuscis, ad Tritici formam accedentibus. In agro Parisiensi frequens nascitur.

Gramen Dactylon, *Off.* Gramen Dactylon, radice repente, sive officinar. *Inst. R. H.* 520. Gramen repens, cum panicula Graminis mannæ, *J. B.* 2. 459. Gramen Dactylon, folio arundinaceo, majus, aculeatum forte Plinio, *C. B. P.* 7. Gramen legitimum, *Clus. histor.* ccxvi.

Ex radicibus perennibus, longis, nodosis, geniculatis, candicantibus, longe lateque serpentibus, subinde plurimis locis germinantibus, fibras parvas ex singulis geniculis spargentibus, sapore subdulci, culmi, pedales, Canino breviores sæpe rufescentes, rotundi, geniculati assurgunt: e quibus folia in ima parte mutuo amplexu stipata prodeunt, breviora, angusta, hirsuta, in superna culmorum parte longiora. Culmi seu calami in quaternas, quinas, nonnunquam senas spicas virides, per maturitatem nigricantes, ali-

aliquando ex atro purpureoque colore mixtas, desinunt: quarum utriculi brevibus aristis donati, sæpe ab una parte costæ propendent, dorso libero existente. In agro Parisiensi minus frequens occurrit quam Caninum, uberrime crescit, meridionalibus in Galliæ regionibus. Utriusque Graminis radices indiscriminatim usurpantur.

Analyti chymica, ex radicum Graminis canini exsiccatarum ℥v. per retortam distillatis prodierunt humoris limpidi fere insipidi, & inodori, obscure acidi ℥x. gr. xxxvj. humoris primo subacidi, deinde manifeste acidi, & subausteri ℥j. ℥ij. gran. xxx. humoris rufi, odoris, & saporis empyreumatici, subsalsi, intense acidi, & intense austeri ℥j. ℥vij. gr. xij. olei ℥ij. ℥ij. gr. xlvij. Massa nigra in retorta superstes pendebat ℥j. ℥iiij. ℥vj. quæ rite calcinata reliquit cinerum ℥ij. ℥ij. ex quibus lixivio salis fixi mere alcali ℥iiij. gr. l. extracta sunt. Partium jactura in distillatione fuit ℥xj. ℥vij. gr. xvij. in calcinatione ℥j. ℥ij. ℥iiij.

Radices Graminis saporem obtinent subdulcem, aliquantisper saccharinum cum aliqua adstrictione. Salem continere videntur essentiali sal coralliorum analogum cum multo sulphure permixtum.

Refrigerant moderate, aperiunt, & subabstringunt: urinas blande movent, absque irritatione, ad obstructions hepatis, lienis: maxime si febres ex iis scaturiunt, item ad calculos renum pellendos valent. Ubi est insignis viscerum dyscrasia calida, cum eorundem obstructione plurimum comendantur; C. Hoffmannus enim observat eas sine calefactione opus suum perficere, & simul cum levi adstrictione partium solidarum tonum firmare. Iis frequenter utimur in ptisanis, decoctis, & jusculis diureticis, & aperientibus, ad hepatis, & lienis infarctus resolvendos. Ettmullerus post Sylvium refert occasionem hujus effectus suggestam fuisse ab experientia in bobus, qui hyemali tempore fere obstructioni folliculi fellei ductusque ejus cystici, vel a mucilagine viscosa, vel concremento calculoso obnoxii sunt: ast æstivo tempore esu Graminis iterum curantur, & liberantur. Earundem decoctum a nonnullis quoque ad enecandos, & abigendos infantum lumbricos usurpatur.

Fridericus Hoffmannus plurimum laudat decoctum verno tempore paratum ex radicibus recentibus Graminis, Cichorii, Petroselini, Asparagi, & Urticæ minoris cum foliis, pro hypochondriacis, & atrophia laborantibus ex venarum lactearum obstructione.

In cruenta exspuitione succus radicum, & foliorum utiliter usurpatur.

Earundem radicum aqua distillata infantibus propinatur ad eorum vermes necandos. Earum quoque verno tempore collectarum, & exsiccatarum, pulvis ad ℥j. exhibitus a nonnullis ad lumbricos, necnon etiam & in rachitide præscribitur.

℥. Rutæ murariæ, Polytrici, & radicum Graminis canini exsiccatar. & pulveratar. ana p. æq. F. Electuar. cum syrup. de 5. rad. aper. Dosis ℥j. bis die, in rachitide.

℥. Radicum Gramin. mundatarum, contusarum, & minutim concisar. M. j. Glycyrrhiz. exsiccatæ rasæ, & contus. ℥j. Coquantur in ℥iiij. aq. comm. ad ℥iiij. Sub finem adde nitri purificati ℥ß. Fiat ptisana pro potu solito ad urinam promovendam, & viscerum ac sanguinis æstum temperandum.

Radix Graminis usurpatur in syrupo de Ibisco *Fernelii* & syrupo de radicibus aper.

GRATIOLA.

G Ratiola, Off. Digitalis minima, Gratiola dicta, *Morisson. hist. Oxon. p. 2. 479. Inst. R. H. 165. Gratiola centauroides, C. B. P. 279. Gratiola, J. B. 3. 434. Dod. Pempt. 362. Gratia Dei, Cæsalpini 365. Gratiola vulgaris, Parkins : Gratia Dei, cujus semen Gelbenech, Papaver spumeum forte Anguillar : Limnesium sive centauroides Cordi : vulgo, Gratiolle, herbe a pauvre homme.*

Radicibus est oblique repentibus, albis, geniculatis, fibrisque multis dorsum vergentibus stipatis : quæ caules emittunt erectos, crebris geniculis distinctos, sesquidodrantales & longiores : in quibus folia bina ex adverso nascuntur unciam superantia, semiunciam lata, glabra, venosa & intense amara. Ex eorum alis emergunt flores singulares, monopetali, tubulati, posterius perforati, flavescentes, & lineis fulcis virgati, cornu modo incurvi, octo lineas longi, tres lineas crassi, anterieus hiantes & in duo labia divisi dilute purpurascentia : labium autem superius quasi cordiforme & sursum reflexum, inferius tripartitum. Calyx monotomos, in quinque partes divisus, ex cujus fundo pistillum emergit longius, quod mutatur in capsulam dilute rufescentem, e rotundo acuminatam, in duo loculamenta divisam, seminibus foetam tenuibus & rufescentibus. Agri Parisiensis incolæ nascitur secus rivulos, & in pratis udis, Junio & Julio florens. Semina Augusto & Septembri perficiuntur. Herba & radices in usum veniunt.

Analyti chymica, ex Gratiolæ floridæ ℥v. per retortam distillatis prodierunt humoris limpidi, fere insipidi & inodori, subacidi, obscure salsi ℥xv. ℥j. gr. lxiiij. humoris primo limpidi, magis ac magis acidi, austeri, sub finem rufescentis, intense acidi & intense austeri ℥viij. ℥vj. ℥ij. gr. xliij. humoris rufi intense acidi, aliquantisper alcali urinosi, & austeri ℥ij. ℥iij. gr. xlviiij. olei spissi ad instar extracti ℥j. gr. vj. Massa nigra in retorta residua pendebat ℥iiij. ℥vij. gr. xij. quæ rite calcinata reliquit cinerum ℥j. ℥iiij. gr. xxxvj. ex quibus salis fixi alcali ℥v. gr. xviiij. lixivio extracta sunt. Partium jactura in distillatione fuit ℥ij. gr. xlv. in calcinatione ℥iij. ℥ij. gr. xlviiij.

Tota planta inodora, insigni amarore donatur cum obscura adstrictione. Sale essentiali tartareo, vitriolico donatur, cum multo sulphure acris & crasso. Inter purgantia medicamenta hydragoga refertur : reipsa lentam pituitam vehementer expurgat, non modo per inferiora, sed etiam per vomitum. Hydropicis in primis commendatur. Prodest adversus diutinos coxendicis dolores, adversus inveteratas febres sive tertianas sive erroneas, jecur & lienem ab obstructionibus liberat, ventriculi lumbricos pellit. Sed cum vehemens sit purgans, nonnisi robustis naturis convenit : debilioribus enim sæpe dira excitat ventris tormina aut superpurgationes. Herba recens ad Mß. vel sicca ad ℥j. in aqua vel vino macerata præscribitur, sed longe tutior ac mitior est, si cum lactis ℥ß. leviter incoquatur, & colatura propinetur.

Ejus

Ejus extractum cum vino paratum ad ℥ss. vel ℥ij. præscribitur, conservæ vero ad ℥ij. vel ℥iij. usurpatur.

In enematibus foliorum ad M. j. in sero lactis vel ipso lacte vaccino decoctum minori cum periculo usurpatur. Cavendum tamen ne hæc enemata præscribantur, dum æstuant viscera, aut ad inflammationem proclivia sunt.

Folia recentia contusa & imposita, vulnera consolidant & curant, teste Cæsalpino. Eadem capiti imposita hydrocephalis mederi Hermannus scribit.

℥. Folior. Gratiolæ virid. ℥ij. vel exsiccator. ℥j. Injiciantur in lactis fermentis ℥vj. Infunde per noctem. Colaturam æger capiat mane.

℥. Folior. Gratiolæ ℥j. Macerentur per noctem in aq. font. ℥vj. F. colatura, in qua contunde Amygdalas dulces n. vj. Expressione dilue syrup. Violar. vel de Althæa ℥j.

℥. Gratiolæ viridis M. j. Centaur. minor. Absynth. ana M. β. Seminis Tanacetii & Santonic. ana ℥ss. Coq. in sero lactis. Fiat clyster ad enecandos & expellendos vermes præsertim ascarides.

℥. Gratiolæ Soldanellæ, folior. Ebuli, Asari, Sambucci, florum Genistæ, Persicorum, ana M. β. corticis Sambuci, Frangulæ, radicis Ireos vulgaris & Esulæ ana ℥j. pulpæ Colocynthid. p. j. Coquantur in urina. Fiat cataplasma hydrocephalo calide applicandum. *Paul. Hermannus in Cynosura M. Medicæ.*

G R O S S U L A R I A.

Inter plures Grossulariæ species tres potissimum inter edulia & medicamenta recipiuntur: scilicet Grossularia, Uva crispa dicta, Grossularia Ribes dicta, Grossularia olens Ribes nigrum dicta.

Grossularia, Uva crispa dicta, Off Grossularia simplici, acino vel spinosa sylvestris, C. B. P. 455. *Inst. R. H.* 639. Uva spina, *Matthiol.* Uva crispa, sive Grossularia, *J. B.* 1. 47. *R. H.* 1484. Uva crispa, *Dod. Pempt.* 748. Crispina vera, *Cordi*: Cænothus spina, *Theoph*: vulgo, *Groselir blanch epineux*, & fructus *Groseille blanche*.

Ex radice lignosa, fibris non destituta, hic frutex exsurgit bicubitalis & altior numerosa stolonum segete luxurians, varieque in ramulos subdivisus, cortice in adultioribus ramis purpurante in junioribus virgis & surculis albicante, materie fere buxæ colore pallescente, spinis longiusculis acutis ac rigidis ad foliorum exortum passim armatus, singularibus, binis aut ternis. Folia promtæ brevibus pediculis innixa, unguem lata, nonnumquam ampliora, nonnihil rotunda, modice divisa, vitigineis quodammodo similia, superius saturò vitore splendentia, inferius dilutiora, mollia & modice pilosa, sapore acido. Flores parvi, suavi, sed nonnihil gravi odore simul multi ex eodem tuberculo ex quo folia prodeunt, ex pediculo brevissimo punicante, hirsuto, nutantes, rosacei, quinque petalis in orbem positis ex herbaeo albicantibus constantes calyce monophyllo, pelvisiformi, in quinque segmenta utrinque rubentia, extrorsum reflexa, diviso, cum quinque staminibus, & pistillo virescente, alba lanugine circa infima parte obrito. Calycis pars posterior quasi globosa abit in acinum seu baccam globosam, aut ovatam,

tam, interdum hirsutam, plerumque glabram, mollem, succosam, umbilicatam, plurimis lineis a pediculo ad umbilicum usque protensis, quasi rotidem meridianis insignitam, colore initio virentem gustuque acidam austeram, per maturitatem vero subflavescentem, ex vinoso dulcem, seminibus fœram plurimis, exiguis, candicantibus. In sylvis Sangermaniaceis, & circa pagum *Montmorency* dictum, sponte nascitur. In hortis quoque colitur, ubi cultura majoribus foliis, & baccis donatur, quæ tunc dicitur *Grossularia spinosa sativa*, C. B. P. 445. *Inst. R. H.* 639. *Grossularia* majore fructu, *Clusii hist.* 120. Uva crispa fructu *Cerasi* magnitudine, *Gesner. hort.* Soli acini maturi vel immaturi in usum esculentum veniunt.

Analyti chymica, ex fructuum jam maturitatem assecutorum ℥v. distillatis prodierunt humoris limpidi, odore & sapore haud ingrato, dulci, primum nullo modo acidi, sub finem obscure acidi ℥j. ℥iv. ℥vij. humoris subacidi, deinde magis ac magis acidi, austeri, ac obscure alcali, urinosi ℥iij. ℥iij. ℥iij. gr. xvij. humoris rufescentis, parum acidi, sale volatili urinoso imprægnati ℥j. ℥iij. gr. xlij. olei adiposi ℥vij. gr. xvij. Massa nigra residua pendebat ℥iv. ℥ij. gr. xxxvj. quæ per tredecim horas in crucibulo rite calcinata reliquit cinerum ℥v. ex quibus salis fixi mere alcali ℥j. gr. xxxij. extracta sunt. Partium jactura in distillatione fuit ℥j. gran. xxx. in calcinatione ℥iij. ℥v. gr. xxxvj.

Fructus maturus acidi salis mediocrem portionem obtinet, multo sulphure, phlegmate, & terra obruti; quare sapore aliquantisper dulci, sed fatuo donatur: Fermentatione tamen succus ejus aliquantisper vinosus evadit, sed non adeo generosus salium defectu. Fructus immaturus acidus est & austerus: refrigerat & adstringit. In cibatu apud nos usus ejus est uvarum acerbarum loco, juribusque gratissime innatat. Appetitum excitat: gravidis, quæ cibum omnem respuunt pergratus, nauseam tollit: hæmorrhagias, & ventris profluvia compescit. Juscula in quibus coctus febricitantibus utilia. Crudus comestus crudum parit succum, & parum aut nihil alit. Recte autem monet Parkinsonus largiorem immaturi fructus esum, quomodocumque præparetur, ventriculis frigidis & flatibus obnoxiiis non permittendum, nec colicos dolores aut tormina ventris inducat.

Maturus mollis est, & cujusdam dulcedinis, fatuæ tamen particeps. Longe minus adstringit immaturo: ad condimenta raro adhibetur: nec nisi a pueris aut fœminis voracibus aut rusticis comeditur. In ventriculo facile corrumpitur.

Vinum apud Anglos ex maturis acinis conficitur, narrante Rajo. Acinis in dolium injectis aquæ ferventis q. s. affunditur. Vas exacte clausum in loco temperato per tres quatuorve hebdomadas relinquitur, donec liquor baccharum succo, & spiritu penitus imprægnatus fuerit, baccæ autem plane exsuccæ, & insipidæ reddantur. Deinde exhaustus liquor cum Saccharo in ampullas vitreas infunditur, quæ probe obturatæ ad tempus reservantur, donec liquor cum Saccharo intime mixtus & fermentatus in generosum, & vini æmulum laticem exaltetur.

Grossularia, *Ribes* dicta, *Off. Grossularia* multiplici acino, sive non spinosa, hortensis rubra, sive *Ribes Officinarum*, C. B. P. 455. *Inst. R. H.* 639. *Ribes* vulgaris, acidus ruber, *J. B.* 2. 97. *Ribesium* fructu rubro, *Ded.*

Dod. Pempt. 747. vulgo, Groselier rouge. Fructus, Ribes, Ribesium, & Grossula vulgo, Groseilles rouges.

Fruticosa stirps est radicibus multifidis, fibrosis, adstringentibus; stolonibus seu virgularis plurimis lentis ac flexilibus, ad duos—vel tres cubitos assurgentibus cortice spadiceo aut cinereo, materie virente cum ampla matrice seu medulla: foliis vitis viniferæ similibus, sed multo minoribus, mollibus sinuatis, superne obscure virentibus, glabris, inferne molli lanugine canescentibus, acerbis. Flores racematim cohærent plurimi, rosacei, e petalis quinque purpurascensibus conflati quasi cordatis, & in crenis calyci pelviformis, quinquifidi, nascentibus, cujus posterior pars abit in acinum, initio virentem per maturitatem rubrum duas lineas latum sphaericum, succi acidi grati plenum, pluribus seminulis foetum. Oritur in sylvis Alpium, & Pyrenæorum coliturque vulgo in hortis ac septis. In usum cibarium & medicum venit.

Alia species est, quæ candidos pellucidos acinos profert, quæ hujus potius varietas est, quam species distincta. Dicitur Grossularia hortensis fructu Margaritis simili, C. B. P. 453. I. R. H. 640. Ribes vulgaris acidus, albas baccas ferens, J. B. 2. 98. Ribes vulgaris albo fructu, *Clus. Hist. 120. vulgo, Groselier blanc, & Groseilles blanches.* Ad usum medicum prior seligitur.

Analyti chymica, ex maturorum acinorum ℥v. per B. V. distillatis prodierunt humoris limpidi, odoris, & saporis fere expertis ℥ij. ℥v. humoris primo obscure acidi, deinde magis ac magis acidi, manifesti & intensi ℥j. ℥xij. gr. xxxvj. Massa sicca residua per retortam distillata præbuit humoris acidi & perausteri ℥vj. gr. xxxvj. humoris rufi, subsalsi, tum acidi austeri, tum alcali ℥j. gr. ix. olei spissi syrupi ad instar ℥j. gr. xl. Massa nigra in retorta residua pendebat ℥v. gran. xxxvj. quæ per 23. horas calcinata reliquit cinerum cœrulescentium ℥vj. gran. lx. ex quibus lixivio salis fixi mere alcali ℥ij. gran. xlv. lixivio extracta sunt. Partium jactura in distillatione fuit ℥j. ℥iv. gran. lix. in calcinatione ℥iv. ℥j. gr. xlvij.

Ribes salelem essentialem acidum, austerum obtinet cum olei portione mediocri consociatum. Hujus acini racematim adhuc ex pediculis dependentes nulla arte præparati, aut pediculis liberato tantillo Sacchari conspersi, æstivo tempore comeduntur. Imo a pueris, puellis chlorosi laborantibus, mulieribus pica & malacia affectis, ægris febre laborantibus avide experuntur ratione saporis subacidi, vinosi & palato grati.

Matres familias has baccas integras Saccaro condiunt sicut Cerasa; vel Ribesiorum gelatinam elegantem & palato gratissimam, succum acinorum cum Saccharo coquendo ad debitam consistentiam, & pro dulciario, non solum ad secundas mensas instruendas, sed etiam ad ægrotantium, febricitantium præsertim solamen reservant.

Ex eodem succo syrupus, Rob seu Sapa, hoc est succus ad mellis consistentiam inspissatus, in officinis præparantur.

Ribes, & quæ ex eo parantur, omnium consensu utiliter exhibentur ad æstum internum temperandum, sanguinis effervescentiam compescendam & biliosas commotiones cohibendas. Sanguinem enim & humores leviter inspissant, acidorum vegetabilium more: cumque simul adstringant mode-

moderate, ventriculum roborant, inappetentiam tollunt, in vomitionibus, & diarrhæis a biliosa colluvie oriundis, aut febribus biliosis valde conducunt, hæmorrhagias, quæ a nimia sanguinis dissolutione aut effervescencia nascunt, coercent.

In febribus malignis, & morbis contagiosis plurimum commendantur: quandoquidem his in ægritudinibus non solum mirum nimiam sanguinis dissolutionem præcavent, sed etiam alcalia salia nimis evoluta retundunt, sulphura expansa nimis, & exaltata cohibent. Ne tamen existimes earum curationem, ab horum acidorum usu semper absolvi.

Nocebit Ribesiorum usus, si vel voracitate immodica vel tempore minus commodo deglutiantur. Tunc enim diarrhæas excitant, ventris tormina, febres. Acida quoque in quibusdam, quorum ventriculus debiliior est ciborum concoctionem minuunt, bilis alcalinam indolem destruendo, chylum spissiore & grumoso efficiendo, unde humorum stagnationes viscerumque infarctus ab eorum esu quandoque nascuntur. Insuper assiduus acidorum fructuum usus pulmonibus nocet, tussim excitat, & phtificis prorsus infensus est. Imo notatum est ab Hannemann apud Bonnetum *Lib. 2. M. Septentriol. sect. 14. cap. 28.* a nimia Ribesiorum comestione tabem ortam. Nonnullis etiam fructus illi adversantur. Georg. Hannæus in *Ephemerid. Germanicis Decad. 2. ann. 6. Obs. 138.* observat virum quemdam, qui simul ac ex uno vel altero pediculo pendentes Ribesiorum acinos absumeret, gravedinem sibi acturum accelerasse.

℥℥. Syrup. de Ribes. ℥ij. aquar. Lactuc. vel Cichor. ℥j. Salis Prunell. ℥ss. Misce pro potu in febribus.

℥℥. Rob. Ribesior. ℥j. Aquar. Meliss. & Oxytriphyll. ana ℥iij. M. F. Julap. in febribus malignis.

In anginæ initio gargarismata parantur ex succo vel syr. Ribesiorum, & aquis Rosar. Plantag. Centinod. & aliis.

Folia vero Grossulariæ vehementer adstringere testis est Fusius.

Grossularia olens, Ribes nigrum dicta, Off. Grossularia non spinosa, fructu nigro, majore C. B. P. 455. Inst. R. H. 640. Ribes nigrum vulgo dictum, folio olente, J. B. 2. 98. Ribesum fructu nigro, Dod. Pempt. 749. Groselier noir, Cassis ou Cassier des Poitevins, Paul. Conrant. 39.

Frutici huic folia sunt vitiginea lata, aversa parte leviter pilosa, odore foetido. Flores ex eodem tuberculo plures aut racematim digesti. Uvæ crispæ floribus persimiles, quorum odor, qui & foliis, gravis, Baccæ oblongæ, colore nigro, quæ sive maturæ, sive immaturæ acidæ sunt cum sapore partim grato, partim ingrato. Apud Pictones & Turones frequens nascitur. Rarius apud nos, & circa vicum Montmorency tantummodo reperitur. Folia a nonnullis usitata.

Miræ hujus foliis tribuunt virtutes in Tractatulo anno 1712. Burdigalæ edito sub hoc titulo, *Les Proprietes admirables du Cassis*; in quo veluti panacea omnibus fere in morbis frutex ille prædicatur. Ejus foliorum recentium succus expressus: infusum vel decoctum in vino vel aqua, eorundem exsiccatorum pulvis vel decoctum præscribuntur.

Ex iisdem foliis syrupus vel conditum præparantur. Ubi desunt folia, eorum

rumdem germina vel fruticis cortex usurpatur. Sed in primis adversus viperarum & animalium rabidorum morsus, his in provinciis ejus folia plurimum usitata sunt. Folia recentia in vino contunduntur, succus exprimitur, cujus cyathus unus vel ℥viij. bis die per octiduum a demorsis hauritur mane, jejuno ventriculo & tribus quatuorve post prandium horis. Folia contusa & expressa vulneri apponuntur.

Paulus Contant Pharmacopæus Pictavenfis in suo *Commentario in Dioscoridem* aquam vel vinum in quibus Grossulariæ olentis folia per 24. horas macerata fuerunt, adversus hydropem ad ℥iiij. per quindecim dies mane, jejuno ventriculo pota commendat; eademque adversus viperarum morsus utilia dicit.

Ab illustrissimo viro D. Chauvelin summo rei ærariæ & judiciariæ olim in Turonia, nunc in Picardia Præfecto, & Regi a sanctioribus consiliis audivimus hæc folia adversus rabidorum animalium morsum plurimum valere, & usurpari in mixtura quadam adversus hydrophobiam apud Turones & Pictones decantata & plurimis experimentis comprobata.

℥℥. Folior. Galegæ, Rutæ hortens. Rorismarini, Salviæ, Angelicæ sylvestris, Grossulariæ olentis, folior. & radicum Bellidis sylvestris minoris, Spongiolæ, Rosæ sylvestris, folior. Lepidii latifol. Allii bulborum ana p. æq. Contundantur, & contusis pro singulis hujus massæ manipulis adde salis communis ℥iiij. vini generosi ℥iiij. Digerantur in vase clauso per aliquot dies, identidem agitando. Hujus infusi cyatum unum aut alterum bis die sumat æger a cane rabido demorsus, mane scilicet, jejuno ventriculo, & vesperi tribus post prandium horis per octiduum, celebrata prius venæ sectione. Si febris accendatur, sanguinis missio erit reiteranda, non interrupto hujus remedii usu. Nihil vero alimenti sumat æger nisi duabus post assumptum remedium elapsis horis. Externe vulneri, si opus sit, sufficienter dilatato, linamentum hoc vino imbutum apponatur, & post duodecim horas renovetur: vel etiam herbæ ipsæ contusæ & vino madentes eodem modo applicentur.

Eadem est animalium quadrupedum demorsorum curandorum ratio. Si vulnus detegi possit, candente ferro comburatur, scalpello crusta indurata tota auferatur, & herbæ contusæ & vino maceratæ admoveantur: Medicarum vinum animali propinetur, sed dosi diversa; bobus scilicet ad ℥ij. bis die per octiduum, minoribus animalibus minor dosi exhibebitur. Necesse est etiam ut animalia demorsa quotidie fluviorum vel stagnorum aquis per aliquot temporis intervallum innatent.

H E D E R A.

DUæ in Officinis plantæ Hederæ nomine insigniuntur, scilicet Hedera arborea, & Hedera terrestris. De arborea jam egimus ubi de plantis exoticis, *Sectione de Resinis solidis, articulo de Gummi Hederæ*. nunc de terrestri sermo erit.

Hedera terrestris, Off. Calamintha humilior folio rotundiore, *Inst. R. H. 194.* Hedera terrestris, vulgaris, *C. B. P. 306.* Chamæcissus sive Hedera terrestris, *J. B. 3. App. 855.* Hedera terrestris, *Dod. Pempt. 394.* *Geoffroy Tom. II.*

Gerard. Raii Hist. 567. *Melacocissos* ; *Lugdunens.* 1311. *Chamæclema* ; *Cord. Elatine* , *Brunsfels* : *humilis Hedera* , *Adversar.* *Corona terræ* , *Lobel. Icon.* 613. vulgo , *Lierre terrestre* , *Terrette* , *Herbe de S. Jean* , *Rondotte* .

Viticulis quadrangulis , repentibus & fibrosis late se propagat secus rivulos , & in sepibus , ac pratis , cauliculos promens ténues , quadrangulos , subrubentes , hirsutos : in quibus folia bina nascuntur , longis pediculis hærentia , rotundiora , aurita , unciam lata , subhirsuta , æqualibus crenis incisa . Flores ad caulium nodos verticillatim dispositi , e singulis foliorum alis tres quatuorve , aut etiam plures exeunt , monopetalii , labiati , cœrulei , labio superiore bifido , & ad latera reflexo , inferiore in quatuor segmenta diviso , tubo intus saturationibus purpureis maculis & lineolis variegato , rictu pilis brevibus albis , velut lanugine quadam obfito : pistillo tenui , bicorni . Calyx floris oblongus , angustus , striatus , marginibus in quinque segmenta breviter partitis , flore marcescente in ventrem turgescit , & quatuor semina oblonga continet , subrotunda , lævia . Totius plantæ sapor amarus , odor gravis ad *Mentham* quodammodo accedit . Tota planta in usum medicum venit .

Analyti chymica , ex totius plantæ recentis ℥v. per retortam distillatis prodierunt humoris fere insipidi & inodori , limpidi , obscure salis & sub finem obscure subacidi ℥j. ℥v. ℥v. gr. xvij. humoris primo subacidi , deinde magis ac magis acidi , subausteri ℥ij. ℥vii. ℥ij. gr. xvij. humoris rufescentis , leviter empyreumatici , subacidi , subsalis , urinosi ℥j. gr. xxxvj. humoris rufescentis , sale volatili urinoso imprægnati ℥ij. olei adiposi ℥j. ℥ij. gr. xxxiiij. Massa nigra in retorta residua pendebat ℥iiij. ℥vj. gr. xxxvj. quæ rite calcinata reliquit cinerum subrufescentium ℥ij. ex quibus lixivio salis fixi mere alcali ℥vj. gr. xxxviiij. extracta sunt . Partium jactura in distillatione fuit ℥viiij. ℥vj. gr. xij. in calcinatione ℥ij. ℥vj. gr. xxxvj.

Hederæ terrestris folia amara sunt ; nonnihil aromatica , & chartam cœruleam vix mutant . Quamobrem ejus vires Cl. Tournefortius refert ad sulphur & terram , quæ copiose reperiuntur in hujus plantæ analysi , & salem essentialem quemdam , non multum a tartaro vitriolato diversum , mixtum cum paucis sale ammoniaco . Unde ob partes bituminosas , salino-terrestres & spirituosas , aperit , abstergit , discutit & vulneraria est , tum intrinsecus sumpta , tum extrinsecus adhibita . Succus ejus defœcatus ad ℥ij. aut iij. infusum vel decoctum ex aqua vel vino propinantur : vel etiam pulvis a ℥ss. ad ℥j. exhibetur . Ex summitatibus floridis conditum in Officinis præparatur ; sicut ex ejus succo syrupus & extractum . In decoctis & potionibus vulnerariis usus est frequentissimi . Specifica facultate , inquit S. Paulli , vulneratis & ulcerosis visceribus , si qua herba , hæc maxime medetur . Ettmullerus eandem erosionibus & exulcerationibus viscerum , pulmonum in primis & renum dicatam , & in his consolidandis nulli cedentem scribit : & illius usum in tussi & phthisi pulmonali tum præservanda , tum curanda , sive ex læsione externa , sive ab erosionem interna ortum suum ducat , commendat . Vvillsius in *Pharmaceutica rationali* p. 2. sect. 1. c. 6. pulverem conficit ex summitatibus *Hederæ terrestris* nonnihil rubescentibus , contusis & in placentam coactis , quæ sole fervido statim exsiccata in pulverem

rem subtilem redigitur ; quem a $\mathfrak{z}\beta$. ad $\mathfrak{z}\jmath$. exhibet bis in die cum ejusdem plantæ aqua distillata aut decocto pectorali , in tussi gravi & pertinace , & in phthisi . Ettmullerus ancillam , quæ diu phthisi scorbutica laboraverat , decocto hujus herbæ unico curatam fuisse refert . Lindanus in empyemate & vomica pulmonum & in plenitide suppurata non parum habere virium asserit , sive usurpetur ejus decoctum , sive conserva : materiam enim purulentam in pectore collectam mirum quantum evacuat , & ulcus potentissime detergit . Ad mictum cruentum & purulentum sanandum plurimum valet . In casu ab alto , ab eodem Ettmullero , & in primis ad grumum sanguinis resolvendum , & inde oriundam difficilem respirationem auferendam ejusdem decoctum commendatur cum solutione lapillorum cancrorum permixtum .

Insignes eidem tribuuntur vires ad effectus urinarios demulcendos , acrimoniam urinæ temperandam , nephritidem præcavendam , dispositionem ad calculum removendam , imo etiam calculum minuendum & expellendum . Audienda sunt hæc S. Pauli verba . In calculo vero renum simplex Hederæ pulvis cum Sacchari dimidio præparatus , & cum aqua Hederæ terrestris , cui spiritus vini quarta vel sexta pars est affusa , propinatus , omnem fere fidem superat , quam præclare eum atterat .

J. Rajus ex Hieronym. Reusneri observationibus narrat , quemdam vino in quo Hederæ terrestris infusa esset , addito Saccharo cando , cum felici quidem successu usum fuisse , & arenulas excrevisse , at cum insigni dolore .

Ad colicos dolores compescendos & ad dysenteriam sanandam ejus decoctum in clysteribus præscribitur . Ad puerperarum tormina post partum folia contusa ventri calide apponuntur . Matthioli colicis in affectibus oleum in quo ad solem æstivum folia recentia macerata fuerunt , injectum & epotum tanquam singulare remedium prædicat .

Succus hujus plantæ naribus attractus cephalalgiam etiam vehementissimam & inveteratam , referente J. Rajo , non lenit tantum , sed & penitus aufert . Medicamentum hoc , inquit post suum auctorem , quamvis facile parabile & ubique obvium sit , non satis potest laudari , si res ex usu æstimarentur , auro æquiparandum . Novi quippe qui per decennium ac amplius acerrimis doloribus conflictati statim ab ejus usu recreati sunt , nec unquam postea paroxysmum senserunt . Joan. Bauhinus eam observavit ad expellendos vermes equorum præstantissimam , si contusa detur cum Avena .

Ejus folia sola sinuosis tibiæ ulceribus medentur contusa & admodum . Ad insaniam sanandam eadem recentia in vino albo usque ad putrilaginem , ut ajunt , coquuntur . Succus exprimitur & cum olei Olivæ æquali portione mixtus coquitur adhuc ad mediæ partis humoris diminutionem : hoc oleoso succo ægrotantis capitis vertex , sinciput & tempora calide inunguntur , easdem partes manu calida & hoc succo madida per semihoram fricando . Dein magma expressum eodem liquore imbutum iisdem partibus calens applicatur . Removetur cataplasma sexta quaque hora , novum & calidum admovendo , & frictiones unctionesque simul repetendo . Quod quidem per tres quatuorve dies continuandum est .

$\mathfrak{z}\mathfrak{j}$. Radic. Rubiæ tinctor. Tormentill. & Bistort. ana $\mathfrak{z}\jmath$. folior. Hederæ terrestr. Veronic. & Virgæ aureæ ana M. j. Summitatum florid.

Hyperici & Bellidis minor. ana M. j. Coq. in aq. comm. q. s. ad ℥iij. Colatura dilue Rhodomeli ℥ij. Fiat apozema vulnerarium ad ℥vj. tertia vel quarta quaque hora propinandum, ad ulcera interna detergenda & hæmorrhagias sistendas.

℥. Pullum gallinaceum & vitulinæ carnis ℥ss. Orizæ cochlear unum; radic. Symphyti maj. & Tormentill. ana ℥j. Coq. in aq. comm. q. s. pro jusculis quatuor. Sub finem cōctionis adde folior. Hederæ terr. Chærefol. Portulac. Urticæ, Plantag. Geranii Robertian. & Sanicul. ana M. j. Sumat æger jusculum unum quarta quaque hora in hæmorrhagiis quibuscumque.

℥. Succor. defœcator. Hederæ terrestris, Chærefol. & Veronicæ ana ℥vj. Syrup. de Hedera terrestris ℥ij. M. Dividantur in sex doses quarta vel sexta quaque hora propinandas, in sputo & mictu cruento aut purulento, in abscessu interno abstergendo.

℥. Extract. Hederæ terrestr. Conserv. Rosar. rubr. & Conserv. radic. Symphyti major. ana ℥j. antihectic. Poter. Succini subtilissime pulver. ana ℥iij. Corall. rubr. & oculor. Cancror. ana ℥ij. M. F. electuar. antiphthificum c. s. q. syrup. de Hedera terrestr. Dosis ℥ss. ter quaterve in die.

℥. Succi Hederæ terrestr. defœcati ℥iij. Thuris subtilissime triti ℥j. Mellis rosati ℥j. M. F. linctus in hæmoptoe, empyemate & vomica pulmonum.

Ejus aqua distillata servatur in Officinis pharmaceuticis plantæ viribus non prorsus destituta, sed succo vel decocto minus valens.

HELIANTHEMUM.

Plantis duabus genere diversis Helianthemum nomen Officinæ concedunt, scilicet Helianthemum vulgari, & Helianthemum tuberoso esculento.

Helianthemum vulgare, Off. Helianthemum vulgare, flore luteo, *J.B.* 2. 15. *Inst. R. H.* 248. Chamæcistus vulgaris, flore luteo, *C. B. P.* 465. *Raii Hist.* 1013. Flos solis, *Dod. Pempt.* 193. Chamæcistus 1. *Clus. Hist.* 73. Helianthos, sive Flos solis, *Advers. Lobel.* Helianthemum Anglicum luteum, *Gerard*: Panax chironium, sive Flos solis, *Matthiol*: Hyssopus campestris, *Tragi* 221. Consolida aurea Chirurgis, *Cordi Schol*: vulgo, *Heliantheme*, *Herbe d'or*, *Hysope des Garrigues*.

E radice alba, lignosa, caules, plures, tenues, teretes, humifusi, hirsuti emergunt foliis vestiti oblongis, angustis, Hyssopi foliis paulo latioribus, mucronibus obtusis, ex adverso binis, pediculis brevibus insidentibus, superne viridibus, subtus incanis. Flores in summitatibus in longas veluti spicas dispositi, pediculis semiuncialibus appensi, lutei, rosacei, pentapetali, cum plurimis intus staminulis flavis, e calyce trifolio, lineis rubris striato exeunt. Pistillum abit in fructum trigonum, grandem, trifariam dehiscens, semina aliquot trigona, rufa, continentem: ad floris uniuscujusque pediculum apponitur foliolum longum, angustum. In agro Parisiensi sponte nascitur. Radices & folia usitata sunt.

Helianthemum folia succo lento & glutinoso scatent, qui chartam cœruleam colore rubro leviter tingit.

Vulneraria est & adstringens hæc planta. Unde in sputo sanguinis, alvi profluvio,

vio, & omnibus affectibus quibus fluxus nimius conjunctus est, Symphyti aliarumque Consolidarum more, usurpari potest. Exhibetur utiliter decoctum in vino rubro, vel aqua, cum Symphyto & Plantagine ad sanguinis sputum, diarrhæam, dysenteriam.

Ad uvulam, ulcera oris & genitalium decoquitur in vino rubro, addito momento aluminis, decoctioneque os colluitur, aut ulcera partium dictarum.

Helianthemum tuberosum esculentum, *Off.* Corona solis parvo flore, tuberosa radice, *Inst. R. H.* 489. Helianthemum Indicum, tuberosum, *C. B. P.* 277. Flos solis Farnesianus, Aster Peruanus, tuberosus, *Col. Part.* 2. 13. Flos solis pyramidalis, parvo flore, tuberosa radice, Heliotropium Indicum quorundam Gerard. *emacul. Raii Hist.* 335. Battata Canadensis, *Parkins.* vulgo, *Taubinambours & Poires de terre.*

Ab una radice caulis singularis aut multiplex exsurgit, teres, virens, striatus, asper, pilosus, duodecim aut amplius pedes altus, medulla alba, fungosa fractus, foliis crebris, nullo ordine positis, ab imo ad summum usque cinctus pallide virentibus, asperis, latis, acuminatis, floris Solis vulgaris fere similibus, non tamen rugosis nec æque latis. Caules ab imo statim ramosi sunt, foliis paulatim magnitudine decreascentibus ab imo ad summum usque. Flores in summis caulibus & ramulis nascuntur floris Calendulæ vulgaris magnitudine, radiati, quorum discus ex plurimis flosculis lateis, dense stipatis; corona vero ex semiflosculis duodecim aut tredecim, striatis, cuspidatis, aureo fulgore micantibus, embryonibus insidentibus, calyce e squamis villosis composito comprehensis. Embryones autem abeunt in semina parva. Caulis plures emittit radices tenues, repentes, fibrillis tenuibus capillatas, longe lateque se diffundentes, inter quas e radice primaria multæ aliæ soboles tuberosæ excreascent, glomeratæ, nunc radici primariæ seu matri adhærentes, nunc fibris longis ad pedis ab ea distantiam adnascentes, terram elevantes, & nonnunquam supra ejus superficiem apparentes. Unica radix triginta, quadraginta, quinquaginta, aut etiam plura non raro producit hujuscemodi tubera. Radices hæ tuberosæ foras colore rufescent, substantia seu carne interna fungosa, candicante, sapore dulci, variis prominentiis gibbosæ, pugni humani interdum magnitudine, ea parte qua germinaturæ sunt velut in rostellum elatæ. Caulibus marcescentibus radices tuberosæ per hyemem in terra restant, & sequenti vere regerminant. In hortis colitur. Radices tuberosæ in usum esculentum veniunt.

Analysi chymica, ex radicum tuberosarum recentium lbv. per vaporarium distillatis prodierunt humoris limpidi, primum sapore subdulci, faruo, odore herbaceo, obscure subsalsi, deinde saporis & odoris prorsus expertis lbij. humoris limpidi, obscure acidi ℥xij. Residuum per retortam distillatum præbuit humoris rufi, empyreumatici, manifeste, & impense acidi ℥v. ℥vij. gr. xxxvj. humoris rufi, empyreumatici, sale volatili urinolo imprægnati cum granis aliquot salis volatilis ℥j. ℥iiij. gr. xxxvj. olei ℥j. gr. xlv. Massa nigra in retorta residua pendebat ℥vj. ℥iiij. quæ per quindecim horas in crucibulo calcinata reliquit cinerum albican-tium ℥j. ℥ij. gr. xxxvj. ex quibus salis fixi mere alcali ℥v. lixivio sunt extractæ. Partium jactura in distillatione fuit ℥iiij. ℥vij. gr. xxvij. in calcinatione ℥v. ℥i. gr. xxxvj.

Harum radicum succus & decoctum chartam cœruleam rubro colore tingit . Sapore dulci & palato grato hæc tubera gustui se commendant & edulia sunt tum cruda , tum cocta . Cocta carnis cap tum Cinaræ saporē referunt . Salem essentialē obtinent tartaro similem cum aliqua ammoniacalis salis portione , sulphure crasso , terra copiosa & multo phlegmate viscido conjunctum . Mediocriter nutriunt , sanguinis & humorum acrimoniam demulcent , unde pectoris affectionibus conducunt . Nonnulli eas flatulentas esse & ventriculo inimicas pronuntiant ; alii autem aliter sentiunt , nec ullam hujusmodi flatūs excitandi vim in illis percipiunt aut agnoscunt . Apud nostrates aqua decoquuntur & cum butyro , sale & pipere tantillo condita comeduntur . Alii ea frustulatim secta & massa farinacea involuta cum butyro aut oleo in sartagine frigunt . A quibusdam cruda cum sale & pipere utpote palato gratiora devorantur : sed ob suum succum viscidum difficiliter coquuntur in ventriculo .

H E L I O T R O P I U M .

Heliotropium & Verrucaria , Off. Heliotropium majus Dioscoridis , C. B. P. 253. & Inst. R. H. 139. Heliotropium majus , flore albo , J. B. 3. 604. Heliotropium , Dod. Tempt. 70. Heliotropium Officinis , Verrucaria scorpioides , Adversar. Lobel. 101. vulgo , *Herbe aux verrues* .

Huic radix est simplex , tenuis , lignosa , dura : caulis dodrantalis & altior , fungosa medulla plenus , rotundus , ramosus , nonnihil hirsutus , foris ex viridi incanus : folia ad ramulorum exortum & per ipsos ramos disposita , ex rotundo oblonga , Ocymi foliis paria , sed albidiora asperioraque , cauli concoloria , hirsuta . Flores in ramulorum cauliculorumque fastigiis scorpionum caudæ instar reflexis ordinata serie digesti , parvi , candidi , monopetali , infundibuliformes , centro stellæ in modo corrugato & in decem partes alternatum inæquales ad oram incisi . Ex calyce lanuginoso surgit pistillum infimæ floris parti ad instar clavi infixum & quatuor velut stipatum embryonibus , qui deinde abeunt in totidem semina hinc angulata , inde gibba , brevia , cinerea . In agro Parisiensi sponte nascitur . Herba integra usitata est .

Analyti chymica , Verrucariæ floridæ lbv. per retortam distillatæ præbuerunt humoris flavescentis , saporis & odoris herbacei penetrantis , subfalsi , subalcalini , urinosi ℥xiiij. ℥ij. gr. liij. humoris rufescentis , odoris & saporis herbacei , magis penetrantis , falsi & alcali urinosi lbj. ℥xj. ℥vj. gr. lx. humoris limpidi , flavescentis , ejusdem odoris , & saporis magis falsi ℥x. ℥j. gr. lx. humoris rufi , empyreumatici , sale volatili urinoso copioso imprægnati ℥j. gr. xij. salis volatilis urinosi concreti ℥j. gr. lxxvj. olei syrupi ad instar spissi ℥j. ℥vj. Massa nigra in retorta residua pendebat ℥vj. ℥v. gr. xij. quæ rite calcinata reliquit cinerum ℥iiij. ℥ij. ex quibus lixivio salis fixi alcali ℥iiij. gr. lx. fuerunt extracta . Parium jactura in distillatione fuit ℥iiij. ℥vj. gr. xxiiij. in calcinatione ℥ij. ℥ij. gr. xij.

Verrucariæ folia amara sunt , & eorum succus chartam cœruleam nullo modo mutat . Salem essentialē ammoniacalem continent cum oleo copioso tum tenui & acri , tum crasso , & multa terra conjunctum .

Verrucas, myrmecias seu prurigines & thymos in glande aut præputio & ano affricata herba valenter adimere dicitur. Optime detergit, & efficacissima censetur adversus carcinomata & ulcera serpentia & gangrænosa, necnon strumosos tumores. J. Rayus folia contusa cum oleo rosaceo & capiti admota, adversus cephalalgiam commendat. Idem refert epotum foliorum decoctum una cum Cumino renum calculos pellere & frangere, & intestinorum animalia necare.

H E P A T I C A.

A Pari Hepatis obstructions resolvendi, qua pollent, facultate, tres stirpes, licet genere prorsus diversæ, Hepaticæ nomen per antonomasiam obtinuerunt, scilicet Hepatica fontana seu vulgaris, Hepatica nobilis seu trifolia, & Hepatica stellaris, seu Asperula. De hac jam egimus sub Asperulæ nomine.

Hepatica fontana, Hepatica vulgaris, Hepatica terrestris, Lichen petræus, Off. Lichen petræus latifolius, sive Hepatica fontana, C. B. P. 362. Lichen, sive Hepatica fontana, J. B. 3. p. 758. Lichen, sive Hepatica vulgaris Parkins. Inst. R. H. 124. Hepatica terrestris, Gerard. Jecoraria, seu Hepatica fontana, Trag. 523. Fegatella, Cæsalp. 601. vulgo, *Hepatique commune*.

Radicibus hæret sericeis similibus pilis, tenuibus admodum, copiosis sub foliis, quæ digiti sunt latitudine, & dupla longitudine vel majore, superne virentia vel parum flavicantia, squamosa velut serpentum cutis vel limacis, singulisque squamis punctum in medio inscriptum elevatur. Flos, si quis sit, non manifestus. Caulem ex parte folii extrema, parum scissa & sinuosa, lunata, album, lævem, firmum, succosum, Junci crassitie, diaphanum, quatuor uncias longum habet, supra quem pileolus, veluti fungus, insidet parvus, in quatuor aut quinque partes inferne divisus. Pileolus primum viridis est, parum ad flavum inclinans, postea flavescit, atque demum rufus efficitur; & partes illæ inferiores divisæ fructum nigrum disruptæ ostendunt, atque apertis fructus seu vascula seminalia decidunt nigro-purpurea, succosa cum viridia, siccata vero pulverem pro semine nigrescentem fuliginosum continent. In saxis aquosis & umbrosis oritur juxta rivulos, fontes, aut puteos.

Analyfi chymica, ex totius plantæ recentis ℥ij. ℥xiiij. per retortam distillatis prodierunt humoris limpidi, saporis herbacei, obscure salis ℥j. ℥ij. gr. lx. humoris limpidi, primum obscure salis, deinde obscure subacidi, ℥xiiij. ℥vij. gr. vj. humoris limpidi, tum alcali urinosi, tum acidi, ℥v. ℥iij. humoris fusci, leviter empyreumatici, manifeste subsalis, alcali & subacidi ℥vij. gr. liij. olei adiposi ℥iij. gr. xxiiij. Massa nigra in retorta residua pendebat ℥vj. ℥iij. quæ rite calcinata reliquit cinerum ruforum ℥iij. ℥iij. gr. xxxvj. ex quibus salis fixi salis gr. xxx. tantummodo extracta sunt. Partium jactura in distillatione fuit ℥j. ℥iij. in calcinatione ℥j. ℥vj. gr. xxxvj.

Hepatica saporis est herbacei cum amarore nonnullo & adstrictione, & odore leviter aromatico, bituminoso, quasi mastichino perfusa. Sale essentiali ammoniacali cum mediocri olei bituminosi portione & copiosa terra conjuncto instruitur.

Ex horumce principiorum miscela compositum exsurgit potenter incidenti, abstergendi, adstringendi & consolidandi virtute præditum. Hepatica est insignis hæc planta, necnon vulneraria. Pulmonum, hepatis, lienis & cæterorum viscerum obstructions aperit, humores crassos dividit, solvit, partium tonum firmat, roboratque. Sanguinem sistit in vulneribus. Humorum acrimoniam ratione terræ & olei bituminosi demulcet & retundit. Cæsalpinus notat quod adustos & crassos humores leniter purget, si in magna copia ut pondere ℥ij. ejus decoctum propinetur, præsertim si cum sero lactis confectum fuerit: quo remedio iterato per multos dies sanatos multos vidit ex maligna scabie & ulceribus exedentibus. Usus ejusdem in hæctica febre infantum, empyemate, phthisi, ictero, scabie & cutaneis affectionibus commendatur. In jussulis aperientibus ad M. j. præscribitur.

Emanuel Konig in suo *Regno Vegetabili*, hunc pulverem velut specificum antiphthysicum proponit.

℥. Lichenis petræi exsiccati & pulverati ℥ß. Geran. Robertani pulver. Pulmon. vulpinor. præparator. Boli armen. ana ℥ij. Antihectic. Poter. ℥ijß. Sacchar. cand. ℥j. M. F. pulvis. Dosis ℥ß. vel ℥ij. mane & vespere.

Officinæ Basileenses syrupum servant ex Lichene præparatum, qui infantibus tussientibus & scabiosis, maxime autem phthysicis utilissime datur.

Hepatica usurpatur in syrupo de Cichor. simplici & composito.

Hepatica nobilis, Hepatica trifolia, Off. Ranunculus tridentatus, vernus, flore simplici, cœruleo, *Inst. R. H.* 286. Trifolium Hepaticum, flore simplici, cœruleo, *C. B. P.* 330. *Raii Hist.* 580. Trifolium Hepaticum sive Trinitatis herba flore cœruleo *J. B.* 389. Hepatica trifolia, cœruleo flore, *Clusii Hist.* 247. Trifolium magnum seu aureum, quod nobilis Hepatica, *Tragi* 519. Hepatica aurea, *Brunsfels. Tabern. Icon.* 527. Trinitas *Matthioli*: Hepatica nobilis sive Trifolia *Parkinson.* Trifolium aureum *S. Pauli Quadr. Bot.* 5. vulgo, *Hepatique des Fleuristes*, ou *belle Hepatique*.

Radices sunt crassiusculæ in plurima capita divisæ, fibris innumeris ex rubro nigricantibus varie intertextis capillatæ, adeo ut totæ fibris hisce occultentur, nec aliud esse videantur quam massa seu congeries fibrarum glomeratarum & miris modis implexarum. E singulis autem radicis capitulis seu nodulis quotannis progerminant primo flores: deinde folia, cum primulum emergunt complicata & hirsuta, postquam extenduntur glabra, superne obscurius viridia, adversa parte pallidiora, & interdum Cyelaminis modo purpurascentia, firma, triquetra, in tria segmenta non tamen ad pediculum usque divisa, per margines æqualia, pediculis semipalmaribus & longioribus insidentia. Caules ex eadem radice plures, tenues, pediculis foliorum breviores, nudi, singuli singulos flores sustinent speciosos, rosaceos, & sex vel octo petalis cœruleis conflatos, staminibus cum suis apicibus intus plurimis cum calyce trifolio & pistillo globoso ac verrucoso, quod abit in capitulum, in quo plura semina acuta, Ranunculorum modo congeruntur. Variat floris colore cœruleo, carneo, albo: in hortis colitur ob floris sæviente hyeme erumpentis elegantiam: Herba integra usurpatur.

Inter plantas Hepaticas recensetur, necnon vulneraria dicitur. Refrigerat enim, siccatur, roboratur, & adstringit. A nonnullis, referente J. Bauhino, ad vul-

vulnera glutinanda tam foris illita quam intus sumpta probatur : item ad enterocelas , in quem usum pulverem dimidii cochlearis mensura ex vino austero propinant . Tota planta decoquitur in vino eodem ad columellæ fauciumque inflammationes . Tragus asserit , herbam vino decoctam & potam obstructione liberare jecur , præsertim in his , qui veneri nimium indulgere : eandemque inflammationes impositam sedare , doloresque demulcere . Easdem vires ejus aquæ distillatæ tribuit . Nonnulli ejus extractum cum Saccharo præparatum in herniis puerorum perutile esse asserunt . Aqua pluvialis , post ternam quaternamve ex recentibus cohobationem instituta , fit cosmetica egregia , quam honestissimæ matronæ narrante Simone Paulli , ubi sole sub ardente versatæ sunt , ad formæ suæ restorationem solent expetere .

H E R B A P A R I S .

HErba Paris, *Off. Dod. Pempt. 444. Inst. R. H. 233. J. B. 3. 613. Solanum quadrifolium bacciferum C. B. P. 167. Uva versa , Uva lupina , Uva vulpina , Germanorum : Solanum tetraphyllum , Adversar. Lobel. Icon. 267. Aconitum salutiferum , Tab. Icon. 112. Aconitum Pardalianches monococcon Cordi : vulgo , Raisin de Renard.*

E radice tenuj , longiuscula , geniculis aliquot articulata , oblique serpente , alicubi interdum progerminante , cauliculum erigit teretem & singularem , solidum , duos palmos altum , prope terram rubentem , superius viridem : atque circa hunc folia promit quatuor , ab uno veluti centro in decussis sive crucis figuram concinne digesta , ex angusto principio lata , in acumen desinentia , rugosa & nervosa , per margines æqualia , inferne splendentia , superne nigricantia . Supra hæc , in cauliculi fastigio , flos prodit cruciformis , quatuor scilicet petalis longis , angustissimis , acutissimis , & viridantibus constans octonis staminibus longis , acutis , viridibus , cum additamentis ut plurimum croceis nonnumquam albicantibus , & calyce ex quatuor latiusculis , acuminatis , & viridantibus foliis composito : in cujus medio sedet pistillum seu embryo fructus cum stylo brevi . Embryo autem abit deinde in fructum seu baccam mollem , fere globosam , atropurpuream , in quatuor loculamenta divisam , ex cujus umbilico quaterna filamenta ejusdem cum ea coloris emicant . His in loculamentis semina copiosa , minuta , oblonga , albida , magnitudine Papaverini aut Amaranthi , continentur . Odor totius plantæ virosus & ingratus , In agro Parisiensi sponte nascitur . Tota planta in usum venit .

Analyti chymica , ex ℥iv. & ℥xij. totius plantæ recentis , dempta radice , per retortam distillatis prodierunt humoris limpidi , saporis herbacei obscure acidi ℥xij. ℥iv. humoris magis ac magis manifeste acidi , & austeri ℥iij. ℥vij. ℥j. humoris rufi , leviter empyreumatici , minus acidi , subsalsi , austeri & obscure alcali ℥v. gr. lx. humoris rufescentis , sale volatili urinoso copioso imprægnati ℥vij. salis volatilis concreti urinosi gr. xlij. olei extracti ad instar spissi ℥j. ℥iv. gr. xxxij. Massa nigra in retorta residua pendebat ℥iij. ℥iv. gr. xlvij. quæ rite calcinata reliquit cinerum leucophæorum ℥j. ℥j. gr. xxxvj. ex quibus salis fixi mere alcali ℥v. gr. xlij. extracta sunt . Partium jactura in distillatione fuit ℥iv. gr. xlv. in calcinatione ℥ij. ℥iij. gr. xij.

Herba Paris salelem essentialem obtinere videtur vitriolico-ammoniacalem cum multo oleo bituminoso conjunctum.

Alexipharmaca censetur, cephalica, resolvens, & anodyna. Fuerunt, qui eam Aconitis speciem esse conjectantes, venenatam prodiderunt. At vero Lobelius in *Adversariis* eandem alexipharmacam esse probat experimento duorum canum, quorum intimas in fauces vi indita fuit Arsenici, & Mercurii sublimati ana ℥ss. carnibus admixta. E vestigio, inquit, uterque canum ore patulo aerem captabant, spumas elidebant, anxioque & crebro conatu, sed irritato, vomere nitebantur: latratus edebant ore & affultu rabido, rictuque minaci proximum quemque invasuri videbantur. Hora vix exacta uterque frigidior, & quietior factus, decubuit moribundus. Tum Pulveris Saxonici ℥ij. ex rubello vino infusæ fuerunt in fauces unius, ac nec tum quidem quicquam evomuit: quin potius aliquanto post, cum socius periculi jam enectus esset, hic nobis attractantibus visus fuit calefcere. Itaque cœpit ore reptare, oculos reservare, & animum viresque adeo repente recipere ut hilaris & ludibundus aliquot horis post, cœnam sub mensa cœperit, planeque convalescit. Idem evenit ad Badenses Thermas aliis canibus, quibus data fuit cum arsenico mixta nux vomica: sed hi vertigine ventrisque diris cruciatibus acti sese in gyrum indefinenter versabant.

Joann. Schroderus usum baccharum internum alexipharmacum in peste, venenatis morbis, venenisque assumptis pronuntiat. Ettmullerus eas eorum malignitatem per sudorem expellere scribit.

Baptista Sardus & Cæsalpinus adversus mentis emotionem, insaniam & fatuitatem tam per morbi diuturnitatem aut sævitiam, quam pravæ rerum assumptione contractas commendant, si viginti continuis diebus dimidium cochlear pulveris hujus herbæ jejuno propinetur. Idem præstat solum baccharum semen pulveratum, si Matthiolo credere fas est, ℥ss. vel ℥j. pondere potum ad vigesimum usque diem. Secundum Camerarium pulvis radice colicam sanat. Eadem baccæ n. v. vel ix. pulverizatæ, & in aqua florum Tiliæ propinatæ a nonnullis summopere laudantur adversus epilepsiam, in primis infantum.

Non desunt tamen qui asserant acinos Uvæ lupinæ devoratos soporem inducere. Ergo sane, inquit H. Tragus, illos nequaquam degustare volo, ne forte prorsus obdormiam. S. Paulli propter diversas auctorum hac de planta sententias internum illius usum prohibet, Galeni monito obtemperans. Medicinas, quæ jam longo tempore probatæ sunt, quæque uno ore a peritis Medicæ materiæ auctoribus commendantur, omnibus aliis præferre videtur. *Lib. 2. de antidotis c. 23. p. m. 399.*

Extrinsecus foliorum, & baccharum usus plurimum commendatur in bubonibus pestilentialibus, calidis tumoribus, inflammationibus malignis, paronychia, & ulceribus inveteratis, sive in decocto, sive sola contusa, aut cum fuligine impastata, in forma cataplasmati imponantur. Sic, auctore Ettmullero, & inflammationem, & tumorem scroti ac testium, folia imposita admodum laudatum sunt remedium, non minus, quam in inflammatione ipsius penis cataplasma ex herba virente contusa factum, & applicatum egregie convenit. Hujus plantæ foliis aliquid anodynæ & narcotici in recessu recondi existimat, quo æstum, & dolorem valent refræ-

nare:

nare: propter quod in cancro tam exulcerato quam occulto folia hæc confusa in mortario plumbeo, & imposita non leve levamen afferre scribit.

Folia & baccæ in pulvere Saxonico usurpantur, cujus hæc est descriptio a Lobelio recensita.

24. Utriusque angelicæ, domesticæ nempe, & sylvestris, Vincetoxici, Valerianæ domesticæ, Polypodii querni, radicum Althææ, & Urticæ ana ℥iv. corticis Mezerei Germanici ℥ij. Grana Herbæ Paridis n. xxiv. folia ejusdem cum toto n. xxxvj. Ex maceratis in aceto radicibus & siccatis fit omnium pulvis. Dosis ℥ij.

H E R N I A R I A.

Herniaria, Millegrana, Herba Turca, Off. duplex est, alia glabra, alia hirsuta.

Herniaria glabra J. B. 3. 378. & Inst. R. H. 507. Polygonum minus, sive Millegrana major glabra, C. B. P. 281. Herniaria, Dod. Pempt. 114. Empetrum, Tragi 527. Herba Turca, sive Herniaria, Lobel. Icon. 421. Epipactis Anguillar: vulgo, Herniole, Turquette, Herbe du Turc.

Herniaria hirsuta J. B. 3. 379. Inst. R. H. 507. Polygonum minus sive Millegrana major hirsuta, C. B. P. 381.

Parva hæc herba supina humique procumbens, late subjectum solum occupat luxurie lætæ complurium ramulorum, quos ex pusilla radícula in altum descendente fundit, hinc inde sparsos, teretes, subrubentes, creberrimis interceptos geniculis, ad quorum singula adversa folia perquam exigua, Serpilli minora, ex viridi lutea, in hac hirsuta, in illa glabra, gustu acri. Eisdemque locis erumpunt mirum in modum numerosi flores, minimi, luteoli, aut albidii, aperiati, plurimis scilicet staminibus constantes, ex calyce surgentibus. Horum pistillum abit deinde in semen perpusillum, splendens, nigrum, in capsula oblonga, & striata, quæ calyx floris fuit, & per maturitatem horizontaliter rumpitur reconditum. Utraque agri Parisiensis incola in usum medicum indiscriminatum recipitur.

Analyti chymica, ex totius plantæ floridæ, & seminibus fœtæ ℔v. distillaris prodierunt humoris limpidi, saporis & odoris herbacei, obscure acidi ℔j. ℥ij. ℥iv. gr. lxxvj. humoris limpidi, sub finem rufescentis, magis ac magis manifeste acidi, & austeri ℔j. ℥xv. ℥vij. gr. xxiv. humoris rufi, tum acidi, tum alcali, & sale volatili urinoso imprægnati & austeri ℥iv. ℥vj. olei adiposi ℥ij. ℥vij. gr. xij. Massa nigra in retorta residua pendebat ℥ix. ℥vj. quæ rite calcinata reliquit cinerum ℥vij. ℥vij. gr. xxxvj. ex quibus salis fixi mere alcali ℥iv. gr. lx. lixivio extracta sunt. Partium jacketura in distillatione fuit ℥vj. gran. xlij. in calcinatione ℥vj. ℥vj. gran. xxxvj.

Herniaria saporem salsum, acrem refert, chartam cæruleam colore rubro leviter tingit. Sale donatur essentiali vitriolico ammoniacali cum oleo copioso, & terra adstringente conjuncto.

In curandis herniis præsertim omenti, & intestinorum, quæ propter peritonæi laxitatem in scrotum descendunt, speciatim est proficua. Andreas

Mat-

Matthiolus refert, Gabrielem Fallopiū Mutinensē hac tantum herba plures intestinorum ramice laborantes sanavisse. Eandem Jacobus Hollerius Medicus Parisiensis celeberrimus mirum in modum ad hernias commendat in tractatu *de morbis internis cap. 62.* Et propterea a Parisiensibus herba Holleriana dicta fuit. Hollerius succum expressum solum vel subinde affuso vino albo ab ℥ij. ad ℥iv. per novem dies propinat. Antonius Valetius in *annotationibus in Hollerium* narrat, adolescentem quemdam, cui citatior saltus insignem herniam conciliaverat unico haustu aquæ stillatitiæ Herniariæ curatum fuisse, admoto tamen post reductionem factam hoc emplastro.

℥. Emplastri contra rupturam & emplastri de gratia Dei ana ℥j. Sanguinis draconis, Olibani, & radic. Osmundæ regalis pulverator. ana ℥ij. cum modico olei Mirtillor. Molliantur in igne, & fiat emplastrum super alutam.

Alii Herniariæ pulverem vel vino dilutum aut juscūlo, vel sub forma boli ad ℥j. exhibent. Maceratur vel coquitur ejusdem herbæ M. j. in aquæ vel vini ℔j. & colatura ad ℥vj. vel ℥viii. propinatur: & post reductionem omenti vel intestini cataplasma ex herba contusa sola vel cum aliis huic morbo accomodatis mixtæ parti afflictæ admoveatur. S. Pauli cataplasma sequens adversus exomphalon expertum proponit.

℥. Herbæ Perfoliatæ cum toto M. j. Herniariæ, Auriculæ muris, Plantaginis, musci Acaciæ nostratis ana M. ℔. In suff. quant. vini rubri cocta loco affecto applicentur, & umbilicus fascia arcte & debite constringatur.

Commendantur quoque pulvis decoctum, infusum, vel vinum ex musto cum herba recenti fermentato paratum ad urinam ciendam, ad promovendas arenulas in urinariis meatibus hærentes, & ad nephriticos dolores sedandos. Cl. Tournefortius aquam diureticam ex hac herba conficit in urinæ suppressione & nephritide præstantissimam.

℥. Herniariæ & Melissæ Tragi ana ℔j. Asperge salis marini M. ℔. & aquæ q. s. Digerantur per triduum. Postea in Balneo arenæ distillantur. Deinde aqua distillata iterum atque iterum novis plantis affundatur, & distilletur. Servetur ad usum Dosis ℥iv. cum vini albi tantumdem. Quarta quaque hora exhibeatur in urinæ suppressione, & nephritide.

Extus inungantur abdomen, inguina, perinæum & lumborum regio oleo per infusionem parato ex Millepedum M. j. Cantharidibus n. x. & semin. Ammeos ℥j. in olei Olivar. q. s. igne leviter decoctis aut sub solis æstivi radiis per triduum maceratis.

Præterea Herniaria ab Ettmullero inter plantas vulnerarias numeratur. Anguillara scribit succum hujus potum, aut herbam esitatum, vel etiam emplastri modo plagæ impositam, morsis a vipera auxiliari. Idem refert eam jecori prodesse, & aquam ejus distillatam & potam intra dies octo icterum sanare.

Joann. Godofredus Gruhlmannus adversus oculorum caliginem Herniariam, quam ea de causa Oculariam nuncupat *Specimine publico anno 1706. Jenæ edito*, velut specificam promulgavit, & illius usum senibus æque ac juvenibus visionem lectione scriptorum subtiliore charactere impressorum, diu noctuque debilitantibus commendat. Pulverem ejus pani butyro illito aspergit & mane

mane ac vespere exhibet: vel extrahit ex ea cum spiritu vini per infusionem & digestionem essentiam singulis auroris in juscule vel aquam ejusdem distillata propinandam: quin imo pulverem ejus cum radice Helenii, foliis Verbenæ, Eufraziæ, Betonicæ, Chelidonii majoris, Majoranæ, Rutæ, addito saccharo in formam Trageæ non minori cum successu redigit.

H O R D E U M.

DUæ in primis Hordei species ad usum esculentum, & Medicum recipiuntur, scilicet Hordeum Polystichum hybernum, & Hordeum Polystichum vernum.

Hordeum polysticum hybernum, *Off.* Hordeum Polystichum hybernum *C. B. P.* 22. & *Inst. R. H.* 513. Hordeum polysticum, *J. B.* 2. 429. *Raii hist.* Hordeum polystichon hybernum majus, *Tab. Icon.* 274. Hordeum majus, *Tragi* 638. Hordeum primum, *Anguillan.* Hordeum, *Brunsfels.* *Matthiol.* vulgo, Orge.

Hordeum, ut reliquæ culmiferæ stirpes radicibus est fibrosis, tenuibus numerosis: brevioris culmo quam vel Triticum vel Secale, sesquicubitali tamen interdum, & in lætiore solo bicubitali, quinque, sex, & pluribus interdum geniculis intercepto; ad quæ singula folia graminea, longa, angusta, culmum aliquousque obvolventia, ima triticeis angustiora, superiora nonnumquam æquæ lata, scabriora, & quousque culmos obvestiunt glauco quodam polline plerumque obducta. Spicas promittunt in ordines & versus nunc ternos, interdum quatuor, nunc sex, nunc octo axi dentatæ affixos digestas, longis, firmis, mordacibus & asperis aristis e glumarum apicibus prodeuntibus munitas: in quibus flores nascuntur apertali, staminibus plurimis constantes ex calyce ut plurimum triphylo surgentibus. In centro calycis seu glumæ embryo fructus reconditur, qui deinde abit in semen duas tresve lineas longum, pallidum vel flavescens, farinaceum, utrimque acutum, ventre tumido, glumæ, quæ calyx floris fuit lætè adhærescens, adeo ut eam deponere vix queat. Seritur in arvis autumno & sequenti anno colligitur.

Hordeum polystichum vernum, *Off.* Hordeum polysticum vernum, *C. B. P.* 22. *Inst. R. H.* 513. Hordeum hexasticum pulchrum, *J. B.* 2. 329. Hordeum polystichum æstivum, *Tabern. Icon.* 275. Hordeum septentrioni notissimum, *Lobel. Obs.* Hordeum senis versibus, *Matthiol. Camerar.* vulgo, Orge de printemps, Orge avance.

Priori breviores spicas præfert, & crassiores. Cæterum non differunt nisi solo sationis tempore. Hoc apud nos in arvis verno tempore seritur.

Hordei stipulæ per maturitatem molliores sunt minusque fragiles quam triticeæ: unde & succulentiores sunt, & pabulum bobus, & vaccis alendis commodius, & pinguius suppeditant. Spicæ ob longitudinem, & gravitatem plerumque nutant & deorsum incurvantur, & vel viginti interdum grana in singulis versibus continent. Ab eodem grano plures stipulæ exeunt.

Analysi chymica, ex granor. Hordei lbvj. & ℥viij. per retortam distillatis pro-

prodierunt humoris limpidi, odore & sapore decoctum Hordei referentis, primum obscure subsalsi, obscure acidi, deinde manifeste acidi ℥j. ℥iij. gr. xxiv. humoris rufi, empyreumatici, impense acidi, acuti, primo obscure austeri, deinde manifesti ℥j. ℥x. ℥iv. gr. xlviii. humoris rufescentis, empyreumatici, sale volatili urinoso copioso imprægnati ℥iv. ℥ss. olei spissi fere adiposi ℥iv. ℥v. gr. xxxvj. Massa nigra in retorta residua pendebat ℥j. ℥xiiij. ℥vij. gr. xxxvj. quæ pulverata, & per decem horas rite calcinata reliquit cinerum ℥ij. ℥vj. gr. xl. illorum cinerum lixivium adeo viscidum erat, ut chartam bibulam permeare vix, & nisi post longum temporis intervallum valeret: ex cineribus salis alcali fixi ℥j. lixivio extracta est. Partium jactura in distillatione fuit ℥j. ℥vj. ℥ij. gr. xxxvj. in calcinatione ℥j. ℥xj. gr. lxxviiij.

Hordei semen seu granum multum salis essentialis tartarei continet cum sulphure crasso copioso, nonnihil salis ammoniacalis & terræ adstringentis conjunctum. Ex hac mixtura compositum exsurgit farinaceum, quod cum aqua dilutum vel coctum in mucilaginem abit adeo viscidam, ut igne quidem destrui vix possit: quandoquidem granorum Hordei insignis portio, (fere tertia pars) in carbonem convertitur, & cineres licet optime calcinati mucosam & viscidam reddunt aquam. Hæc farinacea & mucosa substantia actuosius donatur principiis, quæ, si ope aquæ in motum agantur, fermentationem concipiunt, mucosæ partes dividuntur, attenuantur, ac compositum vinosum fit, ut experimur in Cerevisia postea acetosum, ac tandem evanidum aut putidum, sicut cæteri fere omnes plantarum succi: Ex liquore vinoso seu Cerevisia spiritus ardens extrahitur spiritui vini haud absimilis.

Hordeum non eadem cum Tritico facultates obtinet: si quidem Triticum calefacit: Hordeum vero quocumque modo paratum sit, numquam corpus calefacit, sed quodammodo refrigerat & abstergit, & varie pro modo præparationis tum humectat, tum siccatur. Coctum ut in ptisana humectat, tostum ut in polenta siccatur. Differt præterea a Tritico, quod succum tenuem aut saltem minus crassum ac deterforium generet, cum Triticum crassum ac lentum sit & nonnihil obstruentis naturæ obtineat. Nonnulli observant Hordeum flatulentum esse, & stomacho adversari, quod quidem intelligendum est de Hordeo coctione aut fermentatione non debite subacto aut de ventriculo Triticeis assuefacto.

Ex Hordei farina olim apud populos quamplurimos, panes conficiebantur, & hoc etiam sæculo fiunt, verum in annonæ caritate & ad sublevandam Tritici inopiam a tenuioribus præcipue. Apud nos certe, sicut apud Romanos olim, mediocrem habet auctoritatem, saltem ad panificia: nam ad conficiendam cerevisiam valde expetitur, & a septentrionalibus populis quotidiano usu frequentatur, illis æque necessarium pro potu parando, ac Triticum pro pane. Reipsa Hordeum minus quam Triticum alit, difficilius concoquitur, quoniam minus habet lentoris, & corpori agglutinari, & adhærere æque ac Triticum nequit. Hordeum laudatur candidum, & purum, totum plenum, densum ac ponderosum, quantum ejus natura postulat. Reprobatur gracile, rugosum, laxum ac leve. Nec statim a messe & tritura eo utendum est, sed loco sicco, & minime humenti per aliquod tempus condendum est propter humorem viscidum supervacuum,

qui

qui exhalari aut attenuari postulat. Quando vero mediocriter ficcatum contrahi videtur, tunc ejus usus tempestivus est, idoneus & salutaris. Cortex autem exterior, qui furfuraceus, interiore pulpa seu farina ficior est, minime vel parum nutrit, abstergit, & purgatorium quid, monente Hippocrate, obtinet.

Variis modis Hordeum paratur, vel ut alimentum sit, vel ut alimentum medicamentosum.

1. Panes ex Hordei farina conficiuntur. Triticeis friabiliores, & multo inferiores, pabulum tenuioris fortunæ hominum præbent, iis tantum accomodati sunt, qui duros subire labores necesse habent, robustum enim ventriculum requirunt: quapropter apud Athenienses, narrante Plinio, gladiatores, qui eo frequenter vescerantur, hordearii cognominati fuerunt. Dicuntur etiam coavenire catarrhosis, hydropicis, & mulieribus, quibus menses immodice fluunt. Laudabiliores sapidioresque panes evadunt, si Hordeum cum Tritico, Spelta, aut Secali æquis portionibus misceantur.

2. Maza *Græcorum*, & *Latinorum*, genus panis Hordacei apud veteres usitatum, Hordei tosti farina est liquore aliquo conspersa atque subacta v. g. aqua, oleo, lacte, vino, sapa, melle, &c. Hinc forte placentæ quæ in officinis ex amygdalis, & saccharo conficiuntur, Massipanes nominantur. Maza coquitur, inquit Galenus L. 1. de alimentis cap. 12. panibus Hordaceis ægrius magisque ventriculum flatu implet, in quo, si diutius manserit, turbationem excitat. Citius autem subducitur seu dejicitur, si bene commixta fuerit ac diutius subacta. Quod si mel quoque addatur, citius etiam ventrem ad excretionem excitabit.

3. Polenta, ἀλφίτον *Græcis*, geminam habet apud Auctores significationem, generalem & specialem. Generaliter quamlibet farinam cujuslibet frumenti & leguminis denotat. Fragmenta enim omnis grani mediocri magnitudine moliti ἀλφίτο vocabant prisca: majora fragmenta κρίμνα seu farinas crassiores, vulgo *Griau* ou *Gruau*: minora ἀλευρα, farinas tenuiores. Specialiter polenta farinam Hordei recentis tosti vel frixi, ex qua pulles parabantur cum aqua, vel lacte, vel passo significat. Ait enim Plinius Polentam ab Hordei farina eo distare, quod torretur. Fit Polenta laudatissima inquit Galenus L. 1. de Alimentor. facult. c. 11. ex recenti Hordeo mediocriter frixo. Græci Hordeum aqua perfusum ficcabant nocte una: postero die frangebant: tum molis frangebant. Alii vehementius tostum rursus exigua aspergebant aqua, ficcabantque priusquam molerent. Nonnulli Hordeum virentibus spicis decussum recens purgabant, madidumque tundebant in pila, atque in cordibus eluebant, ac sole ficcatum rursus tundebant, purgatumque molebant. Polenta omnis ait Galenus loco citato, quæ quidem legitime decenterque facta, boni odoris est: sed suaveolentissima illa, quæ ex optimo & recenti Hordeo, quod spicam non admodum ficcam habet parata. Addit insuper morem esse compluribus eam sapa & vino dulci mulsoque commixtis, nonnumquam sola aqua conspersam, æstate duabus tribusve horis ante balneum bibere, idque fitis extinguendæ gratia. Sæpius antequam Hordeum torretur, pinfereturque, Linum Salem & Coriandrum miscebant, quorum hanc proportionem ac mensuram Plinius refert. Recipiebant Hordei ℥xx. Semin. Lini ℥iij. Coriandri ℥ss. Sa-

℞. Salis ℥ij. His omnibus tostis, & simul tritis utebantur. Polenta leve & exiguum præbet alimentum: privatis quidem & ab omni exercitatione liberis satis multum: iis autem qui quoquo modo exercentur, minus, quam satis est. Desiccatur vero magis quam Hordeum: alvum quoque cohibet.

Hodie in quibusdam Galliæ Provinciis sicca Hordei farina quasi torrida & in clibano reficcata venalis circumfertur, inspissandis carniū jusculis inserviēns. *Griotte* vulgo dicitur aut *Gruau*. Offæ genus etiam paratur ex Hordeo sub mola trito in aqua & sale elixato atque despumato, cui lac aut butyrum adjiciuntur. Vocant *des Gruaux d'orge*. Ex avena quoque re-torrida conficiuntur, quæ *Gruaux d'Avoine*.

4. Ptilana, Ptilana *Latinorum*, πτισάνη, ἢ πτισάνη *Græcorum* quadruplicem significationem habet: impropriam, generalem, specialem, & specialissimam, ac priscis medendi artificibus usitatam.

Improprie in officinis ptilana sumitur pro decocto Hordei, quod tenue est, & substantiæ ejus parum retinet. Adduntur autem Hordeo etiam alia; v. g. Glycyrrhyza, Graminis radix, Passulæ, Jujubæ, Ficus, Semina &c. Sumitur Hordeum integrum, cum mundificandum, abstergendum, ficcandum: excorticatum vero, quando leniendum, mitigandum, emolliendum, suisque magis extinguenda,

Generaliter, pro quovis frumenti genere, quod pistum est, suoque cortice spoliatum, juxta vim vocis: πτισάνη enim vox videtur Athenæo deducta ἀπὸ τῆς πτίσεως, quod est tundendo deglubere, seu pinsendo decorticare. Verum ptilanam istam non simplici ptilanæ nomenclatura, sed addito frugis, ex qua constabat, nomine veteres exprimebant. Hinc dicebatur πτισάνη πυρρή, ptilana triticea; χοιδροπτισάνη, ἢ ζείας καὶ ὀρύζης πτισάνη, quæ ex alica, zea, & oriza parabatur: quæ fit ex lentibus φακοπτισάνη.

Specialiter, pro Hordeo pisto & decorticato cui propriè & peculiariter ptilanæ nomen competit. Hordeum enim tundendo deglubebatur, ac suo cortice spoliatum, recondebatur ad usum. Officinæ Hordeum mundatum hodie appellant: vulgo, *Orge monde*.

Specialissime, & juxta vulgarem Medicorum acceptionem, pro πτισάνη specialiter sumptæ χυλὴ καὶ ῥεφίματι hoc est ptilanæ cremore seu succo, & sorbitione. Celsus tamen jus Hordei integri, quod decorticatum non est, in aqua tantisper decocti, dum coctione dissiliat, Hordei cremorem vocat: qui biliosis, & ardentibus febribus propinatur.

Ptilanam coquendi ratio aliis atque aliis diversa fuit, sed Græcis maxime vulgata hæc est, & optima quam Galenus annotavit *L. 1. de Ptilana cap. 4.* & *Lib. 1. de Alimentor. facultat. cap. 9.* Monet autem ad illius confectionem eligendum esse Hordeum optimum, & quod inter coquendum in magnam molem attollatur, & aquam optimam. Primum veteres Græci Hordeum crude in aqua macerabant. Deinde maceratum manibus conterebant, donec exterior cortex manibus esset excussus. Tum validius iterum manibus confricabant, quousque totum illud quod paleacetum erat, ablatum esset: nisi ptilanam parare vellent majori abstergendi virtute pollentem: tunc enim Hordeum cum

eum ipso cortice exteriori coquebant. Coquebant id autem primum vehementius, ut bulliret multum: postea igni blando, donec in cremorem abiret, qui etiam jus, succus, & lac, ῥόφημα græce & χυλός appellatur.

Hæc erat ptisana veterum simplicissima. Compositam tradit Galenus, loco citato. Coquitur Hordeum decorticatum in aquæ decem, vel, ut Paulus Ægineta ait, quindecim partibus: daturque inter coquendum opera, ut quam amplissime intumescat. Cum in tumorem est sublatum, acetum infunditur momentum, deinde olei exiguum; quod tamen etiam per initia injici potest. Quando ad exactam coctionem perventum est, satisfriatus inspergitur, neque aliud quidquam præterea admiscetur, nisi forte Anethi aut Porri pauxillum. Et talis quidem est optima ptisanæ confectio. Ab ea multum aberat quam plerique aliis multis superfluis imperite condiebant. Alii namque Amylum, alii Saponem indebant, alii Mel, & Cuminum, cinnamum potius quam ptisanam parantes. Nec defuit illis forte ratio, quod sic Hordei crassitiem tenuari, lentorem incidi, flatum discuti arbitrarentur.

Hippocrates *l. de victu in acutis*, qui & *de ptisana* etiam inscribitur, miris ptisanam laudibus extollit, eamque omnibus frumentaceis sorbitionibus in acutis morbis præferendam judicat. Tunc enim de carniū usu in morbis nulla erat mentio. Galenus *in Commentariis* ait dicti Hippocratei veritatem elucere, si acutorum naturam, & qualitates viresque ptisanæ considerentur. Etenim morbi acuti cum febribus sunt conjuncti, & quidem putridis validisque: ideoque ratione febrium opus iis esse refrigeratione, & humectatione: ratione putredinis concoctione, & evacuatione, concoctione quidem eorum quæ adhuc concoqui, & ad meliorem statum redigiqueunt: vacuatione illorum, quæ jam plane sunt exusta, & concoqui amplius non possunt; poscere etiam eosdem acutos morbos refectionem & refocillationem, virium causa; hisce autem scopis, & intentionibus omnibus ptisanam satisfacere. Revera ab omnibus antiquis Medicis ptisana acutis, & ardentibus febribus accommodatissima censetur. Refrigerat enim lentis ac viscidis suis partibus sanguinis, & humorum æstum ac effervescentiam compescendo: humectat, solidas partes nimis rigidas emolliendo, sicciore, & crispas aquosis ac lentis particulis irrigando, humores vero spissos & viscidos dissolvendo, sanguinem fluxiliorem efficiendo, & ad circuitum suum placide, & æqualiter perficiendum aptiorem reddendo: magis sitim extinguit quam ipsa aqua, non solum humorum acrimoniam retundendo, sales, & sulphura nimis evoluta involvendo, & irretiendo, solidas partium fibrillas emolliendo, sed etiam lentore suo aqueas fluxiliores particulas intra fibrarum poros diutius retinendo: humores crudos adhuc ad coctionem disponit, tum succos inspissatos, & coagulatos dissolvendo, tum solidas in quibus reconduntur partes emolliendo & laxando. Cruditas enim humorum vel est eorundem spissitudo nimia, vel nimia partium continentium constrictio aut erethismus, quibus diluentia apprime medentur: putridos humores abstergit, & evacuat eandem ob causam, restituendo nempe & secretiones & excretionem debitas: facillime concoquitur, & quaquaversum digeritur: Quid est enim ptisana? nisi chylus vel potius lympa jam fere perfecta, quæ succum nutritio succo congenerem nutritioni aptissimum continet, multa aqua dilutum, tenuissimum, levissimum, fluxilem, qui ventriculi succo facile consociatur, per totum corpus cito diffunditur, sanguini, & humoribus

prompte , & intime permiscetur , eos diluit , fluidiores efficit , & partibus omnibus nutrimentum exiguum quidem sed convenientissimum , quale in febribus requiritur , suppeditat atque circum vehit . Alimentum est insuper innocentissimum , omni potentiori qualitate vel excessu carens , qui quidem aliqua dignus sit animadversione aut reprehensione : non enim salium , & sulphurum exuperantium majori copia donatur , sed omnia principia in eo ita sunt commixta , temperata , actuosæ particulæ aqueis , & terrestribus partibus adeo exacte involutæ , & subactæ , ut gustu excessus nullus percipiatur . Nullam inflammationem in partibus , nullum æstum in sanguine , in bile nullam effervescentiam excitare valet : quin imo si quæ sint turbæ in humoribus , ab ea facile sedantur , & coercentur . Si quid flatulenti in cerealibus deprehenditur , corrigitur in ptisanæ tostione , & coctione , quibus viscidæ ejus particulæ sufficienter attenuantur .

Præstantissimo hocce alimento medicamento antiquiores Medici in acutis ægrotantium vires sustinebant , naturæ morborum medicatrici opitabantur , nullas morbo suppetias ferendo . Nec indiscriminatim ptisanam granulofam , aut ptisanam jurulentam cuicumque ægrotanti afferebant : sed modo cremorem solum , modo ptisanam , modo cremorem variis proportionibus ptisanæ confusum , quantum scilicet ægro cuique pro varia febris ætate , aut indole conveniebat , ptisanam plus aut minus cremore dilui . Ptisanam enim nemini febricitanti indulgebant , nisi biduo post crisim vel catharsim elapso , cremorem prope nemini , etiam minus robusto , dum crisis erat futura quarto die ; nec ante septimum , si septimo tantum crisim futuram autumabant , & vires essent ferendo pares , sola portione contenti aut mulla seu hydromeli , aut apomelise (*a*) , aut aqua frigida vel calente . Secus , cremoris oxybapha (*b*) duo , id est uncias quinque dabant ; simul ac semel , si semel tantum cibum sumere solitus fuerat ægrotus : bis , & cremoris dosi supradicta in duas partes divisa , si sanus bis pasci fuerat assuetus ; æqualibus vel inæqualibus portionibus , pro ratione consuetudinis in sumendo cibo , dum valebat . A primo vel secundo die tam exiguum demensum magis magisque minuebatur , donec morbus pervenisset ad criseos tempora , id est , ad septimum , nonum , undecimum morbi diem ; eo die nihil dabant præter potionem . Judicato morbo per crisim vel per concoctionem , alimentum quibus gradibus imminutum fueret , augebatur . Biduo post crisim addebatur cremori , ptisanæ seu grani concocti nonnihil . Hoc sensim augebant imminuta cremoris portione , auctis dosibus , donec ad solidum alimentum per ova , pisciculos , avium corticalium extrema fieret reditus . In hoc curriculo , sit fastidiebatur cremor ptisanæ , panis bis , ter , quater , quinquies , sexies elotus , donec aquæ innataret , sorbitioni fastiditæ sufficiebatur . Nec ex Hordeo solo alimonia febrientium petebatur , sed ex Zea , Chondro (*c*) , Trago (*d*) , deinde

(*a*) Decoctum paratum ex melle vel favis cum aceto commixtis , & tantisper decoctis .

(*b*) Oxybaphon , acetabulum , mensura .

(*c*) Alica , & Chondros granum significant ex Zea frumenti specie paratum forte quid simile *a l' Orge perle* .

(*d*) Tragus fit ex Olyra decorticata : Olyra est vel ipsa Zea , vel Zeæ aut Tritico respondet . Forte erat gruti species ex hoc frumento .

deinde alica factitia , oriza , deinde Milio , imo & ipsis leguminibus . Ex his ptisanas conficiebant , nunc solo nomine notas , olim tam vulgares ut vix eas describere dignati sint veteres . Nonnunquam & carnis nonnihil adjiciebatur ; sed hæc magis medicamenti vel condimenti nomine , quam alimenti , si quando liquiditas alvi aut fastigium stomachi infestaret aut metueretur . Nunc vero apud nostros homines harum sorbitionum vestigia sola supersunt : ptisanæ hujus ætatis , nudum nomen nisi quod Hordei nonnihil continent , ut constet aliqua nominis ratio .

Nec solum juscula carniū inolevere , exoletis jam tot plurimorum sæculorum auctoritate confirmatis ptisanis . Sed (quod quidem serio consideranti mirum videbitur & ab omni ratione alienum) postremis hisce temporibus , una cum jusculis carniū , pro antiquatis multiplicibus veterum scitis , de delectu , de mensura , de modo seu systasi , de intervallis alimentorum sorbitionum ; de his sensim minuendis , augendis , vel omnino prohibendis pro ratione virium , ætatis , consuetudinis , temporum morbi : una successit lex omnium naturarum , ætatum , tempestatum , febrium utcumque inter se distantium communis , ineunte , procedente , vigente morbo , trium quatuorve horarum intervallis sorbitiones exhibere , non quales vellet Medicus ex artis decretis , hoc est leviores , ac leviores febre gliscente , sed a primordiis ad summum succo carniū majorum quadrupedum opimarum valentissimo refertas , & quantas ventriculus ægri potest admittere , hoc est , librales , vix exceptis paroxysmorum gravissimis temporibus . His autem vix minus quatuor libris bubulæ , vitulinæ , vervecinæ uni febrienti in unicum diem deputantur : adeo ut multo plus alimonix ægrotanti homini quam sano aggeratur . Liquidæ tantum , inquit carnivori , illis offeruntur sorbitiones e carnibus longa coctione elicite . Verum quid est illa sorbitio nisi carniū succus , adeo compactus ut jam fluiditatem suam amitteret , & in gelatinam concre scat ; extractum potius salibus & sulphureis carniū onustum & ideo ipsis carnibus magis noxium . Et reipsa hæc jura sæpe ventriculum ægrum sollicitant , ardorem in eo concitant , difficile concoquantur , imo citissime corrumpuntur , varia symptomata pariunt , ructus nidorosos , nauseas , vomitiones , diarrhæas , sulphurei foetoris intolerabilis dejectiones , insuperabile fastidium , & alia huic alimonix potius imputanda quam feбри : tandem in sanguinem irrepsa variis illum imbuunt partibus incendiariis , sulphureis , salinis , actuosis , quibus conturbatus vehementer effervescit , febrilis excandescit ardor : ita ut non tam ægri vires his alimentis sustineantur , quam putridorum humorum copia & morbi robur augeantur & crescant . Sed ad Hordeum redeamus .

Inter diversos Hordei præparandi modos tres nobis aliquantisper adhuc usitati supersunt . Unus qui decoctum Hordei *de l' eau d' Orge* in officinis dicitur : alter a veterum ptisana parum discrepans , Hordeum mundatum dicitur , vulgo , *un Orge monde* : Tertius Hordeatum *de l' Orgeat , de l' Orge passe* , seu cremor Hordei *de la Creme d' Orge* .

Decoctum Hordei vel simplex est , vel compositum . Simplex præparatur ex Hordeo vel integro , quod ratione corticis magis detergit , & in obstructionibus magis conducit , vel decorticato seu mundato , ut ajunt ,

quod paulo magis refrigerat & incrassat. Cum aqua communi purissima plus minusve coquitur, modo ad granorum mollitiem tantum & turgescientiam, modo ad perfectam crepaturam, ut ajunt, seu donec granorum tunicæ a nimia farinacæ substantiæ rarefactione disrumpantur. Hæc decocta in febribus ardentibus & aliis ægritudinibus utiliter usurpantur ad humores crassos & viscidos diluendos, ad humorum acrimoniam temperandam ac demulcendam.

Compositum vero decoctum Hordei fit cum radicibus Glycyrrhizæ, Graminis, Cichorii, aut aliis aperientibus, Scorfonneræ, Lapathi, Bardanæ &c. Passulis, Jujubis, Ficubus, Dactylis, seminibus, & aliis diversis pro diversis indicationibus. Sic Ettmüllerus in pleuritide laudat potum ex decocto Hordei, in quo flores Papaveris erratici aut Bellidis infusi fuerunt; in variolis & morbillis decoctum Hordei cum Cornu Cervi; idem decoctum cum radice Chinæ in febribus ardentibus & cum radice Scorfonneræ in petechialibus.

Hordeum mundatum ex Hordeo integro conficitur, eoque laudatissimo, & pistrino gluma sua decorticato, quod *Orge grue* nostrates appellant: cujus pars quædam in aqua maceratur, abluitur, & iterum manibus teritur, ut quidquid exterioris tegumenti inter pinsendum reliquum est, defricetur. In fictili postmodum reponitur, nova aqua affunditur, & in ea elixatur per quinque, sex, vel septem horas, donec in cremorem abeat: sed ne ebullitio interrumpatur, cum nova aqua opus est, tepida affundenda, & igne blando coquenda ptisana granulosa, in qua nempe semen ipsum restitat: ut vero melius fiat hoc Hordeum mundatum, quidam ab initio butyrum recens addunt, sub finem vero salis quantum satis. Sic paratum ab infima plebe comeditur. Alii ut suavius sapiat, Amygdala, & ad refrigerium semina Melonum vel Cucurbitarum admiscunt, & insuper multo Saccharo condiunt. Hujus multus est usus per totum quadragesimale jejunium commodum præbet alimentum, & succum laudabilem in sanis & ægris generat.

Hordeatum quod veterum ptisanæ cremor, nobis *Orgeat*, sic conficitur. Hordeum, ut diximus decorticatam, maceratum & manibus fricatum, atque per horas septem octove elixatum in mortarium marmoreum conjicitur, cum Amygdalis dulcibus decorticatis denuo teritur, & sic trahitur crassius, aliis liquidius tum additur Saccharum, & patinæ argenteæ impositum iterum prunis leviter ebullit, atque exhibetur sanis, ægris, iussientibus, extenuatis, his qui noctes ducunt insomnes, quo tempore semina quatuor frigida majora adjiciuntur. Cum post colaturam coquitur denuo, crassius fit, & magis nutrit: si minus, liquidius est, & avidius a multis sumitur, sed minus alit: propterea non tantum semel in die circa horam somni porrigitur, sed bis ter aut sæpius julapiorum in morem propinatur. Interdum ptisanæ sub finem coctionis lac additur, quo nomine suaviter estatur, sed febricitantibus non convenit.

Si vero æger uberiori nutritione refrigerante & humectante opus habeat, vel Hordeum incoquitur cum pullastro vel frustulo carnis vitulinæ: vel post longam in aqua elixationem, jus carniæ affunditur & transcolatum simul cum Hordei cremore hauritur.

Quoddam apud Germanos & Belgas Hordeum præparatur in granula rotunda candida seminis Milii magnitudine contritum, quod Hordeum perlatum dicitur,

titur, ex eo quod semen margaritas forma, crassitudine, candore quodammodo referat. Conficitur ex Hordeo decorticato, & suspensa mola trito. Fortasse non multum differt a crimno veterum, quod *κρίμνον*, Galeno monente, crassior farinæ pars est, quæ effracto Hordeo grandiuscula invenitur, quæ exquisitiorem molæ contractionem refugit, & per cribrum laxiora habens foramina transmissa est. Ex eo apud Hermanos Puktes modo cum aqua, modo cum lacte, nonnunquam cum jusculo carniū conficiuntur.

℥. Hordei integri ℥ij. Decoque in aqua pura, sed primum fervefacta abjiciatur: nova addatur, ad q. s. & coquatur igne lento ad ℥ij. Fiat colatura sine expressione. Adde Sacchari rosati vel syrupi cujuscumque ℥j. Sumat æger pro potu solito, ad leniendam tussim, & ad sanguinis æstum in calidis affectionibus compescendum.

℥. Hordei integri optime loti M. j. Radicum Gramin. Brusci, & Cichorii ana ℥j. Coquantur in aq. comm. ℥iiij. Sub finem coctionis adde folior. Taraxaci, Scolopendrii ana M. j. Liquiritiæ rasæ, & contusæ ℥iij. F. apozema aperiens per cyathos, tertia quaque hora, propinandum.

℥. Hordei mundati ℥j. Bulliat leviter in aq. q. s. rejicienda. Nova, & limpidissima affundatur ad ℥iiij. & coquatur ad mollitiem. Tum adde Passularum ℥ss. Caricas ping. n. ij. Glycyrrhizæ rasæ, & contusæ ℥ij. Bulliant per horæ quadrantem. Adde sub finem, Capillor. vener. Canad. florum Papaveris rhæad., & Tussilag. ana M. j. Decoctum refrigeratum transcoletur, & pro potu servetur. Ad tussim sedandam, humorum acrimoniam compescendam, expectorationem promovendam.

℥. Hordei mundati optime loti ℥ij. Coquatur in aq. purissimæ q. s. igne lento ad crepaturam. Trajice deinde per colum, & ad ℥viiij. adde Sacchari ℥j. vel syrup. de pomis simplic. de Althæa aut alterius ℥jss. aq. florum Aurantiorum ℥j. Fiat Hordeum mundatum. Capiat mane, jejuno ventriculo, & vespere, dum it cubitum ad temperandam humorum acrimoniam aut somnum conciliandum.

℥. Hordei mundati loti ℥ss. Fiat decoctio in aqua fontis purissima lento igne usque ad perfectam crepaturam. Aquam colo separa: & extrahe pulpam seu medullam ab Hordeo per setaceum, quæ ad pultis consistentiam cocta servetur in vase terreo vitreato optime cooperto, & in loco frigido non multum humido, quia cito liqueceret. Hujus pulpæ duo aut tria cochlearia dissolve in jusculo, & coquantur per semihoram ad modum liquidæ panatellæ, seu cremoris Hord. antiquor. addendo si lubet aq. florum Aurantiorum perparum. Capiat æger bis aut ter in die.

℥. Hordei perlati vel Hordei mundati ℥ij. Coque cum frustulo colli carnis vitulinæ vel cum pullo gallinaceo. Colatura sumatur instar liquidioris panatellæ. Ad tabidos, & hæcticos nutriendos.

℥. Hordei mundati ad crepaturam cocti ℥jss. Amygdalas dulc. decoratatas n. vj. Semin. Melon. ℥iij. Contunde in decoct. Hordei ℥xvj. Expressioni adde syrup. de Althæa aut Nenuphar. ℥ij. aqua flor. Aurantior. ℥ij. Fiat emulsio pro duabus vel tribus dosibus.

Cerevisia , & Cervisia : Gallis olim *Cervoise* , nunc *Bierre* : Ζύθος aut *Zythus Aegyptiorum* , & *Græcorum* : Κῆρυξ *Dioscoridis* : Οἶνος κρινεύων *Diodori Siculi* , seu vinum Hordaceum . Πῖνος seu Πῖνον *Athenæi* : Βρυτον *eiusdem* : Βρυττιον *Hesychii* : Φάκας *Simeonis Sethi* , & *Arabum* : Φικαδιον *aliorum* : Cœlia , & Ceria Hispanorum , *Plinii* : Potus Peleusiacus , *Columellæ* : Sabaia Illyricorum , *Ammiani Marcellini* . Portiones sunt inebriantes non prorsus dissimiles . Ex Hordeo vel aliis Cerealibus præparatæ , licet ratione præparationis granorum , fermentationis , aut admixtarum rerum aliquantisper differant .

At Cerevisia nostra potus est aqua cum Malto infusione paratus & fermentatus , mediæ quodammodo inter aquam , & vinum naturæ .

1. Ex Hordeo Triticove , vel utroque Maltum , *Bw'n Aetii* , & Brasium *Quorundam* , ad conficiendam Cerevisiam sic præparatur .

Grana Hordei vel Tritici in ampla cupa lignea macerantur per unum aut alterum diem , donec cum mollitie intumescant . Deinde subter infusa aqua , grana eximuntur , & in pavimento asseribus strato paulum exsiccantur , ut nimius humor aquosus evaporetur . Humida adhuc aliquantisper coacervantur ad altitudinem circiter dimidiæ ulnæ , quo protusis perpusillis radicum cirris seu filamentis germinent , & quasi fermententur .

Germinatio hæc quo rectius successit , eo porosior evadit Malti substantia , ac infusioni extractionique aptior . Sub germinatione autem hæc grana quotidie bis terve versantur , ac moventur , ut æqualiter germinant , ne quædam grana calore nimio suffocentur , & putrescant , quædam autem substantiam seu medullam omnem in filamenta ejusmodi effundant , quædam etiam in superficie , & per ambitum locata ab aeris frigore in germinatione impediuntur .

Postea vero ne nimia ejusmodi germinatione Maltum quasi enervetur , & nimiam actuosarum partium quantitatem deperdat , grana ita germinantia laxè & sulcatim dispersa aeri exponuntur ac sensim siccantur , vel tandem etiam supra tabulatum quoddam , igne subjecto , blando calore torrentur sæpius sub tostione versando ne adurantur . Torrefactio tamen si nimia fuerit , Cerevisiæ saporem ingratum conciliat .

2. Maltum molle molarum beneficio ad cremorem redigitur , ac dein aquæ ferventissimæ in cupa lignea infunditur , ea fere quantitate ut pulmentum referat , & a viris robustis , per aliquot vices , ligneis quibusdam instrumentis planioribus probe agitur , donec spuma in superficie appareat , quod signum sufficientis extractionis est : si maceratio hæc aut extractio justo diutius protrahatur , Cerevisia evadit crassior , mucaliginosa , ac dein vix fermentescit , cujus causa in particulis terrestribus simul extractis latet . Deinde beneficio colatorii cujusdam lignei in cupa repositi , infusum cremore Malti imprægnatum transcolatur : continuo iterum exhaustur , & in caldario ad ignem rursus coquitur per semihoram , sesquihoram aut aliquot horas ut melius conservetur , adjectis aliquot manipulis florum Lupuli salictarii . Mox in copas , ut refrigescat , distribuitur . Tandem hujus decocti frige facti libris octo vel decem , fermenti sive fœcis Cerevisiæ libra aut sesquilibra adduntur exacte agitando , in loco tepidiore : fragulis operiuntur , sensimque reliquus liquor affunditur ,
ut com-

ut commodius fermentescant . Quibus absolutis liquor fermentescens transcolatur : vasa adimplentur , & demum fermentatione absoluta exactissime occluduntur .

Eidem Malto nova aqua affunditur fervida , transcolatur , & ex colatura tenuis Cerevisia concinnatur .

Quo diutius liquor Malto imprægnatus decoquitur , eo durabilior est Cerevisia , & ætatem melius fert , cæteris paribus . Lupulus Cerevisiæ incoctus , eidem diutius asservandæ , & ab aciditate tuendæ inservit , quod efficit amarore insigni quo pollet , quin & eandem sapidiorem salubrioremque reddit , nimium alæ lentorem attenuando , obstructions , quas Cerevisia sæpe gignit , aperiendo , & abstergendo . Quæ sine Lupulo Cerevisia conficitur , Ala dicitur ab Anglis . Si generosior sit , maxime nutrit , & corpus obesum nimis , & pigrum reddit . Cerevisia vero lupulata Pinguedinem dissipat , corpusque vegetius , & ad motum aptius efficit .

Cerevisia non ut simplex potus considerata est ad sitim extinguendam , & sanguinem humoresque tantummodo diluendos apta , sed ut potio alimentosa , cujus lymphæ actuosæ granorum partibus fermentatione evolutis imprægnata , & plurimis eorundem mucosis partibus eadem fermentatione attenuatis , & in motum actis onusta plurimum nutrit , sanguinis motum augeat ; & si nimia quantitate sumatur , caput ferit , & inebriat . Revera distillatione , spiritus ardentis , spiritui vini haud dissimilis , portionem non mediocrem suppeditat , olei plurimum , & humoris acidi . Salem essentialem continet tartaro æmulum , sed crassiorem aut terreis ac oleosis particulis magis involutum .

Observandum autem diversas esse Cerevisiarum qualitates pro earum differentia , quæ multiplex est ratione materiei frumentacæ , Malti , aquarum , coctionis , fermentationis , substantiæ , ætatis , necnon etiam locorum , in quibus conficitur , ut accurate notatum fuit a Doctiss. viro Conrado Bartholdo Behtens in *Selectis Diæteticiis* .

Frumentacea materia in genere selecta , & bona esse debet : & quo firmitus est frumentum , eo firmior quoque potio . Ratione vero ejusdem , primo Triticea est , quæ quidem calefacit , valde nutrit impinguatque : sed sanguinem simul viscidiorum reddit , respirationis difficultatem , & asthma inducit , viscerum obstructions parit , urinam moratur , & nephritidi occasionem præbet , alvum tamen lubricat . Hordeacea succi tenuioris est , nec ita nutrit ut Triticea , magis tamen aperit , abstergit ac urinam movet , præsertim lupulata , quæ ventriculum roborat , & calefacit . Avenacea in Polonia frequens minus calefacit ac nutrit , & si non satis defœcetetur , flatulenta valde est , & alvum constipat . Urinas , & calculum pellit , in frequenti apud Anglos eapropter usu . Secalina vinum Rhenanum colore subviridi æmulatur , nec ingrati saporis est , valde nutrit , simul tamen obstruit , & urinam moratur : respirationem difficilem reddit .

Ratione Malti nimis torrefacti Cerevisia saporis plerumque ingrati existit . Maltum vero quod calore Solis tantum exsiccatur , facile corrumpitur , nisi servetur accuratissime . Cerevisiam suppeditat candidiorem , sed excrementitiam , quæque simul obstruit , & pectoris difficultatem inducit .

Ratione aquarum , facile per se patet oprimas esse , quæ ex fontana aliisque salubribus parantur . Quo enim aqua est levior , & tenuior , eo

melius granorum, & Lupuli qualitates imbibit, & extrahit. Quæ ex puteali, & stagnanti aqua conficitur, sapidior quibusdam videtur, nec adeo facile acefcit. Sed improbanda est aqua turbulenta, & impuritatibus conspurcata, & corrupta, ne coctione, & fermentatione non satis purgari, & defœcari possit, quidquid alii contra sentiant.

Coctio etiam ipsa ut & fermentatio non exiguum momentum ad Cerevisiæ bonitatem conferunt, ut jam dictum est.

Ratione substantiæ alia Cerevisia est tenuis, alia crassa. Tenuis existit ob frumenta pariori manu adhibita. Ejusmodi vero Cerevisia parum nutrit, melius vero humectat, refrigerat, diluit, & totum corpus pervadit, unde quoque magis diuretica, & salubrior est. Crassa vero duplici ratione dici potest Cerevisia, 1. quatenus turbida, & fœculenta est; quæ plerumque crudæ ac flatulentæ sunt, difficulter digeruntur, obstructions, colicos dolores, stranguriam calculumque, quandoque subito, & quasi in instanti causantur, sanguinemque crassum generant. 2. Crassior fit Cerevisia propter frumentum copiosius additum. Cum enim particulis farinaceis Cerevisiæ ejuscemodi turgidæ sint, chylo quoque diluendo minus adæquatæ sunt, illis qui multo, & euchymo alimento utuntur, aut vinum bibunt, non admodum conveniunt, qui quidem rectius potu tenuiore sibi consulunt. Quibus vero ventriculus imbecillior, aut qui alimenta sumunt pauciora, & parum nutrientia, iis Cerevisiæ illæ pinguiore apprime conducunt, cum & ventriculi digestionem subveniant, adeoque condimenti vices præstent, & simul nutrant, unde & plurimis inde insignis corporis crassescencia, & obesitas.

Ratione ætatis præstat Cerevisia defœcata, præsertim tenuis, quamvis enim minus nutriat, facile tamen distribuitur. Recentior vero si simul turbida & crassa sit, incommoda modo recensita accelerat, & adauget. Vetusta, quæ acefcere incipit, nervis, ventriculo, utero, renibus, & vesicæ noxia.

Dulcis fit Cerevisia a frumento, amara a Lupulo. Illa magis nutrit, non ita tamen cum urina secedit, obstructions parit. Hæc magis calefacit, mesenterium, & viscera deobstruit, citius tamen caput afficit, inebriat, ac somnolentiam inducit.

Diversis etiam qualitatibus imprægnantur Cerevisiæ a diversis rebus quæ sub fermentatione adduntur. Ita in Hollandia Cerevisia cum aromatibus paratur quam vulgo *Bottelbier*, lagenariam Cerevisiam vocant, quæ adhuc fermentescens in lagenis reconditur, & aperta lagena tota in spumam abit. Valde flatulenta est, & periculosum Zithi genus a nonnullis cenietur. Non tamen sua laude caret, cum, si moderate, & tempestive sumatur, ventriculum, & digestionem egregie roborat, & in paralyticis affectibus utilis dicatur. Multæ parantur Cerevisiæ medicatæ: apud Anglos Borrachine, ab admixta Borrachine, usitatæ. Aliæ Absinthium, Carduum benedictum, Scordium, radices Gentianæ, Helenii, Angelicæ, & sexcenta alia habent admixta quorum saporem, & vires obtinent.

His Cerevisiarum differentiis addi possent illæ, quæ a regionibus, & urbibus petuntur, quæ innumeræ sunt. Sic Anglicanæ plurimi æstimantur: Brunsvicensis apud Germanos præstantissima dicitur. Apud nos quæ in S. Marcelli suburbio præparatur: vulgo, *Bierre des Gobelins*. Sed de singularum virtutibus agere non est nostri instituti. Jam de hac re prolixiores fuimus.

Ex Cerevisia spiritus ardens conficitur spiritui vini aliquantisper similis, sed odore & sapore minus grato, imo acri, ob oleum empyreumaticum crassum & acre, quo spoliari vix potest. Idcirco ad usum internum spiritus ex vino extractus semper anteponendus est. Chirurghi observant quoque hunc spiritum externe vulneribus admotum minus conducere ob acrimoniam, qua vulnera aliquantisper proritat. Externe hunc spiritum ex frumentaceis granis extractum anodynum dicunt aut soporiferum.

Farina Hordei inter quatuor farinas resolventes recensetur; & sunt farinæ Hordei, Fabæ, Orobi, & Secalis: quibus nonnumquam substituuntur farinæ Tritici, Lini, Fœnu Græci & Lentis. Hæc farina externe sub forma cataplasmatismatis admota emollit, resolvit, maturat, & anodyna est. Quapropter vel sola, vel cum aliis farinis adhibetur in cataplasmatibus.

℥. Folior. Malvæ, & Althææ ana M. ij. Flor. Chamæmeli, Melilot. summitatum Aneth. ana M. ℥. Coquantur in aq. q. s. ad putrilaginem. Contusis adde farinæ Hordei ℥iiij. Olei Chamæmeli ℥jss. Fiat cataplasma resolvens & emolliens.

℥. Quatuor farinar. resolventium ℔ij. Coquantur in lixivio leni cinerum Sarmentorum. Tum effuso per vasis inclinationem lixivio, massæ farinacæ adde pulver. flor. Camomillæ, Meliloti, Sambuci, & pulveris radicis Iridis Florentinæ ana ℥ss. cum olei Chamæmelini q. s. Fiat cataplasma.

Si polenta Hordei, affirmante Simone Paulli, decoquatur in aceto, & decocto per linteum transcolato os proluatur, intolerabiles dentium dolores sæpe mitigat. Idem auctor sequentem observationem refert. „ Affinis „ quidam meus vehementissimis calculi doloribus & intolerabili ischuria „ laborans, post usitata remedia incassum usurpata, ei quod sequitur ap- „ plicui. Recipiebam arbitrariam quantitatem probe contusæ Polentæ ca- „ lidæ, & tantundem Lupuli, quæ frigebam, addita bene magna quan- „ titate butyri, ex quibus parabam cataplasma quod tam calide pectini & „ perinæo applicabat linteo implicitum, quam ferre posset: & intra qua- „ drantem horæ a recensitis symptomatibus liberatur. Postea simile cata- „ plasma pluribus dein ægris calculo & dysuria laborantibus felici succes- „ su præscripsi. Hæc S. Paulli.

Hordei integri decoctum tenue in gargarismatis & injectionibus detergentibus usurpatur.

℥. Hordei integri pug. j. Coquatur in aq. comm. q. s. ad ℔j. Decocto dissolve Diamori simplic. ℥jss. salis Prunell. ℥j. pro gargarismate.

℥. Hord. integr. p. j. folior. Agrimon. M. ℥. flor. Hyperici, Rosar. rubrar. summitatum Absynthii ana p. j. Coq. in aq. q. s. In colaturæ ℔j. dissolve mellis rosati ℥j. F. injectio detergens & vulneraria.

Hordeum mundatum usurpatur in syrupo de Hyssopo Mesuæ *Collect. pharm. Penicher.* Syrupo Jujubino *Ph. R. Charas*, Electuar. Lenitivo *ejusdem.* Trochiscis Gordonii *ejusdem.* Integrum in syrupo de Cichorio composito *Ph. Reg. Charas.*

Ex Hordeo mundato præparantur Saccharum Hordeatum dictum & Penidia ab Arabibus Alphenicum dicta. Saccharum Hordeatum est confectio flave-

flavesceat pellucida ex Saccharo in decoctione tenui Hordei tamdiu cocto donec consistentiam idoneam acquirat ut possit in bacillos effingi. Penidia vero fiunt ex aqua Hordei & Saccharo ea proportione & arte coctis, ut massa quædam exsurgat admodum solida & ita tractabilis, ut digitis oleo Amygdalarum unctis non adhæreat, & in fila ducuntur, tenuiora, crassiora; breviora aut longiora & sæpius intorta, semper vero alba. Plurimum conferunt tussi, raucedini, asperitati arteriæ, sputo movendo, coquendo, excludendo, & omnibus affectibus pulmonum & thoracis.

H O R M I N U M.

HOrminum, Orminum, Sclarea, Scarlea, Orvala, Orvalla & Tota bona, *Off. Sclarea Tabern. Icon. 373. & Inst. R. H. 179.* Horminum Sclarea dictum, *C. B. P. 138. Raii histor. 543. Gallitricum Sativum J. B. 3. 309. Orvala, Dod. Pempt. 292. Syderitis Heraclea, Fracastor: Matrysalvia maior, Quorumdam: Galli centrum, Nonnullorum: vulgo; Orvale, Toute bonne.*

Radice est singulari, lignosa, plurimis fibris capillata, fusca, non ingrati saporis, postmodum palatum & fauces calefacientis: ex qua caulis oritur bicubitalis, digitum minimum crassus, quadrangulus, hirsutus, geniculis distinctus, in ramos conjugatim & cruciatim dispositos divisus, medulla alba farctus: cum foliis binis, ex adverso positis, canescentibus, rugosis, glutinosis, longis pediculis insidentibus, ex rotundo oblongis, spithamam longis, sesquipalmam latis, ex ampliori basi in acumen desinentibus, ad marginem quodammodo dentatis aut crenatis, Hircum olentibus, villis lenissimis aspersis; quæ deinde oriuntur ad summum usque minora fiunt; ex eorum alis longissima serie flores prodeunt quasi verticillatim positi, monopetali, labiati, subcærulei, quorum labium superius amplum, prælongum, falcatum, pistillum tenue, incurvum, nonnihil exstans, in summo bifidum, quatuor embryonibus stipatum, & bina stamina cum suis apicibus oblongis occultat; inferius vero in tres partes divisum, media cochlearis instar excavata. Calyx cytiniformis, tubulatus, striatus, tactu glutinosus, in quinque spinulas divisus, quarum tres sursum spectant supra flosculum, duæ infra eum sitæ sunt. In imo calyce ad pistilli originem embryones reconditi abeunt per maturitatem in quatuor semina majuscula, subrotunda, altera facie gibbosa, altera angulosa, coloris rufescentis, lubrico lævore perpolita, ad singulos verticillos cauli apponitur hinc inde folium, figuræ & texturæ, multum diversæ ab inferioribus in caule & a radice exeuntibus: sunt enim hæc parva, concava, lata basi absque pediculo cauli immediate adnexa, in acutum apicem abeuntia, minus rugosa & tenuiora iis, quæ in caule sunt, colore purpurascens. Odor totius plantæ vehemens & gravis; sapor amarus. Seritur in hortis & viridariis. Herba integra in usum venit.

Analyti chymica, ex totius Hormini floridi ℥v. demptis radicibus per retortam distillatis prodierunt humoris limpidi plantæ odorem saporemque referentis, subacidi ℥j. ℥ij. gr. xxxvj. humoris limpidi, magis ac magis manifeste acidi, austeri ℥iij. ℥vij. humoris limpidi, subsalsi, & minus acidi ℥j. gr. liij. humoris fusci, empyreumatici, acris, tum acidi, tum alcali,

cali, urinosi & austeri atque sale volatili urinoso copioso imprægnati ℥ij. 3j. gr. xvij. cum salis volatilis urinosi concreti granis aliquot : olei spissi ad instar syrupi ℥j. 3v. gr. xxiiij. Massa nigra in retorta residua pendebat 3v. 3v. quæ rite calcinata præbuit cinerum ℥ij. 3vj. gr. xx. ex quibus salis fixi mere alcalini 3vj. gr. xxx. lixivio sunt extracta. Partium jactura in distillatione fuit ℥iiij. 3ij. gr. xij. in calcinatione ℥ij. 3vj. gr. liij.

Hormini folia odorem quasi citratum, acutum, vehementem, gravem tamen exhalant. Gustu amara sunt & aromatica. Eorum succus chartam cæruleam parum mutat. Salem continere videntur tartareo-ammoniacaalem cum multo oleo tum tenui, tum crasso & terra consociatum.

Horminum Oenopolis Germanis in primis innotuit, inquit Ettmullerus, pro vinis suis adulterandis. Solent namque ex ejus floribus cum floribus Sambuci per infusionem vinum Rhenanum in Moschatellinum mutare.

Tragus asserit vinum Gallitrico imposito si efferbuerit & decoctum fuerit, apprime stomachi frigiditati conducere, phlegmata incidere, consumere : frigidis, infœcundis & albis mensibus laborantibus fœminis subvenire. Confitetur tamen, capiti noxium esse ob odorem gravissimum, præsertim si quis hoc vini genere intemperantius usus fuerit. Semen ejus, inquit Lobelius, *καρπύπλαν* seu capitis gravitatem inducit odore : quo magni usus quibusdam septentrionalium ad Zythi Bieræque confectionem. Illud enim Lupuli vel penuria, vel vegetioris potionis faciendæ causa cortinis ferventibus addunt, fitque temetum, quo non multis poculis depletis temulenti fiunt, hilaritate propemodum insana.

Horminum tum interne sumptum, tum externe admotum plurimum commendatur his tribus in affectionibus, mulierum fluxu albo, suffocatione hysterica, & colicis doloribus. Folia & flores usurpantur in infusis vel decoctis ex aqua vel vino, vel in jusculis alterantibus conditum cum summitatibus floribus conficitur. Essentia quoque seu tinctura paratur cum spiritu vini a foliis & floribus pluries abstracto ad eadem utilis. In albo mulierum fluxu Ettmullerus decoctum Hormini cum Roremarino in vase clauso paratum proponit. Corbejus *de morbis mulierum* c. 3. p. 83. refert, mulierem quamdam alias mulieres fluxu albo laborantes curavisse hoc unguento. Scilicet Sclaream contrivit, cum bytyro non salito miscuit, mixta vero per tempus putrefacienda reliquit, postea coxit, transcolavit, & colatum unguentum ad usum servavit. Hoc genitalia mulierum umbilico tenus inuncta fuerunt. Intrinsecus herbam istam comedendam dedit & sic istas mulieres liberavit. Observatum quoque fuit, narrante Ettmullero, quod tale unguentum omnes post partum dolores, eodem modo inunctum sedare soleat. Idem unguentum a Cratone quoque inter alia sua euporista commendatur in suffocationibus uteri & similibus affectionibus spasmodicis umbilico imponendum cum admixtione Tacamahacæ. Ettmullerus hanc plantam externe admotam in passione hysterica plurimum valere, nec ipsi Castoreo cedere asserit.

A Friderico Hoffmanno Profess. Hallensi inter specifica antispasmodica recensetur; si quidem spasmos intestinorum & nervosarum partium sedat ac sistit : colicos dolores mulcet. Ejus aqua distillata vel decoctum, propinatur, vel sub clysteris forma injicitur. J. Raius refert, Sclareæ folia apud Anglos ovis conquassatis cum flore lactis & pauca farina perfusa,

& in

& in sartagine frixa pro placentis palato non ingratis, mensis secundis inferri, & ad lumborum imbecillitatem veneremque stimulandam commendari. Idem scribit post Schvvenckfeldium Sclaream epilepsiæ mederi. Herba in pulverem redacta & naribus indita sternutationem provocat, catharum tollit, & cerebrum purgat.

Semen oculis inditum utile esse traditur ad excutiendam eorum caliginem & educenda corpuscula, quæ in illos inciderunt. Quippe emollita humore oculi hujus seminis mucilagine, id quod in oculos illapsum est quasi obvolvitur, & cum semine tandem ejicitur. Præterea ex hoc semine mucilago ope liquoris idonei extrahitur pro vitiis oculorum plurimum proficua: siquidem lymphæ lacrymalis acrimoniam plurimum demulcet.

℥. Folior. Hormini, Urticæ mortuæ, Portulacæ, Chærefolii ana M. j. frusti carnis vitulinæ ℥ss. Coquantur ut artis est in aq. q. s. pro duobus jusculis mane & sero propinandis. In fluore albo.

℥. Summitatum floridar. Urticæ mortuæ, & Sclareæ, florum Chamæmeli Romani ana pugill. unum. Infundantur in aquæ bullientis ℥viij. Theæ in modum. Infusum calens syrupo de Hedera terrestri edulcatum mane & sero sorbeatur. In fluore albo mulierum.

Succus Hormini usurpatur in emplastro Diabotano D. Blondel *collectæ neor. pharm. Penicher.*

H Y O S C Y A M U S.

HYoscyami species duæ in officinis occurrunt: niger scilicet & albus: Hyoscyamus niger vulgaris, Jusquiamus, Faba suilla, Off. Hyoscyamus vulgaris vel niger. C. B. P. 169. & I. R. H. 118. Hyoscyamus vulgaris, J. B. 3. 627. Hyoscyamus, niger, Dod. *Pempt.* 450. *Raii Hist.* 711. Hyoscyamus flavus, *Fuchs*: Apollinaris Cord. Dens Caballinus Herba Cunicularis, Herba Calicularis, Faba Jovis, Fabulum, Mania *Quorumdam*: vulgo, *Jusquiamæ*, *Hannebane*.

Radice est crassa, rugosa, prolixa, multifida, foris fusca, intus alba: foliis amplis, mollibus, lanuginosis, dilute virentibus, per margines altius incisus, Acanthi quodammodo similibus sed minoribus, graveolentibus, copiosis, nullo ordine digestis, in caulibus cubitalibus, ramosis, crassis, rotundioribus, densa lanugine obfritis: quos flores longa serie digesti convestiunt monopetali, infundibulum referentes, in quinque obtusa segmenta divisi, colore secundum margines subluteo, discurrentibus una purpurescentibus aliquot venis, in medio vero ex obscuriore purpura nigricantes, cum staminibus quinque brevibus purpureos totidem apices crassos & oblongos ferentibus, & pistillo longiore, apice rotundo, albo; quod ex calyce hirsuto, oblongo, margine in denticulos rigidos, acuminatos quinquipartito surgit & deinde abit in fructum in ipso calyce reconditum, olloe formam referentem, bicapsularem, cui operculum suum incumbit, intus pluribus seminibus exiguis, subcinereis, subrotundis, rugosis, compressis refertum. Gravis odoris ac ingrati tota stirps est, caput aggravans & somnolentiam inducens. In agro Parisiensi frequens nascitur.

Hyo-

Hyoscyamus albus, Off. Hyoscyamus albus major vel tertius Dioscoridis, & quartus Plinii, C. B. P. 162. Inst. R. H. 118. Hyoscyamus albus, J. B. 3. 627. Dodon. Pempt. 451. Hyoscyamus candidus, Trati 134. vulgo, *Jusquiamee blanche*.

A priori differt foliis mollioribus, minoribus, minus sinuatis, uberiori & candidiori lanugine obsitis: cauliculis brevioribus, minus ramosis: floribus secundum cauliculos candidis, minoribus, seminibus candidioribus. In Occitania sponte adolescit, hic in hortis feritur.

Utriusque ad usum externum folia, flores & semina adhibentur: ad usum internum vero semina tantum. Nonnulli nigrum majori virulentia præditum esse suspicantur, quapropter illum prorsus rejiciunt, albi tantum semina usurpantes. Sed ab omnibus fere tum Parisiensibus, tum Germanis & Anglis niger adhibetur.

Analyfi chymica, ex foliorum & summitatum floridarum Hyoscyami nigri ℥v. per retortam distillatis prodierunt humoris limpidi, saporis herbaei, aliquantisper virosi, obscure subsalsi, & obscure acidi ℔j. ℥iiij. ℥j. gr. xlvij. humoris magis magisque manifeste acidi, & subaulteri ℔ij. ℥xv. ℥ij. gr. lxxvj. humoris rufi, leviter empyreumatici, impense acidi, acris, austeri, & obscure alcali urinofi ℥ij. gr. xij. humoris rufi sale volatili urinoso copioso imprægnati ℥ij. gr. xij. salis volatilis urinofi concreti ℥j. gr. xij. olei spissi ad instar extracti ℥j. ℥vij. gran. xxxvj. Massa nigra in retorta residua pendebat ℥v. ℥iiij. gran. xxxvj. quæ rite calcinata reliquit cinerum albicantium ℥ij. ℥ij. gr. xxxvj. ex quibus salis fixi mere alcali ℥j. ℥j. gr. xxxvj. lixivio extracta sunt. Partium jactura in distillatione fuit ℥ij. ℥ij. gr. lxxvj. in calcinatione ℥ij. ℥ij.

Ex seminum Hyoscyami recentium ℔v. per retortam distillatis prodierunt humoris limpidi, fere inodori, obscure subsalsi ℥iiij. ℥iiij. gr. xxxvj. humoris limpidi, obscure subsalsi & obscure subacidi ℥v. ℥v. humoris rufi, aliquantisper acidi, austeri ℥j. ℥j. gr. xxxvj. humoris rufescentis, sale volatili urinoso imprægnati ℥xiiij. olei spissi ad instar syrupi ℔j. ℥v. gr. liij. Massa nigra in retorta residua pendebat ℔j. ℥ix. ℥ij. quæ per 12. horas calcinata reliquit cinerum Leucophæorum ℥v. ℥vij. ex quibus lixivio salis fixi falsi cum substantia terrea talcosa permixti gr. xxxvj. extracta sunt. Partium jactura in distillatione fuit ℥ix. ℥j. gr. xvij. in calcinatione ℔j. ℥iiij. ℥iiij.

Hyoscyami folia saporem fatuum referunt: manibus confricata odorem virosi exhalant. Eorum succus chartam cæruleam rubram efficit: Radices subdulces sunt & Cinaræ sapore donantur. Hæc planta salem essentialem obtinere videtur ammoniacalem cum multo oleo crasso viroso confociatum. Ejus semina saporis sunt aliquantisper glutinosi, odoris narcotici & ingrati. Oleum continet tum tenue, tum crassum virosi & valde narcoticum, summæ rarefactionis aut expansionis capax; cum sale ammoniacali conjunctum.

Hyoscyamus potenter emollit & resolvit externe abhibitus. Verum sive externe admoveatur, sive intus sumatur, somnum inducit, dolores sedat; humorum acrimoniam mitigat sicut Papaverina; Mentem vero mirum in modum perturbat & afficit ridiculis deliriis; somniis phantasticis & ecstaticis, & specialiter ad jurgia & altercationes disponit, in biliosis præ-

præsertim naturis : in quo differt ab Opio & Papaverinis ; quæ sæpius soporem & stuporem inducunt absque mentis alienatione . Has autem mentis turbas excitat , quocumque modo adhibeatur , sive intus sumantur ejus radices , folia , semina , sive decocta clysteribus injiciantur , sive torrefactione fumus excitatus naribus excipiat : imo solis ipsius effluviis aere calido in motum actis nocet . Ejus summæ virulentiae observationes plurimæ apud auctores occurrunt , quarum nonnullæ hic referendæ sunt , ut hujus veneni natura & indoles melius innotescat .

Primo quidem memorabilis est de Hyoscyamo locus apud Scribonium Largum , *cap.* 181. ubi ait : „ Hyoscyamum qui biberunt , caput grave „ venisque distentum habent , mente abalienantur cum verborum alterca- „ tione , unde etiam nomen herba trahit Altercum : postea sopiuntur & „ omni sensu carent , livescentibus membris eorum . “

Obiter tamen notandum est hanc vocem *Altercum* non ab altercando originem ducere , siquidem antiquissima vox est arabica , ut refert Plinius .

Joh. Jac. Vvepferus *Tractatu de Cicutâ aquatica* , de Hyoscyami radicibus comestis hanc observationem refert . „ Die 25. Martii 1649. in Con- „ ventu RR. PP. Benedictinorum Rhinoviensi præparatum pro collatione „ vespertina acetarium fuit , cujus materia debuissent esse radices Cichoreæ „ eliquatæ . Creverant hæ una in areola mixtim cum Hyoscyamo . Eru- „ tæ utræque , separatim collectæ , & ab hortulano relictæ , a puero re- „ rum ignaro ad coquinam deferuntur , ibique promiscue coctæ mensis in- „ feruntur . Nemo pene edentium fuit cui non orexim cierat obsonium in- „ solitum , & maxime ob tam corpulentas & pingues radices . Avide su- „ muntur tum a patribus , tum a servis . Quid multis ? Suo tempore cu- „ bitum eunt . Hic vero oriri symptomata cœperunt & vesicarum radi- „ cum diffundi toxicum : sentiri a quibusdam capitis vertigo : aliquo- „ rum torreretur linguæ & labra , asperari fauces , torqueri nonnullorum „ illa , ac totis artibus male haberi . Fuit qui gargarismo palati ardo- „ rem compescere studuit , sed lingua velut in frixorio tosta omnem re- „ spuit medelam . Insonante noctis duodecima , cum ad preces matutinas „ pro more movere excitarentur , miserabilem aliquorum metamor- „ phosim spectare fuit . Unus tam destitutus mente ac debilis re- „ pertus fuit , ut pro vita desperato habitus Sacro sanctæ Ecclesiæ „ Sacramentis provideri debuerit : alius quasi dentibus nuces frange- „ ret & exemptos nucleos aviculis domesticis projiceret , una manu pa- „ vones abigens , varia obmurmurabat : alius in cella sua fornacem „ prensabat , quasi arborem perrepturus : alius ansatis utrinque bra- „ chiis , ac toto corpore incurvus ilia sibi rumpenda clamitabat . Ex illis „ qui ad chorum venerant , ad matutinum solvendum pensum , aliqui „ oculos vix aperire & litteras legere nequibant , vel aliqua inter „ verba seu versiculos admiscebant , quæ ibi non continebantur , „ unde unus aut alter abire compulsus fuit . Non nemo privatim ora- „ re volens , dum librum aperit , myrmidonum aciem aspiciis , & lit- „ teras jam animatas velut formicas in aggestu suo confusim discurrentes „ sibi videbatur intueri , ut exinde ne syllabam quidem , ne dicam „ verbum aut versum integrum combinare ad aliquod tempus valuerit .

„ Le-

„ Lepidum præterea fuit mane magistrum sartorem videre laboraturientem
 „ jam sedili suo minus oculatum, quippe qui ne filum quidem armare
 „ acu, nec a tyrone armato, tangere rem acu, ut sibi videbatur jam
 „ tricuspide valens, quovis punctu aut digitos aut poplitem cruentavit.
 „ Pauci admodum qui gustu variante moniti, minoribus radiculis præli-
 „ batis a majoribus abstinuerant, mente sani erant. Et his quidem intem-
 „ periiis agitati aliqui usque mane; nec tamen scitum adhuc quæ mali
 „ esset origo. Quia tamen omnibus fere commune fuit, judicatum est e
 „ culina promanasse. Tandem post diligentem indagationem, pueruli error
 „ compertus fuit. Summo mane Schaffusio accersitus Medicus luctantes
 „ adhuc cum halluco suo reperit, & aqua e Juniperis distillata ad potan-
 „ dum porrecta sævientem pestem aut mitigat aut abstergit. Patribus ea
 „ de re gratulatus quod Hyoscyami radices Cichoreæ radicibus oleo, sale,
 „ & aceto attemperatæ fuissent, fractæque nonnihil earum vires. Aliter
 „ enim omnes orci candidati fuissent. Post discessum ejus patres fere
 „ omnes melius se habere cœperunt paulatim. Unus tamen illorum qui
 „ in edendis radicibus largior fuerat, has sibi reliquias superesse conque-
 „ stus est, oculos nimirum antea acutissimos, adeo obtusos redditos, ut
 „ postea perspicillis uti necesse fuerit.

Simon Schultzius in *Ephemerid. N. C. annis IV. & V. Decuriæ 1. Ob-*
serv. cxxiv. narrat VVratislaviæ quatuor juvenes studiosos simul cum
 coqua a comestis Hyoscyami, & Pastinacæ radicibus simul per errorem
 cum carne bubulæ elixatis, magnam mentis perturbationem, & aliena-
 tiones passos fuisse, & quasi furore percitos, primum jurgiis, dein verbe-
 ribus se excepsisse, & nisi vi abacti fuissent, forsan ad internecionem per-
 ventum fuisse, cum miris gesticulationibus, & phantasiis: qui tamen ad-
 hibitis idoneis remediis sanitati restituti fuerunt.

Iisdem in *Ephemeridibus N. Curiosor. Decur. II. annor. IX. & X.*
p. 178. in appendice, videre licet hanc observationem de Delirio ex folio-
 rum Hyoscyami decocto clystere excepto. „ Sacerdoti cuidam 61. anno-
 „ rum, viro ex cachexia scorbutica asthmatico cum tumore pedum œde-
 „ matoso, & doloribus tum nephriticis, tum abdominis scorbuticis habi-
 „ tualibus afflicto, enema terebenthinatum ex speciebus carminativis, &
 „ Hyoscyami foliorum dimidio tantum manipulo cum lacte coctis ab
 „ Ettmullero, & aliis Medicis præscribitur. Paulo post sacri officii memor
 „ habitu sacerdotali supra indusium amictus, & biblia sacra in manus
 „ tenens templum adire, & concionem habere intendit: ab adstantibus vi
 „ retentus ad iram furibundam concitatur, & cum his maxime altercatur,
 „ parumque abfuit quin unum ex illis, placidus alias satis, & minime
 „ iracundus, arreptis quibusdam armis vulnerasset. Eo tandem in lectum
 „ redacto, furor brevi quidem cessavit, sed delirium diutius propter injecti
 „ enematis in intestino moram continuavit, donec post aliquot horas novi
 „ clysmatis acrioris injectione alvus a scybalis triduum jam retentis una
 „ cum clystere antea injecto liberatus fuit: in quo quasi momento non
 „ solum delirium cessavit, sed intra bihorium etiam duo calculi renales
 „ rejiciebantur. „ Dioscorides insaniam a foliis Hyoscyami clysteri incoctis,
 „ & colo exulcerato infusis suo jam tempore observatam fuisse refert.

Alia iisdem in *Ephemeridibus N. C.* legitur observatio de mentis per-
 tur-

turbatione cum rixis oriunda decocti foliorum Hyoscyami vaporibus ;
 „ Matrona quædam 78. annorum , una cum nephritica scorbutica notha
 „ habituali , doloribus abdominis ac crurum simul contumacissimis afflige-
 „ batur. Quibus sedandis sacculi tres foliorum Hyoscyami manipulis duo-
 „ bus , & floribus Camomillæ , Sambuci , Verbasci , Althææ radicibus ,
 „ & baccis Juniperi repleti præscripti fuerunt ; abdomini , & utrique cruri
 „ applicandi . Hi ægrotantis jussu intensissime fervidi applicabantur , &
 „ statim atque calor remittebat , in decocto fervido immergebantur denuo
 „ admovendi . Ægrotata quidem cum tantillo phantasie errore dormiendo ,
 „ leviter , & per intervalla delirabat . At vero duæ ancillæ 15. & 18.
 „ circiter annorum , quibus sacculorum horum calefactio , & applicatio
 „ reiterata incumberebat , longe gravius afficiebantur , utpote temulentæ ,
 „ hinc sæpius vomentes , crebrius altercantes , & in crines sibi invicem
 „ involantes , seque unguibus lacerantes , vix a domesticis separari pote-
 „ rant . Pax minis adstantium indicta brevis durationis erat , simul ac
 „ enim sacculorum calefactiones novæque fomentationes reiterarentur ,
 „ prælia quoque pugnantium gallorum more renovabantur , minis ver-
 „ bisque ridiculis se invicem provocabant , & invadebant .

Ibidem longe gravior mentis alienatio cum furore observatur e semi-
 num Hyoscyami combustorum fumis . „ Dresdæ in pharmacopolio Mul-
 „ leriano , tyro quidam semen Hyoscyami contusum charta inclusum
 „ super capella arenaria calida posuerat . Horæ autem dimidio non
 „ elapso , charta per nimium arenæ calorem nigredine primum infecta ,
 „ tandem scintillis igneis conceptis comburi incipit , semenque Hyoscyami
 „ inferiori ex parte jam accensum fumo exhalante laboratorium effluviis
 „ suis implet , & tragicis partim altercationibus , partim ridiculis gesticu-
 „ lationibus , & imaginationibus locum præbebat . Propter seminis enim
 „ dicti scintillantis sollicitam nimis collectionem , & e flamma libera-
 „ tionem , hinc fumi majorem inspirationem , exoriebantur inter mini-
 „ strum pharmacopolii , dictumque tyronem in laboratorio commorantes ,
 „ una cum contumeliis innumeralibus rixæ tantique tumultus , ut in-
 „ felix tyro ab alio ministro humum jam prostratus , olentibus circum-
 „ ductus , imo jam ex verberibus undique cruentus occisus fuisset , nisi
 „ magna vi separati fuissent . Per reliquum interim diei spatium scoto-
 „ mia , & crebrioribus vomitibus vexabatur , totamque insequentem No-
 „ ctem ridiculis gestibus ebriorum more delirabat , & ultra duas septi-
 „ manas vertigine afficiebatur . Alter vero minister , homo alias non
 „ adeo iracundus , præter vomitus , & secessus crebriores , cum absurdis
 „ gesticationibus , morionis instar , saltando , hymnos amatorios , &
 „ profanos cantando & per reliquum diem , & post noctis medium
 „ pariter delirabat . Hinc aliquot septimanis mente , & corpore ægrotans
 „ de vertigine , & cephalalgia querebatur , multum dormiebat . Post hæc
 „ melius se habere per aliquod temporis intervallum videbatur . At
 „ paulo post neglecta sanitatis cura parum sui compos factus tristem vi-
 „ tam egit per plures annos identidem recurrente , & transeunte de-
 „ lirio . “

Christian. Frideric. Garmannus in *Ephemer. G. annis VII. & VIII. Decur.*
 III. pag. 106. refert ipsa effluvia ex Hyoscyami seminibus in hypocausto recon-

reconditis exhalantia eisdem effectus producere, quod sequenti observatione confirmat. „ Vir pannorum laneorum opifex & conjux ejus, cum alii quot annos concorditer, & mutuo amore vixerant, ex improvise verba „ inter se commutare, & iracundia incitati sæpius in maledicta compellari cœperunt; ita ut ad verbera nonnumquam dilaberentur. Maxime vero, „ utut concordēs, animorum mutationem sentiebant hypocauſto con- „ cluſi, in quo ad rabiem quaſi converſi, primum rixis, & contentioni- „ bus, poſt pugnis, & plagis maritus maritam invadebat, quæ ut ſevere „ & vehementer vindicaret, toto nitebatur ſanguine. Dolebant extra hy- „ pocauſtum conſtituti vicem hanc ſuam conjuges, & vicinos non levi- „ ter conſternebant hæ animorum dividie. Curioſiores aliquid magici ſub „ his latitare ſuſpicabantur, adeoque omnes hypocauſti primum, & po- „ ſtea domus angulos, loculamenta, & ſeceſſus exquiſite excutiendos de- „ cernunt. Quod ubi factum in ſuperiori tetrini in hypocauſto conſtitu- „ ti parte magnam ſeminis Hyoſcyami charta involuti quantitatem inve- „ niunt: quo ſublato oppido animis temperies rediit, & omnis ceſſavit „ contentio, murmur, & ira. „

Ex his liquet quam parum ſit tutus Hyoſcyami uſus tum internus, tum externus: nihilominus tamen a plurimis magni nominis Medicis ejus vires multis in morbis notatæ ſunt, & commendatæ. Ejus ſemen a Cratone, Forti, Helidæo, Heurnio, Platero tanquam efficaciffimum remedium laudatur potiſſimum in hæmoptiſi vel ſolum, vel cum aliis remediis idoneis admixtum, a ꝑ. ad ꝑj.

Ꝓ. Semin. Hyoſcyam. & ſemin. Papaver. alb. ana ꝑij. conſerv. Roſar. rubrar. veteris ꝑij. M. F. electuarium ad nucis Moſchatæ magnitudinem ſeu ꝑj. pro doſi ſemel aut bis die ſumendum.

Ꝓ. Semin. Hyoſcyam. & Papaver. alb. ana ꝑij. Corall. rubr. Terr. ſigillat. Bol. armen. Lapid. Hæmatit. pp. ana ꝑ. conſerv. Roſar. antiq. ꝑij. cum ſyrup. de Symphyto contuſar. Fiat electuarium; cujus doſis ꝑij. mane, & ſero.

Ad catarrhos ſeroſos acres a capite ad peçtus deſtuentes Hyoſcyami ſemen & radix non raro uſurpantur.

Ꝓ. Semin. Hyoſcyam. & Papaver. alb. ana ꝑ. Terr. Japonic. Oliban. Myrrh. ana ꝑj. Croci pulver. ꝑ. Succ. Liquiritiæ inſpiſſati Hiſpanic. ꝑj. Sacchar. alb. ꝑ. mucilag. gumm. Tragacanth. q. ſ. M. F. rotulæ exiguæ, quarum unam ſubinde in ore detineat, & ſenſim deglutiat.

Adverſus epilepſiam Theodorus Turquet de Mayerne velut præſtantiſſimum remedium prædicat ſemen Hyoſcyami per 40. dies, & ultra uſurpatum, incipiendo a granis vj. vel viij. & gradatim aſcendendo ad ꝑj. aut ad gr. xxiiij. ſumptum quotidie mane, jejunio ventriculo, ex cochleari uno ſucci Sempervivi recenter expreſſi. Vereor tamen ne ſemen Hyoſcyami nervorum ſenſum obtundendo palliativum potius hujuſce morbi ſit remedium, quam vere curativum.

Verum quidquid de ſalutiferis Hyoſcyami virtutibus tot celeberrimi Medici prædicent, cum ex ſupra recensitis ſatis ſuperque manifeſtum ſit omnes ejus partes noxias nonnumquam eſſe, inde concludere licet aut illius uſum internum prorsus rejiciendum eſſe, aut nonniſi parce, & ſumma cum cautione adhibendum, & ab illius uſu abſtinendum ſtatim

atque graviora symptomata sedata sunt, aut levis mentis alienatio sensuumve torpor apprehenditur.

Hyoscyamus externe refrigerat, emollit, potenter resolvit, & dolores sedat. Ab Ettmullero cataplasma ex foliis Hyoscyami ad scorbuticos quarumcumque partium dolores compescendos potissimum commendatur. Ad tumores dolentes, & inflammatorios demulcendos, & resolvendos in cataplasmatibus anodynis, & solventibus Hyoscyami folia, & semina usurpantur, vel sola, vel cum aliis conjuncta.

℞. Folior. Hyoscyami, Mandragoræ, Solani ana M. ij. Seminum Hyoscyami, & Papaver. alb. contusor. ana ℥j. Coquantur in lactis vaccin. q. s. Pulpæ per Setaceum expressæ adde Croci pulver. ℥ss. vitellos ov. n. ij. Fiat cataplasma anodynum, & resolvens.

Ex Hyoscyami foliis foras aut cataplasmata a nonnullis præscribuntur ad arthriticos dolores sedandos. Sed minus tuta sunt hæc præsidia, quæ arthritidis dolores consopire valent potius quam eorum causam destruere aut foras quocumque modo eliminare. Eadem folia supra calidos cineres emollita, & mammis admota nutricum lac grumescens dissolvunt. Tabernæmontanus semina Hyoscyami cum vino contundit, & puerperarum mammis applicat ad lac avertendum.

Quidam adversus pruriginem illam molestant, & tumores manuum pedumque a frigore contractos Hyoscyami cytinos cum seminibus vel semina sola carbonibus inspergunt, fumumque exhalantem manibus pedibusque excipiunt. Clar. Tournefortius observat lympham sub cute effusam, & inspissatam, digitorum forti compressione exprimi, & per cutis poros sub vermiculorum specie expelli.

Adversus capitis aut dentium dolores fumus ex Hyoscyami semine prunis imposito ab agyrtis plurimum laudatur. Fumus ille licet teterrimi odoris, naribus vel ore per infundibulum excipitur, quo expelluntur vermiculi, qui aliquando in naso vel dentibus nascuntur; eosque in subjecta pelvi aqua repleta excipiunt ut melius oculis percipiantur. Verum Matthæus Jacobæus in *actis Hafniensibus* T. 1. *Obs.* 14. p. 209. Hanc fumigationem novam observat. Ancilla, inquit, odontalgia immani diu vexata, suavis juvenis cujusdam, seminis Hyoscyami supra prunas injecti fumum per infundibulum ore excepit, unde subito plusquam quinquaginta vermes e cavitate dentis profilierunt, albicantes, & exiles admodum, vix fili crassitiem æquantes, qui statim se nonnihil contorquendo mortui sunt. Sedatus quidem dolor fuit nec post rediit, sed vertigine, stupore, & imbecillitate capitis ex eo tempore correpta fuit, & per sat longum tempus vexata, adeo ut plus hic mali quam illic boni fuerit.

In Hyoscyami usu vel interno vel externo eadem cautiones observandæ sunt, quæ in cæterorum narcoticorum, & Opii præsertim usu observari solent: quas *Capite de Opio* videre licet.

Si vero vel per imprudentiam vel per malitiam exhibitus nocivas suas qualitates exerceat, tum vomitorium statim initio præscribendum est, deinde ad narcoticorum antidota confugiendum est, quæ sunt omnia acida, quibus Hyoscyami malitiam refrænari fere omnes Medici consentiunt. Tandem quibusdam stomachicis, & cephalicis ventriculus, & cerebrum roboranda sunt, & firmanda.

Hyo-

Hyoscyami folia usurpantur in unguento Populeo Nicol. Alexandrin. Semina in antidoto *Requies Nicolai Myrepsi* dicto, Philonio romano, Nicolai Alexandrini, Philonio magno, Ph. Reg. Tryphera magna, *Ejusdem* Pilulis de Cynoglossa, Ph. Reg. & Trochiscis Alkekengi.

H Y P E R I C U M.

Hypericum, Hypericon, Perforata, & Millefora, Off. Hypericum vulgare, C. B. P. 279. Inst. R. H. 254. Hypericum vulgare sive Perforata caule rotundo, foliis glabris. J. B. 3. 381. Hypericon, Dod. Pempt. 76. Raii Hist. Herba perforata, Tragi: Androsæmum minus, Gesner: Ascyron, Cordi: Fuga Dæmonum, Quorumdam: Herba solis, & Ruta solis perforata, Nonnullorum: vulgo, Millepertuis.

Radice est lignosa, fibrosa, flavescente: caulibus compluribus, rigidis, lignosis, teretibus, subrubentibus, ramosis, cubitalibus, & altioribus, in quibus nascuntur folia bina ex adverso posita absque pediculis, semiunciam superantia, tres lineas lata, glabra, nervis per longum excurrentibus donata, quæ soli objecta innumeris foraminulis pertusa esse videntur, unde Perforata dicitur hæc herba. Sed hæc puncta translucida nihil aliud sunt quam vesiculæ succo oleoso repletæ, sapore sicco adstringente cum aliquo amarore. Flores in extremis ramulis copiosi, rosacei, e quinque petalis aureis conflati, utrimque acutis, quorum medium occupat numerosa staminum congeries cum apicibus aureis. Ex calyce pentaphyllo surgit pistillum crassum, tricorne, quod floris centrum occupat, & marcescente flore abit in capsulam divisam in terna loculamenta, in quibus adsunt semina minutissima, nitida, oblonga, ex fusco nigricantia, saporis subamari, resinosi, odoris picei: tam flores quam capitula semine gravida, si terantur, sanguineum succum reddunt: abunde nascitur in campis, & sylvis agri Parisiensis. Folia, flores, & semina in usum veniunt.

Analyti chymica, ex totius plantæ floridæ lbv. demptis radicibus per B. V. distillatis prodierunt humoris limpidi, odoris, & saporis non ingrati, obscure subacidi, cum olei essentialis portione aliqua, lbij. ℥iiij. humoris limpidi, manifeste acidi, subausteri lbj. ℥j. ℥ij. Massa residua per retortam distillata præbuit humoris rufi, leviter empyreumatici, acidi, austeri, subsalsi ℥vj. ℥v. humoris fusci, empyreumatici, sale volatili urinoso copioso imprægnati ℥iiij. gr. xxxvj. olei tum tenuis essentialis, oleo Terebenthinæ similis, tum crassi, adiposi ℥iiij. ℥j. gr. l. Massa nigra in retorta residua pendebat ℥xj. ℥iiij. quæ per horas xvij. in crucibulo calcinata reliquit cinerum albicantium ℥j. gr. lx. ex quibus salis fixi parum alcali ℥ij. gr. lj. lixivio extracta sunt. Partium jactura in distillatione fuit ℥iiij. ℥vj. gr. lvij. in calcinatione ℥x. ℥iiij. gr. xij.

Hyperici folia saporem stypticum subsalsum, & subamaricantem referunt. Flores, & semina contrita spirant odorem gratum resinosum, succum vero fundunt rubentem. Multum olei essentialis Terebenthinæ oleo similis hæc planta continet. Puncta enim translucida quæ in foliis pro foraminibus perperam habentur, puncta nigra quæ in petalorum marginibus

bus deprehenduntur, & tubercula quæ ad fructuum superficiem occurrunt, totidem sunt vesiculæ hoc oleo essentiali repletæ. Saleem igitur essentialem continere videtur Hypericum vitriolico-ammoniacalem cum oleo tum tenui his in vesiculis recondito, tum crasso & intime permixto consociatum.

Hypericum vulgatissimum quidem multi usus est & emolumenti in affectionibus quamplurimis. Inter plantas vulnerarias principem locum occupat: unde præcipuus ejus usus est in vulneribus, & exulcerationibus tum internis, tum externis mundificandis, & consolidandis tam interne quam externe adhibiti. Sanguinis excreationi, & mictui cruento medetur. Sanguinem coagulatum resolvit, Menses, & urinas promovet; calculos, & arenulas expellit: lumbricos enecat: in hysterica passione, melancholia, hypochondriaca affectione, mania, & mentis aberratione plurimum commendatur. His qui pro Dæmoniacis habentur, opitulari dicitur, unde Fuga Dæmonum nuncupatur. Non quod Dæmones ad hujus plantæ aspectum fugere visi fuerint, sed quod conferat illis hypochondriacis qui eo melancholiæ aut maniæ pervenerunt ut pro Dæmoniacis habeantur. Nullos enim Dæmoniacos vel a Dæmonibus vere obsessos vidimus. Summitates floridæ ut plurimum in aqua vel vino decoctæ vel infusæ ad M. j. usurpantur: folia nonnumquam, & semina ad ℥j. præscribuntur, sola vel cum aliis vulnerariis consociata.

Ettmullerus affirmat summitates recentes pro usu vulnerario diuretico par sibi remedium non habere. Eapropter in affectionibus renum, & vesicæ, in primis in dysuria, renum, & vesicæ ulceribus earum decoctum plurimum commendat sive solum sive cum Agrimonie decocto. Idem decoctum, teste eodem, mictum cruentum tollit, & sanguinem grumosum resolvit. Ex Hyperici seminibus cum conserva Violarum, vel Malvæ, aut Rosarum paratur electuarium ab eodem Ettmullero laudatum velut nobile specificum præservativum in dolore nephritico, si bis in septimana Castaneæ quantitate usurpetur. Herbæ decoctum per sat longum tempus mane jeuno stomacho potum calculos pellere dicitur, teste J. Raio.

Tinctura florum Hyperici vel sola, vel cum tinctura Anagallidis a plurimis laudatur in mania & melancholicis affectionibus. Andreas Tenzelius in *Exegesi Chymiatrica ad Angli Salæ opera* hanc Hyperici tincturam sic describit.

24. Summitatum floridarum Perforatæ contritarum q. l. Macerentur in spiritu vini per octiduum in vase clauso. Expressio instar sanguinis rubro colore tincta resideat. Pars purior a fœcibus per inclinationem vasis effundatur, & separetur. Spiritus vini major pars distillatione abstrahatur ut remaneat liquor spissus seu tinctura, Balsamum vere pretiosum.

Angelus Sala hujus balsami ℥ij. recipiebat, Sacchari ℥jss. & aquæ distillatæ folior. Hyperici vel Betonicæ lbj. Solutione rite peracta, hujus mixturæ cochlearia duo, tria vel quatuor exhibebat, mane & vespere maniacis, melancholicis, hypochondriacis, & mentis alienatione absque causa manifesta laborantibus, & subita intellectus depravatione. Plurimos hac mixtura restitutos fuisse, & sanæ mentis compotes factos testatur. Observat tamen his ægritudinibus satis tempestive succurrendum esse, quando scilicet malum nondum altas egit radices, ratioque non omnimode abolita est, ac prorsus corrupta.

Ad lumbricos pellendos Thomas Bartholinus in *Actis Hafniensibus*, flores Hyperici in spiritu vini infusos & cum liquore exhibitos commendat velut præstantissimum remedium experientia comprobatum Camerarius eorundem succum expressum vermifugum asserit. Schroderus quoque, sed superstitiose nimis, Hypericum lumbricos fugare scribit, sed si tempore exaltationis collectum fuerit, alias hac facultate destitui.

24. Summitatum floridar. Hyperici & Virgæ aureæ ana M. j. Radic. Symphyti major. taleolatim sect. ʒß. Rasur. Corn. Cerv. ʒij. Coquantur in aq. ferrarior. ℥iij. ad ℥ij. Colatura dissolve syrup. de Hedera terrestri vel de Symphyto ʒjß. F. apozema vulnerarium per cyathos debitis intervallis propinandum in hæmorrhagiis, & renum aut intestinor. exulcerationibus.

24. Summitatum Hyperic. & herbæ Anagallid. flore purpureo ana M. j. Infund. in aq. bull. ℥ij. Colatura detur pro potu ordinario in melancholia, mania, &c.

Hypericum externe admotum vulnerarium est insigne: nervosarum præsertim partium contusionibus, vulneribus, & ulceribus dicatur. Resinosus enim & balsamicis suis partibus resolvit, detergit, & consolidat: eapropter nullum fere est balsamum quod illud non admittat. Herba florida contusa applicatur, vel in vino aut oleo maceratur & decoquitur. Quidam, referente Paulo Hermanno, ad vulnera consolidanda & cicatrizanda capiebat Hyperici floridi recentis q. l. & affundebat vinum. Idem vinum per aliquot dies maceratum bis vel ter seminibus affundebat, & postea distillabat usque dum spiritus vini per alambicem prodiens totus resinosus apparebat: hoc penicilla imbuta vulneribus applicabat. Chirurgus quidam, referente J. B. Chomel in *sua Plantar. Usual. Historia*, tincturam Hyperici præparabat, vas vitreum floribus Hyperici adimplendo & spiritum vini affundendo. Vas accurate obturatum solaribus radiis per mensem circiter exponebat, donec spiritus rubro colore tinctus fuisset. Tinctura percolata Camphoræ ʒj. pro singulis semilibris dissolvebat. Hac tinctura in vulneribus, contusionibus, rheumaticis doloribus felici cum successu utebatur.

Oleum Hyperici duplex in Officinis habetur, simplex & compositum; & utrumque varie apud varios conficitur. Simplex vulgo fit per infusionem florum cum oleo Olivarum quod novis floribus semper affunditur quousque rubrum colorem assecutum fuerit. Apud Monspelienfes flores macerantur in liquore resinoso ex Ulmi vesiculis extracto. Olei Hyperici compositi legitimam confectionem videre est in *Pharmacop. Reg. Moys. Charas*. Hoc oleum habetur præstantissimum balsamum, quod potenter attenuat, resolvit, & discutit. Dolores omnes a frigore contractos sedat, arthriticos demulcet, vulnera detergit & consolidat, ambustis medetur. In injectionibus vulnerariis, unguentis digestivis, & cataplasmatibus frequenter adhibetur. Intus nonnunquam etiam usurpatur ab ʒß. ad ʒj. ad cruentam expuitionem, & dysenteriam: necnon in enematibus utiliter admiscetur ad intestinorum exulcerationes sanandas.

Hypericum usurpatur in syrupo antinephritico, aperiente & cachectico *Pharm. Reg.* syrupo de Artemisia, Pulvere contra rabiem *Palmarii*, Theriaca *Andromachi*, Mithridatio, oleo Scorpionum composito, *Geoffroy Tom. II.* X 3 Ung.

Ung. Marriato , Ph. Reg. mundificativo de Apio , Aqua vulnerar. *Peⁿcher.*

H Y S S O P U S.

HYssopus & Hyssopum, Off. Hyssopus Officinarum, cœrulea seu spicata, C. B. P. 217. *Inst.* R. H. 200. Hyssopus vulgaris, spicatus, angustifolius, flore cœruleo, J. B. 3. 274. J. K. *Hist.* 516. Hyssopus vulgaris, *Dod. Pempt.* 287. vulgo, *Hysope*.

Radice est lignosa, dura, fibrata, crassitudine digitali: caulibus cubitalibus, frutescentibus, fragilibus, ramosis: foliis binis ex adversa nascentibus, unciam aut sesquiunciam longis, duas lineas latis, acutis, glabris, obscure virentibus, gustu acribus & suaveolentibus. Flores densis verticillis spicas longas mentientibus, in caulium summitatibus, in unam partem fere spectantes, e calycibus longis, striatis, in quinque acuta segmenta partitis exeunt, ampli, monopetali, cœrulei, labiati, quorum labium superius surrectum est, subrotundum, bifidum, inferius vero in tres partes divisum, media cochlearis instar excavata bicuspidē & quodammodo alata: singulis floribus stamina insunt quatuor oblonga, cœrulea, cum suis apicibus parvis, obscure cœruleis: ex calyce surgit pistillum posticæ floris parti ad instar clavi infixum, & quatuor veluti embryonibus stipatum, qui deinde abeunt in totidem semina minima, subrotunda, fusca, in capsula quæ calyx floris fuit recondita. Vulgo colitur in hortis. Herba integra florida usitata est.

Analyti chymica, ex Hyssopi floridi ℥v. per retortam distillatis prodierunt humoris limpidi, odorem & saporem plantæ referentis, obscure acidi, cum olei essentialis guttis aliquot ℥j. ℥v. ℥vj. gr. xliij. humoris primum limpidi, deinde rufescentis, ac tandem rufi, magis ac magis manifeste acidi, ac tandem austeri ℥ij. ℥viiij. ℥iiij. gr. xxx. humoris rufi, sale volatili urinoso copioso imprægnati ℥ij. ℥ij. salis volatilis urinosi concreti, gr. xxxvj. olei tum tenuis essentialis, tum crassi & spissi ad instar extracti ℥ij. ℥vij. Massa nigra in retorta residua pendebat ℥vij. ℥j. gr. xxiiij. quæ rite calcinata reliquit cinerum ℥ij. ℥vj. gr. xxiiij. ex quibus salis fixi mere alcali ℥vj. extractæ fuerunt. Partium jactura in distillatione fuit ℥iiij. ℥j. gr. xii. in calcinatione ℥iiij. ℥ij.

Hyssopus sapore acri & odore gravi aromatico donatur. Salem essentialē obtinet ammoniacalem cum oleo tenui essentiali aromatico & oleo crasso bituminoso consociatum.

Vi incidendi, attenuandi, & discutiendi pollet. Pulmonum affectibus tartareis potissimum dicatur. Ventriculum roborat, & ciborum concoctionem juvat. Acrimonia sua aromatica viscidum pulmonum mucum eorum vesiculas infarcientem incidit & ad expectorationem promovet: unde in asthmate humoralis specificum audit: simili modo ventriculi inflationi & ciborum inappetentiæ medetur, incidendo & adstergendo glutinosam pituitam hujus visceris parietibus inhærentem. Sunt qui eum Absinthio in corroboratione ventriculi præferunt. Cerebri quoque pituitosis & nervorum affectionibus opitulari dicitur, non solum pituitam discutiendo, sed etiam easdem partes roborando. Eapropter in catarrhis & morbo comitia-

riali a nonnullis proponitur. Ejus infusum vel decoctum in aqua, vino, vel Cerevisia præscribitur. Syrupus simplex & compositus, & conditum in officinis præparantur in affectibus pulmonum eximii usus. Eiusdem aqua distillata ad eadem utilis servatur.

24. Radic. Chinæ ℥ij. Bulliant leviter in aq. fluvial. ℔ij. Adde folior. Hyssopi M. ij. Macerentur donec decoctum refrigeratum fuerit. Colatura dilue Syrup. de Hyssopo, vel Eryfino aut Stæchad. ℥ij. Sumat æger per cyath. 3. quaque hora in asthmate humorali & catarrhis.

24. Rad. Iridis Florentin. ℥ij. Agaric. minutim concisi & in nodulo ligati ℥jss. folior. Nicotianæ exsiccati. ℥j. Summitatum floridar. Hyssop. & Thymi ana M. j. Coquantur in ℔ijss. aq. comm. ad ℔ij. Colatura dissolve Oximel. simplicis ℥iiij. F. apozema expectorans, in asthmate humorali præpotens remedium. Propinetur calidum ad instar Caffæ ad ℥v. bis vel ter in die.

24. Conserv. flor. Hyssop. & Conserv. ad Enul. camp. ana ℥ij. Aristoloch. rotund. & Ireos Florentin. ana ℥ij. c. s. q. Syrup. de Althæa Fernel. F. opiata ad magnitudinem Nucis Moschatæ in asthmate humorali.

Externe quoque in oculorum suggillationibus & sanguine sub cornea collecto sive a causa interna sive contusionibus nihil conducibilius Emmulle-
rus asserit quam summitates Hyssopi recentis vel exsiccati nodulo inclusas, quæ immersæ aquæ fervidæ vel vino calido & instar fomenti humidi impositæ oculis, quemvis sanguinem grumolum & extravasatum dissolvunt. Idem testatur Riolanus senior in *Tract. de affectibus Oculor. p. 153.* „Expertus sum, inquit, verum quod affirmat Archigenes apud „Galenum, quod si Hyssopi coma nodulo inclusa bulliat in aqua, & te- „pide nodulus oculo cruento applicetur, tam manifeste fugit sanguinem, „ut linteam ipsum sanguinolentum videri possit.“ Simon Paulli hujus auctoritatem secutus, ubi occasio tulit, decoctum Hyssopi aliquammultis adversus suggillationes quascumque, imo etiam oculorum commendasse asserit, sed loco aquæ sacculum in vino bulliendum quandoque curavisse, & ex voto eas evanuisse, dum lectum petentibus sacculus subtepidus clausis palpebris fuit applicatus. Aliam observationem ex Roberto Boyle J. Rajus sic refert. Vir quidam celebris, qui femur ictu equi calcibus in- „cusso graviter contusum fuit, sola applicatione cataplasomatis cujusdam „ex Hyssopi foliis minutim concisis & cum butyro recenti non salito „commixtis parati intra paucas horas a dolore liberatus est, deleta etiam „livida & decolori macula in cute.“

Aqua Hyssopi distillata servatur in Officinis ad oculorum inflammatio-
nes utilis. Quidam aquam Hyssopi & aquam Hyoscyami conjungere so-
lent, & externe applicant in suggillatione. Ex ejus summitatibus floridis conditum præparatur & syrupus simplex.

Usurpatur in syrupo de Hyssopo composito *Mesue*, syrup. de Artemisia *Pharm. Reg.* syrupo antiasthmatico D. Daquin *eiusdem Pharm. Reg.*

I A C E A.

¶ Acea nigra, Jacea vulgaris, Off. Jacea nigra pratensis, latifolia, C. B. P. 271. *Inst. R. H.* 443. Jacea nigra, vulgaris, capitata, & squama-
ta, J.

ta, J. B. 3. 27. Jacea nigra, Taber. Icon. 152. Jacea nigra, Dod. Pempt. Jacea nigra vulgaris, Lobel. Hyosiris Plinii, Anguill: Jacea nigra Gerardi, Inst. R. H. 325. vulgo, Jacee.

Radice satis crassa, lignosa, vivaci, multis fibris stipata, sapore cum nausea adstringente, nititur: folia priora, quæ a radice exeunt, aliquid commune habent cum Cichorii foliis; sunt enim longa, nonnihil laciniata, præ virore nigricantia, brevi lanugine hirsuta: caulis ex eadem radice interdum unicus, sæpius plures assurgunt cubitales aut sesquicubitales, hirsuti, teretes, striati, firmi & rigidi, fractu contumaces, medulla farcti, foliis crebris, nullo ordine positis, iis quæ ad radicem similibus, verum angustioribus, obiter præcipue ad exortum dentatis, cincti: e quorum alis seu sinubus a medio caule sursum versus ramuli egrediuntur confimilibus foliis seu minoribus donati, in fastigiis unum, duos, tresve flores sustinentes flosculosos, plurimis scilicet flosculis constantes tubulosos, profundius in summitate quinquefariam divisos, purpurascentibus, arcte stipatis, embryoni insidentibus, & calyce squamis composito nigricantibus, circa margines ciliï instar pilosis, imbricatum positis. Flosculis marcescentibus embryones abeunt in semina oblonga, parva, per maturitatem ex cinereo nigricantia, barbata, & denso, sed brevi pappo intermixta. In agro Parisiensi sponte nascitur. Flores & folia in usum veniunt, sed raro.

Analyti chymica, ex Jaceæ floridæ ℥v. per retortam distillatis prodierunt humoris limpidi, odore & sapore herbaceo, cum levi quadam acrimonia, obscure alcalini, urinosi, & subsalsi ℥j. ℥ij. ℥ij. gr. xij. humoris subsalsi, alcalini, urinosi ℥iiij. ℥iiij. ℥vj. gr. lxxvj. humoris rufi, sale volatili urinoso copioso imprægnati ℥j. ℥v. olei adiposi ℥j. Massa nigra in retorta residua pendebat ℥iiij. ℥vij. gr. liiij. quæ rite calcinata reliquit cinerum ℥j. ℥vj. gr. xij. ex quibus salis fixi mere alcali ℥iiij. gr. xxvj. lixivio fuerunt extracta. Partium jactura in distillatione fuit ℥j. ℥j. gr. xij. in calcinatione ℥iiij. ℥j. gr. xlij.

Jacea itaque plurimum continet salis acris seu alcalini tum volatilis, tum fixi, cum oleo bituminoso conjuncto.

Inter plantas vulnerarias ab Italis recensetur qui eam *Herba d' elle ferite* nominant. Præstantissima in aphthis oris sanandis ab Anguillara dicitur. Ulcera optime detergit. Potenter resolvit; quapropter ad faucium, tonsillarum, uvæque tumores commendatur. Tabernæmontanus ad hernias eam valere scribit, si pulverata ad ℥j. in jusculo sumatur.

JACOBÆA

Jacobæa, Off. Jacobæa vulgaris, laciniata, C. B. P. 131. Inst. R. H. 485. Jacobæa vulgaris, J. B. 2. 1057. J. R. H. 284. Jacobæa, Dod. Pempt. 642. Flos Sancti Jacobi, Tragi 287. Senecio major, sive flos Sancti Jacobi, Matthiol. Lugd. 575. vulgo, Jacobee, Herbe de S. Jacques, Fleur de S. Jacques.

Radix plurimis fibris majusculis, albertibus terræ firmiter adhærescit, ut non sine difficultate possit extirpari. Caules exinde exsurgunt non raro plures,

res, interdum unicus, teres, striatus, alias glaber, alias nonnihil lanuginosus, in apricis plerumque purpurascens, solidus, foliis crebris, nullo aut alterno ordine positus vestitus, sesquicubitalis aut altior, summa parte in ramos aliquot divisus. Folia oblonga sunt, profunde dissecta, primo in laciniarum quasdam conjugationes ad mediam prope costam, deinde in alias lacinias secundarias subdivisa, glabra, & obscurius virentia, præsertim supina parte. Flores in summis caulibus & ramulis nascuntur in umbellulas quodammodo dispositi, magnitudine mediocri, radiati, flavi, quorum discus ex plurimis flosculis fistularibus, in summitate quinquifidis, corona vero ex semiflosculis cuspidatis componitur, embryonibus insidentibus, & calyce tubiformi, ac multifido comprehensis. Embryones marcescente flore abeunt in semina perexigua, oblonga, pappis instructa, per maturitatem rubescentia. Agri Parisiensis incola in usum medicum nonnumquam venit.

Jacobææ folia amara sunt, aromatica, nonnihil adstringentia, & cæruleam Heliotropii solutionem parumper mutant. Salem essentialem salis terræ naturali fere similem cum plurimo oleo & terra copiosa conjunctum eam continere Cl. Tournefortius existimat.

Vulneraria dicitur. Eisdem cum Senecione vires, & facultates obtinere Hieronymus Tragus scribit, in primis autem vulneribus, inflammationibus, & fistulis mederi. Cui C. Hoffmannus, & S. Paulli haudquamquam subscribendum censet. Viribus quippe a Senecione discrepare autumant. Senecio, inquit Hoffmannus, *Lib. 2. de Med. Offic. cap. 66. pag. 221. §. 34.* quia insipidus, cum modica caliditate, digerit: Jacobæa vero quia amara, cum majori caliditate discutit, & abstergit. Ubi ergo mitigandi dolores in insipientibus inflammationibus sunt, Senecio potius præ Jacobæa eligatur: ubi vero siccare, & abstergere citra morsum, & consolidare ulcera animus est, priores Jacobæa teneat, inquit, S. Paulli. Jacobæam ad anginas tonsillarumque inflammationes utiliter adhiberi docet Camerarius, & ex ea gargarisma parat, quod tamen rejicit S. Paulli propter ingratum & propemodum abominandum ejus saporem. Idem S. Paulli narrat se a Chirurgo quodam Castrensi accepisse, cum dysenteria epidemica grassaretur in castris, complures militum gregariorum, solius decocto Jacobææ, aut ea in pulmentum cocta, sanitatem pristinam esse consecutos. Quin & idem observat nonnullis Jacobæam calidam cataplasmatibus forma adversus ventris tormina, quæ dysenteria affectos nonnumquam misere excruciant, felici successu fuisse abdomini applicatam. Simon Paulli in *Quadr. Botanico* ægrotantium palati delicatioris miseratus hæc euporista medicamenta nauseabunda pro militibus, rusticis ac plebejis relinquit. Revera Medicus tuto, cito & jucunde quantum fieri potest, mederi debet. Sed si palato minus grata remedia rejiceremus, exigua sane & curta foret Officinarum pharmaceuticarum supellex. Non ideo igitur propter fastidiosum, & S. Paulli palato minus arridentem saporem a foro medico Jacobæa rejicienda est.

Externe Jacobæa ad vulnera & ulcera inveterata ac sordida ab omnibus fere Botanographis commendatur. Eapropter idem auctor in contumaciori dysenteria aut sordido intestini recti ulcere clysteres aut injectiones ex Jacobææ decocto

cocto vel succo solo aut cum aliis sarcoticis confociato proponit. Remedium quidem tentandum, sed nondum expertum. Nonnulli unguentum adversus erysipelata utile ex ejus succo parant: sed Cl. Tournefortius ejusdem decoctum pro fotu præstantius fore censet, & multa cum ratione, siquidem adiposa & pingua externe admota in erysipelate sæpius noxia deprehenduntur.

JUGLANS.

Juglans, Nux, & Nux Juglans, Off. Nux Juglans, five Regia vulgaris, C. B. P. 417. & Inst. R. H. 581. Nux Juglans, J. B. I. 241. Dod. Pempt. 816. & Raii Hist. 1376. vulgo, Noyer. Cujus fructus Nux simpliciter, Nux Juglans quasi Jovis glans, vel juvans glans, Nux basillica, Nux regia, Persica Nux, Nux Græca, Nux Euboica, καρπὸν Græcis: vulgo, Noix.

Prægrandis arbor est, multis prælongisque nixa radicibus; caudice procero & crasso ad binum ternumve sæpius cubitorum amplexus, multis ramis in summo sese diffidentibus. Cortice truncus vestitur crasso, cineraceo, subvirente, levi per senium hiulco & in rimas altas dehiscente. Materie constat ampla, rufa vel subfusca, multis exiguis segmentis scarificata, quibusdam partibus undulatis crispa, robusta. Folia pinnatim disponuntur, quina senave ad unam costam cohærentia, conjugationes claudente folio impari, primum tenera, rubicantia suaviterque olentia; cum adoleverint ampla sesquipalimum longa, palmum fere lata, principio & mucrone angustiora, venis obliquis a medio nervo deductis, lævia pulchre viridantia, odore jucundo fere laureo, sed graviore & vehementi, sapore adstringente. Flores amentacei five juli cum foliis vere erumpunt juxta foliorum pediculos, duas tresve uncias longi, suaveolentes, plurimis foliolis seu petalis constantes, axi squamatim affixis, quibus singulis denso agmine subsunt stamina & apices flavescentia, quæ brevi decidunt. Fructuum embryones in eadem arbore a floribus separati nascuntur plurimi eidem pediculo innixi, singuli singulis calyculis herbaceis, in summo bifidis inclusi: abeunt deinde in fructum subrotundum, duas tresve uncias crassum, qui maturitatem assecutus constat cortice carnoso foris virente, intus albicante, acerbi, & amari saporis non sine acrimonia, nigro colore manus inficiente & subiecto putamine seu testa, quæ sub initio pulposa fuit & candida substantia, ex acido amaricans, per maturitatem ossea sive lignosa, rugosa, unciam circiter lata, & ipsa latitudine longiore, in duas carinas fissili, nucleum continente in duas partes ad medium fere fissum & pene quadripartitum, revolutionibus cerebri similiter inæqualem primo mucosum, ac fere insipidum, deinde per maturitatem callosum, candidum, dulcem, ori gratum; dum recens est, (aridus enim oleosus & rancidus quid contrahit) cuticula testum amara, acri, ori ingrata, quæ dum nux recens est, facile deglubitur, cum arescit adhæret, nec potest separari, extrinsecus flavicante, intus albicante, intercusante lignea quasi membrana divisum. In agris secus vias, & semitas & in viridariis plantatur. Ubi sponte proveniat, nesciunt. Lætis gaudet collibus; montibus delectatur: aquas odit, aquososque tractus spernit.

Nuces Juglandes magnitudine, figura, duritie, sapore multis modis differunt.

runt. Nux Juglans five Regia vulgaris, quæ a duro cortice & frangendi mora Morancia, & Moracilla a nonnullis dicitur. Surdam nominat Cæsalpinus, fortasse quia exsiccata & concussa sonitum non edit. Nux Juglans fructu maximo, quam Caballinam Dalechampius vocat, & Angli Nucem Gallicam. Mali magnitudinem fere æquat. Bonitate & ponderatione molis reliquis cedit. Non enim intus oppleta, sed magna ex parte vacua est, & minus sapida. Nux Juglans fructu tenero, & fragili putamine, a Dalechamptio Mollusca dicta, quod cæteris generibus mollior sit, ejusque putamine digitis facile rumpatur. Tarentinæ veterum vel eadem est vel similis. Cæteras differentias prætermitto.

Umbram Juglandis noxiam esse plerique affirmant non solum humano capiti, sed & stirpibus omnibus juxta satis. Hinc a græcis *Καρυά*, quod *Κάρυς* id est caput sua umbra lædat. Hinc in hortis & agris extremis parvis locatur ac plantatur. Unde versus:

*Me, fata ne lædam, quoniam fata lædere dicor,
Cultus in extremo margine fundus habet.*

Reipsa decubitus sub hac arbore nonnullis capitis dolorem inducere experientia comprobatum est; quod non provenit ab umbra, sed a graveolentibus halitibus ex foliis arboris emanantibus, qui quidem nonnullis cerebris noxii sunt, sed non omnibus, ut patet ex J. Raii & Evelyni testimonio, qui hanc umbram non tantum innocuam, sed & amœnam & salubrem asserunt ob odorem gratum quem folia exspirant. Cum etiam hæc arbor sit admodum ramosa, & patula, spissorem umbram constituit, in qua plantæ satæ minus bene quam sub aperto cælo crescunt.

Trunci materies seu lignum maxime æstimatur ob elegantem suum colorem varium, venas undulatas & crispas, materiei solidatem, ac durationem, quod egregie poliatur, & nitidum splendorem acquirit. Hinc mensis, armariis, utensilibus, & operi tectorio potissimum dicatur.

Truncum igitur Nucis fabri lignarii quæritant, fructuum corticem exteriores infectores, fructum pueri ad lulum, & esum Pharmacopæi ad usum medicum partes fere omnes, sed in primis folia, flores, germina, Nuces tum virides, tum maturas adhibent.

Analysi chymica, ex Nucum viridum tenerimarum quales condiri solent ℥v. per retortam distillatis prodierunt humoris limpidi, fere inodori, & insipidi, & subsalsi, & subacidi ℔j. ℥ij. ℥vij. gr. xlviij. humoris primo limpidi, magis ac magis acidi, austeri, deinde rufescentis, odoris, & saporis empyreumatici, impense acidi, & austeri ℔j. ℥xij. ℥ij. gran. xxxviij. humoris rufi, empyreumatici, sale volatili urinoso, copioso imprægnati ℥j. ℥ij. gran. lviij. olei ℥ij. gran. lx. Massa nigra residua pendebat ℥ij. ℥iiij. gran. xxiiij. quæ rite calcinata reliquit cinerum ℥iiij. gran. vj. ex quibus salis fixi mere alcali ℥j. gran. lxviij. lixivio sunt extracta. Partium jactura in distillatione fuit ℥xj. ℥ij. gran. lx. in calcinatione ℥iiij. gr. vj.

Nucum bene maturarum recentium medullæ ab omnibus involucriis & pellicula spoliatae ℔v. per retortam distillatae præbuerunt humoris limpidi, Nucum aliquantisper torridarum odorem levem referentis, obscure subsalsi, deinde subacidi ℔j. ℥iiij. ℥ij. gran. ix. humoris limpidi, odorem & sapo-

rem

rem axungiae veteris, & rancidae referentis, obscure acidi ℥iv. ℥ij. gr. xv. humoris rufescentis, subacidi, obscure subausteri ℥j. ℥j. gr. xliij. humoris parum rufescentis tum acidi, tum alcali urinosi cum oleo pingui, fusco ℥j. ℥vij. gr. xlv. humoris tum subacidi, tum falsi & alcali urinosi, & austeri ℥vij. gr. xxxvj. cum multo oleo fluido, & olei spissi Resinae seu Colophoniae ad instar, fortiter recipientis parietibus adhærentis ℥vj. gr. xvij. olei tum fluidi, tum spissi & resinosi ℥ij. ℥vj. gr. xxij. Massa nigra valde sicca in retorta residua pendebat ℥v. quæ per duodecim horas igne vehementi calcinata reliquit cinerum nigricantium ℥v. gr. lxxiv. ex quibus lixivio salis fixi mere alcali gr. lxxij. extracta sunt. Parium jactura in distillatione fuit ℥vij. ℥j. gr. xj. in calcinatione ℥iv. ℥ij. gr. viij.

Nuces virides saporem herbaceum stypticum obtinent, nonnihil aromaticum: parum terræ, perparum olei continent, plurimum phlegmatis, & salem essentialem aluminoso-tartareum. Nucum autem maturarum medulla saporem dulcem, gratum, amygdalinum obtinet: cum aqua contusa lactescentem aquam efficit. Multum olei, mediocrem phlegmatis portionem, & salem essentialem tartareum præbet.

Diversæ sunt diversarum hujus arboris partium facultates. Cortex interior seu potius liber Juglandis exsiccatus vim insignem emeticam possidet, juli seu nucamenta leniorem, & a ℥ß. ad ℥j. eorum pulvis exhibetur, affirmantibus Fernelio, Camerario, Sennerto, & aliis. Ducunt satis valide bilem pituitamque viscidam ex ventriculo vicinisque partibus, ita ut in robustis corporibus tuta sint remedia ad febres extinguendas. Et Camerarius, in *Horto*, julorum pulverem exhibet pro vomitivo in doloribus colicis, & nephriticis.

Attamen Matthiolus in suffocationibus uterinis eundem pulverem ad ℥j. exhibet. In epistolis Cratonis idem medicamentum cum hoc elogio commendatur ab eo, qui scribit adversus eundem morbum. „ In hoc affectu nihil novi præstantius. “ Hunc autem pulverem exhibet ad ℥ij. cum olei Succini gutt. ij. Eidem quidam Joannes Ranzenbach affirmabat, Anabaptistas in Moravia jactare, habere se antiepilepticum secretissimum, quo dato infantibus novissime natis ante omnes alios cibos, præstent illos securos per totam vitam, hos nempe Julos. Has diversas facultates emeticam & antispasmodicam, S. Paulli conciliare vix potest. Quod tamen non prorsus impossibile est; sed ad experientiam confugiendum. Idem Juli a nonnullis, referente Ettmullero, commendantur veluti arcanum specificum adversus dysenteriam, pulverati & in aqua conveniente ad ℥j. propinati.

Folia arboris Juglandis aroma spirantia, a vulgo Germaniæ, inquit S. Paulli, frequenter expetuntur, æque ac folia Menthæ corymbiferæ seu balsamitæ, ad pediluvia & balnea sanorum, quæ conservandæ valetudinis causa instituuntur. Idem S. Paulli refert eadem folia adversus podagram commendari, si ex illis virentibus & modico sale, in olla vitrea stratum super stratum fiat reponendum quotannis in cellam, ut paroxysmi tempore semimarcida folia parti dolenti cataplasmatibus in modum applicentur. Hoc remedium discutiendi & roborandi, minime autem repellendi facultate præditum censet.

J. Rajus refert, succum radicis violenter purgare, nec nisi rusticis exhibendum esse: quod quidem de expresso radicum recentium contusarum succo intel-

telligendum existimo . Nam alius succus ex radicibus mense Februario vulneratis aut perforatis sponte stillat , narrante Ettmullero , in plurimis morbis , præsertim chronicis commendatus , in primis in arthritide , nephritide , & cephalalgia . Urinam potenter movet : minus dulcis est quam Betulæ succus .

Nuces pro diversa earum ætate , diversis virtutibus donantur , necnon variæ sunt diversarum earundem partium facultates .

Nuces virides decerpitæ Majo vel Junio appetente , antequam earum putamina obduruerint , Saccharo conditæ stomacho utiles dicuntur . Antequam condiantur , cortice viridi spoliantur , stylo undequaque perforantur , & in aqua per plures dies macerantur , singulis diebus mutata & nova affusa ; coquuntur igne blando donec mollescant , ac tandem cum Saccharo & aromatis perfecte coquuntur . Nuces sic conditæ commendantur ad ventriculi imbecillitatem , ad flatuum dissipationem , colicum dolorem sedandum , ciborum concoctionem juvandam , ad pestis contagium arcendum : quin & frigidis maritis & ad venerem pigris conceduntur , eamque excitare perhibent . Attamen si quid hac in re præstent Nuces conditæ , non tam ipsis debetur , quam admixtis aromatibus . J. Raius ex propria observatione refert Juglandes virides adhuc immaturas , integras cum cortice viridi Saccharo conditas , ut moris est , si duæ vel tres sub vesperam a sumpto cibo sumantur , alvum blande subducere .

Cortex viridis exterior Nucum Juglandium saporem habet adstringentem vitriolicum : unde ex eo vitriolum quoddam vegetabile Ettmullerus parare tentat hoc modo . Cortices Nucum Juglandium quando maturescunt , deglubiti contunduntur , & cum aq. q. s. decoquuntur . Decocti per pannum laneum transcolati mensuris tribus salis communis manipuli duo dissolvuntur . Solutio ad cuticulam evaporata in locum frigidum reponitur , ubi crySTALLI virides saporis adstringentis concrescunt , vitriolum vegetabile dictæ . Ex hoc vitriolo cum Boli triplo distillato spiritus acidus extrahitur ad coralliorum perlarum solutionem a quibusdam commendatum . Sal ille improprie vitriolum dicitur , cum revera nil aliud sit , quam sal cibarius seu communis cum corticis Nucum essentiali sale permixtus . Spiritus vero inde distillatus a spiritu salis parum differt .

Viridi huic cortici recenti vim quamdam vomitoriam Ettmullerus tribuit . Eundem corticem viridem exsiccatum & pulveratum a nonnullis Piperis loco usurpari Tragus refert ; & huic pulverem foliorum Salviæ saporis gratia commisceri : pravum sane condimentum .

Ejusdem corticis succus expressus adstringens est , & in omnibus faucium inflammationibus , præsertim in principio morbi in gargarismatibus usurpatus commendatur , & ad uvulæ relaxationem . Ex eodem succo cum melle inspissato ad syrupi consistentiam Rob Nucum conficitur , Dianucum vel Diacaryon a pharmacopœis dictum , ad eadem utile .

Nonnulli succum hujus corticis inspissant ad extracti consistentiam , & hujus extracti grana aliquot in ejusdem corticis aqua distillata vel alia quacumque solvunt , sicque parant collyrium in ophtalmiis & oculorum inflammationibus perutile sub initio morbi .

Ejus corticis aqua distillata non solum ad oculorum & faucium inflam-

mationes commendatur ob vim quamdam adstrictoriam, sed etiam ratione tenuium suarum partium quæ odore facile deprehenduntur, ad multa alia utilis dicitur: ab Ettmullero ad calculum, a J. Raio & aliis ad dissolvendos thrombos concreti sanguinis intus sumpta, ad vulnera & ulcera calida, & ad anthracem pestilentem foris imposita. Quin & vis alexipharmaca a S. Paulli ipsi tribuitur: & aquam antipestilentialem describit ab Henrico Paulli patre suo multis optimo cum successu peste affectis exhibitam, ex Nucibus Juglandibus & aliis alexipharmacis sic compositam.

℥. Scabiosæ, Veronicæ, Borrag. Bugloss. Acetosæ, Rutæ, Calendulæ, Card. bened. ana M. iijß. Rosar. rubrar. M. iijß. Cortic. Citri ℥j. Nuc. Jugland. virid. n. xxv. Omnia contusa distillantur baln. Mar. In hujus aquæ cochleari uno atque altero dissolvit sequentis electuarii ℥j. vel ℥jß.

℥. Diascordii ℥ß. Pulver. Card. bened. ℥iiij. Sal. Card. bened. ℥j. cum syrupi acetositis Citri q. s. Fiat l. art. electuarium.

Aqua e tribus Nucibus distillata in Officinis hodie celebratissima est & usitatissima in febribus intermittentibus, necnon in malignis, in hysteriacis affectionibus, in hydrope. Exhibetur ad ℥iiij. vel vj. quarta vel sexta quaque hora. Sudorem movet, urinam provocat, flatus discutit, ventriculum roborat. Sic autem præparatur.

℥. Jolor. seu florum Juglandis ℔x. Terantur & macerentur calide in succi expressi & colati aliorum nucamentorum ℔xij. per duodecim horas. Deinde distillantur per alambicem. Aqua distillata affundatur embryonum fructuum primo erumpentium ℔vj. & distilletur secundo. Tertio denique aqua distillata supra eandem Nucum fere maturarum quales condiri solent, & vulgo *des Cerneaux* dictarum quantitatem affusa distillatur; aqua e tribus Nucibus dicitur.

Per solum hujus aquæ ad ℥vj. quarta quaque hora propinatæ usum uxor Pharmacopœi Parisiensis peritissimi, plurimis aliis remediis frustra tentatis, paucis abhinc annis ab hydrope liberata fuit.

Nuces novellæ, vulgo *des Cerneaux*, palato placent quia suaves & dulces, si delibratæ; & ideo mensis secundis frequentissime apponuntur, & cum sale & aqua suaviter esitantur. Parum nutriunt, ægre concoquuntur, tarde descendunt. Quanto vero magis ad maturitatem accedunt, eo minus sunt gratæ. Ætate oleaginosam & rancidam qualitatem contrahunt quæ illas reddit esui ineptas. Maturitatem assecutæ & aridæ parce nutriunt, tenuis cuticulæ qua velantur ratione, haud leviter adstringunt. Difficulter concoquuntur. Bilem venenis non inferiorem gignere dicuntur; tussim etiam excitant, vocem extinguunt, asperum quid & raucum in faucibus pariunt; gravitatem capitis afferunt. Corriguntur tamen si edantur cum Caricis & passulis. Ut vero diutius recentes sint, in media maturitate colligi debent & in cella vinaria sabulo sepeliri. Imo aridæ si per aliquot dies in aqua macerentur, albescunt, & membrana ut virides facile expiuntur.

Nuces Juglandes post piscium esum comestæ, eorum concoctionem adjuvare creduntur. Unde illud scholæ Salernitanæ:

Post pisces nux fit, post carnes caseus esto.

Existimaverunt enim piscium frigiditatem, & humiditatem ab aridarum Nucum caliditate, & siccitate temperari, & emendari.

Quæritur quis sit sensus alterius versiculi ejusdem scholæ:

Unica nux prodest, nocet altera, tertia mors est.

Per primam nonnulli intelligendam esse putant nucem moschatam omnino salutarem. Per alteram intelligunt alii nucem Avellanam, alii nucem Juglandem. Per tertiam vero quidam Balistæ nucem, vel Islopeti glandem jocosè interpretantur, quod nimirum repentinam inferant mortem. Verum alii nucem intelligunt Metellam, seu fructum Stramonii (fructu spinoso rotundo, semine nigricante *Inst.* Solani pomo spinoso rotundo longo flore, C. B. P.) quippe quæ venenum sit narcoticum seu torporem inducens. Plerique per hanc triplicem nucem nihil aliud intelligendum esse censent quam unam, & eandem Juglandem: per unicam quidem paucas numero quæ citra denarium consisterent: per alteram quæ paulo largiore copia ingererentur: per tertiam vero quæ immoderatissime sumerentur.

Nucibus bene maturis virtutem alexipharmacam veteres tribuerunt. Eas venenis resistere cum Ficibus, & Ruta ante alios cibos comestas, vel etiam post ipsa venena hausta sumptas asserunt. Necnon contra pestem, & malignos morbos præservative, & curative commendantur. Hinc antidotum Mithridatis regis ingrediuntur adeo celebratam adversus venena in devicti a Cn. Pompejo regis Mithridatis sanctuariis repertam, quæ duas nuces, Ficus totidem, Rutæ folia viginti, simul trita cum salis grano admittebat. Qui hanc jejunosumit, nullum venenum illo die nociturum asserunt. Nec paucæ sunt compositiones alexipharmacæ, & antipestilenciales, in quibus nux Juglans usurpatur. Attamen C. Hoffmannus de hac alexipharmaca quæ nucibus tribuitur virtute, valde dubitat.

Juglandibus maturis ab Andræa Matthiolo propria quædam, & peculiaris facultas tribuitur ad remoratos menses ciendos, aliis medicamentis nihil proficientibus. Ad id macerantur in aqua donec nuclei membranis possint nudari: deinde nuclei ita exspoliati macerantur in aqua vitæ per biduum, eorumque duo vel tres quotidie mane jejunæ prius perpurgatæ exhibentur comedendi per decem dies ante tempus menstruæ fluxionis.

Singulare quoque medicamentum ex membrana aut tunica illa subamara lutea, quæ nucleum juglandium arctissime investit, paratur, & ℥j. pondere contra colicos dolores propinatur.

Sunt qui præmansas juglandes nuces eum in finem commendant ut earum beneficio exploremus morsus canum. Etenim si præmansæ nuces parti affectæ aliquamdiu applicentur, ac postea projiciantur devorandæ gallinis, nec illæ ab earum esu male se habeant, pronunciandum arbitrantur, canem qui ægrum momordit non fuisse rabidum. Imo nonnulli quoque tradunt easdem morsui canis licet rabidi posse mederi, ubi manducatæ a jejuno homine illitæque fuerint.

Nucum testæ, & lignea intermedia sepimenta vi exsiccante, & sudorifera instructa censentur: unde in quibusdam decoctis sudoriferis, & exsiccantibus adversus catarrhos, & rheumaticos dolores, & venereos usurpantur.

℥. Antimonii crudi contusi ℥vj. Rad. Sarsaparillæ ℥vj. Rad. Chinæ ℥j. Testas, & sepimenta intermedia lignea juglandium n. xl. Contusa coquantur in aq. commun. ℔xij. ad ℔vij. F. colatura, de qua sumat æger cyathos tres quatuorve singulis diebus, per dies 21.

Ex nucibus bene maturis, aridis, tuis, & expressis oleum elicitur, cui eadem tribuuntur virtutes ac oleo amygdalino: imo flatus potentius dissipat, & in coli affectibus a flatu genitis plurimum affert auxilii. Non solum per os intus sumitur ad ℥j. aut alteram, sed etiam cum decoctis carminativis in clysteribus injicitur. Infusum auribus surditati prodest, & idem utile calidis doloribus illitum. Eodem nonnulli ad ambusta a pulvere tormentario utuntur, qui præcipiunt partem ustulatam eo esse inungendam, mox eidem esse applicandum arboris Juglandis folium: ad ambusta alii illud cum aqua calcis permixtum, & diu agitatum utiliter usurpant. Robertus Boyle oleum Juglandium vetus, & per annum, & amplius asservatum commendat veluti specificum adversus calculum, & arenulas in seipso expertum. Imo quo vetustius est, eo efficacius deprehenditur. Calculos, & arenulas comminuit, & expellit: ad ℥ij. vel tres mane jejuno ventriculo, oleo amygdalino recenti ob spissitudinem dilutum propinatur. Quod quidem identidem reiterandum est. Hoc oleum ad lucernas præcipue expetitur quod durabilius sit oleo olivarum. Quin etiam a pictoribus quod colores incorruptos diutius conservet, & a lignariis fabris ad splendorem suis operibus conciliandum.

In Juglandis arboris truncis fungus nascitur seu spongiosa substantia satis tenax, & pene coriacea sub forma tuberum, græcis *ῥομα*. Hoc inter cauteriorum genera usos fuisse antiquos Paulus Ægineta testatur, in longis stomachi defluxionibus, & in hydrope. Ita autem, teste Cælio Aureliano, vocabatur in usum. Fungum hunc acuminatum in pyramidis formam, cuti apponebant, & summitate accensum concremari sinebant, donec cineresceret, & sponte decideret. Simili fere modo Turcæ aridam sarmenti Vitis portionem parti male affectæ applicant, & summitatem ejus accendunt: hoc modo Moxa sua Sinenses utuntur ad podagram, & alios morbos.

J U N I P E R U S.

Juniperi species duæ in officinis vulgo distinguuntur; Juniperus fruticosa, & Juniperus arborescens, quæ quidem nonnisi magnitudine inter se differre videntur. De arborecente jam egimus *articulo de Sandaracha*. Nunc de fruticosa.

Juniperus fruticosa, Juniperus vulgaris, Off. Juniperus vulgaris, fruticosa, C. B. P. 488. & Inst. R. H. 588. Juniperus vulgaris baccis parvis, purpureis, J. B. 1. 293. Raii Hist. 1411. Juniperus, Dod. Pempt. 852. vulgo, *Genevrier* ou *Genievrier*: & fructus, *Genievre* ou *Genevre*.

Frutex est omnibus notus & omnibus Europæ regionibus familiaris, in sylvis & montibus nascens, radicibus numerosis, hinc inde sparsis, nonnullis etiam alte descendentibus: stipite hominis proceritatem nonnumquam assequente, non multum crasso, ramoso, densissimo, cortice scabro, deciduo, rubente: mate-

materie firma nonnihil rubefcente, maxime si ficcata fuerit, odore resinoso grato: foliis acutissimis, angustissimis, raro uncia longioribus, sæpe brevioribus, rigidis, pungentibus, semper virentibus, ternis plerumque simul per intervalla. Julos profert Aprili, & Majo in foliorum alis duas tresve lineas longos, purpura cum croceo mixta pictos, e plurimis squamis compactos, quarum infima pars munitur vesiculis tribus quatuorve, Papaveris semine minoribus, pulvere aureo tenuissimo plenis. Steriles sunt illi flores. Fructus vero numerosi in aliis Juniperi speciebus nascuntur quæ staminibus carent. Baccæ sunt sphæricæ, primum virides, minutissimæ, & calyce tribus foliolis minutissimis constante involutæ, deinde per maturitatem granis piperis duplo majores, cum umbilico trifurcato, nigræ & pulvere cæruleo conspersæ, pulpa subrufa refertæ, sapore acri, aromatico, resinoso, dulci, tria officula continente oblonga, angulosa, dura, semine oblongo fœta, quibus singulis totidem vesiculæ succo resinoso turgidæ adhærent. Fructus maturitatem nisi anno secundo non consequuntur: ita ut aliquando fructus trium annorum in eadem arbore conspiciantur. Quædam sunt Juniperi arborecentis species quarum baccæ non sphæricæ sunt sed oblongæ, & subrotundæ: aliis quoque baccæ rufescunt. In calidis regionibus ex Junipero arborecente resina sponte vel per corticis incisiones stillat quæ Sandaracha, vernix, & gummi Juniperinum dicitur: de qua suo loco mentionem fecimus.

Omnes Juniperi partes odoratæ sunt, & in usum medicum veniunt, nempe radices, lignum, folia, baccæ.

Analyti chymica, ex baccarum Juniperi maturarum, & contusarum ℥vj. per retortam distillatis prodierunt humoris primo limpidi, baccarum odorem, & saporem referentis, acidi, subausteri, deinde magis ac magis austeri, tandem rufescentis, empyreumatici, ℥ij. ℥j. gran. xxxvj. olei essentialis, limpidi, rufescentis ℥ij. gran. xlvij. humoris primo rufescentis, tum impense acidi, tum salis, urinosi, deinde rufi, sale volatili urinoso imprægnati ℥iij. ℥ij. gr. liij. olei rufi, spissi ad instar syrupi ℥ix. gr. xxvij. Massa nigra in retorta residua pendebat ℔j. ℥iij. ℥v. gr. xxxvj. quæ rite calcinata reliquit cinerum leucophæorum ℥ij. gr. lx. ex quibus salis fixi alcali ℥iij. gran. xxxvij. lixivio sunt extracta. Partium jactura in distillatione fuit ℥xij. ℥vj. gran. xv. in calcinatione ℔j. ℥ij. ℥iij. gr. xlvij.

Baccarum contusarum ℔vj. per biduum in aquæ limpidæ ℔xxxvj. maceratae, igne vehementi distillatae præbuerunt olei essentialis limpidi ℥vij. extracti ℔j. ℥iij. Massa crassa residua post debitam expressionem, & exsiccationem pendebat ℔iij. ℥xiiij. ex quibus olei essentialis limpidi flavescens ℥vij. olei vero crassi, rufi ℥vj. ℥j. gr. liij. distillata sunt. Massa nigra in retorta residua pendebat ℥xv. ℥vj. quæ post calcinationem reliquit cinerum ℥j. ℥vij. gran. lx. Liquores vero proliciti pro majori parte acidi austeri erant, sub finem nonnihil alcalini urinosi. Unde liquet baccas Juniperi parum terræ, plurimum vero olei tum tenuis essentialis, tum crassi, tum etiam fixi, ut ita dicam, continere, quod nonnisi diuturna calcinatione elevatur, & comburitur: salem autem essentialem aluminoso-tartareum obtinent.

Si baccæ contusæ diutius in aqua macerentur, fermentescunt, & humor

vinosum odorem saporemque contrahit, qui debite distillatus spiritum ardentem fundit, nihil vero aut perparum olei essentialis.

Ligni Juniperi ℥v. multum liquoris acidi austeri præbuerunt: olei essentialis limpidi circiter ℥j. ℥iiij. olei rufescentis, & spissi syrupi ad instar ℥ix. cinerum vero debite calcinatorum ℥ij. ℥iiij.

Summitatum viridium Juniperi ℥v. præpter liquorem acidum austerum ac tandem nonnihil alcali urinosi, præbuerunt olei fluidi tum limpidi, tum rufi ℥viiiij. ℥iij. gr. iij. Massa nigra in retorta residua pendebat ℥xiiij. ℥iij. gr. xxxvj. quæ rite calcinata reliquit cinerum ℥ij. ℥j. gr. xxj. ex quibus salis fixi mere alcali ℥iiij. gr. xlij. lixivio extracta sunt.

Baccæ itaque majorem olei quantitatem fundunt, lignum minorem, minorem adhuc folia, & summitates.

Juniperi baccæ apud Germanos in culinis condituræ nomine frequenter adhibentur, & ab Ettmullero, & aliis aroma Germanorum appellantur: apud nos vero medicamento tantum rationem habent. Potenter resolvunt, discutiunt, attenuant, calefaciunt, abstergunt, roborant. Ventriculo frigido profunt, pituitam, quæ in illo coit, digerunt, flatus inde ortos discutiunt, colicos dolores sedant, ciborum concoctionem juvant, urinam promovent, viscidum mucum renibus aut vesicæ inhærentem abstergunt, & expellunt, calculos, & arenulas hoc mucos irrititos, & in his partibus morantes foras amandant, & eo nomine lithiasim earum usu præcaveri dicitur. Viscidam pituitam pulmonum glandulas infarciunt resolvunt, & expectorationem promovent, tussi medentur, & æsthmati humido. Utiles sunt in affectionibus catharrois, & in mensium suppressione conducunt. Sanguinis fluiditatem restituunt, motum augent, sudorem excitant, venenis coagulantibus resistunt; & merito Theriaca rusticorum a nonnullis vocantur. Verum non ideo, ut nonnulli volunt, pro panacea omnibus in morbis usurpandæ sunt: conveniunt tantummodo in pituitosis affectionibus, & ubi fibrarum atonia aut imbecillitas deprehenditur: alioquin sanguinis æstum augent, partibus solidis ardorem, & phlogosim inferunt. Unde sæpius videre licet urinæ suppressionem aut ardorem earum usum subsequi, ventriculi inflationem, ructus, & flatuum majorem copiam produci, ubi nempe ventriculus, intestina, renes ardore aut inflammatione laborant.

Ad ℥j. præscribuntur per diem identidem esitandæ; vel contusæ in aqua bulliente Theæ instar macerantur, & infusum ante cibum propinatur calidum ad ciborum concoctionem promovendam; aut in vino per noctem macerantur, & calculosis mane jejuno ventriculo colatura exhibetur. Sic S. Paulli plurimos a jugi nephritico dolore vindicasse asserit. Quidam Laurentius Rostochiensis Professor, narrante eodem, quotidie circiter pugillum unum baccarum comedebat, quo simplici medicamento obtinuit, ut non solum arenulas, sed calculos minutulos, imo etiam lentis magnitudinem æquantes, si non sine omni molestia, attamen dolore, excreverit, cum ante usum harum baccarum sæpe oppido male se habuisset.

Observandum est baccas Juniperi comestas aut earum essentialis olei guttulam deglutitam urinam violarum odore imbuere, non secus ac Terebinthina vulgaris, & stillatitium ejus oleum.

Non

Non semper tamen tutus est granorum Juniperi usus in calculosis. Imo Carolus Piso in *suis Observationibus*, sect. 4. c. 2. *Observ.* 105. p. 319. scribit pulverem granorum Juniperi semper ipsi suspectum fuisse, quod ab illius usu diuturno urinæ tandem cruentæ emittantur. Simon Paulli baccarum defensionem suscipit, cruentam mictionem calculorum asperitatibus tribuendo. Quod quidem reipsa verum esse potest. Attamen sæpius observavi, usum baccarum urinas ardentes, & flammeas excitare, renum dolores, urinæ ardorem producere, ac tandem in cachecticis, & hydropticis, ubi adest in visceribus inflammatoria dispositio, urinæ notabilem imminutionem. Unde non facile hujus diuretici usum suadeo, nisi prius viscerum crasis rite perspecta ab omni æstu, & inflammatione libera deprehendatur. Eadem cautione opus est in quibusdam ventriculi affectionibus, in appetentia, flatulentia, difficili ciborum concoctione, nausea, vomitione, quæ sæpissime sunt renum ægritudinis symptomata, his enim in ventriculi affectionibus symptomaticis nocet baccarum usus, qui in iisdem prodest cum idiopathicæ sunt.

Baccæ apud Germanos velut singulare remedium ad grassantia pestilentia contagia depellenda commendantur: comestæ solæ, vel aceto maceratæ.

Ob tot ac tantas Juniperi baccarum virtutes, diversa præparata ex his conficiuntur, aqua Juniperi distillata, vinum Juniperinum, spiritus per fermentationem extractus, oleum essentielle, Rob seu extractum, Elixir.

Inter præparata ex baccis aqua sese offert quæ ab Ettmullero colicis, & nephriticis admodum utilis prædicatur, urinam ciendo, vias urinarias abstergendo, moderate easdem stimulando, & in primis dispositionem calculosam renum corrigendo, si jejuno ventriculo potetur per balneum maris distillata, ad ℥iij. vel ℥vj.

Vinum Juniperinum paratur ex baccis contusis cum affusa aqua fermentatis donec vinosum odorem saporemque referant: potum præbet haud ingratum, & quibusdam in Galliæ locis familiare rusticis deficiente vino, & in frigidis ventriculi, intestinorum, & renum affectionibus utilimum. Ex hoc fermentato liquore spiritus ardens extrahitur commendatus in affectionibus capitis, & nervosarum partium, interne, & externe adhibitus: intus sumptus urinam potenter movet.

Oleum essentielle, & Rob, seu extractum Juniperi sic præparantur. Recipiuntur libræ octo baccarum Juniperi recentiorum, & succulentarum; affundantur aquæ limpidæ ℔xxiij. Macerentur per duos tresve dies in loco calido. Postea per vesicam cupream igne vehementi distillatio instituat, cum aqua olei essentialis fragrantissimi odoris, & flavi coloris uncia tres ad summum prodibunt. Quod relinquitur in vesica, decoctum per pannum transcoletur, & leni calore inspissetur. Ita obtinetur Rob spissioris consistentiæ, coloris ex flavo fusci, saporis amaro-dulcis, balsamici. Oleum essenziale Juniperinum in spiritu vini rectificatissimo solutum insigne diureticum est, emmenagogum, & carminativum, quod cum infusis foliorum Theæ vel cum vino Hispanico sumitur ad guttas aliquot vel etiam elæosaccharum ex hoc oleo essentiali paratur cum saccharo, sicque facile cum aquosis liquoribus admiscetur. Externe in unguentis nervinis, & antiparalyticis usurpari potest. Michael Alberti in *sua introductione in Medicinam*, baccarum oleum aut spiritum non ita facile, &

liberaliter in nephriticis morbis admitti debere pronuntiat: quoniam acriorem qualitatem habent, valde calefaciunt, & sanguinem impetuosius exagitant: quapropter ea ad usum externum reservanda suadet.

Rob Juniperinum quod extractum, & mel Juniperinum ratione consistentiæ, Theriaca Germanorum ratione virtutum, oleo & spiritu magis temperatum est, & ideo multo magis usitatum. Præstantissimam præbet medicinam ad imbecillem ventriculum roborandum, ad dejectum fibrarum ventriculi tonum restituendum, ad præservationem a calculo, & ab hydropo. Senibus prodest, qui vesicæ vitiiis, urinæ difficultatibus, & imbecillitatibus ventriculi, & intestinorum obnoxii sunt. Urinam blande provocat, menses movet, sudores quoque nonnumquam propellit, & vis alexipharmaca, & antipestilentialis ipsi tribuitur, si cum cæteris cardiacis, & alexiteriis medicamentis consocietur, unde frequenter loco mellis in electuariis stomachicis, antinephriticis, & alexipharmacis usurpatur. Ad ℥j. in vino Hispanico, aceto, aqua Cardui benedicti aut alio liquore conveniente exhibetur, vel mane jejuno ventriculo, vel ante aut post cibum.

Ex hoc melle Juniperino cum s. q. spiritus Juniperini supradicti diluto, paratur elixir Juniperinum, stomachicum, & diureticum insigne. Dosis cochlear. j. Ex baccis Juniperi contusis, & in axungia suilla decoctis unguentum fit adversus porriginem, vulgo, *Teigne*, a D. Chomel plurimum laudatum. Humores identidem evacuandi sunt blando cathartico ex Aquilæ albæ, & Diagridii ana granis vj. vel viij.

Juniperi folia seu summitates rarius in usum veniunt. Fridericus Hartmannus in *notis ad Schroderum*, & S. Pauli post Matthiolum, & Hartmannum lixivium proponunt ex earum cineribus cum vino factum adversus hydropem. Ettmullerus scribit easdem summitates seu turiones alvum laxare eodem modo ac turiones Sambuci.

Magis familiaris est usus ligni Juniperini. Ob suaveolentiam commendatur incensum ad aerem pravis halitibus inquinatum emendandum, & odores noxios, & contagiosos arcendos. Sudorifera virtus huic ligno tribuitur, ejus scobis in decoctis sudoriferis a nonnullis usurpatur adversus catharros, & luent veneream; & scobi Guaiaci vix cedere credunt. Ex eadem scobe in aqua diu macerata cum sale, oleum essenziale flavescens, & fragrans distillatione per vesicam aheneam extrahitur sudoriferum simul, & diureticum. Ex eodem ligno per retortam distillato oleum rufum nigrumve empyreumaticum elicitur oleo cadino dicto non dissimile. Hoc autem cadinum oleum recipitur ex truncis, & ramis Oxycedri, & Juniperi arborescentis in quibusdam furnis huic usui destinatis, combustis. Externe illitum potenter resolvit. Utile dicitur impetigini, capitis porrigini, pecorum etiam scabiei, & ulceribus, quibus a tonsione infestantur.

Baccæ Juniperi usurpantur in Elixir vitæ *Fioravanti*, Elixir pestilentiali *Sennerti*, Elixir asthmatico *Zuelferi*, in opiata *Salomonis*, Antidoto Orvietano *Pb. Reg.* Oleo scorp. comp. *Matthioli*. Rob seu extractum melagineum in Theriaca reformata *Pb. Reg.* & antidoto Orvietana *Frid. Hoffmanni*. Oleum Juniperi essenziale usurpatur in Balsamo vulnerario *Metensium Schroder.* vulgo, *Beaume vert de Fevillet*.

K E I R I.

K Eiri , Cheiri , Leucoium & Leucoion luteum , Off. Leucoium luteum vulgare , C. B. P. 202. Leucoium luteum : vulgo , Cheiri flore simplici , J. B. 2. 872. J. Raii 782. Leucoion luteum , Dod. Pempt. 160. Viola lutea , Tragi 560. Viola petræa lutea , Tab. Icon. 305. Leucoium aureum , Matthiol : vulgo , Violier ou Giroflier jaune , & flos Giroflee jaune .

Radicibus , surculisque seu ramulis ubertim fruticantibus luxuriat , lignosis , albicantibus , quos obsident folia nullis appensa pediculis , crebra , unciali & ampliore longitudine , ex angusto principio sensim dilatata , virentia aut canescentia , idque maxime prona parte , sapore subacri . Flores edit suaveolentes , sapore parum grato , subacri , subamaro , cruciformes , quatuor scilicet petalis luteis constantes , staminibus senis & pistillo pallescentibus , in medio penitus fere latentibus . Succedunt fructus seu siliquæ longæ , compressæ , in duo loculamenta divisæ , cum septo intermedio , cui valvæ adhærescunt , & seminibus planis , orbiculatis , rufis , gustu acri amaro . In pervetustis muris , ruderibus & saxosis locis libentius nascitur : seritur & in hortis juxta parietes & muros . Flores potissimum in usum veniunt . Keiri folia saporis sunt amari , herbacei , subsalsi : & eorum succus chartam cœruleam rubro colore tingit .

Analyti chymica , ex florum Keiri ℥v. per retortam distillatis prodierunt humoris limpidi , fere inodori & insipidi , obscure acidi ℥vj. ℥j. gr. xlvij. humoris aliquantisper empyreumatici , primo subacidi , deinde magis ac magis acidi ac tandem austeri ℥iij. ℥xiiij. ℥vij. gr. xxiiij. humoris rufi , turbidi , empyreumatici , manifeste acidi , & nonnihil alcali urinofi ℥j. ℥vij. gr. xvij. humoris rufi , sale volatili urinoso imprægnati ℥v. gr. xxiiij. olei spissi ad instar extracti ℥j. ℥vij. gr. xxxvj. salis volatilis urinofi concreti ℥j. gr. xxx. Massa nigra in retorta residua pendebat ℥iij. ℥ij. gr. xxxvj. quæ rite calcinata reliquit cinerum albicantium ℥j. ℥ij. gr. xxxvj. ex quibus lixivio salis fixi salsi ℥iij. gr. xxij. extracta sunt . Partium jactura in distillatione fuit ℥j. ℥vij. in calcinatione ℥iij.

Keiri scatet sale ammoniaco cum multo sulphure tum tenui , tum crasso conjuncto .

Flores Keiri attenuant , discutiunt , abstergunt ; dolores mitigant , utero speciatim dicantur ; menses cient , secundinas & fœtum pellunt . Laudantur quoque tanquam discutiens in apoplexia & paralyssi medicamentum . Folia & flores macerantur ad M. j. per 24. horas in vini ℥j. pro duabus dosibus mane & sero propinandis : vel in aqua communi decoquuntur ad viscerum obstructions . Semen ad ℥j. vel duas intus sumitur . Ferunt hoc semen magna dosi sumptum , non solum fœtum vivum pellere , sed vivum enecare , & enecatum ejicere . De ejusdem plantæ succo simile quid Ebrodunensis herbarii auctores tradunt , prudenterque admonent eundem exhibendum non esse nisi in summa necessitate constitutis .

Conserva florum Keiri in officinis parari solet . Eam cum ejus aqua distillata crebro sumptam , præservare ab apoplexia , & paralyticos juvare

Camerarius auctor est . Hieronym. Reusnerus in observationibus a Vvelschio editis refert Episcopum quemdam Tridentinum ad præservationem ab apoplexia & paralyfi iisdem feliciter uti .

Oleum per infusionem est floribus præparatum quod potenter resolvit & rheumaticos dolores sedat . Eodem in Italia ad facilitandum partum regio pubis inungitur .

L A C T U C A .

L Actuca a lacteo , quem fundit dum abrumpitur , succo dicta , plurimas habet varietates . Summa illius duo genera distinguuntur , sativum & sylvestre . Sativum rursus ratione magnitudinis , coloris & figuræ varium est & multiplex : album , nigrum , rubrum , capitatum , crispum , læve , laciniatum . At vero tres præcipue Lactucarum sativarum species frequentiore in usum veniunt , tum in alimentis , tum in medicamentis : Lactuca nempe sativa non capitata , sativa capitata , & Lactuca Romana . Inter sylvestres Lactuca sylvestris costa spinosa frequentius apud nos usurpatur .

Lactuca sativa , non capitata , *Off. Lactuca sativa , C. B. P. 122. Inst. R. H. 473. Lactuca sativa , vulgaris , non capitata , J. B. 2. 997. Lactuca sativa , folio Scariolæ , Lobel. Icon. 241. vulgo , Laitue .*

Radice est longa , crassa , pluribus stipata fibris : foliis oblongis , latis , rugosis , lævibus , pallide virentibus , lacte aquoso prægnantibus , cum primo adolescit , grato , tandem amaro , ubi caulescit planta : caule firmo , crasso , terete , folioso , sesquicubitali & altiore , ramoso , cujus rami adhuc divisi & in latam effusi comam flores in summitate gerunt parvos , semiflosculosos , seu plurimis constantes semiflosculis luteis , embryoni insidentibus , & calyce squamoso oblongo tenui comprehensis : quibus succedunt semina papposa , parva , utrinque acuminata , oblonga , compressa , coloris cinerei . Tota planta vulnerata similem aquoso lacti succum effundit . Seritur in hortis .

Lactuca sativa , capitata , *Off. Lactuca capitata , C. B. P. 123. & Inst. R. H. 473. Lactuca sativa , vulgaris capitata , J. B. 2. 997. Lactuca sativa , sessilis sive capitata , Lobel. Icon. 242. vulgo , Laitue pommée .*

Folia huic breviora , latiora , extrema circumscriptione rotundiora , quam sativæ vulgari , plana & lævia , quæ brevi in caput rotundum conglobantur , Brassicæ capitatæ in modum : semen priori simile , sed nigrum .

Dodonæus Lactucam sativam culturæ mangonio folia ita mutare scribit , ut vel crispentur , vel ita in se contrahantur , ut capitatam Brassicam æmulari videantur . Eiusdem sententiæ J. Bauhinus etiam esse videtur . Verum J. Rajus tum figuram foliorum , tum seminis colorem , si perpetuo niger sit , nec unquam mutetur , differentiam specificam arguere contendit ; & in eadem sententia Cl. Tournefortius fuisse videtur qui species capitatas & crispas a sativa vulgari distinguit .

Toto anno seritur in hortis olitoriiis . Dum adhuc tenella est , evellitur , & alio fundo probe stercoreato plantatur ; sic majori foliorum copia luxuriat , & magis capitata , seu , ut ajunt , pomata evadit .

Alia

Alia Lactucæ capitatae species elegantior paucis abhinc annis lautioribus mensis in acetariis apponitur cujus color ex albo purpureo & luteo variegatur. Dicitur a Cl. Tournefortio, Lactuca sativa, maxima, austriaca, capitata, variegata, *Inst. R. H.* 473. Lactuca caryophyllacea vulgo, *Horti Lugd. Batavi*: vulgo, *Laitue panachée*, *Laitue de Silesie*.

Analyſi chymica, ex Lactucæ capitatae foliorum tenerorum & nondum in caput comprobatorum ℥v. per retortam distillatis, prodierunt humoris limpidi, odore & sapore virentem herbam referentis, subsalsi, obscure alcali urinosi absque ullo acidi indicio ℥viii. ℥iiij. gr. xxiiij. humoris turbidi albicantis, primo leviter fœtentis, subsalsi & urinosi, deinde magis ac magis empyreumatici, alcali urinosi manifeste, ac tandem sale volatili urinoso copioso imprægnati ℥iiij. ℥vij. gr. xxxvj. salis volatilis urinosi concreti gr. l. olei ℥v. Massa nigra in retorta residua pendebat ℥ij. ℥iiij. gr. xlvij. quæ rite calcinata reliquit cinerum ℥j. ℥iiij. ex quibus salis fixi mere alcali ℥iiij. gr. xxxvj. lixivio sunt extracta. Partium jactura in distillatione fuit ℥ij. ℥j. gr. lvij. in calcinatione ℥j.

Ex totius Lactucæ capitatae capitum cum radicibus ℥v. per retortam distillatis prodierunt humoris limpidi odore & sapore Lactucam & herbam virentem referentis, tum obscure subsalsi & obscure alcali urinosi, tum leviter subacidi ℥j. ℥v. ℥v. humoris limpidi, ejusdem odoris & saporis, tum obscure salsi & alcali urinosi, tum obscure subacidi ℥ij. ℥xij. ℥ij. gr. xxxvj. humoris fusci, empyreumatici, salsi, tum subacidi, tum alcali urinosi & sale volatili urinoso copioso imprægnati ℥iiij. gr. vj. salis volatilis urinosi concreti ℥ij. gr. liij. olei spissi ad instar extracti ℥iiij. gr. lx. Massa nigra in retorta residua pendebat ℥j. ℥iiij. gr. xxxvj. quæ rite calcinate reliquit cinerum ℥j. ex quibus lixivio salis fixi mere alcali ℥iiij. gr. xiiij. extracta sunt. Partium jactura in distillatione fuit ℥j. ℥j. gr. xxiiij. in calcinatione ℥iiij. gr. xxxvj.

Foliorum Lactucæ capitatae tum virentium, tum albicantium, demptis caulibus & medulla ℥v. præbuerunt in distillatione humorem salsum, urinosum, copiosum, absque ullo acidi manifesti indicio: salis volatilis urinosi concreti gr. lx. olei spissi syrupi ad instar ℥ij. massæ nigræ ℥j. ℥iiij. gr. xxxiiij. cinerum ℥j. gr. xxiiij. salis fixi alcali ℥iiij. gr. xxxvj.

Lactucarum capitatarum caulis seu medulla ad ℥v. distillata humorem tum alcali urinosum, tum acidum præbuit: salis volatilis urinosi concreti gr. xxxvj. olei ℥iiij. massæ nigræ ℥j. ℥iiij. gr. xxxvj. cinerum ℥vij. gr. lxxvj. salis fixi alcali ℥v. gr. xlvij.

Lactucarum capitatarum radices ad ℥v. distillatae præbuerunt humorem tum acidum copiosum, tum alcali urinosum: olei ℥iiij. nihil salis urinosi concreti: massæ nigræ ℥ij. ℥iiij. gr. xxxvj. cinerum ℥iiij. gr. xxxvj. salis fixi mere alcali ℥v. gr. l.

Ex seminum Lactucæ capitatae ℥v. per retortam distillatis prodierunt humoris tum salsi & obscure acidi, tum manifeste alcali urinosi & sale alcali urinoso copioso imprægnati ℥j. ℥iiij. ℥vj. gr. liij. olei ℥ij. ℥vij. gr. xxxix. salis alcali volatilis ℥ij. gr. lxx. massæ nigræ ℥j. ℥iiij. ℥ij. gr. xxxvj. cinerum ℥vj. ℥j. gr. xlij. salis alcali fixi ℥ij. gr. lvij.

Totius Lactucæ capitatae floridæ ℥v. præbuerunt humoris primo alcali urinosi, deinde tum alcali, tum acidi, magis ac magis manifesti ℥iiij.

℥ix. ℥v. gr. ix. olei adiposi ℥j. ℥j. massæ nigræ ℥ij. ℥vj. gr. vj. cinerum ℥j. ℥vj. gr. liij. salis fixi mere alcali ℥j. gr. xxv.

Succus ex Lactucis capitatis expressus plurimum humoris præbuit limpidi, fatui, qui plantæ saporem & odorem referebat: deinde humorem alcali urinosum cum aliqua acidi occulti portione: tandem humorem empyreumaticum, tum manifeste acidum, tum alcali urinosum & sale urinoso copioso imprægnatum. Massa residua foliorum Lactucæ capitatæ ex quibus succus fortiter & accurate expressus fuerat ad quantitatem ℥v. distillata præbuit humorem tum salsum, tum manifeste acidum, tum alcali urinosum: salis volatilis concreti gr. xliij. olei ℥vj. massæ nigræ ℥ij. ℥vij. cinerum ℥j. ℥liij. gr. lxiiij. salis fixi alcali ℥vj. gr. xlviij.

Decoctum Lactucarum aqua coctarum transcolatum & ad extracti liquidi seu syrupi consistentiam in vase aperto redactum, in distillatione liquorem primo acidum austerum, deinde empyreumaticum, urinosum & sale alcali urinoso copioso imprægnatum præbuit. Unde concludere licet sales volatiles urinosos plantarum, cæteris principiis involutos, neque diuturna coctione, neque lenta humoris evaporatione in vase aperto exhalari, imo fortiori igne indigere ut evolvantur, aut potius fortasse ut producantur.

Lactucæ capitatæ exsiccatae dum igne aperto comburuntur, fulgurationes identidem emittunt, non secus ac nitrum in carbonem projectum producere solet.

Ex tot diversarum Lactucæ partium analysibus aut aliis tentaminibus institutis sequitur Lactucas saltem essentialem continere nitrosam ammoniacalem, qualis exsurgit ex mixtura spiritus nitri & salis volatilis urinosi. Sal ille mediocri olei portione, multo phlegmate, & exigua admodum terræ portione involvitur. Mirum sane hanc plantam aquosam & fere inspidam tantam salis volatilis urinosi copiam in analysi præbere, ut plurimas plantas longe sapidiore hujus salis copia superet. In ea sal acidus alcali urinoso ita obruitur ut in nonnullis analysibus vix detegi possit, & succus Lactucæ chartæ cœruleæ colorem non mutet. Vel potius sal essentialis nitrosus hujus plantæ nitro seu Salipetræ prorsus similis sal salsus est, qui nullum acidi aut alcali indicium præbet, at distillationibus per ignem in alcalinum saltem tum fixum, tum volatilem fere totus convertitur: eodem plane modo ac in nitri cum pulvere carbonum deflagratione in vasis clausis peracta observare licet: ubi nitrum non modo saltem fixum alcalinum copiosum relinquit, sed etiam humorem sale volatili urinoso copioso imprægnatum distillatione fundit. Hæc nitri salis transmutatio in saltem alcali fixum & volatilem fuscè describitur in *Commentariis Regiæ Scientiarum Academiæ Parisiensis anni 1717.* ubi de acidorum salium in sales alcali transmutatione egi.

His in Lactucæ analysibus Academici Parisienses primario deprehenderunt quosdam liquores ex plantis distillatos acidi & alcali salis notas indiscriminatim præbere, nempe cum aliis liquoribus acidis aut alcalinis permixtos pariter ebullire, cyaneam Heliotropii tincturam rubram efficere, & limpidam Mercurii sublimati corrosivi solutionem turbidam, lacteam vel etiam spissam & grumescens reddere, ac, ut ajunt, præcipitare. Quibus experimentis acida & alcali in ejusdem liquoris sinu pacifice & sine

ulla effervescentia aut mutua lucta sæpius recondi perceperunt. Reipsa liquores mere acidos, aliosque mere alcali urinosos ex plantis extractos miscuerunt absque ulla effervescentia. Pariter acetum distillatum, spiritus urinæ simul mixti nullo modo fermentescunt: attamen si sal volatilis urinæ rectificatus, ut ajunt, aqua limpida solvatur, & solutioni acetum distillatum affundatur, vehemens ex hac miscela exsurgit effervescentia. Diverforum horum effectuum ratio in eo posita est, quod in spiritu urinæ aut in aliis alcali urinosi liquoribus ex plantis aut ex animalibus extractis sales urinosi plurimis oleosis involvantur partibus, quibus spiculorum acidorum ingressus intra salium alcali urinosorum poros prohibetur. Unde sæpius ambo sales acidi, & alcali in eodem liquore innatant, sed non intime permiscentur, nec in se invicem agunt. At vero si sali volatili urinæ rectificato aqua soluto acidus liquor affundatur, ambo liquores fermentescunt, quia salinæ urinosæ moleculæ rectificatione oleosis particulis fere spoliatæ fuerunt, sicque liberum spiculis acidis ingressum intra suos poros præbent, unde exsurgit effervescentia seu tumultus, qui mutuam horum salium & intimam conjunctionem comitatur & transmutationem in alium salem neutrum seu salsum, ut vocant.

Lactuca Romana, *Offic.* Lactuca Romana, longa, dulcis, *J. B.* 2. 998. & *Inst. R. H.* 473. Lactuca folio obscurius virente, semine nigro, *C. B. P.* 123. Lactuca folio obscurius virente *Dod. Pempt.* 644. Lactuca Intibacea, *Gerard*: Lactuca Regia: vulgo, *Laitue Romaine*, *Chicons*.

Folium huic angustius est, & productius, planum, & minime rugosum aut bullatum, modice sinuatum, & inferna parte secundum costam spinulis armatum. Flore est, & caule Lactucæ vulgaris, sed semine succedente nigro. Folia dum adolefcunt paleaceo simul collecta vinculo alligantur; & sic candidissima redduntur, & fragili teneritudine cæteras vincunt. In hortis olitorius ad mensarum usum seritur.

Analyfi chymica, ex foliorum Lactucæ Romanæ candidissimorum, & tenerorum lbv. per retortam distillatis prodierunt humoris limpidi, odore & sapore herbam virentem referentis, subacidi lbj. ℥xj. ℥ij. humoris limpidi, manifeste acidi, obscure subausteri lbj. ℥xij. ℥iv. gr. xxxvj. humoris limpidi, odore leviter empyreumatico, tum acidi, tum subsalsi, & leviter alcali urinosi ℥ij. gr. xlviij. humoris rufi, sale volatili urinoso copioso imprægnati ℥vij. salis volatilis urinosi concreti gr. xx. olei syrupi ad instar spissi ℥ij. gr. xxiiij. Massa nigra pendebat ℥j. ℥v. gr. vj. quæ rite calcinata reliquit cinerum ℥vj. gr. x. ex quibus lixivio salis fixi mere alcali ℥iij. gr. xxvj. extracta sunt. Partium jactura in distillatione fuit ℥iij. ℥ij. gr. x. in calcinatione ℥vj. gr. lxxvij.

Lactuca Romana prioribus magis sapida est: sale essentiali nitroso ammoniacali donatur haud dissimili, sed paulo majori copia, & in quo acidus sal paulo magis evolutus est.

Inter olera Lactucæ sativæ primas ab omni ævo tenent. Ut enim gratissimæ sunt in acetariis crudæ & in jussulis elixæ, sic in medicis usibus salutare deprehenduntur. Refrigerant, humectant, & familiare præbent alimentum medicamentosum juvenibus, & biliosis naturis perutile. In ventriculo facile concoquuntur, præsertim si aqua pro potu huic cibo consocietur. Nam
chylum

chylum efficiunt multum, blandum, dilutiorem, fluidiorem, minime æstuosum. Sanguinem paucum quidem gignunt, sed laudabilem, fluidum, minime acrem, minime æstuantem. Humorū acrimoniam demulcent, bilis effervescentiam, sanguinis & humorū æstum compescunt, sitim egregie restinguunt: quare æstivis temporibus passim in frequentissimo usu habentur.

Veteres conciliandi somni causa, ultima mensa illis vescebantur; postea mutato ordine, Domitiani tempore ab illis Promulsidem (*entree de table des Romains*) auspicabantur. Ideo quærit Poeta Martialis, L. 13. *Epigr.* 2.

Claudere, quæ cœnas Lactuca solebat avorum,

Dic mihi cur nostras ineboat illa dapes.

Galenus quoque hoc olere ut familiarissimo cibo & juvenis & senex usus fuit. De seipso refert, se in juventute quoniam assidue os ventriculi bile effervescebat, æstus moderandi gratia Lactucas assumpsisse; cum declinante jam ætate noctes insomnes ageret ob studia longiora & raro intermissa, unicum præsentissimum adversus immoderatas vigilias remedium Lactucas vespere comestas fuisse. Cum vero dentes ipsi deteriores esse cœperunt, ita ut mandi crudæ citra molestiam non possent, easdem in aqua elixas comedisse.

Hanc Lactucarum vim anodynam quotidie experimur, quæ quidem non a quodam narcotico & noxio principio dependent, ut nonnulli opinati sunt; sed ab aquoso suo succo nitroso, quo humorū effervescentiam temperare valent, ventriculi, hepatis, renū, cœterorumque viscerum ardorem & æstum mitigare, eorum fibras nimis crispatas & vividius oscillantes laxare, sicque functiones omnes ac proinde somnum in integrum restituere. Convalescentibus agrypnia adhuc laborantibus olim Lactucæ offerebantur, teste Lucio Junio Columella:

Jamque salutarī properat Lactuca sopore,

Tristia, quæ relevat longi fastidia morbi.

Alvum blande emolliunt. Ideo veteres eas prima mensa sumebant, ut videre est apud Martialem Poetam, L. 11. *Epigr.* 53.

Prima tibi dabitur ventri Lactuca movendo

Utilis

Siccioribus alvi constitutionibus summi sunt levaminis sive crudæ sive coctæ sæpius comestæ, ac proin hypochondriacis scorbuticisque, quibus diuturnior alvi adstrictio non pauca inducit symptomata. Egregio id exemplo hypochondriaci cujusdam a Josepho Lanxonio in *Ephemerid. Germanic. Dec. 3. ann. 2. Observation. 34.* allegato confirmatur. Ille malo ejusmodi a longo tempore affectus cum insigni ventriculi imbecillitate, anxietate a pastu, respirandi difficultate, aurium tinnitu & flatibus copiosis in ructus erumpentibus, frequenti demum Lactucarum tam in prandio quam in cœna usu sanatus est.

Ejusdem constitutionis & Augustus Imperator fuisse videtur qui pristinam valetudinem, narrante Plinio, L. 19. C. 8. Lactucarum esu recuperavit ex Concilio Archiatri sui Antonii Musæ: cui ideirco Romanus Populus statuam juxta ædem Æsculapii erexit, narrante Suetonio.

Hæc Lactucarum præstantia advelus malum hypochondriacum a Simonis Paulli votis in *Quadr. Botanic.* commendatur. Optabat enim ut multi ad
maris

maris Baltici oras vel littora fitorum accolarum, si non crudis, at coctis vescerentur eis, & a multis morbis vindicarentur, quos diuturnior alvi adstrictio mali hypochondriaci comes, & affecla invehere suevit. Eandem Lactucarum in malo hypochondriaco virtutem quotidiana comprobata experientia: siquidem plurimos vidimus melancholicos & hypochondriacos assiduo earum crudarum coctarumve usu, carniū esu & vini potu prorsus interdictis, plurimum sublevatos, & sanatos fuisse. Fuere Medici qui sanguinem multum a Lactucis generari tradiderunt: quod quidem ipsis vitio vertendum non foret. Hac fretus opinione Simeon Sethi monet esum vitandum illis, qui sanguinem expuunt. At cum Galeno opinamur Lactucas sanguinem non quidem multum producere, sed chylum laudabilem efficere fluidum, tenuem, aquosum, quo sanguinea moles optime diluitur, extenditur, rarescit, & fluidior evadit; sicque sanguinis molem, non quantitatem augent. Utiliter autem sanguinem expuentibus præscribuntur ad eorum sanguinis acrimoniam demulcendam, fervorem compescendum. Eadem ratione lac augent nutricibus, quibus propter siccorum crassitiam aut æstum lac vel deficit, vel parcius succedit.

Galenus succum refert e Lactucis expressum & ad cochlearium quatuor seu ℥ij. quantitatem intus sumptum, non secus ac Cicuta & Papaver hominem interficere: quamvis folia majori copia, quam pro succo quatuor cochlearium exprimendo opus est, comesta, damnum nullum inferant: sed Galenus aut vulgarem suo tempore opinionem inexpertus tantummodo refert, aut Lactucarum, quæ suo sub cælo nascebantur vires a nostris prorsus erant diversæ: quandoquidem nostrarum succus non modo tuto, sed & salubriter quotidie propinatur.

Lactucas semen minuere venerisque impetus cohibere nonnulli suspicati sunt. Hinc a Pythagoricis Lactucæ quoddam genus *Εὐσχις* idest castrata, & *ἄσυτος*, id est sterilis & infœcunda dicitur, quia viros eunuchorum instar reddit, mulieres vero steriles. Hinc Callimachus Poeta fingit Adonin a Venere inter Lactucas sepultum fuisse: & Ebulus comicus Lactucas *νεκρῶν βρώμα* mortuorum cibum vocat. Quæ opinio apud Romanos multorum animis adeo inhærebat, ut Augusti temporibus plurimis religio esset Lactucis vesci, narrante Plinio L. 19. c. 8. quam Imperatoris exemplum prorsus delevit. Revera Lactucæ venereos appetitus non accendunt, imo humores contemperando minuunt, sed non prorsus extinguunt. Nihil igitur de illis timeant conjuges, qui progeniem expetunt; licet utiliter largissime vorandæ præscribantur illis, qui cœlibatui ex voto sunt addicti, aut illis, qui in matrimonio nimis pruriunt, ne scilicet ex immodica venere siccescant. Quorum imbecillior est ventriculus & frigidior ab earum esu abstinuant. Phlegmaticis, & adsthmaticis quoque interdiciuntur, & illis, quibus visus debilior contingit. Antiqua enim & vulgaris est opinio, crebriorem illarum esum claritati oculorum officere.

Comeduntur crudæ æstivis præsertim temporibus cum oleo, aceto & sale. Nonnulli ad nimiam earum frigiditatem putatitiam corrigendam Chærefolium Dracunculum hortensum, Nasturtium, Cœpas, &c. addunt. Sed hac non indigent emendatione. Imo hæc ipsa difficilius quam Lactucæ digeruntur. Quod quidem ex ructibus, quos stomachus post eorum esum per sat longum tempus emittit, harum herbarum odorem saporemque referen-

ferentes , percipitur . Si quis Lactucarum concoctionem faciliorem , & citiorem velit ; aquam & limpidam superbibat & a vino abstineat .

Quidam existimant Lactucas coctas crudis magis nutrire , & salubriores esse , illis præsertim qui imbecillo sunt stomacho . Alii contra sentiunt cum Nonnio L. *De Re cibaria* , quia Lactucas a coctura nimiam humiditatem contrahere asserit , quæ stomachum exsolvere potest , & laxiorem reddere : qua de causa , inquit Hippocrates *Lib. vij. Epidemior.* inter causas cholerae morbi refert esum Lactucarum coctarum , quia humiditate sua nimia stomachum subvertunt . Verum crudæ juxta ac coctæ Lactucæ salutares sunt , modo moderatus sit earum usus . Cum aqua , & sale coquuntur , addito nonnumquam butyri momento , vel in carnum jusculis .

Cum Lactucis apozemata & juscula refrigerantia , & humectantia præparantur . In decoctis pro clysteribus ad refrigerandum & emolliendum frequenter præscribuntur .

In Officinis prostant semina Lactucæ , quæ inter semina frigida minora recensentur , nempe Lactucæ , Portulacæ , Endiviæ , & Cichorii . Servatur , & aqua Lactucæ distillata , quæ utilis est ubi refrigeratione , & humectatione opus est , & in julapii , & potionibus refrigerantibus recipitur . Emulsio ex seminibus Lactucæ in ejusdem aqua parata cum syrupo Nenupharis aut Althææ urinæ ardorem mitigat , quietem nocturnam accersit , & venerea insomnia pellit .

℥. Radicum Cichorii , Acetosæ , Nenupharis ana ℥j. folior. Lactucæ , Portulacæ , Oxalydis , Bugloss. & Cichor. albi ana M. j. Florum Vio-lar. & Borragin. ana p. j. Bulliant in ℔ij. ad ℔jss. Sub finem coctionis adde quatuor seminum frigidior. major. contusor. ℥j. Colatura dilue nitri purificati ℥j. syrup. de Nymphæa vel Granator. ℥ij. F. apozema pro quatuor dosibus , quarta quaque hora propinandis . Ad refrigerandum , humectandum , incrassandum , & demulcendum .

℥. Pullum gallinaceum exenteratum , & decorticatum , demptis pedibus & capite , frustulum colli vitulini ad ℔ss. Coquantur in aq. limpidæ ℔vj. ad ℔iiij. Sub coctionis finem adde caput Lactucæ in quatuor partes sectum , folior. Portulacæ , Betæ , Borragin. ana M. j. pro quatuor , jusculis refrigerantibus , & alterantibus horis medicis sumendis .

℥. Radic. Tormentillæ , Bistortæ ana ℥ss. Symphyti majoris ℥j. folior. Lactuc. Portulac. Plantag. Millefol. ana M. j. Rosar. rubrar. & Balauftior. ana P. j. seminum quatuor frigidior. major. ℥ss. semin. Papaver. & Lactuc. ana ℥j. cum frustulo carnis vitulinæ vel bovinæ , vulgo , *le Trumeau* . Coquantur ex arte & fiant juscula duo ad sanguinem incrassandum in hæmorrhagiis & alvi profluviiis .

℥. Aquar. Lactuc. Portulac. & Oxytriphyll. ana ℥ij. nitri defæcati ℥ss. syrupi Granor. aut Berberis ℥j. F. julap. refrigerans , & humorum æstum temperans .

℥. Quatuor seminum frigidior. major. ana ℥ss. semin. Lactuc. & Papav. alb. ana ℥j. Contunde ut artis est sensim affundendo aq. Lactuc. stillatitiæ ℥vj. Expressione dilue syrup. de Nymphæa aut Althæa ℥j. F. emul-

fio pro unica dosi hora somni sumenda in vigiliis immodicis vel sæpius in die iteranda in urinæ ardore, &c.

℥. Succor. defœcator. Lactuc. Portulac. & Plantagin. ℥iij. syrup. de Symphyto vel de Hedera terrestri ℥℔. F. julap. in expuitione cruenta & hæmorrhagiis.

In phrenitide, delirio, febris ardente S. Pauli applicat temporibus & suturæ coronali, necnon carpiis linteum duplicatum vel triplicatum permafactum aqua Lactucæ in qua nitrum crySTALLIZATUM solutum fuerit.

Usurpantur Lactucæ omnes in syrupo de Cichorio composito, in electuario *Requies Nicolai* dicto, Unguento Populeo. Semina in syrupo Jujubino, *Ph. Reg.* resumptivo seu de Testudinibus *ejusdem*.

Lactuca sylvestris costa spinosa, *Off.* Lactuca sylvestris costa spinosa, *C. B. P.* 123. *J. Raii Hist.* 222. & *Inst. R. H.* 473. Lactuca sylvestris sive Endivia multis dicta, folio laciniato, dorso spinoso, *J. B.* 2. 1003. Lactuca sylvestris, *Dod. Pempt.* 646. Seris domestica, *Lobel. Icon.* 234. Endivia Officinarum, *Quorundam*: Scariola & Serriola, *Cord.*: vulgo, *Laitue sauvage*.

Radicem habet quam sativa Lactuca brevior ac minorem: incondita promit per caulem folia oblonga, minora tamen & angustiora, ac utroque latere profundioribus incisuris sinuosa, spinis duriusculis secundum costam averla & infima parte donata, amaro lacte prægnantia. Caulis cubitalis & major, in principio spinosus, in summo multos abit in ramulos, quos flores ornant parvi, lutei, sativæ Lactucæ æmuli, quibus succedunt semina papposa, nigricantia, sativæ similia. Ad sepes & agrorum margines reperitur. Nascitur quoque in vineis & hortis, in quibus olera feruntur. Tota planta in usum venit.

Analyfi chymica, ex Lactucæ sylvestris semipedem altæ, demptis radicibus, ℥v. per retortam distillatis prodierunt humoris limpidi, sapore herbaceo, primo obscure subacidi, deinde manifeste subacidi, ac tandem manifeste acidi austeri ℥iij. ℥ij. ℥vij. gr. iij. humoris rufi, empyreumatici, tum salsi, subalcali, tum austeri ℥ij. ℥ij. gr. vj. humoris rufi, sale volatili urinoso copioso imprægnati ℥j. ℥vj. salis volatilis urinosi concreti ℥j. gr. xxvj. olei adiposi ℥j. ℥iij. gr. xxj. Massa nigra in retorta residua pendebat ℥iij. ℥v. gr. lx. quæ rite calcinata reliquit cinerum ℥iij. gr. xvij. ex quibus lixivio salis fixi alcali ℥vj. gr. xlij. lixivio sunt extracta. Partium jactura in distillatione fuit ℥j. ℥vj. gr. xvij. in calcinatione ℥j. ℥v. gr. xlij.

Lactuca sylvestris sativis amara magis est & lacte copiosiore referta. Analyfi plus olei fundit & majorem salis urinosi copiam. Salem essentialē obtinere videtur nitroso vitriolico ammoniacalem. Viribus ad sativas accedit, sed potentius aperit & abstergit: alvum movet, somnum conciliat.

Usurpatur in Syrupo de Cichorio composito *Pharm. Reg.*

L A M I U M.

L Amii species duæ usitatæ sunt in Officinis, scilicet Lamium album & Lamium rubrum.

La-

Lamium album, Urtica iners & Urtica mortua, Off. Lamium vulgare album five Archangelica, flore albo, *Parkins. Theatr.* 604. *Inst. R. H.* 183. Lamium album, non fœtens, folio oblongo, C. B. P. 231. Galeopsis five Urtica iners, floribus albis, *J. B.* 3. 322. Urtica iners five Lamium primum, *Dod. Pempt.* 153. Lamium album Gerardi, *Raii Hist.* 559. Lamium album, *Tab. Icon.* 536. vulgo, *Ortie morte*, *Ortie blanche*, *Ortie qui ne pique point*.

Radicibus plurimis fibrosis nititur: plurimis etiam surculis, oblique Menthæ fere in modum sub terra reptantibus, & e nodis subinde radices agentibus, late se propagat. Caules inde exsurgunt pedales aut cubitales, quadrati, grandiusculi prope terram tamen graciliores & infirmiores, unde etiam vix se sustentant, inanes, modice hirsuti, ramosi, geniculis rarioribus intercepti, prope terram in apricis purpurascentes. Folia ex adverso bina, Urticæ simillima, quæ in imis sunt caulibus, longis pediculis nituntur, quæ in summis, brevioribus, brevi, & innocua lanugine hirsuta. Flores ad genicula verticillatim caules ambiunt, satis ampli, monopetali, labiati, vel exterius pallidi potius quam nivei, quorum labium superius seu galea cochlearis instar est excavata, ad margines præcipue pilosa, quatuor intus staminula, duo longiora, breviora totidem occultans; inferius vero labium pallidum, non punctatum, bifidum, cordiforme, desinuntque ambo in fauces marginatas. Stamina apices marginibus circumcirca nigris formam characteris & quodammodo repræsentant. Pistillum prætenue, bifidum, staminibus adjacens, ex calycis fundo surgit posticæ floris parti ad instar clavi infixum. Calyx floris amplius, patulus, tubulatus, striatus, in quinque oblonga, angusta segmenta dividitur, quæ in tenues & acutas sed innoxias spinulas desinunt. In imo calyce pistillum quatuor veluti embryonibus stipatum est, qui deinde abeunt in totidem semina triangularia, simul juncta, in capsula quæ floris calyx fuit recondita. Odor huic plantæ aliquantisper gravis. Ad sepes, secus vias & parietes, in locis ruderalis atque dumetis, non raro in hortis parum cultis reperitur. Folia & flores in usum veniunt.

Analyti chymica, ex plantæ floridæ, demptis radicibus, ℞v. distillatis prodierunt humoris limpidi, odore & sapore herbaceo, obscure falsi ℞x. ℞iij. gr. xij. humoris limpidi, primo obscure subfalsi & obscure subacidi, tandem manifeste subacidi ℞j. ℞xij. ℞ij. humoris limpidi, primum subacidi, deinde magis ac magis acidi, obscure subausteri ℞j. ℞vj. gr. xxiiij. humoris rufi, leviter empyreumatici, tum acidi, tum subfalsi urinosi ℞v. ℞j. humoris rufi, sale volatili urinoso copioso imprægnati ℞iij. ℞j gr. xlij. olei adiposi ℞ij. ℞j. Massa nigra in retorta residua pendebat ℞v. ℞j. quæ rite calcinata reliquit cinerum ℞ij. ℞iij. gr. xlij. ex quibus lixivio salis fixi mere alcali ℞j. ℞j. gr. xij. extracta sunt. Partium jactura in distillatione fuit ℞iij. ℞iij. gr. lxxvj. in calcinatione ℞ij. ℞iij. gr. xxx.

Lamii succus chartam cæruleam vix mutat. Salem essentialem tartareum continere videtur multo sulphure bituminoso & terra implicitum. Ab hoc sulphure potissimum ejus vis balsamica dependet.

Lamium album a recentioribus Medicis commendatur adversus fluorem album mulierum, pulmonum vitia, lienis tumores & indurationes, ad hæmorrhagias præsertim uterinas sistendas & ad vulnera conglutinanda. S. Paul-

Paulli de illis virtutibus valde dubitat. Attamen quotidiana experientia in fluore albo & hæmorrhagiis uterinis ejus flores & folia utilia apud nos deprehenduntur. Summitates floridæ in aqua fervida Theæ instar macerantur & unus aut alter infusi cyathus bis terve in die hauritur. Vel ex iisdem jascula cum Portulacæ foliis parantur; aut ex floribus cum Saccharo conditum, seu, ut ajunt, conserva coquitur singulis diebus ad 3j. sumenda.

24. Frustulum colli carnis vitulinæ ad 1℔. Coquatur in aq. q. s. Sub finem coctionis adde summitatum floridarum Lamii albi M. iij. fol. Portulacæ M. ij. pro duobus jasculis mane & sero hauriendis.

Externe oleum Olivarum in quo Lamii flores sub sole macerati fuerunt, balsamum vulnerarium constituit, præstantissimum in tendinum vulneribus, observante Dyonisio Dodart D. M. Parisiensi Reg. Scientiar. Academiæ socio & doctrina ac probitate apud omnes commendatissimo. Plurimum valet ad ulcera detergenda & cicatrizanda, & ad tumores discutiendos, auctore Hieron. Trago. J. Raius hoc ad scrophulas remedium ex manuscripto D. Hulse transcripsit.

24. Folior. Lamii albi M. j. Calefiat inter duos lateres calidos & tumori applicetur. Eum noctis unius spatio plurimum aperit. Aperto adhibe mixturam sequentem.

24. Omphacii cochlearia sex, Butyri Maialis instar juglandis: misce & impone lanæ nigræ oleo e pedibus bubulis madefactæ. Intus interim propinetur aqua florum Genistæ mane & hora quarta pomeridiana singulis diebus.

Alia est Lamii species flore purpureo non fœtens quæ a priori fere non differt nisi floris colore purpureo, & dicitur Urtica iners flore purpureo, Off. Lamium folio oblongo, flore rubro, *Parkinsf. Theat.* 606. *Inst. R. H.* 183. Lamium purpureum, non fœtens, folio oblongo, C. B. P. 231. Galeopsis sive Urtica iners, flore purpurascens, majore, folio non maculato, J. B. 3. 321. vulgo; *Ortie morte a fleurs purpurines*: ad eadem utilis dicitur, sed minus usitata.

Lamium rubrum & Lamium purpureum, Off. Lamium purpureum fœtidum, folio subrotundo sive Galeopsis Dioscoridis, C. B. P. 230. & *Inst. R. H.* 183. Galeopsis sive Urtica iners, folio & flore minore, J. B. 3. 323. Urtica iners altera, *Dod. Pempt.* 153. Lamium rubrum Gerardi, *Raii Hist.* 559. Lamium vulgare folio subrotundo, flore rubro, *Parkinsf.* vulgo, *Ortie morte puante*.

E radice tenui, fibrosa, non repente, plures erigit caules quadratos, concavos, propemodum glabros, satis grandes, prope terram ramosos, deinde uno vel altero foliorum pari cinctos, tum ad summitatem fere nudos semipedales, infirmos. In summis caulibus flores in verticillis densius stipati, monopetali, labiati, parvi, purpurei, labio inferiori saturatioribus maculis guttato. Calyces florum breves, patuli, striati, fessiles, quinque partiti, quatuor in imo semina continent oblonga, triangularia, per maturitatem fusca & splendentia: folia Urticarum æmula sed minora & breviora, mollia, circum oras crenata, pediculis semiuncialibus insident. Olor totius plantæ fœtidus & ingratus. Ad sepes, macerias, & in locis ruderatis ac hortorum areis minus excultis nascitur. Flores & folia usitata sunt.

Hæc

Hæc planta majorem olei bituminosi copiam continet quam *Lamium album*, sed minorem quam *Galeopsis procerior fœtida*; idcirco raro usurpatur, illis vero nonnumquam substituitur. Vulneraria est, resolvens & demulcens. Ejus decoctum adversus dysenteriam commendatur. Externe herba tusa & imposita valere creditur ad tumores quoscumque discutiendos, necnon ad inflammationes compescendas, ulcera putrida detergenda, & vulnera ad cicatricem perducenda.

L A M P S A N A.

L Ampsana vulgaris, Off. *Lampsana*, *Dod. Pempt. 675. Inst. R. H. 479. J. B. 2. 1028. Raii Histor. 256. Soncho affinis Lampsana domestica, C. B. P. 124. Lampsana, Gerardi Emaculat. Lampsana vulgaris, Parkins. Chrysolachanum Plinii, Ruell. Papillaris herba, Quorumdam: vulgo, *Lampsane* ou *Herbe aux mammelles*.*

Radice nititur alba, simplici, surculosa tamen & varie fibrosa. Caulis inde exsurgit bicubitalis & altior, teres, striatus, pilis rarioribus hirsutus, rubescens, concavus, ramosus. Folia ad radicem & in ima parte caulis uno vel altero pinnularum pari donata, extremitate latiore, magnitudine & figura fere foliorum *Sonchi lævis muralis*, aut *Barbareæ dictæ*, mollicella, hirsuta, alternatim posita: quæ in caulibus & ramis superiora, oblonga, angusta, acuta, nullis pediculis fulciuntur, nullis pinnulis lobisve donata. Supremæ caulis & ramorum partes glabræ, in flores terminantur exiguos, luteos, semiflosculosos, plurimis scilicet semiflosculis constantes, singulis singulo embryoni insidentibus, & calyce comprehensis monophyllo & multifido, qui deinde abit in capsulam striatam, seminibus fœtam tenuibus, oblongis, nigricantibus, nonnihil incurvis, acutis, minime papposis; licet J. Bauhinus flores in pappos abire scribat. Tota planta vulnerata lac fundit amarum. In hortis & cultis, juxta agrorum margines, secus vias, frequentissima est. Tota planta in usum venit, sed minus frequentem.

Analyfi chymica, planta florida ad ℥v. distillata præbuit plurimum humoris primo herbacei, obscure subacidi, deinde obscure acidi austeri, ac tandem manifeste acidi & alcali urinosi: salis urinosi concreti grana aliquot: olei adiposi circiter ℥j. ℥j. Massa nigra in retorta residua ad ℥vj. ℥v. per quindecim horas in crucibulo calcinata reliquit cinerum ℥ij. ℥v. gr. xxxvj. ex quibus lixivio salis fixi alcali ℥vj. gr. xxxvj. extracta sunt. Partium jactura in calcinatione fuit ℥ij. ℥vij. gr. xxxvj.

Salem essentialem hæc planta continet tartareum multo oleo spisso bituminoso permixtum & non mediocri terræ & phlegmatis portione implicatum.

Refrigerat & emollit. Usurpatur nonnumquam in decoctis emollientibus pro clysteribus. Raro interne per os adhibetur.

Externe planta contusa admota ulcera & vulnera potenter abstergit, vel ejus succus expressus & unguentis admixtus. Idem succus impetigines sanat. Efficax esse censetur in sanandis papillis exulceratis: unde nomen *Papillaris* sortita esse videtur.

L A P A T H U M.

Plantæ plures in Officinis Lapathi nomine insigniuntur; scilicet I. Lapathum hortense, folio oblongo, five Lapathum sativum. II. Lapathum majus quod Hyppolapathum vel Rhabarbarum Monachorum, Off. III. Lapathum sinuatum. IV. Lapathum sanguineum. V. Lapathum sylvestre, quod Oxylapathum. Off. VI. Lapathum rotundifolium. VII. Lapathum aquaticum, Hydrolapathum, Off. VIII. Lapathum Spinacia dictum. IX. Lapathum acetosum, Oxalis, & Acetosa dictum. X. Lapathum unctuosum seu Bonus-Henricus. De his duobus jam egimus.

I. Lapathum hortense folio oblongo, Lapathum sativum, Lapatium, Rumex, Parella, Patientia, Off. & *Culinar*: Lapathum hortense, folio oblongo five secundum Dioscoridis, C. B. P. 114. *Inst. R. H.* 504. Lapathum sativum, Lapas, J. B. 2. 985. Lapathum sativum, *Dodon. Pempt.* 648. Hyppolapathum sylvestre, *Matthiol.* Rumex hortensis vel secundus, *Tragi* 314. vulgo, *Patience*, *Parelle*.

Radice est recta, prolixa, fibrosa, intus lutea: caule terete articulado, bicubitali, & altiore, nonnumquam hominis altitudinem æquante: foliis oblongis Lapathi sylvestris similibus, sed majoribus, & mollioribus, acumine magis obtuso, minoribus tamen quam Hyppolapathi folia. Flores secundum ramulos verticillata serie digesti, exigui, apetalii, sex staminibus viridibus, brevibus, cum apicibus rectis albis, constant ex calyce heptaphyllo surgentibus, ut in Acetosa. Pistillum abit in semen triangulare, capsula membranacea obvolutum. Hæc autem conficitur ex tribus calycis foliis alternis, cæteris tribus marcescentibus. In hortis colitur: raro in usum venit.

II. Lapathum majus; Hyppolapathum, Rhabarbarum Monachorum, Off. Lapathum hortense latifolium C. B. P. 115. & *Inst. R. H.* 504. Lapathum majus, five Rhabarbarum Monachorum, J. B. 2. 985. Hyppolapathum five Rhabarbarum Monachorum, *Dod. Pempt.* 648. Hyppolapathum sativum Gerardi, *Raii Histor.* 171. Lapathum sativum five Patientia, *Parkins.* vulgo, *Rhubarbe des Moines*.

E radice prolixa, crassa, multis adnatis fibris donata, foris fusca, intus intense crocea; caulis assurgit interdum ad hominis proceritatem, striatus, rubens, superiora versus in numerosos furculos divisus: cui adhærent folia pedalia, & sesquipedalia, lata, acuminata, firma, non tamen dura, & rigida, lævia, & obscurius viridia, oris aliquando sursum nonnihil reflexis, æqualibus tamen, & minime crenatis, pediculis rubentibus longis nixa. Flores per totos fere caulis ramulos longa serie disponuntur apetalii, staminei, Acetosæ floribus similes, quibus succedunt semina angulosa, folliculis membranaceis circumdata, seminibus Lapathi aut Acetosæ similia. In hortis colitur.

Iisdem fere donatur principiis ac Lapathum rotundifolium, iisdemque viribus insignitur. Ambo leviter purgant bilem, potenter adstringunt, hepatis obstructions referant, tum humores crassos solvendo, tum fibrarum tonum

quam par est laxiorem restituendo. Unde in quibusdam alvi profluviiis & viscerum obstructionibus nonnumquam eorum pulvis vel decoctum eadem dosi utiliter usurpantur,

III. *Lapathum sinuatum*. Off. *Lapathum pulchrum*, Bononienſe, ſinuatum, *J. B.* 2. 988. *Inst. R. H.* 504. *Lapathum Pariſienſe*, ſinuatum, *Horti Reg. Pariſienſ.* vulgo, *Lapaton violon*.

Ex crassa radice multa folia, duarum pleraque unciarum, pediculis ejusdem pene longitudinis, profert, unciam plus minus lata, in medio profundo utrimque ſinu ex adverſo respondente, extremitate ſubrotunda, adeo ut muſicum illud instrumentum noſtratibus *un violon* dictum figura ſua imitentur. E medio foliorum caulis pedalis, nonnumquam ſeſquipedalis exit in plurimos ramos incurvos brachiatus. Ad ſingula genicula flores herbaceos ſtamineos cœterorum *Lapathorum* more profert: quibus ſingulis ſuccedunt anguloſæ capſulæ ternis foliolis dentatis coagmentatæ, continentes ſemina triangularia, ſubrufa. In agro Pariſienſi ſponte naſcitur. A Gallo-provinciæ ruſticis inter plantas olitorias eſculentas colitur, & Hyberno tempore comeditur.

IV. *Lapathum ſanguineum*, *Lapathum rubrum*, *Lapathum nigrum*, Off. *Lapathum folio acuto*, rubente, *C. B. P.* 114. *Inst. R. H.* 504. *Raii Hiſtor.* 175. *Lapathum ſanguineum*, ſive *Sanguis Draconis herba*, *J. B.* 2. 988. *Lapathum rubens*, *Dod. Pempt.* 650. vulgo, *Sang de Dragon*, ou *Patiente rouge*.

Lapathi ſativi non abſimilis facile a reliquis *Lapathi ſpeciebus* diſtinguitur ſanguineo quo ſcatet ſucco, nervis per folia crebris diſcurrentibus varioque implexu ruborem ſanguineum virentibus foliis conciliantibus: quorum ſuccus, & manus, & alutam primum purpureo, mox in cœruleum degenerante colore tingit; quo ſimul, & pediculi foliorum turgent. In hortis pro olere colitur. Folia & ſemen uſitata ſunt.

Lapathum rubrum ſalem eſſentialem *Oxylapathum* magis nitroſum obtinet. Ejus folia inter olera cocta comeduntur a nonnullis. Alvum cient, & ideo in ſuſculis emollientibus, & refrigerantibus nonnumquam præſcribuntur. Semen quod in Officinis perperam ſemen *Sanguinis Draconis* dicitur, roborat, adſtringit, & dolores demulcet. Ad ℥ſs. aut ℥j. pulverizatum, & liquore idoneo dilutum propinatur ad fluxus uterinos nimios ſiſtendos, alvi profluvia torminoſa aut cruenta ſiſtenda. *Joh. Georg. Volckamer*, in *Eph. Germ. Dec. II. ann. 1. p.* 421. vinum in quo idem ſemen ad ℥j. aut ℥ſs. calide maceratus fuit, percolatum, in torminoſis alvi fluxibus propinaviſſe felici cum ſucceſſu aſſerit.

Analyſi chymica, *Lapathi hortenſis* folia plurimum liquoris manifeſte acidi, mediocrem ſalis volatilis urinoſi portionem, parum olei, & terræ præbuerunt.

Eorum ſuccus chartæ cæruleæ colorem in rubrum mutat. Salem eſſentialem tartareo-ammoniacalem obtinet.

Ab antiquis inter olera *Lapathum* menſis frugalioribus offerebatur. Ut videre eſt apud *Horatium Flaccum* in vitæ ruſticæ laudibus. *Epod. II.*

Non Attagen Ionicus

Jucundior, quam lecta de pinguiſſimis

Oliva

Oliva ramis arborum :

Aut herba Lapathi prata amantis, & gravi

Malvæ salubres corpori :

Galenus sylvestre Betam posse hoc olus vocari censet, quod gustu viribusque hortensi Betæ similis sit: nonnihil tamen interesse putat, quod videlicet hæc suavior sit, ideo quoque mensas frequentius subit. A priscis Medicis Lapathum cuicumque decocto vis alvum emolliendi tribuebatur, quod nec eundem fugit Poetam *Satyrar. Lib. II. Sat. 4.*

..... Si dura morabitur alvus,

Mytilus, & viles pellent obstantia Conchæ

Et Lapathi brevis herba, &c.

Brevem autem appellat Lapathi herbam, priusquam caulis enatus fuerit decerptam, quo tempore esui potissimum idonea est.

Lapathorum hortensium folia hodie mensis nostris rarissime apponuntur, usurpantur tantum ad juscula, & apozemata emollientia, & refrigerantia conficienda. S. Paulli in *Quadr. Botanico*. suadet ut ferculum aut pulmentum ex hortensium Lapathorum foliis paretur, iis apponendum, qui dolore arthritico torti, facile alvi adstrictionem insuper incurrunt. Quod confirmat experientia Clarissimi viri Caspari Bartholini, qui ob intempestiva studia huic malo obnoxius, paroxismi tempore hujus beneficio laxam sibi alvum servare solebat. Succum producit aquosum, mediocriter crassum, & parum nutrimenti conferentem. Sylvestrium vero Lapathorum folia nonnumquam, sed radices potissimum ad usum medicum expectantur.

V. Lapathum sylvestre, Lapathum acutum, Oxylapathum, *Off. vulgo, Patience sauvage*. Tres Lapathi sylvestris species sub his nominibus in Officinis indiscriminatim usurpari solent, & ob foliorum variantem formam sæpe confunduntur non solum a Pharmacopæis sed etiam ab auctoribus Botanicis. Joannis Raii distinctionem secuti sumus quæ accuratior nobis videtur.

1. Lapathum folio minus acuto, *C. B. P. 115. Lob. Icon. 285. Inst. R. H. 504.* Lapathum vulgare, folio obtuso, *J. B. 2. 984. Raii Hist. 175.* Lapathum sylvestre, vulgatus, *Parkinsf.* Lapathum sylvestre folio minus acuto, *Gerard.*

Radix huic simplex, interdum surculosa, crassa, alte in terram descendens, exterius fusca, interius lutea. Folia quæ a radice exeunt, longis insident pediculis, quæ in caulibus sunt brevioribus, palmum, & sesquipalmum lata, longitudine ad latitudinem dupla, alias rotundiora, & obtusa, alias longiora & acuta, marginibus extimis sinuatis ut crenata videantur, utrimque glabra, media tamen costa, & nervi insigniores hirsuti averfa parte, pallidius virentia. Caules plures, cubitales, & sesquicubitales, teretes, striati, brevi lanugine hirsuti, medulla farcti, ramosi, foliis ad nodos longis intervallis distantes alternatim positis cincti. In summitatibus caulis, & ramorum flores in spicas longas, laxas tamen, & e pluribus florum verticillatim dispositorum agminibus constantes digesti. Flores exigui, apetalî, singuli brevibus, & tenuibus pediculis penduli, apetalî, staminibus pluribus constantes cum apicibus luteis, & calyce hexaphyllo, cujus tria interiora segmenta seu foliola in magnum aucta

& ad margines dentata vasculum feminale conficiunt, quo semen unicum, triquetrum, splendens, colore castaneo, pallidius quam Oxylapathi crispum continetur. In agro Parisiensi circa vicum Montmorenciacum sponte nascitur.

2. Lapathum folio acuto, crispo, C. B. P. 115. *Inst. R. H.* 504. J. Raii *Hist.* 175. Lapathum acutum, crispum, J. B. 2. 988. *Tabern. Icon.* 436. Lapathum acutum, minus, *Parkins.* Lapathi acuti varietas folio crispo, *Gerard. Emacul. vulgo, Patience sauvage frisée.*

Radice cum præcedente convenit, nisi quod minor huic sit, ut sunt & reliquæ ejus partes, foliis differt angustioribus, longioribus, obscurius virentibus, per margines crispis, & sinuatis, præsertim prope pediculos. Flores minores, longioribus tamen pediculis penduli, verticillis crebrioribus, ut semina caulem plerumque penitus contegant, & occultent. Tria illa calycis foliola quæ conniventia semen amplectuntur, & includunt, per margines æqualia sunt, non ut præcedentis denticulata. Semen quam illius magis rubicundum, seu castaneo colore intensiore præditum, magnitudine æquale. Frequens in agro Parisiensi occurrit sponte nascens, & sæpius ad usum medicum usurpatur.

3. Lapathum folio acuto, plano, C. B. P. 115. *Inst. R. H.* 504. Lapathum acutum, sive Oxylapathum, J. B. 2. 983. Lapathum sylvestre, sive Oxylapathum, *Dod. Pempt.* 648. Lapathum acutum *Gerard. J. Raii Hist.* 175. Lapathum acutum, majus. *Parkins. vulgo, Parelle ou Patience sauvage ordinaire.*

Folia huic quam præcedenti breviora, inferiora a lato principio in acutum mucronem sensim angustantur, minora quam Lapathi folio minus acuto. Caules in parem altitudinem attolluntur; sunt tamen graciliores, rigidi, & interdum tortuosi. Rami a caule magis exstant, seu obtusiores cum eo angulos efficiunt, florum verticilli rariores seu longius distantes, apposito interdum ad singulos foliolo ligulæ instar. Flores minores quam præcedentibus. Semina plus duplo minora. Extimo foliolorum quæ semini pro vasculo inserviant tuberculum seu verruca rubens grandis innascitur, cui & similis in præcedente Lapatho cernitur, sed multo minor. In hortis colitur, & in usum medicum venit, sed huic Lapathum crispum apud nos sæpius substituitur.

VI. Lapathum rotundifolium, Lapathum montanum, Pseudorha, & Pseudorhabarbarum, *Off.* Lapathum folio rotundo, alpinum, J. B. 2. 987. *Inst. R. H.* 504. J. Raii *Hist.* 171. Lapathum hortense, rotundifolium sive montanum, C. B. P. 115. Hyppolapathum rotundifolium, & Pseudorhæ recentiorum, *Lobel. Icon.* 287. Hyppolapathum rotundifolium vulgare, *Parkins. vulgo, fausse Rhubarbe, Rhubarbe tard.*

Radice furculosa, & longa nititur, cujus singuli surculi plusquam pollicarem crassitudinem facile assequuntur, rugosi, & fibrosi, intense flavescens, sapore amaro. Caulis bicubitalis, & tricubitalis, cavus, profundis sulcis exaratus, rubescens, alis multis donatur. Folia Bardanæ similia, notabilis latitudinis, rotunda, glabra, pallida, & quasi ex luteo virentia, pediculo rubenti, & striato appenduntur. Flores copiosi alas fere rotas obsident ex staminibus, & apicibus multis luteis compositi, & calyce
hexa-

hexaphyllo herbido ; quibus succedunt semina triangularia nonnihil rubentia . Nascitur in Arvernix montibus , unde ejus radix afferri solet . In hortis quoque colitur . Radix in usum venit .

Lapathi rotundifolii radix ad Rhabarbari veri colorem accedit ex flavo & rubro variegatum : saporis est amaricantis , styptici & glutinosi ; chartæ cœruleæ colorem subrubrum inducit .

Analyſi chymica , ex hujus Lapathi radicum recentium ℥v. per retortam distillatis prodierunt humoris limpidi , sapore leviter herbaceo , primum obscure subsalsi , deinde obscure subacidi ℥j. ℥ix. ℥ij. gr. liij. humoris acidi , magis ac magis , & tandem obscure subauſteri ℥ij. ℥v. ℥v. gr. xlij. humoris rufi , manifeste acidi & sale volatili urinoso imprægnati ℥iiij. ℥j. gr. xxiiij. olei adiposi , spissi , gravis ℥i. ℥iiij. gr. xij. Massa nigra residua pendebat ℥viiij. ℥ij. gr. xxxvj. quæ rite calcinata reliquit cinerum ℥j. ℥v. gr. xxiiij. ex quibus salis fixi mere alcali ℥iiij. gr. vj. lixivio sunt extracta . Partium jactura in distillatione fuit ℥iiij. gr. xlviiij. in calcinatione ℥vj. ℥v. gr. xij.

Hæc Lapathi montani radix salem essentialem obtinet tartaro similem cum aliqua salis ammoniaci portione conjunctum , sulphure crasso copioso & terra non pauca .

Eædem ac Rhabarbaro virtutes tribuuntur , sed longe debiliores . Pur-gare ajunt , si ad duplum Rhabarbari exhibeatur . Præscribitur ejus pulvis ad ℥ij. in infuso vero usurpatur ad ℥vj.

Hic Parisiis Lapathum crispum , utpote in agro Parisiensi frequentius occurrens , magis usitatum est . Hujus radix amara est , adstringens & chartam cœruleam rubentem efficit . Ejus folia subacida sunt & chartæ cœruleæ colorem intense rubrum inferunt . Unde conjicere licet foliis majorem acidi salis quantitatem inesse , radices vero plus salis acris & terræ obtinere . Sal essentialis hujus plantæ tartareus est ammoniacalis ad nitri naturam aliquantisper accedens : & in aliis sylvestribus Lapathis haud ab-similis videtur .

Eorum radices alvum horrentibus magis laxant : viscerum obstructions aperiunt , nec fibrarum tonum deiciunt : in illis enim , sicut in Rhabarbaro vis subadstringens seu fibrarum tonum nimis laxum roborandi , sed longe debilior deprehenditur . Unde ad hepatis & lienis obstructions tol-lendas , functiones restituendas Oxylapathi radicis decoctum solius vel cum aliis aperientibus consociatæ utiliter præscribitur . Idem decoctum prodest in alvi adstrictione nimia ; vel juscula ex eadem radice & Polypodio conjunctis parantur ad alvum emolliendam utilissima .

℥. Radicum Oxylapathi taleolarim concisar. ℥j. Liquiritiæ ras. & con-tus. ℥j. Coq. in aq. comm. ℥jss. ad ℥j. Hauriat æger quotidie mane jejuno ventriculo . Vel

℥. Carnis vitulin. ℥ss. radic. Lapath. sylvestr. & Polypod. querni ana ℥j. Coquantur in aq. ℥iiij. ad medias pro jusculis duobus mane & se-ro propinandis in alvi siccitate nimia , & viscerum infarctu .

℥. Radicum Oxylapathi , & Althææ ana ℥j. foliorum Lapathi hor-tensis , Oxylapathi , Malvæ , Betæ , Lactucæ , Oxalidis , Atriplicis ana M. j. Coquantur cum frustulo carnis vitulinæ in aq. s. q. pro quatuor jusculis emollientibus & refrigerantibus .

℞. Radicum Oxylapathi, Polypod. Eryng. ana ℥j. carnis vitulinæ ℥ss. Coquantur in aq. ℥iiij. ad ℥ij. Sub finem coctionis adde folior. Cichor. sylvestr. Taraxaci, Scolopendr. Agrimon. ana M. j. pro jussculis duobus, quibus singulis dissolve vel salis Tamarisci ℥j. vel Tartar. Martial. solub. ℥ss. Mane & sero propinentur in viscerum obstructionibus.

Adversus cutaneos affectus quoscunque Oxylapathi radices tum interne, tum externe adhibetæ ab omnibus plurimum commendantur. In decoctis & jussculis præscribuntur solæ vel cum Helenii radicibus consociatæ.

℞. Radic. Lapathi sylvestr. mundatæ & taleolatim concis. ℥ij. Radic. Helenii concisæ ℥j. Liquiritiæ ras. & contus. ℥ij. Coquantur in aq. comm. ℥iiij. in vase terreo, in quo ℥j. Aquilæ albæ subtilissime tritæ & nodulo inclusæ filo suspensa fuerit. Decoctum ad ℥iiij. redactum propinetur pro potu in scabie & aliis cutaneis affectibus.

℞. Carnis vitulin. ℥ss. caneros fluviatiles leviter contusos N. xij. radicem Oxylap. ℥ij. Enul. campan. ℥j. Bardan. ℥ij. Coq. in aq. comm. q. s. pro duobus jussculis. Sub finem coctionis adde folior. Oxylapathi, Scabiosæ, Fumar. Chærefol. ana M. j. Sumat æger mane & sero in affectionibus cutaneis.

Externe radices Oxylapathi recens e terra eradicatæ, vel etiam in umbra exsiccata, in fotibus, linimentis & unguentis adversus scabiem, porriginem, impetiginem aut alios cutaneos affectus usus sunt creberrimi, præmissis tamen præmittendis. Ex radicibus recentibus vel solis vel cum radicibus Enulæ campanæ consociatis paratur decoctum quo pars affecta sæpius abluitur. S. Pauli plurimum laudat decoctum radicem Oxylapathi, quo quædam stercoreis galli gallinacei portio diluitur, & velut remedium adversus scabiem nulli secundum prædicat.

Radices recentes in aqua decoctæ & contusæ sub forma cataplasmatum partibus scabie affectis utiliter applicatur. Solæ, vel cum radicibus Helenii, sulphuris floribus, Mercurio præcipitato albo aut aliis hujusmodi conjunctæ cataplasmata & unguenta adversus cutaneos affectus usitata subeunt. Pulvis earundem radicum cum aceto dilutus ad serpigines tollendas plurimum valere dicitur.

℞. Radicum Lapathi sylvestris ℥iiij. Coquantur in aq. communi ℥vj. ad ℥iiij. Colatura dissolve stercoreis galli gallinacei ℥j. pro fotu adversus scabiem.

℞. Radicum Oxylapath. & Enul. campan. ana ℥ij. Coq. in aq. comm. ℥vj. ad medias. Colaturæ adde Mercurii præcipitati albi ℥j. qua partes scabie affectæ sæpius abluantur.

℞. Radicum Oxylapathi & Helenii minutim concisar. ana q. l. Coquantur in aq. comm. q. s. ad putrilaginem, ut ajunt. Per setaceum radices costæ trajiciantur. Tum

℞. Hujus pulpæ ℥iiij. butyri recentis ℥ij. Florum sulphuris ℥jss. M. F. unguentum quo partes affectæ inungantur.

℞. Radic. Oxylapath. Alrhææ ana ℥ss. rad. Helenii ℥ij. folior. Aristoloch. Scabios. Nummular. Plantag. ana M. ss. Coq. ad putrilag. in suff. q. aq. comm. Trajiciantur per setaceum rarius: addantur deinde flor.

flor. sulph. ℥ij. Balsam. Peruvian. parum . F. l. a. linimentum ad scabiem a S. Paulli commendatum .

24. Succor. Oxylapathi, Rhabarbar. Monachor. & Chelidon. major. ana ℥ij. pinguedinis lactis ℥iiij. Mixta coque ad succi fere consumptionem. Adde Diapompholygos ℥j. Cerusæ ℥ij. Alumin. ℥j. Thuris ℥ss. flor. sulph. ℥j. Mixta deinde diu multumque agitentur in mortario plumbeo . Quod si inter agitandum siccius fiat , addatur semper pinguedo lactis , ut fiat linimentum mollius ab eodem S. Paulli in scabie commendatum .

Obiter hic notandum est & observandum hæc remedia externa nunquam esse adhibenda , nisi prius æger rite præparatus fuerit tum venæ sectionibus , tum catharsi plus minusve reiteratis , tum balneo , tum etiam medicamentis supra præscriptis , aut aliis idoneis debite & per sat longum tempus administratis , quibus humores acres & vitiosi in sanguine exsuperantes emendentur , evacuentur , & debita massæ sanguineæ crasis restituatur . Tutum enim non foret , imo sæpe maxime noxium , dum sanguis pravis scatens succis eos e suo sinu ad cutim propellere & per ejus poros expellere consuevit , hanc viam derepente intercludere medicamentis topicis . Tunc enim pravi illi succi ad alias partes internas collati novas ibi parerent congestiones , & mala sæpe prioribus pejora procrearent . Quot autem & quanta mala quotidie videmus ex retropulsa scabie aut ex aliis cutis vitiis citius & incaute per topica remedia extinctis ?

Oxylapathi radices cerevisiæ infusæ a Villisio adversus scorbutum commendantur : a nonnullis adversus icterum præscribuntur .

Semen hepar roborat & fluxus alvi quoscumque sistit : tunc vero semen Lapathi sanguinei ut præstantius eligitur .

Oxylapathum usurpatur in unguento martiato Nicolai Alexandrini .

VII. Lapathum aquaticum , Lapathum palustre , Hydrolapathum , Off. Lapathum aquaticum , folio cubitali , C. B. P. 116. Inst. R. H. 504. Lapathum aquaticum maximum , sive Hydrolapathum , J. B. 2. 986. J. Raii Hist. 171. Lapathum palustre , Tabern. Icon. 437. Lapathum longifolium nigrum palustre , sive Britannica antiquorum vera , vel Hydrolapathum nigrum Muntingii , J. Raii hist. 172. Britannica antiquorum vera Muntingii Phytographiæ 202. vulgo , *Patience aquatique* ou *Parelle de marais* .

Magis huic in fibras diducta est radix quam vel Oxylapatho vel Hypopolapatho , foris nigra , intus buxea , cum notabili adstrictione amaricans . Caules assurgunt ad duos treise cubitos , flores & semina Lapathi acuti sed majora . Folia lata , prælonga , Rhabarbari Monachorum non dissimilia , sed multo longiora , duriora , rigidiora & surrectiora , longitudine fere sesquicubitali , in mucronem acutum desinentia , leviter crispatis oris , subacida & strenue adstringentia . Flores & semina Lapathis similia sunt . In aquosis , palustribus locis & fossis humidioribus sponte nascitur . Radices & folia in usum veniunt .

Analysi chymica , folia Lapathi aquatici ad ℥v. per B. V. distillata præbuerunt humoris limpidi , sapore herbaceo , obscure subtili & obscure subacidi ℥ij. ℥viiij. humoris limpidi , manifeste acidi , ℥j. ℥viiij. ℥vj. per

retortam humoris rufi , empyreumatici , manifeste acidi austeri ℥j. ℥viij. gr. xxxvj. humoris rufi fale volatili urinoso imprægnati ℥ij. gr. xxxvj. olei spiffi fere adipofi ℥j. ℥iiij. gr. lxxvj. Massa nigra residua pendebat ℥vj. ℥vj. quæ per 13. horas in crucibulo calcinata reliquit cinerum ℥j. ℥vj. gr. lx. ex quibus falis fixi alcali ℥viij. lixivio sunt extractæ.

Ex radicum ejusdem Lapathi recentium ℔v. per B. V. distillatis prodierunt humoris limpidi , odore & sapore aliquantisper ingrato , primum obscure subsalsi , obscure subacidi , deinde manifeste subacidi , ℔iiij. ℥x. gr. xxxvj. per retortam humoris rufi , intense acidi & austeri ℥vj. ℥iiij. humoris rufi tum subacidi , tum leviter alcali urinosi , ac tandem intense austeri ℥j. ℥iiij. gr. xxxvj. Massa nigra residua pendebat ℥ix. ℥vj. gr. xxxvj. quæ per 21. horas calcinata reliquit cinerum ℥j. ℥iiij. gr. lx. ex quibus falis alcali fixi , ℥iiij. gr. xx. lixivio sunt extracta .

Hujus plantæ folia styptica sunt , amaricantia , & eorum succus cœruleum chartæ colorem intense rubrum efficit . Eundem radicis succus minus rubentem reddit . Radicis sapor stypticus est & valde amarus . Lapathum aquaticum salem essentialem obtinet vitriolico-ammoniacaalem cum multo oleo crasso & bituminoso conjunctum .

Abrahamus Muntingius Groninga-frisius , Medicinæ & Botanices Professor , tractatu *De vera antiquorum herba Britannica , ejusdemque efficacie contra stomacacen & scelotyrben , Amstelodami 1681. 4.* hanc plantam veram & genuinam antiquorum Britannicam herbam esse contendit : siquidem descriptionibus ejus quæ apud veteres exstant , tum facie , tum viribus per omnia respondeat . Reipsa Dioscorides refert eam folia habere sylvestris Lapathi , sed nigriora , pilosiora , gustu adstringentia , ejusque succum speciatim esse depascentibus oris & tonsillarum ulceribus accommodatum .

Radix sicut cœterorum Lapathorum , alvum leviter emollit & laxat ; viscerum obstructions tollit , cutaneis affectionibus quibuscumque medetur , in rheumaticis doloribus , arthriticis & ischiadicis , chronicisque ægri- tudinibus & contumacibus utiliter adhibetur . In jusculis & apozematibus aperientibus recens usurpatur ad ℥j. aut ℥ij. vel infusum ℥j. aut ℥ij. ex- ficcatæ radicis præscribitur . Adversus scorbutum , auctore Muntingio , plurimum valet . „ At quoniam , inquit , scorbutus altas adeo in- qu- „ busdam egit radices , ut ex solius Britannicæ decocto parum commodi „ sentiant , hanc ob causam confectum medicamentum auro pretiosius , „ ac domi adversus omnem scorbuti suspicionem , inæstimabilis instar the- „ sauri habendum apponere volui .

4. „ Croci ℥ij. Macis , Glycyrrhizæ , Cinnamomi , Piperis nigri , Ra- „ dic. Gentianæ , ana ℥iiij. Rad. Britannic. ℥vj. Omnia grosso modo „ pulverizata immisceantur vini Hispanici ℔xvj. aceti sambucini vel „ alterius fortissimi ℔iiij. ovorum recentium vitellis tribus . Maceren- „ tur simul in vase lapideo vitreato probe obturato , per triduum in „ cinere calido aut fimo equino , aut arena calida , eo tamen modo „ ut ultra calorem tepidum non progrediatur . Reponatur deinde & „ ad usum servetur .

„ Hu-

„ Hujus infusi tres, quatuor, quinque, vel sex etiam uncias sumat æ-
 „ ger mane, jejuno stomacho, per dies quatuordecim, viginti vel plures.
 „ Bibat etiam quotidie ad sitim extinguendam vinum Rhenanum opti-
 „ mum, vel cerevisiam non recentem, sed defœcatam, & bene coctam
 „ singulis cyathis cochlearia tria hujus vini medicati affundendo, Notan-
 „ dum tamen, quod si in hujusmodi ægro siccitas quædam, tussis vehe-
 „ mens, vel suspicio tabis adsit, piperis loco sumatur Glycyrrhiza ad ℥vj.
 „ Hoc vino non solum brevi temporis spatio inveteratus scorbutus, præ-
 „ sertim si absque febre vel inflammatione sit, verum etiam reliqua scor-
 „ buti genera omnia, inveteratæ herniæ, paralytis, & venerea lues fe-
 „ licissimo successu curantur. “ Hæc omnia Muntingius. Adversus Arthri-
 tidem hic Parisiis sequens infusum non prorsus dissimile a nonnullis com-
 mendatur.

24. Rad. Lapath. aquatic. exsic. ℥vj. Gentians ℥iij. Liquiritiæ, Cinna-
 momi, Macis ana ℥iij. Croci minutim concisi ℥ij. Macerentur in vini
 albi generosi ℔xij. supra cineres calidos per triduum in vase rite ob-
 turato. Tum adde spir. vini rectificati ℥vii. Reponantur in loco fri-
 gido per 24. horas. Fiat colatura. Exhibeatur quotidie mane ad ℥ij.
 vel ℥iij.

Omnes Hydrolapathi partes, sed præcipue radices externe admotæ levi-
 ter abstergunt, valide adstringunt & conglutinant. Hinc omnia putrescen-
 tia, ut erysipelata tam ulcerata quam integra, herpes, phagedæna,
 gangrænas, inhibent & sanant. Undecumque manantem sanguinem, hæ-
 morrhoides simul & menses sistunt. Decoctum vel succus foliorum,
 aut radicum anginam, uvulæ relaxationem, oris & faucium mala adstri-
 ctione egentia, apostemata, & ulcera probe depellunt, folia viren-
 tia contusa ulceratis partibus per duodecim horas imponuntur, & alia
 renovantur. Succus quoque caniculari sole, aut igne inspissatus inun-
 gitur.

VIII. Lapathum Spinacia dictum, Spinacia, Spinachia, Spinaceum olus
 & olus Hispanicum, Off. Hispanac *Arabum*: vulgo, *Epinars*. Hujus ole-
 ris tres species a nonnullis distinguuntur, scilicet Spinacia mas semine spino-
 so, Spinacia mas semine non spinoso, & Spinacia fœmina seu sterilis.
 Alii vero has stirpes non distinctas species, sed ejusdem speciei varietates
 tantum esse contendunt. Revera ex ejusdem plantæ seminibus fructiferas
 & steriles nasci satis compertum est. Verum apud Botanicos non certo
 constat an Spinacia semine spinoso, necnon Spinacia semine lævi satæ
 semper producant sui generis sobolem, hæc nimirum semine lævi, illa se-
 mine spinoso tœtam, an interdum diversam? quod illis ulterius exami-
 nandum J. Rayus proponit. Quidquid sit, ad usum medicum & culina-
 rium indifferenter sumuntur: viribus enim inter se conveniunt.

Spinacia vulgaris, caputula seminis aculeata, *Inst. R. H.* 533. Spinachia mas
J. B. 2. 963. Lapathum hortense seu Spinacia semine spinoso, *C. B. P.*
 114. Sinacia, *Lobel. Icon.* 257. Olus Hispanicum Spinachia vulgaris, *Tra-*
gi 325.

Spinacia vulgaris sterilis *Inst. R. H.* 533. Spinachia fœmina, *Lugd. J.*
B. 2. 963. Lapathum hortense seu Spinacia sterilis, *C. B. P.* 115. Spina-
 chia Gerard. & Parkins. *Raii Hist.* 162.

E radice tenui, alba, simplici, paucissimis fibris donata: caules surrigit pedales, fistulosos, teretes, striatos, in alas divisos: folia Atriplicis fere, longis pediculis nixa, inferiora ad basim suam interdum utrinque laciniata mucronibus acutis: quæ autem in summo caule existunt, duos tantum processus velut auriculas ad basim obtinent, tenui quodam polline Atriplicis in modum aspersa. Flores, & fructus in speciebus distinctis nascuntur. In florigeris speciebus flores in caulibus a medio usque ad fastigium digesti, apetalii, plurimis staminibus, & apiculis herbaceis aut purpurantibus calyci tetraphyllo insidentibus constant, in oblongis surculis seu racemis e foliorum alis hortis: steriles sunt. In fructiferis speciebus nulli flores cernuntur: sed tantum fructuum embryones subvirides filamentis quatuor albicantibus onusti foliorum alis arte adnascuntur, conferti, in globulos seu racemulos congesti, qui abeunt in fructum seu capsulam majusculam, nonnihil compressam, orbiculatam, in aliis spinosam, in aliis levem, semine turbinato foetam. Spinacia ubi sponte oriatur, non constat. Colitur ab hortulanis, & rusticis tam in hortis, quam in arvis, & quovis fere tempore anni feritur, nullum solum aut cælum respuens. Verno tempore sata brevi progerminat, & semina intra duos menses perficit. Autumno sata non tam cito crescit, foliis magis luxuriat, sed hyemem perdurans mox primo vere semen profert.

Spinacia vulgaris, capsula seminis non aculeata, *Inst. R. H.* 533. Spinachia semine non pungente, folio majore rotundiore, *J. B.* 2. 964. Lappathum hortense seu Spinacia semine non spinoso, *C. B. P.* 115. Spinachia nobilis, *Trag.* 324.

Longe major majoribusque est foliis quam Spinacia vulgaris, necnon rotundioribus; semina conglomerata sunt veluti in racemulum, lenticulis fere paria, rotunda, nullis spinis horrida, cinericei coloris. In hortis olitoriiis colitur.

Analyti chymica, ex recentium Spinaciæ vulgaris folior. ℥v. per retortam distillatis prodierunt humoris limpidi, odore & sapore herbam virentem referentis, obscure subfalsi, & alcali urinosi obscure acidi, ac tandem manifeste subacidi ℥ij. ℥ix. ℥ij. gr. lxij. humoris acidi aliquantis per subausteri ℥j. ℥ix. ℥ij. gr. x. humoris primo limpidi tum subacidi, tum alcali urinosi, ac tandem rufescentis, & sale volatili urinoso copioso imprægnati ℥iv. ℥ij. gr. lxij. salis volatilis urinosi concreti ℥j. olei fluidi ℥j. ℥v. gr. xxxij. Massa nigra in retorta residua pendebat ℥ij. ℥ij. g. xxiiij. quæ rite calcita reliquit cinerum ℥j. ℥vij. gr. xxx. ex quibus lixivio salis fixi mere alcali ℥j. gr. xij. extracta sunt. Partium jactura in distillatione fuit ℥ij. ℥iv. gr. xxv. in calcinatione ℥j. ℥ij. gr. lxvj.

Spinaciæ crudæ sapor herbaceus est non ingratus: coctæ vero sapidus est, subfalsus, nonnihil acris. Chartæ cæruleæ colorem non mutat. Salem essentialem videtur obtinere ammoniacalem nonnihil nitrosum, cum mediocri olei & exigua terræ portione consociatum, at multo phlegmate dilutum.

In culinis per totam fere Europam vix quicquam frequentioris est usus pultibus ex Spinacia confectis, quas butyro, aut oleo condiunt, herba minutim concisa. Citra aquam coquitur hoc olus, quod plurimum humoris inter coquendum emittat, & velut proprio contentum jure alienum

num aspernetur. Editur apud nos cocta semper; magis enim sapida est & grata majori phlegmatis parte exhalata. Alibi quandoque inter cruda recipitur acetaria, cum scilicet recens enata. Parantur quoque ex ea placenta non injucunda: vulgo, *Tourtes d'Epinars*. Refrigerat & humectat, cito descendit, alvum emollit. Parca vero admodum nutrit. Effervescentes circa primas vias acres, & biliosos succos temperat, & inde natos ardores mitigat. Serosos humores generat; quod vitium coctione corrigitur & sale, butyro, pipere, nuce moschata, aut aliis aromatibus quibus condiri solet. Licet autem ut alia olera paucum nutrimentum suppeditet, non ideo tamen insalubre videtur. Imo plures Medici ejus usum suadere solent, propter vim emolliendi qua pollet, ideo a nonnullis Seutlomalache (a) quasi malvaceam Betam dicas, denominatur. Uberiori enim humore quo turget, alvum movet. S. Paulli hoc olus febricitantibus & senibus adstrictioris alvi maxime commendat; illis imo vel hecticis, ut febrilem aestum temperet, his ut alvum lubricet, quod longe magis expedit quam ut vel suppositoriis, clysteribus, pilulis Aloeticis aut Scammoneatis alvus illis quotidie exstimuletur. Tussi arida medetur & expectorationem promovet. Juscula ex ea parata cum oleo amygdalarum dulcium aut butyro recenti hausta asthmate & raucedine laborantibus medentur.

Illustrissimus ac Doctissimus vir Guido Crescentius Fagon, Meritissimus quondam Ludovici Magni Archiater Spinacis vitulinae carnis decocto conditis assidue vescebatur & hydromelite pro potu utebatur tum ad alvi siccitatem, cui obnoxius erat emolliendam, tum etiam ad asthma, quo graviter afficiebatur sublevandum.

Nonnulli Spinaciam assiduo esu melancholicum succum gignere proferrunt. Alii eandem nauseosam esse perhibent. Sed haec vitia huic cibo perperam exprobrantur, quae potius pravae quorundam constitutioni referenda sunt. Reipsa quidam occurrunt quibus ventriculus debiliior & frigidior, ut ajunt, Spinacia sicut aliis quibusdam oleribus inflatur, & subvertitur: sed illi ab eorum esu abstineant, aut ipsis aromata consociant. Coeterum Spinacia non judicio solum Tragi, Simonis Paulli, & plurimorum Botanicorum, & Medicorum, sed etiam experientia quotidiana inter culinaria olera laudatissimum & gratissimum olus comprobatur.

In jusculis emollientibus, & refrigerantibus utiliter praescribitur.

24. Carnis vitulinae ℥ss. Coquatur in aq. comm. ℔iij. ad ℔ij. Tum adde folior. Spinaciae, Betae, Lactuc. Atriplici ana M. j. Coquantur per quadrantem horae pro jusculis duobus mane & sero sumendis.

Extrinfecus ventriculo & hepati imposita cataplasmatibus instar, eorum inflammationes doloremque tollere dicitur.

LAVANDULA.

Lavandulae species duae in officinis distinguuntur, & indiscriminatum usurpantur, scilicet Lavandula major seu latifolia, & Lavandula minor seu angustifolia.

La-

(a) Ζευτλον, Beta; Μαλαχ'η Malva.

Lavandula, aut Lavendula major, Lavandula latifolia, & Spica, *Off.* Lavandula latifolia C. B. P. 216. *Inst. R. H.* 198. Pseudonardus, quæ vulgo Spica, J. B. 3. p. 2. 281. Lavandula, *Dod. Pempt.* 273. Lavendula major sive vulgaris Parkins. *Raii Hist.* 512. Spica Nardus Germanica, *Tragi* 58. Nardus Italica, Casia alba Theoph. *Dalech. in Plinium*: vulgo, *Lavande male, Spic, Aspic, ou Nard commun.*

E radice lignosa, in fibras divisa, in fruticem satis grandem, & lignosum, plurimis ramulis densum, tenuibus, quadrangularibus, geniculatis adolescit, altitudine sesquicubitali aut bicubitali: folia infima quidem crebra & incondita fere, superiora ex adverso bina, alternatim posita, carnosula, incana, culmum aut etiam semiunciam lata, duarum triumve unciarum longitudine, nervo medium percurrente, odore vehementi grato, sapore amaricante. Summis ramulis flores spicæ in modum verticillatim innascuntur cærulei, monopetali, labiati, quorum labium superius surrectum est, subrotundum, bifidum, inferius tripartitum. Ex calyce oblongo angusto surgit pistillum posticæ floris parti ad instar clavi infixum, & quatuor stipatum embryonibus, qui deinde abeunt in totidem semina in capsula, quæ calyx floris fuit recondita.

Folia huic longiora latioraque multo quam Lavandulæ minori magis incana, non tamen adeo crebra in caulibus & ramulis: ramuli seu potius pediculi spicas sustinentes huic duplo majores longioresque quam illi. Spicæ quoque multo longiores, & inflexæ. Flores tamen, quod mirum, quam illius minores. Odor quoque totius plantæ vehementior.

Lavandula, Lavandula minor, Lavandula angustifolia, *Offic.* Lavandula angustifolia, C. B. P. 216. *Inst. R. H.* 198. Pseudonardus, quæ Lavandula vulgo, J. B. 3. p. 2. 282. Lavandula altera, *Dodon. Pempt.* 273. Pseudonardus fœmina, *Matthioli*: Lavandula brevior folio, & spica, *Clus. Hist.* Spica Italica, & domestica, *Cæsalpin.* 459. vulgo, *Lavande femelle.*

Tota, quidem facie præcedenti proxima est, minor utcumque & humilior, pariter tamen dense fruticans: foliis minoribus seu angustioribus, & brevioribus, nec adeo albidis, odore minus vehemente. Spicæ florum, ut dictum, breviores sunt & erectiores. Flores tamen majores. Utraque variat interdum floris colore albo. In Gallia Narbonensi sponte proveniunt. Apud nos in hortis seritur. Florum spicæ ad usum colliguntur.

Analyti chymica, ex spicarum floridarum Lavandulæ ℥v. per retortam distillatis prodierunt humoris limpidi, odore & sapore aromatico, florum odorem referentis, subacidi ℥j. ℥v. ℥vij. gr. lx. cum olei essentialis guttis aliquot: humoris limpidi magis ac magis acidi, sub finem austeri ℥ij. ℥iv. ℥ij. gr. xxx. cum olei essentialis portione, humoris rufi, empyreumatici, intense acidi, subsalsi & austeri ℥j. ℥ij. gr. xij. humoris rufescentis, sale volatili urinoso copioso imprægnati, necnon acidi ℥ij. ℥ij. gr. xxiiij. olei tum essentialis, tum empyreumatici, & spissi ℥ij. ℥iv. gr. xlviij. Massa nigra in retorta residua pendebat ℥vij. ℥vij. gr. xxiv. quæ rite calcinata reliquit cinerum ℥ij. ℥v. ex quibus lixivio salis fixi mere aleali ℥vij. gr. xlvj. extracta sunt. Partium jactura in distillatione fuit ℥v. ℥iv. gr. xvij. in calcinatione ℥v. ℥ij. gr. xxiv.

Ex ejusdem floribus ad ℥v. per aliquot menses maceratis salis volatilis urinosi concreti gr. xxx. extracta sunt.

Lavandula salem obtinere videtur essentialem ammoniacalem, similem ammoniacali composito ex sale volatili urinoso aceti acidi plene & plusquam saturato & cum oleo copioso tum essentiali, tum crasso accurate permixto. Idem dicendum de Spica quæ iisdem gaudet principiis, imo copiosioribus & penetrantioribus, ut ejus odor testatur, & similibus virtutibus donatur. Quapropter indiscriminatim ad usum medicum usurpantur. Hic vero Lavandula utpote magis familiaris frequentius in usum venit.

Oleum essenziale Spicæ & Lavandulæ Heliotropii tincturam rubore inficit ratione salis acidi contenti.

Lavandula cephalica, nervosa, & uterina censetur. Partibus suis salino-sulphureis, aromaticis, subtilibus; acris, nervosas fibras ad oscillationem stimulat, earum tonum nimis laxum & debiliorem restituit, humores spissos in partibus morantes dissolvit & ad motum habiliores reddit, unde sensus & motus vitia emendare solet: ejus usus in catharris, apoplexia, paralyti, spasmo, vertigine, lethargo, artuum tremore plurimum commendatur. In urina cienda, mensibus & foetu pellendis, & in torminibus flatulentis nonnumquam usurpatur. Pulvis florum vel semina contusa a ℥j. ad ℥j. præscribuntur. Infusum florum Theæ ad instar præparatur. Aqua distillata simplex vel spiritiosa, tinctura florum cum spiritu vini parata ad ℥ij. tresve, conserva ex floribus ad ℥ss. & oleum essenziale ad guttas duas, tres, vel sex intus sumuntur. In omnibus fere medicamentis cephalicis & nervinis tum internis tum externis usurpari solent.

Moderatus tamen esse debet Lavandulæ sicut & cæterorum aromatum usus. Nam ex immodico & inopportuno illorum usu sanguis æstuat & accenditur, solidæ partes nimis irritatæ incalescunt & inflammantur. Quare de re post C. Hoffmannum & Dodonæum S. Paulli prudenter monet. Cl. Hoffmannus l. 2. de Medicamentis officinalibus c. 132. p. 397. §. 10. hæc aromatica & odorata medicamenta laudat ubi debilitas partium ab intemperie frigida oritur aut a frigidis humoribus vias obsidentibus: at vero ubi a caliditate, ait, tale quid est, insignem contra ex illis læsionem oportet expectare. Dodonæi autem hæc sunt verba. „ Proinde stillati-
„ tius Lavandulæ liquor odoratus, & temporibus & fronti illitus, loca-
„ talepsi leviori, hemiplexia, & subinde comitiali morbo, ac non raro
„ syncope laborantes reficit. Sed ubi humorum copia adest, præsertim san-
„ guini permixtorum, non satis tutus hujus est usus, sicuti neque compo-
„ sitionis, quæ ex stillatitio vino, in quo hujusmodi herbæ, flores, semina
„ & aromata quædam macerata sunt, conficitur; quam plerique temere &
„ indifferenter exhibent. Nam calidorum hujusmodi caput implentium
„ usu, & morbus intenditur, & æger in periculum inducitur: præsertim quan-
„ do sanguinis missio aut purgatio non præcesserunt. Quod ideo monendum
„ duximus, quia passim nonnulli Medici indocti & temerarii, audacesque ni-
„ mium pharmacopœi, alique, & stolidæ mulieres, statim similes com-
„ positiones & id genus alia, non modo apoplecticis, sed & catocha cum
„ febris occupatis infundunt: quibus nihil potest pejus dari, cum plu-
„ rimum obsint, & non raro ipsos ægrotantes perimant. „ Hactenus Dodonæus.

Simon Paulli immodicum eorundem aromatum usum reformidat, & exemplum affert cujusdam opulenti aromatopolæ horrenda epilepsia correpti quæ ocius in apoplexiam degenerarat, antequam illi auxilium afferri potuisset, ideo quod sibi integerrima gaudenti valetudine, & habitu atletico, sub cincinnata & densa cæsarie cucupha suaveolentissima Cyperum, Iridem, Costum, Storacem, Moschum, Ambram redolente caput operire allubuisset. Eum vero omni motu sensibusque omnibus orbatum, sanguinis missione sexies septiesve intra unius horæ spatium repetita, habito respectu virium, & pulsu ac respiratione ab ea invalescentibus, ab hoc acutissimo morbo vindicavit & vitæ afferuit, intus propinato non Lavendulato vino, sed spiritu cranii humani vitriolato *Crollii*, quem in hisce affectionibus plurimum commendat. Reipsa plurimi vehementem aromatum odorem difficile ferunt: quapropter Medicus ea nonnisi caute tam externe quam interne adhibere debet, & explorata prius non solum morbi indole, sed etiam ægrotantis natura, quomodo ad odoramenta se habeat.

In balbutie & linguæ paralyfi spiritu vini Lavandulato os sæpius abluitur. Rulandus in curationibus empyricis, teste Ettmullero, beneficio hujusce spiritus virum 70. annorum aphonia laborantem curavit, cochlear unum pro dosi propinando. In difficili partu semen Lavandulæ est oppido conducibile. Rondeletius pulverem sequentem ad facilitandum partum ut arcanum præstantissimum commendat.

℞. Semin. Lavandulæ ʒss. Semin. Plantag. Endiviæ ana ʒij. Piper. nigr. ʒj. F. pulvis in aquar. Caprifol. Endiv. ana ʒij. sumendus.

Sequentem pulverem cum laude proponit Simon Paulli in *Quadr. Botanico*.

℞. Semin. Lavandulæ ʒss. Succin. alb. pp. Borac. ana ʒij. Olei Cinnamon. gutt. ix. Fiat. l. a. pulv. dividendus in tres partes æquales, propinandus in vino Rhenano, aut alio generoso.

Obiter tamen hic notandum est calida hæc acria & vehementiora medicamenta ad partum juvandum non proficere nisi in debilitate virium & partium atonia, quæ quidem minus frequenter occurrit, quam summa partium rigiditas, intumescencia & ardor. Quapropter parturientes a sanguinis missione aut e brachio aut e saphæna, ex infessu ad decoctorum emollientium & temperantium vaporem, ex clysteribus emollientibus plus levaminis sæpius accipiunt, quam ex hisce roborantibus remediis. Ad quod diligenter attendere debent Medici antequam hæc remedia præscribant.

Flores & folia in ore detenta & masticata salivationem potenter excitant. Unde in affectionibus soporosis, catarrhis, linguæ paralyfi & in cucuphis ad caput roborandum utiliter usurpantur.

℞. Radicum Ireos Florentin. & Calami aromatici ana ʒij. folior. Betonic. major. Salviæ, Rorismarin. Summitatum Lavand. Stæchados ana ʒj. Fiat pulvis tenuissimus capillis inspergendus hora somni & mane pectine excutiendus. Vel excipiat hic pulvis paucis Gossypio, includendo in panno sericeo interpuncto pro cucupha seu calantica (*couvrechef*) in cerebri affectionibus & causa frigida.

Externe in decoctis cephalicis, & nervinis præscribi solent.

Oleum

Oleum stillatitium Spicæ Lavandulæ in Medicina, & apud artifices plurimos maxime usitatum paratur distillando flores exsiccatos, & semina in magna aquæ quantitate, igne sat vehementi. Hoc oleum in nervorum ac tendinum relaxatione, in paralyticis, & rheumaticis affectionibus plurimum prodest sive interne guttæ duæ, tres, sexve saccharo affusæ in vino aut aqua cardiaca aut cephalica quacumque propinentur: sive cum spiritu vini oleis aut unguentis quibuscumque convenientibus illinatur.

℥℥. Olei essentialis Spicæ Lavandul. gutt. iij. Affunde sacchari ℥j. Dissolve in vini generosi ℥v. Sumat æger in lecto decumbens ad sudorem promovendum in paralyticis, & catarrhosis affectionibus.

℥℥. Olei essentialis Lavandulæ ℥j. Olei Hyperici ℥ij. Olei Lumbricor. terrest. ℥iij. Balsami Fioravanti ℥ss. M. F. linimentum ad membra paralyti aut rheumatismo affecta perungenda.

Ex eodem essentiali oleo cum sale volatili ex ammoniaco permixto sublimatur sal volatilis oleosus aromaticus Lavandulatus hodie frequentis usus naribus admotus, ad spiritus recreandos in paroxysmis hystericis, lipothymiis, & languoribus hypochondriacis.

Hujus olei odorem fugiunt blattæ, pediculi, & alia insecta. Propterea in his fugandis vel enecandis apprime conducit. Certe si vesperi sub introitu lecti charta bibula hoc oleo solo vel cum oleo amygdalarum aut quocumque alio permixto inuncta, capiti aliisque locis pilosis applicetur, pediculos mire fugat, & mane interfecti omnes reperiuntur. Ettmullerus post Panarollum refert, quemdam contra minores inguinales pediculos fugandos, crebrius Mercurii litu, sed admodum infelicitè usum fuisse, qui continua penis erectione exinde laboraverit. Simul ac vero membrum oleo Spicæ fuit illitum ad pristinum statum est revocatum, & pediculi etiam profus fugati.

Oleum Spicæ Lavandulæ distillatum ex Gallo-provincia, & Gallia Narbonensi, ubi utraque Lavandula uberrime crescit, ad nos affertur, sed sæpius adulteratum, & cum spiritu vini aut cum oleo Terebinthinæ permixtum. Mangonium utrumque facile detergitur. Illud enim quod cum spiritu vini admixtum fuit, aquæ communi affundatur, statim spiritus vini cum aqua intime permiscetur, oleum vero supernatat minori quidem quantitate, at genuinum, & sincerum. Si vero cum oleo Terebinthinæ aut alio quocumque permixtum fuerit, deflagratione portionis alicujus in cochleari metallico facile detergitur. Oleum enim Spicæ genuinum flammam tenuem, fumum paucum, nec odore ingratum emittit, at oleum Terebinthinæ fumum copiosum nigrum spargit, odoremque minus gratum.

Apud varios artifices usitatissimum est præsertim ad opera varia vernigine illinienda.

Lavandulæ flores usurpantur in decocto cephalico, syrupo antiepileptico, syrupo de Stæchade, pulvere cephalico odorato *Ph. Regiæ*, & in pulvere ad cadavera loricanda *ejusdem*.

Oleum Spicæ Lavandulæ usurpatur in balsamo apoplectico *ejusdem*.

LAUREOLA.

L Aureola duplex in officinis usurpatur, scilicet Laureola mas, & Laureola foemina.

Laureola mas, Laureola semper virens, & Daphnoides, *Off. Thymelæa Lauri folio*, semper virens, seu Laureola mas, *Inst. R. H.* 595. Laureola semper virens, flore viridi, quibusdam Laureola mas, *C. B. P.* 462. Laureola semper virens, flore luteolo, *J. B.* 1. 564. Laureola, *Dod. Pempt.* 365. Laureola Gerard. Parkins, *J. R. Hist.* 1587. Daphnoides sive Laureola, *Advers. Lobell.* 156. *Lugd.* 211. vulgo, *Laureole*.

Ex radice lignosa, lenta, crassa, longa, & multiplici, multis stipitibus lentis subcinericeo seu albicante cortice vestitis fruticat, ad cubitos duos assurgens, foliis Lauri sed minoribus, ad majoris Myrti folia accedentibus, semper virentibus, nigricantibus, crassis, glabris, nitidis, utrinque acutis plurimis circa ramulorum fastigia. E foliorum sinubus egrediuntur pediculi unciales, crassiusculi, foliolis aliquot concavis velut rotidem squamis vestiti, & in fastigio flores sustinent monopetalos, e luteo virescentes, posterius fistulosos, anterieus in quatuor lacinias acuminatas divisos, calyce carentes, cum pistillo abeunte in baccam olivæ forma, sed longe minorem, primum viridem, per maturitatem nigram, succi plenam, in qua latet nucleus unicus durus, Cannabis semine paulo longior, medulla interiore candida. Folia, fructus, cortex tam radicis quam ramorum acrimonia sua, & urendi qualitate linguam, & fauces mordicant, & incendunt. Nascitur in sylvis, & montibus umbrosis Gallo-provinciæ, & Galliæ Narbonensis. Folia, baccæ nonnumquam in usum veniunt.

Laureola foemina, Chamælea, Mezerum, & Mezereon, *Off. Thymelæa Lauri folio deciduo*, sive Laureola foemina, *Inst. R. H.* 595. Thymelæa folio deciduo, flore purpureo, officinis Laureola foemina, *C. B. P.* 462. Laureola folio deciduo, sive Mezereon Germanicum, *J. B.* 1. 566. Chamælea Germanica, *Dod. Pempt.* 364. Chamædaphne sive Pusilla Laurus, *Advers. Lobel. Icon.* 367. Piper montanum, *Gesneri*; Chamælea Germanica sive Mezereum Gerard. *J. R. Hist.* 1587. Laureola foemina, & Daphnoides crocea *H. Lugd.* vulgo, *Bois gentil*.

Multis etiam stipitibus fruticat ad trium cubitorum altitudinem assurgentibus, lentis, teretibus, fractu contumacibus, cortice duplici, exteriori cinereo tenui, interiore exterius virente, interius albicante obductis. Folia e tuberculis plura ab eodem exortu oriuntur, foliis Laureolæ maris minora, tenuiora, molliora, nec ita splendentia. Flores ejusdem formæ, sed purpurei, & longe elegantiores cum staminulis aliquot croceis, odorati. Baccæ pariter purpurascunt ejusdem magnitudinis, & figuræ. Nascitur in frigidioribus sylvis Alpium, & Pyrenæorum. Cortex, folia, & fructus in usum veniunt, sed minus frequentem.

Analyti chymica, ex Foliorum Laureolæ maris recentium ℥v. per retortam distillatis, prodierunt humoris limpidi, odore, & sapore virentem herbam referentis, obscure acidi ℥xj. ℥ij. gr. liij. humoris primo limpidi, manifeste aci-

di magis ac magis sub finem rufescentis , intense acidi , & austeri ℥iij. ℥vj. gr. xlv. humoris rufi , empyreumatici , intense acidi , obscure subfalsi ℥j. ℥v. gr. ix. humoris rufi , fale volatili urinoso copioso imprægnati ℥ij. ℥iiij. gran. xlv. olei spiffi extracti ad instar ℥ij. ℥vij. gran. xlv. Massa nigra in retorta residua pendebat ℥vij. ℥vij. gran. ix. quæ rite calcinata reliquit cinerum albicantium ℥ij. ℥ij. gran. liij. ex quibus lixivio salis fixi mere alcali ℥iiij. gran. ij. extracta sunt . Partium jactura in distillatione fuit ℥iiij. ℥vj. gran. xj. in calcinatione ℥v. ℥iiij. gran. xxvij.

Utriusque Laureolæ semina , folia , & in primis cortices , tum stipitum , tum radicum acerrima sunt , & adeo fervida , ut mastificantis os , & fauces adurant , & inflamment , diu multumque durante impressione . Folia recentia masticata aliquantisper mucilaginosæ sunt : eorum succus chartæ cæruleæ rubentem colorem conciliat . Salem essentialem obtinent tartareum multo oleo fœtido acri conjunctum , & glutinoso phlegmate involutum . Totius plantæ vis acris , adurens , & purgans mihi videtur pendere potius ab oleosa aut resinosa quadam ejus portione in seminum , foliorum , & corticis cellulis peculiaribus latitante , quam a fale alcali caustico cui a plerisque tribuitur . Siquidem purgantis fere omnia vehementiora hanc vim a sulphurea aut resinosa substantia obtinent , ut videre est in Scammonio , Euphorbio , Gutta Gummi , Helleboro , Jalapa &c. quorum præcipua vis cathartica in resinosis partibus sita est , & in resinosis extractis conservatur .

Omnes utriusque Laureolæ partes intus sumptæ ventriculum admodum subvertunt , vomitum cient , biliosos , serosos humores maxime fluidos cum impetu sursum , & deorsum expurgant : partes internas lædunt , rodunt , inflamment : viscera abradunt , & vasorum sanguineorum oscula aperiunt ; febres accendunt , cardialgias excitant , & superpurgationes , vires exsolvunt . A nonnullis ad serosos humores evacuandos hydropicis præscribuntur . Dosis corticis , & foliorum est a gran. vj. ad ℥ss. Semina vero tria quatuorve integra deglutuntur . Eorum malitia corrigi dicitur macerando horas 24. in aceto , ut Elleborus , & Esula ; succo mali Punici aut Cydonii , Portulacæ , vel mucilagine seminis Psyllii . Alii emendarentur infundendo in vino , & iterum exsiccando . Alii triduanam macerationem aceto requirunt , singulis diebus novum affundendo , & tandem aqua bene eluendo . Ettmullerus hujus medicamenti maceratione in aceto vim infringi asserit , sed aceti lenta evaporatione Laureolam exsiccamendam esse contendit , alioquin effœta , & nullius usus evaderet . Verum utriusque hujus plantæ folia , cortex , baccæ quomodocumque præparatæ & correctæ ob malignitatem rarissime in usum veniunt , nec nisi tutiorum medicamentorum inopia , & casu aliquo desperato , & robustissimis tantum exhibendæ sunt , idque magna consideratione , monentibus Medicis omnibus prudentioribus , vel ipsis Mauritanis , qui has plantas Terræ Leone , & Plantas viduificas cognominarunt . Quæ quidem ab earum usu nos deterere merito debent .

Externe radix Mezerei loco setacei utiliter adhibetur in oculorum affectionibus . Hujus radice particula longa , & rotunda ad instar Turundæ , in aceto aut lixivio acri macerata auriculæ perforatæ inseritur , quæ copiosissimum se-

rum inde educit . Sic oculorum inflammationes sedantur , & imminens suffusio nonnunquam præcavetur .

Nonnulli Laureolæ baccas fuisse grana Cnidia , apud Hippocratem , & veteres græcos sæpius usitata existimant . Quod quidem prorsus incertum est : alii enim fructus cujusdam Thymelææ fuisse contendunt . Quidquid sit , hæc vehementiora medicamenta apud nos fere obsoleverunt ob eorum malitiam , & eo magis quod ab hisce priscis Medicinæ temporibus medicamenta emetica , & purgantia mitiora , tutiora , & nostræ naturæ magis convenientia detecta sint .

L A U R U S .

Lauri species duæ seu potius varietates in officinis usitatæ sunt , Laurus vulgaris , & Laurus Regia .

Laurus vulgaris , Off. Laurus vulgaris , C. B. P. 460. & I. R. H. 597. Laurus , J. R. i. 409. Laurus mas , & fœmina , Tabern. Icon. 950. Laurus tenuifolia , Matthioli 125. vulgo , *Laurier franc.*

Laurus Regia , Off. Laurus latifolia , Πρωτότερον Dioscoridis , C. B. P. 460. Inst. R. H. 597. Laurus latifolia mas , fœmina . Tabern. Icon. 951. vulgo , *Laurier Royal.*

Laurus utraque tam tenuifolia quam latifolia plerumque multis stolonibus luxuriat , non raro mediocris arboris altitudinem assequitur , præsertim in regionibus calidioribus , ramosa , caudice enodi , cortice tenui , materia rara , nec multum valida ; radices habet crassas , inæquales , & obliquoas . Folia ei oblonga , dura , utrinque acuminata , sed mucrone alias latiore , alias obtusiore , in uno quidem genere angustiora , sesquiunciam aut duas uncias lata , palmo longiora , in altero ampliora ut ad mali Medicæ folia accedant , quæ secundum longitudinem percurrit costa recta , obliquoas in margines nullo ordine nervos exporrigens , non decidua , perpetui viroris , nitidi in junioribus , in adultioribus saturatioris , odoratissima , sapore acris aromatica , nonnihil amaricantia , ramis viridantibus brevi pediculo adhærentia . Flores secundum ramos exeunt conferti , monopetali , pelviformes , in quatuor vel quinque partes divisi , e luteo albicantes , cum multis in medio apicibus , & pistillo , quod abit in fructum seu baccam Cerasiis minoribus parem , in aliis ovatam , in aliis oblongam , gracilem , colore primum viridi , ubi maturuerit , nigro , quæ sub cortice tenui testam continet unicapsularem , callosam , duram , semine fœtam ejusdem pene formæ , e rufo subnigricante , in duas partes fissili , odorato , acris , subamaricante , pingui . Sponte nascitur Laurus calidioribus in regionibus , Hispania , Italia , necnon Gallo-provincia , in sylvis , locis præsertim maritimis , ac etiam in montibus , & collibus apricis quæ lacus , & maria respiciunt . Apud nos in hortis colitur , & hyeme a frigore arceri debet . Baccæ , & folia usitata sunt .

Analyti chymica , ex foliorum Lauri recentium ℥v. per retortam distillatis , prodierunt humoris limpidi , foliorum odorem , & saporem apprime referentis obscure acidi , cum olci essentialis portione mediocri , ℥iij. ℥ix. 3vj. gran. xxvj. humoris manifeste acidi , subausteri , subadstringentis 3v gr. xl. .

gr. xl. humoris impense acidi, subfalsi, austeri, leviter empyreumatici, cum olei essentialis gurtis aliquot ℥vj. gr. xlvij. humoris rufi, acidi, austeri, empyreumatici, fale volatili urinoso imprægnati ℥ij. ℥vj. olei empyreumatici, fulci & adiposi ℥iiij. ℥vj. gr. xxiiij. Massa nigra in retorta residua pendebat ℥vij. ℥vj. gr. xxxvj. quæ rite calcinata reliquit cinerum ℥j. ℥v. gr. lxiiij. ex quibus lixivio salis fixi mere alcali ℥v. gr. iiij. extracta sunt. Partium jactura in distillatione fuit ℥iiij. ℥ij. gr. xlij. in calcinatione ℥vj. gr. xliij.

Lauri folia odorata sunt, saporem obtinent acrem, aromaticum, subadstringentem cum quodam amarore. In aqua per aliquot horas macerata & postea distillata oleum essenziale fundunt odoratissimum. Salem essentialem obtinent tartareum cum multo oleo tum tenui, tum crasso & pauca terra adstringente conjunctum. Baccæ vero plus odoris & saporis habent. Oleum duplex fundunt, alterum tenuius, odoratissimum, essenziale ut ajunt, & limpidum, quod contusæ & in aqua uberrima maceratæ ac postea distillatæ suppeditant: alterum crassius, quod sola expressione ex baccis contusis extrahitur, vel coctione earumdem in aquæ communis q. s. Supernatat enim decocto ebullienti, quo refrigerato in butyri consistentiam figitur & facile colligitur.

Laurus apud antiquos arbor fuit celebratissima. Triumphantes coronam Lauream gestabant, vel Lauri ramum dextra tenebant. Victoriæ nuncia erat. Nam tabernacula, naves, fasces, militum jacula, lanceæ, pilla Lauro in eam significationem ornabantur. Apollini sacram inde fabulantur Poetæ quod virgo Daphne quam deperibat in hanc arborem conversa sit. Musas in Laurinis montis Parnassi sylvis sedere finxerunt. Eadem coronabantur Poetæ. Necnon adhuc quibusdam in locis novi Medicinæ Doctores Lauro coronantur: inde fortasse Laureandi & Laureati dicuntur. Laureum fulmine non percuti veteribus persuasum fuit. Hinc Tiberius Imperator, qui tonitrua prætermodum expavit & exhorruit, tonante cælo, contra fulminum ictus, nunquam non Lauream coronam capite gestavit. Verum quam hoc falsum & superstitiosa credulitate fundatum, experientiam quam affert Lacuna, elegantissimæ Lauri Romæ in palatio ducis de Castro fulmine ictæ, & plurima alia exempla ab aliis allata luculenter ostendunt. Eadem superstitione nititur observatio illa de crepitu quem folia & virgæ Lauri inter urendum edunt. Nam si crepuissent abunde ac sonantius, haud dubie portendi felicem eventum rebantur: quod si taciita deflagrassent, tristem & inauspicatum.

Laurus apud veteres Medicos magnum habuit in Medicina usum, & veluti panacea æstimata fuit: folia, baccæ, & cortex radicum frequenter usurpabantur. Hodie vero baccæ & folia solum & minus usitata, cortice radicum prorsus neglecto, in Officinas inferuntur.

Folia utpote aromatica amaricantia cum nonnulla adstrictione, calefaciunt, digerunt, resolvunt, ventriculum roborant, ciborum concoctionem juvant, status discutiunt: hinc a recentioribus non raro cum nonnullis cibariis, præsertim piscibus coquuntur, suillasque pernas colent. Et tantum abest ut ventriculum subvertant, ut nonnulli opinantur, quin potius nauseabundum corroborent. Ad ventriculum roborandum, colicos dolores flatulentos discutiendos eorumdem infusum

Theæ ad instar præscribitur , aut pulvis ad ℥j. ingeritur . Eorundem decoctum in enematibus ad colicam abigendam utiliter usurpatur . Idem in Matronarum infessus , & balnea additur , & vulvæ sordes , vel prægnanti , tuto eluere , uteri ac vesicæ vitiis medere dicitur .

Baccæ magis quam folia calefaciunt : a veteribus adversus phthisim , orthopnoeam , & omnes circa thoracem defluxiones sive rheumatismos commendantur : nostra ætate ad ventriculi , jecoris , lienis , & vesicæ affectus usurpantur . Concoctionem crudorum humorum promovent , succos lentos , ac viscidos dividunt , & resolvunt , languentem appetentiam excitant ; cibi fastidium pellunt , jecoris , & lienis obstructions aperiant ; urinas cient , menses movent , & ad secundinarum expulsiōnem faciunt .

In baccis oleum essentielle tenue , & actuosum oleo crasso admodum anodyno involvitur . Unde interne ad sedandos dolores utiliter exhibetur : sed externe potenter resolvunt , & roborant . In cataplasmatibus , unguentis vel emplastris apprime conducunt ad dolores mitigandos , tumores resolvendos , partes sufficienti tono destitutas roborandas .

Oleum in Officinis quadruplex ex baccis Lauri conficitur . Scilicet 1. oleum essenziale , quod ex baccis contusis , aqua maceratis , & postea sat forti igne cum eadem aqua distillatis : oleum prodit limpidum , subtile , valde odoratum , aquæ supernatans , quod virtutibus cum cæteris oleis aromaticis convenit . Laudatur in primis interne ad flatūs discutiendos , colicos dolores sedandos , passionem hysterica compescendam , & in doloribus post partum . Verum in calidis , & biliosis temperaturis , & in inflammatoriis affectionibus ab eo abstinendum . Dosis a guttis iij. ad vj. Sacchari frusto affusis , & postea cum liquore conveniente mixtis . Adversus colicos dolores carminativis clysteribus additur . Externe illitum nervorum affectibus a frigore ortis conducit : in paralyfi , & ischiadidis doloribus prodest . Pubi quoque , & pectini muliebri illinitur contra passiones hystericas , colicos dolores post partum , & mensium suppressionem a causa frigida .

2. Aliud oleum e baccis in aqua fervente bullitis elicitur . Integræ vel etiam tritæ baccæ , lebeti commissæ , in aquæ sufficienti quantitate per semihoram bulliunt , colantur , & fortiter exprimuntur . Refrigeratumque oleum pinguedinis subviridis instar aquæ supernatans collitur . Hoc oleum oleo essentiali minus odorum est , crassius , & viribus debilius . Oleum enim essenziale hoc in concreto adiposo cum oleo pingui in Amygdalino baccarum nucleo contento permiscetur , & irretitur .

3. Aliud oleum ex baccis optime tritis , & torculari fortiter expressis extrahitur priori adhuc minus penetrans , cum scilicet oleum crassius in baccarum nucleis contentum fere solum exprimatur , parum vero olei essentialis in cellulis corticum reconditi eliciatur , nisi igni adhibeatur . Hæc ambo olea cum essentiali oleo viribus conveniunt , sed longe debilioribus . Interne ad grana decem vel duodecim præscribuntur . Sed si nimia quantitate exhibeantur , nauseam excitant . Externe frequentius usurpantur illita solitaria vel emplastris admixta .

4. Tandem oleum Laurinum paratur ex baccis & foliis Lauri tritis & in oleo

omphacino maceratis & decoctis, quod prioribus longe debilius est, & raro usurpatur. Hæc olea adversus scabiem commendantur, sed nihil profunt nisi admixto sulphure, cujus ingratum odorem emendant.

℥. Baccar. Lauri ℥j. Corticis exsiccati Aurantior. malor. ℥ij. Infunde in vini generosi ℥iij. Infusum cum Saccharo propinetur in ventriculi imbecillitate, colica flatulenta, mensium remora.

℥. Florum Chamæmel. M. ij. Baccar. Lauri contusar. ℥ij. Bulliant leviter in aq. q. s. Colaturæ adde olei Laurini expressi ℥j. Fiat clyster in colica flatulenta.

℥. Olei Laurini expressi ℥j. Ung. martiati ℥ij. Castor. pulver. ℥j. F. linimentum quo ventriculi regio illinatur in stomachi inflatione, membra paralytica, vel rheumaticis doloribus correpta inungantur, regio pubis infantum in urinæ suppressione.

Ex Lauri baccis electuarium de baccis Lauri vulgo dictum conficitur ad colicos affectus & uteri morbos commendatum, & Emplastrum de Baccis Lauri *Mesuae*. Eædem usurpantur in antidoto Orvietano, *Pb. Reg. Aurea Alexandrina*, Theriaca diateffarum *Mesuae*, & confectione *Anacardina ejusdem*. Folia usurpantur in Ung. Martiato, Empl. de Betonica. Oleum Laurinum vero usurpatur in Empl. Manus Dei, Empl. *Paracelsi*. Empl. de Ranis, & Empl. Styptico *Pb. Reg.*

L E N S.

Lentis duplex genus in Officinis, arvensis & palustris: arvensis vero species duæ distinguuntur, scilicet minor & major.

Lens arvensis minor, Lens vulgaris, Off. vulgaris, semine subrufo, *C. B. P. 346. Inst. R. H. 390. Lens, J. B. 2. 317. J. R. Hist. 904. Lens minor, Dod. 526. Lens vulgaris, sive agrestis, & Lenticulæ primum genus, Tragi 626. vulgo, Petite Lentille.*

Planta est annua radice tenui, alba, paucis fibris donata. Caulis ei satis crassus pro plantulæ modo, dodrantalis, hirsutus, angulosus, infirmus, & procumbens, nisi in propinquo sit quod scandat, a radice statim ramosus. Folia e quorum sinubus ramuli exeunt alternatim posita, ut in reliquis fere leguminibus, quinque aut sex pinnularum mediæ costæ adnexarum conjugationibus composita, costa media in claviculam abeunte. Singulæ autem pinnulæ oblongæ, angustæ, hirsutæ in acutos apices desinunt. Ex alis foliorum exeunt surculi tenues, oblongi, duos aut tres flores gestantes papilionaceos, parvos, albentes: superius tamen folium quod vexillum, alii clypeum appellant, cœruleis intus lineolis striatum est. Ex floris calyce surgit pistillum, quod deinde abit in siliquam brevem, latam, compressam, glabram, duobus vel tribus seminibus fœtam, quam pro plantulæ modo majoribus, orbiculatis, compressis, utrinque convexis, hoc est ad centrum crassioribus quam ad marginem, duris, glabris, per maturitatem flavicantibus, in aliis speciebus rubentibus; aut nigricantibus.

Lens arvensis major, Off. Lens major, *C. B. P. 346. Inst. R. H. 390. Geoffroy Tom. II.*

J. B. 2. 317. R. H. 904. Lens, Dod. Pempt. 526. Lens Italica, Camerar: vulgo, Grande Lentille.

Lente vulgari omnibus partibus speciosior est & major, herba, foliis, flore albo, siliquis ut A semine quod Lentis vulgari duo aut tria grana facile æquat. Utraque in arvis copiose feritur. Semina ad culinarium usum quam ad medicum sæpius advocantur.

Analyſi chymica, ex Lentium ℥v. per retortam distillatis prodierunt humoris rufescentis, subausteri & obscure alcalini ℥x. humoris rufi, obscuri, acris, turbidi, tum acidi austeri, tum alcali urinosi ℥vj. Zij. humoris rufi, obscuri, empyreumatici, acerrimi, alcali urinosi & sale volatili urinoso copioso imprægnati ℥j. ℥iij. olei ℥vij. ℥iij. Massa nigra in retorta residua pendebat ℥j. ℥v. ℥vij. quæ rite calcinata reliquit cinerum ℥j. ℥vij. ex quibus lixivio sunt extractæ salis fixi mere alcali ℥v. Partium jactura in distillatione fuit ℥xiiij. ℥iij. in calcinatione ℥j. ℥iij.

Lentes salern essentialeni obtinere videntur vitriolico-ammoniacalem cum multo oleo crasso & spisso conjunctum.

Lentes in cibo summe olim placuisse Philosophis, priscorum monumentis constat, atque etiam apud Græcos eximiam auctoritatem habuisse reperio. Ait enim Athenæus L. 4. c. 18. Stoicum dogma esse, sapientem omnia recte agere, & Lentem prudenter condire. Causa fortan fuit, quod Philosophi rerum contemplationi addicti, de cupediis, scitamentis, & ganeatis ciborum deliciis minime fuerint solliciti. Ut enim ornatum & luxum vitabant in vestitu, sic apicianas gulæ voluptates respuebant: simplici tenuique victu, qui vitam conservaret contenti. Lentibus vefcentes æquanimitem sibi conciliari asseverabant. At verisimile est priscos hanc opinionem, non tam ex hujus cibi natura hausisse, quam ex sobrietate eorum qui tam vili & parum sapido cibo vefcebantur. De Lentibus enim aliter sentis tota peritiorum Medicorum schola: quæ docet crebram & assiduam φρεσὶς turbare caput, spiritus inquinare, visum obtundere, terriculamenta invehere nocturna, affectus melancholicos gignere, viscera oppilare, cancerum, lepram, scabiem, scirrhus hepatis ac lienis, calculum, & quartanas efficere, ventrem inflare atque sistere, stomachum male afficere, naturales mensium & hæmorrhoidum vacuationes impedire. Uno verbo Lens apud Medicos fere omnes habetur flatulenta, concoctu difficilis, & succi pravi, crassi, terreni, & melancholici. In Lente autem duplex substantia distinguitur, membranosa seu cortex, & medullaris quæ illius caro seu pulpa dicitur, diversarum facultatum. Cortex juxta Galenum L. 1. de Al. Fac. c. 18. austeræ qualitatıs particeps adstringit, Pulpa austeri habet exiguum, sed succi est crassi atque terreni. Cortex alimenti est peioris: pulpa melioris. Jus primum, in quo Lens elixa fuit, ventrem solvere Galenus asserit: ideoque magis si vel sale, vel oleo, vel garo fuerit conditum. Oleum enim emollit & laxat: sal vero & garum abstergunt & expultricem ad deſiciendum irritant. Jus Lentium secundo coctarum, inquit idem Galenus, juri primo contrarium est. Ut enim hoc alvum movet, sic illud eandem supprimit: ideoque accommodatum his qui diarrhæa, dysenteria & cœliaca laborant, quoniam & stomachum

chum & intestina & ventrem totum corroborat. Lens vero decorticata, seu puls ex ea expressa, ut illam adstringendi vehementiam, & ea quæ illam consequuntur, amittit, sic magis nutrit quam Lens quæ cortice spoliata non est; verum succum crassum ac pravum gignit, tardeque descendit, non tamen alvi fluxus desiccat sicut Lens cui cortex non est ademptus. Nostrates pelli maxime Lentis vitia putant, si cum optimis carnibus excocta assumatur. Rarius in mensas nobiliorum venit apud nos. Rura in quibusdam tractibus Galliæ eam in usu frequentiori habent. Ex his panis aut rarissime, aut nunquam tentatus, propter ariditatem & quia est summe friabilis.

In variolis & morbillis curandis cum decoctum Lentium passim apud Medicos Arabes maxime commendatum, etiam apud multos in usum veniat, & ab aliis non imperitis Medicis damnetur, non abs re esse credidi, quid de earum usu his in ægritudinibus sentiendum sit hic differere. Inter eos qui Lentium usum in cura variolarum & morbillorum rationibus quibusdam stabiliunt; cum primis elucet Avicenna qui *L. 4. sect. 1. Tract. 4. cap. 10.* Lentas excorticatas una cum aliis quibusdam simplicibus, Lacca, Caricis, Tragacantho, & in principio statim, cum ebullitio & effervescentia sanguinis adhuc viget, & in progressu quando materia ad cutem abire incipit, usurpat. Avicennam sequuntur ex neotericis plurimi: Mercurialis *L. 1. de Morbis Pueror. c. 2.* Augenius *L. 10. de Febribus, c. 9.* Antonius Portus *L. 4. de Variolis ac Morbillis, c. 22.* Lazarus Riverius *Prax. Med. de Variolis & Morbill.* Liddelius *L. 3. de Febribus, c. 9.* Paræus *L. 19. c. 2.* Campilongus *L. 1. De Variolis, c. 45.* aliique multi: qui tamen in Lentium præparatione & exhibendi tempore inter se discordant. Etenim quidam eas offerunt in principio tantum, priusquam variolæ ac morbilli erumpant; alii in augmento, ut eruptionem juvent; nonnulli decoctum dumtaxat propinant; aliqui etiam substantiam cum decocto porrigunt; rursus quidam coctas cum cortice; alii cortice exutas præbent.

Commendant autem Lentas ob varias causas. Mercurialis eas dat, cum corpora laborant cachexia aquosa; motus monito Galeni, quod habetur *L. 1. de Alimentor. facultatibus, c. 18.* ubi dicitur, Lentem in cibo utiliter iis solum offerri, quibus aquea in carnibus est cachexia: nimirum ut excrementaria humiditas consumatur. At variolas & morbillos ab ichore aquoso provenire Mercurialis asseverat. Verum acetum illis admiscet ut crassities Lentium incidatur atque attenuetur. Liddelius Lentas præbet ut intestina defendant: Campilongus ut materia expellatur ad cutem: Augenius non solum ut materia abeat ad cutem, sed ut viscera roborentur, calor febrilis mitigetur, alvus subducatur: Paræus utitur Lentibus, ut fauces, laryngem, aliaque interanea a postulis & alvi fluxu defendant: Antonius Portus & Lazarus Riverius *Prax. Med. de Variol. & Morbill.* Lentas offerunt, ut sanguinis ebullitio primis diebus minuat, interiora corroborentur, materia ad cutem protrudatur. Alii plurimi practici de Lentibus in variolarum curatione ne mentionem quidem faciunt, ut Vidius *L. 6. de Curatione generatim, cap. 6.* Fuchsius *L. 5. de Med. Morbill. c. 9.* Casp. Hoffmann. *L. de Med. Offic. S. Paulli Quadr. Botan.*

At alii, ut Cardanus, *L. 2. De tuend. sanit. c. 12.* Amatus Lusitanus,

in L. 2. *Dioscorid. enarration.* 101. Joann. Bapt. Sylvaticus *Controvers. Med.* 92. Ranchinus *Tract. de Morb. Pueror. Lib. 2. Cap. 1.* Ludov. Septalius *Animadversion. & caution. medicar. Lib. 5. de Febris*; Melchior Sebizius *De Alimentis* a Lentibus plane abhorrent. Eas neque ut alimenta, neque ut medicamenta in variolis & morbillis, neque in pestilentibus morbis convenire pronuntiant. Non ut alimenta, quoniam ut supra ostendimus, stomachum gravant, ægre concoquuntur, prævum sanguinem generant, uno verbo naturæ molestæ sunt, eandemque in expellenda variolarum materia faciunt tardiores. Non etiam ut medicamenta conducunt; quia sanguinem incrassando, viasque per quas ad cutim meare tenetur, oppilando, variolarum & morbillorum eruptionem impediunt; quæ tamen omnibus modis promovenda est, jubente Avicenna, aut saltem non inhibenda; juxta Hippocratis *Aphor.* 20. S. 1. „ Quæ judicantur & judicata sunt perfecte, neque movere „ oportet, neque innovare, sive purgantibus, sive aliis irritamentis, „ sed sincere. Et *Aphor.* 21. S. 1. Quæ ducere oportet, quo maxime „ vergant, eo ducenda, per loca convenientia. “ Frustra vero proferunt Lentium defensores, eas adstrictione sua viscera roborare, & proinde expulsionem materiæ morbificæ ad emunctorium universale totius corporis, cutim nempe juvare. His respondemus, quod si aliquando viscera adstrictione & roboratione indigent, illud non efficiendum Lentibus, eduliis pravis & naturam gravantibus, sed aliis quæ meliora & naturæ magis amica sunt & id citra noxam præstare possunt, ut sunt radices Tormentillæ, Bistortæ, Pentaphylli, Contrayervæ, Rosæ rubræ, Corallia, &c.

Externe Lentæ in cataplasmatibus ad multa adhiberi solebant a veteribus. Hodie rarius adhibentur. Discutiunt & resolvunt. Lentium decoctum primum nonnullis variolarum pustulis adhibetur ad cutim laxandam, emolliendam, & pustularum suppurationem promovendam, earum ardorem & dolorem compescendum.

Lens palustris & Lenticula palustris, *Off. Lenticula palustris vulgaris*; *C. B. P.* 362. Lens palustris, *J. B.* 3. 784. *J. Raii Hist.* 117. Lens lacustris *Dod. Pempt.* 587. vulgo, *Lentille de eau ou de marais*.

Stagnantium aquarum incola eisdem innatat, veluti muscus quidam viridis, totam earum superficiem densissimo foliorum minimorum, inferne nigricantium, superne virentium, nitidorum, orbiculatorem, Lentisque modo compressorum, stipatu obtegens, quæ inter se capillamentis tenuissimis, & albis arte revinciuntur, iidemque ceu radicibus e limo adhærescente alimentum hauriunt. In lacubus, urbium fossis & aliis stagnantibus aquis innatans & late sæpe earum superficiem occupans reperitur. Flores & fructus, quibus carere videtur, nondum detecti sunt.

Analyti chymica, ex Lenticulæ palustris recentis ℥v. per retortam distillatis prodierunt humoris limpidi, sapore & odore herbam virentem referentis, obscure subsalsi ℥vij. Zij. gr. xxxvj. humoris limpidi, sapore herbaeo, subsalsi ℥ij. ℥xij. gr. xxiiij. humoris limpidi, subsalsi & leviter alcali urinosi ℥ij. ℥vj. gr. xij. humoris fusci, empyreumatici, sale volatili urinoso copioso imprægnati ℥vij. salis volatilis urinosi concreti gr. xij. olei spissi syrupi ad instar ℥vj. Massa nigra in retorta residua pendebat Zij. ℥v. quæ
rite

rite calcinata reliquit cinerum cærulescentium ℥ij. ℥iv. gr. xxxvj. ex quibus lixivio salis fixi mere alcali ℥v. gr. xlvij. extracta sunt. Partium jactura in distillatione fuit ℥j. ℥ij. gr. lx. in calcinatione ℥j. gr. xxxvj.

Lenticula palustris salem essentialem obtinet nitroso ammoniacalem cum oleo & multo phlegmate conjunctum.

Externe tantum usurpatur, incidit, resolvit, refrigerat, & dolores demulcet. Unde inflammationibus podagræ a causa calida, & ignibus sacris convenit sub forma cataplasmaris imposita. Ad hæmorrhoidum dolorem compescendum Lenticulæ palustris duo manipuli cum Myrrhæ pulveratæ semuncia simul permixti in sacculo lineo includuntur, & liquore ex eodem sacculo stillante hæmorrhoides dolentes foventur.

J. Rajus pro secreto ad icterum infusionem Lentis palustris in vino albo per novem dies quotidie mane ad ℥vj. pro dosi haustam proponit.

Lenticula palustris hernias intestinorum in pueris admotæ agglutinare dicitur. Ea vescuntur anates magna cum voluptate.

LEPIDIUM.

Lepidium duplex in Officinis usitatum, Lepidium vulgare, & Lepidium hortense sive Iberis.

Lepidium vulgare, *Off. Lepidium latifolium*, C. B. P. 97. *Inst. R. H.* 216. *J. Raii Hist.* 828. Lepidium Panlli, *J. B.* 2. 940. Lepidium Plinii, *Dodon. Pempt.* 716. Piperitis sive Lepidium vulgare, *Parkinson. Raphanus sylvestris Officinarum*, *Advers. Lobel. Icon.* 308. Raphanus sylvestris Officinarum, Lepidium Æginetæ Lobelio, *Gerard. vulgo*, *Passerage*.

Radix digitali crassitudine & major, albida, gustu acri, & calido, sed qui subito evanescit, sub terra reptat. Caules emittit plures, bicubitales, teretes, læves, medulla farctos, ramosos, minimo digito minores, glauco quodam polline, qui facile detergi potest obductos. Folia longa, lata, in acutum desinentia, mali Citriæ similia, sed sæpius majora, molliora, glabra, pingua, obscurius virentia, per margines serrata, alternatim adnata: quæ e radice exeunt & in imo caule sunt pediculis longis suffulta. Flores in summis caulibus & ramulis pro plantæ proportionem minimi, cruciformes, quatuor petalis candidis constantes, conferti & copiosi, pediculis tenuissimis insident: ex quorum calyce surgit pistillum, quod deinde abit in fructum minutissimum, compressum, lanceiformem, apice acuto, septo intermedio, cui valvæ adhærescunt, in duo loculamenta divisum, seminibusque foetum exiguis, oblongis, rufis. Tota planta acri sapore donatur. In fluminis Matronæ insulis uberrime crescit. Radices & folia in usum veniunt.

Analyfi chymica, ex totius plantæ florecentis, demptis radicibus, ℔v. per vaporarium distillatis prodierunt humoris limpidi, sapore leviter acri pungente, obscure salis ℔j. ℥viiij. humoris limpidi, obscure acidi ℔ij. ℥vj. ℥v. Massa residua per retortam distillata præbuit humoris rufescentis, leviter empyreumatici, tum subacidi, intense austeri, tum salis ℥iiij. ℥iv. humoris rufi, alcali urinosi, & sale volatili urinoso copioso imprægnati, cum salis volatilis concreti granis aliquot ℥j. ℥vij. olei adiposi ℥ij.

℥ij. ℥v. gr. xvij. Massa nigra in retorta residua pendebat ℥vj. ℥vj. quæ per horas octo in crucibulo calcinata reliquit cinerum ℥ij. ℥ij. ex quibus salis fixi salis ℥j. gr. xxiv. cum pauca terra talcosa, lixivio sunt extracta. Partium jactura in distillatione fuit ℥ij. ℥iv. gran. liv. in calcinatione ℥iv. ℥ij.

Lepidii succus chartam cæruleam rubro colore tingit. Tota planta sapore donatur acri aromatico ad Piperis, & Sinapeos saporem accedente. C. Tournefortius salem ejus essentialem terræ foliatæ tartari haud dissimilem arbitratur. Hunc ego vitriolico-ammoniacaletn censeo, cum oleo tenui acri & oleo crasso conjunctum.

Hæc planta viscidos corporis succos potenter incidit, hepatis & splenis obstructions aperit & ab Ettmullero inter primaria antiscorbutica medicamenta numeratur, ejus folia pro acuendis aquis, spiritibus, & essentiis antiscorbuticis cæteris plantis antiscorbuticis adjungit. Cum spiritu vini ejus folia distillantur & essentialem præbent antiscorbuticam insignem. Præterea stomachicum est medicamentum egregium, quatenus pituitam viscidam ventriculi parietibus adhærentem incidit ac dividit. Folia jejuno ventriculo masticata languentem appetitum excitant, & ciborum concoctionem juvant. Hypochondriacis medetur affectionibus, quæ ab humoribus lentis ac viscidis in primis viis latitantibus dependent, eos incidendo, & abstergendo.

Coqui apud Danos, narrante S. Paulli Lepidii succum expressum aceto miscere solent vel ejus folia minutim concisa aceto inspergunt, ad intinctus carniū assatarum ex iis parandos.

Lepidii folia exsiccata, & pulverata ad ℥ss. ex vino sumpta quotidie mane jejuno ventriculo, urinas mire provocant & hydropicis conducunt.

Externe folia vel radices recentia cum butyro vel axungia trita ischiadicum dolorem levant. Inter rubefacientia medicamenta recensetur; cutim enim irritando & vellicando, sanguinem, spiritus & humores e profundo ad cutis superficiem potenter attrahit.

Lepidium hortense, Iberis, Off. Lepidium gramineo folio, sive Iberis, *Inst. R. H.* 216. Iberioris latiore folio, C. B. P. 97. *Parkinsf. & Gerard. Emaculat.* Iberis, *J. B.* 2918. *Dod. Pempt.* 714. Lepidium hortense, *Anguillar.* Iberis cardamentica, *Adversf. Lobel.* vulgo, *Passerage sauvage, Cresson. sauvage.*

Statim radice alba, lignosa, mediocriter crassa, paucis fibris donata plures profert caules, dodrantalet & altiores, duros, frequentibus alis concavos. Folia quidem prima longis pediculis appensa semiunciam lata, duas tresve uncias longa, per extremum serrata: superiora vero, & quæ in caulibus ramisque, Linariæ foliis paria, angusta, acuta, nullo pediculo donata, nec crena ulla incisa. Flores extremis ramulis coacervati hærent candidi, tetrapetali, cruciformes, prioris Lepidii similes sicut & fructus seminaque. Sapor omnibus plantæ partibus fervidus Nasturtii. In incultis ruderalis & secus vias in meridionalibus Galliæ regionibus frequens nascitur. Hic in hortis colitur.

Iisdem principiis, virtutibusque cum priori convenit, & in ejus locum substitui potest. Commendatur potissimum ad dolorem ischiadicum. Radix recens contusa magna copia cum modica axungia, adhibetur toti cruri, & ma-

& maxime coxendici : finitur per quatuor horas, deinde aufertur, & crus in balneo ponitur post inungendum ex oleo & vino, ac demum terfa pinguedine & sudore, tegendum molli lana ut æger ambulet.

L E V I S T I C U M.

Levisticum, Ligusticum foliis Apii, Off. Angelica montana perennis, Paludapii folio, *Inst. R. H.* 313. Ligusticum vulgare, an Libanotis fertilis Theophrasti, *C. B. P.* 137. Ligusticum vulgare, foliis Apii, *J. B.* 3. *P.* 2. 122. Levisticum vulgare *Dod. Pempt.* 311. *Gerard. Parkins. J. Raii Hist.* 437. Laserpitium, *Ang.* Hipposelinum Matthioli, *Lug.* 703. Smirnum, *Lacun.* Laserpitium Germanicum, *Loebel. Icon.* 703. vulgo, *Li- vesche* ou *Ache de montagne*.

Ab una radice grandi, torosa seu carnosa, restibili, foris nigricante, intus alba, plures non raro assurgunt ad hominis altitudinem proceri ac geniculati caules, crassi, interius inanes, striati, in ramulos nonnullos subinde divisi. Frondes pedales & ampliores, ex pluribus foliorum alis rursus divisorum constant, quorum extremæ divisiones ad folia Apii palustris aliquatenus accedunt, sed longe majores, marginibus incisæ, læves admodum ac resplendentes, obscure virentes, odore valido. Rami ut & summus caulis umbellas gerunt amplas florum rosaceorum, quinque petalis luteis ut plurimum constantium, in orbem positis, & infidentibus calyci qui deinde abit in fructum ex duobus seminibus compositum oblongis, crassiusculis, Apii semine majoribus, hinc gibbis, & striatis, inde vero planis, sordidi coloris. Tota stirps odorem fortem aromaticum, & medicamentosum spirat, sed semen graveolentius est. In hortis colitur. Tota planta in usum venit, sed præsertim semen & radix.

Analyti chymica Levistici radices, & semina plurimum olei tum tenuis essentialis, tum crassioris empyreumatici, humorem tum acidum, tum alcali urinofum, perparum salis volatilis urinofi concreti, & parum terræ præbuerunt. Saporem obtinent acrem aromaticum, subdulcem, odorem fragrantem non injucundum. Salem continet ammoniacalem multo oleo tenui & acri implicitum.

Levisticum alexipharmacum est, carminativum, diureticum, uterinum & vulnerarium. Nonnulli jubent radicem in aceto macerari, & masticari contra aerem infectum. Ventriculum roborat, ciborum concoctionem juvat, flatum discutit, viscidos humores attenuat, colicos dolores sedat; asthma subvenit, hepatis & lienis obstructions reserat, in ictero specificè laudatur, præprimis quando a bile viscidiorum ortum habet. Cunctantibus a partu lochiis medetur foetum mortuum & placentam retentam ejicit. Radix pulverata ad ℥ss. vel ʒj. exhibetur. Semen iisdem pollet virtutibus, & a ʒj. ad ℥ss. præscribitur. Forestus pro secreto habuit succum foliorum Levistici recentium in secundinis retentis: ad ʒiij. solum vel cum aqua Artemisæ propinabat. Hyeme vero semen in aqua Artemisæ ad ℥ss. contritum & aliquantisper ebullitum præscribit, & colaturam propinat. Foliorum Levisti vires luculento exemplo a Gabelchovero comprobantur. Honestissima quædam matrona, cum ex terrore filii in venatione interfe-

cti men-

Et menses subito fisterentur, folia tantum pauca Levistici comedit. Unde, cum antea insigni dolore lumborum & uteri torqueretur, statim dolor omnis fuit mitigatus. Inde quoties menstruæ purgationes sibi fuerunt suppressæ, iisdem usa est cum felici successu.

℥. Semin. Levistic. contus. ʒß. Contunde in folior. Levistici succi recenter expressi q. s. vel ʒiij. Macerentur per noctem. Fiat colatura mane propinanda ad retenta lochia.

℥. Rad. Levistici. ʒß. Rad. Mei, Zedoariæ, Zingiberis ana ʒij. Cinnamon. ʒjß. folior. Absinth. Meliss. ana M. j. cortic. Aurantior. Citrior. ana ʒß. Affunde vini generosi q. s. ad eminentiam trium transvers. digitor. Digerantur per novem dies. Fiat colatura bis in die propinanda ad ʒiij. in ictero a bile viscidior.

Extrinfecus ejus usus est in balneis, cataplasmatibus utero, & ureteribus dicatis, in emplastris vulnerariis.

Semen, narrante Ettmullero, intro sumptum, vel solum vel cum aliis medicamentis mixtum urinam nigro colore tingere dicunt.

Radix usurpatur in syrupo de Artemisia *Fernelii*. Folia in Emplastro Diabotano D. Blondel. *Collect. pharm.*

L I C H E N.

DUæ sunt plantæ sub Lichenis nomine in officinis usitatæ. Lichen Petræus dictus sive Hepatica fontana, de quo sub nomine Hepaticæ jam actum est; & Lichen arboreus seu Pulmonaria arborea, de qua sermo est.

Lichen arboreus, Pulmonaria arborea, Off. Licheo arboreus sive Pulmonaria arborea, *J. B.* 3. 759. Muscus Pulmonarius, *C. B. P.* 361. *Lobel. Icon.* 248. *J. Raii Hist.* 116. Pulmonaria, *Dod. Pempt.* 474. *Tragi* 524. Pulmonaria fungosa, *Lugd.* vulgo, *Pulmonaire de Chene.*

Annosis Quercuum, Fagorum, Abietum, aliarumque sylvestrium arborum caudicibus innascuntur in opacis ac densis sylvis, Hepaticæ fontanæ similis, sed major per omnia, squamato foliorum sibi invicem multipliciter implicatorum incubitu, ineffabili laciniarum variatione, profundiorum quam in Hepatica, aridior, asperior, corii fere modo densus lentusque, tota forma pulmonem exsiccatum aliquo modo referens, qua arborum cortici hæret albicans, altera vero parte virens, sapore amaricante non sine adstrictione. Flores ejus fructusque nondum innouerunt. Observatur etiam adhærens saxi coacervatis in umbrosis jacentibus. Qui Quercubus adhæret, vulgo colligitur, nonnulli tamen eum qui Abietibus annosis adnascitur, Quercino anteponunt, ob resinosas quasdam partes quas a matre sua mutuari credunt. In sylvis San Germaniacis, & Fontis bellaquei reperitur.

Analyti chymica, ex Pulmonariæ quercinæ ℔v. per vaporarium distillatis prodierunt humoris limpidi, odore & sapore ingrato fungorum odorem referentis, obscure salis ʒxij. gr. xlviij. Massa superstes per retortam distillata præbuit humorem rufescentem leviter empyreumaticum, obscure subsalsum, obscure subacidum & austerum ʒx. ʒj. humoris empyreumatici, rufi, obscure subsalsi, obscu-

obscure acidi, impense austeri ℥xiiij. gr. xxviiij. humoris empyreumatici, rufescentis, urinofi, sale volatili urinoso copioso imprægnati ℥j. ℥vij. gr. xxxvj. olei fluidi ℥vij. ℥j. gr. lx. Massa nigra in retorta residua pendebat ℔j. ℥v. ℥vij. Rara erat, levis & igniariam fungosam materiam referebat qua ad ignem excitandum utuntur, vulgo, *Amadou*, dictam. Hæc massa pruna candente accensa paulatim (intra 10. horarum spatium) in cineres fuscis redacta fuit, qui ℥v. pendebant. Cineres illi iterum in crucibulo per sex horas calcinati leucophæi facti sunt & ℥ij. ℥iiij. gr. xlvij. pondus reliquerunt: ex his salis fixi falsi ℥j. gr. xl. lixivio sunt extracta. Partium jactura in distillatione fuit ℥xij. ℥v. gr. xliiij. in calcinatione ℔j. ℥iiij. ℥ij. gr. xxiiij.

Lichen sapore amaro adstringente donatur. Salem essentialem obtinet vitriolico ammoniacalem multo oleo crasso & terra implicitum.

Siccatur & adstringit: unde sanguinem profluentem compescit, vulnera recentia glutinat, alvum ac menses sistit. Dodonæus refert pastores & Mulo Medicos quosdam hujus pulverem, addito sale, utiliter ovibus & aliis pecoribus tussientibus & difficilius respirantibus exhibere. Prodesse hinc & hominibus posse crediderunt. Ad pulmonis ulcera sanguinisque sputationem perquam utilis deprehenditur. Pulvis exhibetur ad ℥j. Decoctum vel infusum ad ℥vj. Angli, narrante J. Raio, ad phthisim & tabem eo utuntur non sine successu, confecto ex eo pulvere, syrupo; aut aqua distillata.

Lichenem qui Quercui innascitur in ictero omnium Medicorum solertiam eludente efficax remedium esse Jacobus Breynius scribit multis experimentis comprobatum, *In Ephemeridibus Germanicis ann. III. observat. 290.* & potissimum curatione cujusdam matronæ Andree Golii mercedis uxoris ictero pene biennium conflictatæ. Corpore prius purgato de hoc musco accepit manipulum unum cum libra una cerevisiæ secundariæ. Hæc simul in olla rite occlusa ad dimidium decoxit: postea tredecim cochlearia tepida mane atque vespere hausit, & intra quinque aut sex dierum spatium curata fuit.

℥. Pulmonar. arboreæ, folior. Tussilag. ana M. j. Liquir. ras. & contus. ℥j. Coq. & bulliant in aq. comm. ℔ss. ad ℔j. Colaturæ adde syrup. de Hedera terrestri ℥j. Dividatur in quatuor doses quarta quaque hora propinandas. In hæmoptoe aut pulmonum exulceratione.

Externe Lichen exsiccatus & pulveratus vulneribus inspersus sanguinem sistit.

LIGUSTICUM.

SUB Ligustici nomine duæ plantæ in officinis occurrunt, Ligusticum vulgare foliis Apii seu Levisticum de quo jamjam egimus, & Ligusticum quod Seseli, Off. de quo nunc agemus.

Ligusticum, Seseli & Siler montanum, Off. Ligusticum quod Seseli officinarum, C. B. P. 162. Seseli sive Siler montanum, vulgare, J. B. 3. P. 2. 168. Siler montanum, Dod. Pempt. 310. Siler montanum officinarum, Lobel. Gerard. J. Raii Hist. 439. vulgo, *Livesche*, *Seseli commun*, *Sermontaine*.

Radix magna coma infimum caulem ornat, rugosa, digitali crassitudine, albi-

albida, odorata, in altum descendens. Caulis tenuis, geniculatus, ramosus, humanam superat altitudinem, caulem ramososque frondium pediculi palmares aut sesquipalmares amplectuntur, in alas oppositas divisi, quorum segmenta extrema, terna fere semper ab uno pediculo cohærent. Trifolii aut Meliloti foliorum instar, oblonga, latiuscula, mucrone leviter obtuso, nonnihil, si confricentur, odorata, umbellæ latæ, amplæ flores rosaceos proferunt quinque petalis constantes candidis, in orbem positis & insidentibus calyci qui abit in fructum oblongum ut Fœniculi sed longiorum & crassiorum, compositum ex duobus seminibus oblongis, hinc gibbis & sulcatis cum liris (a) veluti foliaceis, inde vero planis, sapore acris subamaro, aromatico veluti ex corticibus Aurantium & Cymino mixto. In meridionalibus Galliæ regionibus sponte nascitur. Hic colitur in hortis. Semen in usum venit.

Analyti chymica, Ligustici semen præter humorem tum acidum tum alcali urinosum, non mediocrem olei essentialis tenuis acris & olei crassi empyreumatici portionem præbet.

Humores crassos ac viscidos dividit, ciborum concoctionem juvat, flatus dissipat, urinam & menses promovet, doloribus post partum medetur, nephriticis subvenit, arenulas pellit. Pulvis ad ℥ss. exhibetur, vel infusum in vino. Dauci & Seleleos Massiliensis seminibus substituitur quibuscum viribus convenit, sed inferioribus, utpote acrius & minus fragrans.

Ligustici semen usurpatur in Electuar. de baccis Lauri.

L I G U S T R U M.

Ligustrum, Off. Ligustrum, J. B. 1. 528. Inst. R. H. 596. & J. Raii Hist. flor. 1603. Ligustrum Germanicum, C. B. P. 475. Phillyrea, Dod. Pempt. 775. vulgo, Troesne.

Frutex est arborescens, radices hinc inde per obliquum spargens, crebris virgis lentis & in ramos divisis constans, cortice cinereo obtectis, materie albida, dura. Folia bina adverso situ ex intervallis oriuntur, oblonga, angusta, figura ad Salicis folia quodammodo accedentia, sed breviora crassioraque, atrovirentia, lævia, nitentia, gustu acris & subamaro non sine adstrictione. Flores in ramorum summis profert, racematim congestos, monopetalos, infundibuliformes, in quatuor, quinque vel sex partes divisos, candidos, suaviter olentes, quorum in medio surgunt apices ex luteo herbidi & pistillum viride, quod abit in fructum seu baccam mollem, fere globosam, Juniperinis æqualem, lævem, initio virentem, per maturitatem nigricantem, succi plenam amari ac injucundi, quamvis nonnullis aliquid dulcedinis habere videatur, seminibusque foetam ut plurimum quaternis hinc gibbis, inde compressis, cortice spadiceo, carne exalbida, digitorum levi pressu fragilem. In sylvis, vepretis & sepibus frequens nascitur. Frutex propter lenta & flexibilia vimina, surculosque densos, & folia hilare virentia ad topiarias scenas expetitur, quas non inelegantes convestit. Folia, flores, & fructus in usum medicum veniunt.

Analyti chymica, ex Ligustri florum ℔iij. ℥v. per vaporarium distillatis pro die-

(a) Lira Sillon, crete ou arrete.

dierunt humoris primum odorati, obscure subacidi, deinde inodori, manifeste acidi, & subausteri, ℥ij. ℥x. ℥iij. per retortam vero humoris tum acidi, subausteri, tum falsi & alcali urinosi ℥viij. ℥v. olei spissi ad instar syrupi ℥iiij. ℥vj. gr. xxxj. Massa nigra in retorta residua pendebat ℥viij. ℥iij. quæ per 25. horas calcinata reliquit cinerum ℥j. ℥iij. gr. xij. ex quibus lixivio salis fixi mere alcali ℥iiij. extractæ sunt. Partium jactura in distillatione fuit ℥v. ℥v. gr. xlj. in calcinatione ℥viij. gr. lx.

Ex Ligustri summis ramulis foliosis virentibus & recentibus ad ℥lv. per retortam distillatis prodierunt humoris primo limpidi inodori & insipidi, deinde subrufescentis & subacidi ℥ij. ℥xiiij. ℥v. gr. lxxvj. humoris rufi, empyreumatici, impense austeri ℥ij. ℥viij. gr. xxxvj. humoris rufi tum impense acidi, austeri, tum falsi, alcali urinosi, ℥xiij. olei spissi, aqua gravioris ℥iij. ℥iiij. gr. xxxvij. Massa nigra in retorta residua pendebat ℥ix. ℥ij. gr. xliij. quæ rite calcinata reliquit cinerum ℥iij. gr. xxx. ex quibus salis fixi mere alcali gr. xliij. lixivio sunt extracta. Partium jactura in distillatione fuit ℥viij. ℥iij. gr. xxxv. in calcinatione ℥viij. ℥viij. gr. xij.

Ligustri folia amara sunt & styptica, chartam cæruleam subrubram efficiunt: flores vero & fructus eandem magis rubram reddunt. Salem essentialem tartareo-aluminolum obtinent multo oleo implicitum. Idem sal in floribus magis evolutus est & magis ad ammoniacum vergit, plus enim humoris urinosi præbent: unde folia magis adstringunt, flores vero magis abstergunt.

Interne vix aut rarissime in usum veniunt. Succus tamen florum & foliorum ad ℥iiij. aut eorundem decoctum ad ℥vj. vel octo commendantur a nonnullis adversus hæmopthysim, hæmorrhagias quascunque & album mulierum fluorem.

Externe utiliter usurpantur in oris exulceratione, inflammatione & excoriatione faucium & uvulæ, uti contra ejus laxationem & procidentiam, item in aphthis exulceratis faucium & ulceribus gingivarum sub gargarismatis forma. In scorbutica gingivarum laxitate decoctum foliorum & florum cum aqua ferrariorum cum tantillo aluminis in ore detentum admodum juvat, necnon in pudendorum excoriationibus & ulcusculis. Ettmullerus ad faucium excoriationes & ulcera, foliorum & florum decocto Robnucum diluit, vel tincturam Bellidis & rosarum addit. Simon Paulli ad narium ulcuscula sequens medicamentum commendat.

℥. Aquar. stillatitiar. Ligustri, Solani ana ℥j. Sacchar. candi ℥ss. Sacchar. saturni ℥j. Caphuræ gr. vij. Misce. Abluatur ulcus.

℥. Decoct. folior. & flor. Ligustr. ℥vii. Mellis rosati ℥j. sp. Vitrioli guttas xx. Fiat gargarisma in faucium exulcerationibus, & aphthis.

In *Ephemeridibus German. ann. 4. append. p. 35.* referunt mulierem quamdam oleum parare ex floribus Ligustri in vitro soli expositis cum olei olivarum tantillo, qui colliquati in balsamum vertebantur, quo in Italia magna fama utebatur ad scrophulas & ulcera quævis putrida.

L I L I U M.

Lilium candidum, *Off.* Lilium album, vulgare, *J. B.* 2. 685. *Inst. R.* *H.* 369. Lilium album, flore erecto & vulgare, *C. B. P.* 76. Lilium candidum, *Dodon. Pempt.* 197. Lilium album Gerardi, *J. Raii Histor.* 1109. Ambrosia five Lilium album Nicandri, *Anguillar* : vulgo, *Lis blanc.*

Ex radice bulbosa, ex plurimis squamis carnosis simul unitis & axi affixis constante, & subtus fibris quibusdam donata, caulem surrigit rectum cubitalem & sesquicubitalem, singularem, teretem : cui ab imo ad summum adnata folia nullo pediculo, oblonga, & latiuscula, carnosae, lævia in herbaceo & diluto virore splendentia, versus summum caulem sensim minora & angustiora, odore carnem Vervecinam elixam, si digitis fricentur, quodammodo referentia. Flores in scapo serie quadam plures, non eodem tempore panduntur pulcri, candidi, odorati, seris, pinguibus repandis foliis campanam vel calathum quodammodo imitantes, quorum meditullium occupat pistillum longiusculum, trifidum, ex albo viridans & stamina, foliis numero & colore paria, quibus apices insident crocei. Pistillum abit deinde in fructum oblongum, trigonum, in tria loculamenta divisum, seminibusque foetum subruis, quasi marginatis, gemina serie sibi incumbentibus. Succo lento & glutinoso folia, caules & bulbi redundant. Ad hortorum ornamentum, ob elegantiam formæ & suavitatem odoris eximiam apud nos colitur. In Syria sponte nasci dicitur. Flores & bulbi ad medicos usus adhibentur.

Analyti chymica, ex bulbis præter phlegma primo insipidum & inodorum, deinde subsalsum, empyreumaticum, tum acidum, tum alcali urinosum, nonnihil salis volatilis urinosi concreti, parum vero olei, salis fixi & terræ extractum fuit.

Ex floribus vero humor primum odoratus, deinde acidus & nonnihil subsalsus & urinosus subausterus extractus fuit : parum vero olei & salis fixi mere alcali.

Liliorum bulbi succo mucoso abundant : salem obtinent ammoniacalem multo phlegmate dilutum, & cum mediocri conjunctum portione olei quocum sal ille mucaginem constituit blandam, a qua vis eorum præcipua pendet. In floribus tenuior est mucosa illa substantia.

Liliorum floribus vis anodyna. Externe tantum, rarissime interne usurpantur. Dolores demulcent, digerunt & maturant ; unde in cataplasmatibus emollientibus, demulcentibus, maturantibus & suppurantibus nonnumquam adhibentur, necnon etiam in decoctis emollientibus pro clysteribus. Oleum in officinis ex floribus per insolationem paratum servatur. Dicitur oleum Liliorum vel Lirium, crinum & susinum. Cavendum ne diutius flores in oleo relinquantur : cum enim tota planta turgeat succo mucagineo, facile putrescunt, & oleum jam redolet non Lilia, quæ prima bonitatis nota est, sed grave & foetidum quid. Sufficit igitur triiduum, quo exacto, alii imponantur flores, tum denique iterum alii. Sufficit enim tertium repetisse. Illud oleum frequentissimi est usus in doloribus & tumoribus quibuscumque. Tensa remittit, dura emollit, dolores sedat

sedat. Speciatim ad uteri duritiem emolliendam commendatur. Digerit etiam, & maturat; unde in cataplasmatibus emollientibus, aut maturantibus adjicitur ad consistentiam ipsis conciliandam, vel pars affecta hoc oleo prius inungitur quam cataplasma admoveatur.

Ex Liliorum floribus aqua odora per baln. mariæ distillatur. A nonnullis ad partum juvandum, & secundinas pellendas commendatur intus sumpta. Ab aliis in pulmonum affectibus, asthmate, & tussi præscribitur. Sed frequentioris est usus externi ad virguncularum faciei nitorem conciliandum, & maculas ejus detergendas. Ad id enim utilis est, si præsertim salis tartari tantillum in ea dissolvatur.

Bulborum usus internus nullus est, aut rarissimus, externus frequentissimus cum sit ex primariis emollientibus, maturantibus, & suppurantibus. Hic nullum fere cataplasma ad abscessuum maturationem, & suppurationem promovendam conficitur cui recentes Liliorum alborum bulbi cocti non admisceantur.

℥. Bulbos Lilior. albor. n. iiii. Radicum Althææ minutim incisar. ℥iij. Folior. Malvæ, Althææ, Senecionis, violariæ, Parietar. & Brancæ ursinæ ana M. j. Coquantur ex arte in aq. comm. q. s. ad putrilaginem usque; deinde contundantur in mortario marmoreo, & per cribrum trajiciantur. Pulpa secreta cum farinæ Lini, Fœnu-Græci, & olei Liliorum ana ℥iij. coq. igne lento assidue agitando ad debitam spissitudinem pro cataplasmate emolliente, & maturante.

℥. Bulbos Lilior. albor. sub cineribus coctos, & contusos n. ij. Folior. Oxalidis M. ij. cum axungię porcinae q. s. coctos ad debitam spissitudinem. Misceantur pro cataplasmate suppurante.

Nonnulli ad ambusta commendant cataplasma ex bulbis Liliorum sub cinerem coctis, contusis, & cum oleo nucum mixtis.

Guillelmus Goderus Elisabethæ Reginae Chirurgus, referente Gerardo, multos hydropes laborantes sanavit bulborum Liliorum alborum succo cum farina hordacea mixta; pane scilicet ex istiusmodi massa confecto, ægro per mensem aut sex hebdomadas continuas exhibito: quo solo, & non alio pane per totum id tempus vesceretur.

Antheræ seu flavi staminum apices a nonnullis laudantur ad menses provocandos, ad partum accelerandum, fœtum mortuum rejiciendum & secundinas pellendas. Pulveratæ propinantur cum croco, & aliis in aqua Verbenæ. Artemisiæ aut quocumque alio vehiculo idoneo. De qua tamen efficacia Ettmullerus valde dubitat.

Oleum Liliorum usurpatur in emplastro de mucaginibus, & emplastro de Ranis cum Mercurio Ph. Reg.

LILIUM CONVALLIUM.

Lilium convallium, Off. Lilium convallium album, C. B. P. 304. *Inst.* R. H. 77. Lilium convallium vulgo, J. B. 3. 531. Lilium convallium. *Dodon. Pempt.* 205. *Gerard. J. R. Hist.* 667. Lilium convallium flore albo, *Parkins*: Lilium convallium vel vernum Theophrasti, *Adv.* *Lobel*: Ephemerum non letale, *Fuchs*: Gallionymus Chamæcitus, *Gesneri*: vulgo, *Muguet ou Lys des vellees*.

Geoffroy Tom. II.

Bb

Ra-

Radice tenui, alba, fibrata repit summæ telluri inhærens: folia profert bina ternave, ex oblonga forma in acumen ducta, sesquipalmaria, duas uncias lata, nitida, læte virentia, nervosa, quæ sub basi convoluta sese excipiunt. Hæc inter caulis assurgit spithameus, gracilis, angulosus, nudus; a cujus medio ad summum longa serie flores per intervalla nascuntur in unam fere partem vergentes, brevibus pediculis pendulis, & nutantes, monopetali, campaniformes, candidi, odorem suavissimum spirantes, & in quinque vel sex segmenta divisi, cum toridem staminibus ex herbido luteis, fundo adnatis, & pistillo triquetro, quod abit in fructum sphaericum, mollem, rubrum, pulpa plenum, & seminibus foetum duris quasi corneis, & amaricantibus. Nascitur in sepibus, & dumetis umbrosis, & fruticosis. Flores in usum veniunt, rarissime radices.

Analyti chymica, ex florum recentium lbv. per retortam distillatis prodierunt humoris limpidi, odorem florum referentis, obscure subsalsi, obscure alcali, & obscure subacidi lbj. ℥xij. ℥vij. gr. xx. humoris limpidi, manifeste acidi magis ac magis impense, austeri lbj. ℥vj. ℥v. gr. lvij. humoris rufi, empyreumatici, impense acidi, subsalsi, alcalini, urinosi, & impense austeri ℥j. ℥vij. gr. l. humoris rufi, empyreumatici, & sale volatili urinoso copioso imprægnati ℥j. gr. xvij. salis volatilis urinosi concreti ℥j. gr. x. olei adiposi ℥ij. ℥ij. gr. iij. Massa nigra in retorta superstes pendebat ℥iij. ℥ij. quæ rite calcinata reliquit cinerum ℥j. ℥j. gr. xvj. ex quibus lixivio salis fixi mere alcali ℥v. extractæ sunt. Partium jactura in distillatione fuit ℥vj. ℥vj. gr. lvij. in calcinatione ℥iij. ℥ij. gr. lvj.

Flores Lili convallium odorem fragrantem, & suavissimum spirant, saporem referunt amaricantem: exsiccati vero, pulverati, & naribus immissi pituitariam membranam adeo stimulant ut sternutamenta plurima excitent. Licet flores illi valde odorati sint, Ettmullerus observat odorem eorum particulas in oleum essentielle nulla arte redigi posse. Observat insuper flores simplici distillatione absque prævia fermentatione phlegma præbere minus odorum quam si prius fermentati fuerint. Nam post fermentationem spirituosum liquorem fundunt subtilem, fragrantem. Quin etiam odorem suum magis expandunt, eodem notante, si receniter collecti in spiritu vini rectificatissimo macerentur, & distillantur. Ex his, & ex analysi instituta concludendum est hos flores saltem essentialem vitriolico-ammoniacalem obtinere cum multo oleo acri, & spisso conjunctum: sed præterea inesse magnam copiam olei tenuioris, fragrantis, & summe volatilis, quod quidem in simplici distillatione pro majori parte avolat, & phlegmate coerceri nequit, quod contra cum spiritu vini facillime coadunatur, aut quod cum oleosis crassioribus eorundem florum partibus fermentatione evolutis, & attenuatis consociatum remanet, & cum iisdem spiritum ardentem constituit odoratissimum.

Lili convallium flores inter cephalica medicamenta, & nervina primas tenent. In apoplexia, epilepsia, vertigine, convulsionibus, paralyti, catharris & aliis frigidis capitis morbis utiles habentur. Nerveas enim fibras laxas nimis, & flaccidas firmant ac roborant, earum oscillationes blanda vellicatione vividiores reddunt, & cerebri tonum restituunt, spirituumque motum tardiores aut interruptum suscitant, tum interne,

tum

rum externe adhibiti. Eorum pulvis ad ℥j. aut conditum ad ℥ss. exhibetur. Vel ex his distillatis aqua simplex, & spirituosæ præparantur. Aqua simplex distillata ex floribus recentibus, & rore matutino adhuc madidis per vaporarium extrahitur, & novis affunditur floribus ac distillatur, quod toties repeti debet, donec aqua obtineatur fragrantissima, quæ servatur pro vehiculo medicamentorum cephalicorum, & debilioris est efficaciam. Spiritus vero plurimum commendatur adversus easdem affectiones quibus flores conveniunt. Duplici modo conficitur. Flores recenter collecti in spiritu vini immerguntur, & in vaporario blando calore distillantur. Spiritus inde distillatus novis floribus affunditur, & iterum distillatur, idque ter quaterve reiterando, sic obtinetur spiritus valde laudabilis. Alii flores ad fermentandum in vase clauso committunt donec odorem vinosum penetrantem acquirant, & spirituosum liquorem inde distillant novis floribus affundendum, & absque fermentatione distillandum. Aqua distillata ad ℥iiij. spiritus ad ℥j. exhibentur. Cum eodem spiritu Ambrae griseæ affuso fit tinctura sive essentia Ambrae quæ in omnibus virium defectibus, subitaneis cerebri affectibus plurimum commendatur: necnon inter aphrodisiaca præstantiora recensetur.

S. Paulli commendat tincturam Castorei cum spiritu Liliorum convallium paratam adversus paralysem, si ea spina dorsi a nucha ad coccygis os usque inungatur, necnon etiam enormes cessasse puerorum epilepsias asserit spinæ admotis linteis hac tinctura madentibus.

Idem Simon Paulli monet in affectionibus cerebri inflammatoriis ab horumce spirituum usu interno abstinendum esse, ne, ut ait, camino infundi oleum videatur.

Camerarius floribus vas vitreum angusti orificii replet, & rite obturatum, in acervum formicarum per mensem recondit. Putrefactione colliquescent. Liquorem inde collectum instar olei sedandis doloribus podagricis, ischiadicis, & similibus affectibus exterius adhibitum perutilem asserit.

In Germania alicubi conficiunt ex floribus per æstatem siccatis vinum vindemiarum tempore, ipsos calcatis uvis admiscentes, quo postea utuntur ad eosdem affectus quibus aqua, & spiritus conveniunt.

Externe flores exsiccati, & pulverati inter errhina, & sternutatoria blanda adhibentur. Fit quoque e radice pulverata blandum sternutatorium sed minus usitatum.

℥j. Flor. Cyani ℥iiij. Florum Consolidæ regalis specierum colore diversarum, florum Pæoniæ, Balauisticorum, & Rosar. ana ℥iiij. Flor. Calendulæ, Anthor. Rosar. ana ℥ij. Florum Lilior. convallium radic. Calami aromat. Florum Caryoph. hortens. ana ℥j. Omnia rite in umbra exsiccata, & minutissime concisa misceantur, & fiat pulvis sternutatorius colorum varietate elegantissimus.

℥j. Flor. Lilior. convall. exsiccator. folior. Betonic. Majoranæ exsiccator. ana ℥ij. Rad. Irid. Florentin. ℥ss. Caryophyllor. aromaticor. ℥ss. M. F. pulvis crassiusculus pro errhino summis digitis per vices naribus attrahendo. Cui addi possunt Nicotian. pulv. ℥j. Hellebori alb. & Zingiber. ana ℥ss. si cerebrum potentius succutiendum sit in apoplecticis, & soporosis affectionibus.

℥. Pulver. de Gutteta ℥j. syrup. Stœchad. & sp. Lilior. convall. ana ℥j. Aquar. Flor. Lilior. convall. & flor. Tiliæ arbor. ana ℥iij. Tinctur. Castor. gutt. xx. Spiritus cornu cerv. Succinati ℥j. M. F. potio cochleatim sumenda in convulsionibus spasmodicis, & hystericis affectionibus.

℥. Conserv. flor. Lilior. convall. flor. Salv. & Roris-marin. ana ℥ß. Pulver. Milleped. & Viperar. ana ℥ij. Rad. Valerian. sylvestr. & Seminis Eruc. pulv. ana ℥iij. Syrup. de Hyssop. q. s. M. F. electuar. Dosis ℥j. bis in die, in paralyti incipiente.

Flores Lillii convall. usurpantur in pulvere antiepileptico *Ph. Reg.* in pulvere sternutatorio, & cephalico *ejusdem*.

L I N A R I A.

Linaria, & Linaria lutea vulgaris, *Off.* Linaria vulgaris, lutea, flore majore, *C. B. P.* 212. *Inst. R. H.* 170. Linaria lutea vulgaris, *J. B.* 3. 456. *J. Raii Hist.* 752. vulgaris nostras *Parkins*: Linaria prima, *Dodon. Pempt.* 183. Olyris, *Matthiol. Fuchs*: Olyris major, *Tabern. Icon.* 826. vulgo, *Linair* ou *Lin sauvage*.

Radicibus albis, duris, lignosis, sub terra reptando immensam se propagat, si locus suppetat. Caules ex eadem radice plures surrigit pedales aut cubitales, rotundos, glabros, glaucos, summa parte ramosos, foliis vestitos crebris, nullo ordine positos, angustis, acutis, Pityusæ similibus, adeo ut nisi lac deesset, difficile foret distinguere, antequam floreat planta. Flores in summis caulibus, & ramulis velut in spicas aut thyrsos digesti, singuli pediculis brevibus e foliorum alis egressis insident monopetali, anomali, personati, lutei, posterius in caudam seu calcar aut corniculum oblongum, acutum Consolidæ regalis in modum producti, quo ab Antirrhini floribus differunt, quibus alias persimiles sunt, antequam in duo labia divisi, quorum superius in duas velut auriculas dividitur, inferius vero trifariam secatur. Ex calyce autem parvo, & quinquepartito surgit pistillum posticæ floris parti ad instar clavi infixum, quod deinde abit in fructum bicapsularem, seu testam subrotundam, septo intermedio in duo loculamenta divisam, & per maturitatem in duas carinas dehiscentem, seminibusque foetam compressis, orbiculatis, marginatis, nigris. Sapor plantæ amariusculus, & subacris. In arvis, ad agrorum margines, & in pascuis sterilibus frequens occurrit. Herba integra in usum venit.

Analysi chymica, ex Linariæ floridæ ℥v. per vaporarium distillatis prodierunt humoris limpidi, saporis herbacei, obscure subacidi ℥j. ℥ij. ℥vj. humoris limpidi, manifeste acidi, obscure subausteri ℥ij. ℥iij. ℥vij. residua massa per retortam distillata præbuit humoris empyreumatici, tum acidi austeri, tum leviter alcali urinosi ℥v. ℥ij. gran. xliij. humoris rufi, sale volatili urinoso imprægnati ℥v. gran. l. olei adiposi ℥iij. ℥iiij. gran. xliij. Massa nigra in retorta residua pendebat ℥vij. ℥iiij. gran. xij. quæ per 18. horas calcinata reliquit cinerum ℥j. ℥vj. ex quibus lixivio salis fixi mere alcali ℥iij. gran. xij. extracta sunt. Partium jactura in distillatione fuit ℥viij. ℥ij. xxiiij. in calcinatione ℥v. ℥vj. gr. xij.

Linara herbaceum , subsalsum , amariusculem saporem refert : inter digitos contrita Sambuci odorem spirat , charta cœrulea a foliorum succo non mutatur , verum a florum humore rubens efficitur . Salem falsum tartareum nonnihil vitriolicum obtinet mediocri terræ portione implicitum & cum oleo crasso oleorum foetidorum distillatorum simili & copioso conjunctum & involutum . Sal ille magis explicitus est in floribus quam in foliis .

Hæc planta ratione olei sui potenter resolvit , emollit , ac demulcet . Sanguinem , lympham aut alios succos intra tenuiora vasa concretos , vel inter partium fibras effusos , stagnantes & inspissatos dividit , eorum acrimoniam demulcet , salina eorum spicula involvendo , nimis tensas partium fibras laxando dolores sedat .

Ad internum usum raro usurpatur . Alvi turbatrix est , auctore Trago . Urinam tam potenter pellit , ut inde *Harnkrant* Germanis , Botanicis quibusdam urinæ & urinaria dicatur . Aquæ ex *Linaria* distillatæ haustum cum ℥j. corticis *Ebuli* exsiccati & in pulverem tenuissimum redacti , idem *Tragus* potentissime urinam pellere asserit , usque adeo ut solis hydropicis sit propinandum . Eadem aqua distillata ac pota alvum laxat , sudores movet , jecur obstructionibus liberat , morbum discutit regium , adversus quem herbæ decoctum ex vino paratum in primis facit , notante eodem auctore . Nonnulli , referente Simone Paulli , ad dissolvendum illorum sanguinem , qui ex alto deciderunt , illius decoctum propinant .

Externe *Linaria* insigne est anodynum medicamentum , quo vix præstantius ad hæmorrhoidum cæcarum dolores mitigandos datur & ab omnibus laudatur quocumque modo adhibita : nimirum si *Linaria* integra , vel flores ejus , vel sola , vel cum *Camomilla* aut *Verbasci* floribus coquatur in lacte quo pars dolens foveatur , vel si recentes hæ plantæ contundantur & cataplasmatibus in modum applicentur .

Magnopere celebratur unguentum vel linimentum de *Linaria* in hæmorrhoidibus dolentibus , si e *Linaria* recenti florida cum axungia porcina aut butyro non salito , in mortario plumbeo confusis & cum pauca camphora fiat cataplasma vel unguentum . Alii *Linariam* virentem cum floribus cum adipe porcino decoquunt , quousque adeps valde virescat , fiatque unguentum , cui expresso & refrigerato applicationis tempore vitellus ovi admiscetur . A nonnullis hoc unguentum præstantius habetur , si prius in adipe suillo aselli aut scarabæi decoquantur .

Linaria , succus ejus aut aqua distillata quævis ulcera mundant , cujuscumque sunt cancer aut fistulæ , & erysipelatis medentur , linteolis imposita , aut si aqua aut succo loci affecti colluantur .

Idem succus maculas & vitia faciei emendat ; quare a mulierculis quibusdam expetitur . Aqua distillata oculis inditâ eorum ruborem & inflammationem tollit .

Sunt qui herbam hanc intra calceos plantis pedum supponunt ad febrem quartanam abigendam .

LINGUA CERVINA.

Lingua cervina , Phyllitis , Scolopendrium vulgare , Scolopendria vulgaris , *Off.* Lingua cervina officinarum , *C. B. P.* 353. & *Inst. R. H.* 544. Phyllitis sive Lingua cervina vulgi , *J. B.* 3. 756. Phyllitis vulgaris , *Clus. Hist.* 213. Phyllitis Gerardi , *J. Raii Hist.* 134. Scolopendrium . *Brunsfels* : Scolopendria vulgaris , *Tragi* 549. vulgo , *Langue de Cerf* ou *Scolopendre vulgaire* .

E capillaribus radicibus nigricantibus , numerosis , implicitis , cum foliorum vestigiis connexis , folia fundit dodrantalia aut lesquidodrantalia , duas uncias lata , in principio aurita , acuminata in extremo , læte virentia , glabra , & pediculo palmari insidentia in costam mediam abeunti . Floribus carere videtur ; at capsulas plurimas profert in sulcis semuncialibus aut majoribus foliaceis qui occurrunt in foliorum dorso primum virentes , per maturitatem rufi , dum nempe rumpuntur & capsulæ membranaceæ rufæ sese exerunt . Minutissimæ quidem sunt hæ capsulæ : sed ope microscopii facile percipiuntur . Singulæ annulo elastica vi donato muniuntur , cujus contractione vel exsiccatione rumpuntur , semenque pulverulentum & copiosum quod continent hac illac ejaculant . Nascitur in puteis & fontibus inter lapidum commissuras , & in rupibus udis ac umbrosis . Herba integra usitata est .

Analysi chymica , ex foliorum recentium Linguae cervinae ℥v. per retortam distillatis prodierunt humoris limpidi , fere inodori , sapore subacri , obscure subacidi ℥j. ℥viij. gr. lx. humoris magis , ac magis acidi manifeste , deinde magis ac magis austeri ℥iij. ℥iij. gr. xxxvj. humoris rufescentis , tum acidi austeri , tum sale volatili uinoso imprægnati ℥ij. ℥vj. olei adiposi ℥j. ℥vj. gr. xij. Massa nigra residua pendebat ℥vj. ℥v. gr. xxxv. quæ rite calcinata reliquit cinerum ℥j. ℥vj. gr. xlvij. ex quibus salis fixi mere alcali ℥j. gr. iij. lixivio sunt extracta . Partium jactura in distillatione fuit ℥ij. ℥iij. in calcinatione ℥v. ℥vj. gr. xxiiij.

Planta sapore acerbo donatur & odorem nonnihil graveolentem herbaecum spirat . Salem essentialem obtinet vitriolico tartareum ad salem mirabilem Glauberi accedentem cum multo oleo spisso bituminoso & pauca terra adstringente conjunctum .

Lingua cervina siccatur & adstringit . Adstrictione sua viscerum tonum firmat & roborat : unde in eorum obstructionibus plurimum commendatur , & lieni tumido potissimum dicatur , cujus intumescentiam minuere dicunt . Insuper sale suo salso digestivo spissos humores & concretos dissolvit , obstructiones reserat , & oleo bituminoso non solum sulphurea concreta discutit , sed humorum acrimoniam nonnihil demulcet , salium spicula irretiendo . In morbis chronicis & affectionibus hypochondriacis admodum utilis est . Alvi profluvia sistit ; sanguinis expuitioni medetur : necnon etiam thoracis quibusdam affectionibus succurrit , laxiorem pulmonis tonum firmando , & ejus glandularum infarctum discutiendo . Extrinsecus vulnera & ulcera mundificat & exsiccatur . Cum aliis plantis Capillaribus consociari solet , quæ sunt Polytrichum seu Trichomanes , Capillus veneris , Adiantum vulgare , Salvia vitæ seu Ruta muraria , Asplenium seu Ceterach . In decoctis & jusculis aperientibus , thoracis & vul-

vulnerariis usurpatur. In Germania, referente S. Paulli, cerevisia Phylitide condita toto anno omni die usurpatur ad tumidos lienes & hypochondriacos affectus.

In incipientibus hepatis & lienis obstructionibus, vel etiam in pulmonum infarctu hujus plantæ infusum in aqua tepida utiliter pro potu solito præscribitur. Ad obstructiones potentius discutiendas & resolvendas sales digestivi ut Tartarum vitriolatum, Tartarum solubile, Nitrum &c. ipsi consociantur: & præstantius adhuc ejus decoctum vel infusum censetur quod cum aqua ferrariorum præparatur, seu in aqua ferrum candens sæpius extinctum fuit.

24. Radic. Polypod. & Cichor. Sylvestr. ana ℥j. corticum Capparis & Tamarisci ana ℥ss. Coq. in aq. comm. ℔iiij. ad ℔iiij. Tum adde folior. Scolopendr. Asplen. seu Ceterach, Agrimon. Hepaticæ & Taraxaci ana M. j. florum Calendulæ & Keiri ana pug. ij. Coquantur per quadrantem horæ. Colatura dissolve Tartar. vitriolati ℥ij. Syrup. de 5. rad. aper. ℥iiij. F. apozema in sex doses distribuendum in viscerum obstructionibus.

Pulvis herbæ exsiccatae ad ℥j. aut alteram exhibetur: in hepatis obstructionibus, in palpitatione cordis, in suffocatione uterina, in motibus convulsivis mira præstat, affirmante J. Rajo, si in cerevisia tenui, aut Zythogalo seu liquore Posseti Anglis dicto, modica ejus quantitas propinetur. Potest & e foliis virentibus conserva cum saccharo ad hos usus parari.

L I N U M.

Linum duplex ad usum medicum usurpatur, scilicet Linum sativum & Linum catharticum.

Linum, Linum sativum, Linum vulgare, Off. Linum sativum, C. B. P. 214. Inst. R. H. 339. Gerard. Emaculati J. Raii Hist. 1072. Linum, J. B. 3. 450. Linum sativum vulgare cœruleum, Lobel. Icon. 412. vulgo, Lin.

Tenui radícula nititur, paucis fibris donata: caule tereti assurgit, ut plurimum simplici, inani, tenui, glabro, cubitum aut sesquicubitum alto, alis circa summum ramoso, qui contritus in plurima abit filamenta: folia profert acuminata, culmum lata, uncias duas plus minus longa, alternatim aut potius nullo ordine cauli apposita, mollia, glabra. Flores in summis virgis nascuntur speciosi, cœrulei, pediculis tenuibus longiusculis insidentes, admodum caduci, caryophyllæi, quinque petalis constantes, extremo subrotundis, striatis, ex calycibus pentaphyllis & quasi tubulatis emergentibus. Pistillum ex eodem calyce surgit, abique deinde in fructum fere globosum, leviter acuminatum, Ciceris magnitudine, ex pluribus capsulis compositum introrsum dehiscentibus, semine foetis depresso, fere ovato, hinc obtuso, inde vero acuto, lævi, glabro, splendente, ex fulvo colore punicante. In agris seritur. Semen potissimum in medicum usum venit: sed planta ad innumeros usus mechanicos præparatur & usurpatur.

Analyſi chymica , ex ſeminum Lini ꝑv. per retortam diſtillatis prodierunt humoris limpidi ; ſapore fere inſipido ; obſcure ſubſalti , & aliquantiſper alcali ꝑiij. ꝑv. humoris limpidi , obſcure ſubacidi ꝑiij. ꝑv. gr. xxxvj. humoris limpidi , ſubacidi , aſteri ꝑiij. ꝑij. gr. xxxvj. humoris limpidi , ruſi , empyreumatici , tum alcali urinoſi , tum impenſe acidi aſteri ꝑxj. ꝑv. olei fluidi , ruſi ꝑij. ꝑv. ꝑiij. gr. xxxvj. Maſſa nigra in retorta reſidua pendeſcit ꝑij. ꝑiij. ꝑij. gr. xxxvj. quæ rite calcinata reliquit cinerum ꝑiij. ꝑv. gr. xxxvj. ex quibus ſalis fixi ſalti talcoſi ꝑj. lixivio extracta fuit . Partium jaſtura in diſtillatione fuit ꝑij. ꝑj. in calcinatione ꝑxiiij. ꝑiij.

Lini ſemen in aqua maceratum plurimum mucaginis præbet . Salẽ ob-
tinet eſſentialem vitriolico-ammoniacalem cum multa terra & oleo copioſo conjunctum , quibuſcum blandam conſtituit mucaginẽ , a qua præcipua ejus viſ demulcens & emolliens pendet .

Lini ſemen tuſum , melli adjectum , & frixum ruſticis Aſiaticis in frequenti cibo fuit . Quoquo tamen modo apparatus vix ſuave eſt & ſalutare ; ſtomacho enim adverſatur , flatuoſum eſt , ægre concoquitur , & pravum ſuccum gignit . Quod paucis abhinc annis Middleburgi in Zelândia , inquit Tragus , animadverti potuit , cum propter frumenti aliaſumque frugum inopiam plerique ex civibus pane & cibis ex hoc coctis veſcerentur . Diſtenta enim hiſ valde cito hypochondria fuerunt , & facies , aliæque partes tumidæ factæ : quorum non pauci ſic affecti mortui ſunt . In Gallia eſculentum non eſt , neque hiſ in regionibus ubi laute vivitur .

Semen Lini ob mucilaginẽ temperatam , anodynã , acrimoniam humorum demulcentem , in piſanis & apozematibus demulcentibus , ſæpius præſcribitur , præſertim in urinæ ardore & difficultate ; urinæ enim ſales acres mucõ ſuo involvit & demulcet , veſicæ mucum deficientem reſtituit , ejusque membranas ab urinæ acrimonia defendit . Obſervandum eſt ne nimis glutinoſi ſint & mucofi potus ex ſemine Lini parati ; tunc enim ventriculum gravant & naſeam ſæpe movent . Quapropter illud ſemen ebullitioni non committitur , ſed poſt ebullitionem decoctis adhuc calidis infunditur & quidem parva quantitate . Uſurpatur quoque utiliter ſemen Lini in decoctis emollientibus , anodynis & carminantibus pro clyſteribus adverſus ventris tormina , dyſenteriam , tenefmum , & viſcerum inflammationem .

Aqua in qua ſemen Lini per aliquot horas maceratum fuit , in urinæ ardore , ſuppreſſione , difficultate , nephritide , & adverſus arenulas & calculum utiliter pro potu ſolito præſcribitur .

Ꝛ. Radic. Gramin. contuſæ & minutim ſectæ M. j. Bulliat. in aq. com. ꝑiij. ad ꝑij. Decocto calenti adde ſem. Lini pug. j. Maceretur, donec omnino refrigeratum ſit decoctum tunc percolandum & ſervandum pro potu ſolito . In renum & veſicæ inflammatione , urinæ difficultate , nephritide , calculo , &c. Vel

Ꝛ. Rad. Nenuphar. ꝑj. Gramin. M. j. Liquir. raſ. & contuſ. ꝑj. Bull. in aq. comm. ꝑiij. per quadrantem horæ . Decocto ab igne ſemoto & calenti adde rad. Althææ taleolatim ſectæ , ꝑß. ſemin. Lin. pug. j. Decoctum refrigeratum coletur pro potu ſolito .

Farina Lini potenter resolvit, emollit & maturat, quare in fomentis, & cataplasmatibus emollientibus, & maturantibus frequenter adhibetur sola vel cum Fœnugræci farina. Ex eo semine mucilago uberrima diuturna ejus maceratione & coctione in aqua, ac forti expressione extrahitur, quæ cataplasmatibus in modum applicata inflammationes compescit, dolores sedat, tumores emollit & resolvit.

Oleum ex semine trito & torculari expresso extrahitur multis affectionibus perutile: Interne quidem temperat, alvum ciet, tussim sedat, relaxat, expectorationem promovet: & primario ceu singulare specificum mire commendatur contra pleuritidem, si nempe ad aliquot uncias, duas, tres, quatuorve propinetur, quod quarta vel sexta hora repetitur, donec æger insigne levamen perceperit. Colicos dolores eodem modo exhibitum mire compescit & in contumacissimis alvi obstructionibus, contra volvulum, & passionem iliacam imminuent plurimum valet epotum aut ad ℥viii. sub clysteris forma susceptum. In hæmopthoe utiliter quoque præscribitur: non solum enim tussim sedat, sed vi sua balsamica & emplastica partes affectas consolidat. Observandum est, ut hoc oleum recens sit & dulcis saporis. Inveteratum enim, ingratum est propter rancorem, & nauseam excitat. Si recens obtineri nequeat, ejus rancor & sapor ingratus tollitur illud cum aqua tepida in ampulla vitrea diu conquassando & aquam identidem mutando donec nullus sapor, & odor ingratus superfit.

Externe illitum dolores demulcet, durities emollit, nervorum tensiones contractionesque laxat. Ad hæmorrhoides dolentes a nonnullis valde prædicatur. Cataplasmatibus & linimentis emollientibus & solventibus utiliter admiscetur.

℥. Rad. Althææ, bulbor. Lilior. ana ℥ij. fol. Althææ, Malv. Violar. Parietar. ana M. j. semin. Lini & Fœnugr. contusor. ana ℥j. Caricas ping. n. xij. flor. Camomill. & Meliloti ana p. ij. F. decoctum ad putrilaginem cum aq. q. s. Omnibus contusis & per setaceum trajectis ad unguenti de Althæa ℥ij. olei Lini ℥j. Fiat cataplasma emolliens, resolvens, & maturans.

℥. Rad. Alth. Brion. Sigill. Salomon. & Lilior albor. ana ℥j. folior. Malv. Parietar. ana M. j. semin. Lin. & Fœnugr. ana ℥ß. flor. Melilot. M. j. Coquantur in q. s. aq. Colatura fervetur pro fortiori emolliente instituendo calide cum linteis quadruplicatis vel pannis laneis dicto liquore imbutis, leviter expressis & mutatis, quoties frigescere incipient.

℥. Farin. sem. Lin. ℥viii. Fœnugr. & Cymîn. ana ℥iiij. Mell. ℥ij. ol. Lin. q. s. M. F. cataplasma lateri dolenti calens applicandum in pleuritide & lateris dolore punctorio: potenter resolvit & discutit.

℥. Vitellos ovor. recentium n. ij. Sacch. albi ℥j. olei Lini q. s. M. diligenter agitando. Fiat linimentum quo hæmorrhoides dolentes inungantur.

℥. Vitellos ovi ad duritiem coctos n. iv. olei Succini ℥ij. Theriaces. Androm. ℥ß. olei Lini q. s. Fiat cataplasma hæmorrhoidale.

Nonnulli oleum hoc Lini cum calce viva mixtum ex retorta distillant, & oleum obtinent subtilissimum & penetrantissimum quod paralyti medetur.

Semen Lini usurpatur in syrupo de Præssio Mesuæ, in lohoch sano & experto ejusdem, Unguento de Althæa Nicol. Alexandr. Mundificativo de Re-

Resina *Jouberti*, Emplastro Diachylo magno, & Emplastro de mucaginibus.

Oleum Lini expressum ad multos usus mechanicos, a pictoribus, & aliis artificibus expetitur.

Cœterum mirum est ex tam parvo semine nasci avenam adeo gracilem & pusillam, quæ tusa præparata, & in molliem lanæ coacta in filamenta producit, in telas textitur, & in chartas compingitur usus immensi, unicuique noti nec satis mirandi.

Linum catharticum, *Off.* Linum pratense, floribus exiguis, *C. B. P.* 214. *Inst. R. H.* 340. Alsine verna, glabra, flosculis albis vel potius Linum minimum, *J. B.* 3. 455. Linum sylvestre catharticum *Gerar. Emac. J. Raii Histor.* 1076. Chamœlinum Clusii flore albo, sive Linum sylvestre catharticum, *Parkinsf.* vulgo, *Lin sauvage purgatif.*

E radícula tenui, alba, lignosa, fibrillis aliquot donata, cauliculos emittit nonnihil reptantes, mox humo ad palmum & altius se attollentes, tenues, rotundos, rubentes, fastigio sursum ramoso, nutante. Folia infima mucrone obtuso & subrotunda sunt, superiora, quæ in caulibus bina opposita, crebra, exigua, semiunciam longa, culmum lata, glabra, absque pediculis adnata. Flores pediculis longis, tenuibus insident albi, caryophyllæi, pentapetali, petalis acutis, minime bifidis, cum apicibus totidem in medio luteis, e calyce pentaphyllo. Capsulæ seminales succedunt Lini similes, parvæ, canaliculatæ, in quibus semen lucidum, lubricum, compressum & oblongum Lini simile. Sapor totius plantæ amarus, & nauseosus. In agro Parisiensi sponte nascitur. Herba integra in usum venit.

Analyti chymica, ex Lini cathartici floridi ℥v. per vaporarium distillatis, prodierunt humoris limpidi, primum odoris & saporis fatui, obscure subsalsi, deinde obscure subacidi, ac tandem manifeste subacidi ℥iij. ℥vj. ℥ij. gr. xij. Massa superstes per retortam distillata præbuit humoris rufescentis, leviter empyreumatici, tum acidi austeri, tum leviter alcali urinosi ℥iij. ℥vj. gr. lx humoris rufi, empyreumatici, sæpe vocati a cæci urinoso imprægnati ℥ij. ℥liij. gr. lx. olei fere adiposi ℥ij. ℥vij. gr. xxxiv. Massa nigra in retorta residua pendebat ℥vij. ℥vj. gr. xxxvj. quæ rite calcinata per 15. horas reliquit cinerum ℥j. ℥v. gr. xxiv. ex quibus lixivio salis fixi alcali ℥iij. gr. xlv. extracta sunt. Partium jactura in distillatione fuit ℥vij. ℥iv. gr. xiv. in calcinatione ℥vj. ℥j. gr. xij.

Linum catharticum sapore amaro, ingrato, nauseoso donatur. Salem essentialem obtinere videtur tartareo-vitriolicum cum multo oleo foetido conjunctum.

Frequentior est apud Anglos hujus plantæ usus quam apud nos. Herba integra, narrante J. Rajo, cum caulibus & capitulis vino albo per noctem super cineres calidos ad manipulum unum infusa serosos humores purgat satis valide, & nonnumquam vomitum excitat.

Folia recentia contusa ad ℥j. aut alteram sub forma boli aggeruntur, vel herbæ exsiccatae pulvis ad ℥j. cum tantillo cremoris tartari & seminis Anisi intus sumitur & purgat sine molestia. In hydropisi incipienter utiliter præscribitur, & ad febres intermittentes fugandas.

L I T H O S P E R M U M .

Lithospermi species tres occurrunt in officinis , scilicet Lithospermum erectum , Lithospermum repens , & Lithospermum arundinaceum .

Lithospermum erectum , *Off.* Lithospermum majus , erectum C. B. P. 258. *Inst.* R. H. 137. Lithospermum sive Milium solis , J. B. 3. 590. J. Raii *Hist.* 503. Lithospermum minus , *Dodon. Pempt.* 83. & *Gerard.* Lithospermum vulgare minus , *Parkins.* Saxifraga tertia , *Brunsfels* : Anchusæ tertiæ similis altera , *Cæsalpin.* 435. Milium Soler Mauritanis , quod in montibus Soler frequens nascatur , *Serapionis* : vulgo , *Gremil* ou *Herbe aux perles* .

Radice nititur pollicem crassa lignosa & fibrosa : quæ caules multos edit cubitales aut sesquicubitales , erectos , rigidos , teretes , asperos , ramosos , & foliis crebris alternatim donatos duas trefve uncias longis , acutis & asperis , sine pediculis adnatis , & e virore nigricantibus . Quæ in summis caulibus sunt , folia latiora sunt & breviora pro magnitudinis ratione & saturatius viridia . Flores in summitatibus caulis , & ramorum , ex singulis foliorum alis singuli nascuntur , brevibus peculis insidentes , monopetali , candidi seu ex herbaceo albidii , infundibuliformes , in quinque obtusa segmenta partiti , cum calyce hirsuto , in quinque angustas , hirsutas lacinas ab basim usque secto , & pistillo viridi quatuor veluti stipato embryonibus , qui deinde abeunt in totidem semina subrotunda , dura , expolita nitida , leucophæa , (*gris de perle* ,) & exiguis margaritis similia , quæ in calyce ipso satis ampliato raro quaterna , sæpius bina aut terna tantum perficiuntur & maturescunt . In agro Parisiensi sponte nascitur . Semen in usum venit .

Analyfi chymica , ex seminis Milii solis ℥v. per retortam distillatis prodierunt humoris limpidi , inodori , saporis fatui , obscure subsalsi ℥vii. ℥vij. humoris limpidi , fere inodori & insipidi , obscure subsalsi & obscure acidi ℥vij gr. lx. humoris rufescentis , empyreumatici , sale volatili urinoso copioso imprægnati ℥vij. ℥iv. salis volatilis urinosi concreti ℥ij. gr. xxxvj. olei syrupi ad instar spissi ℥vii. ℥v. Massa nigra in retorta residua pendebat ℔ij. ℥xiv. ℥iv. quæ per 16. horas calcinata reliquit cinerum nigrorum , saporis exspertium ℔ij. ℥iij. gr. xxxvj. ex quibus lixivio terræ rufescentis levis aliquantisper falsæ gr. lxi. extracta sunt . Partium jactura in distillatione fuit ℥vij. ℥j. gr. xlvii. in calcinatione ℥xj. ℥iij. gr. xxxvj.

Lithospermi semina sapore donantur farinaceo , glutinoso , nonnihil adstringente . Salem obtinent essentialẽ ammoniacalem cum oleo copioso , & uberrima terra adstringente conjunctum semen hoc cum acidis effervesceat , observante Nehemia Grevv *Experiment.* 22. *de Mixtura corporum* .

Milii solis semen pro insigni diuretico habetur , & blando anodyno . Specificè ad ciendam urinam , vesicam & renes blande stimulandos calculum , & arenulas pellendas commendatur . Renes a mucilagine viscida calculorum fofrice & nutrice optime abstergit , has partes ab acrimonia urinæ optime defendit , si pulveratum ad ℥j. propinetur in vehiculo idoneo . Nonnulli ad arenulas pellendas tritum semen cum vino Malvatico propinatum proficuum exsperti sunt , referente Ettmullero . Alii emulsiones ex hoc semine parant ad eundem effectum .

24. Semin. Milii solis ℥ss. Contund. in aq. stillatitiæ Alkekeng. ℥xij. Colatura dissolve syrup. de 5. Rad. aper. ℥jss. Fiat emulsio in duas doses distribuenda. Sumat æger intra unius horæ intervallum in urinæ difficultate, ad mucum in urinariis viis inhærentem resolvendum, & arenulas expellendas.

Quidam hoc semine calculum renum, & vesicæ comminui, & frangi asserunt. Qua de re Cl. Hoffmannus, & J. Bauhinus valde dubitant, & quidem merito. Ego quidem cum J. Rajo existimo neque hoc semen, neque ullum aliud remedium calculum jam concretum frangere posse. Illud saltem lithontripticum, siquid sit, nondum novimus. Equidem pituitam, & crassos humores, arenulas, aut calculos glutinantes dissolvi, & pelli medicamentis idoneis vel etiam hoc semine concedimus.

Matthiolus, & Freitagius in sua *Aurora Medica*, in gonorrhœa cohibenda hoc commendant semen, & ex eo sequentem pulverem parant.

R. Seminis Milii solis ℥jss. Pulver. Linguae Cervinæ exsiccatae ℥ss. Succini albi pp. ℥ij. M. F. pulvis, cujus ℥j. vel ℥jss. pro dosi singulis diebus mane jejuno ventriculo exhibeatur cum succo Plantaginis, aut Lactucæ.

Idem semen Matthiolus, & alii ad ℥ij. propinant ceu certum & experum medicamentum partu difficili laborantibus, uti & in secundinæ retentione, quod tamen Ettmullerus ulteriori experientia indigere censet. Idem auctor refert, hoc semen ad ℥j. adversus quotidianas febres ante paroxysmum per aliquot dies a nonnullis exhiberi.

Semen Lithospermi usurpatur in Benedicta laxativa, Electuario lithontriptico & pilulis arthriticis Nicolai Alexandrini, in decocto hepatico aperiente & syrupo antinephritico *Phl. Reg.*

Huic semini semen alterius Lithospermi sequentis sæpe substituitur.

Lithospermum repens, Off. Lithospermum minus repens latifolium, C. B. P. 258. Inst. R. H. 137. Lithospermum majus Dodonæi, flore purpureo, semine Anchusæ, J. B. 3. 572. J. Raii Hist. 503. Lithospermum majus, Dod. Pempt. 83.

Radice est longa, crassa, lignescente, tortuosa, nigra: ex qua multi exsiliunt graciles, tenues, nigricantes, longi, alperii, & hirsuti surculi, humi plurima parte procumbentes, subinde fibras agentes: quos folia vestiunt uncias duas circiter longa, semiunciam lata, in acumen desinentia, ex saturo virore nigricantia, hirsuta, aspera. Flores extremis hærent ramulis conferti, violacei, quibus succedunt semina Ervi magnitudine dura candida. Caulis qui flores sustinet, erigitur, & foliis longioribus, pallidius virentibus amicitur.

Iisdem principiis donatur, iisdemque virtutibus pollet.

Lithospermum arundinaceum, Lachryma Job, Offic. Lachryma Job, Clus. Histor. 2. 6. Inst. R. H. 532. Lachryma Job multis sive Milium arundinaceum J. B. 2. 449. J. Raii Hist. 1252. Lithospermum arundinaceum forte Dioscoridis, & Plin. C. B. P. 258. Lachryma Jobi, Gerard. & Parkins. Lachryma Christi, Quorundam: vulgo *Larme de Job*.

Radice est multiplici, in fibras multas divisa: culmis cubitum unum aut alterum

alterum altis, geniculatis: foliis Turcici frumenti similibus, cubito subinde longioribus, uncias duas latis, quibus minora sunt illa, quæ in ramis nascuntur. Ex horumce foliorum alis petioli emergunt, quibus sustinentur grana seu nodi singuli, rarius bini, quæ fructus embryones continent. Ex his nodis prodit glumarum spica mutica, (*sans barbe*) quæ flores apetalos continet plurimis staminibus ex uno calyce surgentibus constantes & steriles. Embryones enim in nodis a floribus sejunctis nascuntur, abeuntque in semina in singulis singula, lævioris politissimi, nitida, ante maturitatem flavescentia, matura, rubentia, duritie lapidea, cicer æquantia, superiore parte turbinata, & composita ex amygdala & testa dura, lignea, & membrana tenui obvoluta. In hortis colitur. In orientalibus plagis sponte nascitur. Semen tantum nonnumquam, at rarissime ad medicos usus usurpatur.

Eædem ipsi tribuuntur vires quæ Milii folis semini. Lobelius illud ad calculum renum, & vesicæ saburram expellendam pulvere aut decocto, ut præsidium vulgatum commendat.

Mulierculæ & moniales feminibus istis lycio seu filo transmissis pro sphærulis precatoriis subinde utuntur, catenulas inde facientes.

L O T U S.

Lotus hortensis odora & Trifolium odoratum; Off. Melilotus major, odorata, violacea, *Moriss. Hist. Oxon. part. 2. 161. Inst. R. H. 407.* Lotus hortensis odora, C. B. P. 331. Lotus sativa, odorata, annua flore cæruleo, J. B. 2. 368. Trifolium odoratum, alterum, sive Lotus sativa. *Dod. Pempt. 571. Melilotus vera, Tabern. Icon. 510. Lotus hortorum odora, Lobel. Icon. T. 2. p. 41. Trifolium odoratum Parkins. Gerard. J. Raii Hist. 950. vulgo, Lotier odorant, Treste musque ou faux Baume du Perou.*

Radix ei gracilis, simplex, alba, lignosa, fibris aliquot donata. Caulis cubitalis & altior, rectus, gracilis, striatus & nonnihil angulosus, glaber, inanis, ab imo statim ramosus. Folia cauli alternatim adnascuntur in pediculis longis terna simul, pallide viridia, glabra, circum oras serrata, inferiora in caule breviora, obtusiora & rotundiora, superiora longiora & acutiora, ut in aliis Trifoliis fere fit. E foliorum superiorum alis longis pediculis nixæ egrediuntur spicæ seu globuli floribus exiguis, papilionaceis, dilute cæruleis, odorem aromaticum cum quadam gravitate gratum & durabilem etiam in decerpta & arida planta spirantibus compositi. Ex singuli floris calyce surgens pistillum abit in capsulam nudam, hoc est in calyce non reconditam ut in Trifolio, asperam, duo aut tria semina fulva, odorata, subrotunda continentem. Seminibus ad maturitatem perductis quotannis perit. In hortis seritur. Folia & flores in usum veniunt.

Hæc planta sale donatur essentiali ammoniacali cum multo oleo tum essentiali, tum crasso copioso conjuncto.

Abstergit, digerit, dolores demulcet, sanguinem effusum & concretum resolvit, vulnera consolidat, a nonnullis etiam inter alexipharmaca recensetur.

cenfetur. Potionibus vulnerariis admifcetur cum cœteris plantis vulnerariis. Summitatum floridarum ad ℥j. in vino vel aqua mulfa decoctum pleuritidi medetur sudorem pellendo : menses & urinam pellit. Tradunt idem decoctum vel ejus fermen tum ad ℥j. ex vino propinatum adverfus venenum, fi quis eo fe infectum fufpicetur, utiliter exhiberi.

Externe in decoctis & fofibus vulnerariis ufurpatur. Oleum fit ex floridis fummitatibus in oleo communi maceratis, quod ad vulnera glutinanda, & ab inflammatione defendenda, hernias puerorum fanandas, tumoresque molliendos & maturandos plurimum commendatur.

Interponitur herba arida vefimentis, quæ, ne a tineis rodantur, defendere putatur.

Aqua diftillata vulneraria cenfetur & ophthalmica.

L U J U L A.

L Ujula, Alleluia, Acetofella, Oxys, Trifolium acetofum, Oxytriphyl- lum & Panis Cuculi, *Off.* Oxys flore albo, *Inf.* R. H. 88. Oxys five Trifolium acidum flore albo, *J. B.* 2. 387. Trifolium acetofum, vulgare, flore lacteo, *C. B. P.* 330 *J. Raii Hift.* 1098. Trifolium acetofum, *Dod. Pempt.* 578. Alleluia, *Lacunæ*, *Lonicæ* : Lujula, *Fracafior* : vulgo, *Alléluia* ou *Pain a Coucou*.

Humilis herba eft Lujula; ex craffiuscula, fquamata, alba vel ex albo rubente ejus radícula longæ & crebræ pendent fibræ albicantes, indidemque emergunt pediculi infirmi, tenues, rotundi, palmares & longiores, terna gerentes folia uni pediculo infidentia, tenuia, latiora quam longiora cordata, pallide virentia, glabra, sæpe deorfum nutantia, fapore acida. Inter hæc alii furgunt pediculi, florem finguli fufinentes unicum, monopetalum, campaniformem, patentem, quinquepartium, albidum, pelucidum cum calyce quinquifido & piftillo floris infimæ parti ad inftar clavi infixi, abeunte in fructum cylindraceum, pentagonum, in quinque loculamenta divifum extrorfum a bafi ad apicem dehifcentia, in quibus, femina continentur nitida, rufefcentia, huc illuc tempore maturitatis cum impetu diffilentia propter vim elasticam calyptræ qua fingula folent involvi. Agri Parisienfis incolæ opacis plurimum provenit locis, in fylvis & ad fepes. Folia ufitata funt.

Analyfi chymica, ex Oxytriphylli floridi ℥v. absque radicibus, diftillatis, prodierunt humoris limpidi, fapore & odore herbaceo, nonnihil falſi urinoſi ℥j. ℥xij. gr. xxiiij. humoris limpidi, odore & fapore herbam virentem referentis, non amplius urinoſi, primo obſcure ſubacidi, deinde acidi magis ac magis impenſe ℥ij. ℥xij. ℥ij. gr. xij. humoris ruſi, alcali urinoſi, ſale volatili urinoſo copioſo imprægnati ℥vij. gr. xxiiij. ſalis volatilis urinoſi gr. xlviij. olei adipoſi ℥j ℥j. gr. liij. Maſſa nigra in retorta reſidua pendebat ℥ij. ℥iiij. gr. xij. quæ rite calcinata reliquit cinerum ℥j. ℥ij. gr. xlij. ex quibus lixivio ſalis fixi mere alcali ℥ij. extracta ſunt. Partium jaſtura in diſtillatione fuit ℥ij. ℥vij. gr. xliij. in calcinatione ℥j. ℥j. gr. xlij.

Oxytriphylli folia fapore acido grato donantur. Eorum ſuccus chartam cæruleam rubro colore tingit : cum oleo tartari mixtus efferveſcit & odo-
rem

rem emittit urinosum. Exsiccata folia prunis candentibus imposita fulminationem quamdam excitant. Salem igitur essentialem obtinet hæc planta nitroso-ammoniacali similem cum oleo & terra conjunctum.

Lujula sapore & viribus cum Acetosa convenit. Sitim sedat, ventriculi ardores extinguit, æstum febrilem mitigat, sanguinis fervorem compescit, bilis æstum temperat & coercet, sanguinem viscidiorum & spissescen em resolvit, nimis dissolutum ab acris salibus exsuperantibus emendat, hos sales irretiendo. Ideo jecur refrigerare & cor roborare dicitur, & inter cardiaca, aperientia & antiscorbutica medicamenta recensetur. In febribus acutis, ardentibus, malignis & pestilentialibus, necnon in scorbuticis affectionibus utiliter userpatur. Ex ea parantur decocta, succus, syrupus, conserva, aqua distillata & extractum.

In jusculis & apozematibus refrigerantibus folia ad M. j. præscribuntur: præsertim ubi adest vehementior humorum æstus; cerebri inflammatio, delirium adsunt aut imminet: linguæ & faucium ariditas & nigredo percipiuntur, hæmorrhagiæ superveniunt: tuncque ejus vis temperans & sedativa tantillo nitri plurimum augetur. Succus defœcatus ad ℥j. aut alteram solus vel cum succis plantarum aperientium & refrigerantium, vel plantarum antiscorbuticarum utiliter iisdem in affectionibus propinatur, vel jusculis & apozematibus admiscetur. Syrupus ad ℥j. & aqua distillata ad ℥vj. in julapiis & potionibus cardiacis, temperantibus, aut antiscorbuticis: Conserva a ℥j. ad ℥ij. Extractum a ℥ss. ad ℥j. in electuar. & bolis præscribuntur.

℥. Succor. defœcator. Lujulæ, Acetosæ rotundæ, Fumariæ, Beccabung. Nasturtii aquatic. Cochlear. Absinth. Trifol. fibrin. ℥ij. Syrup. Oxytriphyl. ℥j. M. F. julapium cochleatim sumendum. In cachecticis & scorbuticis affectionibus. Vel

℥. Extractor. earundem plantar. ℥ss. Vitrioli martis ℥j. Gentian. subtilissime pulver. ℥j. Fiant pilulæ. Dosis ℥j. vel ℥ij.

℥. Folior. Lujulæ M. j. Nasturt. aquatic. & Cochlear. ana M. ij. Po-ma citri recentis una cum corticibus minutim concisis n. ij. Contund. accurate in mortar. marmor. cum tantillo Sacchar. Fiat electuar. antiscorbuticum.

℥. Rad. Graminis, Fragar. ana ℥j. Cuscutæ ℥ss. Coquantur in aq. comm. ℥iij. ad ℥ij. Sub finem coction. adde folior. Agrimon. Trifol. acetosi ana M. ij. Fiat decoctum per cyathos tertia vel quarta quaque hora propinandum infantibus febre lenta cum tumore abdominis cachectico laborantibus, quod a G. Baglivio laudatur si identidem adjiciatur tinctur. Rhabarbari ℥ss. & Syrupi rosar. Solutiv. ℥j. pro decocti ℥vj.

Externe Oxytriphylli succus vel aqua distillata aluminis momento temperata erysipelatis & inflammationibus incipientibus utiliter admove-tur pro fotu, & iisdem os sæpius colluitur ad aphthas & alia oris vitia emendanda.

LUPINUM.

Lupinus, *Off.* Lupinus sativus, flore albo, *C. B. P.* 347. *Inst. R. H.* 392. Lupinus vulgaris, semine & flore albo, sativus, *J. B.* 2. 288. Lupinus sativus, *Dod. Pempt.* 529. *Gerard. J. Raii Hist.* 906. *Tragi* 622. vulgo, *Lupin*.

E radice fere singulari, lignosa & multis capillamentis fibrata, caulis emergit cubitalis & sesquicubitalis, mediocriter crassus, erectus, teres, aliquantulum tomentosus, cavus & medulla farctus, e quo postquam flores in ejus fastigio eminentes maridi facti sunt, alii tres ramuli infra spicam florum prodeunt, quorum singuli non raro & alios quoque modo binos, alios ternos eodem proferunt modo: præsertim si tempestive satus Lupinus, æstatem calidam diuturnamque nactus fuerit. Folia nullo aut alterno ordine posita pediculis duas treleve uncias longis innituntur, ex septem plerumque segmentis oblongis, angustis, e pediculi fastigio eodem puncto enatis, Pentaphyllorum in modum composita, non inepte flabelliformia dicta, seu digitatim pediculo innascentia, e glauco obscure virentia, ad margines æqualia, subtus hirsuta lanugine incana, & quasi argentea ad margines præcipue. Horum segmentorum latera sub vesperam circa solis occasum contrahuntur, ipsaque insuper segmenta ad pediculum terram versus reflexa dependent. Flores in summo cauliculorum spicatim digesti, papilionacei, candidi sunt, pediculis brevibus. Ex eorum calyce surgit pistillum quod abit in siliquam crassam, latam, compressam, tres uncias circiter longam, erectam, fabaceis minorem, pulposam, subflavam, foris tenuiter hirsutam, intus vero glabram, quinque vel sex semina continentem majuscula, orbiculata, & nonnihil angulosa, compressa, quæ & germinationis principium haud obscurum, & qua parte siliquæ adhærent cavitatem quamdam velut umbilicum exiguum habent, foris albida, intus sublutea, & perquam amara. In calidioribus Galliæ regionibus in agris seritur. Semen usitatum est.

Lupini semina plurimum salis volatilis urinosi cum oleo crasso copioso, & terra non pauca conjunctum obtinent. Saporem leguminosum, amarum, ingratum referunt.

Lupinorum usus inter edulia frequens erat tempore Galeni, qui apud nos hodie nullus est. In aqua dulci calida macerati amaritudinem deponunt, & gustui grati redduntur. Galenus elixos cum garo, & oxygaro, vel etiam sine his sale mediocri conditos mandi scribit, & fieri tunc nutrimentum succi crassi, & tarde descendere. At ubi nativa etiamnum amaritudo manet, extergendi digerendique vim obtinent.

Tradunt auctores Lupinorum succum seu pulpamen lumbricos interficere tum illitum, tum addito melle linctum, tum in posca potum. Sed C. Hofmannus *L. 2. de Medicamentis Officinalibus*, *Cap.* 135. §. 10. nos monet cautiores esse in Lupinorum usu interno, quandoquidem Averrhoes

rhoes 51. *Coll.* 39. hoc semen occidere scribit . Quare non oportet intus dare , sed foris tantum farinam umbiculo imponere cum iis , quæ deducere valeant , inquit C. Hoffmannus . Quod quidem monitum Simonis Pauli observatione confirmatur , qui narrat se vidisse puerum octo vel decem annorum cui mater Lupinorum pulveratorum ℥j. circiter in haustulo hydromelli propinaverat adversus lumbricos jussu anus cujusdam edentulæ , paulo post de improvviso exquisitissimis abdominis doloribus correptum , cum ventris intumescencia , respiratione difficili , voce tremula , & oculorum obscuritate fere ad cæcitatem . Unde hausti veneni suspicio parentes occupabat . Hæc cum advocatus S. Pauli vidisset , nullamque sitim urgentem , nullam faucium inflammationem perciperet , statim clysterem lacteum Saccharo insigniter edulcoratum præscripsit , quo injecto , pusio liberaliter alvum graveolentissimam dejecit , qua una excernebatur lumbricorum vivorum , mortuorum , integrorum , corruptorum ingens copia , & supra recensita symptomata illico sedata sunt . At vero si tanta sit Lupinorum malitia , qui fieri potuit , ut Græcis pro alimento fuerint : ita ut Galenus cibum polychrestum eos nominet : & Plinius referat , Protogenem quemdam insignem pictorem madidis Lupinis vixisse , dum nobilem tabulam pingeret , quoniam famem ac sitim sustineret eo legumine , ne sensus nimia dulcedine obstrueret . Vel hanc malitiam cum suo amarore in aqua calida macerati , & cocti deponunt : vel symptomata adeo gravia hujusce pueri non tam a Lupinorum pulvere amaro quam a vermium motu vehementiori per hoc medicamentum excitato oriebantur .

Lupini foris impositi ex emplasticorum genere sunt . Eorum decoctum in fotu alphos , achoras , scabies , psoras , & ulcera maligna curat , partim digerendo , partim extergendo , & citra mordacitatem ficcando . Farina in cataplasmatibus usurpatur , & inter farinas quatuor resolventes , a nonnullis recensetur , Hordei nempe , Fabarum , Orobi , & Lupinorum : quibus tamen pro lubitu substituuntur Frumenti , Secalis , Lentium , Fœnugræci , & Lini farinæ . Strumas , & parotidas Lupini in aceto cocti discutiantur .

Lupini usurpantur in Trochiscis de Mirrha *Rhasis* , & in Unguento ad vermes *Renodæi* .

L U P U L U S .

Lupulus , Lupus , & Lupulus salictarius , Off. Lupulus mas , & foemina , C. B. P. 298. *Inst.* R. H. 535. J. B. 2. 151. J. Raii *Hist.* 156. *Camerar. Epit.* 933. Lupulus , *Dodon. Pempt.* 409. Lupus salictarius , *Gerardi* : Lupulus 1. sive sativus , 2. sive sylvestris , *Parkins.* Lupulus salictarius , spontaneus , & vitis septentrionalium , *Lobel. Icon.* 629. Convolvulus perennis heteroclitus , floribus .
Geoffroy Tom. II. Cc bus .

bus herbaceis , capsulis foliaceis , strobuli instar , *Morison* : vulgo , *Houblon*.

Ex radicibus tenuibus , & sibi invicem varie implicatis *Lupulus* infirmus , & humo se tollere vix potis cauliculos promit longissimos , tortiles , asperos , angulosos , hirsutos , concavos , purpurascens , capreolis destitutos , perticas , & alia adminicula stricte , & tenaciter complectentes , & scandentes : folia e geniculis bina , adversa , pediculis palmaribus asperis , & interdum rubentibus adnexa , modo *Mori* folia imitata , integra in mucronem abeunt , plerumque trifariam aut quinquifariam divisa , totidem mucrones ostentantia , tum hic tum illic per ambitum serrata . Quæ species flores habet , seminibus destituitur . Quæ vero semina gerit , staminibus caret . Flores in mare dicto e foliorum alis , racemosi , cannabacei , colore herbido pallescentes , staminei , apetalis , plurimis staminibus , & calyce pentaphyllo constantes , nullo sequente fructu evanescentes . Fructus in semina , strobilorum instar squamosi , ex plurimis squamis compositi membranaceis , laxis , colore pallido seu ex viridi luteo axi communi affixis , in quarum alis nascuntur semina exigua , compressa , rufa . Allium redolentia , amara , calyptra obvoluta . In sepibus , & pratis regionum tum frigidarum tum calidarum vulgarissimus est . In Anglia , & in Germania *Lupuli* , *Vitium* instar , in *Lupuletis* seruntur , & coluntur magna cura nec minore impensa , depactis prælongis perticis , quas sarmenta conscendunt atque etiam superant . Solo gaudent humidior , lætior , & pinguior , bene stercoreato . Tota planta culta lætior multo evadit , florum thyrsis foliaceis , & squamosis grandioribus , semine etiam paulo majore .

Folliculosi strobili , qui flores non raro sed improprie appellantur , Augusto , & Septembri colliguntur , in furno ad id præparato exsiccantur , in saccos deinde congeruntur , & ad cerevisiæ usum reponuntur . Turiones vere novo erumpentes esitantur . Folia , & radices quoque in usum medicum veniunt .

Analysi chymica , ex *Lupuli* foliorum , & summitatum cum fructibus ℥v. per B. V. distillatis prodierunt humoris limpidi , saporem herbaceum dulcem referentis , primo obscure subsalsi , deinde obscure subacidi ac tandem obscure acidi ℥iiij. ℥xiiij. ℥ij. Massa superstes per retortam distillata præbuit humoris rufescentis , tum acidi austeri , tum alcali urinosi ℥iiij. gran. liij. humoris , rufi , sale volatili urinoso copioso imprægnati ℥vj. olei spissi , fere adiposi ℥iiij. ℥v. salis volatilis urinosi concreti ℥j. gran. xxxiiij. Massa nigra in retorta residua pendebat ℥vj. ℥ij. quæ rite calcinata , in crucibulo per undecim horas reliquit cinerum albicantium ℥ij. ℥ij. gran. xxx. ex quibus salis fixi mere alcali ℥iiij. gran. lxxvj. extracta sunt . Partium jactura in distillatione fuit ℥iiij. in calcinatione ℥iiij. ℥vij. gran. xliij.

Lupuli folia amara sunt . Eorum succus chartæ cæruleæ colorem non mutat . Fructus seu strobili recentes odore non ingrato præditi sunt , & pinguedinem vel resinam aromaticam continent nonnihil viscidam , a qua odor , & sapor amaricans potissimum oriri videntur . Salem obtinent

nent essentialem ammoniacalem, aliquantisper nitrosum cum oleo copioso, tum tenui, tum aromatico & amaricante casto conjunctum: unde fit ut Angelus Sala ex Lupulo saltem essentialem crystallinum seu, ut vocat, tartarum extrahere non potuerit; ammoniacalis enim sal, si præsertim cum multo oleo consocietur, nunquam in crystallos solidas concrevit, sed in arenulam lutosam exsiccatus abit.

Lupuli turiones seu cauliculi vere erumpentes Asparagorum modo coquantur in aqua, & ex oleo, sale & aceto suaviter eduntur, quiri & ex butyro & aliis modis parati. Alvum blande laxant, viscerum obstructionibus ac præsertim hepatis & lienis infarctibus conducunt. Sanguinem fluidiorem efficiunt, hujus latici defæcationem promonent, atque adeo scabiei & aliis cutis vitiis mederi censetur. Vulgus prima Sambuci germina seu gemmas turionibus Lupuli nonnumquam addit, ad purgationem promovendam, quod tamen interdum periculo non caret, notante Conrado Bartholdo Behrens in *Selectis Dieteticis*, & choleras sæpe periculosissimas cum deliquiis animi, sincerique sanguinis effluxu inducit.

Fructuum seu strobilorum Lupuli usus notissimus est toti orbi, ad condiendam nimirum cerevisiam, ne cito acefcat aut corrumpatur, & ut sale suo volatili & oleo aromatico eandem a situ conservent, farinaceum ac lentum gluten attenuent, perque vias urinarias deducant. Insignem amarorem ei communicant, qui tamen ætate paulatim evanescit, cerevisia interim vinosum saporem vetustate contrahente.

Ejusmodi cerevisia Lupulata salubrior existimatur & sapidior: viscerum obstructiones aperit, urinas pellit & menses. Cito tamen caput afficit, inebriat, ac somnolentiam, imo incubum inducit, eoque certius quo cerevisia majori quantitate Lupuli referta, amariorque est, & Lupulus ipse constitutus fuerit. C. B. Behrens enim observat in *Selectis Dieteticis*, Lupulum juxta diversa loca variare, circa Henacum in Thuringia crescere exedentis amaritiei secus ac Brunsvicensem qui suavior est.

An vero Lupulata cerevisia calculo renum & vesicæ atterendo & expellendo conducatur, an econtra ad ejus generationem & concretionem faciat, a nonnullis ambigitur. Qui adversus calculum eam commendant, eo argumento nituntur, quod Lupulus diureticus sit & calidus. Qui usum ejus in calculo damnant, sententiam suam experientia suffulciunt; qua teste; cerevisiæ Lupulatæ, quæ apud Anglos Biera dicitur, usu, calculosorum paroxysmi exacerbantur: qui econtra Alæ, seu cerevisiæ cui Lupulus non fuit incoctus, potu leniuntur & mitigantur: præterea ex quo Lupuli in cerevisia usus apud Anglos introductus est, calculum apud eos epidemicum factum esse, multoque plures quam olim infestasse clamitant. Joannes Raius illis potius assentitur qui usum ejus in cerevisia probant & commendant. Inde enim salubriorem fieri, ventriculo gratiorem & cibo concoquendo utiliorem asserit. Nec obstat, inquit,

quod cerevisiæ Lupulatae potus calculosis interdicator, Alæ vero præscribatur a Medicis. Illud enim fit ad paroxysmos leniendos, cui usui Ala ob lenitatem & lubricitatem seu lævorem suum conducit, non vero ad morbum eradicandum, ejusve causam tollendam. Falluntur autem, pergit idem auctor, qui calculum epidemicum factum, ex quo Lupuli in cerevisia usus introductus est, existimant. Nam quamvis Lupulus frequentioris hodie usus sit in urbe Londino quam umquam antehac fuerit, pauciores tamen inibi nunc dierum quam superiore sæculo, calculo laborant, ut ex accuratis D. Graunt observationibus patet. Quod ad calculum attinet, putamus liquores illos fermentatos spirituosos generationem ejus in corpore humano promoveri, lympham seu sanguinis serum inspissando & ad lapideam usque duritiem coagulando. Quod experientia unicuique patebit, si sanguinis serum in spiritum vini aut ardentem cerevisiæ spiritum infundatur, quod statim concrevit sicut albumen ovi ignis calore coctum, ac tandem prorsus indurevit. Insuper observare licet eos, qui vino indulgent & merum assidue bibunt, persæpe calculo & podagra vexari, quorum morborum eadem causa, eadem materia esse videtur, ideoque non raro in se mutuo transmutantur. Unde & aquæ potatores huic morbo minus obnoxios esse arbitramur: & ad calculum præcavendum plurimum conducere opinamur, si jejuno stomacho largior sit aquæ potus, quo renes & ureteres inundentur & proluantur: ita enim & meatus omnes urinarii dilatantur, & arenulæ una eluuntur.

Lupuli folia sicut turiones & strobili aperiunt, abstergunt, & roborant, ciborum concoctionem juvant, viscerum obstructions lienis præsertim tollunt, urinas pellunt & alvum laxant. In malo hypochondriaco, scorbuto, adversus diuturnas febres, scabiem & alia cutis vitia, in sero lactis aut jusculis alterantibus cum vel sine Fumaria incocta commendantur. Succus adhuc valentior est & bilem ac pituitam per alvum educere dicitur.

24. Carnis vitulinæ ℥ss. Radic. Lapathi sylvestris & Bardan. major. lotar. & taleolatim sectar. ana ℥j. Coque in ℔iij. tum adde turionum vel conor. & summitatum Lupul. Fumar. ana M. ij. Bull. per horæ quadrantem pro duobus jusculis mane & sero hauriendis adversus serpigines, herpes & alia cutis vitia.

Externe insignis est Lupuli usus; observante S. Paulli in sedandis & mitigandis partium externarum dolotibus, in subluxationibus & tumoribus œdematosis, itemque contusionibus membrorum: necnon in podagricis paroxysmis quos fotu cum Cerevisia coctus sedat.

Robertus Boyle *De utilitate Philosophiæ Experimentalis*, sequens pericarpium ad febrem quotidianam fugandam commendat.

24. Salis marini, turionum Lupuli recentium ana M. ij. Uvar. corinthiacar. ℥iij. Probe contusa mixta, & in massam redacta carpis applicentur.

Semen Lupuli ℥ss. pondere pulveratum vermes enecare dicitur.

Radi-

Radicibus Lupuli vis aperiens & sudorifera tribuitur . Carolus Clusius auctor est *Lib. 1. rarior. Plantar. Hist. cap. ultimo , pag. 126.* vulgum & vetulas Salmanticenses Medicinam Empiricam facitare solitas , ad curandam alopeciam a lue venerea ortam hac ratione Lupuli radicibus uti .

Ejus radices pondere libræ unius probe lotas & a sordibus repurgatas per noctem in aquæ libris octo macerabant : postridie in illa ipsa lento igne ad tertiæ partis consumptionem coquebant , vel etiam ad mediam partem , si vehemens esset alopecia . Decoctionem servabant in usum . Ejus ℥viij. mane ægris jejunis propinabant , deinde stragulis injectis sudorem provocabant . Addebant interdum Apii sive Selini hortensis duas aut tres uncias , & Graminis aliquot radices , & passas uvas a gigartis mundatas .

Lupuli turiones vel summitates usurpantur in syrupo de Lupulo dicto , in syrupo de Cichor. comp. *Ph. Regiæ Charas* , & in syrupo Byzantino simplic. *Mesuai* .

M A J O R A N A .

Majorana duplex in Officinis nostris usurpatur , Majorana vulgaris & Majorana nobilis .

Majorana , Majorana vulgaris seu major , *Off. Majorana vulgaris , C. B. P. 224. Inst. R. Hist. 199. J. Raii Hist. 538.* Majorana majori folio ex semine nata *J. B. 3. pag. 2. 241.* Majorana sive Marum , *Dod. Pempt. 270.* Amaracus , *Matthiol. Fuchs. Lugdun.* Sampsucus sive Amaracus , Latinis Majorana , *Cordi* : Majorana vulgaris æstiva , *Parkins.* vulgo , *Mariolaine* .

Ex radicibus tenuibus assurgit humilis & fruticosa hæc stirps palmaris aut etiam dodrantem alta , cauliculis sive surculis tenuibus , lignosis , plerumque quadratis , subhirsutis & tantillum rubentibus , in plures alas divisis , circa quas folia nascuntur ex adverso posita , Origani vulgaris forma , sed longe minora , incana lanugine obducta , odore fragrante , sapore acriusculo , subamaro , aromatico & grato . Circa caulium ramorumque fastigium ex foliorum alis imbricatæ spicæ oriuntur seu capitula quam in Origano rotundiora , densiora , breviora , ex quaternis foliorum liguammatim positorum ordine conflata . Ex earum hirsutarum squamarum sinu prodeunt perpusilli flores albicantes , monopetali , labiati , quorum labium superius surrectum est , subrotundum , bifidum , inferius vero tripartitum . Ex calyce autem surgit pistillum posticæ floris parti infixum . & quatuor veluti embryonibus stipatum , qui deinde abeunt in totidem semina minuta , subrotunda , rufa , in capsula quæ calyx floris fuit recondita . In calidis Galliæ-provinciis sponte nascitur . Hic in horris politur .

Majorana nobilis , Majorana gentilis , Majorana tenuifolia , *Officin.*
Geoffroy Tom. II. C c 3 Majo-

Majorana tenuifolia, C. B. P. 224. *Inst.* R. H. 200. J. R. H. 538. Majorana tenuior & lignosior, J. B. 3. P. 2. 241.

Hæc a vulgari in eo tantum differt, quod sit foliis tenuioribus & fragrantioribus. In hortis colitur. Utriusque Majoranæ folia & summitates floridæ in ulum veniunt.

Analyſi chymica, ex plantæ floridæ, demptis radicibus, ℥v. per vaporarium diſtillatis prodierunt humoris primo turbidi, lacteſcentis ob olei eſſentialis portionem aliquam cum phlegmate conjunctam, odore & ſapore plantam virentem grate referentis, obſcure ſaſi, & obſcure acidi, deinde inodori, manifeſte acidi magis ac magis impenſe ℥iij. ℥xv. ℥iij. Maſſa reſidua per retortam diſtillata præbuit humoris ruſcentis empyreumatici, manifeſte & impenſe acidi, auſteri & ſubſaſi ℥j. ℥vj. humoris ruſi, alcali urinoſi, ſale volatili urinoſo copioſo imprægnati ℥j. ℥v. gran. xxxvj. ſalis volatilis urinoſi concreti ℥j. gran. lxij. olei tum eſſentialis fluidi, tum craſſi fœtidi & adipoſi ℥ij. ℥vij. gran. lxj. Maſſa nigra ſuperſtes pendeſcit ℥v. ℥vj. quæ per horas 16. in crucibulo calcinata reliquit cinerum ℥ij. ℥ij. gran. xxiiij. ex quibus ſalis fixi mere alcali ℥ij. gran. xxij. lixivio ſunt extracta. Partium jactura in diſtillatione fuit ℥v. gran. lvij. in calcinatione ℥iij. ℥iij. gran. xlvij.

Majorana ſalem eſſentialem obtinet ammoniacalem cum multo oleo tum tenui aromatico odoratiſſimo, tum ſpiſſo empyreumatico craſſo conjunctum.

Partibus tenuibus, ſalinis, oleoſis, aromaticis & activis pollet. Cibis non ſolum pro gratia concilianda additur, ſed etiam ad eorum flatulentiam emendandam, aut eorum concoctionem faciliorem efficiendam, iis præſertim qui ſtatus generant ut Piſis, Fabis, Phaſeolis & piſcibus. Humores craſſos & viſcidos digerit & attenuat. Partium fibras torpidas & languide oſcillantes excitat, inertium ſpirituum diſtributionem juvat, ſanguinis motum fermentativum vividiorum efficit. Cerebri nervorumque meatus flaccidos & laxè ſubſidentes reſtituit & aperit. Auxiliatur cerebri & capitis frigidis morbis quovis modo aſſumpta. Valet ad pectoris vitia: ſtomacho utilis eſt: & ad uteri flatus cœterosque ejuſdem frigidos morbos confert. Urinas & aquoſos humores ducit, menſes provocat. Jecinoroſos & lienoloſos juvare dicitur. Cum cœteris aromaticis uſurpatur in affectibus capitis & nervorum, paralyſi, apoplexia, vertigine, artuum tremore, ſpaſmſ & atonia fibrarum nervearum, ac ſpeciati in catarhis. Præ cœteris commendatur in coryza & in oſtaſtus læſionibus. Hartmannus in *Praxi Chymiatica*, pag. 111. aſſerit in Majorana deliteſcere perfectum arcanum pro oſtaſtu abolito.

Ejus pulvis ad ℥j. aut ℥ſſ. cum marmelada florum Aurantiorum quotidie mane jejuno ventriculo tanquam expertiſſimum in epilepſia remedium a nonnullis exhibetur, teſte Roderico a Fonſeca *Tom. 2. Conſilior. Medic.* 80. Aqua diſtillata Majoranæ inter aquas cephalicas & nervinas reſenſetur, & aquas & ſpiritus cephalicos & nervinos, tum interne, tum externe adhibendos ingreditur.

Exter-

Externe contusa vel pulverizata errhinum est optimæ notæ. Quin & ejus folia recentia inter digitos parum trita & naribus immissa sternutamenta excitant, & caput ita purgant. Idem præstant ejus aqua distillata, vel infusum naribus attracta. Nicolaus Chesneau Medicus Massiliensis sequens errhinum a se sæpius expertum in cephalalgia commendat.

24. Radic. Hellebori albi ʒß. folior. Majoranæ pug. ij. Decoquantur in aq. ʒvj. ad consumptionem tertiæ partis; ore aqua pleno utere, naribus attrahendo, ex decocto parum calido in vola manus posito: in dolore atroci, levem enim exasperat.

Aqua Majoranæ distillata catarrho plurimum confert, affirmante S. Paulli, si loco errhini, ore prius simplici aqua vel vino repleto, volæ seu cavæ manui infusa, compressa alterutra nare, altera exhaustiatur: quo errhino summa cum laude Fabricius socer ejus in principe VValensteinio usus fuerat.

Ex eadem herba exsiccata cucuphæ adversus catarrhos & frigidas capitis affectiones cum cæteris cephalicis pulveribus parantur.

24. Folior. Majoranæ, Salviæ, Rorismarini, Betonicæ, summitatum Lavandulæ & Stœchados, Radic. Iridis Florent. & Calam. aromatic. ana q. l. Fiat pulvis, ex quo fiat cucupha interpuncta, excipiendo hunc pulverem pauco Gossypio & includendo in panno sericeo, qui pileo assui potest vel in forma calanticæ gestari, præsertim hyeme.

De horum cephalicorum medicamentorum utilitate in capitis affectionibus nonnulli dubitant. Verum sæpissime capitis dolores & affectiones ex pericranio tantummodo affecto pendent: tuncque cephalica hæc externa maxime juvant. Nec minoris sunt utilitatis eadem medicamenta in illis affectionibus, quæ a causa interna pendent. Si enim attendamus ad vasorum sanguineorum communicationes, nullus dubitationi erit locus, quin cum sanguine tenuiores horumce medicamentorum partes tandem ad interiora cerebri pervenire possint, ibique obstructions referare & prolapsum fibrarum tonum restituere valeant.

Ex Majorana exsiccata oleum essenziale distillatur fragrantissimum, quod si nova distillatione rectificetur, multum adhuc resinosa fecis post se relinquit, observante Frederico Hoffmanno Professore Hallensi. Hoc oleum maxime conducit in affectionibus paralyticis & nervinis, tum interne ad guttam unam aut alteram exhibendo cum Saccharo mixtum sub elæosacchari forma, tum externe eo nucham & spinam dorsi inungendo. Vertici quoque capitis illitum restaurare olfactum amissum Ettmullerus scribit. Familiare est malum infantibus ut nares obstruantur, difficulter respirent, & in lacte sugendo impediantur: cui incommodo oleum Majoranæ, narrante Ettmullero, externe naribus illitum, pro resolvendo muco egregie succurrit vel solum ubi mitius, vel mixtum cum oleo Irino & infuso Nicotianæ, ubi valentius operari debet. Interne autem tuto non attrahi aut immitti debet propter acrimoniam. Balsamum Majoranæ paratur ex Majorana

na viridi in axungia porcina sæpius infusa & ex ejusdem olei essentialis guttis aliquot instillatis . Hoc a S. Paulli plurimum commendatur in catarrho & coryza , si eo pinnæ narium & *μεσόδουρον* inungantur . Eodem quoque nucha temporaque cum in modo dicto affectu , tum in aliis frigidis capitis affectibus utiliter inungi solent . Oleum essenziale Majoranæ in balsamorum apoplecticorum præparatione usurpatur .

℥. Olei nuc. moschat. ʒβ. oleor. essential. Majoranæ , Lavandulæ , Rutæ , Thymi ana gutt. iiii. olei Cinnamom. gutt. vj. olei Succin. gutt. x. M. F. balsamum .

Majorana usurpatur in pulvere cephalico , pulvere sternutatorio , decocto cephalico , syrupo de Artemisia , & in aqua apoplectica Pharmacop. Regiæ Charas .

M A L V A

Inter plures Malvarum species tres potissimum in officinis usitatæ sunt , scilicet , Malva vulgaris flore majore , Malva vulgaris flore minore , quæ indiscriminatim usurpantur , & Malva rosea .

Malva vulgaris , Malva vulgaris flore majore , *Off.* Malva vulgaris , flore majore , folio sinuato , *J. B.* 2. 949. *Inst. R. H.* 95. Malva sylvestris , folio sinuato , *C. B. P.* 314. Malva sylvestris , major , *Tabern. Icon.* 768. Malva erratica 2. vel Malva equina , *Brusfels* : Malva vulgaris , *Parkins. J. Raii Hist.* 599. Malva sylvestris , *Gerardi* , *Omnimorbia nonnullis* : vulgo , *Mauve* .

Radix ei simplex est , alba , paucis fibris capillata , alte in terram descendens , sapore dulci & viscido prædita : caules sesquicubitales & altiores , ex eadem radice plures , teretes , hirsuti , medulla farcti , ramosi , minimi interdum digiti crassitudine fere . Folia singulatim per intervalla caules vestiunt , pediculis prælongis insidentia , subrotunda , ima , nonnihil laciniata , in caulibus magis laciniata , brevi & vix conspicua lanugine hirsuta , atrovirentia , in ambitu crenata . Flores ex alis foliorum exeunt plures simul , pediculis longis , tenuibus , hirsutis innixi , ampli , monopetali , campaniformes , patentes , in quinque segmenta cordata ad imum fere usque divisi , purpuri , saturationibus lineis striati , & nonnunquam colore albo variantes . Ex floris fundo emergit tubus pyramidatus staminibus purpurascens onustus . Calyce sustinetur duplici . Interior quinque partitus arte connivet & quinque lineas eminentes ostendit . Exterior tripartitus est . Ex calycis fundo surgit pistillum infimæ floris parti ruboque infixum , quod deinde abit in fructum planum , orbiculatum , placentæ umbilicatæ seu caseoli formam referentem , calyce involutum , constantem ex plurimis seminibus reniformibus , singulis capsula sua membra-

branacea peculiari cinctis axi fungoso, & striato ita cohærente ut singulæ hujus axis striæ capsulam suam quasi articulatione quadam excipiant. Juxta sepes, semitas & in locis incultis & ruderatis sponte crescit. Folia, flores & semina usitatissima sunt.

Malva vulgaris flore minore, *Off. Malva vulgaris*, flore minore, folio rotundo, *J. B. 2. 949. Inst. R. H. 95. Malva sylvestris*, folio rotundo, *C. B. P. 314. Malva sylvestris minor Tabern. Icon. 769. Parkins. J. Raii Histor. 599. Malva sylvestris repens pumila, Lobel. Icon. 651. vulgo, Petite Mauve.*

Hæc omnibus suis partibus præcedente minor est. Radix non minus alte in terram descendit, ita ut difficulter extirpetur. Caules tenuiores, infirmiores, & in terram reclinati, hirsutiores etiam, verum lanugine breviori: medius tamen non raro erigitur. Folia minora, rotundiora, quæque in summis caulibus sunt minus laciniata præterea nigricant magis, & canitiem quamdam ostendunt. Verum præcipua differentia est in floribus, qui multo minores sunt, & ex pallida purpura albicantes, purpureis lineis striati. Non minus frequens est præcedente, & in eisdem locis proveniens. Indiscriminatim cum præcedente ad usum medicum legitur. Earum radices, folia, flores, semina usitata sunt.

Analyfi chymica, ex foliorum & radicum Malvæ vulgaris recentium ℥v. per retortam distillatis prodierunt humoris limpidi, fere insipidi, & inodori, obscure acidi ℥j. ℥ix. ℥j. gran. lx. humoris limpidi, manifeste acidi, obscure subausteri ℥ij. ℥xij. ℥vij. gran. xxxvj. humoris rufi empyreumatici, sale volatili urinoso copioso imprægnati ℥j. ℥ij. gran. xxxvj. salis volatilis urinosi concreti gran. xlvij. olei ℥ij. gr. xlij. Massa nigra in retorta residua pendebat ℥iiij. & densa erat: quæ rite calcinata reliquit cinerum leucophæorum (*gris de souris*) & densiorum ℥j. ℥vij. gran. xxvj. ex quibus lixivio salis fixi mere alcali ℥vj. gran. lxij. extracta sunt. Partium jactura in distillatione fuit ℥ij. ℥j. gran. lxxvj. in calcinatione ℥ij. gr. xlvj.

Malvæ succus chartam cæruleam non mutat, nonnihil glutinosus est, & saporem herbaceum fatuum tantummodo refert. Salem essentialem obtinet ammoniacalem cum oleo copioso, & uberiori phlegmate ita conjunctum ut mucaginem simul constituent, quæ igne in analysi destruntur. Attamen ab ea mucosa substantia Malvæ præcipua virtus pender.

Malvæ in re alimentaria frequens olim fuit usus, & primum pene locum in mensis obtinuit, quæ hodie evuluit, culinis exulat, & ad Pharmacopœorum officinas prorsus relegatur. Pythagoras dixit Malvæ folium sanctissimum, referente Æliano *variæ historiæ lib. 4. c. 17.* Apud veteres in quotidiano pene usu erat, ut exonerarent ventrem, qua de causa & græcis *μαλάχη ἀπό τοῦ μαλάσσειν* ab emolliendo. Unde Martialis L. 10.

Exoneraturas ventrem, mihi villica Malva

Attulit, & varias quas habet hortus opes.

Galenus scribit nutrire Malvam mediocriter; & si trium istorum olerum
Be-

Betæ Lactucæ, & Malvæ succus comparetur, deprehendi ait, Betæ quidem tenujum esse partium, & abstergerendi virtute donatum: Malvæ autem crassum magis & lentum: Lactucæ inter utrumque medium. Prisci non tantum coctam comedebant Malvam, sed etiam crudam in acetariis cum Lactuca: & adhuc apud nos nonnulli vere novo cymas, & cauliculos Malvæ, Asparagorum more, ex oleo, & aceto prima mensa manducant, ut venter fluidus evadat, sed caveant, ne sicut Cicero ab illis decipiantur. Scribit enim *lib. 7. Epistolar. Epistola ad Gal-lum*, se a Malva deceptum, quoniam ejus esus alvi perfusionem concitasset.

Utraque Malva indiscriminatim usurpatur; humectat, emollit, lenit dolores, urinæ acrimoniam mitigat, & alvum blande laxat. Inter quatuor herbas emollientes communes primum locum tenet: suntque Malva, Althæa, Viola nigra, & Acanthus seu Branca ursina: quibus adhuc aliæ quatuor minoris famæ nonnumquam adjunguntur, Mercurialis nempe, Parietaria, Sicla vulgo Beta, & Atriplex. Omnium siquidem usus æque celebratur in decoctis enematum & cataplasmatum emollientium parandis. Galenus observavit Malvam minus quam Lactuca refrigerare, quod observare licet, inquit, si ex ambobus vicissim oleribus cataplasma ad calidum quempiam affectum, quale est erysipelas, componas; id quod facitare consueverunt, molliuscula folia perquam diligenter tundentes, donec ad lævorem exactissimum redacta sint. Tum namque cognosces Lactucam manifesto refrigerare, Malvam vero modicum, & quasi tepidum quemdam calorem obtinere. Reipsa analysi in Lactuca sal essentialis nitrosus deprehenditur, in Malva vero ammoniacalis.

Malvæ succus ad ℥vj. vel ℥viij. utiliter exhibetur in viscerum inflammationibus, melancholicis, maniacis, & mulieribus ægre parturientibus, teste Matthiolo. Foliorum decoctum vel aqua distillata assidue pota in internis febrium ardoribus, peripneumonia, pleuritide, plurimum conferunt, dysenteriam mitigant, in renum, vesicæ, & matricis inflammationibus, & abscessibus, dysuria, stranguria, utilia sunt. Grulingius *in praxi* decoctum vel aquam foliorum Malvæ ad ℥iij. cum syrupi violacei ℥jss. urinæ ardorem & acrimoniam mitigare, & restinguere illico prima dosi asserit. Quo remedio Forestus semetipsum dysuria, laborantem curasse testatur. Florum Malvæ infusum in aqua, Theæ ad instar, quotidie mane ad ℥j. epotum a D. Chomel *in plantar. usual. hist.* tanquam expertum remedium in dysuria inveterata proponitur. Conserva ex Malvæ floribus parata ab Amato Lusitano *cap. 6. curation. 58.* & ab Hochstetero *in decad. 6. cap. 2. Scholio* in stranguria, dysuria, & aliis affectibus urinariis, uti & pectoris ægri-tudinibus plurimum laudatur. Foliorum, & radicum cum Fœniculo, & Anetho decoctum lactitantibus copiam lactis affert. Folia, flores, & radices in jusculis & apozematibus temperantibus, & emollientibus utiliter præscribuntur. Syrupus e succo foliorum Malvæ, & conserva ex floribus præparata adversus calculosorum dolores commen-dantur.

Malvæ radicum vel seminum decoctum ex aqua aut lacte per aliquot dies potum calidam tussim tollit, pulmonis exulcerationi medetur, & adversus phthisim commendatur. In clysteribus adeo frequens est Malvæ usus ut vix ac ne vix quidem ventrem emolliens ac dolores intestinorum renum, vesicæ, uteri mitigans clyster præscribatur, in quo Malva primas non occupet.

Parantur quoque ex ejusdem foliis fots, & cataplasmata externis partibus imponenda, ad dolores sedandos, inflammationes compescendas, humores acres temperandos, exasperata lubricanda, tumores duros discutiendos, emolliendos, resolvendos, & abscessus maturandos, & ad suppurationem perducendos. Coquantur ex aqua vel lacte. Sæpe adeps purissimus vel olea cum foliorum expressa pulpa consociantur.

24. Radic. Althææ minutim lectar. ℥ij. Folior. Malvæ, Bismalv. Violar. & Acanth. ana M. ij. Seminum Lini & Fœnu-Græci ana ℥j. Flor. Chamæmel. & Melilot. ana M. j. Decoquantur in aq. comm. q. l. Decocto effuso, cætera contundantur, & pulpa per setaceum trajiciatur. Unicuique hujus pulpæ libræ addi potest axungiaë porcin. vel unguenti de Althæa ℥ij. vel olei Lilior. aut Chamæmel. ℥j. & coquendum iterum ad cataplasmatidis consistentiam.

In tinea, & ulceribus capitis, sicca crusta, decoctum Malvæ pro lotionis capitis singulariter commendatur. Ettmullerus hoc decoctum fieri jubet in aqua paululum acuata cum lixivio acri, aut urina sana. Si vero tinea sit humida, & achores sint manantes, tum coquitur Malva cum Pisis in aqua simplici vel cerevisia. Alii unguentum seu linimentum parant ex Malva ejusque radice subacta cum butyro majali non salito, & addita pauca camphora, & fit elegans linimentum, asserente eodem Ettmullero ad loca tinea, & achoribus affecta detergenda.

Malvæ folia usurpantur in syrupo de Althæa Ph. Regiæ *Charas*: semina in syrupo de Hyssopo *Mesue*, Jujubino *ejusdem*, Trochiscis *Gordoni*, Looch sano Pharmacop. Reg. *Charas*.

Malva rosea, Off. Malva rosea, folio subrotundo, C. B. P. 315. Malva rosea sive hortensis, J. B. 2. 951. J. Raii Hist. 600. Malva arborea sive hortensis, Taber. Icon. 756. Malva hortensis, flore simplici, *Eystetens*: *Hastula regia*, *Gesner. horti* cui & Malva Romana: vulgo, *Rose d'Ostremer* ou *Tremier*.

Ex radice longa, alba, lentum mucorem remittente, non alium quam Malvæ sylvestris saporem referente, assurgit ad arbusculæ magnitudinem, stipite crasso, solido, hirsuto, ramis aliquot brachiato. Folia alternatim longis mediocriter & lanuginosis pediculis ex caule oriuntur, singula, lata infima & primum erumpentia rotunda, superiora in caule angulosa, quinque fere aut septem interdum divisuris infecta, in ambitu crenata, supra obscurius virentia, infra albidiora, utrinque pilosa, superne tamen in nonnullis adeo brevi lanugine, ut vix discerni possit: ex quorum alis flores emicant, nunc singuli, nunc bini, ternive,

nive , pediculis brevibus , successive plures , rosæ vulgaris magnitudine ; monopetali , campaniformes , patentes , & in quinque partes profunde usque ad imum fere divisi , colore vel rubro , vel puniceo , vel saturo sanguineo , vel carneo vel albo , interdum luteo , iique modo simplices , medium occupante cono apiculis subluteis , & purpurascentibus prædito : modo multiplici petalorum fœtu luxuriantes . Insident autem hi calyci geminato , cana lanugine pubescenti . Fructum post se reliquunt in pistilli formam compressum , & Malvæ sylvestris similem , sed majorem . In hortis feritur . Flores usitati sunt .

Ipsa planta , inquit Ettmullerus , minus temperata est , quam ejus flores rubri præsertim , qui blande sunt adstrictorii , & ob hanc causam a Paracelso inter vulneraria relati . Gargarisma ex his floribus cum lacte paratum a S. Paulli commendatur pro tonsillis male habentibus , ut magnæ efficaciz remedium . Et ab Ettmullero laudatur hoc gargarisma anodynum in inflammationibus tonsillarum , angina , & faucium exulceratione . Quinetiam iidem flores exsiccati , pulverizati , & cum melle despumato , & aluminis tantillo mixti , ac gingivis illiti efficacissimum præbent remedium , affirmantibus iidem S. Paulli , & Ettmullero , adversus oris gingivarumque corrosionem & laxitatem scorbuticam .

M A L U S .

MAlorum nomine fructus omnes molli tunica vestiti intelliguntur , ex quibus Poma præcipue commendantur . Quin & Pomum etiam generale nomen est , cujus significatio latius patet quam Mali : nonnulli enim nucem etiam hoc nomine complectuntur . Alii tamen nucem a Pommo ita distinguunt , ut Pomum sit quicquid foris habet quod edendo est , durum intus includit : nux quicquid foris duriore corio tegitur , intus habet quod edendo est .

Malus autem sive Pomus vulgo *Pommier* arbor est notissima , cujus duo genera distinguuntur , sativum unum , & agreste . Malus sativa iterum in duo genera dividitur , majorem nempe , & minorem . Major ad arboris mediocris magnitudinem assurgit , minor vero vix arbusculæ altitudinem superat . Eorum fructus Malum sive Pomum dicitur .

Malus sativa , vulgo *Pommier cultivate* , arbor est magis patula plerumque quam alta : cortice scabro , sæpe muscoso oblecta , foris cinereo , intus flavo ac lævi potius quam aspero , materie alba vel candicante , fragili , mediocriter dura , & variis utensilibus parandis atque ad torni artificium haud incommoda : radice non valde multa , nec admodum profunda , sed in summo fere terræ obhærente . Folia ex rotundo oblonga , vel obtusa vel acuminata , inferne villosa magis quam superne , præsertim nova , in ambitu crenata , alternatim posita . Flores simul multi , ex brevibus tomentosis pedi-

pediculis , suaveolentes , rosacei , singuli quinque petalis candidis vel purpurascensibus , in orbem positis constantes , apicibus in medio subflavis , & calyce viridi quinquepartito , qui deinde abit in fructum carnosum , fere globosum , plerumque utrinque umbilicatum , in quinque loculamenta divisum , seminibusque foetum callofis & oblongis . Hic fructus Malum dicitur , magnitudine & figura varius : quippe alius rotundus , alius turbinatus , quidam angulosus . Sunt etiam qui ad pugni gemini magnitudinem accedunt , sunt & parvi , & mediocres , tunica omnes contexti vel pallida , vel flavescente , interdum rubra aut ex toto aut ex parte , rarius subcinerea , aut ad glaucum vergente , cui caro seu pulpa subest mitis , odorata in maturis , in immaturis & sylvestribus durior : sapore vel dulci , vel subacido aut vinoso , vel acido dulci : in sylvestri , austero atque acerbato . Pediculo suo unusquisque adhæret , eo ipso longitudine & crassitudine diverso , e parte inferna , atque ut plurimum cavata , rarius prominente emerso , in cujus opposito , parte nimirum superna , est id quod *πυθμὲνα* quidam vocant ex Polluce , alii *ὀμφαλον* umbilicus seu cavitas quædam , cui inutile floris residuum insidet . In ipso fructus meditullio , seu volva Scribonio dicta , semina latitant oblonga , altera parte obtusa , altera acuta , qua petiolum spectant , intus latentia , per maturitatem nigra , membranis quibusdam cartilagineis , ceu parietibus intergerinis sejuncta , ita ut singula in singulis latitent cellulis , interdum etiam gemina , quorum medulla candida , sapore subdulci .

Mali unam dumtaxat speciem J. Raius agnoscit . Infinitas quæ feruntur species , varietates tantum esse existimat , accidentibus quibusdam , magnitudine , figura , maturescendi tempore , differentes , quæ sationi originem suam debent : cum ex seminibus satis novæ in dies exoriantur . Nonnihil varietatis quoque ex insitione emergit , qua nempe succus ex acerbato aut acido in mitem mutatur .

Amat quævis fere loca Malus , si ferventiora excipias , sed maxime temperata aut etiam humidiora , non tamen frigidissima . Rara est in interiore Italia & Gallo-provincia ob cœli fervorem . A Normannis ob potum quem ex ejus fructo parant , præcipue celebratur & feritur diligenter .

Mala seu Poma apud nos secundas mensas toto fere anno instruunt . Eorum , ut diximus , plures sunt differentiæ , quas hîc recensere operosissimum & inutile foret . Quasdam tantum apud nos usitatiores indicabo .

Mala Paradisiaca *Ruellii de natura stirp.* 251. Poma seu mala præcocia , *Tabern. Icon.* 998. vulgo , *Pommes de Paradis* : præparva sunt , mellea dulcedine , præcoci celeritate quasi verna , & omnium fere Pomorum fugacissima . Alia fructu sunt candido , alia fructu rubro .

Poma Rambura *Ruell. de n. stirp.* 251. vulgo , *Pommes de Rambour* : prægrandia , rotunda , callo fragili , tenero , mira & suavitate gustus & teneritudine , ita ut in ore frusta liquecant , sed ut fugientia diu servari non possunt . Facile ad prunas assantur , & ægris potissimum destinantur .

Poma Capendua , *Ruell. de n. stirp.* 251. Poma Capenduta , *Curtipendia* sive *Curtipenda* , *Carol. Steph. Præd. rustic.* 147. Mala Cestiana quibusdam , *Lugd.* 286. Mala Curtipendula dicta , *J. B.* 1. 21. vulgo , *Pommes de Courpendu* ou de *Capendu* ou *Pommes de Bardin* . Sic dicta sive quod brevi pendeant pediculo , sive Carpendula ἀπὸ τοῦ ἀρπυζ a fructu ut vult *Lud. Durétus* , quod inter fructus primas teneant : magnitudine media , colore alia griseo , alia rubro , alia rufa , alia dura , odoratu suavia , saporis grati , minime fugacia .

Renetea , Mala Prasomila , *C. B. P.* 433. Poma Renetia , *Caroli Stephan. Præd. rustic.* 147. acido dulcia sunt & vulgatissima , quorum plures distinguuntur species ; alia enim e viridi pallefcunt , *Renettes vertes* ; alia albicant , *Renettes blanches* ; alia flavescent , *Renettes rouffes* ; alia e viridi ferrugineo colore distinguuntur quæ *Renettes grises* , & inter cetera plurimum commendantur .

Rosea Mala Petri *Gontier de sanitate tuenda* 196. & Poma Appiana ejusdem : Mala Apiola & Milerosa *Matthiol.* quorum species duæ , majora & minora sunt : colore albo & roseo elegantissima , inodora , sed propter coloris gratiam , & propter aquæ deliciosæ ubertatem , qua os mandentium abluunt & sitim restinguunt , a principibus , fœminis aut aliis delicatulis plurimum expetita .

Passipoma seu Calvilæa , *Petri de Gontier sanitate tuenda* 196. Passipoma , *Ruell. de n. stirp.* 251. mediocri sunt magnitudine , turbinatiore figura , carne suavi , dulci , prætenera , gustu perquam jucundo , semine per maturitatem in utero sonante . Eorum tria sunt genera , alba & inodora , *Calvilles blanches* ; rubra , foris & intus rubro colore tincta , & odore quasi violaceo fragrantia , *Erythromelon* magnum , *Parisiacum* , *J. B.* 1. 14. *Calvilles rouges* ou *Calvilles d'autonne* : dilute rubentia , *Calville clair* . Saporis gratia omnibus aliis , ut mihi videtur , antecellunt , potissimum si nimis non maturuerint , quo tempore farinacea gustu percipiuntur . Sed ut mire placent , ita cito fugiunt .

Poma Castinia , *Ruell. de n. stirp.* 252. *Pommes de Chataignier* ou de *Martrange* : sunt oblonga , dura , mediocri magnitudine , sapore austeriore quasi castaneæ .

Roma Francetura , *Ruell. de n. stirp.* 252. *Pommes de francatu* . Rotundo habitu & amplo , colore partim rubro , partim luteo , grata acerbitate , quæ tandem in dulcedinem degeneret . Diu servari possunt & apnicula sæpe reperiuntur .

Poma Fœniculata oblonga sunt , mediocri magnitudine , colore cinereo ferrugineo , sapore grato , dulci , saccharato , ad Anisi vel Fœniculi fere saporem accedente . Ideo *Fenouillettes* ou *Pommes d'anis* .

Harum & aliarum fere innumerarum Malorum specierum non eadem est temperatura . Errant igitur , qui de Pomorum qualitatibus judicium ferunt nulla adhibita distinctione . Ratione saporis quem Medicus primario respicit , alia sunt dulcia & fragrantia ut nostra Calvilæa , & acido-dulcia ut Renetea quæ per tempus omnino dulcescunt ,

quæ

quæ utpote temperata saluberrima censentur , frigidis aut debilioribus stomachis conveniunt , reficiunt , ac nutriunt , & egregium præbent alimentum medicamentosum . Alia sunt acida , ut sunt ea quæ dicuntur apud nos *Pommes cossinates* , quæ refrigerant , conducuntque ventriculo crasso ac viscido humore repleto , utpote quem acida hujuscemodi incidunt ac detergunt . Flatus tamen , & alvi obstructions pariunt : & si cruda frequentius comedantur , nervis nocent . Quædam sunt aquosa , & fatui saporis , quæ cum facillime in ventriculo corrumpantur , nullius fere usus sunt . Quædam austera sunt , ut *Poma Castinia* , quæ crassioris sunt substantiæ , tardius per alvum descendunt , eamque sistunt , constringunt , & roborant . Immoderate comesta colicos dolores pariunt .

Rejicienda omnis generis *Poma* , antequam in arboribus maturuerint , decerpta . Concoctur enim difficilia sunt , tarde permeant , pravi sunt succi , & eximie nocent : unde variis , & gravibus morbis tenentur pueri fœminæque , ingluviem *Malis* vix dum inchoatæ maturitatis explentes . Cruda omnia , recens lecta flatulenta sunt , in debilioribus ventriculis difficile coquuntur , colicos dolores pariunt , & a nonnullis dicuntur nervosis partibus infensa . Optima sunt *Renetia* nostra , quæ in hyemem , & ad proximum ver usque asservantur , ceu non ita cruda , humida , & flatulenta : ita enim maturitatem quam non plenam a sole acceperant , ab ætate nanciscuntur .

In repositione *Poma* caduca bene separanda , ne putredine sua cœtera inficiant . Cœlo sereno collecta super asseribus collocentur , vel super palea triticea in loco frigido reponantur spectantibus fenestris ad aquilonem , vel in hordei acervo sepeliantur . Ab aliis per seriem in dolio , substrata , & superimposita palea , reconduntur ; sic extractis variis *Pomorum* , & paleæ areis aut stratis , donec impletum sit dolium , illud ita accurate operiunt , ut aerem non admittat . Sic in vernum usque tempus durant , ac magna copia huc ex *Arvernia* nobis quotannis afferri solent . Verum ne a frigore nimio congelentur , diligenter cavendum est : ideoque cum gelu vehementer ingruit , vel stragulis superjectis , vel telis cannabinis aqua madidis vel copioso stramine præsertim avenaceo , contegenda sunt , vel in cellam subterraneam profundiore recondenda , ubi a gelu etiam vehementissimo tuta , & illæsa latitant . Quod si incuria semel congelata fuerint , non igni admovenda ut restituantur , sed in aquam frigidissimam conjicienda , ut pristinam naturam recuperent : gelu scilicet ab interioribus ad externam *Malorum* superficiem , quæ glacie paulo post cooperta reperitur , revertente : quod equidem mirum . In ovis congelatis non modo idem evenit , sed etiam in omnibus corporis humani partibus quæ gelu rigent ; quare talis pernionibus afflictis idem præstitisse auxilio fuerit .

Coctione , & assatione omnium malitia emendatur , & flatulenta tollitur . Coquendi autem varia est ratio . Assantur , elixantur , friguntur , variis modis condiuntur cum saccharo , cum butyro , aut aromatis quibusdam . Ex iis placentæ conficiuntur , opera dulciaria diversa fabri-

cantur, pastæ gelatinæ parantur. Secta per medias, seminibus membrâ
nisque purgata in furno siccantur.

Licet Poma sint cuilibet genti gratissima, quibus ob salubritatem,
& suavitatem odoris saporisque nec ulla mensa caret nec officina phar-
maceutica, quæ eorum succis utitur ad confectionis Kermeticæ, &
syrupi Regis Sapor condituram, ut etiam ipsorum carne ad unguenti
Pomati confectionem, nihilominus Arabes de illis finistre admodum sen-
tiunt. Averrhoes *V. colliget cap. XL.* sic loquitur, „Poma generant
„grossam ventositatem in secunda, & tertia digestionem, & possunt
„inducere phtisim, & hæcticam: quia flatus ab illis elevatus habet
„proprietaem ad erodendas arterias pulmonis. “ S. Sethi illa pro-
prietate quadam nervis obesse scribit. Rhasis *ad Almanzorem*, im-
plere Poma viscosis humoribus stomachum: *in Aphorismis* vero Poma
acria oblivionem inducere asserit. Hippocrates quoque *Lib. 5. Epide-
mior. sect. 7.* docet oculis noxam afferre Lentem, Poma dulcia, &
olera: Idem *Lib. 3. de Diæta IX. 4.* inquit: „At Poma fortiora sunt,
„quam pro humana natura. Melius est igitur a Pomis abstinere.
„Si vero quis cum cibis utatur, minime deliquerit. “ Caspar Hoff-
mannus Pomorum crudorum malitiam comprobat motus exemplo cujus-
dam Jurisconsulti Scipionis Gentilis dicti. Hic laborabat vertigine,
quam duo maximi Medici frustra tractabant. „Relata re, inquit,
„ad Matthæum patrem, qui tum in Anglia vivebat, responsum
„venit. Tu nimis caperis crudis Pomis post prandium, & cœnam,
„quæ indicibiliter corrumpuntur. Abdica, & viceris. Factum fuit ut
„dictum est. “ Nec magis Pomis favet S. Paulli *in quadr. Botanico*,
qui sexagesimum tertium ætatis annum agens narrat se ab anno qua-
dragesimo cordis palpitatione per longa mensium intervalla, & ple-
rumque sub autumnum infestari, quæ quidem a Pomorum crudorum
esû augebatur. Hæc autem sunt illius verba. „Laudabunt igitur alii,
„quanto velint opere, usum Pomorum adversus gravissima cordis sym-
„ptomata, per me licet: ego vero, qui antehac numquam esum
„mitiorum sed crudorum Pomorum a prandio, & cœna averfatus sum,
„manifeste adverti, me non quidem vertigine, instar Scipionis Gen-
„tilis, corripî, sed perfacile ab illorum esû cordis palpitatione infe-
„stari, eamque pertinacius mihi molestam fuisse, nisi sub autumnum
„venam brachii fero incidendam curarim; ab iis crudis, licet mitibus
„jam abstinere aut rarenter iis vesci sum solitus: præsertim cum semel
„atque iterum incubum ea nocte sim passus, qua a cœna suavitatem
„Pomorum crudorum captus, ad satietatem usque ea esitavi. “
Galenus *de cibis 8.* scribit Poma, & Pyra medicamentum potius esse
quam alimentum. Idem succi Malorum pravitatem arguit ex eo quod
expressus succus facile acescat, & ebulliat statim ut mustum. Quod de
crudis Pomis intelligendum. Cocta autem minus nocere idem Galenus
lib. de victu atten. 2. concedit. Schola Salernitana *cap. VII. de vitandis*
cibis sic canit:

Perfica, Poma, Pyra, & Lac, Caseus, & caro salsa:

Et caro cervina & leporina, bovina, caprina:

Atra hæc bile nocent, suntque infirmis inimica.

Dicuntur & calculum illis generare, qui ad satietatem utuntur; inquit Arnaldus Villanovanus, in commentariis in Scholam Salernitanam.

J. Bauhinus se vel suo periculo didicisse scribit fungosam Pomorum substantiam ventriculo frigidiori atque intestinis haud esse commodam. Nam præterquamquod diu in ventriculo obhærescit, flatus excitat atque dolores: adeo ut ab illis, & coctis, & crudis abstinere cogeretur. Pyra vero sive cruda sive cocta facilius ferebat, meliusque digerebat. Anasarcam ab iisdem nimia quantitate ingestis ortam aliquando fuisse, particularis Ridlini observatio est in *Actis Lips. ann. 1709. p. 317.*

Verumenimvero quidquid dicant Pomorum accusatores, Poma sanis alimentum præbent familiarium, & quamplurimis saluberrimum, ægrotantibus quibusdam non solum innocuum, sed etiam utile, in primis melancholicis, si eis in prandio, & cœna vescantur, aquam tantummodo pro potu bibentes. Sic enim facile digeruntur: ægre vere concoquantur in ventriculo, si vino consociantur. Confitendum est tamen ea non omnibus naturis convenire, non nimia quantitate devorari debere, nec nisi bene matura comedenda, læpius cocta crudis anteponenda; nec sola, sed cum cibus, & præsertim cum pane esitanda, & diversa Malorum genera diversis naturis, aut affectionibus esse accommodanda. Ipse Galenus nos docet quodlibet genus Mali in suo genere non spernendas doses obtinere, nec a mensarum honore repellenda. Austeris Pomis utendum, cum in ventriculus vel propter calidam intemperiem, vel copiosam humiditatem imbecillus fuerit; acidis vero; quando crassus succus, qui non magnopere frigidus fuerit, in stomacho collectus fuerit: alvum quidem humectant, & dejectiones movent, incidendo crassos humores, qui in ventriculo sunt; quod si vero ventriculum purum, & pravi humoris expertem invenerint, ventrem magis sistunt. Dulcia autem Mala cum ad calidam qualitatem vergant, frigido ventriculo conveniunt, ventrem solvunt, minimeque inflationes movent, ac saluberrima habentur. Calvilæa, & Renætia cæteris antepono: hæc acido-dulcia sunt ac per aliquod tempus asservata prorsus dulcia evadunt: illa prorsus dulcia sunt. Utraque gustu lapido grato, odore fragranti. Unde non immerito inter cardiaca recensentur, nempe ratione tenuium partium, quibus donantur.

Analyfi chymica, ex Renæteorum Malorum lbv. semotis seminibus, membranis cartilagineis, & pellicula, per retortam distillatis prodierunt humoris limpidi, fere inodori, & insipidi, obscure acidi lbj. ℥ix. Zij. gr. lx. humoris manifeste acidi magis ac magis impense, deinde magis ac magis austeri lbij. ℥ix. ℥vj. gr. xxxvj. humoris rufi empyreumatici, impense acidi, & maxime austeri ℥iij. ℥vij. gr. xliij. olei spissi ad instar extracti Zij. gr. xxx. Massa nigra in retorta residua pendebat

℥v. quæ per sex horas rite calcinata reliquit cinerum ℥ij. gran. xxiii. ex quibus lixivio salis fixi mere alcali ℥j. gr. xxxvj. fuerunt extracta. Partium jactura in distillatione fuit ℥iij. ℥iij. gr. xlvij. in calcinatione ℥iij. ℥v. gr. xlvij.

Calvilæa mala humores præbuerunt minus austeros, paulo minus acidos, oleum minus crassum.

Utraque Mala contusa, & expressa succum præbent sapore dulcem, nonnihil mucosum, multo fere similem, qui per fermentationem vinosus fit, ac tandem acetit. Succus fermentatus, & vinosus non parum spiritus ardentis distillatione fundit. Mala, & eorum succus odorem fragrantissimum, & sæpe sua vehementia molestum spargunt. Salem essentialem obtinent tartareum, sed tenuiorem quam in uvarum succo, qui quidem sal fermentatione vel leviori volatilis fit, & in auras dissipatur. Tenuibus hisce partibus salino-acidis cum sulphureis aut mucosis nonnullis etiam tenuibus intermixtis, & consociatis. Mala, & eorum succus plurimum pollent adversus melancholiam hypochondriacam, & alias melancholicas affectiones, spissiolem sanguinis, & humorum crasim dividendo, attenuando, blandam in sanguinem fermentationem suscitando, obstructions resolvendo; cordis palpitationi, spasmodicis motibus sæpe medentur, & hac ratione inter cardiaca medicamenta recensentur. Alvum blande laxant, & pertinaces alvi melancholicorum constipationes solvant. Bilem subtilem, & acriorem temperant, & involvunt, atque in febribus ardentibus plurimum conducunt: sitim sedant, & eorum decoctum pro potu vel julapia ex his parata febricitantibus utiliter exhibentur. Prosunt etiam in ictero, in hepatis, & glandularum mesenterii infarctu. Cocta Mala, tenuioribus partibus exhalatis, succo suo mucoso tartareo abstergentem, emollientem, involventem, temperantem & orgastices sanguinis commotiones compescentem qualitatem offerunt, tussim leniunt, expectorationem promovent: & in decoctis bechicis usurpantur. Hecticis, phthisicis utile præbent medicamentosum alimentum. Serum lactis in quo Renetæa aut acida Mala decocta fuerunt, æstuantia viscera temperat, humorum effervescentiam compescit, ardore & acrimoniam demulcet, obstructions aperit, & alvum blande emollit & laxat.

℥. Seri latis ope coaguli vitulini separati ℥ij. Poma Renetæa redolentia taleolatim secta n. ij. Coquantur per semiquadrantem horæ. Fiat colatura, qua dissolve syrup. de Pomis simpl. aut alterum pro indicatione. Hauriat æger per vices vel mane jejuno ventriculo, vel tertia, aut quarta quaque hora, ad ℥v. vel ℥vj. pro singula dosi.

℥. Radic. Cichor. Fragr. ana ℥j. cortic. Tamarisci, & Cappar. ana ℥ss. Coquantur in aq. communis ℥iij. ad ℥iijss. Tum adde Malum Renetæum taleolatim sectum, & folior. Agrimon. Hepatic. Ling. cervin. & Ceterach. ana M. j. Summitarum Lupul. M. ss. Coquantur per semiquadrantem horæ. Fiat colatura pro apozemate aperiente, in quo dissolve syrup. de Pomis vel Violar. ℥iij. Dividatur in sex doses.

℥. Hor-

℥. Hordei perlati, & Orizæ ana ℥ss. Radic. Gramin. M. j. Coquantur in aq. comm. ℔iiij. ad ℔iiij. Tum adde Liquiritiæ rasæ, & contusæ ℥j. Passular. excacinatar. ℥ss. Ficus, & Dactylos ana n. iiij. Coquantur per horæ quadrantem. Sub finem adde Pomum Reneræum ad ignem tostum. Fiat colatura, pro decocto pectorali.

Gesnerus in vitiis pulmonis, & dyspnœa Pomum assum excavatum, & drachma thuris repletum felici cum successu comedendum dedit. Idem remedium adversus pleuritidem plurimum commendatur. Sudorem nonnunquam movendo sanat. Quidam cum succo Pomorum acidorum limaturæ martis affuso tincturam seu extractum martis præparant in viscerum obstructionibus utile. Alii salem martis cum syrupo de Pomis simplici vel purgante consociant ad puerorum, & infantium cachexiam debellandam, necnon etiam ad rachitidem incipientem arcendam.

℥. Salis martis ℥ij. Solve in infusi Gentianæ ℥j. Adde syrup. de Pomis simplici. ℥ix. Misce Dosis ℥ss. ad ℥j. bis in die.

Externe cataplasma ex carne Pomorum igne assorum, vel in aqua aut lacte coctorum pulmenti ad instar in ophtalmia, & inflammationibus aut doloribus oculorum, necnon etiam ad oculos ex percussione, & contusione vulneratos plurimum commendatur. Nec minori commodo Poma putrida oculorum inflammationibus aut tumoribus quibuscumque imponuntur. Memorabile est experimentum, quod S. Paulli refert in *quadr. Botanico*. „Recordor, inquit, honestissimam matronam mihi „fassam, sibi a Lithotomo quodam Stralsundensi, femur gangræna „corruptum, omnino restitutum esse, postquam illius sualu Poma „putrida contusa, & sine ullius liquoris affusione cocta, cataplasmatibus „forma semel atque iterum applicuisset. “ Ab Ettmullero aqua ex Pomis putridis per alambicem distillata magnopere laudatur in quibusvis inflammationibus, & contra gangrænam; non secus ac adversus fluxus sanguineos vulnerum, atque ulcera maligna putrida antiqua ex quacumque causa orta, ut & in ambustis. „In hac aqua, inquit idem, „si solvatur Mercurius dulcis, vel saccharum saturni, fit egregia ad „ulcera phagædenica, telephia, & cacoethea, quæ experta est a „quamplurimis, & arcana esse dicitur nonnullis: item in cancro „putrido, & corrosivo prodest, si scilicet linteum quadruplicatum hac „aqua humectatum imponatur, & quidem hoc non in cancro solum, „sed etiam in ulceribus corrosivis verum esse experientia Chirurgorum „constat. “ Hactenus Ettmullerus, qui etiam eandem aquam cum saccharo saturni mixtam, & cum linteis impositam egregiam dicit in ambustis.

Succus Pomorum usurpatur in confectioe Alkermes Ph. Reg. *Charas*, in syrupo de Pomis laxativo *Regis Sapor*, & in syrupo de Pomis comp. D. Blondell. In *collect. Pharmac. Penicher*. Poma Reneræa usurpantur in unguento pomato officinali P. Reg.

Inter omnes ex fructibus paratos potus post vinum, Pomaceum præstat. Hoc utuntur præsertim inferioris Neustriæ sive Normanniæ populi, vocantque vernacula lingua *du Cidre*. In Vascitania, necnon

in quibusdam Hispaniæ regionibus , ubi ob cœli inclementiam exiguus est vini proventus , familiaris etiam ejus est usus . Sic fere conficitur .

Poma leguntur carnis solidiusculæ , & multi succi ; medio circiter Septembre , cœlo sereno . Hæc in acervum congeruntur , & soli per dies triginta exponuntur , ut qui in iis redundat aquosus humor , consumatur . Hæc sinuntur , donec maturitatem fere adepta sint , quo scilicet tempore gratum exhalant odorem . Si enim nimis maturentur , Pomaceum fiet aquosum debile : quare debent esse in primo maturitatis gradu . Deinde molis versatilibus , & trusalitibus contunduntur , prælo committuntur , tum in cupas deferuntur , ubi vini in modum fervent . Quod si Mala sint asperioris saporis , solidæ carnis , & pauci succi , modicum aquæ vel in cupas vel in prælum aspergitur , ut facilius comminuantur , & Pomaceum non pinguescat . Qui primus succus exprimitur , Pomis vi præli non conculcatis , sed mola tantum crassiuscule contusis , cæteris omnibus dulcior meliorque existit , & seorsim in doliis potest recondi . Poma vero in tinis residua post sufficientem fermentationem , & ebullitionem prælo committuntur , ut denuo conculcatus succus eliciatur , qui vinosior dici potest , & priori potentior seu acutior . Hic doliis inclusus de novo fervere , fermentatione purgatur , ac tandem in vasis rite occlusis , partibus heterogeneis secretis clarus evadit . Secundarium Pomaceum fit , cum magma Pomacei conteritur secundo , & comminuitur , tum multa aqua affunditur , maceratur ac tandem fervere . Hoc longe debilius famulitio debetur .

Est alter Pomacei parandi modus , sed hoc priore longe inferior : cum scilicet ipsa Poma contusa , & contrita in dolium injiciuntur , quod aqua postmodum repletur , maceratur , fermentatur , despumatur , donec aqua Pomorum virtute sit imbuta , & succo vinoso saporata : hinc usui asservatur .

Variae autem sunt Pomacei differentiae , a colore , sapore , & parandi modo petita . Aliud enim coloris est rubelli , ut quod fit ex Pomis foris intusve rubescentibus : aliud flavescit , & est coloris Citrii , unde Citrum , & corrupte Cidrum nominari nonnulli contendunt . Licet alii hoc nomen derivent a Sicera , antiquissima voce , quæ licet Hebræa , tamen latinum sonat , & omnem significabat potionem quæ extra vinum inebriare potest . Aliud ut aqua limpida clarescit .

Paratur delicatissimum Pomaceum ex Pomis dulcibus , & fragrantibus , quod gustu dulce acutum deprehenditur . Mediocriter calefacit , satis nutrit , & omnibus stomachum frigidum habentibus utile . Dum recens est , flatus generat .

Ex acidiusculis Pomis quod concinnatur , acidiusculum quidem est , sed æstate magis clarescit , minus calefacit , sitim extinguit , sed frigidius , & crudius existit , difficilius digeritur , atque modicum nutrit . Acidum autem Pomaceum , sive hoc habeat a Pomis acidis , sive acorem tempore contraxerit , facile permeat , jecori , & stomacho æstuantibus apprime utile est , bilem obtundit , vomitus , & fluxus biliosos sistit .

Quod

Quod si dulcibus acida Poma misceantur , citius acefcit , fed non omnino illaudandum .

Ex Pomis fylveftribus quod fit , diutius fervatur , fed non æque jucundum : afperum eft & fanitati minus proficuum ; nonnifi poft longum tempus affumendum .

Recens paratum , nondum defœcatum infalubre eft , obftrictiones facit , cephalæas parit , ftomachum lædit , at vero ex Pomis fuo tempore collectis , bene maturis , nec diutius affervatis paratum , fi bene defœcatum fuerit , & media ætate bibatur , omnium faluberrimum . Tunc quippe vini vires prope æmulatur , humectat & nutrit , caput non ferit , viscera non calefacit , a morbo fe recolligentibus , phthificis & præfertim melancholicis apprime utile cenfetur . Vetus quod exiftit non ita laudandum .

Malus agrestis , *Pomnier fauvage* . Minus fere procera eft quam fativa , tortuofior , ramosior , ftrigofior , materie , ut putatur , duriore firmioreque . Multiplex ramorum & furculorum incondita divifura agrestem & incultum habitum facile oftentat . Folia quam fativæ magna ex parte minora , constrictiora . Flores fativis fimiles , fed fere minores , egregie odorati , interdum subrubelli . In fructu differentia præcipua ; qui parvus & raro Juglandem æquans , magnitudine fere Mespili , fed figura rotundior , longiusculo , ac tenui pendet pediculo , cortice feu cute viridi , tandem & flavescente , quorundam etiam pulchre rubente . Sed nec substantiæ mollitiæ , nec faporis convenientia unquam ad fativa accedunt , ac ne quidem ad infimæ notæ acidiffima vel auffera . Tanta pollent adstringendi facultate , tantaque acerbitate , ut efui plane inepta , nec unquam coctura aut alio modo fiant apta . Malorum agrestium non minus quam hortensium & cultorum plures habentur species , quorum enumeratio inutilis foret . In fylvis & fepibus frequenter occurrunt .

Fructus vehementer aufferus eft , acidus & adstringens ; nec minus fuccus e contufis & prælo expreffus , cujus ufus eft apud quofdam , & agresta a nonnullis dicitur . Pisces in eo coctos firmiores fieri & fapidiores afferunt .

Succus ille cum flore Cereviſiæ mixtus & impoſitus utilis dicitur adverſus ignem ſacrum , ſcabiem , inflammationes qualdam , potenter enim repercutit . Oculis inſtillatus eorum inflammationes ſedat . J. Rajus illum ad ſcrophulas commendat .

24. *Inquit* , ſucci Pomorum ſylveſtrium q. ſ. eoque calefacto diligenter detergantur ulcera ſtrumofa . Deinde lana nigra oleo e pedibus bovinis prius humectata tepide imponatur : quæ per aliquod tempus continuata ſtrumafanant .

MALUS GRANATA sive PUNICA.

GRanatæ seu Punicæ Mali genera duo in officinis distinguuntur , Ponica sativa & sylvestris . Hæc Balauſtium a nonnullis dicitur ; illa vero in plures adhuc species dividitur ratione magnitudinis fructuum , saporis aut coloris , ut mox dicemus .

Observandum est Mali Punicæ flores & fructus diversa nomina sortitos fuisse apud veteres . Flores sativæ Punicæ ΚΥΤΙΝΟΙ dicuntur Dioscoridi L. 1. cap. 152. & Galeno 6. *simplic.* At Galeno 6. *secundum loca* , cytinus fructus rudimentum est , quod deciduo flore primum apparet & formatur : & Plinio L. 23. cap. 6. „ Primus hujus Pomi partas florere incipientis cytinus , vocatur græcis : & in hoc ipso cytino flosculi sunt , „ antequam scilicet malum ipsum prodeat , erumpentes , quæ Balauſtia „ vocari diximus . “ Hæc Plinius . Verum Βαλαύσιον sylvestris Punicæ flos est Dioscoridi L. 1. c. 154. Officinæ Plinium sequuntur , & Punicæ tam sativæ quam sylvestris flores citra distinctionem Balauſtia vocant , quibus cytinorum appellatio de sativis ignota est . Cytinus Theophrasto calyx est floris , quo flos continetur : adeo ut cytini significatio apud græcos ambigua sit .

Mali Punici putamen , quod tanquam corium sit , Pomorum cute durius , nucis involucrio tenerius , malicorium vocant , nonnulli psidium , quod græcis Σίδιον Dioscoride monente , nunc τὸ τῆς ποιάς λέμμα ἀπὸ τοῦ λέπειν , id est decorticare dicitur . Plinius loco citato , sic loquitur : „ Vultus ex Punicis acerbis coria perficere novit , ob id Malicorium appellant Medici . Cicus vel cicum Varroni membrana est tenuis , acinos in malo Punico discriminans .

Granata sive Punica Malus sativa , Off. Punica quæ Malum Granatum fert , *Cæsalpin.* 141. *I. R. H.* 636. Malus Punica sativa , *C. B. P.* 438. Malus Punica , *J. B.* 1. 76. *Raii Hist.* 1462. Malus Granata sive Punica , *Tabern. Icon.* 1033. vulgo , *Grenadier Domestique* & fructus Granatum sive Punicum Malum , *Grenade* .

Humilis arbor vel potius frutex est , quamvis interdum culta , stolonibus abscissis in justam etiam arborem excreſcat , ramis tenuibus angulosis brachiatam , quos armant spinæ rigidæ aliquot , oblongæ , subrectæ , cortex obducit rubescens . In his folia incondita , Myrti vulgaris vel Oleæ æmula , non ita acuta , nitide virentia , pediculis annexa rubentibus , rubisque intercurſantibus venulis prædita , adversa parte nervosa , odore gravi , præsertim si manibus contractata natibus admoveantur , canum halitum feliumque urinæ graveolentiam aliquo modo referentia . Ex ramorum lateribus flores emicant rosacei , pentapetali , punicei , quorum medium occupant complura stamina cum suis apicibus , quorum cytinus seu calyx , Puniceo etiam colore ful-

fulget, uncia longior, coriaceus, campaniformis, in quinque lacinias mucronatas divisus, quæ postea Pomi succedentis umbilicum coronant. Calyx abit deinde in fructum fere globosum, hinc inde nonnihil compressum, variæ magnitudinis, maximis Malis fere æqualis. Cortex mediocriter crassus veluti coriaceus, duriusculus tamen & fragilis, ante maturitatem viridis, ac lævis, post puniceus & rugosus, qui tandem etiam ad spadiceum accedit, intus luteus, gustu adstringens, numerosis acinis plenus, in varia loculamenta dispositis, in aliis colore intenso rubro, in aliis amethystino, succo vinoso abundanti refertis, dulci alias, alias acido, interdum medio, favorum modo dispositis, carnosissimis membranaceisque dissepimentis ceu parietibus integerrimis circumseptis, amaris, modo candidis, modo purpurascentibus, cum placenta in medio sita. Singuli acini semen seu granum condunt unicum, oblongum, gigantiorum vitis simile, constans ligneo cortice & nucleo amaro, non tamen sine adstrictione. Reperitur singulare quoddam hujus Mali genus quod nullum in acinis semen continet, verum hoc accidentarium est & ex lusu quodam naturæ. In Gallia Narbonensi, Gallo provincia, Italia & Hispania sponte nascitur. In frigidioribus Galliæ provinciis in hortis colitur, & hyeme curiose contegitur aut in cellis reponitur: alioquin a frigore læditur. Flores, fructum acini, succus, nuclei, & cortex in usum veniunt.

Mali Punicæ fructus ratione saporis in tres species distinguuntur in officinis, alii saporis sunt acidi & magis usitati, alii sapore dulci, alii vero sapore medio inter acidum & dulcem, seu, ut ajunt, vinoso: ut sapore, ita viribus nonnihil inter se differunt. Succus acidus ex acinis Mali Punici acidis expressus distillatione phlegma primo saporis expers fundit, deinde humorem acidum, parum olei & mediocrem terræ portionem relinquit. Si succus ille expressus & defæcatus in cellis reponatur in vase clauso, salem essentialem præbet copiosum & sapore acidum. Succus vero ex vinosis & dulcibus, minus acidi humoris in distillatione suppeditat, paulo plus olei: minorem quoque salis essentialis quantitatem deponit, si in loco frigido reponatur. Horum tum acidorum, tum dulcium, tum vinosorum succus, si tempore calido sibi ipsi relinquatur, fermentescit, & vinosus fit. Si vero diutius deferatur, in acetum convertitur. Ex hoc succo debite fermentato & vinoso facto spiritus ardens extrahi posset, veluti ex fructibus omnibus fermentatis fieri solet.

Acinorum nuclei seu semina humores distillatione præbuerunt acidos, impense austeros cum alcali urinosi liquoris tantillo, olei non mediocrem portionem: At massa nigra superstes & copiosa per 16. horas calcinata pro majori parte in fenum & flammam abiit & residua portio exigua nigredinem suam nondum deposuerat: paululum salis fixi mere alcali ex ea fuit eductum.

Malicorium vero seu Granatorum cortex eosdem propemodum liquores distillatione fudit: uberiores adhuc carbonis seu massæ nigræ quantitatem reliquit: & hæc massa per horas triginta calcinata fumos emisit, & residuum colorem fuscum semper retinuit, ex quo salis fixi mere alcali

quantitas haud exigua extracta fuit : & multo major terræ copia quam ex nucleis remansit . Sed hæc terra fusca mihi videtur esse oleosa portio admodum concentrata & valde fixa , ita ut ignis vi resistere valeat : & stypticitas rerum acerbearum & austerarum non tam a terra quadam porosa & adstringente pendere mihi videtur , quam ab acido quodam sale adeo fixo ut difficile admodum ignis vehementia elevari queat . Sal ille acido vitriolico vulgo comparatur , nec immerito ; quandoquidem vitriolicus sal acidus omnium fixissimus est , ut quotidie experimur in olei vitrioli distillatione . Nec illa fixitas , ut ita dicam , martis aut veneris terræ adstringenti tribuenda est , cum in tartaro vitriolato , in sale mirabili Glauberi & in alumine sal ille adhuc fixior sit , ubi cum sale alcali fixo , terra absordente salis marini , & terra calcarea conjungitur , a quibus vi ignis separari nequit : insuper acidus sal vitriolicus , si cum oleis consocietur , vel etiam cum spiritu vini , per tempus & diuturniori digestionem adeo stricte uniuntur ut in resinofam abeant massam , cujus major pars ignis tortura in terram nigram fixissimam saporis & odoris expertem convertitur . Sapor igitur acerbus & austerus mihi videtur præcipue pendere ab illo hujus acidi cum oleo consortio , sed de his alibi . Nunc ad Mala Punica redeamus .

Punicorum omnium Malorum acini seu grana censentur boni succi ; ventriculo convenientia , sed pauci nutrimenti : utiliter usurpantur ubi adstringere , densare , & corroborare opus est . Acida potentius refrigerant , & adstringunt . Acidorum grana succulenta in hæmorrhoidibus nimium fluentibus frequenter masticata velut certum remedium Thomas Bartholinus in *actis Hafniensibus* vol. 1. obs. 51. Lentilius in *miscellaneis curiosis* Dec. 2. ann. 9. obs. 124. & Conrad. Barthold. Behrens in *selectis dieteticis* commendant . Eorum succi , & syrupi ex eo parati usus est ad febricitantium sitim leniendam , ventriculi ardorem æstumque temperandum . In febribus ardentibus , biliosis præsertim conducunt , & ubi humor quispiam aeris os ventriculi occupavit : In cardialgia a turgente bilioso humore Jacobus Fabricius , annotante S. Pauli , syrupum granorum granatorum acidorum pro specifico habebat , & adversus vomitum & singultum eo frequenter utebatur . Jamdiu Hippocrates in eodem affectu Punici succum utiliter adhibuerat : „ Mu-
„ lier , inquit L. 2. *Epidemior.* cardialgia torquebatur , nec prius ma-
„ lum est sedatum , quam polenta succo Punici mali aspersa semel die
„ uteretur , reliquis cibis abstinens . “ Idem succus ventriculum corro-
borat & cor mirifice reficit ; ab eodem S. Pauli malignorum morborum Alexipharmacon nuncupatur , & in malignis febribus , variolis & morbillis , necnon in dysenteria commendatur . In vitioso gravidarum appetitu seu pica ab Ettmullero laudatur & in hæmorrhagiis quibuscumque a sanguinis æstu oriundis . Pulmonibus vero debilioribus & male affectis aut tussientibus adversatur . Dulcia grana stomacho roborando utiliora dicuntur : at in febribus minus proficua sunt , quod stomacho calorem aliquem inducant , inflationes & effervescentias pariant . Vinosa seu acido-dulcia mediæ sunt naturæ inter dulcia ,
& aci-

& acida : cardiaca habentur , & cephalica , a nullis in syncope , vertigine commendantur . In julapiis , & apoxematibus succus , & syrupus ad ℥j. aut alteram præscribuntur .

24. Confection. Alkermes ℥j. succi Granator. defæcati , aquar. Borragin. & Oxytriphyl. ana ℥ij. Syrup. Granator. ℥j. M. F. potio cochleatim sumenda in febribus malignis , & variolis .

Grana seu semina quæ in acinis continentur , variis nominibus in officinis designantur . Appellantur enim Officula , Nuclei , Semina , Vinacea , Gigarta , & Arilli quasi ariduli . Saporem amarum adstringentem referunt : & commendantur in alvi profluviiis , & ad ea conducunt , quibus adstrictione opus est . Matthiolus pulverem conficit ex eorundem officulorum exsiccatorum ℥j. & ℥j. Thuris in tenuissimum pulverem contritorum ; cujus ℥j. aut ℥ij. mulieribus albis uteri profluviiis laborantibus quotidie exhibet .

Malicorium , Psidium vel Sidium ; Off. seu cortex Mali granati sapore amaricante , austero donatur : valide adstringit , & utilis est vice corticis quercini ad coria præparanda , & vice gallarum ad atramentum cum vitriolo conficiendum , nam solutionem vitrioli viridis nigro colore tingit . Conducit in diarrhæa , dysenteria , & alvi profluviiis quibuscumque , in hæmorrhagiis , albo mulierum fluxu , & gonorrhæa , modo tamen caute exhibeatur nec præmature . Partium tonum potenter roborat , unde non raro contrarios effectus obtinuit . Observat enim Thomas Barroholinus mulierem quandam a mensium suppressione , usu corticum Granatorum liberatam fuisse . Eisdem contrarios , & aperiendi , & adstringendi effectus in martialium medicamentorum usu jam observavimus . Constantinus scribit , malicorium vino decoctum , & posum omnes ventris tineas necare , maxime eas , quas ascaridas vocant . Malicorium pulveratum a ℥ss. ad ℥j. pro dosi præscribitur ; in decoctis ad ℥ss. adhibetur .

Externe in decoctis , gargarismatis , & clysteribus adstringentibus usurpatur .

Balaustia , Off. sunt flores cujuscumque Mali Punicæ cum calycibus indiscriminatum usurpati . Ut plurimum tamen ex Italia , & Gallo-Provincia Balaustiorum nomine mittuntur flores cujusdam Mali Punicæ flore pleno quæ dicitur Punica flore pleno majore , I. R. H. 636. Malus Punica flore pleno , Hort. Reg. Paris. Balaustia Hispanica , J. B. 1. 82. Balaustium , Tabern. Icon. 1033. Balaustia flore pleno majore , C. B. P. 438. Malus punica sylvestris major , sive Balaustium majus , Parkinson. J. Raii Histor. 1463. vulgo in Gallo-provincia *Balaustier* , & *Paparoï* . Flores sunt ampli , densissimo petalorum purpurascensium factu stipati , non cytino oblongo ut in sativa pomifera Punica seu simplici seu multiplici flore , qualis nonnunquam reperitur , sed compresso , & lato suffulti , cui color ex flavo purpurascens , corium durum , lignosum , & in plures quoque lacinias divisum . Adeo multiplici petalo interdum constant , ut Rosæ centifoliæ videantur colore saturato . Hæc Balaustia in Gallo - provinciæ pharmaceuticis officinis , teste Petro Garidel in *Historia plantarum in agro Aquisextiensi* na-

nascentium, ut præstantiora cæteris floribus anteponuntur: nec viribus sunt inferiora.

Balauſtia adſtringunt, paulo minus tamen, quam Malicorium, inſpiſſant, exſiccant. Unde creberrimus eſt eorum uſus in omnis generis fluxibus, v. g. diarrhæa, dysenteria, fluxu uterino tum cruento, tum albo, tum etiam in ſanguine vulnerum cohibendo, gingivarum laxitate emendanda, in hernia curanda, &c. Interne pulverata ad ℥j. aut ad ℥ſſ. in decocto præſcribuntur, & in opiatīs, decoctis, potionibus, aut injectionibus, & lotionibus adſtringentibus uſurpantur, necnon in colyriis ad præcavendum, ne oculi a variolis, & morbillis lædantur.

℥j. Balauſtior. pulverator. ℥ſſ. Boli Armen. Terr. ſigill. Corall. rubr. & Terræ japon. ana ℥ij. ſyr. Cydonior. vel e Roſis ſiccis q. ſ. M. F. opiata abſorbens, & adſtringens in alvi profluviis, præmiſſis præmittendis. Doſis ℥j. bis terve in die.

℥j. Flor. Balauſtior. ℥ij. Malicor. Sanguin. draconis, lapid. hæmatitid. pp. & Alum. cryſtall. ana ℥j. conſerv. Roſar. rubr. veteris ℥ſſ. ſyr. de Symp. quantit. ſuffic. M. F. op. Doſis ℥j. in alvi profluviis, & hæmorrhagiis.

℥j. Folior. Plantag. M. j. Balauſtior. & Roſar. rubr. ana M. ſ. Coq. in aq. ferrarior. ℔ij. ad ℔j. In colatura diſſolve alumin. rup. ℥ſſ. Syrup. Granator. aut Biberis ℥j. F. decoctum adſtringens pro gargarifmate, vel injectionibus adſtringentibus.

℥j. Balauſtior. M. ſ. Malicorii contuſi ℥ij. Infundantur in aq. Roſar. & Plantag. ana ℥vj. tepide per aliquot horas, deinde leviter ebulliant, & per chartam bibulam tranſcolentur. In colatura tere Croci Oriental. ſubtiliſſime pulver. gr. vj. vel Caphuræ gr. ij. F. collyrium quo identidem oculi a variolis præſervandi foveantur.

Balauſtia uſurpantur in ſyrupo Myrtino, Pulvere dysenterico, Eleſtuar. Micleta. Troch. de Karabe ung. Styptico. Malicorium in ung. Styptico.

MALUS PERSICA.

MAlorum Perſicarum multæ ſpecies ſeu varietates tum a veteribus tum a recentioribus memorantur. Differentiæ autem ſumuntur vel a loco natali, vel a figura, vel a conſiſtentia ſeu ſoliditate carnis, quo reſpectu alia duracina dicuntur, alia præmolliæ, vel a ſapore, vel a colore pulpæ, vel a celeritate aut tarditate proveniendi, & matureſcendi. Duracinis, auctore Plinio, quem ſequuntur multi e recentioribus, caro firmiter adhæret offi, nec facile avelli, aut ſeparari poteſt. At vero rem ipſam intuentes, inquit Joann. Bauhinus, contrarium ut plurimum deprehendimus. Enim vero ſane hætenus in Gallia, Italia, & Germania obſervavimus, magna ex parte Perſica, quibus pulpa hæret offibus, cæteris fere eſſe mol-

molliora, ac interdum penitus mucosa & succulenta; firmiore vero pulpa cui non adhæret: quod & J. Rajus propria experientia confirmat. Commodissima autem divisio Persicorum, auctore J. Rajo, est primo in ea quorum corpus pertinaciter ligno adhæret, & ea in quibus facile, & sponte a ligno abscedit; utrumque autem genus vel magnitudinis, vel coloris, vel figuræ, vel superficiei respectu in plures species subdividi potest, quibus non immorabor. Horum plures species Cl. Tournefortius in *Inst. R. H.* recensuit, quas ibi videre licet. Nunc de Persica Malo vulgari cuius flores in usum medicum veniunt.

Malus Persica vulgaris, Persica molli carne, & vulgaris, viridis, & alba, C. B. P. 440. Malus Persica, J. B. I. 157. *Dodon. Pempt.* 796. *J. Raii Hist.* 1515. Arbor est plurimis Galliæ regionibus notissima, & frequentissima, qua scilicet omnia pene vineta consistunt. In mediocrem proceritatem assurgit, caudice satis crasso, ramis brachiata fragilibus, cortice rubente & subfusco, materie rufa, & circa media fere punicea, satis firma. Folia profert rara, oblonga, acuminata, crenata, amygdalinis, quibus persimilia majora, sapore amaro qualis Persicorum nucleis, ingratiore tamen, & aroma utcumque redolentia. Flores ineunte vere ante folia prodeunt sine pediculis ramorum tuberculis adnati, pulchri, rosacei, e quinque petalis latis dilute rubescentibus, odoris exigui, in orbem positos constantes, quorum medium occupant stamina multa, longiuscula, purpurantia aut alba, cum paris magnitudinis pistillo, quod ex calyce rubente in quinque segmenta acuta diviso, surgit, & deinde abit in fructum fere globosum, altera parte nonnihil depressum, & per longitudinem sulcatum, densa, molli, & albida lanugine in plurimis speciebus obductum, in nonnullis glabrum, ex luteo herbaceum, alias pulchre flavum, alias punicea area decoratum, carne succosa, alba vel pallida, interdum flava, rarius rubente, penitus aut sanguineis guttis cruentata, esculenta, sapore dulci nonnihil vinoso, officulo lignoso foetum, oblongo, ovato, nonnihil compresso, binis valvis nonnumquam per maturitatem dehiscentibus constante, profundis excavato scrobiculis, & sulcis, quibus pulpa passim se insinuat, & in quibusdam speciebus pertinaciter adhæret, licet in alis facile separabilis sit. Est autem officulo crassities insignis, durities fere invicta, externa facies rugosa, & sulcis profundis nullo ordine canaliculata, interne levis, & polita, in quo nucleus callolus, amygdalini æmulus, oblongus, exacutus, albus, flavescente cuticula vestitus, amaricans, non tamen gustu insuavis. Ex arboris cortice vulnerato, vel sponte disrupto gummi profluit initio liquidum, quod successu temporis siccius ac durius redditur, pellucidum quale ex Amygdalis, Cerasis, & aliis arboribus, quarum fructus lignosum nucleum ferunt, prodire solet. Hæc arbor non multam ætatem acquirit: ut enim cito & prompte adolescit, & ad frugem pervenit, ita non multis annis post senescens tendit ad interitum. In hortis ac vinetis feritur & plantatur. Folia, flores, fructus, nuclei & gummi in usum veniunt.

Analyſi chymica, ex foliorum Mali Perſicæ recentium ℥v. per retortam diſtillatis prodierunt humoris limpidi, odore & ſapore nucleos Perſicos referentis, obſcure acidi ℥ij. ℥iij. ℥vj. gran. xvij. humoris limpidi, manifeſte, & magis ac magis acidi, ſubauſteri, ac tandem auſteri ℥ij. ℥ix. ℥ij. gran. liij. humoris ſubruſi, leviter empyreumatici, impenſe acidi, aliquantiſper acris, pungentis, ſubſalſi, & impenſe auſteri ℥j. ℥iij. gran. liij. humoris ruſi, ſale volatili urinoſo copioſo imprægnati ℥ij. ℥ij. gran. xxxvj. ſalis volatilis concreti ℥j. gran. lvj. olei ſpiſſi ad inſtar extracti ℥j. ℥iij. gran. xxiiij. Maſſa nigra in retorta reſidua pendebat ℥vij. ℥iij. gran. xxxvj. quæ rite calcinata reliquit cinerum ℥ij. ℥j. gran. xxxvj. ex quibus ſalis fixi mere alcali ℥v. gran. xxx. lixivio extracta ſunt. Partium jactura in diſtillatione fuit ℥iij. ℥vj. gran. x. in calcinatione ℥x. ℥iij.

Folia Mali Perſicæ guſtu amara ſunt, nonnihil auſtera, & nucleorum Perſicorum odorem referentia dum digitis conteruntur. Salem eſſentialem obtinere videntur tartareo vitriolicum ammoniacalem cum oleo tum tenui tum craſſo ſat copioſo conjunctum.

Ex Mali Perſicæ florum recentium ℥v. per retortam diſtillatis prodierunt humoris limpidi odore, & ſapore amaro nucleos Perſicos contuſos referentis, & obſcure acidi ℥ij. ℥x. ℥iij. gr. xxj. humoris manifeſte acidi ℥vj. ℥ij. gr. lx. humoris ruſi, odore & ſapore leviter empyreumatico, manifeſte acidi, ſubſalſi ℥ij. ℥iij. gran. xij. humoris ruſcentis, ſale volatili urinoſo copioſo imprægnati ℥ij. ℥j. gran. lxxvj. ſalis volatilis urinoſi concreti ℥j. gran. iij. olei ſpiſſi extracti ad inſtar ℥ij. ℥vij. gran. xiiij. Maſſa nigra in retorta ſuperſtes pendebat ℥iij. ℥vj. gran. j. quæ rite calcinata reliquit cinerum ℥j. gran. lxxix. ex quibus lixivio ſalis fixi mere alcali ℥iij. gr. ix. extracta ſunt. Partium jactura diſtillatione fuit ℥ij. ℥vj. gran. xxxix. in calcinatione ℥iij. ℥v. gran. iij.

Flores amarorem quemdam aromaticum non ingratum obtinent. Salem continent eſſentialem tartareo-ammoniacalem cum multo oleo tum tenui, acri, parco, tum craſſo copioſo conjunctum.

Amarities florum, & foliorum a tenui illa ſulphurea portione oriri mihi videtur, quæ cum phlegmate primo elevatur, & odorem ſaporemque ipſi conciliat. Nec omnino diſſimile eſt ab acri illo ſulphure ſubtili quod in quibuſdam purgantibus deprehenditur, ut in Hellebōro reperiri diximus; & fortasſe a tenui illo ſpiritu ſulphureo vis purgans præcipue pendet.

Ex Malorum Perſicorum carnis ſucculentæ, remotis offiſculis, & cuticula, ℥v. per retortam diſtillatis prodierunt humoris limpidi, odoris, & ſaporis dulcis, & grati, aliquantiſper vinoſi, obſcure ſubſalſi ℥xij. ℥v. humoris limpidi, obſcure acidi ℥ij. ℥xiiij. ℥vj. gran. lx. humoris magis ac magis manifeſte acidi, cum quadam auſteritate ℥xv. gran. xxxvj. humoris ruſcentis, nonnihil empyreumatici, tum ſubacidi, auſteri, tum ſalſi, & alcali urinoſi ℥j. ℥iij. olei fluidi gran. xxxvj. Maſſa nigra in retorta ſuperſtes pendebat ℥iij. ℥j. iij. quæ per tredecim horas igne reverberii vehementi cal-

calcinata nigredinem suam deponere nequivit, sed reliquit cinerum nigrorum ℥j. ℥vj. gr. xxiiij. ex quibus salis fixi mere alcali ℥ij. gr. ij. extracta sunt. Partium jactura in distillatione fuit ℥j. ℥iiij. gran. xij. in calcinatione ℥j. ℥v. gr. xlvij.

Perfica Mala sapore donantur dulci, vinoso, grato cum quadam levi austeritate. Salem essentialem obtinent parcum quasi Melleum aut Saccharinum tartareum, & nonnihil vitriolicum cum mediocri olei crassi, & exigua tenuioris, & quasi spirituosae portione conjunctum, multoque phlegmate dilutum.

Vulgaris opinio multis sæculis inveterata est, Mala Perfica in Perside, unde primum advenisse ferunt, venenosa fuisse, sed in Ægypto soli benignitate mitigata: quod Junius Columella eleganti carmine expressit

*Stipantur Calathi pomis, quæ barbara Persis
Miserat, ut fama est patriis armata venenis;
At nunc expositi parvo discrimine leti,
Ambrosios præbent succos oblita nocendi.*

Plinius Lib. XV. Cap. xiiij. hanc opinionem refellit his verbis: „Falsum est Perfica venenata cum cruciatu in Persis gigni, & poenarum „causa a Regibus translata in Ægyptum, terra mitigata. Id enim de „Persea diligentiores tradunt, quæ in totum alia est. “ Galenus, & Paulus Ægineta Perficorum omne genus damnant, ut pravi succi, & quæ noxam ventriculo inferant: addit Paulus ea lædere nervos proprietate quadam: & eos, qui crebrius iis ad satietatem vescuntur, febre corripit. Suadent itaque ut initio refectuum ante alios cibos sumantur, & ne aqua superbibatur, sed vinum meracum. Hoc præceptum in omnibus quæ sunt pravi succi, & humida simul ac lubrica, ita ut subduci facile queant, plurimi communiter tenendum existimant. Sic enim fiet ut citius egerantur, & aliis cibis viam præbeant, quæ si sumpta fuerint postrema, una secum alia quoque corrumpant. Contra nonnulli suadent, prius cibos boni succi, & qui exsiccent ingerere, ut alimenti benignitate, & siccitate fructus malitia retundatur, & superflua ejus humiditas absumatur. Nec de vino ad Perficorum noxam emendandam magis inter se consentiunt. Alii Perfica cuticula lanuginosa spoliata, & in vino per aliquod tempus macerata, ut suave, & salubre edulium commendant hoc versiculo:

Petre, quid est Pesca? Cum vino nobilis esca.
quibus altero versiculo contradicunt alii:

Petre, quid est vinum? Cum Pesca dulce venenum.

Contendunt enim, succum crudum, & malignum Perficorum a vino per omnes venas, imo & in capillares deduci, ibique obstructions parere: unde putredo, & febres putridæ atque malignæ. Quod devitare tentant nonnulli vinum, in quo maduerint, rejiciendo, & aliud vinum modice dilutum, & quidem parce, superbibendo; nonnulli vinum prorsus rejiciendo, quo mollis, & facile dissolubilis Perficorum caro indurescit, & in ventriculo difficiliter concoquitur, effervescit, & fla-

& flatus producit, aquam limpidam & puram comestis Persicis superbiunt. Sic facilius dissolvuntur in ventriculo & citius permeant ac descendunt, flatus aut ventris inflationes producunt. Sic conveniunt Persica Mala cholericis & calidis naturis, alvi duritie & constipatione laborantibus, mane præsertim jejuno ventriculo sumpta. Si cum aliis cibis comedantur sive ante, sive post pastum, æstuosam ciborum digestionem compescunt, ardorem ventriculi & intestinorum temperant. Non immerito igitur Dioscorides & Plinius affirmant, ea ventriculo utilia esse, alvum bonam præstare, nec alium iis innocentiorum cibum. Reipsa non verisimile est, fructum adeo sapidum & delicatum, qui nostro quidem palato præ omnibus fugacibus arridet, ita ut a natura ipsa nobis ad edendum commendatus videatur, noxium prorsus & insalubrem esse. Oportet tamen ut delectus Malorum habeatur, & ut modus in iis ingerendis servetur. Eligantur odorata, bene colorata, sapido succo prædita, & bene nec nimis matura; non enim aliud Pomum fugacius, & facile corrumpitur. Si eorum immoderatus sit usus, crudos gignunt succos, colicam, diarrhæam & dysenteriam procreant, aut febres putridas accendunt. Phlegmaticis, & quibus stomachus debilis est & frigidus, nocent. Si quæ sit in hisce Malis noxa, igne & saccharo nonnulli emendare contendunt, sicque gratam & salubrem escam parant. Brassavola sub cineribus coctum unum aut alterum Persicum ægrotantibus suis offerebat. Cibum vero delicatissimum & ægris perquam gratum ac utilem Amatus affirmat. J. Bauhinus condiendi modum hunc præscribit: rite lecta manu decorticataque & officulis exemptis optime purgata Persica cum aqua & Saccharo decoquantur ad consistentiam syrupo debitam: qui modus hodie adhuc usitatissimus, vulgo *Peche en compote*. Sic & sanis & ægrotantibus mirifice placent, præsertim siti & linguæ ariditate vexatis, refrigerando corroborant. Hodie mos invaluit hos fructus aqua vitæ aut spiritu vini condire cum tantillo Sacchari, qui quidem exitiosus est. Illorum enim caro laxa & porosa spiritu vini facile imbuitur, unde revera sapidior fit, firmior, ac durior, sed in ventriculo concoctum difficilis admodum. Unde post alios cibos ingesti eorum concoctionem cohibent, ventriculum gravant, æstum in ipso & in intestinis accendunt, succum crassum, viscidum, male concoctum pariunt, qui varias in visceribus obstructions postea gignit.

Persicorum nuclei seu amygdalæ subamari sunt, diuretici habentur (a) & anthelmintici. Pulvis eorum pondere ℥j. in vino albo tenui spatio novem dierum ab Etmullero commendatur velut remedium longa experientia probatum adversus renum calculum. A Solenandro, L. 1. *Consil.* 15. commendantur decem vel duodecim numero assumpti mane jejuno ventriculo præservationis gratia a calculo. Ad eundem scopum emulsionēs parantur ex illis cum aquis diureticis, Saxifragiæ, v. g. Linariæ, Alkekengi, Parietariæ, Ononidis,

(a) *EQUIVES Vermes.*

midis, Herniariæ, &c. Idem nuclei adversus hepatis & lienis obstructions conducunt. Præterea vis anodyna ipsis tribuitur: unde in cephalalgis & agrypniis ad somnum conciliandum & dolorem compescendum a nonnullis præscribuntur eorum emulsiones cum aquis cephalicis aut aliis paratæ. Aquam e nucleis Persicorum n. 50. Cerasorum 100. Florum Sambuci manipulo uno in vini Cretici ℥iij. maceratis in fictili per decem dies in fimo sepulto, distillatam mirum in modum calculos pellere quatuor unciarum pondere jejuno ventriculo quotidie potam scribit Andr. Matthiolus.

Ex hisce nucleis oleum per expressionem elicitur, quod singulare arcanum habetur in aurium affectibus, in primis ad vermes aurium eliciendos, item in surditate, tinnitu & dolore aurium; idque magis si misceatur cum oleo Colocynthidos per decoctionem præparato. Idem oleum etiam temporibus illitum admodum conducit in agrypniis & doloribus capitis. Langius oleum ex nucleis & floribus compositum frequenti in usu habuit ad omnes aurium affectus, surditatem in primis, obstructionem & dolorem aurium: quod sequenti modo paravit. Oleo ex Persicorum nucleis expresso infundatur florum Persicorum recentium q. s. Macerentur in loco calido per aliquod tempus. Postea per linteum colentur: colatura reponatur aliquamdiu, donec fœces secedant. Oleum clarum a fœcibus separatum servetur ad usum.

Lignosa nucleorum officula ad urinas ciendas utilia dicuntur, non secus ac lapilli Dactylorum & Mespilorum. Ex his spiritus acidus & oleum empyreumaticum distillantur igne aperto, quæ spiritui & oleo lignorum similia sunt, & rectificata egregie calculum pellere dicuntur.

Flores ratione salis essentialis & olei tenuis & acris alvum laxant, tennes ac serosos humores educunt; unde inter hydragoga recensentur. Recentes a nonnullis comeduntur mane jejuno ventriculo, aut in acetariis miscentur. Non tamen absque molestia & labore purgant: & si nimia copia ingerantur, vomitiones excitant. Alii eos infundunt in vinum aut serum lactis, & infuso isto pro purgante tempore vernali commode utuntur. Hydropicis conducunt. Lumbricos etiam enecant & potenter expellunt, unde infantibus verminosis exhiberi solent. Succus florum Persicorum expressus & defœcatus ad eadem valet: ab ℥ss. ad ℥ij. propinatur. Eadem etiam præstat conserva ex hisce floribus cum Saccharo parata quæ ad ℥ss. vel ℥j. exhiberi potest; cui si Mercurii dulcis tantillum adjiciatur, egregium habetur pellendis lumbricis remedium. Syrupus ex multiplici florum infusione præparatur in officinis usitatissimus. Alvum blande purgat, vermes enecat, & obstructions referat. Serosos humores uberrime evacuat, unde in catarrhis, rheumatismo, apoplexia, paralyti, & morbis cerebri a sero redundante utiliter exhibetur, ab ℥ss. ad ℥ij. tresve in potionibus laxantibus aut apoze-
matibus.

Mali Persicæ folia alvum subducunt, intestinorum lumbricos enecant, & expellunt, in jusculis alterantibus, lacte aut cerevisia ad M. j. de-

decocta. Quin etiam externe trita cum felle tauri, & umbilico imposita cataplasmatibus forma ad vermes intestinorum ejiciendos a nonnullis commendantur.

Gummi ex arbore exsudans humorum acrimoniam demulcet, tussientibus prodest, & commendatur ad alvi fluxum, tumorem faucium, asperitatem arteriæ, sputum sanguinis, & diureticum habetur vel etiam lithontripticum, si quod sit.

MANDRAGORA.

MAndragoræ duæ traduntur differentiæ: una dicitur mas seu candida; altera vero foemina seu nigra.

Mandragora mas seu candida, *Off.* Mandragora fructu rotundo, *C. B. P.* 169. *I. R. H.* 76. *J. Raii Hist.* 668. Mandragoras mas *J. B.* 3. 617. Mandragoras, *Dod. Pempt.* 457. Mandragoras mas vulgatio. *Parkins.* Mandragoras albus seu Masculus *Cord. Histor.* Antropomorphos Pithagoræ, *Quorumdam*: Terræ Malum, Terrestris Malus, & Canina Malus, *Nonnullorum*: vulgo, *Mandragore male*.

Radice profert crassam, longam, interdum simplicem, & indivisam sæpe bifidam, incoxantem hominem, ut sibi persuadet vulgus, referentem, interdum etiam trifidam aut quadrifidam, externe candicantem, aut ex cinereo ferrugineam, interne pallidam. Ex ejus capite absque caule folia exeunt circiter cubitalia, sesquipalmum fere lata, utrinque acuminata, atrovirentia, foetida. Inter hæc a radice quoque pediculi assurgunt crebri, sesquiunciales aut palmares etiam, florem singuli sustinentes monopetalum, campaniformem, quinquepartitum, modice hirsutum, fordide candicantem ac nonnihil purpurascentem, foetentem, cum calyce villosa viridi in quinque lacinias diviso; ex quo surgit pistillum quod infimam floris partem perfodit, & abit deinde in fructum parvi pomi effigie, & magnitudine, primum viridem, deinde subluteum, carnosum, mollem, odoris gravis virosi, & in cujus pulpa semina continentur alba, subrotunda, compressa, & quasi reniformia.

Mandragora foemina seu nigra, *Off.* Mandragora flore subcæruleo purpurascente, *C. B. P.* 169. *Inst. R. H.* 76. Mandragora foemina *J. B.* 618. *Clus. Histor.* 87. *Gerard.* & *J. Raii Hist.* 669. Mandragoras foemineus, *Parkins.* vulgo; *Mandragore femelle*.

Ejus folia mari similia sunt sed angustiora, minora, nigrioraque. Flores coloris ex cæruleo purpurascentis; fructus pallidiores, minores, turbinati; Sorbi aut Pyri effigie, sed non minus odorati. Semina minora, & nigriora. Radix quoque prolixa, foris amplius nigricans, interius albida. Utraque in calidioribus regionibus, Italia, Hispania, sponte crescit, in sylvis, & umbrosis, necnon prope ripas fluviorum. Hic nonnisi in hortis sata oritur. Utriusque folia, & radices vel potius radicum cortex usitata sunt.

Analysi chymica, ex Mandragoræ foliorum recentium lbv. per retortam di-

distillatis prodierunt humoris limpidi , odorem & saporem ingratum virosum referentis , primo obscure subfalsi & subacidi , deinde acidi , ℥ij. ℥xiiij. ℥iiij. gran. xxvij. humoris limpidi , manifeste acidi , deinde rufi , ac tandem fusci , empyreumatici , austeri ℥ij. ℥xij. ℥iiij. gran. lx. humoris fusci , empyreumatici , obscure acidi , subfalsi , obscure alcali urinosi ℥ij. gran. xvij. humoris fusci , alcali urinosi & sale volatili urinoso copioso imprægnati ℥ij. gran. xlvij. salis volatilis urinosi concreti ℥ij. gran. x. olei spissi ad instar extracti ℥j. ℥ij. Massa nigra residua pendebat ℥ij. ℥vj. gran. lx. quæ rite calcinata reliquit cinerum ℥j. ℥iiij. gran. xxxvj. ex quibus lixivio sunt extractæ salis fixi mere alcali ℥iiij. gr. viij. Partium jactura in distillatione fuit ℥v. gr. lxxv. in calcinatione ℥j. ℥iiij. gr. xxiiij.

Radicum pedaliæ & sesquipedaliæ , brachii humani crassitiem æquantium , & recens effossarum ℥v. præbuerunt humoris limpidi , fœtæntis , & virosi , odoris , & saporis ad Cicutam accedentis , obscure subfalsi , & obscure acidi ℥ij. ℥ij. ℥j. gran. xxxvj. humoris limpidi , primo manifeste acidi , deinde minus acidi , & austeri ℥j. ℥xiiij. ℥j. gran. l. humoris primo limpidi , subfalsi , & subacidi , deinde rufi , & fusci , empyreumatici , tum impense acidi , tum acris austeri , & aliquantisper falsi urinosi ℥iiij. ℥iiij. humoris fusci alcali urinosi , & sale volatili urinoso copioso imprægnati ℥ij. ℥ij. salis volatilis urinosi concreti gran. x. olei spissi ad instar extracti ℥j. ℥iiij. gran. iij. Massa nigra residua pendebat ℥v. ℥j. quæ rite calcinata reliquit cinerum ℥j. ℥j. gran. xlij. ex quibus salis fixi mere alcali ℥iiij. gran. xxvj. lixivio extracta sunt . Partium jactura in distillatione fuit ℥iiij. gran. xliij. in calcinatione ℥iiij. ℥vij. gran. xxx.

Folia , & radices odorem virosum , ingratum , & caput ferientem exhalant . Radicis cortices exsiccati saporem acrem amaricantem nauseosum cum quodam lentore , & in recessu stypticitatem referunt . Salem essentialem obtinent ammoniacalem multo oleo viroso , & narcotico crasso implicatum .

De Mandragora varia feruntur veterum recentiorumque relationibus nobilitata , nempe humana similitudine egregios effectus producere , felicitatem possessori , & fœcunditatem sterilibus fœminis adferre . Exhibet vero sæpe Mandragoræ radix bifurcato ramo deorsum protenso rudem hominis formam illiusque crura duo , sed superior truncus homini similis non est . Mangonio tamen non solum Mandragoræ radices , sed & aliæ plures adornantur humanum corpus , artus , caput , faciemque apprime referentes . In radicibus arundinum , Bryoniæ aut aliarum plantarum adhuc virentibus sculpunt impostores tam virorum quam mulierum formas , infixis Hordei , Avenæ , aut Milii granis , iis in locis , ubi pilos effingere volunt : deinde facta in terra scrobe recondunt , tenui sabulo obruunt , ibique relinquunt quousque semina illa radices emittant . Tunc eruunt eas , & adnatas e granis radices acutissimo cultello in tenuissima filamenta scindunt , aptantque ita ut capillos , barbam , & cœteros corporis pilos referant . Varia insuper narrant de hujus radice ortu , effodiendi modo , & periculis .

Ferunt, has præstantissimas radices ex urina suspensi hominis sub patibulo morientis irrigatas tales efformari, & ideo adeo raras esse, easdem non sine vitæ periculo manu effodi, quapropter eas primum circumfodiendas esse, ita ut minimum ex radice terra sit conditum, deinde ab ea religandum canem, a quo postea fugiente radix extrahitur & sequitur, sed non adeo longe, quandoquidem statim atque effossa est, canis moritur: nullum postea accipientibus amplius merum esse, imo summe proficuas esse, maleficia & infortunia quæcumque avertendo, & fælicitates quascumque desiderabiles afferendo. Anilium illarum nugarum auctor fuisse videtur Flavius Joseph, qui *L. 7. cap. 25. de Bello Judaico*, de quadam radice *Baaras* dicta in valle ejusdem nominis nascente prope Jerosolymam fere similia narrat. Sed de his nugis & fabulis satis.

Mandragora inter narcotica & soporifera medicamenta recenseri solet, quod colligitur ex odore ingrato viroso caput feriente. Quod an de radice verum sit, J. Rajus dubitat. Cortex ille ad nos aliunde, potissimum ex Italia affertur: rari usus est intrinsecus. Schroderus soporiferam virtutem ipsi tribuit, & præterea vim potenter discutiendi & resolvendi externe adhibet. Paulus Hermannus in *Cynosura materie Medicæ Henningeri*, in radice Mandragoræ duplicem notat virtutem 1. Purgantem tam per superiora quam inferiora, cum violentia & virium etiam prostratione & aliquando convulsionibus subsequenter, unde per se non datur nisi dosi minima ad ℥ss. aut ℥j. & in infuso ad ℥j. 2. Narcotitam seu soporiferam & stupefacientem Opii virtuti non dissimilem. Inde forsan est, quod in epilepsia & moribus convulsivis quibusdam commendata sit. Circumforanei nonnulli hoc cortice in quartanis & aliis febribus intermittentibus utuntur pro emetico, sed minus tuto. Specificum uterinum ab eodem P. Hermanno dicitur: sed caute adhibendum. Si enim nimia in quantitate exhibeatur, dira inde sequuntur symptomata ut spasmi, &c. Uterum valde movet & abortum causat: quapropter gravidis nunquam exhiberi debet.

A veteribus vinum in quo Mandragoræ radix infusa fuerat, propinabatur ægris quibus membrum aliquod resecandum erat ad narcosim inducendam. Cum vero narcosis hæc admodum periculosa sit, modus hic narcosim inducendi apud nos exploditur: & interne rarissime & fere nunquam hæc radix adhibetur. Externe radice cortex adhibitus ab Ettmullero laudatur ad tumores duros schirrosos & strumosos emolliendos & resolvendos, & hac virtute Cicutam & Nicotianam superare dicitur. Faber in *Myrothecio Spagyrico lib. 4. c. 1.* ex his radicibus oleum Mandragoræ per descensum distillat quod valdopere commendat externe illitum, pro emolliendis duris tumoribus & doloribus leniendis.

Mandragoræ folia potenter discutiunt, attenuant & resolvunt, dolores mitigant & inflammationes sedant. Unde una cum radicibus in lacte cocta utiliter sub cataplasmatibus forma erysipelatibus, tumoribus inflammatoriis, duris aut schirrosis admoventur. Cum Hyosciamo, Cicutâ, Nicotiana optime consociantur. Ex succo Mandragoræ cum succo

Cicu.

Cicutæ vel Nicotianæ & Gummi ammoniaco coctis in unguenti vel emplastri consistentiam Ettmullerus utile medicamentum conficit ad tumores splenis duros resolvendos . Fernelius *Method. Medend. lib. 5. cap. 17.* ad ardentium febrium æstus compescendos ; capitis dolores & deliria sedanda , & ad somnum conciliandum commendat Mandragoræ folia radicesve trita inductaque ex oleo fronti atque temporibus .

Mandragoræ fructui veteres non solum comesto sed etiam naribus tantum admoto soporem inducendi stuporemque virtutem tribuebant . Casp. Hoffmannus *L. de Medicamentis Officinalibus* , an quisquam pomum ipsum Mandragoræ cum vel sine cortice impune possit esitare se valde ignorare scribit . Ætius omnem malitiam ejus videtur rejicere in semen , quasi illo dempto caro sit indemnus , nisi nimis copiose ingeratur . At fructus , certe immerito , suspectus est . Pulpam enim cum semine innoxie esitari posse docuit J. Faber Lynceus Romæ Simplicium Professor . Is , teste Joanne Terrentio *Notis in Hernandez de Plantis Mexicanis , lib. 8. cap. 28.* coram suis auditoribus magnum Mandragoræ pomum una cum seminibus jejunos absumpsit , sine ullo vel somni vel alterius mali signo minimo , & ut experimentum esset certius , jejunos usque ad prandium , per aliquot nempe horas , permansit , & a vino , ne vis pharmaci debilitaretur , abstinuit . Idem experimentum se quoque persæpe fecisse testatur J. Terrentius .

Mandragoræ folia in unguento populeo usurpantur . Cortex radicum in Reque Myrepsi , Aurea Alexandrina Nicolai Alexandrini , & Tryphera magna *Ejusdem* .

MARRUBIUM.

Plures inter plantas quæ Marrubii nomine apud Botánicos insigniuntur , duo potissimum genera hoc nomine in Officinis speciatim designantur , scilicet Marrubium album seu Prassium album , & Marrubium nigrum , seu Prassium nigrum & Ballote .

Marrubium , Prassium , Prasium , Marrubium album , Prassium album , *Officinarum* , Marrubium album vulgare , C. B. P. 230. *Inst. R. H.* 192. Marrubium album , J. B. 3. 316. *Raii Hist.* 556. Marrubium sive Prasium album *Tabern. Icon.* 539. Prasium , *Anguillar* : vulgo , *Marrube blanc* .

Radice nititur simplici , lignosa , plurimas fibras emittente . Caules inde exsurgunt plures , pedales & altiores , lanuginosi , quadrati , ramosi , foliis vestiti ad singula genicula ex adverso binis , subrotundis , incanis , circum oras crenatis , rugosis , pediculis satis longis suffultis . Flores ad genicula in verticillos densos coacti caules ambiunt , brevibus aut

nullis pediculis , e calycibus nascentes hirsutis , striatis , quorum singulæ stiræ in spinulas terminantur ; perexigui , albentes , monopetali , labiati , quorum labium superius surrectum est , & bicornè , inferius vero tripartitum . Ex calyce surgit pistillum posticæ floris parti ad instar clavi infixum , & quatuor veluti embryonibus stipatum , qui deinde abeunt in totidem semina oblonga , in capsula quæ calyx floris fuit recondita . Florum verticilli , quamvis caules undique amplecti videantur , egrediuntur tamen e foliorum alis . Odor totius plantæ vehemens & nonnihil gravis . Ad vias publicas , agrorum margines , in locis neglectis & ruderatis sponte & frequens nascitur . Tota planta usitata .

Analyti chymica , ex foliorum a stipitibus mundatorum & summitatum floridarum ℥v. per retortam distillatis prodierunt humoris limpidi , odorati , aliquantisper aromatici , sapore herbaceo amaricante , obscure acidi ℥ix. ℥iij. gran. xvij. humoris limpidi , odorem eundem , eundemque saporem referentis , & magis , ac magis acidi , & amari subausteri , ac tandem impense austeri ℥iij. ℥v. gran. lx. humoris obscure rufescentis , leviter empyreumatici , impense acidi , falsi , & impense austeri ℥iij. gran. xlvij. humoris fusci alcali urinosi , & sale volatili urinoso copioso imprægnati ℥ij. ℥iiij. gran. xxxvj. salis volatilis urinosi concreti gran. xx. olei spissi ad instar extracti ℥iij. gran. xij. Massa nigra in retorta residua pendebat ℥ix. ℥vij. gran. liij. quæ rite calcinata reliquit cinerum ℥iiij. ℥v. gran. xxiiij. ex quibus salis fixi mere alcali ℥j. ℥iij. gran. xv. lixivio sunt extracta . Partium jactura in distillatione fuit ℥v. ℥vj. gran. xl. in calcinatione ℥v. ℥ij. gran. xxx.

Marrubii albi folia chartæ cœruleæ colorem non mutant ; maxime amara sunt , cum quadam adstrictione , odore vehementi , ac subtili donantur , ad moschum nonnunquam accedente , teste Dodonæo qui de Marrubio albo in Flandria nascente hoc asserit . Salem essentialem obtinent quem Tournefortius comparat sali naturali terræ , constanti nempe sale marino , nitro & sale ammoniaco , mixtum cum multo sulphure tum tenui , tum crasso , terra copiosa & phlegmate .

Marrubium album aperit , & viscidos humores potenter dissolvit . Primarium est remedium in asthmate humorali , & in morbis chronicis a mucro spisso , viscido ac tenaci oriundis . Viscerum obstructions a mucro inspissato oriundas referat . Succus expressus cum melle ad ℥ij. tresve , aut syrupus de Præssio compositus in officinis asservatus ad ℥j. aut alteram asthmaticis , tussientibus & tabidis opitulantur . „ Innumeris comprobavi experimen- „ tis , inquit Borellus *Observat. Medic. pag. 289.* Marrubii albi „ summitates , vino albo infusas & triduo epotas mire ad menstrua „ provocanda , stomachum roborandum , cachexiam & fœdos vir- „ ginum colores arcendos valere , & fortius cum Chamædrye & Cen- „ taurio minore mixtas .

Simon Paulli observat eas non tantum menses accelerare , sed remorantes secundinas quoque præcipitare . Ad M. ℥. vel M. j. præscribuntur . Pul-

vis foliorum valere dicitur in partu difficili lochiisque recentis. Insuper interaneorum vermes necat, notante J. Raio. Ad ℥j. aut alteram exhibeatur. Marrubii albi succus, vel infusum ex vino, vel decoctum ex aqua a Foresto, Freitagio, Zacuto Lusitano, & Hartmanno in hepatis obstructionibus vel etiam schirrhosis, in ictero, in hydropse hictorum subsequente commendantur. Joan. Baptista Chomel D. M. P. observat duos ægrotantes a schirro hepatis liberatos fuisse ab infuso foliorum Marrubii alb. M. j. in vini albi ℥viij. quotidie mane per aliquot menses epoto. Conserva florum Marrubii cum melle parata, & per 40. dies exhibita in dosi ℥j. nobilem quemdam schirro hepatis jam diu laborantem integræ sanitati restituit, aliis medicamentis Chalybeatis frustra tentatis, annotante Zacuto *Lib. 2. Prax. admir. Observat.* 48. Superbibebat autem singulis matutinis parum aquæ stillatiæ ejusdem Marrubii cum radice. Mixturam sequentem Joan. Raius commendat velut medicamentum, ad icterum nulli secundum.

℥. Syrup. de Præssio ℥ij. Olei Tartari p. deliq. ℥j. Misce. Sumat æger per intervalla frequentia ad mensuram unius cochlearis.

Stockerus Marrubii folior. virentium decoctum ex vino, vel exsiccatorum infusum in ictero commendat.

℥. Marrubii folior. virentium ℔j. Contunde, & coquantur in vini albi ℔vij. ad ℔v. Colaturæ capiat æger ℥iiij. mane jejunus, & ℥iiij. ante cœnam. Sed satius est folia in vino calide macerari tantum, non concoqui. Vinum enim ebullitione diuturniori acidum fit, & ingratum. Macerentur itaque folia in vini ℔v. per 24. horas.

℥. Folior. Marrubii exsiccator & contusor. q. v. Affunde vini albi q. s. ad supereminentiam 4. vel 5. digitor. transversor. Frigide macerentur in vase probe obturato, quotidie agitando, donec extrahatur tinctura. Dosis ℥iiij. bis in die.

Ejusdem decoctum cum Argentina ab Ettmullero, & Freitagio commendatur in ictero flavo ex infarctu ductus cystici. Externe in eodem affectu cataplasma proponit plantis pedum applicandum ex Marrubio, & Argentina simul in vino coctis. In jussulis aperientibus ad menses suppressos promovendos præscribuntur Marrubii albi summitates floridæ ad M. ℔. cum Tartaro chalybeato vel floribus sal. ammoniaci martialibus.

℥. Carnis vitulin. ℔℔. Coquatur in aq. comm. ℔iiij. ad ℔ij. Tum adde folior. Agrimon. Argent. ana M. j. Centaur. min. Chamædr. Summitatum floridar. Præss. alb. ana pug. ij. Post levem ebullitionem fiat colatura pro duobus jussulis. Unicuique adde Tartar. martial. solubil. ℥℔. vel flor. amm. martial. gr. xx. Sumatur mane, & sero in mens. suppressione, ictero, & viscer. obstructionibus.

R. Syrup. de Præssio ℥j. Tinctur. martis aper. ℥ij. Aq. de Artemisia, flor. Aurantior. ana ℥ij. Fiat julap. quotidie mane sumendum in mensum suppressione.

Forestus afferit, nonnullos strumis affectos diuturno usu syrupi de Prassio simplici seu ex succo recenti cum Saccharo parati perlanatos fuisse, multis aliis remediis antea frustra tentatis.

Marrubium vesicæ, & renibus nocere scribit Dioscorides: quo frequenti usu exulcerat. Multo minus igitur, inquit C. Hoffmannus, utendum in iis, in quibus jam ulceratæ sunt partes illæ. Syrupus de Prassio *Mesuae*, annotante eodem, valde calidus est, & qui senibus potius quam juvenibus, frigidis potius quam calidis adhibendus sit.

Marrubii albi folia, summitates floridæ usurpantur in syrupo de Prassio *Mesuae*, in pilulis de Agarico *Pb. Reg. Charas*, Theriaca *Andromachi*, Hiera Diacolocynthidos, Pulvere Diapraßii *Nicolai Alexandrini*.

Marrubium nigrum, Prassium nigrum & Ballote, *Off. Ballote*, *Matthiol.* 825. *Inst. R. H.* 185. Marrubium nigrum, fœtidum, Ballote Dioscoridis, *C. B. P.* 230. Marrubium nigrum sive Ballote, *J. B.* 3. 318. Marrubium nigrum, *Gerard. Emacul. J. Raii Hist.* 581. Marrubialtrum, *Tabern. Icon.* 540. vulgo, *Marrube noir*.

Caules cubitales, & interdum bicubitales, plures ex eadem radice lignosa, perenni, fibrata exeunt brevi lanugine hirsuti, quadrati, inanes, ramosi, rubentes, foliis vestiti ad singula genicula ex adverso binis, *Melissæ* aut potius *Lamii rubri*, rotundioribus, & nigrioribus, hirsutis & ad tactum mollibus, rugosis. Flores verticillatim caulibus adnascuntur, in eodem communi pediculo, e folij sinu egresso plures, monopetali, labiati, quorum labium superius cochlearis instar est excavatum, inferius vero in tres partes divisum, media ampliori, & cordiformi, pallide purpurei, saturationibus lineis intus striati: calyce striati; oblongi, in quinque acuta segmenta partiti. Ex unoquoque calyce surgit pistillum posticæ floris parti infixum, & quatuor veluti embryonibus stipatum, qui deinde abeunt in totidem semina parva, oblonga, per maturitatem nigricantia, in capsula tubulata, pentagona, & quinquepartita, quæ floris calyx fuit recondita. Odore fœtido *Lamium* refert. In ruderatis, & ad sepes nascitur. Herba integra in usum venit.

Analyfi chymica, ex summitatum floridarum Marrubii nigri ℥vj. per retortam distillatis prodierunt humoris limpidi aliquantis per rufescentis, plantæ saporem, & odorem referentis ℥x. humoris minus limpidi, eundem odorem saporemque referentis, acidi magis ac magis ℥j. ℥ix. ℥v. gran. xxxvj. humoris primum limpidi, acidi, austeri, deinde fusci, impense austeri, ac tandem nigricantis, qui per tempus pulvisculum nigrum deposuit, & limpidior factus est ℥j. ℥xiiij. ℥vj. gran. xxxvj. humoris turbidi, fusci, nigricantis, salis, & alcali urinosi, qui pulverem nigrum ad imum dimisit ℥v. recipiens pulvere nigro, & fuliginoso conspersum repertum fuit: salis volatilis urinosi concreti ℥ij. olei spissi nigri ℥ij. Massa nigra in retorta residua pendebat ℥xv. quæ rite calcinata reliquit cinerum ℥vij. ℥vj. ex quibus lixivio salis fixi ℥j. ℥vij. extractæ sunt. Partium jactura in distillatione fuit ℥viij. ℥ij. in calcinatione ℥vij. ℥ij.

Marrubii nigri folia amara sunt, & odorem gravem foetidum referunt: chartæ cœruleæ tincturam non mutant. Salem essentialem obtinent mixtum, sali qui ex terræ lotionibus extrahitur æmulum, ammoniacalem nempe, tartareum, salsum, & multo oleo crasso foetido implicitum.

Marrubium nigrum tumores resolvit, dolores sedat, ulcera detergit, & sanat, externe admotum: rarius intus sumitur ob foetorem, & ingratum saporem. J. Rajus illud velut præstantissimum remedium in hypochondriacis, & hysteriis affectionibus commendat. Cl. Tournefortius refert, quosdam ad arthritidem sanandam aut saltem ejus paroxysmos minus frequentes, & mitiores efficiendos hoc uti remedio.

24. Folior. Marrubii nigri, Marrub. albi, & Beton. ana M. j. Infunde in aq. ferventis ℥vj. Igne remoto macerentur, donec aqua refrigerata sit. Fiat colatura, cujus cyathos tres quatuorve in die sumat æger.

Ferventi cinere flaccescunt ejus folia ut condylomata reprimant. Cum melle trita sordida ulcera purgant. Eorum decoctum ad omnes malas scabies, serpigines, porriginis ac papulas sanandas plurimum valet. Quapropter a Trago ad manantia capitis ulcera pueris familiaria commendatur. Tabernæmontanus asserit, ejus folia sub cinere cocta, & cum melle contusa hæmorrhoidas sanare.

M A R U M.

Mari nomen duobus plantarum generibus tribuitur, quorum unum Marum verum seu Cortusi dicitur, alterum Marum Mastich.

Marum verum, Marum Cortusi, Off. Chamædryos maritima, incana, frutescens, foliis lanceolatis, Inst. R. H. 205. Marum Cortusi, J. B. 3. 242. J. Raii Hist. 527. Tragoriganum latifolium, C. B. P. Tragoriganum latifolium sive Marum Cortusi Matthiolo, Parkins: Tragoriganum Lobelii, Gerard.

Planta est pedalis magnitudinis, radice fibrosa, quæ differt a Chamædryos speciebus, stipitibus frutescentibus incanis, tomentosis, foliis hastæ ferro similibus, quatuor lineas longis, duas latis, dilute virentibus subtus incanis, sapore acri, & amaro, odore vehementi, & aromatico grato, qui subito cerebrum petit, & sternutationes movet. Flores qui ad Chamædryos flores plane accedunt, in foliorum alis nascuntur monopetali, purpurei, labiati, quorum stamina labii superioris locum occupant: labium vero inferius in quinque partes divisum est, media ampliori cochlearis instar excavata. Ex calyce autem Chamædryos quoque pari, villosa, incano surgit pistillum posticæ floris parti infixum, & quatuor veluti embryonibus stipatum, qui deinde abeunt in rotidem semina subrotunda, Chamædryos similia, in capsula quæ calyx floris fuit recondita. Frequens est in Stæcadum (Terres) una quæ vocatur

Pomponia, Gallis *Portecroz*. Hic in hortis colitur. Folia & summitates floridæ in usum veniunt.

Analysi chymica, ex foliorum, & summitatum floridarum Mari ℥iij. & ℥iij. per retortam distillatis prodierunt humoris limpidi, sub finem aliquantisper rufescentis, odore, & sapore aromatico pergrato, primum obscure acidi, deinde manifeste magis ac magis, atque magis ac magis austeri ℥j. ℥viii. ℥j. gran. xxxvj. humoris empyreumatici, rufescentis, sapore aliquantisper acri pungente, impense acidi, impense austeri, & falsi ℥vj. gran. xxxvj. humoris rufi, tum acidi tum alcali urinosi, & sale volatili urinoso imprægnati ℥j. ℥j. olei tum tenuis essentialis, tum crassi, spissi ad instar extracti ℥j. ℥iij. Massa nigra residua pendebat ℥iij. quæ rite calcinata reliquit cinerum albicantium ℥j. ℥j. gr. xij. ex quibus salis fixi mere alcali ℥iij. gran. xxiiij. lixivio extracta sunt. Partium jactura in distillatione fuit ℥iij. ℥iij. in calcinatione ℥ij. ℥vj. gran. lx.

Mari veri folia chartam cæruleam rubram efficiunt. Inter digitos contrita odorem spirant aromaticum, penetrantem, subtilem, pungentem, qui sternutationes movet; saporem referunt aerem aromaticum amarum. Exsiccata, & cum multa aqua distillata, ut cœteræ plantæ aromaticæ, multum olei essentialis subtilis, & penetrantissimi fundunt. Salem essentialem tartareum obtinent: sed insuper abundant sale tum acido, tenui, volatili, copioso, tum alcali urinoso mediocri, cum multo oleo essentiali, acri, aromatico conjuncto. Unde compositum exsurgit haud dissimile mixturæ ex spiritu acido dulcificato & spiritu volatili urinoso aromatico conflatæ. Mari odor felibus gratissimus est: & eos undequaque allicit ad hortos ubi colitur, eos veluti insanos, & venereo cæstro furentes reddit; ita ut plantam mordicent, supra eam se volutent, copiosa saliva eam proluant, & nonnumquam suo spermate polluant. Inde fit ut in hortis difficillime affervari possit, nisi intra cancellos ex ferro textili confecto includatur.

Rarus est Mari usus in officinis. Attamen inter plantas aromaticas non infimum locum occupat: Raymundus Mindererus in suo *Aloedario Marrocastino*, & Georgius Vvolfgangus Vvedelius peculiaribus dissertationibus hanc plantam nobilitarunt, & magnopere commendarunt. Virtutem incidendi, attenuandi, aperiendi, digerendi illi tribuit Vvedelius, lentorem ac torporem pituitæ corrigendi, bilis inertiam emendandi, sanguinis & spirituum motum augendi, speciatim affectibus frigidis, & humidis medendi. Ab eodem habetur velut insigne diureticum, potens diaphoreticum, & carminativum, summum antiscorbuticum in scorbuto frigido, valens emmenagogum, præstantissimum cephalicum, pectorale, & antiasthmaticum, cardiacum, stomachicum, hepaticum, & spleniticum, uterinum, antispasmodicum, aphrodisiacum, anthelminticum, uno verbo polychrestum; verum latius fortasse quam par est, celeberrimus ille Medicus Mari odore allectus ejus facultates extendit: & virtutes omnes quæ in singulis plantis aromaticis deprehenduntur, illi nimis facile applicat. Expe-

Stan-

Standum est donec ejus vires usu diuturniori comprobatae sint. Er-
mullerus Marum cephalalgiae, & nervinis affectibus conducere scribit,
& illud in apoplexia, & catharris velut medicamentum egregium com-
mendat. Folia pulverata ad ℥ss. praescribuntur, nec immerito Majoranae
anteponuntur.

Externe idem pulvis habetur pro errhino insigni, sive solus, sive cum
Tabaco confociatus. Cerebrum expurgare, & roborare dicitur, & amil-
sum odoratum restituere. Joannes Quincy Medicus Londinensis in sua
Pharmacopœa Officinali, & extemporanea seu completo *Anglico dispen-*
satorio parat ex foliis Mari sal volatile oleosum aromaticum gratissimum,
& cephalicum praestantissimum.

Mari salia usurpantur in Trochiscis *Hedichroi* quæ Theriacæ compo-
sitione subeunt, & in pilulis Marocostinis *Mindereri*.

Oleum essentiale ex foliis Mari extrahitur odore pergratum, quod
cephalicum dicitur, uterinum, & antiparalyticum, & a Batavis maxime
expetitur.

Marum Mastich, *Off.* Thymbra Hispanica, Majoranae folio, *Inst. R. H.*
197. Sampfuchus sive Marum Mastichen redolens, *C. B. P.* 224. Clino-
podium quibuldam, Mastichina Gallorum, *J. B.* 3. *Part.* 2. 243. Marum
vulgare, Clinopodium, *Dodon. Pempt.* 271. Marum Gerard. *J. Raii Hist.*
320. Marum vulgare, *Parkins.* Marum Mastich, Gallorum, & Anglo-
rum, *Advers. Lobel.* vulgo, *Marum Mastich.*

Frutex est pusillus, lignosus, multis ramis tenuibus brachiatus, radi-
cibus tenuibus, lignosis, foliis Serpilli, sed incanis, odoratis, Mastichen
quodammodo referentibus, & sapore acri praeditis. In extremis furculis
capitula lanuginosa, & paulo etiam inferius ambientes similes verticillos
obtinere, e quibus perpusilli flores albidus, & Thymo similes, monope-
tali, labiati, labio superiore surrecto, & bifido, inferiore tripartito.
Odor totius plantae gratus, sed paulo vehementior. In Hispania, & aliis
calidis regionibus sponte crescit. Hic in hortis colitur.

Eadem vires ipsi, quæ Maro Cortusi, tribuuntur: sed rarioris est
usus. Deodatus, notante J. Rajo post Dolæum, in desperato mensium
fluxu ultimum, & praesentissimum remedium ducit pulverem corticis
Mari ad ℥j. cum vino austero, singulis matutinis horis propinatum.

M A T R I C A R I A.

Matricaria, & Parthenium, *Offic.* Matricaria vulgaris seu sativa,
C. B. P. 133. *Inst. R. H.* 493. Matricaria vulgo minus Parthenium,
J. B. 3. 129. Matricaria, Gerard. *J. Raii Hist.* 357. Artemisia tenuifolia,
Tabern. Icon. 8. Matricaria vulgaris, *Parkins.* Amaracus, *Galeno*, &
Aeginetæ: Crispula, *Quorumdam*: Matricaria Parthenii prima species,
Brunsfels: vulgo, *Matricaire* ou *Espargoutte*.

E radice alba, plurimis fibris emissis terram apprehendente, caules
exsurgunt plures, sesquicubitales, rigidi, striati, glabri, satis crassi,
me-

medulla fungosa referti, foliis crebris, dilute virentibus, graveolentibus, amaris, nullo ordine positis vestiti; folia velut alata ex duabus tribusve pinnularum mediæ costæ adnexarum conjugationibus componuntur: pinnulæ hæ latæ sunt, & in alias minores circa margines dentatas subdividuntur. Caulium summitates versas, ex alis foliorum exeunt ramuli, in quibus ut & in summis caulibus nascuntur flores pediculis oblongis, plures velut in umbella, radiati, non admodum ampli; quorum discus ex plurimis flosculis luteis, corona vero ex semiflosculis brevibus candidi componuntur, seminum embryonibus insidentibus, & calyce semisphærico & squamoso comprehensis. Semiflosculis coronæ marcescentibus discus medius extumescit, & embryones abeunt in semina oblonga, exigua, striata, thalamo affixa in calycis fundo, pappo carentia. Tota planta odorem gravem ac vehementem spirat. In hortis colitur. Folia sæpius comæ floridæ in usum veniunt.

Analyti chymica, ex foliorum & summitatum viridum & recentium Matricariæ ℥v. per retortam distillatis prodierunt humoris limpidi, plantæ odorem & saporem referentis, obscure subsalsi, & obscure subacidi, ℥j. ℥vij. ℥iij. gr. xxiiij. humoris manifeste acidi magis ac magis, deinde austeri magis ac magis impense ℥ij. ℥xiiij. ℥iij. gr. xxiiij. humoris rufi, empyreumatici, & alcali urinofi ℥j. gr. lx. humoris rufi, sale volatili urinoso copioso imprægnati ℥j. ℥j. salis volatilis urinofi concreti ℥j. gr. xliij. olei adiposi ℥j. ℥vj. gr. lx. Massa nigra residua pendebat ℥iij. ℥vj. gr. xxiiij. quæ rite calcinata reliquit cinerum ℥ij. ℥iij. ex quibus salis fixi mere alcali ℥j. ℥j. gr. xlv. lixivio sunt extracta. Partium jactura in distillatione fuit ℥ij. gr. xij. in calcinatione ℥ij. ℥iij. gr. xxiiij.

Ex florum capitulis quorum semina jam ad maturitatem pervenerant distillatis, eadem principia extracta sunt cum olei essentialis quantitate non mediocri.

Succus foliorum Matricariæ colorem subrubrum chartæ cæruleæ affert. Salem essentialem obtinet hæc planta ammoniacalem cum multo oleo tum tenui essentiali, tum crasso foetente consociatum.

Inter plantas hystericas insignem locum occupat Matricaria. Ad uterinos affectus plurimum conducit, vel pulverata a ℥ss. ad ℥ij. vel ejus succus expressus & defœcatus ad ℥j. vel alteram, sicut infusum aut decoctum ad ℥vj. Menses, lochia & secundinas remorantes pellit, uterinam suffocationem compescit, dolores post partum sedat. Simon Paulli eam plurimum commendat. „ Mihi, inquit, frequenti in „ usu est, si lochia post partum negotium facessant mulierculis. Pa- „ rare enim ex ea & floribus Chamomillæ, cum tantillo Artemisiæ „ decoctum consuevi, a cujus usu hysterica symptomata illico cessare, „ & lochia abunde fluere, sæpe comperi. Quod medicamentum licet „ non jucundum aliis, hystericis tamen correptis passionibus, veluti „ Sesamo ac Papavere sparsum apparet; quæ ab illius usu ex lethargo „ excitatæ, in vitam, Deo benedicente, veluti redire conspici so- „ lent. “ Hæc S. Paulli. Quæcumque amara possunt, & car-
minan-

minantia , Matricaria utiliter præstat , flatus dissipat , stomachum roborat & ciborum concoctionem juvat . Ventris tineas expellit vel herba ipsa , vel succus ejus expressus , non secus ac Centaurium & Absinthium . Eam febrifugam prædicat C. Hoffmannus de *Med. officinal.* præcipue in malis uteri . Idem auctor pituitam & atram bilem purgandi vim ipsius succo tribuit post Brassavolam , si convenienti dosi exhibeatur , quam ad ℥iij. statuit . In clysteribus ejus decoctum utiliter usurpatur , potissimum in morbis uteri , & cum cæteris plantis carminantibus sæpe consociatur , in colicis affectionibus ab muco viscido tenaci , acri oriundis . Externe præscribitur in fomentis cum Chamomilla vulgari vel Romana in aqua vel vino decocta in uteri inflatione & doloribus post partum , lochiorum remora , mensumque fluxu doloroso quarundam mulierum . S. Paulli refert Matricariam contusam impositam capitis vertici sæpe ejus dolores mitigare . Ad hemicraniam Chesneau eandem contusam & in sartagine calefactam capiti admovet .

℥j. Comarum Matricar. exsiccatar. & pulveratar. ℥j. Nitri defœcati gr. x. Syrup. de Artemisia q. s. F. bolus in mensium & lochiorum remora .

℥j. Comar. Matricar. & Chamomillæ Roman. ana M. j. summitatum Arthemisiæ p. j. Bulliant leviter in aq. comm. ℔ij. Colatura dilue syrup. de 5. rad. aper. ℥j. Nitri ℥j. Propinetur per cyathos quarta quaque hora .

℥j. Folior. & summitat. Matricar. & Tanaceti ana ℥j. Infunde per noctem in vini albi ℥vj. Colatura propinetur mane in mensium remora , lochiorum suppressione , aut ad vermes intestinorum necandos .

℥j. Folior. Malvæ , folior. & flor. Matricariæ Artemisiæ & Tanaceti ana M. j. F. decoctum cum q. q. aq. comm. pro enemate , in cujus ℔j. dissolve crystall. mineral. ℥j. mellis cucumer. asinini seu elaterii ℥j. In hysterica passione , lochior. suppress.

℥j. Radic. Bryon. alb. ℥iij. Aristoloch. rotund. ℥ij. Zedoar. Baccar. Laur. ana ℥j. Folior. & comar. Matricar. Artemisiæ , Chamæmel. Tanaceti , summitat. Sabin. ana M. ij. Coq. in aq. ℔viij. ad ℔vj. adde aq. vitæ ℔j. pro fotu calidissimo abdominis & pubis regioni adhibendo , ad lochia suppressa promovenda .

Cavendum tamen , monente Junckero post celebres Medicos , ne in mensium suppressione aut lochiorum remora hæc emmenagoga medicamenta stimulantia & pellentia incaute adhibeantur , ex grat. in habitu insigniter plethorico , quando primæ viæ non satis expurgatæ sunt , nec sanguis debite dilutus & attenuatus , aut partes æstuentes & ad phlogosim tendentes : tunc enim hæc medicamenta non solum non profunt sed ut plurimum graviter nocent , & inducere solent majores obstructions , summas angustias præcordiorum , non raro insolitas per aliena loca sanguinis eruptiones , febres lentas , hæcticas , phthisicas , cephalalgiam , difficilem respirationem , spasticas

Iticas & convulsivas affectiones, in corporibus laxioribus & spongiosis cachexiam & œdemata. In lochiorum suppressione plenaria si præsertim jam ab aliquot diebus constet, minime expedit, monente eodem, hunc fluxum directe & per hæc stimulantia uterina ut aloetica, myrrhata, &c. intus sumpta revocare. Tunc satius est ad causas hujus suppressionis respicere, partium tensionem, phlogosim minuere & extinguere, orgasmum sanguinis compescere, exæstuationes febriles sedare. Quæ feliciter absolventur remediis diluentibus, temperantibus, emollientibus, necnon etiam absorbentibus, tum interne, tum externe adhibitis, non neglecto Nitri usu his in ægritudinibus præstantissimo. At in lochiorum sola imminutione aut remora nondum pertinaci, hæc uterina leniter stimulantia moderatissimis dosibus adhiberi possunt, præmissis aut intermixtis laxantibus, emollientibus, temperantibus & diluentibus & potissimum nitrosis. Nunc ad Matricariam redeamus.

Palam est apes, inquit S. Paulli, ferre non posse odorem Matricariæ: quare plethorici, quas præ aliis pungunt apes ac culices, in hortis ambulaturi, optime sibi consulunt, si ferta ex Matricaria parent, ac secum circumferant; sic enim apes graveolentia horum offensæ, quasi manu abactæ, illis non nocent. Eundem effectum expectare a Cocola foetida possumus.

Ex Matricaria aqua distillata, extractum & oleum essentiale in officinis præparantur & servantur ad eadem, quibus Matricaria utilia.

Matricariæ folia usurpantur in syrupo de Arthemisia & in syrupo aperiente Cachectico Ph. Reg. Charas & in emplastro de Ranis Joann. de Vigo.

M A Y S.

M Ays, Mayz, Maizium, Frumentum Turcicum, Triticum Indicum; Off. Mays, *Inst. R. H.* 531. Frumentum Indicum, Mays dictum, *C. B. P.* 25. Triticum Indicum, *J. B.* 2. 453. *J. Raii Hist.* 1249. Frumentum Turcicum, *Dod. Pempt.* 509. Frumentum Turcicum & Indicum, *Gerardi*: Milium Indicum maximum Mays dictum, seu frumentum Indicum, *Parkins.* Mays *Acostæ*: Maisum, *Monardi*: vulgo, *Blé de Turquie*.

Radicibus nititur numerosis, duris, fibrosis, albis, sed minime crassis: culmo assurgit arundinaceo, rigido, solido; fungosa, candida & saporis, dum viridis est & succulentus, dulcis, Saccharini, medulla farcto, ac multis articulis geniculato, quinum senumve pedum proceritate, pollicari crassitudine, inferiore parte crasso, ac subinde purpureo, superiore paulatim extenuato. Folia profert arundinacea, cubito plerumque longiora, tres aut quatuor uncias lata, venosa, marginibus aliquantum aspera. Panicula in summo caule gerit dodrantes, graciles, raras, jubæ modo multiplices, aliquando in 15. 20. vel etiam 30. spicas procumbentes divisas, floriferas, infœcundas, a semine seu fructu remotas. Flores his in paniculis nascuntur,

tur, Secalis floribus similes, apetalis, nonnullis staminibus cum apicibus annexis nutantibus, & calyce constantes, nunc candidi, nunc lutei, nunc purpurei coloris, prout videlicet fructus, seu frugiferæ spicæ coloratæ erunt: at nullum semen exarescentes post se reliquunt. Fructus a floribus sejuncti, veluti spicæ ex culmi geniculis exeant, atque ab uno culmo tres quatuorve, alterno ordine, longæ, crassæ, rotundæ, cylindraceæ, multis foliaceis, ac membranosis tunicis, veluti vagina quadam arcte obvolutæ, e quarum summo arcte convoluto longi tenuesque capilli prominent, singulis seminum embryonibus adhærentes, eodem cum granis colore. Semina magna sunt, pisi magnitudine, nuda, nullo folliculo inclusa, lævia, superficie subrotunda, angulata ea parte, quæ palæ axis adhæret, numerosa, quæ sæpe apud Indos in una spica 700. coacervata reperiuntur, ac artissime juncta, & in ordines ac versus octo, aut decem nonnumquam duodecim in longitudinem rectis fere lineis digesta, quæ ratione coloris variant, modo candida, interdum lutea, modo purpurea, nonnumquam fusca aut rubra, medulla tamen farinacea, candida, & sapore cæteris frumentaceis dulciori ac suaviori. Frumentum hoc Americæ indigena in omnibus fere ejus regionibus reperitur, & inde in Africam, Asiam, & Europam delatum fuit. Seminum seu granorum Mays farina quæ a furfuribus probe repurgata candoris est eximii, edulis est, nec solum apud Americanos, sed apud nos in panificia subinde cogitur.

Analysi chymica, Grana Mays præter phlegma tum acidum, austerum copiosum, tum falsum, & urinosum, plurimum olei spissi crassi mediocrem terræ, & salis alcali fixi falsi portionem præbuerunt.

Ex hisce granis contusis, & aqua maceratis vinosus liquor paratur veluti ex Hordeo cerevisia, inebrians & ex quo spiritus ardens extrahitur. Multum salis essentialis Tartarei obtinent cum sulphure crasso copioso, aliqua salis ammoniacalis portione & terra pauca juncti. Principiis & viribus cum Hordeo convenire videntur.

Franciscus Hernandez frumentum hoc valde celebrat. Temperatum est, inquit, aut ad caliditatem humiditatemque paulisper declive, substantia mediocri, concoctu facili, præcipue his, qui eo victu uti consueverunt, non crassa, aut, veluti quidam opinatur, obstruente, & viscosa, quod vel Indis ipsis, qui ex eo pane in placentulas formato vivunt nec tamen obstruunt, aut decolores conspiciuntur, periclitari licet; iisdem affirmantibus nullam in ventriculo gravitatem sentire post epulas, imo post paucas horas rursus, ac si nihil ingessissent esurire, & magna aviditate, si adsit copia, repetere nutrimentum, nec vel de nomine solo ad adventum usque Hispanorum lithiasim novisse: quin quod nullus est apud Mexicanos celebrior ægritudinum acutarum & commodior victus, qui etiam ptisanæ præfertur, quod mille experimentis comprobatum, confirmatumque est: celeriter utique ajunt coctum descendere, corpora quantum sat est nutrire, nullum inferre gravitatis sensum, mollire ventrem, & pectus, calorem febrilem demulcere, (præsertim si pulvis ejus ex aqua

aqua permittatur brumali tempore gelare ,) urinam evocare , viasque omnes extergere . Quin imo Mexicani Medici , posthabita hordeacea ptisana , ægrotantibus pultes & placentulas ex Mayzio offerunt , huic genti consuetas & gratas , & quæ citra ullam noxam , suavem saluberrimamque alimoniam præbeant .

C. Bauhinus in *Teatro Botanico* , nescio a quo edoctus , scribit , Indos , si nimium utantur hoc frumento in cibis , tumidos , & scabiosos reddi . Imo inquit , pueri Guineensium , qui hoc frumento sæpe panis loco utuntur , videlicet granis e spicis excussis , iisque nonnihil tostis , & præustis , si paulo frequentius utuntur a scabie sese vindicare non possunt , cum sanguinem nimis calidum & quasi adustum gignat .

Frumentum illud cum Hordeo plurimum convenire mihi videtur . Panes , qui ex eo conficiuntur , sicci sunt , duri , concoctu difficiles , flatulenti , alvum cohibent : accommodati tantum illis , qui vitam agunt laboriosam . Farina etiam cum lacte , & carniū jusculis in pulmenta formatur , quæ panibus magis nutriunt . Non sunt res stomachi delicatuli , sed fercula rusticorum , nautarum , bajulorum . Frumentum istud pecori majori minori que est gratissimum : ejusque usu mire gliscit sagina . Columbis edulium præbet jucundum valde . Bruyerinus asserit Bellojocenses Lugdunensibus vicinos illud serere feliciter , eoque panificia sua augere . Idem factitatum apud alios populos premente aliarum frugum caritate summa .

Ex hisce granis variè apud Americanos liquores fermentati spirituosì & inebriantes conficiuntur , quorum præparationes apud C. Bauhinum in *suo Teatro Botanico* videre licet .

Nullius aut rarissimi est usus in Medicina . Ejus farina in Hordei farinæ locum substitui potest . Ad cataplasmata emollientia , & suppurantia a nonnullis adhibetur : nam suo lentore cutis poros obstruens , apostematibus suppurandis peridonea est . Foliorum recentium succus , narrante J. Rajo , refrigerandi facultatem obtinet , & erysipelatibus , si panni intincti applicentur , conducit .

M E L I L O T U S .

Melilotus vulgaris , Off. Melilotus officinar. Germaniæ , C. B. P. 331. *Inst. R. H.* 407. Trifolium odoratum seu Melilotus vulgaris , flore luteo *J. B.* 2. 370. Melilotus Germanica , *Lobel. Icon.* 43. Melilotus vulgaris Parkinsoni , *J. Raii Hist.* 951. Melilotus Germanica Gerard. *Emaculat. Descript.* Lotus urbana , *Matthioli* : Trifolium caballinum , *Cammerarii* . & *Italar.* Loti sive Trifolii species Cordi : vulgo , Melilot ou Mirlirot.

Radice alba , tenuj , lenta , fibrillis brevibus capillata , alte in terram descendente firmatur : caules emittit plures , interdum unicū , cubitales , sesquicubitales , & altiores , glabros , teretes , striatos tamen , infirmos , inanes parva intus cavitate , ramosos foliis ad intervalla alternatim nascentibus

tibus vestitos, ternis in eodem pediculo tenuj, sequiunciali, oblongis, denticulatis, & plerumque circumrosis, glabris, obscure virentibus. Flores in spicis longis ex alis foliorum exeuntibus, rarius siti, papilionacei, tetrapetali exigui, flavi, pediculis brevibus tenujbus penduli: quibus succedunt capsulæ siliquosæ, brevissimæ, simplices, pendulæ, rugosæ, nudæ, hoc est in calyce non reconditæ, ut in Trifolio, per maturitatem nigræ, semina singula aut bina subrotunda, flavicantia, continentes, sapore leguminoso. Herba virens nullum fere odorem habet, sed cum aruerit, fragrantissimum spirat. Ad sepes, in vepretis, & inter segetes copiose nascitur. Herba florida in usum venit.

Analysi chymica, ex Meliloti floridi, demptis radicibus, per retortam distillatis ℥v. prodierunt humoris limpidi, odorati, sapore amaro, acri, occulte acidi, subsalsi ℥xiv. humoris limpidi, amari, acrioris, manifeste acidi, magis ac magis austeri ℥iij. ℥iij. ℥vij. humoris rufi, sale volatili urinoso copioso imprægnati ℥j. ℥vj. salis volatilis urinosi concreti gran. xxxvj. olei ℥j. ℥vij. gr. liiii. Massa nigra residua pendebat ℥v. ℥ij. quæ rite calcinata reliquit cinerum ℥j. ℥vj. gr. lx. ex quibus salis fixi mere alcali ℥ij. gr. xlv. lixivio sunt extracta. Partium jactura in distillatione fuit ℥iij. gr. xvij. in calcinatione ℥iij. ℥iij. gr. xij.

Meliloti folia chartam cæruleam rubro colore vix tingunt. Odora sunt, acria, amara, nonnihil styptica, & si diu mastigentur, nauseosa. Salem essentialem obtinent tartareo-vitriolicum ammoniacalem cum multo oleum tum tenuj, tum crasso conjunctum, & terræ portione non mediocri.

Leniter resolvit, digerit, emollit, dolores sedat. Rarius ad usum internum adhibetur. A nonnullis tamen ejus summitatum floridarum ad M. j. decoctum ex aq. comm. ℥ij. cum florum Chamæmeli pari quantitate præscribitur in abdominis inflammationibus, doloribus nephriticis, & rheumaticis. Johannes Michaelis in *notis in Schroderum* decoctum florum Meliloti epotum singulariter commendat in albo mulierum fluore.

Externe creberrimi est usus propter vim emollientem, anodynam & solventem, in qua cum Malva & Althæa convenit: cum sit partium tenujorum & magis volatilium, magis etiam resolvit. In clysteribus emollientibus, carminantibus & demulcentibus, in cataplasmatibus, fomentis, balneis, emplastris emollientibus digerentibus, solventibus, necnon concoquentibus utiliter admiscuntur folia & flores, sæpe etiam cum Chamæmeli floribus consociantur.

℥. Florum Meliloti & Chamæmel. fol. Malv. ana M. ij. Coq. in decocti omasi q. s. pro enemate emollientem, anodyno, & terminativo.

In inflammatione uteri, scroti, ani, & viscerum, fodus ex decocto Meliloti ab Ettmullero commendatur, in primis si ipsi Agrimonia & Chamæmelum addantur, quæ in vino vel aqua decocta inflammationem sistunt. S. Paulli in *Quadr. Botanico* ad uteri dolores post partum & inflammationes fodus commendat ex summitatibus Meliloti floridis, & semine Fœnu Græci paratum ut summe proficuum. Idem ad pleuritidem mitigandam alium fodus proponit sic præparatum.

℥. Her-

℥. Herbæ Meliloti floridæ , Parietariæ ana M. ij. Betonicæ M. j. Bismalvæ Mjß. Flor. Chamæmeli Mß. Mixta & decocta in aqua sæpe pectori superponantur.

℥. Pulpæ ex Liliis. & Althææ radicibus , foliis Cicutæ & Hyoscyami paratæ , & per setaceum trajectæ ℥ß. Flor. Melilot. Camomillæ , & Absinthii Pontic. exsiccator. & pulverator. ana ℥ij. Olei rosati q. s. M. F. cataplasma ad testium tumores resolvendos.

Succus flor. Meliloti aut eorum infusum oculorum dolores sedant : si præsertim aliquantulum spiritus vini camphorati instilletur.

Aqua florum Meliloti odorata servatur in officinis , sed rarioris est usus. Ad odoramenta sæpius usurpatur : cæterorum odoramentorum fragrantiam tenuitate sua evehit & expandit. Paratur in officinis emplastrum de Meliloti *Mesue* , quod quidem pituitam viscidam egregie discutit , resolvit , & dolores apprime sedat. Tumores emollit , & nonnumquam maturat .

F I N I S.

S U P P L E M E N T U M
T R A C T A T U S
D E
M A T E R I A M E D I C A
S I V E
D E M E D I C A M E N T O R U M
S I M P L I C I U M

Historia, virtute, delectu, & usu;
STEPHANI-FRANCISCI GEOFFROY
&c. &c. &c.

T O M I S E C U N D I P A R S A L T E R A.
D E V E G E T A B I L I B U S I N D I G E N I S.



V E N E T I I S,
Apud NICOLAUM PEZZANA.

M D C C L V I.
S U P E R I O R U M P E R M I S S U , A C P R I V I L E G I O.

Qui experti sunt remediorum utilitatem, denegant
autem usum, valde culpandi sunt, utpote qui
crimine invidentiæ flagrant, quod malum cum
omnibus animantibus invisum esse debet, tum
præcipue Medicis, in quibus nisi plenus huma-
nitatis, & misericordiæ animus est secundum
ipsius professionis voluntatem, omnibus diis, &
hominibus invisus esse debent.

Scribonius Largus in Præfatione ad
C. Julium Cæsarum.

Medicus Notitia Plantæ destitutus, de viribus
ejusdem, nunquam juste judicavit.

Linn. De Mater. Med. Lib. I. Canon. 13.

LECTORIBUS

F F.



Ungar jam interpretis munere, ne quis me putet hæc fingere, ait Cicerone, Tusc. Quæst. l. 3. Nos pariter

ad egregium de Materie Medica Stephani Francisci Geoffroy Tractatum quoquo modo perficiendum, ejusdem Partis Secundæ Sectionis Secundæ * Supplementum Gallica lingua conscriptum, non inutile, quinimmo pernecessarium, judicavimus, Latina veste indutum Doctorum oculis subijcere. Quanta, patrio idiomate, diligentia, ac quam varia eruditione Illustrissimus Professor Anonymus Gallus, non sine adjumento Clarissimi Viri Bernardi de Jeussieu, id muneris præstiterit, ex hac qualicumque interpretatione, facili negotio percipietur, ut vere, nihil habeamus, quod de immaturo Celeberrimi Authoris doleamus interitu, multiloque ejus Operi suppleatur optime magno Studentium emolumento. Quapropter æquum

*

2

erat

* Suite de la Matière Médicale de M. Geoffroy, Par M. * * *, Docteur en Médecine. A Paris 1750. Tom. 3. en 12.

erat Italiae quoque nostrae consulendo, Gallicae linguae imperitis commune hoc beneficium reddere, ac Italicas Bibliothecas Supplemento ditare, in quo claro, accuratissimoque ordine, de Plantis Indigenis, sermo instituitur, de inquilinis scilicet Simplicibus, in hac regione potissimum fere ubique luxuriantibus, atque de olitoriis, tam esculentis, quam officinalibus Plantis cognoscendis: quin etiam selectae de Agricultura praeciputiones, Olerumque omnium sationis tempora, aliaque innumera varios ad usus apprime utilia, cum Medicis, tum quibuscumque pergrata liberaliter traduntur.

Ad hanc Venetam Editionem locupletandam, & ad immortale optime meriti Geoffroy nomen magis illustrandum, operae pretium duximus, ejusdem Elogium adjungere, ex Actis Regiae Scientiarum Academiae Parisiensis Latino Orbi donatum, ac ad majorem insuper utilitatem, ornatumque, Plantarum Indigenarum Indicem Latino-Gallo-Italicum Nonnullis fortasse non injucundum apposuimus. Vos ergo Benevoli Lectores mendis, plus justo forte, illapsis, & elocutioni, pro rei dignitate, minus, quam par est disertae, atque expolitae, aequo animo veniam largiamini, nostrisque laboribus favete.

v

ELOGIUM

STEPHANI-FRANCISCI GEOFFROY

*Excerptum ex * Actis Regiæ Scientiarum
Academiæ anni 1731.*



STEPHANUS-FRANCISCUS GEOFFROY natus est Lutetiae Parisiorum die 13. Februarii anno 1672. ex Matthæo Francisco Geoffroy Pharmacopola, primo Scabino, & Antiano Consule, ac ex Aloysia de Uaux Chirurghi suo ævo celeberrimi filia. Ejus quoque paternus proavus primus Parisiensis Scabinus fuit, quo munere tunc temporis ex vetustioribus, honestioribusque familiis Cives fungebantur.

Ejus ab ineunte usque adolescenti ætate institutio ea fuit, quæ Principem decuisset, quamvis a Patre rei Pharmaceuticæ tantum destinaretur: quum enim Physicæ operam primum navaret, paterna in domo, statis temporibus, litterarii congressus habebantur, in quibus & Planisphæria a Cassino, & Machinæ a P. Sebastiano, & Magnetici Lapides a Joblot, aut a du Verneyo Anatomicæ dissectiones, & ab Hombergio operationes Chemicæ ostendebantur, & alii quamplurimi sapientissimi, ac celeberrimi Viri una cum studiosis Adolescentibus, tanto cum profectu, ac utilitate convenerant, ut hinc typus, epocha, ac fundamenta Societatum Physicæ experimentalis addictarum jure, ac merito repeti posse videantur. Tanta igitur cura, & diligentia educabatur, ac si de alicujus Regni Ministri filii ad majores dignitates provehendi cultura, ac ornatu ageretur: hæc omnia tamen pro GEOFFROYO curabantur adhuc adolescenti, paternæ Officinæ tantum designato: quum enim jam Parenti innotuisset, quot, ac quantis, in omnibus sui partibus indigeat cognitionibus Pharmacia, magna delectatione ob felicem successum ab eo exulta, nil mirum, si proprio filio sterneretur diligentius idemmet curriculum, in quo ipse jam consenuerat.

Post Physicam generalem GEOFFROYUS noster rei Chymicæ, ac Botanicæ peculiariter, & Anatomicæ etiam operam dedit. Domestico quoque secessu ad animum recreandum, rejectis puerilibus voluptatibus, ineptiisque, torno, conspiciis, telescopiis, microscopiisque fabrefaciendis, parvis machinis exequendis, Italo Idiomate ab Abbate Roselli, de Romanico Opere, cui titulus, *L'infortunè Napoliten*, optime merito, addiscendo plurimum delectabatur.

Anno 1692 Monspelium a Parente ad Pharmaciā ab expertissimo

Tomi II. Pars II.

* 3

Phar-

Pharmacopola percipiendam missus fuit, mutua commutatione sane optima, nam Monspeffulanus quoque Professor Parisios filium suum apud GEOFFROEYUM Patrem misit, ambo enim adolescentes in externa domo Artem singulariter edocti, novo quotidie doctrinae apparatu, domestico, addito, magis magisque emicuerunt.

GEOFFROEYUS itaque clariores celebris Monspeffulanæ Scholæ Professores sequutus, hac in Urbe magnam sapientiæ famam adeptus est, quæ de die in diem major postea effecta ad summum profecta est suapte natura, nulloque extrinseco adjumento.

Meridionales Regni Provincias, ante suum ad Patriam redditum, Oceanique portus emensus, quidquid visu dignum censeretur, ab eo attente scrutabatur, ac non spernendæ curiositatis pœnas fortasse luisset Maclovii, qua in Urbe ægrotavit anno 1693. quum ab Anglis tormentis bellicis ejus muri quaterentur, nisi terribilis Infernalis Machinæ jactus fortuito, ac feliciter evasisset. Anno 1698. ineunte, Comes de Tallard, postea Dux, Patricius, & Marescallus Franciæ, Legationi extraordinariæ in Angliam designatus, GEOFFROEYUM nondum in Medicorum numerum cooptatum selegit ad propriam valetudinem præservandam, nec dubitavit, quin commendaretur ab omnibus delectus, etsi titulis destitutus. GEOFFROEYUS autem, cui utiliter iter faciendi ratio probe innotuerat, in Londinensi statione profecit plurimum, fere omnium Illustriorum, feracissimæ magnorum Virorum Regionis, ac præcipue Equitis Sloane familiaritatem adeptus est, ac Regiæ Londinensi Societati ascitus fuit, sex mensium cursu nondum exacto.

Hinc in Bataviam profectus, ibique alios sapientes Viros invitus, novas observationes, cognitionesque utiliter congeffit: Et alium quoque in Italiam anno 1700. instituit sibi gratissimum iter cum Abbate de Louvois, tamquam ejus Medicus, juxta GEOFFROEYANAM, tamquam Amicus juxta Abbatis ejusdem sententiam; uterque enim summa laude diversimode loquebatur.

In delitiis præ cæteris GEOFFROEYO semper erant Historia Naturalis, ac Materies Medica, eoque facilius in ejusmodi studia alliciebatur, utpote a Patre ad proprium munus obeundum jam designatus. Anno 1693. Pharmaceutico subacto examine, exhibitoque Artis specimen, magno impetu ad Medicam Artem exercendam alliciebatur, idque patefacere nequaquam audebat. Equivocis, ut ita dicam, studiis operam navabat, iis scilicet, quæ & Parenti, & insito a Natura desiderio æqua lance satisfacerent, Materiæ scilicet Medicæ, nunquam digne satis ab experto quovis Pharmacopola, ne dicam Medico, apte dignoscendæ.

Opportuno igitur tempore, omni abjecta simulatione, suaque enunciata voluntate, Patris facilem assensum expertus est, alterque filius, nunc Regiæ Scientiarum Academiæ Chymicus, Medicæ Provinciæ a Parente destinatus, Pharmaceuticis instructus fuit doctrinis, qua sane immutatione, Patrem mirabiliter edocuit non satis explorata suorum Jurium diligens custos Natura.

Anno 1702. Medicinæ Baccalaureo GEOFFROEYO nunciato, ejus prima Thesis admodum retardata fuit: Fagonius enim primus Medicus, cui præsidendi jus erat, quum id muneris aliis demandare consuevisset, ipse met GEOFFROEYANÆ Thesi præesse voluit, quod honoris non vulgaris genus, nisi protrahendo, haberi non potest. Thesis prædicta, etsi juxta consuetudinem Præsidis opus sit, tamen a GEOFFROEYO ipso exarata fuit, qui Quæstionem hanc selegit, *utrum Medicus, & simul Mechanicus-Chymicus esse debeat?* Facile conjici potest id affirmative ab eo definitum fuisse, etsi definitio Medicos omnes, summo Medicæ Artis dedecore, non amplectetur. Binas alias quoque; tamquam Baccalaureus, Theses composuit, nec non & alteram, cujus anno 1704. Præses fuit post recepta Doctoratus insignia. Nova ac utilia argumenta semper ab eo in medium adducebantur, ac præ aliis eo, quò quærebatur, *utrum Hominis origo a Vermibus derivari possit*, adeo Matronarum primi ordinis curiositas allecta fuit, ut ad eas ad Naturæ mysteria, ignotasque Theorias initiandas, Gallica traductione, opus fuerit. Theses ab ipso in Parisiensi Gymnasio prolatae non solum, tamquam in subiecta materia Tractatus fere integri uno omnium ore censebantur, verum etiam exterarum Nationum gustui magis præ aliis accomodatae, in quibus, præter styli, Latinæque linguæ elegantiam, cætera desiderantur.

Præcticæ Medicinæ, ut sibi jus erat, statim operam dare haudquam sollicitus fuit, multum namque eruditionis, & scientiæ cumulavit, decem annorum spatio, proprio in Musæo conclusus, hinc ea omnia quæ Medicos inter optima principia merito vocantur, summo in gradu in eo locata fuisse, omnium sui temporis Medicorum unanimi consensu compertum est. Suapte dulci, circumspeditionis, moderationisque plena, ac fortasse timidiuscula indole, ad Naturam prosequendam potius, quam auxilii specie, remedium copia turbendam, & juxta exigentiam atque apte juvandam, assidue ferebatur, ac initio præsertim adeo Ægrotantium malis torquebatur, ut eorundem causa, tristis, afflictus, pavidusque esset, hujusque rei causa tandem perspecta, ejus fama adumbrationis loco, majorem recepit incrementum, hac satis rara, ægrisque gratissima amoris specie summo honore habita.

Quum ipse autem probe calleret; Medicum, cujuscumque generis ægrotantibus pertinere, nihil discriminis bonas inter, malasque, illustres, ac plebejas curas ab eo interponebatur, nihil ipse quæritabat, nullum abiciebat, hinc obscuriorum, ac morosiorum major curarum numerus, quæ difficulter admodum ab eo relinquebantur, data etiam quacumque percelebri occasione. Ab omni enim fastu singulariter alienus, proprii nominis adjuvandi, evulgandique vias omnes vafre perquirentes irridebat; veritate nihilominus tandem elucescente, GEOFFROEYANA virtus late patuit. In præcipuis autem, magnisque Medicæ Artis negotiis omnes primi ordinis Medici GEOFFROEYANUM placitum, consiliumque semper explorabant, peculiaribusque ejusdem notitiis utebantur.

tur. Romanos, inter omnes Nationes, fortiores fuisse a Cicerone ex eo concluditur, quod ab earum unaquaque, fortitudinis prima laus, Romanis posthabitis, usurparetur.

Anno 1709. in Regio Franciæ Collegio, Medicinæ Professor, in Tournesfortii, post ejusdem obitum, locum, a Rege declaratus, universam Materiæ Medicæ Historiam Auditoribus suis explicare cœpit, qua de re per longum tempus magna congefferat. Minerali Regno, Fossilibus videlicet omnibus in usum Medicum venientibus jam absolutis, de quibus nihil uspiam, exquisitius, complanatius, certiusque usque adhuc apparuit, ac Vegetabili Regno incoactō, alphabetico ordine, etsi ingens Simplicium numerus descriptus ab eo fuerit, *Melissa* tamen, cæteræque post ipsam satis numerosæ Indigenæ Plantæ, magno studentium mœrore, ac incommodo desiderantur, nihilque de Animali Regno prolatum fuit; quidquid autem ipse dictavit mirabili ordine digestum, in publicam lucem ejus familiæ cura edendum prodiet.

A Fagonio, qui Professoris Chymici titulum in Horto Regio semper detinuerat ad id muneris alii seligebantur, quum vero consuetæ exercitationes a D. de S. Yon jam designato, ob adversam valetudinem, anno 1707. haberi non potuissent, GEOFFROEYUS loco ejusdem suffectus, numeris omnibus, demandata sibi provincia functus adeo fuit, ut titulo postea a Fagonio absolute dimisso, GEOFFROEYUS ipse ab eo ascitus fuerit anno 1712. quin etiam ut magis, magisque GEOFFROEYANA virtus elucesceret, Fagonius ipsi commisit, ut in ordinariis Chemiæ lectionibus aliquid etiam de Materie Medica diceret, una eademque sessione, binis, ac quandoque tribus additis horis: summo studentium amore, ac quodam gloriæ sensu, qui, in quocumque a vanitate etiam alieno animo, agit, ac agere debet, GEOFFROEYUS elatus consensit, ac ex ingenti labore, voluptate quadam veluti perfundebatur, eo, quod in tam longis sessionibus, quin Auditores repellerentur, frequentius, attentiusque aderant: ipse vero minus, quam par erat, hisce de causis, propriæ, suapte natura satis debili valetudini male consulens sibi non leve attulit detrimentum.

Medicorum Universitas singulo biennio proprium seligit Decanum, annoque 1726. quum Viro potissimum indigeret, qui etsi dignitatem mereretur, nullatenus tamen ad eam habendam, electionis læderet libertatem, ac magis Societatem, quam honoris fastigium diligeret, GEOFFROEYUS designatus fuit: quum autem singula Reipublicæ membra non semper æqua ratione Reipublicæ studiosa sint, nonnulli fictis irregularitatibus ejusmodi electionem irretierunt, ac GEOFFROEYUS ipse libenti animo horum sententiam sequutus fuisset, nisi electio eadem solemni Curiæ judicio confirmata fuisset.

Iisdem quibus antea respuebatur suffragiis, Decanatus biennio exacto, eadem dignitate insignitus iterum fuit, propter summam ejus expertæ dexteritatis necessitatem: tunc enim temporis molesta satis Medicos inter, ac Chirurgos lis oborta erat: tunc etiam singularis GEOFFROEYO nostro honor concessus fuit, namque cum Decano Censor sub-

substituatur, qui ejus vices gerit, ilque semper esse debeat Decanus ille, qui proxime functus fuit munere; biennio novi GEOFFROYANI Decanatus, suppressus fuit Decani titulus, ejusque arbitrio relicta inter Socios auxilium petendi potestas. Hæc veræ existimationis, & gratitudinis testimonia ab Universitate sibi exhibita, nec ambitiose exquisita, alte in ejus animo reposita permanserunt, alteroque Decanatus cursu, non sine extraordinariis exantlatis fatigationibus jam absoluto, innumerisque aliis a Medico exercitio additis, ejus valetudo omnino pessum ivit, ac anno 1730. laboribus pressus ægrotavit; Opus tamen a prædecessoribus Decanis necesse habitum, nec ab iis completum forti animo ad finem redegit, Præparatorum scilicet Seriem Medicamentorum, quorum frequens est usus, quæque semper apud Pharmacopolas in promptu esse debent.

Tamquam Academicus a nobis nondum enunciatus fuit, Historiæ enim nostræ publici juris factæ satis ostendunt omnium maxime hoc etiam munere præstitisse, postremis quatuor demptis annis, in quibus legitime a Decanatu impediabatur. Anno 1718. Systema, ac Singularis Affinitatum, aut Relationum diversarum substantiarum Tabula in Chemia, ab eo prolata fuit. Affinitates porro prædictæ Nonnullis, easdem simulatas Attractiones esse suspicantibus, neutiquam arriserunt a doctioribus enim fictæ formæ iisdem dari solebant; tandem GEOFFROYANA Tabula admissa fuit, atque satis perspecta, omnibusque pernecessariis præcisionibus interpretata, tamquam Operationum Chemicarum præcipua Lex recipi potest, non sine magno in Chemia laborantium emolumento.

Regiæ autem Parisiensi Academiæ ascitus fuit anno 1699. annoque 1731. die 6. Januarii occubuit.



M O N I T U M.



*U*re, ac merito excellentiam Tractatus de Materia Medica D. STEPHANI-FRANCISCI GEOFFROY extollit universa Litteraria Respublica, quæ non modo virum prope morte fuisse correptum, sed & ipsum Opus imperfectum reliquisse queritur. Quod erat splendendum, diu, multumque ab omnibus expetitur fuit, sed unicuique audax, periculosum, ac difficillimum videbatur GEOFFROYUM imitari. Et nos quidem id ipsum immorantes diutissime detinuit; Verum quoties tenuitatem nostram consideravimus, toties Tractatus conficiendi nobilitatem sumus admirati: quare inter & tanti operis pondus, & publicæ utilitatis augmentum hæsitavimus jamdudum: nec ad optatum terminum res cessisset feliciter, nisi celeberrimi Medici D. Bernardi de Jussieu, quem honoris, & elogii causa nominamus auxilium interfuisset, aut quoquo modo defuisset. Ipse enim eximiis cognitionibus, notitiisque nos & adjuvit, & ipsum Supplementum exactissime castigavit. Viro igitur laudatissimo, ac Naturalis Historiæ peritissimo debemus plurimum, eique sponte gloriam omnem libenter cedimus, dummodo bono publico consulamus.

Operis OEconomia, quoad per nos licuit, GEOFFROYANAM methodum accurate sequitur, ea excepta mutilatione, quam necessariam credidimus: Analysis nempe Chymicæ Plantarum, quæ ab Authore unicuique articulo inserta fuit. Experientia enim edocti fuimus, nihil penitus in illa Chymica disquisitione publicæ inesse utilitatis. Demptis enim quibusdam Chymicæ Professoribus quis est qui scire cupiat, utrum una, vel altera Planta plus olei, aut phlegmatis, salis, aut terræ in se contineat? Sufficiat generatim Analyseos productionem neutiquam ignorare, quamvis Processus Chymici modum, & ordinem nesciamus: Sufficiat Plantarum vires probe cognoscere, nihil enim commodius reperiri posse, compertum est. Præterea certo scimus, GEOFFROYUM ipsum postremis vitæ temporibus, tanti tam difficilis, ac diuturni laboris inutilitatem deprehendisse, inque suo Tractatu de Materie Medica libenter partem hanc fuisse relicturum. Insuper hisce diebus unanimi omnium consensu receptum est, perobscurè admodum Analysis prædicta, clarius autem simplici infusione, aut pulvere in substantia propinato, Plantarum facultates explorari posse: Nec ignoratur, duas Plantas, qualitate, etsi oppositas, eadem ipsa prin-

principia Analyseos ope largiri; earumque virtutes non ab hisce principiis solitarie sumptis, sed ab ipsarum indole, & proprietatibus a Natura impartitis esse desumendas, quas quidem proprietates ignis actio ut plurimum destruit. Qua de causa post longum tempus actum est de hac Methodo, non solum, ut inutili in semetipsa, verum etiam in arte Medica. Ceterum uniuscujusque Plantæ articulo, ejusdem Analyseos inseruimus productionem excerptam ex Commentariis Regiæ Scientiarum Academia, & ex Operibus Chymicorum, qui peculiariter Spartam hanc emensæ sunt: quapropter hæc satis, superque productio sufficit, ut ea cognoscantur principia, ex quibus Planta scatet. In reliquo Opere universo nec unquam Prototypum nostrum reliquimus, & ut aliquid experientiæ adderetur, delectui, & usui Plantarum, quas descripsimus, meliores Fontes delibavimus. Hæc omnia considerantes, speramus, fore ut Respublica literaria labori nostro æqui, bonique faciat, quod nos ad majorem hujusce Tractatus perfectionem; ad edendam nempe Animalium Historiam, quæ desideratur adhuc, tandem alacriter incitabit.



NOI RIFORMATORI

Dello Studio di Padova.

A Vendo veduto per la Fede di Revisione, ed Approvazione del P. F. Paolo Tommaso Manuelli Inquisitor General del Sant' Uffizio di Venezia, nel Libro intitolato: *Tractatus de Materia Medica, sive de Medicamentorum Simplicium Historia &c. Authore Stephano - Francisco Geoffroy*, con aggiunta *MS. del Supplimento allo stesso Autore tradotto dal Franzese in Latino*, non v'esser cos' alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo Licenza a Niccolò Pezzana, che possi esser stampato, offerendo gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 5. Settembre 1754.

{ Z. Alvise Mocenigo 2.^o Rif.

{

{ Marco Foscarini Cav. Proc. Rif.

Registrato in Libro a Carte 59. al Num. 434.

Giacomo Zuccato Segr.

Adi 11. Settembre 1754.

Registrato in Libro del Magistrato Eccellentiss. de' Signori Esecutori contro la Bestemmia.

Gio: Battista Battisti Segr.

I N D E X

LATINO - GALLO - ITALICUS

PLANTARUM INDIGENARUM.

MATERIÆ MEDICÆ

Partis Secundæ Sectio Secunda,

Juxta Editionem Venetam anni 1742.

A

A Brotanum,
Absinthium,
Acanthus,
Acetosa seu Oxalis,
Adiantum,
Ageratum,
Agnus Castus,
Agrimonia,
Alcea
Alchimilla,
Alkekengi,
Alliaria,
Allium,
Alnus,
Alfine,
Althæa,
Amygdalus,
Anacampseros,
Anagallis,
Anethum,
Anisum,
Anonis,
Aparine,
Apium palustre,
Aquifolium,
Aquilegia,
Argentina,
Armenica Malus,
Artemisia,
Arum,
Asarum,
Asclepias,
Asparagus,
Asperula,
Atriplex,
Avena,
Aurantia Malus,
Tomi II. Pars II.

*Aurone,
Absinte,
Acanthe ou Branche Ursine,
Ozeile ou Vinette,
Capillaire de Montpellier,
.....
Castos,
Aigremoine,
Alcée,
Pied de Lion,
Coqueret,
Alliaire,
Ail,
Aulne,
Morgeline,
Guimauve,
Amandier,
Orpin,
Mouron,
Anet,
Anis,
Arrete boeuf,
Grateron,
Ache,
Houx,
Ancolie,
Argentine,
Abricotier,
Armoise.
Pied de veau,
Cabaret,
Dompte venin.
Asperge,
Petit Maquet,
Arroche,
Avoine,
Oranger,*

Abrotano. *Tomo II. pag. 2*
Assenzio. 5
Achato. 11
Acetosa. 13
Capel Venere, 17
Agerato. 22
Agnocasto. 23
Agrimonia. 25
Malvavischio. 27
Stellaria. 28
Alchechengi. 30
Alliaria. 31
Aglione. 32
Ontano. 35
Alfine. 36
Altea. 37
Mandorlo. 41
Fava grassa. 46
Anagallide. 48
Aneto. 49
Aniso. 51
Anonide. 53
Speronella. 55
Apio palustre. 56
Acquifoglio. 58
Isopiro. 59
Argentina. 61
Meliaco. 63
Erba di San Giovanni. 64
Aro, o Gichero. 67
Spigo salvatico. 70
Asclepiade. 72
Sparagio, o Sparago. 74
Asperella. 76
Atrepice. 77
Vena. 79
Melarancia. 81
* *

B

B Ardana,
Beccabunga,
Belladona,
Bellis,
Berberis,
Berula,
Beta,
Betonica,
Betula,
Bistorta,
Boletus,
Bonus-Henricus,
Borrage,
Botrys,
Brassica,
Brunella,
Bryonia,
Buglossum,
Bugula,
Bursa Pastoris,
Buxus,

Glouteron,
Mouron d'eau,
.....
Marguerite,
Epine vinette,
Berle Ache d'eau,
Bette ou Poirée
Betoine,
Bouleau,
Bistorte,
Monilles,
Bon-Herny,
Bourrache,
Piment,
Chou,
Brunelle,
Coleuvrée,
Buglose,
Bugle,
Tabouret,
Buis,

Bardana, o Lappa. 84
Anagallide acquatica. 87
Erba Bella Donna. 88
Bellide, o margheritina 91
Berberi, o Crespino. 93
Sio. 96
Bietola. 96
Bettonica. 99
Betula, o Scopa. 102
Bistorta, o Serpentina. 105
Uovolo. 107
Spinace Salvatico. 108
Borragine. 109
Botri. 111
Cavolo. 114
Brunella. 118
Brionia. 119
Buglossa. 122
Bugola. 124
Bursa Pastoris. 125
Bosso. 127

C

C Alamintha,
Calcatripa,
Calendula,
Camphorata,
Cannabis,
Capparis,
Caprifolium,
Cardiaca,
Carduus Benedictus,
Carduus Mariæ,
Caryophyllata,
Carvi,
Caryophyllus,
Castanea,
Centaurium,
Cepa,
Cerasus,
Cetrach,
Chærophyllum,
Chamædrys,
Chamæmelum,
Chamæpitys,
Chelidonium,
Cicer,
Cichorium,
Cicuta,
Cinara,
Citream,
Limon,
Citrullus,
Cochlearia,

Calament,
Chaussetrappe,
Soucy,
Camphrée,
Chanvre,
Caprier,
Chevrefeuille,
Agripaume,
Chardon benit,
Cardon Marie,
Benoite,
Carvi,
Oeillet,
Marronnier,
Centarée,
Oignon,
Cerifier,
Ceterac
Cerfeuil,
Germandrèe,
Camomille,
Ivette,
Eclaire,
Pois chiches,
Chicoree,
Cigue,
Artichaud,
Citronier,
Limon,
Citroville,
Herbe aux Cuilliers,

Calamento. 129
Cardo Stellato. 130
Caltha, o Calendula. 131
Canforata. 133
Canape. *ibid.*
Capparo. 135
Caprifoglio. 137
Cardiaca. 138
Cardo Santo. 139
Cardo di Nostra Signora. 141
Benedetta. 142
Caro. 143
Garofano. 145
Castagna. 146
Centaurea. 148
Cipolla. 151
Ciriegio. 154
Aspleno. 157
Cerfoglio. 158
Camedrio. 160
Camomilla. 161
Chamepitide. 165
Celidonia. 167
Cece. 171
Cicorea. 172
Cicuta. 174
Carciofo. 176
Cedro. 178
Limone. 182
Anguria. 183
Cochlearia. 184

Colchicum,
Consolida,
Coriandrum,
Cornus,
Corylus,
Cotonea Malus,
Cruciata,
Cucumis,
Cucurbita,
Cuminum,
Cupressus,
Cuscuta,
Cyanus,
Cyclamen,
Cynoglossum,

Colchique,
Consoude,
Coriandre,
Corne,
Noisetier,
Coignier,
Croisette,
Cocombre,
Cource ou Calebasse,
Comin,
Cypres,
Cuscute,
Blevete,
Pain de pourceau,
Sangue de chien,

Colchico.
Consolida.
Coriandro.
Corniolo.
Nocciulo.
Mela Cotogna.
Crocata.
Cocomero.
Zucca.
Comino.
Cipresso.
Cuscuta.
Ciano.
Pan porcino.
Cinoglossa.

187
190
192
193
195
197
199
200
204
205
ibid.
207
208
209
211

D

Daucus,
Dens Leonis,
Digitalis,
Dipsacus,
Dracunculus,
Dulcamara,

Daucus,
Pissenlit,
Gants de Notre-dame,
Chardon a Bonnetier,
Serpentaire,
Douce amere,

Dauco.
Dente di Leone, o Tarassaco.
Digitale.
Dissaco.
Dragoncello.
Dulcamara.

212
213
215
216
217
220

E

Ebulus,
Elatine,
Endivia, five Intybus,
Enula Campana,
Equisetum, five Hippuris,
Eruca,
Eryngium,
Erysimum,
Esula,
Eupatorium,
Euphrasia,

Yeble,
Velvete,
Endive,
Aunee,
Quene de Cheval,
Roquette,
Chardon roland,
Velar ou Tortelle,
Esule,
Eupatoire d' Avicenne,
Eufraise,

Ebbio.
Elatine.
Indivia.
Enola Campana.
Codacavallina.
Ruchetta.
Eringio.
Erisimo.
Esula.
Eupatorio.
Eufragia.

222
224
225
228
231
233
235
237
238
241
242

F

Faba,
Fagopyrum,
Filipendula,
Filix,
Foeniculum,
Foenum Græcum,
Fragaria,
Fraxinus,
Fumaria,
Fungus,

Fève,
Bled sarrasin,
Filipendule,
Fougere,
Fenouil,
Fenu Grec,
Fraizier,
Frene,
Fume terre,
Champignon,

Fava.
Saggina.
Filipendola.
Felce.
Finocchio.
Fien Greco.
Fragola.
Frassino.
Fumosterno.
Fungo.

244
248
250
251
255
258
260
263
265
267

G

Galega,
Galeopsis,
Gallium,
Genista,
Geranium,
Geranium Robertianum,

Galega,
Grande Ortie puante,
Caillelait,
Genet,
Pied de Pigeon,
Herbe à Robert,

Galega.
Ortica fetida.
Gallio.
Ginestra.
Geranio, o Colombino.
Geranio Roberziano.

271
ibid.
273
274
276
ibid.

Gnaphalium,
Gramen,
Gratiola,
Grossularia,

H

H Edera terr.
Helianthemum,
Heliotropium,
Hepatica,
Herba Paris,
Herniaria,
Hordeum,
Horminum,
Hyoscyamus,
Hypericum,
Hyssopus,

I

I Acea,
Jacobæa,
Jugulans,
Juniperus,

K

K Eiri,

L

L Actuca.
Lammium,
Lampfana,
Lapathum,
Lavandula,
Laureola,
Laurus,
Lens,
Lepidium,
Levisticum,
Lichen,
Ligusticum,
Ligustrum,
Lilium,
Lilium Convallium,
Linaria,
Lingua Cervina,
Linum,
Lithospermum,
Lotus,
Lujula,
Lupinum,
Lupulus,

M

M Ajorana,
Malva,
Malus,

Pied de Chat,
Chiendent,
Herbe à pauvre Homme,
Groseille,

Lierre terr.
Herbe d'or,
Herbe aux verrues,
Hepatique,
Raisin de Renard,
Turquette,
Orge,
Orvale,
Jusquiame,
Millepertuis,
Hysope,

Jacée,
Jacobée,
Noix,
Genevre,

Violier,

Laitue,
Ortie morte,
Herbe aux mammelles,
Patience,
Lavande,
Laureole,
Laurier,
Lentille,
Passerage,
Livesche,
Pulmonaire de Chene,
Sermontaine,
Troefne,
Lis,
Muguet,
Lin soufrage,
Scolopendre vulgaire,
Lin,
Gremil,
Lotier,
Alleluja, ou Pain à Concou,
Lupin,
Houblon,

Piè di Gatto,
Gramigna.
Graziola.
Uvaspina.

Ellera terrestre.
Eliantemo.
Girasole.
Epatica.
Erba Paris.
Erniaria.
Orzo.
Ormino.
Jusquiamo.
Iperico.
Isopo.

Jacea.
Jacobea.
Noce.
Ginepro.

Viola.

Lattuga.
Lamio.
Lampfana.
Lapazio.
Spigo.
Laureola.
Lauro, o Alloro.
Lente.
Lepidio.
Levistico.
Lichene,
Lugustico, o Libistico.
Ligustro.
Giglio.
Fioraliso, o Mughetta.
Linaria.
Lingua di Cervo.
Lino.
Litospermo.
Loto.
Pancuculo.
Lupino.
Lupolo, volg. Bruscaudolo.

Majorana.
Malva.
Melo.

Malus Granata, five Punica,	Grenad.	Melagrano,	420
Malus Perlica,	Pècher,	Pesco.	424
Mandragora,	Mandragore,	Mandragola,	430
Marrubium,	Marrube,	Marrobio.	433
Marum,	Marum,	Maro.	437
Matricaria,	Espargouette,	Matricale, o Amarella.	439
Mays.	Blè de Turquie,	Frumento di Turchia.	442
Melilotus,	Mirlilot,	Meliloto.	444
Melissa,	Melisse,	Melissa. Tomi II.P.II. pag.I	
Melo,	Melon,	Popone.	4
Melongena	Melongène,	Melanzana.	5
Menianthes,	Treffle de marais,	Trifoglio palustre.	7
Mentha,	Menthe,	Menta.	8
Pulegium Regale,	Puilot Royal,	Puleggio.	11
Mercurialis,	Mercuriale,	Mercorella.	13
Mespilus,	Nefflier,	Nespolo.	14
Milium,	Millet,	Miglio.	17
Millium Indicum,	Sorgo,	Saggina.	19
Millefolium,	Millefeuille,	Millefoglio.	20
Momcordica,	Pomme de merveille,	Momordica, o Balsamina.	21
Morus,	Meurier,	Gelfo.	22
Moschatellina,	Moscatelline,	Moscatellina.	24
Muscus,	Mousse,	Moscolo.	25
Myagrurn,	Canceline,	Miagro.	28
Myrrhis,	Cerfevil musquè,	Mirrhide.	29
Myrtus,	Meurte,	Mirto.	30

N

N Apellus,	Tue-loupbleu,	Nappello.	33
Napus,	Navet,	Navone.	36
Narcisso Leucojum,	Perce Neige,	Narcissoleucojo.	38
Nasturtium,	Cresson,	Nasturzio.	39
Nepeta,	Herbe au Chat,	Gattaria.	45
Nerion,	Laurier Rose,	Oleandro.	46
Nicotiana,	Herbe a la Reine,	Tabacco.	47
Nigella,	Nielle,	Nigella.	54
Nigellastrum,	Nielle batarde,	Melanthio salvatico.	55
Noli me tangere,	Herbe impatiente,	Erba impaziente.	56
Nummularia,	Monnoyer,	Nummularia.	57
Nymphaea,	Nènuphar,	Ninfea.	58

O

O Cimum,	Basilic,	Basilico.	61
Oculus Bovis,	Oeil de Boeuf,	Bustalmo.	63
Oenanthe,	Filipendule aquatique,	Enante.	64
Olea,	Olivier,	Ulivo.	65
Olivella,	Olivier nain,	Chamelea.	69
Onobrychis,	Sain-Foin,	Onobrichi.	70
Ophioglossum,	Herbe sans Couture,	Lingua serpentina.	71
Onopordon,	Chardon commun,	Acanzio.	73
Ophrys,	Double Feuille,	Ofri.	74
Orchis,	Satyrion,	Orchide.	75
Oreoselinum,	Persil sauvage,	Oreoselino.	78
Origanum,	Origan,	Origano.	79
Ornithopodium,	Griffe d' Oiseau,	Ornitopodio.	81
Orobus,	Eres,	Orobo.	82

Oryza,
Oxycoccus,

P

PÆonia,
Paliurus,
Panicum,
Papaver,
Parietaria,
Pastinaca,
Pellibofsa,
Perfoliata,
Periploca,
Persicaria,
Pervinca,
Petasites,
Petroselinum,
Peucedanum,
Phaseolus,
Phyllyrea,
Phytolacca,
Pilosella,
Pimpinella,
Pinguicula,
Piper Indicum,
Pisum,
Plantago,
Polium,
Polygala,
Polygonatum,
Polygonum,
Polypodium,
Populus,
Porrum,
Portulaca,
Primula Veris,
Prunus,
Pseudo-Acacia,
Psyllium,
Pulmonaria,
Pulsatilla,
Pyrola,
Pyrus,

Q

Quercus,
Quinquefolium,

R

RAnunculus,
Rapa,
Raphanus,
Rapunculus,
Reseda,
Rhamnus Catharticus,
Rhus,

Ris,
Canneberge,

Pivoine,
Paliure,
Panic,
Pavot,
Casse-pierre,
Panais,
Lysimachie,
Perce feuille,
Scammonée de Montpellier,
Persicaire,
Pervenche,
Petasite,
Persil,
Queue de Pourceau,
Haricot,
Philaria,
Vermillon,
Oreille de Rat,
Bipinelle,
Grassette,
Poivre d'Inde,
Pois,
Plantain,
Polion,
Herbe a lait,
Sceau de Salamon,
Renouée,
Polipod,
Peuplier,
Porreau,
Pourpier,
Primerole,
Prunier,
Faux-Acacia,
Herbe aux Puces,
Pulmonaire,
Coquelourde,
Pyrole,
Poirier,

Chene,
Quintefeuille,

Renuncule,
Rave,
Raifort,
Campanule Raiponce,
Reseda,
Noirprun,
Sumach,

Riso . 83
Officocco . 85

Peonia . 86
Paliuro . 89
Panico . 90
Papavero . 91
Parietaria, o Vetriuola . 95
Pastinaca . 97
Lisimachia gialla . 99
Perfoliata, o Perforata . 100
Periploca . 101
Persicaria . 102
Clematitide . 105
Petasita . 107
Petrosemolo . 109
Peucedano . 112
Fagiuolo . 113
Philirea . 114
Phitolacca . 115
Pelosella . 116
Pimpinella . 118
Pinguicola . 120
Pepe d'India . 121
Pisello . 123
Piantaggine . 124
Polio . 128
Poligala . 130
Sigillo di Salomone . 131
Correggiula . 132
Polipodio . 134
Pioppo . 135
Porro . 137
Porcellana . 139
Primavera . 141
Pruno, o Sufino . 143
..... 157
Psillio . 158
Polmonaria . 160
Anemone salvatico . 162
Pirola . 163
Pero . 165

Quercia . 161
Cinquefoglio . 164

Ranuncolo . 166
Rapa . 170
Ramolaccio . 172
Raperonzo . 176
Reseda . 178
Ramno, o Spin cervino . *ibid.*
Somacho . 180

Rosa

Rofa,
Rosmarinus,
Ros Solis,
Rubeola,
Rubia,
Rubus,
Rabus Idæus,
Rufcus,
Ruta,

Rofe,
Romarin,
Rosée de Soleil,
Petite Garance,
Garance,
Ronce,
Framboisier,
Laurier d' Alessandrie,
Rue,

Rofa . 182
Ramerino . 191
Rugiadosa . 193
Robbeola . 194
Robbia . 195
Rovo . 196
Rovo Ideo . 198
Rusco . 199
Ruta . 201

S

S Abina,
Salicaria,
Salix,
Salvia,
Sambucus,
Samolus,
Sanicula,
Saponaria,
Satureja,
Saxifraga,
Scabiosa,
Scandix,
Scilla,
Sclarea,
Scordium,
Scorfonera,
Scrophularia,
Secale,
Sedum,
Senecio,
Serpillum,
Serratula,
Siciliana,
Sideritis,
Siliquaftum,
Sinapi,
Sifarum,
Sifymbrium,
Sifon,
Smilax,
Smyrnum,
Soda,
Solanum,
Soldanella,
Sonchus,
Sorbus,
Sphondylium,
Stachys,
Staphisagria,
Statice,
Stramonium,
Suber,
Syringa,

Sabine,
Salicaire,
Saulle,
Saulge,
Sureau,
Mouron, d' eau,
Sanicle,
Savoniere,
Savourée,
Saxifrage,
Scabieuse,
Peigne de Venus,
Scille,
Sclarée,
Chamarras,
Scorfonere,
Scrophulaire,
Seigle,
Joubarbe,
Seneçon,
Serpolet,
Sarrette,
Tute-Saine,
Crapaudine,
Guainier,
Moutarde,
Cherui, ou Griole,
Raifort d' eau,
Sifon,
Liferon,
Maceron,
Soude,
Morelle,
Chou de mer,
Laitron,
Sorbier,
Berce,
Epi fleuri,
Herbe aux Poux,
Staticè, Gazon d' Olympe,
Pomme epineuse,
Liège,
Liliac,

Savina . 204
Salicaria . 207
Salcio . *ibid.*
Salvia . 209
Sambuco . 213
Samolo . 218
Sanicola . *ibid.*
Saponaria . 220
Santoreggia . 222
Sassifraga . 223
Scabbiosa . 228
Pertine di Venere . 230
Scilla . 231
Schiarea . 233
Scordeo . 234
Scorzonera . 237
Scrofolaria . 238
Segala . 241
Semprevivo . 243
Senecione . 247
Serpollo . 248
Serratola . 250
Androsemo . 251
Siderite . *ibid.*
Siliquaftro . 252
Senape . 253
Sifaro . 255
Sifembro . 256
Sifon . 259
Smilace . 260
Macerone . 262
Sali . 263
Solatro . 264
Cavolo di Mare . 267
Cicerbita , 268
Sorbo . 269
Acantho di Germania . 272
Salvia Salvatica . 273
Stafisagra . 274
Statice . 275
Stramonia . *ibid.*
Sovero . 277
Lillac . 278

T

T Amariscus,
Tanacetum,
Taxus,
Tertianaria,
Tetragonia,
Thalictrum,
Thalaspia,
Thymelea,
Thymus,
Thysselinum,
Tilia,
Tinctorius Flos,
Tithymalus,
Tordylium,
Tormentilla,
Tragopogon,
Tribulus,
Trifolium,
Triticum,
Tussilago,

Tamarisc,
Tanaise,
Yf,
Centaurée bleu,
Fusain,
Rue des Prez,
Thalaspia,
Thymelée,
Thym,
Perfil des marais,
Tilieul,
Gaude,
Titbymale,
Seseli de Candie,
Tormentille,
Sersifi, ou Salsifi,
Tribule,
Tresle,
Froment,
Pas d'Asne,

Tamerigia, 280
Tanaceto. 282
Tasso. 285
Lisimachia azzurra. 287
Evonimo. 288
Ruta pratense. 289
Talaspia. *ibid.*
Timelea. 291
Timo. 292
Seseli palustre. 295
Tiglio. *ibid.*
Luteola. 297
Titimaglio. 298
Seseli Cretense. 300
Tormentilla. 301
Barba di Becco. 303
Tribolo. 304
Trifoglio. 306
Frumento. 309
Farfaro. 312

V

V Aleriana,
Valerianella,
Veratrum.
Verbascum,
Verbena,
Verbesina,
Veronica,
Viburnum,
Vicia,
Viola,
Viorna,
Viperina,
Virga aurea,
Viscum,
Visnaga,
Vitis,
Vitis Idæa,
Ulmaria,
Ulmus,
Umbelicus Veneris,
Unedo,
Urtica,
Usnea,
Vulneraria.
Uvularia,

Valeriane,
Mache,
Piede de Griffon,
Bouillon blanc,
Vervene,
Eupatoire,
Veronique,
Viorne,
Vesse,
Violette,
Clematite,
Viperine,
Virge d'Or,
Gui,
Visnage,
Vigne,
Airele,
Reine des Prez,
Orme,
Nombril de Venus,
Arbousier,
Ortie,
Usnée Humaine,
Vulneraire des peysans,
Campanule a favilles d'Ortie,


Valeriana. 314
Valerianella. 317
Veratro. 318
Tassobarbasso. 319
Verbena. 322
Verbesina. 323
Veronica. 324
Viburno. 327
Veccia. 328
Viola mammola. 329
Clematitide salvat. 333
Viperina. 334
Verga aurea. 335
Vischio. 336
Visnaga. 339
Vite. 340
Vite del monte Ida. 348
Olmaria. 349
Olmo. 350
Ombellico di Venere. 352
Arbuto. 353
Ortica. 354
Usnea umana. 358
Vulneraria. 359
Campanella. 360

X

X Anthium,
Xyris.

Petite Bardane,
Glayeul puant,

Xantio, o Lappolamin. 361
Xiride, o Spatula fetida. 362



SUPPLEMENTUM TRACTATUS
 D E
 MATERIE MEDICA
 DOM. GEOFFROY.
 PARS SECUNDA.
 DE VEGETABILIBUS INDIGENIS.

SECTIO SECUNDA.
 DE PLANTIS INDIGENIS
Quæ in Usum Medicum veniunt.

M E L I S S A.

MELISSÆ plures extant species, sed binis tantummodo Ars Medica utitur, Hortensi nempe, ac Sylvestri.

Melissa, sive Melisophyllon verum, Citrigo, vel Citronella, Offic. Melissa hortensis, C. B. P. 229. Melissa vulgaris odore Citri, J. B. 3. 232. Melissa, Dod. 91. Melissa vulgaris, Park. Raii Hist. 570. Melisophyllum vulgare, Lugd. 957. Melisophyllum vulgare, vel adulterinum, Fuchs. Melissa nostras, Cawver. hort. Melissa domestica, Trag. Mellitis, Plin. Meliphylon, Mellifolium, Citraria vel Cedronella, Apialstrum, herba pigmentaria, Quorumd. vulgo *Melisse des jardins*, *Poncirade*, *Piment des ruches*, ou des *Mouches a Miel*.

Radix rotunda, longa, lignosa, fibrosa, atque alte reposita emittit caules quadratos, pene læves, ramosos, duros rigidos, fragiles, quandoque ad

majorem cubiti altitudinem, foliis oblongis, atro-viridibus, Calaminthæ; aut Menthæ hortensis ferme æmulis, lucidis, hirsutis, marginibus ferratis, odore Citri gratissimo, gustu aliquantulum acri. Ex foliorum alis exeunt flores verticillati, in annulos circum caules neutiquam terminatos dispositi, labiati, parvi, albi, & dilute-rubri, tubuloque efformantur, vertice binis labiis distincto, calyceque villoso, striato, bifidoque sustinentur, abeuntque in quatuor conjuncta semina semirotonda, aut oblonga, prædicto calyce conclusa. In hortis feritur planta hæc, aliquando etiam ruri in sepibus sponte crescit, atque in agro Parisiensi, Junio, Julio, & Augusto flores propellit. Hyemæ vero in solo exsiccatur, radice tamen incolumi, magnum in re Medica usum habet: animadvertendum vero est pro Officinarum usu Vere, antequam florescat, esse colligendam, a cimice namque fætido odore post florum eruptionem coinquinatur. Plurimum vero olei exaltati, salisque essentialis in ea continetur.

Melissa cordialis, & cephalica est, stomachum roborat, mensesque promovet, in Apoplexia, Epilepsia, & stupore, nec non in melancholicis, malignis, ac pestilentialibus morbis felici quidem cum successu adhibetur. Prostant in Officinis Oleum distillatum Plantæ siccæ a gut. iij. ad gut. vj. Extractum decoctionis ejusdem a ʒss. ad ʒj. & Conserva ipsius florum ab ʒss. ad ʒj. præscribendam. Virtutum hujusce Plantæ cognitio Avicennæ, reliquisque Arabibus debetur, Medici enim Græci, & Galenus, vix quidpiam de ea dixerunt. Si Paracelso, & Alchymistis fides præstanda est, ejus Quintessentia valet ad sanguinis crasim restaurandam, & ad juvenescendum, ipsi experimenta proferunt, promissis haudquaquam respondentia; hinc nobis ad minus miraculosa, sed magis certa est transeundum. Simon Pauli testatur, suis temporibus, nihil fuisse Septentrionalibus feminis familiaris, Infusione foliorum Melissæ ad menstrua profluvia excitanda, quæ etiam quandoque apparebant, Melissæ foliis calceamentis tantum immixtis, addit deinde, Virginem Ictericam, & melancholicam sequenti remedio repetito sanatam fuisse.

℞. Conservæ Melissæ ʒj. Conservæ Borrachinis, & Buglossi ana ʒss. Confectionis Alkermes ʒj. M. cum s. q. Syrupi de quinque radicibus aper. ʒjss. manè ac sero propinata.

Exhibetur foliorum infusio ad modum Theæ pug. j. quum sicca, & Man. ss. quum recentia sunt ex aquæ ʒ viij. aut ex iis Man. j. in jusculo vitulino sine sale leviter decoquitur pro remedio adverius vapores satis optimo. Usitatissima est ejus Aqua distillata tam simplex, quam composita: Aqua Melissæ simplex elicitur s. q. ejusdem foliorum, quibus tuis, ac in cucurbita stamno obducta repositis, parum aquæ simplicis additur. Distillatio postea aut B. M. aut B. A. usque ad mediæ partis consumptionem instituitur; sic Aqua Melissæ habetur, quæ aliarum more ab ʒjv. ad ʒ viij. in potionibus cordialibus, & hysteriis exhibetur. Contra vero Aqua Melissæ composita, seu magistralis spirituosior est ob Aromata in ejus confectione usurpata, & ob Sp. Vini, in quo Melissa infunditur. Sequenti autem ratione optime parari potest.

℞. Fol. recentium Melissæ ʒ. jv. Corticum exteriorum Citri recent. ʒ ij. Nucis Moschatæ, & Coriandror. ana ʒ j. Caryophyll. Cinnamomi, & Radicis Angelicæ Boem. ana ʒss. Contunde quidquid est contundendum, per triduum omnia macerentur in Sp. Vini rectificatissimi lb ij., & Aquæ Melis-

Melissæ simplicis ℥j. distillantur postea B. M. usque ad siccitatem.

Aqua hæc plurimum valet contra Apoplexiam, Letargum, Epilepsiam, Vapores, Colicos dolores, Mensium & Urinarum suppressionem; exhibetur cochl. j. cumulado, aut solitarie, aut aquæ cyatho infusa, juxta morborum impetum, & differentiam; iisdem, Epithemate cordis regioni applicito, facultatibus potitur. Præterea ejusdem semine paratur Emulsio in malignis febribus aptissima.

Gaspar Hoffmannus in *Traçtatu de Medicamentis Officinalibus* jure, meritoque præcipit, folia Melissæ Vere, priusquam planta efflorescat, esse colligenda, diversa enim tempestate, cimicis odore scatent, ac si forte Autumno colligantur, minus salis volatilis oleosi suppeditant, aut saltem sal hocce rapidius aliis principiis ejus cardiacam virtutem imminuentibus implicatur.

Teneris ejusdem propaginibus tuis, ovis, saccharoque mixtis, placenta quædam conficiuntur, feminis, quibus Lochia non satis commode fluunt, exhibendæ, eorumque decoctio cum nitro mixta adversum indigestionem, aut suffocationem ex nimio fungorum esu feliciter propinatur.

Forestus Melissam commendat in cordis palpitatione, & syncope; Rondeletius in Paralyfi, Vertigine, & Epilepsia; Riverius autem in Mania.

℞. Fol. Melissæ Man. j. minutim incide, ac infunde in Sp. Vini ℥jv. Adde Margaritar. pp. ℥ß. Cochlearia bina adversus Maniam tribus de die vicibus præscribentur.

℞. Aquar. Melissæ simp. & Menthæ simp. ana ℥ij. Aquæ Flor. Malorum Aurantiorum, & Cinnamomi hordeati ana ℥ij. Confectionum Hyacinthinæ & Alckermes ana ℥j. Syrupi Caryophylli hort. ℥ß. M. pro potione, Cochleari j. in deliquio, syncope, aliisque morbis, in quibus roborandum est, ministranda.

Usurpatur Melissa in Syrupo Artemisiæ *Rhasis*, in pulveribus Electuarii lætificantis *ejusdem*, in Catholico simplici, in aquis denique Vulnerarie, Sine pari, Generali, & Lactis Alexiteria &c.

Melissa sylvestris, sive Melissophyllum, *Offic. Melissa, Trag. Fuchs. Ger. Lobel. Melissophyllon, Park. Lamium montanum Melissæ folio, C. B. P. 231. Melissa adulterina, quorundam, amplis foliis. & floribus non grati odoris, J. B. 3. 233. Melissa humilis latifolia maximo flore purpurecente. J. R. H. 193. Herba sacra, quorundam, Lugd. 1336. Lamium Pannomicum primum albo flore, Clus. hist. 37. Herba sana, Agripp. Lamium, Plin. vulgo Melisse sauvage, Melisse de montagne ou des bois, Melisse quante ou qui sent la punaise.*

Radicem habet fibrosam, nonnihil acrem, & amaram, caules pedis longitudinem vix superantes, quadratos, villosos, geniculatos, medulla repletos. Folia Galeopsis communis foliis similia sunt, oblonga, rugosa, rigida, parvisque pilis Melissam hortensem æmulantibus donata, atro-viridia, & lucescentia, sapore acri. Flores tres, vel quatuor secus folia ex unoquoque nodo emergunt, calycibus oblongis, molliusculis, vilosis, præsertim antica in facie expolitis, longis, inodoris, Lamii floribus similibus, ac majoribus, quandoque albo-purpureis, aut dilute admodum purpureis, quorum labium inferius magis elongatur. Semen grandiusculum est, inæquale, subnigrum. Species hæc nec malleum, nec citrinum quidpiam redolet, sed contra fætet. Majo, Junioque in sylvis prope maximas arbores alibique florescit. In Agris Parisiensi, Versaliensi, & Montmorancino vulgarissima

occurrit. Non modo caulibus humilioribus, minusque ramosis, foliis magis hirsutis, ac longioribus, floribus majoribus, odoreque ingrato, differt a præcedenti, verum etiam juxta Lemeryum radicibus Aristolochiæ tenui adeo æqualibus, ut plures Pharmacopoliæ, hæc pro illis quandoque suppeditent.

Planta hæc vulneraria est, nobisque optimum contra urinæ suppressionem remedium ministrat, quod debemus illustri D. Tournefortio, ac ab ipso proponitur, in *Historia Plantarum Agri Parisiensis*, sequenti descriptione.

Hujusce plantæ ℥ij. reponendæ sunt in Alembico cum Herniariæ æ. q., insperfo sale, additoque parum aquæ, omnia digestionem triduo commissa, postea distillantur B. M. ac novis herbis contusis, & prædicta ratione digestis superaffundatur aqua distillata tribus repetitis vicibus, postremo autem loco elicitæ aqua fervetur in vase vitreo optime clauso: ex ea autem ℥jv. cum Vini albi æ. q. quarta quaque hora præscribentur, eodemque tempore inungendus est infimus venter, perinæum, & renalis regio, sequenti oleo, quod paratum Man. j. Millepedum, Cantharidibus X. & Sem. Ammeos ℥j. in olivarum Oleo, aut per triduum Soli exponendo, aut leviter ebullituro, infusis. Clysteres pariter ex Malvæ, Melissæ nostræ, & Herniariæ decoctione sunt injiciendi. Garidelius in *Historia Plantarum Agri Aquisextiensis* laudatum remedium magnis encomiis extollit, ejusque mirabiles effectus expertum fuisse asserit.

Interim adnotandum est remedium hocce neutiquam esse profuturum, si urinæ suppressionem, inflammatio, aut febris comitetur, quo in casu profecto noxium erit, diureticis enim calidis adstipulandum est, a quibus sabulosarum, glareosarumque particularum majori quantitate renes infarciuntur, & obstructio, ac inflammatio, nisi liberior via aperiatur, adaugentur.

M E L O.

MELOREM diversa sunt genera in hortis a nostratibus fata. Hic loci de Melone vulgari solummodo verba faciemus.

Melo vulgaris, C. B. P. 310. Melones, J. B. 2. 242. Melo sive Melopepo vulgo, Cucumis Galeni, Dod. 663. Melo, Brunfels. Trag. Melopepo, Gesn. Pepo, Matth. Fuchs. Ger. Park. Raii Hist. vulgo *Melon commun.*

Melo sic appellatur a *μῆλον*, malum, ob similitudinem, super terram repit planta hæc caulibus longis, sarmentosis, scabris, foliisque Cucumis minoribus, rotundioribus, minusque angulosis. Ex foliorum alis nascuntur cute flores, Cucumis floribus persimiles, floribusque Lycopersici majores, numerosi, quorum alii steriles, alii fertiles sunt. Iisdem fructus succedunt, villos tamen, quum majorem ventrem acquirunt, amittentes, figura quandoque aliquatenus elongata, aut contracta, quandoque majori aut minori præditi, striati, quodammodo sufflati, atque acu picti, cortice tecti Cucumis duriore, admodum crasso, viridi, ac cinereo. Pulpa per maturitatem vel lutescens, vel rufescens est, humida, glutinosa, mucilaginosæ, ac si forte fructus nimium maturescat, omnino fluens, sapore dulci, adinstar sacchari, Moschi fragrantiam quandoque redolenti. Interior substantia in plures dirimitur cellulas, seminibus refertas numerosis, prope ovalibus, planis, mediocribus, albis, cortice Pergamenam chartam duritie æmulante tectis, nucis pinæ nucleis quoquomodo similibus, amygdalam veluti condentibus.

dul-

dulcem oleosam, sapidam. Cellulæ autem semina occludentes, ac Melonis centrum occupantes, medulla liquida, rubra, saporeque grato conflantur.

Ob fructus excellentiam nullibi ignotam in hortorum pulvinis seritur Planta hæc, quum autem plurimum a frigore lædatur, necesse est ut ejus pulvini ab aeris, ventorumque injuriis probe defensi sint: hinc facile evincitur cur calidarum regionum melones multo meliores sint, quam frigidarum.

Melones plurimum phlegmatis, olei, salisque essentialis, & volatilis continent: eorum pulpo humectans est, ardorem sanguinis compescit, corque recreat, uno verbo, gratum, & facilis digestionis alimentum præbere solet, si moderate ingurgitetur, sin minus non levia sanitati detrimenta afferre potest, flatus enim, pertinacesque colicas, quandoque progignit, quas etiam dysenteria, fluxusque ventris curatu satis difficiles subsequuntur. Observatur enim febres quartanas, ab ejus abusu originem ducere. Ceterum senes pituitosi, & melancholici ab ea se se abstineant, nisi forte pipere, ac sale, facilioris concoctionis, benigniorisque notæ reddatur; nonnulli etiam, addito saccharo, liberalius postea vino indulgent.

Inter quatuor semina frigida majora Melonis semen recensetur, ac in emulsionibus, omnibusque refrigerantibus potionibus usurpatur, uti in jusculo pulli mulso, in febribus ardentibus, viscerum inflammatione, urinæ suppressione, omnibusque aliis morbis utilissimo, in quibus violenta sanguinis, & humorum fermentatio est coercenda. Conficitur autem jusculum prædictum, pullum recipiendo amputatis extremitatibus exenteratum: postea adimpletur ℥j. quatuor Sem. frigid. maj., quandoque vero hordei mundati, aut oryza cochlear, & amygdalæ dulces xij. adduntur, quum scilicet huncce magis humectantem, ac nutrientem cupimus. Ebulliat in aquæ ℔viij. ad tertie partis consumptionem, levi expressione coletur, ac ex eo quinque vel sex cyathi tepidi una cum communibus jusculis de die ægris exhiberi possunt.

Quum vero emulsionibus præscribuntur, Quatuor Seminum frigid. maj. dosis ut plurimum definitur ℥j. in Aquæ ℔ij. adduntur Amygdalæ dulces excoctæ N. xij. hisque in mortario marmoreo tufis, paulatim ℔ij. aquæ Hordei, aut Oryzae juxta exigentiam affunduntur, expressione liquor traiecitur, ac pro unaquaque Emulsionis libra, additur ℥j. Syrupi Violarum, Nymphaeæ, Althææ, aut Diacodii juxta differentes indicationis leniendi scilicet, aut refrigerandi, aut temperandi, aut somnum conciliandi.

℞. Quatuor Sem. frigid. maj. ℥℔. Amygd. dulces excor. N. viij. Tunde in mortario marmoreo, paulatim affundendo aquæ hordei ℥viij. Colaturæ adde Syrupi Diacodii ℥℔. pro una Emulsionis dosi hora somni sumenda in doloribus, agitationibus, ac vigiliis. Ad gratiam addi potest ℥j. Aquæ Flor. Malor. Aurantiorum.

℞. Quatuor Sem. frigid. maj. ℥j. Amygdalas dulces excor. N. jv. Tere addendo paulatim ℥vj. decoctionis, pug. j. tam Veronicæ maris, quam Hederae terrestris. Colatura edulcoretur ℥ij. vel iij. Syrupi Violar. pro dosi in Eththisi hora somni exhibenda.

M E L O N G E N A.

EX pluribus Melongenæ speciebus usitatiorem describemus.

MELONGENA, MELANZAN, mala insana, Offic. Solanum pomiferum
Tomi II. Pars II. A 3

rum fructu oblongo, C. B. P. 167. Melongena veteribus, J. B. 3. 618. Mala insana, Dod. 458. Ger. *Lonic.* Mala insana Syriaca, Park. Melongena fructu oblongo violaceo, J. R. H. 151. Melanzana fructu pallido, Hort. *Eyst.* Solanum hortense & Pyea insana, *Cæsalp.* Melongena, *Matth. Cord. Hist. Adv. Lob.* vulgo *Melongène*, *Merangene*, *Mayenne*, *Hubergine*.

Radix fibrosa, ac parum profunda caulem tantum emittit, plerumque simplicem, pedem circiter longum, digitum crassum, cylindraceum, sub-rubrum, quadam abstractu facili lanugine obtectum, ramosum, cujus numerosi, ac inordinati ramuli foliorum alas sustentant. Manum superantia, ac latissima folia sunt, foliis Quercus satis similia, sinuosa, non crenata, viridia, in superficie, minuto, ac ad instar farinæ albo pulvere, aut lanugine feta, palmaribus, crassissimisque petiolis juncta, eminentiis adinstar caulis rubris, ac quandoque spinosis prædita. Flores aut solitarii, aut bini, aut tres eodem in caule, eodemque ramo contra folia enascuntur, emulanturque exiguas rosas quinis cuspidibus donatas; stelliformes sunt, ampli, sinuosi, albidi, aut purpurei, calycibus suffulti parvis sub-rubris spinis, armatis, & in quinque acuminata segmenta divisus. Hisce fructus succedunt Ovi, aut Cucumis magnitudine, cylindracei, solidi tactu leves, purpurei, aut viridescentes, succulenta, atque alba pulpa pleni, semina claudentes plurima albescentia, plana, reniformia, Piperis Indici semenibus proxima. In hortis tum ad delitiam, quam ad utilitatem colitur; fructus cocti, aut crudi, uti Cucumis in regionibus calidis, ac præsertim in meridionalibus Galliæ provinciis ingurgitantur. Multum olei, ac phlegmatis, parum vero salis habet planta hæc.

Rajus cum Marcg grave contra Johannem de Laet sustinet, Melongenam nostratem, unam eandemque esse cum Lusitanorum *Belingela*, Incolarum Angolæ *Tongu*, & Incolarum Congi *Macumba*; addit præterea, fructus, Mandragoræ fructibus, figura accedere, ac a nonnullis Neotericis suspicari, plantam hanc esse Mandragoram marem Theophrasti, fructusque prædictos lethales, ac ideo *Mala insana* vocatos, poma scilicet male sana, aut fatua, etsi nulum excitent furorem, & Itali, ac Hispani iis familiarissime in acetariis ac condimentis utantur. Juxta Marcg grave citreum sapiunt gustum.

Raro hocce planta, ac in aliquo tantum Cataplasmate onodyno, ac resolvente, & adversum hæmorrhoides, Cancros, adustiones, ac inflammationes ars Medica utitur, interior tamen ejus usus neutiquam est perniciosus, incolæ enim Antillarum, ejus fructum decoctum, excorticatum, quadrifariam incisum, ac oleo & pipere conditum edunt, alibi etiam aceto infusum, uti Cucumeres nostrates acetariis sociatur. Belonus refert, eo Ægyptios aut in cinere cocto, aut elixato quotidie in mensis uti, tamen quum Auctores omnes conveniant, alimentum esse non modo insipidum, ac frigidum, verum etiam adinstar Fungorum noxium, flatus, indigestiones, febresque procreans, ut hoc rarissime in usum revocetur, propriæ salutis sollicitos admonemus.

℞. Succī Melongenæ, Solani, & Geranii Robertiani ana ℥ij. Plumbi usti ℥j. Unguenti Populei ℥ij. Convenienti spatio temporis macerata diligenter admisceantur in mortario plumbeo, cum ejusdem materiæ pistillo.

Adversum Cancros, Ulcera carcinomatosa, & Hæmorrhoides plurimum valet.

℞. Suc-

R. Succi Melongenæ, Solami, & Olei Liliorum ana ʒ iij. Agitentur in mortario plumbeo, cum simili pistillo, instituanturque iteratis vicibus injectiones in uteri Carcinomate.

M E N I A N T H E S.

PLurima Trifoliorum genera in Officinis noscuntur. Hoc autem præ omnibus distinguitur, genusque peculiare constituit,

Trifolium palustre, Trifolium fibrinum, sive Castoris, *Offic.* Trifolium palustre, C. B. P. 327. I. B. 2. 389. *Dod.* 580. Menianthes palustre latifolium, & tryphillum, I. R. H. 117. Trifolium majus, *Tabern. icon.* 520. Trifolium aquaticum sive paludosum, *Offic. Park. Ger.* Trifolium fibrinum Tabernæ-Montani & Germanorum, *Raii Hist.* 1099. Menianthes palustre Theophrasti, *Lugd. Hist.* Limonium pratense, *Trag.* 705. isopyrum, *Gesn.* Menianthes foliis ternatis. *Linn. Flor. Luppon.* 50. Trifolium Anti-Arthriticum, vulgo *Menienthe*, *Treffle de marais*, *Treffle d'eau*, *Treffle de Castor*.

Radix est geniculata, longa, alba, lineis, fibrisque per intervalla emissis donata. Folia tria caudæ longæ, ac latæ implantantur satis magna, foliisque Fabæ pene similia, expolita, tactuque lævia, quæ inter, caulis elevatur pedem cum dimidio altus, compactus, viridisque, fasciculum florum circumferens, qui albo-purpureum colorem habent, antequam vero aperiantur externe rubescunt, & aperti in quinque mucronata segmenta dividuntur, facieque interna donantur filamentis delicatulis, albis, & lanuginosis stipata, calycibusque sustinentur cyathum referentibus, ac serratis; ab eorum unoquoque, quina exeunt stamina alba, quorum extremitates luteæ sunt, pistillo in centro locato, viridiori, depressiorique, abeunt deinde in fructus rotundos, ac oblongos, semina occludentes ovalia. Helianthemî feminibus æqualia, amara, & atro-lutea.

Sponte crescit in paludibus, aliisque humidis locis, in solo sterili; extra aquas diutius servari non potest, Majo, Junioque floret, ac frequentissime in agro Parisiensi occurrit; diversis in regionibus diversam quoque magnitudinem habet, ac folia quandoque rotunda, quandoque mucronata.

Planta eadem Analyfi Chymicæ commissa, præter acidos liquores, Sal volatile concretum, magnamque terræ, atque olei portionem largitur, continet autem Salem ammoniacalis naturæ sulphure, ac terrestribus particulis permixtum: hinc apta nata censetur contra scorbutum, arthritidem, cachexiam, & hydropem. In arthritidis paroxismo hauriendus est quarta quoque hora cyathus decoctionis ejusdem, a qua efficaciter sublevari ægri se sentient, ejusdem tetrimento super affectam partem simul apposito; semen adhibetur adversum tussis inveteratas, & Asthma humidum; humoresque viscidos pulmonis bronchia infarciunt potenter discutit, atque incidit. Planta hæc, uti ceteræ, quæ sale Alkali volatili abundant, re quidem vera saporem habet minus jucundum, non adeo tamen ingratum, uti Cochlearia, tam magnis laudibus in Scorbuto prædicata, cui tamen a S. Pauli eodem in morbo, hydrope & arthritide Trifolium palustre usque adhuc recensitum anteponitur, cujus etiam succus lactis fero commixtus felici exitu communiter propinatur. Sal quoque & extractum educitur ab hac planta, eaque syrupus conficitur, quæ omnia iisdem pollent facultatibus, ac facili negotio sine ægrotantium molestia præscribi possunt. Praxis Germanica eadem frequentis-

sime utitur, ibique adeo in pretio habetur, ut Germani Medici in omnibus fere desperatis morbis, tamquam singularem quamdam Panaceam hanc ipsam adhibeant. Hoc elicitur ex *Ephemeridibus Germanicis Decuria secunda anno II.* in quibus ejusdemmet plantæ proprietates in longum describuntur.

℞. Rad. Trifolij palustr. lotar & rasar. ʒj. Ebulliant leniter in aqua ℥. iij. ad ℥. ij. Adde Fol. ejusdem, & Nasturtij aquat. ana Man. j. post leviusculam ebullitionem liquor per linteolum coletur. Decoctionis hujusce tepidæ quarta quoque hora cyathus exhibeatur in Scorbuto, Arthritide, & Hydrope.

℞. Seri lactis depurati ℥. j. Adde cochlearia jv. cumulata Succo Trifolij palustris pro binis dosibus, una, mane, altera, sero in Arthritide, & Scorbuto propinandis.

M E N T H A.

INsignis est numerus plantarum, quæ sub Menthæ nomine in Officinis usuveniunt. *D. Geoffroy* jam alio in loco de Pulegio-Thymo verba fecit. Sex aliæ differentes species, excepta Mentha Græca, quæ ad hocce genus neutiquam spectat, nobis adhuc restant describendæ; I. videlicet Mentha hortensis vulgatissima; II. Mentha crispa verticillata; III. Mentha angustifolia spicata; IV. Mentha aquatica rotundifolia; V. Mentha Sylvestris, sive Menthastrum; VI. demum Pulegium vulgare.

MENTHA cardiaca, sive vulgatissima, Mentha hortensis rubra, sylimbrum hortense vel Balsamita, *Offic.* Mentha hortensis verticillata. *Ocymi* odore, *C. B. P.* 227. Mentha verticillata minor acuta non crispa, odore *Ocymi*, *L. B.* 3, 226. Mentha quarta. *Dod.* 95. Mentha fusca sive vulgaris, *Park.* Mentha cardiaca, *Cam. r. Hort. Ger. Raii Hst.* 530. Mentha vulgaris serpens rotundifolia, *Schvvenckf.* Calamyntha *Ocymoides*, *Tabern. icon*, vulgo *Menthe commune*, ou le Baume des jardin, l'Herte du Coeur.

Huic radix est serpens, fibrisque stipata, quæ in longum, latumque extenduntur, caulesque pullulat quadratos, nonnihil hirsutos, rigidos, rufescentes, ad pedis cum dimidio altitudinem sese elevantes. Folia rotunda sunt, bina invicem opposita, odore penetranti prædita, primo intuitu *Ocymi* medii foliis satis proxima; in caulis vertice tamen sita, foliis *Pulegii-Thymi* longiora, acuminationiora, ac viridi saturatiore feta, magis productis, acutioribusque denticulis incisa, ac Menthæ Græcæ foliis potius accedentia apparent. Ex foliorum aliis nascuntur exiguorum analui. Florum, qui labiti purpurei, spicam efformantes, in bina brevialia ita dirimuntur, ut quinquifidum calamum mentiantur, quatuor minuta seminia subsequuntur; pistillumque longius, colorque pallidior est, quam in *Pulegio-Thymo*.

Juxta Joannem Bauhinum, gratissimo, mitique *Ocymi* odore, & *Melissæ* sapore, species hæc ab aliis Menthæ speciebus facile discriminatur. Ejus de facto odor quidpiam *Balsamici*, & *Citrini* revera continet. In hortis colitur, in quibus adinstar aliarum Menthæ specierum facillime crescit, ac Julio, & Augusto florescit. Quandoque etiam ruri in sepibus sponte luxuriat, illucque una cum hortorum sordibus allata multiplicatur. Ob ejus balsamicam facultatem, quemadmodum & Mentha Græca *Balsamita* quoque appellatur. Iisdem cum Mentha crispa viribus pollet, menses immodicos præcipue stagnat, & ad-

& adversus fluores albos specificè commendatur. Oleum, in quo folia, ac flores infusi fuerint, usitatissimum est in omni vulnerum, ac contusionum specie, splenio eodem imbuto, ac appposito.

In Menthis omnibus sal volatile aromatico-oleosum invenitur, ac fere ædem sunt dotes. Generaliter aptæ natæ sunt ad restituendum ventriculi tonum, ciborum concoctionem juvandam, vomitum sistendum, ructusque acidos corrigendos; usurpantur etiam ad menses, & urinas ciendas, flatus discutiendos, doloresque colicos leniendos; utiles sunt in viscerum obstructionibus, ac a nonnullis hepaticæ reputantur. Hæ vero sunt generales earundem proprietates. Præ omnibus autem excellunt *Mentha hortensis*, de qua usque adhuc verba fecimus, ac modo describenda.

Mentha crispa, *Offic. Menta crispa verticillata*, C. B. P. 227. *Mentha crispa verticillata folio rotundiore*, I. B. 3. 215. *Mentha prima*, *Dod.* 95. *Mentha altera*, *Camer. Epist.* 478. *Mentha cruciata*, *Lob. Icon.* 507. *Mentha crispa*, *Park. Raii Hist.* 531. *Mentha sativa rubra*, *Ger. vulgo La Menthe frisée ou crépue, le Baume frisé.*

Radice donatur repenti, lac serpenti, ut ceteræ *Menthæ* species. Caules quoque quadrati sunt, ac plerumque cubitos tres & ultra alti, rigidi, erecti, solum versus purpurei, villosi, ac in aliis foliorum concavi, quæ per intervalla progignuntur, suntque atro-viridia, rotunda, rugosa, crispa, ac veluti pice quadam illita, ambitu denticulato, ac villosa. Ex foliorum alis flores apparent verticillati, analisque conflati, *Pulegij* vulgaris floribus æquales, colore caruleo-dilutiore.

In hortis colitur, ac in iis plurimum multiplicatur, nobisque optima remedia suppeditat stomachica, & cephalica, felici cum successu adhibetur ad vomitum cohibendum, propinatis extracti hujusce Plantæ gr. xij. aut xv. & Confectionis *Hyacinthinæ* æ. q. infantibus mensium quindecim aut viginti, quibus a stomachi acrimoniis vomitus excitatur; ad scrupulum usque pro adultis dosis augetur. Sal volatile-oleosum *Menthæ* lactiginosas congestiones facile fundit, notumque est ab hac coagulatum lac resolvi, præsertim in puerperis, Cataplasmatibus forma mammis applicata. Cataplasma vero *Menthæ* & *Rutæ* æ. q. & Sem. *Carvi* ℥j. in aceto ebullitis paratum, ceteris est præferendum. Aqua distillata, & Syrupus easdem, ac extractum virtutes habet. Distillatione etiam, aut infusione oleum elicatur pro stomachi regione, in vomitu, ac hujusce visceris imbecillitate, illinienda. E teneris autem ejusdem summitatibus *Conserva* paratur. *Dioscorides*, & *Galenus* cum veteribus aliis plurimis *Mentham* æstrum venereum excitare testantur; e contra *Hippocrates*, & *Plinius* ab aliis pluribus secuti asserunt; ab hisce sedari, & generationem impediri. *S. Pauli* horumce sententias conciliat, traditque, *Mentham* recentem ad Venerem utique concitare, fecunditati vero officere; siccam vero utrumque impedire, impotentiam videlicet ad coitum, & sterilitatem progignere. Propria pariter edoctus experientia testatur laudatus vir, *Mentham* externe appositam, *Hæmorrhagiam* sistere, vidit enim sanguinem extemplo cohibitum post phlebotomiam institutam ex pede in aqua immerso, in qua *Mentha* infusa fuerat, quod a *Rajo* solum refertur *Mentæ Daniæ crispe*, aut *Speciosæ Germanicæ*, *Park*, non vero ceteris speciebus, dummodo hic effectus a *Mentha* revera producta fuerit, quod adhuc indecisum reliquit. *Mentham* adstringentem esse, fluoresque albos, & immoderatum men-

sium profluvium sistere credit Etmullerus una cum aliis pluribus celeberrimis Practicis.

Mentha Romana, Mentha angustifolia, sive acuta, *Offic.* Mentha angustifolia spicata, C.B.P. 227. Mentha spicata folio longiore, acuto, glabro, nigro; I. B. 3. 220. Mentha Romana, *Ger. Raii Hist.* 532. Mentha Romana angustifolia, sive Cardiaca, *Parck.* Mentha sativa, vel hortensis quarta, *Dod.* Mentha Romana, *Officinarum*, sive præstantior angustifolia, *Lob. icon.* 507. Mentha acuta, *Tabern.* Mentha hortensis oblongo folio, *Cæsalp.* Mentha odorata angustifolia, *Camer.* Mentha hortensis prima, *Gesn.* Mentha Seracenica, *Quorumd.* vulgo *la Menthe à épi*, & *a feville étroite*, *la Menthe de nostre Dame.*

Radix est longa, fibrosa, repenti, quæ huc, illuc serpendo mirabiliter fecundatur. Trium cubitorum altitudinem habent caules rufescentes, quadrati, & ramosi ita, ut ramuli inferiores, & folia, respectu superiorum adeo locata sint, ut crucem efforment, hanc vero foliorum posituram communem habet cum aliis verticillatis plantis, quamvis non ita manifesto in plerisque appareat. Folia oblonga sunt, angusta, acuminata, atro-viridia, quasi villosa, ac ambitu denticulato. Exigui flores in caulium, ramorumque apice spicam efformant longiusculam, tubuloque constant vertice in duo labia diviso, albidi sunt, parvisque rubris punctis conspersi, calycibusque cornua referentibus, circumque denticulatis sustinentur. Hisce quatuor semina minuta, oblonga in florum calyce clausa præsto sunt.

In hortis colitur, grate, penetranterque redolet, saporis est acris, & Aromatici, & Æstate florescit. Iisdem, cum aliis, proprietatibus gaudet. Utiliter adhibetur pro fomentis, balneis, semicupiis, quum potissimum calefaciendi, corroborandi, & diaphoresim promovendi necessitas urgeat. Succus ejus cum aceto epotus sanguinem, vomitum biliosum, & singultum sistit, vermesque enecat. Folia cum Lacte mixta in causa sunt, ne lac in stomacho coaguletur. Totius plantæ odor cerebrum, memoriamque firmat, cor recreat, hæmorrhoidesque claudit.

Mentha aquatica, Sisymbrium, sive Balsamum palustre, *Offic.* Mentha rundifolia palustris, seu aquatica major, C. B. P. 227. Mentha aquatica sive Sisymbrium, I. B. 3. 223. *Ger. Emac.* Sisymbrium, *Dod.* 97. Calamintha aquatica, *Tab. icon.* 353. Mentha aquatica rubra, *Park.* Sisymbrium sylvestre, *Gesn. hort.* Sisymbrium agreste aquaticum. *Adv. Lob.* 218. Mentha floribus capitatis, foliis ovatis ferratis petiolatis, *Linn. Hort. Cliff.* 306. vulgo *la Menthe aquatique.*

Repens est ejus radix multis fibris vestita, Caules emittit minutos, quadratos, villosos, intus cavos, fungosa medulla repletos, folia statis spatiis excrefcentia, Menthæ crispæ foliis similia, ambitu pariter denticulato, quamvis non crispato, brevibus suffulta petiolis, ac acuto Pulegii odore donata, colore atro ad rubrum accedente, ac quandoque satis viridi. Flores superiorem caulis partem occupant, & in crassis, ac rotundis capitibus colliguntur, dilute-purpurei sunt, quadrifariam scissi, quatuor salientibus staminibus præditi, apicibus atro-rubris. Semina vero minuta sunt, ac nigricantia.

Humidis regionibus delectatur planta hæc, rivulorum, nempe oris, pratis, paludosisque locis, vulgatissima est in agro Parisiensi, flores autem Julio emittit, ac vere denuo pullulat.

Ejus folia acria sunt, amara ac aromatica; inter stomachicas, & diureti-

cas recensetur, ac percommode Theæ more usarpari solet : Calidis quoque adscribitur, odoreque acutissimo donatur . Ejusdem succus in Vino epotus urinas, glareasque pellit, ac vomitum singultumque sistit: stomachi tormina, flatusque dissipat. Folia etiam fronti applicantur adversus capitis dolorem, & Apis, ac Vespæ morsum . Camerarius ejusdem aquam distillatam contra suffocationem, spirandi difficultatem, & pulmonum infarctus extollit.

Mentha alba seu Menthastrum, *Offic.* Mentha vulgaris rotundiore folio, C. B. P. 227. Menthastrum folio rugoso rotundiore spontaneum, flore spicato, odore gravi, I. B. 3. 219. Menthastrum, *Ger. Raii Hist.* 532. Mentha Caballina folio rotundiore seu Menthastrum, *Trag. Cord. Tabern.* Menthastrum foliis orbiculatis, *Gesn.* Mentha agrestis, sive equina, *Quorumd.* vulgo la *Menthe Sauvage*.

Radice donatur fibrosa, serpenti, vivaci, quadratos, & villosos ad cubiti altitudinem caules propellit, folia rotunda, rugosa, lanugine alba obtecta, flores Menthæ hortensi similes, albo-rubros nempe, dentatis calycibus elatos, spicamque efformantes. Hisce vero semen minutum, ac nigrum succedit.

Gustum habet adstringentem, acrem, & amarum, odoremque fundit summe acutum, & Aromaticum, Mentha hortensi minus gratum, abunde in agro Parisiensi prope fluvios, rivulos, locaque humida occurrit, uti postrema, Julio autem florescit.

Vermes enecandi vim habet, ac ceterarum more in Asthmate, mensium suppressione, & auditus vitiis utilis experitur, atque balneis uterinis, ac nervinis admiscetur. Nonnulli in Ischiade, tritam, Cataplasmatibus forma, super affectam partem apponunt, eaque vesicas sese disrumpendo dolorem mitigantes excitari testantur. Tournefortius vero in *Historia Plantarum agri Parisiensis* refert, ptisanam hac Menthæ specie confectam optimam esse adversus vapores,

Puleium, Pulegium Regale vel Regium, *Offic.* Pulegium latifolium, C. B. P. 222. Pulegium, I. B. 3. 256. *Dod.* 282. Pulegium vulgare, *Partk.* Pulegium vulgatum, *Anguill.* Pulegium regium, *Ger. adv. Lob.* Pulegium femina. *Fuchs.* Pulejus, *Ciceroni*, & *Columellæ*. Pulleum, *Martiali*, vulgo *Puilot Royal*.

Huic radix est fibrosa, ac serpens, quæ plurimos emittit caules fere pedales, quadratos, hirsutos, alios erectos, alios vero curvos, ac super terram late extensos, cui numerosis fibrillis e suis nodis exeuntibus, quasi totidem radicibus denuo adnectuntur. Folia tactu lævia, & nigricantia, odore grato, & penetranti, sapore adurenti ad Origanum accedunt, ex eorum vero alis ramusculi, sive alia tenuissima exeunt folia. Flores verticillati sunt, sive anulis circum caules dispositi, pene cærulei, aut purpurei, quandoque dilute rubri, raro albi; anuli vero depressi sunt, longam fere spicam efformantes, flores labiati, ac bifariam divisi, horum vero locum exigua occupant femina.

Incultura loca amat planta hæc, in quibus Hyeme præsertim aquæ stagnant, abunde ubique occurrit prope paludes, ac lacus, & in sepibus humidis secus majores vias, Julio, ac Augusto flores emittit, quum autem efflorescendo magis aromatica sit, tunc potissimum est colligenda.

Pulegium odorem habet penetrantissimum saporem acrem, & amarissimum, papyrus cæruleum magno rubore imbuat, ex quo conjectari possumus sal volatile Aromatico-Oleosum, acido saturatum, in eo contineri, dum e
contra

contra in sale volatili-oleoso artificiali, acidum hocce sale tartareo irretitur. Planta igitur hæc inter aperientes, hyltericas, morbisque ventriculi, & pectoris dicatas recenseri debet, præsertim si adsit indicatio, glutinosas particulas, pulmonares vesiculas & bronchia infarciendes discutiendi. Quotidie etiam in tussi pertinaci, & antiquis rheumaticis affectionibus optimo quidem eventu usurpari solet. Rajus post Boylæum affirmat, Pulegii succo infantum tussim convulsivam mirabiliter sedari. Chesneau cyathum decoctionis hujusce plantæ cum paucis saccharo contra raucedinem, sero hora somni, propinandum præscribebat. Expectorationi præterea favet, & asthmaticos potenter solatur ad modum Theæ, pug. j. si sicca, man. ß. si recens sit in aquæ ℥ viij. infusa: necessarium autem, ac perutile est hic adnotare, odoriferas, & aromaticas plantas, efficaciores esse siccas, quam recentes, quum enim magna phlematis portio jam evaporata sit, volatilia principia, atque olea æthereæ plantæ tunc facilius, utiliusque secerni possunt.

Tragus Vinum album extollit una cum Pulegio ebullitum, adversum albos fluores, & chlorosim. Externe quoque ejus decoctio apponitur, ad arthritidis dolores dissipandos, dentes emundandos, cutisque pruriginem leniendam. Montanus Pulegii pulverem una cum melle, & aqua in oculorum morbis exhibebat. Palmerius denique Medicus Anglus testatus est Dom. Rajo plantam hanc recentem, in sacculo, lectuloque immissam, Pulices depellere, dummodo statim ac exsiccatur, statim quoque renovetur. Hoc autem verisimile videtur ob latinæ denominationis etymologiam, qua, hac facultate, a veteribus insignita, sicque nuncupata fuit, quod scilicet ejus flos recens, & ustum odore suo insectum prædictum enecare soleat.

Mentha in syrupis, Melissæ sylvestris, & antiscorbutico Charos, in pulveribus, *Diagal nga*, & *Xilo Alos* ejusdem Authoris ingreditur.

℞. Salis Absinth. ℥ j. Syrup. Limon. ℥ j. Aquæ Menthæ crispæ ℥ ij. M. pro Potione bis, terve de die in vomitu repetendo.

℞. Succu tepidi Pulegii ℥ iij. Sacchari cand. ℥ iij. M. Cochleare unum in violenta, ac convulsiva infantum tussi exhiberi potest.

℞. Fol. Pulegii Man. ß. Coque in aquæ q. s. Eliciantur vero decoctionis ℥ vj. vel viij. Colaturæ adde Sacchar. Cand. parum. Exhibeatur sero hora somni, repetaturque congruo temporis spatio, in raucedine, ac inveteratis rheumaticis affectionibus.

Epithema adversum vomitum.

℞. Crustam panis assam, succo Menthæ saturatam, pulvereque Mastiches conspersam. Epithema hocce, tertia quoque hora innovandum, calidum regioni stomachi applicetur.

Fulvis adversum albos Fluores.

℞. Fol. Menthæ, Mumix, Coralli rubri pp. Karabis, & sem. Agni Casti ana ℥ j. M. F. p. Dosis ℥ j. mane propinanda jejuno ventriculo, super bibendo cyathum unum vel duo infusionis Urticæ albæ.

M E R C U R I A L I S.

MERCURIALIS plures species in Officinis noscuntur, nos vero hic loci duas tantum vulgatiores, ac usitatiores, marem scilicet ac feminam describemus.

Phyllum, Mercurialis mas, *Offic.* Mercurialis testiculata, five mas, *Dioscoridis & Plinii*, C. B. P. 121. Mercurialis mas, I. B. 2. 977. *Dod.* 658. Mercurialis mas, *Anguill. Matth. Fuchs. Ger. Park.* Mercurialis fructum ferens, *Cæsalp.* Phyllon Arrhenogonon, *Theophrasti*, *Cord.* *Linozotos* Parthenium, *Hermupoa*, five Mercurii Herba. *Plin.* vulgo *Mercuriale male Foirole*, *Vignoble ou Vignette*.

Radice donatur tenera, fibrosa, annua, quæ caules propellit fere pedis altitudinem æquantes, angulosos, geniculatos, læves, ac ramosos. Folia Parietariam fere æmulantur, oblonga sunt, æqualia, atro-viridia, lucescentia, aliquantulum lata, acuminata, ambitu denticulato, sapore nitroso, calido nonnihil, ac nauseabundo. Ex foliorum alis breves, & minuti exeunt pedunculi, qui exiguos ad modum testium sacculos ferunt, five fructus binis constantes capsulis semi-planis, rudibus, ac villosis, parvum, ovale, aut rotundum semen continentibus.

Planta hæc frequens in viis omnibus occurrit, in cæmeteriis, hortis olitoniis, vinetis, aliisque locis umbrosis, & humidis, ac inter quinque celebres emollientes enumeratur.

In tradenda Mercurialis descriptione vulgarem sententiam Authores amplectentes, Mercurialem sterilem, feminam; fertilem vero, marem vocitarunt: quum e contra rationi, rerumque naturalium analogiæ magis consentaneum esset, denominationem sterilis mari, fertilis vero feminæ tribuere; in quocumque enim genere femina fructifera est.

Mercurialis femina, *Offic.* Mercurialis spicata, five femina, *Dioscoridis*, & *Plinii*, C. B. P. 121. Mercurialis femina, I. B. 2. 977. *Dod.* 658. *Anguill. Matth.* Mercurialis vulgaris, & prima, *Trag.* Mercurialis florens, *Cæsalp.* Phyllon Thelyogonon, *Theophrasti*, *Cord.* vulgo *Mercuriale femelle*, ou à épi.

Mercuriali Mari caulibus, foliis, & radicibus omnino similis est; sed contra præcedentis morem incassum flores emittit, qui pluribus staminibus sca- tent, tripetalo, vel quoadripetalo calyce sustinentur, ac in spicam abeunt, nullo aut fructu aut semine subsequente.

Per ætatem florescens ubique luxuriare solet. Ambæ vero uno eodemque tempore virescunt, ac Hyeme communiter pereunt.

Binæ hætenus descriptæ species promiscuum in re Medica usum, salutæ vero herbæ saporem habent. Sal nitrosum Mercurialem continere nonnulli credunt, Tournefortius autem verosimilius pronunciat, salem ejusdem, naturæ esse Ammoniacalis maxima sulphuris, ac terræ portione irretitum: inter aperientes, laxantes, ac quinque emollientes recensetur. Frigida itaque, in qua 24. horarum spatium Mercurialis infusa fuerit valet adversum Hydro- pem, Cakexiam, Vapores, & Chlorosim. A pluribus cum Quercetano in uteri obstructionibus eadem fumopere commendatur, ejusdemque decoctio semicupii forma, prædicto in morbo usurpatur, curando, ut succi ejusdem depurati ℥iij. ac Tincturæ Martis ℥ij. simul quotidie propinentur. Mel ejus
succo

succo paratur, & clysteribus contra supra recensitum morbum ℥ ii. sociatur. Nobis etiam simplicem, ac compositum syrupum suppeditat; simplex ℥ ij. vel ℥ iij. ad alvum leniendam, urinas, mensesque ciendos præscribitur; compositus vero, qui etiam Calabrensis, & Vitæ longæ nuncupatur, sic conficitur.

℞. Succi Mercurialis ℔ viij. Succi Borruginis & Buglossi ana ℔ ij. fiat colatura per linteolum forti expressione; coque deinde per horæ quadrantem, assidue spumam abiiciendo; fiat iterum colatura per manicham Hyppocratis, ac M. cum æ. q. Mellis albi: decocti, & diligenter despumati.

Præsto fit sequens infusum antea paratum sequenti ratione, nempe radicem Gladioli vulgaris ℥ vj. & rad. Gentianæ taleolatim incisar. ℥ iv. in Vini albi optimi ℔ iij. Super cinerarium calidum per biduum infusis, deinde linteolo absque expressione colatis, infusum succo herbarum prædicto, ac Melli misceatur.

Omnia simul in sartagine ebulliant, spumam diligenter abiiciendo, usque dum syrupi admodum inspissati ℔ viij. remaneant.

Syrupus hic singulari in pretio habetur adversum stomachi hebetudinem, nec non adversum omnes pulmonum morbos, hemicraniam, & vertiginem: alvum præterea subducit, ab ischiade, ac rheumatico affectu præservat, inflationesque hydropem minitantes dissipat; temperamentis tamen adultis, melancholicis, atque biliosis neutiquam prodesse Garidelius expertus est.

Bina ex eo cochlearia cumulata tribus ante pastum horis assumuntur, eoque per dies xv. etiam, juxta morbi exigentiam, uti possumus, nonnunquam vero singulis viij. aut x. diebus subsistere convenit, ut postea si opus sit repetatur.

Verrucas hujusce Plantæ succo illitas feliciter exsiccari Rajus testatur. Quod autem veteres de Mercurialis *maris* virtute ad masculos, & *femina* ad puellas generandas memoriæ prodiderunt, nobis inter fabulas, ut absolute falsum, reponendum videtur. Ab antiquis in pultibus Mercurialis usurpabatur, nostra tamen ætate, hoc alimenti genus a culinis omnino proscribitur.

Lenitivo, & *Catholico*, aliisque Compositis admiscetur. Nonnulli hujusce plantæ pug. j. in jusclo vitulino decoquunt, ac jejuno stomacho ad alvum laxandam epotant, aut folia cum panaria pulve pro infantibus ad eundem scopum obtinendum, nec non ad eorundem colicas affectiones avertendas decoquere pariter solent.

℞. Fol. Mercurialis & Malvæ ana Man. j. Ebulliant in aquæ ℔ ij. ad medias. Colaturæ adde Mellis Mercurialis ℥ j. aut ℥ ij. pro Enemate in alvi constipatione, Cakexia, ventrisque inflationibus.

M E S P I L U S.

SUB genericó Mespili nomine nonnullæ veniunt arbusculæ; nobis vero tres tantum in Officinis usitatiores notæ sunt, Mespilus nempe vulgaris, Spinus albus, & Pyrachanta.

MESPILUS vulgaris, *Offic.* Mespilus Germanica folio Laurino non ferrato, sive Mespilus sylvestris, C. B. P. 453. Mespilus vulgaris, I. B. i. 69. Mespilus, *Dod.* 801. Mespilus vulgaris, sive minor, *Park.* Mespilus foliis integris, *Rai Hist.* 1460. Epimelis, *Theophr. & Dioscor.* vulgo *Nefflier*, *Mesplier*, ou *Nesplier*.

Arbu.

Arbuscula est, seu Arbor mediocris magnitudinis, trunco plerumque re-
torto, ramis duris, solidis, fractuque difficilibus. Folia magna sunt, & Lauri
vulgaris, aut Cerasi foliis pene similia, foliisque Mali longiora, & angu-
stiora, inferne lanuginosa, atque alba superne vero viridiora, tenuiorique
lanugine oblecta, marginibus modo denticulatis modo non. Flores sejuncti
enascuntur magni, pluribus petalis obtusis, rosaceisque constantes, albi, aut
dilute-rubri, in centro divisi, florum Mali Cydoniæ æmuli, calyce multifi-
do suffulti, ac tandem in fructum abeuntes, exiliorem Malum, aut Pyrum
sylvestrem magnitudine æquantem, semirotundum, rubrum, aut per maturi-
tatem rufescentem, hirsutum, carnosum, acerbissimum, antequam mature-
scat, terminatum specie quadam coronæ a calycis apicibus efformatæ, quæ
veluti umbilicum latum, & cavum ambit. Fructus hic Mespillum nuncupa-
tur: tunicam habet teneram, substantiam vero duram, albam, austeram,
quæ tamen maturescendo emollitur, saporemque dulcem, vinosum, adeoque
gratum acquirit, ut ad secundas mensas exornandas inservire commodissime
possit, Quatuor, aut quinque officula petrosa, dura, oblonga, gibba, super-
ficie inæquali prædita, ac sub-rubra occludit, in quibus singulis oblongum
semen occurrit.

Mespilum ubique in hortis & Pomariis colitur; in Gallia autem sponte cre-
scit in sepibus, ac nemoribus in agro præsertim Parisiensi, & Montmorani-
ciano. Nisi inferatur, ut plurimum, spinis obducitur, exiguosque fructus
tantum suppeditat; culturæ vero ope grandiores, exquisitioreque apparent.
Optime inferitur Pyro sylvestri, & Oxyacantho. Aprili, & Majo floret, fru-
ctus Septembri exeunte, aut serius perficitur, raro in arbore maturitate do-
natur, Autumno colligitur, quando nempe perfectam acquisierit magni-
tudinem, tunc autem paleis circumfusas probe emollitur, esuque aptissimus
efficitur.

Mespilum plurimum phlegmatis, olei, salisque acidi, terrestris continet,
hinc vim habet adstringentem, ad Diarrhæas, Dysenteriasque sistendas ac-
comodatam. Saccharo, aut Melle conditur, vel super paleas ad mature-
scendum relinquitur, nocet enim stomacho, nisi probe emollitum fuerit.
Mespili ramusculi tusi, & aqua decocti ptisanam largiuntur, quæ supradictis
in morbis feliciter usurpatur. Scorderus hujusce semina diuretica, & adver-
sum calculos aptissima esse putat, hinc eorundem ʒj. infundi per noctem in
Vini albi ʒ viij. & mane jejuno ventriculo repetitis vicibus propinari potest.
Mespilorum nondum maturorum decoctio, aut ejusdem arboris folia opti-
mum Gargarisma suppeditant adversus Anginam, & gingivarum, ac den-
tium fluxiones. Cataplasma quoque conficitur Mespilis siccis, Nuce Moscha-
ta, Caryophyllis, & Corallis parumper pulveratis, succo Rosarum permixtis,
ac in vomitu regioni stomachi applicitis. Forestus fide dignus profecto Medi-
cus testatur, Diarrhæas inveteratas, ac remediis fere omnibus resistentes Me-
spilorum usu sanatas quandoque vidisse.

Usurpatur Mespilum in Syrupo Myrti composito *Mesuai*, & ejus folia in
Unguento Comitissæ a *Varignana* proposito.

Oxyacantha, spina acuta vel alba, sive spinus albus, *Offic. Mespilus Apii*
folio sylvestris spinosa, sive Oxyacantha, C. B. P. 454. Oxyacantha vulgaris
sive spinus albus, I. B. 1. 49. Oxyacanthus, sive spina acuta, *Dod.* 751. Oxya-
canthus, *Ger. Raii Hist.* 1458. Oxyacantha vera veterum, *Schwenckf.* Spine

Appendix vulgaris, *Park.* Cratægeus foliis obtusis bis trifidis *Linn. Hort. Cliff.* 188. vulgo *Epine blanche*, *Aubépin*, *Aubépine*, *Noble Epine*.

Radicem habet longam & alte in terram descendentem, truncum mediocriter crassum, sed firmiter solo adhærentem, ramosum, duris, acutis, lignoque durioribus spinis obsitum, sub-rubro, aut atro-cinereo, juxta variam ætatem cortice obtectum. Rami firmissimi, & flexibiles ita sunt, ut sub cultoris scure quamlibet figuram repræsentare possint. Folia Apii palustris foliorum figuram, saporemque viscidum habent. Flores vero fragrantissimi, pedunculis fere pollicem cum dimidio longis, atque albis, acervatim adnascuntur, quinque petali sunt, rosacei, ac staminibus sub-rubris, ut in Pyro donati. Fructus boceis Myrti grandiores, rotundi, per maturitatem rubri, ad instar umbellæ pendentes, nigrumque umbilicum gestantes, molli glutinosa, ac sub-dulci scatent pulpa, & unum, aut bina dura, & alba officula occludunt, si unam tantum, rotundum est, si autem bina, interna ex parte, parvam, & curvam ostendunt cavitatem, qua simul junguntur; figura variant, communior vero orbicularis esse solet: haud raro tria in uno, eodemque fructu conspiciuntur.

Ubique Arbuscula hæc tam in calidis, quam in frigidis regionibus, præsertim in sepibus juxta vias occurrere solet, quocumque solo; aut climate delectatur: Majo floret, aeremque grato florum odore late perfundit; fructus Septembri maturescunt, atque decisis foliis Hyeme exeunte pertinaciter ramis adhærent, & avibus, ac præcipue merulis, & turdis nutrimentum suppeditant.

Spinus albus ob ramorum densitatem, & spinarum acutiem, ac rigiditatem pro sepium vivarum usu aptissimus est, neque enim frigore læditur, neque radicibus largius, quam par est, dilatatis solum occupat, neque diuturnum agricolis laborem, ut Prunus sylvestris afferre solet. Arbuscula hæc quoque apta præ ceteris est ad sepes conficiendos, quæ ope cultri variis adornatum figuris donantur. Lignum duritie, & æqualitate excellit, Buxo immediate succedit, & magni habetur in operibus torno elaboratis.

Plures Spini albi species reperiuntur fructibus grandioribus, sub-acidis, quæ *Azerole* nuncupantur, Mespilus enim Aronia a nostro Spino albo, nisi baccarum magnitudine, atque sapore distat. Ad delitiam in hortis colitur, uti & Spinus albus duplici flore.

Arbuscula hæc Analyfi Chymica plurimum liquoris acidi, parum spiritus urinosi, nihil salis volatilis concreti, multum vero terre atque olei largitur. Hinc vero simillimum est, Spinum album sale, corallino sali proximo, pauco sale Ammoniaco permixto scatere, a quo adstringendi, & diarrhæas, fluxusque sanguineos sistendi in eo facultas emanat. Florum Spini albi aquam stillatitiam, aut spiritum, floribus iisdem una cum Vino maceratis, ac distillatis, elicatum, Pleuriticis, & Colica affectione laborantibus plurimum solatii afferre posse Tragus asserit. Idem Tragus, Matthiolus, & alii fructum inter adstringentes ad quoscumque fluxus sistendos dicatum enunciant, quod etiam innuere videtur Lobellius, dum ait, hujusce saporem nonnihil asperi, & adstringentis præferre, quod ad fructum nondum probe maturum referatur, quum e contra fructus maturi tali, ac tanta dulcedine, ac viscositate polleant, ut Anguillara deceptus sit, asserendo, eos esse laxantes. Rajus vero cum Botanicis omnibus testatur, horumce fructuum aquam distillatam, aut

aut exsiccatorem pulverem, aut infusionem ex Vino, fabulum, & calculos, e renibus, & vesica depellere.

Pyracantha, *Offic.* Oxyacantha Dioscoridis, sive Spina acuta Pyri folio, C. B. P. 454. Pyracantha quibusdam, J. B. 1. 51. Mespilus aculeata Amygdali folio, J. R. 5. 652. Oxyacantha Theophrasti. *Ger.* Rhammus tertius Dioscoridis, *Lob. icon.* 182. Pyracantha, *Park. Raii Hist.* 1459. Pyracantha pyrastrii folio, *Adv. Pen. & Lob.* vulgo *Buissou ardent*, *arbre de Moysse*.

Species est Spini albi, sive arbuscula spinosa, cortice ad nigrum accedente, ramis, acutis spinis, armatis, ex quibus aliae pollicem æquant, aliae vero breviores sunt fursum plerumque desinentes. Folia quoquomodo Pyrastrii, aut Amygdali, aut etiam Arbuti folia simulantur, ex quibus alia oblonga sunt, ac nonnihil acuta, alia ferme rotunda, ambitu venuste satis denticulato, lævia in ramis inferioribus præsertim sita; in superioribus autem quandoque lanuginosa, ac penitus colore illo viridi lucescente destituta, e superna facie in aliis apparente. Flores e luteo sub-rubri pluribus rosaceis petalis donantur. Fructus Spini albi fructibus similes rotundi sunt, aurei ad rubrum accedentes, racematim collecti, corona quadam ornati, sub-acidi, ac quatuor aut quina luteo-alba, triangularia, & parumper lucescentia semina occludentes.

Arbuscula hæc sponte crescit in sepibus Provinciæ & Italiæ. Alibi etiam in hortis ad ornatum colitur, tam in plano, quam serie, atque ordine muris applicata, semper enim virescit, nec fructus Hyeme dimittit: Majo autem flores suppeditat, ejusque baccae Autumno maturescunt, quas pueri in delitiis habent, præsertim probe maturæ; eodem sapore, iisdemque, ac Spini albi baccae proprietatibus donantur, ab agricolis vero *Senelles*, aut *Sinelles*, & in Occitania *Pommettes de Paradis* nuncupantur. Creditum fuit, Arbusculam hanc, fuisse Dumum, ex quo Deus Moyse apparuit, eique præcepit, ut calceamenta deponeret, eo quod ad terram sanctam pervenisset, atque hac potissimum ratione fructum perpetuo in arbore permanere; idem quoque a nonnullis ad Spinum album refertur.

Fructus Pyracanthæ adstringens est, & ad fluxus ventris sistendos dicatus, hinc facile Spini albi fructibus substitui potest.

M I L I U M.

DUæ Milii species in Officinis pro usu Medico distinguuntur, Minus nempe, & Majus Sorghum vocatum.

MILIU M vulgare, *Offic.* Milium semine luteo, vel albo, C. B. P. 26. J. B. 2. 446. *Dod.* 506. Milium aureum, & album, *Caner.* Milium vulgare album, *Park.* Milium, *Ger. Raii Hist.* 1251. vulgo *Petit Millet ou Mil commun*, *jaune ou blanc*.

Radices numerosæ, fibrosæ, fortes, albicantes plures emittunt caules, aut culmos mediocris crassitie, nodosos, duos aut tres pedes altos, folia vero ampla, & pollice latiora, Arundinis foliis similia, crassa lanugine obtecta, præsertim qua culmum tegunt, tandem, dum sensim expanduntur, tactu lævia, & expolita. In ramulorum summitatibus fasciculatim flores enascuntur plerumque lutei, quandoque sub-atri, tribus staminibus conflati, quæ, e centro calycis ut plurimum bipetali, exeunt. Deciduis floribus succedunt se-

mina rotunda aut ovalia, lutea aut alba, dura, lucentia, in quibusdam exilibus & teneris veluti baccis a florum calycibus efformatis clausa.

In agris feritur Planta hæc, crescitque in solo sabuloso, umbroso & humido, terramque exposcit mobilem, atque levem, satis vero pinguem, atque humectatam. Milium enim a terra sicca, & cretacea omnino abhorret. Aptior ad hoc ferendum, tanquam temperatior, tempestas Verna esse solet: communiter vero exeunte Martio terræ committitur. Hoc commodi agricolis præstat, quod scilicet ex eo quatuor, aut quinque sextaria, ad integrum iugerum seminandum sufficiant, neque enim probe excreveret, si spissius fereretur. Trium mensium intervallo perfecte maturescit, magnumque in segetum penuria subsidium affert, adversum enim quamcunque aeris intemperiem resistit, messisque constanter in promptu esse solet, quum sterilitate, aut aliarum frugum egestate cruciamur.

Etsi Botanici omnes Milium album cum luteo confundant, ac nisi varietate differre asserant, tamen quamdam esse distinctam speciem a Rajo existimatur; non enim colore tantum discrepare ait, verum etiam magnitudine, florum eruptionis tempore, ac spica; Luteo namque elatius est, ad altitudinem duorum vel trium cubitorum excrevit, præterquamquod culmos habet crassiores, majorique nodorum numero interstitos, spicam magis curvam, magisque albicantem, quæ serius expanditur, Julio scilicet ad exitum properante.

Milium plurimum olei, parumque salis volatilis essentialis continet. Semen vero alimentum quibusdam regionibus utilissimum suppeditat; excorticatur, lacteque decoquitur, uti Oryza, cum qua communes habet facultates. Milium temperans est, refrigerans, & anodynum, morbis pectoris, tussique convenit antiquæ, & sanguinis nimium motum compescit; alvum vero quandoque nimium adstrictam reddit, flatus concitat, nec adeo facile concoctioni favet, hinc ex eo panis numquam, nisi anno sterilitatis conficitur. Ex eodem in Italia una cum lacte placentæ conficiuntur, quæ optimæ quidem sunt, si adhuc calidæ, & recentes comedantur, glutinosæ vero, & ingratae, si forte veterascant. Ad extranea corpora negligenter deglutita, v. g. acus, vitrique fragmenta e corpore eliminanda, optima est Milij farina pultis forma.

Quoad Milij Medicum usum, Auctores omnes conveniunt, ejus decoctionem, diureticam, & diaphoreticam esse. Decoctio hæc eadem cum Vino mixta celebrem *Divi Ambrosii decoctionem* constituit, Vini albi ℥ij. cum prædictæ ℥ij. permixtis. Ad sudorem in tertianis aliisque intermittentibus febribus conciliandum, & ad Variolarum, & Morbillorum eruptione adjuvandam in usum revocatur: Nonnulli addunt Scabiosæ, & Fæniculi radices cum Passulis. Milij farina Cataplasmate anodyno, & resolvente usurpari potest. Milium fractum, torrefactum, sale decrepitato mixtum, & sacculo conclusum, aptissimum est ad dolores, humore viscido in partibus stagnante, progenitos, tam in capite, quam infimo in ventre, aliisque partibus sedandos, dummodo sacculus probe calidus applicetur. Notum denique est, Milium, ad parvas aves, pullos præcipue, & columbos vescendos, usitatissimum esse.

℞. Milij, Passularum, & Ficuum pinguium ana ℥℥. Coque in aquæ ℔ij. ad ℔ij. Fiat colatura absque expressione; cyathus calidus exhibeatur;

ac per intervalla repetatur, ut sudor, & urinæ blandē cieantur.

Milium Indicum, Melica five Sorghum, *Offic.* Milium arundinaceum subrotundo semine, Sorgo nominatum, C. B. P. 26. Sorghi, J. B. 2. 447. Melica five Sorghum, *Dod.* 508. *Park.* Sorghum, *Ger.* Panicum indicum, *Gesn. Hort.* Sorghum seu Milium indicum, *Raii Hist.* 1252. Sagina vel Panicum Loculare, *Quorumd.* vulgo *Grand Millet noir*, *Blé barbu*, ou *Sorgo*.

Radix e crassis, robustisque constat fibris, quæ huc illuc in solo profunde immerguntur, ut culmi ab ipsis suffulti facilius ventorum impetui resistere possint, plures autem culmos emittit arundinaceis similes, ad octo, decem, & quandoque tredecim pedum altitudinem, digitum crassos, subnigros, firmos, nodis distinctos, medulla alba, & subdulci, adinstar Sambuci repletos, rubro colore, maturescente semine, infectos. E singulis nodis folia exeunt cubitalia, tres vel quatuor digitos lata, arundinaceis æmula, extremo acutis denticulis armato, qui si contraria vice tangantur, digitos lædunt. Summis culmis flores erectis fasciculis, pedem circiter longis, quatuor aut quinque pollices latis apparent; exigui autem sunt, flavi, oblongi, pendentes, pluribusque staminibus e bipetalo calyce exeuntibus conflati. Hisce succedunt numerosa semina Milio, aut feminibus Cannabis vulgaris duplo crassiora, fere rotunda, aut ovalia, ut plurimum subrubra, aut atrorubra, raro albida, aut flava, duplici capsula obvoluta, quum vero succutiantur, pedunculos, crassaque filamenta relinquunt, quibus scopulæ conficiuntur.

Univerſa Planta vere Arundini, non minus figura, quam magnitudine similatur, ita, ut ager, in quo ad justam altitudinem excreverit, Arundinibus solum e longe appareat. Sorghum præ omnibus Panici, & Milij speciebus excellit, & solum pingue, & humidum amat, hinc in solo hisce præsertim qualitatibus prædito quandoque feritur, ut videlicet nimie fertilitatis excessus corrigatur. Ab Indiis in Hispaniam, Italiam, aliasque calidas regiones, in quibus præcipue colitur, primum allatum fuit; inter Æstatis grana enumeratur, Autumno matureſcit, & Panico sapore, ac proprietatibus satis simile deprehenditur. Eo volatilia, & animalia vescuntur, nec non panis conficitur friabilis rudis, ac nullius fere nutrimenti. Generaliter, in regionibus calidis ad pullos, & columbos magis, quam ad alendos homines usurpatur. Cæsalpinus rem refert prorsus miram, quod scilicet, si forte Boves plantam hanc adhuc viridem comedant, infleantur, ac emoriantur, si vero siccam, iisdem proficere.

Milium Indicum alterum quoque invenitur, quod a præcedenti, nisi planiore, albiſſimo, ac adinstar Orobi crasso grano differre solet: utrumque eisdem in usus revocatur. Verum quamvis Sorghum ad volatilia, & animalia saginanda solummodo inserviat, nihilominus ab agricolis Italis ob ejus facilem vegetationem, ad diuturnum in tritici culturam laborem vitandum, feritur, panisque niger difficilis concoctionis, adstringens, ac ferme nullum nutrimentum suppeditans eo conficitur. Medulla ex ejus culmis elicita adversus strumas remedium paratur magnopere a Matthiolo commendatum, cujus descriptio observari potest in *Generali Plantarum Historia* Joannis Bauhini *Tom.* 2. *pag.* 448. Idem Auctor felici quidem cum successu proponit florum hujusce Plantæ p. 3j. in cyatho Vini rubri infusa, ac mane jejuno stomacho pluries repetenda in nimio mensium profluvio; eadem

quoque dosi capsulas granum obvolventes pulveratas, ac vitello ovi infusas adversus Diarrhæas, Dysenteriasque præscribit.

MILLEFOLIUM.

UNa solummodo Millefolij species in Officinis plerumque cognoscitur, vulgatioꝝ videlicet, ac flore albo, eamque tantum describendam assumimus.

Stratiotes, sive Militaris herba, Achillea, *Offic.* Millefolium vulgare album, C. B. P. 140. Millefolium Stratiotes pennatum terrestre, J. B. 3. 136. Millefolium, seu Achillea, *Dod.* 100. Militaris, sive Millefolium flore albo, *Adv. Lob.* 333. Stratiotes millefolia major, *Lugd. Hist.* 789. Millefolium vulgare, *Trag. Park.* Millefolium terrestre vulgare, *Ger.* Achillea fideritis, *Dioscor.* Achillea foliis pinnato-pinnatis, *Linn. Flor. Lappo.* 243. Myriophyllum, sive Chiliophyllum, Græcorum, Panaces heracleon, Lambus sive supercilium Veneris, Carpentaria, *Quorund.* vulgo *Milleseville*, *herbe au Charpentier* ou *herbe a la Coupure*.

Huic radix est lignosa, fibrosa, subrubra, ac serpens, quæ caules propellit numerosos, ad pedis, aut pedis cum dimidio altitudinem, etsi minutos, satis tamen rigidos, cylindraceos, striatos, hirsutos, subrubros, medulla instructos, summitatibus ramosis. Folia in costa locata, minutim incisa, Chamomillæ folia quodammodo æmulantur, ac rigidiora sunt, avium plumas referentia, odore gratissimo, sapore aciusculo. Summis ramis flores progignuntur umbellis, aut fasciculis admodum constrictis, atque rotundis, quorum unusquisque exilis est, radiatus, albus, aut dilute-purpurescens, odoratus, & calyce fulcitur cylindraceo, oblongo, ac squammoso: Hisce parva semina succedunt.

In omnibus fere locis, utpote vulgatissima luxuriat Planta hæc secus vias, in locis incultis & siccis, cæmeteriis, & pratis: Majo, Junio, totaque Æstate florescit. Nonnulli Millefolium flore purpureo peculiarem speciem existimant; etsi minus vulgaris sit, præter florum colorem a præcedenti vix differt, nihil aliud ergo esse potest, nisi varietas Millefolij vulgaris flore albo.

Millefolium acriusculum est, amarum, aromaticum, chartamque cæruleam rubro colore inficit. Salis naturalis terrestris acida pars ab aliis principiis per hujusce Plantæ texturam sejuncta, cum aliis terrestribus particulis, sal aluminosum, paucò oleo essentiali sociatum constituere videtur. Analysis vero Chymicæ ope plures acidi liquores, magna terræ portio, nihil vero salis volatilis concreti, ac spiritus urinosi parum e Millefolio eliciuntur: hinc planta eadem inter vulnerarias, resolventes, adstringentesque recensetur. Interior, ac exterior hujusce usus valet ad omnes hæmorrhagiæ species sedandas, aut ejus infusione, aut decoctione; aut contusa, vulneribus, & incisionibus apposita, unde ejus *Charpentariæ*, denominatio emanat, ea scilicet Cæsarii, aliique familiariter utuntur, quam quidem denominationem communem habet cum aliis plantis, sanguinem sistendi vi præditis, Brunella nempe, Consolida majori, Anacampteros &c. Millefolium utilissimum est adversum hæmorrhoides, fluoresque albos excedentes. Ejus succus mirabiliter ulcera interna detergit, ac præ aliis pulmonum Vomicam. In hæmorrhagiis, ventris fluxibus, ac urinæ incontinentiis hujusce Plantæ Max.

parvus juscule infunditur, aut in aqua ferventi ad modum Theæ; ejusdem miros effectus in omnibus prædictis casibus experientia testatur. Advertant porro Mulieres, & Virgines hæmorrhoidali fluxui deditæ, ne hoc ipso remedio longius, quam par est, abutantur, quandoque enim mensium suppressionem hæmorrhoidibus laboriosiore progignit. D. Chomelius in *Tratatu de Plantis usitatoribus* asserit, pluries cum successu succum Millefolij exhibuisse cum succi Urticæ æ. q. pro binis dosibus, horæ intervallo ad hæmorrhagiam, ab aliqua vasis sanguinei sese in intestinis exonerantis ruptura obortam, sistendam: potioni vero huic forti ejusdem plantæ decoctione parato Enemate occurrebat. Eodem in morbo propinari potest Millefolij pulvis ℥ ij. bucellatis adstringentibus admiscenda. Tabernæ-Montanus asserit, aquam distillatam Millefolij adversum Epilepsiam, & Vinum, aut Hydromel hac Planta paratum adversum omnes irregularium fluxum species valere. S. Pauli testatur, mulieres gravidas a se ipso cognitas abortum præcavisse ejusdem decoctionis usu. Millefolij ruditer contusa folia, atque in aurium, ostio immissa sæpe sæpius dentium dolorem sedant. Aquæ Vulnerariæ, Balsamo polycresto *Bauderoni*, Mundificativo de Apio dicto, Martiato, nec non alicui alio Emplastro adstringenti Millefolium sociatur.

℞. Millefolij ꝑ. 3 ij. Succu Plantaginis 3 vj. M. pro potione, quæ tepida propinetur, quæque iterum de die repeti potest adversum sputum aut vomitum cruentum.

℞. Succu Millefolij 3 jv. Sacchari 3 j. M. pro potione, quæ tepida mane jejunio stomacho propinetur contra immodicum mensium fluxum pluries repetenda.

M O M O R D I C A.

INter plantas Balsaminæ nomen præferentes, MOMORDICA *Balsamina mas* in Officinis vocata, toto cælo discrepans a Balsamina vulgari genus constituit.

Balsaminas mas, Pomum mirabile seu Momordica, *Offic. Balsamina rotundifolia repens* sive mas, C. B. P. 306. Balsamina cucumeraria, J. B. 2. 251. Momordica vulgaris, J. R. 5. 103. Charantia, *Dod.* 670. Balsamina sive Pomum mirabile vel Hierosolymitanum, *Trag.* 898. Momordica, *Castor. Dur.* 61. Balsamina mas, *Ger. Park. Camer. Raii Hist.* 647. Cucumis puniceus, *Cod. Hist.* Balsamina mas fructu puniceo, & Momordica fructu luteo rubescente, *Hort. Eyst.* Garantia sive Charantia, Mamortica, viticella, Balsamina cucumerina, seu Pomifera, Herba Lassulata, *Quorund.* vulgo *Pomme de Merveille*, *Balsamine male ou rampante*.

Radicem habet parvam, fibrosam, sex mensium spatio in solo perdurantem, caules vero sarmentosos, ad duorum, vel trium pedum altitudinem sese elevantes, satis exiles, angulosos, striatos, qui capreolis ab unoquoque folio emissis, veluti totidem manibus, propius implantatis perticis adhærent, ac sustinentur. Folia Brioniæ, aut potius Vitis foliis similia sunt, exiliora tamen, elegantius incisa, late viridia, expolita, caudisque fere pollicem, aut pollicem cum dimidio longis adhærentia, sapore amariuscule & acri. Ex foliorum alis flores enascuntur pelviformes, ad centrum usque quinquifidi, alii ab aliis quandoque sejuncti, luteo-albescentes, flavis

staminibus donati, quibus fructus succedunt oblongi, rotundi, adinstar Cucumis, plus, minusve parte media turgescences: fructus vero hi neutiquam pulposi, vi quadam elastica, sponte aperiuntur, atque cavitas inde conspicitur pluribus seminibus referta, Cucurbitæ feminum magnitudine, magis longis, quam latis, atro-rubris, leviter crenatis, ac membranula obvolutis.

Planta hæc in hortis colitur, faciliusque crescit in Italia, regionibusque calidis, quam in Germania, atque Anglia, in quibus plerumque Augusto solummodo floribus decoratur, ac fructus raro admodum, ac ægre maturescunt.

Momordica, tanquam vulneraria, & anodyna potissimum usurpatur, vulneraria autem adeo, adeoque balsamica existimatur, ut per excellentiam Balsamina nuncupetur. Fructus maturus, demptis seminibus in Oleo aut Amygdalarum dulcium, aut Olivarum per quam optimo infunditur, vas per mensium spatium Soli exponitur, aut B. M. imittitur, sicque excellens remedium conficitur adversus tendinum puncturas, nec non ad vulnorum inflammationes, hæmorrhoides, mammarum scissuras, perniones, adustionem, anique procidentiam avertendam aptissimum. Mulieres quoque ulceribus in Utero, aut Vagina laborantes linimenti, aut injectionis forma Balsamum hoc mirabiliter solatur. *In Ephemeridibus Germanicis Decuria prima anno 6. & 7. pag. 99. extat observatio celebris Georgii Valkameri, qui asserit, in partu difficili Balsaminæ Oleum prædicta ratione paratum sæpe sæpius secundo quidem cum successu ʒ. j. cum anodynis sociatum, Enematis forma præscripsisse, partibus generationi dicatis, unguento, ejusdem fructus pulpa, butyro permixta, confecto, simul illinitis, sicque sedato dolore, relaxatisque partibus foetui feliciter exitum procurasse. Hoc idem Linimentum post balneorum usum pluries repetitum, optimum esse remedium contra sterilitatem alii testantur.*

℞. Fol. Malvæ aut Althææ Man. j. In Lacte ebulliat, aut in aqua communi, reducaturque ad ℥j. Colaturæ adde Vitella Ovorum N. ij. atque Olei Balsaminæ ʒj. pro Clystere adversus tormina violenta partum difficilem antecedentia.

M O R U S.

DUæ tantum MORI species in Officinis notæ sunt, Nigra, atque Alba. Morus nigra, Mora Celsi, Mora Celsa sive excelsa, Offic. Morus fructu nigro, C. B. P. 459. Morus nigra, J. B. 5. 118. Cord. Morus, Dod. 810. Brunf. Trag. Matth. Ger. Morus nigra vulgaris, Park. Raii Hist. 1429. Morus rubra, Anguill. vulgo *Meurier noir*.

Radicibus donatur numerosis, magnis, robustis, parum profundis, late sese expandentibus: Caudes crassissimus est, tortuosus, nodosus, cortice crasso, rudi, & admodum flexibili tectus: lignum durum, firmum, luteumque centrum versus: folia adinstar manus lata, fere rotunda, nonnihil acuta, aliquando Vitis folia simulantia, sinuosa, denticulato ambitu, aliquantisper dura, tactuque rudia, hirsuta, gustu subdulci, ac viscoso, defectu Mori albæ ad Psombyces vescendos usurpata: florum receptacula nullo fructu subsequuta, viridescencia, lanuginosa, plurimos efferentia quadripetalos flores, nonnullis staminibus e centro sese elevantibus. Fructus

Morum nuncupatur, sejunctis in locis ex eadem arbore progignitur; primum viride, austerumque est, postea rubicundum, acidum, ac adstringens, brevi adnexum pedunculo, fructu Rubi majus, magisque oblongum, rotundiorique femine præditum, demum maturescendo nigrum, ac succo viscoso, & dulci turgidum, veluti sanguine manus, ac labra inficiens. Afferit Matthiolus, fructum prædictum ad maturitatem perductum, mediocrem nihilominus austeritatem detinere: occludit autem semina fere rotunda.

In hortis arbor crescit, ac Johanne Bauhino observante, Sol vim suorum radiorum in hanc potentissime exerit, & revera statim, ac folia pullulare incipiunt adeo vehementer propelluntur, ut opus omne, quodam etiam cum strepitu, ut adnotavit Plinius post Theophrastum, in sola nocte exequatur. Antiqui Morum sapientiore, prudentioreque præ aliis arborum speciebus appellabant, frigore enim præterlabente omnium novissima gemmas edit, dum e contra Amygdalus inter domesticas arbores stultior nuncupatur, eo quod scilicet ad flores eliciendos nimium sollicita sit. Morus præterea omnium prima folia dimittit.

Morum nigrum ad alimentarium usum, atque medicamentarium usurpatum plurimum olei, phlegmatis, salisque essentialis continet: ante maturitatem deterisivum, adstringens, ac ulceribus, aliisque faucium morbis dictum censetur; maturum vero humectans, refrigerans, ventrem laxans, pectus demulcens, ac expectorationem promovens. Rob., & Syrupus simplex; Rob., & Syrupus compositus eodem conficiuntur. Rob. simplex *Diamorum* dicitur, succoque Mori, ac Melle paratur; ejus vero cochlear cumulatum in aquæ cyatho infusum ad faucium, & thoracis acredines emolliendas, nec non ad calorem in ardentibus febribus compescendum propinatur. Rob. composito adduntur Omphacium, Myrrha, & Crocus. Syrupus eademmet ratione conficitur, Melli tantum Saccharum substituendo; a Cordo vero Mororum, fructuum Rubi, & Idæi Rubi, Fragorum succo, & Melle conficiebatur. Prædictus fructus probe maturus mensis apponitur, refrigerandi vim habet, nullum fere nutrimentum suppeditat, statimque in ventriculo corrumpitur, hinc hujusce visceris debilitate, atque relaxatione laborantibus omnino interdicens: necesse est etiam curare, ut ante Solis ortum colligatur, araneis enim aliisque insectis diurnis horis supervenientibus, ac ex sese eo nutrientibus, ova deponunt, unde veneficorum morborum cohors emanare solet, præterquamquod observatur, regiones hac fructuum specie feraciores malignis, ac pestilentialibus morbis præ aliis esse conflictatas. Foliorum, & corticis Mori decoctionem dentium dolorem sedare Gargarismatis forma a Schordero asseritur, a nonnullis vero excellens topicum adversum adustiones, iisdem foliis cum aceto tuis, proponitur. Hujusce denique arboris cortex, & radix, tanquam vermifuga in pulveribus, aliisque contra vermes compositis usurpantur.

℞. Aquæ fontis, aut Seri Lactis ℥j. Cristalli mineralis ʒj. Syrupi Diamoron ʒj. M. pro Gargarismate refrigerante.

℞. Corticis Mori, Radicum Filicis femine, summitatum Tanaceti, & Corallinæ ana ʒβ. Ætiopis mineralis ʒij. M. f. p. ac Syrupo Absinthii confocietur, ut Opiata vernifuga conficiatur a ʒj. ad ʒij. mane jejuno ventriculo repetitis vicibus usurpanda.

Morus alba, Offic. Morus fructu albo, C.B.P. 459. Morus alba, I.B.I. 119.

Morus candida, *Ded.* 810. Morus fructu albo minori, ex albo purpurascente, *I. R. H.* Morus alba, *Ger. Park. Raii Hist.* 1429. vulgo *Meurier blanc*.

Radices habet Moro nigra majores, magisque expansas, arborque altius excrescit; folia oblonga sunt, angustiora, teneriora, denticulata, adinstar foliorum Vitis quandoque incisa, eleganter adeo juxta Joannem Bauhinum, ut floribus Liliorum Coronę Galliarum, quantumvis excellenti Pictore delineatis, anteferenda videantur. Quamplurima apparent florum receptacula pedunculis adnexa longiusculis in præcedenti descriptis similibus. Fructus albi, aut purpurascens sunt, dum maturescunt, exiles, sapore dulci, ferme melleo juxta Matthiolum, sed revera ingrato, & insipido,

Generaliter Morus locis calidis, sabulosis, maritimis, regionibusque planis delectatur. Plinius observat, Moros in montibus nunquam fuisse conspectas: in regionibus tamen frigidis excoli haud incommode potest, crescit enim facillime in Anglia. Sero flores emittit, at fructus prompte maturescit, citius autem, tardiusque juxta variam loci temperiem. Diutissime vivit arbor hæc, ejusque lignum compactum, ac solidum in aqua, non secus ac Quercus obdurescit.

Morus alba, nigra omnino tenerior, delicatiorque est, fructu excepto insipidiore, & ad nauseam excitandam, quam ad nutriendum, ob ingratum saporem magis apto: falso creditum fuit, ortum duxisse, eo quod Mori nigrae rami Populo albæ inserti fuerint. Mori albæ folia incisa sunt, usquedum arbor adolescit, ac pusilla est, quum vero ad perfectum incrementum pervenerit, integra plane sunt: utpote teneriora, ac delicatiora pro Bombycum alimento sollicitè exquiruntur. Cæsalpinus, arborem hanc fuisse aliquando exoticam in Italia, uti & Bombyces, existimat. Hisce diebus famigeratissima ubique est, in Hispania præcipue, Gallia, & Italia colitur, solerter vero in agris Occitanix, Provinciæ, Delphinatus, Augustæ Taurinorum, & alibi, ad supradicta animalcula vescenda, quæ magnum proventum afferre solent, ac Mori albæ folia, præ aliis, amant; quum autem ab humiditate plurimum læduntur, non modo antiqua recenter collectis anteponenda sunt, verum etiam curatur, ut mane decerpantur, quum scilicet ros a radiis Solaribus consumptus penitus fuerit, aut si forte humida sint, antequam Bombycibus exhibeantur, ab iis humiditas omnis diligentissime arcenda est.

Fructus Mori albæ nullum in Arte Medicâ aut pro alimento usum habent, eorum sapor, uti jam observavimus, fatuus, ac insulsus est, & ad stomachum turbandum magis, quam grate afficiendum idoneus. Cortex, & radix ejusdem, ut de Mori nigrae cortice, & radice innuimus, vermes enecandi vim habent.

M O S C A T E L L I N A.

HUjusce generis, a D. Tournefortio post Joannem Bauhinum, instituta una tantummodo Planta in Officinis cognoscitur.

MOSCHATELLA, *Offic.* Ranunculus nemorosus Moschatellina dictus, *C. B. P.* 178. Moschatellina foliis Fumariæ bulbosæ, *I. B.* 3. 206. Ranunculus minimus Septentrionalium herbido muscoso flore, *Lob. icon.* 674. Ranunculus nemorosus Moschatella dictus, *Park. Raii Hist.* 684. Moschatella, *Cord. Thal. Camer.* Radix cava minima viridi flore, *Ger.* Fumaria bulbosa minima, *Tabern.*

bern. icon. Adoxa, Linn. Hort. Cliff. 153. Muscatella, Moscatellina, Alabastrites, Denticulata, Tuberosa minima, Quorumd. vulgo Moscatelline, Herbe du Muse ou herbe musquée.

Radice donatur pollicem circiter longa, admodum crassa, quibusdam parvis obiecta squammis, dentis canini figuram habentibus, intus cavis, succo refertis, absque ullo manifesto sapore, aut gustu sub dulci, superne autem quamplurimas fibras, plus, minusve minutas, albas, ac longas propellit, a quibus, sub solo late serpendo, enutritur. Ab ea binæ aut tres elewantur caudæ, longitudine manum æquantes, minutæ, molles, delicatæ, dilute virides, foliaque sustinent, adinstar foliorum Fumariæ bulbosæ incisa, & glauca, ea inter pedunculus exit foliis neutiquam elatior, ac in ejus vertice quinque locantur parvi flores, herbidi, ac monopetali, pluribus exiguis, luteisque staminibus centrum occupantibus: omnes hi flores simul juncti cubum representant; in parte vero floris inferna bina opposita foliola, duobus brevibus adnexa pedunculis conspiciuntur; folia autem, floresque prædicti humida tempestate Moschi odore fragrant. Deciduo flore, vietus, ac succulentus fructus succedit, semina quatuor lini seminibus equalia plerumque coerces; odorem quoque, saporemque Fragorum per maturitatem habere dicitur, antequam vero maturescat, acidulus, postea fere acer apparet.

In sepibus umbrosis crescit planta hæc, inter dumeta, & sub arboribus in solo levi, ac fabuloso; agri Parisiensis incola exeunte Martio, aut Aprili ineunte florescit; statim ac flos evanuit, folia diu neutiquam in terræ superficie perdurant, cito enim planta hæc ad interitum properat. Quum autem fructus pulpa molli, ac succulenta componatur, inter Bacciferas proprie dictas recenseri potest: Plurimum olei, & phlegmatis, parumque salis essentialis continet. Radicis vis detergens, vulneraria, ac resolvens tribuitur: raro tamen in usum Medicum venit, ac semper externe.

M U S C U S.

QUamvis Muscorum genus late præ ceteris pateat, tres solummodo hic loci describentur; I. Muscus terrestris vulgatissimus; II. Muscus terrestris repens, Pes Lupinus appellatus, III. Muscus membranaceus vel Nostoch.

M U S C U S terrestris vulgatior, Muscus querno vilissimo vilior, *Offic. Muscus vulgatissimus, C. B. P. 360. Muscus terrestris & hortensis, I. B. 3. 764. Muscus terrestris vulgaris, Dod. Lob. icon. Muscus squamosus major, seu vulgaris, Raii Hist. 122. Muscus hortensis, Trag. vulgo Mouffe terrestre.*

Muscus hic omnium vulgatissimus, cuique notus, planta est repens, humidam, ac sterilem terram operiens, in nemoribus, sylvis, desertis locis, ac super petras luxurians. Longa sunt ejus folia, adinstar exilissimorum capillorum minuta, mollia, viridia, & quandoque sublutea, costæ plumarum more appensa. Plurimum olei, ac phlegmatis ac parum salis essentialis largitur, adstringens est, ac extrinsecus ad hæmorrhagias sistendas applicatur.

Afferit Joannes Bauhinus, Empiricos ab Ursis edoctos, qui vulnerati, sanguinis profluvium sistunt, sese in hoc Musci genere circumvolvendo, ad sanguinem cohibendum hunc ipsum usurpare. Navium etiam conditores Musco utuntur, ad earum juncturas stipandas. Addit laudatus Auctor plantam hanc virida-

viridaria inficientem, aliarumque virentium plantarum incremento obsistentem destrui facile posse, dummodo lixivii cinere Martio inspergatur.

Lycopodium, Plicaria, cingularia, *Offic.* Muscus terrestris repens, sive clavatus, C. B. P. 360. Muscus terrestris repens, a Trago pictus, I. B. 3. 766. Muscus squamosus vulgaris repens clavatus, I. R. H. 553. Muscus clavatus sive Lycopodium, *Ger. Park Raii Hist.* 120. Lycopodium, *Tabern. Icon.* 814. Lycopodium caule repente, foliis patulis, pedunculis, spica gemina terminatis, *Linn. Flor. Lappon.* 326. Pes Lupinus; vel Leoninus, vel Urfinus, *Quorumd.* vulgo *Mouffe rampante à massue*, *Mouffe des bois* appellée pied ou patte de Loup.

Muscus hic super terram in longum, latumque repens, fibris longis, lignosis, & aliquantisper crassis, e diversis ramusculis, dextra, lævaque exeuntibus, radices mutuatur; plura de facto emittit cingula, seu ramos foliis ornatos exilibus, acutis, compressis, constanter viridibus, foliis Camphoratae fere similibus, latioribus tamen, & in planta adhuc tenera numerosioribus. E cingulis hisce spicae exeunt digitum longae, simplices & quandoque duplices, minutae, foliis penitus orbatae, squamosae; in unaquaque vero squammæ ala abditur capsula, quæ maturescendo pulverem fundit, colore ac subtilitate florem sulphuris fere æmulantem; pulvis hic ad flammam concipiendam adeo dispositus est, ut ab omnibus veluti *Sulphur vegetabile* reputetur, eique denominatio hæc revera competit. Planta hæc fabulosis in sylvis, desertis, asperisque locis, inter scopulos, & lapides obvia prædictas capsulas Julio, Augusto, & Septembri propellit, e quibus laudatus luteus pulvis colligitur, ac si forte in candellæ flammam iniiciatur, utpote inflammabilis, & fulminandi facultate, adinstar Pyrii pulveris donatus protinus accenditur. In quibusdam occurrit agri Parisiensis nemoribus, in quibus repit; ad usum vero Medicum revocatur.

Plurimum salis essentialis, olei, parumque Phlegmatis continet; apta est juxta Tragum ad calculos in renibus attenuandos, & urinam ciendam. Quamobrem ejusdem decoctio ex Vino cyatho ꝑ mane jejuno stomacho usurpatur, pluriesque repetitur.

Hæc eadem decoctio, aut Planta simpliciter tusa, & super affectam partem applicata in Arthritide calida, dolorem, ac inflammationem sedat: pulverata vero ꝑj. in optimo Vino rubro Diarrhæas, ac Dysenterias sistit, ac gargarismate gingivas, dentesque roborat. Exiles Clavæ e planta collectæ, congregatæ, & exsiccatae pulverem dimittunt inflammabilem, ac admodum ferme tormentarii pulveris detonantem.

In Moscovia, & Persia ad fatuos ignes artificiose conficiendos usurpari solet pulvis hic; optimus quoque adversus Epilepsiam, ac flatulentas infantum colicas reputatur a gr. xij. ad gr. xx. una cum lactis, jusculi, aut panariæ pultis cochleare. In *Ephemeridibus Germanicis* refert VVedelius, hujusce Plantæ pulvere ad ꝑj. usque præscripto Epilepsiam Iscuria complicatam sanasse.

Poloni communiter utuntur in morbo endemio Plica vocato, hinc *Plicariæ* nomen emanat: quum vero ejusmodi morbo Galli non conflictentur, ejusdem proprietatum in eo sanando narrationem relinquimus tamquam inutilem; si quis vero plura scire cupiat, *Rajanam Plantarum Historiam* consulat, in qua hac in re fuse differitur. Extat quoque in *Ephemeridibus Germanicis* Centuria x. *Observ.* xxxiv. D. Helvici observatio, qui Lycopodii pulvere ad infantum excoriationes, aut immunditie, aut sanguinis acrimonia obortas, & ad

& ad ulcera antiqua ceteris omniibus remediis obsistentia exsiccanda, pluries cum successu usurpasse asserit.

℞. Aquæ Cerasor. nigror. & Flor. Thiliæ ana ʒjß. Pulveris Lycopodii gr. xviii. & Pulveris de Gutteta gr. xij. M. pro potione cumulatis choclearibus, quaque hora in Epilepsia, ac Infantum Convulsionibus exhibenda.

℞. Plantæ integræ Lycopodii Man. j. coque in lactis ℥ij. ad medias. Ex hac decoctione calida, linteola madida repetitis vicibus in Arthritide calida super affectam partem deinde applicentur.

Nostoch, Offic. Muscus fugax membranaceus pinguis, Bot. Monsp. 139. Nostoch Ciniflonum, Hist. Par. 463. Tremella plicata undulata, Linn. Flor. Svec. 369. Usnea plantarum, Cælifolium, flos Cæli, flos Terræ, spuma aeris, saliva syderum, sputum Lunæ, Paracelsistarum, vulgo *Mousse membraneuse*, Nostoch des Allemands.

Lichen, vel Musci membranacei, parumper unctuosus, dilute-viridis species quædam sapore insipido, secus vias ac in pratis, Equinoctiis tantum Verno, & Autumnali crescit, atque admodum dilatatur. Immediate post plurias, inquit D. Magnolius, super erbaceos arborum præcipue ad Solis ortum vergentium margines nascitur planta hæc; citissime vero exsiccatur; hinc ratio facile in promptu est, cur fugax fuerit nuncupata. Membranacea est, adinstar laminæ, natantis glaciei crassa, fere semper contorta, dilute-viridis, sese autem expandendo, Muscum Lactuæ, foliis nonnihil æmulatur, ac facillime scinditur. Chymici, aut potius Alchymistæ mira sane de ea proferunt, eam cælestibus exornant nomenclaturis, eamque, tamquam vegetantis Naturæ principium, ac radicem deprædicant.

Ubique fere in agro Parisiensi reperitur, ac distillationis ope, præter plures acidos liquores, magnam olei, salisque volatilis concreti portionem largitur. Chymicis autem ejusdem Plantæ cognitionem debemus, eam vero ingenti adeo fabularum numero obscurarunt, ut pro ejus Medico usu nihil ulterius innotuisset, nisi recentiores, melioris profecto notæ Auctores, clarius de ipsa verba fecissent. A Paracelso voce Germanica, quæ ceteris adhuc præstat *Nostoch* appellata fuit. Ab aliis vero, speciosissimis in vectis, profusisque nominibus diversimode vocata fuit. Maxima eorum pars cum Paracelso credit, hanc esse excrementum e stellis super terram demissum; alii e contra, vaporem e centro terræ exalantem, ac in ejus superficie, aeris frigiditate condensatum: mera quidem figmenta! Error autem facile dissipabitur, de ea vero, a doctis Botanicis, rationabilioribusque Chymicis, instituto examine: a D. Magnolio celebri Botanices Professore Monspeffulano primum inter Plantarum classes recepta fuit, idemque a D. Tournefortio factum fuit. A D. Geoffroeyo demum juniore in *Actis Regiæ Scientiarum Academiæ* anno 1708. hujusce Plantæ vegetatio, principia ex ea elicitæ, ejusque usus usque adhuc satis angustis limitibus circumscriptus nobis evidentissime demonstrata fuerunt. De facto principia activa e Nostoch emanantia, liquorem ex eo distillatum, ad quædam mixta dissolvenda efficacissimum, neutiquam vero ad omnes morbos sanandos, ut plures Chymici autumant, aptum efficiunt. D. Geoffroy post Hælyeticum quemdam Medicum memoriæ prodidit, Nostoch Solis tantum calore distillatum, ac interne exhibitum, dolores compescere, ac ulcera contumaciora sanare: ejus pulvis a gr. ij. ad gr. iij. eundem effectum progignit. Excellens quoque asseritur Planta hæc adversus can-

cros, & fistulas, si linteolum, vel pannus ejus succo saturatus iis applicetur. Quoad ejus externum usum ab agricolis Germanis usurpatur ad capillorum faciliorem incrementum procurandum.

Rx. Succı Nostoch, & Solani ana ʒvj. Immérgatur linteolum vel panni frustulum, apponaturque repetitis de die vicibus, super partes fistula aut cancro affectas, exhibendo simul mane, ac vesperi Pulveris Nostoch gr.ij. in Conserva Rosarum q. s.

M Y A G R U M.

MYAGRI species plures in Officinis notæ sunt, nihilominus de sequenti solummodo verba faciemus, utpote vulgatissima, ac a D. Tournefortio inter *Alysson* species recensita.

Myagrum, Camelina, Sesamum, *Tragi*, & *Offic.* Myagrum sativum, C.B. P. 109. Myagrum dictum Camelina, I. B. 2. 892. Camelina sive Myagrion, *Dod.* 532. *Alysson* segetum foliis auriculatis acutis, *Ger. Raii Hist.* 820. Myagrum sylvestre, seu Pseudo Myagrum, *Park.* Myagrum filiculis obverse ovatis pedunculatis, *Linn. Hort. Cliff.* 328. Myagrum Turcicum, Pseudo-Linum, *Quorumd.* vulgo *Cameline*, *Sesame d'Allemagne*, ou *batard*.

Huic radix est fibrosa, paulisper lignosa, caulem emittens cubitalis longitudinis, & ultra, e quo diversi exeunt ramusculi cylindracei, erecti, nonnihil villosi, medulla fungosa repleti. Prædictus caulis una cum ramis, alternis ornatur foliis longiusculis, acutis, mollibus, nec asperis, ut in *Rubia* (cui tamen Myagrum Dioscorides comparavit) dilute-viridibus, margine leviter denticulato, latissima basi caulem ita amplectentibus, ut binæ costæ pennulas duas, veluti duas appendices, aut auriculas repræsentent; saporem vero habent leguminosum. Summis ramis parvi, cruciformes ac lutescentes flores e longiusculis caudis propendent, quibus fructus aut filiculæ succedunt, Pyri penne inversi forma, oblongæ, tegumentis, ac intermedio conflatae sepimento, cui plurima adnectuntur semina longiuscula, triangularia, Nasturtii seminibus exiliora, seminum Fenu-Græci fere colorem, ac seminum Nasturtii saporem æmulantia, parumper ore detenta mucilaginem quamdam reddentia.

Annua est Planta hæc; frequentissime in agris, in quibus Linum satum fuerit, ac etiam alibi, haud raro in agro Parisiensi inter Secale, Hordeum, & Avenam occurrit.

Agricolæ nostrates, inquit Ruelius, Camelinam probe norunt, ac postquam ejus granum concuterint, ac vel ventilabro, vel cribro mundatum congregaverint, ex eo torcularis ope oleum exprimunt, quo pauperes non in lampadibus solum, verum etiam ad fricturas, aliaque condimenta utuntur.

A nonnullis pro exiguarum avium caveis conclusarum nutrimento diligenter colligitur, ardentem enim aviculæ hoc appetunt. Tragus asserit, ob magnam dulcedinem, hoc ipsum a Græcis cum pane misceri. Ejus Oleum emollit, laxat, ac mediocriter calefit; interne exhibetur, quum potissimum alvus adstricta dolet. Granum Cataplasmati forma applicatur, non secus, ac Fenu-Græci, & Lini semen. Planta quoque in Vino ebullita, optima est adversus oculorum inflammationes, ac dolores, quos efficaciter sedat. Joannes

nes Bauhinus quoque asserit, ex Myagro Oleum expressione elici posse, ad emolliendas obliniendasque cutis asperitates aptum. Eodem met Oleo, oris ulcera mundificari a Plinio testatur.

M Y R R H I S.

BOtanici non unicam MYRRHIS speciem agnoscunt, nos tamen unam solummodo, vulgatiorem videlicet, ac Medicis usitatiorem describemus.

Cerefolium Hispanicum, sive Myrrhis, *Offic.* Myrrhis major, vel Cicutaria odorata, C. B. P. 160. Myrrhis magno semine, longo, sulcato, I. B. 3. 77. Myrrhis, *Dod.* 701. *Cast. Lugd.* Cerefolium Hispanicum, *Tabern. icon.* 93. Apium Anisatum, *Lob.* Cerefolium magnum, sive Myrrhis major vulgaris, sive Cerefolium majus, *Park. Raii Hist.* 431. Myrrhis sativa, *Camer.* Cicutaria tertia, *Cæsa* p. Chærephyllon maximum, Cicutaria tenuifolia, Myrrhis Italica, *Quorumd* vulgo *Cerfeuil* *musquè*, ou *Anisè*, *Persil d'Asne* de Lobel.

Radicem habet longam, crassam, albam, mollem, veluti fungosam, sapore dulci, grato, aromatico, acriusculo, seminis ejusdem, aut Anisi æmulo; caules vero ramosos, villosos, fistulosos, late sese expandentes, ad quatuor, vel quinque pedum altitudinem; folia magna, ampla, alata, incisa, foliis Cicutæ similia, albida tamen, & frequentibus maculis albis conspersa, tactu mollia, nonnihil villosa, Cerefolii vulgaris odorem, coloremque, & Anisi saporem referentia, pedunculis intus cavis appensa. Flores umbellati in caulium, ramorumque summitatibus, quinque inæqualibus foliis, liliaceis, albis, vixque odoris componuntur, quibus bina, simul juncta, magna, oblonga, rostro avium similia, dorso striato, subnigra, saporeque Anisi dulci, ac grato semina subsequuntur. In pratis, ac in hortis præcipue crescit; folia autem, æque ac Cerefolium vulgare comeduntur. Majo floret, Junio, & Julio semen maturum edit. Radix reviviscit, ac vere singulis annis denuo germinare solet.

Planta universa plurimum olei paulisper exaltati, & Salis essentialis habet. Cerefolii hortensis tam ad medicamentarium, quam ad calinarium usum proprietates omnes non habet modo, verum etiam peculiare in ea reperiuntur, quas modo exponemus.

Myrrhis jure, meritoque tamquam bechica incidens existimatur, ejus vero folia in umbra exsiccata, eorumque fumus, ut Nicotianæ fumus exhaustus, Asthmate affectos mirabiliter solatur: ad eundem præterea morbum debellandum Hydromel conficitur, radice in aqua, ac melle decocta, ac ex eo copiosa expectoratio procuratur. Ejusdem extractum in Infantum Epilepsia cum successu propinatur. Vinum, in quo radix infusa fuerit interne usurpatum, excellens præservativum Pestis tempore a Rajo asseritur, nec non symptomatibus Aranæ morsum quandoque subsequentibus præsto esse. S. Pauli autem radice decoctionem ex aqua paratam usurpabat in omnibus fere morbis, in quibus malignitatis suspicio aderat. Hæc eadem decoctio Emmenagoga est, ac contra Icterus a mensium suppressione oriundum convenit.

R. Rad. Myrrhis taleolatim incisar. ℥j. Coque in aqua ℔iij. ad ℔ii. Adde versus finem Mellis albi ℥j. Ebulliat aliquantisper, donec despumetur una aut altera vice, vase abducta colatura tepida exhibeatur in Asthmate humido.

M Y R T U S.

INter Myrti differentes species, nos tres solum frequentius in Officinis occurrentes hic describemus, Myrtum nempe minorem vulgarem, Myrtum majorem latifoliam, & Gale, sive Chamæleaganum.

MYRTUS minor, *Offic.* Myrtus minor vulgaris, C. B. P. 469. *Lob. icon.* 127. Myrtus Tarentina, I. B. I. 512. *Clus. Hist.* 67. Myrtus minor, *Park. Raii Hist.* 1503. *Dod. Adv. Pen. & Lob.* vulgo *Myrte*, ou *Meurte commun*, petit *Myrte de Provence*.

Radix dura, lignosa, ac vix profunda ramulos propellit numerosos, flexibiles, quamplurimis ornatos foliis, Buxo similibus, exilioribus, acuminatioribus, tactu lævibus, læte-viridibus, lucidis, expolitis, atque odoriferis. Hæc inter flores apparent quinque constantes petalis rosaceis, albis, odoris, multifido calyce suffultis; interior eorum pars a numerosis, gratique odoris staminibus occupatur. Marcescente flore calyx in baccam ovalem, aut oblongam immutatur, specie quadam corollæ ornata a calycis divisionibus efformatæ, Bacca hæc viridis statim apparet; nigricans vero dum maturefcit, atque interne in tres dirimitur cellulas, albis, duris, crescentem Lunam, aut potius exiguum renem æmulantibus seminibus refertas. Planta universa adstringenti gustu prædicta inter hortenses colitur in calidis præcipue regionibus, ac in Meridionalibus, in quibus odoratior est, præ aliis Galliæ temperatis Provinciis.

Hæc Myrti species omnium est vulgatissima in hortis regionum Septentrionalium, facile enim taleis multiplicatur, facileque resistit, dummodo Hyemis tempore loco clauso fervetur, glacie namque perit, ac prædicto adminiculo destituta diutius perdurare in frigidis regionibus nequiquam potest, dum e contra in calidis, Italia scilicet, Hispania, & Provincia absque ulla cultura abunde ac sponte apparet. Ob frondes perpetuo virentes, gratumque odorem jure, ac merito existimatur, atque expetitur. Flexibilis adeo, ac cultori suo obtemperans esse solet, ut quamlibet figuram representare commode possit. Quum autem magno frigore lædatur, idem quoque de excedenti calore dici debet. Flores juxta diversa climata, in quibus crescit, citius aut serius, plerumque vero Junio, & Julio emittit; in Anglia admodum raro fructum ad maturitatem perducit. Myrtus assiduam amat cæsuram sicque ad majorem altitudinem perducitur; aliter in densam, ac confusam sylvulam degenerat.

Variis tam funestis, quam lætis de causis Myrtus antiquitus usurpabatur, & præcipue pro coronis. Omnes ejusdem Medicæ facultates, a vi exsiccante, ac resolvente, & odoris suavitate dependent. Folia, ac flores qualitate donantur adstringenti, ac ad cutim detergendam, atque expolientdam, ad consolidandas carnes, fibrasque roborandas adhiberi solent. Distillatur aqua, *Eau d' Ange*, nuncupata, aqua scilicet Angelica, qua, ob odoris fragrantiam admodum exquisita, Matronæ utuntur. Baccæ Myrti, vocantur Myrtilli; nobis vero usitatiores sunt e regionibus calidis allatæ, e plurimis Myrti speciebus collectæ, Solisque calore exsiccatæ, a quo corrugantur, atque deformantur: Seligendæ sunt recentiores, grandiores, sicciore, nigræ, saporeque adstringenti; plurimum olei, salisque essentialis continent, detergentes, adstringentes, roborantesque sunt, ac in

quam-

quamplurimis externorum remediorum formalis, ac interne usurpantur. Olim, inquit Plinius, Myrti Baccæ, ante Piperis inventionem, ejusdem locum occupabant, præstantque condimentum (quod suis etiam temporibus *Myrtatum* nuncupabatur) ab iis nomen mutuavit. Exquisitiores tinctus eadem excepiſſe certum eſt. Belonus refert, Illyricos, coria foliis Myrti perficere, non ſecus, ac Macedonienses Sumach, Ægyptii Acaciæ filiquis, Asiæ Minoris incolæ glandium Quercus calycibus, Galli intermedio ejusdem arboris cortice, Phrygii Pinus sylvestris cortice. Idem Auctor observavit, in Myrto granum coccineum, Kermes grano similem progigni, in quo vivum, exiguumque Inſectum occluditur.

Myrti minoris proprietates pro uſu Medico eadem fere ſunt, ac Myrti majoris.

Myrtus, ſeu Myrtus major, *Offic.* Myrtus communis Italica, C. B. P. 468. Myrtus vulgaris nigra, & alba ſatira, & ſylveſtris, J. B. I. 520. Myrtus Bœtica ſylveſtris, *Ger.* Myrtus latifolia vulgaris, *Park. Raii Hiſt.* 1502. vulgo *Grande Myrte a large feville*.

Species hæc quandoque ad arboris altitudinem excreſcit, ramos habet flexiles, corticem rubrum, folia pauliſper longa, perpetuo viridia, foliis Mali Punicæ ſimilia, diverſis in truncis modo nigricantia, modo albidiuscula. Flores quinque petalis conſtant roſaceis, albis, odoris, ut in reliquis ſpeciebus, quibus baccæ oblongæ ſuccedunt, quæ ad Oleas ſylveſtres quodammodo referri poſſunt; ceterum grandiores ſunt in truncis culturæ ſubjectis, quam in ſylveſtribus, in quibus albus, nigerque color ſimul apparet.

Myrtus major in Ætſuria, atque in agris Romano, atque Neapolitano abundat, ac in Provincia inter ſepes conſpicitur. Anguillara opinatur, Myrtum albam neutiquam ſpeciem eſſe a Nigra diſtinctam, ac ſola coloris varietate diſcrepantem: utraque vero vulgatiffima eſt in Italia. Belonus juxta Mare Alexandrinum iter faciendo obſervavit Myrtos nigras demiffas exilesque admodum, utpote affidue a ventis marinis agitataſ. Myrti maritimis locis magnopere delectantur; & hæc potiffima ratio fuit, cur Veneri, juxta Poetarum figmenta, e mari progenitæ, dicatæ fuerint.

Myrtum flore duplici adeo a curioſis expetitur, nihil aliud eſſe, niſi huiusce varietatem Rajus exiſtimat. Nulla fortaffe planta invenitur, quæ majorem florum numerum efferat, quique per tam longum tempus perdurent, quandoque ſcilicet trium menſium ſpatio, & adverſus pruinaſ perſiſtunt. Fere nuſquam floribus deſtituta invenitur, primi enim noviffimis ſubſequuntur. Raro abit in ſemina, uti in fere omnibus plantis flore duplici donatis uſuvenit.

Univerſa Myrti Planta maximam olei aromatici, pluribus terreſtribus particulis commixti portionem continet, unde adſtringentem habet facultatem, & ad quoscumque fluxus ſiſtendos dicatur. Non foliis ſolummodo, verum etiam tam interne, quam externe baccis utimur. Syrupus ſimplex cum ejusdem fructuum ſucco paratus præcipue uſurpatur ab ʒß. ad ʒj. in julapiis, & potionibus adſtringentibus, & refrigerantibus, adverſus ventris fluxus, & ad hæmorrhagias, fluoresque albos ſiſtendos. Baccarum Extractum a Pharmacopolis Myrtillorum nomine cognitum ʒij. iſdem in morbis exhibetur, nec non ad ſtomachum roborandum. Decoctio, aut Aqua diſtillata foliorum Myrti detergens eſt, adſtringens, partes omnes, ac gingivas præſertim

corroborans, ac pro Gargarismate in omnibus faucium morbis apta. Eadem decoctione fomenta utilissima parantur in nervorum contusionibus, ac luxationibus. Vinum cum Myrti baccis ebullitum adversum ructus acidos, singultum uvulæ prolapsum, ani, uterique procidentiam in pretio habetur. Oleum etiam Baccarum infusione in oleo paratur, quod *Oleum Myrtillorum* appellatur, ab eo diversum simplici foliorum infusione confectum, *Oleum Myrti* nuncupatur. Utraque externe usurpantur, ac primum ad membra præsertim roboranda, ac pro linimento etiam regioni stomachi in vomitu, ventrisque fluxu applicatur, uno verbo tonum, vimque partium elasticam restituit, ac roborat.

Baccæ Myrti Syrupo Myrti composito *Mesuei* denominationem dederunt, & in confectione Syrupi roborantis *Charas*, atque in Unguento styptico *Fernelii* ingrediuntur; Syrupus vero simplex in pillulis adstringentibus *Pharm. Paris*.

℞. Sem. Cydonior. excort. ℥ j. Conservæ Rosar. rubrar. ℥ ss. Flor. Mali Punicæ ℥ j. & Syrupi Myrti q. s. ad Electuarium conficiendum ℥ j. de die repetendo in Diarrhæis, aut Vomitibus a ventriculi debilitate oriundis.

℞. Baccar. Myrti, Cortic. Malor. Punicor. Gallar. Cypri, & Aluminis ana ℥ j. Contunde & infusa in Vini rubri optimi aut Aquæ Fabor. ferrarior. ℔ ij. supercinerarium calidum per noctem relinque. Coque deinde ad quartæ partis consumptionem. Exprimatur liquor, & ad usum servetur. In ani, atque uteri prolapsu, & vaginæ relaxatione adhibitus utilis admodum experitur, relaxatas partes mane ac sero repetitis vicibus madefaciendo.

Gale, sive Chamæleagnus, *Offic. Rhus myrtifolia Belgica*, C. B. P. 414. Gale frutex odoratus, septentrionalium, J. B. 1. 225. Elæagnus, *Cord. Chameleagnus*, *Dod.* 768. Myrtus Brabantica, *Ger. Rhus sylvestris*, sive Myrtus Brabantica vel Anglica, *Park. Raii. Hist.* 1707. Rhus sylvestris altera, *Lugd. Hist.* Rhus herba, *Plinii Glus. Hist.*, Thee Europeum, aut nostras, *Sim. Pauli.* Gale florifera & fructifera, *Vaill. Bot. Par.* 77. Myrica foliis lanceolatis fructu sicco, *Linn. Flor. Lapon.* 297. Pseudo-Myrsine, sive Pseudo Myrtus, *Quorumd.* vulgo, *Piment Royal*.

Gale planta est lignosa, & sarmentosa, aut exigua Arbuscula, radicibus duris, ac flexibilibus, quæ ad cubiti altitudinem, & ultra elevatur, exilemque Salicem apte æmulatur; caules habet minutos, binos, aut tres quandoque, raro admodum quatuor pedes altos, ramosos, subrubrum ac expolitum corticem gestantes, foliis ornatos alternis, Vitis Idææ, aut potius Myrti foliis perquamsimilibus, longioribus, minus acuminatis, lævibus, atque expolitis, aliquando albidiusculis, in aliquibus tantum individuis ruditer denticulatis, odore aromatico & balsamico. Flores suis quinque receptaculis in ramorum summitatibus, ut in Betula continentur, breviores tamen sunt, racemisque squammosis dispositi, rufescentes, perlucidi. Trunci vero hisce pseudo-floribus prædicti fructus neutiquam ministrant; suppeditantur vero ab aliis individuis, racemis constantes, quamplurimis referti minutis, pinguibusque seminibus, odoris penetrantis, parvis squammis in eorum superficie quaquaversum locatis. Planta tota odorosa est.

Chamæleagnus inculta, Ericæisque plena, aquatica, & paludosa diligit loca; Majo, & Junio florescit, ac Julio, & Augusto semen ad maturitatem per-

perducitur. In agro Parisiensi occurrit, & præcipue in pratis humidis *S. Leger*, aut *Versalia* exacta; quondam notissima erat; ejus enim rami plaustribus Lutetiam sæpius afferebantur, a mulieribus in armariis inter lintea ac suppellectiles reponendi; verum hisce diebus quibusdam exceptis sufficientis fere nusquam usurpatur. Concives suos per Æstatem, ramis, ac foliis ejusdem ob fragrantissimi odoris halitum domuum cubilia exornasse, atque in arca inter vestes, non solum ad eas grato odore perfundendas, verum etiam ad tineas profligendas, reposuisse, *Rajus* testatur. Nonnulli flores prædictos in Cerevisia, Lupuli loco, decoquere solent; ab his autem inebrians Cerevisiæ facultas adaugetur, ac ad caput tentandum efficacior redditur. Serpentes nusquam in sylvis repere, in quibus *Chamelæagnus* excrefcit, neque ad eas accedere audent, inquit *S. Pauli*. Hisce diebus foliis arboris *Theæ* nobis e China allatis, ac probe notis, aqua aut ebullitis, aut infusis, parumper sacchari addito, potio paratur haud ingrata, & sana, similem quoque foliis *Gale* confici posse fertur. *S. Pauli* vero testatur, *Chamelæagni* folia esse genuina *Theæ* folia adeo in pretio habita, ac e tam longinquis regionibus allata: verum juxta *Rajanam* sententiam stulte admodum decipitur, *Theæ* enim arbor, a *Gale* ita differt, ut China ab Europa distat. *D. Linnæus* cum aliis quamplurimis in eadem est sententia.

Magna hujusce Plantæ amaritudo, resolventem, dissecantem, & roborantem eam efficit: haud frequentem tamen usum habet, ac contra vermes solummodo, quos, aut ob maximam amaritudinem ipsi adversam, aut mucilaginosos humores, in quibus ova stabulantur, resolvendo, enecare solet. Hac de causa interne, ac externe usurpatur, aut pulveribus, aut Opiatæ vermifugæ permixta, aut Cataplasmate eundem in scopum ex ea applicato. *S. Pauli* asserit, Unguentum pulvere *Gale* cum butyro, *Majo* confectum adversus scabiem contumaciorem in Norvegia excellere. Folia in umbra exsiccata in Theiformi infusione adhiberi possunt. Potio hæc ad stomachum roborandum, ac præcipue a viscidis humoribus, ac pituita nimia copia excedente, exonerandum aptissima recensetur.

℞. Summit. *Gale*, *Tanaceti*, *Corallinæ*, & *Æthiopis mineralis* ana ʒj. M. cum Syrupo *Absinthii*, ut Opiata vermifuga conficiatur a ʒj. ad ʒij. mane, jejuno stomacho, Bolo nebula obvoluto convenienti temporis spatio repetito, sumenda.

Cataplasma contra Vermes.

℞. Fol. *Absinthii* Man. j. Summitat. *Gale* ʒβ. & Bulb. *Allij* N. ij. Ebulliant in lacte ad Cataplasmatidis consistentiam, regioni umbilicali calide applicetur splenio quadrifariam complicato, fasciisque alligato.

N A P E L L U S.

NAPELLUS verus, *Offic. Aconitum cæruleum*, seu *Napellus* J. C. B. P. 183. *Inst. R. H.* 425. *Aconitum magnum* purpureo flore, vulgo *Napellus*, J. B. 655. *Raii Hist.* 702. *Napellus*, *Dod. Pempt.* 44. *Napellus verus cæruleus*, *Ger. Napellus verus flore cæruleo*, *Park. Napellus vulgaris*, *Lob. icon.* 679. *Aconitum cæruleum*, seu *Napellus cum cæsiis muscis*, *Thal. Aconiti altera species cæruleo flore*, *Gesn. Hort. Aconitum foliorum laciniis linearibus superne latioribus linea exaratis*, *Linn. Hort. Cliff.* 214. *Cucullus Monachi*, vul-

paria , Luparia , nigra seu Lupi radix herbariorum , vulgo *Napel* , *Aconit ou Tue-loupbleu* , *Coqueluchon* , *Capuchon ou Capuce de Moine* , *Madriettes* .

Radicem habet crassitie parvi Napi , externe nigram , interne albidiusculam , alios parvos Napos lateraliter quandoque emittentem , quæ plures caules , ad trium pedum , & ultra , altitudinem propellit rotundos , plerumque expolitos , medulla repletos , rigidos , fractu difficiles , a basi ad verticem usque foliis ornatos amplis , subrotundis , alternatim , aut potius inordinate dispositis , longis , tubularibus caudis appensis , atro-viridibus , lævibus , nervosis , in plures angustas , aliisque omnibus Aconiti speciebus acuminatiores partes profunde divisas , subdivisisque . E caulium summitatibus plures exeunt flores , veluti spicei , pedunculo pollicem longo suffulti , quinis inæqualibus constantes petalis , quorum supremum ad modum galeæ , aut cuculli Monachi cavum duos veluti recurvos baculos abdit , folia vero bina lateralia latiora auriculas , & bina inferiora humanam faciem repræsentant , colore cœruleo radiato , pilis interna in parte locatis ; tandem in fructus pluribus thecis , aut vaginis membranaceis ad capitis modum dispositis abeunt communiter tres , vel quatuor , & ultra , oblongos , læves , ac plurima minuta semina , per maturitatem nigra , angulosa , & rugosa occludentes .

Planta hæc in Alpibus , in *Nigra Sylva* , in Silesia , & alibi montanis in locis sponte enascitur , ac in hortis colitur . Flores Majo & Junio , ac quandoque serius in frigidis regionibus , semen autem Augusto largitur . Si Joanni Bauhino fides præstanda est , prudentissimum erit , ejusmodi mortale venenum e nostris hortis exulare , quum præcipue in tam magno , & abundantigratorum , salutarium , utiliorumque florum numero , habeamus facile , unde feralis Napelli defectus compensetur . Ejusdem radix vivacissima est adeo , ut in hortis , & viridariis traducta , quamvis despecta , atque neglecta , pullulet , & diutissime conservetur .

Botanici omnes , qui de Aconito verba fecerunt , consentiunt , inter venena , quæ e Vegetabilium familia desumuntur , Napellum periculosiorem semper fuisse existimatum : singulæ itaque ejusdem partes perniciosæ sunt , inter eas vero radix eminet , quam aliquo tantum spatio temporis manibus contractatam , mortem inferre a nonnullis asseritur . Quamobrem summe caustica , & corrosiva censeretur debet , brevi enim inflationes , inflammationes , convulsiones , gangrænam , & mortem interne exhibita progignere potest . Matthiolus historiam narrat nocentis rei capitis , cui radicem hanc edendam propinarunt , ut Antidotum aliquod adversum hocce venenum propositum experiretur : infelix hic Piperis gustum paulo fortiolem in ea statim invenit , binis exactis horis , vertigine , ac tam validis cerebri commotionibus correptus fuit , ut caput aqua ferventi plenum gestare sibi videretur ; postea generali totius corporis inflatione superveniente , facie livida , ejus oculi , horribili modo , extra orbitam exire videbantur , demum mortales convulsiones vitæ , speique nocentis finem dederunt . Antuerpiæ etiam , inquit Diodonæus , experimento evidenti , atque fatali , cujus adhuc viget recordatio , Napelli pernicies cognita fuit : a nonnullis enim incautis ejusdem radices in acetario fuerunt immixtæ , omnesque , qui ex eo comederunt , crudelioribus symptomatibus correpti vitam cum morte statim commutarunt . Tournefortius quoque asserit eadem in urbe , Gallos Napelli radices in acetario pariter sumpsisse , omnesque , binis elapsis diebus , fato functos , duo-

duobus naviculariis exceptis, qui eas vomitu ejecerunt. *In Cicutæ aquaticæ Historia* Wefperus narrat, Lupum secuisse Napello venenatum, atque intestinum duodenum inflammatum, sphaceloque correptum invenisse; deinde addit pestis tempore, nonnullos ad Vescitaroii modum hac planta tusa usos fuisse, hinc una cum supra recensitis, ejus caustica, & corrosiva qualitas evidenter demonstratur. Dubitandum ergo merito erit, utrum in Napello ulla Medica virtus inveniatur; tamen quum quotidie videamus, eandemmet plantam juxta ejus diversas præparationes bonos ac pravos effectus producere, uti in Aro accidit, cujus radix recens corrosiva est, & sicca inter præstantiora stomachica recensetur, quumque remedium quadam dosi exhibitum, periculosum sit venenum, idemque minori dosi admirabiles effectus progignat, uti de Opio, & Cantharridibus succedit; neutiquam inde statuendum est, plantam pravis præditam proprietatibus, optimas simul etiam habere non posse, quod de facto in Napello contingere autumant qui nonnullas habere Medicas haudignobiles facultates dicunt. Avicenna asserit, radicem Napelli exsiccatam, ac melle sociatam, insigne remedium esse, Linimenti forma adversum impetiginem. *In Ephemeridibus Germanicis Decuria prima anno 2. Observatione 41.* narratur, Doctorem Bernardum de Berniz, hominem agnovisse, qui radicem Napelli 3j. in tertianis, quartanisque febribus, & quidem cum successu præscribebat, eandemque plantam ex uno in altero transfusam locum, E. G. ex Alpibus in hortum, veneficam amittere proprietatem, in Septentrionalibus regionibus nequaquam inter venena recenseri, ut in Italia, regionibusque calidis, ac demum diversa præparatione, mutari facile posse. Alii etiam in eadem sunt sententia, & præ aliis Joannes Faber, qui asserit Cicutam & Napellum Meridiem versus, & in Pyrensis veneficas plantas omnem malignitatem deponere, si in Septentrionalibus plagis, locisque humidis transferantur. Ego tamen, inquit Rajus, nollem Napelli in hortis culti facultates in memet ipso experiri, frustulum enim a me mansum exiguo stupore linguam affecit; stupor hic tamen statim non percipitur. Joannes Boeclerus qui *Materia Medice* D. Hermanni finem imposuit in eadem est cum Rajo sententia Gesnerus asserit, vidisse Pharmacopolas in Sabaudia radicem Napelli Hellebro nigro substituentes, & Sylvius, in Gallia a nonnullis idem perpetrari queritur. Error autem ortum duxit ob nigrum radicis Napelli colorem, ejusque violentissimam vim cathartica ad Hellebori apud ipsos non extantis similitudinem; Gesnerus addit, a Napelli seminibus mansis vehementem expuitionem excitari; expertumque fuisse ejusdem radicem adurenti Pyrethri, & Staphisagria sapore palatum afficere, tusa vero ingratum, ac nauseabundum odorem emitte- re, melque ex hac planta, non secus, ac e floribus Nerion elicatum, veneficum esse, tamen pluries ejus flores gustavisse, qui dulces semper sibi visi sunt, quinetiam eos saepius vidisse ab Apibus, & Vespis delibatos, quæ nihilominus plantæ contactum diligenter vitabant. Joannes Bauhinus asserit a Matrona accepisse, plures pullos quondam Napello saturatos, fuisse emortuos, exceptis iis quibus propinatum fuit Allium aceto sociatum. Saxonia refert, Germanum Medicum extitisse, qui omnes peste affectos sanabat, Vescatorio, radice Napelli, parato, a quo omne pestis venenum attrahebatur. Melchior Fricius Ulmenfis Medicus in Tractatu, cui titulus *Paradoxa de Venenis*, Napellum in cutaneis quibusdam morbis, ac intermittentibus febribus extollit.

Ceterum quum post Theophrastum ad hanc usque diem, Aconitum cæruleum, tanquam in omnibus suis partibus periculosum, fuerit reputatum, quumque e contra plantæ extent facultatibus præditæ nequaquam incertis adversum præcipue omnes morbos, in quibus Napellus usurpari posset, hinc a prudentioribus Medicis omnino proscribetur, donec aliquo fortuito eventu, ejusdem Medicæ proprietates, ulterius potiorique ratione extricentur, ablegatis infidis semperque damnandis in hominibus experimentis.

Quæcumque animalia a Napello enecantur, secus ejus causa facile in phthisim incidunt. Priscis temporibus succi hujusce plantæ veneno tela inficiebantur, quo, animalium carne teneriori, delicatiorique effecta, curabatur, ut vulneris circumferentia late excideretur. Leones quoque, Tigres, Leopardi, Pantheræ, Lupi, Lynces, & Ursi, Napello gratiori pabulo permixto, destruebantur.

Quoad remedia venenum hocce adversantia, ab Emethico prompte exhibitio inchoatur, abundanti lactis, atque butyri una ebulliti potione subsequente, Theriacæ, Orvietani, aut Mithridati bolo curationi finis imponitur, quibus addi possunt sales volatiles Viperæ, Cornu Cervi, Salis Ammoniacy, non solum ad stomachum a veneni efficacia, ac vomitu debilitatum, roborandum, verum etiam ad noxias particulas in sanguinis massam deductas transpirationis ope eliminandas.

Linimentum contra Impetiginem.

Rx. Rad. Napelli exsicc. & p. q. l. M. cum s. q. Mellis, ut Linimentum conficiatur. Scabiosæ partes, forti decoctione radicis Malvæ, & Altheæ in Egroti urina parata, antea mundatæ eo confricentur, quod usque ad sanationem repetatur, advertendo, ut ægri pluries interim purgentur.

N A P U S.

IN re Botanica, ac in Officinis N A P U S in duas dividitur species, videlicet in sativam, & sylvestrem.

Napus vulgaris, Offic. Napus sativa radice alba, C. B. P. 95. Napus, J. B. 2. 842. Raii, hist. 801. Dod. Pempt. 674. Inst. R. H. 229. Rapum sativum alterum, & Napus veterum, Trag. 730. Bunias, sive Napus, Adv. Lob. icon. 200. Bunias, Ger. Napus hortensis, Napus domestica, Herbariorum, vulgo, *Napvet domestique*.

Radice donatur oblonga, rotunda, in parte superiori crassa, minus tamen Rapa, carnosæ, & tuberosa, versus inferiorem partem exiliori, alba aut lutea, aliquando æstus nigricanti, intus alba, sapore dulci, atque acri, grato, & Raphano suaviore, ac dulciore. Caulem propellit cubitalem, & ultra, ramusculis distinctum; folia oblonga, profunde incisa, scabra, viridia, pedunculis destituta, aut membranaceis pedunculis appensa; inferiora vero sinuosa, & acuminata, caulem amplectentia, ac juxta Lobellium, Rapæ foliis minus rudia; florem tetra-petalum, cruciformem, ac flavum, ad instar florum Brassicæ, in siliquam abeuntem pollicem circiter longam, rotundam, in duas cellulas divisam seminibus plenas admodum crassis, semirotundis, rufescentibus, sub-purpureis, sapore acri, pungenti, & amaricante. Ejus vero acrimonia, quamvis Sinapi accedat, minor tamen deprehenditur.

In hortis, & arvis feritur, coliturque. Napi radices calidiores sunt radicibus Rapæ: ceterum iisdem fere facultatibus pollent, parique ratione culinario usui accomodantur. Napus ope seminis multiplicatur, solumque leve, ac sabulosum amat, quandoque etiam in solo forti, dummodo probe colatur, optime excrescit. Plures ejus sunt species, aliæ scilicet crassæ; aliæ exiles: exiliores optimæ, delicatiores, magisque palato gratæ reputantur. Parisiis Napi plurimum existimantur, ac præcipue e *Vaugiard*, ac *Freneuse* prope Pisciacum allatæ, quamplurimæ etiam reperiuntur omnino insipidæ, hac de causa pro nihilo reputatæ. Galenus nullum intercedere facit discrimen, inter Napum, & Rapam.

Napus maximam phlegmatis, olei, & salis essentialis portionem continet: radix ac semen a Medicis adhibentur. Radicis autem culinaris usus vulgarissimus est, ideoque silentio prætereundus. Hic solummodo animadvertemus, Napum flatulentam esse, ac difficilis digestionis, utpote viscido, crassoque succo saturatam, hinc debilibus, flatibusque obnoxiiis stomachis inhibenda. Quoad Medicos attinet ejusdem decoctionem usurpant in jusculis pectoralibus Tussi inveteratæ, Asthmatis, ac Phthisi præsertim convenientibus; blande enim pulmones absque ulla irritatione detergendo expectorationi favet. Paratur etiam sequenti ratione Syrupus pectoralis, maxima iisdem in morbi efficacia donatus. Recipitur ergo quantumlibet Napi detersæ, ac taleolatim incisæ, vas cretaceum adimpletur, pasta obducitur, post panis cocturam clibano committitur, xij. aut xv. horarum spatio; jus deinde e vasis fundo segregatur, ac pro ejus $\frac{3}{4}$ jv. Sacchari cand. p. $\frac{3}{4}$ j. admiscetur; cochleare j. cumulatim aut solitarie sumitur, aut una cum cyatho ptisanæ, aut aquæ simplicis, nonnullis de die vicibus repeti potest; Syrupus hic præ aliis antiquis in rheumaticis affectionibus convenit.

Extrinfecus etiam radix eadem rasa Cataplasmatibus forma usurpatur ad digerendum, resolvendum, doloresque mitigandos.

Napi semen, tanquam incidens, aperiens, urinas sciens, adversus Ictericum aptum perspiratione pravos humores educit. Hinc cum successu in malignis, ac exantematicis febribus in usum revocatur, dummodo febris mediocris sit, & humor ad cutim effusus non satis abunde pro ægri utilitate segregetur.

℞. Sem. Napi tuf. $\frac{3}{4}$ ij. Infundantur per noctem super cinerarium calidum in cyatho vini albi. Exprimatur pro dosi, mane per dies ix. jejuno stomacho in Ictero, ac Renum, Hepatisque anartibus propinandas.

℞. Capas albas nu. vj. Mediam capitis vitullini partem, Napos excorticatorum, & in taleolas incisas nu. xij. & Sacchar. cand. $\frac{3}{4}$ j. Coque in aquæ lb. vj. ad tertias. Fiat deinde colatura absque expressione, & in quatuor doses dividatur per biduum mane jejuno stomacho, atque hora somni sumendas. Repetatur vero juxta exigentiam in pectoris doloribus oppressione, tussique pertinaci comitatis.

Bunium, seu Bunios, Offic. Napus sylvestris, C. B. P. 95. I. B. 2. 843. *Raii Hist.* 802. *Inst. R. H.* 229. Buinas sylvestris, Napus flore luteo, *Lob. icon.* 200. Buinas, five Napus sylvestris nostras, *Park.* Buinas sylvestris, *Lobellii*, *Ger.* Napus sylvestris, *Dod.* Napi alterum genus sylvestre, *Fuchs*. Rapum longum minus, *Tabern. icon.* 406. Brassica radice caulescente fusiformi, *Linn. Hort. Cliff.* 339. Navetta, *Ruell.* Navetta vulgaris, Rapum sylvestre, *Quorumd.* vulgo, *Navet sauvage*.

Secunda hæc Napi species radice solummodo differt a præcedenti. Exilior enim est, vixque pollicem excedit, rotunda, acris, ac quidpiam sylvestris sapit, Flos, vero luteus aliquando etiam albus est, filiquæ, & semina, Napi sativæ filiquis, ac seminibus fere similia sunt folia magis quam in altera specie incisa apparent, neque cauli, ullo pariter pedunculo, appensa sunt. Napus sylvestris folio magis Brassicæ, quam Rapæ, similatur, & folia inferiora, quæ e radice exeunt, saltem superne rudia nonnihil sunt. Inter segetes sponte crescit, in ageribus, & marginibus fossarum. Aprili, ac Majo floret, & quamplurima emittit semina. Semen hocce in Theriaca sub nomine *Seminis Buniados* usurpatur.

Eadem principia Chymica ex ea eliciuntur, ac ex Napo sativa. Semen eandem quoque possidet facultates; tamen præcedenti præfertur; huic enim alexiteria qualitas tribuitur, qua potissimum in Theriacæ Andromaci compositione admiscetur. Nullibi ignoratur quamplurimas species parvarum avium nempe Spinum, sive Ligurinum, Carduelem, Oegitum, Frigillam, aliosque similes, hoc semine enutrir. DD. Raius, Garidelius, & alii quamplurimi tradunt, hoc semen esse *Naavette*, ou *Navuice*, vocatum, ex quo oleum expressione elicitur ad lucernas aptum, & a pileorum opificibus suis in operibus usurpatum; verum D. Lemeryus in suo *Dictionary Aromaticum simplicium* observat, semen *Nvvette* appellatum, non semper esse Napi semen, ut quamplurimi existimarunt, atque sæpe sæpius semen esse speciei cujusdam Brassicæ, quæ in Belgio *Colsa* nuncupatur, quæque hanc ob causam in Normandia, Brigenfi saltu, Belgio, & Hollandia colitur; quamvis etiam, & altera Napi species seratur, ad Oleum eliciendum. Hoc Oleum resolvens, & temperans est externe; raro tamen interne a Medicis usurpatur.

℞. Sem. Napi sylvest. ʒj. Leviter in mortario marmoreo tuis paulatim, super effunde aquam Scorzonæræ, aut Cardui Benedicti. Coletur postea per linteolum pro emulsione ad morbillorum, & valriolarum eruptionem adjuvandam, atque adversus febres malignas.

N A R C I S S O - L E U C O J U M.

Leucojum bulbosum, viola alba Offic. N A R C I S S O - L E U C O J U M vulgare, *Inst. R. H.* 387. *Raii Hist.* 1144. Leucojum bulbosum vulgare, C. B. P. 55. Leucojum bulbosum Hexaphyllon, cum unico flore rarius bino, I. B. 2.590. Leucojum bulbosum, Hexaphyllon, *Dod. Pempt.* 230. Leucojum bulbosum, ferotinum, *Ger.* Leucojum bulbosum, præcox, majus, *Park.* Leuconarcissolirion pratense vernal. *Adv. Lob.* Viola alba bulbosa, *Fuchsij*, *Ludg. Hist.* Viola alba, *Theophr.* Februarii flos, *Herbariorum*, vulgo *Perce-Neige*, *Ba-guenaudes d' Hiver.*

Ejus radix bulbosa, plurimis tunicis albis, excepta parte externa, quæ fusca est, conflatur, inferne vero albicantibus fibris donatur, saporemque habet admodum viscosum, absque ulla fere acrimonia. Tria, quatuor, aut quinque emittit folia latissima, saturate viridia, expolita, lucentia, & porro similia, quæ inter caulis dimidium pedis altus elevatur, angulosus, striatus, cavus, una cum foliis ad medietatem usque vagina quadam alba; indutus communiter unum tantum habet florem aliquando duos, raro tres. Flos hic frequentius senis foliis donatur quandoque septem, & octo, quod a soli ferti-

fertilitate dependet ; ea autem pendentis campanulæ more disposita , sunt alba , fere acuminata , macula viridescenti extus signata , ac nonnihil intus reflexa , odorem neutiquam ingratum , fundunt juxta Fuchsum *Viola martiæ* , & juxta Clusium *Oxyacanthæ* proximum.

Deciduo flore calyx in membranaceum commutatur fructum , tribus angulis distinctum , pyriformem , interne tribus præditum concamerationibus plenis seminibus fere rotundis , duris , albo-luteis.

Narcisso-Leucojum vulgare sponte in pratis humidis quibusdam montibus , nemoribus umbrosis , sepibusque crescit ; Februario floret , atque Majo evanescit , radix tamen in terra subsistit , adinstar Narcissi . Suis bulbis multiplicatur ; frequentissime etiam in hortis ob florem præproperum coli solet.

Plurimum olei , & phlegmatis , parumque salis continet . Excepta radice , nullus est apud Medicos ejusdem usus ; Emeticum mitissimum ministrat , quod fortuito detectum fuit , ut in fere omnibus naturæ inventis succedit . *In Emphemeridibus Germanicis anni 1727. pag. 286.* Michael Valentinus observationem memoriæ prodidit , qua narrat ab Agricola in Urbe bulbis *Violæ albæ* , adinstar parvarum *Ceparum* , venditis , omnes , qui ex iis comederunt , vomitu correptos fuisse nullo tamen molesto symptomate subsequuto , ita ut in casibus , in quibus evacuatio hæc convenit , commodissime iis uti possimus : hi itaque plebeculæ , rurique degentibus , utpote vulgatissimi , apprime utiles esse possunt . Si Paulo Hermanno fides præstanda est , radix hæc præterea emolliens , digestiva , ac resolvens est : in Vino , aut Cerevisia ebullita optima est adversus Febres , non secus ac flores adversus Cataractam , si eorum aqua distilletur ; quin etiam aqua hæc eadem stillatitia valet contra maculas illas lenticulas appellatas . Schyvenckfeldt addit , flores hujusce plantæ in Vino decoctos , contra lumborum dolores adhiberi posse .

N A S T U R T I U M .

NA S T U R T I U M nomine quatuor , aut quinque plantæ , etsi diversi generis , hic loci a nobis in medium adducentur , Nasturtium hortense , videlicet Nasturtium verrucarium , Nasturtium aquaticum , & Cardamum , sive Nasturtium Indicum .

Cardamum , sive Nasturtium hortense , *Offic. Nasturtium hortense* , vulgatum , C. B. P. 103. *Inst. R. H.* 213. Nasturtium vulgare , I. B. 2. 912. Nasturtium hortense , *Dod. Pempt.* 712. *Ger. Park. Raii Hist.* 825. *Trag. Fuchsf. Lugd. Hist.* Nasturtium nostras , *Camer. Hort.* Cardamon , Nasturtium hortense . *Lob. Cressio vulgaris* , *Herbariorum* , vulgo , *le Cresson Alenois* , ou *cultivè* , le *Nasitor* .

Radix simplex est , lignosa , alba , capillitio stipata , neque adeo mordax , uti folia . Unum , aut plures ad altitudinem pedis , aut pedis cum dimidio emittit caules rotundos , leves , solidos , ramosos , specie quadam pulveris sub-cærulei , facillime decidentis obtectos . Folia oblonga sunt , profunde incisa , gustu acri , haud quaquam ingrato . Exigui flores summis caulibus ramisque quadripetali , ac cruciformes apparent albo-purpurescens , brevibusque pedunculis sustentur , abeuntque in parvos fructus semiroundos , planos , binis cellulis divisos duobus instructis seminibus semirotondis rufescentibus , ac mordicanti sapore præditis .

Pro acētariis planta hæc in hortis colitur , atque Hyeme semper viridis

conservatur. Vere autem feritur, tunc autem tenerior esse solet. Nasturtium hortenſe Æſtate florefcit, præſertim Majo, & Junio.

Authores duas Cardami ſpecies, aut potius varietates diſtinguunt, unam nempe foliis latioribus, alteram vero foliis magis incifis, & criſpatis, ceterum caulibus, floribus, & feminibus omnino ſimiles ſunt.

Nasturtium hortenſe, mediocrem phlegmatis, atque olei, ac magnam ſalis eſſentialis partem continet, hinc incidendi, detergendi, aperiendi, & antiſcorbutica facultas huic conciliatur. Folia, & ſemen craſſos, lentosque humores attenuant, & incidunt, atque ſalis volatilis-acris ope, obſtructiones lienis, atque uteri tolluntur, & bronchia, ac veſiculæ pulmonares a viſcidis humoribus liberantur. Aqua diſtillata Naſturtii in Officinis habetur ab ʒj. ad ʒvj. præſcribenda; paratur autem ℥ij. aquæ communis pro unaquaque libra herbarum minutatim incifarum, omnia ad medias diſtillando B. M. aut B. A. Emulſione ſemine ejuſdem paratæ, fudorificæ ſunt, vique pollent variolas expellendi. In Phænigmis, & Maſticatoriis idem ſemen quoque adhibetur. Simon Pauli; poſt Ambroſium Paræum refert, nihil uſpiam præſtantius reperiſſe adverſus ſcabiem, porriginemque Infantum, præter unguentum paratum, foliis, ac ſemine Naſturtii, cum adipe ſuilla recenti frictis Linimenti forma convenienti ſpatio uſurpatur ſaluſque eſt in promptu, generalibus remediis unctionem antecedentibus. Foreſtus ſemen, hoc tamquam maximum remedium contra ſoporofos affectus commendat. Nemini ignotus eſt ejuſdem plantæ uſus in acetariis: præter gratiam, vinque appetitum conciliandi, ſtomachum roborat, atque alias herbarum ſpecies cum ea permixtas concoctu faciliores reddit.

Semina in Electuariis de *Miclèta*, & *Nicolai Alexandrini*, in Trochiſcis de *Capparis Meſſuæi*, in Emplaſtro *Diabotano*; Folia denique in aqua Anti-Scorbutica *Pharmacopææ, Pariſienſis* uſurpantur.

Opiata adverſus Apoplexiam, Paralyſim, atque alios Nervorum affectus.

℞. Sem. Sinap. ʒij. Naſturt. hort. & Erucæ ana ʒij. Fol. Origani, & Menthæ exſiccatorum ana ʒvj. ſ. p. & M. cum ſ. q. ſyrupi Pæoniæ ſimplicis, ut opiata conficiatur, ʒj. mane jejuno ſtomacho, ac veſperi repetenda.

Linimentum adverſus Scabiem, Porriginemque.

℞. Folior. Naſturtii hort. Man.ij. & Sem. ejuſdem ʒij. Contundantur omnia, & frigrantur cum q. ſ. pinguedinis ſuillæ, forti expreſſione coletur, ac ſervetur Linimentum pro morbis ſupradictis, curando, ut æger, identidem purgetur.

Nasturtium verrucarium, Offic. Ambroſia Campeſtris repens, C. B. P. 138. Coronopus Ruelli, ſive Naſturtium verrucōſum, I. B. 2. 919. Cornu Cervi alterum repens, *Dod. Pempt.* 110. Naſturtium ſylveſtre capſulis criſtatis, *Inſt.* R. H. 214. Coronopus Ruelli, *Ger. Raii Hiſt.* 843. Coronopus recta, vel repens Ruelli, *Park.* Pes milvinus, *Columellæ*; Coronopus arvenſis, *Pſeudo-Coronopus*, *Pſeudo-Ambroſia*, Naſturtium porcinum, *Nonnull.* vulgo, *Creſſon ſauvage*.

Radice donatur oblonga, atque admodum craſſa, quæ caules in terram ſtratos,

stratos, & fere nusquam sese elevantes, palmares, ramosos, & rigidiusculos propellit. Folia ut in Nasturtio hort. incisa sunt, eique odore, ac sapore propius accedunt. Flores parvi, albi, quadripetali in crucis modum disponuntur. Fructus quasi totidem verrucæ, pisiformes, *Carduum stellatum* æmulantur, ac semina continent minuta, rotunda, nigra, racemi nucleo fere similia, figura gustuque seminum Nasturtii hort. In agro Parisiensi juxta vias, locosque humidos repit, Junio floret, atque per totam Æstatem virescit; præcedenti facultatibus similatur, mitius tamen est, minusque calidum. Crudum comeditur, vocaturque *Ruel* in acetariis, quandoque etiam aceto decoquitur, aut sale conditum, uti portulaca conservatur. Manuum porri hujusce foliis confricantur; in remedio contra calculos *Domine Stephens* usurpatur.

Nasturtium aquaticum, *Offic.* Nasturtium aquaticum, supinum, C. B. P. 104. Sifymbrium Cardamine, sive Nasturtium aquaticum, I. B. 2. 884. Sifymbrium aquaticum *Matth.* 487. I. R. H. 226. Sion Cratevæ Eruca-folium, *Lob. icon.* 209. Sifymbrium Cardamine dictum, *Galen.* Nasturtium aquaticum vulgare, *Park. Raii Hist.* 816. Nasturtium aquaticum, sive Cratevæ sum, *Ger.* sum & Laver, *Dod.* Cressio, Laver odoratum, *Euric. Cord.* Sifymbrium in rivulis natum, simile Nasturtio, *Plin.* Cressio, seu Crescio aquaticus, *Herbariorum.* Nasturtiaria, *Quorumd.* vulgo, *Cresson de fontaine, ou des ruisseaux.*

Radicem habet albam, filamentis præditam, ab unaquaque ejus junctura plures fibræ capillares exeunt in aqua sese immergentes. Caules pedem circiter longos emittit curvos, admodum crassos, cavos, striatos, læves, semper virentes, atro-virides, succulentos, odoros, gustu aliquantisper mordaci, & grato. Flores in caulium, ramorumque apicibus enascuntur, parvi, albi, quinque cruciformibus foliis conflati, plura staminia, a picibus luteis gestantes. Hisce succedunt siliquæ, pedunculis dimidium pollicis, & ultra longis a caule satis recedentibus, nonnihil curvæ, crassiusculæ, in duas cellulas seminibus plenas semi-rotundis, minutis, rufescentibus, gustu mordaci dispertitæ. Nasturtium aquaticum nuncupatur, quia in rivulis, fontanisque aquis limpidiorebus excrevit; Julio, & Augusto flores propellit, quod autem semper virescat frequenter in acetariis usurpatur, præsertim hyeme, variumque est juxta loca magis, minusque humida. Initio folia fere rotunda conspiciuntur, in progressu vero incisa sunt, ut in Eruca. Nihil uspiam vulgatius reperitur, hac Nasturtii specie, quæ iisdem fere potitur facultatibus, ac Nasturtium nostras hortense. Quod autem *Cailli* Rothomagi nuncupatur, atque in ejusdem suburbiis colitur, ceteris merito præfertur, minutissimum enim est, teneriori, gustuque exquisitiori donatur.

Analyti, de hac planta a sociis Regiæ Scientiarum, Accademiæ instituta, acris deprehenditur, neque ab ea papyrus ceruleum rubro colore inficitur: ejus sal relatum fuit ad *Oxysal Diaphoreticum Angeli Salæ*, quod nihil aliud est, quam sal Alkali, acido saturatum, præterea nonnihil salis Ammoniaci, aut sulphuris, & maxima terræ pars in ea fuit inventa. Planta hæc inter melioris notæ Anti-scorbuticas hujusce regioni est enumeranda. Man. j. ebulliat in juscule omni pinguedine destituto, aut in juscule Cancrorum flux. aptumque est ad sanguinem depurandum, & in morbis cutaneis a lymphæ acrimonia, & spissitudine obortis convenit, ac hydropicos, scorbuticos, & hypochondriacos mirum in modum solatur. Animadvertendum tamen est juscule hocce in vase diligenter obturato, & B. M. esse conficiendum, hujusce

jusce enim Nasturtii, & omnium plantarum acrium Anti-scorbuticarum virtus in sale volatili, quod facile ignis calore dissipatur, adeo consistit, ut loco optimi remedii, nihil aliud, quam plantæ languidæ expressum nullius efficaciam magna relinquatur.

In Officinis Aquam distillatam, & Syrupum plantæ hujusce prostant; iisdem morbis accomodata remedia. Aqua distillata paratur, recipiendo Nasturtii aquat. quantumlibet minutim triti; addendo pro unaquaque plantæ libra, duas aquæ communis libras, & omnia ad medias distillando. Dosis ab ℥ iiij. ad ℥ viij. in julapiis, potionibusque Anti-scorbuticis.

Syrupus conficitur recipiendo libras duas succi Nasturtii aquat. ebullitione depurati, & libras duas Sacchari albi, ad Syrupi consistentiam, decocti, dosis ab ℥ ℞. ad ℥ j. in potionibus supradictis.

Hujusce plantæ succus, extractum, Spiritusque urinosus easdem quoque possident facultates. Afferitur, hujusce plantæ succum vini habere arescendi, extirpandique Polypos narium, dummodo frequenter abluantur. Spiritus urinosus conficitur, tusa recenti planta, & fermentationi per octo dierum spatium commissa, omnia deinde B. M. distillando. Dosis cochlearis j. aut ij. in libra j. feri lactis, felici quidem successu in affectionibus scorbuticis. Extractum ℥ ij. exhibetur, neque adeo efficax est, ut ceteræ præparationes. Usurpatur etiam optimo eventu Nasturtium aquat. leviter in lacte ebullitum adversus Thoracis morbos.

A Practicis magni nominis idem quoque in Renum, ac Vesicæ anfarctibus, & ad menstrua profluvia revocanda commendatur. Ettmulerus testatur, plantam hanc, & præcipue ejus semen, aptissimum esse ad sanguinis coagulum in contusionibus, tam externis, quam internis resolvendum. Demum S. Pauli post Ambrosium Paræum, ut specificum in capitis Infantum scabie Nasturtii aquat. folia, cum adipe suilla recenti fricta proponit.

Nasturtii folia in decoctione Anti-scorbutica, aqua generali Anti-scorbutica, & syrupo Anti-scorbutico *Pharmacopæe Parisiensis* usurpantur; ejus aqua distillata in compositione aquæ pro gingivis *ejusdem Pharmacopæe* admiscetur.

Apozema Anti-scorbuticum.

℞. Rad. Raphani rusticani rasarum, & taleolis incisarum ℥ j. & Pyrethri contus. ℥ j. Ebul. in ℔ iij. aquæ fontis ad medias.

℞. Postea Fol. Nasturt. aquat. & Beccabungæ ana Man. j. simul trita in mortario marmoreo; in prædicta decoctione mox ab igne retrahenda iniciantur, vas probe occludendo, usquedum pene frigescat. Levi expressione coletur, addaturque colaturæ syrupi Nasturt. aquat. ℥ j. Dosis trium, vel quatuor Cyathorum tantisper calefactorum pro singulis diebus.

Fusculum Anti-scorbuticum.

℞. Pullum carnosum, aut cor vitullinum taleolatim incisum, & probe mundatum. Coque in ℔ iv. aquæ ad medias Vase ab igne retracto, adde folior. Nasturtii aquat. Man. ij., Beccabungæ, & Cochleariæ ana Man. j. Corticum Mal. Aurant. exsiccat., & salis Absinth. ana ℥ j. Frigescat vase clauso, coletur levi expressione, & in quatuor doses dividatur; bis
nis

nis diebus tepidæ usurpentur, una mane jejuno ventriculo, altera vesperi.

Opiata Anti-scorbutica.

℞. Fol. Nasturt. aquat. Man. ij. Cochlear. , & Beccabungæ ana Man. j. Terantur probe in mortario marmoreo, & adde sem. Nasturt. & Sinap. p. ana ℥ ij. Dosis ab ℥ ss. ad ℥ vj. bolisnebula obvolutis.

Vinum Anti-scorbuticum.

℞. Rad. Raphani rustic. ℥ j., & Bard. ℥ vj. Folior. Nasturt. aquat., Cochleariæ, Beccabungæ, & Fumar. ana Man. ij. Lata, ac macerata ter, & in cucurbita ærea, stamno obducta infunde. Adde optimi Vini Burgundici, aut hujus defectu, optimi Vini rubri ℥ xxx., & sem. Sinap. contus. ℥ iiij. Infusa omnia relinquantur in B. M. mitissimo, curando, ut cucurbita lino, & duplici pergamena madida obturetur. Ab igne reducantur, & frigescant obturato, postea colentur absque expressione, & adde salis Ammoniaci ℥ x. Fuso sale liquor servetur in ℥ ij. lagenis probe obturatis in cella vinaria pro usu. Vinum trium mensium spatio saltem perdurat. Purgandus est æger, communi solvente priusquam ad usum Vini hucusque descripti deveniat; exhibeantur postea mane sequenti ℥ vj. repetanturque sero post cenam. Perseverandum est mensis spatio, curando, ut alvus lubrica cathartico octava quaque die repetito servetur, quo a Vino æger desistet.

Aqua Limacum Anti-Scorbutica.

℞. Limacum expurgat., & cum cochleis tritor. ℥ iiij. Cortic. Mal. Aurant. recent. ℥ iiij. Folior. Nasturt. aquat., Beccabungæ, & Trifolii palustris ana Man. iiij., Seri lactis depur. ℥ vj. Distillantur omnia, & productum servetur in lagenis probe obturatis loco frigidiusculo. Dosis ℥ x. mane, ac vesperi repetenda.

Gargarisma Anti-scorbuticum.

℞. Folior. Rubi, & Agrimonix ana Man. j. coque in ℥ ij. aquæ fontis, ad media Statim, ac vas ab igne reducendum est, adde folior. Nasturt. aquat. & Cochlear. ana Man. j. Traiciatur liquor expressione, & iterum adde ℥ j. Mellis rosati pro Gargarismate sæpius de die repetendo.

Unguentum adversus capitis Infantum Scabiem.

℞. Nasturt. aquat., & adipis suillæ recent. ana ℥ j. Succî Nasturt. express. ℥ vj. Macerentur omnia per triduum, & coquantur ad humidi consumptionem: coletur liquor forti expressione, & Unguentum servetur ad usum.

Animadversio.

In promptu erit Nasturt. aquat. recenter collectum in suo vigore; teretur probe in mortario, & pinguedini miscebitur in vase terreo plumbo illinito;

vas clausum, digestionem per triduum relinquetur. Postea 3 vj. succi alterius Nasturtii aquat. probe tusselientur; succusque in vase iniicietur, ut mixtura leniter ebulliat ad omnis aquæ humiditatis consumptionem, frequenter eam spatula lignea agitando: coletur postea forti expressione, ac servetur Unguentum ad usum.

Cardamum, seu Nasturtium Indicum, *Offic.* Nasturtium Indicum majus, C. B. P. 306. Nasturtium Indicum folio peltato scandens, I. B. 2. 920. Cardamindum ampliori folio, & majori flore, *Inst. R. H.* 430. Viola Indica, scandens, Nasturtii sapore, maxima, odorata, *Hort. Lugd. Bat.* Nasturtium Indicum, *Park. Ger. Raii Hist.* 487. Nasturtium peregrinum, quod Peruvianum, *Lugd. Hist.* Flos sanguineus, *Monard.* Acriviola, Nasturtium Hispanicum, Nasturtium peregrinum, Flos cruentus, *Nonnull.* vulgo, *La grande Capucine.*

Ejus radix parva est, fibrosa, alba, repens; Caules admodum exiles emittit, qui adrepunt, ac arboribus, plantisque propioribus circumvolvuntur. Folia alterna sunt, rotunda, parvum veluti scutum referentia, communius latiora, quam longa, aliquando angulosa, ut folia Hederae, superne diluteviridia, & expolita, inferne vero pallidiora, & parumper villosa, nonnullis nervosis insignita prominentiis, quæ a cauda, in centro fere folii constituta, ut in Umbilico Veneris, discedunt, & quosdam veluti radios in margine desinentes efformant; caudæ non secus ac caules, retortæ palmum, aut palmum cum dimidio æquant. Ex eodem nodo, e quo foliorum pedunculi, alii etiam pedunculi exeunt, flores sustinentes, quinque petalis conflatos rotundis late flavis, ac fere puniceis, odoris fragrantis, primo angustioribus, & barbatis, e calycis cavitate exeuntibus, qui luteo-viridescens est monophyllus divisusque inquinas oblongas portiunculas posteriori sui parte rostro terminatas cavo, cuculum referente, ex quo nomen planta mutuatur, pollicem fere longo, luteo, lineisque purpureis virgato. Stamina nonnulla rufescentia apicibus ejusdem coloris in centro floris enascuntur, ac pistillum circundant, cujus basis, in fructum immutatur tribus capsulis donatum, inquam unaquaque semen unum subrotundum, mediocris crassitie, cortice viridi, ac rugoso tectum invenitur.

Cardamum, seu Nasturtium Indicum minus, *Offic.* Nasturtium Indicum minus, C. B. P. 306. Cardamindum minus, & vulgare, *Inst. R. H.* 430. Nasturtium Indicum, *Dod. Pempt.* 397. Flos sanguineus verus, *Quorumd.*, vulgo, *la petite Capucine.*

Præcedenti similatur, præter quam quod in omnibus suis partibus exilis est, flosque luteo-aureus, aut sulphureus plus, minusve dilutus, foliis in basi macula insignitis rubicunda, rutila, rhomboidali, lineis sanguineis, visuque jucundis, distincta. Aliquando duplex est, quæ varietas a Curiosis magnopere exquisitur: hoc enim commodi præstat, quod facile taleis non vero semine, uti ceteræ species multiplicetur.

Cardamum nihil habet cum Nasturtio vulgari commune, præter odorem, gustum, & proprietates. In hortis præcipue colitur ob utilitatem. Ex regno Peruviano primum alatum fuit, non ad Europam tantum, verum etiam ad alias Indiarum regiones Occidentalium; tota fere Æstate florescit, Autumno exeunte quoque perdurat, usquedum primum adventante frigore, aut gelu huic admodum adversus, pereat: in regionibus vero calidis virefcit, floresque suppeditat anno integro. Jucundissimis seriebus disponitur, & or-

& ordinate in hortis perticis applicatur, facile crescit in exigua etiam terræ portione; semina diu non subsistunt, sponteque decidunt, statim, ac matura sunt.

Duæ Cardami species, de quibus usque adhuc verba fecimus easdem habent facultates fere similes Nasturtio hortenfi, & magnam olei, ac salis essentialis partem continent. Folia, & flores, & quidem cum successu, Scorbüticis exhiberi possunt: tamen familiarius alimentis quam remediis admisceretur; aceto condiuntur florum folliculi antequam expandantur, ut Capari, & in acetariis, condimentisque pro delicatioribus mensis usurpantur. Advertendum est in vase, in quo condiuntur tres, aut quatuor siliquas maturas Piperis Indici occludendas esse; sin minus admodum crassi vermes in aceto progeniti reperiantur Cardanum insumentes, ope vero fructus supradicti nusquam apparent, & condimentum optimum diutissime servatur. Flores Cardami acetariis, Lactuca, aliisque Leguminibus instructis, miscentur; eo quod gustui, visuique gratissimi sint, ac stomachis frigidis, debilibus, & flatulentis maximam opem ferunt. S. Pauli narrat, vinum quemdam fide dignum novissime ex America prodeuntem, secreto, adversus antiquam Scabiem atque ulcera recentia, dono sibi dedisse, Oleum simplex, infusione florum Cardami confectum, quod paratur quantumlibet Olei olivarum optimi, in vase usque ad medietatem contento, & postea supradictis floribus repleto. Vas hoc probe occlusum Soli exponitur, usquedum omnia consistentiam pultis acquisiverint pro Linimento.

N E P E T A .

MEntha Cataria, sive NEPETA, Offic. Mentha Cataria vulgaris, & major, C. B. P. 228. Mentha Cattania, J. B. 3. 225. Raii Hist. 548. Cataria major vulgaris, Inst. R. H. 202. Cataria herba, Dod. Pempt. 99. Calamynthæ 1. genus, Fuchs. Nepeta vulgaris, Trag. Nepeta Germanica, Camer. Mentha felina, Tab. Ger. Eyst. Herba Gattaria, Matth. Cataria herba, vulgo Calamintha tertia, Diosc. Cæs. Calamintha montana, Lon. Herba felis, Lugd. Hist. Nepta floribus interrupte spicatis pedunculatis, Linn. Hort. Cliff. 310. Herba Cati, Calamintha felina, seu Cataria, Balsamita montana, seu major, Quorumd. vulgo, Herbe au Chat.

Radice lignosam multifariam divisam, caulemque habet tres pedes & ultra altum, quadratum, hirsutum, ramosum, inferna sui parte solum versus rufescentem, reliqua albescentem, ramulosque effundentem binos, invicem semper oppositos. Folia Urticæ majoris, aut Melissæ foliis similia sunt, ambitu denticulato, mucroscata, lanuginosa, albescentia, caudis longis appensa, Menthæ acutæ odore, adurenti, & acri sapore donata. Summis caulibus, ramisque flores apparent plerumque depressi, labiati, purpurei, aut albescentes, spiceique, quorum quisque tubulo efformatur superne duobus labiis distincto, ac corniformi calyce sustinetur, succedentibus feminibus quatuor ovalibus, Planta hæc in hortis, secus vias in marginibus fossarum, aggeribus, locisque humidis crescit; ea Feles magnopere delectantur, in ea circumvolvuntur, eamque avidissime comedunt. Agri Parisiensis incolæ Junio, Julioque florescit.

Herba Cataria aromatica est, acris, amara, nec chartam caruleam rubro colo-

colore imbuir, unde evincitur, sal volatile aromatico-oleosum in ea contineri, in quo, non secus ac in sale volatili-oleoso artificiali, urinosæ prævalent partes. Aperiens est, satisque apta ad menses provocandos, vaporesque dissipandos. Ad modum Theræ usurpatur, aut Vino infunditur. Præscribitur etiam, uti ceteræ Anti-hystericæ plantæ in pediluviiis adversus eosdemmet morbos. Tabernæ Montanus asserit, Vino decoctam, icterum, tussimque violentam sanare. Si manus tantum in ejus decoctione foveantur, scabiem profligari, Caspar Hoffmannus memoriæ prodidit. Mirum est, felles adeo hanc ipsam conquirere, a quibus millies super ipsam sese circumvolventibus amplectitur, ac deosculatur. Observatur autem ea magis, magisque eosdem delectari, si e ruri in hortis transferatur; tunc enim culturæ ope tenerior evadit, ejusque odor mitior, gratiorque est. Qua de causa, nisi spinis operiatur, neutiquam in hortis servari potest, eam enim ambiendo, felles ita quassant, exterminantque, ut impossibile sit, hanc iterum revirescere. Ob eandem, ut ajunt, sympathiam *Herba Cataria* nuncupatur.

Folia Nepetæ in Aquis Generali, & Hysterica, ac in Trochissis Hystericis *Pharmacopææ Parisiensis* usurpantur. Planta vero omnis in Syrupo Artemisiæ, & ejus summitates in pulvere *de Chalybe* supradictæ *Pharmacopææ*.

N E R I O N.

NERIUM, Rhododendrum, seu Rhododaphne, *Offic.*, Nerion floribus rubescentibus, C. B. P. 464. *Inst.* R. H. 605. Nerion, five Rhododendron flore rubro, J. B. 2. 141. Nerium, five Oleander, *Ger. Raii Hist.* 1767. Oleander, five Laurus Rosea, *Lob. icon.* 364., Oleander, five Laurus Rosea, *Park.* Rhododophne, *Gesn. Hort. Cæs.* Nerion flore rubro, *Eyst.* Rhododendron, *Dod. Bellon.* Neris, *Nicand.* Rosa Laurea, *Apul.* Arbor Rosea, Oleandrum Rosago, *Nonnull.* vulgo, *Laurier-Rose*.

Ejus radix longa est, lignosa expolita, gustu salso; caules plurimos, crassiores, firmos, erectos, dilute virides, ad luteum colorem accedentes, succoque plenos emittit. Folia oblonga sunt, acuta, Amygdali foliis majora, & latiora crassa, dura, rigida, terna ut plurimum simul disposita, aliquando bina eodem in ramo invicem opposita, atro-viridia parte superna, non secus ac Lauri folia, inferna autem ob maculas huc illuc dispersas, albescentia exsucca. Flores pulcherrimi sunt, magni, odori, late rubri, ad modum fere Rosæ incarnatæ, quorum quisque cylindraceus est, vertice ad instar patinæ expanso, quinquepartito, uti in Pervinca, apicibus quinque albis, ac villosis, quibus siliquæ fere cylindracæ, digitum longæ, superne reflexæ, quamplurima cristata semina occludentes succedunt. Nerion flore albo nihil aliud est, quam huc usque descriptæ varietas.

Arbusculam hanc, inquit Dioscorides, facilius radices agere maritimis in locis, ac secus fluvios, quod Botanicorum magni nominis, Anguillaræ scilicet, Camerarii, Matthioli, & Dalemchampii auctoritate comprobatur. Quandoque in arborem excrescit; folio autem quotidie viridi Lauro, flore vero Rosæ similatur, hinc etiam nomen mutuatur. Diligenter in hortis ad ornatum colitur, magnum florum numerum suppeditat, facileque excrescit, dummodo ab excedenti gelu defendatur. Dioscorides, & Plinius asserunt folia & flores Nerion, mulos, asinos, canes, verveces, aliosque fere omnes qua-

quadrupedes veneno afficere; ea vero adversum Serpentum morsum in Vino epota, & Rutæ præsertim confociata hominibus prodesse; animalia demum debilia, cervos nempe, ac minutum pecus enecari potu aquæ solummodo, in qua folia Nerion infusa fuerint: Galenus tamen, cui libentius fidem hic loci præstamus, affirmat, Nerion interne sumptum homini, ceterisque animalibus perniciosum esse.

Arbuscula hæc magnam olei, salisque portionem habet, atque inter venena est reponenda, interne enim usurpata horrendos angores excitat, ventrem inflat, universalis viscerum omnium inflammatione, & radicali totius naturalis caloris extinctione subsequente. Remedia contraria censentur Oleum Olivarum, aut Amygdalarum dulcium, Butyrum recens cum lacte ebullitum; Fiacum, & radicis Althææ, aliarumque rerum mucilaginosarum, & pinguium decoctio, quæ ad temperandam, ac irretiendam hujusce corrosivi veneni acrimoniam valere possunt. Juxta Galenum Nerion folia trita, & externe applicita digerendi, resolvendique vim habent, nec non animalium venenatorum morsui adversantur. Hæc eadem folia in pulvere sternutatorio *Pharmacopææ Parisiensis* usurpantur.

N I C O T I A N A .

QUAMVIS NICOTIANA origine sua ex America allata sit, & ideo nobis exotica; tamen hic loci inter Plantas indigenas reponendam esse censuimus, ope enim culturæ ita evulgata fuit, ut inter nostrates in tota Europa adoptetur. Quod etiam asserere possumus de Melongena, Momordica, Myrto, & Nerio, aliisque similibus plantis, in nostris hortis familiaribus. Tres Nicotianæ species in Officinis distinguuntur, nempe Major, Media, & Minor.

Nicotiana major, *Offic.* Nicotiana major, latifolia, C. B. P. 169. *Inst. R. H.* 117. Nicotiana major, sive Tabacum majus, J. B. 3. 629. Hyoscyamus Peruvianus *Dod. Pempt.* 452. Sana sancta Indorum. *Lob.* 584. Tabacum latifolium, *Cam. Eyst.* Tabaco latifolium, *Park, Raii Hist.* 713. Perebecente Oviedo, *Lugd. Hist.* 1901. Picicelt Mexicanorum, *Hern.* 312. Buglossum Antarticum, aliis Tabacum, *Monard.* Petum Thereti latifolium, *Clus.* Tornabona, quæ a Tornabonio missa, *Cæs.* Herba Sanctæ Crucis femina, *Cast.* Herba Reginae, Herba Legati, Herba Prioris, Herba Sancta sive Sacra, Herba Divina, Herba Medicæa, Herba Panacea, Vulneraria Indica, Eleemosinaria, *Quorumd.* vulgo, *Nicotiane*, ou l'Herbe a la Reine a large feville.

Ejus radix alba est, fibrosa, gustu admodum acri, caulemque promit quinque, vel sex pedes altum, pollicem latiore, & rotundiore, villosum, & medulla alba repletum. Folia ampla sunt majora foliis Emulæ Campanæ, & Lapathi aquatici, caudis destituta, alterna, latis appendicibus ap-
pen-
sa, villosa, parumper acuta, nervosa, dilute-viridia & ad luteum accedentia tactu, glutinosa, gustu acri, calefaciente, & urente, facile tamen evanescente, quæque mansa, aut contusa inficiunt colore luteo; dividitur caulis apex in plures ramusculos, sive surculos, qui flores campaniformes, aut poculum referentes sustinent quinquefidos, ut & calyx inversos, vel ut plurimum ambitu depresso, coloris purpurei, apicibusque staminum minuto pulvere cinereo conspersis: hi postea in fructum abeunt membranofum, ob-

longum, in duas cellulas divisum, intermedio sepimento, fere infinito seminum numero plenas, quæ quidem minutissima sunt respectu magnitudinis plantæ, coloremque habent rufescentem. Univerſa planta odore ſcatet acuto, ſcicuti & ſequens modo deſcribenda; Æſtiva eſt apud nos, nihilominus aliquando Hyeme temperata noſtris in hortis perdurat; atque ut ceteræ Nicotianæ ſpecies Junio, & Auguſto floreſcit, annualiſque eſt plerumque: dura e contra in Breſylienſi provincia, in qua ſolum optimum eſt, aerque quotidie temperatus ſemper floribus decoratur, & ad decem, & duodecim uſque annos perdurat; ſemen ſex annorum ſpatio in ſua fœcunditate poteſt conſervari, folia vero in ſuo vigore per quinquennium.

Nicotiana major, ſeu Tabacum anguſtifolium, *Offic. Nicotiana major, anguſtifolia*, C. B. P. 170. *Inſt. R. H.* 117. Nicotiana, ſive Tabacum folio anguſtiore, J. B. 3. 630. Hyoſcyami Peruviani altera, *icon. Dod. Pempt.* 452. Tabacum, ſive Herba ſancta major, *Lob. icon.* 584. Herba Sanctæ Crucis mas, *Caſt. Petum anguſtifolium, Cluſ. Exot.* 310. Tabaco anguſtifolium, *Park Raii Hiſt.* 714. Sana Sancta Indorum, *Ger. Tabacum anguſtifolium, Cam. Hort. Tubac, Tubacka, Tabaca, Poetum, Petunum*, alterum paulo minore folio, *Nonnull. vulgo, Le Tabac de Virginie, le Petun des Amazones, la Nicotiane a feville ertroit.*

Secunda hæc Nicotianæ ſpecies a præcedenti differt foliis anguſtioribus, acutioribus appenſis cauli caudis longiſſimis: ceterum inter ſe ſimilantur.

Nicotiana femina, *Offic. Nicotiana minor*, C. B. P. 170. *Inſt. R. H.* 117. Priapeja, quibuſdam Nicotiana minor, J. B. 3. 630. *Raii Hiſt.* 715. Hyoſcyamus luteus, *Dod. Geſn. Hort. Cam. Ger. Angull. Hyoſcyamus Peruvianus, Taber. Tabacco Anglicum, Park. Petum quartum. Cluſ. ad Monard. Tornabonæ congener, Cæſalp. Priapæa, Peti tertium genus, Petum minus folio rotundiore, Nonnull. vulgo, le faux Tabac, le Tabac du Meſique, la Nicotiane a feville tonde.*

Radice eſt modo ſimplici, & auricularis digiti craſſitie, modo in plures fibras diviſa teneras, albas, in latum ſeſe expandentes, parumque profundas; caulem vero tollit aliquando bipetalem, rotundum, villoſum, ſolidum, digitum aliquando craſſum in pingui ſolo, ramoſum, tactuque viſcoſum, folia efferentem ſpatiis diſtincta, alternatim locata, rotunda, in apice obtuſa, pingua, atro-viridia, corrugata, brevibus caudis appenſa. In caulium, & ramulorum ſummitate numeroſi flores locantur, brevibus elati pedunculis, quinquifidi, labiis inverſis, quinis ſtaminibus, apicibus cinereis, ut & Piſtillum; minutiora vero ſunt ſpeciebus præcedentibus, ac luteo-virideſcentia, florum unusquiſque calyce villoſo, viſcoſo & quinquifido ſuſtinetur. Hiſce præſto ſunt capſulæ rotundæ, umbilici forma, quæ maturæ bifariam dividuntur innumerabilibus minutis atro-luteis, & mordacibus ſeminibus refertæ. Planta hæc ex America primum nobis allata fuit; annua eſt, & facillime ope ſeminis revivifcit: dummodo una tantum vice in horto immiſſa fuerit, abunde ſingulis annis reproducitur, & Majo denuo apparet. Cluſius aſſerit, hanc Nicotianæ ſpeciem fere in omnibus morbis convenire, in quibus Petum verum uſurpatur, debiliori efficacia potiri; & de facto minus acutum præ aliis odorem habet. In Hiſpania, & Portugallia, Nicotiana ſemper viridis uti Citreum ſervatur; in regionibus vero frigidis primo gelo perit, ac Hyeme difficillime vaſe, aut capſula conſervari poteſt.

test. In America ad magnam altitudinem excrescit, & præsertim *Nicotiana mas*, ejusque odor penetrantissimus esse solet.

Ex Insulis nobis advecta, in Europa etiam diligenter exculta fuit; duarum specierum primarum folia indiscriminatim usurpantur, pro Tabaco, ut ajunt, funiformi, & in pulvere conficiendo, cujus usus adeo est evulgatus; Augusto, & Septembri folia colliguntur, e planta præsertim, e qua summitates antea demptæ fuerint, ut floris eruptio impediretur. Tabaci funiformis, & pulverati præparationem multifariam, ad voluptatem, usumque accomodatam, hic loci neutiquam explicabimus, adnotantes solummodo hujusce excessum, non minus perniciosum, quam moderatum usum utilem esse posse; rationem deinde trademus, quomodo ad usus Medicos reduci possit.

Diversæ profecto denominationes huic plantæ tributæ fuerunt. In Indiis Occidentalibus origine sua primum exculta, semper *Petun* nuncupata fuit, & præsertim in provinciis Bresyliensi, & Florida, quod nomen nostris quoque diebus in utroque servat Hemisphærio. Hispani, qui primum in insula Tabaco Regni Jucatan, aut Novæ Hispaniæ Provincia in mari Mexicano sita plantam hanc agnoverunt, ab inventionis loco Tabacum appellarunt, quæ nomenclatura ceteris omnibus prævaluit. Joannes Nicot Consiliarius Francisci Secundi, & apud Sebastianum Portugalliæ Regem anno 1560. Legatus, ope Domestici Regis, vel ut alii referunt, ope Mercatoris Belgæ, qui primum e Florida plantam hanc asportaverat, eandem Magno Priori Ulissiponam adventanti dono dedit, & postea in Galliam redux Reginæ Catharinæ de Medicis Regis Matri; ab hisce tribus magni quidem nominis personis plurimum fuit reputata, experimentisque eorum jussu de ea peractis, appellata fuit *Nicotiana*, *Herba Magni Prioris*, vel *Herba Reginæ*. Cardinalis Sanctæ Crucis ad Regem Portugalliæ Pontificis Maximi Nuncius, & Nicolaus Tornabonus ejusdem ad Galliarum Regem Legatus, qui primum eam anno 1585. in Italiam introduxerunt, in causa fuerunt, cur *Herba Sanctæ Crucis*, & *Tornabona* vocitetur. Nonnulli *Blugossam*, aut *Panaceam Antarcticam* vocant, alii *Herbam Sanctam* aut *Sacram*, verosimiliter propter ejus prodigiosas facultates. Botanici nonnulli ob hujusce narcoticam virtutem cum *Jusquiamo* communem, veluti ejusdem species ab ipsis *Nicotiana* fuit constituta, vocaruntque *Jusquiamum Peruvianum*: quum vero a supradicto non solum exteriori aspectu, sed etiam partibus sui præcipuis distet, flore nempe, capsulis, & semine, quamvis easdem cum eo habeat proprietates, tamen genus proprium, ac peculiare constituit. Ceterum *Thevetius* gloriam, Tabacum in Galliis propagandi, cum *Nicot* disputavit, certumque est, *Franciscum Drack* insignem navium Præfectum Anglum Virginie Conquistorem, patriam Regionem hac planta dictasse. Joannes Liebaultius in Opere *Domus Rustica* nuncupato, tradidit, Tabacum originarium in Europa fuisse, & ante Americæ inventionem nonnullas ejus plantas in sylva Arduena repertas fuisse: verum Magnenus Americæ hoc restituit, & ad Liebaultii objectiones solvendas, audet asserere, semen ab Indiis in Europam a ventis delabi potuisse.

Prædictæ tres *Nicotianæ* species in usum veniunt; communiter vero, tam interne, quam externe *Nicotiana major mas* usurpatur: hujusce tamen defectu substitui potest *Nicotiana major* foemina externis præcipue in morbis, etsi vi minori donetur. Ejusdem plantæ dotes tam magno pretio ac nu-

mero habentur, ut Panacea, aut Herba omnes morbos profligans vocitetur. Nihil uspiam Natura produxit, cujus usus universaliter adeo, atque celeriter diffusus sit; haud longo enim exacto temporis spatio tam furiosa habitudo ita prorepsit, ut nullus personarum extet ordo, qui hac planta quondam exiguae Americanæ Insulæ simplici, ac sylvestri productione non utatur. Posteaquam vero in Europam inuenta fuit, toto Orbi ejus excellentia, ac celebritas innotuit; ejus folia aut erasa, aut pulverata pro naribus, & suffumigii, aut masticatorii more pro faucibus usurpantur. Insigniora loca, in quibus occurrit, sunt Verina, Bresylium, Borneum, Virginia, Mexicum, Italia, Hispania, Gallia, Ollandia, Anglia; Nicotiana enim omnibus in locis facile crescit, magni tamen ubique venditur, quamvis nullum fere per se pretium mereatur. In quocumque penitus Galliæ loco hisce diebus plantam hanc excolere, vetitum est. Ceterum fere pro foliorum collectione tantummodo culturæ committitur, solumque pingue, & humidum, Meridiem versus situm, optime excultum, & maxima probe consumpti fimi copia stercoreatum expostulat. Quo magis clima Septentrionem versus locatum est, major etiam exquiritur cura, ut ab aeris injuriis planta defendatur, utque E. g. prope elatum parietem feratur, quo a ventis Septentrionalibus, & a frigore infesto ejus hoste tutetur. Hic loci aptior ad eam tempestas esse solet, Aprili ineunte. Indi, & Hispani Autumno, Augusto aut citius, hanc censerunt. Suos Antagonistas, suosque pariter Panegyristas Tabacum habuit; quamplurimæ ab utrisque adversantes sententiæ prolatae fuerunt, ex una enim parte tanquam optimum, ex altera vero tanquam perniciosissimum evulgabatur. Amurat IV. Turcarum Imperator; Magnus Dux Moscoviæ; & Rex Persarum sub vitæ, aut amputationis nasi poena subditis suis Tabaci usum prohibuerunt. Jacobus Stuardus Angliæ Rex Tractatum de pernicioso Tabaci usu conscripsit, idemque argumentum Simon Paulli Regis Danorum primus Medicus pertractavit. Urbani VIII. extat *Bulla*, in qua Tabaco in Ecclesia utentes excommunicantur. Acurata, & curiosa descriptio originis, & præparationis Tabaci, protulit Pater Labat Jacobita in suo *Americæ Itinere*, ac ultimo Capite Tomi Quarti fuse differendo, ait, plantam hanc diffidia, acerrimumque bellum inter Sapientes excitasse, quumque anno 1699. D. Fagonius primus Regis Medicus Thesi Medicæ Tabaci usum propugnanti præfesse nequivisset, alterum sibi Medicum substituisse, cujus nasus neutiquam cum lingua consensit; adnotatum enim fuit, toto perdurante actionis spatio Tabacum manibus contrectasse, neque momento temporis ab eo sumendo cessavisse. Nonnulli existimarunt, Tabacum Europæum minus nocere, & Americano non modo esse præferendum, quod hoc postremum minus temperamento nostro conformatur, verum etiam, quia jam veterascit, quando nobis affertur. Hoc certo asserere possumus, omnes Tabaci species nihil aliud esse, nisi plantas abortas, si Americano æquiparentur, quod semper fortius est. Celebriores Auctores, qui de Tabaco scriptitarunt, sunt *Magnenus*, *Thorius*, *Everart*, *Cohausen*, *Flakenburg*, *Dorstenius*, *Schrieverius*, *Marrandon*, *Albinus*, *Barnstein*, *Lauremberg*, *Victor Pallu*, *de Prade*, *Carolus Etienne*, & *Joannes Liebaultius*, *Simon Paulli*, & *Jacobus I. Rex Angliæ*.

Tres Nicotianæ species usque adhuc a nobis descriptæ eisdem fere usus medicos habent; analysi vero Chymica, spiritum, maximam olei partem, salque acerrimum volatile-fixum largiuntur. Quæcumque vomitum, & cathar-

tharſim violenter movet, & interne convenit in Apoplexia, Lethargo, quamplurimiſque aliis morbis: Opus tamen eſt dextera, ac prudenti manu ad hoc remedium probe aptandum; exhorreſcendum enim potius eſt propter ejus acres, & cauſticas qualitates, ſique juvare quandoque, maxima etiam mala inferre poteſt. Narratur in *Ephemeridibus Germanicis Decuria 2. anno 8. Obſerv. 206.* a quodam Tabaci fruſtulum malitioſe in vaſe, in quo pruna coquebantur injectum fuiſſe, omneſque iis ſaturati, anxietatibus, deliquiis, & vomitibus enormibus correpti jamjam animam expirare videbantur. Borrellus refert *Centuria 4. Obſerv. 31.* quemdam adoleſcentem Tabaci fumum exhalare inexperience tentantem ac ejcere neſcientem, adeo a deglutito fumo male affectum fuiſſe, ut in diutiſſimum Icterus delapſus ſit, a quo niſi Conſervæ Florum Geniſtræ, & Calthæ uſu liberatus fuit.

Diverſis hujusce Plantæ præparationibus prudenter utendum eſt, quæ convenienter aptatæ mirabiles effectus progignere poſſunt. Zacutus Luſitanus ita ſentit de Epilepſia, vidi ego (inquit ille) plurimos Infantes, ac etiam Adultos, in quibus fere infinitum remediorum numerum in hoc morbo expertus fueram, & præcipue Cauteria diutiſſime adaperſa, omnia incuſſum; dum interea ægris occumbendi in maxima paroxiſmorum violentia periculum imminēbat, quum mihi in mentem venit, foliorum Nicotianæ Syrupum præſcribere, e quo, cochleariis aliquot de die, tribus poſt poſtum horis, quadraginta dierum ſpatio, propinatis, eoque exacto tempore, Syrupi tribus unciis fere conſumptis, morbus omnis, abſque ullo recidivæ metu radicitus fuit debellatus. Curavi etiam, ut fyrupi uſum purgationes aliquot præcederent. Riverius hoc idem teſtatur in ſua *Praxi*, indicando, *Syrupum Nicotianæ Quercetani* adverſus Epilepſiam. Nicotianæ uſus contra Epilepſiam comprobatur etiam *Obſervatione Ephemeridum Germanicarum Decuria 2. ann. 3.* in qua D. Ludovicus Hannemanus refert, Epilepticæ mulieri Clyſterem decoctionis foliorum Nicotianæ præſcripſiſſe, qui efficaciter adeo chatarſim tam ſuperne, quam inferne excitavit, ut poſtea nullum hujusmodi inſultum amplius perpeſſa ſit: tamen hæc, Tabacum in clyſteribus uſurpandi methodus periculo neutiquam vacat, & D. Chomelius celebris Medicus Pariſienſis in ſuo *Tractatu de Plantis uſitatoribus*, obſervat, effectus funeſtos, non ſecus ac purgantes acriores, progignere, ægroſque vidiffe prædicto enemate uſos in letarghi ſopore, ſenſus de facto, cognitionemque recepiſſe, ſtatim vero in Convulſiones, vomitibus, ſudoribus frigidis, pulſu debili, & intermittenti, aliſque feralibus ſymptomatibus, comitatas, incidiffe, quamvis ſeſe remedio hocce ſtatim exoneraverint: ac niſi Aqua tepida, Lacte, atque Oleo Amygdalarum dulcium ſuperne, & inferne propinato iis auxilium protinus alatum fuiſſet, procul dubio periſſent. Neceſſe ergo eſt remedium hocce temperamentis ſiccis, bilioſis, & facile irritationem ſuſcipientibus, inhibere; phlegmaticis vero, relaxatiſque, non ſolum innoxium, verum etiam efficacioſiſſimum reputamus. Qua de re conveniet, quum præſertim ſpiritus ſunt excitandi, & oſcillationes ſolidorum augendæ, in affectionibus ſcilicet omnibus ſoporofiſ, a feri magna copia, aut lymphatici humoris ſpiſſitudine obortiſ.

Ut ad *Nicotianæ Syrupum Quercetani* reddeamus, hic quoque in Aſthmate pertinacique tuſſi plurimum valet, expectoratio facilis, & abundans abſque vomitu ab eo promovetur; ars omnis in hoc potiſſimum conſiſtere debet,

ut Nicotiana, facultate emetica destituatur, digestionem ejus foliorum succi, in hydromelle, & oxymelle, trium dierum spatio, diligenter peracta Auctor hic duas syrupi Nicotianæ species nobis reliquit, simplicem, cujus dosis a medio choleari, usque ad unum pluries repetenda, & Compositum, ab ℥ j. ad ℥ ij. huic postremo plantæ pectorales-bechicæ consociantur, scilicet Capillares, Tussilago, & similes, Senna etiam, & Agaricum in eo usurpantur. Melchior Fricht Medicus Germanus in *Tractatu de usu Medico Venenorum*, testatur haud unquam præstantius remedium adinvenisse adversus Vomicam Pulmonum, & Empyema, Tabaci decoctione cum saccharo mixta, & pluries ex ea miros effectus conspexisse, quod etiam a Practicis magni nominis confirmatur.

In usu Tabaci pulverati per naves assumpti nequaquam immorabimur; nemini enim latet, sternutationem, & abundantem serosorum humorum evacuationem, præsertim in assuetis, excitare. Masticator etiam Tabacum infusum aptatum fumusque elicitur ex ejusdem exsiccatis, ac taleolatim incisis foliis, quæ sale acri, & pungente in ipsis contento, e palati fauciumque glandulis insignem exprimunt salivæ quantitatem, lymphæque superflua, quæ periculosos morbos posset inducere, cerebrum exonerant.

Ergo Tabacum naribus propinatum, mastigatum, aut fumo exhalatum, utilissimum erit, ad vitandas Apoplexiam, Paralysem, Catarrhos, Fluxiones, Emericianam, & Rheumaticos affectus. Verum advertendum est, ut eo moderate utamur, sin minus procul dubio funestissimum erit.

Olaus Borrichius in Epistola ad Bartholinum, narrat de quodam, qui sibi cerebrum omnino exsiccaverat, repetito Tabaci abusu, ac post ejus obitum, nihil aliud in ipsius capite inventum fuisse, præter exiguum, quampluribus membranis compositum grumum. S. Pauli pariter confirmat, omnes, qui in Tabaci usu excedunt, odoratus sensum amittere, eosque, qui fumo exhalant, cerebrum lædere, carnesque nigro colore inficere, quamvis de hoc postremo fides sit penes Auctorem. Idem addit, Tabacum a nonnullis pseudo-mercatoribus in latrinis reponi, ut sale volatili excrementorum saturatum, acrius, fetidius, fortiusque evadat. Alia etiam exempla quamplurima in medium afferre possemus, sed duo tantum seligemus, D. Joseph Lanzoni ex *Ephemeridibus Germanicis anni 1730. pag. 179.* Narrat igitur militem agnovisse, qui talem consuetudinem, Tabaci pulverem recipiendi, contraxerat, ut quotidie ℥ iij. ab eo insumerentur; miles hic annorum 32. vertiginosis affectionibus-corripitur cepit violenta, ac mortali Apoplexia statim subsecutis. Aliud ab eo prolatum exemplar de quodam, extat, cui Tabaci Hispanici immoderatus usus, sensorium visus ademit, Paralyti superveniente. Demum longius, quam par est immoraremur, si omnes ferales effectus abusu Tabaci oborti enumerarentur: memoriam debilitat, irritatione in nervis excitata tremores producit, blandam, mitemque lympham ad partes enutriendas dicatam insummit, hinc emaciatio, & consumptio originem trahunt in adultis, & biliosis præsertim, quibus hac de causa omnino esset interdendum.

Quoad externum hujusce plantæ usum folia recentia diversas a siccis facultates habent; sunt enim vulnerario-deterfiva ulceribus, vulneribusque antiquis applicita; ab iis mundantur, & ad cicatricem feliciter disponuntur. Usurpantur vero trita, aut in Vino macerata, vel infusa, vel in Oleo ebullita. Oleum quoque distillatione e planta elicitum, optimum est adversus Impetiginem. ℥ j. adipis ℥ ij. pro linimento permixtum. Nonnulli foliorum

exsic-

exsiccatum decoctionem usurpant, aut Unguentum eorum pulvere butyro commixto confectum, adversus eundem morbum, & ad Infantum vermes enecandos: verum præparationes hæ ultimo loco memoratæ, primis, minus tutæ sunt, pluresque post illitionem, convulsionibus, enormibusque vomitibus correpti aut perierunt, aut in extremum vitæ discrimen fuerunt adducti. Aptæ in hisce casibus remedia sunt cordialia, & citrea potio. Joannes Bauhinus asserit, Nicotianam contrariam esse pulicibus, quos enecat; quod facile in Canibus potest experiri; statim enim ac ejus foliis, aut eorum succo confricantur animalcula, veluti stupore correpta eos relinquunt, ac in terram concidunt. In Italia ejus semen usurpatur ad Priapismum temperandum, & fortasse hac de causa postremæ hujusce speciei *Priapæ* nomen tributum fuit. Nonnulli autumant, Nicotianam frigidam esse ob ejus Narcoticam facultatem: verum ejus resinofus odor, neutiquam ingratus, & maxima ejus acrimonia fauces adurens, perque vomitionem violenter, non minus quam ipse Elleborus purgans, ut plurimorum Practicorum experientia constat, aperte demonstrant, hanc naturæ suæ calidam esse, eoque magis, (inquit Joannes Terrentius) quod Narcotica omnia usque adhuc cognita, calida sunt. Willisius Tabaci usum in castris pro militibus commendat, quod victus ægestati iis in locis frequentissimæ supplere, militesque laboribus, periculisque minus sensibiles reddere potest, præterquam quod optimum est remedium ad omnes morbos, tam internos, quam externos in iis paracavendos, & profligandos.

Usurpantur Folia Nicotianæ in Aqua d'Arquebusade sive vulneraria, in Balsamo tranquillo, in Unguento Nicotianæ *Joubert*. In Mundificativo de Apio dicto, Unguento splenetico *Bauderoni*. Succus vero ejusdem in Emplastro *Oppodeltoch*.

Pisana Anti-Asthmatica.

℞. Fol. Nicotianæ exsic. ℥ ij. Ebulliant in aquæ ℔ vj. ad consumptionem tertiæ partis. Adde versus finem Fol. Malvæ, Brancæ Ursinæ, & Vio-
larum ana Man. j. Colaturæ iterum adde Sacchar. albi ℥ iiij. Dosis, trium cyathorum tepidorum, mane bini jejuno stomacho, duarum horarum intervallo, alter vero vespere.

Decoctio hæc in vomica Pulmonum, Empyemate, & Asthmate humido excellit.

Enema Anti-Narcoticum, sive adversus Soporosas affectiones.

℞. Folior. Mercurial. Malvæ, & Parietariæ ana Man. j. Fol. Sennæ, & Pul-
pæ Colocynth. ana ℥ ij. Fol. Nicotianæ ℥ ℔. Coque in f. q. aquæ fontis, & colaturæ ℔ j. adde Vini Emetici turbidi, & Mellis Mercurialis ana ℥ iiij. pro Clystere.

℞. Rad. Ireos Florent. ℥ iiij. Fol. Exsic. Betonicæ, Majoranæ, & Lilior.
Conval. ana ℥ j. Nicotianæ ℥ ij. M. F. P. pro Sternutatorio.

℞. Succ. Nicotian. ℥ iiij. Cera luteæ ℥ iiij. Resinæ Pini ℥ j. ℔. Therebintinæ
℥ j. Olei Olivar. q. s. ut Ceratum conficiatur, cui adde Mercurii præ-
cipit. albi ℥ ij.

Ceratum hoc in ulceribus vetustis, malignis, & callosis usurpatur, quæ abstergit, & ad cicatricem perducit.

N I G E L L A.

DUæ tantum NIGELLÆ species in Medicum usum veniunt, nempe Nigella arvensis, & hortensis.

Melanthion sylvestre, seu Nigella sylvestris, *Offic.* Nigella arvensis, cornuta, C. B. P. 145. *Inst.* R. H. 258. *Raii Hist.* 1070. Melanthium sylvestre, si-
ve arvense, I. B. 3. 209. Melanthium sylvestre, *Dod. Pempt.* 303. Nigella ar-
vensis, *Park.* Nigella sylvestris, *Trag. Gith.*, Melaspermum, siue Melanthium
agreste, Melanthion spurium, Nigella agrestis, Cuminum nigrum, Cumi-
num sylvestre alterum, *Quorumd.* vulgo, *Nielle des champs*, *la Barbue*, ou
Poivrete commune.

Ejus radix fibrosa est, parva, & albescens; caulem vero quandoque sim-
plicem, quandoque ramosum, exilem, striatum, vix pedem æquantem pro-
pellit. Folia Anetho, aut potius Nigellæ hortensi similia sunt, tenuiora,
tamen majoribus distincta spatiis, in exilia filamenta concisa, & alterna.
Flores stellati, quinque petali, cærulei, magni quidem, & grati, foliis minu-
tis, ut in Nigella hortensi, eos sustinentibus, destituti, quorum centrum
corolla multipartita occupatur. Hisce succedunt membranacei fructus, quin-
que corniculis pariter membranaceis terminati, fere ut in Aquileja, per lon-
gum in quosdam cellulas divisi, quamplurima semina continentes nigra, &
parumper odora. Ubique fere inter segetes, & præcipue post messis tempus
invenitur; æstate exeunte floret; eandem, ut Nigella sativa, efficaciam in
omnibus morbis, in quibus hæc convenit, præferre creditur. Hinc ejusdem
loco substituitur.

Melanthion sativum, seu Nigella Romana, *Offic.* Nigella flore minore,
simplici, candido, C. B. P. 145. *Inst.* R. H. 258. *Raii Hist.* 1071. Melanthium
calyce, & flore minore, semine nigro & luteo I. B. 3. 208. Melanthium,
Dod. Pempt. 303. *Ger.* Nigella Romana, siue sativa, *Park.* Melanthium sati-
vum, *Tab. Trag. Matth. Lac.* Nigella vulgaris semine nigro & subflavo, *Gesn.*
Hort. Melanthium, siue Nigella Romana, odora, *Lob. icon.* 740. *Salusandria*,
Dioscorid. Melanthium hortense. Nigella domestica, Nigella alba simplex,
siue Citrina, Cuminum nigrum Germanicum, *Nonnull.* vulgo *la Nielle dome-*
stique, ou *le faux Cumin*.

Radix minuta, & fibrosa, ut in præcedenti, caules ad pedis altitudinem
promit graciles, striatos, & numerosos; Folia vero mediocriter lata, viri-
dia, minutim incisa. Flores in ramulorum apicibus locantur magni, inter se
divisi, quinquepetali, rosacei, albescentes, pluribus staminibus oblongo-
rum corpusculorum corona cinctis, in centro locatis. Hisce succedunt mem-
branosi fructus, crassiusculi, in plurima cornua desinentes, & in varias divisi
cellulas, quæ semina angulosa, nigra, & lutea, aromatici odoris, gustusque
penetrantis continent. In hortis facile colitur, florescit autem Julio, Augu-
sto, & Septembri. Semen in usum Medicum venit; & Italicum præ ceteris
in pretio habetur, dummodo seligatur recens, nutritum, optimo colore
nigro, vel luteo. Tertia Nigellæ species colitur præcedenti exilior, & flori-
bus ad cæruleum accedentibus, fortique odore seminis facile Cuminum emu-
lante

lante distincta, nuncupaturque *Nigella Cretica*, iisdemque proprietatibus potitur, Junioque flores ministrat.

Semen *Nigellæ*, quod ex omnibus plantæ partibus fere solum usurpatur, sal volatile, magnamque olei aromatici portionem, abundantiam phlegmate mixtam continet; quod phlegma in recenti etiam semine noxium admodum est; qua de re Hoffmannus post Tragum admonet, semen hocce probe esse exsicccandum; abluendum igitur prius est, leniterque torrefaciendum, ut prædicta humiditas adeo perniciose evaporetur. Ejus infusio aperiens est, mensesque ciet; inter incidentia quoque enumeratur, & Bronchiorum Pulmonarium viscositates attenuat, expectorationemque juvat, ℥j. cum Melle mixta stomacho jejuno mane propinanda. Cum successu etiam usurpatur in Colica flatulenta, Ptisana, summitatibus Chamomillæ, Meliloti, & feminibus *Nigellæ*, confecta, quum autem semen hoc sale volatili-oleoso abundet, horum principiorum ope viscidas materias, quæ in narium sinubus accumulatur, attenuat, perfecteque rheumaticos cerebri affectus, catarrhosque discutit. Quæ de causa infundatur per horas aliquot Folior. Majoranæ pug. j. in Vini albi cyatho, in quo ℥j. Sem. *Nigellæ* iniecta fuerit; fiat colatura, liquorque per nares attrahatur, ore prius aqua repleto, absque enim hac præcautione, liquor idem per nares attractus in os, faucesque delaberetur: Oleum essentielle ex hoc ipso semine elicatum, eisdem progignit effectus, infernas narium partes eo confricando. Quamvis autem ut plurimum solum *Nigellæ* Semen usurpetur, tamen, radicem mansam Hæmorrhagias, & præsertim narium sistere, si trita in iis immitatur, Scorderus asserit.

Semen hoc in Artemisiæ syrupo, in electuario Baccarum Lauri *Rhasis* in Trochiscis Capparorum *Messuæi*, & in Oleo Scorpionum *Matthioli* usurpatur.

℞. Sem. *Nigellæ* torref., Nicotianæ, ac Styracis calamit. ana. ℥j. Ambræ gris. gr. ij. M. noduloque claudantur in rheumaticis Cerebri affectibus, catarrhisque naso quandoque applicando.

Opiata Anti-Asthmatica.

℞. Sem. *Nigel.* dilut. exsic. & contus. ℥ij. Flor Sulphur. ℥β., Benzoini pul., & Spermat. Ceti ana. ℥j. M. cum Melle Narbonensi, & Opiata conficiatur, ℥j. β. nebula obvolvenda ac mane jejuno stomacho propinanda, superbibendo poculum infusionis Florum Tussilaginis.

N I G E L L A S T R U M.

Pseudo-Melanthion, seu NIGELLASTRUM, Offic. *Lychnis segetum* major C. B. P. 204. *Inst.* R. H. 335. *Raii Hist.* 998. Pseudo-Melantium, I. B. 3. 341. *Nigellastrum*, *Dod. Pempt.* 173. *Lychnis*, sive *Lychnoides segetum*, & *Nigellastrum*, *Park.* *Lychnis arvensis*, *Tab.* *Lychnis segetum*, *Schvvenckf.* *Githago*, *Trag.* *Melanthium ex tritico*, sive *triticeum*, *Hippocr.* *Anthemon foliosum*, *Gesn. Hort.* *Agrostemma*, *Linn. Hort. Cliff.* 175. *Lolium*, *Nigella arvensis* falso, *Quorumd.* vulgo, *Nielle des bleds*, ou *batarde*, *Alesne*.

E radice parva, simplici, & alba, caulem propellit bicubitalem, oblongum, villosum, geniculatum, cavum in quosdam ramulos divisum. Folia juxta caulem invicem opposita, sunt angusta, longa, marginibus æqualibus, lata

basī, caulem amplectentia, & sensim mucrone acuto desinentia, villosa, longisque pilis albescentibus induta. Flores in caulium, ramulorumque apice, quinque bifidis foliis, plerumque purpureis, aliquando albis, aut luteo-pallidis, centrum versus lineis colarationibus, striatis exiguis nigricantibus punctis conspersis, e calyce prodeunt oblongo, striato, villoso, quinquifido, florequē elatiore. In horum locum postea conspiciuntur, capsulæ seminales oblongæ, fere glandiformes, sese per maturitatem in partes quinas aperientes ac plurima semina occludentes crassa, angulosa, striata, rudia, per maturitatem, nigra, ut in *Nigella vulgari*, sapore amaro, ac inodora. In arvis enascitur, & ubique segetes inter luxuriat; viget, ac florescit Majo, Junio, & Julio. Rajus observat, hujusce semen Microscopio subactum haud inconcinne hericium intra sese convolutum repræsentare. Planta hæc annua est, ut *Nigella vulgaris*.

Parum Medicina utitur *Nigella*stro, quamvis a gravibus Auctoribus magnis encomiis extollatur; verum quum remedia quamplurima, experientia comprobata, ad easdem indicationes adimplendas, præsto sint, hinc ejusdem proprietates minus innotescunt; eas tamen evulgare oportet, eo quod ceteræ plantæ non ita facile, quando opus sit inveniantur, contra vero, quum hæc vulgatissima sit, iis commode substitui potest. Fuchsius ejusdem foliorum decoctionem pro Lotione in Scabie, Impetigine, aliisque cutaneis morbis a Lymphæ vitio oriundis commendat; eique virtutem detergentem, & consolidantem largitur, usurpatque in ulcerum, & fistularum curatione, & ad hæmorrhagias sistendas. S. Pauli postremum hocce attributum confirmat; narratque a Sennerto in hisce casibus commendatam excepisse, & cum successu in Epidemicis Hæmorrhagiis, suis temporibus, Daniam divexantibus, usum, mirificis curationibus ea peractis, veluti Magum fuisse reputatum. Utendi ratio: recentis hujusce radices frustulum lingua detinetur.

NOLI ME TANGERE.

NOLI ME TANGERE; *Impatiens herba*, sive *Noli me tangere*, *Offic.* *Balsamina lutea*, sive *Noli me tangere*, *C. B. P.* 306. *Inst. R. H.* 419. *Noli me tangere*, *L. B.* 2. 908. *Impatiens* *Dod. Pempt.* 659. *Perficaria filiquosa*, *Ger. Raii Hist.* 1328. *Mercurialis sylvestris*, *Noli me tangere dicta*, sive *Perficaria filiquosa*, *Park. Chrisæa*, *Perficaria filiquata*, *Balsamina altera*, *Lugd. Hist.* *OEschynomene*, *Plin.* *Impatiens pedunculis solitariis multifloris*, *Linn. Hort. Cliff.* 428. *Balsamina sylvestris*, *Mercurialis sylvestris altera*, *Nonnull.* vulgo *Balsamine jaune*, *herbe impatiente*, ou *Merveille à fleur jaune*.

E radice vix quidem solum attingente, & fibrosa Caulis exsurgit ad altitudinem pedis cum dimidio, tenerus, dilute-viridis, inferna sui parte ad purpureum accedens, levis, lucidus, cavus, ramosus, per intervalla geniculatus, tuberositatibus, nodos arthriticorum æmulantibus, succoque insipido plenis donatus. Folia alternatim disposita sunt, Mercuriali similia, aliquanto tamen grandiora, & latiora, marginibus denticulis longis, acutis, bases latiores crescendo acquirentibus, prædita, late-viridia, succoque plena. Ex alis foliorum longa exeunt peduncula, minuta, solum versus inclinata, in tres, aut quatuor ramusculos divisa, ex quibus parvi flores exeunt quatuor con-

flati petalis inæqualibus, aliis Balsaminæ speciebus similes binisque viridibus foliolis a tergo innixi, lutei, speciemque referentes exilis monstri marini cauda delicatula, brevi, curva, acuta, corniformi magnam ingluviem aperiens, punctis saturate rubris distincti, ac in media sui parte pluribus albescentibus staminibus suffulti.

Floribus succedunt fructus longiusculi, minuti, nodosi, dilute viridescentes, lineis viridibus conspersi, solum versus pendentes, qui maturescendo, ventis agitati, aut minimo contactu aperiuntur, vique sua elastica diffilentes, ac sese retrovolventes quosdam veluti vermiculos seminum oblongorum, coloris cinericei, sub-nigri, aut subrubri ejaculant. Sensus hic, aut vis elastica in causa est, cur imperiti expavescant, curque *Noli me tangere* nuncupari mereatur. Planta annua est inque sylvis locisque humidis; ac umbrosis crescit; in agro Parisiensi occurrit, Junioque floret.

In ea plurimum phlegmatis, olei; & salis essentialis continetur. A nonnullis, & præ aliis a Dodonæo maligna qualitas huic tributa fuit, & inter venena reponitur; nihilo minus experientia constat, eam non pravos effectus, sed e contra optimos progignere. Aperiens, diuretica, lithonthropica est ejus decoctio, aut aqua distillata. Gesnerus hisce dotibus prædixit, plurimis comprobatis experimentis, testatur tamen largius aquam hanc ingurgitatam, Diabetem progignere. Jure igitur, meritoque inter efficaciora diuretica recensetur. Ab aliis quoque cathartica, ac emetica facultas huic concessa fuit: quamplurimis vero in regionibus hosce effectus progignere neutiquam solet, quod a climatum varietate, verosimilius provenit, a qua dotes plantarum diversimode afficiuntur; Quoad externum usum, vulneraria, detergens, ac resolvens est, trita etiam inveteratis ulceribus applicatur, eaque detergit, & ad cicatricem deducit. Schyvenckfeldt refert, experimento edoctus agricolarum, plantam hanc Agrimonia commixtam luxata membra roborare.

N U M M U L A R I A

NUMMULARIA, Centimorbia, Offic. Nummularia major lutea, C.B.P. 309. Nummularia, five Centimorbia, J. B. 3. 370. Nummularia, Dod. Pempt. 600. Ger. Raii Hist. 1099. Nummularia vulgaris, Park. Centimorbia, Gesn. Lyfimachia humifusa, folio rotundiore, flore luteo, Inst. R. H. 141. Hirundinaria minor, Tab. icon. 874. Nummularia supina, five Nummularia, Officinarum, Rupp. Flor. Jen. 14. Lyfimachia foliis subrotundis floribus solitariis caule repente, Linn. Hort. Cliff. 52. Nummularia Centummorbia, Hirundinaria, vel potius Hirudinaria, Nonnull. vulgo, Nummulaire ou herbe aux ecus, Monmoyer.

E radice serpenti, minuta, fibrosa, plures exeunt caules longi, graciles, angulosi, ramosi, in solo repentes, serpentesque, folia invicem opposita circumferentes, digitum lata, rotunda, & aliquantulum crispa, luteo-viridia, sapore adstringenti admodum, ac exsiccanti absque ulla irritatione. Ex foliorum alis exeunt flores magni, lutei, rosacei, monopetali, acuti, brevibus adnexi pedunculis; in quibusdam vero ramulis terna folia, totidemque flores in singulo nodo conspiciuntur. Horumce locum subeunt parvi, sphaericique fructus, semina minutissima, oculorum aciem effugientia continentes.

tes. Propter sphaericam foliorum figuram *Nummularia*, ob insignes vero proprietates *Centimorbia* nuncupatur. Ruri crescit in locis humidis, secus fossas viasque, prope aquæ rivulos, aut fontes. Ubique vulgatissima est, exeunte Majo florescit ad totam fere Æstatem. Observatur autem, magis, minusve eam excrescere juxta solum, in quo enascitur, atque in hortis inventam, arvensi grandiore esse. A Fuchio *Herba agnos enecans* vocatur, eo quod ab agricolis agnorum, ac ovium ex ea staturatarum pulmones exulcerari, absque ulla ratione fortasse creditur.

Nummulariæ folia acriuscula, & styptica sunt, papyrumque cæruleum rubro colore inficiunt. Acidum in hac planta dominatur, & una cum terra, sal aluminosum, parva olei quantitate involutum, in ea constituit, a quo adstringens, vulneraria ad quoscumque sanguinis fluxus, fluoresque albos sistendos, nec non ad vulnera, & ulcera externa consolidanda aptissima efficitur. Camerarius asserit, optimam esse in lacte ebullitam adversus Scorbutum. Tragus in pulmonum ulcere decoctionem vino, ac melle confectam commendat; in Dysenteria vero, Fluoribusque albis decoctio in vino, aut lacte parari potest. Fuchius herbam cataplasmatibus forma applicatam pro ulceribus exsiccandis proponit.

Si Matthiolo, Schordero, Ettmullero, & Rajo fides præstanda est, Infantum hernias sanat pulveris forma interne exhibita, necnon externe quoque applicata. Dosis ℥j. in cochleari lactis, aut jusculi una tantum vice statim diebus.

Ejus succus in Emplastro *Oppodeltoch* usurpatur.

Decoctio adversus Dysenteriam.

℞. Nummular. Man. j. Ebul. in ℔ij. lactis ad medias. Collaturæ adde Syrup. Consolid. majoris ℥j. β. pro tribus dosibus trium horarum intervallo exhibendis.

N Y M P H O E A.

NYMPHOEA planta aquatica est, cujus duæ sunt species in Officinis cognitæ; Prima flore albo, Secundæ luteo flore præferenda.

Nenuphar album, Nymphœa alba, *Offic. Nymphœa alba major*, C. B. P. 193. *Inst. R. H.* 260. Nymphœa alba, J. B. 3. 770. *Dod. Pempt.* 585. *Ger. Raii Hist.* 1320. Nymphœa major alba, *Lugd. Hist. Eyst.* Nymphœa flore albo, *Clus.* Nymphœa candida, *Trag. Fuchs. Turn. Cæs.* Nymphœa calyce tetraphyllo, corolla multiplici, *Linn. Flor. Lappon.* 176. Nenuphar album, *Brunf.* *Herculania mater*, *Apul.* *Heracleon*, *Heraclea*, *Papaver aquaticum*, *Rhaphalon*, *clavus*, seu *digitus veneris*, *clava*, sive *radix Herculis*, *alga palustris*, *Quorumd.* vulgo, *Nenuphar Blanc*, *Lis d'étang*, *Voilet*, *Plateau a fleur blanche*.

Radice est longa, brachii, & aliquando humani cruris crassitie, cortice nodis interfuso, extus sub-atra, intus alba, carnosa, fungosa, magna succi visceri copia repleta, in aquæ profundo limo plurimis fibris adnexa, vivaci. Emittit folia magna, lata, semicircularia, cordis, aut ferri equini more emarginata, densa, carnosa, coriacea, in aquæ superficie natantia, venosa, dorso dilute-viridi, inferne vero atro-viridia, duobus parvis obtusis auri-

auriculis in unaquaque locatis, gustu herbaceo, & insipido: folia hæc autem longis caudis infantis digitum crassis, cylindraceis, sub-rubris, teneris, succulentis, & fungosis sustinentur. Flores habet magnos, crassos, latosque, quum præcipue expanduntur, plurimis bracteis rosaceis constantes, satis pulcros, adinstar Liliorum albos, fere inodoros, e calyce prodeuntes, plerumque quinquepetalo albescenti, quorum quisque pedunculo foliorum caudæ simili sustinetur, habetque folia ambitum versus externe albo-viridescencia, non secus ac *Ornithogalum*, mediaque eorum pars numerosis occupatur staminibus. Fructus succedit rotundus, capiti Papaveris similis, per longum in plures cellulas divisus, seminibus oblongis, sub-nigris, lucentibus, Milio crassioribus, plenas. Planta hæc a Medicis usitatissima neutiquam in hortis colitur; sponte crescit in paludibus, in aquis corruptis, rivulisque lente excurrentibus, aut stagnantibus, lacubus, ac fluviis, in quibus visum jucundissime delectat; Majo, & Junio floret, & quandoque Autumno. In Officinis ejus radix, folia, flores, & semina usurpantur. Rajus asserit, Nenuphar Bressyliense flore albo a Marg grave descriptum, & ab incolis *Agnape* vocatum, speciem a nostro distinctam efformare, sibi non videri, neque Theophrasto, & Plinio fidem præstandam esse, qui mirabilem referunt sympatiam *Loti* Ægyptii cum Solis cursu, videlicet, plantam hanc, eo Occidente florem suum occludere, ac sese in aquam abscondere, eo autem Oriente ex aqua exire, seque totam referare; tamen Prosper Alpinus, & Joannes Bahuinus hac in re idipsum constanter confirmant, adduntque idem in nostro Nenuphar albo observasse.

Nenuphar luteum, Nymphaea lutea, Offic. Nymphaea lutea major, C. B. P. 193. *Inst. R. H.* 261. *Park. Lugd. Hist. Clus.* Nymphaea lutea, J. B. 3. 771. *Dod. Pempt.* 585. *Ger. Raii Hist.* 1319. Nymphaea citrina, *Cord. Hist.* Nymphaea flore ex toto luteo, *Cæs.* Nymphaea calyce magno pentaphyllo, *Linn. Flor. Lapon.* 176. Nenuphar luteum, *Brunf.* vulgo, *Plateau a fleur jaune*.

Species hæc differt a præcedenti foliis minus rotundis, & longioribus, flore luteo, fructu conico, Nenuphar albo majora semina recipiente, demum radice extus viridi. Nymphaea lutea iisdem in locis occurrit, eademque floret tempestate, qua alba; inque regionibus, in quibus Nenuphar album haud raro invenitur, ut in Anglia, agroque Parisiensi; Nenuphar luteum præcedenti substituitur. Rajus observat, ejusdem florem spiritus vini odore scatere. Quod vero spectat ad Etymologiam *Nenuphar* vox est Arabica, nomenque Nymphaeæ huic tributum, quasi *Nympha* indigitaretur, quum planta hæc potissimum enascatur, feraturque in aquis, in quibus Nymphas, & Najaides habitasse, Poetæ finxerunt.

Radix est parumper viscosa, & amara, chartamque cæruleam erubescens admodum reddit. Analyseos Chymicæ ope, plurimum acidi, olei, & parum salis volatilis concreti largitur: hinc nil mirum, plantam hanc adeo temperantis esse naturæ. Communiter ejus radix usurpatur in Ptsanis refrigerantibus, quæ conveniunt urinæ ardoribus, renum, aliararumque viscerum inflammationi, febribus ardentibus, insomniis violentis, demum morbis omnibus, in quibus fervidus sanguinis, spirituumque motus est compescendus; prostant in Officinis ejus florum aquam distillatam, ex quibusetiam syrupus, & conserva oleumque infusione, & coctione conficiuntur. Aqua distillata plerumque basis est in syrupis, potionibusque refrigerantibus, in quibus

bus ab ℥ iij. ad ℥ vj. usque præscribitur. Syrupus floribus paratus quidpiam habet narcotici, inque opiatis remediis usurpatur ab ℥ ℞. ad ℥ j. Conserva apta est ad pulveres in bolis, & opiatis, anodynis, & narcoticis subigendos. Demum Oleum floribus paratum easdem habet paregoricas, ac sedantes proprietates: in febribus delirio conjunctis usurpatur, tempora eo confricando, ex quo magnum ægri solatium percipiunt. Mel Nymphææ ab ℥ ij. ad ℥ iij. clysteribus emollientibus, & refrigerantibus sociatur, conficiturque ex florum ejusdem calycibus, ac staminibus, quæ ab infusione pro syrupo tanquam superflua ablegantur. Plinio fides non est præstanda, qui asseruit, decoctionem ejusdem radice duodecim dierum spatio usurpatam, impotentes ad choitum reddere. Diuturna experimenta contrarium demonstrant. Tragus asserit, eandem decoctionem optimo Vino rubro paratam, ad sanguinis hæmorrhagias, immodicumque mensium fluxum sistendum, valere, inque desperatis casibus profuisse; idemque de semine confirmat. *In Ephemeridibus Germanicis Decuria 3. anno 7. & 8. pag. 77. Appendicis in medium affertur sanatioplurium ægrotantium tertiana febris laborantium, sola Nymphææ radice, juxta ejus longitudinem incisæ in plantis pedum appositione.*

In syrupo Testudinis, & in pulvere *Diamargarito frigido* flores Nenuphar usurpantur; Syrupus vero in Pilulis Hypnoticis, & aqua distillata in Looch communi *Pharmacopææ Parisiensis*.

Quoad Nenuphar luteum, speciei primæ substitui commode posse jam diximus, iisdemque facultatibus, quamvis demissioribus potiri. Tamen communiter flos Nenuphar albi, radix vero lutei usurpatur, quæ etiam usuvenit in Enemate refrigerante, in pulvere Camphorato, & Trochiscis de Camphora *Pharmacopææ Parisiensis*.

Ptisana refrigerans.

℞. Avenæ optimæ, electæ, & mundatæ ℥ ij. Radicis Nymphææ recentis rasæ ℥ j. Ebulliant in ℔ iij. aquæ ad tertias. Adde in fine CrySTALL. miner. ℥ j. Servetur colatura pro potu ordinario.

Ptisana altera refrigerans, & temperans.

℞. Rad. Bismalvæ, & Nymphææ lotar. & rosar. ana. ℥ j. Sem. Lini nodulo inclus. pug. j. Glycyrrhizæ in fila evulsæ ℥ ij. Immergantur omnia in ℔ iij. aquæ ebullientis, ac post duarum horarum infusionem fiat per linteolum colatura, serveturque tepida pro potu in morbis Renum, urinæ ardore, ac retentione.

Enema emolliens, ac refrigerans.

℞. Fol. Malvæ, Parietariæ, & Senecii ana Man. ℞. Ebulliant in ℔ ij. aquæ ad medias. Colaturæ ad Mellis Nenuphar ℥ ij. seu ℥ iij. pro Enemate.

Julapium refrigerans, ac leviter hypnoticum.

℞. Aquar. Nenuphar, ac Lactucæ ana ℥ iij. Syrupi Nenuphar ℥ j. M. pro Julapio

lapis bis de die propinādo in febribus ardentibus, insomniis, ac agitationibus.

Emulsiō pro potu in Gonorrhœa, & urinae ardore.

℞. Quatuor sem. frigid. major. ʒ β. Sem. Pap. albi ʒ ij. & Amygd. dulc. N. jv. Tere in mortario marmoreo, superinfundendo paulatim ℥ iij. decoctionis Hordei. Edulcoretur inde colatura Syrupi Nymphææ ʒ j. β. & servetur pro potu.

Electuarium Castitatis.

℞. Sem. Urticæ, & Jusquiami ana ʒ j. Camphor. ʒ ij. Glycyrrhizæ ʒ jv. f. p. ac M. diligenter, adde Conser. Flor. Nymph. ʒ iij. & syrup. ejusdem q. s. ut Electuarium conficiatur, ʒ j. β. bis de die nebula obvolutum propinandum, statim superbibendo cyathum feri lactis, in quo ferrum candens extinctum fuerit, repetaturque usque dum tota Electuarii prædicti massa insumpta fuerit.

O C I M U M.

BOtanici plures Ocimi species distinguunt: in Medicina vero practica, usuque communi, sequentia duo tantum usurpatur, nempe Vulgare, & Minimum.

O C I M U M, Ocimum, Ozimum, Basilicon, seu Basilicum vulgare, *Offic.* Ocimum vulgatum, C. B. P. 226. *Inst.* R. H. 204. *Raii Hist.* 541. Ocimum medium vulgatius, & nigrum, J. B. 3. 247. Ocimum vulgare majus, *Park.* Ocimum magnum, *Tab. icon.* 343. Ocimum medium Citratum, *Ger.* Basilicum, five Ocimum *Brunf.* Ocimum medium vulgatius, *Lob. icon.* 503. Ocimum medium, *Matth. Fuchs. Lugd. Hist.* Basilica major, *Trag.* 31. Ocimum Caryophyllatum, Ocimum odoratius, Ocimum medium album & rubrum, *Herba Basilica*, *Herba Regia*, *Quorund.* vulgo, *le Basilic commun aux sauces, ou des Cuisiniers.*

Ei radix est lignosa, nigra, fibrosa, caulemque emittit semipedalem, & ultra, cespitosumque. Hic in plures ramulos quadratos, ad purpureum colorem accedentes, villosos, foliisque ornatos Parietariæ similibus, & exilioribus, lævibus, quandoque marginibus incisis, quandoque non, odore forti, aromatico, & suavissimo, sapore non fatis grato. Flores verticillati sunt, summisque ramis in longæ spicæ fere expansæ modum dispositi, albo purascentes, odori labiati, tubulo scilicet constantes vertice duobus labiis ita distincto; ut inversi pene videantur, pars enim, quæ labium superiorem efformare deberet, deorsum pendet, labello vero altero tribus lobulis distincto superiora respiciente calycis ambitu quadrifido, ac superne cochlearis in modum cavo. Floribus capsula quædam, semina oblonga, minuta, & sub-nigra occludens succedit.

Ocimum seu Basilicum minimum, *Offic.* Ocimum minimum, C. B. P. 226. J. B. 3. 247. *Inst.* R. H. 204. *Raii Hist.* 541. Ocimum vulgare minus, *Tab. icon.* 344. *Ger.* Ocimum minimum Caryophyllatum, *Lob. icon.* 504. Basilica minor, *Trag.*

Trag. Ozimum Leptophyllum, Ocimum parvum crispum, & globosum, Ocimum exiguum, minutum, nanum, pusillum, Ocimum album, & nigrum minimum, *Nonnull.* vulgo, *le Basilic petit, qui se met dans des pots sur le fenestres, & sur les boutiques.*

E radice fibrosa, & minutissima, caulis exsurgit palmaris & ultra, ramulis valde cesposis, ac parumper lignosis onustus, globumque densum efformans: ramuli foliis exornantur Serpyllo, aut Majoranæ similibus, rotundis, sub-viridibus, aut ad purpureum accedentibus, odore acutissimo, & suavissimo, Caryophyllum redolente. Flores parvi sunt anulatim dispositi, aut juxta caules, ramulosque verticillati, eorum vero loco postea capsulæ apparent exiguis seminibus sub-nigris refertæ. Altera hæc species tenerior, delicatiorque Ocimo vulgari deprehenditur, observaturque in regionibus frigidis v. g. in Anglia, non adeo facile ad maturitatem semen perducitur. Colitur in hortis, domibusque, quas odore gratissimo, & ad cerebrum confortandum, spiritusque recreandos aptissimo perfundit. Ob hanc potissimum odoris excellentiam *Basilicum* nuncupatur, veluti *planta* aut *herba Realis*, manuum realium contrectatione aut palatu Regis dignissima. Annua est, floresque Julio, Augusto, & Septembri propellit. Omnes Basilici species aromaticæ sunt, aliæ enim odore Anisi, aliæ Balsami, aliæ majori, vel minori scatent suaveolentia. In usu autem Medico juxta Authores præferenda ceteris est, Caryophyllum aromaticum, aut Citrum redolens.

Basilicum plurimum olei exaltati, salisque volatilis abdit. Folia, flores, & semina inter cephalica, Cordialia, & pectoralia numerantur. In hortis, uti diximus, magnus hujusce specierum indiscriminatim a Medicis usurpandarum numerus colitur: consuetudine tamen inveterata, usque adhuc a nobis descriptæ aliis omnibus anteferuntur. In umbra exsiccantur, & pulverantur, miscenturque cum aliis aromaticis herbis eadem ratione paratis. Pulvis hic cephalicus nuncupatur, ob vim cerebrum exonerandi, perque nares magna copia serosos humores educendi, præsertim, si mane jejuno stomacho naribus propinetur. A quibusdam pulvis hic Tabaco præfertur; Tabacum enim inassuetis nimis violentam impressionem excitat, naresque nimium stimulat: Verissimum tamen est Authores existere, Plinium nempe Hollerium, Camerarium & alios, qui Scorpiones progigni ex eo posse suspicantur, quum in vase, in quo Ocimum colitur, Scorpiones quandoque conspexerint; Nonnullorum præterea experientia edocti pulveris hujusce usum omnino reprobant, eo enim utentes, morbis capitis, ac nonnumquam violenta phrenitide correptos periisse, apertisque cadaveribus nidum Scorpionum viventium in eorum capite repertum fuisse asserunt. Hoc itaque concessio, quod profecto repugnat, causam ab hisce Medicis assignatam constanter negamus; ab hodierna enim Physica æquivocæ, & spontaneæ generationes exploduntur. Celebris Wedelius in *Ephemeridibus Germanicis Decuria I. anno III. Observatione 79.* narrat, quamplurima experimenta a se ipso incassum fuisse instituta, ut probaretur, utrum Ocimi pulvis Scorpiones progignat nec ne. Verosimilius ergo erit, Scorpiones grato Ocimi odore allectos, eo specificè delectari, uti feles *Maro*, & *Mentha Cataria*, libentiusque sub vase, in quo feritur, quam sub aliis abdictos permanere, quin huic Plantæ Scorpiones progignendi facultas tribuatur. Quoad vero spectat ad eorum experimentum, in quorum capite Scorpionum nidi apparuerunt, insecta isthæc in Ocimi foliis ova de-

posuif.

posuisse, & ab iis una cum pulvere prædictis foliis confectio ova nonnulla per nares attracta, & in sinibus frontalibus transfusa, blando loci calore, parvis Scorpionibus lethales paroxismos exitantibus, ortum dedisse censendum erit.

Ut vero ad nostræ Plantæ proprietates redeamus, folia, & flores in infusis usurpantur ad modum Theæ adversus capitis dolores, ejusque fluxiones: necesse autem est ut antea ad umbram exsiccentur; Ocimum enim recens cerebrum turbat, siccumque mitius, suaviusque est.

Expertus, satisque in arte sua peritus Cocus Ocimo, Thymo, Serpyllo, Satureja sativa, aliisque aromaticis herbis indigenis ita utitur, ut edulia harum ope confecta pari ratione palato grata experiantur, ac, si aromata exotica usurparentur.

Folia Basilici vulgaris in Aquis, Generali, Hysterica, Menthæ composita, & in Spiritu carminativo *Sylvii Pharmacopææ Parisiensis* usurpantur. Semina vero in pulvere *Diarrhodon*, pulvere Lætificante, & Syrupo Artemisiæ ejusdem *Pharmacopææ*; tota vero herba in Unguento *Martiato*.

℞. Pip. longi, Fol. exsic. Ocimi, & Majoranæ, & Succini ana. ʒiij. Nucis moschatae, & Macis ana. ʒj. F. P. ac inter duo linteola claudatur, ex quibus Galerus capiti aptandus conficietur in catarrhis, efferisque hujusce partis doloribus a causa, ut ajunt, frigida productis.

℞. Fol. exsic. Ocimi, Majoranæ, Roris Marini, Betonice & Liliorum convallium ana. p. æ. M. f. p. subtilissimus ad modum Tabaci usurpandus.

O C U L U S B O V I S.

BUPHTALMUM vulgare, *Offic.* Buphtalmum Tanacetii minoris foliis, *C. B. P.* 154. *Inst.* R. H. 495. Chamæelum, Buphtalmum caule ramoso, foliis pinnati-fidis, laciniis linearibus dentatis ferratis, floribus pendunculatis, *Linn. Hort. Cliff.* 414. Chrysanthemum, quorundam, *J. B.* 3. 122. Buphtalmum Germanis, *Trag.* 152. Buphtalmum vulgare, Chrysanthemo congener, *Clus. Hist.* 332. Cotula lutea, sive tertia, *Dod.* After Atticus, *Cord.* Buphtalmum vulgare, *Ger. Raii Hist.* 341. Buphtalmum Matthioli, sive vulgare millefolii foliis, *Park.* Buphtalmon, Oculus Bovis, *Lob. icon.* 772. Chrysanthemum perenne, brevioribus, & incanis foliis, Tanacetii instar alatis, *Hist. Oxon.* Chamæmelon aureum, *Fuchs.* Cotula non fatida, *Lex.* Boaria, Boanthemum, Oculus Vaccæ, Oculus bubulus, bovinus vel bovillus, Buphtalmum legitimum seu verum, Buphtalmum Germanicum, Camomilla crocea, Cachla, Genitura vel semen Mercurii, Bellis aurea, Herba crispula, solidago Buphtalmica, *Nonnull.* vulgo, *Oeil de Bœuf*, *fausse Camomille jaune*.

Ex radice dura, lignosa, vivaci, exeunt caules ad altitudinem pedis cum dimidio, aut duorum pedum, exiles, lanugine brevi, & sub albida circumfusi, numerosi, prope solum sub-rubri, & ramosi. Folia quæque bina simul juncta, ac incisa ad costam usque, lanuginosa, margine denticulato, Millefolio, aut Tanaceto minori similia, odore Camomillino. Flores in caulium, & ramulorum apicibus radiati, ut in Chamæmelo enascuntur, aliquanto majores, luteique ut in Chrysanthemo vulgari, e calyce sub-albido, & squamoso exeuntes, quibus semina succedunt minuta & angulosa. In arvis crescit, in viarum & fossarum marginibus in Germania, Italia, Provincia, & alibi;

alibi; in areis quoque hortorum colitur, ob magnam florum copiam, eorumque gratum aspectum, quamvis inodori sint; Præterquamquod Hyemi resistit, diutissimeque perdurat; Æstate floret, Junio, scilicet, & Julio. Flos *Bovis oculum* repræsentat, atque hinc nomenclaturam planta mutuatur; neque cum Bellide majori est confundenda frequenter quoque *Oculus Bovis* nuncupata.

Magnam suppeditat olei portionem, mediocrem vero salis essentialis; detergens est, vulneraria, emolliens, atque resolvens. Quamvis hæc haud frequentem, & vulgarem usum medicum habeat, tamen hic locandam a nobis esse rationi consonum credidimus, præsertim quia in Aqua vulneraria usurpatur, & Bellide majori deficiente substituitur. Tragus florum decoctionem in Vino commendat ad vermes ejiciendos, doloresque colicos demulcendos: additque ea cum successu usum fuisse in hepatis morbis, optimumque esse aperiens remedium. Juxta Johannem Bauhinum ejus flores Camomillæ odoræ semper habent facultatem, usurparique possunt loco summittatum Absinthii. In quibusdam Germaniæ regionibus a fœminis rusticis Junio hujusce flores colliguntur, exsiccantur, proque usibus servantur; iisque Croci loco cubilia fricantur.

OE N A N T H E.

ÆNANTHE, sive Filipendula tenuifolia, *Offic.* OEnanthe apii folio, C. B. P. 162. *Inst.* R. H. 312. *Raii Hist.* 441. OEnanthe, sive Filipendula Monspeßulana folio Apii, J. B. 3. 190. OEnanthe Apii folio major, *Park.* Filipendula tenuifolia, *Tab. icon.* 141. Filipendula angustifolia, *Ger.* OEnanthe species Dalemchampii, *Scrophularia quorumd. Lugd. Hist.* 785. OEnanthe, Pastinacæ sylvestris folio, semine oblongo; OEnanthe angustifolia, sive Selinophyllos; Filipendula fere Apii hortensis folio, *Nonnull.* vulgo, *Filipendul aquatique ou Persil de marais.*

Radices habet glandulosas, aut refertas napis extus nigris, intus albidis, suspensis fibris longis, veluti filamentis, in latum magis, sese extendentibus, quam in terram penetrantibus, gustu dulci, admodum grato, parumper ad Pastinacam accedente. Hæ radices plures caules plerumque bipedales, sub-cæruleos, angulosos, striatos, & ramosos emittunt. Folia variis obnoxia sunt mutationibus; primum enim lata sunt, in terram expansa, & Petroselino hortensi similia, gustuque accedentia, moderata stipticitate excepta, coloremque habent viride-lucescentem; deinde vero figuram a Peucedano mutantur. Flores in ramorum apicibus umbellati sunt, parvi, singuli quinque bracteis, adinstar Lili conflat, albo-purpurescens, quibus semina duo simul juncta, oblonga, dorso striato, extremo sui apice plurimis spiculis suffulta succedunt. Planta hæc in paludosis locis crescit, atque in Curiosorum hortis colitur; Æstate, Junio, Julio, & Augusto floret. Juxta Joannem Bauhinum aliquantulum in hortis variat; non adeo tamen mutatur, ut Pastinacam foliolis supra umbellas locatis ad uoguem æmuletur, ut a Matthiolo describitur.

Hæc OEnanthe species plurimum salis, atque olei continet. Radix in usum Medicum venit; & jure, meritoque inter detergentes, aperientes, & diureticas connumeratur; testaturque D. Magnolius in *Historia Plantarum Agri*

Monspessulani easdem, ac *Filipendula* vulgaris, facultates possidere, & commode huic quandoque substitui posse; quod tamen penitus reprobamus. Quum vero *Filipendulae* descriptionem in superioribus jam tradita fuit, facile de *OEnanthe* verba facere superfedissemus, nisi huic nomen commune esset cum alia venefica planta *OEnanthe Cicutæ foliis* nuncupata, ideoque, ne cum hac postrema specie facile confundatur, ejusque proprietates ignorarentur, hanc descriptionem tradere, nostrum esse credidimus.

O L E A .

OLEA arbor est mediocris magnitudinis, cujus duæ sunt species, quæ accidentalibus inter se distant differentiis, quæque ideo a melioris notæ Botanicis uti varietates reputantur, suntque Olea sativa, & sylvestris. De hac postrema neutiquam hic sermo instituetur, potissimum quia ejus Oleæ nullum usum habent, sed solummodo de Sativa crassiori fructu, deque Altera oblongo minori.

Olea major sive Hispanica, *Offic. Olivæ maximæ Hispanicæ*, C. B. P. 472. Olea Sativa, J. B. 1. 1. *Ger. Park. Raii Hist.* 1541. Olea fructu maximo, *Inst. R. H.* 599. Oliva crassior circa Hispalim nascens, *Clus. Hist.* 25. Olivæ superbæ nucis fere magnitudine, *Cæsalpin.* 73. vulgo, *Olivier a gros fruit.*

Radices habet partim rectas, partim obliquas, in terræ superficie repentes, firmas, solidasque; caudicemque efferunt plus, minusve elevatum, ac nodosum, cortice lævi, & cinereo, ligno æqualiter compacto, solidiore, quandoque tortuoso, sub-luteo, gustu amariuscule. Folia oblonga sunt, & angusta, fere Salicis foliis similia, acuta, densa, carnosæ, pingua, dura, atro-viridia superius, vel juxta alios luteo-viridescentia; inferius vero albidiuscula, pilis destituta, brevibus petiolis affixa, & plerumque bina invicem opposita. Inter earum alas pedunculi exeunt, racemos Sambuci racemis similes florum sub-albidorum circumferentes, qui flores unica tantum bractea in vertice expansa, ac quadripartita, calyce vero inferiori sui parte in tubulum coarctato consistunt; hisce fructus oblongus, aut ovalis, viridis, carnosus, succulentus, variæque crassitie succedit; in Hispania enim Prunum mediocre æquat, dum e contra in Italia, & Occitania vix glandem communem superat, quique *Oliva* nuncupatur; initio viridis est, post sub-lutea, demum sub nigra, dum maturescit; in Hispania etiam Olivæ inveniuntur, ut notat Clusius, finem versus albescentes. Saporem habent acerrimum, & amarum, quidpiam austeri, & ingrati referentem, continentque nucleum, oblongum, & pryforme, unum tantum semen, aut amygdalam ejusdem figuræ referentem. In regionibus calidis, provinciisque Meridionalibus arbor hæc colitur in Occitania, Provincia, Italia, & Hispania. Solum ficum, & argillaceum ad Meridionalem, aut Orientalem plagam expositum amat, Junio, & Julio florescit. Olea diutissime perdurat, ejusque lignum pulcherrimum, venulis conspersum, gratique odoris, tam recens, quam ficum, flammam concipit, ponderosum est, magnumque affert proventum; fructus autem diu servatur; Oleum etiam ex eo exprimitur usus vulgarissimi præ cæteris in alimentis. Arbor hæc nec exactam nec negligentem curam exposuit; neglecta enim in regionibus Septentrionalibus vix excresceret, sique illuc in hortis aliquando colatur, necesse est, ut a frigoris inju-

riis probe tutetur nihilominus sero admodum, ac raro florem emittit, & quamvis diligentissime excolatur, florem tantum, exiguumque fructuum numerum progignit. Plures Olivarum species reperiuntur, differuntque figura, colore, magnitudine, succo, foli varietate, aut inventorum nomine, quæ omnia longum esset hic recensere, tamen non adeo magnam inter se distantiam, differentiæ hæ omnes habere solent, uti in Pomis, Pyris, & Prunis observatur. Oleam enim minus natura sua ad variandas productiones inclinare compertum est. Oleæ rami quandoque Concordiæ, Amicitiae, & Pacis signa fuere, ut hodie Gloria a foliis Lauri indigitatur.

Oleæ plurimum olei, phlegmatis, & salis essentialis largiuntur. Aqua, & sale condiuntur, ut in gratiorem saporem faciscant: absque enim hac præparatione amaræ, & asperæ sunt, gustuque ingratiissimo præditæ; prædicta tamen ratione conditæ appetitum cient, stomachum roborant, glareasque ejus parietibus infixas discutiunt, expelluntque, hinc etiam quidpiam laxantis præferunt: nunquam denique nocere possunt, si modus in iis fervetur.

Magni est usus Olivarum Oleum expressione elicatum, emolliens est, resolvens, temperans, in Pharmacia non minus communiter usurpatum, quam in culinis utilissimum, vel ad acetaria condienda, vel ad pisces, & alia quamplurima alimenta coquenda.

Quod, a specie *Picholines* nuncupata, elicatur, in Provincia, & Italia excolta, cæteris est præferendum, uti odore, ac sapore mitissimum. Et ecce quæ parètur ratione. Novembri, & Decembri magna probe maturarum Olivarum quantitas colligitur, ut major Olei portio eliciatur, antequam enim maturescant succus nimium glutinosus est: Per aliquod temporis spatium intra domum obteguntur, qua effervescent, nec non humidas, & aqueas partes dimittant: Postea mola colliduntur, & fiscinis e junco, aut palma confectis clausæ, aliæ, aliis superstruuntur in torculari. Oleum primo extractum *Oleum Virgine* nuncupatur. Calida Olivæ abluuntur, ac denuo facillime optimum Oleum exprimitur. Postea Olivæ jam depressæ agitantur; denuoque Calida superaffunditur; fortiusque quam antea calcatur torcular, exitque oleum facibus onustum, aliisque minus aptum. Oleum facile ab aqua secernitur, in ea enim supernatat: fundum vero petit quædam olei species, a veteribus *Amurca* nuncupata, peculiaribusque usibus donata.

Oleum Virgine non solum pro alimentis, verum etiam pro re Medica cæteris est præferendum; lancinantes colicos, tenesimi, & dysenterici dolores demulcet, aut per os uno, vel duobus cochlearibus cumulatis exhibito, sive cum decoctione emollienti, aut simplici aqua mixto pro clystere \mathfrak{z} ij. vel iij.

Nonnulli jejuno stomacho carnes cum Oleo assas comedunt, ut venter liberior fiat. In *Ephemeridibus Germanicis Decur. II. anno III. pag. 188.* extat Observatio D. Bernardi Valentini, qui asserit, hominem novisse hernia intestinali laborantem, quæ alvum adstrictam per integras hebdomadas ita efficiebat, ut colica, doloribusque lancinantibus aliquando etiam vexaretur, quæ omnia nonnullis Olei Olivarum uncis per aliquot sequentes dies ingurgitatis feliciter evanuerunt.

A. quibusdam aliis unum, vel duo cochlearia in aquæ tepidæ cyatho deglutuntur, ut blande vomitus provocetur. Schorderus asserit, adeo magnam Olei cum Cerevisia mixti copiam vulneratis propinari in Westphalia, ut su-

ut sudor solo Olei ab ægris recepti odore excitetur. Ad vermes enecandos Oleum quoque usurpatur, nec non ad venenorum corrodentium, Arsenici nempe, Auripigmenti, & Mercurii sublimati vilontiam obtundendam: adversus postremum præcipue majori dosi exhibendum est, ut apte sufficiat.

Oleum Omphacinum adeo a Veteribus adversus Hæmorrhagias commendatum, juxta ipsos a viridioribus Olivis eliciebatur, & adhuc Authores extant, qui naturalem esse falso autumant: certissimum enim est, virides Olivæ nihiluspiam præter viscosum, glutinosumque succum præbere, nam principia sulphurea nisi in perfecta maturitate secerni possunt. Rationi itaque magis consentaneum erit, statuere, Omphacinum oleum artificiale fuisse, ex infusione Simplicium adstringentium in Olivarum Oleo communi.

Quod vero attinet ad externum Olei usum, inter antiquiores est rependendus; tam ad sanitatem tuendam, quam ad eam recuperandam Veteres utebantur. Athletis, priusquam ad luctam accederent, totum corpus inungebatur, ut muscoli flexibiliores, facilioresque ad hoc exercitii genus redderentur; ipsi postea sese in sabulo sicco circumvolvebant, ad Olei calorem (inquit Hippocrates) humiditatemque temperandam, quod una cum sudore in violenta corporis exercitatione mixtum *Strigmenta* efformabat, quæ detergebantur quadam strigilis specie, cujus nobis figuram exhibuit Mercurialis in suo *Tractatu de arte Gymnastica*. Ramenta hæc, sive fordes maximi a Veteribus æstimabantur in pluribus morbis, & a Dioscoride commendantur ad Condylomatha, & Rhagades extirpandas, nec non ad rimulas, fissurasque in mammis, aliisque partibus efformatas claudendas. Plinius asserit, maximum olim fuisse harumce fordium proventum. Qui optimum corporis habitum servare cupiebant, post Calidæ balneum, Oleo totum corpus sibi illiniendum obtrudebant, ut cutis poris obstructis, nimia perspiratio a balnei calore oborta impediretur, utque musculis flexibilioribus reddactis, partium nutritio augeretur.

Nostris hisce diebus hi usus obsoleti omnino sunt, exceptis semicupiis ex Oleo ab aliquibus Medicis usurpatis in Colica Nephritica, ut calculi descensus in vesica procuretur, & in arthritide convulsiva, ut nervorum spasmodicæ contractiones auferuntur. D. Lanzoni testatur in *Ephemeridibus Germanicis* balneo Olei octo dierum spatium repetito, puellam a vermibus sanasse, incassum aliis adhibitis remediis. Notum est, Oleo una cum Vino quassato, Balsamum adversus adustiones optimum confici posse, quod etiam *Balsamum Evangelicum*, aut *Samaritanum* nuncupatur. Olei sedimentum *Amurca* vocatum feliciter usurpatur adversus Rheumatismum, & Ischiadem, additurque Spiritus Vini, ut vi magis penetranti polleat.

Oleæ folia adstringentia sunt; iisque nonnulli pro Gargarismate utuntur in Angina.

De Oleis tam simplicibus quam compositis, in Pharmacopæis descriptis hic sermonem neutiquam instituemus; eorum enim virtutes tum ad Plantas in ipsis infusas, quum ad Oleum speciatim sunt referendæ. Veritati ergo consonum erit, asserere, Olivarum Oleum præcipuam esse, communemque basim in omnibus Balsami, Unguenti, ac Emplastri speciebus.

Oleum vulgare demum usurpatur in Balsamis, Tranquillo, *Leucatelli*, ac Viridi ferculi, in Unguentis, Mundificativo de Apio dicto, *Basilicon*, *Matris*, *Apostolorum*, *Martiato*, & aliis; usurpatur præterea in Emplastris *Dia-*

chylon simplici, Divino, Diapalma, de Norimberga, in Tela a Gaultier, &c. Pharmacopœæ Parisiensis.

Olea minor, Offic. Olivæ minores, & Genuenses, & ex Provincia, C.B.P. 472. Olea fructu oblongo minori, *Inst. R. H. 599.* Oliva minor, oblonga, *Bot. Monsp. & H. R. Monsp.* Olea communis sive vulgatio, *Nonnull. vulgo, les Olives picholines.*

Hæc Oleæ species vulgatissima, & exquisitior, a præcedenti non differt, nisi fructu exiliori: ut enim jam a nobis indicatum fuit, Oleæ fructus plus, minusque crassior est juxta solum, in quo colitur: in Provincia, ac Occitania, non secus ac glans Quercina, in Hispania vero Nuce moschata vulgari crassior est. Superfluum ergo esset ulteriorem hic descriptionem tradere.

Les Picholines ita ab earundem præparationis inventoris nomine nuncupatæ, Olivæ sunt pluribus locis incisæ, in sarmentoso primum lixivio maceratæ, ac in garo postea immissæ; hæ præ cæteris esu delicatesiores sunt; incisionibus enim Muria citius penetrante, tota earum substantia, ea facile perfundi potest.

Diversa ex hisce elicita Olea, molioris notæ sunt, Oleis Olivarum Hispanicarum. D. Garidelius ait in Provincia mulierculas rusticas aquam Olivarum usurpare ad affectiones Hystericas sedandas; eamque hominibus simili morbo sub morbi Hypochondriaci nomine cognito correptis exhibere; neque pro potu solummodo, verum etiam in clysteribus uti. Dosis pro potu cyathus cumulatus.

Rx. Olei Oliv. ℥j. pro Enemate adversus alvum summopere adstrictam. Vel.

Rx. Fol. Malvæ, Mercurialis, & Parietariæ ana. Man. j. coque in aquæ ℥ij. ad medias. Colaturæ adde Olei Oliv. ℥ij. pro Enemate.

Potio vermifuga oleosa.

Rx. Aquæ Portulacæ ℥vj. Confectionis Hyacinthinæ, & Sem. contra ana. ℥β Syrupi Limon. ℥β. Olei virginis ℥j. M. pro potione.

Linimentum contra adustiones.

Rx. Olei Oliv. opt. ℥j. Cera virg. ℥ij. coletur cera super cinerarium calidum; Adde deinde Oleum, & fervetur ad usum. Illinientur partes affectæ, charta cærulea, postea obtegendæ, idque identidem repetetur.

Unguentum adversum easdem.

Rx. Olei Oliv. opt. ℥j. β. Cera virg. ℥j. & Vitella Ovorum sub cineribus indurata N. ij. Liqueatur Cera leni igne, adde deinde Oleum, & Vitella Ovorum, omnia miscendo, usque dum Unguenti consistentiam acquirerint, quod ad usum servabitur. Super linteolum eo frigido probe expanso partes adustæ obtegantur, binis de die ad sanationem usque vicibus.

O L I V E L L A .

OLIVELLA, Offic. Chamelæa tricoccos, C. B. P. 462. J. B. I. 584. *Inst. R.* H. 651. *Raii Hist.* 1710. *Park.* Chamelæa, *Dod. Pempt.* 363. Chamelæa vera; *Camer.* Chamelæa Arabum tricoccos, *Ger.* Mezereon Arabum *Adv. Lob.* vulgo, *Camelée Garoupe Olivier nain, ou batard.*

Ei radix est dura, & lignosa, caulesque promit minutos, ramosos, ad altitudinem pedis, pedis cum dimidio, vel duorum pedum, & ultra excrecentes in modum Arbusculæ, foliis Oleæ similibus, ornata, minus vero acutis, exilioribus, magisque nigricantibus. Flores in foliorum alis parvi, lutei, plerumque monopetali, ac trifidi enascuntur, quorum subeunt locum fructus tribus nucleis paululum carnosus, constantes, principio virides, & maturescendo rubri, tunica obiecti, sapore amaro, & adurenti: nuclei ossei sunt, durissimi, semenque plerumque oblongum occludunt. Fructus collecti, & aliquo temporis spatio servati, nigricantem aquirunt colorem, & Olivarum more, adipe circumfunduntur. In regionibus calidis excrescit Italia, Provincia, & Occitania, in locis desertis, rudibus, & incultis. Juxta Clusium abundat in Hispaniarum regnis Valentiano, & Arragonensi, perque totam Catalauniam; illic tamen demissior albidiorque est, quam in Gallia Narbonensi, in qua robustior, viridiorque apparet. A Curiosis in Belgio, & Germania, ac alibi colitur; difficile tamen per Hyemem in regionibus frigidis conservari potest, nisi loco clauso, aut hypocausto custodiatur. Aprili floret, quandoque Æstate, atque in magno æstu juxta loci diversitatem. Plerumque fructus Augusto maturescit; ramisque appensus remanet, ut Prunus, & Laureola; Planta hæc quoque semper viridescit. Fructus, folia, & cortex gustu acri, & adurenti prædita sunt.

In se habet plurimum salis essentialis, & fixi, atque olei. Nescimus vero utrum Chamelæa a veteribus usitata una, eademque cum nostrate sit reputanda; hoc dubium maxime videtur. Ab ipsis, ut purgans violentissimum habebatur adeo, ut vi caustica, & mordaci, stomachum & intestina posset exulcerare: Hinc satagebant, ut qualitas hæc corrigeretur, vel maceratione in aceto, vel alio acido, aut infusione ex Vino instituta: a nobis tamen in planta adhuc descripta tanta vis neutiquam invenitur. Johannes Bauhinus asserit juxta exemplar celeberrimi Rondeletii, a quo pluries dum viveret Monspelii usurpabatur, hujusce Extractum ad 3 j. vel 3 ij. una cum aliis catharticiis hydragogis, in omnibus iis casibus exhibuisse, in quibus temperamenta phlegmatica, & pituitosa purganda esse indicabantur, hujusce enim ope lenissime id obtinetur, nec violento Laureolæ impetu, cui hæc comparatur; addit inde eandem plantam tusam, & Cataplasmatibus forma in pubis regione applicatam, tanquam efficacissimum remedium ad urinas Hydropicorum ciendas, expertum fuisse.

Opiata liquescens Martialis, & aperiens.

Rx. Croci Martis aper. 3 ℥. Gummi Ammoniacy, & Myrrhæ ana. 3 j. ℥. Diagridii, Aquilæ albæ, Extracti Chamelææ, & Millepedum p. ana. 3 ℥. Salis Absinth., & Tamarisci ana. 3 j. Croci Orient., & Cinnamomi ana. *Tomi II. Pars II.*

℞ ij. f. p. & M. cum f. q. syrupi Cychorii cum Rhabarbaro; exhibeatur 3 j. β. mane jejuno stomacho, nebula obvolvenda, per dies xij., superbibendo cyathum Ptisanæ aperientis.

O N O B R Y C H I S.

ONOBRYCHIS, *Offic.* Onobrychis foliis viciæ, fructu echinato major, floribus dilute rubentibus, C. B. P. 350. *Inst.* R. H. 390. Polygalon Gesneri, J. B. 2. 335. Onobrychis, *Dod. Pempt.* 548. Onobrychis quibusdam flore pallido, vel Polygalon, J. B. *Raii Hist.* 936. Onobrychis vulgaris, *Park.* Onobrychis, sive caput gallinaceum, *Ger.* Caput gallinaceum Belgarum, *Adv. Lob.* Onobrychis, *Dioscor. Plin. & Galen.* Polygala multorum, quibusdam Onobrychis, *Lugd. Hist.* Glaux, sive Crista gallinacea, *Quorumd.* vulgo, *Sain-Foin* ou gros Foin.

Ejus radix longa, mediocriter crassa, dura, lignosa, nonnullis suffulta fibris, extus nigra, intus alba, vivax, plures extollit caules fere semper pedales, erectos, firmos, virides sub-rubros, foliis Viciæ, aut Galegæ fere similibus, ac exilioribus, in antica sui parte viridibus, postica vero albis, atque villosis, mucronatis, paribus in costa, uno tantum folio terminata, appensis, gustu amaro, odore leviter bituminoso, floribus leguminosis, spicatis, ex foliorum alis exeuntibus, plerumque rubris, raro albidis, villosis calycibus suffultis, quibus succedunt parvæ siliquæ ad modum cristæ gallinacæ incisæ, rudibusque spiculis inhorrescentes, reniforme semen tegentes, adinstar Lentis crassum, & Fœnu-græco fere simile, suavi, adhuc recens, sapore præditum.

Altera quoque Onobrychis species invenitur, a præcedenti, nisi omnium sui partium, excepta siliqua, exilitate distans. Extat etiam Onobrychis Hispanica, cujus flos coloris est ignescentis, aut albi, a Curiosis in hortis facta. Neque Onobrychis nostra juxta Nonnullos cum Medica quandoque etiam Trifolium majus nuncupata, est confundenda; plantæ enim sunt admodum inter se distantes, quamvis nonnihil similentur.

Sain-Foin Gallice appellatur, quia potissimum inter omnia *Fœnu* genera *sanissimum* est, magis ab animalibus appetitum, nutriendum, iisque cito pinguedinem concilians. Ab aliis vero, & præcipue Veteribus scribitur *Saint-Foin*, quasi *Fœnu-sacratum* quis diceret, ob ejusdem excellentiam. Ab omnibus vero receptum est, prata optima esse recensenda, in quibus facta fuerint Onobrychis, Trifolium, & Medica. Onobrychis appetitum conciliat, enutrit, & pinguefacit armenta; quidpiam tamen habet calefacientis, facile ubique excrefcit, solo etiam sterili, ac sicco, pro animalium nutrimento fertur; lactis copiam Vaccis, aliisque læminei sexus bestiis suppeditat, hinc a Gesnero jure, ac merito *Polygalon* nuncupatur. Advertendum est bestiis ægrotantibus, Onobrychim propinandam non esse: exsiccanda etiam in primis est, iisque exigua quantitate exhibenda, sanguificationem enim in iis adeo adaugere solet, ut si in ea voranda excedant, suffocationis periculum immineat. Semen aptissimum est ad Gallinas enutriendas, ac calefaciendas, ejusque ope ova edunt frequentissime. Pratum Onobrychi satum, quatuor annorum spatio constanter pullulat, & plerumque etiam octo, & decem annorum spatio. Arva etiam inveniuntur, in quibus adeo excrefcit, vigetque, ut qua-

ut quatuor, aut sex vicibus in anno excidatur, & ad viginti, & triginta quoque annos perduret. Hoc præterea commodi præstat, ut nullam solo inferat sterilitatem, quin immo arva infœcunda ita pinguescat, ut absque fimi adiumento, apta sint ad segetes, trium annorum integro spatio, celeriter progignendas: Junio, & Julio flores emittit; haud frequenter vero in usum medicum venit.

Olei, salisque essentialis habet plurimum; detergens, aperiens, & diaphoretica est. Magis a Veteribus, quam a Neotericis usurpatam conspiciamus; quum enim Plantarum cognitio de die in diem magis excreverit, aliæ Plantæ majori vi præditæ ac easdem indicationes adimplentes facile inventæ fuerunt. Dioscorides, & Galenus ejusdem folia contusa Cataplasmatibus forma ad tumores, & infaliones resolvendas applicabant. Decoctio ejusdem foliorum exsiccatum ex Vino maximum est remedium juxta Plinium adversus Stranguriam. Ad sudorem ciendum ejus succus cum Oleo mixtus aliquando usurpabatur. Nostri diebus hujusce plantæ decoctio in aqua fontis ad easdem indicationes adhibetur largius agris exhibenda. Observatum fuit, Onobrychim diligenter collectam, & probe exsiccatum, vasisque servatam odore Theæ scaterre, & quandoque peritis etiam, pro Theæ Viridi exhibitam fuisse, folia enim pari ratione rotundantur, dummodo vix ante floris eruptionem colligantur.

O N O P O R D O N.

BOtanici ONOPORDON denominationem duobus Cardui speciebus tribuunt, aliquando a Medicis usurpatis, de quibus hic sermonem instituemus.

Acanthium, Spina alba, *Offic.* Spina alba tomentosa, latifolia, vulgaris, C. B. P. 383. Spina alba sylvestris, *Fuchsio*, J. B. 2. 54. Acanthium vulgare flore purpureo, *Tabern. icon.* 686. Cardus tomentosus, Acanthi folio, vulgaris, *Inst. R. H.* 441. Acanthium vulgare, *Park. Raii Hist.* 313. Acanthium album, *Ger.* Acanthium, *Matth. Dod.* Cardus alatus, tomentosus, latifolius, vulgaris, *Hist. Oxon.* Cardus Leucanthemus, *Schrod.* Onopordon Athenæi, *Anguill. Gesn. Hort.* Acanthium, Onopordon aliis, *Camerar. Hort.* Acanthion, five Cardus albus *Brunf.* Cardus sylvestris in rudibus nascens, *Cæsalp.* Onopordon foliis decurrentibus margine spinosis, *Linn. Hort. Cliff.* 393. Spina alba agrorum, Agriocinara, Acantha Leuce seu Leucacantha, *Nonnull.* vulgo, *Chardon commun, grand Chardon aux Asnes, Artichaud sauvage.*

Radice est tenera, alba, sub-dulci in planta adhuc adolescenti, quæ proprietates ætate mutantur, caule efformato, qui ad trium, aut quatuor cubitorum, ad quatuor, scilicet vel quinque usque pedum altitudinem excrevit, pollice crassior, striatus, cavus, lanugine quadam alba indutus, ac in longum spinosis, sinuosis, eminentibus, aut effusis, ac lanuginosis membranis munitus. Folia cauli continua sunt, manum superantia, lata, sinuosa, eorum extremis parvis spinis horrescentibus, quaquaversum lanugine alba oblecta, exiliora præsertim, antequam caulis perfecte efformetur, Acantho similia. In caulium, & ramulorum apicibus, conspicua locantur capita, plerumque solitaria, depressa, & lata, squammis in mucronem longum acutum, & rigidum terminantibus, atro-luteis adinstar foliorum conflata. Capita hæc veluti globulos florum purpureorum, aliquando albescentium superius expansorum, & in habenas incisorum sustinent, qui in semina abeunt striata, rugosa, Cnici semi-

nibus similia, exiliora tamen, coloreque diverso, gustu acri ad amarum accedente. In locis rudibus, & incultis excrescit, in viarum, & fossarum, marginibus, juxta sepes, aggeres, & fere ubique: altero anno floret post Junium, ad Augustum usque, radixque perit post seminis maturitatem, ut in plerisque Carduis evenit, qui tamdiu durant, quamdiu semen perfectum est.

Radix a Medicis usurpatur. Donatur virtute, aperitiva, diuretica, carminativa, stomachica, discutienti, & ressolventi. A nonnullis etiam in morbis dentium commendatur, ab aliis magni fertur semen adversus Convulsiones, insultusque epilepticos infantum. Juxta Johannem Bahuinum ejus flores vim habent lac coagulandi, ex quo planta *Presura* quoque vocatur.

Cardus Eriocephalus; *Offic.* Cardus capite rotundo, tomentoso, C. B. P. 382. *Inst.* R. H. 441. Cardus capite tomentoso, J. B. 3. 57. Cardus Eriocephalus, *Dod. Pempt.* 723. Cardus tomentosus, Corona fratrum dictus, *Park. Raii Hist.* 311. Onopordum, *Plin. Lugd. Hist.* Acanthium montanum, Cardus montanus echino lanugine obducto, Cardus globosus capitulo majore, seu latiore, corona fratrum Herbariorum, *Nonnull.*, vulgo, *Pet d' Asne des Parisiens*.

Radix crassa est, gustu aromatico, neutiquam ingrato, ad instar caulium, & foliorum, excepta medullari substantia alba, sicca, & insipida. Caulem effert lanuginosum, striatum, tricubitalem, & ultra, magno lævium ramorum numero divisum, manibus ægre contrahendum ob foliorum spicula, quæ pedem, aut pedem cum dimidio longa, & arcta sunt, lanugine inferne obducta, superne vero atro-viridia, rudia, ut in Viperina, spiculis longis, rigidis, & acutis referta, & minoribus quamplurimis foliis constantia, quatuor per intervalla quæque locatis, bina scilicet singula in costa, tam in parte antica, quam in postica. Capita crassa, rotunda, squammosa, amara, spiculis vix acuminatis, lanugine alba, delicata, & densa inspersa in apicibus ramorum locantur, flores plurimis staminibus, diversisque coloribus ministrantia, in quorum postica parte pulpa carnosa, & alba invenitur gustus grati, & aromatici; tandem vero abeunt in semina oblonga, lucida, cinerea, striata, mediocriter plana, dulcia, in quadam lanuginis, aut gossipii specie obvoluta. Quum autem caulium capita segregantur, lactiginosus effluit succus. In marginibus viarum, in arvis, pratibusque, in locis elatis, montanis, & incultis excrescit, frequensque occurrit in agro Parisiensi, quamvis præcedenti rarior sit, Julio, & Augusto floret, quandoque serius. Cardus hic aspectu gratissimo semine e capitibus delabente propagatur, satus vero Hyemi adhuc vestitus foliis resistit; caulem vero nisi altero anno emittit, quo perit, quum semen ad maturitatem pervenerit. Johannes Bahuinus inquit, *Coronam Fratrum* ideo vocari, quia, dum rami eandem altitudinem acquisiverint, suis capitibus onusti, caput in media caulium summitate positum circumdant, ut Monaci plerumque Abbatem, aut Priorem ambiunt.

Aliquem etiam usum Medicum habet Planta hæc. Petrus Borel *Observatione* 51. *Centuriæ duodecimæ* nos edocet, Rusticum sanatum fuisse a Nasi Carcinomate, hujusce plantæ succo, & tetrimento sæpius cataplasmatibus forma applicato, quod ab alio quoque rustico excepit, qui plures sanaverat. D. Tournefortius facultatem hanc ad mammarum Carcinoma usque amplificat. Experimenta ab eo prolata facile comprobari possunt; vulgarissima enim est hæc Cardui species, & nihil fere certi in hac Medicæ artis parte usque ad

huc prolatum fuisse scimus, præsertim quum agatur de morbo gravissimo, uti est Cancer fere semper incurabilis reputatus. Rajus asserit, a nonnullis Cardui capita, ante floris eruptionem in aqua decocta, & butyro, ac pipere condita, in mensis ad varietatem usurpari, tamquam Cinara ab ipsis summopere in deliciis habita.

O P H I O G L O S S U M.

OPHIOGLOSSUM, Offic. Ophioglossum vulgatum, C.B.P. 354. *Inst. R.H.* 548. Ophioglosson, J. B. 3. 708. *Dod. Pempt.* 139. *Raii Hist.* 126. *Trag. Ger. Fuchs. Camer. Tabern. Eyst.* Ophioglossum, sive lingua serpentina, *Park. Cæsalp. Cast.* Lancea Christi, vel Luciola, *Gesn. Hort.* Ophioglossum, sive Henophyllon, *Lob. icon.* 808. Lingua sive Lingulaca, *Plin.* Lingula vulneraria, *Cord. Hist.* Serpentaria secunda, *Brunf.* Ophioglossum fronde ovata, *Linn. Flor. Suec.* 305. Folium unifolium, Monophyllum, Ophioglossus, Echioglossum, lingua viperina, *Quorumd.* vulgo, *Ophioglosse, herbe sans Couture.*

Radicem habet plurimis crassis fibris stipatam, veluti in fasciculum coacervatis, ut in Eleboro, præcipue in solo pingui. Caudam vero emittit manum altam, unicum tantum folium sustinentem, quoquo modo Pyri foliolæ simile, crassius tamen, carnosum, læve, nullatenus nervosum erectum, quandoque angustum, & oblongum, quandoque latum, & rotundum, gustu subdulci, aliquantula virulenta viscositate commixta. Ex hujusce folii sinu, præsertim qua pedunculo connectitur exit fructus parvam depressam linguam referens, sensim in mucronem desinentem, in extremis ad modum limæ denticulatus, & per longum in plures cellulas divisus, quæ feminis loco tenuissimum pulverem occludunt, qui sponte cadit, quando maturus fructus aperitur, vocaturque *lingua serpentis* ob ejusdem fructus extremitatis configurationem. In pratis, paludibus, aliisque humidis, aliquando etiam in montanis, fontibus refertis locis excrescit; in hortis ad umbram translata perdurat, iterumque singulis annis pullulat Aprili, aut saltem Majo, vigetque toto Junio; pauloque post omnino flacescit, ac evanescit: ejus radix tamen profunde in terram descendit, ut difficillime evelli possit. Caspar Bauhinus observat, Ophioglossum variare, quandoque scilicet folium extollit sinuosum, fructumque communiter simplicem, aut duplicem, aut triplicem. Mentzelius idem adnotavit, præter alias, respectu magnitudinis, varietates. Nonnulli putant, Veteres de hac planta nusquam verba fecisse, aut saltem Botanici, probe non videntur inter se consentire, quo sub nomine iis nota fuisset. Frequenter in agro Parisiensi ob oculos versatur in terris humidis. Ophioglossum plurimum olei, & phlegmatis, ac parumper salis elargitur. Omnes conveniunt, vulnerarium esse, aut interne, aut externe applicatum. Dodonæus asserit, Johannem Baptistam Sardum, Hernias sanare posse existimasse, pulverem hujusce plantæ usurpando; a Cæsalpino vero, tusa pro Cataplasmate commendatur adversus ulcera. Vulgatior ea utendi modus est, Infusio in optimo Oleo Olivarum per aliquod temporis spatium Soli exposita, & per linteolum expressa. Ita Balsamum utilissimum contra vulnera paratur, eademque dignum æstimatione, ac Oleum Hyperici. Usurpatur etiam Balsamum hoc, in faucium violentis morbis, affectas partes illiniendo, ejusque cochleari ægris exhibito.

Folia hujusce plantæ in Balsamis vulnerariis, & *Oppodeltoch Pharmacopæe Parisiensis* adhibentur.

O P H R Y S .

OPHRYS seu Bifolium, *Offic.* Ophrys bifolia, C. B. P. 87. *Inst.* R. H. 437. *Ger.* Bifolium majus, five Ophrys major quibusdam, J. B. 3. 533. *Raii Hist.* 1232. Pseudo-Orchis Bifolium, *Dod. Pempt.* 242. Bifolium sylvestre vulgare, *Park.* Ophris, *Matth. Fuchs. Anguill. Cost.* Bifolium majus, Ophris, *Plinii*, *Schvvenck.* Perfoliata sylvestris mas, *Brunf.* Ophrys foliis ovatis, *Linn. Hort. Cliff.* 429. Alisma, Orchis spuria, five satyrium degener, *Quorumd.* vulgo, *Double-Feville.*

Radicem habet fibrosam, cineream, sese undique late expandentem, caulemque unicum emittentem, quandoque pedis dimidium, quandoque pedem unum, & quandoque etiam pedem cum dimidio altum, rotundum, in centro bina solummodo opposita folia nervosa, lata, & Plantaginis vulgaris foliis similia ferentem. Ejus apex ornatur floribus sex bracteis compositis, quarum quinque superiores galeam, sexta vero, five inferior, quoquo modo humanam figuram repræsentat, colore sub-viridi, aut dilute-viridi, horum florum postea calyx in fructum lanternæ trium laterum æmulum, & semina minutissima, lignorum rasuram æmulantia condentem, immutatur. Radicis gustus amaricans est, nonnihil acris ac viscidum præferens; caulis vero, foliorumque sapor viscosus est. In agro Parisiensi occurrit, in nemoribus, aliisque humidis, & umbrosis locis excrescit, Majo, Junioque floret, quo potissimum tempore est colligenda. Quamvis autem usum Medicum vulgatissimum, neutiquam habeat, tamen ejus radix, & folia usurpantur: adnotandum est Bifolium magnitudine varium esse, speciemque alteram *Ophrym trifoliam* nuncupatam a prima in alio non differre, nisi tribus inæqualibus elatis foliis, quorum prima, duo opposita, tertium vero exilius ex alterutrorum connubio progignitur.

Planta hæc plurimum habet phlegmatis, atque olei, salisque parum. Veteres, & Neoterici de ea consentiunt, interque vulnerarias, detergentes, & consolidantes enunciant. Radice contusa Cataplama adversus antiquas plagas, & ulcera paratur; ab aliis tota planta, radices, & folia in optimo Olivæ Oleo infunduntur, & Solaribus radiis subinde exponuntur, optimumque Balsamum conficitur.

O P U L U S .

SAMBUCUS aquatica, *Offic.* Sambucus aquatica flore simplici, C. B. P. 564. Sambucus aquatica, J. B. 1. 552. Sambucus palustris, *Dod. Pempt.* 846. Opulus Ruellii, *Inst.* R. H. 607. Sambucus aquatilis, five palustris, *Ger. Raii Hist.* 1586. Sambucus palustris five aquatica, *Park.* Opulus, *Linn. Hort. Cliff.* 109. Lycostaphylos five uva Lupina, Clinotrochos seu Lectirotaria, Platanus foemina, Obierus five Opierus, *Quorumd.* vulgo, *Obier ou Opier*, *Sureau d'eau.*

Ei radix est crassa, firma, alba, caulemque emittit, quinque aut sex cubitos altum, qui deinde crassescit, manumque adimplet, atque in quampluri-

plurimos dividitur ramulos, Sambuco similes, perque intervalla nodosos; tectos cortice lævi, cinereo, medulla fungosa, alba, tenera, ac fragili repleto. Folia lata, angulosa Aceri minoris, & Alifariæ foliis simillima e nodis exeunt. Duobus constant speciebus flores parumper odori, & umbellati; in circumferentia locati, magnitudine, colorisque albi elegantia, prævalent, simulanturque Rosis exilioribus, quinque concamerationibus foramine pistillum recipientes e medio calycis exiens, hi autem flores steriles sunt, nullumque semen relinquunt: Centrum vero occupantes exiliores & sub-lutei sunt, serius explicantur, & pocula quinquifida repræsentant, in quorum centro foramen adest Calycis apicem excipiens, qui tandem in baccam, aliquanto crassiores Sambuci Bacca, mollemque abit, quæ eo magis rubrum acquirit colorem, quo magis maturefcit, gustumque habet austerum, semenque planum, latum, durum, rubrum, ac cordatum. Arbuscula juxta aquas, fluviorumque margines feritur; crescit etiam inter Alnos in pratis humidis, vallibusque umbrosis Italiæ, Germaniæ, Galliæ, Angliæ, & in agro Parisiensi frequens occurrit in locis humidis, & paludosis, Majo floret, bacca vero Autumno maturationem nanciscuntur, per Hyemem perdurant, pabulumque gratissimum præbent quibusdam avibus, quo facilius aucupantur.

Alia Opuli species invenitur a D. Tournefortio, *Opulus flore globoso*, nuncupata; nisi floribus conglobatis, plerumque albis, adinstar nivis, quandoque vero purpureis a præcedenti distat; vulgo nuncupatur, *Rose de Gueldres*, *Pain blanc*, ou *Pain mollet*, inque hortis ornamenti genus est non continendum, ita tamen hodie vulgatum, ut quondam exquisitissimum. Hujusce floribus cubilia consperguntur, ob eorum tum odorem, cum elegantiam.

Ferme nullum usum Medicum Opulus habet. Nonnulli asserunt, aquam distillatam florum ejusdem urinas ciere, arenulasque depellere. Prevotius asserit, juscule pingui, in quo ebulliverint 3 ij. fructus hujusce plantæ cum pauca Absintii summitatum quantitate, blande vomitum excitari. Dalemchampi in *Historia plantarum Lugdunensium* huic pariter emeticam facultatem largitur. Juxta Cordum baccarum succus Autumno amarus est, & mediocriter dulcis, ac acidus; Verno autem tempore subsequente, magis adstringens efficitur, utpote Hyeme intermedia magis exsiccatus.

O R C H I S.

JUre ac merito queritur Rajus in ORCHIS historia plurimum obscuritatis, & confusionis inveniri, tum ob specierum varietatem, & nonnullarum inter se similitudinem, cum ob generalem nimium, ac imperfectam Botanicorum descriptionem; hinc peritissimorum etiam quorumque studia morantur: Et ratio potissima est, quia figuræ de hisce exhibitæ non satis aptæ sunt, ut specierum omnium differentia a naturæ scrutatoribus distinguantur, charactéristica enim quæque earum signa delineari vix arte possunt, ita ut OEdipode opus esset ad ea divinanda. Quamobrem hac disquisitione instituto nostro non consentanea prætermissa sat erit, asserere inter diversas Orchis species in pratis, nemoribus, collibus, montibus, locis umbrosis, & apricis, siccis, aut humidis enascentes, variisque tempestatibus Vere scilicet, Æstate, & Autumno flores emittentes, frequentius in usum Medicum eas venire, quæ radices habent bulbosas, & carnosiores, ac præcipue sequentes duas.

Orchis,

Orchis , seu Satyrium , *Offic.* Orchis Morio mas foliis maculatis , C. B. P. 81. *Inst. R. H.* 432. Orchis major tota purpurea ; maculoso folio , J. B. 2. 763. Testiculis Morionis mas , *Dod. Pempt.* 236. *Lugd. Hist.* Cynosorchis Morio mas , *Tabern. icon.* 66. *Germ. emac.* Testiculus primus , *Matth. Serapius* seu Morio maculosus , Testiculus Caninus , *Nonnull.* Testiculus canis mas foliis angustioribus *Fuchs.* vulgo , *Satyrium*.

Ejus conflatur radix ex duobus tuberculis ferme rotundis , carnosis , Nucis Moschatae crassitie , quorum alterum plenum , durumque est , alterum vero rugosum , fungosumque , fibris qua crassis stipatum . Ab ea statim sex , aut septem folia , & ultra exeunt longa , mediocriter lata , levia , Liliorum foliis similia , & exiliora ; plerumque maculis atro-rubescens distincta , aliquando his destituta ; caulis vero vix pedem æquat , rotundus , striatus , uno , aut duobus præcinctus foliis , atque in sui apice spicam promit floribus constantem aspectu pulcherrimis , purpureis , numerosis , paulisper odoris , centrum versus albicantibus , nonnullisque punctis atro-purpureis conspersis . Quicumque flos sex inæqualibus constat foliis , quorum quinque superiora sese incurvando galeam veluti efformant , inferius vero cæteris prævalet magnitudine , ita ut ad instar capitis ortum habens , in caudam , aut cuspidem , ad calcaris modum , acutam desinat . Flores plus , minusve in spica clausi sunt , eorumque calyx in fructum secedit , lanternam trium laterum æmulantem , & semina scobiformia condentem . Aprili exeunte , & ineunte Majo florescit , inque dumetis , sylvulis , pratibusque frequenter occurrit . Facile Orchis hæc nosci , interque cæteras ejusdem generis distingui potest , ex iis enim quæ sponte inter nos nascuntur , omnium prima florem emittit : apparet etiam in agro Parisiensi , varietatemque exhibet , accidentaliter solum a præcedenti discrepantem , foliis scilicet maculis sub-nigris destitutis . D. Vaillant observat , ejusdem folia quandoque decumbere , rotamque super solum efformare , additque , quadraginta tres usque flores in uno tantum caule numerasse .

Orchis latifolia , seu major , *Offic.* Cynosorchis militaris major , C. B. P. 81. Orchis strateumatica major , J. B. 2. 758. Orchis militaris major , *Inst. R. H.* 432. Orchis latifolia altera , *Clus. Hist.* 267. Orchis strateumatica vel stratiotes major , sive militaris , C. *Gemmæ Lob. icon.* 184. Orchis strateumatica , *Ger. Raii Hist.* 1213. Orchis militaris , sive strateumatica , major , *Park.* Orchis basilica , Testiculus Caninus Major , *Nonnull.*

Ejus radix , ut in præcedenti , binis bulbis carnosis , aliquanto crassioribus , & olivaribus componitur , caulemque emittit pene cubitalem , spicam longam in apice efferentem , pyramidalem , plus , minusve clausam , floribus amplis , aspectu gratis , intus sub-albidis , maculis purpureis in summitatibus distinctis , extus rubicundioribus , odore forti , & ingrato , galeamque referentibus . Folia amplissima sunt , longa simul , atque lata , initio sphaerica , e terra , ut in fere omnibus Orchis speciebus succedit , Novembri pullulantia . Majo floret , & in omnibus agri Parisiensis nemoribus reperitur . Flores hirci odore foetentissimo scatent , coloreque plurimum variant . In hac quoque , uti de alia diximus , testiculus falacidus , alterque turgidus invenitur : singulis enim annis bulbus anni præcedentis flacescit , ejusque loco novissimus apparet .

Aliæ etiam quamplurimæ vulgatissimæ Orchis species , tum radicibus bulbosis , cum ad modum manus adapertæ efformatis , & *Palma Christi* vocatæ ,
duobus

duabus supradictis commode substitui possunt : quæcumque vero sint radices usurpandæ, certe seligendæ sunt crassæ, probe enutritæ, compactæ, succulentæ, gustus dulcis, atque viscosi, Vere e terra elicitæ, antequam scilicet caulem emittant. Johannes Bauhinus observavit in Orchis bulbosa non bulbos indiscriminatim, sed duriores solummodo, succoque pleniores in usum esse revocandum ; flacidior vero, & rugosior minus aptus videtur.

Omnes Orchis species plurimum olei, salisque volatilis elargiuntur ; in immenso autem earum numero, ruri obvio, communiter prædictæ tantum seliguntur, utpote quæ radices habent probe enutritas, & ponderosas. Notum est, nonnullos Alchymistas Paracelsi asseclas, proprietates quibusdam plantis tribuisse, ob similitudinem quarundam earum partium cum humano corpore, vel cum aliquo hujusce morborum effectû. Bulbi vero, ex quibus radix Orchis conflatur testibus simillimi Philosophorum, & Medicorum tum Veterum, cum Recentiorum, & Alchymistarum vulgatæ opinioni ansam præbuerunt, qua creditur, bulbum ejusdem pleniores, & enutritum ad generationis opus utilem esse, & contra proximum exsiccum, flacidumque contrarium effectum progignere ; & hæc fuit Theophrasti, Galeni, & Plinii sententia a posteris omnibus recepta : nihilominus verissimum est, & experientia quotidie comprobatur, Orchim, cujuscumque sit speciei, hisce fictis dotibus præditam non esse, præsertim si bulbi solitarie usurpentur, quum sit extra omnem quæstionem pleraque remedia, tam solida, quam liquida, *Aphodrisiaca*, & *Magnanimitatis* nuncupata, quamplurimis acribus, & aromaticis, uti Pipere, Zingibere, Oleis Cinnamomi, & Caryophyllorum, Moscho, Ambra grisea, aliisque ejusdem naturæ, ad supradictum effectum edendum, simplicibus bulbis Orchis, aptioribus, componi. Quidquid vero a Crollio prolatum fuit in suo Opusculo de *Signatura Plantarum*, & quidquid Alchymistæ post illum ausi sunt asserere, ad opinionem quotidiana experientia repulsam confirmandam, sufficere non videtur, præsertim quum incongruæ tantum auctoritati, & analogiæ penitus erroneæ innitatur. Quomodocumque tamen res se habeat, invaluit usus, bulbos Orchis exsiccandi, & in pulverem redigendi, cujus ℥ss. in optimi Vini cyathis exhibetur ad lumen augendum, partesque generationi dicatas roborandas. In Officinis etiam in promptu est Conserva, quæ iisdem in casibus apta censetur a ℥ij. ad ℥ss.

Inter vero diversas radices, aut bulbi Orchis præparationes, tutior nobis ea videtur, quæ in *Actis Academiæ Scientiarum anni 1740. pag. 96.* reperitur, ejusque inventum debemus D. Geoffroy fratri Medici celeberrimi, cujus Operis supplementum aggressi sumus. Cum eruditissimus hic Academicus cognovisset *Salap*, radicem nempe albam, sub rubram, & diaphanam apud Turcas usitatissimam ad vires debilitatas reficiendas, nihil aliud esse quam Orchis speciem, præparationem instituit de hac postrema, præsertim in locis, in quibus Orchis abunde crescit, sequenti ex ipsius verbis decerpta ratione.

Recipiendæ sunt radices, aut bulbi Orchis probe enutriti, excorticandi, frigida infundendi per horas aliquot, ac in ejus sufficienti quantitate coquendi, & percolandi, postea vero filo congesti ad aerem exsiccandi, aptiori pro hac præparatione tempestate sicca nempe, & calida : Diaphani fiunt, durissimi, frustulis Gummi Tragacanthi similes : quandiu libuerit conservantur, dummodo loco sicco repositi sint : dum e contra radices absque hac diligentia paratæ cœlo pluvio humectantur, atque mucescunt.

Prædicti bulbi ita parati in pulverem quantumlibet tenuissimum reduci possunt : cujus gr. xxiv. recipiuntur , paulatim ferventi aqua , humectantur , qua pulvis omnino liquatur , mucilaginemque efformat , quæ ebullitione cum ℥ j. aquæ fontis dissolvi potest , gratiorque reddi , saccharo , mitive aliquo aromate permixto . Pulvis hic etiam cum lacte sociari potest , ægrisque morbis pectoris affectis favet . D. Geoffroy observavit , remedium esse temperans , lymphæ acrimoniam contundens , atque in Phthisi Dysenteriisque biliosis aptissimum .

℞. Pulv. Rad. Orchis juxta præparationem D. Geoffroy ℥ j. Humectetur paulatim aqua ferventi , dissolvaturque postea in ℥ j. ejusdem aquæ . M. cum æ. q. Lactis Vaccini , & adde s. q. sacchari ad gratiam . Dividatur in quatuor portiones de die exhibendas , convenienti temporis spatio , aut per biduum dimidium dosis supradictæ in Phthisi pulmonari , & Dysenteria biliosa .

Planta hac nomen mutuatur Electuarius de Satyrio , ℥ j. præscribendum ad spiritus excitandas , viresque labentes erigendas . Foliis quoque Cosmeticum paratur , cui penitus nullam non secus ac cæteris remediis ex Orchi elicitis , fidem præstamus .

Opiata roborans , & stimulans .

℞. Elect. de Satyrio ℥ j. β. Theriacæ Androm. ℥ vj. Sem. Eruæ ℥ iij. Trochis. de Vipera , & Boracis ana. ℥ ij. Essentiæ Ambari liquid. gut. xxx. M. cum s. q. syrupi flor. Mali Aurant : ℥ j. nebula obvoluta sero hora somni exhibenda temporis spatio convenienti .

O R E O S E L I N U M .

IN Officinis duæ Apii montani species notæ sunt , Majus , & Minus .
OREOSELINUM , sive Apium montanum , Offic. Daucus montanus , Apii folio major , C.B.P. 150. Libanosis altera quorundam , aliis dicta Cervaria nigra , J. B. 3. 165. Raii Hist. 413. Oreoselinum Apii folio majus , Inst. R. H. 318. Libanotidis alterum genus , Dod. Libanotis Theophrasti nigra , Ger. Tab. Daucus secundus felinoides Lob. icon. 720. Daucus felinoides major , Park. Sefeli Peloponesiacum , vel Peloponense , radix Cervina nigra , Saxifragia Venetorum , Elaphoboseum nigrum , Ciminum sylvestre latum , Pinastellum , Ocellus Cervi , Pas Porcinus , Pseudocostos , Nonnull. vulgo , *Le gran Persil sauvage , ou de Montagne* .

Radices habet plurimas crinito capiti , ut in Meo , appensas , longas , & auricularis digiti crassitie , sese in terram expandentes , extus sub-nigras , intus albas , succo mucilaginoso fœtas , gustu resinoso , aromatico , & grato ad Pastinacam accedente , substantia teneriuscula ; Caulem vero emittunt ferulaceum ad quatuor , vel quinque pedum altitudinem , striatum , alisque divisum . Folia tum e radice , cum e caule exeuntia magna sunt , ampla , Apio Macedonico similia , & compactiora , lævia , colore sub-cæruleo , denticulata , longis caudis appensa , gustu radice dulciori . Umbellis magnis in caulis , & ramorum apice flores efferuntur parvi , sub-albicantes , ad purpureum accedentes , antequam expandantur , quinque petalis rosaceis constantes ; horum
locum

locum nonnulla semina subeunt bina simul juncta, lata, ovalia, plana, dorso striato, folliculo membranoso, sub-rubro clausa, Pastinacæ domesticæ semen æmulantia. In locis montanis inter pascua planta hæc excrescit, & abunde Fontisbellaquei in agro, aliisque quamplurimis Galliæ in locis parumper eminentibus, & fabulosis reperitur. Semen, & radices in usum Medicum veniunt, ut in sequenti.

Oreoselinum, five Apium montanum minus, *Offic. Apium montanum nigrum*, C. B. P. 153. J. B. 3. 104. *Raii Hist.* 413. Oreoselinum, five Veelgutta, *Dod. Pempt.* 696. Oreoselinum Apii folio minus, *Inst. R. H.* 318. Apium montanum vulgatius, & Apium montanum Parisiense, *Park. Selinum foliis ovato-acutis acute ferratis & incis.*, *Linn. Hort. Cliff.* 92. Polycrētum Cordi, Polymētum Gesneri, Valdebona Italicorum; Oreoselinon nigrum; Agrioselinon, five Apium Sylvaticum; Montapium nigrum; Multibona, *Nonnull.*

Radicem habet satis crassam, mollem, crinitam in parte superiori, extus, intusque albam, carnosam, vivacem, gustu acri, ad amarum accedente, & parumper ingrato, succo lactiginoso, viscoso, & resinoso foetam. Caulem emittit cubitalem, & ultra mediocriter crassum, firmum, striatum, nodosum per intervalla, sub-rubrum, & ramosum. Folia in solo expanduntur Apio hortensi similia, nigriora, & compactiora, satis acria, & amara, pedunculo membranaceo ad purpureum accedente, odore parum aromatico, & vinoso, caulem amplectentia. Caulibus, ramisque summis flores locantur albi, umbellati, nonnihil ampli semina foliis acriora post se relinquentes plana, atque lata, semiotunda, ante maturitatem plus, minusve rubra, & quandoque viridia. Montana, & fabulosa loca diligit; atque in agro Parisiensi reperitur, & præcipue in *Monte Valerien*; Julio, & Augusto floret, quandoque etiam serius, uti Apium montanum majus.

Oreoselinum plurimum salis essentialis, atque olei continet. Semen gustum habet acrem, & aromaticum, usurpaturque, uti radix, adversus Calculos, Icterus, & ad obstructions Hepatis, ac Lienis resolvendas, & urinas, mensesque ciendos. Radix mansa dentium dolores mitigat, salivam excitat, tormina demulcet, visus aciem acuit, plurimosque alios optimos effectus progignit. Juxta Cordon ejus lactiginosus liquor præ cæteris Plantæ partibus efficacior est, folia enim debiliora sunt, & flores medium inter folia, & radicem locum tenent.

O R I G A N U M.

INter plures ORIGANI species a Botanicis cognitæ, binæ sequentes tantum in Officinis inveniuntur, nempe Origanum vulgare, & Origanum minus.

Origanum vulgare, *Offic. Origanum sylvestre*, Cunilia bubula Plinii, C. B. P. 223. *Inst. R. H.* 198. Origanum vulgare spontaneum, J. B. 3. 236. *Raii Hist.* 539. Origanum sylvestre, *Dod. Pempt.* 285. Origanum Anglicum, *Ger. Majorana sylvestris*, *Park. Agrioriganum*, five Onitis major, *Lob. icon.* 492. Origanum Italicum, *Cæsalp.* Origanum foliis ovatis, spicis laxis erectis, confertis paniculatis, *Linn. Hort. Cliff.* 305. Origanum Onites, Tragoriganum, Penaces Heracleum, five Origanum Heracleoticum sylvestre, *Nonnull. vulgo*, *Origan commun.*

Radi-

Radices donatur minutis, lignosis, fibrosis, oblique in terra concisis; quæ plures emittunt caules duos, quadratos, villosos ad duorum, vel trium pedum altitudinem. E caulium nodis, folia invicem opposita ortum trahunt; quorum majora Calaminthæ vulgari, exiliora vero Majoranæ simulantur, villosa quoque, ac odora sunt, gustu acri aromatico. Flores umbellati, in caulium apicibus et spicis gracilibus, & squammosis fasciculos efformantibus exeunt; horum unusquisque labiatus vertice binis labiis distincto, roseus aut ex albido-ruber, in semen abit minutissimum, fere rotundum, capsula oblonga e floris calyce proveniente conclusum. Planta hæc non in regionibus calidis solum, verum etiam in frigidis crescit, Germania nempe, Anglia, & Gallia. In agro Parisiensi, in locis campestribus, montanis, siccis, & apricis, in dumetis, & juxta sepes luxuriat. In collibus præcipue, & montibus colitur, ex quibus nomen mutuatur; Æstate floret; Cæterum Origanum vulgare plurimum variat foliis, ac floribus. Tragus observat, ejus flores trium esse specierum, nempe saturate-rubros, albo-rubros, demum albos. Nonnulli putant, Origanum Hispanicum, & Italum nostro esse præferendum; etsi autem adeo vulgare sit, ac sponte ubique crescat, idem de sequenti dici non potest.

Origanum minus, *Offic.* Origanum sylvestre, humile, C. B. P. 223. *Inst. R.* H. 199. *Raii Hist.* 539. Origanum repens, villosum, Aurelianensium, *Hort. Reg. Par.* Agrioriganum, sive Origanum sylvestre minus, Majorana sylvestris minor, *Nonnull.*

Radice est lignosa, subrubra, fibrosa, exilemque emittit caulem, plerumque unicum, rotundum subrubrum, satis rudem, sex, aut septem pollices altum, cujus apex in plures dividitur ramulos, umbellatos flores cæruleo, & purpureo colore conspersos, cæterum præcedentibus similes, sustinentes, instructosque oppositis foliis, exiguis, oblongis, villosis, parum compactis, frequentius inordinate dispositis, quæ præcipue superiorem caulis, & ramulorum partem circumdant, odoris aromatici, & suavis, uti Origanum vulgare. Floribus semina præsto sunt minuta, rotunda, grati odoris, gustusque acris. Raro admodum occurrit planta hæc, tamen abunde crescit in nemoribus Aurelianensibus, & alibi. Præcedenti substitui potest, eodemque tempore flores edit.

Origanum acre est, aromaticum, detergens, vixque chartam cæruleam rubro inficit colore; hinc conjicere possumus, plantam hanc sale volatili aromatico oleoso, intime acidis nequiquam destituto, fatam esse, dum e contra in Sale volatili oleoso artificiali, acidum salis Ammoniaci a sale Tartari irretitus fuit; Præterea Origanum quamplurimis terrestribus particulis inficitur. Planta hæc diuretica, & diaphoretica est, ad provocandos menses aptissima. Ad modum Theæ in Asthmate, Tussique violenta, quæ a causa, ut ajunt calida ortum non ducat, usurpatur. Foliorum, & florum in umbra exsiccatorum pulvis cephalicus est, & ad modum Tabaci usurpatus e naribus copiosas seriositates expellit. Eorundem florum infusio cum successu exhibetur in mensium, & urinarum suppressione.

Tanquam optimum Stomachicum quoque reputatur planta hæc, ejus enim Aqua distillata, Oleum essentiale, Syrupus, & Conserva magnum auxilium indigestionibus, ructibus acris, flatibusque præbere solent. Oleum distillatum Origani optimum est adversus dentium dolores a carie obortos; den-

tium foramen gossipio hocce Oleo saturato est obturandum, dolorque statim cessabit. Olea Thymi, Satureæ fativæ, & Caryophyllorum aromat. eundem effectum gignunt; Etmullerus parum Camphoræ addit, quæ hujusce remediæ energiam mirum in modum adauget.

Externe in Pediluviiis, & Embroche planta hæc usurpatur adversus Vapores, Chlorosim, Paralyfim, & Rheumaticos affectus a causa frigida obortos, cerebri Catharros, collique Rheumaticam affectionem communiter *Torticolum* appellatam; ad ignem quoque Origanum exsiccat, calidumque linteolo obvolvitur, eoque caput, aut collum tegitur.

Quandoque etiam Majoranæ substitui potest, iisdem enim pollet facultatibus.

Origani folia usurpantur in Aqua Generali, & Syrupo Artemisiæ; summitates vero floridæ in Aqua Vulneraria, pulvere *Chalybis*, & in Oleo catulorum; flores autem in Syrupo Stechados, plantaque integra in Electuario Baccarum Lauri *Pharmacopææ Parisiensis*.

Fomentum contra Paralyfim.

℞. Summit. Orig., Lavend., Absinth., Thymi, Salviæ, Hyssopi, & Roris marini ana. Man. s. superaffunde ℔ iij. ferventis aquæ, ac Vase cooperto Infusum relinquatur, postea affecta pars calide abluatur, tetrimentumque Cataplasmatidis forma applicetur, quod juxta exigentiam repetetur.

O R N I T H O P O D I U M.

ORNITHOPODIUM, seu Pes Avis, *Offic.* Ornithopodium majus, C. B. P. 350. *Inst.* R. H. 400. Ornithopodium flore flavescente, J. B. 2. 350. Ornithopodium, *Dod. Pempt.* 544. Ornithopodium radice nodosa, *Park. Raii Hist.* 931. Ornithopodium tuberosum *Dalemchampi*, *Lugd. Hist.* Polygala, *Gesn. Hort.* Ornithopus, *Linn.* Herniaria, *Quorumd.* vulgo Ornithopode.

Ei radix est parva, alba, simplex, fibrosa, crinita, quibusdam parvis globulis, aut tuberculis fociata, plures etiam minutos eicit caules satis exiles, debiles, ramosos, fere in terram stratos, semipedales, & ultra in solo pingui, rotundos, & villosos. Folia Lentis foliis exiliora, invicem opposita eadem in costa, cujus extremum uno tantum folio occupatur. Flores exiles quoque sunt, leguminosi, plures ad umbellæ modum simul conjuncti in ramulorum summitate, brevibus pedunculis, coloris lutei, purpureo, atque albo permixti, calyx vero corniculum denticulatum repræsentat. Hi tandem abeunt in totidem filiquas planas, falcatas, & in vertice reflexas, quæ singulæ, quinque, sex, aut septem portionibus cuicumque extremo appensis scatent, & mucronata ungula terminantur; hæ filique binæ aut tres una enascuntur, ad instar pedum avium dispositæ, a quibus Plantæ denominatio oborta fuit. In unaquaque filiquæ portiuncula semen reperitur minutum, fere rotundum, Napi, aut Rapæ semini simile. Planta hæc Æstate floret communiter Junio, & in arvis tum ante, cum post messim excrefcit, inque locis ficcis, incultis, sabulosis, collibus, pratis arridis, & apricis, secus vias, & in agro Parisiensi occurrit. Rajus observat a Botanicis ex una solummodo tres Plantas de ea effectas fuisse.

Habet plurimum salis, atque olei; integra planta interne usurpata aperiens, & diuretica est; ejus decoctio ex aqua fontis, aut pulvis ʒj. in Vini albi cyatho infusus mane jejuno stomacho, ad attenuandos, pellendosque calculos, glareasque in renibus, & vesica stabulantes pluries exhibetur. Externe etiam rufa Cataplasmatibus forma in Herniis usurpatur.

O R O B U S.

OROBUS, Offic. Orobus filiquis articulatis, semine majore, C. B. P. 346. Orobus sive Ervum multis, J. B. 2. 321. Raii Hist. Matth. 915. Ervum verum, Camer. Hort. Inst. R. H. 398. Mochus, sive Cicer sativum, Dod. Pempt. 524. Orobus receptus herbariorum, Ger. Orobus vulgaris herbariorum, Park. Orobus verus seu genuinus creditus, Pisum Columbinum, Nonnull. vulgo, Orobe, Ers, ou Eres.

Ei radix est minuta, delicata, sub-albida, quæ plures caules vix pedales, debiles, angulosos, læves, ramisque solum versus late sese expandentibus stipatos emittit. Folia Lentis foliis similia sunt, æquali ordine juxta costam disposita. Ex foliorum alis, ut in aliis hujusce generis plantis, pedunculi exeunt vertice ornato floribus solitariis, aut binis, leguminosis, exilibus, aliquantulum tamen Lentis flores superantibus, purpureis, quandoque albidis, lineisque purpureo-caruleis, & calycibus ungulam denticulatam referentibus, donatis. Hisce præsto sunt filiquæ pollicem longæ, minutæ, pendentes, articulatae in utroque latere, per maturitatem sub-albidae, seminibus foetæ semirotundis, pisibus exilioribus, atro-rubris, gustuque leguminoso, nec amaro, nec ingrato. Planta hæc in quamplurimis Galliæ provinciis in arvis seritur pro animalium nutrimento: sponte quoque inter segetes. In Hispania, & Italia crescit; Aprili, Majo, & Junio floret, semenque Julio maturescit, quod gratissimum est columbis, a quo etiam mirum in modum multiplicantur. Orobus in solo sterili, levi, & sabuloso seritur. Minor vero species communiter, Orobus Candiae, vocata, varietas est prædicti juxta sententiam Johannis Bauhini, Parkison, & Raii. Alia quoque Orobi species invenitur, in nemoribus excrescens, minus tamen, Orobo officinarum, in pretio habita.

Semen tantum ex hac planta in usum Medicum venit, estque resolvens, detergens, ac aperiens. Medici Veteres hocce in pulverem reddactum, & cum Melle mixtum in Asthmate humido, ad expectorationem juvandam exhibebant: panis etiam ex eo sterilitatis tempore confectus fuit, gustus tamen insipidi, & fere nullius nutrimenti. Nostri diebus semen hoc inter quatuor resolventes farinas in Chirurgia adeo communiter usurpatas, connumeratur; hic autem præcipuus est ejusdem usus.

Ingreditur autem prædicta farina in pulvere Diaprasio Nicolai Alexandrini, Electuario Justini & Trochiscis scilliticis Pharmacopææ Parisiensis.

Cataplasma Resolvens.

℞. Far. Orobi, Fabæ, Hordei, & Lupini ana. ʒjv. coquantur in q. s. Lactis ad Cataplasmatibus consistentiam.

Cataplasma adversus Ani procidentiam.

℞. Rad. Consolidæ Maj. tus., & Farinæ Orobi ana. p. æ. Coque in q. s. Vini nigri optimi, aut aquæ fabror. ferrariorum ad Cataplasmatidis consistentiam, quod repetetur juxta exigentiam.

O R Y Z A.

ORYZA, *Offic.* Oryza Italica, C. B. P. 24. Oryza, J. B. 2. 451. *Matth. Ger. Park. Raii Hist.* 1246. *Inst. R. H.* 514. Oryza peregrina, *Trag.* Hordeum Galaticum Columellæ, *Hermol. Ruell. Amat. Tabern.* Hordeum siciliense, Oryzon peregrinum, Risum seu Rizum, *Nonnull.* vulgo, Ryz; Ris.

Radicem habet radici Triticæ similem, quæ caules, sive culmos propellit cavos, Triticeis, aut Hordeaceis crassiores, & firmiores, per intervalla nodosos, ad trium, vel quatuor pedum altitudinem. Folia oblonga sunt adinstar foliorum Arundinis, carnosæ, folia Porri æquantia. Flores in summitibus nascuntur purpurei, paniculosque efformant, ut flores Milii, & Panici; horumque locum subeunt semina oblonga, & fere ovalia, alba, diaphana, dura, quæque capsula lutea, rudi, cava, angulosa, ac villosa, conclusa arista armata, & alternatim in utroque latere juxta ramos disposita sunt. Planta hæc in regionibus calidis, locisque humidis, & paludosis colitur; ejusque grana præcipue rei alimentariæ, nonnumquam etiam Medicæ inserviunt. Nobis sicca ex Indiis Orientalibus, Italia, & Hispania, aliisque quamplurimis regionibus adferuntur. Oryza præcipuum est totius Orientis nutrimentum, atque illinc in Græciam, & Italiam primum delata fuit. Adeo humiditate delectatur, ut in ipsa aqua excrescat. In insula Ceylan in usu sunt receptacula quædam pro aquarum illuvie, a qua ita perpetuo terra, sua sponte pinguis, emollitur, & inundatur, ut aqua usque ad Messorum genua pertingat. *Porta* asserit, magnam Oryzæ copiam in planis humidis agri Salernitani colligi, eo quod incolæ agrum ipsum, mediantibus canalibus, & colliciis e vicinis rivis, ac fluviiis derivantibus, frequenter juxta exigentiam irrigant; aliter aut Oryza ad incrementum non perduceretur, aut grana non emitteret; ita ut mirum profecto sit, granum adeo exsuccum, solum humidum exposcere; nec non in paludibus, segetem gustus adeo exquisiti, & nutrimenti adeo sani, & incrassantis, progigni. Radiorum Solis vi maturescit, ac nisi exeunte Autumnali Æquinoctio in messis colligitur; & ecce in promptu potissima ratio cur in regionibus Septentrionalibus, quamvis humidioribus, non excrescat, quia scilicet frigidissimæ sunt. Oryzæ farina optimus panis confici potest; ac non modo loco panis in Indiis sed diversimode etiam usurpatur. Indi namque, non solum placentas, & pulmenta ex ea conficiunt, verum etiam potus genus quoddam, aut liquorem vinosum, qui *Arak* aut *Aracle* appellatur, ab iis saccharo, diversisque aromatibus saturatum; narratur autem hoc potus genere gentes illas facilius, quam Vino generosiori inebriari. Levis Oryzæ decoctio in aqua, basis aut vehiculum est apud ipsos usitatissimum plurimorum Medicamentorum.

Vulgatissima est opinio, Oryzam pinguefaciendi vim habere; hinc Matronæ graciles eam frequenter usurpant, præsertim una cum lacte, ac plu-

rimo saccharo ; quæ sane consuetudo a veteribus Medicis reprobatur , Oryza enim ab ipsis inter alimenta levissimæ substantiæ , difficilisque digestionis dinumerabatur : Nos tamen contrarium censemus , & facilius vulgari opinioni subscribimus , neque audemus quotidianum nutrimentum a tam diversis nationibus usitatum , atque a seculorum consuetudine comprobatum damnare . Concedimus solum , Oryzam aliquantisper constipantem esse , quæ de causa utiliter variis in morbis aliis adstringentibus sociata usurpatur .

Oryza plurimum olei , & mediocrem salis essentialis , portionem continet ; temperans est , incrassans , nonnihil flatulenta , stomacho gravis , ejusque frequenti abusu obstructions progigni facile possunt . In alimentarium non minus , quam in medicamentarium usum venit ; pro alimento familiares , selectioresque præ aliis sunt sequentes præparaciones .

Globus stanneus vertice perforato , & ad tres , aut quatuor & ultra Oryzæ uncias excipiendas aptus , probeque intus , extusque mundatus recipitur , ac in eo una aut duæ , solummodo Oryzæ uncia infunduntur (coctura enim excrescit) atque in cacabo , in quo jusculum conficitur duobus post despumationem horis , globus infunditur , postquam vero ad justam cocturam , & consistentiam Oryza pervenerit , statim retrahitur . Album vero colorem , neque ingratum saporem jusculo conciliat .

Oryza etiam communiter minutalibus superaffunditur , aliquando etiam solitarie in jusculo optimo decocta comeditur , addique potest pugillum salis , & Cinnamomi parum , aut cochlear aliquod Restaurantis , ut ajunt , aut jus vitullinum , ut gratior , magisque nutriens reddatur .

Limpidi jusculi forma Oryza quoque redigi potest , uncias duas supradictas Oryzæ concoctæ cochleari contundendo , inque jusculo denuo lento igne ebullitioni committendo , addendoque frustula corticis Citri , cum pug. Nucis moschatæ rasæ ad gratiam . Coctura vero Oryzæ supradicto stanneo globo , hoc præstat commodi , quod scilicet albissima reddatur , exquisitiorem gustum semper acquirat , nec unquam fumi odore scateat , aut ustuletur , B. M. enim opus omne conficitur : defectu autem globuli stannei , in quolibet alio vase Oryza concoqui potest , dummodo satis sit depletum , ut facilius concitationem ebullitionem subeat , absque effusionis metu .

Conficitur quoque Cremor , Oryzæ \mathfrak{z} ij. in pulverem in mortario marmoreo reductis , atque postea in \mathfrak{lb} ij. aquæ fontis decoctis , usque dum clare ebulliat liquor , qui calidus per cribrum setaceum trahitur forti expressione , atque in vase Faetino servatur . Dein jusculo simplici calido cochlear j. aut ij. hujusce Cremoris Oryzæ ad gelatinæ modum consistentis juxta exigentiam infunduntur .

Hæ sunt præ cæteris Oryzæ , tanquam alimenti , præparaciones ; quod vero ad usus Medicos spectat , primum hæmorrhagiis nimium debilitatis , mulieribus , excedentibus evacuationibus , conflictatis , hæmoptoycis , hecticisque convenit . Fere nulla , ad sanguinis acrimoniam temperandam , eumque demulcendum , atque incrassandum , Oryza , aptiora , remedia reperiuntur . Ejusdem cochleari j. in \mathfrak{lb} ij. aquæ ebullito , per horæ quadrantem , ac exigua Sacchari , aut Cinnamomi quantitate permixta , ægris optimus potus exhibetur , vocaturque *Aqua Oryzæ* , atque magnæ est utilitatis in omnibus ventris fluxibus , irritatione , febrique lenta sociatis . Oryza quoque pro basi aliquando in Emulsionibus loco aquæ Hordei usurpatur ; ejusdem cochlear j. vel ij.

vel ij. infunduntur in jusculis humectantibus, & refrigerantibus, præterea juscula, aliæque præparationes, tum ad convalescentium nutritionem, quum ad remedia in morbis longis apta, attinentes, Oryza conficiuntur; usurpatur denique in decoctione pectorali, & adstringenti *Pharmacopææ Parisiensis*.

Pisana adstringens.

℞. Oryzæ mund. ac lotæ ℥ β. Aquæ fontis ℔ iiij. Ras. C. C. nodulo inclusæ ℥ β. Coque ad quartæ partis consumptionem: dein Vas igne abjiciatur, & statim infunde Rad. Consolidæ maj. ℥ j., & Glycyrrhizæ in fila evulsæ ℥ ij. Post semihoram coletur, ferveturque pro potu ordinario.

Emulsio adstringens in Diarrhæis calore, & irritatione sociatis.

℞. Semin. quat. frigid. maj. ℥ iiij. Amygd. dulces excorticatas N. vj. Contunde in mortario marmoreo, & paulatim ℔ j. decoctionis Orizæ superaffunde. Linteolo filtretur, atque ℥ j. Syrupi Consolid. maj. edulcoretur. Pro tribus dosibus de die exhibendis; in morbis supradictis conveniet.

Jusculum Pulli pectorale.

℞. Pullum gallinac. mundatum, in quo seminum quatuor frigid. maj., & Oryzæ ana ℥ j. & Sacchari tenuiss. ℥ ij. injiciantur. Coque lento igne in aquæ ℔. vj. ad medias, postea coletur levi expressione.

Jusculum hoc refrigerat, temperat, delicatulis, irritatione, & ardore in Thoracis regione, nec non agitationibus, insomniisque feralibus vexatis utilissimum reputatur.

O X Y C O C C U S.

OXYCOCCUS, Offic. Vitis Idæa palustris, C. B. P. 471. Oxycoccus, five Vaccinia palustris, J. B. 1. 525. *Inst.* R. H. 655. Vaccinia palustria, Dod. *Pempt.* 770. Ger. Park. Lob. *Raii Hist.* 685. Acinaria palustris, Gesn. *Hort.* Vaccinium ramis filiformibus repentibus, foliis ovatis perennantibus, Linn. *Flor. Lapp.* 111. Oxyococcus five Oxyoccon, Granum acidum, vitis palustris, acini palustres, serpillum acinarium, Rosmarinus palustris, Vitis idæa palustribus locis nascens, Poterium, Vaccinium palustre, *Quorumd.* vulgo, *Canneberge*, *Cousines des Marais*.

Ei radix est exilis, repens, sub-rubra, crinitis fibris stipata, plurimosque tollit caules longos, minutos, fibrosos, atro-rubros in terram stratos, lateque sese expandentes, foliis ornatos, Serpillo similibus, aliquando etiam exilioribus superne viridibus, inferne vero cinereo-viridibus, lævibus, plerumque marginibus reflexis, pedunculis adeo brevibus, ut immediate cauli appensa videantur, in quo alternatim disponuntur. Flores in ramulorum apicibus, solitarii, aut bini, pedunculo digitum longo, & tenerrimo appensi enascuntur, quorum quisque in quatuor acuminatas reflexas, & purpureas, partes dividitur, pluribus staminibus luteis in centro positis, pistillo junctis, simulque quoddam acutum veluti corpus efformantibus. Florum locum subeunt

deinde baccae pene sphaericae, aut ovales, sub-rubrae, aut luteo-subvirides, parvis punctis rubris circumspersae, umbilico purpureo cruciformi ornatae, gustus acris, aut acetosi, atque in quatuor exiguas cavitates, minutissima semina occludentes, aut super terram, adinstar caulium, repentes, & quandoque etiam sub Musco abditae. In locis humidis, paludosis, umbrosis, sterilibus, montibus, & vallibus, ex quibus fontes derivant, ac stagnant, in sylvis demum coenosis, & muscosis excrescit, floretque Majo, & Junio, fructusque ad maturitatem Julio, & Augusto perducitur. Verum juxta Dodonaeum baccae Autumno tantum maturescunt, abditaeque remanent sub nive Hyemis tempore, ac Vere a pueris, & pastoribus pulpa, aut carne molli repletæ colliguntur, & innoxie comeduntur. Rajus de hac planta differendo observavit, *Vaccinium* incongrue vocari, eo quia Veteres nomen hoc ipsum Hyacintho tribuerunt. D. Linnæus asserit, Aurifices baccis hujusce plantæ uti ad albedinem argento conciliandam, idem quoque ab omnibus acidis obtineri potest. In Normandia prope Officinas occurrit.

Oxyococcus plurimum salis essentialis, atque olei continet. Fructus vero refrigerant, detergunt, & adstringunt, quod etiam eorum sapor acidus, & nonnihil adstringens innuere videtur: Humor æstus a bile acris, & adurentibus obortum sedant, hinc cum successu exhibetur eorum decoctio in febribus ardentibus, & malignis; ventris quoque fluxum sistunt, stomachum, & intestina roborant, appetitum revocant, dysenterias sistunt, utilesque deprehenduntur in Hæmorrhagiis ab humorum acredine, aut sanguinis solutione provenientes. Folia, & flores eisdem in usus veniunt, easdemque adimplent indicationes. E baccis maturis succus exprimitur, qui saccharo mixtus Rob constituit, ac in julapiis refrigerantibus usurpatur, aut ad humorum malignitatem auferendam, aut ad calorem nimium in ardentibus febribus compescendum; virtute enim cardiaca, & alexipharmaca donantur.

℞. Flor. Oxycocci ad umbram exsic. pug. ij. Infundantur per semihoram, addeque colaturæ Syrup. Berberis ℥ j. pro ptisana in diarrhæa biliosa exhibenda.

℞. Rosar. rub. exsic., & Balaustior, ana. ℥ ij. superaffundantur ℔ iij. aquæ Plantaginis. Maceretur in cinerario calido per horas quatuor, solvanturque deinde in colatura Rob Oxycocci ℥ vj. Ægro ℥ iiij. hujusce liquoris, tertia quaque hora, exhibeantur in sanguinis scretu, aliisque hæmorrhagiis.

P Æ O N I A.

INter plures PÆONIÆ species a Botanicis cognitæ sequentes duæ tantum in usum Medicum veniunt, nempe Pæonia mas, & Foemina.

Pæonia mas, Offic. Pæonia folio nigricante, splendido, quæ mas, C. B. P. 323. J. B. 3. 492. Pæonia mas Dod. Pempt. 194. Ger. Park. Raii Hist. 693. Pæonia mas foliis nucis, Gesn. Hort. Pæonia pulcrior, sive nobilior, Menion, Selenion sive Herba Lunaris, Selenogonon, Theodonion, Glyciside seu Dulcisida, Pentrobion, Orobelum, Orobax, Hæmagogon, Pææde, Aglaophotis, Rosa Benedicta, Sancta Regia; Herba Casta, Nonnull. vulgo, *Pivoine Male*.

Ejus radix Napi formam habet, pollicem crassa, & ultra, in terram alte reposita, erecta, quandoque in plures divisiones distincta, externe sub-rubra, intus

intus alba. Ex ea caules exurgunt ad duorum, vel trium pedum altitudinem, sub-rubri in nonnullos ramulos divisi. Folia lata sunt, quamplurimis aliis composita foliis; Nucis foliis fere similia, latiora, & compactiora, atro-viridia, aut saturate-viridia, lucentia, quadam lanugine inferne obte-
cta, longisque pedunculis sub-rubris appensa.

In caulium summitatibus flores magni, lati, rosaceis pluribus foliis aliquando purpureis, aliquando vero roseis enascuntur, calyceque quinquepetalo sustentur, pluribus staminibus purpureis, extremitatibus croceis. Hi tandem abeunt in fructus, qui pluribus cornubus albis, villosis, lucentibus, ac introsum dehiscentibus conflati maturescendo aperiuntur, exhibentque elegantem quidem processum semibus compositum crassis, semirotondis, initio rubris, granisque Mali Punici similibus, dein atro cæruleis, demum nigris. Præcocior, rarior, pretiosiorque est Planta hæc sequenti, a qua facile distinguitur foliis, ac radice diversa, nec non floribus duplicibus, qui in altera simplices sunt. Ineunte Majo florescit, floresque cito decumbunt. Gesnero relatum fuit in Monte quodam Sveciæ repertam fuisse; Johannes vero Bauhinus inquit, sativam solummodo in hortis observasse. Pæonia mas non minoribus effertur laudibus a Galeno, quam Brassica a Catone. A Veteribus, & Neotericis ob ejus magnas, innumerasque facultates celebrata magnopere fuit; oportebat autem pro ea e terra elicienda oportunior rem tempestatem probe adnotare, ab uno enim una Constellatio, ab altero alia aptissima prædicabatur: Juxta Lobellium Caniculare tempus aptius est. Si Vere seratur, plerumque anno integro in terra latet, at postea singulis annis foliorum divisionibus adaugetur.

Pæonia fœmina, *Offic.* Pæonia communis vel fœmina, C. B. P. 323. *Inst. R.* H. 274. Pæonia fœmina vulgatiore, J. B. 3. 492. Pæonia fœmina altera, *Dod. Pempt.* 195. Pæonia fœmina, *Fuchs. Gesn. Hort. Lob. Ger. Raii Hist.* 694. Pæonia fœmina vulgaris flore simplici, *Park.* Pæonium, Pionia, Dactylus idæus, Cynospastus; Rosa Asinorum, Rosa fatuina, *Nonnull.* vulgo *la Pivoine femelle*.

Ejus radix, tuberculis, uti in Asphodelo fibris appensis, componitur, caulemque altissimum pellit nullo fere rubore infectum. Folia quandoque magis quandoque minus incisa sunt, superne dilute-viridia, inferne vero albescencia, & parumper villosa. Flores vero supradictis fere similes sunt, exiliores tamen; rubri, aspectuque gratissimo, quibus fructus succedunt seminibus referti, præcedentis speciei more, aliquanto exilioribus, oblongis, & maturescendo nigricantibus. Vulgatissima est, & ubique in hortis seritur, Majo floret, semenque Julio maturescit, facileque multiplicatur in terra rependo.

Pæonia omnium plantarum est antiquissima, existimatur enim a veteri Medico *Pæon*, qui ad sanandum vulnus ab Hercule Plutoni inflictum hanc plantam usurpavit, ut in quinto *Odyssææ* libro, Homerus refert, denominationem desumpsisse.

In Medicina vero faciendâ Pæonia mas, fœminæ anteponitur, quamvis, & ipsa nonnullos usus habeat, plurimum salis essentialis, olei, & phlegmatis largitur. Communiter Radices, semina, & quandoque flores adversus convulsiones, epilepsiam, paralysem, vapores, aliosque morbos ab irritatione nervosi generis ortos usurpantur. In pulverem rediguntur radices ad umbram exsiccata, exhibenturque a ʒ j. ad ʒ ij. boli, aut opiata forma, aut alia ra-

tione : Decoctæ quoque præscribuntur ad \mathfrak{z} j. recentes in juscule vitulino , aut in aqua fontis ad ptisanæ modum . Conserva foliorum Pæoniæ fœminæ in Officinis reperitur , quæ ab \mathfrak{z} β . ad \mathfrak{z} j. & aqua distillata , quæ ab \mathfrak{z} jv. ad vj. præscribitur in Potionibus , & Julapiis anti-epilepticis . Ad easdem indicationes quoque communiter usurpatur syrupus Pæoniæ simplex , & Compositus , ab \mathfrak{z} β . ad \mathfrak{z} ij.

Inter usitatiores recensetur , utpote a Veteribus magnis encomiis posteritati commendata : si enim Galeno fides præstanda est , hæc ipsa tutissimum est adversus Epilepsiam Specificum ; aut ad præservationem frustulo hujusce radicis amuleti forma collo suspenso , aut semine , floribus , & radice interne sumptis . Experimentum de quodam adolescente hoc amuleti genere sanato , ab ipso relatum profecto mirum est : præterquamquod ab eodem gravissimo Authore asseritur , radicem hanc ab infantis Epileptici collo fuisse quandoque detractam , ipsumque convulsionibus illico fuisse correptum nusquam sedatis , nisi eodem amuleto in pristinum locum restituto . Maximæ apud omnes Medicos Galeni auctoritati posteritas innixa , remedium hoc absque ullo examine fidenter amplexa est ad hæc usque tempora , in quibus primarii Medici Fernelius , Sylvius de le Boe , & Hoffmannus , inutile esse in pluribus Epilepticis experti sunt , ac fere nusquam Galeni effatis respondere . Nos vero hanc sententiarum diversitatem conciliari , ac utrinque rationem consistere posse existimamus . Probabile enim est , experimenta a Galeno in Asia fuisse instituta , qua in regione Pæonia majorem habet fortasse efficaciam quam in Europa . Præterea Pæonia mas raro admodum reperitur , inque iis casibus , in quibus vim suam non exeruit forsitan fœmina usurpata fuit .

Utrumque res se habeat in vegetabilium familia usque adhuc præstantius anti-epilepticum notum non est ; fere semper basis esse solet in Compositis adversus hoc ferale morbum . Arnoldus de Villanova narrat quemdam Paralyti affectum , & post octo dierum spatium linguæ usu destitutum , perfecte sanatum fuisse , triginta nigris , & excorticatis Pæoniæ seminibus deglutitis : Dioscorides grana xv. tusa , & per noctem in Vini albi cyathis infusa adversus incubum præscribebat . Juxta Rajum planta hæc menses , & lochia ciet , resseratque viscerum obstructions .

Radix in aquis Generali , & Epileptica , Syrupis Artemisiæ , & anti-spasmodico Pharmacopææ Parisiensis usurpatur , semina vero in Syrupis Stechados , & emplastro Diabotano ejusdem Pharmacopææ .

Ptisana adversus Epilepsiam .

\mathfrak{R} . Rad. Pæoniæ maris , & Valerianæ maj. rasar. & contus. ana \mathfrak{z} j. Superfundantur \mathfrak{ss} ij. ferventis aquæ , Vas ab igne abducatur , probeque operiatur , & post infusionis horæ spatium Colatura cyathis exhibeatur repetitis vicibus .

Opiata in eodem morbo .

\mathfrak{R} . Rad. exsicc. & p. Pæoniæ Maris , & Valerianæ maj. ana \mathfrak{z} j. Auri fulminantis \mathfrak{z} β . M. cum s. q. Syrup. Pæoniæ simp. Dosis \mathfrak{z} j. mensis spatio mane jejuno stomacho , superbibendo cyathum Ptisanæ prædictæ .

Potio in paroxismo exhibenda .

℞. Aquæ Pæoniæ, & Meliss. simp. ana ʒ iij. Pulv. de Gutteta gr. xx. Tincturæ Camph., Castor., & Anody. ana gut. x. M. pro potione cochlearum exhibenda.

Fusculum Anti-Epilepticum .

℞. Rad. Pæoniæ maris ʒ β. Cichorii sylv., & Fragariæ ana ʒ ij. Folior. Cichorii sylv., Lactucæ, & Agrimonix ana. Man. β. Flor. Meliss. Pug. ij. Coque cum lb β. juguli vervecini, in lb iij. aquæ: Leviter deinde exprimatur, & in duas doses dividatur, quarum una mane jejuno stomacho, altera vero vesperti mensis spatio sumetur.

P A L I U R U S.

PALIURUS, Offic. Rhamnus folio subrotundo, fructu compresso, C. B. P. 479. Rhamnus, sive Paliurus folio Jujubino, J. B. I. 35. Paliurus, Dod. Pempt. 756. Lob. Ger. Raii Hist. 1708. Inst. R. H. 616. Paliurus, sive Rhamnus tertius Dioscoridis, Park. Spina Christi, seu Judaica, Quorumd. vulgo Paliure.

Radix ei est dura, atque lignosa, caulemque emittit aliquando ad arboris altitudinem excrecentem, ligno compactissimo constantem, & erectum, ramuli vero longi sunt, atque spinosi, & spinæ prope folia sitæ exiliores minusque, alibi locatis, nocent, inferne reflexæ, & sub-rubræ. Folia exilia sunt, semitrotunda, mucronata, atro-viridia, veluti sub-rubra, Zizyphæ foliis adeo similia, ut nihil magis, aliquanto tamen exiliora, nec ambitu adeo denticulato apparent. Flores parvi sunt lutei, in apicibus ramorum collecti, communiter quinque petalis constantes in orbem dispositis, exilem veluti rosam in medio calycis sitam, circumdantibus, deinde in fructum abeuntes scutiformem, aut pileo similem in sui medio elevatum, ambitu tenui, folioque membranaceo circumfusus, nucleum sphericum occludentem, tribus divisum cellulis, semen fere rotundum plerumque servantibus, colorem, nitorem, dulcedinemque seminis Lini referens. Hæc arbuscula sponte in sepibus Provinciæ, Occitanix, & Italiæ crescit; feriturque locis sylvestribus, incultis, & humidis, floretque Majo, & Junio, fructus autem Autumno maturescit, & per totam Hyemem arbori adhæret; in regionibus etiam frigidis Hyemis satis mitescens injurias perferre potest; sin minus necesse est tectam, fartamque tenere. A quibusdam *Spina Christi* nuncupatur, putant enim spinarum coronam, quam Judæi capitis Salvatoris nostri imposuerunt, ex hac arbuscula fuisse compactam: de facto nulla fortasse planta acutiores, rigidiores, manibusque infensiores spinas habet, hinc mos ex Paliuro sepes vivas conficiendi, adversus hominum, animaliumque incursiones tutissimas. Johannes Bahuinus, & Raius existimant, idem esse Theophrasti, & Dioscoridis *Paliurum*. Radix, folia, & fructus a Medicis usurpantur.

Fructus diuretici, & ad glareas e renibus, & vesica pellendas aptissimi, dummodo decoctio iis tuis parata diutissime adhibeatur: neque tamen calculum in vesica ab iis solvendum esse putemus ut a nonnullis Empiricis asseritur,

tur, nunquam enim adeo efficaci virtute præditi fuerunt. Cum successu præterea usurpari possunt in Tussi, & Asthmate humido ad expectorationem juvandam. Rajus asserit, radicem, ramos, & folia, adstringentia esse, ventrisque fluxus sistere, eorum decoctione epota. Hæc eadem tusa Cataplasmatibus forma, furunculos, aliosque ejusdem generis tumores cutaneos sanant.

P A N I C U M.

PANICUM, Offic. Panicum Germanicum, sive Panicula minore, C. B. P. 27. *Inst. R. H.* 515. *Raii Hist.* 1247. Panicum vulgare, J. B. 2. 440. *Ger.* Panicum, *Dod. Pempt.* 307. Panicum album vulgare, *Park.* Elymus, Meline, seu Mel frugum, Antiquorum Paniculum, Milium agreste sive exiguum, *Nonnull.* vulgo *Panic.*

Radicem habet fortem & fibrosam, plurimosque emittit arundinaceos caules, plerumque bicubitales, & ultra in solo optimo, rotundos solidos, decem quandoque nodis circumfusus, sensim decrecentes, vertice nonnihil inclinato. Folia pariter arundinacea sunt, Milii foliis rudiora, & acutiora, Triticeis vero latiora, e nodis exeuntia, ut plurimum cubitalia. In caulis vertice spica locatur vix pedem longa, rotunda, crassa, compacta, & clausa adinstar Uvæ racemi, seminibus Milio exilioribus, rotundioribus, numerosioribusque, lucentibus folliculis albis conclusis, sub-luteis, aut purpureis, conflata. Dioscorides Panicum inter segetes, Galenus vero inter legumina connumerat. In arvis Germaniæ, Galliæ, & Italiæ feritur, idemque solum, ac Milium exoptulat, leve nempe, fabulosum, & humidum. Juxta Johannem Bahuinum, & *Historiam plantarum Lugdunensium* fere nullus est hisce diebus Panici usus in Officinis, aut in re pistoria, ejus enim granum siccum, macrumque est nulliusque pene nutrimenti; nihilominus Clusius refert, Panicum in tota Germania, Hungaria, & Bohemia esse usitatissimum, alimentii forma, ejusque semine excorticato iis in regionibus sapore gratissimo pulmenta confici.

Plurimum olei, parumque salis volatilis planta hæc largitur. Semina tantum in usum Medicum veniant; aperientia sunt, nec non ad humorum acridinem temperandam aptissima: Milio, cujus saporem, ac proprietates habent, commode substitui possunt. Cremor, & pulmenta gratissima iis excorticatis parantur a Caspate Bauhino, aliisque Veteribus Medicis vix saluberrima reputata, alvum enim nimium adstrictam reddunt, flatu excitant, ac difficile concoquuntur: Milii defectu solummodo erunt ergo usurpanda, sique in magna sterilitate necessitas urgeat, in Lacte decoquenda, ut partim saltem corrigantur; sic autem Cremor prædictus conveniet in magnis capitis morbis a bile nimium rarefacta productis, in Hæmoptysi, aliisque in casibus, in quibus temperandus, innovandusque sit sanguis nimia acrimonia, & solutione peccans. *Panis* etiam ex *Panico* conficitur, hinc denominationem mutuatur; siccus, & friabilis est, quapropter agricolis, vinitoribus, messoribus, & pauperibus est relinquendus. Externe etiam pro Cataplasmate resolvente usurpari potest, & vulgatissime ad volatilia, aviculasque vescendas.

P A P A V E R .

PRæter P A P A V E R album, de quo alibi, de Opio ex eo elicitō differen-
do, sermo institutus fuit, alia tria quoque Papavera a Medicis usurpan-
tur, primo scilicet Papaver cornutum, sive Glaucion, peculiare genus con-
stituens; secundo Papaver rubrum, sive erraticum; tertio demum Papa-
ver nigrum.

Papaver cornutum seu corniculatum, *Offic.* Papaver corniculatum luteum,
Ceratitis, Dioscoridis, Theophrasti, sylvestre Ceratitis Plinio, C.B.P. 171. Pa-
paver corniculatum luteum, J. B. 3. 398. *Park. Raii Hist.* 857. Papaver corni-
culatum majus, *Dod. Pempt.* 448. Glaucium flore luteo, *Inst. R. H.* 254. Pa-
paver cornutum flore luteo, *Ger. Gesn. Hort.* Papaver vulgare corniculatum
flavo flore, *Clus.* Papaver sylvestre corniculatum, Papaver luteum, Papaver
maritimum, Glaucion, seu Paralion, Papaver seu Fabulum marinum, Sisi-
maca, Mimitha, Alnuchara, *Nonnull.* vulgo, *Pavot cornu*.

Radicem habet digitum crassam, longam, subnigram, turgentem succo lu-
teo, virulento, aut male-olente, ex quo tota etiam inficitur planta, sapore
amaro prædita. Folia vero emittit longa, lata, carnosa, pingua, densa, villosa,
profunde incisa, ambitu denticulato sinuosa, ac veluti crispata, in terram
decumbentia, frigorisque injuriis resistentia, crassis caudis appensa, coloris
glauci. Caulis autem altero tantum anno sese extollens, compactissimus
est, nodosus, & lævis, in plures divisus ramusculos, e nodis folia emittens,
foliis basis, exiliora, & minus incisa, dum vertici magis accedunt, aliquo
pacto Hederæ folia simulantia. Summo caule, ramulisque flores progignun-
tur, magnitudine florum Papaveris sativi, quatuor luteis petalis in rosam
dispositis, numerosisque staminibus ejusdem coloris e centro exsurgentibus,
conflati, qui demum abeunt in quamdam fructus speciem, aut exilem sili-
quam palmarem, & ultra, corniculatam, tactu asperam, vertice obtuso,
neutiquam, ut in Fœnu-Græco, aculeato, semina occludentem duplici ordi-
ne locata, intermedio sepimento divisa, & adinstar seminum Papaveri vul-
garis rotunda. Sponte crescit in maris littoribus, maritimisque, sabulosis
locis, & alibi, inque frigidis regionibus. In Bononiensi saltu, Parisiensi
agro, & Matritensi arce reperitur; semine propagatur, sique Autumno in
hortis seratur, Vere apparebit, floremque Æstate edet, Junio scilicet, &
Julio, siliqua vero Augusto maturescet. Scaliger asserit, easdem comestioni
aptas non esse.

Papaver cornutum plurimum olei, salisque essentialis habet. Dioscorides
vero testatur, ejusque Commentatores affirmant diureticum esse, & deco-
ctionis forma utilissimum urinas turbidas, & densas reddentibus. Calculo
affectis cyathus Vini albi, in quo infusus fuerit Man. β. foliorum hujus-
ce plantæ tusorum in Portugallia præscribitur. Galenus autem vulnerariam,
& deterisivam esse testatur, monetque ad putridas ulcerum carnes exedendas
solummodo usurpari posse. Garidelius narrat, agricolas in Provincia folia
ejusdem trita usurpare ad detergenda ulcera contusionibus, erasionibusque
succedanea in equis, mulis, & asinis, nonnullosque in crurum ulceribus ea-
dem ratione hæc ipsa optimo effectū applicasse, iisque parum Olei addi po-
test, ut Dodonæo solemne erat.

Papaver erraticum seu rubrum, *Offic.* Papaver erraticum, majus. Rhœas Dioscoridi, Theophrasto, Plinio, C. B. P. 171. *Inst. R. H.* 238. Papaver erraticum, rubrum, Campestre, J. B. 3. 395. Papaver erraticum, *Dod. Pempt.* 447. Papaver erraticum primum, *Fuchs.* Papaver Rhœas, *Ger. Raii Hist.* 855. Papaver erraticum, Rhœas sive sylvestre, *Park.* Papaver foliis pinnatifidis, hispida, fructu ovato, *Linn. Hort. Cliff.* 201. Papaver fluidum, Papaver agreste. Flos Pleuriticus, *Nonnull.* vulgo, *Le Pavot rouge des Champs*, *le Coquelicog*, *le Ponceau*.

Radicem habet simplicem, minimi digiti crassitie, albam, nonnullis fibris amaricantibus stipatam, pluresque emittit caules cubitales & ultra, rotundos, solidos, ramosos, raris, & asperis pilis circumfusus. Folia vero huc illuc profunde dissecta sunt, ut in Jacobæa vulgari, Coronopo, & Cicorio, villosa, atro-viridia, marginibus denticulatis. Flores summis caulibus, ramulisque enascuntur, quatuor constantes bracteis latis, subtilibus, saturate-rubris, minimo venti afflatu decidentibus, in parva deinde abeuntes capita, Nucis avellanæ magnitudine, oblonga, lævia, ad Papaveris sativæ capitum figuram accedentia, plurimisque cellulis distincta, semina minuta, nigricantia, vel atro-rubra occludentibus. Ubique luxuriat in arvis, secus vias, ac præcipue inter segetes, quibus florum pulchritudine, ac vivacitate gratiorem aspectum conciliat; Majo, Junio, Julioque florescit, floremque præcipue Medici usurpant. Dodonæus, C. Bauhinus, alique alteram Papaveris exilioris speciem describunt foliis non incisis, sed denticulatis tantummodo, cæterum præcedenti similem.

Flores præcipue, uti innuimus, in usum Medicum veniunt, nihilominus Scorderus asserit, Nonnullos, hujusce plantæ radices ac folia tusa ad narium hæmorrhagiam sistendam externe admovisse. Flos nonnihil habet glutinosi, chartamque cæruleam, uti Opii solutio, rubore inficit; ex quo conjectari jure possumus, sale huic analogo scatere: at in Opio sal hoc quamplurimo oleo foetido commixtum ad Ammoniacum accedit, dum in Papavero erratico longe minor Olei, maxima vero phlegmatis viscosi quantitas reperitur. Temperantes ergo, ac expectorantes in Rheumatica præsertim affectione, siccaque Tussi ejusmodi flores sunt recensendi: sanguinis fluxus sistunt, sudoresque cient. Aut Syrupi forma, aut ad modum Theæ usurpantur; eorum pug. j. in ℥ viij. aquæ infuso; Ptisanæ vero forma, manipulo j. parvo pro liquoris ℔ jv. in cucuma injecto, quum scilicet mox ab ingue est abducenda, Glycyrrhiza, aut aliis additis floribus. Elicitur quoque aqua distillata ab ℥ iij. ad ℥ vj. exhibenda: Conserva præterea conficitur ab ℥ ℔. ad ℥ j. præscribenda, & extractum a ℥ ℔. ad ℥ j. Extractum hocce anodynum est, somnumque dulcissimum conciliat, cumque successu in Tussi pertinaci præscribi potest. Omnibus notum est, syrupum Papaveris ejus florum infusione terque, quaterque novis floribus repitita esse, conficiendum. In Rheumaticis vero affectionibus pertinacioribus tinctura Papaveris duobus, vel tribus infusionibus saturata, cyathisque exhibita, utilissima est, præsertim, si pro singulis ℔ ij. ℥ j. Sacchari candi dissolvatur. D. Chomel asserit, in suo *Tractatu de Plantis usitatoribus*, infusionem florum Papaveris saturatiorem, & saccharo edulcoratam ad modum Theæ calide in Colica flatulenta propinatam saluberrimam evasisse; additque similem infusionem tertia, vel quarta Pleuritidis die exhibitam, quum præsertim primum sudor apparet, hunc copiosio-

rem reddere, majorique sanguine hyrcino, aliisque celebrioribus diaphoreticis, sudorifica virtute, præditam esse, præterquamquod merito observat, phlebotomia præcipiti impetu bis, terve in hoc morbo instituta, sudore ut plurimum superveniente, atque hac naturali crisi parumper adjuta, morbum feliciter terminari.

Fructus quoque, aut capita Papaveris suas habent facultates, communiter usurpatur eorum decoctio, uti temperans, & nonnihil soporifera in Pleuritide, Pectoris fluxionibus, sanguinis sputo, aliisque Pulmonum morbis; nihilominus a Dodonæo horumce usus reprobat, ne (inquit ille) materia morbifica nimium in Pleura infigatur, ob narcoticam vim potissimum ab eo suspectam, cui fortasse possemus respondere, ab hac ipsa præcipue narcotica vi, prædictam infusionem in morbi initio utilissimam reddi, ut scilicet fibrarum crispatura in membranis inflammatis opportune relaxetur, & perspiratio adjuvetur, dummodo tamen in progressu, hocce remedio non abutamur, expectorationemque, excreatusque expulsionem inhibeamus, nimio, ac intempestivo narcoticorum usu. Non igitur sputi materiam in pulmonibus figet, uti Dodonæus autumavit, quin immo ejus expulsionem adjuvabit. Prudenti autem manu, & experientia consumatissima opus est, ut Remedium hocce diversis ægrorum conditionibus aptetur.

Ex floribus Papaveris aqua distillatur, cui, juxta Rajum, ruber color potest conciliari, apponendo Man. j. ejusdem florum juxta verticem capitelli, postquam aqua ascensum inceperit, quæ hoc pacto eorum colore inficitur, aspectuque gratissima redditur.

Iidem flores in decoctione pectorali *Pharmacopææ Parisiensis* usurpantur.

Ptisana adversus Tussim siccam aptissima.

℞. Rad. Buglos. & Graminis ana. ℥ iij. Coque in ℔ jv. aquæ ad quartæ partis consumptionem. Superaffundatur huic decoctioni ℥ j. Flor. Papaveris erratici, & tria capita Papaveris albi minutim incisa, & nodulo occlusa. Post horæ spatium fiat colatura, nodum exprimendo, edulcoreturque ℥ j. Sacchar. cand.

*Ptisana altera in Pleuritide, Rheumaticis Pectoris affectionibus,
& Sanguinis sputo conveniens.*

℞. Caput Papaveris errat. antequam flos omnino evanuerit N. xij. Hord. mund. Man. j. Coque in ℔ vj. aquæ absque ulla imminutione, vas dein ab igne abducatur, & adde Rad. Glycyrrhizæ in fila evulsæ ℥ ij. Serveturque colatura pro potu.

Potio Diaphoretica.

℞. Aquæ Papaver. errat. ℥ iij. Mand. Lucii p. ℥ j. Salis volat. C. C. gr. vj. Laud. liquid. Sydenham gut. xxiv. Syrup. Papaver. errat. ℥ j. M. pro tribus dosibus.

Altera potio adversus ictus, in quibus sanguinis concreti, aut alicujus internæ contusionis suspicio adest.

Rx. Aquæ Papaver. errat. ℥ ij. Aceti Vini parati ℥ vj. Oculor. Chancror. pp. & Mandibular. Lucii p. ana. ℥ β. Syrupi Papav. errat. ℥ ij. M. pro binis dosibus.

Altera ad sudorem ciendum in Scabie retrocessa.

Rx. Aquæ Papaver. Errat. ℥ j. Pulv. Viper. ℥ β. Salis volatil. Viper. gr. jv. Syrup. Fumariæ ℥ ij. M. pro una Dosi.

Papaver nigrum, Offic. Papaver hortense, nigro semine, sylvestre Dioscoridi, nigrum Plinio, C. B. P. 170. Inst. R. H. 237. Papaver fimbriatum, flore purpureo, & albo, J. B. 3. 391. Papaver nigrum sativum, Dod. Pempt. 445. Papaver nigrum, Brunf. Cast. Papaver nigrum sativum semine atro, Fuchs. Papaver minus nigro semine, Gesn. Hort. Papaver nigrum sativum, flore Præoniæ simplici; Papaver nigrum sive vulgare; Papaver sylvestre, capite depresso, & semine nigro, Nonnull.

Radix digitum crassa, succo lactescente, & amaro, una cum tota planta prægnans, caulem profert erectum, bicubitalem, ut plurimum lævem, nonnunquam modice hirsutum, & ramosum, cui folia adnascuntur oblonga, lata, denticulata, crispa, colore glauco, magnis floribus in ejus, & ramorum summitatibus locatis, rosaceis, rubris, expansis, aliquando simplicibus, aliquando duplicibus, fimbriatis, & non fimbriatis, suffultis calyce duorum foliorum excidentium, flore sese expandente, qui deinde abit in capita, aut baccas rotundas, plus, minusve crassas, capitello ornatas radiato, seu stellato, cavitare, aut membranosis sepimentis parva semina fere rotunda, & nigricantia continentes. Dum virescit succo turget pingui, & oleoso, virulentum, aut foetentem odorem, capiti infensum expandit, non secus, ac flos, qui tamen plurimum ornamenti ob elegantes varietates hortis conciliat; colitur etiam pro usu Medico, quamvis longe minorem Papaveris albi usum habeat, quod tutius interne exhibitum reputatur. Autumno, aut Vere feritur, Majo, Junioque floret, perque totam Æstatem conspicitur: Cæteris vulgatus est, dummodo una tantum vice feratur nunquam in hortis deest, sponte namque multiplicatur.

Quoad hujusce Papaveris, nigri ob nigrum semen vocati, proprietates, diversæ sunt Authorum sententiæ. Iidem enim, ac Papavero albo huic quoque usus, quamvis demissiori gradu a majori ipsorum numero tribuuntur; ab aliis vero uti a Foresto, & Schordero infestum reputatur, internusque ejus usus firmiter inhibetur. Innotum vero nobis est quo potissimum fundamento hi Authores innixi, hanc sententiam tueantur: Hoc solummodo testari possumus, expertissimum Pharmacopolam a nobis cognitum, ad Syrupum Diacodii conficiendum, hoc idem indiscriminatim usurpavisse, præsertim quia quandoque Papaveris albi capita difficile admodum occurrunt, eisdemque effectus edere semper credidisse. Itaque probabilius nobis videtur asserere, errore hoc, Papaverum album anteponendi, in arte Medica illo ipso, Nigrum neutiquam postponendum esse: si enim aliquatenus debilius depre-

deprehendatur, augenda, si vero majori narcotica vi polleat, ut Nonnulli dicunt, minuenda erit ejus dos. Dioscorides *Lib. 4. Capite 60.* semen Papaveris nigri tusum, & in Vino infusum adversus ventris, uterique fluxus commendat. A Mesuæo Trochiscis de Karabè, & Terræ Sigillatæ sociatur. Exprimitur etiam ex iisdem seminibus Oleum, quod *huile d'Oeillet* vocatur, usurpaturque in lampadibus, & a plebecula in acetariis, & fricturis.

Capita vero Papaveris nigri in Balsamo Tranquillo, folia autem in Unguento Populeo Pharmacopææ Parisiensis.

P A R I E T A R I A .

PARIETARIA, *Offic. Parietaria Officinarum, & Dioscoridis, C.B.P. 121. Inst. R. H. 509. Parietaria, J.B. 2. 976. Dod. Pempt. 102. Ger. Raii Hist. 206. Parietaria vulgaris, & major, Trag. Parietaria vulgaris, Park. Helxine, urceolaris, sive Perdicium, Cæsalp. 169. Vitriola. Lob. 98. Vitriaria, herba vitri, herba muralis, sive Perdicialis, Muralium, sideritis, Heraclia, seu Herculana, ixine sylvestris, clibadium, Polyonymon, Amelxine, Amorigne, Melampeton, Cittamprelon, Anatetamenon, Parthenium, Quorumd. vulgo, *Casse-pierre ou Perce-muraille.**

Radix fibrosa, & rufescens plures bipedales emittit caules rotundos, rufescentes, fragiles, & ramosos, alternatim dispositos, foliis oblongis, Mercurialis æmulis, acuminatis, hirsutis, atro-viridibus, lucentibus, asperis, facile transeuntium vestibis adhærentibus, caudis longis. Florum vero exiles fasciculi ex foliorum alis juxta caulem nascuntur, quorum quisque quatuor plerumque staminibus conflatur, extremis albo-purpureis, adeo elasticis, ut minimo styli contactu statim decidant, pulveremque impetu excutiant, colorem vero habent luteo-viridem ad purpureum accedentem, calyceque sustinentur monopetalo, & quadrifido, pistillo intermedio. Flores fertiles variam, a sterilibus figuram habent, abeuntque in capsulas seminales tactu asperas, semen minutum, oblongum, lucidum, Uvæ nuclei figuram æmulans occludentes. E vetustis parietibus, a quibus nomen mutuatur, abunde excrefcit; vulgatissima est, & magni usus in arte Medica, & præsertim ejus folia.

Chymicæ analyseos ope magnam olei, salis fixi, & terræ portionem, plurimosque liquores acres, & acidos largitur; nihil vero salis volatilis concreti, nonnihil autem spiritus urinosi. Boyleus in suo *Tractatu de utilitate Philosophiæ experimentalis*, in ea sal nitroso-sulphureum recognovit, nec Et-mullerus dubitat, quin nitro sit saturata, præsertim si in vetustis muris excrefcet. Tanquam aperiens, temperans, & resolvens interne, & externe usurpatur. Interne vero, & ejus succus, & decoctio, & aqua distillata, diuretica sunt, & aperientia, & ad glareas viscosumque renalium tubulorum lacticem incidendum dicata.

Utilissima ergo est urinæ suppressione, & calculo affectis. Exhibenda erit ejus aqua distillata ℥ iij. cum æquali aquæ Liliorum quantitate, & Olei Amigd. dulc. ℥ j. pariterque ℥ j. Syrupi Limonum in colicæ Nephriticæ paroxismo. In semicupiis quoque planta hæc optimo cum successu semper usurpata fuit. Tragus ejus decoctionem ad infimi ventris obstructions tollendas magnis laudibus extollit; pulvis vero cum melle mixtus uti bechicus, & in Asthmate, & Phthisi aptissimus reputatur. Syrupus cum Parietariæ succo, & mel-

le albo confectus Hydropicos solatur, remediumque est in Anglia magno pretio habitum, iisque ejusdem ℥ j. mane in cyatho aquæ Graminis soluta exhibetur: hic idem succus in opiata cephalica usurpatur, cujus Garidel exactam nobis descriptionem largitur: pluries a se ipso comprobata fuit in Vertigine, ad Apoplexiam præcavendam, adversus Epilepsiam in adultis, & infantibus. Ejusque sequens erit formula.

℞. Sem. Cumin. p. ℥ iiij. Succi Parietar. depur., & extracti forma concocti ℥ ij. Fol. & flor. Majoran. exsicc. & p. ℥ j. β. M. cum f. q. Mellis Narbonensis, aut alterius optimæ notæ, ut opiata conficiatur a ℥ j. ad ℥ β. pro Adultis præscribenda, superbibendo poculum alicujus convenientis liquoris; sique adversus Epilepsiam adhibeatur, addendus erit fimus Pavonis, & pulvis radices Pæoniæ maris.

Externe etiam Parietaria usurpatur in decoctionibus emollientibus, pro fomentis, clysteribus, & femicupiis. A Dioscoridis usque temporibus, partibus Arthritide affectis applicabatur, ejusque decoctione, Gargarisma conficiebatur pro faucium morbis, inque auribus iniciebatur, ad earum dolorem mitigandum. Tragus hac ipsa utebatur Cataplasmatibus forma vesicæ regioni applicanda adversus urinæ suppressionem, addebatque Vinum, & Nasturtium aquaticum, in sartagine omnia ad ignem aliquo temporis intervallo commiscendo, ac calide ad ægri sufferentiam imponenda esse præcipiebat. Hoc idem Cataplasma, Oleo Amygdalarum dulcium, aut Scorpionum, fricta planta ab aliis commendatur. Camerarius cum Aceto tufam, calidamque scroto applicabat in magnis doloribus quandoque ab herniis productis. Nos ipsi pluries experti sumus, Man. j. Parietariæ una cum ℥ ij. β. panis albi sicci tuso, Oleo Liliorum, aut Camomillæ addito, utilissimum confici Cataplasma adversus inflammatorias mammæ constipationes.

Summitates vero hujusce plantæ usurpantur in Syrupo Althææ *Fernelii*, & Decoctione emollienti pro clysteribus *Pharmacopææ Parisiensis*.

Clyster emolliens.

℞. Furfuris loti Man. β. Fol. Pariet. Man. j. Ebulliant in ℔ ij. aquæ ad medias, Colaturæ adde Mell. violat. ℥ ij. pro Clystere.

Fomentum emolliens.

℞. Folior. Parietar. Malvæ, & Betulæ ana. Man. j. Ebulliant in ℔ iij. Lactis cum æquali aquæ quantitate ad tertiæ partis consumptionem. Immergatur panni lanei frustulum, & exprimatur, calidumque parti affectæ applicetur repetitis vicibus.

℞. Pariet. minutim dissectæ Man. ij. Frigatur butyro liquato, & Cataplasmatibus forma collo applicetur in faucium morbis, & Angina.

Potio oleosa adversus Colicam nephriticam.

℞. Aquæ Parietar. ℥ iiij. Olei Amygd. dulc. ℥ ij. Syrupi Althææ, & Capilli Veneris ana ℥ ij. Adde succum Limonis j. M. pro binis dosibus duarum horarum intervallo propinandis.

P A S T I N A C A .

PLURES PASTINACÆ species reperiuntur, vulgatiores vero, magisque a Medicis usurpatæ sunt, Pastinaca vulgaris sativa, & Pastinaca sylvestris.

Pastinaca sativa, seu Baucia, *Offic. Pastinaca sativa, latifolia C. B. P. 155. Inst. R. H. 319.* Pastinaca sativa, latifolia, Germanica, luteo flore, *J. B. 3. Part. 2. 150.* Pastinaca latifolia sativa, *Dod. Ger. Park. Raii Hist. 1410.* Elaphoboscum sativum, *Tabern. icon. 76.* Pastinaca domestica vulgi, Pastinaca major, Sisarum sativum magnum, Pastinaca Cervina, Olus Cervinum, Elaphicon sive herba Cervina, Elaphoboscon seu Pabulum Cervi, Nebrium, Ophigenium, Ophioctonon, Cervi ocellus, *Nonnull. vulgo, Panais.*

Ei radix est longa, pollice crassior, carnosa, sub-lutea, aut rufescens, nervo in media sui parte per longum percurrente, odore neutiquam ingrato, sapore optimo. Caulem vero profert ad trium, vel quatuor pedum altitudinem, & ultra, & quandoque crassior, erectum, firmum, striatum, cavum, & ramosum, foliis amplioribus, ex aliis foliis constantibus, Fraxino, & Therebintho æmulis, oblongis, binos digitos latis, ambitu denticulato, hirsutis, atro-virentibus; paribus conjugationibus juxta simplicem Costam positis, impari folio terminatam, sapore grato, & aromatico. Summo autem caule, summisque ramis exigui flores, quinque constantes petalis rosaceis, luteis, magnis umbellis, conspiciuntur, qui abeunt in semina bina simul juncta, magna, ovalia, plana, subtilia, leviter striata, exiguo membranaceo folio circumfusa, Angelicæ semen æmulantia. Planta hæc maximum habet culinarium usum; ejusque radices in pultaceis jusculis potius, quam uti remedium usurpantur; quæ de causa præsertim in hortis olitoriiis colitur; tamen semina, & folia nonnunquam a Medicis adhibentur. Altero autem anno postquam terræ commissa fuerit mensibus Julio, & Augusto florescit. Radices vero ad perfectum magnitudinis gradum perductæ nervum durissimum in sui centro recondunt, post ebullitionem abjiciendum, comextioni ineptissimum; dulces admodum sunt, gratique saporis, satis nutrientes, magisque pinguefacientes, respectu Raparum, ac Sisari. Non solum in pultibus concoctæ, verum etiam butyro conditæ, aut frictæ, præsertim Quadragesimali tempore, sumuntur tamquam saluti magis conducentes, cum ob gratiorem saporem, tum, quia earum succus Hyemis tempore probe præparatus, digestusque fuit. J. Bauhinus admonet, ne loco prædictæ radices, Cicuta, aut Cicutaria fatua incaute colligatur, & ingurgitetur, asseritque binas integras familias morti proximas, hujus erroris causa, conspexisse, tamque magno periculo, vomitoriis Theriaca, pulvere cordiali, & purgantibus omnes incolumes evasisse. Juxta Rajum, Angli asserunt, autumantque, Pastinacas veterascentes, delirium, & insaniam progignere; ab iis autem tunc temporis *Pastinacæ fatuæ* nuncupantur. A nonnullis Pastinacæ gustus penitus despicitur, & J. Bauhinus narrat, quoddam instinctum naturæ congenitum prætulisse, ad hæc radices abhorrendas, sed a Patre ad harum esum coactum, optimas tandem reperiisse, quamvis semper Pastinacarum jusculum odio sit prosequutus. Alii e contra hæc in delitiis habent, uti exquisitissimum alimentum, Pliniusque memoriæ prodidit, easdem singulis annis e Germania Romam asserendas esse Tiberium jussisse.

Pastinaca sylvestris, *Offic. Pastinaca sylvestris latifolia, C. B. P. 155. Inst.*

R. H. 319. Pastinaca Germanica, sylvestris, quibusdam Elephaboscum, J. B. 3. Part. 2. 149. Pastinaca latifolia sylvestris, *Dol. Ger. Park. Raii Hist.* 409. Elephaboscum erraticum, seu Branca Leonina, *Tabern. icon.* 77. Pastinaca sponte nata, sifer sylvestre, Pastinaca sylvestris Gallica, Pastinaca minor erratica, sive adulterina, Cervaria sylvestris, *Quorumd.*

E radice alba, simplici, lateraliter nonnullas crassas fibras emittente, odore, ac sapore Pastinacæ sativæ æmulo, a qua nisi cultura differre videtur, caulis effertur duos, vel tres cubitos altus, erectus, rigidus, striatus, pollicem, & ultra crassus, hirsutus, intus cavus, ramosus, alternis ornatus foliis, Pastinacæ sativæ similibus, exilioribus, saturatius-viridibus, quandoque hispida, præsertim radicem versus. Ab imo caulis usque ad verticem ex foliorum alis ramuli exeunt umbellas sustinentes florum exiliorum, majoribus in medio caule locatis. Hi flores exigui admodum sunt, lutei, & quinquepetali. Differt a prædicta non foliis exilioribus tantum, sed etiam radice tenuiori, duriori, lignosa, gustuique minus grata, in locis sylvestribus excrescit, in pratis siccis, collibus, & alibi inter arvenses, & incultas plantas. Quamvis autem minus sit pro re culinaria expetita, præcedenti tamen, urgente necessitate, substitui potest. Quod vero ad usum Medicum spectat, altera ignobilior nequaquam est recensenda; hæc quoque Æstate flores ostendit. Pastinacam domesticam in optimo solo facile progigni posse creditur, semine a Pastinaca sylvestri bis repetito, eadem prorsus ratione uti a Sisaro sylvestri, Sisarum sativum producitur.

Pastinacæ plurimum olei, phlegmatis, salisque essentialis largiuntur. Alimentis, uti innuimus, & Medicinæ inserviunt, pro primo autem usu sativæ cæteris sunt præferendæ, crassiores enim sunt, teneriores, gustu, & odore gratissimo, faciliusque concoquuntur. Suas quoque Medicas habent facultates, urinas namque, mensesque cient, vapores cohibent, quinimmo vulnerariæ & febrifugæ reputantur. D. Garnerius Doctor Medicus Lugdunensis publici juris experimenta effecit in Semine Pastinacæ sativæ nonnullis ab hinc annis a se ipso instituta, cui efficacissima virtus febrifuga ab eo tribuitur, notissimumque est, nonnullis in regionibus hujusce radicis decoctionem usurpatam fuisse ad intermittentes febres debellandas, ac sæpe numero rem feliciter cecisse: remedium ergo hoc neutiquam est negligendum, tamquam vulgatissimum, fereque nullius pretii; præterquamquod, quandoque febres intermittentes peculiaris cujusdam indolis irrepere scimus, quæ Chinæ Chinæ pertinaciter resistunt, aliisque postea cedunt remediis infidis plerumque reputatis. Cæsalpinus autem Electuarium radice Pastinacæ, & saccharo confectum convalescentibus perutile, appetitumque ciens magnis laudibus extollit. Jamque innuimus cum J. Bahuino, iterumque monemus, Pastinacæ radices, cum radicibus Cicutæ, quibus figura, & dulcescenti sapore simulantur, confundendas non esse, quod imperitis Herbariis Hyeme rusticas radices effodientibus plerumque accidit, eorumque errore, ferales eventus ortum duxisse scimus: ergo Verno tantum tempore e solo erunt educendæ, quum scilicet caule, & foliis satis distingui possunt.

Quod vero a Rajo asseritur, radices Pastinacæ veterascentes, plurium nempe annorum spatio in solo detentas, comestas, noxias esse, phantasiâ pervertere, ac miseranda, & pertinacissima deliria progignere, Observatione *Ephemeridum Germanicarum Decuria* 3. anni 2. confirmatur, in qua D. Petrus Albrecht

Albrecht narrat, a se ipso, quamplurimos hisce symptomatibus eadem de causa correptos, Vomitorio immediate, ac postea Theriaca propinata, sanatos fuisse.

Rx. Sem. Pastin. fativ. tus. ʒ iij. Ebulliant in duobus cyathis Vini optimi albi veteris austeri ad mediæ partis consumptionem. Coletur, vique exprimatur, ac tepide propinetur in Febribus intermittentibus, quatuor, aut quinque ante paroxysmum horis, ægro in lectulo probe cooperto, decumbente: quinque, vel sex vicibus, eadem ratione, remedium repetetur.

Rx. Rad. Pastinacæ fativ. lot., nec rasar. Man. ij. Taleolatim incisæ ebulliant nonnullis horæ minutis in 15 j. Vini albi austeri, & infusæ per noctem relinquantur in cinerario calido; Forti expressione mane colentur, tribusque dosibus propinetur decoctio tepida quatuor horarum intervallo in accessus intermissione.

P E L L I B O S S A.

LYSIMACHIA, seu Lysimachion luteum, *Offic.* Lysimachia lutea, major quæ Dioscoridis, C. B. P. 245. *Inst.* R. H. 141. Lysimachia lutea, J. B. 2. 901. *Ger. Raii Hist.* 1021. Lysimachium verum seu legitimum, *Dod. Pempt.* 84. Lysimachia lutea, major, vulgaris, *Park.* Lysimachia foliis lanceolatis, caule corymbo terminato, *Linn. Flor. Lappon.* 51. Salicaria flore flavo, seu Melino, Salicaria lutea, Pellibossa, *Nonnull.* vulgo, *Lysimachie*, *Corneille*, *Souci d'eau*, *Percebosse ou Chassebosse*.

Radix rufescens, in terræ superficie repens, plures profert caules, duos, vel tres pedes altos, erectos, striatos, hirsutos, pluribus refertos nodis, ex quorum unoquoque tria, vel quatuor, vel etiam nonnumquam quina, raro bina exeunt folia oblonga, mucronata, Salicem latis foliis æmulantia, superne atro-virentia, inferne vero sub-albida, & lanuginosa. Flores autem summis ramis in modum parvæ rosæ in quinque vel sex portiunculas divisi floribus Hyperici æmuli, gustus acidus, & inodori, in fructus abeunt plerumque sphaericos, extremo in plures cellulas sese aperientes, semina occludentes minuta, & adstringentia. Humidis, & paludosis in locis, prope rivulos, & fossarum margines excrescit, floretque Junio, & Julio; inter venustiores agri plantas connumeratur, fasciculosque exhibet florum, qui cum floribus Lysimachiae rubrae, aut Salicariae, de qua suo loco verba faciemus, si forte misceantur, aspectu revera elegantissimi sunt. Rajus observat, raro hanc plantam reperiri; hoc autem verosimiliter Angliæ refertur: in hac enim regione, & in agro Parisiensi præsertim, vulgatissima est. Cæsalpinus observavit, quandoque bina, tria, vel quatuor folia caulium nodis opposita Pellibossam gestare, & D. Tournefortius asserit, idipsum in una eademque planta observasse: quod ad ejusdem plantæ varietates est referendum.

Pellibossa plurimum in se habet phlegmatis, & olei, parumque salis, & ab Authoribus, tamquam adstringens, & vulneraria reputatur. Interne aut ejus decoctio, aut pulvis adversus dysenteriam, immodicum mensium fluxum, aliasque hæmorrhagias usurpatur: hæc eadem decoctio pro Gargarismo vulnerario detergente adversus parvas oris exulcerationes adhibetur. Contusa etiam, Cataplasmate ad detergenda, & consolidanda vulnera, ad-

versus carbunculos, bubonesque pestilenciales externe applicatur. Ejus vero flos, capillos reddit flavescentes, ejusque pulvis escoriationes, præsertim in pedibus ob nimium angustarum crepidarum usum sanat. Si autem comburatur, serpentes, & muscas adeo cubiculis infestas, odore præsertim, forti, & acri expellere solet.

℞. Pulv. Lyfimachiæ ʒ j. F. B. cum Syrupo Rosarum exsic., aut Cydonior., repetaturque tribus vicibus de die, in dysenteria, vel alia hæmorrhagia interna.

℞. Herb. Lyfimachiæ, & Agrimonix ana. Man. j. Ebulliant cum Man. f. Hordei in lb ij. aquæ ad medias. Colaturæ adde Mellis rosacei ʒ j. pro Gargarismate adversus oris, & gingivarum ulcera.

P E R F O L I A T A.

INter diversas PERFOLIATÆ species, sequentes duæ tantummodo a Medicis usurpantur.

Bupleuron, Costa Bovis, Auricula Leporis, *Offic.* Bupleuron folio subrotundo, sive vulgatissimum, C. B. P. 278. *Inst.* R. H. 309. *Raii Hist.* 473. Auricula Leporis, umbella lutea J. B. 3. 200. Auricula Leporis Monspeliensium, *Gesn. Hist. Anim.* Bupleurum angustifolium, *Tabern. icon.* 872. Bupleuron angustifolium herbariorum, *Lob. icon.* 456. Isophyllon, *Cord. Hist.* Buprestis, Gratia Dei, herba Coparia, herba vulneraria, *Nonnull.* vulgo, *Perce seville vivace.*

Radicem habet exiguam, rugosam, sub-viridem, fibrosam, gustus acris, caulemque pellit pedem cum dimidio, vel duos pedes altum, gracilem, lævem, striatum, nodosum, intus cavum, ramosum, quandoque sub-rubrum, quandoque viridem. Folia vero præsertim caulis, longiuscula sunt, angusta, simplicia, alterna, & nervosa; in basi autem locata aliquantulum sunt latiora. Flores summis caule, ramulisque umbellati enascuntur lutei, floribus Fœniculi accedentes, quorum quisque pluribus foliis in modum rosæ dispositis componitur. Hisque succedunt semina oblonga Petroselini seminibus æmula, striata, cinerea, acidi gustus. Planta hæc, quæ Auricula Leporis vocatur, abunde in montanis locis crescit, juxta sepes, atque inter dumeta, floret autem Julio, & Augusto, seriusque, semenque Autumno maturescit, nempe Septembri, & Octobri; & in solo argillaceo præcipue seritur agri Parisiensis incola.

Auricola Leporis plurimum continet salis, & nonnihil olei. Tota planta acido scatet sapore ad amarum accedente. Ejus folia vim habent detergentem, exsiccantem, & vulnerariam. Semen vero calidum est aperiens discutiens, sudores, urinasque ciet; mansumque salivæ excitat secretionem, sputumque promovet.

Perfoliata vulgaris, *Offic.* Perfoliata vulgatissima, sive arvensis, C. B. P. 277. Perfoliata simpliciter dicta, vulgaris, annua, J. B. 3. *Part.* 2. 198. Perfoliata, *Dod. Pempt.* 104. *Matth. Fuchs.* Perfoliata vulgaris, *Ger. Park. Raii Hist.* 471. Bupleurum perfoliatum, rotundifolium, annuum, *Inst.* R. H. 310. Perfoliatum vulgatius, flore luteo, folio umbilicato, *Lob. icon.* 396. Perfoliata vera, seu genuina, Diaphyllon, *Quorumd.*

E radice minimum digitum crassa, simplici, lignosa, alba, nonnihil fibrosa, gustus dulcis ad Rapunculum accedentis, caulis unicus propellitur, pedem

pedem cum dimidio altus, gracilis, firmus, rotundus, pilis destitutus, striatus, cavus, nodosus, ramosus, fractu aromaticus, foliis alternis, simplicibus, ovalibus, aut fere rotundis, lævibus, nervosis, caule, aut ramis intersectis, coloris glauci, saporis acris. Flores vero in ramulorum apicibus parvi, umbellis luteis, quinquepetalis rosaceis, brevibus appensi petiolis locantur, abeuntque in semina bina simul juncta, oblonga, gibba, striata, & sub-nigra. Inter segetes in arvis, in solo pingui, quandoque etiam in hortis locisque fabulosis planta hæc conspicitur, floremque profert Junio, Julio, & Augusto, vulgatissima quoque est in agro Parisiensi. *Perfoliata* vero nuncupatur ob folia a caule, & ramminis quodammodo perforata. Juxta J. Bauhini sententiam, Dioscorides, alique veteres Authores, *Perfoliatam* nostram silentio præterierunt; annua est, semineque multiplicatur; dum e contra præcedens vivax est, & nunquam perit.

Plurimum salis essentialis, atque olei in se habet, & ab omnibus uti vulneraria-adstringens recipitur. Totius plantæ decoctio, aut ejus folia sicca in pulverem redacta, iis exhibentur, qui ab aliquo lapsu, aut violenta contusione, alicujus corporis vasis rupturam perpeffi sunt; nec non eadem ratione propinata adversus Hernias in pretio habetur, externe applicata Cataplasmatibus forma cum Vino, & farina Fabarum, Tritici farina præstantiori, decocta. A Schordero, & S. Paulli in hernia umbilicari plurimum commendatur, ab hoc postremo Cataplasma, imponebatur Prædicta, Pilosella, Herniara, Plantagine, & Musco Prunus sylvestris, post ebullitionem in Vino paratum. Dodonæus vero existimat, idem remedium Strumas resolvere, & J. Bauhinus asserit, Exostoses dissipare, optimumque esse adversus fracturas.

Cataplasma adversus Hernias, & Strumas.

℞. Herb. *Perfoliatæ*, *Pilosellæ*, *Herniariæ*, *Plantaginis*, & *Muschi Pruni sylvestris* ana. Man. ℞. Coque in ℔vj. Vini rubri optimi ad medias, appliceturque calidum Herniis, duobus, vel tribus vicibus de die usque ad sanationem.

℞. Pul. *Perfoliatæ* exsicc. ʒj. M. cum q. s. Syrupi *Hederæ terrest. f. b.* ex nebula, adversus lapsus, & internas contusiones.

P E R I P L O C A.

SCAMMONEUM, five Scammonium Monspeliacum, Offic. Scammonia Monspeliaca foliis rotundioribus, C. B. P. 294. Scammonea Monspeliaca flore parvo, J. B. 2. 136. *Periploca Monspeliaca*, foliis rotundioribus, *Inst. R. H.* 93. *Apocynum quartum latifolium*, Scammonea Valentina, *Clus. Hist.* 126. *Raii Hist.* 1088. Scammonia maritima Monspeliaca, *Richier. Onomast. Lugd. Hist. Camer.* Scammonea Monspeliaca dicta, *Park.* Scammonea Monspeliensis, *Ger.* Volubilis marina, *Convolvulus Scammonia Monspeliaca dictus*, Scammonia Monspeliensis floribus exiguis, Scammonia adulterina, *Nonnull.* vulgo, *Scammonée de Montpellier*, *Apocyn a large feville de l'Ecluse.*

Ei radix est fere digitum crassa, longa, alba, capillitio stipata, repens, lateque super terram serpens, succo lactescente, uti tota planta, referta. Caules vero profert sarmentosos, longos, bicubitales, tenues, rotundos,

ramosos, flexibiles, obvia quæcumque amplectentes, foliis oppositis, Aristolochiæ clematitidis, vel Affari foliis æmulis, latis, densis, lævibus, sub-albidis, pediculum versus falcatis, mucronatis, caudis longis appensis, succo lactescente foëtis. Ex foliorum axillis apparent florum fasciculi, longo elati pedunculo, parvi, albi, stellati, quinquifidi, qui abeunt in fructus duobus instructos vaginis, Apocyni fructibus similes, sese sponte maturescendo aperientes, materiamque lanuginosam feminibus imbricatis refertam ostendentes. Planta hæc Periplocæ species quædam juxta mare Monspelinse excrescit, in sabuloso Galliæ Narbonensis solo, ripis Rhodani, inque maritimis Regni Valentix locis, juxta Clusii relationem. Junio, Julio, & Augusto floret. Ejus vero lactescens succus coctura inspissatus nigrescit, veramque Syriæ Scammoneam æmulatur tum colore, cum vi solvente.

Ut vero ad hanc vim exerendam sufficiat, dosis est augenda. Pseudo-Mercatores, & præsertim Marsilienses succum hunc ita paratum una cum vera Scammonea Smyrnenfi, & Alepenfi mixtum parvi venditando plurimum lucrantur; Scammoneæ autem sic adulteratæ efficacia adeo alteratur, ut effectu suo pene destituta sit.

P E R S I C A R I A .

PLanta est plurium specierum, nos hic binas solummodo in usum Medicum venientes, videlicet Persicariam mitem, & Persicariam urentem describemus.

PERSICARIA mitis, *Offic.* Persicaria mitis maculosa, & non maculosa, C.B.P. 101. *Inst. R. H.* 509. Persicaria mitis, J. B. 3. 3. 779. Persicaria secunda, *Tabern. icon.* 857. Persicaria, *Math. Fuchs. Dod. Lugd. Hist.* Persicaria maculosa, *Ger. Raii Hist.* 183. Persicaria vulgaris mitis, seu maculosa, *Park.* Persicaria maculis nigris, *Gesn. Hort.* Persicaria florum staminibus senis, stilo duplici, *Linn. Hort. Cliff.* 42. Persicaria maculata. Pulicaria foemina, Molybdæna, Plumbago, Cratæogonon, Pavonaria seu Pavonum speculum, Britannica, Sanguis Christi, *Nonnull.* vulgo, *Persicaire douce tachée.*

E gracili radice, obliqua, fibrosa, lignosa, fractuque difficili, caules exeunt pedales, rotundi, cavi, sub-rubri, ramosi, nodosi, foliis nonnihil latis, foliorum Mali Persicæ, vel Salicis æmulis, in centro, quandoque nigra aut plumbea macula obfignatis, quandoque ea destitutis. Flores vero spicei ex foliorum alis in vertice pediculis longis appensi conspiciuntur monopetali, quinquifidi, calyce orbati, quinque staminibus, plerumque purpureo-lucentibus, quandoque etiam albidiusculis, quibus præsto sunt semina ovalia, plana, mucronata, lubrica, & sub-nigra. In hac vero urens sapor, ut in sequenti neutiquam deprehenditur; nonnihil acidi tamen præsefert; loca aquatica, & paludosa amat; fossarum humidarum, lacuum, rivulorum, agrique Parisiensis incola est; Julio & Augusto præcipue florescit.

Persicaria vulgaris plurimum phlegmatis, atque olei, parumque essentialis salis largitur, nonnihil præterea salis volatilis concreti. Jure D. Tournefortius adnotavit, plantam hanc mansam quopiam adstringenti sapore linguam afficere, chartamque cæruleam saturate-rubro colore imbuere, ex quo con-jicere possumus, hujusce sal ejusdem fere esse naturæ, ac sal ammoniacum, magna terræ portione foëtum, exigui sulphuris miscella: Ideoque uti ad-

strin-

stringens, detergens, & vulneraria commendatur. Ejus decoctio optima est adversus ventris fluxus, & dysenteriam, præsertim, si alicujus intestinalis ulceris suspicio adsit, denique contra cutaneos morbos. Utiliter ergo ejus Ptisana exhibetur scabie, aliisque cutaneis eruptionibus affectis. *In actis Regiæ Scientiarum Academiæ anni 1703. pag. 304.* prædictus D. Tournefortius asserit, hanc Persicariæ speciem, Vulnerarium esse, præ cæteris efficaciorē, ejusque decoctionem ex Vino gangrænā mirabiliter sistere, quod a Persicaria urenti non præstatur. Hujusce sapientissimi Viri sincera fides nunquam in dubium revocata, nobis omnium remediorum tutissimum contra eosdem morbos ministrat.

Persicariæ folia usurpantur in Unguento mundificativo de Apio dicto; Summitates vero floridæ in Balsamo tranquillo; Salque fixum in Petra medicamentosa *Pharmacopææ Parisiensis*.

℞. Rad. Lapathi sylv. & Enulæ Campanæ, lotar. rasar. & taleolatim incisar. ana. ℥ ℔. Coque cum carnis vitullinæ ℔ ℔. in ℔ iij. aquæ ad medias. Adde ultima semihora Man. j. Folior. Persicar. vulgar. & Man. ℔. Folior. Fumariæ; Levi expressione colentur per linteolum, dividaturque Colatura in duas partes, quarum una Mane jejuno stomacho, altera Vesperi propinabitur, repeteturque per dies ix. Pro unaquaque autem dosi solvetur ℥ j. Salis Glauberiani, curando ut venter initio, ac in fine solvatur, Jusculum hoc convenit in Scabie, Impetigine, Porrigine, & Prurigine, aliisque omnibus cutaneis vitiis a Lymphæ acrimonia, & lentore oriundis.

Fomentum adversus Gangrænā.

℞. Folior. Persicar. mitis Man. ij. Leniter ebulliant in ℔ ij. Vini rubri ad medias. Forti expressione coletur, linteolaque hoc Vino calido madefacta applicentur partibus Gangræna affectis, aut Gangrænā minitantes, tertia quaque hora, eam innovando, cureturque, ut quatuor de die vicibus ℥ iij. ejusdem decoctionis hac de causa paratæ propinentur.

Ptisana adversus Diarrhæam, & Dysenteriam.

℞. Rad. Consolidæ maj. lotar. ℥ j. Folior. Persicariæ mitis Man. j. Superafundantur ℔ ij. ferventis aquæ, & post semihoræ infusionem colaturæ adde Syrupi Consolidæ maj. & Cydonior. ℥ j. M. pro potu communi.

Persicaria urens, *Offic.* Persicaria urens, seu Hydropiper, C. B. P. 101. *Inst.* R. H. 509. Persicaria acris, sive Hydropiper, *Jo. B.* 3. 780. *Raii Hist.* 182. Hydropipari, *Dod. Pempt.* 607. Hydropiper, *Matth. Ger.* Persicaria vulgaris acris, sive minor, *Park.* Persicaria mascula, *Brunf. Ruell.* Persicaria florum staminibus senis, stylo bifido, *Linn. Hort. Cliff.* 46. Mercurius terrestris, *Parac.* Piper aquaticum sive aquatile, Piperitis, Herba Pulicaris, sive Pulicaria mas, Persicaria mordax. Zinziber caninum, *Quorumd.* vulgo, *Curage*.

Huic radix est simplex, lignosa, alba, fibrosa, plures caules emittens pedem, aut pedem cum dimidio altos, firmos, rotundos læves, nodosos, aliquando subrubros, aliquando luteo-virides, & ramosos, foliis e caulis nodis erumpentibus, eumque amplectentibus, appendiculis membranaceis, brevibus appensis pedunculis, dilute viridibus, macula, & pilis destitutis, foliis Mali

Persicæ similibus, a qua hoc plantæ genus nomen mutuatur. Flores vero in caulis, & ramulorum apicibus enascuntur in spicæ longæ, & gracilis formam dispositi, monopetali, quinquifidi, calyce destituti, quinque conflati staminibus, coloris plerumque purpurei, tandem in semina satis crassa, veluti triangularia, lucentia, & sub-nigra abeuntes. Gustu Piperis, acri, & mordaci tota scatet planta; annua est, inque locis humidis, aquaticis, & paludosis excrescit, nonnunquam juxta rivulos, & fossas, in quibus Hyeme aqua stagnat, & præcedentis in modum Julio, & Augusto plerumque floret.

Analyseos vero Chymicæ ope plurimum acidi, olei, & terræ, parumque salis volatilis concreti largitur. Sapor acerrimus est & urens, chartamque cæruleam saturate rubro colore imbuunt. Ejus autem sal plurimum accedit, ad sal, ex mixtura salium Corallorum, & Ammoniaci acido saturatissimorum, elicatum. Uti maxime detergens, & vulneraria commendatur in clysteribus adversus Tenesinum, & Dysenteriam; eodemque tempore bolus ejus pulvere, cum Vino in consistentiam syrupi, saccharo decocto, permixtus exhibendus est. Solvens præterea, & aperiens contra Hydropem, Icterus, viscerumque obstructions præscribitur. Quominus vero in crepidis, ut quibusdam usuvenit, Planta hæc deferatur, ejusdem Man. j. in jussulo omni pinguedine destituto ebulliat, linteo postea coletur, addaturque Tartari martialis solubilis ℥ β. Ejus aqua distillata ℥ ij. vel ℥ iij. specificum est in calculo, & fabulosis vesicæ concretionibus. Plurimum quoque ab Etmullero commendatur eadem aqua ad vermes enecandos, additque a nonnullis in variolis, & elephantiasi usurpari. Hujusce etiam foliis tussis, membra arthriticis doloribus affecta mirabiliter solantur, quinimmo dolorem a carie dentis productum mitigat pilula ex ea efformata in dentis foramine introducenda.

Piper aquaticum frequentius a Chirurgis usurpatur ad tumores oedematosos crurum, coxendicum, aliarumque partium dissipandos: Ejus stirpes ebullitæ, & calidiusculæ applicantur, aut linteola ejus decoctione madida. Omnes Authores consentiunt, *Persicariam* urentem contusam, & antiquis ulceribus applicatam, corruptam carnem exedere, pus detergere, & exsiccare. Hæc eadem Cataplasmatibus forma Equorum contusiones resolvit, eorumque vulneribus, & ulceribus hujusce succo madefactis, numquam muscæ magnæ etiam æstus tempore accedent.

De facultatibus vero pene miris, ac singularibus, quas nonnulli Alchymistæ huic plantæ pro ægritudinum transfusione tribuerunt, longius hic verba facere supervacaneum erit. Crollius, Marcus Marci, Schmuck, aliisque hujusce scholæ sapientes testantur, hujusce plantæ folia aqua macerata genis adversus dentium dolorem, & vulneribus, ulceribusque apposita, usquedum calore partis calefiant, ac deinde hæc eadem folia in terram confossa, ut prompte putrescant, dentium dolorem cessare eodem gradu, quo hæc ipsa ad putredinem magis accedunt; ulcera quoque ac vulnera eodem pacto exacte consolidari. Riverius vero, ut citius curatio exitum habeat folia ex ægris partibus avulsa in flammam iniciebat. Credat quicumque velit, nos autem, qui nullam aliam, præter auctoritatem experimentis comprobata in arte Medica recipimus, libentissime confitemur, nullam modo allatis fidem præstandam esse.

℞. Seri Lactis, aut aquæ Semin. Lini ℥ j. β. Folior. Persicar. urent. Man. j. Ebull. ad ℥ j. Coletur pro clystere in Tenesmo, & Dysenteria usurpando.

do . Bolus pulvere ejusdem plantæ, & Vino cum Saccharo, aut Syrupo rosarum exsiccatar. decocto paratus Clysteri prædicto sociabitur.

℞. Pulli dimidium, & carnis Vitull. ℥ β. Coque in f. q. aquæ, usque dum Jusculum conficiatur, postrema semihora adde Folior. Persicariæ urentis Man. j. & summitatum Marrubii albi Pug. ij. Coletur deinde per linteolum levi expressione, solvaturque ℥ β. Tartari martialis solubilis pro Jusculo quindecim dierum spatio repetendo mane jejuno stomacho in Ictero, & Mesenterii obstructionibus, curando ut alvus lubrica interim servetur.

Fomentum ad Tumores œdematosos crurum, & coxendicum, aliarumque partium dissipandos.

℞. Aquæ Calcis ℥ ij. & aquæ fontis ℥ j. Ebull. cum foliis Persicariæ urentis Man. ij. & Baccar. Lauri tusar. ℥ ij. ad ℥ ij.; colatura servetur pro fomento, ad partes œdematosas madefaciendas repetitis de die vicibus.

P E R V I N C A .

DUæ tantum PERVINCÆ species nobis notæ sunt a Medicis usurpatæ, Angustifolia, & Latifolia.

Pervinca vulgaris, Offic. Clematitis Daphnoides, minor, flore cœruleo vel candido, C. B. P. 301. Clematitis, Daphnoides, minor, flore cœruleo, purpureo, violaceo, ut & albo, simplici ac pleno, J. B. 2. 130. *Raii Hist.* 1091. Clematis Daphnoides, *Dod. Pempt.* 405. Pervinca vulgaris, angustifolia, flore cœruleo vel albo, *Inst. R. H.* 120. Vinca Pervinca minor, *Ger. Vinca Pervinca vulgaris, Park.* Pervinca quod semper vireat, *Trag. Chamœdaphne altera Dioscoridis, Brunf. Daphnitis, idæa Daphne, Laurago, Laureola, Danae Eupetalon, Nicophyllon, seu Victoriæ, folium, Mustellago terrestris, Hypetale, Mitrion, Polygonoides, Clematis Ægyptia, Stephane Alexandri, Nonnull. vulgo, la petite Perwenche.*

Radice nititur fibrosa plurima sarmenta efferente, aut minutos caules, longos, rotundos, virides, nodosos, super terram serpentes, quibuscumque obviis adhærescentes, foliis oblongis, lævibus, superne viride-lucentibus, inferne vero dilutioribus, firmis, colore, & consistentia Hederæ, figura vero Lauro æmulis, & exilioribus, binis invicem oppositis, brevibus elatis pediculis, gustus adstringentis, & amariusculi. Flos vero inodorus e caulis nodis erumpens satis longo pedunculo appensus tubulo efformatur, in latum expanso, & quinquifido, ut plurimum cœruleus est, nonnunquam albus raro ruber, quandoque simplex, quandoque vero duplex, ac raro admodum faceffit in fructum duobus instructum filiquis, semina oblonga, fere cylindrica, latere ut plurimum fulcato occludentem. Planta hæc vivax est, semperque viret, sponte, ac facile multiplicetur, tum radicibus, cum sarmentis, quæ huc, illuc pullulant; vix Vere ineunte Martio, & Aprili ut plurimum floret, & diutissime hoc in statu perdurat: fructus vero vix unquam elargitur. D. Tournefortius, nec hisce in regionibus, nec in Provincia, aut Occitania, in quibus vulgatissima est, ejus fructum, unquam conspexisse asserit; additque, si forte eundem examinandi cupiditate flagremus, in vase cum pauca terra serendam esse, tunc enim succus in radicibus neutiquam dispergetur, coge.

cogeturque in caules subire, pistillumque in fructum facescens afflare; & hæc potissima ratio est fructus plurimos e Ficu, aliisque plantis eliciendi, præsertim in frigidis regionibus, in quibus radices nimium expanduntur. Pervinca angustifolia præ altera Medico usui inservit, & in *Faltran* aut vulnerariis Helvetiæ usurpatur, in quibus facile discernitur; quamvis autem hac vulgatus præ latifolia utamur, æquali tamen adstringenti, & vulneraria virtute ambæ donantur. Ubique fere obviæ sunt in sepibus, dumetis, saltubus, fossis, aliisque contectis, humidis, umbrosisque locis. Juxta D. Tournefortium inter veteres Botanicos solus Cæsalpinus Pervincæ fructum observavit.

Pervinca latifolia, *Offic. Clematis Daphnoides major*, C. B. P. 302. *Dod. Pempt.* 406. *Rai Hist.* 1091. Clematis Daphnoides major flore cæruleo & albo, J. B. 2. 132. Pervinca vulgaris, latifolia, flore cæruleo vel albo, *Inst. R. H.* 119. Pervinca major, *Lob. Eyst.* Pervinca altera major, *Cæsalp.* Clematis Daphnoides latifolia, *Clus.* Clematis Daphnoides major cæruleo flore, *Matth. Camer. Hort.* Clematis Daphnoides, sive Pervinca major, *Ger.* Clematis Diaphnoides latifolia, sive vinca Pervinca major, *Park.* Vinca Pervinca folio latiore, Clematis Daphnoides grandioribus floribus cæruleis vel albis, *Quorumd.* vulgo, *le grand Pucelage*.

Radice est fibrosa, & repente, quæ plurimos emittit caules crassiusculos, longos, rotundos, nodosos, virides, repentes, foliis binis juxta caulem invicem oppositis, caudis longis elatis, expansis, expolitis, colore viridi lucenti, gustu amaro, ingrata acredine permixto. E foliorum alis progeniti flores monopetali, magni, ut plurimum cærulei, quandoque albi, ac inodori late expanduntur, brevibusque pedunculis sustinentur, quibus præsto sunt oblongi fructus duobus constantes siliquis, plurima semina oblonga, fere cylindracea, ac sulcata occludentibus. A præcedenti differt omnibus sui partibus longe majoribus; in hortis feritur, in quibus late virescit arbustatarum arborum ordine composita; Hyeme vero nimium argente perit præcedenti delicatior, & tenerior; in locis incultis & nonnihil pinguibus, in sepibus, prope vias, agri Parisiensis incola sponte crescit. Hæc quoque Pervincæ species, uti præcedens raro fructus edit, nisi sarmenta sæpe sæpius cultro scindantur.

Amara est, satisque chartam cæruleam rubro inficit colore; jure igitur conjicere possumus, oleum, ac terram in Pervinca prædominari, ejus autem sal ad Aluminis naturam accedit, quidpiam tamen urinosi salis præsefert, alumenque prorsus æmulatur, in quo urina fuerit permixta, ut melius in crystallos facesceret; Chymicæ enim Analyseos adiumento præter plures acidos liquores, plurimum terræ, atque olei, parumque volatilis salis ex ea recipitur. Vulneraria, adstringens, & febrifuga est; vulgatioque ejusdem usus esse solet, ut immoderatus mensium, & hæmorrhoidalium vasorum fluxus, fluoresque albi cohibeatur. Ad hunc vero finem obtinendum ℞ jv. ferventis aquæ Man. iij. foliorum Pervincæ superaffunduntur, vas cooperiendo; ab igne retrahitur, & infusio repetitis cyathis, diversis horis exhibetur; eadem vi pollet ejusdem Conserva, & Extractum. Cum Cancris fluviatilibus eadem planta decocta, & jusculi forma, convenienti temporis spatio feliciter cum successu propinata fuit in sanguinis sputo a D. Garidelio, uti ab eodem asseritur in *Historia Plantarum agri Aquisextiensis*. Lac vero cum Pervincæ decoctione mixtum Phthisi, & Dysenteria affectis utilissimum est. In Hydrope

drope vero Lac distillatum optimum est, in quo xxiv. horarum spatio maceratae fuerint Pervinca, Tanacetum, ac Eupatoria Avicennae, quod facilius, quam praedictum decoctione permixtum hypocondria pertransit.

Quod vero ad ejusdem externum pertinet usum, in narium haemorrhagia usurpatur, ejus foliorum tusorum frustulis nares obturando. Agricola vero merito praescribit Gargarisma cum decoctione ejusdem paratum, uti validissimum remedium adversus Anginam suffocativam. Optimum pariter censendum est adversus Amygdalarum, & Uvulae inflammationes, utque magis temperans sit cum Lacte misceri potest. Pervinca quoque contusa, mammisque applicata, fac nutricibus reddit, juxta Authorum relationes; Rajusque in *Historia Plantarum* una cum D. Hulse testatur, folia eadem recentia super bibulam chartam extensa, & scrophulis Cataplasmatibus, forma applicata, ad eas discutiendas, & exsolvendas mirum in modum valere; J. Bauhinus autem post Tragum asserit, sufficienti Pervinae quantitate in dolio Vini turbidi immissa, brevi optimum reddi, praesertim recipiente antea immutato.

Usurpantur Pervinae folia in Aqua Vulneraria, in Unguento mundificativo de Apio dicto, & in Balsamo Oppodeltoch *Pharmacopaeae Parisiensis*.

Rx. Aquae ferventis ℥ j. β. Infundatur per semihoram Pug. j. Fol. Pervinae, coletur liquor inclinatione, addatur Sacchari parum.

Haec infusio contra albos fluores, mensesque immodicos convenit, apto temporis spatio repetita.

Rx. Pulli mediam partem, Oryzae lotae cochlearia ij. Coque in ℥ iij. aquae ad binas doses. Postrema semihora adde Fol. Pervinae, & Plantaginis ana. Man. j. Cancror. fluv. mund. & tus. N. vj. Fiat colatura linteolo forti expressione, dividaturque in partes duas, quarum una Mane jejuno stomacho altera vero Vesperis, in sanguinis sputo, & Phthisi sumetur per mensis spatium.

Rx. Fol. Pervinae, Tanaceti, & Eupatorii Avicennae ana Man. ij. Paululum tusa macerentur per hor. xxiv. in ℥ vj. Lactis Vacc. recent. Distillationi dein omnia committantur S. A. ad ℥ jv. in cucurbita residuum relinquendo, serveturque liquor in vasis probe obturatis.

In Hydrope Ascite quatuor per diem cyathi aegris erunt propinandi.

P E T A S I T E S.

PETASITES vulgaris, *Offic.* Petasites major, & vulgaris, C. B. P. 197. *Inst.* R. H. 451. Petasites vulgaris, rubens, rotundiori folio, J. B. 3. 566. Petasites, *Dod. Pempt.* 597. *Trag. Fuchs. Tabern. Ger. Raii Hist.* 260. Petasites vulgaris, *Park.* Petasites magnus perperam Tussilago major, *Matthioli Lugd. Hist.* 1053. Tussilago scapo imbricato Thyrsifero, flosculis omnibus Hermaphroditis, *Linn. Hort. Cliff.* 411. Tussilago magna, major, & maxima; Personata, seu Persolata, Galerita, Petasites flore purpureo vel punicante odorato, sive mas, *Nonnull.* vulgo, *Petasite*, *herbe aux Teigneux*, *grand Pas-d'Asne*.

Radice est crassa, longa, foris nigricante, intus alba, gustus acris-aromatici, & amariusculi, odoris suavis. Caules vero emittit semipedales, & ultra, digito crassiores, cavos, lanuginosos, nonnullis indutos foliolis angustioribus, & acuminatis, in flosculorum purpureorum parvum poculum amu-

lan-

lantium, & in quatuor vel quinque partes divisorum fasciculos terminantes, qui calyce pene cylindraceo ad basim usque in plures partes diviso fulciuntur. Hi autem flores brevi flacescunt, & una cum caule cadunt, cristatis feminibus subsequenter. Folia autem magna, ampla, ferme rotunda, extremis nonnihil denticulatis, superne atro-viridia deciduo caule eyehuntur, centro caudæ pedem cum dimidio longæ, crassæ, rotundæ & carnosæ appensa; folia vero hæc pilei inversi, aut fungi pediculo elati figuram habent. Libentius, frequentiusque in locis humidis, secus fluvios, rivulos, lacus, ac stagna luxuriat; ineunte Vere florescit, nonnunquam etiam Februario, & Martio in calidis, nec non in frigidis regionibus, dummodo Ver dulcis sit, ac temperatus. Flos autem immediate a radice progignitur, foliaque antecedit ad modum floris Tussilaginis. Nonnullis in regionibus folia ad humanam usque staturam excrescunt, ut inter eas forte transeundo inter arbores incedere videatur, ad Hyemem usque perdurant, quibus novissima subsequuntur: radix enim vivacissima est, atque longe, lateque rependo in solo expanditur.

Alia quoque Petasitis species flore albo, præcedenti exilior reperitur, quæ eodem quoque tempore florem edit, & in montibus humidis, ac umbrosis excrescit; rarius præcedenti specie occurrere solet, easdem tamen habet facultates. Ejus radices tantum, raro autem folia in usum Medicum veniunt, ut plurimum autem radicibus Lappæ majoris sociantur, a nonnullis etiam Authoribus hæ duæ plantæ simul confunduntur, vel ob earumdem foliorum similitudinem, vel ob analogam facultatem, flores vero, & semina plurimum distant, uti & radices. Petasites major quamvis & rarior sit hac in regione, vulgatiores tamen est, quandoque etiam Parisiensis agri incola, ejusque radix, Minoris radice usitatiores esse solet.

Plurimum olei, salisque essentialis in hac planta continetur; radix vero, qua communiter utimur, aperiens, hysterica, resolvens, & vulneraria recensetur; expuitionem in Asthmate, Tussique pertinaci promovet, & feliciter in malignis febribus, & variolis propinatur, nec non ad urinas, mensesque ciendos potissimum commendatur ℥ j. in ℥ ij. aquæ ad medias decocta, aut infusa in Vini albi ℥ j. dosi ℥ j. Cyathus autem ejusdem parvus mane jejuno stomacho per aliquod temporis spatium exhibetur. Prædicta quoque Acetum infusione paratur, quod Rutæ succo, & Theriaca mixtum, valentissimum est diaphoreticum in febribus malignis & pestilentialibus, quo præsertim Germani maxime utuntur, a quibus radix hæc *Anthi-pestilentialis* nuncupatur, propter ejus, erga venenum morbificum, ab ea per cutis meatus, & sudores mirabiliter eliminandum, efficaciam; quin etiam iisdem ac Costus Officinalis viribus, pollere creditum fuit, eique commode substitui potest. A nonnullis, ejus pulvis usurpatur ad vermes enecandos, nec non externe ad bubones resolvendos, & ulcera mundificanda.

Eadem radix adhibetur in Aquis, Generali, & Prophylactica, & Orvietano, radix vero, & folia in Emplastro *Diabotano Pharmacopææ Parisiensis*.

℞. Rad. Petasitis p. ℥ j. Diluatur exiguo Vini cyatho, exhibeaturque sero hora somni. Remedium hoc valet adversus porriginem, vermes, ulcera maligna, mejendique difficultatem a glareis in vesica stabulantibus ortam.

℞. Rad. Petasitis exsicc. & p. ℥ ℔. Florum sulphur. ℥ j. & Spermat. Ceti gr. xij.

gr. xij. M. cum Melle albo. F. B. mane jejuno stomacho in Asthmate ,
Tussique pertinaci propinandi.

℞. Rad. Patafitis, Bardanæ, & Scorsoneræ lotar. & in taleolas incisar. ana.
℥ ss. Ebulliant in ℔ iij. aquæ ad tertiæ partis consumptionem. Adde in
fine frustulos Glycyrrhizæ, coletur linteolo pro Ptisana in Febribus ma-
lignis, & Variolis propinanda .

P E T R O S E L I N U M .

INter diversas PETROSELINI species, usitatiores sunt Petroselinum vul-
gare, & Macedonicum.

Petroselinum vulgare, *Offic.* Apium hortense, seu Petroselinum vulgo, C.
B. P. 153. *Inst.* R. H. 305. Apium hortense multis, quod vulgo Petroselinum,
palato gratum, planum, & crispum, J. B. 3. 97. Apium hortense, *Dod. Pempt.*
694. *Gcr. Raii Hist.* 448. Petroselinum *Brunf. Trag. Cord. in Dioscor.* Petroseli-
num vulgare, *Park.* Selinon seu Apium, *Theophr. & Dioscor.* Apium verum,
Apium vulgare, Apium domesticum seu sativum, Apium mas, Petroselinum
vulgi, Petroselinum cultum, Selinum commune, Apium Hortulanum seu
legitimum, *Quorumd.* vulgo, *Persil domestique.*

Radice est simplici, digitum, & quandoque pollicem crassa, incana, lon-
ga, profunde in terram descendente, esu optima; ab ea vero caules ad
trium, vel quatuor pedum altitudinem, pollicem crassi, rotundi, striati,
nodosi, cavi, & ramosi propelluntur, foliis, aliis incisiss foliolis, constanti-
bus, viridibus, longis caudis stipatis. Flores vero summis caulibus, ramu-
lisque umbellati, quinque-petali, pallescentes, & rosacei insident, quibus se-
mina bina simul juncta, minuta, striata, cinerea, gibba, sapore acriusculo
succedunt. In hortis olitoriiis planta hæc colitur, in quibus facile frigorem,
ac calorem sustinet, dummodo in terra humida, aut frequenter humectata
feratur; aqua enim potissimum delectatur: & hæc potior est ratio, cur a-
bunde in solo pingui, præsertim prope fontes excreseat. Altero anno cau-
lem profert, floret autem Junio, & Julio, semina vero Augusto maturescunt.
Antiquissimus est hujusce plantæ usus, omnibusque ætatibus, ut inter legu-
mina excellentior, commendata fuit.

Duæ aliæ præterea Petroselini species in hortis satæ reperiuntur, quarum
una aspectus jucundissima, foliis crispatis distinguitur, vocaturque *Petroseli-
num crispatum*: nihil aliud est quam præcedentis varietas, quod tamen a
Nonnullis in dubium revocatur, Fabiusque Columna asserit, Petroselinum
crispatum sponte in regno Sardinia excrecere, e quo semen aliis in regio-
bus allatum fuit; altera vero species altius evehitur, ejus folia majora sunt,
radices vivaces, ac esu optimæ, ut Apii vulgaris radices, nuncupaturque *Pe-
troselinum crassum*, seu *Anglicum*.

In Petroselino magna salis acris, & mediocris olei exaltati prortio repe-
ritur: sal hoc acre adeo, & corrodens est, ut si vitreus poculus in aqua
mundetur, in qua Petroselinum prius ablutum sit, ac foliolum quodpiam
remansum fuerit, si parum ad poculum appellat, statim in frustula abeat
minutissima. Salis hujusce ope omnes ejusdem partes vim habent aperien-
di, obstructions referandi, menses ciendi, plurimosque alios similes effe-
ctus progignendi. Familiarissime tam in Culina, quam in Pharmacia usur-
patur.

patur. Radix intinctibus admiscetur, ac folia sapore gratissimo, & aromatico quamplurimis alimentis condimentum ministrant. Prædicta etiam radix in Ptisanis, Apozematibus, Jusculisque aperientibus usurpatur. Folia resolventia sunt, & vulneraria, ac cum successu vulneribus, & contusionibus tusa, & spiritu Vini commixta applicantur: lac etiam e mammis divertunt tusa, ac thoraci imposita; Decoctio autem radicum, aqua, aut lacte parata utilissima est ad Morbillorum & Variolarum eruptionem juvandam; mitissima quoque vi pollent sudorifica, qua in hisce casibus miros effectus edunt.

Petroselini semen inter quatuor semina calida minora locum habet, quæ sunt semen Apii, Petroselini, Ammeos, & Dauci. Semen hoc attenuans est, & diureticum, Nephriticis, Hydropicisque conveniens. Aqua distillata ex eo elicitur, quæ aut sola, aut potionibus aperientibus ab ℥ ij. ad ℥ jv. usurpatur. Dodonæus vero hanc potissimum commendat in Asthmate humido, Tussique inveterata. Petroselinum visui noxium esse, ejusque aciem debilitare Nonnulli autumant, quibus vero sententia hæc stipetur rationibus, prorsus ignoramus. Ab aliis Medicis asseritur, ejusdem usum Epilepticis non convenire, eorumque praxismos violentiores reddere. Qua de re in *Ephemeridibus Germanicis Decuria 3. Anno III.* extat. Observatio D. Hannemanni, quæ tam cum Veterum, quam cum Neotericorum opinionibus consentit, quamvis a Nonnullis cum Sebizio contrarium asseratur. Qua de causa hujusmodi ægrotantes non solum, quin etiam Nutrices, Infantibus huic morbo, & convulsionibus obnoxiiis, lac præbentes, ab eo sese abstinere, tutius esse existimamus; Quibuscumque temperamentis præterea indiscriminatim aptari non potest; suo enim aromatico, & exaltato oleo ad sanguinem inflammandum, capitisque ægritudines suscitandas valet: biliosi ergo calidisque temperamentis præditi eodem sobrie utantur. Extat præterea in *Ephemeridibus Germanicis anni 1727. pag. 285.* observatio D. Michaelis Valentini, qui testatur, semen Petroselini p., & in capite Infantum inspersum, tutius esse remedium ad pediculos enecandos, Staphisagria, & Mercurio, eodemque tempore humidam porriginem sanare, ab aliis vero facultas hæc pediculos enecandi feminibus Apii tribuitur; Idem laudatus Valentini addit, Petroselini nomen derivare ab urbe *Petronella* Hungariæ, inter Viennam, ac Posonium, ob magnam ejusdem plantæ copiam, qua ejus ager sponte fœcundatur; quæcumque sit hæc etymologia, quove plausu excipienda, nescimus, præsertim quia, consonantia quadam solummodo, cum *Petronella*, & *Petroselino* intercedente, fulcitur. Ceterum Petroselinum nostras sativum nequaquam est verum Græcorum Petroselinum, & concessio etiam quod unum, idemque esset, cur etymologia adeo incongrua, distansque a semita a veteribus nobis relicta perquirenda?

Petroselini radices usurpantur in aqua Generali, Syrupis Althææ, Quinque Radicum aperientium, & Artemisiæ *Pharmacopææ Parisiensis*; præterea in *Philonio Romano*, Benedicta laxativa, & *Hiera Diacolocynthidos ejusdem Pharmacopææ*.

℞. Rad. Petrosel. Eringij, & Asparagi ana. ℥ β. Rasæ taleolatim incidantur, ebulliantque in ℔. iij. aquæ ad tertiæ partis consumptionem. Ultimo semihorio adde Folior. Agrimonix, Cicorij sylvestris, & Chæropholij ana Man. j. Leviter exprimatur liquor per linteolum, solvanturque Arcani duplicati ℥ ij. Syrupi quinque radicum ℥ j β. M. pro Apozemate

zemate aperienti in Hydrope, cujus dosi, cyathus tepidus quarta quaque hora iterum sumendus.

℞. Rad. Graminis rasar. & contusar. Man. ℥. Petroselini, & Anonidis spinosæ ana. ℥. ℥. Ebulliant in ℔. iij. aquæ ad tertiæ partis consumptionem. Adde in fine Rad. Glycyrrhizæ in fila evulsæ ℥. ij. Colaturæ infunde Cryſtali montanæ, aut Nitri depurat. ℥. j. Pro ptisana aperienti pro potu communi in Hepatis, & Mesenterij infarctibus, & adversus glareas in Renibus, & Vesica stabulantes, & Hydropem.

℞. Rad. Petrosel. Asparagi, Brusci, & Polypodii Quercini mundatar. & contusar. ana. ℥. ℥. Ebull. cum ℔. ℥. colli vervecini in ℔. iij. aquæ pro binis dosibus. Adde extrema semihora Fol. Agrimoniz, & Cicorii sylvestris ana. Man. j. Coletur, dividaturque in partes duas, mane, & vesperi exhibendas, postquam soluta fuerit pro unaquaque dosi ℥. j. Arcani duplicati.

℞. Sem. Petrosel. ℥. ij. Tere & M. cum q. ℥. Mellis albi pro quatuor dosibus, binis diebus exhibendis, una scilicet mane jejuno stomacho, altera hora somni in Asthmate humido, Tussique inveterata.

℞. Aquar. distill. Petrosel; & Parietar. ana. ℥. ij. Syrupi Althææ Fernel. ℥. j. Spiritus salis dulcis. gut. X. M. pro potu diuretico.

℞. Rad. Petroselini lotarum ℥. j. ℥. Ebulliant in ℔. ij. Lactis ad medias. Coletur, dividaturque in doses duas calide sumendas trium horam intervallo ad morbillorum, & variolarum eruptionem promovendam.

℞. Fol. Petrosel. Man. j. Micæ Panis albi ℥. ii. Tere in mortario marmoreo, aut ligneo, & Cataplasmatibus forma mammis applicetur, ut lac evanescat.

Apium seu Petroselinum Macedonicum, *Offic. Apium Macedonicum, C.B.P. 154. Inst. R.H. 305. Raii Hist. 463. Apium sive Petroselinum Macedonicum multis, J.B. 3. 102. Petroselinum Macedonicum ex Lobelio, Dod. Pempt. 697. Daucus secundus Dioscoridis, Col. 107. Petroselinum Macedonicum, Matth. Petroselinum Macedonicum verum, Ger. Petroselinum Macedonicum quibusdam, Park. Apium petræum, Petrapium, seu Apium saxatile, Petroselinum verum seu legitimum Antiquorum, Nonnull. vulgo, le Persil de Macedoine.*

Radice est longa, crassa, alba, rugosa, lignosa, saporis acris. Caulem vero extollit ad pedis cum dimidio altitudinem, satis crassum, hirsutum, ramosum, foliis, Petroselini sativi æmulis, amplioribus, magis dissectis, ac denticulatis, lucentibus, ad Coriandri, & Babæ Hirci sive Tragopogoni folia accedentibus, dilute viridibus, ac sapore Petroselini vulgaris minus penetranti. Flores vero summis ramis umbellati, rotundi, subalbidi, quinquepetali, & rosacei enascuntur, tandem in semina minuta, villosa, & oblonga abeuntes, quæ etiam, odore aromatico, & sapore acris, & calido ad Cuminum accedente, donantur. Abunde in Macedonia crescit inter petras, montiumque saxa; hinc diversis nominibus insignitur. Hoc præterea verum est *Petroselinum* Veterum, neque putandum cum nonnullis, a Petroselino nostro sativo sola cultura differre, nostra ætate nominibus speciosis Mundus neutiquam decipi potest. Ab omnibus (inquit Galenus) *Petroselinum Macedonicum* avide exquiritur, tamen regio, in qua sponte crescit prærupta admodum est, & angusta nimis, nec adeo magnam pro universis nationibus copiam largiri potest, hinc *Petroselino Macedonico* idem accidit, quod

& de

& de Melle Attico, & Vino Falerno notum est, vafri enim, lucrique avidi mercatores per urbes fere omnes Mel Atticum, Vinumque Falernum venditant spurium, aut artefactum, idemque, de Petroselino Macedonico numcupato, est asserendum. Cæterum nihil refert utrum semina Petroselini alius speciei in Therica usurpentur.

In hortis colitur Petroselinum Macedonicum; solumque saxosum, ac sabulosum amat. Semen tantum, in usum revocatur; recens sit, probe nutritum, mundatum, coloris atrii, odoris, soporisque grati, & admodum aromatici. Petroselinum vulgare pro culinario usu, aliisque, huic anteponitur, tamen virtute alexipharmaca, a Petroselino Macedonico superari creditur.

Quamvis origine sua planta hæc exotica sit, ob facilitatem, qua nostris in hortis excrefcit, veluti indigena reputatur, ac excedenti tantummodo frigore ladi potest. Semen vero à Medicis usurpatum plurimum in se habet olei exaltati, salisque volatilis; nec adeo acre est, uti Petroselini vulgaris semen, Thericæ, ut innuimus, admiscetur, valetque ad menses ciendos, humores crassos obstructions progignentes, attenuandos, atque incidendos, flatusque discutiendos.

P E U C E D A N U M.

PEUCEDANUM. *Offic.* Peucedanum Germanicum, C. B. P. 149. *Inst.* R. H. 318. Peucedanum minus, Germanicum, I. B. 3. 36 Peucedanum, *Dod. Pempt.* 317. *Trag. Ger. Raii Hist.* 415. Peucedanum, fœniculum Porcinum, *Lob. icon.* 471. Peucedanum vulgare, *Park.* Pinastellum, sive fataria herba, Maratrophyllon, Marathrum, seu fœniculum sylvestre, Cauda Porcina, fœniculum agreste vel suavium, Peucedanon foliis angustioribus, *Quorumd.* vulgo, *Queve de Porceau.*

Radice nititur crassa, fibrosa externe nigra, interne alba, succulenta, dissecta liquorem luteum odoris picei effundente, virulenta, aut foetenti Caulem vero emittit bipedalem, cavum, striatum, ramosum denticulatis foliis, Fœniculi foliis majoribus, quorum subdivisiones singulis ternis apparentes, longæ sunt, angustæ, planæ, Graminis foliis æmulæ. In summis autem caulibus, & ramis sitæ sunt umbellæ amplæ, flosculis refertæ luteis, quinque petalis, rosaceis, in semina abeuntibus bina simul junctæ, fere ovalia, longiora, quam lata, sulcata, membranaceo foliolo stipata, gustus acris, & amariusculi. In paludosis, umbrosis, maritimisque locis crescit, in montibus, pratibusque humidis, & siccis, Julio, & Augusto floret; semen vero Autumno maturefcit, quo potissimum tempore mos invaluit pro Medico usu radicem colligendi; aptior autem esset Ver ad eam e solo educendam, tunc enim succo magis turget: Radix hæc vivacissima est. Juxta Tragum difficile evellitur, odoremque fortem, ac sulphureum fossoris caput tentantem exhalat, quapropter consultissimi Veteres, ante radicis hujus extractionem, aromatico aliquo caput, & nares illiniebant, ne dolore capitis, aut vertigine, eam effodiendo, corriperentur: scio tamen (inquit Tragus) me aliquando hanc ipsam e solo extraxisse absque ullo incommodo.

Si Botanicis fides præstanda est, Peucedanum majus Italicum a præcedenti, nisi omnium sui partium magnitudine differt. Nonnulli etiam putant, Peuce-

Peucedanum Gallicum foliis angustioribus, & brevioribus, nihil aliud esse, quam Peucedani Germanici, aut vulgaris varietas. Certissimum tamen est, & ab omnibus comprobatum, defectu præcedentis, nostrum Peucedanum substitui posse, quod vulgatissime occurrit, præsertim in agro Parisiensi.

Plurimum olei, salisque essentialis planta hæc largitur, vimque habet aperientem, bechicam, & hystericam. Radix tantum ut plurimum usurpatur: igne, aut calore Solis inspissatur succus ope incisionum ex hac elicitus, qui resinofus, gummosusque est, & juxta Tragum utilissimus in Tussi pertinaci, & mejendi difficultate. Hac de causa exsiccatus, & in pulverem redactus cum Melle miscetur, ʒ j. & ʒ j. Mellis albi. Gelatina quoque, aut Conserva ex hac radice conficituntur, menses, & lochia promoventes, & Hypochondriacis utilissimæ.

Quod vero ad ejus externum spectat usum, ulcera detergit tusa, ipsisque superimposita. Schorderus autem in Micrania plurimum hanc commendat, omnesque Veteres singulis nervorum ægritudinibus dicatam existimant, Lethargo scilicet, Phrenitidi, Epilepsiæ, & Paralyfi: nostris vero diebus ob ingratum odorem parum usurpatur.

Hæc radix in pulvere *Diapraffi Nicolai*, Electuario Lithonriptico, & *Triphera Magna* ejusdem Authoris ingreditur.

℞. Succī inspīsat; & exsiccātī radīcis Peucedanī ʒ ij. Mellis albi ʒ j. β.

Adde syrupi Tussilaginis parum, ut Opiata conficiatur ʒ j. β. mane, & sero propinanda in Asthmate humido, Tussique inveterata.

℞. Conservæ Peucedanī, & Extracti Gentianæ ana ʒ β. Croci martis aperit. ʒ ij. Myrrhæ, & Gummi Ammoniaci ana ʒ ij. Salis Tamarisci ʒ β. Cinnamomi ʒ j. M. ut Opiata conficiatur cum Syrupō de quinque radicibus aperientibus, ʒ ij. singulis diebus mane exhibenda in Ictero, Mensium suppressione, Cakexia, morbisque Hypochondriacis.

P H A S E O L U S.

PHASEOLUS vulgaris *Offic.* Smilax hortensis sive Phaseolus major, C. B. P. 339. Smilax hortensis, I. B. 2. 255. *Rai Hist.* 884. Phaseolus vulgaris, *Lob. icon.* 59. *Inst. R. H.* 412. *Park.* Dolichos Theophrasti, *Anguill.* Phaseolus, Phasiolus, Smilax domestica seu fativa Phasiolifera, Dolichus communis, Lobus seu siliquula, Phaseolus Turcicus, Faba Turcica multicolor, Pisum Turcicum, *Quorumd.* vulgo, *Haricot*, *Faverol*, *Fave peinte ou à visage*.

Radice est gracili, & fibrosa, caulemque emittit longum, rotundum, ramosum, qui stipitibus, uti Hedera adrepit, ac quibuscumque obviis ita adnectitur, ut compluvia, arcusque in hortis efformet. Folia vero exeunt per intervalla tria simul juncta ad modum Trifolij, latissima, apice mucronato, carnosa Hederæ fere æmula, caudis longis, viridibusque fulcita. Ex eorum alis flores leguminosi, aut papilionacei, albi, aut purpurei ortum habent, qui tandem in siliquas saltem semipedales & mucronatas abeunt, hæ quoque sunt admodum planæ, duobus instructæ involucris, initio carnosæ, virides, phaselum referentes, hinc nomen planta mutuatur, quum vero exsiccantur lutescentes, & membranacæ remanent: Semina autem in ipsis conclusa, sunt satis crassa, reniformia, expolitissima, quandoque alba, quando-

que e luteo pallida, rufescentia, cinerea, violacea, aut nigricantia, quandoque etiam venulis, diversisque lineis, aut maculis multiformibus variisque venustis coloribus conspersa. Siliquæ hæ recentes adhuc & virides comeduntur, vel semina ad maturitatem perducta, tegumentisque nudata. Vere in arvis, hortisque feritur, Æstate floret, Autumnoque maturefcit, ac annua est. Phaseoli una cum filiquis per annum commode possunt conservari, si aceto condiantur; pinguedinem autem solo conciliant fecundissimi sunt, diutissime servantur, ac bulliendo inflantur: Saporem habent gratissimum, nec a nobilioribus mensis exploduntur.

Plurimum olei, salis essentialis, ac phlegmatis Phaseoli largiuntur. A nemine autem ignoratur hujusce leguminis culinaris usus, ejusque seminis utilitas pro re alimentaria; omnibus anni tempestatibus; sano stomacho, junioribus, robustis, plurimumque exercitatis convenit: delicatulis vero, studiis deditis, ac sedentariam vitam agentibus inhibetur, flatus enim concitat, stomachum onerat, ac difficile concoquitur.

Phaseoli aperiendi, emolliendi, ac resolvendi vim habent, urinas menses, ac lochia promovent, eorumque farina Cataplasmate emollienti, tumoresque resolvende usupatur, quamvis ut plurimum farina Fabæ anteponatur, hæc tamen minus efficax, neutiquam est recensenda. In ventris fluxibus, si indicatio adit, eos cohibendi, jusculum cum Late, & Phaseolorum farina paratum optimum est remedium. Cinis vero ex ejus caulibus, tegumentisque elicita aperiens est si, ℥ j. hujusce pulveris in ℔ ij. aquæ ebulliat, ac postea filtretur, Hydropicisque ingurgitanda exhibeatur. Phaseolorum jusculum sale, ac butyro conditum utilissimum est convalescentibus diuturno morbo conflictatis, salus pristina, vigorque in promptu est, dummodo leve sit, ne nimium stomachus oneretur.

Decotio adversus dolores Partum subsequentes, & Lochiorum diminutionem.

℞. Fol. Artemisæ, & Camomill. Rom. ana Man. j. Phaseolorum ℥ j. Ebulliant in ℔ ij. aquæ ad tertiæ partis diminutionem; coletur, exhibeaturque per cyathos horæ intervallo, addendo guttas aliquot aquæ Cinnamomi, si adfit lassitudo.

℞. Rad. Consolid. maj. mund. ac tufar; & Farinæ Phaseolorum ana. p. æ. Cum Vino, aut aqua Fabror. ferrariorum conficiatur Cataplasma ano applicandum in Intestini recti procidentia.

℞. Far. Phaseolor. & Lentis ana ℥ ij. Ebulliant in Oxycrato ad pultis consistentiam. Adde versus finem Butyri recentis ℥ j. β. Olei rosat. ℥ j. M. pro Cataplasmate, initio inflammationum, ad fluxionem imminuendam, leniterque resolvendam, ministrando.

P H I L L Y R E A.

PHILLYREA vulgaris, Offic. Phillyrea folio Ligustri, C. B. P. 476. *Inst.* R. H. 509. Phillyrea latiusculo folio, I. B. I. 539. *Raii Hist.* 1585. Phillyrea latiore folio, *Ger.* Phillyrea latifolia, foliis fere non serratis, *Park.* Cyprus latiore folio, *Dod.* Phillyrea tertia *Clus.* 52. Phillyrea media, *Camer.* Phillyrea Narbonensis, *Lob.* Phillyca Dalemchampi, *Lugd. Hist.* Ilatrus, *Cæsalp.* Linter-

Linternus, Oleæ Amasia, Mahaleb; Almahaleb, Machaleb seu Macalep, *Nonnull.* vulgo, *Philaria*.

Radice donatur crassa, firma, profunde in terram dehiscente, e qua plures evehuntur caules ad octo, vel decem pedum altitudinem, ramosi, cortice albido, aut cinereo, & nonnihil rugoso obtecti. Folia vero Lentiscum, ac Ligustrum æmulantur, aliquanto tamen ampliora sunt, & longiora, carnosâ, saturate-viridiâ, invicem prope caulem, ramosque opposita, semper virentia, saporis adstringentis. Ex foliorum alis flores acervatim prodeunt, Oleæ floribus pene similes, parvi, poculum quadrifidum referentes, coloris dilute-viridis, aut herbacei, demum abeuntes in baccas sphaericas, myrtiformes, maturescendo nigras, racemosas, saporis sub-dulcis, & amariusculi, ad saporem baccarum Juniperi accedentis, exiguumque nucleum rotundum, ac durum occludentes. In sepibus, nemoribusque agri Monspeliensis arbuscula hæc abunde crescit, coliturque saxosis rudibus ac incultis in locis, Majo & Junio floret, fructusque Septembri maturescit. Annis superioribus, hisce diebus magis exulta fuit, neque facile percipi potest, cur adeo negligatur: quum autem ejus folia semper virecant, serie, ac ordine parietis in modum excoli potest, ac stipitibus, perticisque eleganter applicari. Facile feminibus, ac furculis fecundatur; quin etiam ad libitum secatur, dum scilicet aut globi, sepi, aut arbustarum forma. Herbarij nonnumquam *Alaternam* cum *Phillyrea* confundunt, hortulanique unam pro altera indiscriminatim sub uno, eodemque *Filaria* nomine venditant.

Phillyrea plurimum habet olei, salisque essentialis. Arbuscula vero hæc in hortis colitur, eos enim maxime exornat, facillique negotio virentia cubilia in iis repræsentat; muri etiam umbrosi ea commode cooperiuntur, quod quocumque alio arboris genere difficillimum esset. Medico vero usui raro inservit. Dioscorides hujusce folia adstringentia, & refrigerantia, indeque ad faucium inflammationes compescendas, earumque ulcera sananda, dicata, enunciat, si eorum decoctio pro Gargarismate usurpetur. D. Lemeryus flores tusos, aceto permixtos frontique applicatos ad dolorem capitis sedandum maxime commendat.

℞. Hordei Pug. j. Folior. Phillyreæ Man. ℥. Ebull. in ℔. ij. aquæ ad medias. Colaturæ adde Syrupi Diamoron ℥ ℥. Crystalli montanæ ℥ ℥. pro Gargarismate refrigerante.

℞. Flor. Phillyreæ Man. j. Contusi aceto conspergantur, applicenturque deinde fronti Cataplasinatis forma in violentis capitis doloribus.

P H Y T O L A C C A.

Solanum racemosum, *Offic.* PHYTOLOACCA Americana majori fructu, *Inst.* R. H. 299. Solanum racemosum Indicum, H. R. *Par.* Solanum racemosum Americanum, *Raii Hist.* 662. Solanum magnum rubrum, Virginianum, *Park.* Solanum Indicum caule rubro, *Nonnull.* vulgo, grande *Morrelle des Indes*, *Vermillon*, *Lacque ou herbe de la Lacque Mechoacan du Canada*.

Radix pedem longa, humanumque crus, & quandoque, coxendicem, & ultra, crassa, alba, vivax ad plures annos perdurans, caulem ad quinque, vel sex pedum altitudinem crassum, rotundum, firmum, sub-rubrum, ac ramosum extollit. Folia vero inordinate locata, ampla sunt, venosa, tactu

lævia, dilute-viridia, quandoque etiam sub-rubra, figura Solanum vulgare æmulantia, pediculis in caulis vertice locatis, flosculos racemosos, rosaceos, dilute-rubeos sustinentibus, quorum pistillum centrum occupans abit inde in fructum, aut baccam semirobundam, mollem, succulentam, globulum referentem superficie superna, ac inferna plana, ac maturescendo saturate-rubro colore infectam, nonnulla semina fere rotunda, & nigra occludentem. Planta hæc Bahuinis non innotuit, & ex Virginia in Europam delata fuit; in hortis quandoque facillime colitur ob optimas ejus qualitates: radix tamen quamvis robustissima videatur, tamen diutissime Hyemis rigoribus, nisi probe tutetur, resistere vix potest. Mechoacan quoque similatur.

Quamvis Phytolacca amplissimum in Arte Medica usum non habeat, tamen ob nonnullas probatissimas ejus facultates silentio in hoc Tractatu prætereunda non est, quum præterea insignem quoque in Hortis Botanicis locum occupet.

Usurpatur in celebri compositione *Balsami Tranquilli*, & hac de causa inter anodynas recenseri potest. Quamvis autem inter Solani species collocetur, demissiori præ cæteris vi narcotica pollet. D. Lemeryus in suo *Dictionario Simplicium* asserit, ex hujusce baccis succum elici posse, colorem purpureum ad cæruleum accedentem, Carmini æmulum, ac pro arte Tinctoria accommodatum, suppeditantem. Nonnulli vero prædictas baccas, granis Kermes, in eorundem Confectione substitui posse immerito crediderunt; quum enim harum baccarum proprietates probe nondum adeo perspectæ, ut ad internum usum præscribantur, quin potius suspectæ sint; Veterum Compositiones longa annorum serie comprobatas venerari oportet, reformationesque omnes usque adhuc tentatas, ad eas potius labefactandas in medium allatas fuisse credimus. Quamvis enim aut inutilibus, aut male simul junctis Simplicibus prædictæ Compositiones constitui videantur, tamen ab hisce omnibus intimius, simulque commixtis, productum resultat, constanti ac diuturna experientia commendatum, nullisque correctionibus æquiparandum.

P I L O S E L L A .

PILOSELLA, sive Auricula Muris, Offic. Pilosella major repens hirsuta, C. B. P. 262. Pilosella majori flore, sive vulgaris repens, J. B. 2. 1039. Pilosella major, Dod. Pempt. 67. Matth. Fuchs. Lugd. Hist. Dens Leonis, qui Pilosella Officinarum, Inst. R. H. 469. Pilosella, Auricula muris, Tabern. Icon. 196. Pilosella repens, Ger. Raii Hist. 242. Pilosella minor vulgaris repens, Park. Hieracium repens vulgare majus, Volk. Hieracium foliis integerrimis ovatis, caule repente, scapo unifloro, Linn. Hort. Cliff. 388. Pilosella lutea, Holostium, Nonnull. vulgo, Piloselle, Oreille de Rat, ou de Souris.

E radícula digitum longa, fibrisque stipata, plures exiles caules, farmentosi, hirsuti, solo repentes, radicibusque adhærentes exeunt. Folia vero oblonga sunt, extremitate rotunda, auriculis muris similia, villosa, superiori parte viridia, parte vero inferiori venosa, incana, ac lanuginosa, saporis adstringentis, floribus Hieracii æmulis, exilioribus, luteis, calyce squammoso, ac simplici, pediculo gracili, ac hirsuto, suffulto, quibus semina præsto sunt minuta, nigra, cuneiformia, cristata. Planta hæc vulgatissima est; in locis

locis aridis , ac sterilibus , collibus incultis , terris fabulosis , & secus majores vias excrescit . Majo , Junio , Julioque floret . Nonnumquam una cum vulnerariis Helveticis commixta reperitur . Botanici vero putant , Vetres ne verbum quidem de hac tam cognita planta fecisse .

Pilosella amarissima est , ac nonnihil chartam cæruleam rubro tingit colore . Analyfi autem Chymica præter plures acidos liquores plurimum olei , ac terræ , nonnihil spiritus urinosi , salisque volatilis concreti elargitur ; ex quo conjicitur a sale alumini congenere , sulphureque saturato , ac cum pauco sale Ammonico commixto componi , qua de causa inter adstringentes , vulnerarias , ac detergentes locum habet . Ejus vero Extractum \mathfrak{z} ij. exhibitum , ulceribus internis , plerumque Phthisim , ac Dysenteriam subsequentibus utilissimum est ; succus quoque depuratus , aut integræ plantæ decoctio ab \mathfrak{z} jv. ad \mathfrak{z} vj. tribus de die repetitis vicibus in iisdem morbis usurpatur , ac in Provincia ex ea trita placentas ex ovis confici , cumque successu dysentericis propinari , a D. Garidelio asseritur in *Historia plantarum Agri Aquisextiensis* . Ad calculos e vesica , renibusque expellendos Pena , & Lobellicus prædictam decoctionem commendant , Tragus vero adversus Icterus , & ad Hydropem præcavendam . Remedium autem in febris tertiana comprobatum , infusio est hujusce plantæ in Vino albo , xxiv. horarum spatio , cujus \mathfrak{z} viij. horæ spatio ante proximi accessionem ægris propinantur . Commendatur etiam Pilosella a Tabernæmontano uti specificum adversus Infantum hernias ; qua de causa iis \mathfrak{z} β . Folior. hujusce exicc. & p. in cyatho ejusdem decoctionis exhibentur , ac externe tusa planta Cataplasmatibus forma applicatur . Nonnulli quoque pro Gargarismate adversus oris ulcera , fauciumque inflammationes usurpant , Doctorque Hulse in *Historia Plantarum Rajana* , ejusdem succum pro fomento herpetem miliararem exsiccante , ac sanante , plurimum commendat . Idem succus , aut decoctio ferrum , aut calybem in ea pluries immersum indurat , ac temperat . S. Paulli in suo *Quadrupartito Botanico* asserit , prope Æstatis solstitium , aut Festum Divi Joannis Baptistæ non solum in radicibus Polygoni minoris repentis folio Graminis , verum etiam in radicibus Pilosellæ baccas , seu grana æmula granorum Kermes reperiri , eaque infecti cujuscumque ova esse , suspicari , quum enim ab eo in plumæ anserinæ tubulo ex iis nonnulla inclusa fuerint , Solique exposita , sex , aut septem dierum spatio ex iis infectum aligerum , brevique extinctum ortum habuisse ait ; additque , anno 1623. observationem hanc in Universitate Lugduno-Batava Stapero , aliisque condiscipulis rei Herbariæ studiosis communicasse .

Pilosellæ folia in Balsamo Vulnerario *Pharmacopææ Parisiensis* usurpantur .

℞. Succus depur. Pilosellæ , Brunellæ , & Hederæ terrestr. ana. \mathfrak{z} jv. Syrupi Consolidæ majoris \mathfrak{z} j. β . M. ac divide in doses jv. de die sumendas in Hæmorrhagiis .

℞. Rad. Brusci Asparagi , Petrosellini rasar. , & contus. ana \mathfrak{z} j. Ebulliant in \mathfrak{lb} iij. aquæ , Semihoræ spatio , adde inde Fol. Pilosellæ , Agrimonix , ac Pimpinellæ ana. Man. j. Reducantur ad medias , iterum adde Sennæ mund. \mathfrak{z} j. Rhabarbar. tus. \mathfrak{z} ij. Salis Glauber. \mathfrak{z} β . Salis Absinthii , & Tamarisci ana. \mathfrak{z} β . Abducatur vas ab igne , & horarum quatuor spatio calide infusa remaneant , Colentur forti expressione , dividanturque in doses tres , quæ propinentur tepentes per triduum mane jejuno stomacho , addendo singulis , Syrupi Flor. Mali. Persic. \mathfrak{z} j.

Apozema convenit in Ictero, ac Hydrope incipiente.

R. Hordei Pug. j. Fol. Pilosellæ, & Agrimonix ana. Man. β. Summit. Absinthii, ac Hypericon ana. Man. j. Ebul. in lb aquæ ij. ad medias. Colaturæ adde Mellis Rosati ʒ j. pro injectione vulneraria, ac detergente.

P I M P I N E L L A .

PIMPINELLA vulgaris, Offic. Pimpinella sanguisorba minor hirsuta & lævis, C. B. P. 160. *Inst.* R. H. 157. Sanguisorba minor, J. B. 3. 113. Pimpinella Sanguisorba, *Dod. Pempt.* 105. Pimpinella vulgaris five minor, *Park. Raii Hist.* 401. Pimpinella hortensis, *Ger. Sideritis secunda Dioscoridis*, *Col.* 124. Poterium inerme, filamentis longissimis, *Van. Roy. Flor. Leyd. Prodr.* 240. Pampinula, Elatine Pampinaria, Peponella, Bipinella, Bipennula, Sorbastrella, Sorbaria, Sanguinaria, Siffitiepteris, Protomedia Casignetes, Dyonisio *Nymphades*, *Quorumd.* vulgo, *Pimpinelle ou Bipinelle*.

E radice longa, rotunda, gracili, subdivisionibus prædita sub-rubris, in quibus fertur aliquando quædam grana rubra reperiri, quæ Cocinilla sylvestris nuncupantur, reique Tinctoriæ inserviunt, saporis adstringentis nonnihil amaricantis, plures caules ad altitudinem pedis, vel pedis cum dimidio proferuntur rufescentes, angulosi, ramosi, quaquaversum foliis stipati rotundis, ambitu denticulato, secus costam sub-rubram, hirsutam, ac gracilem pari ordine locatis. Summis caulibus capita rotunda, ac globulosa, exiguis floribus rosaceis, quadrifidis, ac purpureis constantia sustinentur, in quorum centro statimimum oblongorum cista locatur. Binis speciebus flores occurrunt, alii enim steriles sunt, fasciculumque habent staminum, alii vero fertiles, pistillum; hisce postremis fructus quadrangulares succedunt, plerumque duabus extremitatibus mucronatis, coloris cinerei ad maturitatem perducti, nonnulla occludentes semina oblonga, minuta, atro-rufescentia, adstringentia, & amariuscula, odoris demissi nequitiam insuavis. Planta hæc vulgaris est, ultroque crescit in locis aridis, ac incultis, montibus, collibus, pratis, ac pascuis, in hortis olitoriis quoque colitur, maximeque in culinis usurpatur præsertim in acetariis. Floret Junio, Julio, & Augusto, vivacissima est, ac diutissime in hortis perdurat, sese seminibus fecundando. Ut plurimum species hæc usurpatur, quamvis uti quoque possemus Pimpinella majori pratensi, quæ pingue solum amat, maximeque cum præcedenti similatur omnium ejusdem partium magnitudine tantummodo intercedente. Univerfa planta in usum Medicum revocatur.

Pimpinellæ nomine paucis tantum ab hinc annis indigitari, Rajus memoriæ prodidit. Quomodocumque sit, Botanici diversissimas habent plantas hoc insignitas nomine, Pimpinellam nempe nostram vulgarem per excellentiam *Pimpinellam*, aut *Pimpinellam Sanguisorbam* vocatam, tamquam sanguini sistendo aptissimam, & *Tragoselinum*, de quo suo loco verba faciemus, *Pimpinellam Saxifragam*, vocitando. Ac præcipue distinguuntur, quia scilicet altera hirsuta, altera vero glabra est, juxta Leoninum carmen:

Pimpinella pilos, Saxifraga non habet ullos.

Pimpinella salitæ herbæ saporem habet, ac parumper chartam cæruleam rubro colore imbuat, Analyfi commissa plures acidos liquores largitur, plurimum salis volatilis concreti, atque olei, ac terræ. Nil itaque mirum est,

est, vim habere detergentem, vulnerariam, ac diureticam, sanguinique depurando, partiumque elaterio restituendo, dicatam esse. Interne, ac externe usurpatur. Communiter in acetariis miscetur; tamen laboriosam reddit digestionem, alvumque nimis adstrictam, si ea abutamur. Qui urinæ vias glareis habent impactas, hujusce plantæ in frigida infusione solantur. A Nonnullis etiam folia tria, vel quatuor in cyatho antequam Vino opleatur, infundunt, totoque mensæ spatio relinquunt, ex quibus Vinum, vim aperienti, urinasque ciendi, acquirit: animadvertendum tamen est odorem aromaticum, quo Vinum inficitur, nonnumquam capiti noxium esse, hinc prædicta methodus micraniis, ac dolore capitis obnoxiiis non convenit. Rajus autem in hisce potissimum particulis volatilibus, & aromaticis, cardiacam ejus virtutem consistere credit, qua etiam a Peste, aliisque contagiosis morbis præservari possumus. Julius Paulmierius asserit, a quodam *Henrici Secundi* Galliarum Regis venatore accepisse, plantam hanc frequenter a morsu a cane rabido comextam, eos ab hydrophobia fervare. In jusculis, decoctionibusque aperientibus, ac vulnerariis Pimpinellæ folia præscribuntur, & Hæmorrhagias cujuscumque generis, tum externas, cum internas sistunt: quapropter uno eodemque tempore adstringens, ac aperiens vocari potest, plurimisque aliis Plantis proxima, hisce præditis facultatibus, quæ quamvis primo intuitu oppositæ videantur, plerumque ex iisdem fere principiis ortum habent; qualitates enim aperienti, ac constringendi quamdam habent inter se relationem: tunc enim quævis planta aperiens reputatur, quum incidendi, materiamque in viscerum fibræ obstructionem progignentem discutiendi, eique convenientem fluiditatem ad circularem motum, aut ad transpirationem per cutis emissaria subeundam, conciliandi vim habet, eademque adstringens efficitur, quum obstructionibus reseratis, ac dissipatis, elasticam fibræ vim restituit, quibus pristinum munus obeuntibus, ac naturaliter constitutis, oscula vasorum capillarum occluduntur. D. Garidelius asserit, vel propria experientia, præstantiorem adversus Hæmorrhagias Pimpinellæ usurpandæ rationem esse, ejus decoctione, aut pulvere, postquam ad umbram exsiccata fuerit, potissimum uti. Rajus idem testatur, narratque D. Boyleum cum successu, una cum Saccharo Rosato in narium hæmorrhagiis, sanguinis ex-puitione, Phthisique pulmonari adhibuisse.

Externe etiam planta hæc usurpatur, ejusque folia ferventi aqua madefacta Cataplasmatibus forma vulneribus recentibus applicantur, quæ omnino sanant. Eorum quoque pulvis ulceribus charcinomatosis inspersus, eorundem impedit dilatationem, ac progressum.

Folia quoque in Syrupis *Althææ Fernelii*, ac *Althææ simplicis*, in Mundificativo de Apio dicto, ac Emplastro *Betonicæ Pharm. Paris.* usurpantur.

℞. Fol. Pimpinell., & Bursæ Pastoris ana. Man. j. Ebulliant in ℥ aquæ iij. ad medias. Colaturæ adde Syrupi Cydoniorum ℥ j. pro ptisana in narium & uteri Hæmorrhagia, ac Dysenteria propinanda.

℞. Pimpinell. ad umbram exsic. & p. ℥ β. M. F. B. cum q. f. Syrupi Althææ, propinenturque mane ℥ j. β. in sanguinis spūto Phthisique pulmonari.

Juvabunt etiam immediate ℥ iij. aquæ distillatæ ejusdem plantæ.

℞. Rad. Brusci, & Asparagi mund. & incis. ana. ℥ β. Coque cum ℥ β. colli vervecini, in ℥ iij. aquæ pro binis dosibus. Adde ultima semihora Fol. Cichorii sylv., Agrimonix, Pimpinellæ, & Scolopendræ ana Man. β.

Limatur . Calybis , & Rhabarb. contus. noduloque inclus. ana ʒ ij. Flor. Calendulæ Pug. ij. Coletur levi expressione , dividaturque in doses duas , novem subsequētib. diebus repetendas , mane jejuno stomacho , ac vesperi in Cakexia , Ictero , Hydrope , infimique ventris obstructionibus. R. Rad. Consolid. Maj. lotar. ʒ β. Fol. Buglossi , Agrimonix , Pimpinellæ , & Scolopendræ ana Man. β. Quatuor sem. frigid. maj. nodulo suspensorum ʒ β. Florum Malvæ , ac Violarix ana. Pug. j. Adde pullum , cujus venter Hordeo , ac semine Papaveris albi oppleatur . Coque in ʒ aquæ iij. Exprimatur liquor dividaturque in doses binas , quindecim subsequētib. diebus repetendas mane , ac sero in Tussi violenta , sanguinis spūto , Thoracis doloribus , ac insomniis .

P I N G U I C U L A .

PINGUICULA , Offic. Sanicula montana , flore calcari donato , C. B. P. 243. Pinguicula Gesneri , J. B. 3. 546. *Inst.* R. H. 167. *Raii Hist.* 751. Pinguicula , *Clus. Hist.* 310. Pinguicula , sive Sanicula Eboracensis , *Ger. Park.* Pinguicula nectario cylindræo longitudine petali , *Linn. Flor. Lapp.* 11. Cucullata , quibusdam Crias Apuleii , *Lugd. Hist.* 1206. Dodecatheon Plinii , Liparis , Oleosa , Viola humida & palustris , Sanicula rotundifolia & pinguis , *Quorumd.* vulgo , *Grassette* , *herbe grasse ou huileuse* .

Huic radix est fibrosa , nonnullis albis fibris , crassioribus , respectu habito ad plantæ exilitatatem , sex , aut septem profert folia , & ultra , in terram strata , dilute-viridia , ad luteum colorem accedentia , nonnihil crassa , ac lucentia , veluti oleo , aut butyro illinita , extremo fere obtuso , compacta , denticulis destituta . Ea inter pediculi nonnulli ad manus altitudinem quandoque elevantur , ac in eorum apice flos apparet purpureus , violaceus , aut albus , Violarum æmulus , tamen monopetalus in duo labia divisus , ac in plures alias partes iterum subdivisus , longo in basi calcari donatus ; hic flos tandem abit in fructum , aut baccam calyce in parte inferna involutam ; sese in duas cellulas , aperientem , globulo plura semina minuta , ac semirotunda occludente , instructas . In pratis , aliisque humidis , paludosisque locis excrescit , necnon in montibus aquis irrigatis a nivium exsolutione oriundis , ac in agro Parisiensi occurrit ; regiones frigidas amat ; vivax est , seminibusque multiplicatur absque cultura , difficile enim in hortis coli potest . Vere floret , citoque evanescit .

Pinguicula plurimum phlegmatis , & olei , ac parumper salis essentialis continet , inter vulnerarias , ac consolidantes recensenda ; ejusdem enim folia digitis tusa , vulneribus recentibus applicata , ea protinus sanat . Succus oleosus , ac temperans ex hac elicitus , pro linimento in mammarum fissuris mirabiliter usurpatur ; Syrupus etiam ex hac eadem conflatur , qui magnam ferositates omnes expurgandi vim habet . Nonnulli etiam ejusdem foliorum Pugil. in juscūlo Vitulino injiciunt , a quibus vim laxantem acquirunt , ac in alvi constipationibus convenit . Præcipuus tamen hujusce plantæ usus externus est . Cataplasma enim ejus radice tusa conflatum , brevi Ichiatricum , aliosque dolores sanat , uti Dalemchampus testatur ; præcipue autem adversus Infantum hernias a Camerario , & S. Pauli , idem Cataplasma commendatur , qui etiam , ab agricolis accepisse ait , folia , ac radicem

recentem Pinguiculæ tusam, capillis aureum colorem conciliare, si hisce sæpius illiniantur. Mulieres, vero rusticæ Danenses, pinguem ejusdem foliorum succum familiarissime, uti nos unguentum pomatum, usurpant, quo, ab iis capilli circumliniuntur, ac elegantissime cincinantur. Hæc unguenti species præterea comarum crispaturæ ac culturæ plurimum inferuit. D. Linnæus asserit, nullos fere Medicos hujusce plantæ efficaciam, & præcipue ejusce foliorum pinguidenis cognoscere, hæc enim ab ipso plurimum existimatur, uti Roris Solis pinguedo, additque, mulieres Lapponienses foliis hujusce recentibus, Rangiferarum Lac recenter extractum, ac calidum superaffundere, ac unius, vel alterius etiam diei spatio intactum relinquere, ut majorem acquirat consistentiam, absque ulla feri separatione, saporemque gratiorem; quamvis minorem cremoris quantitatem præseferat. Lacte hoc pacto parato novis non indigent foliis ad opus iterandum, sufficit enim cochlearis semisse hujusce Lactis coagulati, novo Lacti commiscere, ut in prioris naturam immutetur, & hæc commutatio in infinitum usque procedere posset, absque ullo discrimine; tamen si diutius, quam par est, conservetur in serosum lacticem abit a mulieribus prædictis *Syra* nuncupatum. Laudatus Author refert cum J. Bahuino, Pastores in Alpibus vaccinarum mammarum fissuras, succo pingui foliorum prædictæ plantæ inungendo, sanare; qua de re observat Lapponenses quoque idem remedium usurpare posse ad Rangiferarum mammas scissas sanandas, quæ pro lacte plerumque sanguinem fundunt. Clusius vero admonet, ab Angliæ Meridionalis incolis plantam hanc *VVhytroot* nuncupari, ut quis diceret *Oves enecans*, si enim a vervecibus alterius alimenti defectu comedatur eos enecat.

Boeclerus a Medicis plurimi faciendum esse asserit, Vinum Medicatum Anti-phthysitum *Murali*, in quo succus Pinguiculæ usurpatur.

P I P E R I N D I C U M.

PI P E R I N D U M, five Indicum, vulgare, *Offic.* Piper Indicum vulgatissimum, C. B. P. 102. *Raii Hist.* 676. Piper Indicum, five Calecuticum, five Piper Siliquastrum, I. B. Capsicum Actuarij, five Caninum Zinziber Avicennæ, Calecuticum Piper, five Piper Indicum longioribus filiquis, *Lob. icon.* 316. Capsicum filiquis longis propendentibus. *Inst. R.H.* 152. Solanum Capsicum dictum vulgatissimum, *Herman.* Quiya Brasiliensibus, *Pis.* 225. Chilli Piper filiquosum Mexicanum, *Hern.* 135. Siliquastrum *Trag. Tabern. Fuchs.* Piper Americanum vulgatius, *Clus.* Piperitis, seu Siliquastrum Peruvianum, *Cord. Hist.* Cardamonum Arabicum, *Gesn. Hort.* Capsicum majus, vulgatius, oblongis filiquis, *Park.* Capsicum longioribus filiquis, *Ger.* Piper Hispanicum, seu Lusitanicum, filiquosum, Piper Brasilianum, seu Brasilense, Piper ex Guinea seu Guineese, Piper Indicum rubrum & nigrum Piper Indicum Occidentale quod axi vocant, Piperastrum, *Nonnull.* vulgo, *Poivre d'Inde, de Guinée, ou du Brésil, Piment ou Poivre d'Espagne, ou de Portugal en gousses, Corail de Jardin.*

Brevis, gracilis, plurimisque fibris circumsepta radix angulosum, durum, hirsutum, ac ramosum Caulem emittit ad pedis, vel pedis cum dimidio, & ultra altitudinem, in regionibus præsertim calidis. Folia vero longa, & gladiata sunt, ac foliis Persicariæ nonnihil latiora, crassa, carnosæ, glabra, colo-

coloris atro-viridis, quandoque ad luteum accedentis, pendunculis pollicem unum, aut duos longis appensa, denticulisque destituta, flore ex foliorum alis, ac exorientibus ramusculis, exeunte, rosaceo, plurimis cuspidibus, coloris albidiusculi, floribus Solani vulgaris æmulo, ac majori, satis longo pedunculo, carnosio, ac rubro suffulto, tandem in fructum abeunte capsularem, longum, ac pollicem, crassum, erectum, pellicula conflatum nonnihil carnosum, lucente, expolita, initio viridi, postea lutea, tandem, adinstar Coralli, rubra, aut purpurea, quando potissimum maturefcit, capsula hæc interiori sui parte duabus, aut tribus cellulis dividitur, quamplurima plana, albescentia, sub-lutea, ac reniformia semina, occludentibus. Omnes plantæ hujusce partes magna scatent acrimonia, præsertim vero fructus, fauces enim exurit. Sponte in Indiis, ac præcipue in Guinea, ac Brasili luxuriat. Colitur quoque, facileque ope feminis propagatur in regionibus calidis, nempe Hispania, Lusitania, Occitania, ac Provincia, necnon in hortis nostratibus, in quibus elegans ejusce capsularum color visum summopere delectat. Quamplurimæ aliæ Piperis Indici species inveniuntur inter se figura, ac capsularum colore distantes; vulgatior tamen, usitator, minusque acris adhuc a nobis descripta debet recenseri. Fructus tantum, sive capsulæ communiter usurpantur, rarissime vero pro Medico usu, satisque longæ, pollicem crassæ, erectæ, integræ, recentes, colorisque saturati sunt seligendæ, nobisque ab Occitania ut plurimum deferuntur, ibi enim planta hæc frequentius colitur. Apud nos vero Augusto florescit, Autumnoque exunte, & quandoque etiam Septembri fructus maturatur, Solum pingue, ac humidum amat, loca nonnihil umbrosa, & semine ubique, vase aliquo, alive modo propagari, caloreque etiam moderato plurimum adjuvari potest.

Analyseos ope plurimum salis acris, ac olei Piper Indicum largitur. Hæc autem salis acris maxima portio potissimum in causa est, cur intolerabili calore fauces exuret, nihilominus ab Indis hujusce capsulæ crudæ comeduntur, utpote ipsis, a teneris usque unguiculis familiares, quod in Europa absque palati, ac faucium gravissimo incommodo nunquam profecto tentare possumus. Saccharo prædicti fructus condiuntur, ut facilius sumi, faciliusve in longis itineribus in mari institutis, in quibus conveniunt, usurpari possint. Præterea adhuc virides, ac nondum in fructum concrecentes colliguntur, acetoque nonnullorum mensium spatio condiuntur, ac ad fauces sapore acris, ac stimulative, recreandas, ut Capparis, ac Nasturtium Indicum, usurpantur. Præterquamquod fructus hi saccharo conditi, 3 ij. post prandium, flatibus discutiant, viscosamque pituitam stomachi parietibus adhærescentem attenuant, ciborumque adjuvant concoctionem. Aptissimi ergo erunt pituitosis, relaxatisque stomachis; nimio autem calore, ac tensione debilitatis e contra interdicens; morbi enim causam adaugent, non tollunt.

Aliæ Guineensis Piperis species apud Indos tantum in usum veniunt, quas ipsi condimentis immiscent; a Gallia vero penitus exulantur ob excedentem acrimoniam. Acetarii propolæ fructum hunc aceto infundunt, ut fortius reddatur, & gratiorem acquirat saporem. Piper Indicum, inquit Rajus, cum Fratre Georgio Regio, acre adeo est, ut pustulas, excitet quocumque in loco applicetur, quinimmo, si ejus capsulæ tantummodo aperiantur, ut semen eliciatur, vaporem exhalant per nares ad cerebrum usque adeo penetrantem, ut materiæ viscosæ mira profecto quantitas eliciatur; iis præterea ingur-

ingurgitatis, tussis, ac vomitus provocatur. Si forte super arduas prunas una tantum ex hisce capsulis, aut minima earumce particula iniiciatur, in triclinio, aut conclavi fumus ad circumstantium nares elatus, sternutationem in omnibus excitabit perduraturam, usque dum fumus omnis cessabit, aut aere exteriori, ad aperta fenestra dissipabitur. Sequenti vero ratione prædictæ capsulae pro usu ab Indis parantur. Statim, ac collectæ fuerint, ab iis ad umbram, deinde vero ad ignem una cum farina, vase huic muneri dicato, exsiccantur; postmodum forcipibus minutatim inciduntur, ac pro unaquaque capsularum hac ratione incisarum uncia, tenuissimæ farinæ additur libra una, ut fermento ad modum pastæ subigantur; massa probe fermentata clibano committitur, qua concocta, in offulas dividitur, ac novæ cocturæ, ut panis nauticus, subiicitur: Demum in minutissimum pulverem reducit, cribroque traiecit. Pulvis hic ad quæcumque alimenti genera condienda mirabiliter inservit, potenter enim stomachi, ac intestinorum flatus discutit, appetitum promovet; alimenta humida, ac flatulenta, ac vinum eo conspersum sapidiora redduntur; digestionem adjuvat, urinam, mensesque ciet, humores pituitosos, ac præsertim in femoris articulatione stabulantes, Ischiademque progignentes, dissipat, atque educit.

P I S U M.

PISUM vulgare, *Offic.* Pisum hortense majus, flore fructuque albo, C.B. P. 342. *Inst. R. H.* 394. Pisa majora alba, I. B. 2. 299. *Raii Hist.* 892. Pisum vulgatius, majus, *Lob. icon.* 65. Pisa majora fructu albo, *Matth.* Cicer arietinum, *Trag.* 605. Piseolus vulgo, *Casalp.* 231. Pisum majus album, Pisum verum, Pisum Romanum, Pisum rotundum, & candido semine, *Quorumd.* vulgo, *Pois cultivè.*

E gracili, fibrosa que radice caules exsurgunt longi, cavi fragiles, glauci, aut albidiusculi, ramosi, ac in terram strati, nisi forte pedamentis erigantur, foliis oblongis, colore caulium communi, quorum nonnulla caule transfossa videntur, eumque in unoquoque nodo amplectuntur, alia vero pari ordine e costis, capreolis obvia quæque amplectentibus terminata enascuntur. Flores vero ex foliorum alis bini, vel tres simul eodem pedunculo prodeuntes, leguminosi, aut papilionacei, albi sunt, abeuntque in siliquas longas, cylindræas, pendentes, carnosas, duobus constantes involucris, fere rotunda, ac viridia semina occludentibus, quæ semina exsiccata, alba fiunt, atque angulosa. In hortis, arvisque feritur, ac citius, aut serius flores edit; communius tamen Vere exeunte, fructusque Æstate maturescit. Aprica, ac adversus septentrionales ventos munita loca, utpote frigoris impatiens amat planta hæc, nec non terram mobilem, probeque stercoretam. Frequentissime parva Pisa recentia in usum veniunt culinarium, iisque dapes exquisitissimæ conficiuntur, solertes vero hortulani glaciali tempestate plantam hanc præservando, ac præpropere Pisa eliciendo, magnopere lucrantur, si vero ramalibus fulciatur felicius excrescit, nuncupaturque *Pois ramès*. A Majo, per totum Octobrim usque Pisa colligi possunt, dummodo diversis temporibus ferantur, tertio autem exeunte mense colliguntur, quo exacto, ut plurimum maturescunt. Pisa in terris salubulosis lata præcociora sunt, faciliusque quam e terris fortioribus elicit, decoquantur. Veteres ipsi, non secus, ac nos pluri-

plurimum hisce delectabantur, eaque præsertim recentia, delicatula, ac appetitum promoventia existimabant, magnatumque mensas ab expertibus coquis condita tunc temporis pariter exornabant.

Habent vero Pisa plurimum olei, salisque essentialis; emollientia, ac non-nihil laxantia sunt; tamen frequentius uti alimentum, quam uti remedium usurpantur: optimum partibus nutrimentum suppeditant, quocumque tempore, vel ætate conveniunt, ac præsertim junioribus, & quibuscumque fere temperamentis, dummodo modus servetur. Crassiorum humorum sarcina onustis non satis aptantur; quippe quæ flatulenta sunt, stomachisque debilioribus, glarcisque in renibus, aut vasa stabulantibus, noxia. Nonnulli putant, Pisa tussim compescere, pectorisque acrimonias demulcere, Tragus autem tanquam Epilepticis utilia deprædicat. Alii vero eorum decoctionem ad menses, lochia, ac urinas ciendas, obstructionsque referandas, Petroselini radice, foliisque Rorismarini, Macisque parum, admixtis commendant, quos effectus profecto, potius ab aliis simplicibus suprarecensitis, quam a sola eorum decoctione, sunt desumendi, magis enim emollientia, ac laxantia sunt, quam ulla insigni aperiendi facultate prædita.

Pisa una cum siliquis comesta magis nocent, quam grana simplicia, quod in *Schola Salernitana* hoc Disticho explicatur,

*Sunt inflativa cum pellibus, atque nociva;
Pellibus ablatis, sunt bona Pisa satis.*

Rajus asserit, Pisa recentia, ac cruda iis præsertim convenire, qui longis navigationibus a carnium, piscinque salitorum usu scorbuticam affectionem contraxerunt. Joannes Bauhinus, cum Martino Rulando refert, eorum decoctionem una cum foliis Quercus pro balneo paratam, scabiem, lepram, ulcera, omnesque alios cutaneos morbos sanare.

P L A N T A G O.

PLures PLANTAGINIS species inveniuntur; vulgatiores tamen, ac a Medicis usitatiores sunt sequentes tres, scilicet Plantago major, Media, & Minor.

Plantago major, seu septinervia, *Offic.* Plantago latifolia sinuata, C.B.P. 189. *Inst.* R. H. 126. Plantago major, folio glabro, non laciniato, ut plurimum. J. B. 3. 502. Plantago major *Dod. Pempt.* 107. *Matth. Trag. Fuch.* *Turn. Tabern. Camer. Hort.* Plantago latifolia vulgaris. *Park. Raii. Hist.* 876. Plantago latifolia, *Ger.* Plantago rubra, *Brunf.* Plantago, vulgo Centinervia, *Casalp.* 327. Arnoglosson, *Dioscor.* Plantago scapo spicato, foliis ovatis, *Linn. Flor. Lapon.* 34. Heptapleuron, Centumnervia, Arnoglossum sive Arnoglossa, vel Lingua Agnina, Olus Agninum, Arnion, Probation, Cauda ichneumonis, Herba viarum, *Nonnull.* vulgo, *Le Plantain large la grand Plantain.*

Huic radix est brevis, digitum crassa, lateraliter fibris stipata, quæ folia emittit lata, lucentia, ambitu perraro denticulato, glabra ut plurimum, septem satis apparentibus, ac præsertim in parte postica per longum excurrentibus nervis distincta, unde tam Græce, quam Latine ejus nomen deduci-

ducitur; præterea folia hæc in terram strata longis caudis adhærescunt. Ex eadem radice, media inter folia plures caules fere pedales, rotundi, fractu difficiles, quandoque rufescentes, ac nonnihil villosi eriguntur; in quorum apicibus spica oblonga, pluribus albidiusculis, aut purpureis floribus, ornata sustinetur; singuli hi flores quinquifidi pluribusque staminibus suffulti basin habent cylindræam, verticem vero satis expansum, abeuntque in fructum, sive coccum membranaceum, elyptico acutum, aut conicum, transversim sese aperientem, adinstar pixidis saponariæ, quamplurima semina minuta, ovalia, aut oblonga, & rufescentia occludentem. Vulgatissima est planta hæc, ac fere ubique in magnis viis crescit, nec non in arvis, & viridariis, juxta sepes, ac loca herbosa, & inculta. Majo, Junioque floret, Augusto semen largitur: antiquissimis usque temporibus, omnibusque regionibus tam ob ejus utilitatem, quam ob maximam ipsius copiam cognita fuit. Qua de causa familiarissima est, ac inter omnes Plantaginis species uti vulgatior usurpari frequentius solet, hujus tamen defectu durescentes in usum Medicum veniunt, ac juxta Nonnullos postrema cæteris omnibus est præferenda.

Plantago media, seu Quinquenervia, Offic. Plantago latifolia incana C. B. P. 189. Inst. R. H. 126. Plantago major, hirsuta, media a nonnullis cognominata, J. B. 3. 504. Plantago media, Dod. Pempt. 107. Matth. Fuchs. Gesn. Hort. Plantago incana, Ger. Raii Hist. 1261. Plantago foliis ovato-lanceolatis pubescentibus Linn. Hort. Cliff. 36. Plantago minor, vel alba, Arnoglosson medium, Lingua ovina major incana, Quorumd. vulgo, Plantain moyen, le Plantain blanc.

Radice est satis crassa, extremis quodammodo demorsis, pluribus stipata fibris, sese hac illac in terram extendentibus. Folia vero habet nonnihil lata, in terram strata, caudis majoris Plantaginis exilioribus appensa, quæque extantibus quinque nervis discriminata, quaquaversum pubescentia, & incana, margine denticulis destituto. Media inter folia plures pedales, rotundi, hirsuti, nodosi, ac neutiquam striati caules elewantur, extremitatibus, spicis duos digitos longis stipatis, compositisque pluribus parvis, in fasciculum coacervatis, monopetalis, ac stellatis floribus, numerosis ac purpureis staminibus, apicibus albis, quibus fructus, aut capsulæ feminales parvæ, ac rotundæ succedunt, occluduntque ut plurimum bina minuta semina exiguos pulices æmulantia. Planta autem hæc fere ubique in pratis siccis, sabulosisque locis, secus magnas vias reperitur.

Plantago minor, seu Trinervia, Offic. Plantago angustifolia major. C. B. P. 189. Inst. R. H. 127. Plantago lanceolata, J. B. 3. 505. Plantago minor, Dod. Pempt. 107. Gesn. Hort. Lon. Lac. Plantago minor, Longa Matthioli, Lugd. Hist. 1255. Plantago Quinquenervia, Ger. Raii. Hist. 877. Lob. Plantago Quinquenervia major, Park. Lanceola major, Cesalp. 328. Lanceola & Lanceolata, Costa Canina, Tabern. Plantago foliis Lanceolatis, spica fere ovata Linn. Hort. Cliff. 36. Plantago angustis, oblongisque foliis, Herlatum, Magebora, Herba Martis, Quorumd. vulgo, le Plantain étroit.

Primæ speciei similem radicem habet, foliaque emittit longa, angusta, acuta, vix quidem serrata, hirsuta, quinque nervis per longum excurrentibus, signata (quorum tres cæteris sunt insigniores in parte folii postica) longis pendunculis, lanceæ æmulis, appensa, colore viridi, præcedentibus binis

binis speciebus saturatori, sapore nonnihil dulci, ac adstringenti. Ea inter plures pedales, minuti, angulosi, ac striati caules extolluntur, in quorum apicibus spicæ breviores, crassioresque Plantagine majori locantur, quæ flosculis conflantur pallidiufculis, æqualibus, staminibusque donatis, quorum extrema albo lutescentia sunt, ac raro prodeunt, spicæ enim quaquaversum sensim florescunt: antequam vero florescant nigricantes sunt, dum e contra in aliis speciebus ad viridem colorem accedunt. Floribus præsto sunt capsulæ membranaceæ, semina occludentes minuta, oblonga, ac præcedentibus speciebus crassiora. Planta vero hæc ubique germinat, in pratis, aliisque herbosis locis; Æstate ineunte cæterarum in morem florescit, semenque Augusto maturefcit. Radix vivacissima est, ut in aliis Plantaginis speciebus, Hyemique resistit.

Prædictæ omnes Plantaginis species usque adhuc a nobis descriptæ, prout commodius reperiuntur, indiscriminatim in usum Medicum venire possunt. Ejus folia amara, & adstringentia sunt, ac nonnihil chartam cæruleam rubro colore, inficiunt, radix vero saturatori, adstringensque tantum est, a quo evincitur in foliis, sal Ammoniacum, particulasque terrestres, maxima sulphuris portione irretiri, Plantaginemque vulnerariam, adstringentem, resolventem, ac febrifugam esse. De facto ejusdem succus depuratus ab ℥ ij. ad ℥ jv. exhibitus initio febrium intermittentium, eas plerumque sanat. Qua in re species foliis angustioribus cæteris præferri solet, e qua sex, ad duodecim usque radices sumi possunt, cum Man. β. Fol. quibus tuis, noctis spatium ℥ vj. ferventis aquæ infusis, ac mane expressione colatis, adduntur gut. xxx. Spiritus Sulpheris, aut Vitrioli, pro tribus dosibus, tribus vicibus propinandis, horæ spatium ante febris paroxysmum purgatione tamen antea in usum revocata. A nonnullis etiam loco aquæ pro infusione cyathus aceti usurpatur, testanturque plerumque post primi cyathi sumptionem febrim evolare. Observatio Doct. Garbesii hoc expresse confirmans extat in *Ephemeridibus Germanicis Decuria II. Anno X. pag. 100.*

Plantaginis ptisana utilissima deprehenditur in dysenteriis, ac in fere omnibus hæmorrhagiis, dummodo criticæ non sint; D. Chomel celebris Medicus Parisiensis testatur, pluries cum successu adversus diarrhæas semen Plantaginis ℥ j. in Lacte ebullitum, aut pulveratum in jusculo exhibuisse, atque hocce remedii genus rusticis admodum esse familiare. Succus foliorum depuratus tribus subsequenter diebus mane jejuno stomacho exhibitus eundem quoque effectum edit, juxta observationem Lanzonianam 137. in *Ephemeridibus Germanicis Decuria II. anno X. pag. 227.* S. Paulli, extractum Plantaginis, decoctionemque Sarsaparillæ ad sistendam sanguinis micturitionem Gonorrhœæ succedaneam in juvene usurpasse narrat; ac Riverius testatur, ℥ j. Seminis Plantaginis una cum ovo deglutitam abortum impedire posse. D. Boylaus adversus vomitum, hæmoptysimque sequens remedium proponit, quod satis comprobandum videtur.

℞. Rad. Consolid. maj. recent. & rasar. ℥ β. Terantur in mortario marmoreo cum Sacchari tenuissimi exigua quantitate. Adde postea Succo Fol. Plantaginis f. q. ut Electuarium conficiatur, cujus dosis erit a ℥ j. β. ad ℥ ij., tribus de die vicibus, bolis nebula obvolutis; cyathum decoctionis pectoralis superbibendo.

Quod vero ad externum hujusce plantæ usum spectat, ejus decoctio nobis

bis excellens Gargarisma suppeditat adversus faucium morbos ; quorum ulcera protinus detergit , ac exsiccat . D. Garidelius testatur , hanc eandem decoctionem in aqua calcis institutam pari ratione crurum ulcera exsiccare , ac cum successu eam pluries usurpasse , quamvis ea in Provincia contumaciore esse soleant . Succus quoque Plantaginis , spleniis , aut foliis tuis in eo immersis , & Cataplasmatibus forma parti affectæ applicitis , carbunculi progressum sistit ; folia quoque recentia vulneribus , contusionibusque , quas statim dissipat , applicantur . In *Ephemeridibus Germanicis Decuria II. anno X. pag. 142.* Observatio reperitur Doct. Casimiri Gahrlied , qui asserit , inflammationem , gangrænam minitantem sedasse , sola foliorum Plantaginis tusorum , ac calefactorum applicatione . Adversus vero hæmorrhoides teritur Plantago , ac cum butyro recenti una cum prædicta liquato unguentum conficitur , partesque affectæ Porri apice illinuntur ; quod remedium profecto saluberrimum reputatur . In collyriis plerumque aqua Plantaginis cum aqua Rosar. usurpantur solet ad oculorum inflammationem cohibendam . Camerarius vero collyrium hocce , foliorum succo , ac radice tusa , una cum aqua Rosar. ac Saccharo , commixto conficiebat . Cataplasma foliis Plantaginis , Muscoque in Pruno excrecente , simul in Vino decoctis , optimum censetur remedium adversus Hernias , usurpatur demum radix lota , nonnihil tusa , in aurium osculo immissa ad dentium dolores compescendos .

Radix , foliaque Plantaginis in Aqua Vulneraria *Pharmacopææ Parisiensis* adhibetur , folia vero in Decoctione adstringente , Syrupis *Albæ Fernelii* , & *Consolidæ* , in Pulvere adversus rabiem , Balsamo Vulnerario &c. ejusdem *Pharmacopææ* . Semina vero in pulveribus *Diarrhodon* , Adstringenti contra abortum , ac Unguento Comitissæ .

℞. Aquar. distill. Plantag. , & Sanguinariæ ana. ℥ ij. Bolli Armenæ , Terræ sigill. , Theriacæ , & Dioscoridis ana. ℥ β. Syrupi Cydonior. ℥ j. M. pro potione choceleatim , quaque hora , sumenda in ventris fluxibus , relaxationi fibrarum intestinalium supervenientibus , ac superpurgationibus .

℞. Capitis Vitulini in taleolas incisi dimidiam partem , Oryzæ cochlear. j. Radicis Consolidæ majoris tusæ ℥ j. Folior. Plantag. & Urticæ ana. Man. j. Coque in ℔ iij. aquæ pro binis haustibus ; uno mane , jejunio stomacho , altero vero vespere in hæmoptysi , aut vomitu sanguineo .

℞. Aquæ Plantaginis , & Rosar. ana. ℥ iij. , Terræ sigill. Boli Armenæ ana. ℥ β. succi Urticæ depur. ℥ ij. Syrupi Diacodii ℥ β. M. pro Julapio hora somni exhibendo ad abortum præcavendum .

℞. Folior. Agrimonie Man. ij. Rubi ac Plantag. ana. Man. j. & Malum Punicum . Coque in vase terreo cum ℔ aquæ iij. ad tertiam partem . Colaturæ adde f. q. Sacchari , ut Syrupus conficiatur , ab ægro choceleatim stasis intervallis sumendo , sinendo , ut paulatim in ore liquecat .

Eclegma autem prædictum mirabile reputatur adversus faucium morbos . ac præsertim anginam .

℞. Catholicon dup. ℥ β. Mannæ ℥ j. β. Dissolve in aquæ Plantag. ℥ jv. pro potione in ventris fluxibus exhibenda .

℞. Fol. Plantag. Saniculæ , Brunellæ , Hederæ terrestris , utriusque Veronicæ , Bursæ Pastoris , ac Virgæ Aureæ ana. Man. β. Coque in ℔ aquæ vi. ad quartæ partis consumptionem . Adde finem versus Glycyrrhizæ in fila

in fila evulsæ ꝑ ꝑ. pro prisana vulneraria adversus contusiones ;
 R̄. Conservæ Rosar. vetustissimæ , & Diascordii ana. ꝑ. Sem. Plantag. con-
 tus. ꝑ. ij. Corall. rubri ꝑ. ac Rhabarbari torrefacti ana. ꝑ. j. Ipecacuanhæ
 ꝑ. gr. xvij. M. cum f. q. syrupi Diacod. pro Opiata ; a ꝑ. j. ad ꝑ. j. ꝑ. fe-
 ro , hora somni , bolis nebula obvolutis in Dysenteriis ad exitum pro-
 perantibus fumenda .

R̄. Aquæ Rosar. & Plantag. ana. ꝑ. iij. In his dissolvantur Trochiscor. albor.
Rhasis ꝑ. Sacchar. Saturni gr. xx. pro collyrio refrigerante adversus
 incipientem oculorum inflammationem .

R̄. Aquar. Plantaginis , Spermatis Ranar. , Rosar. , ac succi Sodii major. ana.
 ꝑ. ij. Nitri depur. ꝑ. j. Syrup. Rosar. exsiccat. ꝑ. j. M. pro Gargarismate in
 Angina .

R̄. Folior. Plantag. , Rubi , & Agrimonie ana. Man. ꝑ. Balauftior , & Ro-
 sar. rubrar. exsiccatar. ana. ꝑ. j. ꝑ. Ebulliant in aquæ ꝑ. ij. ad medias .
 Colaturæ adde Aluminis Rupei ꝑ. j. Syrupi Rosar. exsiccatar. ꝑ. j. Pro Gar-
 garismate adversus uvulæ relaxationem .

R̄. Folior. Plantaginis , & Veronicæ ana. Man. ꝑ. Coque in ꝑ. aquæ ij. ad
 medias . Immergantur in hac calida decoctione splenia , crurum ulceribus
 prius ea/lem decoctione fotis , applicanda .

R̄. Butyri loti in aqua Violar. f. q. Adde Succum Plantaginis pro Linimen-
 to utilissimo adversus impetiginem , porriginemque .

P O L I U M .

POLIUM genus Plantæ est , cujus plures sunt species : nos vero duas tan-
 tum , nimirum usitatiores hic describemus , nempe Polium luteum , &
 Album .

Polium luteum , Offic. Polium montanum , luteum , C. B. P. 220. *Tabern.*
Icon. 364. *Ger. Inst.* R. 206. *Raii Hist.* 525. Polium luteum , *Lob. Icon.* 487. Po-
 lium montanum vulgare , *Part.* Polion flore luteo , Theurion , Melosmon ,
 Belion , Leonthocaton , Polium vulgatius , *Quorumd.* vulgo , *le Polium ou Po-*
lion de montagne a fleur jaune .

Huic radix est lignosa nonnullis fibris stipata , quæ plures emittit caules
 duros , lignosos , graciles , fere semipedales admodum hirsutos , quorum alii
 in terram prosternuntur , alii vero eriguntur . Folia exilia , oblonga , crassa ,
 ambitu crenato lanugine albescenti superne , ac inferne obducta sunt . Exi-
 gui flores , quamplurimi , ad modum capitis cujusdam , simul congesti , flo-
 rum Chamædris æmuli , & labiati , luteum adinstar auri colorem habent ,
 odorem vero penetrantem , aromaticumque , saporemque amarum ; horum
 quisque tubulus est in vertice expansus , ac in labium quinquifidum elonga-
 tus , labium vero superius adeo breve est , ut , ne vix quidem conspici pos-
 sit , cujus loco nonnulla gerit stamina . Hi flores tandem abeunt in semina
 minuta , semirotunda , capsula quondam floris calicem efformante , obvolu-
 ta . In regionibus calidis , montibus , ac collibus , aliisque elatis siccis , sa-
 xosisque locis , uti in Occitania , Provincia , ac Delphinatu crescit planta
 hæc . In hortis quoque feritur , in quibus Æstate , ac plerumque Julio , &
 Augusto floret . Clusius autem asserit , in Hispaniæ Regnis Granatensi , ac Va-
 lentiano , plantam hanc ipsam Martio flores edere , ejusque semine enatum
 vidif-

vidisse *Polium* flore ac foliis, quandoque albis, quandoque intus pallidis; extusque albidiusculis. Nonnulli vero pro Theriaca, aliisque usibus e Candia nobis allatum præferre consueſcunt, vix tamen inter ſe diſtant. Idem quoque cenſendum eſt de Polio Italo adeo magnis laudibus a plerisque cumſolato.

Polium album, *Offic.* *Polium montanum*, album. C. B. P. 221. *Ger. Inſt.* R. H. 206. *Raii Hiſt.* 524. *Polium montanum* 1. *Clus.* 361. *Polium montanum*, *Monſpeliacum*, *Park.* *Polium alterum ſeu candidum*, *Polium ſeu Polion montanum* flore albo. *Quorumd.* vulgo *le Polium ou Polion de Montagne a fleur blanche*.

Huic quoque radix ſupramemorato ſimillima eſt, quæque caules exiles, rotundos, firmos, lignoſos, ac ut plurimum in terram ſtratos emittit. Folia autem minutiora, nec adeo ut in Polio luteo lanugiñoſa, ac leviter denticulata ſunt. Flores vero præcedentibus forma ſimilantur, colore tamen albo ſorum, & capitum differunt. Semina etiam alterius ſeminibus æquiparantur. Non ſolum in montibus, aliisque elatis locis creſcit planta hæc, verum etiam in planitiebus ſabuloſis, ac aridis, ſecus vias in Occitania, & Provincia. Uno, eodemque tempore, ac *Polium luteum* floret, ſemenque edit.

Juxta D. Chomelium major Polii ſpecierum numerus, quibus Authores diſverſa nomina tribuerunt, nihil aliud revera eſt, niſi quædam varietas ex uno, eodemque ſemine prodiens, ſic ſorum Polii lutei color nonnunquam deletur, pallidusque efficitur: omnium tamen efficacia æqualis ſemper eſt, ac indiſcriminatim unius, aut alterius ex ſpeciebus uſque adhuc recensitis, caulium extrema florida uſurpari poſſunt. Johannes Bauhinus poſt Cluſium curioſos admonet, *Polium* facillime ad talearum umbram excreſcere, dummodo ſolum probe paratum ſit.

Analyſeos ope *Polium montanum* plurimum ſalis volatilis-aromatico-oleoſi largitur, unde virtutem cephalicam ac anti-epilepticam mutuatur. Luteum quamvis uſum Medicum habeat ſatis anguſtis limitibus conſtitutum, tamen magis exiſtimatur, nobisque ſiccum ſciculis quibuſdam affertur, eligendumque eſt optime floribus ſtipatum, coloris luteo-aurei, recenter duplici charta exſiccatum, odoris penetrantis, & aromatici, ſaporis amari, ac ingrati. Floridæ ſummitates, *Comæ polii*, aut *Polium comatum*, nuncupatæ, præcipue uſurpantur, præſertim in alexipharmacis Veterum compositionibus, nempe Theriaca, & Mithridato. Specificum quoque reputatur adverſus icterum, hydropem, ac animalium venatorum morſum: hac de cauſa foliorum, ac ſorum infuſio ad modum Theæ uſurpari ſolet, a qua etiam menſes, ac urinæ cientur, obſtructioneſque reſerantur. In Provincia vero adverſus pertinaces ventris fluxus aquam, in qua *Polium* fuerit maceratum, propinare conſueſcunt, decoctionem vero ejuſdem Enematis forma, magna autem extus infimo ventri.

Folia Polii lutei montani uſurpari ſolent in aquis Generali, & Prophylactica *Pharm. Paris.* ſummitates vero in Theriaca, Mithridato, & *Hiera Diacolocynthidos* ejuſdem *Pharmacopææ*.

Rx. Summit. Polii ad umbram exſicc. Man ij. Superaffunde aquæ ebull. ʒ ij. Infuſum per horæ quadrantem in vaſe clauſo relinquatur. Propinetur mane jejunio ſtomacho, addendo parum Sacchari. Convenit autem in Ictero, affectibus capitis, & Epilepſia.

P O L Y G A L A .

POLYGALA, Offic. Polygala vulgaris, C. B. P. 215. *Inst. R. H.* 174. Polygalon multis, J. B. 3. 386. Polygala cærulea, purpurea, alba, *Tabern. Icon.* 831. Polygala, *Dod. Camer. Ger. Raii Hist.* 1335. Polygala minor, *Park.* Polygala recentiorum, *Lob. Clus.* Onobrychis tertia purpurea Dalemchampi, *Lugd. Hist.* 491. Polygala foliis lineari-lanceolatis, caulibus diffusis herbaceis, *Linn. Hort. Cliff.* 352. Amarella, *Gesn.* Onobrychis vera Dioscoridis, Polygala Græcorum, & Latinorum, Eugalacton, Flos ambravalis, *Quorumd.* vulgo, *Polygalon, herbe à lait.*

Ei radix est lignosa, dura, exilis, vivax, coloris albo-viridescentis, aut purpurei, gustus amari, & nonnihil aromatici. Plures vero emittit caules ad semipedis fere altitudinem, graciles, firmissimos, alios erectos, alios in terram stratos, rubro-virides, exilibusque foliis ornatos alternatim dispositis, ex quibus alia oblonga & acuta sunt, alia vero rotunda. Flores solitarii sunt, parvi, & spicæ in modum dispositi a caulium media parte, ad verticem usque germinantes, cærulei, aut violacei, aut purpurei, aut rubri, raroque admodum albi, cylindroque, basi clausa, vertice expanso, bifidoque conflantur, quorum labium superius introrsum incisum est, inferius vero fimbriatum. Hisce succedit fructus, aut sacculus compressus, ac in duas cellulas feminibus oblongis refertas divisus, qui etiam a floris calyce quinque foliis donato obvolvitur, quorum tria exilia sunt, bina autem majora, adinstar duarum alarum fructum amplectentia. Omnibus in locis rusticis, herbosis, elatis, aut montanis, incultis, disertisque crescit planta hæc, florescit autem Majo, Junio, & Julio, crediturque animalium ea lac adaugeri, qua potissimum de causa *herbe à lait* nuncupatur.

Polygala plurimum olei, ac phlegmatis, parumque continet salis. *Gesnerus* ob amaritatem plantam hanc *Amarellam* vocat, asseritque laxante virtute præditam esse adeo, ut, si ejusdem Man. j. in Vino infundatur, bilis copia leniter, ac absque ullis torminibus extrudatur. *In actis Regiæ Scientiarum Academiæ anno 1739. pag. 135.* extat D. Duhamel Commentarium, in quo plurima refert experimenta a se ipso instituta, ut hujusce plantæ virtutes adversus pleuritidem, pectorisque fluxionem sibi innotescerent. Quibus observationibus evinci potest, Polygalam in plantarum bechico-incisivarum classe esse reponendam. Ejusdem enim decoctio in prædictis morbis sputus materiem, pectus infestantem incidit, expectorationemque adjuvat, quin etiam sanguinem coagulatum, ac in pleura irretitum attenuat, ac ad circularis motus leges reducit. Hæc satis miranda, ingens emolumentum revera præstare possunt, votisque omnibus exoptandum, ut repetitis experimentis confirmantur. Pleuritis, ac Peripneumonia morbi profecto sunt in arte Medica exhorrescendi, nihilque impensius inquirendum, quam quod ut remedia morbi periculum imminuentia probe cognoscantur. Consilium itaque celeberrimi Academici, cujus extant observationes, hac de re amplectendum est, & in morbis prædictis planta hæc vulgatissima usurpanda: felix namque eventus abunde fuit comprobatus, neque adhuc constat eandem nocere potuisse. Quibus omnibus rationibus Medici ad eam præscribendam sufficienter allici possunt.

℞. Rad.

Rx. Rad. Althææ lotar. \mathfrak{z} β . Plantæ integræ Polygalæ Man. j. Glycyrrhizæ \mathfrak{z} ij. Affunde aquæ fervent. \mathfrak{lb} ij. Paulo post fiat Colatura, ptisana verò tepida propinabitur pro potu ordinario in pleuritide, pectorisque epiphora.

P O L Y G O N A T U M.

POLYGONATUM, seu sigillum Salomonis, *Offic.* Polygonatum latifolium vulgare, C. B. P. 303. *Inst.* R. H. 78. Polygonatum, vulgo sigillum Salomonis, J. B. 3. 529. Polygonatum, *Matth.* 954. *Dod. Pempt.* 345. *Lob. Icon.* 631. *Ger. Raii Hist.* 664. Polygonatum vulgare, omnibus Provinciis familiare, *Clus.* Polygonatum vulgatius, *Eyst.* Frassinella, seu Fraxinella, *Cesalp.* 224. *Anguill.* Convallaria foliis alternis, floribus ex alis, *Linn. Hort. Cliff.* 124. Polygonatum majus, sigillum Salomonis latifolium, Geniculata Genicella, seu Geniculum. *Quorumd.* vulgo *Sceau de Salomon*.

Radix longa, transversim in terræ superficie locata, digitum crassa, articulata, seu geniculata, statisque spatiis, conspicuis nodis, aut tuberculis, interstita, coloris albi, variegati, saporisque dulcescentis, plurimisque stipata fibris emittit caules ad pedis cum dimidio, vel duorum pedum altitudinem, rotundos laeves, ramulis destitutos, extremis nonnihil recurvis, odoris ingrati, si forte frangantur, aut in taleolas incidantur, pluribus ornatos foliis alternatim locatis, oblongis, latis, Liliî Convallii foliis æmulis, nervosis, atro-viridibus, lucescentibus in parte superna, glaucis vero, aut sub-cæruleis in inferna. Ex foliorum alis secus caulem brevibus appensi pedunculis, aut solitarii, aut bini, aut terni, plurimique eadem in costa locati flores enasci solent; eorum quisque campanulam veluti cylindraceam senis denticulis distinctam repræsentat, calyceque destituitur, coloremque album habet, extremis herbosis, aut viridescentibus, hisce verò baccæ admodum crassæ, baccis Hederæ similes, aut etiam majores, semi-rotundæ, molliusculæ, virides, aut purpureæ, aut sub-nigræ succedunt, in quibus plerumque tria semina, uti Viciæ semen crassâ, ovalia, dura, atque alba occluduntur. Fere ubique in agro Parisiensi luxuriat planta hæc, nec non cæteris in provinciis, locisque umbrosis, juxta sepes, in nemoribus, sylvisque, in quibus radicibus huc illuc excurrentibus sponte multiplicatur, earumque nodi veluti impresso sigillo quodam distinguuntur; Majo, Junioque florescit, baccæque Augusto maturescunt. Radix vero frequentius in usum Medicum venit.

Sigillum Salomonis Chymicæ Analyti commissum nihil aliud præter liquores acidos, ac oleum ministrat, parumque terræ, salisque fixi, nihil vero salis volatilis ex eo elici potest. Folia insipida sunt, quidpiam habent glareosi, quodammodo nauseam excitantis. Radices autem dulces, acriusculæ, ac nonnihil glutinosæ, chartam cæruleam rubro colore languide imbunt, folia vero eo minus. Glareosum phlegma, maxima olei portione, commixtum, in Sigillo Salomonis, tantum contineri videtur: Authorum omnium consensu uti vulnerario adstringens reputatur, & de facto ejus radices familiarissime adversus hernias usurpari solent; & D. Chomel in *Historia Plantarum usitatarum* asserit frequenter cum successu eas infantibus exhibuisse. Quæ de causa \mathfrak{z} j. in taleolas incisa in \mathfrak{z} viij. Vini albi, xxiv. horarum spatio, infundi solet, quod infusum deinde tribus, aut quatuor exilioribus cyathis de

die propinatur: repetendum quoque est duodecim, aut quindecim dierum spatio, eademque radix tusa, fascia herniæ coercendæ aptata, super affectas partes solet applicari. Pro adultis vero ʒ β. noctis spatio in cyatho uno Vini albi maceranda est, ac infusum singulo quoque mane per mensem exhibendum, sique ægrum magis solari cupimus, eadem radix Cataplasmatismis forma usurpanda. A Matthiolo Conserva ejusdem radiceis adversus eundem morbum plurimum existimatur, & a Palmero ejusdem infusum ex Cerevisia adversus arthritidem.

Quoad usum exteriorem radix hæc tusa, ac externe applicata adversus morsus, ac contusiones excellit. Ejus aqua distillata cosmetica est, faciem detergit, coloremque conciliat. S. Paulli, post Henricum Paulli ejusdem genitorem, affert Recipe, ut ajunt, quod optimum videtur, ac quondam prolatum fuisse fertur pro Austriacæ domus Principe.

℞. Rad. recent. Sigilli Salomonis, Bryoniæ, Asphodeli, Lilior. albor. Flor. Lilior. convall. Genistæ, & Levistici ana Man. j. Contusa infunde in cucurbita una cum Mellis albi despumati ʒ iiij. ac Vini albi ℥. ij. Fermentata usque ad putrefactionem distillantur B. A. omnia tribus repetitis vicibus cohobando, in cucurbitæ capitulo Camphoræ ʒ iij. suspensis. Utiliter hæc aqua usurpatur ad Variolarum vestigia oblitteranda, necnon ad cutim expoliendam, pulcritudinemque conciliandam. A Nonnullis etiam integræ plantæ decoctio in usum revocari solet ad scabiem, impetigenemque aliosque cutaneos morbos sanandos.

℞. Rad. recent. erasar. Sigilli Solomonis q. l. contunde in mortario marmoreo una cum æquali farinæ Fabar. portione, pro Catapsalmate super hernias quotidie innovando.

P O L Y G O N U M.

CEntinodia, Offic. POLYGONUM latifolium, C. B. P. 281. Inst. R. H. 510. Polygonum, five centinodia, J. B. 3. 374. Polygonum mas, Dod. Pempr. 113. Matth. Fuchs. Polygonum mas vulgare, Ger. Raii Hist. 184. Polygonum mas vulgare major Park. Sanguinaria, five centumnodia, Lob Icon. 419. Brunf. Sanguinalis mascula, Gesn. Hort. Cord. Cast. herba Prosepina, a serpendo, Apul. Polygonum, Linn. Hort. Cliff. 150. Polygonon vulgatus, Polygonia, herba feminalis, heraclia, seu herculea, Clema, Polycarpon, Myrtopetalon, muris unguis, herois sanguis, Pedalion, Corrigiola, Heliobotanon five solis herba, Lingua passerina, Quorumd. vulgo, Renouée, Trainasse, Centinode. Corrigiole.

Radice donatur satis crassa, si cum plantæ magnitudine conferatur, simplici, dura, lignosa, retorta, pluribus stipata fibris, difficulter e solo extirpandis, ac late repentibus, gustus adstringentis. Plures vero eicit caules pedem, aut pedem cum dimidio longos, graciles, rotundos, solidos, tenaces, quandoque erectos, sed plerumque repentis, ac in terram stratos, læves, plurimis refertos finitimis nodis, foliisque oblongis, angustis, acutis, glaucis, brevibus caudis appensis, ac alternatim dispositis. Flores ex foliorum axillis parvi, monopetali, ac quinquifidi exeunt, octo constantes staminibus albis, purpureis, aut rubris, extremis luteis, calyceque destitutis. Hisce semen subrogatur satis crassum, triangulare, Castenæ coloris æmulum, propria capsula.

psula obvolutum. Indiscriminatim in omnibus fere excrefcit planta hæc incultis, aut fativis locis, & præfertim fecus vias, plagasque frequentatas; inter vulgatiores recenſetur, Æſtate floret, ac toto fere anni curſu vireſcit, excepta Hyeme. D. Linnæus poſt Rajum obſervat, Centinodiam foliis magis, minusve elongatis, ac magis minusve anguſtioribus variare, & ab hiſce varietatibus e ſoli diverſitate præcipue productis, differentes ſpecies neutiquam conſtituendas eſſe.

Saporem habet glutinoſum, & nonnihil acídum, eaque plurimum charta carulea rubefcit: Verofiſmillimum ergo erit Centinodiæ ſal ad Alumen accedere, una cum exili ſalis Ammoniæ ac ſulphuris quantitate permixtum: ope enim Chymicæ Analyſeos plurimum acidi, terræ, ac olei, parum volatilis concreti, parumque fixi lixivialis ſalis elargitur. Centinodia adſtringens eſt, vulneraria, atque ad omnes hæmorrhagiæ ſpecies ſiſtendas aptiſſima tam interne, quam externe uſurpata. Proſtat in Officinis ejus aqua diſtillata, ab ℥ jv. ad ℥ viij. propinanda, quæque cum julapio aut potione vulnerario-adſtringenti commiſcetur. Folia vero in uſum veniunt pro decoctione Enematis forma in ventris fluxibus præſcribenda; in dyſenteria vero addi ſolent emollientes herbæ, vel etiam eorundem ex Late decoctio. Ab hocce remedio D. Chomel in *Tractatu de Plantis uſitatoribus* miros adeo effectus expertum eſſe teſtatur, ut ab eo veluti Specificum in hiſce morbis reputetur. Succus quoque ad ℥ ij. vel ℥ iij. & ptifana, aut infuſum in Vino rubro adverſus dyſenteriam, ſanguiniſque fluxus exhibetur. Camerarius cujuſdam experimentum refert, qui a vomitu ſanguineo, ſucco Centinodiæ in Vino generoſo epoto, liberatus fuit. In narium hæmorrhagia decoctio ejusdem propinari, ac ſub aliſ tetrimentum applicari ſolet. In *Ephemeridibus Germaniæ Decuria I. Anno III. pag. 34.* extat obſervatio VVedelii, qui aſſerit, plantam hanc tuſam, pratierque ſub aliſ applicatam, excedentem hæmorrhoidum fluxum ſedare. Notum præterea eſt vulneribus appoſitam, ea protinus ſanare. In herniis quoque uſurpatur, ac Schordero adnotante, compertum fuit adverſus intermittentes febres hanc eandem plantam, Epicarpium forma, ruſticos adhibere.

Centinodiæ folia in ſyrupo Conſolidæ, ac decoctione adſtringenti *Pharmacopææ Pariſienſis* uſurpari ſolent, ejusque aqua diſtillata in aqua ſtyptica ejusdem *Pharmacop.*

℞. Aquæ diſtill. Centinodiæ, & Plantaginis ana ℥ ij. Boli Armenæ, Terræ ſigill. & Cretæ pp. ana ℥ ſ. Syrupi Cydonior. ℥ j. M. pro potione adſtringenti cochleatim capienda.

℞. Aquæ Centinodiæ, & Lilior. ana ℥ iij. Coralli rubri pp. Oculor. Cancror. pp. ana ℥ j. Laudani Sydenham gut. X. aut Xij. Syrupi Cydonior. ℥ j. M. pro Julapio anodino, ac adſtringenti.

℞. Colcotharis, Aluminis uſti, Sacchar. cand. p. ana ℥ ſ. Infunde omnia in vaſe vitreo, & adde Aquarum Plantaginis ℥ iij. & Roſar. ℥ j. Miſceantur probe, obtureturque phyalâ exactiſſime, ſerveturque pro uſu. Aqua hæc a gut. X. ad gut. XX. cum ℥ ij. vel ℥ iij. aquæ Centinodiæ in ſputo cruento, dyſenteria, immodico menſium, hæmorrhoidumque fluxu, omnibuſque aliis hæmorrhagiis a cauſa interna obortis uſurpari poteſt: in narium vero ſanguineo fluxu turunda hac aqua ſaturata in naribus ipſis intruditur, necnon in alicujus vaſis ruptura ſplenium madefactum toties applicatur, quoties opus eſt.

P O L Y P O D I U M.

POLYPODIUM Quercinum vel quernum, Offic. Polypodium vulgare, C. B. P. 359. *Inst.* R. H. 540. *Park.* Polypodium, J. B. 3. 746. *Ger. Raii Hist.* 137. Polypodium majus, *Dod. Pempt.* 464. Polypodyum. 1. *Lugd. Hist. Tabern.* Polypodium, Filicula, herba Radioli Apulei, *Lob. Icon.* 814. Polypodium fronde pinnata, foliolis lanceolatis integris ferrulatis alternis connata sessilibus, *Linn. Hort. Cliff.* 475. Polypodium vulgatius, Filicula dulcis sive quercina, Radix seu Radiculus dulcis, *Quorumd.* vulgo *Polipod de chesne*.

Radicem habet semipedalem, minimum digitum fere crassam in terræ superficie repentem, minutis fibris pilos æmulantibus, munitam, pluribus exiguis tuberculis, aut verrucis stipatam, fractu facilem, coloris externe atrii, aut sub-rubri, interne vero viridescens, gustus sub-dulcis, ac nonnihil aromatici, denique parumper acerbi, ac stiptici. Folia vero emittit Filici mari similia, exiliora tamen, profunde ad centrum usque incisa in partes longas, & angustas, dorso, tecto veluti quodam pulvere adherenti, ac sub-rubro, in quosdam exiguos acervos congregato. Pulvis hic microscopii examine perfructatus fructuum plantæ collectio videtur esse, aut baccae sphericæ, ac membranosæ sese in duas partes aperientes, veluti pixis saponaria, e sui cavitate semina nonnulla, minuta, flava, ac reniformia, seminibus Medicæ pene similia emittentes. Planta hæc, quæ in Capillarium classe solet enumerari, (quæ scilicet nunquam florem emittunt) germinat in sylvis, vallibus, montibus umbrosis, inter saxa musco oblecta, ac super veterum arborum truncos, Fraxini nempe, Fagi, Coryli, Alni, necnon in domuum ruderibus. Ejus præcipue radix in usum Medicum venit; excellentior tamen, magisque commendata recencetur ea, quæ reperitur in Quercuum basi contorta, inque locis, in quibus caulis in furcam dirimitur. Recens, probe nutrita, crassa, & fractu facilis est seligenda, ac filamentis antequam usurpetur spolianda; inepte enim a nonnullis Polypodium in Quercu enascens veluti species diversa reputatur. Planta hæc per totum anni curriculum virefcit, ac fere semper colligi potest. Vere, Aprili scilicet nova emittit folia, ac juxta observationem Cæsalpini radices appendices nihil aliud sunt, quam foliorum singulis annis decidentium vestigia.

Radix Polypodii Analyfi commissa plures acidos liquores, nonnihil spiritus urinosi, nullam vero salis volatilis, concreti portionem, plurimum olei, parumque terræ elargitur. Antiqui plantam hanc purgantem crediderunt; verum compertum deinde satis fuit, eandem ignave admodum ventrem laxare, ac jure, meritoque inter alterantes, ac aperientes esse reponendam. De facto Polypodium hepaticum revera est, jecur recludit, viscerumque reserat obstructions, ac ut plurimum in jussulis aperientibus usurpatur. Ejus autem radix ab ʒ ss. ad ʒ j. præscribi solet. Rajus refert, radicem hanc exsiccatam & cum pauca cremoris Tartari ac Cassiæ lignæ quantitate exhibitam, optimum esse remedium adversus lienis obstructions, icterum, ac hydropem. Ejus vero decoctio cum Vino parata, nonnihil Sacchari, ac Mellis addito, a Trago maxime existimatur in febris quartana, & affectione melancholica. Dodonæus adversus arthritidem radicem hanc in aqua ebullitam præscribit, ac magnopere in usum venit secus Rhenum ac Mosellam adversus prædi-

Etum morbum . Polypodium præterea sanguinis æstum temperat , ac cum successu in tussi sicca , quum potissimum sputus materies salsa est , in asthma- te , ac scorbuto usurpari solet .

Ploypodium in plurimis compositionibus adhibetur , & præcipue in Ca- tholico , Lenitivo , Confectione *Hameck* , Diapruno , Unguento de *Arthanita* *Pharmacopææ Parisiensis* : folia vero in pulvere adversus rabiem *ejusdem* *Phar- macopææ* .

Rx. Rad. Polypod. Quercini rasar. & contus. ʒ j. Lapathi sylvestris ʒ β. Chelidonii maj. ʒ ij. Coque cum lb. β. juguli vervecini in lb. iij. aquæ , reducanturque ad doses ij. Adde ultimo semihorio Folior. Scolopendræ , Chærophylli , & Cichorij amari ana Man. j. Fiat Colatura levi ex pres- sione ac divide in ij. p. æ. quarum una mane , jejuno stomacho , altera vesperi , quindecim dierum spatio , propinabitur . Pro unaquaque doſi solvatur Arcani duplicati ʒ β. ac Tartari Martialis solub. ʒ j. Juscula prædicta apta nata sunt adversus hepatis , lienisque obstructions , affe- ctus hypochondriacos , morbosque cutaneos .

Rx. Rad. Polypod. Quercini , & Cuscutæ ana Man. j. Ebulliant in aquæ lb. ij. ad tertiæ partis consumptionem ; adde postea Sennæ mund. ʒ. j. Cre- mor. Tart. ʒ ij. Sem. Anisi ʒ j. Ebulliant denuo omnia parumper ; Fiat Colatura levi expressione . Adde Syrupi de Pomis simplicis ʒ j. pro Apo- zemate solvente , adversus Cakexiam , Icterus , ac primarum viarum de- pravatum fermentum .

P O P U L U S .

PO P U L U S magna arbor est , cujus tres sunt species vulgatissimæ , Ni- gra scilicet , Alba , ac Tremula . Primæ duæ tantum , quæ frequentius vi- delicet a Medicis usurpari solent , hic a nobis describentur .

Populus nigra , Offic. C. B. P. 429. Dod. Pempt. 836. Inst. R. H. 592. Ger. Park. Raii Hist. 1417. Populus nigra , sive *αἰγίρος* , J. B. I. 155. Populus secunda , Anguill. Turn. Populus foliis deltoideis acuminatis ferratis , Linn. Hort. Cliff. 460. Aigyros sive *Ægiros* , Nonnull. vulgo *Peuplier noir* .

Ejus radix satis profunde in terram immersa Vere ineunte primum fur- culos , aut foliorum germina fere Capparis æmula , oblonga , acuta , luteo- viridia , crasso , glutinoso , aut resinoso , facile digitis adhærescente succo re- ferta , Odore satis grato propellit , quæ Oculi seu *Gemmæ Populi nigræ* , Galli- ce vero , *Yeux de Peuple* , ou *Peuplier noir* , nuncupantur . Germina hæc ea- dem sive gemmæ in folia quædam lata , Hederæ folia primum erumpentia , veluti æmulantia , acuta , minus tamen densa , ambitu nonnihil denticulato longis caudis , ac minutis appensa expanduntur . Arbor hæc autem sterilis , sive mas est , ac flores tantum , absque ullo fructu ; aut fertilis sive foemina flores fructusque defert : unde in truncis , aut individuis diversis mares , foemineosque flores gestare solet . Flores Populi nigræ maris oblongi sunt , cylindranei , squammosi , veluti in spicam quamdam dispositi , octo brevissi- mis staminibus , onustis apicibus quadrangularibus , magnis , repletis pulvere , coloris sub-rubri , aut sub-albidi . Fructus vero Populi nigræ foeminae sunt capsulae quædam oblongæ , aut ovales , membranacæ , virides , in quosdam racemos dispositæ , maturescendo sese bifariam recurvantes , & aperientes ,

pluraque ovalia, parva veluti crista ornata femina occludentes. Arbor hæc magna, est crassa, erecta, cortice, expolito sub-albido in ramis præcipue oblecta, lignea substantia pallida, aut lutescente, dura, compacta, & levi. In locis humidis, aquaticisque, prope flumina rivulosque facillime crescit. Eiusdem oculi, seu gemmæ odoræ, Aprili, aut citius, flores vero Majo, ac Junio apparent.

Germiua Populi nigræ interne, aut externe a Medicis usurpari possunt. Tinctura quoque ex iis ope spiritus Vinî elicitur, quæ juxta D. Tournefortium, ad pertinaces ventris fluxus sistendos, internaue ulcera consolindanda, optima, atque excellens est, a ʒ ss. vel ʒ j. mane, ac fero in jusculi calidi cochleari. Prædicta quoque germiua in Unguento *Populeo*, cujus descriptio præsto est in omnibus Pharmacopæis, adhibentur, & revera ad dolores sedandos aptissimum est. Cum ejusdem compositione radices Brionix, summitatesque Rubi admiscuntur. Linimenti forma in hæmorrhoidum externarum inflammatione, & enematis ab ʒ ss. ad ʒ j. in decoctione emollienti, adversus easdem internas usurpatur; tempora quoque eo inunguntur ad capitis dolorem compescendum, ac ad somnum conciliandum in vigiliis perticioribus: caute admodum tamen in usum revocabitur, ac generalibus antea præscriptis remediis, necnon ægri temperamento probe perspecto: aliter enim symptomata morbo debellando longe pejora in promptu esse possent.

Folia Populi nigræ tusa, partibusque, doloribus arthriticis, affectis applicata, eisdem sedant juxta Nonnullos. Usurpatur etiam hujusce arboris lignum ob fibrarum, ac linearum elegantiam, ad diversa vermiculata opera conficienda.

Unguentum *Populeum*, Balsamum hypnoticum Unguentum adversus scabiem, ac Hæmorrhoidale *Pharm. Paris.* ingreditur.

℞. Florior. Malvæ, Althææ, Acanthi, Verbasci ana M. ss. Ebull. in lb. ij. aquæ fontis ad medias; colaturæ adde Unguenti Populei ʒ j. pro Enemate adversus dysenteriam, tenesimum, hæmorrhoidesque internas.

℞. Succæ Solani, & Geranii Robertiani ana ʒ iiij. Plumbi usti ʒ j. Unguenti Populei ʒ ij. Omnia macerentur, misceanturque in mortario plumbæo exactissime cum ejusdem metalli pistillo pro Unguento adversus tumores, & ulcera carcinomatosa.

℞. Cera luteæ, Unguenti Populei ana ʒ iiij. Olei Nucis ʒ viij. Liqueatur cera, ac deinde adde Unguentum Populeum, probe omnia commiscendo, Oleum inde superaffundendo, ut Unguentum adversus adustiones aptissimum efformetur.

℞. Unguenti Populei ʒ j. Olei Oliv. & Balsami tranquill. ana ʒ ss. Tincturæ Anodynæ gutt. XX. M. pro Linimento adversus hæmorrhoidum externarum dolores.

Alterum adversus eundem morbum Linimentum.

℞. Unguenti Populei ʒ ij. Thuris masculi p. ʒ j. ss. Testarum Ostrearum p. l. q. cum prædicto Unguento admiscendam.

Populus alba, *Offic.* Populus alba majoribus foliis, C. B. P. 429. *Inst. R. H.* 592. Populus alba *æuxu* J. B. r. 160. Populus alba, *Dod. Pempt.* 835. *Ger. Park.* *Rai Hist.* 1418. Populus alba latifolia, *Lob. Icon.* Farfarius Antiquorum, *Bellon.*

Popu-

Populi prima species, *Anquill.* Populus foliis subrotundis dentato-angulatis subtus tomentosis, *Lin. Hort. Cliff.* 460. Populus candida, Populus Heraclea, Arbor admirans, seu bicolor, Albarus, sive Albara, Farfora *Nonnull.* vulgo *le Peuplier blanc*, *l' Obeau*, *Aubel*, ou *Obel*, *l' Orme blanc des Parisiens*.

Radicem habet sese in terræ superficie expandentem, minusque profunde descendentem, unde a ventorum impetu sæpe numero arbor concutitur, ac omnino evertitur, truncum vero eminentem pluribus ramis stipatum, cortice lævi, compacto, sub-albido. Folia lata sunt, profunde incisa, angulosa, Vitis aut Aceri foliis proxima, & exiliora, viridia, polita, ac superne lanugine omnino destituta, subtus alba, ac tomentosa, adinstar Tussilaginis, longisque caudis appensa. Flores, fructusque diversis in truncis enascuntur, ac præcedentibus omnino simulantur. In locis humidis, ac juxta aquas colitur; & citissime crescit, facile quoque multiplicatur taleis, quamplurimosque in basi surculos, ut aliæ Populi species, emittit quo magis radices latius in soli superficie vagantur. Hinc caute admodum, ac prudenter Populus in pratis coli debet, radicibus enim sese maxime propagantibus innumera eorum ramalia, herbis omnibus languorem inducunt.

Injurius Veteres opinabantur, arborem hanc omnino sterilem esse, ac tractu temporis in Populum nigram sponte immutari. Populus ubique fere invenitur; Alba vero, respectu Nigræ minus familiariter usurpatur. Plinius post Theophrastum asserit, folia Populi albæ adhuc adolescentia perfecte sphærica esse, senescentia vero, angulosa deprehendi, quod utique verum est, e contra vero Hederæ folia angulosensim emittunt, ac postremo rotundantur. Quod vero ab iisdem Authoribus additur, scilicet immediate post Solstitium Æstivum folia Populi albæ sursum, deorsumque retorqueri, nos cum Rajo omnibusque recentioribus fide dignis, fatemur, id nunquam observasse. Eiusdem lignum iisdem usibus utilis est, ac alterius speciei lignum; quum autem minus solidum, leviusque deprehendatur, plurimum ad soleas ligneas, & talos calceamentorum conficiendos æstimatur. Hinc facile elicitur cur a Tornatoribus, æque ac Populus tremula requiratur. Ut plurimum experientia confirmatur, ut innuit Theophrastus, quod scilicet, si Populus grandescens ac arborescens transferatur, eo facilius expandatur.

Et si Populus alba minus sit a Medicis usurpata, suos tamen usos habere potest. Schorderus asserit, ejusdem corticem, vi detergenti pollere, ac Ischiadi, urinæque difficultati ejus decoctionem, ʒ j. in aquæ B iiij. aut ejus pulverem, ʒ j. cum Melle, aut cum aliquo competenti syrupo commixtum, esse dicatum; Rajus in aurium doloribus, succum ex ejusdem foliis expressum, ac in auris cavitationem injectum præscribit. Dioscorides, ac alii post ipsum quamplurimi, Populus albæ cortici optimos fungos proginendi facultatem tribuerunt, si præsertim eo in frustula secto terræ probe stercoreatæ conspergantur.

P O R R U M.

PORRUM, *Offic.* Porrum commune, Capitatum, C. B. P. 72. *Inst. R. H.* 382. Porrum, J. B. 2. 551. *Dod. Pempt.* 688. *Part. Raii Hist.* 1126. Porrum Capitatum, *Ger. Fuchs. Turn*, Porrum commune, *Matth. Lugd. Hist.* Por-

rus Communis, seu Capitatus, Scorodoprasum, Gethyllis seu Gethyum, Nonnull. vulgo, *Porreau ou Poireau*.

Radix quatuor aut quinque digitos longa, pollices vero, unum, aut duos crassa, fere cylindracea, pluribusque conflata tunicis albis, lavibus, lucidis, simul una conjunctis, inferne capillitio stipatis, sapore Cepa dulciori, sese extollendo, abit in folia pedem longa, satis lata, alternatim sita, plana, fistulosa, dilute-viridia, saporis Cepæ. Hæc inter ad quatuor, aut quinque pedum altitudinem, digitum & ultra crassus, firmus, solidus, succoque plenus erigitur caulis, apice insigne acervum, sive parvorum alborum ad purpureum accedentium florum fasciculum sustinens, qui singulis sex bracteis, in lilium dispositis, pediculoque appensis, pari staminum latorum, & cylindraceorum numero conflantur. Hisce præsto sunt fructus fere rotundi, triangulares, nigri, interne tribus distincti cellulis, pluribus oblongis seminibus plenis. Universa planta odore Cepa minus penetranti scatet; Julio floret, semenque Augusto maturescit. Porrum inter vulgatiore oleracea ubique recensetur, solumque pingue, probeque stercoreatum exposcit: nemini inde latet hujusce usus in pultibus, & jusculis. Juxta Jo: Bauhinum ejus semen trium annorum spatio servari potest.

Porrum plurimum olei, nec non salis essentialis, sive volatilis continet. Diligenter in hortis olitoriis colitur, quum potissimum magis in alimentis, quam in arte Medica usurpari soleat.

Ab omnibus fere Authoribus inter perniciofa alimenta recensetur, tamen nostris in regionibus, in quibus usitatissimum est, pravos affectus ipsi tributos progignere numquam compertum est. Non ita facili digestionem in stomacho subigitur, flatusque quandoque concitat, ob phlegma viscosum, lentumque in ipso contentum, quod facile longa coctura, antequam comedatur attenuari potest; tuncque senibus, phlegmatico temperamento, humoribus tenacibus, crassisque præditis convenit.

Porrum urinas, menses, semenque sale suo acri, incidente, ac penetrante excitare solet; fecundasque reddit mulieres, viscositates vasa uteri infarcientes discutiendo. Eo Hippocrates in morbis mulierum, tam interne, quam externe utebatur; hujusce magni viri vestigia subsequutus Jacobus Prevostius in mensium suppressione Porrum, frustulis pluribus radice Hellebori nigri perforatum, & coctum jejuno stomacho ante purgationum tempus præscribebat. Nonnulli etiam in Asthmate humido, morbisque pectoris a viscida pituita ortum ducentibus, Porri syrupum adhibent. Omnibus præterea notum est, juscula cum Porris, & Napis confecta in vocis abolitione, & ad thoracem roborandum usurpari.

Porri semina vim habent diureticam; tusa, & in Vini albi cyathis infusa 3 j. ad urinas ciendas exhibentur.

Quoad vero exteriorem hujusce usum, sub cineribus Brassicæ folio, obvolutum concoquitur; statimque lateri dolore affecto in Pleuritide applicatur, vel in sartagine frixum, stupis complicatum, optimoque aceto conspersum. Porrum crudum tustum, tumoribusque articulorum applicatum, eos dissipat, in Lacte ebullitum ad hæmorrhoides turgidas, ac dolentes fovendas, ejusque magma ad eas præsertim mitigandas, inservit. Hujusce præterea injectus succus aurium tinnitibus medetur.

Rx. iij. vel jv. Porrorum medullam, coquatur sub cineribus Brassicæ folio obvo-

obvolutam, deinde contundatur, & adde Croci pulv. pug. j. ac Olei rosat. parum ad Cataplasma conficiendum hæmorrhoidibus turgidis, ac dolentibus applicandum.

R. Medull. Porri ꝯ iij. Frigatur Olei Chamæmill. f. q. Furfuris triticei Man. j. Fæcum Vini albi ꝯ iij. M. pro Cataplasmate calide applicando, lateri in Pleuritide.

P O R T U L A C A .

PORTULACA genus plantæ est, cujus duæ sunt vulgatiores, usitatioresque species, nempe Sativa, & Sylvestris.

Portulaca sativa, *Offic.* Portulaca latifolia, seu sativa, C. B. P. 288. *Inst.* R. H. 236. *Raii Hist.* 1039. Portulaca hortensis latifolia, J. B. 3. 678. Portulaca sativa, *Dod. Pempt.* 661. Portulaca domestica, *Matth. Ger.* Portulaca hortensis, *Park. Gesn. Horn.* Portulaca latioribus foliis, *Cæsalp.* Portulaca, seu Portulata major. Porcellana hortensis, Porcastrum sativum, Andrachne, sive Adrachne domestica, *Nonnull.* vulgo, *Pourpier des jardins, la Pourcellane, ou Pourcelaine a larges fevilles.*

Radicem habet ut plurimum simplicem, nonnullis fibris stipatam, tractuque temporis lignosam, quæ plures emittit pedales caules, crassos, rotundos, quandoque erectos; quandoque solum versus inclinatos, sub-rubros, teneros, succulentos, læves, lucentes, sese in quosdam ramulos dividentes, foliaque circumferentes alternatim locata, oblonga, vel fere rotunda, satis lata, crassa, carnosæ, expolita, lucentia, sub-albida, aut sub-lutea, viscosa, ac nonnihil acidiuscula. Ex foliorum alis parvi lutei, aut pallidiusculi exeunt flores quinquepetali, rosacei, calyce monopetalo, quoquo modo mitram referente suffulti. Hisce fructus, vel capsulæ oblongæ, herbosi coloris, parvas urnas æmulantes succedunt, quæ transversim, aut horizontaliter bifariam aperiuntur, recipiuntque plurima minuta, & nigra semina. In omnibus fere hortis olitoriis, soloque pingui, probeque stercoreato colitur planta hæc. Alia quoque sativa Portulacæ species invenitur foliis latioribus, ac sub-luteis, parvisque aureis maculis notatis, quæ de causa *Portulaca aurata* nuncupatur. Rajus dubitat, utrum hæc species differat a præcedenti, aut simplex sit varietas: certissimum est, addit idem Author, hanc altera longe esse delicatior. Portulaca viridis vulgaris omnium prima feritur, minime enim frigore lædi potest, scilicet Martio, ac Aprili ineunte, quandoque etiam Februario, potissimum tempestate mitiori, atque ad Autumnum usque virescit. Magnopere quum in culinis, tum a Medicis usurpari solet; præcipue vero ejus recens caulis, folia, ac semen.

Portulaca sylvestris, *Offic.* Portulaca angustifolia, sive sylvestris, C. B. P. 288. *Inst.* R. H. 236. Portulaca sylvestris minor, sive spontanea, J. B. 3. 678. Portulaca sylvestris, *Dod. Pempt.* 661. *Matth. Ger. Park. Raii Hist.* 1039. Portulaca sponte nascens. *Card. Hist.* Portulaca exigua, sive Andrachnion arvense, *Camer.* Portulaca angustioribus foliis, *Cæsalp.* Portulaca foliis Cuneiformibus verticillatis sessilibus, floribus sessilibus, *Linn. Hort. Cliff.* 207. Portulaca agrestis sive arvensis, Andrachne sive Adrachne sylvestris, minor, altera, sive agria, *Nonnull.* vulgo, *le petit Pourpier sauvage.*

Simplex radix, parva, fibrisque donata, plures emittit parvos caules rufescen-

fescentes, variosque in ramulos divisos, prope solum stratos, nec non foliis suffultos latiusculis, carnosus, densis, succolentis, atro-viridibus, saporis viscosi, acidulique; uno verbo foliis Portulacæ sativæ similibus, & angustioribus, uti & flores: juxta enim Johannem Bauhinum Portulaca sylvestris in alio a sativa non differt, præter omnium sui partium exilitatem, ac merito suspicari possumus, sativam a sylvestri, naturam cultura, immutante, ortum duxisse. Frequentissime in hortis, areisque conspicitur, quin etiam in sabulosis, incultisve terris, prope magnas vias, in quibus sponte nascitur. Quamvis vero Portulaca sylvestris non adeo, uti sativa, in pretio habenda sit, in hac enim postrema, & caules, & folia carnosæ magis, succoque turgidiora, graviorisque saporis reperiuntur, tamen, tam Culinario, quam Medico usui ambæ inserviunt, Sylvestrisque jure, ac merito Sativæ locum occupare quandoque potest.

Portulaca plurimum olei, ac phlegmatis, ac fere nihil continet salis, interque refrigerantes recenseri solet, nam sanguinem depurandi, pectoris acrimoniam edulcorandi, scorbuticam affectionem demulcendi, vermesque enecandi vim habet. Admisceri solet jusculis refrigerantibus, acetariisque, in quibus difficile admodum a stomacho submittitur, flatusque concitat; solummodo ergo juvenili ætate, ac temperie sicca, & biliosa constitutis conveniet. A Nonnullis etiam, ut diutius servari possit, aceto, ac sale conditur. In Officinis vero præstant aquam distillatam Portulacæ, quæ ad ℥ iij. vel jv. in febrili fervore ad sanguinis, spirituumque irruptionem compescendam, exhiberi solet. D. Chomel in *Historia Plantarum usitatarum*, hanc, asserit, sæpissime, in hæmorrhagiis, præsertim uterinis, usurpasse. Optima quoque hæc aqua æstimatur adversus lumbricos, semperque cum successu pueris hoc morbo affectis propinari solet. Ejus etiam succus prædicta dosi, ejusque syrupus in Officinis fumigeratissimus ab ℥ j. ad ℥ ij. eundem edunt effectum: succus idem ad ignem ad Extracti consistentiam inspissatus ℥ j. aliquo temporis spatio repetitus a nonnullis Authoribus, ad renum, ac vesicæ glareas expellendas, commendatur. Portulacæ folia mansa dentium dolorem mitigant, præsertim si austeris fructibus fuerint debilitati. Portulacæ semen inter minora quatuor frigida astipulatur, quæ sunt Lactucæ, Portulacæ, Endiviæ, ac Cichorii.

Portulacæ semina usurpari, solent in Electuario de *Psyllio*, ac *Requie Nicolai*, Diapruno, Confectione Hyacinthina, ac pulveribus Diarrhodon contra vermes. *Pharm. Paris.*

℞. Rad. Oxylapati, & Fragariæ ana. ℥ j. Coque cum lb. β. carnis vitulinæ in aquæ lb iij. ad duos haustus reducendis. Adde extremo semihorio Fol. Portulacæ, Borruginis, & Buglossi ana. Man. β. nec non Lactucam frustulatim incisam. Fiat colatura levi expressione, ac duas in partes dividatur potio refrigerans congruo temporis spatio reiteranda, mane, jejuno stomacho, ac sero.

Adde vero pro unaquaque dosi Nitri puriss. ℥ j.

℞. Aquar. Portulacæ, Scordii, Tanaceti ana. ℥ iij. Corall. pp. ac Seminis contra ana ℥ j. β. Theriacæ ℥ j. Extracti Juniperi ℥ β. Salis Ammoniaci, ac Gemmei ana ℥ j., Syrupi Limon. ℥ j. M. pro potione vermifuga pro binis dosibus.

Alia Potio contra Vermes.

℞. Aquæ Portulacæ $\frac{3}{4}$ vj. Semin. contra $\frac{3}{4}$ β. Myrrhæ p. & C. C. usti ana. $\frac{3}{4}$ j. Pulveris viperini gr. xv. Syrup. Absinthii $\frac{3}{4}$ j. M. pro potione chocleatim exhibenda.

℞. Aquæ Portulacæ, & Cichorii ana. $\frac{3}{4}$ iij. Corall. rub. pp. ac Ocul. Cancror. pp. ana $\frac{3}{4}$ j., Chinæ Chinæ p. $\frac{3}{4}$ j. Syrup. Capill. Vener. $\frac{3}{4}$ j. M. pro Julapio, in sputo sanguinis perodice reccurrente, convenientissimo.

℞. Aquæ Portulacæ $\frac{3}{4}$ jv. Præcipitati albi $\frac{3}{4}$ β. Croci gr. xii. M. pro Linimento exsiccante, in quo penna ter de die immergetur, ad faciei impetiginem, aut papulas exsiccandas.

P R I M U L A V E R I S.

PRIMULA VERIS, Offic. Verbasculum pratense, odoratum, C. B. P. 241. Primula Veris odorata, flore luteo, simplici, J. B. 3. 495. *Inst. R. H.* 124. Primula veris major, *Ger. Raii Hist.* 1081. Herba Paralysis, *Bruf. Cast.* Paralysis vulgaris, pratensis, flore flavo simplici odorato, *Park. Parad.* Primula veris flavo flore elatior, *Clus. Hist.* 301. Primula veris flore luteo, *Fyst.* Primula pratensis, *Lob. icon.* 567. Arthritica, *Gesn. Hort.* Arthritica simplex luteo flore, *Camer. Hort.* Alisma pratorum, *Columell.* Dodecantheon, *Anguill.* Arthritica prior, seu viola Tusculana, *Ruell.* Primula foliis dentatis rugosis, *Linn. Hort. Cliff.* 51. Verbasculum odoratum, *Fuchs. & Antiquorum.* Herba Paralyseos, Herba, seu Clavis Sancti Petri, Paralytica five Arthetica, Chelidis seu Chelidium, Flos quadragesimalis, Bracæ, Brachæ seu Brachulæ Cuculi, *Quorumd.* vulgo, *Prime vere*, *Primerole*, *Fleurs de Coucou*.

Radicem habet satis crassam, squammosam, sub-rubram, fibrosam, saporis nonnihil adstringentis, odoris grati, ac aromatici. Ineunte Vere folia emittit oblonga, lata, rudia, rugosa, in terram strata, glabra, aut lanugine brevissima, ac vix quidem conspicua ornata. Hæc inter unus, aut plures eriguntur caules, palmaris altitudinis, & ultra, rotundi, nonnihil villosi, foliisque destituti, & firmi, in quorum apicibus flores simplices, venustissimi, lutei, odori, tubulares, superna parte expansi, ac quinque emarginatis segmentis distincti, fasciculo sustentur, umbellati quoque sunt, sexque septem, duodecim, & aliquando etiam vigintiquatuor, & ultra numerantur, abeuntque in fructus ovaes, calyce obtektos, plura femina rotunda, aut angulosa minuta, ac nigra resserantes. Planta hæc, cujus sapor nonnihil acer, ac amarus est, juxta Johannem Bauhinum fere ubique crescit in arvis, pratibusque humidis, nemoribus, ac sylvis, in quibus Vere vix quidem incipiente apparet, unde Primula Veris fuit nuncupata. Hæc quoque suas habet varietates, non minus, quam species alia flore albo, ac ad septem usque a Rajo cum Parkinsono reducuntur. Folia, ac præcipue flores in usum Medicum veniunt.

Hujusce plantæ flores Analyfi commissi, plurimum acidi, parum spiritus urinosi, nihil salis volatilis concreti, maximamque olei, ac terræ portionem largiuntur. In iis vero sal volatile aromatico-oleosum satis moderatum continetur, unde bene apti ad Spirituum influxum adjuvandum, nervosque

que roborandos, cenſeri ſolent. Præſtant in officinis Aquam diſtillatam, & Conſervam Primulæ Veris, cum ſucceſſu in Apoplexia, ac Paralyſi, præſertim linguæ, ejuſque hæſitantia, uſurpandam. Aqua ab ℥ jv. ad vj. ſolitaria præſcribitur, Conſerva vero ab ℥ ſ. ad ℥ j. plerumque autem Potionibus, aut Opiatis hiſce morbis convenientibus amiſceri ſolent. Diſtillationis ope ſpiritus quoque elicitur iſdem præditus facultatibus, ad hunc autem probe eliciendum, flores ſale communi ſunt inſpergendi, ac fermentationi priuſquam diſtillantur per dies aliquot relinquendi. Horum quoque florum Infuſum in aqua ferventi ad modum Theæ præſcribi ſolet, Pugillo nempe uno in aquæ ℥ vj. aut Man. ſ. in juſculo vitulino. Nonnihil ſomniferi in hac planta contineri, obſervatum fuit, eo quod ſedat vapores, diſſipat hemicraniam, ac vertigines a ſuppreſſis menſibus præcipue productas. Rajus refert, foliorum, ac florum ſuccum æquali portione vaccini lactis commixtum capitis inveteratum ac pertinacem dolorem ſanare, teſtaturque etiam cum D. Hulſe Radicum decoctionem in convenienti liquore optimum remedium eſſe adverſum vertiginem.

Quod ad externum Primulæ Veris uſum ejus flores Cataplaſmatis forma, efficaciffimi deprehenduntur adverſus arthriticos dolores, ac articulationum morbos. Bartholinus ait, paralyticum in ſiniſtro latere ſanare fomento, e ſpiritu ope Tritici elicto, in quo Primula Veris ebulliverit. Schorde-
rus veluti optimum remedium deprædicat, acetum infuſione huiusce plantæ radicum ſaturatum, ad dentium dolores ſanandos, dummodo naribus inſpiretur. Florum ſuccus, aut aqua diſtillata faciem, maculasque cutaneas lini-
menti forma detergit.

Flores autem Primulæ Veris in Aqua Generali *Pharm. Pariſ.* uſurpari ſolent.

℞. Fol. Salviæ, Fol. ac Flor. Primulæ Veris, Flor. Chamæmel. Tiliæ, & Roriſmarini ana Man. j. Superaffunde Aquæ ℔. jv. Infuſa omnia relinquantur bihorio in Cinerario calido cooperto vaſe. Fiat inde colatura per linteolum forti expreſſione, qua calida caput bis, terve in die fo-
veatur, in Paralyſi, morbis capitis, & Hemicrania a frigida, ut ajunt, ac viſcoſa pituita productis.

℞. Fol. Meliſſæ, & Betonice ana Man. ſ. Summit. Gallii lutei, Stechados, ac Florum Primulæ Veris ana pug. ij. Ebulliant in aquæ ℔. ii. ad ℔. ij. colentur poſtea expreſſione, & adde Syrupi Stechados ℥ j. ſ. pro decoctione adverſus Paralyſim, Rheumaticos, alioſve nervorum affectus a cauſa frigida oriundos, cyathis quatuor tepidis de die propinatis.

℞. Aquæ ſtillatitiæ Primulæ Veris, Meliſſæ, ac Flor. Tiliæ ana ℥ j. ſ. Sp. volat. C. C. gut. X. Succin. pp. ℥ ſ. Pulveris de Gutteta ℥ j. Confectionis Hyacinthinae ℥ j. Syrupi Beton. ℥ j. M. pro potione Cephalica cochleatim ſumenda in Apoplexia, & Paralifi.

℞. Fol. ac Flor. Primulæ Veris, Betonice, ac Roriſmarini ana Man. ſ. Florum Caryophylli, ac Liliorum Convall. ana pug. j. Infunde in tribus ſextariis optimi Vini rubri ſuper cinerarium calidum pro Gargarifmate pluries de die repetendo in linguæ Paralyſi.

P R U N U S.

PRUNUS arbor est adeo ubique nota, ut in Europa nostris hisce diebus hortus non sit, in quo optima aliqua Pruni species non inveniatur: Duæ generaliter distinguuntur, *Domestica* una, altera vero *Sylvestris*; quum vero alio in loco de Pruno sylvestri, sermo jam sit institutus, Prunum domesticam hic solummodo describemus.

Prunus sativa vulgatissima est, ideoque pluribus haud est delineanda: Radicem habet satis longam, in plures divisam ramos, lignosam, robustam, serpentem, nigricantem, quæ caulem mediocriter altum, & crassum, satisque firmum, lignoque conflatum duriusculo, sub-rubro, centrum versus emicante, in truncis præcipue vetustioribus, ad varia vermiculata opera conficienda aptissimo, ideoque a tornatoribus expetito, cortice tectum cinereo, ad atrum accedente, scabro, e quo quandoque exsudat Gummi fulvum, ac sub-albidum, pellucidum, sub-dulce, saporisque neutiquam ingrati. Folia ut plurimum foliis Mali exiliora sunt, arctiora, longiora, magisque nigricantia: glabra etiam, crenatis marginibus, saporis amari, & adstringentis. Flores ut in Pruno sylvestri albi sunt, at majores, ac folia præcedentes; horum quisque petalis conflatur quinque, rotundis, magnis, apertis, rosaceis, calyce poculum referente, quinquifido, ac vigintiquinque, vel triginta staminibus constante. Hisce præsto sunt carnosus fructus rotundi, aut fere ovales longitudinali fissura præditi, plus, minusque longis caudis appensi, sub tenui tunica pulpam mollem continentes, in cujus centro locatur nucleus osseus, planus, rotundos, ac fere ovalis, apicibus cuspidiformibus, ac sulcatus, occluditque semen, sive amygdalam.

Fructus Pruni veræ sive sativæ *Prunum* Latine nuncupatur, Gallice vere *Prune*. Infinitus fere Prunorum tam cultura, quam industria productorum numerus invenitur, ac invicem figura, crassitie, substantia, colore, ac sapore differunt. Oblonga enim, rotunda, ovalia, acuta, ac pyriformia conspiciuntur; crassa quoque, media, ac exilia; mollia, quorum humidior substantia nucleo adhæret, dura, quorum siccior nucleo facile separatur, quæque generaliter melioris notæ recensentur; alia vero mediam inter prædicta locum tenent; alba præterea, viridia, lutea, rubra, cærulea, nigra, ac atro-cærulea; dulcia, acida, ac mediæ naturæ, sive acido-dulcia, alia denique aspera, sive acerba. Ex hisce ut plurimum accidentibus Prunorum bonitas nec tollitur, nec augetur peroptima, ac exprobranda Pruna in unaquaque figuræ, crassitie, ac coloris specie inveniuntur. In Prunis omnibus pulpa magis, minusque lutescens est, quod nihil refert. Damascena præ ceteris facilius a nucleo divelluntur, quorum numerus maximus est, relate saltem ad denominationum numerum pro minima quaque discrepantia. Pruna, inter fructus excellentissima, ac exquisitissima reputantur, variisque modis excoli possunt, sylvulæ scilicet, ac arbusatarum arborum more, omnibusque aliis rationibus horti cultoribus famigeratissimis, melius tamen arbusatarum arborum in modum excrescunt. Post Julium per totum usque Octobrim, & ultra Pruna adsunt in Pomariis, ac elegantem secundis mensis ornatum suppeditant: ante Solis ortum sunt colligenda; ac recentia, exsiccata, cocta, aut condita edi possunt. Usitatissima sunt, saccharoque diversis

versis rationibus condiuntur, quinimmo iis condimenta parantur, ac eorum exsiccata pulpa in massam pro variis usibus congeri solet.

Prunus arbor est, quæ insertione, nucleo, sive amygdala, & furculis, e radice aut sponte prodeuntibus multiplicatur. In unaquaque Pruni specie etiam sylvestri inferi potest, in Ceraso præterea, Malo Persica, & Amygdalo: Optima autem præ omnibus Prunorum ac Malorum Persicarum speciebus, Prunus Damascena nigra, & *S. Juliani* recensentur, hæc enim innumera germinant furcula, quæ facile inseri possunt, gratiorem habent saporem, diutiusque perdurant. Immittuntur vero aut fissura, aut scutula. Sancti Juliani nuncupata melius scutula multiplicatur, ejusque fructus copiosiore succo turgescit, Damascena vero nigra exsucca magis esse solet, minoremque fructuum edit copiam. *La Cerisette* inter Prunos præcocior est; *S. Juliani* in arbore flaccescit, & ad Hyemem usque moratur, Sanctæ Catharinæ, pluresque aliæ Prunorum species furcula facile, fructuumque copiam absque insertione suppeditant. Prunus solum magis siccum, quam humidum, magisque fabulosum, quam forte expostulat; cæterum Prunus ubique, reperitur, facile crescit, ac plurimum pullulat quocumque locetur. Prunus autem in arena nigra citius adolescit, copiosiores, meliorisque notæ fructus producit; segnior e contra est in terris fortioribus, ramosque tantum progignit. Cujuscumque speciei Pruni Vere ut plurimum florescunt, Aprili scilicet, & Majo, uti Cerasus, ac Pyrus.

Diversas Prunorum species curiosis cognitas hic loci describere haudquam idoneum reputamus, si enim de singulis sermo quantumvis brevissimus institueretur, in adeo magno numero sese offerunt, ut integro volumini materiem præberent: meliores igitur exquisitioresque solummodo indigitabimus, uti sunt sequentes.

Pruna magna, dulcia, atro-cærulea, C. B. P. 443. Prunus fructu magno, dulci, atro-cæruleo, *Inst. R. H. 622*. Pruna Damascena, *Lugd. Hist. 314*. vulgo, *Le gros Damas noir, ou la Prune De S. Cyr, ou le gros Damas violet de Tours*. Facile a nucleo abscedunt, optima sunt, ac fertilissima; cruda ac passa comeduntur. Eorum pulpa laxans est, ac in Diapruno usurpari solet, cujus est basis præcipua.

Prunus fructu ovato, maximo flavo, *Inst. R. H. 622*. Pruna subrotunda flavescencia. Pruna Domini, Parisiensium, vulgo, *le Perdrigon de Cernay, le double Damas ou Passevelours*. Venustissima, satisque crassa sunt, luteo-cærulea, præcocia, facile abscedentia; non adeo exquisitum saporem habent in agro Parisiensi, eoque minus in regionibus frigidis; excellunt vero in climate calido, ut in Galliæ meridionalibus provinciis.

Pruna coloris ceræ ex candido in luteum pallescentis, C. B. P. 443. Prunus fructu cerei coloris, *Inst. R. H. 622*. Pruna cerea, sive Cereola, *Tabern. icon. 991*. Pruna Sanctæ Catharinæ vulgo. Alba sunt, crassa, magisque plana, quam longa; nucleo ut plurimum adhærescentia, ac optima. Passa quoque magnopere æstimantur.

Pruna rotunda, flava, dulcia, mali amplitudine, C. B. P. 443. Prunus fructu maximo, rotundo, flavo, & dulci, *Inst. R. H. 622*. Pruna rubicunda instar mali Armeniaci, vulgo, *Le Damas gris, la Prune d'Abricot ou Abricotée*. Alba sunt, crassa, rotunda, ac per maturitatem quidpiam rubri acquirentia ad Mala Armeniaca, minora accedunt; exquisitissimum, ac recreantem præ cæteris saporem habent.

Pruna ex flavo rufescentia, mixti saporis gratissima, C. B. P. 443. Prunus Brigonienſis, fructum ſuaviſſimo, *Inst. R. H.* 623. Pruneola, Brignolæ, Pruna Brignolina Briolenſia ſeu Brignolenſa. Præcedentibus exilia ſunt dülute rubra, ad flavum accedentia, pulpa firmiori prædita, uti Cotoneum, cortice Mali Medicæ conditæ, vel Armeniacæ exſiccata, æmulo, nonnihil acida, ac vinoſa, a febricitantibus impenſe expetita, ſi enim aut leviter in aqua cocta, aut cruda ingurgitentur, refrigerant, ac humectant, nobis vero in quibuſdam fiſcinis acervatim ad modum Paſſularum, ac Ficuum pingium e *Brignole* in Provincia meridionali, ſita afferuntur, hinc etiam nomen traxerunt. Veluti exquisitiora, ſalubriora, ac ſapidiora a Pena & Lobellio reputantur, ideoque Damascenis Prunis alias adeo in pretio habitis anteferenda.

Prunus fructu majori, virescente, ſuaviſſimo, *Juſſ.* Pruna Claudina vulgo, *la Reine Claude*. Craſſioris albi Damasceni ſpecies rotunda, nonnihil plana, quadrata, & ſerotina, pulpa prædita firma, ac denſa, e nucleo abſcedit, cæteriſque dulcior eſt.

Pruna parva ex viridi flaveſcentia, C. B. P. 443. Prunus fructu parvo, ex viridi flaveſcente, *Inst. R. H.* 623. Pruna parva, ſerotina, cereola, *Gefn.* Pruna mirabilia vulgo, ſeu Mire Bella. Exilioris albi Damasceni ſpecies fertiliſſima, ac prædulcis, e nucleo abſcedens; ſemper optima eſſe ſolent, condita vero magis quam cruda in pretio habentur. Quamplurima alia Pruna, quamvis longe minus exquisita, non omnino tamen contemnendam addi poſſent, quod ſupervacaneum penitus reputamus. Modo itaque Prunum a Medicis uſitatiorem deſcribemus. Hic tamen ſolummodo præmittemus, Rajum cum Schvynneckfeldt unam tantum Pruni ſpeciem ſtatueret vel ſaltem exiſtimare, hunc fere infinitum ac adeo decantatum differentium ſpecierum merum, nihil aliud eſſe, quam varietatem fortuito figura, craſſitie, nuſubſtantia, colore, ſapore, ac maturationis tempore productam: accidentia omnia a ſemine, & fortaſſe etiam a cultura emanantia, quotidie enim novæ Prunorum veteribus incognitæ apparent ſpecies. Quare juxta laudatorum Authorum placitum Prunis, æque ac Pomis, & Pyris accidit, quantumvis enim numero excreſcant, nihil inde aliud eſſe poſſunt, quam unius, ejuſdemque ſpeciei varietates. Ultro fatemur, ſententiam hanc nobis verofiſſimam videri; tamen quum Jo. Bauhini contrarium aſſerentis authoritatem quam maxime veneremur, litem adverſus tantos Adverſarios dirimere non audebimus, curioſis magis illuminatis huiuſce quæſtionis deciſionem libentiſſime relinquentes.

Pruna Damascena, *Offic.* Pruna parva, dulcia, atro-cærulea, C. B. P. 443. Prunus fructu parvo, dulci atro-cæruleo, *Inst. R. H.* 622. Pruna Damascena noſtratia, *Bellon.* Pruna parva dulcia atrovirentia, Pruna Syriaca, Brabylla ſeu Badrya & Madria cognominata, Pruna Paſſa ſeu Rugoſa, *Nonnill.* vulgo, *le Prunier de Damas.*

Radicem habet ſerpentem, ac profundam, caulemque emittit in plures diviſum ramos mediocris altitudinis, ac craſſitie. Folia oblonga ſunt, rotunda, latiffima, in margine leviter denticulata. Flos vero quinquepetalus, roſaceus, atque albus, qui tandem in mediocrem, rotundum, carnoſum, tunicaque nigra contectum fructum facit, ejus autem pulpa ſub-rubra eſt, ſuccolenta, nucleo abſcedens, odoris ſatis ſuavis, ſaporisque dulcis, ac grati; nucleuſ parvus, oblonguſ lignoſuſ, ac duriffimuſ, exiguam amygdalam fere rotundam, aut ovalem reſſerans, ſaporis haud ingrati, & amaricantis.

Arbor hæc in hortis frugiferis coli solet; floret autem, Vere uti Pruna cætera, ejusque fructus Autumnum versus maturescunt. Craffiores autem, probe enutriti, maturi, recentes, saporis, odorisque jucundi, sunt seligendi, utpote qui sæculis omnibus celebrati; a Veteribus quoque usurpabantur, cratibus repositi, Solisque calore exsiccati, quemadmodum hisce diebus mos adhuc viget. Cæterum, quamvis asserat Dioscorides, Pruna hæc exsiccata ventrem constipare, constanti tamen experientia, confirmata fuit sententia Galeni asserentis, ea, inter laxantia, esse reponenda. Appellantur vero Damascena, primum enim e Damasco urbe Syriæ principe allata fuerunt.

Pruna parum olei, plurimum salis essentialis, ac phlegmatis continent. Quæ a nobis ut plurimum in alimentis usurpantur, humectantia, sunt laxantia, ac emollientia; Pruna enim sylvestria adstringendi vi pollent, ac alibi sub nomine *Acaciæ nostratis*, vel *Acaciæ Germanicæ* descripta fuerunt. Pruna dulcia hic loci potissimum examinanda, in plures dividuntur species, præcipuumque secundis mensis ornatum suppeditant, aut cruda, aut saccharo condita, ac præ cæteris, Sanctæ Catharinæ, Claudina, Mirabilia, Pruna Domini Parisiensium, & Rubicunda instar Mali Armeniaci, aliaque nonnulla. Refrigerantia sunt, sitim compescunt; appetitum cient, junioribus, stomacho præsertim sicco, ac calido præditi, ac temperamentis bilosis, & sanguineis plurimum juvare solent; lædunt e contra debilioribus, ac difficili digestionem laborantibus, quum enim vim habeant laxantem, eo magis ventriculum debilitant, fluxusque ventris progignunt, qui tandem in Dysenterias sæpe degenerant. Senibus ergo, ac pituita abundantibus sunt interdicens; experientia præterea compertum est, tempestatibus Prunis ditioribus, Dysenterias, Febresque putridas familiarius, in populo præsertim, grassari, eo quia iis immodice, ac fere solis plebs enutritur: præterquam quod vermis facile in Prunis intruditur, a quo eorum qualitas alteratur, aptaque fiunt ad viscosam in primis viis saburram progignendam, morbos contumacissimos quandoque inferentem. Moderatus itaque eorum usus esse debet, ac maturiora, intaminata, recenter, ac ante Solis ortum collecta legenda sunt. Pluribus Prunorum speciebus gratissima condimenta parantur, furno quoque exsiccantur præcipue in Turrena, ubi plura simul eodem involucro artificiose colliguntur, ut venustiores, succulentiores, sapidioresque evadant. Pruna hæc passa, Hyeme per totam Galliam distribuuntur, & præsertim Quadragesimali tempestate usurpantur; carnosæ vero, mollia, & sapida sunt eligenda, iisdemque, ac Pruna, donantur virtutibus.

Species autem usque adhuc a nobis, sub nomine parvorum Damascenorum nigrorum, descripta, & pro Prunis passis potissimum adhibita, uti dulcior cæteris præfertur pro Electuario *Diapruno* Officinarum tam simplici, quam composito. Diapruni simplicis dosis est, ab \mathfrak{z} j. ad \mathfrak{z} j. β . quum viscera sunt emollienda, ac alvus leniter referenda. Compositi vero, quadam Scammonii, Diapruno simplici, addita quantitate, ab \mathfrak{z} β . ad \mathfrak{z} vj. nec ultra. Omnibus quoque notum est, decoctionem Prunorum passorum, infusionum purgantium sæpe basim constituere, in primis pro puerulis; prævum enim eorum odorem corrigit, purgantisque vim augeat.

Sæpe in quibuscumque Prunis, eorumque fructibus, Gummi album, pelucidum, & diaphanum, Gummi Prunorum nuncupatum, reperitur, quod a Mercatoribus Gummi Arabico, cui plurimum colore, ac vi similatur, admisceri

sceri solet, valetque ad solvendum calculum, adversus Colicam nephriticam, nec non ad humectandum thoracem, sputumque excitandum, pulveris, aut mucilaginis forma.

Pruna in Electuario Diapruno, Confectione Hamech, ac Lenitivo *Pharm. Paris.* usurpatur.

Rx. Decot. Fol. Malvæ, Parietariæ & Nasturt. Aquat. ℥ j. Dissolve Diapruni Simplicis ℥ j. pro Enemate emolliente, ac laxante.

Rx. Elect. Diapruni solutivi ℥ ℔. Pulv. Cornachin. ℥ j. Syrupi Flor. Malor. Persic. ℥ j. Dissolve in cyatho calidæ pro Potione purgante, mane jejuno ventriculo propinanda.

Rx. Diaprun. simp. ℥ ℔., Tabell. de Citro ℥ ℔., Salis Vegetebalis ℥ j. Fiat solutio in cyatho decoctionis Cichorii sylvestris pro potione purgante.

Rx. Diaprun. solut. ℥ ℔. Chinæ Chinæ p. ℥ vj. Rhabarbari, Salis Absinthii, & Salis Glauberiani ana. ℥ j. M. cum s. q. Syrupi Flor. Malor. Persic., F. Opiata febrifuga, ac purgans, ℥ j. ℔., nebula excepta, ter de die, repetenda in febris intermittentibus.

Rx. Prunor. passor. ℥ ℔. Folior. Sennæ mund. ℥ ij. vel iij. Ebulliant in duobus aquæ cyathis ad medias, coletur postea liquor linteolo forti expressione pro potione purgante, mane jejuno stomacho, exhibenda.

P S E U D O - A C A C I A .

A C A C I A vulgaris, *Offic.* Pseudo-Acacia vulgaris, *Inst.* R.H. 649. Arbor filiquosa, virginensis, spinosa, Locus nostratibus dicta, *Park. Theatr.* 1550. Acacia Robini flore odorato, *J. S. Elsch. Mentz. ind.* 3. Robinia *Car. Linn. Gen. Pl.* 349. Acacia arborea Americana, Acacia magna flore quasi mali aurantiæ odoratissimo, Acacia falsa, Acacia adulterina, seu spuria, *Nonnull.* vulgo *Faux-Acacia*.

Radix crassa, longa, serpens, lutescens, saporis dulcis ad Glycyrrhizam accedentis, caulem conspicuæ altitudinis, & crassitie, in plures divisum ramos propellit, foliis oblongis, in eadem caulis parte, binis simul locatis, extremo impari claudente, floribus venustis admodum, longis, leguminosis, five papilionaceis, albis, spicæ in morem dispositis, mitis, ac grati odoris florum Mali Aurantiæ æmuli, quibus siliquæ longiusculæ, planæ, læves, bifarium sese aperientes, ac nonnulla reniformia femina continentes succedunt. Nec Bauhinus, nec Rajus arborem hanc in Virginia, & agro Annopolitano sponte crescentem, & inde nobis advectam agnoverunt; modo vero ubique fere in hortis colitur: quamvis enim e tam longinquis regionibus allata, temperatioribus tamen adeo assuevit, ut hodie penitus vulgarissima sit, Verique flores edendo, magnopere visum delectet. Juxta D. Lemeryum, Acacia primum in Galliam translata fuit ex America cura, *D. Robini*, ac in horto Regio Parisiensi locata, ubi hisce quoque diebus crassa, magna, ac robusta conspicitur, qua potissimum de causa *Acacia Robini* ab ipso nuncupatur, e qua etiam Acaciæ omnes Parisiis profluxerunt.

Quondam ambulacra, cameratæque vineæ ex hac arbore sæpenumero conficiebantur; citissime enim crescit, commodissimaque umbracula ministrat, nunc tamen Hippocastani gratia parum curatur, utpotequæ facile evertitur, scabrosum corticem habet, parvas frondes, nec late virentes, ramos præte-

rea non satis flexibiles, verticemque sæpenumero decompositum, quo frequenter amputato arbor quam maxime deformatur. Hisce potissimum rationibus a politioribus hortis exulatur, ac quibusdam tantum in atriiis ob fragrantem odorem ab ejus flore exalante, nonnumquam toleratur. Leve, ac nonnihil pingue diligit solum, semineque absque magna cura propagatur, eademque ratione colitur, ac Hippocastanum, quondam quoque perquisitissimum, modo autem fere neglectum; adeo fortunæ favor in plantis etiam instabilis depræhenditur. Acaciæ lignum colorem habet luteum, satis venuste varium, a tornatoribus pro fellis conficiendis usurpatum.

Perexiguum, Arbor hæc, usum Medicum habet; quum autem pauco, ab hinc tempore in Gallia innotuerit ad ejus proprietates evulgandas sedulo incumbere possumus: ejus enim flores, qui fere soli in usum revocantur, veluti anti-hysterici reputantur, extatque in Officinis aqua ex his floribus stillatitia ab ℥ jv. ad ℥ vj. usque in Potionibus, ac Julapiis convenientibus adversus vapores propinanda. Lemeryus addit, emollientes, laxantes, aperientes, ac resolventes esse, radicem esse pectoralem, ac jure arborem hanc, *Glycyrrhizam arborescentem* posse nuncupari, in alio enim ab ea non discrepat, nisi quod arbor sit, *Glycyrrhiza* vero herba. In *historia Plantarum*, Boerhaavio tributa, post Robinum, asseritur, hujusce Acaciæ folia ebullita, ac expressa, adinstar Sennæ, cathartica vi donari, ab aliis vero veluti roborantia, ac refrigerantia commendari, ac in Dysenteria præscribi; ab iis tamen magni dolores, ac flatus concitantur.

P S Y L L I U M.

QUum *PSYLLI* omnes cognitæ species iisdem proprietatibus præditæ censeantur, de binis sequentibus tantum sponte in nostris regionibus excrescentibus, sermonem instituemus.

Psyllium perrenne, *Offic. Psyllium majus*, *supinum*, C. B. P. 191. J. B. 3. 513. *Inst. R. H.* 128. *Rai Hist.* 882. *Psyllium alternum*, *Matth. Cast. Tabern. Lugd. Hist.* *Psyllium majus*, *Cæsalp. Psyllium majus*, *semper virens*, *Park. Psyllium semper virens* *Lobelii*, *Ger. Psyllium Plinianum forte*, *radice perenni*, *supinum*, *Lob. Icon.* 437. *Psyllion*, seu *Psylleris*, *Cynocephalion*, *Cynomion*, *Cynomuya*, vel *Cynomya*, *crystallium*, *Herba Pulicaris*, sive *Pulicaria*, *Nonnull. vulgo*, *Herbe aux Puces vivace*.

E radice longa, lignosa, dura, capillitio stipata, caules exsurgunt farmentosi, lignosi, ramosi, reptantes, foliis referti oblongis, angustis, mucronatis, satis venuste in cespite congestis, hirsutis dilute-viridibus. Parva capita, sive spicæ breves summis caulibus locantur, eisque parvi lanuginosi flores, dilute-lutei adnectuntur, efformanturque cylindro vertice patulo, quadrifido, & cruciformi. Hisce fructus, sive capsula membranosa, bicellularis succedit, occluditque semina minuta, oblonga, sub-nigra, tactu lævia, lucentia, Pulicum tum figura, cum colore æmula; unde hoc Plantæ genus *Psyllium* vocitatur. Species usque adhuc a nobis descripta frequens agri Monspeffulani incola est, nec non calidarum, incultarum, sabulosarumque regionum, ac secus mare luxuriare quandoque solet. In hortis quoque colitur seminis a Medicis usurpari gratia; Junio, & Augusto floret; semen vero Autumno colligitur, eligendumque est recens, nutritum, mundum, tactuque læve.

Psyllium annuum, *Offic.* *Psyllium majus*, erectum, C. B. P. 191. J. B. 3. 513. *Inst.* R. H. 128. *Psyllium*, *Dod. Pempt.* 115. *Psyllium vulgare*, *Park. Raii Hist.* 881. *Psyllium*, five *Pulicaris herba*, *Lugd. Hist.* 1172. *Psyllium minus*, *Cæsalp.* *Psyllion vulgatus*, *Nonnull.* vulgo, *l'Herbe aux Fuces annuelle*.

E radice annua, simplici, alba, fibrosa, unus aut plures propelluntur caules fere pedales, & ultra, erecti, rotundi, villosi, firmi, circumquaque ramosi, foliis binis invicem oppositis, stipati, Hyssopo, & Dracunculo ferme similibus, angustioribus, hirsutis, ac, adinstar Plantaginis, nervosis, quandoque leviter crenatis. Ex foliorum alis, pedunculi exeunt longi, gracilescque, quorum extremis spicæ breves locantur, pluribus conflata floribus parvis, pallidis, præcedentis speciei proximis, quibus pariter membranacæ capsulæ subsequuntur, maturescendo sese horizontaliter aperientes, ac duo plerumque semina referantes plana, oblonga, lucentia parva, uno verbo *Pulicum* emula. *Psylli* hujuscemodi species vulgatior est, abundeque in incultis, siccis, sabulosisque locis, & in arvis vitibus feracioribus crescit. Frequentissime in agro Parisiensi reperitur. *Rajus* post *Johannem Bauhinum* inquit, caulium, ac ramorum summitates tactu pingues, ac viscosas esse, universamque plantam sapore amaro, absque manifesto ullo odore scatere.

Analyseos Chymicæ ope plurimum olei, ac terræ, nihil salis volatilis concreti, parum spiritus urinosi, pluresque acidos liquores *Psyllium* largitur. Ejus sal, corallino sali similatur; ammoniaco tamen, magnæque sulphuris, terrestriumque partium copiam admiscetur. Semen solummodo in usum Medicum venit. Ex eo, aqua Rosarum, Portulacæ, aut Plantaginis, mucilago elicatur ad sanguinis sputum, dysenteriamque sistendam aptissima, nec non ad oculorum inflammationes, & palati, uvulæ, aliarumque partium inflammationes compescendas. *Neoterici* quoque mucilaginem hanc uno ore, tamquam refrigerantem, ac temperantem deprædicant, solusque *Mesuaeus* inter *Veteres*, abditam quamdam, malignamque acrimoniam eadem tribuendam esse censet, unde juxta ipsum internus ejusdem usus nonnihil esset pertimescendus; tamen innocuum experientia demonstravit. *Schordeus*, *Tournefortius*, alique Professores in clysmatibus adversus Tenesinum, Dysenteriam, Renumque inflammationem proponunt. *Prosper Alpinus*, in sua *Medicina Ægyptiorum*, in ea regione adversus ardentes febres usurpari testatur. Præscribitur etiam felici cum successu in urinæ ardore aqua, in qua *Psylli* semen noctis spatio fuerit maceratum: quare hisce omnibus auctoritatibus ejus usus comprobatur. Præterea contra oculorum inflammationes plurimum prædictam mucilaginem *Chesneau* commendat, præsertim si una cum seminum *Cydoniorum* mucilagine, ope, aquæ Rosarum, aut Plantaginis elicitæ, parum *Camphoræ*, aut albuminis ovorum quassati addito, copuletur.

Eadem mucilagine, aqua Rosarum parata, ac pauco aceto roborata, Frontale conficitur contra cerebri rheumaticas affectiones accommodatum: aut etiam succo Betæ, vel aqua Rosarum eadem mucilago diluta per nares attrahitur. Hoc ipso semine *Electuarium de Psyllio* conficitur, in quo potius ad Purgantium acrimoniam corrigendam, quam ad eorum efficaciam augendam infervit.

Psylli mucilago usurpatur in Trochiscis de *Camphora*, de *Karabè*, ac de *Gordon Pharm. Paris.* Semen vero in *Requie Nicolai* ejusdem *Pharmacopææ*.

Rx. Mucilag. *Psylli*, ac *Cydonior.* aqua Rosar. & Plantag. elicitæ, ana. ʒ j.

Album. Ovor. quassat. N. j. & *Camphoræ* gr. v.

Tomi II. Pars II.

K 3

Probe

Probe omnia misceantur pro Collyrio adversus oculorum inflammationes.
 ℞. Hordei integri ʒ β. Rad. Althææ, & Sem. Psyllii ana. ʒ j. Ebulliant in aquæ lb ij. ad medias. M. postea colaturæ adde albumen ovi aqua solutum, Sacchar. cand. ʒ j. Mellisque rosat. ʒ β. pro Gargarismate adversus Aphthas oris, & œsophagi.

℞. Iris pulv. ʒ j. Amyli ʒ ij. Sacchar. albiss. ʒ iiij. Mucilag. Sem. Psylli q. s. pro conficiendis Trochiscis adversus Tussim.

℞. Succini pp. ʒ vj. Corall. rubr. pp. Sanguinis Draconis ac Gummi Tragacanthi ana. ʒ ij. Succi Hypocistidis, & Acaciæ ana. ʒ iiij. Mastich. ʒ j., Opii ʒ j. M. cum q. s. Mucilag. Sem. Psyllii pro Trochiscis conficiendis contra sanguinis sputum, ac hæmorrhagias.

P U L M O N A R I A.

INter diversas plantarum species, quæ PULMONARIÆ nomine nuncupantur, tres præcipue in usum Medicum veniunt; primo scilicet Pulmonaria latifolia, secundo Pulmonaria angustifolia, tertio Pulmonaria Gallorum vocata, iisdem proprietatibus, ac duæ præcedentes prædita, quamvis genere toto cælo discrepanti.

Pulmonaria latifolia, *Offic. Symphytum maculosum*, sive Pulmonaria latifolia, C. B. P. 259. Pulmonaria Italorum ad Buglossum accedens, J. B. 3. 595. *Inst. R. H.* 136. Pulmonaria vulgaris maculoso folio, *Clus. Hist.* 169. Pulmonaria maculosa, *Ger. Raii Hist.* 488. Pulmonaria latifolia maculosa, *Park.* Pulmonaria foliis radicalibus ovato-cordatis, *Linn. Hort. Cliff.* 44. Pulmonaria seu Pulmonalis maculoso folio, Pulmonaria maculosa Borraginis folio, Pulmonaria Recentiorum, Britannica putata, Symphitum sylvestre maculatum, Baccharis seu Salvia Hierosolymitana, Buglossum Theophrasti, Herba cordis, Lac Sanctæ Mariæ, *Nonnull.* vulgo, *la grande Pulmonaire*.

Radice est alba, fibrisque, uti radix Hellebori, suffulta, nonnihil tamen magis conspersis, & quandoque crassioribus, saporis satis viscosi. Unum tantum, aut plures effert caules, ad pedis fere altitudinem, angulosos, hirsutos, ad purpureum colorem, & ad Buglossum accedentes. Ex foliis vero alia depresso ac in terram strata e radice exeunt, alia vero cauda destituta caulem amplectuntur: Singula tamen oblonga sunt, lata, acuminata, per longum nervo stipata, molli lanugine superne, inferne, ac in marginibus prædita, maculisque sub-albidis, ut plurimum, hac, illac conspersa. Flores summis caulibus plures simul collecti brevibus pedunculis sustentur, suntque totidem tubuli in vertice expansi, quinquifidi, coloris quandoque purpurei, quandoque violacei, ac nonnunquam mixti, calyceque suffulti, tubulo pariter efformato, ac in quinque acuta segmenta plerumque diviso, hisce tandem præsto sunt semina quatuor fere rotunda ad Buglossi semen accedentia, calyceque conclusa. Planta hæc in sylvis ac nemoribus, locisque montanis ac umbrosis crescit; ac vulgaris est juxta D. Chomelium in Alpibus, Pyreneis, altisque montibus. In hortis quoque colitur; Vere conspicitur, statimque flores edit, Martio scilicet & Aprili. Folia Autumno pereunt, radix autem vivax est. Post Casparem Bauhinum observat Rajus, ejusdem folia varia esse, quandoque maculis albescentibus conspersa, quandoque iisdem omnino destituta, flores præterea plerumque cæruleo purpureos

reos esse, raro albos: addit inde, Anglos suos, planta hac adinstar leguminis sæpe uti, vocarique ab iis *Salviam Hierosolymitanam*, aut *Bethelemiticam*. J. Bauhinus quoque asserit, Pulmonariam nostram, inter legumina recenseri, ac ejusce foliis a mulierculis juscula, ac ovorum intrita alterari, ab iis enim adversus pulmonum affectiones, & ad cor roborandum utilia reputantur.

Pulmonaria angustifolia, *Offic.* Pulmonaria angustifolia, rubente cæruleo flore, C. B. P. 260. Pulmonaria rubro flore, foliis Echii, J. B. 3. 597. Pulmonaria foliis Echii, *Lob. Icon.* 586. *Inst. R. H.* 136. *Ger. Emac. Rari Hist.* 489. Pulmonaria angustifolia, *Park. Parod.* Pulmonaria Plinii angustifolia, *Tabern. Icon.* 558. Pulmonaria quinta Pannonica, *Clus. Hist.* 170. Pulmonaria foliis radicalibus lanceolatis, *Linn. Hort. Cliff.* 44. Pulmonaria minor vulgaris, *Quorum.* i. vulgo *Li petite Pulmonaire*.

E radice fibris satis crassis, & carnosis, ut in Pulmonaria latifolia, primum sub-albidis, inde nigricantibus, saporis dulcis, ac penetrantis, unus, aut plures exeunt caules fere pedales, angulosi, hirsuti, ac quandoque purpurei, foliis oblongis, angustis, lanuginosis, Bouglossi sylvestris aut Viperinæ foliorum æmulis, nonnihil tamen mollioribus, lanugineque minus hispida tectis, cauda destitutis, caulemque amplectentibus. Summis autem caulibus enascuntur flores, quorum quisque inodorus tubulo in vertice expanso, ac quinquifido efformatur, coloremque habet purpureo-cæruleum, satis elegantem, cui præsto sunt semina quatuor semi-rotunda, calyce conclusa, laciniis quinque dissecto, ac vesicæ in modum turgescente. In omnibus fere locis, in nemoribus, & sylvis cædis, abditis, umbrosis, montanisque in locis crescit planta hæc agri Parisiensis incola, ac Vere primum accedente apparet, diutiusque flore decoratur. Folia præterea ut plurimum maculis albis referta sunt.

Pulmonaria Gallorum, *Offic.* Hierarcium murorum, folio pilosissimo, C. B. P. 129. *Inst. R. H.* 471. *Rari Hist.* 239. Pilosella major quibusdam, aliis Pulmonaria flore luteo, J. B. 2. 1033. Pulmonaria Gallica, sive aurea, *Tabern. Icon.* 194. Hierarcium murorum Bauhini, quod est Pulmonaria Gallorum Lobellii, *Park.* Pulmonaria Gallica, sive aurea latifolia, *Ger. Emac.* Hierarcium. Caule ramoso, foliis radi alibus ovatis dentatis, Caulino minore, *Linn. Hort. Cliff.* 388. Auricula muris major, Pilosella major Gallorum, Pulmonaria Gallica mas, Solidago Serracenica, Corchorus Theophrasti & Plinii, Hepatica, Hyoseris, *Nonnull.* vulgo, *l'Herbe a l'Epervier*.

Radix longa, crassa, geniculata, sub-rubra, fibrosa, vivax, succo lactiginoso, amaroque foeta, unum aut plures propellit caules ad cubiti, vel pedis cum dimidio altitudinem, aliquanto graciles, hirsutos, ac in plures ramulos, divisos. Folia vero e radice exeunt in terram strata, sinuosa præcipue caudam versus, sub-viridia superne, ac villosa, lanuginosa inferne, ac sub-albida, magnis, elegantibusque nigricantibus maculis conspersa, saporis amari, & nitrosi. Summis caulibus enascuntur lutei flores squammoso calyce innixi, quibus plurima, oblonga, minuta, lanuginosa, ac nigricantia semina succedunt. E vetustioribus muris, sylvisque umbrosis, locisque abditis, & incultis, ut plurimum planta hæc conspicitur, ac in agro Parisiensi; Junio, Julioque floret, quandoque etiam citius. Magnæ in morbis Pulmonum, ac præcipue in Hæmoptysi a Gallis efficacæ recensetur, unde etiam nomen mutuatur.

Saporem sub-falsum, viscosumque habet ac papyrum cæruleum saturate, rubro colore tingit. Magnam phlegmatis, oleique partem continet, & non-nihil salis essentialis. Non exiguam temperandi vim habet, ac inter vulnerarias, & consolidantes enumeratur. In prisanis, aut jusculis vitulinis tres adhuc recensitæ species indiscriminatim usurpantur adversum thoracis morbos, præcipue quum sputum falsum, aut purulentum apparet, nec non adversum hæmoptoycos, ac phthísicos. Utilissimus quoque contra eosdem morbos syrupus paratur ab ʒ j. ad ʒ ij. in apozematibus, potionibus, ac ptisanis pectoralibus præscribendus. Pro hoc autem conficiendo radices una cum foliis usurpari solent.

Tota vero planta in Syrupo *Roris Solis* compositio, folia autem in Syrupo *Testudinis Pharm. Paris.* abducentur.

℞. Hord. q. s. ebull. ʒ j. Fol. Pulmonar. & Hederæ terrestr. ana Man. j. Jujubas N. xij. Passul. minor. mund. ʒ ss. Dactyl. ac Ficum ping. ana N. ij. Flor. Tussilag. & Papav. rubr. ana pug. ij. Coque in aquæ communis lb. vj. ad quartæ partis consumptionem. Coletur liquor, edulcoreturque q. s. Syrupi Tussilag. pro Apozemate pectorali refrigerante adversus tussim a pituita crassa ortam, ac sputum purulentum.

℞. Capit. Vitul. dimidium in frustula dissectum, Napor. parvor. N. vj. Folior. Brassicæ rubr. & Pulmonariæ ana Man. j. Ebull. in aquæ lb. ij. pro duabus dosibus coletur, exhibeaturque de die in morbis hætenus recensitis.

℞. Syrup. Althææ, Pulmonariæ, & Consolid. Maj. ana ʒ j. Olei Amygd. dulc. ʒ ij. Spermat. Ceti in prædicto oleo soluti ʒ j. M. pro Looch pectorali chocleatim exhibendo in tussi, sputoque cruento.

P U L S A T I L L A.

PULSATILLA, Offic. Pulsatilla folio crassiore & majore flore, C. B. P. 177. *Inst. R. H.* 284. Pulsatilla purpurea, cæruleave, J. B. 3. 409. Pulsatilla, *Dod. Pempt.* 433. *Matth. Gesn. Hort. Lugd. Hist.* Herba venti, *Trag.* 413. Pulsatilla vulgaris, *Lob. Icon.* 281. *Ger. Raii Hist.* 633. Pulsatilla Danica, *Park. Parad.* Pulsatilla flore purpureo, & cæruleo, *Tabern.* Anemone sylvestris, *Fusch.* Pulsatilla foliis decompositis pinnatis flore nutante, Limbo recto, *Linn. Hort. Cliff.* 223. Herba sardoa vel Aprium risus, Herba venti, Pulsatilla vulgi italorum, Campanula vel Nola Culinæ seu Culinaria, Campanula vaccæ seu vaccaria, *Barba Hirci*, Cauda vulpis seu vulpina, Apicum sylvestre vel rusticum, sive Apiastrum, Nonnull. vulgo, *Pulsatille*, *Coquelourde* ou *Passefleur*.

Radicem habet longam, ac quandoque digitum crassam, simplicem, vel in plura capita divergentem, suprema sui parte capillitio ornata, nigram, saporis amaricantis & nonnihil acrimonia sua linguam stimulantis; Folia autem minutim incisa, hirsuta, Pastinacæ sylvestris æmula non magnitudine, sed foliorum tantum divissione, ac eorundem pilis, acerrima, saporis urentis, costis longis, admodum villosis, ac solum versus sub rubris annexa: Inter ea caulis fere pedalis, rotundus, cavus, densa ac molli lanugine tectus, simplex, foliis destitutus, si ea, quæ in apice enascuntur in parte nempe floribus proximiori, ac multifida exceperis; Ejus apex unum tantum effert

fert florem constantem senis oblongis foliis, acuminateis, rosaceis, purpureis, extus villosis, intus glabris, pistillo in centro locato, circumdatum staminibus luteis, odoris neutiquam ingrati, tandem in fructum abeuntem, adinstar capitis rotundum, crinitum, pluribus conflatum cristatis seminibus. Planta hæc petrosus in locis incultis, siccis, montanisque reperitur, ut plurimum præterea in hortis colitur ob floris elegantiam, quamvis in arvensium familia, culturæ scilicet non satis patiens, natura sua, sit recensenda. Vere, Martio exeunte florescit, vel Paschatis tempore, hinc ab Anglis *Flos Paschatis* nuncupatur. Flos colorem plus, minusve saturatum habet juxta locorum diversitatem; in sylvis enim umbrosis dilute purpureus, ac pene albus, quum e contra saturatior, ac venuste admodum violaceus in eminentibus, ac apricis locis occurrit, unde plures ejusdemmet plantæ varietates progignuntur. In Agro Parisiensi luxuriat ac præsertim in Monte Valeriano. Inquit Tournefortius, *Pulsatillam*, nomen simpliciter Italicum, Botanicos latinate donavisse. Itali vero ita Plantam hanc vocarunt, eo quod ejusdem flores motum habent Campanæ æmulum, vel quia semper proni sunt ad motum, seu demum quia semina minimo ventorum motu in auras evolant. Analyseos Chymicæ ope plurimum acidi, sulphuris, ac terræ, parum fixi, nihil vero volatilis salis planta hæc vulneraria, ac incides largitur. Flores ac folia exsiccata, pulverisque forma per nares attracta sternutationem concitant, quod etiam recentia, digitis trita præstare adeo vehementer solent, ut exuri nares, ac ad cerebrum usque stimulus deferri videatur; qua de causa a Tournefortio adversus soporosas affectiones aptissima recensentur, ex iis quoque stillatitia elicitur aqua ad ulcera antiqua detergenda, ac ad cicatricem perducenda, quam commodissima, idem etiam præstant folia trita equorum præsertim vulneribus applicata. Tragus asserit, radicem crudam mansam, abundantis pituitæ exitum producere: quum vero universæ plantæ partes acrimonia excedant, externus tantum ejusce usus tutior erit. In cubito præterea, ac in planta pedum folia tusa a vulgo ad vesicas in febribus excitandas apponuntur nonnunquam cum successu. Radix longe minori præ foliis acrimonia donatur.

Pulsatillæ flores in *Aqua Hysterica Pharmacopææ Parisiensis* usurpari solent.

Rx. Sacchar. alb. p. ac Fol. *Pulsatill.* exsicc. ac p. ana ʒ j. Olei *Lavendulæ*, aut *Majoranæ* gut. jv. Servetur pro usu pulvis hic sternutatorius, qui si forte nimium irritabit, augenda erit Sacchari dosi.

Rx. Fol. *Pulsatill.* exsicc. ac *Iridis Florent.* ana ʒ j. Semin. *Sinapis*, & *Staphisagriæ* ana ʒß. Omnia crassiuscule pulverata nodulo inclusa, & per horæ dimidium demisso capite mansa, pituitæ magna copia cerebrum exonerabunt.

P Y R O L A.

PYROLA, Offic. *Pyrola rotundifolia*, major, C. B. P. 191. *Inst. R. H.* 256. *Pyrola*, J. B. 3. 535. *Dod. Pempt.* 138. *Ger. Raii Hst.* 1233. *Pyrola nostras vulgaris*, *Park. Limonium sylvestre*, *Trag.* 707. *Beta sylvestris*, *Cord.* *Pyrola a Pyri folio*, *Lob. Icon.* 294. *Pyrola vulgo dicta*, *Gesn. Host.* *Pyrola*, staminibus & pistillis declinatis, *Lin. Flor. Lapp.* 132. *Pyrola vulgatior satis amplo mollique folio*, *Clus. Hist.* *Pyrola vulgaris*, *Limonium Germanicum*;

cum; viros hiemis seu viride hiemale, Tintinnabulum, *Quorumod.* vulgo *Pyrole*, ou *Verdure d'hiver*.

Radicem habet flexibilem, delicatulam, fibrosam, serpenteam, sub-albidam quina, aut sena rotunda, Pyri æmula, unde denominationem planta traxit, satis carnosâ, compacta, saturate-viridia, foliorum Betæ colorem simulantia, lævia, ac expolita, longis caudis appensa, in terram strata, ac per Hyemen virorem servantia emittit folia, quæ inter fere ad pedis altitudinem caulis erigitur angulosus, nonnullis parvis acuminatis foliis stipatus, simplex, vertice flores efferens satis venustos, odoros, quinque petalis, rosaceis, rotundis, albis, decem breviusculis staminibus præditos, ac in centro pistillum gestantes extrema sui parte, adinstar proboscidis Elephantis, recurvum quod tandem deciduo flore abit in fructum, aut folliculum angulosum, quinque cellulis, seminibus sub-rubris, ac adinstar pulveris, aut scobis minutissimis, interne distinctum. Sapore amaro, & admodum adstringenti scatet universa planta, crescitque in montanis, umbrosisque locis, nonnihil humidis, in nemoribus, ac sylvis, ac in pluribus Galliæ Provinciis, & præsertim Campania superiori, quemadmodum agro Parisiensi, præ cæteris vero in frigidis ac Septentrionalibus regionibus, maxime autem hortorum culturæ adversatur, in quibus ægre admodum occurrit, ac tandem exsiccat. Junio ac Julio floret. Rajus una cum Clusio observavit, quamdam in flore discrepantiam nonnumquam adnotari, quandoque enim majorem habet figuram, ac mollitiem, quandoque vero minorem, ac duritiem. Folia maximum in re Medica usum habent.

Uti vulneraria-adstringens, ac ad sanguinis fluxus, albos fluores, hæmorrhagiasque sistendas aptissima Pyrola semper ab Authoribus fuit reputata, ac uti cæteræ vulneraria vi præditæ decoctionis, aut infusionis forma ad modum Thææ usurpari solet, per dimidium horæ quadrantem pugillus unus in sufficienti aquæ ebullientis quantitate committitur, filtratur infusio, parum sacchari addito. Pulveris forma propinari etiam solet ʒ i. in iisdem affectibus. Inter celebriora Helvetiæ adstringentia enumeratur, eademque ratione usurpatur viresque habet cum Alchimilla communes.

Pyrolæ succus Emplastro *Oppodeltoch Pharmacopææ Parisiensis* admiscetur.

℞. Fol. Plantag. Pyrolæ, Alchimillæ Saniculæ, Brunellæ, Hederæ terrestris ana pug. ij. Coque in aquæ com. lb. iij. ad lb. ij. Adde in fine Glycyrrhizæ in fila evulsæ ʒ ij. Fiat Colatura pro Ptisana vulneraria adversus hæmorrhagias, ac contusiones tam externas, quam internas.

Decotio Bechica vulneraria.

℞. Rad. Consolid. maj. & Althææ ana ʒ ss. Fol. recentium Lingæ Cervinæ, Pyrolæ, Veronicæ, Pervincæ, Saniculæ, Hederæ terrestris, Bugulæ, Adianti Canadensis ana pug. ij. Flor. Centaurii min. Verbasci, Hyperici ana pug. j. Ebull. in aquæ com. lb. vj. ad lb. jv. Colaturæ adde Syrupi Tussilaginis ʒ jv. In sanguinis sputo, in pulmonum, aliisque internis ulceribus tertia quaque hora cyathus tepidus agris propinabitur.

P Y R U S.

UBique PYRUS notissima est. Generaliter in species duas discriminari solet, Domesticam scilicet, ac Sylvestrem, earumque fructus Pirum nuncupatur.

Pyrus Offic. Pyrus sativa, C. B. P. 439. Pyrus, J. B. I. 35. Brunf. Dod. Cord. Hist. Raii Hist. 1450. Pyrum, Turn. Pyra, Matth. Anguill. Lob. Cast. Pyrus foliis ferratis, pomis basi productis, Linn. Hort. Cliff. 190. Pyrus domestica, Nonnull. vulgo, le Poirier Domestique, franc ou cultivé.

Crassa radix imo solo sese immergens emittit caulem, seu truncum magnum, crassum, erectum, ac simplicem, magis, quam in Malo sese extolentem, minus tamen expandentem, in plurimos divisum ramos; corticem Mali cortice scabrofiorem habet, lignum compactum, satis scalpello, torno, ac pro aliis usibus tractabilem, coloris sub-rubri, aut sub-lutei, qui exsiccat ligno majorem semper venustatem, ac fulgorem acquirit. Folia vero sunt satis lata, rotunda, aut nonnihil oblonga, denticulis destituta, juxta specierum diversitatem varia, lævia, ac fulgentia in parte superiori, fere rudia ac sub-albida in inferiori, alternatim disposita, caudis longiusculis appensa. Flos, Mali florem, fere æmuletur quinquepetalus ac in calycis sinubus rosaceus, sub-albidus, bis denis staminibus semi-rotundis, ac purpureis, calyce deinde abeunte in fructum carnosum, plerumque oblongum, basi producta, in cujus centro umbilicus e calycis divisionibus efformatus locatur, vocaturque *Pyrum*, Gallice vero *Poire*. Quamplurimæ ejus sunt species inter se figura, crassitie, colore, sapore, ac odore discrepantes. Caro, seu pulpa alba est, Malis compactior, succo turgida, ut plurimum tamen arenosa in centro præsertim. Quinque loculamenta interna sui parte reperiuntur seminibus foeta acutis, parvis, tunica contextis cartilaginea, extus nigra, intus alba. Ubique crescit in hortis tam o litoriis, quam fructiferis, in quibus accurate colitur. Rajus unam tantum Pyri, uti unam tantum Mali speciem agnoscit, unde juxta ejus sententiam inferri debet, multitudinem propemodum infinitam Pyrorum, nobis tanquam diversarum specierum exhibitam, nihil aliud esse nisi ejusdem met speciei varietatem a diversa culturæ ratione obortam.

Pyrus minorem Mali ramorum numerum emittit, nihilominus copiosissimis fructibus oneratur, quum autem radices habeat profundiores abundantiori etiam indiget terræ quantitate, Caterum ut plurimum Malus magis quam Pyrus in pretio habetur, siceraque Pomorum perquisitior, gratior, saniorque sicera Pyrorum. Fere eundem ac Malus solum amat, quum vero Pyrus sæpe numero fructus efferat asperos ac calculosos, terram siccam, exsuccam, & saxosam omnino respuit, qua vitata, prava ejus prædicta qualitas fere corrigitur; facilius quoque præ Malis crescit in locis humidis, & aquosis, terrisque argillaceis. In plagis colitur temperatioribus, in regionibus, enim calidis ut in Ægypto juxta Theophrastum, raro adolescit: frequens vero admodum occurrit in Gallia, Germania, præcipue autem in oris Septentrionalibus Belgio, Normandia, & Anglia; plerumque Vere floret una cum Ceraso, citiusque Malo, fructus Æstate, ac Autumno maturescunt. Surcularii, aut plantæ evulsæ, aut taleæ ope multiplicatur, prolixioremque Malo habet incrementum, diutius tamen perdurare solet. Quamvis autem supra Mespillum, Malum Cydoniam,

doniam, & Oxyacantham inferi possit, melior tamen, tutior, promptiorque ratio supra sylvestrem Pyrum, aut Malum Cydoniam recensetur. Quocumque modo locari potest, sylvulæ nempe & arborum arbuſtatarum in morem, caudice elato, aut mutilato. Majorem senescendo acquirit fecunditatem, furculosque e radice producit. Lignum autem expoliri, ac in armaria adinstar Ebeni colore nigro tincta, aliosque in usus percommode reduci potest.

Mala ut plurimum veluti succulentiora, magisque salutaria existimantur; tamen si saponi fides est præstanda, Pyrum sive crudum, sive coctum, sive conditum sapidius, gratusque de facto est. Variæ extant Malorum species, major tamen Pyrorum numeris propemodum infinitus, eorumque qualitates omnino admirandæ. Si vero diversam eorumce configurationem, crassitiam, magnitudinem, colorem, saponem, ac odorem parumper contemplemur, quis maximam summi Opificis sapientiam non adorabit? Rotunda enim alia, alia oblonga, alia crispa conspiciuntur, alia dein acuta, obtusa, crassa, media, exilia; aurum, argentum, cinnabris, præ cæteris, in iis refulgent; Sacchari, Mellis, Cinnamomi, & Caryophyllorum saponem habent; Moscum, Ambarum, & Zibethum redolent, uno verbo saporis excellentia, una cum venustate, ac elegantia in Pyris sita sunt, hortusque, in quo Pyrus non occurrat ne tali quidem nomine dignus censetur. Quamobrem inter fructiferas arbores perquisitior, prætiosiorque Pyrus revera est, fuitque a Veterum usque Romanorum ætate, ejusque fructus apud nos secundas mensas toto fere anno instruunt. Singulas Pyrorum Æstivorum, Autumnalium, ac Hyemalium species hic recensere difficile admodum, ne dicam impossibile esset; quasdam tantum cultura digniores indicabimus.

Pyrus sativa, fructu æstivo parvo, racemoso, odoratissimo, *Inst. R. H. 628.* Pyra superba, parva, sed ocysſima Pilnio, *Lugd. Hst. 306.* Pyra muscatellina seu moschum redolentia, Pyra Chia, præcocia seu Joannina, *Quorumd. vulgo, Le petit Muscat, la Poire Musquette, la Poire de sept-en gueule.*

Ex ea Pyrum Præcocius prima Æstate apparet, nonnihil pingue, admodum exile, & facile marcescens, Moschi fragrantem odorem, saponem vero gratissimum habet, cumque aliis pluribus una progignitur. Junio exeunte, aut ineunte Julio maturatur. In horto satis sicco palatarum arborum more locatur, binæ, aut tres tantum arbores aptæ, satisque sunt, Plinius hanc Pyri speciem *superbæ* nomine indigitavit, quasi quis diceret *Pyrus elata*, quæ scilicet supra omnes eminere contendit.

Pyrus sativa fructu æstivo, oblongo, magno, partim rubro, partim albidio, odorato, *Inst. R. H. 632.* Pyra Boni Christiani æstiva, *Nonnull. vulgo, le Bon-Chretien d'été.*

Ex ea Pyrum colligitur crassum, luteum, tenerum, lævigatum, ac oblongum, optimo ac saccharino succo refertum; excellit autem in calidis regionibus.

Quamplurimæ aliæ Pyrorum Æstivorum species in pretio habentur, uti vulgo Gallorum *la Guisse-Madame, la Blanquette, la Poire a la Reine*, aliter, *le Muscat-Robert ou la Poire d'Ambre, la Belissime ou Supreme, la Cassolette ou le Friolet, la Bergamotte d'été, l'Inconnu-Cheneau ou la Fondante de Bresse, la Robine ou Royale d'été, l'Epine d'Eté, ou la fondante musquée*; quum autem prædicta omnia haud longius perdurent, ac una cum aliis speciebus abunde appa-

appareant, iis haud frequentius solum oneratur, quum præsertim autumnalia, & præ cæteris brumalia diutissime ac percommode servari possint.

Pyrus fativa fructu autumnali, subrotundo, e ferrugineo rubente, nonnunquam maculato, *Inst. R. H.* 629. Pyra parva subrufa vulgo, *Nonnull.* vulgo *la Poire de Rouffelet*.

Quamquam ex ea Pyrum exile sit admodum, hoc tamen commodi præstat, quod adhuc viride colligi, ac ab arbore segregatum maturari, adeoque diutius servari possit. Præ aliis autem notum est, ac æstimatur, magis longum, quam rotundum. Mediocre habet magnitudinem, elegantemque figuram, caudam vero vix crassam, ac extensam, colorem cinereum, ex una parte subrubrum, ex altera vero, e ferrugineo rubentem, ac nonnihil viridescentem, sese apte in luteum immutantem ad maturitatem indicandam. Ejus pulpa tenerissima est, ac delicatula, succus gratissimus, & peculiari ratione fragrans. Plerumque exeunte Augusto, ac Septembri maturescit. Facillime fructus edit Pyrus hæc arbutatarum arborum in morem fita, mirabiliter sylvulæ in modum, omnium maxime sponte crescens; hic autem animadvertendum est, magnam fragrantia partem certe amitti, si palatarum arborum more colatur, pyra tamen hac ratione pulciora, crassiora, & copiosiora progignuntur, quæ non obstantibus egregiis hisce omnibus qualitatibus, facile fatiscunt, quod unice vitium magnam in hisce servandis expostulat vigilantiam.

Pyrus fativa fructu autumnali, sessili, saccharato, odorato, e viridi flavescente in ore liquecente, *Inst. R. H.* 629. Pyra Bergamotta Gallis, *J. B.* 1. 45. Pyra Falerna Plinii, *Lugd. Hist.* 306. Pyra Bergamotia, *Nonnull.* vulgo, *la Poire Bergamotte*.

Bergamotum autumnale pulpam habet teneram, ac liquecentem, succum dulcem, saccharatum, & nonnihil fragrantem, præ cæteris copiosius exunte Octobri, ad medium Novembrim, ac plerumque ad Decembrim usque perdurat. Quædam discrepantia ratione coloris in eo occurrit: Aliud enim ex albo & fusco mixtum, ac subviride apparet, ac *Bergamottum simpliciter*, aut *Bergamottum vulgare*, aut *de la Hiliere*, aut *de Recons*, quæ idem significant, nuncupatur: Aliud vero luteis, ac viridibus tæniis discriminatur, unde *la Bergamotte suisse* appellatum fuit, quæ varietas in ligno quoque reperitur. Quoad essentiam tam una, quam altera ex hisce speciebus plurimum debet existimari, simul quoque conveniunt figura plana, umbilico magis penetrante, cauda brevi, ac minuta, tunica lævi, lutescente, ac sese maturescendo humectante. Pyris melioribus adscribitur, solum exposcit leve, ac arbutatarum arborum more, aprico in loco poni debet. Sylvulæ vero in modum lignum, æque ac fructus, delicatissimum læditur, fructusque nigris maculis notantur. Pyrum hoc a Bergamo Italiæ Urbe denominationem mutuatur.

Pyrus fativa, fructu autumnali, suavissimo, in ore liquecente, *Inst. R. H.* 629. Pyra *searotia*, seu Pyra instar adipis aut liquaminis in ore liquecentia, *J. B.* 1. 40. Pyra Butyri modo liquecentia, *Nonnull.* vulgo, *le Poire de Beurri*, *le Beurri rouge, gris, ou verd*.

Pyrum rubrum butyri modo liquecens, aliter *l'Isambert des Normands*, aut *le Beurri d'Anjou*, Pyrum ex albo, & fusco mixtum, ac Pyrum viride, ejusdem naturæ omnino sunt, ac plerumque in una eademque arbore commixta perspiciuntur, sic autem per excellentiam vocitantur, a nulla enim

alia Pyrôrum specie, aut succi exquisitissimi abundantia, aut pulpa molli, ac delicatula, aut sapore suavissimo superantur, conditiones profecto omnes pernecessariæ ad horumce fructuum excellentiam constituendam. Tam crassitie, quam figuræ, ac coloris elegantia visum delectant, tantaque fertilitate donantur, ut nimium onusti rami quandoque disrumpantur. Septembri exeunte apparent.

Pyrus sativa fructu autumnali, turbinato, sessili, flavescente, & in ore liquefcente, *Inst. R. H. 630. Pyra aquosa majora, J. B. 1. 50. Pyra Sancti Michaelis, seu nivalia, Nonnull. vulgo, le Doyennè, le Beurè blanc d'automne, la Bonn' entre.*

Nivale crassitiem, figuramque habet Pyro, Butyri modo, liquefcenti æqualem, caudam vero satis crassam ac brevem, tunicam compactiorem, colorem subviridem maturefciendo plurimum lutescentem. E palatis arboribus enascens facie Solem versus vergente, vivido colore, rubro distinguitur. Pyrum hoc revera in ore liquatur, succumque dulcem habet, ita tamen, ut plerumque fere nihil exquisiti sapiat, non obstante nescio qua fragrantia prorsus ignobili; pulpa autem nonnunquam arenosa, adeo facile flacescit; ut vix apto, debitoque tempore eo vesci possimus. Quocumque demum in loco nusquam fecunditate, ac pulchritudine sua destituitur.

Pyrus sativa fructu autumnali, tuberoso, sessili, saccharato, carne dura, *Inst. R. H. 630. Pyra saccharata duriora, Nonnull. vulgo, la Poire de Messire-Jean, le Messire-Jean blanc, & gris.*

Pyrum saccharatum durius, vel Album, vel ex albo, & fusco Mixtum indiscriminatim figuram habet planam; postremum vero rudiorum tunicam; primum autem delatiorum; pulpam vero fragilem, saccharato succo, mediocri que magmate refertam. Arbor elegantem efformat sylvulam, solumque mediocriter humidum amat, terra enim nimis sicca, Æstate præsertim ardentiori, fructum reddit exilem ac satium, exeunte Octobri maturefcent, secundasque mensas ornatissimas reddit.

Pyrus sativa, fructu brumali, longo, e viridi flavescente, in ore liquefcente, saccharato, *Inst. R. H. 632. Pyra saccharata flavescentia, Pyra glacialia, Nonnull. vulgo, la Virgoulè ou la Vigoureuse.*

Pyrum glaciale in Aquitania *Bujaleuf*, Lemovici *Chambrette*, in Vasconia *Poire de glace*, variis in locis, *Virgulese*, & *Virgouleuse* nuncupatum, vocari potius debet simplici vocabulo *Virgoulè* ob pagum *Virgoulè* prope oppidum *S. Leonardi* in agro Lemovicino, a quo denominationem sumpsimus. E vico autem facile ubique prodiit ejus possessoris liberalitate, Marchionis scilicet de *Chambret*. Pyrum hoc oblongum est, satisque crassum, cauda curva, brevi, carnosam, umbilico mediocriter conspicuo, nonnihil profundo, tunica lævi, compacta, quandoque colorata, maturefciendo e viridi ad luteum vergente, pulpa tenerrima, ac liquefcente adeo, ut tempore debito inter fructus omnes optimum censeatur. Fama igitur percrebescente non satis longo annorum intervallo, non minus quam ceteræ pyrorum species, in omnibus fere Europæ hortis hoc quoque propagatum fuit. Pulpam vero habet teneram, ac liquefcentem, succum copiosum, ac saccharatum, saporem delicatulum, ac recreantem, eximia cum fertilitate: diutius autem Bergamoto perdurat; ejus præterea arbor ubique mirabiliter viget, ligni etiam ingentem producit copiam, elegantis æquali colore præditam, ac lucescentem adeo, ut assidue expolitum videatur.

Pyrus fativa, fructu brumali, longo, a viridi flavescente, in ore liquefcente, *Inst. R. H.* 632. *Pyra Sancti Germani* vulgo, *Nonnull.* vulgo, *la Saint Germain*, ou l'inconnue de la Fare.

Pyrum Sancti Germani crassum, longumque est, colorem habet rubro-viridem, nonnullis maculis distinctum, maturefciendo luteum, caudam brevem, crassam recurvam, pulpam tenerrimam, nihil magmatis, saporem excellentem, succi denique plurimum, qui succus nonnihil citrei acidi aliquando sapit, ideoque nonnullis pergratus, aliis vero invisus. Eodem ferme tempore ac *Pyrum glaciale* colligitur.

Pyrus fativa, fructu brumali, magno, pyramidato, e flavo nonnihil rubente, *Inst. R. H.* 630. *Pyra Boni Christiani*, *J. B.* 52. *Raii Hist.* 1451. *Pyra Pompejana* cognomine Mammosa, *Plinii Lugd. Hist.* 306. *Pyra Bon Chrestiana* vulgo, *Nonnull.* vulgo, *la Poire de Bon Chretien d'hiver*.

Pyrum Boni Christiani brumale satis longinquam originem ducit, ac ob illustrem denominationem a primis usque Christianæ Reipublicæ temporibus in hortis speciatim Christianorum excultum fuisse conijci potest, præ cæteris venustum ac nobilissimum est, mire crassum, figura oblonga pyramidali, colore inter roseum ac luteum elegantissimo. Pulpa donatur fragli, ac plerumque tenerrima, sapore gratissimo, succo copioso, saccharato, ac fragranti, unde procul dubio a majoribus nostris præ cæteris *Bonum* appellatum fuit, uti ab omnibus nuncupatur, excepto *Poitou*, a quo *Pyrum Christiani* solummodo vocitatur. *Pyrum* hoc revera excellens reputatur, quum præcipue ad exitum usque Hyemis & ad Veris primitias perdurare soleat, ac secundas mensas non crudum tantum, verum etiam condimenti forma probe paratum magnopere exornet. Præcipue Boni Christiani tam longi, quam rotundi, viridis, aurei, fusci, vel lævigati, Angli, vel nucleo destituti differentiæ, a soli, regionis, ætatis, arborisque virium diversitate, aut omnino, aut partim progignuntur.

In infinitum fere nobis esset progrediendum, si aliæ omnes *Pyrorum* species essent recensendæ, hinc ad descriptionem *Pyri sylvestris* transitum faciamus.

Pyrus Sylvestris, *Offic. Pyrus sylvestris major*, *C. B. P.* 439. *Inst. R. H.* 632. *Pyra sylvestria*, *Tabern. Icon.* 1018. *Pyrafter* seu *Pyrus sylvestris*. *J. B. I.* 57. *Raii Hist.* 1451. *Pyrafter Γαζα*, *Ἀκρας*, *Theophrasti*. *Pyra strangulontea*, seu *strangulatoria*, *Achras* seu *Pyrus sylvatica*, *Nonnull.* vulgo, *le Poirier Sauvage* ou des bois.

Radice est crassa, & profunda, caudice *Pyro fativa* plerumque minore, minusque elato, densissimo tamen, ramisque pluribus stipato, cortice rudi, rimisque undique patulo, ligno luteo splendente, ac sativo duriore. Rami autem spinis duris, ac pungentibus armati sunt. Folia oblonga aut rotunda, carnosæ, ac satis densa, postica parte lanuginosa ad instar foliorum *Mali Cydoniæ*, subviridia vero, lævia, ac lucentia in parte antica, demum acuta. Flores plurimi una simul umbellati apparent quinque petalis albis, rotundis, rosaceis, *Pyri fativæ* æmulis, pendunculis lanuginosis, pluribusque staminibus, purpureis apicibus donatis, quibus succedunt fructus, aut parva *Pyra* oblonga, aut rotunda, figura *Pyris* domesticis æqualia, dura tamen, saporis asperi, austeri, vel acerbi, ut iis vesci haud quisquam possit, priusquam flacescant, quod Octobri succedit. In pulpæ centro semina nonnulla,

sive

sive nuclei occurrunt Malorum nucleis per quam similes. Arbor hæc externa sui facie, multitudine, acutieque spinarum facile a Malo sylvestri distincta in Normannia, pluribusque aliis regionibus in nemoribus, sepibus, arvisque excrescit, una cum aliis Pyri speciebus flores emittit, aliquando etiam celerius. Quæstio est juxta Rajum, utrum Pyrus sylvestris cultura in Pyrum sativam converti possit: Thophrastus hoc aperte negat; Scaligero autem teste, si alio transferatur, colaturque, pristinam ac naturalem austeritatem, spinas, lignique densitatem deponit. Rajus addit, vix credere, a Scaligero, propria experientia hoc assertum fuisse. Plurimæ sylvestrium Pyrorum species ubique adinveniuntur in sylvis, ac præcipue in montanis frigidisque locis: regiones enim calidas omnino respuit, uti Ægyptum, ubi Pyrus sativa quoque haud raro reperitur.

Pyri denominationem a *Pyramide* deducendam esse autumatur, eo quod Pyrum ut plurimum figuram fere pyramidalem habeat. Pyrum vero Sylvestre *A'χράς* Græce nuncupatur, a verbo *ἀρχαί*, strangulare, étrangler, appellatur etiam vulgo, *Poire de Malingre ou d'Etranguillon*, magna enim stypticitate adeo oris, fauciumque fibras afficit, ut strangulare pene videatur.

Pyra omnia tam sativa, quam sylvestria plurimum habent olei, salisque essentialis. Inter sativa præ omnibus optima recensentur, quæ pulpam habent liquescentem, aut saltem tenerrimam, ac delicatulam, succum dulcem, & saccharatum, optimum saporem, ac præsertim fragrantem; talia profecto sunt *les Poires de Bergamotte, de Beurree, de Verte-Longue, d'Ambrette, de Virgouleuse, de S. Germain, de Royal d'hyver, de Crasane*, & similia. Minori vero in pretio habentur, quæ pulpam habent mollem, acidam, duram, coriaceam, magmate refertam, aut fabulosam, saporem denique asperum, ac sylvestrem.

Ante maturationis tempus Pyra quæcumque omnino reiicienda sunt, difficile enim segniusque concoquuntur, vitiatos succos producunt, maximamque nauseam excitare solent. Pravæ hæc qualitates fructibus omnibus intempestive collectis generaliter tribuuntur; flatulenti enim sunt, stomachis debilioribus infestissimi, colicasque contumaces, ac periculosas quandoque procreantes, a nonnullis præterea nervosis partibus adversantes summopere reputantur; unde morborum popularium cohors, annis præcipue fructuum feracissimis; tunc enim mulieres præsertim ac pueri iis fere solis nutriuntur: modus igitur servandus est, interque Pyra, dulciora, & maturiora, non aspera, & styptica, sunt seligenda, atque sic, quacumque tempestate, cuicumque ætati, ac temperamento convenient. Colligi autem præcipue debent cælo sereno; decidua, aut contaminata secernenda sunt, ne cætera ab iis inquinentur, in locis siccis, frigidisque, ut melius custodiri possint, in tabulis reponuntur, ac Hyemis tempore in subterraneis cavis optime conservantur.

Pravæ Pyrorum qualitates, ac præ omnibus, flatulentia corrigitur, coctura, condimenti forma saccharo, aromatibusque, parata: radiis quoque Solaribus aut clybano exsiccantur excorticata, ac per medium secta, unde salutaria fiunt, uti hoc versiculo innuitur a Scola Salernitana,

Cruda gravant stomachum, relevant Pyra cocta gravatum.

Pyra demum, sylvestria, pulpæ flaccedine, ac ingrato sapore a sativis etiam ignobilioribus satis distinguuntur; tanta stypticitate, ac acerbitate donantur, ut vix quidem ulla præparatione comedi possint: si vero Pyrus sylvestris colatur, pyra satis dulcia producit, apta saltem ad Siceræ speciem quamdam efformandam, *Poirè*, vulgo nuncupatam, qua populi Normanniæ ob Vini defectum, plurimum utuntur, eademque ratione, ac Pomaceum suo loco descriptum parari solet, diutius tamen haudquaquam perdurare potest, Æstivo enim calore facile acescit. Citrum hoc aut Cidrum Pyraceum colore ac sapore plurimum Vinum album æmulatur, pectorique amicum, stomachum roborat, & humectat, sitim sedat, iisdemque fere virtutibus, ac Pomaceum donatur. Pyrorum nucleis vis vermicifuga adscribi solet.

Succus Pyrorum sylvestrium in syrupo Myrti *Pharmacopææ Parisiensis* usurpatur.

Q U E R C U S .

QUERCUS, *Offic.* Quercus latifolia mas, quæ brevi pediculo est, C.B.P. 419. *Inst.* R. H. 582. Quercus vulgaris brevibus ac longis pediculis, J. B. I. 70. *Raii Hist.* 1385. Quercus vulgaris, *Ger.* Platyphyllos mas, *Lugd. Hist.* 2. Quercus foliis annuis oblongis superne latioribus, sinibus acutioribus, angulis obtusis, *Linn. Hort. Cliff.* 448. Drys, Græcorum, Robur, Jovis Arbor, sive Arbor Jovi sacra, *Nonnull.* vulgo, *Chêne commun à larges fevilles.*

Radice est crassissima, ac profunde in terram immersa, trunco crasso, erecto, robusto, longum in ævum perduraturum, ramis in latum sese expandentibus onusto, cortice denso, rudi, scabro, rimisque patulo, interne rubro, aut sub rubro. Folia magna sunt, oblonga, lata, angulis obtusis, sinuosa, oris profunde incisus serrata, in vetustiori præcipue arbore, glabra, atroviridia, solitaria, brevibus appensa pediculis, medio crassiore nervo eminente, præcipue in parte postica. Flores sunt quædam veluti receptacula oblonga parvis globulis conflata nervo minuto appensis, steriles autem sunt, nullumque post se fructum relinquunt. Fructus enim peculiaribus in locis in Quercu ipsa nascuntur, vocanturque *Glandes*: fere Olivæ crassitiem habent, figuram vero ovalem, aut cylindricam, quo autem latere arbori adhærescunt pileolo duro, ac cinereo, ob configurationem calice nuncupato includuntur, tectæ, vero sunt tunica coriacea, expolita, lucescenti, initio viridi, maturescendo autem sub-lutea, sub qua species quædam occluditur Amygdalæ, aut seminis duri binis lobis conflati, saporis asperi, ac austeri, uti & calix, tertiam glandis partem occludens. Glandis cujuscumque extrema, cuspidem brevi, & acuta, armata sunt. Glandes vero arbori appenduntur pediculis longis, vel brevibus, minutis, e foliorum alis nascentibus; binæ aut tres simul ut plurimum junctæ, raro solitariae apparent. Arbor hæc inter sylvestres vulgarissima, omnibusque Europæ regionibus notissima est, quodcumque enim solum Quercui aptari potest, exceptis accidentalibus qualitatibus a loco, aut a semine oriundis. Quercum, cujus glans longum habet pediculum, speciem esse diversam a Quercu, cujus glans habet brevem, a Rajo existimatur. Addit

inde, glandium causa magnas esse inter Quercus varietates, difficileque admodum esse, denominationes, descriptionesque a Veteribus nobis relictas cum hodiernis Quercubus conciliare, quod cum a celebrioribus Botanicis tentatum quandoque fuisset, tamen, discrepantibus eorum sententiis, difficultates Lectoribus ut augeantur potius, quam tollantur, necesse est.

Quercus in sylvis præcipue, nemoribusque, elatis, montanisque locis crescit; ejus folia flore sunt præcociora, Aprili, ac Majo flores emittit, fructus autem Autumno maturescit. Facile quocumque in solo progignitur, præsertim vero sabuloso, ac Septemtrionem versus, præ cæteris, pingui, nec aquis infestato; quo minoribus autem dotibus solum afficitur, eo minus crescere, compertum est, generaliter loquendo, arborum fertilissima, ac fecundissima recensetur quamvis lente admodum perfectionem acquirat, quum vulgatissima sit opinio, ut seculi spatium augmentum capiat, eodem temporis intervallo in eo statu permaneat, ac demum eodem seculi spatium ad interitum declinet. Quercum, pedem sese in terram usque elongari fertur, dum ad tophum pervenerit, æqualemque esse radicum numerum, ramorum numero; æmulus caulis pes a Veteribus credebatur, a pluribus quoque præcipitur, in Quercu traducenda, quum ad extremam proceritatem usque servanda sit, ut pes integer fervetur; aliter enim planta exsiccaretur omnino. Quercus lignum præ omnibus pro lignariis fabris, politioribus minutariis, ac sculptura aptissimum est; senis aperto in aere, quindecim vero sæculis in fistulationibus perdurat, exustum vero pro carbonibus aptissimum esse solet. Quercus Danica, in minutariis, Quercus, aut lignum Batavum, nuncupata, ad elegantissima tabulata conficienda censetur apta, nodis enim omnino fere caret, teneriorque esse solet Quercubus regionum calidarum. Quercus præsertim junioris cortex utilissimus est ad pulverem coriarium conficiendum, eo enim corium prima quadam præparatione depilatur, eundemque usum habet ejus ligni rasura. Arborum ergo regina jure, ac merito Quercus vocari potest. Rajus asserit, lignum hocce in ædificiis plurimum perdurare, dummodo a nimia humiditate præservetur, quinimo progressu temporis indurari adeo, ut resistentia sua ferrum æmuletur, ac vix unquam humiditatis, ac siccitatis vicitudinibus corrumpi, ad navigia construenda aptissimum esse, flexibile enim, compactumque est, nec nimio peccat pondere, ac difficile ab aqua, tormentariisque globis penetratur, præcipue vero in navibus. Quercum Anglicam in pretio haberi, & quamvis alia duriora, solidiora, ac ponderosiora reperiantur ligna, nempe Buxum, Cornum, Ebenum, Brasilianum, nihilominus fractu facillima, minusque apta ad magna ferenda pondera recenseri; præterea, ad parandum corium, Quercus corticem pulveratum adstringentibus cæteris efficaciorum esse, corium enim Anglicum hac ratione perfectum soliditate, ac duritie nemini cedit, nullam denique arborem, præter sibi naturales, adeo magnum peculiarium fructuum numerum progignere, una excepta Quercu, excrescentiæ enim, tubercula, sive tumores præternaturales, ab insectorum moribus producti, hac illac in ea reperiuntur.

Cortex, alburnum, lignum, folia, glandes, nuces, gallæ tubercula in foliis locata, viscus, fungus muscus quoque, uno verbo, omnes tam naturales, quam præternaturales, & excrementitiæ Quercus productiones majorem, minoremve usum Medicum habent.

Quercus folia satis styptica, amariuscula ac glutinosa sunt, papyrumque caru-

caeruleum in saturate-rubrum immutant, quod magis quoque a glande, austero sapore, prædita inficitur. Aluminosum sal exigua salis Ammoniaci, magna vero sulphuris portio hac in arbore continetur: acidum vero præ aliis in ea dominatur, uti in *Oxisale Diaphoretico Angeli Salæ*. Analyseos autem Chymicæ ope præter plures acidos liquores nonnihil urinosi spiritus, salis volatilis concreti, plurimum olei, ac terræ Quercus folia ministrant: ejus vero lignum per retortam distillatum, spiritum satis acidum, Oleo foetido in recipiente transeunte, quibus sane principiis omnes Quercus partes adstringentes esse manifesto evincitur. Proprietas hæc a veteribus Medicis Dioscoride, & Galeno neutiquam fuit ignorata, eamque præsertim agnoverunt in albarno, ac in tunica sub glandis cortice sita. A Neotericis pariter cortex, folia, glans, calix, uti adstringentes vel simplices vel præparati adversus Dysenteriam, sanguinis sputum, fluores albos, aliasque hæmorrhagias usurpari solent. In *Ephemeridibus Germanicis Decuria III. anno 1. pag. 86.* Doctor Ledelius refert, in Dysenteria violentioribus paroxysmis comitata, præter simplicem corticis Quercus, ptisanæ forma, exhibitam decoctionem, præstantius remedium haudquaquam invenisse; alii vero adversus eundem met morbum glandes, aut calicem ustum ac pulveratum, ʒj. vel ʒij. una cum Lacte calido & adversus colicam affectionem absque ulla ustulatione in usum revocant. Tragus tamquam optimum remedium adversus quascumque fluoris species aquam distillatam cymarum, glandiumque Quercus proponit, addit inde sanguinis mictum a nimio Cantharidum usu sedatum vidisse, glandibus tuis, ægris, propinatis.

Alexiteria quoque facultate Quercum præditam esse, veteres Medici autumarunt, venenatis enim Lac, in quo ejus glandis cortex ebullierit, fructumque prædictum adversum animalium veneficorum morsus propinabant; quæ tamen hisce diebus absoleta sunt, præstantioribus in medium productis.

Quandoque etiam penuriæ tempestate, Quercus glande, panis confectus fuit, extrema urgente necessitate, aliorumque alimentorum defectu vix tollerandus, ponderosus quippe est, ac flatulentus, caput præsertim lædit, inebriat, ac difficilem digestionem procreat. Stomachis certe, nostris, longe robustioribus, primi nostri parentes præditi erant, quum prædicto pane vescebantur; hodie porcis solummodo relinquendus, quo profecto facile obesi fiunt.

Non desunt præterea qui Quercus lignum, non secus ac Guajacum ad referandum, ac roborandum commendent, vocentque *Guajacum Germanicum*. Aqua, quæ quandoque in antiquarum Quercuum cavis reperitur adversum scabiem, verrucasque optima recensetur. Succus e terebrata Quercu elicitus adversum sanguineum mictum in *Transactionibus Philosophicis Anglicis* plurimum prædicatur. Foliorum vero teneriorum ac sub rubrorum decocto ex Vino, Gargarisma paratur dentium dolorem a fluxione oriundum optime sedans, si eo calido frequentius quoque os diluatur, quod remedii genus sæpenumero felici successu in inveteratis etiam dentium doloribus. J. Bauhinus a se expertum fuisse affirmat. Res plane mira ab Hoffmanno in *Introductione ad Pharmacopœam Schorderi* refertur, scilicet equos cinereo-scutulatos, pilum omnimode nigrum acquirere, dummodo Veris tempore & ultra Manipulum unum germinum Quercus pro unoquoque Avenæ Modio iis devorandum ministretur, ob vitriolicum salem in his contentum.

Quod vero ad usum attinet exteriorem, cymarum decoctio in Vino utilissima quoque est pro Gargarismate in faucium morbis. Galenus vero, nullo alio præ manibus occurrente remedio, foliis hujusce arboris vulnus securi inflictum sanavit, glande tusa ad enascentem phlegmonem dissipandum, ac ulcera exsiccanda in usum revocata. Ad arthriticos autem dolores leniendos ligni Quercini decoctio a D. Hagendorn, tamquam optimum remedium proponitur, extante ejusdem observatione in *Ephemeridibus Germanicis Decuria II. anno V. pag. 197.* juxta vero ejusdem sententiam melior quoque recenseri debet liquor e trunci recenter dissecti vasorum extremitatibus emanans: afferit inde aquæ in cavitate trunci asservatæ lotionem, contumaciorem scabiem sanari.

Hic loci de Quercus protuberantiis, *excrementis* nuncupatis, de Nuce scilicet Galla, Melle, ac Pilulis in foliis apparentibus, aut Visco in ramis, aut *Uva Quercina* circum radices, adinstar Uvæ racemi, neutiquam verba faciemus. Nullum fere enim, exceptis Gallis inter exotica Medicamenta jam descriptis, & Visco in sequentibus describendo, usum Medicum habent.

℞. pulv. Alburni Quercini, aut Calicis glandis ʒ ij. Bistort. ac Tormentill. p. ana. ʒ j. M. cum f. q. Syrupi Cydoniorum, F. p. æ. N. viij. quarum una, quarta quaque hora in Dysenteria propinabitur.

℞. Cort. Quercini p. ʒ j. Dilue in ʒ vj. Lactis cremore destituti. Coletur inde, calidumque propinetur mane jejuno stomacho novem dierum spatio adversus albos fluores.

Q U I N Q U E F O L I U M.

QUINQUEFOLIUM, *Offic.* Quinquefolium majus repens, C. B. P. 325. *Inst.* R. H. 297. Pentaphyllum, sive Quinquefolium vulgare repens, J. B. 2. 397. Quinquefolium majus, *Dod. Pempt.* 116. Pentaphyllum vulgarissimum, *Fark. Raii Hist.* 611. Quinquefolium, *Matth. Anguill. Lob.* Quinquefolium vulgare, *Trag. Ger.* Potentilla foliis digitatis, caule repente, pedunculis unifloris, *Linn. Flor. Svec.* 152. Pentaphyllum seu Quinquefolium vulgare passim nascens, Quinquefolium majus luteum, Pentaphyllum verum, Pentapetes, Pentapteron, Pentatomon, Pentadactylon, Callipetalon, Xilopetalon, Xylolotum, Pseudoselinum, Asphaltion, Chamæzelum, Manus Martis, *Quorumd.* vulgo *Quinteseville Commune.*

Radix longa, minimum digitum quandoque crassa, fibrosa, extus subnigra, intus rubra, saporis adstringentis, plures, uti Fragaria, emittit caules pedem cum dimidio fere longos, rotundos, graciles, flexibiles, hirsutos, subrubros, per intervalla geniculatos, e nodis vero folia, ac radices, quibus planta dilatatur, & multiplicatur. Folia oblonga sunt, rotundis extremitatibus, nervosa, hirsuta, denticulatis marginibus, atro-viridia, digitata, ac quinque ut plurimum, eadem in cauda tres & ultra pollices longa, locata. Flores autem solitarii, quinque luteis petalis, rosaceis, nonnihil latis, & cordatis, summis caulibus emergunt longis elati pedunculis, facile flavescentes, viginti staminibus, apicibus elongatis, Lunæ crescentis cornua æmulantibus, pistillo in fructum abeunte fere rotundum, pluribus conflatum seminibus acutis, ac ad modum capitis globatis, calyceque floris contextis. In arvis, sabulosis, saxosisque locis, in pratis, aquarum marginibus, nemoribus

ribus humidis, umbrosisque, ac fere ubique abunde crescit planta hæc, Major, Junioque flores emittens. Radix præcipue in usum Medicum revocari solet, Vere colligitur, extima tunica subnigra, ac tenuis, & cor, radice adaperta, abiguntur; tunica dein intima baculo obvoluta exsiccatur, servaturque ad usum. Recenter exsiccata, optimi coloris, probeque enutrita seligi debet. Theophrasto duce a J. Bauhino adnotatur, radicem hanc siccam quadratam figuram acquirere. In *Historia vero Plantarum*, Boerhaavii nomine, publici juris facta exilior Quinque folii species *Pentaphyllon* vocatur, aliæ vero majores *Hptaphyllon*, eo quod septem foliis eadem in cauda sitis distinguantur.

Balsamica, vulneraria, adstringensque est planta hæc, parumque salis volatilis concreti Analyfi Chymica ministrat. Foliorum sapor nescio quid visci habet, iisque nonnihil papyrum ceruleum rubescit, radicibus vero magis, quæ cum acidiusculæ ac stypticæ sint, opinari facile possumus, in iis inter magnam terræ, ac sulphuris portionem parum Ammoniaci salis contineri, qui in foliis viscoso phlegmate irretitur.

Quum potissimum adstringendi adsit indicatio, ut in mensium fluxu copiosiori, in fluxibus hæmorrhoidalibus immoderatis, ac sputo sanguineo; ad nimium in vulneribus sanguinis effluvium sistendum, ad omnes denique hæmorrhagiæ species, utiliter in ptisanis, jusculisque adstringentibus Quinquefolium usurpatur. D. Chomelius Medicus Parisiensis consumatissimus in *Historia Plantarum usitatorum*, radicem hanc, tamquam tutissimum remedium adversus fluxus, ac Dysenteriam proponit, asseritque ut plurimum vel propria experientia, *Ipecacuanha* præstantius deprehendisse: ℞ j. in aquæ ℞ iij. ad tertiæ partis consumptionem ptisanæ forma ab eo exhibebatur, non minus in prædicto morbo, quam in sanguinis sputo, mensiumque immodico fluxu. Dracma una ejusdem radicis pulveratæ in aquæ cyatho ante paroxysmum propinata, febres intermittentes propelli ajunt: remedium profecto comprobatum usque a magni Hippocratis ævo; qua de causa Rajus, juxta auctoritatem D. Hulse plagiarii Spon, ait, Quinquefolium, plantam esse amariusculam, ac admodum adstringentem, fibras ventriculi febris debilitatas roborandi, & acidis stomachi succos temperandi ac figendi vi præditam, indubiumque esse, in Græcia, in qua Hippocrates vixit, majoris esse efficaciam, quum præcipue maxima plantarum pars, ac præsertim aromaticæ majori semper vi polleant in calidis, quam in frigidis regionibus, nihilominus, addit inde idem Author, vulgares quidam in nostris etiam hisce regionibus inventi sunt, qui parentum traditione edocti, Quinquefolii decoctione, febres intermittentes edomant. Garidellius vero in *Historia Plantarum Aquisextiensium*, ptisanam sequentem adversus malignas febres proponit felici successu a se ipso pluries comprobata.

℞. Hord. integri Man. j. Cort. rad. Quinquefolii ℞ j. Rasur. C. C. ℞ β. Coque in aquæ ℞ vj. ad tertias. Coletur inde liquor linteolo absque expressione, & adde Citri semisse taleolatim secti pro potu ordinario.

Prædictarum quoque radicum paratur Extractum a ℞ j. ad ℞ ij. in quacunque Hæmorrhagiæ specie propinandum.

Quoad vero hujusce plantæ extrinsecum usum, aquam distillatam foliorum manuum tremorem sanare nonnulli Authores autumant, dummodo ea sæpius diluantur ægri, eamque exsiccari absque ulla abstersione sinant. Alii

vero succum expressum ad sanandas fistulas proponunt bis de die in iis injectum, magmate, Cataplasmatibus forma, superimposito. Notum præterea est, Gargarisma eorum decoctione paratum faucium morbos, orisque ulcera depellere.

Radix Quinquefolii in Aqua Generali, ac Theriaca, folia vero in Balsamo vulnerario *Pharmacopœæ Parisiensis* usurpantur.

R. Rad. Quinquefolii, Consolid. maj. & Bistortæ ana. $\frac{3}{4}$ lb. Corticis Mali Punici, ac Fructuum Ruhs. ana. $\frac{3}{4}$ lb. Ebull. in aquæ lb. ij. ad quartæ partis diminutionem. Infunde deinde Glycyrrhizæ in fila evullæ $\frac{3}{4}$ lb. Coletur pro ptisana adstringenti adversus dysenteriam, sanguinis sputum, mensesque immodicos.

R. Rad. Quinquefolii, Bistortæ, & Tormentillæ ana. $\frac{3}{4}$ lb. Fol. Sanguinaria, Plantaginis, Millefolii, ac Urticæ min. ana. Man. j. Flor. Rosar. rubrar. & Balaustrorum ana. pug. j. Ebull. in aquæ lb. vj. ad quartæ partis consumptionem. Coletur liquor linteolo, levi expressione,edulcoreturque unaquæque colaturæ libra, $\frac{3}{4}$ lb. Syrupi Consolidæ maj. aut Rosar. exsic. pro Apozemate, cujus tria vel quatuor pocula de die exhibebuntur in sanguinis sputo, & vomitu, aliisque hæmorrhagiis.

R. Decoctionis Rad. Quinquefolii $\frac{3}{4}$ lb. Catechu, Terræ sigill. ac Succini pp. ana. $\frac{3}{4}$ lb. Syrupi Papaveris albi, & Consolidæ ana. $\frac{3}{4}$ lb. M. pro potione adversus sputum sanguineum.

R. Rad. Quinquefolii p. $\frac{3}{4}$ lb. Conservæ Rosar. rubrar. $\frac{3}{4}$ lb. Syrupi Consolid. f. q. M. f. b. in ventris fluxu ac dysenteria.

R. Rad. Quinquefolii p. $\frac{3}{4}$ lb. Dilue cyatho calidæ pro dosi ante febrium intermittentium paroxysmum exhibenda, quæ repeti potest juxta exigentiam.

R A N U N C U L U S.

IN copiosa RANUNCULORUM familia quatuor tantum usitatiores recensentur, 1. scilicet Ranunculus bulbosus, 2. Ranunculus sylvarum, seu nemorosus, 3. Ranunculus pratensis, 4. Ranunculus palustris.

Ranunculus bulbosus, seu tuberosus, Offic. Ranunculus pratensis, radice verticilli modo rotunda, C. B. P. 179. *Inst. R. H.* 289. Ranunculus tuberosus major, J. B. 3. 417. Ranunculus bulbosus, *Lob. icon.* 667. *Ger. Park. Rain Hist.* 581. Ranunculus Flammula dictus, *Gesn. Hort. Crus Galli*, *Brunf.* Ranunculus Calycibus retroflexis, pedunculis sulcatis, caule erecto, foliis compositis, *Linn. Flor. Svec.* 170. Ranunculus radice bulbosa, vel tuberosa flore simplici, *Camer. Hort.* Ranunculus rotundus, Flammula minor rotunda Vulcani, Batrachium exiguum, Batrachion Apuleii, Rapum Divi Antonii, Radix tuberosa nucis juglandis magnitudine, Pes Cervinus, *Nonnull.* vulgo *la Renoncule bulbeuse*, *le Bacinete*, *le Pied de Corbin*, ou *le Pied de Coq à racine ronde ou à tubercule charnu*.

E radice rotunda, bulbosa, plus, minusve crassa unus, aut plures emergunt caules erecti, quandoque pedales, & ultra, hirsuti, per intervalla ornati foliis compositis, ac longiusculis, in quorum apice progignuntur flores adaperiti, luteo-lucescentes, plerumque simplices, quinque rotundis, nectariiferis, rosaceisque petalis, calycis foliis pedunculum versus reflexis, constantes.

res. Hisce rotundi fructus præsto sunt, in quibus plura capitata semina occluduntur. Majo florescit, ac fere ubique occurrit in pascuis, pratibusque elatis, & siccis, juxta vias, in locis sabulosis, saxosisque, in quibus exilis adeo apparet, ut vix ad tres assurgat pollices. Observat Tragus, plantam hanc singulis annis altius in terram radicem veterem immergere, supra quam novissima producit. Simples tantum flores ruri, in hortis vero translata, culturæque commissa elegantem duplicium florum varietatem suppeditat, quandoque etiam flos primo apparens alterum, vel tertium quoque adjunctum habet.

Plurimum salis acris, & corrosivi generaliter sub quacumque Ranunculi specie occluditur, unde perniciosus interne exhibitus recenseri debet. Fortasse omnino in arte Medica esset proscribendus, quum autem a Nonnullis externe usurpetur, ut modo indicabimus, id potius cautos nos reddet in eo præscribendo.

Radix autem acerrima, & caustica est, ad cauteria, ac vesicatoria forte apta, ni gangrænam quandoque suscitaret a circulatoribus haud raro arthriticorum articulationibus, calida, emollita, ac incisa audacter superimposita; quum vero alia satis tuta, nec nocentia vesicatoria præsto sint, cur prædicto adeo suspecto utemur? Juxta autem Caspari Hoffmanni relationem, hac planta cutis a mendicis fricatur, ut ulcuscula, & excoriaciones appareant, ac magnis ululatibus hæc ostentando, transeuntium charitas excitetur, ejusque fructibus avide collectis, confestim Verbasci foliis, ulceribus, applicatis sanantur. Quandoque etiam planta hæc tusa, manuum carpis, cum sale, ac aceto adversus febres imponitur, infelici ut plurimum successu, cutis enim sæpe elevatur, imposito quasi igne, erysipelatosæ fluxione, febris (ut plurimum permanente) magis cruciante; tamen ex ea causticorum more applicata, effectus plane miros comprobatum fuisse, asserit Chesneau, in morbis præcipue capitis pertinacioribus, ac arthritide, exemplo Ecclesiastici, qui quum postremo hocce morbo, trium annorum elapso jam spatio, in lecto detineretur, mœrore captus, partibus magis dolore affectis, Ranunculi contusa folia admovit, vesicis excitatis, ac serositatibus magna copia effluentibus, sanus omnino evasit. Camerarius admonet, hujusce plantæ radicem recentem, causticam ac urentem, exsiccatam vero mitiorem esse mensis curriculo præterlapso.

Ranunculi bulbosi radix in Emplastro *Diabotano* Ph. *Parisien.* usurpatur.

Ranunculus nemorosus, *Offic.* Anemone nemorosa flore majore ex purpurea rubente, vel candido, C. B. P. 176. Ranunculus phragmites albus & purpureus vernus, J. B. 3. 412. *Inst. R. H.* 285. Anemone V. *Dod. Pempt.* 435. Ranunculus sylvarum, *Clus. Hist.* 147. Anemone nemorum alba, *Ger. Raii Hist.* 624. Ranunculus nemorosus albus simplex, *Park.* Ranunculus candidus cum rubore, *Trag.* Ranunculus phragmites flore lacteo, *Gesn. Hort.* Sanicula minor quibusdam, *Brunf.* Anemonodoides flore albo, *Boerb. Ind.* 36. Anemone seminibus acutis, foliolis incis, caule unifloro, *Linn. Hort. Cliff.* 224. Ranunculus chelidonium, Ranunculus lacteus, Ranunculus albus nemorensis, Ranunculus vernus flore albo vel roseo, Ranunculus præcox candidus vel purpureus, *Nonnull.* vulgo *la Ranoncule des bois*, *la fausse Anemone printanière des forets*.

Huic radix est crassiuscula, longa, repens, extus purpurea, aut atra, lu-

tea vero adhuc junior, intus alba, Polypodii Quercini radici proxima, saporis acris adeo & austeriusculi, ut ea mansa fauces inflammantur, fibrisque capillaribus stipata. Exiguum, delicatulum, subrubrum, palmumque cum dimidio, & ultra altum caulem propellit, e quo prope fastigium tria emergunt folia, pedunculis subrubris, dimidium pollicem longis, hirsuta, quandoque subviridia, quandoque purpurea, ad pedunculum usque trifida, in caulis vero apice unicus locatur flos, calyce destitutus, modo albus, modo purpureus, aut roseus, senis oblongis petalis constans, pluribus staminibus subluteis in ejus centro locatis: abit inde in plura semina variegata, oblonga, villosa, cuspidate recurva, ut in Ranunculo, capitata. Martio exeunte floret, ac ineunte Aprili, citius, feriusve juxta variam Hyemis indolem. Hæc Verni Ranunculi satis elegans species in agro Parisiensi, & alibi frequens occurrit in nemoribus, ac dumetis humidis, quandoque etiam flore duplici, aut albo, aut purpureo.

D. Chomelius in *Tractatu usitatorum Plantarum*, asserit, Ranunculi speciem hanc felici cum successu capiti puerorum porriginosorum applicuisse. Folia ac flores confusi absque alia præparatione Cataplasmatibus forma bis de die super affectam partem imponuntur, quæ brevi sanatur. Lubenti animo Chomelianæ assertioni credimus, quamvis observatio *Ephemeridum Germanicarum* quamdam suspensionem de hac planta incutere videatur. D. J. de Muralto *decuria 2. anno VII.* refert, puellam duodecim annorum, cujus caput unguento hoc Ranunculo parato fuerat illinitum, pluribus diebus pruriginem extraordinariam in capite expertam fuisse, ac deinde in syncopem pertinacissimam incidisse, oculorum convulsionibus, ac dolore capitis elapso etiam mense conflictatam, quæ omnia ab eo causticæ Ranunculi acrimoniæ cerebrum, ac nervosum genus lædenti tribuuntur.

Ranunculus pratensis, *Offic.* Ranunculus pratensis, repens, hirsutus, C. B. P. 179. *Inst. R. H.* 289. Ranunculus repens flore luteo simplici, J. B. 3. 419. Ranunculus hortensis primus, *Dod. Pempt.* 425. Ranunculus pratensis repens, *Park. Raii Hist.* 581. Ranunculus pratensis, etiamque hortensis, *Ger.* Ranunculus pratensis, reptante cauliculo, *Lob. Icon.* 664. Ranunculus dulcis, *Bratichium salutiferum*, *Tab. Icon.* 51. Ranunculus dulcis, seu pratensis, *Trag.* Ranunculi genus per terram magis repens & acrimonia carens, *Gesn. Hort.* Ranunculi genus humi serpens, non mordens, *Cæsalp.* Ranunculus calicibus patulis, pedunculis sulcatis, stolonibus repentibus, foliis compositis, *Linn. Flor. Svec.* 170. Ranunculus vinealis repens, *Batrachium dulce seu vineale*, Ranunculus oleraceus major, *Pes milvinus*, *Flos Butyri*, *Nonnull.* vulgo *la Renoncule des Prez*.

Radice est exigua, repenti, pluribus albidiusculis conflata fibris, quæ plures emittit delicatulos caules rotundos, hirsutos, cavos, reptantes, ac humi serpentes, per intervalla e nodis novas radices emittentes; foliis profunde incis, tribus segmentis, ad modum foliorum Apii palustris, marginibus denticulatis, utrinque hirsutis, caudis longis, atro-viridibus, maculisque albis ut plurimum postica parte notatis. Summis caulibus enascuntur flores quinque petali, rosacei, longis elati pedunculis, luteo-lucescentes, pigmento quodammodo colorati, calyceque quinquepetalo sustinentur, magno ejusdem coloris staminum numero in centro sito. Calyce vero una cum flore deciduo semina plura sub-nigra, capitata, parvis spiculis inhorrescentia succedunt. Ve-

re ac Æstate floret, ut plurimum Majo. Ubique fere occurrit in pratis, locisque umbrosis, in vinetis, hortisque neglectis & humidis prope herbosas vias, rivulosque. Quandoque duplici flore reperitur, ac ob elegantiam in hortis colitur.

Tertia hæc Ranunculi species dulcis est, acrimonia fere omnino caret, ac absque ullo periculo internum in usum revocari potest, Trago teste, qui asserit, a plebe Germanica Aprili hujusce folia teneriora una cum aliis esculentis herbis esitari. Tabernæmontanus, Dale, Mappus alique Authores fide dignissimi id confirmant. Libenter quoque ac impune hac planta bestię saturantur, quæ iis lactis abundantiam conciliat. Utiliter etiam ad hæmorrhoides fovendas usurpatur.

Ranunculus palustris, *Offic.* Ranunculus palustris, apii folio, Lævis, C. B. P. 180. *Inst.* R. H. 291. Ranunculus palustris flore minimo, J. B. 3. 546. Ranunculus sylvestris primus, *Dod. Pempt.* 426. Ranunculus palustris rotundiore folio, *Lob. Icon.* 669. Ranunculus palustris rotundifolius, *Ger. Raii Hist.* 585. Ranunculus palustris, sardonius, Lævis, *Park.* Ranunculus fructu oblongo, foliis inferioribus palmatis, summis digitatis, *Linn. Hort. Cliff.* 230. Ranunculus alter hirsuto semine, foliis apij, *Cæsalp.* Batrachium palustre, Apium risus, Apium raninum, Apiastrum, Apiastellum, Apium hæmorrhoidum, herba sardoa vel sardonina, herba strumea, herba scelerata, *Nonnull.* vulgo *la Rononcule des marais*, *la Grenouillette d'eau ou aquatique*, *l'herbe sardonique*.

Radix satis crassa, cava, pluribus stipata fibris, saporis acris, & urentis plures projcit caules quandoque crassissimos, cavos, striatos, ramosos, foliis subviridibus, lucentibusque, non secus ac Apii palustris folia, non raro parvis maculis albis distinctis. Summis caulibus, ramisque flores apparent, inter Ranunculorum species, exiliores, quinque petalis luteis, quibus semina lævia ac minuta, capitata, oblonga, ac sejuncta præsto sunt. Majo, Junioque florescit, raro serius; juxta rivulos, locaque humida ac palustria luxuriare solet. Tam folia quam caules magnitudine variant.

Planta hæc, Cataplasmatibus forma, apposita, aptissima est, juxta nonnullorum Authorum placitum, ad strumas discutiendas ac resolvendas; interne vero præ aliis potentissimum est venenum: stomachum enim exulcerat, horribiles convulsiones, ac mortem parit, ni forte vomitoriis, oleosisque remediis ad ejus causticitatem obtundendam statim occurratur. In *Ephemeridibus Germanicis Decuria III. anno 2.* observatio habetur D. Beniamini Scharff, qui narrat, adolescentem Botanicum radicem hujus plantæ cum radicibus Apii palustris similitudine deceptum, iis onustum domum rediisse, eaque ab hortulano inspectas, esu optimas deprehendisse; Qua de causa absque ulteriori examine edulium iis paratum fuit, quo plures una cum Botanico comederunt; post haud longum temporis spatium omnes animi deliquio, anxietate, ac ardore intollerabili in supremo stomachi orificio correpti, Medico superveniente, re perpensa, radiceque recognita, vomitorio liberati fuerunt, excepto prædicto adolescente, qui cum largiori copia edulium ingurgitasset in convulsionibus vitam cum morte commutavit.

Non solum autem internus Ranunculorum usus periculosæ plenum opus aleæ est, verum etiam eorum odor, præsertim hortensium, qui quamvis Veris ornamentum reputentur, aliquando funesti admodum comperti sunt. D. Grun-
delius

delius hac in re narrat in *Ephemeridibus decuria III. anno 9. & 10.* quamdam Matronam Ranunculum fasciculum deferentem, anxietatibus, animi deliquio, ac dolore capitis, haudquaquam liberari potuisse, nisi ejecto fasciculo, consilio adstantis Medici, cui pravi Ranunculum odoris effectus probe innotuerant, & incredulum quemdam forte adstantem, fasciculum repetitis vicibus odoratum fuisse, qui statim iisdem omnino symptomatibus captus fuit, quæ nisi ablata causa neutiquam evanuerunt. Alius quidam quum in Processione Corporis Christi Ranunculum fasciculum interpolatim odoraretur, statim dolore capitis correptus fuit, ac paulo post Epileptico paroxismo, qui morbus ab ipso nunquam passus fuerat, ac verosimiliter a Ranunculum odore ortum duxit. Quæ omnia aperte demonstrant, quam suspectæ Plantæ hæc omnes esse debeant, cautiusque esse, eas omnino proscribere, quum præcipue adeo magnus remediorum extet numerus, quæ iis percommode substitui possunt.

R A P A.

RAPARUM binæ species distinguuntur, una Mas, altera Fœmina. Rapa rotunda sive mas, *Offic. Rapa sativa, rotunda, radice candida, C. B. P. 89. Inst. R. H. 228. Raii Hist. 800. Rapum sativum, rotundum, J. B. 2. 838. Rapum vulgare, Dod. Pempt. 673. Rapum majus, Ger. Rapum, Park. Rapum orbiculatum, Tabern. Rapum rotundum sive sessile, Matth. Rapum radice rotunda, Rapum vulgatius, Nonnull. vulgo la Rave male ou ronde, la Rave ordinaire, la vraie Rave.*

Radix tuberosa, rotunda, carnosa, ventriosa, capiti infantis crassitie quandoque proxima, extus coloris viridis, aut albi, aut lutei, aut sub-rubri, aut subnigri, inferne nonnullas exiguas fibras emittens, substantia satis dura & alba repleta, saporis modo dulcis, modo acris, folia emittit oblonga, magna, ampla, in terram strata, profunde ad centrum fere incisa, tactu rudia, atroviridia, saporis cum aliis olitoriiis herbis communi: hæc inter caulis erigitur bipedalis, ac quandoque humanæ stature æmulus, ramosus, foliis basi lata, apiceque acuto eum amplectentibus, in cujus vertice locantur parvi lutei flores quatuor constantes petalis cruciformibus, calyceque sustinentur longo gracilique pedunculo appenso: Horum locum subeunt siliquæ rotundæ, intermedio septo distinctæ, quæ binas seminum sphaericorum, sub-rubrorum, Brassicæ seminibus proximorum series occludunt. Vere ac Æstate floret, radices vero tam extremo colore, quam magnitudine variare solet. Plinius, Tragusque asserunt, Rapas ponderis quadraginta librarum a se ipsis conspectas fuisse, Amatus Lusitanus librarum quinquaginta, & sexaginta, Matthiolus vero librarum centum, quod incredibile penitus videtur, nihilominus solum pingue, ac humidum una cum regionis caliditate prædictæ singularis magnitudinis in causa esse potest. Addenda est culturæ efficacia, quo major enim foliorum numerus extirpatur, radices quoque eo crassiores efficiuntur.

Rapa oblonga sive fœmina, *Offic. Rapa sativa oblonga, seu fœmina, C. B. P. 90. Inst. R. H. 228. Raii Hist. 800. Rapum sativum, oblongum, J. B. 2. 838. Rapum oblongius Dod. Pempt. 673. Rapum minus radice oblonga, Ger.*

Ger. Rapum radice tereti, Rapum exiguum, *Nonnull.* vulgo *la Rave femelle* ou *oblongue la Rave en Navet.*

Radice oblonga, graciliorique differt a præcedenti, qua tamen delicatior est, talemque habet cum Napo proximitatem ut a Nonnullis indiscriminatum usurpetur; haudquaquam tamen plantæ hæ duæ sunt confundendæ, inter se enim consistentia, colore, ac radicum sapore plurimum differunt. Rapæ optimo in solo tam pro hominibus, quam pro brutis coluntur, ac præcipue Lemovici hinc appellantur *Raves de Limousin*, Rapæ scilicet Lemovicinæ, aptioresque sunt pro re Culinaria, quam pro Medica.

Plurimum autem continent olei, salisque essentialis; seligendæ vero sunt teneræ, probe enutritæ, optimi saporis, in solo pingui, & humido excultæ; inter alimenta maximum habent usum, ac etiam in re Medica. Jure enim uti temperantes reputantur, succo namque oleoso, ac balsamico ad acres humorum sales absorbendos aptissimo turgent, hinc conveniunt junioribus biliosis, quibusve humores acres, tenuesque sunt, dummodo stomacho neutiquam laborent, flatulentæ enim sunt, obstructions pariunt, & difficile concoquuntur. Rustici Averni, & Lemovicini sub cineribus coctas comedunt, nos vero in pulmentis usurpamus, quibus optimum saporem conciliant. Quoad vero Medicum usum ex iis una cum saccharo syrupus conficitur eo modo, quo, cum de Napo verba fecimus, describitur, & cum successu in contumacioribus rheumaticis affectionibus; præsertim puerorum usurpatur. Extat in *Operibus Tulpij* pag. 311. Observatio, qua fertur, Jureconsultum ferina Tussi correptum, post succi Limonum immoderatum usum, innumeris remediis inutiliter tentatis, tandem Raparum decoctione solatum fuisse: decoctio hæc quoque plurimum commendatur à D. Lanzoni in *Ephemeridibus Germanicis ann. 1727. pag. 116.* adversus omnes Thoracis morbos, in quibus difficilis est respiratio, Asthmatisque tam ficci quam humidi omnino debellati exempla plurima in medium adducit; quadraginta sequentibus diebus scutella una satis ampla ab eo, mane jejuno ventriculo, ægris præscribebatur, viscidæ materiæ pulmones infarciens copiosa excretionem plerumque apparente. In passione Iliacâ ab Etmullero quoque præscribitur, temperat enim, ac una detergit, quibus præcipue binis qualitatibus adversus oris, fauciumque aphtas, & ulcera, Gargarismatis forma, usurpari solet. Raparum semen alexiteria vi præditum fertur, hinc Antidotis sociatur: A Matthiolo autem 3 ℥. in decoctione ad morbillorum, ac variolarum eruptionem adjuvandam commendatur.

Quoad externum Raparum usum, Rajus testatur, Rapæ rotundæ sive maris sub cinere coctæ offulam calidam, aurium faciei posteriori superimpositam, statim capitis, ac dentium dolorem sedare: hoc ipsum remedium D. Needham in usum revocabat felici exitu, Cataplasmatibus forma in crurum ulceribus, mammarum tumoribus, nec non contra scorbuticos, strumisque vaxatos. Decoctio autem Raparum simplex adversus perniones optima recensetur, dummodo ea calida repetitis vicibus manus, pedesque abluantur.

Gargarisma adversus Aphthas.

Rx. Decoctionis Rapar. ℥ j. Sacchar. albis. 3 ℥. M. pro Gargarismate, pluries de die in usum revocando.

Cataplasma adversus strumosa ulcera .

R. Rapar. in furno coctar. ℥ jv. Folior. Rutæ tuſor. Man. ij. Semin. Sinapis tuſ. ℥ j. Olei Juniperi ℥ j. Unguenti nervini q. ſ. pro Cataplaſmate .

R A P H A N U S .

Binæ reperiuntur Officinales RAPHANI ſpecies, 1. ſcilicet Raphanus fativus, 2. Raphanus ruſticanus inter Cochleariæ ſpecies relatus.

Raphanus minor, Offic. Raphanus minor oblongus, C. B. P. 96. *Inſt. R. H.* 229. Raphanus, J. B. 2. 846. *Raii Hiſt.* 804. Radicula fativa minor, *Dod. Pempt.* 676. Raphanus fativus, *Ger.* Raphanus vulgaris, *Park.* Raphanus minor præcox, Raphanus domesticus, eſculentus, *Nonnull.* vulgo *le Raiſort cultivé ou des jardins, la Rave des Pariſiens.*

Radice eſt longa, carnoſa, magis, minusve craſſa, ac tortuoſa, extus rubra, intus alba, ſaporis acris, ac mordicantis, Radice hebetioris, foliis magnis, amplis, rudibus, viridibus, profunde incisis, foliis Rapæ proximis, ac nonnihil ſinuofioribus; hæc inter caules ad pedis cum dimidio, vel duorum pedum altitudinem eriguntur, rotundi, ramiſi, flores quadripetalos, ac cruciformes, circumferentes, quibus præſto ſunt fructus cornu æmulantes, interne ſpongioſi, ut plurimum duas ſeminum fere rotundorum ſeries, occludentes, quæ ſemina ſepto intermedio, tunica ſcilicet delicatula, quaſi Mediaſtino dirimuntur, rubra ſunt, ſeminibusque Braſſicæ, Sinapiſque majora, ſaporis acris. In olitoriis hortis planta hæc colitur, cito flores promit, radixque e ſolo Vere præcipue elicitur, tunc enim tenerior, ſucculentior, fractu facilior, optimoque ſapore, aliquatenus ſtimulante, gratiſſimo alimento inſervit. Si forte autem dura, ac lignoſa ſit a menſis exploditur, vocaturque *Cordée*, ſcilicet obdureſcens.

Raphanus, improprie Pariſiis, & alibi etiam Rapa nuncupatus, quæ nomenclatura ſolis Lemovicinis Rapis convenit, plurimum ſalis eſſentialis, & phlegmatis, parvamque olei portionem continet. Quamvis vero omnes huiusce plantæ partes Medicamentarium in uſum revocari poſſent, tamen radix tantum ac ſemen uſurpantur.

Præter uſum itaque ejuſdem radiceſ familiariem, pro quo recens, tenera, nec admodum craſſa, nec producta ſemine eſt ſeligenda, convenitque temperamentis phlegmaticis, & melancolicis, dummodo eorum ſtomachus bene ſe habeat, aliter enim ruſtus, & morbos capitis, immoderate præſertim comæſta progignit, ſucco Raphani quoque ars Medica utitur in renum, ac veficæ morbis a glareis præcipue ortum ducentibus; quatruiduo autem, mane, jejuno ventriculo, ejuſdem ℥ iiij. vel jv. præſcribuntur una cum Mellis ℥ ſ. Aqua vero diſtillata ℥ jv. adverſus hydropem miniſtratur per integrum menſem; calculoſis autem omnino eſt inhibenda, ſales enim urinoſos in veſica copioſe præcipitando calculorum volumen adauget. *In Ephemeridibus Germanicis decuria 2. anno IV. pag. 345.* Obſervatio D. Skrockii refert, puerum Aſthmate ſicco, ac convulſivo jamdudum correptum, incaſſum variis uſurpatis remediis, Raphanorum deſiderio, qui forte in menſa aderant, ſtimulatum, ex iis unum tantum parentum indulgentia pauco conditum ſale comediſ-

medisse, paulo post lätior liberiores aërem plurium horarum spatio respirare adeo visus est, ut ob hanc causam Raphani radices quotidie illi ministratæ fuerint, a quibus perfecte apto temporis spatio sanatus fuit. Dolœus vero radice succum saccharo edulcoratum, ac identidem de die propinatum, eodem in morbo præscribit. Juxta Fernelium lenissimum emeticum, stomacho amicum, ac gravidis etiam impune præscribendum, vomitum enim absque ullo conatu progignit, Raphani succo paratur, \mathfrak{z} ij. hujusce radice in mortario marmoreo tulsis, paulatim superaffundendo Vini dulcis \mathfrak{z} jv. colatura tepida deinde exhibita. Radici vero substitui possunt seminum \mathfrak{z} iij. vel jv. pari ratione contundendæ, addendoque feri, aut aquæ Hordei \mathfrak{z} jv.

Quoad vero externum usum, Raphanus tulus, plantis pedum in febris maligna applicari solet.

Raphani radix in Syrupo Althææ, ejus vero aqua distillata in coctura Terebenthinæ Pharmacopææ Parisiensis usurpatur.

Potio adversus Vesicæ glareas.

Rx. Rad. Raphani fibrillis mund. lotat. ac contusar. \mathfrak{z} vj. Mellis Narbonensis, aut Mell. albi \mathfrak{z} vj. Vini albi probe maturi \mathfrak{lb} j. Infunde per biduum in vase cretaceo novissimo, plumbo illinito. Ebulliant inde lento igne ad tertiæ partis permanfionem. Fiat colatura infusi calidi per linteorum, ferveturque pro usu. Dosis cochlear. j. mane, jejuno ventriculo, alterius vero sero hora somni. Vel:

Rx. Succi Raphani \mathfrak{z} jv. Mellis albi \mathfrak{z} β . M. pro dosi quatuor sequentibus diebus mane, jejuno stomacho sumenda. Vel:

Rx. Rad. Raphani \mathfrak{z} j. Pulver. Fructuum exsicc. Spinæ albæ \mathfrak{z} ij. Infunde per noctem sub cinerario calido in Vini albi \mathfrak{z} jv. Summo mane fiat colatura pro potione in renum, vesicæque anfarctibus, jejuno stomacho exhibenda.

Raphanus rusticanus, *Offic. C. B. P.* 96. *Ger. Park. Rai Hist.* 818. Raphanus sylvestris, sive Armoracia multis, *J. B.* 2. 851. Raphanus magna, *Dod. Pempt.* 678. Cochlearia folio cubitali, *Inst. R. H.* 215. Raphanus rusticanus, crassa radice, Lapathi folio, *Lob. Icon.* 320. Armoracia, vulgo Rapisstrum, *Gesn. Hort.* Raphanus vulgaris, & rusticanus, *Matth.* Raphanus rusticus, seu major, Raphanus condimentorius sive obsoniorum, Raphanus montanus, Raphanus maximus, Raphanus marinus, Radicula magna, Thalspi Cratevæ, Thalspi magnum, Sinapi Persicum, Nasturtium album, *Nonnull.* vulgo le Raifort sauvage, le grand Raifort, le Cram, la Mourtadelle.

Radix longa, & crassa, repens, alba, saporis acris, urentisque eicit folia magna, longa, lata, acuta, læte viridia, Rhabarbari Monachorum folia nonnihil æquantia, ampliora tamen, ac glabriora. Ea inter caulis locatur pedem cum dimidio procerus, erectus, firmus, cavus, striatus, fultus foliis palmaribus longitudine, pollicis vero latitudine, aut ultra, utrinque profunde incisus, saporis radice mitioris; in ejus vero summitate parvi insident flores, quinque petalis albis, cruciformibus, quibus siliquæ succedunt, sive fructus semirotondi, ac sufflati, septo intermedio binis cellulis distincti, occludentesque rotunda levia, ac subrubra semina. Vere floret, ac sponte

juxta

juxta fontes, rivulos, ac stagna, & in pratis humidis excrefcit; In hortis colitur loco humido, ac umbroso, ob radicem, quæ sola ut plurimum in usum revocatur.

Raphanus rusticanus autem nuncupatur, quia potissimum eo rustici adinstar radicis Raphani minoris vescuntur; hisce diebus in condimentis usurpatur erasus, & aceto commixtus, carnibusque, bovinæ præsertim sociatur ad appetitum excitandum, hinc a Nonnullis condita *Sinapi Capucinatorum*, communiusque *Sinapis Germanorum* vocitatur.

Facillime multiplicatur, præterquamquod facile ex se repit; si e radice recenter extracta taleolæ ad trium linearum crassitiem scindantur, dum adhuc planta viget, ac statim terræ commitantur, ab unoquoque frustulo, radix satis longa, novaque planta, quasi radix integra jam solo demissa fuisset, exorietur, juxta inventum D. Marchand Regiæ Scientiarum Academiæ sodalis: ab aliis quoque plurimarum stirpium radicibus eadem ratione incisis idem effectus prodire solet, a quo evincitur, sub unius, ejusdemque plantæ substantia, exceptis seminibus, plura germina contineri.

Salis essentialis sive volatilis, oleique plurimum occludit, ac jure, meritoque inter aperientes, incidentes, detergentes, ac resolventes recensetur. A Medicis tam interne, quam externe præscribitur, ac præ cæteris usitatioribus plantis minus æquivocis facultatibus insignitur. Aqua stillatitia, foliis, ac radice; Syrupus vero, radice tantum, paratur. Aquæ dosis ʒjv. una cum potionibus anti-scorbuticis, ac aperientibus; glareas expellit, & renes liberat, qua via massæ sanguineæ impuritates abstergit. Boerhaavius in *Historia Plantarum horti Leydensis* magnis laudibus extollit succum e radicibus, ac seminibus expressum, Melleque commixtum, ac mane, congruo temporis spatium, jejuno ventriculo exhibitum, præcipue si magnus feri Lactis depurati cyathus superbibatur: remedium hoc, inquit ille, stomachum, renes, ac pulmones detergit; tussim expellit, raucedinemque inveteratam, ab acri & viscosa pituita oriundam profligat: cautos deinde nos reddit, ne in Tussi pectoris ariditate, aut sputo cruento conjuncta in usum revocetur. Hæ Raphani rustici proprietates, aliæque, de quibus verba faciemus, innumeris fulciuntur Observationibus, e quibus nobiliores ex Ephemeridibus Germanicis excerptimus.

D. Raygerus *Decuria III. anno III.* historiam Matronæ adducit, quæ, cum vagis rheumaticis doloribus, multis annis, incassum tentatis omnibus, affligeretur, decoctionem Raphani rustici ex Lacte Vaccino, consilio Medici, jamdiu epotavit, dosim gradatim adaugendo, ac minuendo, curandoque, ut sudor, in lectulo permanendo, excitaretur, mense nondum elapso perfecte convaleuit, absque ullo dolorum vestigio. *Decuria* autem 1. *anni III.* D. Lanzoni refert, se civem Ferrariensem 39. annos natum agnovisse, satis longo temporis spatium, tam dira raucedine correptum, ut ejus loquela ab eo percipi haudquaquam posset, solo Syrupi Raphani rustici usu, ea molestia liberatum. Idem remedium simili in morbo Matronæ ab eodem Authore felici successu præscriptum fuit.

Si autem Raphanus adversus Scorbutum, Hydropem, Rheumaticasque affectiones interne sumptus maxima vi donatur, eandem quoque contra prædictos morbos externe usurpatus exerere solet. Laudatus Raygerus in eodem articulo affirmat, militem Hungarum robustissimum agnovisse a Turcis captum,

ptum, verberatione in plantis pedum plexum ac tandem, captivitate solutum dolores acerbissimos adeo in pollice dexteri pedis passum fuisse, ut cum sibi haudquaquam ferendi viderentur, cultro, malleique ictu digitum amputaverit; sanato vulnere, haud longo intervallo a morbo liberatus permansit, nam dolor non pedem tantum sinistrum, & crus, sed brachios etiam, & manus occupabat, magna radicum Raphani rustici tusi copia, Cataplasma veluti universale sibi ipsi paravit, sindone sese obvolvens, in lectulo magnam sudoris copiam excrevit, e quo statim sanus exivit, nullo in posterum dolore superveniente. Addit inde idem Author, quemdam in utroque brachio post colicam convulsivam affectionem, Paralyti affectum, frustra unctione spirituosa, ac aquarum mineralium embrochatione usurpata, tandem suadente Chirurgo militum, mane ac sero prope fornacis os obductum fuisse linimento, prædicta radice tusa, & optimo aceto, conflato, quo, Mensis spatium, repetito, brachiorum motus omnino fuit restitutus; mirum prorsus videtur colicis insultibus a prava victus ratione productis, pluries deinde correptum fuisse, nullo in membris subsequente dolore, nec ulla ad paralytim dispositione.

D. Samuel Polifius, *Decuria II. anno V.* narrat, Comitem de Mansfeld bellis proxime exacti seculi celeberrimum, detentione urinæ vexatum, Raphano rusticano tuso, decoctione diuretica ebullito, repletis sacculis, calidisque pluries perinæo, ac regioni vesicæ applicatis excretionem copiosæ urinæ, ac calculi, sanatum fuisse, orciq; faucibus ereptum.

Succedit Observatio D. Hermannii, *Decuria II. anno IV.* qua describitur adolescens, acerbo dolore in manu correptus, cujus digitos absque interna lancinatione movere haudquaquam poterat; foliis Raphani rustici tuis, ejusdem consilio, ea obducta, horarum spatio foetidissimus odor emanavit, ulcusque prope extremam minimi digiti phalangem apparuit, e quo jamdiu ichorosus, acris, ac sub-luteus humor exivit, ulcusculo deinde sponte exsiccatum, ægroque sanato: eodem malo, subsequente Hyeme, in pedibus serpente, defectuque foliorum, remedio quoque deficiente, Vere statim foliis usurpatis, æger quoque liber evasit. Addit inde laudatus vir, domesticum tumorem pedum erysipelatosum vexatum, pluribus remediis frustra adhibitis, Cataplasmate tandem foliorum Raphani rustici leviter tuso. in usum revocato, eoque quoties exsiccatum, toties repetito, tumore brevissime dissipato, ac sedato dolore, perfecta sanitate potitum fuisse.

Ledelius refert, quemdam scorbuticis doloribus in pedibus conflictatum in consilium incidisse, eosdem laudata radice aceto macerata fricare, qua ratione brevi convaleuit.

Quibus omnibus manifesto evincitur, magnam esse hujusce plantæ vim in Scorbutum, Rheumaticas affectiones, massæque sanguineæ impuritates. Longius igitur, quam par esset, nobis fuit insistendum, quum enim adeo facile multiplicetur, præ manibus in casibus hisce omnibus percommode occurret. Finem ergo faciemus Observatione earundem *Ephemeridum*, qua efficacia pariter singularis contra vermes huic tribuitur.

D. Frommanus *Decuria I. anno IV. & VII.* in medium adducit puellam annorum octo a se conspectam violentissimis convulsivis motibus agitatum, quos referente matre, ægraque perquisita a vermibus ortos pronunciavit, hinc aliquot Raphani rust. præscriptis uncis undecim evomitibus vermibus, omnino sanata fuit.

Sebifius vero *Lib. 2. de Alimentorum Facultatibus* pag. 400. narrat, mulierem a se cognitam, lumbricis infestatam, pulvere Rad. Raphan. Rust. cum aceto sumpto, pluribus ex iis ejectis, incolumem evasisse : adnotandum est, stillatitiam aquam saporis esse acerrimi ac mordicantis, ideoque aqua alterius generis, morbo appropriata, temperandam ; in casu vero prædicto, aquis vermifugis Partulacæ, & Graminis.

Radix Raphan. Rust. in decotione Antiscorbutica, Aquis, Generali, & Antiscorbutica, Syrupis Antiscorbut. & Althææ composito *Pharm. Parisiensis*. usurpatur.

℞. Succī Raphan. Rust. ℥ j. Mellis albi ℥ ij. M. sumaturque mane, jejuno ventriculo, congruo temporis spatio, immediate superbibendo ingens poculum Serī Lactis depurati, adversus renum ac vesicæ infractus, affectionesque scorbuticas.

℞. Rad. Raphan. Rust. ℥ j. Lactis Vacc. ℔ j. Coque pro una dosi. Fiat colatura linteolo, sumaturque per mensem, ægro, subsequenti hora, adhuc in lecto permanente in affectionibus, rheumaticis, arthriticisque.

℞. Aquar. Pulegii, Papaver. rubr. ana ℥ ij. Syrupi Raphan. Rust. ℥ β. M. pro Julapio pluries repetendo sero, hora somni in raucedine, tussique inveterata.

℞. Aquæ distill. Raphani Rust. ac Portulacæ ana ℥ ij. Seminis contra, ac Corallinæ ana ℥ j. M. pro Julapio anthelmintico, quatuor subsequentibus diebus sero hora somni propinando.

℞. Rad. Raphan. Rustican. rasar. ℥ jv. Folior. recent. Cochlear. Nummul. & Urticæ ana Man. jv. Fiat expressio S. A. saccharoque misceatur. In scorbuto ab ægris ℥ ij. sumentur quatuor de die vicibus.

Vinum medicatum Anti-scorbuticum.

℞. Bulb. Ari. recenter e solo extract. ℥ β. Rad. Raphan. rust. ℥ j. Folior. Cochlear. Nasturt. aquat. ana Man. j. Sem. sinapis ℥ ij. Vini Rhénani, aut Vini albi ℔ vj. M. f. a. F. Vinum medicatum, cujus ab ægris bina pocula de die sumentur.

R A P U N C U L U S.

Duas tantum RAPUNCULI species a nobis describentur, Rapunculus scilicet campanulatus; & Spicatus.

Rapunculus esculentus, *Offic. C. B. P. 92. Raii Hist. 739. Rapunculus vulgaris Campanulatus J. B. 2. 795. Rapunculus, Dod. Pempt. 165. Campanula radice esculenta flore cæruleo, H. L. B. 107. Inst. R. H. 111. Rapunculus esculentus vulgaris, Park. Rapunculum vulgare, Trag. Rapuntium parvum, Ger. Lob. Adv. Rapunculus vulgo. Casalp. Rapum sylvestre, flore Calathi cæruleo, Gesn. Hort. Campanula foliis radicalibus lanceolato-ovalibus, caule ramosissimo patulo, Linn. Hort. Cliff. 65. Rapunculus vulgo dictus, Rapunculus arvensis, Rapa sylvestris, Rapum hortense, Rapulum vulgo, Rapum sylvestre procerius, minimum Napi genus, Locusta seu Pes Locustæ, Quorund. vulgo la Campanule Raiponce, la petite Raiponce de Careme.*

Huic radix est adinstar minimi digiti crassa, ut plurimum simplex, alba, escu-

esculenta, unum, aut plures emittens caules bipedales graciles, angulosos, striatos, hirsutos, foliis vestitos angustis, acuminatis, cauda destitutis, latiuscula basi, caulibus, adhærescentibus, ambitu leviter denticulato, lactiginoso succo refertis. Longis pedunculis, summo caule, ramisque enascuntur flores; repræsentant autem campanulam latam, margine quinquifido, coloris cærulei, aut purpurei, quandoque albi, pariter quinquifido calyce fultam, qui tandem in membranofum fructum, tribus cellulis distinctum, plura semina minuta lucentia, ac sub-rubra referantem, immutatur. Univerſa planta lacte scatet, uti cæteræ campanulatæ. Junio floret; sponte erumpit in fossarum marginibus, pratis, arvisque, inter segetes præcipue. Olitoriis quoque in hortis colitur, ac una cum radice adhuc tenera, Vere collecta acetariis admiscetur. Radix hæc parvam veluti rapam dulcem, gratissimamque repræsentat, ac recens plurimi æstimatur. A quibusdam *Pes Locustæ* ob similitudinem nuncupatur. Hinc a nonnullis putatur, hac radice specie, S. Joannem Baptistam in deserto sese enutrivisse, non vero Locustis, incredibile enim (ajunt ij) absque peculiari miraculo videtur, hoc insecto quempiam vivere posse; quasi scilicet Scriptura hominum arbitrio interpretari, resque novæ in ea intrudi possent. Radix vero hæc ejusdem metaturæ, ac radix Raphan. rustic. comperta fuit, si enim taleolatim incidatur, terræque commitatur, nova planta e quolibet frustulo progignetur.

Rapunculus spicatus, *Offic. C. B. P. 92. Inst. R. H. 113. Raii Hist. 743.* Rapunculus spicatus, sive comosus, albus & cæruleus. *J. B. 2. 809.* Rapunculum Alopecuron, *Dod. Pempt. 165.* Rapunculus spicatus Alopecuroides, *Park.* Rapuntium majus, *Ger. Rapuntium majus Alopecuri comoso flore, Lob. Icon. 178.* Rapunculum sylvestre, *Trag.* Rapunculus sylvestris communior, *Thal.* Rapunculus nemorosus, Rapum sylvestere majus, Rapunculus longiore spica, Rapunculus montanus albus aut cæruleus, Rapunculus flore spicato purpureo & albo, Rapuntium majus, Rapunculum spicatum cæruleum & album, *Quorumd. vulgo la Raiponce sauvage ordinaire.*

Huic radix est Rapunculo Campanulato omnino æqualis, quæ folia Violæ Martiæ simillima emittit, sæpe maculis nigris signata, productisque appensa caudis; caulis vero ea inter ad pedis cum dimidio altitudinem evehitur angulosus, cavus, lacte turgens, oblongis, arctioribusque stipatus foliis, efferensque in apice spicam elegantium florum cæruleorum, vel purpureorum, vel alborum, quorum quisque monopetalus est, ac plerumque segmentis quinque stellatus, parique staminum, summitatibus oblongis, numero donatur. Parvi succedunt rotundi fructus tribus distincti cellulis, pluribus minutis, sub-rubris, lucentibusque seminibus, refertis, Junio floret, radixque ejus parvi Napi, aut parvæ Rapæ, a qua nomen mutuatur æmula, ad præcedentis modum comedi solet. In montibus, pratis frigidis, vallibusque umbrosis, nemoribusque proximis occurrit.

Quamvis, uti innuimus, utraque species in usum revocari possit, prima tamen in alimentis præcipue frequentius usurpatur. Plurimum salis essentialis, oleique habet, recens, tenera, optimique saporis est eligenda, stomachum roborat, concoctionem adjuvat, vique aperienti adversus calculos glareaque aptissima recensetur. In faucium inflammationis initio, ejus decoctio a Dodonæo celebratur, a Sebizio autem ad nutricum lac adaugendum. Cæterum parum a Medicis usurpatur.

R E S E D A.

R E S E D A, *Offic.* Reseda vulgaris, C. B. P. 100. *Inst.* R. H. 423. *Raii Hist.* 1053. Reseda lutea, J. B. 3. 467. *Lugd. Hist.* Reseda Plinii Neoteritorum, Belgis Eruca peregrina, Italica, vel Cantabrica, *Lob. Icon.* 222. Reseda minor seu vulgaris, *Park.* Sesamoides majus Luca Ghini, *Gens. Hort.* Phyteuma, Dioscoridis & Antiquorum. Reseda foliis omnibus trifidis, inferioribus laciniatis, *Linn. Hort. Cliff.* 212. Reseda vulgatio, Reseda arvensis, Reseda latifolia, *Nonnull.* vulgo *Reseda*, ou *Herbe Maure*.

Radice[m] habet longam, gracilem, lignosam, albam, saporis acris, variosque emittit caules ad pedis cum dimidio altitudinem, striatos, cavos, hirsutos, ramosos, debiles, recurvos, foliis ornatos, alternatim dispositis, profunde incisus, crispatis, atro-viridibus, saporisque herbæ olitoria. Summis caulibus, ramulisque flores apparent, thyrsi in modum, pluribus irregularibus conflati foliis, luteo-albescentibus, numerosisque parvis staminibus, apicibus luteis, centrum occupantibus, hisce capsulæ membranaceæ, triangulares, pollicis longitudine, cylindricas urnas referentes, seminibusque minutis, semirobundis, nigrisque repletæ succedunt. Junio, Julio, ac Augusto quoque florescit in arvis, secus vias, ac præcipue in solo cretaceo, in parietibus quoque reperitur.

Reseda amarissima est, eaque parum charta cærulea rubescit. Analyfi vero plurimum salis essentialis, oleique largitur, inter temperantes, ac resolventes refertur, ac externe adversus inflammatorios tumores usurpari solet, dolorem, enim sedat, inflammationemque omnino tollit.

R H A M N U S C A T H A R T I C U S.

R H A M N U S C A T H A R T I C U S seu solutivus, *Dod. Pempt.* 756. *Ger. Emac.* Rhamnus solutivus *Offic.* Rhamnus Catharticus, C. B. P. 478. J. B. 1. 55. *Inst.* R. H. 593. *Raii Hist.* 1625. Rhamnus solutivus, seu spina infectoria vulgaris, *Park.* Spina infectoria, *Matth. Bellon.* *Lob. Clus.* Spina cervina vulgo, *Gesn. Hort.* Merula, *Hoffm.* 74. Rhamnus ramis spina terminatis, floribus quadrifidis, dioicis, *Linn. Hort. Cliff.* 70. Spina cervicalis, cervi spina, spina tinctoria, spina merula. *Quorumd.* vulgo *Nerprun* ou *Noirprun*, *Bourg-Epine*.

Radix longa, dura, lignosa, arbusculam emittit, quandoque arbori proceritate æqualem, caudice mediocris crassitie, cortice Ceraso simili, ligno sub-luteo, ramisque, nonnullis acutis spinis, ut in Pyro sylvestri, armatis. Folia vero amplissima sunt, atro-viridia, satis rotunda, Mali foliis exiliora, foliis vero Pruni valde æmula, marginibus eleganter denticulatis, saporis adstringentis. Flores parvi sunt, herbosi, aut sublutei, juxta ramos plurimi inter se satis proximi, ac fasciculatim fere dispositi, quatuor distincti segmentis, supra costas sæpius reflexis; hisce succedunt baccæ molles, Juniperi baccis crassitie similes, primum virides, postea, maturescendo nigricantes, ac lucentes, refertæ succo nigro, viridescente, amariuscule, nonnullisque seminibus rotundis in dorso, Pyri nucleis pene æqualibus, cortice nigricante, fereque cartilagineo. Frequens in sepibus, nemoribus, aliisque incul-

incultis locis arbuscula hæc occurrit, fossas, rivulosque amat, loca humida, dumetisque obsita; Majo floret, baccaeque Autumno, Octobrim versus, aut ultra maturescunt, statim colligi solent, magnum enim usum habent tam in arte Medica, quam Tinctoria. Crassiores, probe enutritæ, nigrae, lucentes, glutinosæ, recentes, ac succulentæ eligi debent.

Prædictis baccis massa quædam dura paratur, communiter, Viride e vesica *Verde de vessie*, nuncupata. Pro eo vero conficiendo, baccis nigris, maturioribusque tuis, ac torculari commissis, succus viscosus, nigerque educitur, lento ingne deinde absque ulla depuratione evaporandus, addito parum Aluminis rupei in aqua soluti, ad elegantiores, viridioremque colorem eliciendum, lentoque pariter igni relinquendus, usquedum Mellis consistentiam acquisierit, tunc enim in suillis aut bovinis vesicis prope camini spiraculum, vel alio calido in loco suspendenditur, ut perduratus ad Tinctorios, Pictoriosque usus servari possit. Eligenda vero est Massa prædicta dura, compacta satis ponderosa, atro-viridis, vel nigra, externe lucescens, pulverata autem in perfecte viridem sese colorem immutans, saporis subdulcis. *Verd de Vessie*, appellatur, eo quod in vesicis duritiem acquirat.

Mirabile profus, visuque jucundissimum est, prædictas baccas tres diversas coloris species sibi invicem subsequentes largiri. 1. namque messis tempore collectæ, ac exsiccatae, dein aqua, ac alumine maceratae, postquam trita fuerint, luteum aut croceum ministrant. 2. Autumno jam maturæ congregatae, tuis, vaseque vitreo custoditæ viridem sane elegantissimum, a pictoribus valde expetitum largiuntur. 3. demum prope S. Martini festum decerptæ in locis præcipue, in quibus adhuc arbori adhærescunt, coccineum ed coria inficienda perutilem, necnon ad luforias chartas, juxta Tragum, fucandas, colorem impertiuntur.

Hæ Rhamni Cathartici baccae, quibus solummodo ars Medica utitur, Analyseos Chymicæ ope, plurimum acidi phlegmatis, atque olei, nonnihil fixi salis, ac terræ suppeditant, purgantes, aptaque natæ consentur adversus chronicos morbos, in quibus antiqua fermenta sanguinem nimia serositate inundantia omnino sunt extirpanda. Solantur itaque plurimum in hydrope, cachexia, paralyti, rheumaticis, arthriticisque affectibus: prædictis vero in casibus Rhamni Cathartici baccae maturæ, exsiccatae, ac pulveratae ℥ j. aut ℥ j. β. præscribuntur, & Conservæ Flor. Aurantium admiscuntur, pro Bolo conficiendo, aut Baccae exsiccatae num. XV. aut XX. juscule communi decoquantur, addita ℥ β. vel ℥ j. Cremoris Tartari, factaque per linteolum colatura, juscule ægris propinatur: a Nonnullis vero adversus chlorosim ℥ ij. Tincturæ Martis admiscuntur, aut ℥ β. Croci Martis nodulo occlusa decoctioni sociatur. Harumce autem Baccarum familiarissimum est Extractum ab ℥ β. ad ℥ vj. Opiatis præcipue aperientibus conjunctum, aut Syrupus ab ℥ j. ad ℥ ij. vel solitarie, vel cum cathartice potionibus præscribendus, quæ methodus ultimo loco enunciata temperamentis delicatioribus, ac facile a cathartice irritationem suscipientibus, magis arridet. A D. Chomelio in *Tractatu usitatorum Plantarum* narratur, a se ipso hydropicis fuisse præscriptum, binis præcipue, magna aquæ copia infimo in ventre laborantibus, qui sanati fuerunt, remedio quarta vice, duorum dierum intervallo, ℥ j. cum æquali Mannæ solutæ portione in competenti decoctione repetito.

Sydenhamius jure, meritoque adnotavit, Syrupum Rhamni Cathartici ma-

gna siti ægros afficere ; præcipue solitarium , hinc ad incommodum hocce vitandum , immediate post remedium , leve pulmentum sumendum est.

Cerasus, Prunusve, Rhamno Cathartico inseri possunt , qua ratione Cerasæ, Prunæque cathartica eliciuntur. A pluribus Authoribus, ac præ cæteris a Mizauld methodus sese horumce fructuum ope purgandi plurimum commendatur, quæ etsi jucundissima, tuta tamen semper esse non potest, Garidelius enim in *Tractatu Plantarum agri Aquisextiensis*, in medium affert, quemdam, Prunum Rhamno Cathartico insitum, possidentem, hunc omnino abscindere coactum fuisse, eo quod fructus ex eo producti superpurgationes, enormesque vomitus intulissent.

Syrupus Rhamni Cathartici adversus Hydropem.

℞. Succ. express. Baccar. Rhamni Cathart. ℥ iij. Adde Sacchar. alb. ℥ ij. Coque ad Syrupi consistentiam. Dosis ℥ j. vel ℥ ij. una cum ℥ jv. Aquæ Petroselinæ, aut Parietaræ, leve pulmentum statim propinando.

℞. Vini albi ℥ jv. Rad. Jalap. f. p. ℥ ss. Zingiberis p. gr. xii. Syrupi Rhamni Cathart. ℥ j. M. pro potione ab ægris summo mane quotidie, aut alternis diebus juxta vires sumenda, usquequo inflatio evanuerit. Vel:

℞. Baccar. Rhamni Cathart. maturar. N. xx. Pruna optima N. xx. Vini albi, & Aquæ com. ana. ℥ jv. Coque lento igne ad medias. Adde versus finem Cinnamomi p. gr. xii. Sacchar. f. p. ℥ ij. vel ℥ iij. Fiat colatura pro dosi mane, jejuno ventriculo exhibenda, cum pulmento. Repeteturque congruo temporis spatio binis, vel tribus de hebdomada vicibus in cachexia, & hydrope.

R H U S.

INter plures R H U S species a Botanicis cognitæ, duæ solummodo a Medicis usurpantur, Rhus scilicet vulgare, & Sativum.

Rhus, five Sumach, Offic. J. B. I. 555. *Raii Hist.* 1590. Rhus folio ulmi, C. B. P. 414. *Inst. R. H.* 611. Rhus Coriaria, *Dod. Pempt.* 779. *Ger. Eyst.* Rhus obsoniorum, *Lob. Adv. Clus. Hist.* Sumach Arabum, *Lon. Cast. Rau-Rolff.* Sumach five Rhus Obsoniorum & Coriariarum, *Park.* Rhus seu Rhoe Culinaria, vel Sutoria, Rhus five Rhos Erythros vel tergorarius, Rhus Byrso-depsicum, fructex Coriarius, Vera Rhus Antiquorum, *Nonnull.* vulgo le Sumach ordinaire, le Roux ou Roure des Correyeurs.

Radix longa, serpens, lignosa arbusculam propellit humanam quandoque staturam superantem, quandoque vero ad arboream accedentem. Folia oblonga sunt, nonnihil lata, acuminata, hirsuta, alata, ambitu denticulato, sub-rubra, foliis Sorbi satis æqualia. Folia inter summis ramis flores enascuntur racematim dispositi, albo-lutescentes, Sambuci floribus similes, quorum quisque pluribus rosaceis foliis conflatur, calyceque quinquifido sustinetur, hisce præsto sunt capsulæ planæ, fere ovales, membranacæ, subvirides, semen rotundum ad modum parvæ Lentis, ac subrubrum occludentes.

Hi autem fructus saporem habent acidum, satisque adstringentem. In solo sicco, & saxoso, in collibus, agroque Monspellienâ Rhus frequens occurrit.

rit, copiosissime etiam, teste Clusio, in Hispania in agro Salmaticensi, quo loco pro eo colendo, non minor quam in excolendis Vitibus diligentia impendi solet, eo quia plurimum emolumenti incolis suppeditat. Surculi ad radicem usque singulis annis amputantur, quibus exsiccatis, ac in subtilissimum pulverem redactis coria parantur. Johannes Bauhinus cum Theophrasto, Dioscoride, ac Plinio nos edocet, a Veteribus eundem in usum surculos hosce fuisse usurpatos. Prædicti fructus quandoque etiam in culinis aut soli loco salis, aut cum sale, & Allio mixti, ad carnes tam elixatas, quam assas condiendas in usum revocabantur, qui mos apud Turcas adhuc viget, ac Belon Sylvius observat, Galliæ Narbonensis accolæ, Rhus succum adinstar Omphacii sua ætate usurpavisse: hisce vero diebus a nostris culinis omnino exploditur, folis Coriariis, ac Tinctoribus, florum, fructuum, foliorumque Rhus usu relicto. A diversa vero munerum ratione diversas quoque Rhus ipsum nanciscitur denominationes, nam juxta Rajum, celebrioresque Botanicos Rhus culinaris nomine, fructus; Rhus coriarii, folia & rami; Rhus rubri Galeni, ejusdemmet arbusculæ semen venit.

Rhus Virginianum, *Offic. C. B. P. App. 517. Inst. R. H. 611. Raii Hist. 1591.* Sumach sive Rhus Virginiana, *Park.* Rhus sativum vel majus, *Nonnull. vulgo le Sumach des jardins.*

Radix admodum serpens, hac illac furculis scæta arbusculam præcedenti majorem emittit, cujus rami adeo Cervi cornua recenter e cranio prodeuntia æmulantur, ut quisque facile decipi possit, nisi propius villositas conspiciatur, figura enim coloreque prædictis cornubus similes omnino sunt. Rami excisi pallidam ac lactescentem materiem extillant, quæ statim adinstar Gummi condensatur. Folia pari ordine enascuntur, unico tantum folio in unaquaque costa desinente, majora vero, oblongiora, magisque Rhus vulgaris acuminata sunt, ac ambitu eleganter denticulato. Summis ramis spicæ villosæ, crassæ, ac atræ enascuntur, conflanturque magno florum multipetalorum, rosaceorum, ac subrubrorum numero, quibus succedunt fructus satis rubri, rotundi, plani, semen occludentes lenticulare, subnigrum, duriusculum, saporis austeriusculi. Hæc Rhus species nobis ex America allata fuit, in hortis facile colitur, præcociores flores edit, fructusque præcedenti citius maturatur, hinc Rhus Virginianum prædicto sæpe substituitur, quinimo Rhus vulgari antepositur.

Saporem habet acidum adstringentem, & gratum, plurimumque salis essentialis, oleique continet, in re tamen culinaria nullum hisce diebus usum habet, foliis, fructibusque pro decoctis ad ventris fluxus, dysenterias, hæmorrhagias, hæmorrhoidalesque fluxus reservatis. Fructus præterea refrigerantes sunt, eorumque racemo in ℥ ij. frigida macerato, aqua deinde repetitis vicibus in omnibus hæmorrhagiæ speciebus in usum revocatur. A Boerhaavio quoque hoc idem infusum adversus hernias commendatur, convenientibus jam externe apposis remediis: utile quoque est in scorbuto, ac uvulæ inflammatione, aut interne, aut ad abstergendas gingivas, aut Gargarismatis forma exhibitum. Substitui etiam potest ejusdem folior. Man. j. in aquæ ℥ ij. infusum, efficacior tamen fructuum ʒ β. recensetur. Horumce fructuum, sive racemorum Extractum aqua communi elicitum, ʒ ij. aut ʒ β. propinatum, majorem cæterarum hujusce arbusculæ præparationum, juxta D. Chomelium, vim habere deprehenditur. A Boerhaavio vero in febribus he-

sticis fudore conjunctis, Ptisana recentibus Rhus surculis, aut racemis nondum maturis confecta magnis laudibus celebratur.

Quoad exteriorem usum Rhus Gummi, dentis infecti foramini applicatum, dolorem sedat, ejusque folia tusa Panaritio applicata, putredini resistendi, gangrænamque impediendi vim habent.

Syrupus Magistralis adstringens.

Rx. Fructuum Rhus ℥ ij. Rhabarbari rud. contus. ℥ j. β. Cinnamomi ℥ β. Santali Citrini ℥ j. Rosar. rubrar. exsicc. & Balauft. ana. ℥ β. Macerentur per diei dimidium, super cinerarium calidum in Aquar. Plantag. ac Rosar. ℔ ij. Adde colaturæ Succī baccar. Berberis, ac Uvæ spinæ ana. ℥ jv. Mellis despumati ℔ β. Sacchar. f. p. ℔ j. β. Coque f. a. ad syrupi consistentiam, Dosis ab ℥ j. ad ℥ ij. in Ptisanæ adstringentis ℥ jv. aut ℥ vj.

R O S A .

ROSA præ cæteris floribus ubique notissima, jure a Plinio *Capite III. Historiæ Naturalis* appellatur Regina florum, hortorum ornamentum, ac innumerorum morborum Panacea. Et revera præter floris elegantiam, odoremque gratissimum, ac fragrantissimum, plura nobis remedia suppeditat, non solum ex variis partibus eam componentibus, verum etiam e diversis Rosarum speciebus hoc capite enucleandis. Quare, ne confusioni locus sit, hic de singulis ejus speciebus, proprietatibus, diversisque usibus verba faciemus.

In primis itaque Rosæ in duas generales species, Sativam unam, Sylvestrem alteram dividuntur; usitatiores vero in arte Medica sunt; 1. Rosa pallida; 2. Rosa moschata; 3. Rosa alba vulgaris; 4. Rosa rubra, de quibus primum sermo instituetur, deinde vero Rosa sylvestris nostrarum sepium.

Rosa pallida sive incarnata, *Offic.* Rosa rubra pallidior, C. B. P. 481. *Inst.* R. H. 637. Rosa rubello flore majore multiplicato, sive pleno, incarnata vulgo, J. B. 2. 36. Rosa sativa Iva *Dod. Pempt.* 187. Rosa holoserica, *Lob. icon.* 207. Rosa holoserica simplex, & multiplex, *Park. Raii Hist.* 1469. Rosa sativa pallide Rubens, Rosa ex purpureo albicans folio multiplici, Rosa flore incarnato, Rosa leviter, seu dilute purpurascens, Rosa hortensis vel domestica carnis colorem referens, Rosa purpurea seu carnei coloris, *Quorumd.* vulgo *la Rose pale ou incarnate*.

E radice longa, dura, lignosa, plures emergunt caules, arbusculæque in morem in ramos divisi firmos, longos, cortice tectos, atro viridi, nonnullisque spinis robustis, & aculeatis. Folia pari ordine plerumque septenario numero, uno tantum in costa desinente enascuntur atro-viridia, rotunda, ambitu denticulato, tactu aspera. Flos quandoque simplex, quinque solum latis petalis, pluribus apicibus luteis in centro locatis conflatur, quandoque duplex foliis exterioribus, internis, latioribus, coloris rubri, aut late incarnati, odoris suavissimi, quamvis debilioris, deciduo deinde flore calyx, quo fulciebatur, in fructum abit ovalem, aut olivarem, tunica nonnihil carnosa obtectum, cellula unica donatum, pluribus seminibus angulosis, villosis,

lofis, ac subalbidis repleta. Arbuscula vero hæc in hortis culta Majo, Junioque florescit.

Plurimum olei exaltati, falisque volatilis, aut essentialis continet, floresque communiter pro aqua novem Infusionum, *Eau des neuf infusions*, conficienda usurpantur; præscribitur autem aqua hæc in potionibus catharticis, \mathfrak{z} ij. Aqua pariter Rosarum stillatitia, hujusce speciei floribus, aut Rosis albis simplicibus parari solet; dicaturque oculorum morbis; in collyriis vero adversus harumce partium inflammationes una cum aqua Plantaginis miscetur; vim quoque ventris fluxus, sputum sanguineum, aliasque hæmorrhagias sistendi, ab \mathfrak{z} j. ad \mathfrak{z} vj. in injectionibus quoque ad gonorrhæas sistendas usurpatur. A Nonnullis vero Pharmacopolis pro aqua prædicta conficienda florum calyces floribus ipsis anteponuntur, qua quidem ratione longe præstantior in morbis oculorum deprehendi solet, majori enim detergendi, constringendique vi pollet. Spiritus quoque ardens in Officinis e Rosis elicitur a \mathfrak{z} β . ad \mathfrak{z} ij. ex aqua Rosar. in syncope, cordisque palpitationibus a viris sumendus, mulieribus enim hystericas affectiones incutere solet, ideoque iis interdicendus. Syrupus quoque solutivus e Rosis pallidis conficitur tam Simplex, quam Compositus; Simplex earum depurato succo, æqualique Sacchari portione conflatur, ac \mathfrak{z} j. potionibus laxantibus copulatur; composito vero Agaricum, Senna, ac quandoque etiam Rhabarbarum sociatur, ut plurimum solus præscribi solet ab \mathfrak{z} j. β . ad \mathfrak{z} ij. Specie hac præterea componuntur Conserva laxativa, & Electuarium, in quo Scammonium ingreditur, ejusque dosi \mathfrak{z} β . definitur.

Præter purgandi vim in hisce Rosis locatam, cephalica quoque ac cordiali ob particulas salino-sulphureas, odoratasque insigniuntur; nonnihil etiam adstringentis habent a terrestribus particulis oriundum. Hinc, ut supra innuimus, in ventris simplicioribus fluxibus, diarrhæisque conveniunt, majorique emolumento, si in hisce morbis pulmenta, \mathfrak{z} ij. aquæ Rosar. ovi vitello, Lactisque \mathfrak{z} viij. parata exhibeantur.

Quamvis autem in Rosis dotes apprimè utiles deprehendantur, quidam tamen Authores pravas qualitates in iis delitescere jure suspicantur. D. Lemeryus in suo *Cours de Chimie* page 631. Edit. X. asserit, quibusdam Rosarum odorem pituitæ profluvium excitasse, qua, stomacho redundante; vomitus; vel per nares, aut abundanti expectoratione, exonerata; rheumaticæ affectiones pertinaces obortæ sunt. In *Ephemeridibus Germanicis Decuria 2. Anno 2.* Ledelii observatio reperitur, qua se hominem melancholici temperamenti sanissimum agnovisse ait, qui coactus erat domi permanere, quo potissimum tempore Rosæ efflorescerent, aliter enim Rosarum odore ad ejus nares perducto, certissimum sibi periculum imminebat, pruritus in oculis inflammatione, lacrimarumque involuntario profluvio conjunctum, perpetuendi. Monachus odore Rosæ in syncopem prolapsus ab Amato Lusitano in medium adducitur, observationesque extant, nonnullos, mortiferis eodem odore deliquiis fuisse vexatos. Quicumque ergo vaporibus dediti diligenter odorem hunc vitabunt: experientia enim jam constat, fragrantès odores hisce ut plurimum nocere, quum vero genus nervosum in iis irritationem facile suscipiat, quaque de causa accidentia quandoque funesta originem ducere facillime possunt.

Rosæ pallidæ in Electuariis Diaphœnico, & Diapruno; ac Ungento Rosato;

earum vero succus in Emplastro *Abbatis de Grace Pharm. Parisien.* Syrupus Rosar. simplex in Pilulis Agarici, & Imperialibus; Compositus vero in Pilulis Angelicis; Aqua stillatitia, spiritusque ardens in Aqua Milleflorum *ejusdem Pharm.* usurpantur.

℞. Sennæ mund. ℥ ij. Cremor. Tartar. ℥ j. Fiat infusio per noctem super cinerarium calidum in cyatho ferventis aquæ. Solvantur crastina die Mannæ ℥ ij. fiat inde colatura per linteolum, cui adde Syrupi Rosar. Solutivi ℥ j. pro dosi Purgantis communis in Catharris, Rheumaticisque affectionibus convenientissimi. Vel:

℞. Decoctionis Folior. Cichorii amar. ℥ vj. Rotular. Diacarthami ℥ iij. Syrupi Rosar. solutivi ℥ j. M. pro potione purgante. Vel:

℞. Foliculor. Sennæ ℥ ij. Pulpæ Cassiæ r. e. ℥ j. Fiat infusio per noctem in cinerario calido ℥ viij. decoctionis Cichorii sylvestris, solve deinde in colatura ℥ j. Syrupi Rosar. solutivi simplicis pro potione laxativa in inflammationum exitu exhibenda.

℞. Terebenthinæ Venetæ lotæ, & concoctæ in aquis Plantag. & Rosar. ℥ ij. Rhabarbari torrefacti ℥ ss. M. pro bolis adstringentibus, tribus dosibus, dividendis, duarum horarum intervallo, in mictu sanguineo, pertinacique diarrhæa ab ægris, sumendis.

Collyrium temperans.

℞. Aquar. Plantag. & Rosar. ana. ℥ iij. Trochiscor. *Albi Rasii* ℥ j. M. pro Collyrio in oculorum inflammationibus aptissimo.

Collyrium dissecans, detergens, & cicatricem inducens in Corneæ exulcerationibus.

℞. Aquar. Rosar. & Plantag. ana ℥ j. Tuthiæ pp. ℥ j. M. pro Collyrio, quo repente pluries oculi foveantur.

Collyrium adversus Palpebrarum pruritus.

℞. Ovum recentissimum, Vitrioli albi gr. xx. Aquæ Rosar. ℥ jv. Ovo obdurato, vitelloque ejus rejecto, albumen in mortario marmoreo unum cum vitriolo contunde. Adde inde prædictam aquam Rosar., fiat colatura linteolo albo, ferveturque pro usu: gossipii parum in hac aqua immergetur, eoque bis, terve de die palpebræ humectentur.

Rosa moschata, *Offic.* Rosa moschata simplici flore, C. B. P. 482. *Inst.* R. H. 637. *Ger.* Rosa moschata minor flore simplici, J. B. 2. 45. *Raii Hist.* 1474. Rosa muscata alba, *Tabern. Icon.* 1086. Rosa moschata simplex, *Park.* Rosa damascena quam Coroneolam vocant, *Lugd. Hist.* 125. Nersin Nersim vel Nersim Serapionis, *Anguill.* Rosæ hetruscorum damascenæ, Moschette vulgo dictæ, *Matth.* Rosa muscatula vel muscatella, Rosa moschum redolens, Rosa alba Alexandrina, Rosa fera sive Autumnalis, *Quorumd.* vulgo la Rose musquée ou de damas.

Radix firma ac lignosa, uti in Rosa pallida, emittit caules altos, pedes decem, vel duodecim, crassos, erectos, spinis sub-rubris, consistentibus, minorique

norique copia, quam in Rosa pallida, stipatos. Folia quoque latiora sunt, minus rugosa, acutiora, lævia, ac viridia interne, externe vero subalbida, ambitu denticulato, septem plerumque, ac quandoque etiam novem invicem opposita, sive pari ordine, in costa, unico tantum desinente, basi spinis valde uncinatis armata. Flores mediocrem habent magnitudinem, simplices, sunt albi, quinque unguiformibus conflati foliis, odoris suavissimi, moschum redolentis, saporis amari, ac nonnihil adstringentis fauces aliquali acrimonia afficientis. In hortis colitur Rosa hæc, Autumnoque floret, nec adeo facile est definire, unde potissimum originem ducat: quum autem certum sit, magno frigore plurimum lædi, hinc e regione aliqua calida nobis eandem allatam fuisse facile suspicari potest. Rosa moschata flore duplici non diversam speciem, sed præcedentis varietatem tantum effingit.

Rosæ moschatæ plurimum olei exaltati salisque volatilis occludunt. Eosdem fere ac præcedentes effectus edunt, fortius tamen purgare solent, nonnullos enim, earum pug. ij. in juscule Vitulino infusis, eoque mane hausto, optime purgant. Alii vero eas comedunt, uti de floribus Mali Persicæ usuvenire solet. In Provincia, calidisque regionibus, in quibus odoratiores sunt, ex iis tres aut quatuor tantum in infuso, aut conserva, violentam adeo quandoque catharsim movent, ut vomitus, ac superpurgationes excitentur, qua de re consulendus est Amatus Lusitanus in historia cujusdam Romanæ Matronæ. Quapropter robustioribus tantum earumce usum concedimus, delicatulis temperamentis, purgantes mitiores solummodo, ministrantes, ut mala omnia diligenter vitentur, quæ a nimia irritatione progigni possunt.

Aqua stillatitia horumce florum prostat in Officinis, quæ majorem in Culinis, ad saporis fragrantiam, quam in re Medica usum habet, tamen $\frac{3}{4}$ viij. catharsim excitat, raro autem hac ratione in usu revocatur.

Usurpatur vero in Pilulis Angelicis; & Aqua Milleflorum *Pharmacopææ Parisiensis*.

Jusculum purgans.

Rx. Carnis Vitullinæ ℥. β. Coque in q. s. aquæ fontis ad jusculum faciendum. Adde ultimo semihorio Fol. Cichorii albi, ac Betæ Man. j. Fiat colatura levi expressione, ac infunde in colatura calida pug. ij. Rosar. moschatar. Denuo fiat colatura pro Jusculo laxante mane jejunio stomacho propinando.

Rosa alba, *Offic.* Rosa alba vulgaris major, C.B.P. 482. *Inst.* R.H. 637. Rosa candida plena & semiplena, J. B. 2. 44. Rosa alba, *Tabern. Icon.* 1083. *Ger. Raii Hist.* 1473. Rosa Anglica alba, *Park.* Rosæ albæ *Matth.* Rosa candida simplex & plena, *Camer. Hort.* Rosa sativa alba, *Brunf.* Rosa candida, *Cæsalp.* Rosa flore albo pleno & simplici, *Eyst.* Rosæ albæ hortenses, Rosæ vilissimæ albicantes, Rosæ domesticæ albæ, Rosa parva quinque foliis constans candidis vel multiplex, *Nonnull.* vulgo *la Rose blanche commune*.

Radix præcedenti omnino similis caules extollit quandoque ad octo, vel decem pedum altitudinem, crassos, lignosos, spinis armatos acutis, hispidis, raris, cortice lævi, ac expolito contectos, foliis quinque aut septem in costa locatis, oblongis, lævibus, crenatis, basi, quandoque spina, armata. Summis caulibus, ramisque flores enascuntur magni, albi, odori, quinque

conflati petalis albis, pluribus staminibus, apicibus luteis centrum occupantibus; hi tandem in fructus abeunt rotundos, maturationis tempore subrubros, plura semina oblonga, dura, & villosa occludentes. In hortis colitur, in quibus quandoque celerius, quandoque serius, juxta locorum diversitate flores edit, plerumque vero Majo & Junio; numero autem foliorum flos variat, nec simplex, aut duplex specie differunt, nihilque aliud sunt, nisi ejusdem met plantæ varietates, sique aliæ occurrant discrepantiæ, accidentia sunt a solo, regione, ac cultra prodeuntia. Rajus vero ne Rosam quidem pallidam sejunctam ab hac specie existimat, colore enim ac magnitudine florum unice differt.

Rosæ albæ, plurimum habent phlegmatis, olei exaltati, ac nonnihil salis essentialis. Adstringentes ab omnibus recensentur, & ab Etmullero remediis, fluoribus albis sistendis, dicatis adstipulantur. Earum aqua stillatitia tantum, in usum revocatur in Collyriis adversus oculorum inflammationem. Constantinus, & Lemeryus asserunt, eadem fere ac Rosæ pallidæ purgandi vi prædita esse, contrarium tamen major Medicorum numerus sancivit, nisi forte de Rosis albis moschatis a laudatis viris sermo fuerit institutus.

Rosa rubra seu Provincialis, *Offic.* Rosa rubra multiplex, C. B. P. 481. *Inst.* R. H. 637. Rosa rubra flore valde pleno & semi-pleno, J. B. 2. 34. Rosa Provincialis major, *Tabern. Icon.* 1084. Rosa Provincialis rubra, *Park. Raii Hist.* 1469. Rosæ rubræ seu Provinciales, Rosæ rubentes vel saturatæ purpuræ, *Nonnulli* vulgo *la Rose rouge ou de Proviñs*.

Radix terpens, fortis, ac lignosa plures extollit caules speciebus præcedentibus humiliores, viridiori cortice contextos, spinis armatos, foliis ejusdem magnitudinis, pari ordine locatis, uno tantum, in costa, desinente, ambitu denticulato, lævibus, superne viridibus, inferne sub albidis, floribus satis venustis, saturate rubris, expolitissimis, odoris gratissimi, debiliorisque. In hortis colitur, floresque promit Junio, Julioque; e Provincia Gallica regione nomen mutuatur, ibi enim vel sponte crescens, vel aliunde delata elegantior, exquisitiorque esse solet; folliculis clausis, ac expansioni proximis, Rosæ colliguntur, ut facilius earum color virtusque servetur, libero enim aere omnino adaptæ alterationem subire possent. Rajus hac in re veluti memoratu dignum demonstrat, quod quamvis Rosæ collectæ citissime exsiccentur, odoremque suavissimum exhalent, tamen in arbuscula adhuc permanentes certa distantia nullum odorem emittunt, quemadmodum in Caprifolio, Caryophyllisque nonnullis evenire solet, si enim in Rosario, rosis adaptatis confertissimo, oculis clausis aliquis constiterit, nullo ad ejus nares odore perducto, Rosarium adesse omnino ignorabit, a quo evincitur Rosarum odorem in aquoso vapore consistere, qui facillime dissipatur.

Plurimum olei, salisque essentialis præbere solent, interne sumptæ adstringentes sunt, detergentes, ad stomachum roborandum, vomitus, ventris fluxus, hæmorrhagiasque sistendas aptissimæ. Flos tantum plerumque in usum revocatur, eligendusque est, recens, eleganti colore atro-rubro, ac fragrantissimus: curandumque est, ut clausus, pressusque in vase vitreo, locoque sicco conservetur, ne color, odor, virtusque dissipentur. Colligendus præterea est summo mane, antequam radiis solaribus torqueatur, tunc enim essentialis ejus substantia noctis frigiditate quodammodo centrum tenet, accedente vero Sole omnino perit.

Prædictis Rosis magnus Medicinalium Compositionum numerus efformatur, quarum præcipuæ, interne usurpandæ sunt, Tinctura, Syrupus, Conserva tam sicca, quam liquida; externe vero, Mel, Oleum, Acetum, ac Unguentum rosatum. Tinctura ptisanæ species est, conficiturque infundendo rosas siccas in ebullienti aqua, addendo vitrioli spiritum, saccharumque; magnis cyathis tepida præscribitur in omnibus violentis hæmorrhagiis, ac plerumque, aliis adstringentibus incassum adhibitis desperatis in casibus magnum affert emolumentum. Syrupus e Rosis siccis conflatur, floribus, calyce, staminibusque destitutis, portioneque alba ungula nuncupata mundatis ut venustiore colorē habeat; ℥ j. in quacumque hæmorrhagia ministratur, efficaciorque elegantiorque esse solet, additis nonnullis guttulis spiritus sulphuris aut vitrioli, dummodo hæmorrhagia e thorace ortum non habeat; acidienim spiritus pectus lædunt. Conserva autem quæ a ℥ ij. ad ℥ β. exhiberi solet, iisdem ac syrupus & tinctura qualitatibus potitur, vimque habet præterea tussim, rheumaticos affectus, phthisimque sanandi. Infinitus fere extat casuum numerus, *Ephemeridesque Germanicæ, Decuria II. anno IV.* eodem articulo, tres observationes D. Crugerii nobis suppeditant, quibus ab eo asseritur, desperatos Phthisicos sanatos fuisse Lactis Vaccini, & Conservæ Rosar. repetito adeo usu, ut ab uno ex iis ægris duorum mensium spatio triginta & ultra ejusdem Conservæ libræ, ab alio vero viginti & ultra consumptæ fuerint. Riverius asserit, Pharmacopolam Phthisicum agnovisse, continuæ Sacchari Rosati comestione sanatum. Rosæ rubræ nomen quoque largiuntur Pulveribus, Aromatico Rosato, & Rosarum recentium. Præparationes vero hæc stomachicæ sunt, ac adstringentes, usumque habent familiarissimum in ventris fluxibus, vomitibusque.

Quoad exteriorem Rosarum usum Cataplasmatibus forma, & in Fomentis adstringentibus, ac resolventibus usurpantur; aptæ sunt ad nervosas partes, luxationibus, pedum ac manuum distorsionibus, ac contusionibus, afflictatas roborandas, fluxus sanguineos sistendos, uterique ligamenta firmanda. Quæ de causa leviter in Vino rubro optimo decoquuntur, calidumque magma infuso, ventri applicatur. Hoc idem fomentum capiti admotum post percussiones, aut contusiones, abscessum in parte, minitantes, ad hoc evitandum sæpe juvit, nec non ad pertinaces Hemicranias sedandas. Supra innuimus, hisce quoque Rosis Mel, Oleum, Acetum, ac Unguentum parari. Mel familiarissime Gargarismatis forma, in injectionibus detergentibus, & consolidantibus, nec non ad oris, aurium, aliarumque corporis partium ulcera sananda, in clysteribus demum detergentibus, & refrigerantibus usurpari solet, Oleum, Acetum, Unguentumque rosatum eisdem fere usus habent, inflammationes videlicet externas temperandi, dolorem sedandi, tumoresque supurationem minitantes blande resolvendi; quum autem remedia hæc aliquam repellendi vim habeant incipiente tantum inflammatione adhibenda sunt.

Unguentum Rosatum pari Unguenti Populei portione conjunctum fronti, temporibusque admotum somnum provocat. De staminibus, apicibusque *Anthieris* in Officinis nuncupatis haudquaquam verba faciemus, quemadmodum de calyce, fructu, ac semine, quibus ab Authoribus dubiæ admodum facultates tributæ fuerunt: certissimum est, adstringentia esse, raro tamen usurpantur, exceptis Dentrificis, quibus ad gingivas roborandas, fluxionesque avertendas admiscuntur.

Rosæ rubræ in Theriaca, *Diascordio*, Confectione Hyacinthina, Pulvere *Diarrhodon*, Trochiscis de Camphora, pluribusque aliis *Pharmacopæe Parisiensis* præparationibus ingrediuntur.

℞. Rosar. rubrar. esicc. ℥ j. β. Fiat infusum in aquæ bullient. ℥ jv. M. deinde Spiritus Vitrioli ℥ j. Adde colaturæ Sacchari s. p. ℥ iij. ad gratiam. M. pro Pitana, aut Tinctura Rosarum, quæ tepida in fluxibus sanguineis, aliisque hæmorrhagiis pro potu ordinario ministrabitur.

℞. Rosar. exsicc. p. ℥ ij. Aquæ Plantag. ℥ jv. Syrupi Rosar. ℥ β. M. pro portione bis de die repetenda in Dysenteria inveterata.

℞. Conservæ liquid. Rosar. rubrar. & Cynorrhodon ana ℥ j. Confectionis Alkermes ℥ β. Extracti Opii gr. j. β. M. f. b. pro duabus dosibus in vomitibus, aut superpurgationibus.

℞. Conservæ Rosar. esicc. ℥ j. Fund. in Lactis Vacc. ℥ j. lento igne absque ebullitione. Repetatur jusculum hocce calidum mane, ac vesperti mensis spatio in Rheumaticis pertinacioribus affectionibus Phthisique pulmonari.

℞. Decoctionis Hord. integr. ℥ j. Mellis rosat. ℥ j. M. pro Injectione detergente in aurium ulceribus, aut Gargarismate in oris, farciumque Aphtis.

℞. Terebenthinæ Venetæ ℥ ij. & Vitellum ovi. M. s. q. Olei rosati, pro Unguento digestivo communi.

℞. Olei rosat. & Laurini ana. ℥ ij. M. & adde q. s. Spiritus Vini pro Linimento, quo partes dolorificæ ter de die fovebuntur, eas charta bibula & quadruplicata compressa cooperiendo. Linimentum hocce mira præstat adversus Contusiones, doloresque internos, fortuito, aut a percussionibus obortos.

℞. Folior. Solani, Lactucæ, & Plantaginis ana. Man. j. Sedi maj. aut Lenticulæ palust. Man. β. Coque in q. s. Aceti Rosat. & adde Farinæ Fœnugræci ℥ iij. Olei rosat. ℥ ij. M. pro Cataplasmate repercutiente, in inflammationibus incipientibus, aptissimo.

℞. Rad. Lilior. albor. & Althææ ana. ℥ j. Flor. Melilot, & Chamomill. ana. pug. ij. Coque in s. q. aquæ com. usque dum ad molliusculam consistentiam reducantur. Colentur inde per cribrum setaceum, & adde Pulpæ collectæ, Quatuor Farinar. emollientium ana ℥ jv. Coque iterum parumper s. q. Oxycrati: adde inde Rosar. Provincialium esicc. & p. ℥ β. Croci ℥ j. Olei Amygd. dulc. ℥ ij. M. pro Cataplasmate emolliente, ac resolvente.

Cynorrhodes seu Cynosbatos, *Offic.* Rosa sylvestris vulgaris, flore odorato incarnato, C. B. P. 483. *Inst.* R. H. 638. Rosa sylvestris alba cum rubore, folio glabro, J. B. 2. 43. Rosa Canina vulgo dicta, *Dod. Pempt.* 187. Rosa sylvestris, *Tabern. Icon.* 1088. Sentis Canis & Cynosbatos, *Brunf.* Rosa sylvestris inodora sive Canina, *Park. Raii Hist.* 1470. Rosa canina inodora, *Ger.* Rosa caule aculeato, petiolis inermibus, calycibus semipennatis, *Linn. Flor. Svec.* 147. Rosa sylvestris Cynosbati vel Cynorrhodi nomine veteribus dicta, *Gesn. Hort.* Rosa sylvestris altior & spinosior, *Cæsalp.* Rosa sylvestris odorata incarnato flore, *Eyst.* Rosa Eglenteria, Eglantina sive Eglentina, Canirubus vel Rubus Caninus, *Quorumd.* vulgo *la Rose sauvage*, *la Rose de Chien*, *l'Eglantier ou Gratecul.*

Radix longa, serpens, dura, lignosa, plures effert caules crassos, satis altos,

ros, magnis spinis armatos, foliis grandioribus, oblongis, lævibus, foliis Rosæ domesticæ similibus; floribus Rosas simplices æmulantibus, quinque-petalis, albis cum rubore, odoris, facile flacescentibus, minimo auræ impulsu deciduis; abeuntibus tandem in fructus ovales aut oblongos, glandiformes, primum virides, adinstar Coralli in maturatione rubros, cortice carnosio, medulla instructo, sapore dulci, grata aciditate permixto, plurimæque semina in cavitate occludentes oblonga, angulosa, alba, dura, compacta lanugine obducta, quæ facile segregatur, ac si digiti, aliisque partibus adhærescat, cutim penetrat, excruciantesque pruritus excitat, hinc hi fructus Gallice *Grateculs* nuncupantur. Arbuscula hæc fere ubique occurrit in sepibus, dumetisque in quibus sponte crescit. In truncis vero, ramisque Rosarum sylvestrium spongiæ villosæ species quædam enascitur, crassitiemque habet parvi Pomi, aut nucis crassioris, levis est, coloris rubri, vocaturque Gallice *Eponge d' Eglantier*, in Officinis vero *Bedeguar*; quæ spongia nihil aliud est, nisi tumor a Culicis punctura obortus, qua via ova deponit, quæ adaperata spongia in totidem vermiculos suis cellulis abditos immutata apparent, ac deinde vermiculi in totidem pariter culices commutantur.

Rosæ sylvestres nonnihil olei semi-exaltati, salisque essentialis, ac plurimum phlegmatis continent. Earum vero fructus, sal acidum plurimo oleo irretitum. Purgantes sunt, uti cæteræ Rosarum species: Syrupus autem ex iis paratus adstringendi vi pollet, reliquisque omnibus purgantibus anteponitur, quum in mulierum fluoribus tam sanguineis, quam albis purgandum est. Conserva Cynorrhodon, fructibus speciei hujusce, confecta, maxime in fluxibus ventris celebratur ad bilis ardorem, urinæque acrimoniam compescendam, nec non in dysuria, stomachi debilitate, difficilique ciborum concoctione. A ʒ ij. ad ʒ β. exhiberi solet. Semina vero a fructuum pulpa, qua ut innuimus Conserva paratur, sejuncta aperientia sunt; hinc conveniunt calculosis, aut emulsione ʒ ij. in ℥ j. convenientis aquæ, aut ʒ j. pulveris forma in Vini albi cyatho. Hagerdon, a quo opus de *Rosis sylvestribus* fuit exaratum, testatur, a se hydropicos duos desperatos, longo usu ptisanæ, integris Cynorrhodon fructibus, paratæ, sanatos fuisse; idem quoque pluribus Medicorum observationibus confirmatur. Neutiquam ergo negligendum est remedium hocce. Spongia quoque prædicta a Medicis in usum revocatur; iisdemque ac fructus donatur facultatibus, pulveris aut infusionis forma propinata a ʒ ij. ad ʒ β. in decocto autem detergit magis, quam adstringat, & Gargarismate etiam in usum revocari potest adversus oris, fauciumque ulcera. Ejus vero cinis, una cum spongiæ communis cinere aptissima est juxta plurimorum Authorum sententiam ad strumas resolvendas. Adnotatu dignum quoque est, hujusce met plantæ radicem a maximo Medicorum numero tanquam specificum adversus Hydrophobiam prædicari. Mirabile prorsus Cataplasma contra morbum hunc suis in scriptis reliquit celebris Eques Digby a nobis in sequentibus in medium adductum, ac tanquam remedium purgans reputatum, quod scilicet tempestive applicatum veneni progressui, impedimento esse potest, inutile omnino, si rabies sese jam manifestaverit; usque adhuc enim remedium revera specificum adversus horribile prædictum morbum, ignotum est.

Conserva Cynorrhodon in Pilulis de Aquileja Pharmacopææ Parisiensis usurpatur.

- ℞. Fructuum Cynorrhodon nondum matur. M. jv. Coque, usque dum emolliantur cum optimo Vino rubro in pultario, igne claro, & moderato. Fiat colatura linteolo satis denso, forti expressione. Liquor cum f. q. Sacchari p. denuo igni committatur ad Syrupi consistentiam pro usu, dosi, trium vel quatuor cochlearium de die in uteri Hæmorrhagiis.
- ℞. Spongiæ Cynorrhodon q. l. Calcinetur, f. p. subtilissimus, cujus 3 j. notis spatio infunde in optimi Vini albi 3 vj. Fiat colatura pro dosi singulis mensibus in Lunæ decrefcentia repetenda.

Potio, & Cataplasma adversus canis rabidi morsum.

- ℞. Folior. Rutæ, Salviæ, & Bellidis ana. pug. j. Rad. Cynorrhodon, & Scorzoneræ ana. 3 β. Bulb. Allii N. vj. Salis com. pug. ij. Radices diligenter lotas, taleolatimque incisas, una cum Salvia in mortario marmoreo, pauloque post reliqua omnia cum prædictis tere pro Cataplasmate novem diebus demorsæ parti, prima saltem vice, antea scarificatæ, & aqua cum Vino, saleque mixta, ablutæ, ac mundatæ, mane applicando.

Priusquam vero Cataplasma apponatur:

- ℞. Materiæ prædictæ Ovo gallinaceo parem quantitatem. M. ac agita convenienti temporis spatio in mortario cum cyatho Vini albi. Fiat colatura ab ægro totidem diebus haurienda.

Remedium alterum adversus Rabiem anno 1748. a quodam liberali viro post varia experimenta publici juris factum.

- ℞. Rad. Cynorrhodon prope S. Joannis festum, ac Orientem versus evulsæ, primaque tunica destitutæ, & erasæ, digitalia tria plena pro unoquoque ægro.

- ℞. Deinde ova gallinacea N. iij. e quibus germina diligenter auferantur, ac unum extremitate adaperata, oleo nucis absque igne extracto, una vice cumulate adimple, deinde radice erasa, oleoque prædicto, ovorum placenta, sartagine ferrea igne rubefacta, sine sale paretur. A demorsis jejuno ventriculo placenta prædicta sumenda est, perseverando trium horarum spatio absque ullo cibo vel potu. Vulnus vero, si adsit, probe est scarificandum, Vinoque calido detergendum, portioneque alterius activioris placentæ prædicta ratione paratæ, taniaque obducendum, novemque dierum exacto spatio detegendum, tunc enim, si animal, qui morsum intulit revera rabidus fuit, rubicundum vulnus invenietur, sin minus, quasi saliva obductum apparebit, quo exacto tempore Theriaca parvæ nucis æquali quantitate ægris propinabitur.

Dosis prædicta pro animalibus quoque, canibus nempe, felibus, porcis &c. inservire potest, quibus placenta eadem devoranda exhibebitur.

Pro animalibus autem, ad eam ingurgitandam neutiquam aptis, nempe equis, bovis, vaccis &c. ℞ j. sive sextarium Olei nucis juxta animalis magnitudinem recipitur, duobusque Manipulis radicis Cynorrhodes prædicto in oleo, xij. horarum spatio, infusis; dosi jejuno ventriculo animalibus, mane propi-

propinatur, cibo, & potu tribus subsequenter horis interdictis, curando, ut duobus vel tribus proximis diebus animalia prædicta natent.

Apta Testarum Ostrearum calcinatarum quantitas prædicto remedio addenda est, proque animalibus augenda.

Testæ autem ostreæ maris anteponendæ sunt, quæ interna parte marginem versus quodam veluti filo nigro distinguuntur.

℞ Cort. Simaroubæ p. Corall. rubr. pp. & Gall. Alep. ana gr. X. Pili-
lar. de Cynoglossa gr. j. M. f. q. Conservæ Cynorrhodon f. b. anti-dy-
sentericus, & adstringens.

R O S M A R I N U S.

R O S M A R I N U S sive Anthos, Offic. Rosmarinus hortensis angustiore fo-
lio, C. B. P. 217. *Inst.* R. H. 195. Rosmarinus coronarius fruticosus,
sive nobilior, angustiore folio, J. B. 2. 25. *Raii hist.* 515. Rosmarinum coro-
narium, *Dod. Pempt.* 272. *Matth. Anguill. Lob. Camer. Eyst. Lugd. Hist.* Ros-
marinus coronarius, *Ger. Libanotis coronaria*, sive Rosmarinum vulgare,
Park. Rosmarinus, Brunf. Trag. Fusch. Turn. Lonic. Libanotis coronaria, Cord.
Gesn. Hort. Cassia nigra Theophrasti, Dalech. Rosmarinus sativus minor,
seu tenuifolius, Libanaria, Hyssopus Hebræorum, Arbor sanctæ Mariæ, *Quo-*
rumd. vulgo Romarin, Encensier.

Tenuis, ac fibrosa radix caulem arbusculæ in morem propellit ad trium
vel quatuor pedum altitudinem pluribus divisum ramulis longis, gracilibus,
refertis foliis integris, arctioribus, duris, rigidis, superne atro-viridibus,
inferne vero albis, succo fere destitutis, odoris admodum aromatici, gra-
ti, fragrantis, saporis acris. Flores tubulosi sunt, parvi, floribusque Salviæ
minores, ingenti numero, media inter folia dispersi: efformantur autem tu-
bulo superne in duo labia diviso, dilute-cæruleo, aut albidiusculo, odoris
mitioris, minusque foliis penetrantis. Hisce præsto sunt semina quatuor ple-
rumque minuta, ovalia, capsula occlusa, quæ veluti floris calycem efforma-
bat. Arbuscula hæc in hortis colitur Aprili, Majo, Junioque flores emittit:
sponte autem, abundeque crescit in calidis, siccisque regionibus, Hispania
potissimum, Italia, Occitania, Provincia; camphoram, aut thus quodam-
modo redolet; satis utilis ab antiquis usque temporibus reputata fuit, in
quibus ea coronæ vel florum pilei efformabantur; taleis quocumque in loco
facile progignitur, solumque optimum tantum exposcit quamlibet directio-
nem, ac formam receptura. Magno frigore omnino perit, si autem sæpius
ejus ramorum summitates scindantur, admonente J. Bauhino, non solum
citius excrescet, verum etiam ligno sese magis indurante, facilius etiam fri-
gori resistet: addit inde, fimo admoto omnino perire. Rosmarinus quan-
doque variare solet foliis diversis coloribus depictis, lutescentibus scilicet,
aut albescentibus, Hyeme non decidentibus. *Anthos* ejus flos nuncupatur, ve-
luti *flos per excellantiam* indigitandus sit, quamvis odor a calyce tantum
emanet. Foliis floribusque ars Medica utitur, anteponenda vero sunt ex
Provincia, & Occitania allata, aptiora enim, & activiora Meridionalium
regionum calore redduntur. Sapor acris, amarus, & nonnihil adstringens,
grato odore conjungitur.

Rosmarinus plurimum olei exaltati, salisque essentialis, aut volatilis con-
tinet.

tinet, interne, ac externe usurpatur. Interne cerebrum roborat, Epilepsiam, Paralyfim, vaporesque hystericos dissipat, ac hepatis, splenis, uterique obstructions, a crassis humoribus horumce viscerum functiones impredientibus, ortas refferat: quum autem planta hæc salino-sulphureo-aromaticis particulis prædita sit, prædictos humores incidit ac attenuat, fibrarum nervearum oscillationes excitat, earumque tonum relaxatum restituit. Aqua, in qua noctis spatio folia, floresque Rorismarini infusa fuerint adversus icterum, fluoresque albos optima recensetur; quin etiam memoriam, oculorumque aciem roborat. In Vino autem infusa, ac repetitis vicibus in usum revocata, Paralyfim, aliasque nervosas affectiones a viscosis humoribus progenitas sanant, ac ab Authoribus quamplurimis in sterilitate, fluoribusque albis ab eadem met causa provenientius commendantur; sæpe sæpius diarrhæas inveteras, & Leucophlegmatias, five tumores universales profligarunt. Flore, calyceque hujusce plantæ in S. V. digestis, distillationis ope celebris aqua Reginae Hungariæ elicitur, activiorque efficitur foliolis primum erumpentibus additis. Omnes vero norunt, aquam hanc in animi deliquiis, stuporibus, vertigine, vaporibusque hystericis, & hypochondriacis usurpari: interne autem ʒ ij. vel ʒ iij. parvo scilicet cochleari in aquæ cyatho exhibetur. In Officinis Conserva florum Rorismarini stomachica, cordialis, ac cephalica reperitur, dosi a ʒ j. ad ʒ jv. Foliis quoque *Mel Anthosatum* paratur ab ʒ j. ad ʒ iij. in vaporibus, colicisque flatulentis exhibendum; cum autem percommode interne usurpari possit, frequentius tamen clysteribus sociatur. Chymica elaboratione Oleum essenziale Rorismarini paratur, mira autem præstat in vaporibus hystericis, cerebrique affectibus, Boerhaavius in *Historia Plantarum horti Lugduno-Batavi*, remedium hocce, tamquam selectissimum depredicat adversus Eplipsiam, nec non ad menses, & lochia cienda, quum potissimum partium laxitudine & atonia, suppressa sint: in omnibus vero prædictis casibus guttæ aliquot optimo Vino infusæ hauriuntur. Tertianas febres in Xenodochio Charitatis Lutetiæ Parisiorum hoc eodem Oleo gut. v. aut vj. liquore appropriato exhibito sanatas vidit S. Paulli, quod remedii genus a celeberrimo illius ævi Medico *D. de S. Jacques* usurpabatur.

Ejus folia in Vino decocta externe usurpantur ad nervos, articulationesque roborandas. Vinum autem aromaticum, quo tam utiliter Chirurgi utuntur componitur foliis Rorismarini, Thymi, Salviæ &c. Aqua præterea Reginae Hungariæ superius laudata externum in usum quoque revocatur, ad nervosas musculosasque partes debilitatas, aut doloribus rheumaticis afflictas fovendas. D. Hannein in *Ephemeridibus Germanicis Decuria 2. anno VIII. pag. 121.* observationem attulit, qua narrat hominem, dolore rheumatico in musculis coccygæis diu stabulante, linimento Oleo essentiali Rorismarini terque, quaterque repetito liberatum fuisse. Ejus quin etiam foliorum infusio in os immissa, dentium dolorem sedat: a Nonnullis quoque guttæ aliquot eorum succi in dentis infirmi foramen intrusæ anteponuntur; prædicta quoque infusio optimum est Gargarisma adversus Uvulæ relaxationem. Folia etiam, floresque præstantissimi sunt pro suffimentis ad aerem pravis exhalationibus, aut miasmate contagioso corruptum corrigendum, uti in Xenodochiis una cum Baccis Juniperi quotidie experitur: pulvis quoque pyrius parva dosi in ignem injectus simili facultate potitur, & a Demerbroeckio in *Tract. de Peste* suffumigiis omnibus tunc temporis usitatis anteponitur.

Flores

Flores Rorismarini in Syrupis *de Stæchadæ*, *de Eryfino* composito, & Balsamo Oppodeldoc *Pharm. Paris.* usurpantur. Summitates vero in Orvietano &c. Conserva deinde in Opiata Salomonis *ejusdem Pharm.*

℞. Fol. Rorismarini Man. j. Coque in sextariis tribus Vini rubri, usque dum ad duos haustus reducantur, tepide, mane, jejuno ventriculo duarum horarum intervallo propinandos, curando ut ægri optime cooperto lectulo detineantur. Decoctio hæc plerumque juvit in Leucophlegmatia.

℞. Conservæ Flor. Rorismarini, & Salviæ ana $\frac{3}{4}$ j. Conservæ Cort. Aurant. $\frac{3}{4}$ vj. Zingiberis condit & Nucis moschatæ ana $\frac{3}{4}$ ℥. Theriacæ Andromaci antiquæ $\frac{3}{4}$ ij. Pulver. *Diambæ* & *Diamoschi* ana $\frac{3}{4}$ j. M. f. q. Syrupi Malor. Citreor. conditor. F. Opiata, adversus Apoplexiam, Paralytim, aliasque nervorum relaxationes, quæ nucis moschatæ magnitudine mane, & vesperi ægris propinabitur, qui statim poculum unum, vel duo infusionis Gallii lutei haurient.

℞. Summit. florid. Rorismarini, Salviæ, Lavendulæ, Origani, Thymi, & Fol. Lauri ana $\frac{3}{4}$ ℥. Salis Ammoniaci $\frac{3}{4}$ ij. Optimi Vini rubri ℥. jv. Fiat infusio super cinerarium calidum in vase clauso, pro Vino aromatico componendo, ad musculos, nervosque roborandos, tumoresque a confusionibus ortos resolvendos aptissimo. Linteola Vino hoc calido madefacta parti affectæ apponentur, exsiccata dein innovando.

R O S S O L I S.

R O S S O L I S, *Offic.* Ros Solis folio rotundo C. B. P. 357. J. B. 3. 753. *Inst.* R. H. 245. *Ger. Park. Raii Hist.* 1100. Rorida, five Ros Solis major, *Lob. Icon.* 811. Solfirora, five Sponsa Solis, *Thal.* Rovella minor, 1. *Tabern. Icon.* 816. Rorella, five Ros Solis, *Eyst.* Solaria major, *Camer. Hist.* Rorella vulgaris & Officinarum, *Rupp. Jen.* 102. Drosera Scapis radicatis, foliis orbiculatis, *Linn. Flor. Lapp.* 109. Ros Solis foliis circinate rotunditatis, Rorella rotundi-folia, Polytricum Apuleii album seu floribus albis, Drofion, Rosa Solis vulgo, *Nonnull.* vulgo, *Rosée du Soleil*, *Herbe de la Rosée ou de la Goute.*

Radix fibrosa, adinstar capillorum tenuis, plures emittit longas graciles, ac externe hirsutas caudas, quibus adhærent foliola fere rotunda, adinstar auriscalpii concava, dilute-viridia, margine pilis subrubris, & fistulosis ornato, e quibus aliquot liquoris guttulæ in foliorum cavitatem adeo exsulant, ut folia, pilique, specie quadam roris, ficciore quoque tempestate, maximoque Solis ardore, madida semper sint. Hæc inter bini, tresve, fere semipedales eriguntur caules graciles, rotundi, sub-rubri, teneri, foliis destituti, in quorum apicibus parvi locantur flores multipetali rosacei, sub-albidi, eadem in costa pendentes, calycibus conicis, denticulatisque suffulti, brevibusque appensi pedunculis. Parvi fructus segetis granum plerumque æmulantes, plurimaque semina comprehendentes, flores subsequuntur. Junio, Julioque planta floret, delectaturque locis desertis, rudibus, sylvestribus, sabulosis, humidis, ac paludosis, ut plurimum vero inter Muscum aquaticum albo-subrubrum enascitur. Prædictis etiam in locis alia quoque Roris Solis species reperitur, quæ a præcedenti oblongis foliis tantum differt. In utrisque

glutinosum quidpiam, tactuque viscidum ad modum fere Pinguiculæ, cum qua facultatibus conveniunt, conspici solet: colligi vero potissimum debent, quum florem emittunt, majorique vigore præditæ sunt, tempestate scilicet sicca & serena. Juxta J. Bauhinum mirabile prorsus est in hisce plantis, liquoris exsudantis guttulas apice digitorum tactas, ad modum glutinis, filamenta quædam veluti serica sub-albida, & consistentia statim emittere.

Ros Solis plurimum habet olei, phlegmatis, salisque essentialis, pectorali facultate pollet adversus Asthma, Tussim inveteratam, & pulmonum Ulcus; in infuso ad 3 ij. usque; pulveratum vero ad 3 j. præscribi solet. Syrupus Simplex, ac Compositus ex eo in Officinis asservantur iisdem usibus inservientes, 3 j. aut soli, aut Apozematibus, Potionibusque Bechicis commixti. Laudatæ virtutes a Boerhaavio latius expanduntur, commendat enim foliorum infusionem in hemicrania, epilepsia, morbisque oculorum. A quibusdam præterea internus hujusce Plantæ tamquam causticæ usus criminatur; cutem enim externe exulcerat: experientia tamen in re Medica rationis conatus omnes eludit, & analogia plerumque decipimur. Et de facto nonnulla extant remedia partibus quibusdam æqua, quibusdam vero aliis iniqua: Oleum Amygdalarum dulcium exempli causa viscera interna demulcet, oculos vero urenti doloris sensu excruciare solet: Vinum Emeticum e contra, a quo stomachus subvertitur, oculorum amicissimum est, & in collyriis roborantibus usurpatur. Sola itaque experientia duce ratiocinatio perficitur, nec ex eo, quod e planta peculiari ratione adhibita, peculiare emanent effectus, id semper ab ea produci, diversimode præsertim usurpata, neutiquam est statuendum.

Ros Solis vervecis veneno inficere solet, eorumque jecur, pulmonesque lædit, tussimque in iis excitat, qua sensim pereunt.

Quondam celebris aqua, juxta D. James, hac planta, nonnullisque aromatibus componebatur, nuncupabaturque *Rosa Solis* hisce diebus obsoleta.

R U B E O L A .

RUBIA Cynanchica, Offic. C. B. P. 333. J. B. 3. 723. *Raii Hist.* 485. RUBEOLA vulgaris quadrifolia, lævis, floribus purpurascens; *Inst. R. H.* 130. Rubia Synanchica, *Lugd. Hist.* 1125. *Ger.* Asperula repens Gesneri, sive saxifraga altera Cæsalpini, *Park.* Gallium tetraphyllum, montanum cruciatum, *Column. Part.* 1.297. Asperula foliis quaternis linearibus, floribus trifidis, *Linn. Flor. Svec.* 41. Rubiæ parvum genus, Rubiæ cognata, Rubiæ species sylvestris minor, Squinantica, Crucianella, Aspergula supina, Herba vitæ, *Nonnull.* vulgo *Petite Garance*, *Rubeole* ou *Herbe a la Squinancie*.

Radice[m] habet longam, crassam, lignosam, sub-nigram, ramosam, alte in solo repositam, quamplurimis delicatis stipatam fibris. Plures emittit caules graciles, fere semipedales, plerumque in terram stratos, læves, angulosos, foliis suffultos quaternis, e nodis exeuntibus, brevibus, angustis, lucescentibus. Flores summis caulibus ramulisque nascuntur umbellati, parvi, infundibulum referentes, quadripartiti, sub-rubri, quandoque albi, & odori, adinstar Jasmini florum, quibus semina bina simul juncta, oblonga, tactu rudia, per maturitatem sub-lutea, pulpa alba repleta præsto sunt. Delecta-

lectatur vero planta hæc sabulosis, sterilibus, montanisque locis, apricis col-
libus, cretaceisque; Majo, Junio, Julio, Augusto, & Octobri etiam floret
juxta regionum diversitatem.

Rubeola parum salis, oleique continet, haud magnum usum habet in re
Medica, adversus Anginam usurpari solet, Ptisanæ, & Gargarismatis for-
ma, nec non externe applicata.

Ejus vero radices in Septentrione, asserente Linnæo, ad instar Rubiæ ad
lanas rubro colore inficiendas in usum revocantur.

R U B I A.

RUBIA *Offic.* Rubia Tinctorum sativa, C. B. P. 333. *Inst.* R. H. 114.
Rubiæ sativa, J. B. 3. 714. Rubia, *Dod. Pempt.* 352. *Anguill. Cæsalp.*
Cord. Rubia major, *Lob. Icon.* 768. *Clus. Hist.* Rubia domestica, *Matth.* Ru-
bia Tinctorum, *Ger. Raii Hist.* 480. Rubia major sativa, sive hortensis,
Park. Erythrodanum, *Theophrast. & Dioscor.* Rubia foliis senis, *Linn. Hort.*
Cliff. 35. Rubia vera, Erythrodanum vulgare, Radix rubra, *Nonnull.* vulgo
Garance ordinaire ou cultivée, Garance des Teinturiers.

Radicem habet longam, serpentem, succulentam, in plures ramos divi-
sam, adinstar calami scriptorii crassam, lignosam, extus, intusque rubram,
vivacem, dulcem, amariusculam, adstringentem, inodoram. Caules propel-
lit longos, sarmentosos, quadratos, nodosos, tactu rudes, ab unoquoque
nodo quina, aut sena oblonga emittentes folia satis lata, ad modum stel-
læ, aut rosæ caulem ambientia, Aparinæ in morem, nonnihil tamen ma-
jora, pilisque aspera, circum exiguis stipata denticulis transeuntium vesti-
bus tenaciter adhærentibus. Flores prope summos exeunt ramos, peduncu-
lis suffulti, campaniformes, in quatuor, quinque, vel sex divisi segmenta,
stellæ ritu, luteo-virides, qui deinde abeunt in fructum gemellis globulis
constantem, maturationis tempore nigris, succoque refertis, semine foetis
satis umbilicato, tenui tunica obvoluto. In solo pingui, fertili, pluribusque
Europæ regionibus colitur, ejusque radix Majo, Junioque elicatur, exsicca-
turque, eaque ad varias provincias a Batavis magno emolumento transmit-
titur. Tinctoribus vero rubrum colorem suppeditat, hinc denominationem
traxit. E Seelandia adveſta melior recensetur, floret autem Julio, &
Augusto.

Radix sola in usum venit, plurimoque oleo, ac sale constare videtur. In-
ter quinque aperientes minores enumeratur. Hæ vero sunt Anonidis, Cap-
paris, Rubiæ, Graminis. & Eryngii radices. Reipsa Rubiæ radix inspissatos
humores potenter resolvit, & contumacibus hepatis, lienis, uterique obstru-
ctionibus apprime conducit; sanguinem quoque coagulatum disjungendi fa-
cultas huic tribuitur, fortasse eo quod rubrum colorem urinis concilat, ma-
ximumque habet usum apud Batavos in vino, aqua, aut cerevisia decocta
ac interne sumpta adversus insigniores contusiones. A Boerhaavio autem in
Historia Plantarum Horti Lugduno-Batavi plurimum commendatur, ad mucum
spissum, glareasque renibus, aut vesicæ inhærentes resolvendas, & foras
amandandas, atque simul arenulas, & calculos nonnunquam pellendos. Re-
cens in jusculis, & apozematibus aperientibus ʒ ss. aut ʒ j. vel sicca ʒ j. aut
ʒ ij. usurpari solet. Velut præstantissimum habetur sequens remedium

apud D. Chomelium in hydrope incipiente, ictero, & Infimi ventris obstructionibus.

Rx. Rad. Rubiæ p. 3 j. Croci Martis aper. gr. xii. Aloes succotrini ʒ ij. M. f. b. cum syrupo de quinque radicibus aperientibus.

Non obstante vulgatissima opinione a nonnullis Authoribus, ac præ cæteris a Dodonæo inter adstringentes Planta hæc recensetur; hi tamen aperte decipiuntur, experientia enim duce duo particularum diversa genera in ea perspiciuntur, aliæ namque subtiliores, ac penetrantes, obstructions reserant, aliæ terrestres ac adstringentes debilitatarum, relaxatarumque fibrarum tonum roborant, atque omnes ita simul junctæ sunt, ut subtiliores effectum suum edant absque ullo impedimento terrestrium, quæ postmodum adstringunt, uti in Rhabarbaro, aliisque plantis facultatibus primo aspectu contrariis insignitis observatur. Aptissima quoque est ad menses ciendos, pro quibus ab omnibus fere Medicis in usum revocatur. Ossa animalium hac planta sæpius saturatorum, rubro colore imbui a D. Duhamelio celeberrimo Regiæ Scientiarum Academiae socio refertur in *Commentariis* anno 1739. A Tinctoribus quoque, ut innuimus, ad res rubro colore inficiendas adhibetur, ab iis vero, vulgo vocatur, *rouge de Garance*, Boerhaavius vero asserit indusiis ejus colore infectis arthriticos plurimum solari. Folia, caulesque ad vasa stannea expolienda inservire solent, quibus elegantissimum nitorem conciliant.

Rx. Rad. Rubiæ & Anonidis lotar. & incisar. ana. ʒ β. Fol. Marrubii, Matricariæ, & Rorismarini Man. j. Sem. Petroselini pug. j. Croci Orient. ʒ j. Coque in f. q. aquæ fontis, & in colaturæ ʒ viij. dissolve Syrupi Marrubii ʒ j. Tartari Martialis salub. ʒ β. pro Apozemate depurando, cui adde aquæ Cinnamomi ʒ j. Propinabitur vero per triduum mane, jejuno ventriculo in ictero, mensiumque suppressione, nec febris, nec inflammatione conjuncta.

Rx. Rad. Rubiæ, & Asparagi lotar., & incisar. ana ʒ β. Coque cum f. q. carnis Vervecinæ omni pinguedine destitutæ in aquæ ʒ ij. Fiat jusculum, cui adde ultimo semihorio Folior. Agrimonix, Pimpinellæ, Cetrach, & Cichorii amari Man. j. Croci ʒ β. Fiat colatura levi expressione, & adde Tartari Martialis solub. gr. xx. pro jusculo aperiente novem subsequentibus diebus, mane, jejuno stomacho in mensium suppressione sumendo.

Boli Aperientes.

Rx. Boracis gr. viij. Croci Martis aper. gr. x. Millepedum pp. gr. xii. Tartari vitriolati gr. xv. Rad. Rubiæ, & Eringii exsicc. & p. ana. ʒ β. Syrupi de quinque radicibus q. f. f. b. pro binis dosibus. Addi potest ʒ j. Gummi Ammoniæ.

R U B U S.

DUæ RUBI species a Medicis usurpatæ a nobis describentur, Rubus scilicet vulgaris, & Rubus idæus.

Rubus, Offic. Rubus vulgaris, sive Rubus fructu nigro, C. B. P. 479. *Inst.*
R. H.

R. H. 614. Rubus major fructu nigro, J. B. 2. 57. *Raii Hist.* 1639. Rubus Dod. *Pempt.* 742. *Brunf. Fuchf. Matth. Camer. Cæsalp.* Morus, five Rubus, *Anguill.* Rubus vulgaris major, *Park.* Rubus Batis, *Lob. Adv.* 446. Rubus arvensis, *Tabern. Cord.* Rubus caule aculeato, foliis ternatis, ac quinatis, *Linn. Hort. Cliff.* 192. Morus sylvestris, Rubus grandis, seu vulgatissimus, Rubus sentis, Morum Batinum, Mora Bati seu Mora Bassi, Mora Baticana, Mora sylvestria, Ibidis sanguis, sentes, & vepres, *Quorumd.* vulgo *Ronce ordinaire*, la *Meure de Renard ou de buisson*, la *Meure sauvage*.

E radice gracili, serpenti, nodosa, vivaci, plures emergunt rami longi, debiles, flexibiles, e viridi rubescentes, angulosi, medulla referti, acutissimis, uncinatisque armati spinis, transeuntium vestibis adhærescentibus, gressumque retardantibus, sese deinde solum versus recurvantes, novisque radicibus immergentes. Folia oblonga sunt, acuminata, ambitu denticulato, tactu aspera, superne atro-viridia, inferne vero subalbida, eadem in cauda ternata, aut quinata, saporis adstringentis, Hyeme accedente statim decidentia, exceptis aliis eorum in locum excrefcentibus. Summis ramis flores erumpunt quinquepetali, subrubri, rosacei, brevibus appensi pedunculis, calyceque quinquifido suffulti, in cujus centro pistillum locatur numerosis cinctum staminibus: abeunt inde in fructus sphaericos aut ovaes, Moris æquales, pluribus conflatos globulis, succi plenis, proxime junctis, primum rubris, maturescendo autem nigris, saporis dulcis, gratissimi, quandoque variantis, femine oblongo donatis. Arbuscula hæc ubique crescit in sepibus, dumetis, secus vias, in nemoribus, vinetisque; Junio, Julio, & Augusto flores emittit, fructusque Autumno maturescit. Omnes fere ejus partes usum Medicum habent.

Rubi folia styptica sunt, saporisque terrei; chartam cæruleam saturate rubro colore inficiunt; fructus vero staturationi, eodem fere pacto ac Alumen, qui fructus vinosus est, ac fragrantissimus plerumque; quandoque autem alio in trunco insipidus, & ingratus. Verisimilius itaque est, sal acidum terræ connaturalem, quod in foliis vix apparet, aliis sejunctum principiis, in fructibus omnino exsolvi, ac una cum terrestribus particulis sal alumini valde proximum progignere: Hinc adstringens, detergens, ac absorbens Rubus censerī debet. Sæpe numero ejus rami, flores, fructus, ac radices variis in morbis a Veteribus usurpabantur. Dioscorides testatur, ramorum decoctionem, fluxum ventris, albosque fluores sistere; folia mansa oris, gingivarumque ulcera detergere, dentesque firmare: folia hæc eadem tusa impetigines, hæmorrhoidesque externe applicata sanant, succus tamen teneriorum ramusculorum Soli condensatus efficacius agit. Prædicta folia adversus vulnera, fructus adversus sanguinis sputum, radix vero adversus calculos a Galeno in usum revocabantur. Plinius, qui Dioscoridem *Capite de Rubo* descripsit, hisce facultatibus diureticam vim addit. Hisce vero diebus Planta hæc tam interne, quam externe recipitur ad detergendum, & resserandum. Syrupus fructuum feliciter in faucium morbis, & angina ad inflammationem sedandam exhibetur. Referente Rajo, Needhamus Medicus Anglus syrupum hunc in urinæ ardoribus magni faciebat. Syrupus quoque alter præterea conficitur magis detergens, ac adstringens fructibus immaturis, & rubicundis. *Diamorum* præterea Simplex, & Compositum pro faucium morbis componuntur; Simplex duabus succi Morarum portionibus, ac una Mellis, Rob

consistentia concoquitur; propinaturque vel solum cochleatim, vel decoctionibus refrigerantibus, aut deterfivis, juxta Medici scopum, conjunctum; Compositum vero Moris quoque, Melli, Omphacio, Myrrhæ, & Croco junctum est; magis præcedenti detergit, ac incidit condensatos bronchiorum humores, a 3 j. ad 3 ℥. Boerhaavius in *Historia Plantarum Horti Lugduno-Batavi*, testatur, radices Rubi Februario, Martiove elicatas, Melleque coctas, aperientes admodum esse, & adversus hydropem aptissimas: ab eo quoque una cum Veteribus fructus Vini rubro concocti, ad roborandum, omniaque fluxuum genera sistenda commendantur. Tabernæmontanus autem ad hæmorrhoidales fluxus sistendos in ano penicillum imponi jubet horumce fructuum succo saturatum. Folia trita repetitis vicibus externe applicata, impetiginem, ac ulcera antiqua profligant, remediumque est pauperibus fumigeratissimum. Ab Etmullero autem in omnibus hisce casibus eorum decoctio potius laudatur, ea frequenter ulcera abluendo, penicilloque hac ipsa madido superimposito.

Rubi fructus probe maturi, ac nigri refrigerant, sitimque excutiunt, Morisque hortensibus substitui possunt. A quibusdam tamen, tamquam satis frigidi, a Galeno vero tamquam dolorem capitis progignentes reprobantur. In Anglia præterea, testante Rajo, pueris interdiciuntur, ab iis enim scabiem, ac porriginem, ortum quandoque duxisse ait: quæ omnia quotidiana experientia omnino refelluntur.

Rubi Summitates in Unguento *Populeo* usurpari solent.

℞. Fructuum Rubi matur. 3 ij. Coque in Vini rubri Sextario cum semisse ad tertiæ partis consumptionem. Fiat colatura, pro gargarismate tepido pluries repetendo in oris, gingivarumque exulcerationibus, ac ad dentes firmandos.

℞. Hordei integri 3 j. Fol. Agrimonix ac Summit. Rubi ana Man. j. Sem. Lini 3 ij. Coque in aquæ ℥ ij. ad medias. Fiat colatura ac dissolve Mellis rosat. 3 j. CrySTALLI mont. 3 ℥. M. pro Gargarismate detergente.

℞. Folior. Rubi, Plantaginis, & Agrimonix ana. Man. ℥. Balust. & Rosar. rubr. exsiccat. ana. 3 j. ℥. Coque in aquæ ℥ j. ℥. ad medias, adde colaturæ Aluminis Rupei 3 j. Syrupi Rosar. exsiccat. 3 j. Fiat Gargarisma, quo ægri os sæpe diluetur in uvulæ relaxatione.

Rubus idæus, Offic. Rubus idæus spinosus, C. B. P. 479. *Inst. R. H.* 614. Rubus idæus spinosus fructu rubro & albo, J. B. 2. 59. *Raii Hist.* 1640. Rubus idæus, *Dod. Pempt.* 743. *Ger. Park.* Rubus idæus vulgaris rubro & albo fructu, *Clus. Hist.* 117. Rubus idæus Erythrocarpos, & leucarpos, Rubus idæus fructu rubente sive albicante odoratissimo, Cervirubus seu Rubus Cervinus, Frambœsia, *Quorumd.* vulgo, *le Framboisier*, *la Ronce du Mont-Ida*.

E radice longa, serpente, multifariam divisa, unus, vel plures, arbusculæ forma, ad humanam proceritatem, exsurgunt caules, vel rami teneri, virides, medullosi, rotundi, erecti, exiguis, nec satis acutis suffulti spinis, foliis Rubi vulgaris similibus, mollioribus tamen, atro-viridibus superne, subalbidis vero inferne, ac quodammodo farinosi, saporis adstringentis, floribus quinquepetalis, rosaceis, albis, calyceque innixis quinquifido; abeuntibus in fructum Fraga crassiolem, rotundum, nonnihil villosum, congestis pluribus conflatum globulis, ut plurimum rubris, odoris fragrantis, gratissimique, succo refertis dulci, ac vinoso, semenque occludentibus. Rubi species

cies hæc aliquando in Monte Ida, agroque vicino frequentissima occurrebat, hinc denominationem sumpsit; sponte vero in nemoribus humidis, ac umbrosis, rupibusque, aquis, perviis excrescit, in hortis quoque, pomariisque excolitur, floresque Majo, Junioque emittit; fructus vero Julio maturescunt, facile flacescunt, vermibusque infestantur.

Rubi Idæi fructus colore tantum differunt, alii enim rubri, alii albi sunt, facultatibus iisdem omnino præditi, plurimumque Fragis proximi. Crassiores, succulentiores, sapidiore, odoratioresque sunt eligendi, humectantes, refrigerantes, ac cordiales reputantur; stomachum roborant, fragrantiam, gratiamque ori conciliant, & sanguinem depurant; aperientes quoque, & anti-scorbutici existimantur: mediocrem olei exaltati, maximam salis essentialis, ac phlegmatis portionem continent: Biliosis, humoribus acrioribus, agitatique, refertis conveniunt, dummodo moderate usurpentur, facile enim in ventriculo diu immorantes putrescunt.

Saccharo, fructibus prædictis, & aqua communi potio non minus, quam aqua Fragorem gratissima, iisdemque ditata facultatibus paratur, nuncupaturque Gallice: *Eau des Frambises*; usitatissima est æstuante calore, sitim enim compescit, stomachi fervorem deprimit, urinasque ciet. Gelatina quoque, & Syrupus eorum succo, saccharoque componuntur, ad febriles ardores a bile nimis exaltata exortos cohibendos, & in diarrhæis, colicisque biliosis aptissimus. Hisce fructibus infusis, Vino, sapor, odorque gratissimus conciliatur, idemque Vinum cordiale, ac stomachicum est, valetque adversus vomitus, a ventriculi debilitate, & atonia productos. A Trago vero iisdem in morbis, & Cataplasma, foliis tuis, regionique affectæ applicatis, proponitur.

Folia præterea, summitatesque detergentes, adstringentesque sunt, ac percommode foliis Rubi in Gargarismate adversus faucium, gingivarumque morbos substituuntur. Florum vero infusio in aqua Hordei adversus Erysipelata, oculorumque inflammationes utilissima est, si ea tepida, pars affecta sæpius foveatur.

℞. Fol. Aquilejæ Man. ij. Cortic. inter. Ulmi ℥ j. Fungor. Samb., Glycyrrhizæ, Albi græci p. ana ℥ β. Coque in f. q. aquæ, reducaturque ad ℔ ij. Filt. colatura, ac dissolve Salis Ammoniac. ℥ ij. Syrupi Rubi Idæi, & Mellis rosat. ana. ℥ ij. M. pro Gargarismate adversus Anginam.

R U S C U S.

INter plures R U S C I, *Rusc*, species usitatiores tantum in arte Medica a nobis proponuntur, binæ scilicet, Laurus Alexandrina una, Bruscus altera.

Laurus Alexandrina, Offic. Laurus Alexandrina fructu folio insidente, C. B. P. 305. Laurus Alexandrina J. B. I. 574. Raii Hist. 663. Lob. Adv. Ruscus latifolius fructu folio innascente, Inst. R. H. 79. Laurus Alexandrina Chamædaphne, Column. part. I. 165. Laurus Alexandrina vera, Lugd. Hist. Clus. Hist. Laurus Alexandrina genuina, Park. Daphne Alexandrina sive idæa, Laurus Carpophyllos sive Epiphyllocarpos, Uvularia, Victoriola, Quorumd. vulgo le *Laurier d'Alexandrie* ou *Alexandrin*.

E radice longa, alba, dura, nodosa, fibrosa, plures exeunt bipedales caules minuti, flexibiles, virides, rotundi, foliis satis densis onusti, latis,

rotundis, nervosis, flexilibus, late viridibus, Lauro vulgari similibus, & angustioribus. E crassiore horumce foliorum portione flores emergunt globulares, pedunculo destituti, luteo virides, aut pallescentes, exiles adeo, ut vix conspici possint, immutanturque in baccas rotundas, minutas, maturitatis tempore rubras, unum aut duo semina dura adinstar cornu occludentes.

Locis delectatur montanis, in hortis quoque colitur, Æstate floret, fructusque Autumno maturescit. Plurimum olei, salisque essentialis suppeditat. Ejus radices aperiendi vim habent, ad urinas, mensesque ciendos, & contra hystericos vapores optime conveniunt; ptisanæ forma in aqua, aut decoctione ex Vino 3 j. pro liquoris 1b ij. usurpantur. In foliis vero vis vulneraria adstringens locatur, hinc ulcera nimium humida emundant, & exsiccant. Pulveris etiam forma radices, ac folia in usum revocari possunt a 3 j. ad 3 ij. Foliorum ac radicum harumce Cataplasma in Vino generoso ebullitum pro herniis jam refusis plurimum æstimatur; eorum quinetiam pulvere, si cochlearis manubrio uvula relaxata attingatur, in statum naturalem facile deducetur.

Bruscus, *Offic. Ruscus*, C. B. P. 470. J. B. r. 579. *Park. Raii Hist.* 664. *Ruscum*, *Dod. Pempt.* 744. Ruscus sive Brusculus, *Ger. Ruscus myrtifolius aculeatus*, *Inst. R. H.* 79. Myrtacantha, Murina spina, sive Myrtus sylvestris, *Lob. icon.* 637. Oxymyrsine, *Anguill. Centromyrsine*, *Theoph. Ruscus foliis supine floriferis nudis mas & femina*, *Linn. Hort. Cliff.* 465. Myrtus agrestis seu sponte nascens, Chamoemyrsine seu Chamoemyrtus, Myrtus acuta seu spinosa, Myacantha seu spina muris. Scopa regia, Buxus pungens, *Nonnull. vulgo le Petit Houx, Houx frelon, Housson, Fragon, Myrte Sauvage ou epineux, Bruscul, Bovis piquant.*

Radice est crassa, tortuosa, inæquali, dura, serpenti, alba, fibris crassis, albis, oblongisque Asparagorum fibris simillimis stipata, saporis acris, & amariusculi: plures expellit caules bipedales flexibiles, fractu difficiles, striatos, pluribus distinctos ramis, foliis myrtiformibus, rigidioribus tamen, asperioribusque, aculeatis, nervosis, inodoris, cauda destitutis, transversim locatis, semper virentibus, saporis amari, & adstringentis. Mediis foliis flores insident senis divisi portionibus, brevissimo appensi pedunculo, parvi, sublutei, quorum stamina simul juncta globulum efformant, calyceque destituti abeunt tandem in baccas rotundas, pisa similes, molliusculas, maturationis tempore rubras, saporis subdulcis, semina adinstar cornu dura, binaque occludentes. Delectatur rudibus, saxosisque locis, sylvis, nemoribus, ac sepibus, Aprili, ac Majo floret. E radice Veris tempore quidam exeunt surculi tenerissimi, viridesque, ad esum asparagorum more percommodi, qui surculi si forte excrecant foliis onerantur, lignosi, flexibilesque sunt, iisque scopæ conficiuntur. Iis quoque a rusticis carnes, aliæque res servandæ conteguntur ne a muribus, absque molestissimis puncturis, penetrentur.

Bruscus Analyseos Chymicæ ope plurimum olei, salisque essentialis suppeditat, ejusque partes universæ a Medicis usurpantur ad humores condensatos attenuandos, & viscerum impuritates, per urinæ vias, eliminandas. Radix inter quinque aperiennes majores recensetur, cum Apio, Faniculo, Petroselino, & Asparago, præscribiturque in ptisanis, apozematibus, jusculisque

que aperientibus ab \mathfrak{z} β . ad \mathfrak{z} j. in ictero, hydrope, chlorosi, renumque sabulosis obstructionibus. Harumce radicum decoctione desperatos hydropicos sanatos vidisse asserit Jo: Bauhinus; Riverius autem *Centuria tertia Observatione* 52. in medium adducit Hydropicum pauperem, probæ mulierculæ consilio decoctione Brusci quotidiano, mensis spatio, potu utentem, ac duabus portionibus purgantibus sola Senna conflatis postea receptis, perfecte sanatum; præterquamquod Boerhaavius adversus Nephriticas affectiones, Hydropemque, decoctionem ejusdem foliorum ex Vino albo cyathi unius dosi mane, jejuno ventriculo, stato temporis spatio repetita, tamquam præstantissimum remedium commendat.

Ejus vero baccarum Conserva ab \mathfrak{z} β . ad \mathfrak{z} j. urinæ ardoribus, ac gonorrhœæ mederi solet; mane jejuno stomacho sumitur, repetiturque usquedum opus sit. Adversus vero strumosos tumores pluribus vicibus Vini Albi \mathfrak{ss} β . præscribitur, in quo infusa fuerit \mathfrak{z} j. Radicis Bruschi p. cum pari Radicum Scrophulariæ, ac Filipendulæ portione.

Brusci radices usurpantur in Syrupo de Quinque Radicibus aperientibus, & semina in Benedicta laxativa *Pharmacopææ Parisiensis*.

\mathfrak{R} . Rad. Brusci, & Feniculi lotar. & contusar. ana \mathfrak{z} j. Coque in aquæ \mathfrak{ss} iij. ad tertiæ partis consumptionem. Fiat colatura, ferveturque pro usu. Mensis spatio, singulo mane magnus cyathus tepidus jejuno ventriculo, ex hac ptisana Hydropicis propinabitur, jejunium tribus subsequentibus horis custodiendo.

\mathfrak{R} . Rad. Brusci, & Asparagi ana. \mathfrak{z} j. Coque cum juguli Vervecini \mathfrak{ss} β . in aquæ \mathfrak{ss} iij. pro duabus dosibus. Adde ultimo semihorio Fol. Cichorii sylvestris, Agrimonix, Pimpinellæ, & Capill. Ven. ana. \mathfrak{M} un. β . Flor. Calthæ pug. iij. Fiat colatura levi expressione, ac divide in doses duas, mane jejuno stomacho, ac vesperi sumendas in Ictero, Chlorosi, ac Hydrope. Matutinæ doī addi possunt Tartari Mart. solub. gr. xx.

R U T A.

Binas RUTÆ species præsertim a Medicis usitatas agnoscimus; Rutam scilicet hortensem, ac Rutam sylvestrem majorem.

Ruta, *Offic.* Ruta hortensis latifolia, C. B. P. 336. *Inst.* R. H. 257. Ruta fativa vel hortensis, J. B. 3. 197. *Raii Hist.* 874. Ruta graveolens vel Hortensis, *Dod. Pempt.* 119. Ruta Domestica, *Trag.* 68. Ruta latifolia, *Tabern. Icon.* 133. Ruta hortensis, *Ger.* Ruta Hortensis major, *Park.* Ruta vulgaris major, Ruta fativa latioribus foliis, Ruta vera, Peganon veterum, *Quorund.* vulgo *la Rue des Jardins*, *la Rue domestique ou cultivée*.

Radix lignosa, lutea, fibrisque numerosis stipata caules Arbusculæ in morem propellit ad altitudinem quandoque quinque vel sex pedum, digitum crassos, lignosos in plures ramos divisos, subalbido cortice contextos. Folia pluribus segmentis distincta sunt, parva, oblonga, carnosâ, nonnihil crassa, lævia, dilute-viridia, pari ordine in costa locata, uno tantum, in apice, desinente. Summis ramis parvi flores enascuntur quadripetali, fere ovales, lutescentes, abeuntque in fructus fere semper quadricapsulares, pluribusque seminibus refertos angulosos, aut reniformibus. Odorem habet graveolentem, saporem acrem, & amarum, ubique in hortis crescit, in locis

præcipue siccis, Solique expositis; Junio flores edit, totaque Hyeme virescit, usquedum Vere recentia folia, vestutarum subeunt locum.

Ruta sylvestris, *Offic.* Ruta sylvestris major. C. B. P. 336. J. B. 3. 199. *Inst.* R. H. 257. *Raii Hist.* 874. *Partk.* Ruta sylvestris graveoleus, *Dod. Pempt.* 119. Ruta montana, *Ger.* Ruta sylvestris, *Matth. Trag. Brunf.* Ruta sylvestris majoribus foliis, *Gesn. Hort.* Ruta sylvatica sive agrestis, Peganium veterum, *Quorumd.* vulgo *la grande Rue sauvage*.

Rutæ Hortensi fere in omnibus similatur; exilior tamen est, foliisque longioribus angustioribusque segmentis divisis, atro-viridibus, odore penetrantiori, saporeque acriori. Meridionalibus regionibus, locisque saxosis, montanis, ac præcipue agro Monspeffulano, & Neamausino delectatur.

Prædictæ duæ Rutæ species plurimum olei exaltati, salisque volatilis & essentialis continent; iisdem omnino gaudent facultatibus, ac una pro altera commode substitui potest; pro usu tamen Medico hortensis sylvestri anteponi solet.

Tamquam incisiva, attenuans, ac discutiens reputatur ad menses ciendos, & vapores dissipandos aptissima, nec non adversus colicas affectiones flatulentas, ac humorales, vermes, canis rabidi, & serpentum morsus.

Foliis, feminibusque infusis, atque decoctis, dosi minima aliarum plantarum respectu, causa graveolentiæ, utimur. Pug. j. aut ij. Fol. recent. in cyatho Vini albi infusa, aut ℥ j. eorumd. exsiccat. ad menses eliminandos, vaporesque hystericos compescendos sufficiunt. Mizauld vero Rutam cum Hyssopo in Vino decoctam præscribit, cyathi unius dosi pluries jejuno stomacho repetita eisdem contra morbos. Ruta apta nata est adversus strumas, tribus, vel quatuor ejus foliis matutino tempore jejuniis puerulis prædicto morbo affectis exhibendo, quæ etiam una cum pane ingerere possunt, remediumque profecto est neutiquam spernendum, dummodo diutius repetatur: si autem folia respuantur, Succus Rutæ defæcati ℥ ij. substitui possunt.

Contagiosis vero in morbis, ac ad pravas aeris exhalationes coercendas cochlearia duo succi Rutæ cum pari Vini optimi quantitate, utilissimum remedium dosis augeri etiam potest ad cyathos usque duos, uno scilicet mane, jejuno ventriculo, altero vespere. Conserva Rutæ ac Acetum Rutæ de quibus infra verba faciemus vim maximam pariter habent pestis tempore. Zacutus magnis laudibus Rutam extollit contra Epilepsiam, & Valeriola in eodem morbo ℥ j. ejus succi cum ℥ β. Mellis scillitici præscribit. Quum itaque Rutæ facultates tam late spatientur, diversæ ex ea præparationes in Artem invectæ fuerunt; Aqua nempe stillatia, Olea infusionis & distillationis ope, Conserva, & Acetum.

Aqua stillatitia conficitur, recipiendo summitates Rutæ floridas, & pro unaquaque Plantæ libra, aquæ ebullientis lb. jv. superaffusis, distillationi omnia f. a. committendo pro lb. una aquæ elicienda ab ℥ j. ad ℥ jv. exhibenda in Potionibus ac Julapiis Anti-Hysterics, Anti-Epileptics, & Vermifugis.

Recipiendo autem Fol. Rutæ taleolatim incisar. ℥ jv. & in lb. j. Optimi Olei Olivar. ea infundendo, ac omnia spatio XV. dierum Soli exposita, aut loco calido, vase probe clauso linquendo, colaturæ dein novis additis foliis, idem tertio repetendo; omnia demum B. M. coquendo, oleumque pro usu segregando, & asservando, laudatum Rutæ Oleum infusionis ope componitur.

tur. Adversus vermes in usum revocari solet, qua de causa gossipium nonnullis hujusce Olei guttulis saturatum Infantum umbilico apponitur: aptissimum præterea est adversus colicas affectiones, tam humorales, quam flatulentas cochleari uno interne, ac ℥ ij. clysteris forma propinatum. Stillatitium Oleum iisdem potitur facultatibus, iisdemque in morbis præscribitur quarundam guttularum dosi.

Conserva quoque paratur, recipiendo Summitatum Rutæ mundat. ℥ j. & Sacchari albi p. ℥ iij. iisque mortario marmoreo tuis, ac in pastam redactis, paulatim saccharum addendo, omnia semper diligenter confundendo, usque dum probe permixta sint. Conserva hæc adversus indigestiones ℥ j. vel ℥ ij. usurpatur; in Peste vero, morbisque contagiosis ℥ ss. matutino tempore, jejuno ventriculo, in morbis præterea omnibus superius recensitis.

Acetum denique Rutæ conficitur, infundendo ejus folia in aceto fortissimo, addendoque Pimpinellam, Betonicam, nonnullos Alii bulbos, Baccas Juniperi, & Camphoræ parum. Dosis, cochlearis unius, ut peste grassante infectio arceatur. Diamerbroeck, Sylvius de le Boe, & P. Kirker miserrimo eo tempore acetum prædictum plurimi faciunt.

D. Boylæus cum Rajo Syrupum succo foliorum Rutæ, saccharoque confectum adversus capitis morbos, ac nervosi generis affectiones magnis encomiis extollit.

Ruta quoque externum usum amplissimum habet, ejus enim foliorum decoctio præstans Gargarisma est pro scorbuticorum gingivis, variolisque affectis, ea enim pustulæ fauces infestantes resolvuntur, ea præterea oculorum bulbos illinire possumus. Garidelius autem in *Historia Plantarum agri Aquisextiensis* asserit, corneæ albugines, suffusionesque, in quibus aqueus humor potissimum afficitur, ut plurimum sanari, dummodo Rutæ odor ab adolescente sano antea esitata in oculos suffletur. Decotionis quoque vapore, inverso infundibulo ad oculum ægrum excepto prædictus Medicus utebatur. Foliorum quoque infusio ad modum Theæ prædictis addenda est. A Nonnullis quoque in uteri suffocationibus Cataplasma Rutæ foliis, ovisque in sartagine placentæ more coctis, utrique regioni applicatum in usum revocatur: priusquam vero admoveatur rite ægrotantis temperamentum est pernosendum, quamvis enim remedium ut plurimum juvare dicatur, mulieres hystericæ adinveniuntur, quæ Rutæ odorem perferre nequeunt, hinc in hisce morbus augmentum eo excipiet.

Folia Rutæ usurpantur in aquis Prophylactica, & Hysterica, in Electuariis de Baccis Lauri, Diaphænico, & Orvietano, in Pulvere adversus Rabiem, in Trochiscis de Myrrha, & in Unguento Martiato Pharmacopæe Parisiensis.

Summitates ejus vero in Aqua Theriacali, & Balsamo Tranquillo, semen in Syrupis Stæbcados, & Artemisiæ, in Pulvere Chalybis, & in Pilulis foetidis. Succus vero in Trochiscis Hystericis ejusdem Pharm.

℞. Succo defœcati Fol. Rutæ ℥ ij. Optimi Vini rubri ℥ jv. M. pro potione vermifuga per triduum mane jejuno ventriculo repetenda, magma super umbilicum imponendo Cataplasmatidis forma.

Pro infantibus autem ad dimidium dosis reducetur, pro gravidis vero remedium prædictam omnino proscribetur.

℞. Fol. Rutæ, Salviæ, Verbenæ & Euphrasiæ ana Man. ss. Millepedum vivum

ventium num. CC. Seminum Fœniculi dulcis ℥ β. Succī Racemorum Uvæ filtrati ℥ jv. Omnia in sacculum infunde, ac super cadum suspende, in quo jam ℥. x. Vini albi, ac totidem Aquæ repositæ fuerint, pro potu ordinario ad oculos aciem roborandam.

℞. Rad. Angelicæ & Zedoariæ ana ℥ j. Baccar. Juniperi ℥ ij. Fol. Rutæ Man. iij. Aceti fortissimi ℥. iij. Fiat maceratio per triduum, coleturque liquor tam pro Gargarismate, quam pro Suffumigio Peste grassante, usurpando.

℞. Aquar. Rutæ, Fœniculi, & Vini Emetici ana ℥ ij. Croci gr. jv. Vitrioli albi gr. x. Camphoræ gr. vj. Sacchar. cand. ℥ j. M. pro Collyrio ressolvente.

Decotio pro Canis rabidi morfu.

℞. Fol. Rutæ ℥ vj. Allii ac Theriacæ ana ℥ jv. Scobis Stanni ℥ jv. Coque in ℥ jv. Cerevisiæ antiquæ, non lupulatæ ad medias. Fiat maceratio, & colatura; cujus ægris cochlearia vj. bis de die per novendium propinentur, ac magma demorsæ parti admoveatur.

S A B I N A.

BInæ tantum SABINÆ species notæ sunt, ambæ in usum Medicum venientes, Sabina nempe mas Tamarisci folio, & Sabina fœmina folio Cupressi.

Sabina mas, *Offic.* Sabina folio Tamarisci Dioscoridis, C. B. P. 487. Sabina baccifera & sterilis, J. B. r. 288. Sabina mas, *Taber. Icon.* 945. Sabina vulgaris, *Park. Raii Hist.* 1415. Sabina sterilis, *Ger.* Sabina vulgarior *Adv. Lob.* Sabina Myricæ folio, *Cord.* Sabina, *Brunf. Fuchs. Dod.* Sabina minor. *Ge'n. Hort.* Sabina Tamarisci similis, *Lugd. Hist.* Brathy seu Brathys, *Græcor.* Sevinia vel Savinera prima, *Quorund.* vulgo *la Sabine ou le Sabinier a feville de Tamarisc.*

Radix robusta, & lignosa exiguum emittit truncum sive arbusculam, magis in latum, quam in longum sese dilatantem, semperque virentem, foliis Tamarisci Germanici æmulis, durioribus, ac nonnihil aculeatis, odoris fortis, & ingrati, saporis acris, & urentis. Individuum hocce mas, aut sterile nuncupatum summis ramis parvos effert flores tribus staminibus inferne stipatos, petalo destitutos, quibus plerumque nullus succedit fructus; quum enim arbuscula veterascit, aut quocumque in loco diutissime immorarit inter folia exigui viridescentes flores eriguntur, quibus parvæ ac planæ baccæ præsto sunt, baccis Juniperi exiliores, pariter per maturitatem atro-cæruleum colorem acquirentes. In hortis colitur: nostris vero in regionibus raro fructus edit, hinc pene sterilis reputata fuit.

Sabina fœmina, *Offic.* Sabina folio Cupressi, C. B. P. 487. Savina fœmina, *Tabern, Icon.* 946. Sabina baccifera, *Matth. Camer. Rauwolf.* Sabina major, *Gens.* Sabina vera, *Cæsalp.* Sabina fructifera, *Cast.* Sabina altera, *Dod.* Sabina genuina baccifera, atro-cærulea, *Lob.* Savina Cupresso similis, *Lugd. Hist.* Cupressus Cretia; Savina, Savinera vel Savinaria secunda seu Cyparissias, *Quorund.* vulgo *la Sabine ou le Sabinier a feville de Cypres.*

Radix vivax, firma, & lignosa ut in præcedenti; truncum emittit magis quam in prima specie elevatum, externe plurimum Cyparisso simulantem, arboremque quodammodo ramis crassioribus repræsentantem, cujus lignum sub-rubrum interne est, corticeque contextum pariter sub-rubro, mediocriter denso. Folia Cyparissi foliis proxima sunt, compactiora tamen, odoris fortis, penetrantisque, saporis amari aromatico-resinosi. Flores tribus conflantur petalis firmis, acutis, permanentibus, quemadmodum & calyx in tres partes divisus, coloris herbofo-lutei. Baccæ carnosæ sunt, rotundæ, inferna sui parte tribus oppositis distinctæ tuberculis, umbilico tribus denticulis armato, tria officula oblonga occludentes, ex una parte convexa, ex alia vero angulosa. Arbuscula hæc in montibus, sylvis, aliisque incultis locis excrescit. In hortis quoque colitur. Folia semper virentia præcipue in usum Medicum veniunt.

E Sabinorum regione, in qua abunde apparebat nomen mutuata est Sabina; frigore vero nequiquam læditur, tarde autem elevatur hinc a Græcis *Brathy* five *Bradis* nuncupatur.

Superius recensitæ Sabinæ species plurimum Olei, Salisque continent. Prima vero frequentius a Medicis usurpatur tam interne, quam externe, ac inter incidentes, penetrantes, ac aperientes enumeratur. Interne menses ciet, partum, ac secundinas accelerat. In infuso ad ʒ β. in substantia vero, aut in pulvere ad ʒj. in cyatho Vini albi folia usurpantur. Cortex, lignumque pariter præscribuntur. Menses ciet, ut innuimus, planta hæc, adeo vero violenter, ut eam in calceamentis tantum immitere ad scopum eundem quandoque sufficiat; foetus quoque e matrice exitum sollicitat. Verum enim vero mulieres, aut puellæ satis infelices recenseri possunt, si ad hocce remedium abortus gratia confugiant, hæmorrhagia enim quandoque hanc ob causam mater, & foetus una pereunt, ut pluribus exemplis comprobari potest. Probe deinde anima advertendum est, ut in mensium suppressione, partuque difficili tunc solum planta hæc in usum revocetur, quum potissimum a relaxatione, atoniaque partium & suppressio prædicta, & difficilis partus originem ducant, sin autem ab earundem partium inflatione, ardore, & eretismo proveniant, ut frequentius accidit, tunc remedium inflammationem augeat, & ad sanguinis missionem e brachio, ad fomenta anodyna, clystereque emollientes potius est confugiendum, a quibus scæminæ afflictæ plus solatii, quam a roborantibus remediis recipere semper solent. Quod optime comprobatur a D. Valthero in *Ephemeridibus Germanicis Centuria III. & IV. pag. 230.* refert enim, imperitam obstetricem Sabinæ decoctione ad difficiles partus adjuvandos abutentem, tribus a se ipso cognitis mulieribus, foetibusque interitum intulisse.

Magna hæc Sabinæ efficacia a nonnullis Authoribus in dubium revocari videtur, eo quod præcipue a pluribus ad menses, abortumque procurandum incassum adhibita fuit. Qua de re legi potest Observatio satis longa D. Bernardi Valentini in *Ephemeridibus Germanicis anno 1730*; peculiare tamen quædam exceptiones adversus jam comprobatam Plantæ facultatem juxta sententiam nostram nihil facere possunt. Temperamenta existunt certa quadam ratione ita disposita, ut quorundam remediorum vim omnino eludant, quam in aliis efficacius exerunt, ac non obstantibus nonnullis observationibus communi omnium Authorum consensu Sabina hæmenagogum potentissimum, ac periculosissimum reputatur.

Tamquam excellens remedium adversus vermes succus foliorum Sabinæ cum Lacte mixtus, saccharoque edulcoratus, cochleari uno identidem infantibus propinatus a Rayo commendatur.

Aqua quoque, ac Oleum stillatitium ex hac planta elicitur. Aqua ab ℥ β. ad ℥ ij. in potionibus hæmenagogis ac vermifugis præscribitur. A Nonnullis quoque adversus Vertigines celebratur, ac tamquam detergens ad faciei maculas ablegandas, colorisque nitorem conciliandum.

Quoad vero Oleum stillatitium, ejus guttulæ aliquot super sacchari frustum imponuntur, admiscunturque potionibus, julapiisque ad menses cientes, vermesque enecandos dicatis.

Externe tamquam detergens, ac resolvens, aceto ebullita cancris crurum feliciter applicatur. A Boerhaavio autem in *Historia Plantarum Horti Lugduno-Batavi* Cataplasma foliis Sabinæ cum Sale tufis, Oleoque olivarum commixtis adversus ancylosim, infantumque capitis impetiginem præscribitur. Hoc idem Cataplasma optimum est ad equorum, oviumque tumores resolvendos. Adversus quoque vermes prædicta folia una cum Melle tufa umbilico apponuntur. Sabinæ vero pulvis ad carnes infumendas, ulceraque detergenda usurpatur.

Sabinæ folia in aqua hysterica, trochiscis, syrupo Artemissię & Unguento *Matiato Pharm. Paris.* recipiuntur. Summitates vero in syrupo calybis; oleum denique distillatum in Balsamo hysterico, & Essentia Anti-hysterica ejusdem *Pharmacopææ*.

Fomentum adversum Contusiones.

℞. Rad. Bryoniæ albæ ℥ ij. Aristolochiæ rot. ℥ j. Fol. recent. Rutæ, ac Sabinæ ana Man. j. Flor. Tanaceti Chamomill. & Matricariæ ana ℥ j. Cepar. recent. ℥ vj. Digere per horæ dimidium in vase clauso aquæ ebull. ℔. vj. adimpleto. Coque parumper, succumque per satis densum linteolum vi exprime. M. cum ℥ xv. hujusce succi, Farinæ Lini ℥ β. Iterum parumper decoquatur, refrigereturque decoctio, cui adde Sp Vini Theriacal. ℥ ij. Salis Ammoniaci ℥ j. Panni lanei frustulo hac decoctione infecto pars affecta foveatur, splenia duplicia, eadem, madida superappponendo.

Fomentum aliud adversus Scirrhum.

℞. Flor. Althææ, Chamomill. Melilot. & Sambuci ana Man. j. Centaur. min. Man. β. Fol. Absinthii, Marrubii albi, Rutæ, & Sabinæ ana Man. j. Rad. Bryoniæ albæ ℥ jv. Angelicæ ℥ j. Digere horæ, spatio, cooperto vase cum aquæ ℔. vj. Fiat expressio fortis, ac ℔. jv. singulis adde Sp. Vini Theriac. ℥ jv. Super cutem panni lanei frustulum prædicto liquore madidum applicetur, ac super pannum externe, vesica suilla dilatata, pauco oleo, antea illita pariter apponetur.

℞. Millepedum pp. ℥ j. Sabinæ p. gr. jv. Divide in partes duas æquales, quarum una mane jejuno stomacho duobus Vini albi cochlearibus sumetur, altera vero pari modo tribus a pastu horis adversus caneros.

S A L I C A R I A .

Lysimachia purpurea, *Offic.* Lysimachia spicata purpurea, forte Plinii, C. B. P. 246. Lysimachia purpurea, quibusdam spicata, J. B. 2. 902. Pseudo-Lysimachium purpureum, alterum, *Dod. Pempt.* 86. SALICARIA vulgaris purpurea, foliis oblongis, *Inst. R. H.* 253. Lysimachia purpurea spicata, *Ger. Park. Raii Hist.* 1036. Lysimachia altera flore spicato, *Matth.* Lysimachia flore purpureo, *Anguill. Casalp.* Lysimachia purpurea, forte Pliniana, *Lob.* Lysimachia altera, *Lac. Camer. Hort. Lugd. Hist.* Lythrum foliis oppositis, *Linn. Hort. Cliff.* 178. Lysimachium purpureum cognominatum, Lysimachium secundum sive alterum, Blattaria Spuria spicata rubra, *Nonnull.* vulgo *Salicaire commune*, ou *Lysimachie rouge*.

Radicem habet digitum crassam, lignosam, albam, vivacem, caules ad humanam proceritatem quandoque excrecentes, rigidos, angulosos, ramosos, subrubros, foliis integris, oblongis, acutis, Lysimachiae æmulis, nonnihil tamen angustioribus, ac viridioribus, ab unoquoque caulium nodo, binis, quandoque tribus, raro quatuor invicem oppositis exeuntibus, caulemque simul, statim intervallis, ambientibus, saporis sicci, adstringentisque. Flores exigui sunt, ac verticillati medios inter ramos, spicati, late purpurei, senis conflati petalis rosaceis, duodecim staminibus, apicibus simplicibus, & erectis ejusdem coloris in centro locatis, abeuntes dein in capsulas oblongas, acutas, binis cellulis seminibus minutis refertis, distinctas. Locis humidis, paludosisque delectatur, secus aquas fluviis, rivulosque occurrit, Æstate floret, ac plerumque Junio, Julioque.

A D. Tournefortio primum *Salicaria*, *Salicaire* fuit nuncupata, eo quod ut plurimum in salicetis enascatur, vel potius juxta Nonnullos, quia ejus folia foliis Salicis plurimum simulantur.

Tanquam detergens, adstringens, vulneraria, ac refrigerans reputatur, tamen raro usurpatur. Quidam veluti optimum remedium in Dysenteriis, fluxibusque sanguineis mulieribus eam proponunt. Rajus vero testatur, a Parkifono aquam ejusdem distillatam adversus inflammationem, contusionemque oculorum magnopere æstimatam fuisse.

S A L I X .

Et si omnes SALICIS species indiscriminatim a Medicis usurpari possent, nihilominus duæ sequentes usitatiores deprehenduntur.

Salix alba seu major, *Offic.* Salix vulgaris alba arborescens, C. B. P. 473. *Inst. R. H.* 590. Salix maxima, fragilis, alba, hirsuta, J. B. 1. 212. *Raii Hist.* 1419. Salix prima vel major, *Dod.* Salix, *Ger.* Salix arborea angustifolia alba vulgaris, *Matth. Lugd. Hist.* Salix alba prior arborescens vulgaris, & pericalis, *Theophr. & Plin.* Salix Dioscoridis, *Lob. Icon.* 136. Salix foliis Linearilanceolatis, acuminatis, ferratis utrinque pubescentibus, infimis ferratis, glandulosis, *Linn. Hort. Cliff.* 454. Salix Riparia sive albida, *Nonnull.* vulgo, *Saule ou Saulx*, le gran *Saule* ou le *Saule vulgaire blanc*.

Radix longa, lignosa, alba, arborem producit magnam, mediocriter crassam, ramis suffultam, satis copiosis, fortibus, longis, ac viridibus, compacto,

pacto, tactu lævi, flexibili, in ramis purpureo, aut albo cortice contextam, ligno albo, flexibili, fractuque difficili. Folia integra sunt, alterna, longa, angusta, hirsuta, alba, præsertim inferne, mollia, ambitu modo magis, modo minus denticulato, facile a ventis abrafa. Flores, fructusque segregatis individuis enascuntur. Salix namque mas, seu sterilis spicas tantum effert longas, squammosas, petalo destitutas, binis staminibus centrum occupantibus: Salix autem foemina spicas effert præcedenti similes, ovali tamen, acuminato, squammisque calycis longiore pistillo distinctas, in capsulam deinde abeuntes ejusdem figuræ, bivalvem, exiguis seminibus ovalibus, & cristatis repletam: quæ omnia constantissime eveniunt; fabula enim est, qua narratur, Salices sexu variare, ac singulis annis flores mares, floresque foeminas alternatim progignere. Arbor hæc ubique crescit in locis humidis, & paludosis, secus rivulos, amnes fossasque aqua redundantes, in pratis.

Salix Caprea, seu minor, *Offic.* Salix folio ex rotunditate acuminato, C. B. P. 474. *Inst.* R. H. 591. Salix Latifolia inferne hirsuta, J. B. I. 215. *Raii Hist.* 1422. Salix Caprea, Latifolia, *Tabern. Icon.* 1038. Salix Latifolia rotunda, & Latifolia oblongior, *Park.* Salix Caprea rotundifolia, & Caprea Latifolia, *Ger.* Salix Platyphyllos Leucophlæos, *Lugd. Hist.* Salix foliis ferratis, glabris subovatis sessilibus appendiculatis, *Linn. Flor. Lapon.* 285. Salix sylvestris latifolia, Salix altera folio rotundiore, *Nonnull.* vulgo *le petit Saule, ou le Saule Marceau.*

Radicem habet præcedenti æqualem, arbusculamque promit satis crassam, cortice albo, ac amariuscule contextam. Folia rotunda sunt, lata, nervosa, superne saturate viridia, inferne vero albida, & hirsuta, pedunculo, ut plurimum dum primo apparent, duobus foliolis auriculatis, saporis adstringentis, haudquaquam pungentis, aut amari, ornato. Separatis pariter individuis pro floribus, & seminibus spicæ ejus enascuntur. Hæc Salicis species foliorum figura plurimum variare solet, in nemoribus humidis, ac secus rivulos, fossasque excrescit, frequens quoque in sepibus occurrit, ac quandoque ab aquis distat; quamvis enim locis humidis delectetur, tamen præceteris Salicis speciebus solum siccum suffere solet. Martio, ac Aprili florescit, floresque juxta Camerarium optimum odorem exhalant. Etsi autem ejus lignum Salice albo fragilior sit, pluribus tamen inservit, ac præcipue ad dolia vincienda.

Salix a saliendo sic vocatur, celerrime enim adeo crescit, ut saltare penitus videatur. Statim Salices velociter augentur, plurimosque ejciunt ramos; haudquaquam vero diutius perdurant, facile namque excavantur, ac everuntur: non modo autem taleis innovantur, verum etiam jam adultæ transferi possunt; absque ulla cura augmentum capiunt, ac quarto quoque anno amputantur. Uno verbo Salices magnum proventum afferunt.

Plurimum phlegmatis, parumque salis e Salice elicitor. Ejus cortex, folia, & spicæ refrigerantes, adstringentesque sunt. In decocto utiliter usurpantur contra dysenteriam, sputum sanguineum, aliasque hæmorrhagias. Præcipua autem ejus virtus valere dicitur, ad phantasmata Venerea reprimenda, adeo ut a Dioscoride asseratur, steriles foeminas devenire, si ejusdem decocto mane jejunæ utantur. Semicupia, ac pediluvia foliorum decoctione parantur, ad impetus febribus ardentibus supervenientes pacandos, nec non ad insomnia, morbosque a nimia sanguinis agitatione obortos. Hæc

ipsa de causa folia eadem, in febricitantium cubiculo, frigida, macerata; magnis patinis exposita, evaporatione refrigerium, somnum, ac post deliria, tranquillitatem iis conciliare solent. Etmullerus autem adversus Phthisim, excrescentiam fungosam extremis Salicis caudicibus frequenter adinventam commendat. In hujusce remedii elogium *Observationes duas in Ephemeridibus Germanicis Decuria II. anno I. D. Georgius Sertorius attulit*; Quibus colligitur, laudatum virum a duobus desperatis Phthisicis evocatum, febris scilicet hectica, puris spato cum stomachi resolutione, totali consumptione capillorum decidentia, demum facie hippocratica vexatos (eadem autem Authoris verba sunt) eos perfecte, mensis spatio sanasse, solis 3 ij. Fungosæ excrescentiæ prædictæ cum pari Sacchari candi quantitate exhibitis, præscripto quoque Lacte caprili, pro quotidiano alimento, cremore Oryzæ, & Hordei sociato, ac Emulsione sero hora somni.

Corticis ejus cinis cum aceto mixtus optimam, juxta Dioscoridem nobis pastam ministrat ad callosas digitorum pedum excrescentias, verrucasque exsiccandas. S. Pauli quoque testatur prædictis in morbis efficacius remedium reddi, si una cum laudato cinere finum ovillum admisceatur, ac Unguenti species veluti quædam conficiatur cum residuo in Alambico post aceti distillationem adinvento. Laudatus deinde Medicus ad sanguinem sistendum, Salicis spicarum lanuginem commendat. Author autem *Historiæ Plantarum Lugdunensium* asserit, carbonem ligni Salicis optimos esse posse ad pulverem pyrium componendum, facile enim ignem concipiunt, a pictoribus quoque ad imagines adumbrandas usurpantur. A nemine porro ignoratur maximus hujusce ligni usus in re rustica ad perticas, scalasque conficiendas, nec non pro tornatoribus, vimenariisque artificibus, ad varia elaboranda: fortasse tamen facultas ejus cultra acuendi, ac expolliendi eodem fere pacto, quo petrae solent, omnino latet.

S A L V I A.

PLurimæ SALVIÆ species notæ sunt iisdem fere facultatibus præditæ: Usitatiores tamen sunt sequentes tres a nobis recensendæ.

Savia, major, *Offic. Salvia major, an Sphacelus Theophrasti? C. B. P. 237. Inst. R. H. 180. Salvia Latifolia, J. B. 3. 304. Raii Hist. 509. Salvia major, Dod. Pempt. 290. Matth. Cast. Tabern. Ger. Salvia, Anguill. Cord. Salvia major vulgaris, Park. Salvia Hortensis sive Hortulana, Salvia Domestica, Eleliphacón sive Eleliphacos, Phagnon, Corsalvium, Herba sacra, seu Nobilis, Quorumd. vulgo Saulge ou Sauge, la grande Sauge, la Sauge franche ou ordinaire.*

Radicem habet vivacem, lignosam, duram, fibrosam, caulesque emittit lignosos, ramosos, hirsutos, dilute-virides, plerumque quadratos, fultos foliis invicem oppositis, oblongis, latis, obtusis, rugosis, rudibus, subalbidis, aut ad purpureum accedentibus, aut vario-coloratis, crassis, lanugiuosis, fere succo destitutis, ambitu crenato, spongiosis, longiusculis caudis appensis, odoris penetrantis, & grati, saporis aromatici, amari, acriusculi, osque calefacientis. Flores spicati quodammodo, verticillati, tubulares, bifariam superne incisi, binis staminibus, quorum divaricationes, Os Hyoideum mentiuntur, summis ramis innascuntur; vix odori sunt, caeruleo-purpurei, raro albi, amplo calyce corniformi, quinquifido, odoris Terebinthini, suffulti, in

quatuor deinde abeunt semina rotunda, nigricantia, capsula, a calyce oriunda, conclusa. In hortis colitur planta hæc in quibus una cum sequentibus flores edit Junio, Julioque, ac quandoque citius, ejus vero summitates quodam humore glutinoso, & aromatico humectantur; flores, ac folia præ aliis partibus in usum Medicum cadunt.

Salvia minor, *Offic.* Salvia minor, Aurita, & non Aurita, C. B. P. 237. *Inst. R. H.* 181. Salvia minor, Auriculata, J. B. 3. 305. Salvia minor, *Dod. Pempt.* 290. *Cæsalp. Ger. Raii Hist.* 510. Salvia minor sive Pinnata, *Park.* Salvia Nobilis, *Brunf. Gesn. Hort.* Sphacelus verus Theophrasti, *Lugd. Hist.* 880. Salvia Angustifolia, & minor, *Trag.* Salvia hortensis minor, Salvia acuta, *Nonnull.* vulgo *la petite Sauge, ou la Sauge de Provence.*

Radicem habet Salviæ majori similem, plures ejicit caules lignosos, subalbidos, lanuginosos, ramosos, ad præcedentis modum longos; folia autem angustiora sunt, ac exiliora, albidiora, rugosa, aspera, vix succulenta, duobus stipata foliolis ut plurimum, parvarum auricularum, aut pinnularum instar, quibus sarissæ ferrum æmulantur, odoris, ac saporis fortioris, penetrantioris, magisque aromatici. Flores vero, ac semina Salviæ vulgaris floribus, ac seminibus omnino æquales sunt, eademque tempestate apparent. Species hæc diligentissime in hortis colitur, plurimum enim existimatur, usurpaturque, nec adeo facile alterius more multiplicatur: Matthiolus tamen observavit, adeo abunde in quibusdam Galliæ, & Italiæ locis excrescere, ac præsertim in solo sicco, ac rudi, ut incolæ ea furnos calefaciant.

Salvia Hispanica, *Offic.* Salvia folio tenuiore, C. B. P. 237. *Inst. R. H.* 181. *Raii Hist.* 510. Salvia Indica, *Ger.* Salvia minor aurita, odoratissima, Hispanica, *Park.* Salvia Hispanica odoratissima, *Camer.* Salvia Hispanica, flore albo, *Eyst.* Salvia Catalaunienfis seu Catalaunica, *Nonnull.* vulgo *la Sauge de Catalogne ou d'Espagne à fleur blanche.*

Tertia hæc Salviæ species externa facie adeo præcedenti similatur, ut nisi attentius observetur facile pro ea sumi possit; differt nihilominus aliquantisper figura ut plurimum exiliori, foliisque pariter exilioribus, viridioribus, minus albis, floribus plerumque albis, odore suaviori, demum mollietie, tenerior enim est, nec adeo frigoris patiens: rarior ergo minusque cæteris duabus usitator est. Æstate pariter in curiosorum hortis florescit.

Omnes Salviæ species argillaceis terris delectantur, usitatissimæque sunt tam in re culinaria, quam officinali.

Salvia a salvando vocatur, quasi quis diceret *Planta sana, ac salutaris*. Si diu ejus odor, ac præcipue jejuno ventriculo excipiat, ebrietatem, vertiginemque progignit; aliud præterea ex ea incommodum recipimus, namque serpentes, & rubetas, sive bufones suorum foliorum umbra abdit, quibus ablegandis optimum est, Rutam proxime ferere, ejus enim odorem sufferre haudquaquam possunt.

Tres Salviæ species usque adhuc descriptæ in hortis coluntur, ac præcipue primæ duæ; Analyseos ope plurimum olei exaltati, salisque volatilis, & fixi, ac parum phlegmatis largiuntur. Salvia minor præ aliis existimatur, huic tamen binæ reliquæ commode substitui possunt. Interne, ac externe usurpantur, ac jure, meritoque tamquam cephalicæ, & Apoplexiæ, Epilepsiæ, Paralyfi, membrorumque Tremoribus adversantes reputantur; Anti-histericæ quoque sunt, Diureticæ, & hæmenagogæ, qua de re gravidis sunt inter-

interdicendæ. Rulandus asserit, mulierem Epilepticam usu Vini sanasse, in quo Salvia infusa fuerit, quo etiam plurimum juvantur tumoribus vexati; Chesneau vero, partes æquales Salviæ, Sarsaparillæ, ac Balauft. adversus albos fluores præscribit. Foliorum ejus infusio interne sumitur adversus vertigines, soporosos affectus, aliasque cerebri affectiones, Apoplexiam, Paralyfim &c. minitantes. Quibus de causis Salvia major seligi solet, cui tamen, si possibile est Provincialis aut Catalaunica Salvia est anteponenda, a prædictis enim regionibus, utpote calidioribus, majorem vim acquirit. Salviæ minoris usus ad modum Theæ familiarissimus est; pug. j. octo aut decem foliis constans in aquæ bullientis ℥ ℥. immititur, Sacchari parum addendo. Potio hæc per dies plures, mane, jejuno stomacho repetita non solum cerebri morbis opitulatur, humorum motum, circulationemque excitando, verum etiam utilissima deprehenditur in mensum, & urinarum suppressione, in indigestionibus, ventriculique imbecillitate, in flatulenta, & colica affectione, ad vermes enecandos, pulmonesque Asthmaticorum expediendos, præsertim si ejus foliorum fumus, adinstar Nicotianæ, tubulo exfugatur; uno verbo planta hæc tot virtutibus ditatur, ut a pluribus veluti Panacea universalis reputetur, hinc cecinit *Schola Salernitana*,

Cur moriatur homo, cui Salvia crescit in horto?

Quasi homo ille, cui in horto Salvia excrescit, extremum diem numquam obire debeat: facile itaque hoc altero versiculo responderi potest.

Contra vim mortis nullum est medicamen in hortis,

quum de facto in hortis nullum adversus necem remedium existat. A Sinensibus vero adeo Salvia in deliciis habetur, ut obstupuerint, Europeos eorum regionis Theæ adeo sollicitos esse, quum præ manibus adeo excellentem plantam habeant, revera Theæ præferendam. Veslingius Medicus sapientissimus Aetii, remedii antiquissimi usum innovavit adversus sputum cruentum, matutini scilicet haustus duorum, succi Salviæ, una cum Melle juncti, cyathorum.

Floribus vero Salviæ Conserva, & Aqua distillata paratur; integra autem planta, Oleum distillatum, ac Oleum infusionis, & cocturæ ope; foliis denique, ac floribus, Acetum.

Aqua distillata ab ℥ ij. ad ℥ jv. in potionibus, & julapiis cordialibus, cephalicis, & anti-paralyticis propinatur. Conserva in primis commendatur in ventriculi imbecillitate a ℥ ℥. ad ℥ j. post prandium, aut Opiatis stomachicis, & roborantibus ab ℥ ℥. ad ℥ j. admisceri solet. Olea; stillatitium, ac ope cocturæ confectum cum omnibus aliis aromaticis oleis communes virtutes habent: In nervorum, ac tendinum relaxatione, in paralyfi, rheumaticisque affectionibus, vel interne gut. ij. iiij. aut vj. cum Vino, aut aliqua cordiali, aut cephalica aqua, mixta, vel partes affectas, iis una cum Spiritu Vini, Oleis, aut aliquo appropriato Unguento permixtis illiniendo, in usum revocantur.

Extrinfecus plantæ hujusce folia, ac flores semper utiliter adhibentur in decoctionibus, fomentisque aromaticis ad nervos roborandos, musculos

consolidandos, tumores emolliendos, vulnerumque inflationes evanescentes. S. Paulli Gargarisma infusione Fol. Salviæ ex Vino, præsertim si Nicotianæ 3 ij. addantur, adversus dentium morbos præscribit. Hæc eadem infusio, Nicotiana tamen relicta, optima est juxta ejusdem Authoris sententiam adversus manuum tremorem, dummodo ea sæpius abluantur. Ab Ettmullero quoque, & a D. Hulse Gargarismatis forma commendatur adversus Oesophagi paralysem, statis intervallis, nonnihil spiritus Vini, in quo Thymum infusum fuerit, in ore detinendo. A Lindano vero optimum remedium esse dicitur in Scorbuto, gingivas æquali portione juseuli Salviæ, ac Succu Cochleariæ sæpius emundare. Unguentum pari portione foliorum Salviæ, & Tanacetii, ac pinguedine suilla paratum excellens est adversus tumores tendinum vulneribus supervenientes. Folia tusa ac Gangrænæ applicata, ejusdem progressum impediunt, hinc *sphacelus* quoque planta hæc vocata fuit: de-
mum *Ephemerides Germanicæ* nos edocent, hæc eadem folia Vesparum puncturis applicata, dolorem ac inflammationem ipso facto sedare.

Cæterum juxta plures Medicos, satis cautos nos esse oportet in Salviæ usu. Matthiolus, Mejerus, Paræus, alique, nisi prius probe lota fuerit, eam usurpare non sinunt, Rubetæ enim sive Bufones, ajunt ii, sub hac planta frequenter sese abdunt, eamque halitibus, ac saliva inquinare solent. Paræus deinde, ac Mejerus hoc idem funestissimis historiis confirmant apud eos consulendis. In *Ephemeridibus* quoque *Germanicis*, *Decuria II. anno VI. pag. 66. in Appendice* refertur, foeminæ, nonnulla Salviæ folia absque absterfione esitata, paulo post, colicos affectus adeo violentos excitasse, ut post paucos languorum dies, occubuerit, visosque fuisse bufones binos viventes (res plane mira) ex ano defunctæ exeuntes. P. vero Kirker Microscopii examini, Salviæ folia subjecit, minimaque insecta in eorum rugis abdita deprehendit, quæ parva quadam tela aranæ persimili contexta sibi videbantur, hisque potissimum, veneficam vim Salviæ tribuit: quæ omnia aliorum observationibus, nostrisque peculiaribus refutantur, nihil enim aliud in Salviæ foliis ad-
invenire potuimus, præter longos pilos albos, papillulasque: enim vero perspicuum est, D. Tournefortium, narrare, a se ipso in Oriente pulcras admodum Salviæ species visas fuisse, in quibus a pusillorum Insectorum puncturis tumores progeniti fuerant, parva poma æmulantes, IX. aut X. linearum diametri, saporis dulcissimi, gratissimique; vocantur autem *Salviæ Poma*, quæ illic publice venditantur: hoc autem nihil facit pro Kirkerō, venefica enim nullo modo Insecta hæc esse possunt, quum eorum productiones utiliter esitentur: quoquomodo vero res sese habeat, Itali, inquit Rajus, quum probe noscant, Salviam bufonibus infestari, ad eos depellendos Rutam proxime reponunt, ejus enim odorem, uti diximus, Reptilia hæc omnino fastidiunt. Quoad nos, non negamus, Insecta in Salvia abdita venenum huic impertiri non posse, quod tamen si verum est, sane raro accidere solet, infinitus enim personarum numerus Salvia, absque ulla lotionē quotidie utuntur, nullum nihilominus incommodum persentiunt; a rusticis vero in Provincia, ubi planta hæc vulgarissima est, plerumque recens comeditur absque ullo periculo. Inutilis itaque prorsus eam abluendi diligentia a nobis reputatur, præsertim quia lotionē, sua efficacia destituitur: pernecessarium tamen est, folia abstergere, antequam usurpentur.

Salviæ folia in Orvietano, & pulvere adversus rabiem adhibentur; ejus
vero

vero summitates floridæ in aqua Theriacali, in Balsamo tranquillo, Unguento *Martiato*, Unguento contra adustiones; flores denique in aqua Imperiali, syrupo de stœchade, Balsamo Oppodeltoch, ac in aliis cordialibus compositis, nervinis, ac cephalicis *Pharm. Paris.*

℞. Fol. Salviæ exsicc. Sarsaparillæ & Balauft. ana ʒ j. M. exactissime f. p. mane jejuno ventriculo per novendium exhibenda in jusculo adversus fluores albos appropriato.

℞. Salviæ maj. Man. j. Nicotianæ Virginianæ ʒ ij. Coque in lb. ij. optimi Vini rubri ad medias. Fiat colatura pro Gargarismate adversus contumaces dentium morbos.

℞. Summit. Lavendulæ, Origani, Salviæ, Menthæ, Rorismarini, Hyssopi, Thymi, Absinthii, Majoranæ ana Man. s. Coque in aquæ com. lb. iij. ad quartæ partis consumptionem. Fiat colatura forti expressione pro fomento in nervorum, tendinumque debilitate, ac in rheumaticis affectionibus œdematosis.

℞. Fol. Salviæ & Betonicæ ana Man. j. Fiat infusio xij. horarum spatio in optimi Vini rubri lb. vj. Colatura in prandio usurpetur adversus vertigines, stupores, & ad roborandum ventriculum.

Unguentum pro Membris paralyticis.

℞. Anserem marem, deplumatum, & exenteratum. Ablue S. V. camphorato, ejusque deinde partes internæ Salvia, ac Roremarino p. inspergantur, adimpleanturque Thuris masculi, Myrrhæ, & Mastichis ruditer tufor. ana ʒ j. Adde medullæ Cervinæ, ac Unguenti Martiati ana ʒ j. s. Consuantur deinde exacte ventris tegumenta. Affetur anser, colligaturque liquor, cui adde Lumbricor. terrestrium p. ʒ j. Membra paralytica Spiritu Vini camphorato fricentur, ac deinde hujusce Unguenti s. q. illinientur, cooperienturque charta bibula, linteolisque calidis. Unctio vero antequam æger recumbat sero ministretur.

℞. Conservæ Flor. Salviæ, Melissæ, Rorismarini, ac Betonicæ ana ʒ j. Opiatæ Salomonis, ac pulv. Viper. ana ʒ s. Rad. Valerianæ maj. p. ʒ ij. Salis Ammoniac. defœcati ʒ. j. Olei Caryophyllor. aromat. gut. xx. M. una cum æquis portionibus Balsami Commendatoris de Perne, & Syrupi Hyssopi pro Opiata cephalica, & anti-paralytica, cujus dosis ʒ ij. mane jejunis ægris, bolis nebula obvolutis, propinanda.

℞. Conservæ Salviæ, ac Enulæ Campanæ, Cort. Malor. Citreor. & Aurantior. condit. Radicis Angelicæ cond. ana ʒ s. Opiatæ Solomonis, ac Extracti Juniperi ana ʒ vj. Specier. trium Santal. ʒ ij. Cinnamomi p. & Salis Absinthii ana ʒ j. M. cum Syrupo de Mentha, pro Opiata cephalica, & stomachica, dosis fere ʒ ij. post prandium propinanda.

S A M B U C U S.

DE S A M B U C O humili sub Ebuli nomine cogniti jam alio in loco verba facta sunt, modo restat de Sambuco arboreo semonem instituire.

Sambucus, *Offic.* Sambucus fructu in umbella nigro, C. B. P. 456. *Inst.* R. H. 606. Sambucus vulgaris, J. B. I. 544. *Park. Raii Hist.* 1609. Sambucus
Tomi II. Pars II. O 3 cus

cus, *Dod. Pempt.* 845. *Ger. Matth. Fusch. Gens. Hort.* Sambucus domestica, *Cast.* Sambucus umbellifera, *Anguill.* Sambucus Campestris sive vulgaris, *Camer. Hort.* Sambucus caule arboreo ramoso, floribus umbellatis, *Van-Roy. Flor. Leyd. Prodr.* 243. Sambucus caule perenni ramoso, *Linn. Hort. Clifsort.* 109. *Acte, Græcor.* Sambucus arborefcens, Sambucus vulgator sive vulgatissima, Arbor Urſi, vel Urſæ, *Nonnull.* vulgo, *Sureau ou Suzeau, Gran Sureau, ou Sureau commun.*

Ex radice lignosa, vivaci, longa, albescente modo arbor mediocris altitudinis late ramis sese expandens, erigitur modo arbuscula ramis longis, rotundis, magna medullæ albæ portione repletis, lingno compactiore, initio viridi, deinde ad cinereum colorem accedente, trunco, cortice, obtecto, rudi, rimis hiantes, cinereo, sub quo alter quoque interior viridis, ac in usum medicum veniens cortex invenitur: lignum solidissimum est, sublu-teum, facile tamen scinditur, rami vero nodos habent per intervalla loca-tos. Folia quina, vel sena juxta costam, ut in Nuce apparent, nonnihil ta-men exiliora, ambitu serrata, odore graviore, imparique extremo folio, cæteris latiore, claudente. Flores summis ramis umbellati, ampli, & lati ena-scuntur, rosacei sunt, quadripartiti albis, satis odorati, quinque staminibus api-cibus rotundis. Floribus deciduis præsto sunt bacca Juniperi baccis æquales, ro-tundæ, initio virides, per maturitatem nigræ, succo refertæ saturate rubro, ut plurimum unica in cellula tria semina occludentes minuta, ex uno latere con-ve-xa, altero vero angulosa, *Grana Actes* in Officinis nuncupata. Arbor hæc fere ubique crescit in sepibus, urbiumque fossis, & vallibus, in locis umbro-sis, humidisque; frondes citissime emittit, & Majo, Juniove floret. Si forte in hortis colatur diutissime vivit, arboremque satis conspicuam, erectam-que efformat. Rarius in Italia, regionibusque calidis occurrit, solo enim pin-gui delectatur. Frigidis pluviis, ac pruinis facile flores labuntur, hinc malum præfagium a vulgo deducitur, timetur enim hoc idem Vitibus contingere pos-sse. Usque ab Hippocratis ætate Sambucus a Medicis magnis laudibus extol-lebatur. Ejus medius cortex, folia, flores, bacca, uno verbo omnes fere par-tes usitatæ sunt. Martinus Blockvvitzius librum integrum de ejusdem facul-tatibus exaravit sub titulo, *Anatomes Sambuci.*

Sambuci folia primum herbæ salitæ saporem habere videntur, quem dein-de amarities quædam subsequitur. Fructus subdulcis est, ac rubro colore char-tam cæruleam elegantissime depingit. Folia autem Analyseos ope præter plures acidos, alkalicosque liquores, salem volatilem concretum, plurimum olei, ac terræ largiuntur. Hinc facile conijci potest, plantæ hujusce vim sitam esse in sale ammonicali, acido præ aliis saturatori, plurimo oleo foetido, ac terræ conjuncto.

Omnes ejus partes, tam interna, quam extrinseca optima remedia nobis suppeditant. A Veteribus veluti cathartica, & aperiens generaliter planta hæc censebatur; foliorum, furculorumque decotio ab Hippocrate & Dioscori-de ad alvum subducendam & urinas hydropicorum ciendas usurpabatur: Vi-num quoque, in quo radices ebullierint ab iis præscribebatur. D. vero Cho-melius in *Tractatu Plantarum usitatorum*, ad serositates evacuandas sequen-tia duo commendat.

Rx. Cortic. Medii Sambuc. ʒ j. Fiat infusio per noctem in cinerario cali-do cum aquæ bull. ʒ vj. Sal. Absinthii gr. xv. ac Cinnamomi ʒ j. Ma-ne fiat

ne fiat colatura forti expressione pro dosi jejunis ægris exhibenda.
Vel:

Rx. Sem. Sambuc. p. 3 j. Sal. Tartar. gr. xx. Mercur. dulc. gr. xv. M. f. b. cum s. q. Syrupi Cichorii pro dosi.

Fol. recentium, aut propaginum Man. j. una cum acetario lenissime purgat. Delicatulis tamen ea in usum revocare non permittimus, quia quandoque vomitus, superpurgationesque violentæ ex horumce esu ortum ducunt, generatim enim Sambucus turbat, ventriculumque subvertit. Flores recentissimi cum ovis frixi, aut sero lactis infusi laxandi vim habent, quam exsiccati omnino amittunt, diaphoreticamque ab iis acquiri dicitur: infusio autem prædicta magnum præbere solatium solet. Erysipelate, vel alio cutaneo morbo affectis. Cyathus unus mane, vespereque ingurgitetur, faciem mandefaciendo, portionibus duabus aquæ Flor. Sambuc. altera vero Sp. Vini: eorundem quoque Flor. infusio in aqua, aut lacte nutricibus majorem lactis copiam ingerere solet. Acetum Samb. præterea nuncupatur, quod ejusdem florum infusione majorem vim, odoremque acquisiverit, quodque etiam aceto communi magis ventriculo accomodatur, magisque sanum reputatur: Demum iisdem hisce floribus Syrupus, ac Conserva paratur, leviterque cum Melle, ac Aceto decocta in clysteribus usurpatur. Succus corticis medii viridis, aut infusum ejusdem contusi ex lacte, aqua, aut vino a Trago & Dodonæo exhibebatur ad bilem, ac serositates eliminandas, quæ profecto remedii ratio satis optima est, superne ac inferne lenissime evacuens, uti feliciter nos quoque experti sumus in quibusdam inflationibus hydropem minitantibus. Ad sudorem peste correptis conciliandum hic idem cortex una cum Theriaca a Gesnero præscribebatur; a Nonnullis vero syrupus Diacodii additur. Camerarius autem ad menses excitandos propaginibus Sambuci una cum paucis Croco utebatur; ab aliis autem in pulverem rediguntur, qui ad alvum apertam servandam, sanguinemque depurandum infervit.

Rotulæ, succo Baccarum Sambuci cum Secale farina permixto, conficiuntur, furnoque decoquantur, nuncupantur autem *Tragea Granorum Actes*; ægris Dysenteria vexatis sic propinandæ, vel pulveratæ boli forma, aut liquore appropriato exsolutæ, a 3 j. ad 3 ss. Iisdem præterea baccis parantur Rob, Extractum, Spiritus, Vinum, Oleumque Sambuci.

Si lento igne lb. j. Succu Baccar. Sambuci cum Sacchari lb. ss. condensetur Rob jam confectum habebimus, præscribeturque a 3 j. ad 3 ss. in Dysenteria; urinas quoque expellit, ac tamquam lene sudorificum reputatur.

Extractum vero juxta Quercetanum sequenti ratione paratur. Baccæ ad umbram exsiccatæ recipienti committuntur, optimum Sp. Vini superaffundendo, qui quatuor aut quinque digitis supernatet, digerunturque quinque aut sex dierum spatio. Tinctura filtratur in passionibus Hystericis optima a cochlear. ss. ad cochlear. j. Distillationis denique ope ab hac, Tinctura Sp. Vini elicitur, ac in Cucurbitæ fundo Extractum remanet a 3 j. ad 3 j. præscribendum prædicto in morbo, alvi que fluxu.

Spiritus ardens Baccar. Sambuci satis sudorificus est, quemadmodum & Baccarum earundem succus, facile autem servatur, transversum Olei digitarum in vase superimponendo, vel cum eo tertiam Sp. Vini optimi partem admiscendo. Vinum Sambuci nuncupatur Vinum hoc idem anni spatio con-

servatum. A Nonnullis cum Saccharo excoquitur ad Syrupi consistentiam. Eorundem fructuum nuclei calida macerati, forti dein expressione colati Oleum ministrant aquæ innatans, quod externe applicatum arthriticos dolores sedat, optimeque tremores resolvit: prædictis etiam in casibus in usum revocatur altera olei species, quod foliorum exolutione paratur, eorum enim costis rufis, in cacabo e silice reponuntur profunde humato, anteaque probe gypso oblinito, anni exacto spatio, in cacabi fundo olei satis temperantis species quædam reperitur. Sambuci Nuclei purgandi vim habent, dummodo ℥ iij. aut ℥ β. pulverati aut emulsionis forma ℥ j. exhibeantur. Fere nullam evacuandi habent efficaciam si in Vino albo macerentur.

Fungi species quædam in Sambuco excrefcit, quæ a C. Bauhino nuncupatur *Fungus membranaceus*, *Auricula Judæ*, sive *Sambucinus*, aceti ex eo infusum adversus faucium inflammationes, & anginam juxta Authores plurimos excellit, aut Gargarismate, aut extrinsecus applicatum. S. Pauli autem Infusum ejusdem ex Vino hydropicorum aquas expellere affirmat. Martinus Blockovvitzius Germanus Medicus, a quo, ut innuimus, speciatim de Sambuco fuit pertractatum, asserit, ramorum medullam diureticam esse, aptissimumque remedium ad sabulolas concretiones, glareas, ac Hydropicorum aquas eliminandas.

Extrinsecus Sambuci folia igne macerata plurimum resolvunt; inflationibus enim applicantur, quæ cito evanescent. Ex iis quoque in Vino ebullitis balneum vaporosum, ac repetita fomenta parantur ad crura inflata & hydropicorum madefacienda, magmate Cataplasmatidis forma appposito, sique folia, floresque Tanaceti cum iis conjungantur efficacius agent. Sambuci flores resolventes sunt, anodynî, temperantes, ac diaphoretici, Erysipetali, aliisque cutaneis morbis fomenti more apponuntur: fermentatione ex iis spiritus elicitor, eundem tribus vicibus super eosdem fermentatos flores cohobando. Inter excellentiora artis Medicæ remedia ad Erisiplata sananda merito recensetur; applicaturque parti affectæ linteculum calidum hac materia imbutum, curando ut mane, ac vesperti renovetur. Cortice medio viridi Sambuci dolorificis partibus appposito, S. Pauli arthriticos dolores sanasse testatur. Hic idem cortex quoque excellit adversus adustiones, tutissimusque merito ac infallibilis vocari potest. Plura ex eo Unguenta componuntur, inter quæ a Matthiolo præscriptum præstantius reputatur, quod ebullitione paratur, Corticis medii Sambuci ℔. j. cum Olei olivar. pluries in aqua florum Sambuci loti ℔. ij. Meliori quoque successu res procedet, si Oleum Sambuci, infusione florum reiterata conficiatur, lintecoloque trajecto, quum cortex niger ac concoctus apparet, ceræ recentis ℥ jv. addantur, cum æquali succi furculorum ejusdem plantæ portione, quibus omnibus usque ad hujusce succi consumptionem ebullitis, vase deinde ab igne deducto, ac Terebinthinæ ℥ ij. Thuris masculi ℥ jv. binisque vitellis ovorum induratis additis in vase e silice Unguentum pro usu servari debet.

Adversus Arthritidem, inflammationes, hæmorrhoides, & adustiones sufficere etiam potest corticem medium Sambuci in Oleo olivar. aut Nucum decoquere, eique unguenti consistentia s.q. ceræ recentis, ac vitellis ovorum conciliata, in vase Faentino Unguentum frigida servare. Nihil uspiam vero magis utile, pulvere pyrio ambustis, esse deprehenditur, præter immediatam Mel-

lis vulgaris, Oleique Nucis, in quo Sambucus ebullierit impositionem; ulcera vero post ambustionem apparentia decoctione corticum Fraxini, ac Sambuci abluuntur. Zuvelpher quoque descriptionem optimi Unguenti adversus ambustiones tradidit. Butyri recentis ℥. ij. Olei Sambuc. ℥. j. Baccar Juniperi virid. tuf. pariter ℥. j. Fol. recent. Sambuci ℥. vj. Rosar. pallid. ℥. jv. simul macerentur, deinde leviter ebulliant, & vitellis ovor. indurator. num. v. malaxentur; pluma hoc Unguento saturata ambustiones illiniuntur, chartaque bibula cooperiuntur.

Sambuci flores in decoctione aromatica, aqua Generali, Balsamo tranquillo, folia vero in unguento *Martiato*, baccae denique in aqua hysterica *Pharmac. Paris.* usurpantur.

℞. Nucleor. Sambuc. tuf. ℥. ij. Sem. Fœniculi ℥. ℞. Infunde noctis spatio in Vini albi cyatho. Mane fiat colatura forti expressione pro potione purganti in incero, cachexia, ac inflationibus propinanda.

℞. Baccar. Sambuc. exacte maturar. ℥. j. Exprimatur succus absque Nuclei contusione. Hoc succo offulae panis albi recentissimi imbuantur, quod quinquies repetatur, panem quaque vice in furno exsiccando, hujusce buccellati ℥. j. pulverata, admiscetur cochleari Jusculi. Aeger mixturam hanc mane, jejuno ventriculo bis, aut ter juxta exigentiam sumet in dysenteria.

℞. Cort. interni Sambuc. Man. j. Coque in aquae ℥. j. ac Lactis Vaccinae q. ad medias. Fiat colatura per linteum forti expressione, dividaturque in doses n. iij. exhibeanturque tepidae singulis horis, mane, jejuno stomacho in cachexia, inflationibus, ac hydrope ascite.

℞. Aquae stillat. Flor. Sambuc. ℥. viij. Rob Samb. ℥. j. Nitri depurat. ℥. ℞. M. exhibeaturque mixturae hujusce singulis horis ℥. j. cum aderit indicatio sudores ciendi.

℞. Flor. Samb. Man. j. Semin. Fœnicul. tuf. ℥. ij. Fiat infusio in Lactis ferventis ℥. ij. Semel cremor decerpatur, ac divide in doses jv. quae tepidae in decoctione appropriata ad lac nutricibus augendum exhibebuntur.

℞. Flor. Samb. Man. ij. Infundantur horae spatio in aquae bull. ℥. ij. pro fomento in Erysipelate.

℞. Fol. Samb. Man. ij. Charta madida, obvoluta, ac cinerario calido macerata contunde, ac Sp. Vini consperge pro Cataplasmate adversus oedemata, crurumque inflationes.

℞. Fol. Sambuc. Verbasci, Millefolii, ac Plantag. ana Man. j. Cortic. Malor. Punicar. ℥. ij. Coque in aquae ℥. j. cum æ. q. Vini rubri veter. ad tertiae partis consumptionem. Fiat colatura, exolvaturque Aluminis ℥. j. Sacchar. Saturni ℥. ℞. M. pro fomento adversus fluxus hæmorrhoidales excedentes.

℞. Spermat. Cati ℥. j. Cerae albæ ℥. ij. Galbani aceto pp. ℥. ij. Olei Sambuci q. s. M. pro Emplastro adversus mammarum Scirrhosos, strumosos, aut lacte concreto obortos tumores utilissimo.

Vapor adversus Anginam.

℞. Aceti Sambuc. Rosar. & Calthæ ana ℥. j. Aquae distill. Sambuci ℥. vj. M. Vapor calidus in fauces infundibuli inversi ope introducetur.

S A M O L U S.

A Nagallis aquatica, *Offic.* Anagallis aquatica folio rotundo, non crenato, C. B. P. 252. SAMOLUS Valeradi, J. B. 3. 791. *Inst.* R. H. 143. Anagallis aquatica 3. *Lob. Icon.* 467. Anagallis aquatica rotundifolia, *Ger. Raii Hist.* 1001. Anagallis folio subrotundo, non crenato, *Park.* Alsine aquatica perennis folio Becabungæ, *Mor. Hist. Oxon.* 2. 324. Anagallis aquatica altera Lobelii, *Lugd. Hist.* Samolus, *Linn. Hort. Cliff.* 51. Samolus Plinii, *Quorumd.* vulgo *Mouron d'eau*.

Radicem habet minutis fibris capillaribus stipatam, albam, vivacem. Caulles emittit fere pedales, graciles, rotundos, erectos, foliis onustos brevioribus, rotundioribusque in basi positis, alternis, caudis, destitutis: caules autem in vertice plures in ramulos dirimuntur. Folia inferna oblonga sunt, primum angusta, sensim ad extremitatem usque rotundam sese expandentia, densa, non crenata, glabra, dilute-viridia. Summis caulibus, ramulisque flores enascuntur poculum referentes, adinstar parvæ rosæ incisi, albi, staminibus quinis, in capsulas ovales dein abeuntes, unica cellula plura semina ejusdem figuræ, minuta, ac per maturitatem subrubra condentes. Sapore amaro donatur, locisque aquaticis, paludosisque delectatur, Junio floret, quandoque autem serius, semina vero Septembri maturescunt. In acetariis esitari potest, folia enim primum apparentia, eandem fere dulcedinem, ac folia Valerianellæ sortiuntur, atque in agro Parisiensi occurrit.

Samolus nuncupatur ab *insula Samos* in qua frequentissime crescit.

Vulneraria, aperiens, detergens, & antiscorbutica dicitur; vix ullum tamen in re Medica usum habet.

S A N I C U L A,

DUæ SANICULÆ species in Officinis distinguuntur, ac genus diversum constituunt, scilicet Sanicula mas, sive vulgaris, & Sanicula foemina.

Sanicula, *Offic.* Sanicula Officinarum, C. B. P. 319. *Inst.* R. H. 326. Sanicula mas Fuchsii, sive Diapensia, J. B. 3. 639. Sanicula, *Dod. Pempt.* 140. *Brunf. Trag. Anguill. Lac. Lon. Cæsalp. Camer. Thal. Tabern. Gesn. Hort. Matth. Eyst.* Sanicula sive Diapensia, *Ger. Raii Hist.* 475. Sanicula vulgaris, sive Diapensia, *Park.* Sanicula & Diapensia, *Lob. Icon.* 663. Sanicula foliis radicalibus simplicibus, flosculis omnibus sessilibus, *Linn. Flor. Svec.* 78. Sanicula nigra, *Ferraria major*, *Sideritis* 3. *Dioscoridis*, *Consolida quinquefolia*, *Nonnull.* vulgo *Sanicle commune ou male*.

Radix superne satis crassa, inferne fibrosa, externe nigricans, interne alba, vivax, saporis amari, plura expellit folia lata, semirotonda, duriuscula, quinquifida, ambitu crenato, lævia, plerumque e viridi lucescentia, permanentia, longis appensa caudis. Ea inter caules fere pedales extolluntur læves, nodisque liberi, inferne radicem versus subrubri, summitatibus parvos sustinentes flores umbellatos, quinquepetalos, albos, vel rubros, rosaceos, staminibus quinis, apicibus rotundis, quibus teretes, aut ovales fructus præsto sunt binis seminibus constantes ex uno latere gibbis, ex altero planis, aculeatis, ac transeuntium vestibis adhærentibus. Eodem individuo, eodem-

eodemque fasciculo flores mares, sive steriles, floresque foeminas sive foecundos effert planta hæc, in nemoribus, umbrosis locis, soloque pingui, & humido excrescens; Junio floret, tuncque colligi solet, viridisque toto anni curriculo conservatur.

Sanicula a *sanando* sic vocata fuit, inter excellentiora enim vulneraria connumeratur, pluresque morbos de facto sanat.

Præter plures liquores acidos, spiritum urinosum, & sal volatile concretum, plurimum olei, terræque Sanicula, Analyfi largitur. Continet autem sal ammoniacum, sulphur, particulasque terrestres. Adstringens, detergens, vulneraria, & consolidans est, ac semper tam efficax vis vulneraria præsertim, huic tributa fuit, ut hinc versicula hæc duo Gallica ortum duxerint:

*Qui a le Bugle & la Sanicule,
Fait aux Chirurgiens la nique.*

Ejus folia in Ptisanis, Apozematibus, & Potionibus adversus hæmorrhagias, sputumque sanguineum, dysenteriam, fluores albos, fluxusque sanguineos muliebres usurpantur, succusque eorum ℥ ij. vel iij. præscriptus iisdem potitur facultatibus. Utiliter in morbis faucium, oris ulceribus, cancriisque, parum Mellis rosati addendo, in profundis quoque vulneribus ex eo, injectiones instituuntur. Ad Theæ modum ejus folia quoque in usum revocari possunt, eorum pug. j. in aquæ ℥ β. infuso per horæ quadrantis semisse; colatur deinde liquor, parum Sacchari addito. Infusio hæc optima est adversus fluxus, ac ulcera interna, febri lenta, comitata.

Aqua Saniculæ distillata in Officinis prostat, iisdem ac planta gaudet facultatibus, nonnihil tamen debilior reputatur, ab ℥ jv. ad ℥ vj. in Julapiis, ac potionibus vulnerariis adhibetur.

Cataplasma ex Sanicula in Vino ebullita umbilicalem herniam primo apparentem resolvit, juxta Nonnullos. Rajusque asserit, prope infinitum puerorum numerum prædicta ratione, aptaque fascia, sanos vidisse, in lumbis quoque contra regionem umbilicalem Cataplasma aliud ex radicibus Consolidæ maj. tufis est apponendum. Folia vero ejusdemmet Plantæ tufa, recentibusque vulneribus applicita, absque ulla suppuratione, ea sanat.

Usurpatur Sanicula in Aqua vulneraria, ejus folia in Balsamis, Vulnerario & Oppodeltoch, succus autem in Emplastro Oppodeltoch *Pharmacopææ Parisiensis*.

℞. Fol. Saniculæ ad umbram exsiccat. Man. ij. Infunde in aquæ bullientis ℥ j. semihoræ spatio vase clauso: inclinatione deinde fundatur, & adde Syrupi Rosar. exsiccat. ℥ β. pro infuso vulnerario, in fluoribus rubris, aut albis, ulceribusque internis aptissimo.

℞. Aquæ distillatæ Saniculæ, & Aquæ vulnerariæ ana. ℥ ij. Spermat. Cæti aqua Cinnamomi hordeat. soluti ℥ j. Theriacæ ℥ β. Antimonii diaphoret. ℥ j. Syrupi Violar. ℥ j. M. pro potione cordiali, & vulneraria, in quatuor doses dividenda, ac de die sumenda.

℞. Fol. Bugulæ, Saniculæ, Hyssopi, Pervinæ, Hederæ terrestr. & Veronicæ ana. Man. β. superaffunde aquæ ferventis ℥ jv. vaseque clauso per semihoræ spatium infusa relinquuntur. Fiat colatura per inclinationem, & adde Syrupi Hederæ terrestr. ℥ ij. pro Ptisana vulneraria, e qua cyathi

thi quatuor tepidi de die ægris exhibebuntur in contusionibus, vulneribus, ulceribusque internis.

Sanicula foemina, *Offic.* Helleborus niger, Saniculæ folio, major, C. B. P. 186. Sanicula foemina quibusdam, aliis Helleborus niger, J. B. 3. 638. Veratrum nigrum Dioscoridis, *Dod. Pempt.* 387. Astringia major, corona floris purpurascens, *Inst. R. H.* 314. Astringia nigra, *Lob. Raii Hist.* 475. *Gesn. Hort.* Astringia nigra, sive Veratrum nigrum, *Ger.* Imperatoria nigra, *Tabern.* Sanicula 2. sive foemina adulterina, *Trag.* Sanicula foemina Fuchsi, *Lugd. Hist.* Sanicula altera, Osteritium montanum, *Quorumd.* vulgo *la Sanicle femelle*, ou *de montagne*.

Ex radice satis fibrosa, nigra, vivaci nascuntur folia Saniculæ, aut Imperatoriæ proxima, atro-viridia superne, & sublutea inferne, nonnihil rugosa, tactuque aspera, longis appensa caudis. Hæc inter bini aut tres caules cubitales eriguntur, rotundi, striati, sapore ad Imperatoriam accedente, nonnullis ornati foliis; in eorum summitatibus umbellati locantur flores albo purpurascens, foliorum coronis suffulti, quinquepetali, rosacei, foliis ut plurimum deductis, ac reduplicatis versus floris centrum, totidem staminibus. Fructus hisce succedit binis capsulis conflatus membranaceis, oblongis, striatis, & crispatis, semen occludentibus oblongum, angustum, cinereum. In hac quoque, uti in præcedenti, duæ florum species, eodem in fasciculo, alii mares seu steriles, alii foeminæ sive fertiles adinveniuntur. In sylvis umbrosis, montibusque crescit planta hæc, in hortis etiam colitur, in quibus Junio, Julioque flores edit, toto anno virescit, nec frigore læditur.

Alia quoque reperitur *Astringiæ* species, quæ nisi exilitate sua a prædicta distat.

Radices plurimum salis, modicumque olei continent. Quamvis autem ejus facultates præcedenti omnino oppositæ sint, nihilo minus mirum prorsus videtur, quomodo hæc quoque *Sanicula* vocitetur.

Dodonæus cum Gesnero suspicatur, ejusdemmet plantæ radicem Helleborum nigrum Dioscoridis esse, leniter enim purgat humores biliosos, melancholicosque, ut a bene multis Germanis Medicis fuit observatum: hoc autem incertum admodum est: violentam enim Helleborus Antiquorum catharsim excitabat, nisi forte dicatur, quod mutata regione, energiam quoque amiserit, quod rationi neutiquam adversatur, uti a nobis de nonnullis aliis quoque plantis superius adnotatum fuit. In Apozematibus autem a Fabricio Hildano Sanicula foemina usurpabatur, adversus Lienis Scirrhus, utrum ventrem laxarit nec ne, omnino ab eo prætermittitur. Cæterum raro a Medicis in usum revocatur.

S A P O N A R I A.

SAPONARIA, *Offic.* Saponaria major Lævis, C. B. P. 206. Saponaria vulgaris, J. B. 3. 346. *Park.* Saponaria, *Dod. Pempt.* 179. *Trag.* Lac. *Ger. Raii Hist.* 999. Lychnis Sylvestris, quæ Saponaria vulgo, *Inst. R. H.* 336. Saponaria vulgi foliis Plantaginis aut Gentianæ, flore Ocymoidis, *Lob. Adv.* Saponaria foliis ovato-Lanceolatis, Calicibus Cylindræis, *Linn. Hort. Cliff.* 165. Lychnis Saponaria dicta, Lychnis fullonia, Herba fullonum, Struthium, Lannaria, Saponalis, *Quorumd.* vulgo *Savoniere*, *Saponiere* ou *Saponaire*.

Radice

Radice nititur longa, subrubra, nodosa, serpenti, fibrosa, vivaci; plures promit caules pedem cum dimidio, aut pedes duos altos, rotundos, glabros ut plurimum, nodosos, subrubros, medullosos, vix sese fulcientes, foliis latis, nervosis, Gentianæ cruciatæ, aut Plantaginis æmulis, nonnihil tamen artioribus, glabris, ex adverso locatis, brevissimis caudis appensis, floribus umbellatis, summis in caulibus sitis, quinquepetalis, caryophyllatis, late ut plurimum purpureis, quandoque dilute-rubris, quandoque albis, odoris, decem albis staminibus, apicibus in centro oblongis, in fructum abeuntibus conicum, feminibus minutis, femirotundis, ac sub-rubris repletum. Planta hæc *Lychnis* species, prope fluvios, stagnantes aquas, torrentes, rivulos, in nemoribus, pratishumidis, locisque fabulosis occurrit; in hortis quoque colitur, diutissime perdurat hortulanis invisâ propter serpendi modum; Majo vel Junio floret, floremque ad Septembrem usque conservat, qui non modo colore variare solet, verum etiam quandoque duplicatur, ad coronas autem efformandas tam propter ejus elegantiam, quam propter optimum odorem adhibetur.

Saponaria amarissima est, ac vix chartam cæruleam rubore afficit, hinc elicitur, salem amarissimum terræ connaturalem in ea absque ulla fere mutatione deferri, plurimoque sulphure uniri. Qua de re *Analyti Chymica* plurimum salis essentialis, olei, ac phlegmatis elargitur. Omnes conveniunt, detergentem admodum esse, vestiumque maculas saponis more obliterare, unde sic fuit nuncupata. Celebrior ejus facultas in Medicina est, impetiginem, scabiemque sanandi, aut foliorum decoctione interne sumpta, aut partes affectas madefaciendo. Schorderus asserit, ejus radicem aperientem, ac resolventem esse, optimamque ad Venereos morbos compescendos, Asthma avertendum, mensesque ciendos. Ab *Etmullero* autem in omnibus prædictis casibus folia anteponuntur, quæ tamquam specificum in morbo Venereo supradicto deprædicat: a Mercurio vero omnia prædicta remedia longe superantur, quæ profecto vel ad morbum obtegendum vel ad leviora symptomata sananda tantum valere possunt. Saponariæ folia macerata, ac in naribus immissa sternutationem concitant. *Experientia* vero duce a *Petro Borello* *Observatione* 118. *Centuria* I. asseritur, ejusdem semen ʒ j. quacumque Lunæ phasi incipiente, exhibitum, sensibiliter Epilepsiæ violentiam, ac paroxysmorum numerum, minuere.

Usurpatur autem in Oleo Euphorbii *Pharmac. Lond.*

℞. Rad. Scillæ & Bardanæ ana ʒ ss. Sarsaparillæ ʒ vj. Rasur. Ligni Sancti ʒ ss. Croci ʒ ij. Saponariæ Man. j. Sennæ mund. ʒ j ss. CrySTALL. Tartari ʒ iij. Taleolatim incisis superaffundantur aquæ bull. ℥. vj. Infusum super cinerarium calidum horis xxiv. relinquendo in vase clauso. Liquoris deinde frigidi fiat colatura, vasisque vitreis probe conclusis loco frigido asservetur, pro ptisana, dosi cyath. ij. tepidor. in morbis Venereis, Rheumaticis, cutaneisque affectibus, a spissitudine, & acrimonia lymphæ productis convenientissima.

℞. Rad. Lapathi sylvestris ʒ j. Enulæ Campanæ, & Aristolochiæ rotundæ ana ʒ ss. Saponariæ Man. ss. Nicotianæ pug. j. Coque in urina hominis sani pro decoctione detergendi adversus Porriginem, & Scabiem puerorum, quum vero pustulæ siccae apparent Oleo ovor. aut ceræ illinientur.

S A T U R E J A .

Plures plantarum species, quamvis genus diversum habeant, SATU-
REJÆ nomine indigitantur. Duæ usitatiores hic tantum a nobis propo-
nentur, nempe Satureja vulgaris, & Satureja S. Juliani.

Satureja, *Offic.* Satureja hortensis sive Cunila fativa Plinij, C. B. P. 218. Satureja fativa, J. B. 3. 272. *Inst.* R. H. 197. Satureja, *Dod. Pempt.* 289. Satureja hortensis, *Park. Rai Hist.* 518. *Lob. Icon.* 426. Satureja æstiva hortensis, *Ger.* Satureja domestica, *Eyst.* Hyssopus agrestis, *Brunf.* Thymbra vera, *Gensf. Hort.* Satureja, sive Thymbra fativa, *Cord. Hist.* Satureja vulgaris hortensis Matthioli, *Lugd. Hist.* 898. Satureja herbula, *Cæsal.* Satureja annua sive vulgatissima, Thymbra hortensis, *Quorumd.* vulgo la Sarriette, *Sadrée ou Savourée commune & annuelle des Jardins.*

Radix exigua, simplex, ac lignosa caules ad pedis aut pedis cum dimidio altitudinem promit rotundos, sub-rubros, aliquantisper hirsutos, & nodulos. Folia exigua sunt, oblonga, Hyssopi foliis similia, nonnihil hirsuta, pluribus foraminulis percita, nec iis tamen perforata, odore ad Thymum accedente, demissiori tamen, saporis acriusculi, penetrantis, satisque grati. Flores quoque perexigui sunt, labiati, Thymi floribus persimiles, hac, illac tamen in foliorum alis dispersi, albo-purpurascens, quaternis staminibus sericeis, in quatuor semina plerumque secedentes minuta, rotunda, obscura, parvis capsulis a calyce productis conclusa. In omnibus fere hortis Oltoriis planta hæc coli solet, frequentissime enim in condimentis, præsertim cum leguminibus usurpatur; singulis annis seritur, sponte etiam in arvis agri præsertim Monspeffulani excrefcit, ac Æstate floret.

Satureja, ut innuimus, sapore donatur penetranti, ac grato, odoreque fragranti, & aromatico, Analyfi vero plurimum salis volatilis aromatici, oleique largitur; unde aperiens, incidens, roboransque est. Vulgatissime etiam in culinis ad carniū saporem augendum, ad malas quorundam alimentorum qualitates corrigendas, & in arte Medica ad ægrotantium bonum in usum revocatur. De facto frigidis, inertibusque stomachis, victuque crasso ac viscido utentibus utilis adeo deprehenditur, ut a Trago *pauperum Condimentum* nuncupetur. A Germanis Brassicæ capitatae admiscetur, quam sale, & laceto conditam diutissime servant: cavendum vero est, ne nimium ea utamur; maxime enim sanguinem, humoresque exagitat, ac quandoque imprudenter ad menses urinasque ciendas usurpata, sputum, mictumque sanguineum produxit. Eiusdem infusio viscidorum, lentorumque humorum, pulmonum bronchia infarciētiū expectorationem juvat, ac feliciter in Asthmatis humidi paroxysmis, ac infantum Tussi adhibetur.

Extrinfecus quoque Saturejæ decotio in aures injecta in soporosis affectibus utilissima est ad ægros a sopore excitandos. Gargarismatis quoque more in uvulæ relaxatione, amygdalarumque inflammatione, a lymphatico cedematosa materia, eas infarciēte, oborta in usum revocatur. Eiusdem met decoctionis vapor imbuti ope in aures exceptus, earum tinnitus, fremitusque sedat. Essentia vero, sive ejus oleum excellit ad dentium dolorem a carie prodeuntem compescendum, dummodo gossipii parum eo imbutum in dentis vitiati foramen immittatur.

Saturajæ folia usurpantur in aqua Generali, ejusque summitates in aqua Imperiali *Pharm. Paris.*

℞ Flor. Sulphur. ʒ vj. Spermat. Ceti ʒ ij. Saturejæ p. & Iridis Florentinæ p. ana ʒ j. Flor. Benzoini ʒ β. M. cum f. q. Mellis albi pro Opia-
ta anti-asthmatica, quæ nucis moschatae magnitudine, nebula obvolu-
ta, mane, jejuno ventriculo, ægris propinabitur.

℞. Saturejæ p. ʒ j. Rad. Bistortæ ac Tormentillæ ana ʒ j. Piperis longi
gr. xij. M. f. p. adstringens adversus Uvulæ relaxationem.

Satureja seu Thymbra vera, *Offic.* Satureja spicata, C. B. P. 218. Sature-
ja foliis tenuibus, sive tenuifolia S. Juliani, *Quorumdam*, J. B. 3. 273. Thym-
bra S. Juliani sive Satureja vera, *Lob. Icon.* 425. *Inst. R. H.* 198. Satureja
S. Juliani, *Ger. Raii. Hist.* 518. Satureja spicata S. Juliani, *Park.* Thymbra
genuina Penæ, *Lugd. Hist.* 897. Clinopodium Montis S. Juliani, *Cæsalp.*
Thymbron seu Thymbræ montana, Hyssopus montanus, *Nonnull.* vulgo la
Sarriette vivace, ou l'Herbe de Saint Julien.

Radice est dura, lignosa, vivaci, plures emittit caules semipedales, fir-
mos, lignosos, foliis in basi copiosissimis, Thymo majori, aut Thymo Cre-
tensi similibus, angustioribus tamen, oblongis, odoris, acribus. Flores, ac
semina Thymi floribus, feminibusque æquari possunt, flores autem ex eo
distant, quod nempe verticillati sint media inter folia, summis vero cauli-
bus quodammodo spicati, ex albido-purpurascens. Satis elegantem for-
mam habet planta hæc; ac in curiosorum hortis diligenter colitur; Æstate
flore, solumque siccum ac saxosum exposcit; sponte ac abunde in monte
Hetruriæ S. Juliani, apparet, nec non in ipsis Florentiæ muris, ac in Sicilia,
alibique, regionibus præsertim calidis.

Plurimum Olei exaltati, salisque essentialis, & volatilis continet. Sapo-
rem habet gratissimum inter Saturejam, Thymumque, affinem, proprieta-
tes vero cum hac postrema communes. Cephalica enim, carminativa, ape-
riens, & hysterica reputatur. Oleum ejus essentielle plurimi æstimatur, gut.
vij. aut viij. in appropriati liquoris ʒ iij. vel ʒ jv. præscribitur ad affectus co-
licos flatulentos, & hystericos sedandos, stomachum roborandum, [men-
sesque, urinasque compellendas. Universa præterea planta pulverata, ac
Melle in Looch speciem redacta, a materia viscida] pulmones] liberat,
asthmaticosque plurimum solatur.

S A X I F R A G I A.

PLantis pluribus, genere, toto cælo diversis SAXIFRAGIÆ, *Perce-Pierre*,
nomen tributum fuit; eas autem omnes, quidam Veteres facultate præ-
ditas frangendi, ac dissolvendi calculum in renibus, & vesica, prædicabant,
quod falso quidem supposito laborare, experientia comprobavit, nec aliunde
hæc opinio in eorumque Medicorum mentibus emanavit, nisi ex eo, quod ple-
rumque plantas hæc e saxosis locis, rimisque murorum erumpentes, ea-
rumque quamplurimarum radices, adinstar parvorum calculorum, nucleo-
rumque ceraforum rotundas, conspicerent. Verum enim vero quum fabulum
una cum urinis expellant, aliqualemque prædictis in morbis opem affere so-
leant, de speciebus senis in Officinis usitatoribus (vix ullo enim familiari
usu cæteræ donantur) verba in sequentibus faciemus, & primo quidem de

Saxifragia alba, 2. de Saxifraga humiliori rubra; quæ duæ tantum, veris characteribus Saxifragiæ proprie dictæ, insigniuntur; 3. de Saxifraga aurea; 4. de Saxifraga Anglorum; 5. & 6. de Pimpinellis Saxifragis, Magna, & Parva.

Saxifragia alba, *Offic.* Saxifraga rotundi folia alba, C. B. P. 309. *Inst. R. H.* 252. Saxifraga alba radice granulosa, J. B. 3. 706. Saxifraga alba, *Dod. Pempt.* 316. *Ger. Raii Hist.* 1048. Saxifraga alba vulgaris, *Park.* Saxifraga alba Chelidonides, *Lob. Icon.* 612. Saxifraga alba tuberosa radice, *Clus. Hist.* Saxifraga major, *Brunf.* Saxifraga foliis reniformibus Lobatis, Caule ramoso, radice granulosa, *Linn. Hort. Cliff.* 167. Saxifraga granata, Calcifraga, Sampetra, Empetron, Rumpisaxum vulgare, *Nonnull.* vulgo *la Casse-pierre*, *Rompt-pierre* ou *Saxifrage blanche*.

Radix pluribus adinstar seminum Coriandri granulosis fibris partim purpureis, partim albis, saporis amariusculi, vulgo, *Grains ou Semences de Saxifrage*, nuncupatis, folia propellit fere rotunda, ambitu crenato, Hederæ terrestris foliis satis similia, magis tamen pinguicula, & albidiora, caudis appensa longiusculis, & hirsutis. Hæc inter exigui eriguntur caules fere pedales, rotundi, hirsuti, purpurei, ramosi, summisque ramusculis flores extolluntur quinquepetali, rosacei, late albi, staminibus denis, apicibus rotundis. Deciduis floribus fructus præsto sunt fere ovales, binis rostris distincti, plura semina minuta, oblonga, ac subrubra, unica cellula, occludentes, Herboris incultisque locis crescit planta hæc in montibus, collibus, vallibus, nemoribusque, Majo floret, tuncque nonnihil viscosi habere solet; juxta regionis diversitatem varia est, folia enim quandoque majora sunt, caulesque elatiores, ut plurimum vero exilia in montano, sterilique solo. Folia ejus, caulesque, paulo post florem, exsiccati deprehenduntur, granulatis tuberculis circum radicem remanentibus: quum vero hæc quoque facile disperiant, prompte, ac diligenter sunt colligenda. In agro Parisiensi non raro occurrit.

Saxifragiæ species hæc olei plurimum, salisque essentialis habet. Ejus radicis infusio ex Vino albo, aut decoctio, aperientia sunt: Man. j. in aquæ lb. ij. decoquitur, aut $\frac{3}{4}$ lb. noctis spatium in Vini albi semi-sextario infunditur, facta per linteum colatura; jejuno stomacho ex his alterutra, mane propinatur. Menfes ciere, pulmonesque a lymphâ viscida eorum vesiculas in Asthmate humido obducente liberare, Fuchsius testatur. Sal vero ejus fixum calcinationis ope elicatum, tanquam optimum diureticum a Rajo commendatur.

Radix Saxifragiæ albæ usurpatur in aqua Generali, Planta vero universa in syrupo Althææ *Pharm. Paris.*

Paronychia, *Offic.* Sedum tridactylites tectorum, C. B. P. 285. *Raii Hist.* 1043. Sedum tridactylites tectorum flore albo, J. B. 3. 762. Paronychia altera, *Dod. Pempt.* 112. Saxifraga verna annua humilior, *Inst. R. H.* 252. Paronychia rutaceo folio, *Ger.* Paronychia foliis incisis, *Park.* Alsine petræarubra, *Tabern.* Dactylobotanium alterum Tragi, *Thal.* Saxifraga alba Petræa, *Pon.* 339. Saxifraga foliis Cuneiformibus trifidis alternis, caule erecto ramoso, *Linn. Flor. Svec.* 129. Alsine tridactylites albicans, sedum foliis Laciniatis, Paronychia laciniata, *Nonnull.* vulgo *la petite Saxifrage rouge*.

E simplici, & delicatula radice, plerumque unicus emergit caulis minutus, debilis, rotundus, ramosus, sub-ruber, palmaris, foliis simplicibus, ob-

longis, succulentis, villosis, tactu viscidis, dilute-viridibus, ternis, aut quinis segmentis adinstar apertæ manus, secus caulem alterne locatis. Summo, caule, ramulisque exigui extant flores, quinque petalis rotundis, integrisque, conflati, longis elati pedunculis, quandoque albissimi, ut plurimum autem dilute-purpurei, tandem in capsulas seminales abeuntes bifurcatas, rotundas, ad Mespili fructum accedentes. Planta universa viscosa est, abunde super tecta, murosque veteres, & in locis desertis, ac siccis luxuriat. Majo floret, semenque ejus brevissime ad maturitatem perducitur; dein radicitus exsiccat, ac remanente anni curriculo omnino evanescit: juxta variam loci conditionem, & ipsa quoque variare solet, in tectis enim, & grandior, & ramosior, ea, esse solet, quæ in siccis, sabulosisque locis progignitur: rubro etiam colore magis, minusve afficitur, quo magis, minusve Solaribus, subest radiis. In acetariis ad modum Portulacæ esitari, ejusdemque proprietatibus potiri, a Trago asseritur.

Tamquam specificum adversus Icterus hujusce Plantæ infusum ex Cerevisia a Boylæo, in *Tractatu de Philosophiæ experimentalis utilitate*, proponitur; & a Rajo, tamquam specificum adversus strumas, quoquomodo sese habeant, commendatur: dolorem enim compescit: easque resolvit, quum resolvi revera possunt, aut adaperita ulcera exsiccat. Si quis vero remedium hocce in usum revocare cupiet, Vinum album, Cerevisiæ, substituere potest.

Saxifraga sive Hepatica aurea, Saxifraga rotundifolia aurea, C. B. P. 309. Saxifraga aurea Dodonæi, J. B. 3. 707. Saxifraga aurea, *Dod. Pempt.* 316. *Ger. Park. Raii Hist.* 207. Chryso-splenium, *Tabern.* Chryso-splenium foliis amplioribus auriculatis, *Inst. R. H.* 146. Hepatica palustris, *Eyst.* Saxifraga aurea Lichenis facie, & natalitiis, *Lob. Icon.* 612. Chryso-splenium foliis alternis, *Linn. Flor. Svec.* 115. Saxifraga Romana, Alpina vel Sabauda, *Quorumd.* vulgo *la Saxifrage dorée, ou l' Hepatique.*

Radice est longa, quandoque satis crassa, nodosa, serpenti, alba, fractu facili, delicatulis, ac minutis capillaribus fibris fulta, parvis caulibus spithamæis, quadratis, villosis, teneris, debilibus, in duos, tresve ramulos plerumque divisis; foliis oppositis, Hederæ terrestris, foliis fere æqualibus, exilioribus tamen, ambitu denticulato, paulisper villosis, succulentis, saporis austeriusculi, & amari. Summis caulibus, ramulisque, parvi flores rosacei, quadriparti, læte aurei, octo staminibus brevissimis, apicibus simplicioribus implantantur, abeuntque in capsulas bifurcatas, bivalves semina minuta, & atro-rubra concludentes. In paludibus, secus rivulos, locisque humidis, umbrosis, muscosisque crescit, Aprili floret, citissimeque semen maturum edit.

Chryso-splenium vocatur, sic autem indigitatur *Planta flore aureo, morbisque Splenis dicata.*

Plurimum habet phlegmatis, parum olei, salisque essentialis, tamquam vulneraria, & aperiens ad Hepatis, Lienisque, aliorumque viscerum obstructions referandas aptissima, in jusculis aperientibus Man. j. usurpatur; cæterum quum saporem, vimque habeat Hepaticæ vulgaris, quæ superius de eadem dicta sunt pro similibus indicationibus adimplendis satis, superque sufficiunt.

Seseli pratense, *Offic.* Seseli pratense, Silaus forte Plinio, C. B. P. 162. Silaum quibusdam flore luteolo, J. B. 3. 170. Siler alterum pratense, *Dod. Pempt.* 310.

Angelica pratensis, Apii folio, *Inst. R. H.* 313. Sefeli pratense Monspeliensium, *Lob. Icon.* 738. *Ger. Park. Raii Hist.* 453. Saxifraga umbellifera Anglorum, *Lugd. Hist.* Peucedanum foliolis pinnatim divisis, Laciniis oppositis, *Linn. Hort. Cliff.* 94. Sefeli Monspeliense, fœniculum erraticum, Hippomarathrum Anglicanum, Saxifragia Anglica, sive Anglicana, *Quorumd.* vulgo la *Saxifrage des Anglois ou des Près.*

Radice est vivaci, longa, digitum crassa, rugosa, extus nigricante, intus alba, superne capillari, sapore aromatico, ac nonnihil acri, caulibus pedem cum dimidio, aut duos pedes altis, satis crassis, rotundis striatis, lævibus, medullosis, inferne subrubris, ramosis. Folia vero lævia sunt, saturate-viridia, segmentis distincta, longiuscula, angusta, acuminata, rigida, sapore acri. Summis caulibus, ramulisque florum umbellæ, non satis expansæ extolluntur; quinquepetali vero flores sunt, rosacei, parvi, albo-lutescentes, abeuntque in fructum binis constantem, brevibus seminibus, striatis, ex una parte gibbis, ex altera planis, per maturitatem subrubris, odoris penetrantis, gratique, saporis aromatici, & vinosi. In omnibus fere locis excrefcit, ac in pratis præcipue, pascuisque.

Adversus calculos familiarissimum in Anglia usum habet planta hæc, hinc denominationem mutuatur. Radix potenter urinas movet. Planta universa decocta, aut ejus succus expressus ℥ iij. vel jv. usurpatur; ejus aqua stillati-tia eadem vi pollet, quemadmodum & semen pulveratum ℥ j. in Vini albi cyatho; in colica præterea flatulenta, tamquam carminativa in usum re-vocatur.

Sefeli pratensis semen locum habet in Benedicta Laxativa *Pharm. Paris.*

Saxifraga magna, *Offic.* Pimpinella Saxifraga major, umbella candida, *C. B. P.* 159. Saxifraga hircina major, *J. B.* 3. 109. Saxifraga magna, *Dod. Pempt.* 315. Tragoselinum majus, Pimpinella major, *Tabern. Icon.* 88. Tragoselinum majus, umbella candida, *Inst. R. H.* 309. Pimpinella Saxifraga, *Ger. Raii Hist.* 445. Pimpinella Saxifraga Hircina major, *Park.* Saxifraga Hircina major Pimpinellæ similis, Pimpinella Germanorum, Saxifragia Hircina vulgo, Selinum sive Apium Hircinum, Pimpinella alba, Pimpinella major splendens sive umbellifera, *Nonnull.* vulgo la grande-Pimpinelle-Saxifrage, la grande Bouquetine ou Boucage, le gran Persil de Bouc.

Radice est longa, ampla, minimum digitum crassa, alba, nonnullis fibris stipata, sapore urenti, sputumque excitante; caulibus fere bipedalibus, rotundis, striatis, glabris, nodosis, cavis, ramosis; foliis oblongis, pluribus juxta costam simul appensis, alatis, marginibus denticulatis, ac quandoque profundius incisus, ex una parte hirsutis, ex altera lævibus, atro-viridibus, splendentibusque, saporis, radicis sapore, minus penetrantis. Summis caulibus, ramusculisque umbellæ locantur, parvis onustæ floribus quinquepetalis, emarginatis, Llliorum æmulis, in semina bina simul juncta, minutissima, brevia, ex uno latere gibba, & striata, ex altero vero plana, saporis acris, tandem abeuntibus: Locis incultis, sabulosis, apricis, pinguisculis, & humidis apparet; Julio, & Augusto florescit. Radix ejus præcipue usurpatur, raro folia, ac semen. Sylvestris majori acrimonia præ Sativa pollet, quum autem colitur satis negotii hortulani facescit, radix enim serpit, magnumque soli spatium occupare solet.

Saxifraga parva, *Offic.* Pimpinella Saxifraga minor, *C. B. P.* 160. *Raii Hist.*

445. Saxifraga hircina minor foliis sanguisorbæ, J. B. 3. III. Saxifraga parva, Dod. Pempt. 315. Tragoselinum minus, Inst. R. H. 309. Pimpinella Saxifraga hircina minor, Park. Bipinella five Saxifraga minor, Ger. emac. Saxifraga Pimpinella Germanica minor, Clus. Hist. Daucus Selinoides, Cord. Hist. Tragium Dioscoridis, Column. Pimpinella foliolis subrotundis, Linn. Flor. Svec. 86. Saxifraga minor foliis Pimpinellæ rotundioribus, Pimpinella crispa, five Petræa vel saxatilis, Tragoselinum petræum, Petrifindula, Pimpinella nostra seu communis minor, Piper Germanorum, Nonnull. vulgo la petite Pimpinelle-Saxifrage.

Radice est simplici, profunda, rugosa, alba, parum fibrosa, sapore urenti; unum, vel plures habet caules pedem cum semisse altos, brevissima, ac satis densa lanugine obteetos, striatos, cavos, ramosos; foliis, satis angustis segmentis, incis, marginibus denticulatis, pari ordine secus costam, unico tantum desinente, locatis, Pimpinellæ vulgaris similibus, obscure-viridibus superne, dilute-viridibus inferne, venis, aut nervis saturate-viridibus, ac quandoque purpureis, circumfusus. Summi caules, ramusculique umbellas effertunt satis amplas, floribus onustas exiguis, albis, quinquepetalis Liliis proximis, quibus duo semina præsto sunt oblonga, striata, ex uno latere gibba, ex altero vero plana, sapore acri, ac penetranti. In pascuis siccis, solo sabuloso præsertim occurrit planta hæc, floresque edit Augusto, foliis summopere, ac statura juxta locorum diversitatem variare solet. Ejus vero radix, asserente Tabernæ Montano, adeo in vetustorum murorum rimis, ac inter saxa immergitur, ut nunquam integra evelli possit.

Plures adsunt Pimpinellæ-Saxifragæ species, magnitudine tantum, foliorum incisione, aut florum colore albo, five rubro distantes.

Omnes cæteroquin eadem vi præditæ, binæ tamen usque adhuc a nobis descriptæ vulgatiores sunt: plurimum habent olei, salisque essentialis. Radices, folia, ac semina a Medicis usurpantur aut infuso, aut decocto, aut pulvere. Diuretica, diaphoretica, ac vulnerario-detergentia reputantur, urinas, mensesque cient, renes densa mucilagine, glaireisque quandoque infarctos mundant, malignosque humores corrigunt. A Nonnullis quoque radix ac semen iisdem Petroselini vulgaris partibus æquiparantur; ab aliis semen, Petroselini Macedonici semini substituitur.

Radiceis exsiccata pulvis pro usu intrinseco, Piperi nostro vulgari a Rajo antepositur, tamquam temperatior, minusque calefaciens: Pastillos quoque ex eadem radice, saccharoque conflatos commendat, pro debilibus, inertibusque stomachis glaireis ortum præbentibus, nec non colicis intestinalibus, a mala concoctione oriundis: Profecto pastilli prædicti glareas fundunt, eji-ciuntque, ventriculique fermentum excitant.

Aqua stillatitia foliorum, florumque insigne est cosmeticum; faciei enim colorem, ac elegantiam conciliat, maculas abstergit, cutemque externis aeris impressionibus magis resistentem reddit. Ad sputum præterea concitandum radiceis frustulum, tamquam optimum Masticatorium, mandi solet in dentium morbis, linguæque Paralyfi.

Quibusdam in regionibus, radicibus Pimpinellæ-Saxifragæ majoris, baccae rubræ adnexæ inveniuntur, quæ Cochinillæ sylvestris nomine, indigitantur; A Tinctoibus vero pro purpura in usum revocantur.

Radix Pimpinellæ-Saxifragæ adhibetur in Aqua Generali, & pulvere Ari

composito . Folia in syrupis Consolidæ maj. & Althææ . Summitates in pulvere Chalybis *Pharmac. Paris.*

℞. Rad. exsicc. Pimpinellæ-Saxifragæ p. ʒ β. Mellis Narb. ʒ vj. Adde f. q. Syrupi Althææ pro Opiata singulis diebus, mane, jejuno ventriculo propinanda, adversus glareas in renibus, & vesica stabulantes, Asthma humidum, stomachumque relaxatum.

S C A B I O S A .

E Satis numerosa Scabiosarum familia, duas tantum familiarius in Arte Medica usurpatas ejus species describemus, Scabiosam nempe, vulgarem, & Sylvestrem.

Scabiosa, *Offic.* Scabiosa pratensis hirsuta, quæ *Officinarum*, C. B. P. 369. *Inst. R. H.* 464. Scabiosa major communior, hirsuta, folio laciniato, J. B. 3. 2. *Raii Hist.* 374. Scabiosa vulgaris major, *Dod. Pempt.* 122. *Ger.* Scabiosa vulgaris pratensis, *Park.* Scabiosa arvensis seu segetalis, *Tabern. Icon.* 159. Scabiosa vulgatio inter segetes nascens, *Clus. Hist.* Scabiosa scisso folio, *Cesalp.* Scabiosa major fatorum vulgatio, *Lob. Icon.* 53. Scabiosa Corollulis quadrifidis, Corollis radiatis, caule Hispido, *Linn. Hort. Cliff.* 31. Scabiosa campestris seu communis, Scabiosa scabra sive hirsutior, *Plora*, *Herba Apostemat.* *Quorumd.* vulgo la Scabieuse ordinaire des Prez & des Champs.

Radice est rigida, longa, vivaci, caulibus bipedalibus, seu tripedalibus, rotundis, villosis, cavis, foliis binis oppositis, in basi locatis, similibus, & angustioribus, per intervalla suffultis. Folia vero e radice emanantia oblonga sunt, lanuginosa, Valerianæ maj. foliis accedentia, profunde dissecta, sapore acriusculo. Summis caulibus florum rotundi fasciculi implantantur flosculis inæqualibus, cæruleis, aut purpureis conflati. Capita veluti quædam subviridia, squammosa, basi foliis adinstar radiorum ornata, capsulisque constantia semen occludentibus oblongum, corolla decoratum, deciduis floribus præsto sunt. Ubique fere crescit, inter segetes, in arvis, pratisque. Junio, Julioque florescit; plurimumque scissuris variare solet.

Scabiosa amara est, eaque charta cærulea rubore nonnihil perfunditur; unde evincitur salem ad Ammoniaci naturam accedentem, magna olei, terræque portione commixtum in ea contineri; Analyti enim Chymica præter plures liquores acidos, ex ea plurimum sulphuris ac terræ, parum spiritus urinosi, salisque volatilis concreti elicitur. Alexiteria, sudorifica, aperiens, detergens, & vulneraria recensetur, ac internum in usum revocatur. Ejusdem foliis, floribusque aqua Scabiosæ distillata paratur ut plurimum cum aqua Cardui Benedicti præscripta, pari dosi, ab ʒ iiij. ad ʒ jv. in Potionibus diaphoreticis & cordialibus, adversus variollas, morbillos, febresque malignas; cieri vero sudor potest Theriacæ ʒ j. *Laudani* gr. j. & ʒ vj. Aquæ Scabiosæ, quæ etiam cochleatim exhibita vapores compescit, succo quoque ejusdem plantæ ab ʒ iiij. ad ʒ vj. Theriacæ ʒ j. & Camphoræ gr. x. ad sudorem eliminandum iisdem in morbis utimur: succus pariter prædictus, aut plantæ decoctio epota, optima sunt, si urinæ purulentæ appareant, aut ulcera internis in partibus delitescant. In Pleuritide, Tussique pertinaci si forte usurpetur, expectoratio plurimum juvatur, sputus materia abunde exeunte, Pulmones liberantur. Syrupus quoque eodem succo componitur adversus cuta-

neos morbos aptissimus, dummodo externæ partes plantæ decoctione simul foveantur; pro singulis hujusce plantæ decoctionis ℞. ij. cochelaria tria Sp. Vini Camphor. admiscuntur, omnia deinde linteo percolantur, ad Camphoræ in liquoris superficie innatantis separationem: Decotio hæc adversus impetiginem optima recensetur, si mensis spatio illiniatur, syrupo etiam in usum revocato; vulnera quoque ea absterguntur. Maculas albas plerunque in Cornea apparentes succo scabiosæ, parum Boracis, & Camphoræ addito, deleri Tabernæ Montanus asserit. Fallopius autem & Valeriola testantur, plantam hanc adversus Carbunculos plurimum valere, a quibus sequens Mixtura magno juvamine usurpabatur.

℞. Succī Scabiosæ, Chamomill. & Calendulæ sylv. ana ʒ j. Theriacæ antiquæ ʒ jv. Salis vulgar. ʒ j. Vitell. Ovor. num. ij. M. pro Unguenti specie quadam Carbunculis post eorum scarificationem applicanda.

Juxta Valeriolæ assertum, Garidelius propria experientia remedium hocce optimum comprobavit.

Scabiosæ folia usurpantur in syrupo Consolidæ maj. & in Aqua Lactis alexiteria Pharm. Paris. ejus aqua distill. in Althææ rotulis, ejusque succus in Unguento adversus scabiem ejusdem Pharm.

Morsus Diaboli, vel succisa, Offic. Succisa hirsuta, C. B. P. 269. Succisa sive morsus Diaboli, Dod. Pempt. 124. Trag. 246. Ger. Morsus Diaboli vulgaris flore purpureo, Park. Scabiosa folio integro, Cæsalp. 541. Scabiosa folio integro hirsuto, Inst. R. H. 466. Succisa, Fuchsf. & Cast. Pycnocomon, Column. Scabiosa corollulis quadrifidis, caule simplici, ramis approximatis, foliis lanceolato-ovatis, Linn. Hort. Cliff. 30. Succisa flore Cæruleo, Quorumd. vulgo la Scabieuse des bois ou Succise; le Mors ou Remors du Diable.

Radice est vivaci, minimum digitum crassa, brevi, quodammodo in centro demorsa, aut rosa, longisque fibris circumfusa, foliis oblongis, acuminatis Scabiosæ vulgaris similibus, integris autem, non succisis, exceptis supremam caulis partem occupantibus, nonnihil crenato ambitu, superna facie, inferna, viridiori, rudibus, adeo brevi lanugine tectis, ut glabra, ac lævia videantur, longis caudis, appensis. Hæc inter tempestate declinante plures eriguntur caules fere bipedales, rotundi, firmi, subrubri, ramosi, binis pro unoquoque nodo ornati foliolis, in quorum apicibus flores, Scabiosæ floribus persimiles apparrent, magis tamen simul congesti, cærulei, quandoque purpurei aut albi, pluribus feminibus striatis. In locis incultis, pratis, pascuis, nemoribusque sabulosis, humidisque occurrit, sero, Autumnoque accedente florescit. Folia ejus præ aliis partibus in usum veniunt.

Succisa, sive Morsus Diaboli planta hæc fuit nuncupata, ob ejus radicem veluti erosam, aut demorsam; superstitiose autem id evenisse Boerhaavius asserit, tamquam Diabolus plantæ radicem adeo hominibus utilem, invisam haberet, dentibusque demorderet: sic de ea Germani, Galli, Anglique pronunciarunt, sicque ab iis proprio idiomate vocitatur.

Hujusce plantæ folia amara sunt, plurimoque rubore chartam cæruleam imbuunt; radix vero amara, ac styptica saturatori. Plurimum olei, salisque essentialis ex ea Analyseos ope recipitur. Ab omnibus veluti alexiteria, & vulneraria reputatur, ac præcedentis defectu iisdem virtutibus ditata dicitur, usurpaturque. Ejus decoctio adversus faucium inflammationes pro Gargarismate excellit testante Dodonæo. S. Pauli, Author optimæ fidei asserit,

iisdem cum successu usum fuisse non solum in Angina, verum etiam contra ulcera aphodriaci, os, faucesque infestantia. Si Cæsalpino fidendum est, ejus radix præstans est Antidotum adversus omnes veneni species; cor enim roborat, sanguinemque internis in partibus coagulatum resolvit. A S. Paulli autem una cum Bontio, adversus Hydropem, Hepatisque abscessus commendatur; Diamerbroekius denique in *Tractatu de Peste* plantæ universæ succum magni facit interne sumptum, adversum ulcera maligna, bubones carbunculosque pestilenciales.

Rx. Aquæ Succisæ ℥ vj. Theriacæ ℥ j. Laudani solidi. gr. j. M. pro potione in Febribus malignis, Morbillis, Variolisque propinanda, quum potissimum eruptio, cordis contractione defficiente, non perficitur.

Rx. Aq. distill. Scabiosæ, seu Succisæ, & Cardui benedict. ana ℥ ij. Confectionis Hyacinthinæ & Theriacæ ana ℥ ss. Antimonii Diaphoret. ℥ j. Syrup. Papaver. rubri, & Diacodii ana ℥ ss. M. pro potione diaphoretica anodyna cochleatim sumenda in morbis acutis, in quibus sudor primum apparet, aut blande ciendus est ad ægroti utilitatem.

Rx. Aq. distillat. Scabiosæ sive Succisæ, & Cardui benedicti ana ℥ ij. Confectionis Hyacinthinæ & Alkermes ana ℥ ss. Aq. Cinnamomi hordeat. & Flor. Aurantior. ana ℥ ij. Syrupi Caryophylli ℥ ss. M. pro potione cordiali cochleatim exhibenda in lassitudinibus, syncope, partu longo, atque difficili, ac in omnibus animi deffectionibus.

Rx. Fol. Cardui bened. Succisæ, Chamædryos, & Borriginis ana Man. ss. Flor. Papaver. rubri, & Calendulæ sylvestris ana pug. ij. Sem Millii nodulo occlusor. ℥ ij. Coque per horæ quadrantem in aquæ com. lb. iij. Fiat colatura, cui adde Syrupi Papaver. rubri ℥ j. ss. pro Decoctione sudurifica cyathis tepidis identidem propinanda.

Rx. Rad. Succisæ Man. j. Contunde in mortario marmoreo, & fiat infusio xij. horarum spatio super cinerarium calidum in Vini albi Sextario detrahatur deinde radix ac Pipere s. p. inspergatur. Cataplasmatibus forma omnia calida in Angina apponentur.

Rx. Fol. Succisæ Man. j. Coque in aquæ com. Sextariis iij. ad medietatem. Fiat deinde colatura in duas doses dividenda, quadraginta dierum spatio sumendas, mane, jejuno stomacho, & hora somni, adversus impetiginem, aliosque cutaneos morbos.

SCANDIX.

PEcten Veneris, Offic. SCANDIX semine rostrato vulgaris, C. B. P. 152. *Inst. R. H.* 326. Pecten Veneris, J. B. 3. 71. *Raii Hist.* 428. Scandix, Pecten Veneris, *Dod. Pempt.* 701. Pecten Veneris sive Scandix, Ger. Scandix vulgaris, sive Pecten Veneris, *Park.* Pecten Veneris vulgi, sive Scandix sylvestris, *Clus. Hist.* Scandix seminibus rostro longissimo extensis, *Linn. Hort. Cliff.* 101. Scandix arvensis, Herba Scanaria, acus Pastoris, Acula campestris, *Quorumd.* vulgo *Aiguille ou Pegine de Venus.*

Radix simplex, alba, fibrosa, annua, sapore dulci, ad acrem accedente plures emittit caules fere pedales, graciles, ramosos, hirsutos, supernis viridibus, infernis sub-rubris, parumper striatis. Folia habet minutim incisa, Coriandri foliis fere æqualia, caudis satis longis appensa, saporis subdulcis, non-nihil

nihil acris. Summis caulibus, ramulisque umbellæ sustinentur exiguis conflata floribus quinquepetalis, cordatis, ac Liliaceis, totidem capillaribus staminibus, apicibus rotundis; hisce succedunt fructus binis oblongis constantes feminibus, acum æmulantibus, ex uno latere convexis, sulcatisque, ex altero vero planis. Abunde, ac ubique fere crescit planta hæc inter segetes in arvis, vinetisque, floresque Majo, Junioque edit.

Pecten Veneris plurimum salis essentialis ministrat, ac tamquam aperiens vulnerarius, ac resolvens reputatur: hisce vero diebus fere nusquam in arte Medica usurpari solet.

A Dioscoride, & Galeno ad calculum Renum, & Vesicæ exsolvendum hæc planta commendatur, Matthiolus vero testatur, in Vino, ac Butyro decoctam una cum Petroselinii foliis, calidamque regioni pubis admotam, urinas abunde infantum ciere: quod pariter Petroselino tribui potest, a quo solo idem pluries etiam præstatur absque ulla Pectinis Veneris miscella. Rajus vero post plurium Authorum testimonia refert, hujusce plantæ radicem cum Malva tusam, & Cataplasmatibus forma applicatam extranea corpora attrahere in membris introducta. A Nonnullis autem adhuc tenera cruda una cum acetariis, aut cum oleo, butyrove cocta esitatur.

S C I L L A.

TRes SCILLÆ species in Officinis notæ reperiuntur, dux scilicet majores, Rubra, atque Alba ad *Ornithogalum* a Tournefortio relatæ, altera vero Minor ab eodem Authore Narcissis sociata.

Scilla, seu Squilla, *Offic.* Scilla vulgaris radice rubra, C. B. P. 73. Scilla rufa, magna, vulgaris, J. B. 2. 615. *Raii Hist.* 1164. Pancratium, *Dod. Pempt.* 691. *Ger. Clus.* Squilla, *Trag.* 908. *Brunf.* Scilla rubra, five Pancratium verum, *Park.* *Ornithogalum* maritimum, seu Scilla radice rubra, R. H. 381. Scilla rubentibus radicis tunicis, *Lob. Icon.* 152. Scilla major, *Cast.* Scilla foemina, *Plin.* Bulbus littoralis, forte Theophrasti, *Belon.* Ceba Maris, five Marina, Scilla rubra vulgatior, *Nonnull.* vulgo la grande Scille rouge, *Charpentaire, Scipoule, ou Oignon Marin.*

Radicem habet Cephæ persimilem, bulbosam, infantis caput crassitiæ æquantem, densis contextam tunicis, subrubris, succulentis viscosis, invicem superfusis, pendentibus ab imo pluribus crassis fibris. Folia emittit pedis, & ultra longitudinem, manus latitudinem fere æquantia, carnosæ, satis viridia, succo referta viscoso, & amaro. Hæc inter caulis extollitur pedem cum semisse altus, ad Asphodeli caulem accedens, erectus, apice flores emittens senis constantes albis foliis, calyce destitutis, satis rotundis, successive sese aperientibus, totidem staminibus, apicibus oblongis. Hisce fructus femirotundi præsto sunt triangulares, interne tribus distincti cellulis, plura semina rotunda, ac nigra occludentes. Radix tantum in usum revocatur. A pluribus Scilla alba huic anteponitur: rarior tamen esse solet.

Scilla alba, *Offic.* Scilla radice alba, C. B. P. 73. *Raii Hist.* 1164. Scillæ magnæ albæ, J. B. 618. Scilla *Dod. Pempt.* 690. Silla alba, *Park.* Scilla Hispanica, *Clus. Hist.* Scilla Hispanica vulgaris, *Ger. Emac.* *Ornithogalum* maritimum, seu Scilla radice alba, *Inst.* R. H. 381. Scilla mascula, *Plin.* Squilla, *Brunf. Trag. Matth. Fuchf.* Scilla, five Ceba marina Hispanica, Scilla five

Squilla major altera, *Nonnull. vulgo la grande Scille ou Squille blanche ou male.*

Radicem habet satis crassam, præcedenti tamen minorem, pluribus conflata tunicis albis, viscoso humore turgidis, pendulis ab imo pluribus crassissimis fibris. Caulem propellit ad cubiti altitudinem, erectum, nudum, foliisque destitutum, summitate pluribus ornata floribus ad stellæ modum conflatis, qui Asphodeli floribus simulantur; nonnihil tamen exiliores sunt, Scillæque rubræ floribus persimiles, ac inferne sese explicare incipientes, iisdem fructibus, seminibusque, in specie præcedenti descriptis, subsequentibus. Demum post florum, folia, uti in Croco, præcedentium eruptionem, e radice exeunt quina, aut sena folia densa, carnosæ, lata, in terram strata, saturatissime viridia. Planta hæc, quemadmodum & superius descripta, in locis sabulosis, mari propioribus in Hispania, Lusitania, & Sicilia luxuriat, Augusto, ac Septembri floret, semina autem Octobri, & Novembri maturescunt. Binas hæc descriptiones exarare supervacaneum fortassis erat, quia juxta J. Bauhini observationem Scilla alba, a rubra nisi colore differt. Nobis diversæ magnitudinis afferri solent; recentes, mediocris crassitie, sanæ, bene nutritæ, mense Junio collectæ, ponderosæ, firmæ, succo viscido foetæ, amaræ, & acres sunt eligendæ.

Indiscriminatim duabus recensitis Scillæ speciebus Medici utuntur. In utrisque autem plurimum salis essentialis, olei, ac phlegmatis, ac parum terræ locatur, hinc incidentes, attenuantes, detergentes, ac aperientes censentur; qua de causa a Dioscoride, Plinio, & Galeno ad urinas, mensesque excitandos, & adversum Hepatis, aliorumque infimi ventris viscerum infarctus commendantur. Plures Scillæ præparationes in Officinis reperiuntur, quarum præcipuæ sunt Pulvis, Trochisci, Acetum, & Oxymel scilliticum, earumque componendi ratio in Pharmacopæis commode inveniri potest. Pulvis a gr. viij. ad gr. xij. propinatur; Acetum ab ℥ j. ad ℥. iiij. Trochisci a ℥ j. ad ℥ ij. Oxymel a ℥ j. ad ℥ ℔. in potionibus, & Looch appropriatis. Horumce remediorum frequentior usus esse solet in pulmonum morbis a plegmate viscido, ac glutinoso bronchia infarciante, expectorationemque impediante obortis. Quapropter mira præstant in Asthmatis humidi paroxismo, catarrhis suffocativis, & Hydrope incipiente. De aliqua hujusce plantæ malignitate fortasse timeri potest ex *Ephemeridibus Germanicis Decuria 2. Anno 8. pag. 298. Observatione 138.* qua narratur, a Gallina Indica pastam, qua Scillæ Cepæ obvolatæ ac in furno concoctæ fuerant, devoratum fuisse, quæ post horam, vertigine, & convulsionibus adeo correpta fuit, ut nec se sustinere usquam posse, risumque amisisse videretur; deinde pustulis duris in ejus pedibus obortis, morbus, & symptomata, hac cryseos specie quadam, exitum habuerunt.

Scillæ succus usurpatur in Diachylon magno; Trochisci in Theriaca, & Acetum scilliticum in Emplastro Cicutæ.

℞. Aloes Hepaticæ ℥ j. Gummi Ammoniacy ℥ ℔. Dissolve in aceto scillitico omnia in pastæ solidæ consistentiam reducendo. Deinde adde Tartari vitriolati ℥ j. ℔. Gummi-Guttæ p. ℥ j. M. f. Massa Pilularum; dosis a gr. xij. ad ℥ j. sero hora somni duarum horarum a cena intervallo popinanda, ac per plures dies repetenda. Inter meliora adversus Asthma humidum remedia pilulæ prædictæ enumerantur. Si autem duabus,

bus, prima vice sumptis, solatium ægri non persenserint, die crastina, quatuor iis sunt exhibendæ, ad binas deinde, unius diei intervallo, redeundo.

℞. Syrupi Erysimi, & Hederæ terrestris, Oxymellis scillitici ana ℥ j. Spermat. Ceti in f. q. Olei Amygd. dulc. soluti ℥ j. Ireos Florent. p. & Fol. Hyssopi exsicc. ana ℥ j. M. pro Eclegmate cochleatim sumendo in Asthmatis humidi paroxismo. Vel:

℞. Aquæ Cinnamomi spirituosioris, & Oxymellis Scillitici ana ℥ j. Tincturæ Myrrhæ, & Enulæ Campanæ ana ℥ j. M. pro potione cochleatim sumenda.

℞. Pulv. pp. Scillæ gr. x. Confectionis Hyacinthinæ gr. xij. M. cum f. q. Syrupi Althææ pro bolo, octo dierum spatio repetendo, mane, jejuno ventriculo in Asthmate humido, magnisque Thoracis oppressionibus Hydropem minitantibus.

℞. Pulv. pp. Scillæ gr. viij. Nitri defæcati gr. xvj. Aquæ Parietariæ ℥ ij. M. pro potione pluries repetenda jejuno stomacho in Hydrope ascite, & Nephritica affectione.

Scilla parva, *Offic.* Narcissus maritimus, C. B. P. 54. *Raii Hist.* 1149. *Inst.* R. H. 357. Pancratium Monspessulanum, multis Scilla alba parva, J. B. 2. 611. Narcissus marinus, *Dod. Pempt.* 229. *Clus. Hist.* Pseudo narcissus marinus albus, Pancratium vulgo, *Park.* Pancratium marinum, *Ger.* Pancratium verum, *Gesn. Hirt.* Scilla minor seu pusilla, Pancration Monspeliacum, Pancratium flore Lili, Lilium marinum, Bulbus marinus, Hemerocallis. *Quorumd.* vulgo la petite Scille.

Radicem habet bulbosam, satis crassam, binis tamen anteaetis exiliorem, oblongam, externis nigricantibus, internis albis, tunicis constantem densis, translucidis, nonnihil striatis, humore viscoso, & amaro, refertis absque ulla acrimonia, crassis fibris e basi exeuntibus. Septem aut octo emittit folia satis longa, vix lata, Porri foliis similia, dilute-viridia, vertice obtuso. Ea inter caulis fere bipedalis apparret Asphodeli caulem crassitie æquans, tenerior, nudus, lævis, nodisque destitutus, in cujus summitate quinque aut sex locantur flores magni, oblongi, albi, stamina sex apicibus luteis gestantes. Capsulæ triangulares, tribus loculis divisæ, femina continentes lata, plana, & nigra, florum locum occupant. Secus mare infra agrum Monspessulanum Planta hæc frequens occurrit; Junio floret, semenque Julio, ac Augusto maturitatem acquirit; si autem solum mutet, raro admodum flores edere solet.

Iisdem facultatibus, ac Scilla vulgaris, prædita creditur; quamvis autem binis præcedentibus substitui posset, non æquis tamen viribus pollet: hinc raro a Medicis usurpatur nisi Scillæ veræ defectu.

S C L A R E A.

ORvala sylvestris, *Offic.* Horminum pratense foliis serratis, C. B. P. 238. *Raii Hist.* 544. Gallitrichum sylvestris vulgo, five sylvestris SCLAREA flore purpureo cæruleove magno, J. B. 3. 311. Orvala sylvestris 4. *Dod. Pempt.* 293. Sclarea pratensis, foliis serratis, flore cæruleo, *Inst.* R. H. 179. Horminum sylvestre, *Fuchs.* *Ger.* Horminum sylvestre vulgare, *Park.* Centrum Gal-

Gallinæ aut Galli Centrum, *Ruell.* Horminum sylvestre majus flore cæruleo & rubicundo *Thal.* Mati-salvia *Tabern.* Salvia agrestis, *Brunf.* Salvia foliis ovatis inciso-crenatis, verticillis subnudis, *Linn. Hort. Cliff.* 12. Gallitrichum sylvestre flore majore, Callitrichon agreste, Salvia transmarina seu Turcica Tota bona sylvestris, *Quorumd.* vulgo *Sclarée*, *Orvale* ou *Toute-bonne des Fréz* ou *sauvage*.

Radicem habet simplicem, lignosam, fibrosam, odoram, vivacem, quæ caulem unum, aut plures expellit fere bipedales, satis crassos, quadratos, erectos, hirsutos, cavos, in alas sive ramos invicem oppositos divisos. Folia promit magna, lata, rugosa, rudia, nonnihil sinuosa, marginibusque crenatis, longis appensa caudis, Salviæ foliis proxima, odore penetranti, sapore aromatico. Flores verticillati, in spicam longam quodammodo procedentes, magni, labiati, cærulei, purpureive, raro albi, calyce suffulti glutinoso, quinque cuspidibus distincto, summis caulibus, ramusculisque locantur, eorumque locum subeunt semina satis crassa, semirotonda, lævia, expolita, sub-nigra, capsulis florum calyces efformantibus, conclusa. Secus vias, in arborum limitibus, collibus herbosis, pratibusque tam elatis quam imis planta hæc apparet, ejusque flores Junio, Julioque.

Alto silentio ab Auctoribus Sclarea prætermittitur, excepto Garidelio, qui in *Historia Plantarum agri Aquisextiensis*, ei satis memorandam facultatem tribuit. Afferit enim, utilissimam esse adversus crurum ulcera, remediumque esse in Provincia familiarissimum: qua de re folium ejusdem exsiccatum recipitur, parumper Vino calido maceratur, ac statim apponitur. Frequenter omnibus aliis incassum adhibitis Remedium hocce palmam arripuit. Folia quoque recentia in usum revocari, vulneribusque recentibus aptari possunt, ea enim cito consolidat.

S C O R D I U M.

INter diversas Chamædrys species, binæ extant communiter SCORDIUM vocatæ, allium enim redolent, Verum scilicet, & Adulterinum.

Scordium, *Offic. C. B. P.* 247. *J. B.* 3. 292. *Dod. Pempt.* 126. *Ger. Raii. Hist.* 576. *Cord. Trag. Lob. Fuchsf. Anguill. Casalp. Taber. Lugd. Hist.* Chamædrys palustris Canescens, seu Scordium Officinarum, *Inst. R. H.* 205. Scordium verum, *Gensf. Hort.* Scordium Legitimum, *Park.* Chamædrys palustris allium redolens, *Mor. Hist. Oxon.* Teucrium foliis ovato-lanceolatis ferrulatis, sessilibus, floribus sæpius binatis, *Linn. Hort. Cliff.* 302. Scordion, allium palustre sive aquaticum, *Trixago palustris*, *Quorumd.* vulgo *le vrai Scordium* ou *Chamarras la Germandrèe d'eau*, ou *aquatique*.

Radicem habet fibrosam, serpentem, vivacem, plures eijcientem caules manum æquantes, ac quandoque pedales, quadratos, hirsutos, cavos, ramosos, solum versus proclives, serpentes, foliis appositis, oblongis, Chamædrys vulgaris foliis majoribus, rugosis, ambitu denticulato, molliusculis, hirsutis, subalbidis, Alii non ingratum odorem reddentibus, sapore amaro. Juxta caules, ramulosque ex foliorum alis flores emergunt exigui, labiati, vertice expanso, quinquifidi, sub-rubri, quibus quatuor semina minuta rotunda, capsula calycem floris efformante, conclusa succedunt. In locis humidis, ac paludosis, secus fossas aquis redundantes, enascitur, Junio, Julioque floret;

ret; non raro in agro quoque Parisiensi occurrit. Juxta C. Bauhinum magnitudine varia est, ac in hortis translata facile perit. A J. autem Bauhino, & Tournefortio juxta Lobellii auctoritatem Scordii fere deperditi inventio Guilelmo Pellissierio Episcopo Monspeſſulano tributa fuit, quod etiam a Rondeletio confirmatur.

Scordium amarum est, aromaticum, chartam cæruleam rubro colore inficit. Ejus folia digitis compressa, odorem, saporemque Allii manifeste reddunt. Constare autem Scordium videtur sale volatili oleoso, & sale ammoniacali non omnimode exsoluto, sed plurimo sulphure, irretito: tamquam resolvens, aperiens, diaphoreticum, & vulnerario-detergens reputatur. Intus, extrinsecusque usurpatur. Folia, floresque in decocto; ex iis Man. parvus, pro singulis aquæ ℥.ij. recipitur, exhibeturque cum successu in febribus malignis, variolis, morbillis, morbisque cutaneis, ad appetitum revocandum, arthritidem avertendam, vermes enecandos, sanguinem insensibili perspiratione depurandum, urinas ciendas; in omnibus quoque prædictis casibus Scordium ad modum Theæ in usum revocatur, pugillo uno in liquoris ℥.℥. immisso, aut in jusculeo omni pinguedine destituto per horæ semisse infuso. Ejus usitatiores præparationes in Officinis sunt Aqua stillatitia, Tinctura, Extractum, Conserva, & Syrupus.

Distillata aqua ab ℥.iij. ad ℥.vj. præscribitur, Tinctura vero a ℥.℥. ad ℥.ij. in Julapiis, Potionibusque cordialibus, diaphoreticis, & vermifugis. Extractum ℥.℥. & Conserva ℥.j. ad sudorem eliciendum. Conserva hæc eadem usitatissima est adversum sputum purulentum, icterum, mensiumque suppressionem. Vinum, quoque, ac Acetum parantur Scordii infusione, ab ℥.jv. ad ℥.vj. exhibendum, ad sudorem eliminandum, pro quo quandoque urinæ profluvium suboriri solet; hinc hydropicis quoque perutilis reputatur. Syrupus denique ad ℥.j. in omnibus prædictis morbis usurpatur. Planta hæc extrinsecus, ut innuimus, detergens est, ac vulneraria; in Lotionibus una cum Absinthio, & Centaurea minoribus in usum revocatur, nec non in fomentis, & Cataplasmatibus forma, membris imminente Gangrænæ periculo laborantibus. Si vero Gangræna jam irrepsit, carnes sphacelum minitantes probe prius sunt mundandæ aqua Sublimati corrosivi, & Arsenici, aut butyro Antimonii; absque enim hisce adminiculis vulnerariæ, plantæ nihil valere possunt. Juxta Rajum Scordii pulvis bono cum successu adhibetur, ad bubones pestilenciales, & ulcera maligna curanda.

Scordium usurpatur in Aceto Theriacali, Theriaca, Mithridato, Orvietano, Antidoto Matthioli, ac in magno Confectionum Alexiteriarum numero; in Pulvere vermifugo, in Oleo Scorpionum, & Unguento mundificativo de Apio dicto *Pharm. Paris.* Ex hac planta quoque *Diascordium* tam Fracastorii, quam Sylvii denominatur, confectiones nempe illæ duæ adeo celebres cordiales, ac anodynæ, quibus præcipue somnus conciliatur, colici dolores sedantur, stomachique resolutiones impediuntur.

℞. Aq. Cardui benedicti, & Scordii ana. ℥.jv. Aquæ theriacalis ℥.ij. Syrupi Caryophylli ℥.j. M. pro Julapio in febribus malignis, ac pestilentialibus sumendo.

℞. Aq. Scordii, Tanaceti, & Portulacæ ana. ℥.ij. Corallinæ & Sem. contra ana. ℥.j. Theriacæ ac Extracti Juniperi ana. ℥.℥. Syrupi Scordii ℥.j. M. pro potione vermifuga semel propinanda.

℞. Aq.

Rx. Aq. distill. Scordii, Hederæ terrestr. & Aquæ Vulnerariæ ana. ℥ ij. Spermat. Ceti, aqua Cinnamomi hord. soluti ℥ j. Antimonii diaphoret. ℥ j. Syrupi Caryophilli ℥ j. M. pro potione vulneraria, & cordiali co-chleatim exhibenda.

Rx. Diascordii ℥ j. Corall. rub. pp. & C. C. ph. p. ana. gr. v. Syrupi Cydonior. q. s. pro bolis conficiendis ab ægro bis de die sumendis, mane, ac vespere in dysenteria, & colicis affectionibus, stomachi resolutione conjunctis. Si guttæ v. aut vi. Laudani liquidi addantur anodyna quoque addetur vis.

Cataplasma ad Gangrænæ carnes emolliendas.

Rx. Fol. Scordii Man. ij. Malvæ Man. j. Flor. Althææ, & Lavendulæ ana ℥ j. Coque in aceto pro Cataplasmate, addendo farinæ Sem. Lini ℥ ij. Olei Sem. Lini ℥ j. Salis Ammoniaci ℥ j.

Scrodonia, *Offic.* Scordium alterum, sive Salvia agrestis, C. B. P. 247. Scordotis, sive Scordium folio Salviæ, J. B. 3. 293. Salvia agrestis, sive Sphacelus, *Dod. Pempt.* 291. Chamædrys fructicosa sylvestris Melissæ folio, *Inst. R. H.* 205. Scrodonia, sive Salvia agrestis, *Ger. Raii Hist.* 576. Scrodonia sive Scordium alterum quibusdam, & Salvia agrestis, *Park. Salvia sylvestris, Trag. Chamædrys elatior Salviæ folio flore Ochroleuco, Mor. Hist. Oxon. Teucrium foliis cordatis crenatis petiolatis, spicis laxis secundis, Linn. Hort. Cliff.* 301. Scordium montanum, Salvia bosci, seu nemorensis, Scordotis sylvestris, Scordium secundum, *Nonnull. vulgo le Faux Scordium ou Chamarras, la Sauge des bois ou Sauvage.*

Radice est lignosa, flexibili, serpenti, fibrosa, vivaci, quæ plures emittit caules bipedales, vel tripedales, quadratos, villosos, subnigros, aut purpurascens, ramosos, medulla alba repletos, foliis Salviæ minoris quoquomodo similibus, latioribus tamen, mollioribusque, ad Melissam accedentibus, rugosis, villosis, obscure viridibus, salitisque, ambitu denticulato, contrariis, saporis amari. Summis caulibus, ramulisque florum labiatorum spicæ extolluntur, qui scilicet, æqua, ac in Scordio vero, ratione disponuntur, eandem figuram habent, & colorem herbidum, aut ex albo pallescentem, quaternis staminibus purpureis; pluribus subsequenter feminibus exiguis, fere rotundis, subnigris, capsula conclusis quondam, floris calycem efformante. In nemoribus montanis, sylvisque crescit planta hæc, in sepibus, aliisque incultis, rudibus, sabulosis, nonnihil tamen humidis locis, flores Æstate edit, diuque detinet, ac variare solet foliis variegatis.

Scrodonia odorem habet aromaticum Allio proximum. A Nonnullis, ejus decoctio, tamquam optime sudorifica in morbis Venereis præscribi solet: ejus quoque Man. j. in Vini albi ℥ ij. infunditur, & ex eo quarta quaque hora cyathus unus parvus Hydropicis exhibetur, a quo quandoque sublevantur. Stomachum roborat, vermes enecat, urinas movet, ac in ictero, tertianisque febribus convenit. Cum autem ejus virtus plurimum ad Scordii veri vim accedat, huic quandoque substitui potest. A Gesnero, prædicto præferri solet; a Fabritio Hildano ad ulcera gangrænosa curanda commendatur, pro quibus dosi Scordii communis duplicata ab eo usurpatur.

S C O R S O N E R A.

SCORZONERA: *Offic.* Scorzonera latifolia sinuata, C. B. P. 275. *Inst. R. H.* 476. Tragopogon Hispanicus, five Escorzonera, aut Scorzonera, J. B. 2. 1060. Scorzonera major Hispanica, 1. *Clus. Hist.* 137. Viperaria, five Scorzonera Hispanica, *Ger.* Scorzonera Hispanica major, *Park. Raii Hist.* 248. Tragopogon peregrinus vel Hispanicus, *Gesn. Hort.* Scorzonera floribus simplicibus, & plenis, *Camer. Hort.* Scorzonera Hispanica, seu Bohemica, *Matth.* Scorzonera Hispanica & Germanica, *Tabern.* Scorzonera latifolia lutea, Serpentaria Hispanica, *Quorumd.* vulgo *Scorsonere*, *Cercisi ou Sa'cisi noir ou d'Espagne*.

Radice est pedem longa, simplici, pollicem crassa, externe nigra, intus alba, tenera, fractuque facili, vivaci, carnosâ, succo foeta lactiginoso, dulcissimo, quæ si coquatur optimum cibum ministrat, ideoque Quadragesimali præsertim tempore in culinis usitatissima. Caulem effert bipedalem, rotundum, striatum, cavum, pluribus ramis distinctum longis, ac lanugine quadam tunicæ more circumfusus. Folia longa sunt, satis lata, Tragopogon foliis similia, lævia, basi caulem amplexentia, quandoque aliquantisper sinuosa, ac ambitu crispato, firma, nervosa, angusta, oblonga, cuspidè desinentia, obscure viridia. Summo caule, ramulisque flores progignuntur ampli, lutei, quibusdam scilicet efformati fasciculis, calyceque suffulti longiusculo, gracili, squammosis foliis constante; floribus præsto sunt semina longa, delicata, alba, cristata. In omnibus fere Olitoriis hortis planta hæc colitur, floretque a Majo, & Junio ad Autumnum usque, Hispaniæ incola est, ubi sponte nascitur in humidis locis, sylvisque montanis.

Scorzonera nuncupatur, a Catalaunica denominatione *Escorso* qua *Vipera* indigitatur, adversus enim Viperarum morsus ab incolis usurpatur.

Ejus radix familiarissimum usum habet, & pro alimentis, & pro re Medica. Plurimum habet salis essentialis, mediocrem olei portionem; eligenda vero est tenera, carnosâ, succulenta, saporis dulcis, gratique. Tragopogono hortensi saporem habet penetrantiorē, urinas ciet, ventriculum roborat, & sudores, mensesque propellit; aptissima quoque reputatur in variolis, ac peste, adversus venena, ac Vipera, aliorumque veneficorum animalium morsum. Ejus radix probe cocta alimentum est saluberrimum quocumque tempore, quacumque ætate, & temperamento aptissimum, quum autem nonnihil calefaciat, moderate est usurpanda. Pro re autem Medica in Ptisanis adversus omnes malignos morbos præscribitur.

Boerhaavius in *Historia Plantarum Horti Lugduno-Batavi* magnopere radicis Scorzonerae succum diutius sumptum commendat ℥ iij. mane, jejuno stomacho iis propinatum, in quibus veneni suspicio locum habet; magnis quoque eam laudibus extollit adversus Hypochondriacas affectiones, viscerumque obstructions, dummodo ea tantum tusa, decoctio Hordei superaffundatur, coctura enim omnem efficaciam ex hac secedere, tradit. S. quoque Pauli Boerhaavii sententiæ favet, testaturque propria experientia, non Hepatis obstructions hocce remedio solum sanasse, verum etiam antiquos Icteros, Hydropeque primum apparentes.

Foliis, floribusque Scorzonerae aqua distillata elicitur, ab ℥ jv. ad ℥ vij. præscribenda in Julapiis, & Potionibus cordialibus, & diaphoreticis.

Nicolaus Monardus Hispanus Medicus integrum *de Scorzonera Tractatum* evulgavit, in quo mira profecto, nec tamen experientia adhuc comprobata in medium adducit. Nos vero, cum experimentis tantum innixi simus, ex hisce omnibus proprietatibus, vulgatiores tantum, ac obvias confirmamus.

Aqua Scorzonera distillata usurpatur in Aqua Divina *Pharm. Paris.*

℞. Rad. Scorzonera lotar. ac taleolatim incisar. ℥ j. Coque in aqua ℔ iij. ad tertiæ partis diminutionem; Adde Glycyrrhizæ in fila evulsæ ℥ ij. Infunde per horæ dimidium, fiat deinde colatura pro Ptisana convenienti in Variolis, Morbillis, ac Febribus malignis.

℞. Rad. Lapathi sylvestris ℥ j. Aquilejæ, Scorzonera, & Bardana ana. ℥ ss. Fol. Fumariæ, Scabiosæ, Agrimonie, & Cardui benedicti ana Man. ss. Antimonii p., noduloque infusi ℥ j. Coque in aqua ℔ vj. ad tertiæ partis consumptionem. Fiat deinde colatura leviter exprimenda, & adde Syrupi Fumar. ℥ jv. pro Apozemate, binis cyathis calidis, de die, propinando, novem dierum spatio, adversus Scabiem, Impetiginem, Porriginem, aliosque cutaneos morbos.

℞. Aq. Scorzonera, Borraginis, & Cichorii ana. ℥ ij. Aquæ Cinnamomi hordeat. & Aquæ Theriacalis ana. ℥ j. Sp. Nitri dulcif. gut. xx. Syrup. Limon. & Caryophylli ana. ℥ ss. M. pro potione cordiali una vice, aut chocaleatim sumenda.

Potio cordialis efficacior.

℞. Aq. Scorzonera, & Scabiosæ ana. ℥ ij. Aquæ Cinnamomi hord. ℥ ss. Theriacæ ℥ ij. Pul. Viper. ℥ j. Sp. volatilis C. C. gut. xx. Syrupi Caryophylli ℥ j. M. pro potione cochleatim exhibenda.

℞. Rad. Scorzonera mund. ℥ j. ss. Contunde in mortario marmoreo, paulatim ℔ j. decoctionis Hordei affundendo. Fiat colatura linteolo expressa, & adde Syrupi de quinque radic. aper. ℥ ss. pro decoctione, mensis spatio, mane, jejuno ventriculo repetenda, in Hepatis, Lienisque obstructionibus, Ictero, ac Hydrope enascente.

S C R O P H U L A R I A.

INter omnes SCROPHULARIÆ species, sequentes duæ tantum in usum Medicum venire solent.

Scrophularia, Offic. Scrophularia nodosa foetida, C. B. P. 235. *Inst. R. H.* 166. Scrophylaria vulgaris & major, J. B. 3. 421. Scrophularia, *Dod. Pempt.* 50. Scrophularia major, *Brunf. Lob. Ger. Raii Hist.* 764. Scrophularia major vulgaris, *Park. Clymenum mas, Ges. Hort. Galeopsis, Fuchs. Ocymastrum alterum; Trag.* 135. Scrophularia major recentiorum Medicorum, *Cæsalp. Scrophularia foliis cordatis, oppositis racemo terminatrici, Linn. Hort. Cliff.* 322. Scrophularia vulgatio, Millemorbia, Ficaria, Ferraria, Castragula, *Quorumd. vulgo la grande Scrophulaire commune, ou des bois.*

Radice est crassa, longa, serpenti, alba, nodosa, inæquali, vivaci, quæ plures emittit caules bipedales, & ultra, erectos, firmos, quadratos, interne cavos, purpureo-nigricantes, in alatos ramos divisos. Folia habet oblonga,

longa, lata, acuminata, ambitu crenato, *Urtica* majoris similia, majora tamen, obscuriora, ac neutiquam vellicantia, invicem in unoquoque caulium nodo opposita. Summis caulibus, ramulisque flores implantantur labiati, atro, purpurei, calyce suffulti monopetalo, quinquifido, quaternis staminibus, apicibus luteis. Fructus hisce rotundi succedunt acuti, duobus distincti cellulis, pluribus seminibus nigricantibus, refertis. Sambuci odore admodum ingrato scatet universa planta, saporeque amaro; in locis umbrosis, sepibus, nemoribus, sylvisque cædvis frequens occurrit, floresque ministrat Junio, Julio, & Augusto. Radix, Folia, ac Semen in usum Medicum veniunt, præcipue vero radix.

Scrophularia maj. folia amarissima sunt, male olent, satisque modico rubro colore chartam cæruleam tingunt, quod saturatius a radice præstatur, unde conjici potest, salem ammoniacum, nativo terræ sale contentum, in hacce planta prædominari, ac in ea, magna olei foetidi quantitate consociari. Analyseos Chymicæ ope plurimum Salis volatilis concreti, plurimumque olei ex hac recipitur, unde vis resolvendi, emolliendi, ac temperandi derivare solet. Hæc enim revera principia essentialia requiruntur in remediis, tam ad tumores contumaciores inflammatione sociatos, quam frigidos dictos emolliendos, aptis. Oleum foetidum fibras relaxando, earum tensionem minuit, ac temperat, sal namque ammoniacum attenuat, dividit, materiamque infarcientem eliminat. Fere omnia plantarum genera Sambuci, & *Stramonii* odore scatentia, iisdem fere facultatibus ditantur adversus inflammationes, tumoresque: aptissima præterea sunt pro tendineis partibus.

Tum intus, cum extrinsecus universæ *Scrophularia* maj. partes, radix nempe, folia, & semina in usum revocantur. Radix p. ʒj. mane, jejuno Ventriculo, appropriata Conserva, commixta, præscribitur, aut Vini cyathus in quo radix hæc per noctem infusa fuerit, Hæmorrhoidibus internis dolentibus, ægri propinatur, quibus remediis brevi solantur. Tragus vero asserit *Scrophularia* radicem tusam, ac ʒj. in Vino exhibitam ad vermes enecandos valere: aqua autem, in qua per noctem plantæ radices macerata fuerint, pariter pro morbis superius indicatis Ptisanæ forma convenientissima recensetur.

Externe præterea adversum strumas exsiccatas macerata folia, Cataplasmatibus forma, singulis diebus, renovata commendantur, quæ hoc simplici remedio hebdomadis senis sanantur: plantæ etiam succus ad ulcera acriora & carcinomatosa etiam sananda usurpatur, ab aliis vero radicibus contra scrophulosos tumores, hæmorrhoides, scabiemque Unguentum paratur: pulvere etiam ejusdem radicis affectæ partes consperguntur.

Ad *Scrophularia* Unguentum conficiendum oportet juxta Tragum, Majo universæ plantæ succum elicere, eumque per annum in vase vitreo probe concluso servare; miscetur inde p. æ. Olei, Ceraque recentis. Idem Author asserit, omnes scabiei, impetiginisque species, ad Elephantiasim quoque accedentes eo sanatas vidisse: plurimum etiam commendat aquam distillatam hujusce plantæ in papulis, rubentibusque faciei pustulis. Author vero *Historiæ Plantarum Lugdunensium* Unguenti *Scrophularia* conficiendi rationem tradit modo sequenti. Autumno hujusce radices recipiantur, una cum recenti Butyro tusæ, quindecim dierum spatium in vase e filice probe clauso in Cavea

repo-

reponantur, postea igne liquatis, Unguentum prius linteo colatum fervetur. Si Tragi methodus sequatur, Oleo succus Scrophulariæ est perfundendus, ne fracescat, aut loco Olei, sexta pars Sp. Vini defæcatissimi addenda est. Si vero Unguentum juxta *Historiæ Plantarum Lugdunensium* descriptionem conficiatur, potius quam in Cavea radices cum Butyro tulas servare, facilius erit, eas digestionem B. M. per triduum tantum committere in Cucurbita vitrea Capitulo cooperta: linteo deinde post fusionem colentur. Unguenta prædicta in Cutaneis morbis, hæmorrhoidibus, ac impetigine exulcerata excellunt, radice pulvere, aut ejus in Vino infuso ægris interim, uti supra innuimus, propinato.

Scrophulariæ maj. radix usurpatur in aqua Generali, Unguento mundificativo de Apio, radix, & folia in Aqua vulneraria, & Emplastro *Diabotano Pharm. Paris.*

Rx. Axungia Suillæ ℥ j. Liqueatur igne moderato, deinde adde Fol. incisor. Scrophulariæ, Cynoglossi, Lamii, & Digitalis ana p. æ. Leniter coque, usquedum Unguentum saturate viridescat, tunc colaturæ admisce Cerae ac Resinæ p. æ. Therebenthinæ ℥ ij. Viridis Æris ℥ j. M. denuo ad consistentiam Unguenti solidiusculi. Unguentum celeberrimum est adversus strumas exulceratas.

Betonica aquatica *Offic.* Scrophularia aquatica major, C. B. P. 235. *Inst. R. H.* 166. *Ger. Raii Hist.* 764. Scrophularia maxima radice fibrosa, J. B. 3. 421. Betonica aquatilis, *Dod. Pempt.* 50. Ocymastrum majus, *Trag.* 185. Clymenum foemina, *Gens. Hort.* Betonica aquatica, *Ger. Lob.* Betonica aquatica major, *Park.* Scrophularia foliis cordatis, pediculorum alis in caulem decurrentibus, *Guett. Observ.* 201. Yquetaya Brasiliensium seu Brasiliensis, *Gul. Homberg. J. Marchand.* Scrophularia foemina, Scrophularia palustris non foetida, radicibus fibrosis, Scrophularia aquatica sive altera, Betonice folio, *Nonnull. vulgo la Scrophulaire aquatique, l'Herbe du siège, la Betoine d'Eau.*

Radice est satis crassa, fibris longis, albisque stipata, vivaci, plures caules emittente, binos, tresve pedes altos, minimum digitum crassos, quadratos, quibusdam in locis sub-rubros, in aliis vero virides, intus cavos, satis tene-ros, succo refertos, leves, ramosos, foliis Scrophulariæ comm. similibus, non adeo tamen acuta extremitate, propiusque ad Betonicam vulg. acceden- tibus, ea vero duplo, aut triplo majoribus, longis, latis, carnosiss, margini- bus crenatis, nervosis, invicem contrariis, crassa cauda, & cava appensis, dilute-viridibus, odore, saporeque ingrato. Flores præcedentis floribus simi- lantur, majores tamen aliquatenus sunt, & ferrugineo-rufescentes. Hisce fructus succedunt rotundi, acuti, in duas cellulas divisi, semina minutissi- ma, & obscura occludentes. Aquaticis in locis, secus amnes, rivulosque, fos- sasque aqua refertas excrescit, Julio, Augustoque floret.

Scrophulariæ species hæc *Herbe du siège* fuit nuncupata, eo quod præce- dentis more Hæmorrhoidibus, aliisque ani morbis medetur, aut juxta D. Chomelii sententiam, quia, *obsidione* Rupellæ diutissime perdurante, de- mum planta hæc tantum, pro omnibus vulnerum speciebus, omnimode præ- parata in usum fuit revocata.

Et de facto vulnerariam vim habet, maximam, & consolidantem. D. Tochneri hac in re extat *Observatio in Ephemeridibus Germanicis Centuria VII. & VIII.* in qua hujusce plantæ elogium reperitur, ac præcedenti anteponi- tur:

tur: Iisdem tamen principiis scatere videtur; odorem ingratum pariter habet, ac fere nullo colore rubro cæruleam chartam inficit, unde evinci potest, sal ammoniacum cum oleo foetido ac terra in ea contineri: merito igitur primæ substituitur. Æque adversus Strumas, Hæmorrhoidesque pollet, tam interne, quam extrinsecus usurpatur. D. Marchand celebris Regiæ Scientiarum Academiæ Parisiensis Botanicus in *Commentario, Academiæ Actis* anno 1701. pag. 209. insito, asserit, folia ejusdem malum Sennæ saporem corrigere, si in ejus infusioni p. æ. admisceantur, quod profecto maximum commodum afferre potest, quandoque enim propter ingratum saporem Senna non præscribitur, nec præscripta sumitur, etsi purgans sit tutissimum. Tragus vero ad oculorum fluxiones arcendas Cataplasma foliis prædictis maceratis, Melle admixtis, frontique applicatis proponit.

S E C A L E.

SECALE, *Offic.* Secale hybernum vel majus, C. B. P. 23. *Inst.* R. H. 513. Secale, J. B. 2. 416. *Ger. Rai Hist.* 1241. Rogga sive Secale Plinii, *Dod. Pempt.* 499. Siligo, *Brunf. Ruell. Lon.* Olyra. Cord. Tiphæ Cerealis, & Tiphæ Theophrasti, *Port.* Secale, vulgatius, *Park.* Farrago, *Fuchs. Lcb. Tabern.* Briza, seu Triticum secundum; *Quorumd.* vulgo *Seigle ou Ségale*.

Radice est annua, delicatulis fibris ornata, plures emittit culmos humanam staturam æquantes, ac quandoque superantes, erectos, firmos, Triticeis graciliores, quaternis, aut quinis intersitis nodis, exiguo foliorum numero, quæ scilicet longa sunt, angusta, ac subrubra dum primum e solo erumpunt. Summis culmis flores fasciculatim enascuntur, pluribusque capillaribus staminibus luteis conflantur, apicibus oblongis, spicatis, abeuntque in grana oblonga, fere cylindracea, gracilia, nuda, externe fusca, interne alba, ac farinacea. Secale autem spicæ, longiores, compressioresque sunt Triticeis spicis. Ubique fere planta hæc coli solet, præcipue vero in solo sterili, levi, sabuloso; Hyeme ineunte, aut Autumno feritur, aut sola, aut cum Tritico fere p. æ. permixta; quæ frugum mixtura *Meteil* nuncupatur, plerumque Majo flores edit; per mensem spica Triticum præcedit, hinc communis invaluit sententia, Aprilem absque Secale spica, Majum autem absque Tritici spica transigi non posse. Absque dubio inter segetes post Triticum primum locum habet Secale, ac frequentius alimenti, quam medicamenti forma usurpatur.

J. Bauhinus, aliique post ipsum Botanici binas Secale species distinxerunt, Secale nempe Majus, sive hybernum, alterum vero Minus, aut verum, quum autem primum Autumno Tritici more feratur; postremum Vere tantum, uti Hordeum, feritur: in alio autem binæ hæ species inter se differre non videntur, nisi sationis tempore, & accidentibus ab ea oriundis.

Plurimum olei, salisque essentialis Secale continet, segetisque species est, qua Montanæ gentes, ac Septemptrionales ut plurimum pro pane conficiendo utuntur: eundem quoque in usum apud nos revocatur, non tamen frequenter adeo, uti Triticum; quandoque etiam huic admiscetur, ad peculiarem quibusdam non ingratum saporem in pane excitandum, eumque diutius recentem servandum: non adeo tamen uti Triticeus nutrit, ac solum robustis, valentioribusque ventriculis convenit; stomachum enim gravare solet,

difficilisque concoquitur, tam si sola farina, quam si furfure minus crasso permixta conficiatur: interne turbat, & flatus, ac tormina quandoque progenerat: hinc delicatulis, nec stomacho satis valentibus nullo pacto convenit. Robustis vero, quibus alvus non admodum laxa est, utilissimus esse potest, emollit enim, ac referat. Hæmorrhoidibus quoque Hemi micrania, cordisque palpitationibus obnoxiiis utilis dicitur.

A Nonnullis Secale ad modum Caffæ torretur, ac pulveratum, pari ratione usurpatur; hæc autem sorbitio certe minus calefacit; qualitates, tamen gratiamque Caffæ habere non potest.

Secale furfur emolliens est: ejus decotio, cum qua Sacchari parum admiscetur, aptissima est ad Pectoris acrimonias temperandas: frequentius tamen pro clysteribus adhibetur.

Extrinfecus farina Secale quatuor resolventibus farinis substitui solet, iisdemque fere ac farina Hordei viribus gaudet. Cataplama e Secale farina, Melle, ac Ovi vitello, temperans est resolvens, tumorumque suppurationem promovet; frequentissime mammis lacte infarctis applicatur. Farina hæc eadem p. æ. Farinæ Triticæ commixta, linteo conclusa, ac fronti apposta, capitis dolorem, deliriumque sedat, præsertim si prædictis farinis Absinthii summitates addantur, Erysipelata quoque sanat. Aqua distillata Secale, juxta S. Pauli, optima est adversus surditatem, ac panis Secale crusta torrefacta, optima est ad dentes expolliendos.

Tempestate pluvia, ac humida in Secale spicis grana quædam cæteris longiora, extus nigra, intus subalbida, nebulis fere corrupta, ac veluti degenerantia progignuntur, nullum tamen pravum saporem habent, *Ergot* in agro Soloniensi nuncupata; *Solonix* autem denominatio, a Nonnullis *Secalonix* affinis dicitur, propter Secale ea in regione redundantiam; aliis in locis *Se-ges cornuta* propter figuram vocitatur; a Botonacis vero *Orga Secale luxurians*, *Secalis mater*, *Clavis Siliginis*. Orga vero si forte seratur, neutiquam crescit, quod naturæ consonum est, ac utilissimum. In solo Secale, Orga reperitur, speciesque quædam est deformis, ac admodum infesta. Si forte enim cum pane certa quadam quantitate admixta fuerit, quicumque eo vescitur terribili morbo *S. Antonii* nuncupato corripitur, universum corpus specie quadam gangrænæ siccæ infestante, extremitatibus primo affectis, ac præcipue pedibus, gradatim cæteris membris sese corrumpentibus, quæ nigra, livida, foetidissimaque evasa, omnino ab articulationibus separantur, quasi arboris ramus amputaretur, atque sic unis post alios decisis dentibus, quandoque solo, extremitatibus deperditis, trunco, exiguo intervallo, superstitite. Funestissimi hujusce morbi eruptio, nec internis nec externis remediis debellari haudquaquam potest, nisi citissime occurratur: intitio autem sanguinis missiones, ac purgationes, cordialia remedia, ac optima victus ratio ægros plerumque liberant, vel ii saltem a morbo sola alicujus manuum, pedumve digiti deperditione sanescunt. Prædictos omnes pravos effectus ex Orga progignitos tantummodo, conspiciemus, si post messem statim panis conficiatur, nihil autem timoris inerit Hyeme præterlapsa, post scilicet grani prædicti evaporationem, quod profecto verisimillimum est, & Observatione D. Bautzmanni in *Ephemeridibus Germanicis*, *Decuria III. anno VII. & VIII. pag. 52.* confirmatur. Ab eo enim asseritur, plures degenerantis hujusce Secale pane ex recenti messe saturatos, statim vertigine, dolore

capitis, faciei inflatione, vomendique conatibus correptos fuisse, quæ omnia merito Secale huic, Orga permixto, relata fuere; nondum enim probe exsiccatum, ejus prava qualitas in sanguinem invecata fuit. Mirum erit profecto, si post hosce omnes perniciosos effectus ab Orga progenitos, ea tamen energia aliqua Medica prædicta sit: verum enim vero a Gasp. Bauhino tamquam optimum remedium ad excedentem mensium fluxum compescendum commendatur.

R. Furfuris Secale. loti Man. j. Fol. Malvæ æ. q. Coque in f. q. aquæ ad ℥. j. Adde colaturæ Mellis violat. ʒ ij. pro clystere emollienti.

R. Furfuris Secale loti Man. j. Fol. Bardanæ Man. β. Urinæ hominis sani ℥. j. Coque ad Cataplasmatism consistentiam, quod strumis, bronchocele præsertim applicetur, & mane ac vespere innovabitur.

R. Far. Secale ℥. β. Vitella ovor. num. vj. M. f. q. Mellis com. pro Cataplasmate adversus mammarum fistulas.

S E D U M.

QUamvis omnes Sedi species in Medicum usum revocari possent, tres tamen sequentes tantum de quibus verba facturi sumus in Officinis plerumque usurpantur.

Sempervivum seu Jovis Barba, Offic. SEDUM majus vulgare, C. B. P. 283. J. B. 3. 687. Inst. R. H. 262. Park. Raii Hist. 687. Sempervivum majus, Ger. Sedum vulgare, Clus. Hist. 63. Eyst. Sedum majus, Fuchs. Matth. Card. Tabern. Genf. Column. Aizoon magnum, Dioscor. Aizoon five sempervivum majus, Lob. Camer. Hort. Thal. Lugd. Hist. Sempervivum tectorum majus, Rupp. Jan. 132. Sempervivum foliis radicalibus carnosissimis Caulinis imbricatis membranaceis, Corymbo racemoso reflexo, Linn. Hort. Cliff. 179. Aizoon majus legitimum, Sedum primum five magnum, Sempervivum majus crenatum myrtifolium. Aithales, seu Sempervirens, Jovis Caulis, Pamphanes, Chrysospermum, Aichryson, Holocryson, Chrystis, Protogonon, Quorumd. vulgo la grande Joubarbe.

E radice parva & fibrosa plura exeunt folia oblonga, crassa, acuminata, carnosa, succo fœta, circum solum radici appensa; perpetuo viridia, circulatim disposita, ac veluti rosacea, externe convexa, interne plana, quæ inter caulis ad pedis & ultra altitudinem surgit erectus, satis crassus, sub-ruber, medollosus, foliis, infernis similibus circumfusus, nonnihil tamen arctioribus, magisque turbinatis, a quibus squamosus quodammodo efficitur: caulis prædictus apice suo in nonnullos reflexos dividitur ramos, floribus stipatos quinque petalis rosaceis, aut stellatis, purpureis, staminibus decem, apicibus rotundis, quibus præsto sunt fructus, pluribus granulis ad capitis modum conglobatis, constantes, seminibusque minutissimis repleti. Antiquis in muris, tectis, tuguriisque crescit planta hæc, post Æstatis solstitium flores edit, caulisque Autumno, semine maturo exsiccat.

Sempervivum majus Analyfi Chymica plurimum acidi, ac terræ, exigamque salis volatilis concreti portionem elargitur. Verosimile est, saltem in eo ad Alumen accedentem pauco sale ammoniacocommixtum contineri; hujusce enim plantæ succus evaporatus urinofum odorem exhalat, a quo salis ammoniaci existentia procul dubio indicatur; refrigerans est planta hæc

detergens, adstringens, resolvens, ac reperiens. Intus usurpatur ejus succus \mathfrak{z} jv. in febribus intermittentibus, nullo frigore distinctis, & in febribus lentis, hecticisque jussulo Cancrorum, ac Testudinum admixtus. Boerhaavius in *Historia Plantarum Horti Lugduno-Batavi*, ejus folia tunica mundata, & aqua macerata plurimum commendat in febribus ardentibus, inflammationibus gangrænam minitantibus, stomachi ac intestinorum suppurationibus, in casibus denique omnibus, in quibus immoderatus prævalet calor. In Africæ locis quibusdam dysenteria sanatur, \mathfrak{z} x. hujusce plantæ succi exhibitis, quod satis superque probabile est, cum enim inter incrassantia, & refrigerantia remedium hocce locum habeat, bilis, acriumque liquorum, in tubo intestinali, crumpentium, eumque interne corrodentium causticitatem demulcet, ac temperat, in omnibus pariter prædictis morbis ejus aqua distillata ab \mathfrak{z} jv. ad \mathfrak{z} vj. commode in usum revocari potest.

Extrinfecus ejus folia plerumque hæmorrhoidalibus inflammationibus apponuntur. Unguentum etiam ex butyro recenti paratur, in quo ad certam consistentiam ebullierint: eademque folia, tunica destituta, callosis in digitis pedum concretionibus, & arthritide affectis partibus applicantur, debita tamen circumspectione, quum enim reperiens vi gaudeant, statim ad ea confugere, quum potissimum magna adsit inflammatio, periculosum est. In Angina autem Gargarisma ex ejusdem aqua stillatitia utiliter usurpatur, Cancris fluviatilibus una cum ejus foliis contusis externe admotis. Gargarisma etiam succo Cancrorum, & Barbæ Jovis simul contusorum in usum revocatur, qui succus quoque aliquando injectionis forma in uteri prolapsu, ac profundis, cavernosisque ulceribus convenit. Eorundem præterea foliorum succus oleo Nucis commixtus, ac quassatus excellit ad vesum ambustiones, & erysipelata, quarta parte Sp. Vini addita. Planta universa tusa, & Cataplasmatismatis forma fronti apposita capitis dolores, ac delira febres ardentes comitantia compescit. Dineum D. Ludovici Apini in *Ephemeridibus Germanicis Decuria III. anno V. & VI.* extat Observatio, qua narratur, virum ulcere, purulentam, ichorosamque materiam, expurgante, in crure per annum & ultra laborantem, pluribusque incassum adhibitis remediis, tandem pulvere foliorum Barbæ Jovis maj. exsiccatorum super ulcus insperso, xxjv. horarum spatio, ab eo nunquam digne satis remedii adeo simplicis magnam efficaciam admirante, sanatum omnino fuisse.

In crurum equorum fluxionibus nihil, \mathfrak{ss} j. hujusce plantæ succo ab iis ingurgitando, efficacius esse, a D. Tournesortio asseritur.

Ejus folia usurpantur in Unguentis, Mundificativo de Apio dicto, & *Populeo Pharm. Paris.*

\mathfrak{R} . Succo Sempervivi maj. & Aquæ Rosar. ana \mathfrak{z} iij. Sacchari Saturni \mathfrak{z} f. Syrupi Rosar. exsiccat. \mathfrak{z} j. M. pro Gargarismate in Angina repetendo.

\mathfrak{R} . Fol. Solani, Lactucæ, & Plantaginis ana Man. j. Fol. Sempervivi maj. Man. \mathfrak{ss} . Coque cum f. q. Oxycrati, adde deinde Far. Fœnu græci \mathfrak{z} iij. Olei rosar. \mathfrak{z} ij. Pro Cataplasmate reperiens.

\mathfrak{R} . Aquar. Lactucæ, & Sempervivi maj. ana \mathfrak{z} ij. Aquæ spermat. Ranar. & Syrupi Nymphæ ana \mathfrak{z} j. M. pro Julapio refrigerante.

\mathfrak{R} . Aquar. Plantag. & Spermat. Ranar. ana \mathfrak{z} j. \mathfrak{ss} . Succo Sempervivi maj. \mathfrak{z} ij. Olei Amygd. dulcium \mathfrak{z} j. Syrupi Diacodij \mathfrak{z} vj. M. pro Julapio anody-

anodyno in dysenteria, & in ventriculi, tubique intestinalis erosionibus aptissimo.

℞. Succi Sempervivi maj. ℥ jv. Lithargyri ℥ j. Vitel. ovor. num. ij. Agitentur diutius in mortario plumbeo, ejusdem materiæ pistillo. Fiat colatura pro injectione adversus urethræ, uterique ulcera.

℞. Succi Sempervivi maj. ℥ jv. Olei Nucis ℥ ij. Quassentur in mortario marmoreo. Adde Sp. Vini ℥ j. Splenium mixtura hacce infectum Erysipelati, aut adustionibus applicetur, ac continuo, dum exsiccat, innovetur.

Vermicularis, seu Crassula minor, *Offic.* Sedum minus teretifolium album, C. B. P. 283. *Inst.* R. H. 262. *Raii Hist.* 1040. Sedum minus, folio longiusculo tereti, flore candido, J. B. 3. 690. Vermicularis, crassula minor *Officinarum*, *Ger.* Vermicularis flore albo, *Park.* Sempervivum minus album, *Brunf.* Sempervivum foemina, *Camer. Hort.* Aizoon minus Matthioli, *Lugd. Hist.* 1129. Aizoon minus foemina *Fuchs.* Sedum minus vulgare album, *Gens. Hort.* Semperviva minor. dicta vermicularis, *Anguill.* Sedum foliis oblongis obtusis teretiusculis sessilibus patentibus, panicula ramosa, *Linn. Hort. Cliff.* 177. Sedum minus teres, Aizoon minus flore albo, sempervivum minus alterum floribus candidis, Sempervivum secundum vermiculatis foliis, vermicularis foemina, cauda muris vulgo, *Quorumd.* vulgo la petite Foubarbe, la Trique-Madame ou Tripe-Madame.

Radice est minuta ac fibrosa, quæ plures propellit caules, manum fere, longitudine, æquantes, duros, lignosos, subrubros, foliis longiusculis, rotundis, carnosiss, succulentis, vermicularibus, vermibus scilicet in caseo putrescenti stabulantibus proximis, juxta caules alternatim dispositis, in quorum apicibus umbellati locantur flores, albi, quinquepetali, rosacei, pluribus staminibus, apicibus purpureis, qui tandem abeunt, in satis exiguos fructus, constantes pluribus vaginis ad modum capitis conglobatis, confertisque seminibus minutissimis. In muris, tectis, locisque soli expositis crescit planta hæc, quæ Æstate floret.

Plurimo phlegmate, oleo, paucoque sale Vermicularis constituitur: saporem habet styptico-salinum, maximeque rubro colore chartam caruleam inficit, unde sal ad Alumen accedens, nec tamen exigui salis ammoniaci, copiosi sulphuris, ac phlegmatis mixturam respuens indicatur. Quibus sane principiis adstringendi, ac refrigerandi vi donatur, stomachi quoque ardorem temperat, hinc haud raro pro acetario usurpatur: quamvis autem a nonnullis Medicis ejus internus usus reprobetur, pravos ullos effectus nunquam tamen produxit; quum vero suis facultatibus cum Sempervivo maj. convenire penitus videatur, huic substitui commode posse judicamus.

Radices, folia, ac succus Vermicularis usurpantur in Emplastro Diabotano; folia vero in Unguento Populeo *Pharm. Paris.*

℞. Succi Vermicularis ℥ viij. Divide in doses iiij. Sexta quoque hora propinandas, aqua, vino, aut jusculeo permixtas, in deliro ac Phrenitide, pluribusque diebus, repetendas.

Illecebra minor, *Offic.* Sempervivum minus vermiculatum acre, C. B. P. 283. Sedum parvum acre, flore luteo, J. B. 3. 694. *Inst.* R. H. 263. *Raii Hist.* 1041. Vermicularis, sive illecebra min. acris, *Ger.* Illecebra minor, sive sedum ter-

tium Dioscoridis, *Park.* Illecebra, five Sempervivum tertium, *Dod.* Sempervivum minimum, five illecebra, *Lob.* Aizoon acre, *Cord.* Aizoon minimum repens tertium Dioscoridis, *Lugd. Hist.* 1130. Sedum minus Causticum, *Clus. Hist.* 61. *Eyst.* Sedum foliis subovatis adnato fessilibus gibbi erectiusculis, Vermiculata acuta, Aizoon minus fervidi gustus, sedum minimum acre, sedum parvum urens, sedi tertium genus non sempervirens, Uva juadica vel feliū uva, Piper murorum seu murale, *Quorumd.* vulgo la Vermiculaire acre ou brulante, le pain d'Oiseau.

Radice est exigua ac fibrosa, plures caules emittente demissos, breves, graciles, foliis exiguis, densiusculis, pinguibus, acuminatis, triangularibus, succulentis. Summis vero caulibus parvi, lutei flores stelliformes ac quinquepetali locantur, pluribus staminibus in centro locatis, apicibus pariter luteis, qui tandem exiguos in fructus commutantur, hi autem vaginis constant ad modum capitis coagmentatis, seminibusque minutissimis refertis. Ubique fere germinat planta hæc radicibus suspensa, antiquis in muris, in tectis demissioribus, rusticis tuguriis, aut aliis in locis sterata saxosis, aridis, muscosisque, Junio autem flores edit. Saporem habet penetrantem, ac urentem, hinc Gallice vulgo *Poivre de Murailles* nuncupatur. Semine autem ad maturitatem accedente, planta exsiccatur, ac Hyeme perit.

Illecebra minor saporem utique habet acerrimum, ac fervidissimum, videturque in ejus textura e sale acido terræ connaturali, sale rodentem ad Nitri Spiritum accedens sulphure implicatum, ac edulcoratum originem ducere, juxta placitum Tournefortii in *Historia Plantarum Agri Parisiensis*. Præ cæteris simplicioribus anti-scorbuticis planta hæc ab Etmullero commendatur: sal autem acre, quo abundat egregie Scorbutorum exulceratas gingivas detergit. Adnotat præterea idem Author, ejusce succo adeo stomachum vellicari, ut vomitus excitetur, hinc, inquit ille, a pluribus Medicis in febribus intermittentibus, & continuis chronicis, a materie prava in primis viis stabulante, ut plurimum, ortum, aut fomitem habentibus præscribitur, qua salutari vomitu evacuata, morbus quoque tollitur; advertendum tamen est, ne remedium hocce in usum revocetur, quum præsertim summus adsit calor, aut saburræ in ventriculo latentis certa haudquaquam extent signa. Boerhaavius vero in *Historia Plantarum Horti Lugduno-Batavi* asserit, agnovisse agyrtam 3 ij. succi hujusce plantæ cum lacte, aut cerevisia exhibentem, ad quartanam febrim, hydropem, aliosque chronicos morbos sanandos, eique rem semper feliciter cessisse, vomitu copiose excitato, dummodo abesset calor, quo præsentem morbus augebatur; ab expertioribus itaque Medicis tantum, in usum prudenter revocetur remedium hocce, quod omnium expertissimus Boerhaavius ob magnam acrimoniam nunquam interne præscribere audebat; Scorbuto tamen excepto, in quem mira præstat, quemadmodum observatione D. Bernardi Belovv comprobatur, in *Ephemeridibus Germanicis Decuria prima anno VI. & VII. pag. 33.* In ea autem methodus exponitur, qua plures milites scorbutici, hujusce plantæ ope, sanati fuerunt: ejus Man. viij. in Cerevisiæ lb viij. cooperto vase ad medias decoquebantur: hujusce decocti tepidi 3 iij. vel jv. quotidie mane, aut tertia quaque die, juxta ægri vires, propinabantur, hinc copiosus vomitus sequebatur, iique primum sanitati restituebantur, qui magis, facilisque vomebant.

Gingivis præterea exulceratis, dentiumque tremoribus Gargarisma ejusdem

dem decoctionis tepidum, pluriesque repetitum præscribatur, additis Alumine crudo, ac Melle rosato, variata dosi, juxta variam casuum exigentiam. Crurum ulcera præter internum decoctionis prædictæ usum, plantabis in Cerevisia decocta fovebantur, iisque Cataplasmatibus forma magna apponebatur.

Testatur demum laudatus Author quinquaginta, & ultra nervorum, ac tendinum contractione adeo laborantes, ut talus usque ad poplitem, absque ulla distensionis spe, pertingeret, sola prædicta decoctione pluries repetita, frequentibusque lotionibus, & Cataplasmate ex tota planta decocta, ac expressa, ad sanationem usque, super affectos tendines in usum revocato, perfecte consilio suo convaluisse.

Peculiaribus ergo hisce exprimentis, ac in maximo ægrorum numero institutis, utiliter usurpari posse videtur planta hæc in scorbuticis affectionibus, e quibus tamen magnus æstus, sanguinisque fusio sejuncta omnino sit, sique nutritio præcesserit, quæ facile in acrimoniam converti possit; contrariis autem in casibus morbus augebitur potius, sanguinis exolutionem accelerando, in hisce ergo tutius erit sese ea penitus abdicare.

S E N E C I O.

SENECIO, *Offic.* Senecio minor vulgaris, sive Erigeron, J. B. 2. 1041. Senecio, sive Erigeron, *Lob. Icon.* 225. Senecio vulgaris, *Park. Raii Hist.* 290. Erigeron, *Ger. Verbenæ fœmina*, *Brunsf.* Senecio, sive Herbulum, *Trag.* 285. Senecio foliis pinnato-sinuatis amplexicaulibus, floribus nudis sparsis, Van-Roy, *Flor. Leyd. Prodr.* 165. Senecio Soliis pinnatifidis denticulatis, laciniis æqualibus patentissimis, rachi lineari, *Linn. Hort. Cliff.* 406. Erigeron minus, Acanthis, Carduncellus qui omnium mensium flos vulgo, herba petrella, Senecium, Pappus vel herba Pappa, *Nonnull.* vulgo *Senegon ou Senesson*.

Radicem habet exiguam, fibrosam, albescentem, unum, aut plures prope pellit caules fere pedales, rotundos, striatos, intus cavos, quandoque subrubros, ramosos, quibusdam in locis Soli præcipue obnoxiiis, villosos, foliis oblongis, incis, denticulatis, alternatim locatis, basi latissima appensis, cauda destitutis, obtusa cuspidè terminantibus, obscure-viridibus. Summo caule, ramisque fasciculatim flores implantantur, pluribusque luteis flosculis conflantur stelliformibus, calyce suffulti monopetalo, quinque staminibus apicibus cylindræis in centro sitis; hisce præsto sunt plura ovalia semina, longis cristis præcincta, caput album junctim efformantibus. Planta hæc nullo patenti odore prædita ubique crescit in arvis, secus vias, in vineis, in hortis, locisque sabulosis, & apricis; continuo iterum producit, totoque anno virefcit: quacumque tempestate flores edit, nec Hyeme quidem excepta, ac Vere adventante jam senescit, hinc *Erigeron* vocata fuit.

Senecio saporem habet acidiusculum, ac chartam caruleam in saturate-rubrum colorem immutat. Analyseos vero Chymicæ ope, præter plures acidos liquores plurimum olei, ac terræ largitur, nihil salis volatilis concreti, parum autem spiritusurinosi; hinc conjectare possumus, hujuscæ plantæ salem ad Coralli salem accedere, plurimo tamen sulphure, exiguique salis ammoniaci mixtura irretiri. Senecio emolliendi, temperandi, ac resolvendi energiam habet, interne, ac externe usurpatur. Ejus succum, ʒ ij.

exhibitum, vermes enecare, a D. Tournefortio testatur in *Historia Plantarum Agri Parisiensis*, quod a Rajo confirmatur, consuetudine præsertim Anglorum Veterinariorum, qui eodem succo equos verminibus laborantes sanare consuefcunt: Tragus nihilominus internum hujusce plantæ usum reprehendit, quibus autem rationibus ejus fulciatur opinio penitus ignoratur: Plures Medici e contra asserunt, eundem succum Cerevisia conjunctum, aut plantæ prædictæ decoctioni, Melli, Passulisque Chorintiacis sociatam, vi lenissima per superiora purgandi pollere, remediumque esse utilissimum in ictero, hepatis morbis, fluoribus albis, nec non in vomitu ac sputo sanguineo. Aqua ejus præterea sitillatitia albos fluores compescit. A Boerhaavio autem ejusdem succus Oxycrato mixtus commendatur adversus faucium inflammationes. Omnium denique frequentissime planta hæc adhibetur in decoctione pro clysteribus emollientibus.

Externe quoque Cataplasmatibus forma ad tumorum suppurationem promovendam, adversus arthritidem, & hæmorrhoides, ac ad lac in mammis stagnans excutiendum in lacte cocta, aut butyro recenti frixa usurpatur.

Senec. folia in decoctione emollienti pro clysteribus *Pharmacopææ Parisiensis* recipitur.

℞. Fol. Senec. Malvæ, & Verbasci ana. Man. j. Coque in lactis ℥ ij. cum æ. q. aquæ com. ad quartæ partis diminutionem. Immergatur deinde panni lanei frustulum, fortiterque exprimatur, partique dolenti, ac inflammationem minitanti applicetur.

℞. Fol. Malvæ, Mercurialis, Parietariæ, & Sanec. ana. Man. ℥. Coque in aquæ com. ℥ ij. ad medias. Fiat colatura pro clystere emollienti.

S E R P Y L L U M.

OMNES SERPYLLI species iisdem fere proprietatibus insigniuntur, hinc una, vel altera aliis commode substitui potest: de binis tamen frequentibus vulgatoribus nempe, verba tantum faciemus.

Serpyllum Citratum, *Offic. Ger. Park. Raii Hist.* 522. *Tabern. icon.* 360. Serpyllum foliis Citri odore, *C. B. P.* 220. *Inst. R. H.* 197. Serpyllum Citri odore, *J. B.* 3. 270. Thymum latifolium, *Ger.* Serpyllum Panonicum primum, & Serpyllum Citri odore, *Clus. Hist.* Serpyllum foliis citratis, *Quorumd.* vulgo, *le Serpolet ou Pillolet Citronné.*

Radice est delicatula, ac fibrosa, plures expellit caules quadratos, manum longitudine æquantes, duros, lignosos, in terram stratos, foliis exilibus, crassiusculis, e viridi nigricantibus, Citri aut Melissæ hortensis odore. Summis caulibus, parvi flores quodammodo capitati enascuntur ut plurimum purpurei, tubulares, vertice bilabiato, calyceque corniformi fulciuntur, staminibus quatuor curvis in centro locatis. Deciduis floribus quatuor exigua ac rotunda semina succedunt calycis basi conclusa. Montanis in locis creseit planta hæc Serpyllo vulgari quandoque confusa, floresque cum eo simul Junio, Julio, & Augusto emittens.

Serpyllum, *Offic.* Serpyllum vulgare minus, *C. B. P.* 220. *Inst. R. H.* 197. *Park.* Serpyllum vulgare, *J. B.* 3. 269. *Dod. Pempt.* 277. *Ger. Raii Hist.* 521. Serpyllum, *Brunf. Trag. Fuchs. Anguill.* Serpyllum minus flore albo, & flore purpureo, *Tabern.* Serpyllum vulgare repens, *Clus. Hist.* Thymus floribus capitatis,

pitatis, caulibus repentibus, foliis planis obtusis basi ciliatis, *Linn. Flor. Svec.* 173. *Serpyllum vulgatissimum*, *Nonnull.* vulgo *le petite Serpolet*, *le Thym sauvage ordinaire*.

Radice est minuta, lignosa, vivaci, atra, capillitio stipata; plures emit-
tit caules quadratos, duros, lignosos, subrubros, demissos, nonnihil villo-
sos, quorum alii ad manus altitudinem eriguntur, alii vero serpendo fibris
delicatulis hac, illac terræ superficiem amplectuntur, hinc ejus tam Græca,
quam Latina denominatio emanavit. Folia vero habet exigua, viridia, Thy-
mi foliis latiora, rotunda, nervosa, sapore acri, & aromatico. Flores sum-
mis exilioribus caulibus enascuntur capitati, plerumque purpurei, quandoque
albi, fistulosi, vertice bilabiato, calyceque corniculato suffulti; immutantur
autem in parva semina semirotonda capsula, conclusa, floris calycem antea
efformante. Planta hæc odore scatet gratissimo, incultis crescit in locis,
montanis, ficcis, sabulosis, saxosis, in arvis, pascuisque, uno verbo, fere
ubique, Æstate flores emittit, quos diutissime servat. A Parkinsoni autem
Serpyllo foliorum colore tantum differt. Non modo autem juxta locorum
clinatumque diversitatem odore variat, verum etiam ejus summitates in
sub-albida, ac villosa parva sæpe capita desciscunt florum locum occupan-
tia, vermiculisque nidum præbentia, quas profecto excrementas a quorum-
dam insectorum ictibus proficisci, verosimile est.

Singulæ Serpyllorum species indiscriminatim usurpantur, ac præsertim bi-
næ usque adhuc delineatæ. Amariusculum est, acre, stypticum, odorum,
chartamque cæruleam saturate-rubro colore imbuunt. Videtur autem in eo
sal volatile oleosum prædominari, acido salis Ammoniaci terræ, nonnihil
infectum; dum e contra in sale volatili aromatico oleoso artificiali, acida
salis Ammoniaci portio, sale Tartari aut ejus cineribus irretitur. Hinc Ser-
pyllum cephalica, ac stomachica vi donatur, vaporibus mirifice adver-
satur, irritantes materias convulsivis motibus ansam præbentes exterminat,
spirituosas particulas sanguini suppeditat, primarum viarum functionibus vi-
gorem conciliat, & obstructions referat. Tam interne, quam externe usur-
patur. Noctis spatio in Vino rosato Serpylli Man. j. infunditur, colatura ve-
ro septem aut octo dierum spatio, jejuno stomacho chloroticis præscribitur,
addendo unicuique dosi gut. jv. aut v. Olei essentialis Sassafras. S. Pauli au-
tem testatur, in Dania Erysipelate affectos juvari Serpylli decoctione, quæ
sanguinem depurat, ac fudores, & urinas ciet. Serpylli spiritus, ejusque
aqua distillata aptissima est adversus soporosos, ac rheumaticos cerebri
affectus. Spiritum hunc mutis loquellam conciliare dicitur, eo quod uti-
lissimus in linguæ paralyti deprehenditur. Adversum Epilepsiam hujusce
plantæ oleum essenziale, aut aqua e floribus in sp. vini maceratis, distilla-
tionis ope elicitæ plurimum commendatur.

In rheumaticis affectionibus, tussi inveterata, infantum fluxionibus Ser-
pylli Man. j. in lb ij. ebull. aquæ injicitur, qua vix denuo ebullita, vaseque
ab igne retracto, ac cooperto Mellis albi coch. ij. in infuso exsolvuntur, aut
cyathus ejusdem infusi ebullientis cum pari quantitate lactis vaccini socia-
tur, agrisque hora somni calide propinatur. Urinas ejiciendi vim habet
Serpylli p. 3 j. Conserva autem florum ac summitatum ejusdem plantæ he-
micrania, vertigine, morboque comitiali affectos plurimum solatur.

Quoad ejus extrinsecum usum, Serpyllum ad umbram exsiccatum, ac
cum

cum aliis quamplurimis aromaticis herbis pulveratum, cephalicum pulverem componit, vimque habet cerebrum exonerandi, magnam feri copiam e naribus eliciendo, si præcipue mane iis admoveatur. Prædictus pulvis a Nonnullis Nicotiano quoque antepositur, utpote nulla irritandi ac stimulandi facultate prædius. In pediluviiis denique Serpylli decoctio usurpatur ad menstrua revocanda.

Serpylli folia in usum revocari consueverunt in Aqua Generali, ejusque summitates in Oleo Catellorum, *Pharm. Paris.*

℞. Rad. Angelicæ ʒ j. Fol. Majoranæ, & Salviæ, Fol. ac Flor. Roris marini, & Summit. Serpylli ana Man. ʒ. Sem. Nigellæ Romanæ ʒ iij. Caryophyllor. Mastich. ac Styracis calamit. ana. ʒ j. M. f. p. crassiusculus, postea super gossipium inspergetur, panno lineo, ac sericeo obvolvendum pro cucupha efformanda, ad pulverem detinendum acu pingenda. Cucupha hæc apta est ad cerebrum roborandum, & Catarrhis, Paralyfi, ac Apoplexiæ serosæ adversatur.

℞. Aquæ Melissæ comp. ʒ ʒ. Spir. Serpylli ʒ iij. Spiritus volatilis salis Ammoniaci ʒ j. ʒ. M. pro spirituosâ mixtura naribus indentidem admovenda, ac temporibus obliniendis aptissima in Apoplexia, & Syncope.

S E R R A T U L A .

SERRATULA, *Offic. C.B.P.* 235. *J. B.* 3. 23. *Dod. Pempt.* 42. *Raii Hist.* 331. *Lob. icon.* 534. *Matth. Camer. Hort. Clus. Hist.* Jacea nemorensis, quæ Serratula vulgo, *Inst. R. H.* 444. Serratula purpurea, *Ger.* Serratula vulgaris flore purpureo, *Park.* Serratula tinctoria, *Tabern.* Ceretta sive Seretta, *Casalp.* Raponticoides nemorosa, Serratula dicta, *Vaill. Act. Ac. R. Sc.* 1718. pag. 227. Carduus inermis foliis glabris, imis ovatis, superioribus ad basim pinnatis, *Hall. Helv.* 678. Serratula foliis pinnatifidis, lacinia terminatrice maxima, *Linn. Hort. Cliff.* 391. Centauroides, seu Centaurium majus sylvestre Germanicum, *Thal.* Jacea rubra major laciniosa, *Lugd. Hist.* 1068. Serratula Tinctoris, *Eyst.* Jacea Aromatica vel Caryophyllata, herba lanaria, *Quorumd.* vulgo *Sarrette ou Serrette.*

Radice est fibrosa, vivaci, amariuscula, interdum unicum, sæpe plures promit caules ad duorum vel trium pedum altitudinem, erectos, firmos, striatos, glabros, sub-rubros, extremitate plures in ramos divisa, foliis onustos Scabiosæ vulgaris æmulis, longe diversis, imis foliis, quæ oblonga sunt, lata, Betonicæ foliis majora, integra, ambitu crenato, lævia, atroviridia. Summis ramis exiguum, oblongorum ac squammosorum more capitum flores enascuntur, singulique fasciculum flosculorum plerumque purascentium, ac quandoque alborum efformant, verticem habent satis expansum, habenarum more, ut in aliis Jaceæ speciebus incisi sunt, quinque staminibus capillaribus, brevissimisque, apicibus cylindræis. Flosculis marcescentibus semina præsto sunt pene ovalia, & barbata. Frequens in sylvis, pratis, humidis, desertisque locis nascitur, Junio floret, ac tunc potissimum pro Tinctorum usu colligitur.

Serratulæ nomen ei inditum fuit, eo quod ejus folia serræ in modum denticulata sint.

Plurimum olei, salisque habet essentialis, vulnerariis, & consolidantibus adscri-

adscribitur, hinc pro contusionibus, præcipitibusque ictibus aptissima est; coagulatum sanguinem dissolvit, ac in pristinum circulum restituit. Quae de causa Infusum ex ejus foliis Man. ß. in Vini albi sextario semis propinatur. Idemque præstat 3 j. ejus radices p. in Vini cyatho infusa. Plantæ decoctione ulcera lota mundantur, ac cito cicatricem recipiunt. Contusa vero, ac extrinsecus applicata hæmorrhoidum dolores compescit, eademque ratione juxta Matthiolum valet adversus hernias.

S I C I L I A N A.

SICILIANA, Offic. Androsæmum maximum frutescens, C. B. P. 280. *Inst.* R. H. 251. Siciliana, aliis Ciciliana, vel Androsæmon, J. B. 3. 384. Androsæmum, *Dod. Pempt.* 78. Androsæmum vulgare, *Park. Raii Hist.* 1020. Clymenum Italorum, *Ger.* Herba Siciliana, *Tabern.* Androsæmon majus, *Camer. Hort.* Androsæmon veterum, *Fuchs. Column.* Centeria, *Theophr.* Hypericum floribus trigynis, fructu baccato, foliis ovatis pedunculo longioribus, *Linn. Hort. Cliff.* 380. Tota-Sana, *Quorumd.* vulgo *Toute-Saine*.

Radice nititur crassa, lignosa, vivaci, subrubra, longo capillitio stipata, sapore resinoso, plures ex ea assurgunt caules bipedales, vel tripedales, subrubri, rotundi, lignosi, firmi, læves, foliis oblongis, oppositis, Hyperici foliis æmulis, quadruplo tamen majoribus, Æstate ineunte, atro-viridibus, Autumnum, versus, atro-rubris, innumeris quodammodo foraminulis, pertusis; si autem propius inspiciantur hæc apparentia foraminula nihil aliud sunt, quam vesiculæ, claro, ac balsamico succo, repletæ. Flores in extremis ramis, copiosi, rosacei, e quinque petalis aureis conflati, Hyperici floribus proximi, calyceque pentaphyllo suffulti locantur, abeuntque in capsulas per maturitatem nigricantes, ac exigua semina obscura occludentes. Planta hæc tanquam sub-arbuscula ramosa, in insulis, nemoribus, umbrosisque locis nascitur; in hortis quoque colitur, in quibus frigori resistit, ac Æstate floret; capsulæ vero Autumno maturescunt. Folia, floresque præcipue in usum veniunt.

Plurimum olei, mediocremque salis, ac phlegmatis portionem habet. *Tota-sana* nuncupatur, eo quod ad omnes morbos valere dicitur; tamen minus usitatis in arte Medica adscribi solet. A Boerhaavio in *Historia Plantarum Horti Lugduno-Batavi*, iisdem, cum Hyperico, cum quo magnam habet affinitatem, facultatibus prædita recensetur, qua de causa Hyperico potius vulgatissimo, probatissimæque efficacix, non sine Sicilianæ injuria, uti consuevimus.

S I D E R I T I S.

SIDERITIS, Offic. Sideritis hirsuta procumbens, C. B. P. 235. *Inst.* R. H. 191. *Raii Hist.* 564. Sideritis vulgaris hirsuta, J. B. 3. 425. Tetrahit Herbariorum, *Lob. icon.* 523. Sideritis vulgaris, *Ger.* Sideritis prima, Herba Judaica, *Park.* Sideritis foliis ovato-prælongis, superne crenatis, *Guett. Observ.* 235. Sideritis hirsutæ candicans, & caulibus procumbentibus, Sideritis supina hirsutior, Sideritis vulgatio, Ferruminatrix, Heraclea, Herba vulneraria, *Quorumd.* vulgo *Crapaudine*.

Radice

Radice est dura, lignosa, vivaci; caulibus pedem cum semisse, aut duos pedes longis, quadratis, albo-lutescentibus ut plurimum in terram stratis; foliis secus ramos invicem oppositis, oblongis, villosis, ambitu crenato, rugosis, *Salviæ* foliis fatis proximis, odoris neutiquam ingrati, saporisque adstringentis, acriusculi. Flores labiati sunt, juxta caules verticillati, albo-lutescentes, maculisque rubris conspersi. Quæcumque florum series binis foliis semi-rotundis, plerumque in galli cristæ modum incis, infernisque foliis, diversis fulcitur; quicumque autem flos tubulus est vertice bilabiato, calyceque corniculato suffultus, ab itque in quatuor semina oblonga, subnigra, capsula quondam floris calycem efformante, conclusa. Frequens occurrit planta hæc in locis aridis, rudibus, petrosis, montanis, sabulosis, ac in arvis sterilibus, & incultis, Junio, Julioque florescit, ac quandoque Autumno.

Salis essentialis, oleique habet plurimum Sideritis. Vulneraria est, adstringens; ac detergens, ad hernias, cataplasmatibus forma, & ad fluores albos sistendos, decoctionis forma, aptissima. Decoctio hæc eadem juxta Clusium crurum Erisipelata solatur, dummodo ea, ejusque vapore sæpius foveantur. A Germanis vero ut plurimum usurpatur pro balneis ad cutis poros referandos dicatis, quum detergenti facultate admodum polleat, sordes perspirabilis materiæ exitum impediētes depellit, excretionemque adeo sanitati perutilem promovet. Observatur etiam, aquam balnei, ejus decoctione parati, personis e balneo jam discessis, turbari admodum, ac in gelatinam concrefcere.

S I L I Q U A S T R U M.

SILICUASTRUM, *Offic.* Siliqua sylvestris rotundifolia, C. B. P. 402. Judaica Arbor, J. B. I. 433. Arbor Judæ, *Dod. Pempt.* 786. *Lob. Ger. Park. Raii Hist.* 1717. Siliquastrum, *Cast. Dur.* 415. *Inst. R. H.* 647. Arbor, quæ Græcis vulgo Coucouchias, *Bellon.* Fabago, sive Ceratia agrestis, *Gesn. Hort. Cercis Theophrasti, Aldrov.* Ceratia sylvestris, siliqua fatua, Arbor vaginalis, Arbor Lentis, Arbor Amoris, Colytea, *Nonnull.* vulgo Guinier, *Arbre de Judas ou de Judée.*

Radicem habet crassam, duram, lignosam, vivacem, truncum propellit, cultura, progressuque temporis in arborem fatiscentem mediæ altitudinis, ac crassitie, in ramos divisam invicem diffitos, cortice tectos purpureo-nigricanti, quos prope, folia, Vere primum ineunte, præcedunt flores leguminosi, venusti, grati, purpurei, plures una congesti, brevibus nigris pedunculis appensi, quinque petalis compositi, quorum superiores magnitudine a binis inferioribus superantur; quod aliarum plantarum leguminosis floribus omnino contrarium deprehenditur, saporem vero habent dulcem, ac nonnihil acriusculum. Statim folia solitaria, ac alterna juxta ramos enascuntur adinstar Affari rotunda, longe tamen majora, minus carnosæ, nervosæ, superne viridia, inferne subalbida. Marcescentibus floribus succedunt siliquæ fere semipedales, fatis planæ, membranaceæ, ac quodammodo translucidæ, purpureæ, in cultri vaginæ modum pene conflata, occluduntque plura semina fere ovalia, Lentem crassitie æmulantia, dura, subrubra. Arbor hæc in regionibus calidis excrescit juxta fluvios, rivulosque in montibus vallibus, sepibusque; in hortis quoque ob elegantiam colitur; Aprili, ac Majo floret.

A Castellanis proprio idiomate *Amoris Arbor* nuncupatur. Flore albo quandoque variare solet. Jonston vero in sua *Dendrographia* asserit, ob flores adeo Arborem Judaicam a Turcis existimari, ut in omnibus Constantinopolitanis cæmeteriis exculta inveniatur.

Fere nullum in arte Medica usum habet Siliquastrum, adstringentes ejus siliquæ reputantur, semina vero morbis oculorum dicantur. In Occitania, ac Provincia ejus flores in acetariis comeduntur; hunc in usum de facto optime conveniunt, dummodo aceto adinstar Capparum, nondum adaperiti condiantur.

S I N A P I.

ET si plures SINAPI species adinveniantur, quum iisdem fere facultatibus omnes ditentur, de binis sequentibus tanquam usitatoribus solummodo sermonem instituemus.

Sinapi, *Offic.* Sinapi Rapi folio, C. B. P. 99. *Inst.* R. H. 227. Sinapi Siliqua laticuscula glabra, semine rufo, sive vulgare, J. B. 2. 855. Sinapi sativum prius, *Dod. Pempt.* 706. Sinapi sativum, *Ger. Raii Hist.* 803. Sinapi sativum Rapi folio, *Park.* Sinapi primum, *Matth. Cæsalp.* Sinapi hortense, *Cor.* Sinapi hortense majus & vulgarijus, *Lugd. Hist.* Sinapis filiquis glabris tetragonis *Linn. Hort. Cliff.* 338. Sinapi commune Neotericis, Sinapi sativum luteum, Sinapi domesticum, sive vulgatissimum, *Nonnull.* vulgo *la grande Moutarde cultivée ou la Senevè ordinaire.*

Radice est alba, lignosa, fragili, fibris stipata, annua. Caulem ad quatuor, aut quinque pedum altitudinem propellit, medullosum, inferne hirsutum, in plures ramos divisum, foliis latis Rapi vulgaris folio satis similibus, exilioribus tamen, rudioribusque. Summo caule, ramisque parvi lutei flores locantur quadripetali, cruciformes. Marcescentibus floribus Siliquæ læves succedunt, glabræ satis breves, angulosæ, acuminatæ, seminibus refertæ semi-rotundis, rubris, aut nigricantibus, saporis acris, pungentisque. Frequens occurrit in fossarum marginibus, inter saxa, ac in solo recenter obvoluto; in arvis, hortisque colitur, Junioque flores edit. Ejus semen præcipue in usum tam culinarium, quam medicum revocatur.

Sinapi album, *Offic.* Sinapi Apii folio, C. B. P. 99. Sinapi Siliqua hirsuta, semine albo vel rufo, J. B. 2. 856. *Inst.* R. H. 227. *Raii Hist.* 802. Sinapi sativum alterum, *Dod. Pempt.* 707. Sinapi album *Ger. Camer. Hort. Eyst.* Sinapi agreste Apii aut potius laveris folio, *Lob. Icon.* 203. Sinapi Apii folio siliqua hirsuta, semine albo aut rufo, *Boerb. Ind. Alt.* 13. Sinapi hortense seu secundum semine albo, Sinapi semine albicante, & minus acris; Sinapi Erucae folio, floribus luteis, filiquis in latera inclinatis, seminibus ex flavo candicantibus, Sinapi minus, *Nonnull.* vulgo *la Moutarde blanche.*

Radice est simplici, manum longitudine æquante, digitum crassa, lignosa, alba, longis fibris suffulta; caule pedem cum semisse, vel pedes duos alto, ramoso, hirsuto. Folia Rapi folio simulantur, incisa sunt, ac præcipue in basi locata, rigidis pilis, ac pungentibus tam inferne, quam superne stipata. Flores exigui sunt, lutei, cruciformes, floribus præcedentis speciei similes, pedunculis tamen longioribus elati, odoris gratissimi. Hisce filique præsto sunt hirsutæ, longa ac cava cuspe desinentes, ac quatuor, aut quinque semina

mina fere rotunda albescentia, aut rufescentia, acria, ac quodammodo articulata, aut nodosa occludentes. Inter segetes sponte nascitur, ac quandoque etiam colitur; Majo, Juniove floret, semenque Julio, Augustove maturitatem acquirit.

Binæ Sinapis species usque adhuc enucleatæ iisdem insigniuntur proprietatibus ac in arte Medica invicem substitui possunt; prima tamen antepositur, utpote femine prædita saporis magis acris, ac pungentis. Analyseos Chymicæ ope in Sinapis femine sal acre potius, quam sal acidum adesse suspicari possumus, ex eo vero elicitur maxima olei quantitas, parum salis fixi simpliciter salini, plurimum terræ, parum spiritus urinosi, nihil denique salis volatilis concreti. Vis stomachica, diaphoretica, anti-scorbutica in prædicto femine reperitur, affectionibus hypochondriacis, & soporosis, chlorosi, & cæcæxiæ opitulatur. Intrescus vero, extrinsecusque usurpatur. Sinapi, ad carniū saponem relevandum, feminibus ejus tuis, multoque ad medio-crem spissitudinem permixtis, aut exigua farinæ portione, ac aceto, paratur. Senibus, phlegmatico ut ajunt aut melancholico temperamento præditi aptatur, scatet enim sale acri, & penetranti, ad appetitum relevandum & digestionem coadjuvandam convenientissimo, alimenta namque dividit, & attenuat, materiasque viscidas, quandoque in ventriculo stabulantes mirifice rarefacit; quum autem maximum calorem inducat, repetitoque ejus usu acrimonia, ac stimulandi vis in humoribus augeatur, nisi ejus moderatissimus usus est permittendus. Semen idem tuisum, vinoque albo commixtum adversum scorbutum excellit, maximamque opem tulit proxime elapsa Rupellæ obsidione, qua perdurante, regionis incolæ fame coacti, pessimis, ingratisque alimentis usi sunt. Optimum quoque esse dicitur contra quartanas febres, si in vino calido duabus horis ante paroxysmum exhibeatur.

Extrinsecus quoque naribus utriusque sexus appositum vapores sedat, lethargumque excutit. Sternutatorium præterea est potentissimum, ac efficacissimum masticatorium: hujusce seminis ruditer tuisi ʒ j. nodulo occluditur, ægrisque, Apoplexiæ, aut Paralyseos imminenti periculo, manducanda exhibetur, hinc sputus abunde excitatur, plurimumque solantur ii, quibus gravis caput est, ac pituita oneratur. Sequens vero Cataplasma optimum est in Arthritide Ischiatica, Rheumaticis thoracis affectibus, tumoribusque Scirrhis. Paratur autem Porris taleolatim incisis, aceto decoctis, femineque Sinapis p. conspersis, partique affectæ applicatur. Potenter resolvit, ac causticitatem acquirit, si Sinapis dosi plus justo augeatur. Nullo autem pacto in usum revocari potest, nisi inflammatione declinata, nimiam enim habet irritandi energiam. Aptius fortasse erit Cataplasma prædictum ad impetiginem revocandum, cujus suppuratio suppressa alicui pectoris aut alterius partis decubito locum præbere posset. Oleum quoque e Sinapi exprimitur in Paralyti, Rheumaticisque affectibus a causa, ut ajunt, frigida, productis, convenientissimum.

Sinapis semen usurpatur in Aqua anti-scorbutica, Unguento epispastico, & Emplastro epispastico *Pharm. Paris.*

℞. Fol. recent. Sinapis q. l. in mortario marmoreo tusa exprime. Mane je-
juno ventriculo in affectionibus Scorbuticis hujusce succi ʒ jv. exhibeantur.

℞. Sem. Sinapis ʒ iij. Contunde in mortario marmoreo, ac coque in
vase terreo, lb. j. urinæ ægrotantis, mixturam agitando usque dum
Cata-

Cataplasmatibus formam acquisiverit; Stupis deinde extendatur, ac calidum apponatur lienis inflationibus, tumoribusque. Cataplasma splenio cooperietur, ac mantili fulcietur, ægerque convenienti temporis spatio in cubiculo deambulabit.

℞. Lactis ℥ ij. cui calefacto, adde Sinapis aceto pp. coch. iij. serum ex eo depuratum eliciatur pro j. dosi. Remedium prædictum excellit adversus Tussim, & Asthma, si calidum hora somni, ac summo mane tribus, vel quatuor diebus sumatur.

℞. Fol. virid. Ruthæ ℥ ij. Radic. recent. Bryoniæ ℥ jv. Fermenti fortissimi, Salis, ac Saponis nigri ana. ℥ j. β. Sinapis pp. ℥ iij. Aceti q. s. ad Cataplasma conficiendum, plantis pedum in Apoplexia, Lethargo, aliisque saporosis affectibus applicando.

℞. Bulb. Ari recent. e solo extract. ℥ β. Rad. Raphani Rusticani ℥ j. Fol. Cochleariæ, & Trifolii aquat. ana. Man. j. Sem. Sinapis ℥ ij. Vini albi ℥ vj. F. s. a. Vinum medicatum adversum Scorbutum, ℥ jv. bis de die, convenienti temporis spatio propinandi.

S I S A R U M.

SISER, Offic. Sifarum Germanorum, C. B. P. 155. *Inst. R. H.* 309. Sifarum multis, *J. B.* 3. 153. Sifarum, *Dod. Pempt.* 681. *Ger. Raii Hist.* 442. Sifer vulgare, *Park.* Sifer sativum, *Fuchs.* Sifer Germanicum, *Cæsalp.* Sifer hortense, *Gesn. Coll.* Sifarum majus Matthioli, *Lugd. Hist.* 723. Sifer, Sifar, Sifarum, vel Sesarum verum, Servillum aut Chervillum, seu Servilla, *Nonnull.* vulgo *Chervi*, ou *Gyrole*.

Radicem habet constantem, pluribus Napis longitudine manum æquantibus, digitum crassis, rugosis, teneris, fractu facilibus, collo adinstar capitis appensis, cortice tectis exili, & pallido, pulpa alba, sapore dulci, ac grato, nonnihil aromatico, esu optimis. Unum aut plures producit caules bipedales, aut tripedales, satis crassos, nodosos, striatos, foliis eodem in latere binis invicem oppositis, extremo solitarie desinente, longiori, ac latiori, foliis Pastinacæ vulgaris exilioribus, viridioribus, tactuque lævioribus, ambitu levissime denticulato, extremo acuto. Flores umbellati, & satis exigui summis caulibus enascuntur, constantque quinque petalis albis, rosaceis, odoris, staminibus totidem in centro locatis. Marcescentibus floribus parvi succedunt fructus, binis oblongis confati seminibus, nonnihil Apii semine majoribus, angustis, dorso striato, obscuris. In hortis olitoriis colitur planta hæc, Junioque florescit. Radices tantum usurpantur, ac frequentius in culinis, quam in officinis occurrunt.

Præ cæteris radicibus Sisari radices dulciores sunt, nosque edocet historiæ naturalis conscriptor Plinius, eas Tiberium pro annuo tributo a Germanis exegisse. Parum habent olei, mediocrem salis essentialis portionem, maximam vero phlegmatis. Teneræ, fractu faciles, saporeque saccharino sunt eligendæ. Aperientes sunt, ac vulnerariæ, semen adaugent, appetitum prostratum excitant, nec a magnatum mensis ob saporis elegantiam exploduntur. Cuicumque tempestati, cuicumque ætati, ac temperamento conveniunt, dummodo servetur modus, id enim cum cæteris radicibus, ac leguminibus commune habent, ut flatus quandoque suscitent. A Boerhaavio in *Historia*

Plantarum Horti Lugduno-Batavi, radices prædictæ tamquam optimum remedium proponuntur, adversum sputum, mictumque cruentum, ac omnes pe-
toris morbos Phthysim minitantes. Ab eo commendantur in lacte, in sero
lactis, aut in jussulo coctæ, ac omnibus ejusmodi ægrotantium alimentis
permixtæ: advesum præterea Stranguriam, Tenesnum, Dysenteriam, alios-
que ventris fluxus. Cæsalpinus vero testatur, iisdem radicibus urinas cieri,
iis alii tamquam vulnerariis utuntur; generatim tamen pro alimentis fre-
quentius, quam medicamenti forma in usum veniunt.

S I S Y M B R I U M.

N Asturtii articulo de SISYMBRIO, sub nomine *Nasturtii aquatici* jam co-
gnito verba fecimus: de quinque tamen subsequentibus reliquum est
dicere.

Radicula palustris, *Offic.* Raphanus aquaticus, alter, C. B. P. 97. *Park. Raii Hist.* 819. Radicula sylvestris, five palustris, J. B. 2. 866. Rapistrum aquati-
cum, *Tabern. icon.* 408. *Ger.* Sisymbrium aquaticum Raphani folio, Siliqua
breviori, *Inst. R. H.* 226. Sisymbrium foliis simplicibus dentatis ferratis, *Linn. Hort. Cliff.* 336. Raphanus aquaticus Rapistri folio, Radicula palustris vulga-
ris, *Quorumd.* vulgo *le Cresson a feville de Raiffort le Raiffort d'eau*.

E radice longa, flexibili, fibrosa, saporis acris ad Raphanum accedentis
unum, aut plures emittit caules tripedales, ramosos, cavi, striatos, foliis
latis, longis, sinuosis, ambitu crenato, in parte præsertim infera. Flores
summis ramis exigui, longis elati pedunculis, quadripetali, lutei, & cruci-
formes progignuntur, quibus parva brevisque siliqua succedit, interne in
duas distincta cellulas, semina occludentes minuta, ac fere rotunda. In pa-
ludibus, rivulis, fluviis, ac fossis aqua refertis luxuriat, Æstate floret, maxi-
me multiplicatur, foliisque mirifice, juxta locorum diversitatem, variat.
Quandoque etiam cristatis foliis apparet.

Raphanus aquaticus, *Offic.* Raphanus aquaticus foliis in profundas lacinias
divisis, C. B. P. 97. Raphanus aquaticus Tabernæ Montani, J. B. 2. 867. Si-
ymbrium aquaticum, foliis in profundas lacinias divisis, siliqua breviori,
Inst. R. H. 226. Raphanus aquaticus, *Ger. Park. Raii Hist.* 818. Sisymbrium syl-
vestre, *Cæsalp.* Raphanus sylvestris cum siliquis curtis, Radicula sylvestris fo-
liis profunde laciniatis, *Quorumd.* vulgo *le Raiffort d'eau a fevilles laciniées*.

E radice oblonga, minimum digitum crassa, alba, acri, pungenti caules
emergunt tripedales, & ultra, hirsuti, cavi, ac quandoque subrubri, foliis
oblongis, acuminatis, profunde laciniatis, ambitu denticulato, alternatim
secus caulem dispositis. Flores extremis caulibus, ramisque prodeunt satis
exigui, respectu plantæ, longis, & gracilibus, suffulti pedunculis, quadripe-
tali, lutei, cruciformes, staminibus senis. Marcescentibus floribus præsto
sunt exiguæ siliquæ breves, interne, binis cellulis distinctæ semina occluden-
tes exilia, ac semirota. In fossis aqua redundantibus, rivulis, paludo-
sisque locis crescit, Junio, Julioque flores emittit.

Harumce duarum specierum radices optimum Vere alimentum suppedi-
tant; ac a Nonnullis Raphani loco, utpote iisdem prædictæ facultatibus,
usurpantur. Planta universa plurimo sale essentiali, phlegmate, ac oleo sca-
tet. Ambæ aperientes admodum sunt, ac detergentes, ad urinas promo-
vendas,

vendas, renum ac vesicæ calculos attenuandos, atque eliminandos, ad nephriticum affectum, scorbutum, & hydropem interne sumptæ conveniunt: raro tamen tam pro alimentis, quam pro re Medica usurpari consuefcunt.

Eruca palustris, *Offic.* *Eruca palustris* & *Nasturtii folio*, *siliqua oblonga*, C. B. P. 98. *Eruca* quibusdam sylvestris, repens, flosculo luteo, J. B. 2. 866. *Eruca palustris minor*, *Tabern. Icon.* 447. *Sisymbrium palustre repens*, *Nasturtii folio*, *Inst. R. H.* 226. *Eruca aquatica*, *Ger. Park. Raii Hist.* 808. *Sium alterum aquaticum luteum*, vel *Cardamine tenuifolia montana*, *Column.* *Nasturtium palustre floribus luteis*, *Gensf. Hort.* *Iberis Nasturtii folio altera floribus luteis*, *Thal.* *Sisymbrium foliis pinnatis, foliolis lanceolatis erratis*, *Lin. Hort. Cliff.* 336. *Eruca sylvestris minor luteo parvoque flore*, *Sinapi sylvestre seu palustre*, *Nonnull.* vulgo *le petit Cresson sauvage a fleur jaune*.

E radice admodum repenti, delicata, subalbida, saporis acris, *Raphano* tamen demissioris, plures exigui exsurgunt caules, longitudine manum æquantes, striati, leviter perforati, quandoque subrubri, foliis onusti, foliis *Nasturtii communis*, aut *Erucae*, similibus, laciniis infernis latioribus, profunde dissectis, atro-viridibus, saporis leguminosi. Extremis caulibus ramisque exigui emergunt flores quadripetali, flavi, saporis acris, quibus præsto sunt exiles cylindraceæ siliquæ, *Erucae* siliquis breviores, binis tamen superioribus speciebus longiores, binis cellulis medio intersepto divisis, plura minuta semina occludentibus. Occurrit autem secus fluvios in fossis humidis, stratisque saxosorum torrentium, in locis etiam, e rivulis, fluminibusque diffitis, in quibus tamen Hyemis tempore aqua permanferit; floribus vero Junio, Juliove ornatur.

Magnam cum binis jam recensitis speciebus affinitatem habet, hinc parvi anti-scorbutica valere dicitur; adeo raro tamen usurpatur, ut omnino fere in Officinis ignota sit.

Barbarea, *Offic.* *Eruca lutea latifolia*, five *Barbarea*, C. B. P. 98. *Barbarea*, J. B. 2. 868. *Dod. Pempt.* 712. *Lob. Ger. Raii Hist.* 809. *Barbarea flore simplici*, *Park.* *Nasturtium hybernum*, *Thal.* *Nasturtium palustre*, *Gensf. Hort.* *Sisymbrium Erucae folio glabro, flore luteo*, *Inst. R. H.* 226. *Scopa regia*, five *Sideritis latissima*, *Fuchsf. Anguill.* *Herba Sanctæ Barbaræ & Sinapi agreste quintum*, *Trag.* *Erifimum foliis basi pennato-dentatis, apice, subrotundis*, *Linn. Flor. Lapon.* 264. *Herba Carpentariorum*, *Carpentaria Gallis vulgo dicta*, *Pseudo-bunias*, *Nasturtium*, five *Cardamum Hyemale*, *Quorumd.* vulgo *l'herbe de Sainte Barbe, ou l'herbe aux Charpentieres*.

E radice oblonga, mediocriter crassa, alba, vivaci, saporis satis acris plures exeunt caules ad pedis cum semisse altitudinem, striati, firmi, ramosi, medella referti, cavi, foliis, *Raphani foliis*, angustioribus *Nasturtio* vero magis accedentibus, saturate-viridibus, ac lucentibus, sapore, longe minus radice, stimulante. Caulium ramorumque summitates longis ornantur spicis, floribus luteis, exiguis, quadripetalis, cruciformibus, quibus præsto sunt siliquæ graciles, longe, cylindraceæ, teneræ, plura rubra, ac minuta semina occludentes. In fossarum marginibus, secus rivulos, aquasque excurrentes aut stagnantes, & quandoque in arvis crescit, in quibusdam etiam Olitoriis hortis pro acetariis colitur, Majo, Junioque flores emittit, tota Hyeme virorem conservat, facillimeque multiplicatur.

Plurimum salis essentialis, & olei continere videtur *Barbarea*. Detergens,

ac vulneraria est, felicique cum successu in Scorbuto, & Hydrope incipiente, aut in iusculis, & ptisanis, aut infusione, Theæ forma, usurpatur. Ejus semen, referente Lobellio, aperiendi vi gaudet, glareasque e renibus depellendi; 3 j. pulveratum in Vino albo, aut alio aperiante liquore propinatur. Ejus quoque succus ad ulcera antiqua exsiccanda a Rajo commendatur, testaturque D. Chomelius in *Historia Plantarum usitatorum*, a rusticis universam plantam leviter tufam, ac mensis spatio per Æstatem oleo Olivar. maceratam, tamquam excellens balsamum vulneribus applicari.

Rx. Fol. Barbareæ, & Thalictri ana Man. ß. Contusa in Vini albi, aut rubelli frigidi cyatho per noctem infunde; mane, jejuno stomacho exhibe colaturam, congruo temporis spatio, adversus scorbutum.

Sophia, Offic. Nasturtium sylvestre tenuissime divisum, C. B. P. 105. Seriphium Germanicum, sive Sophia quibusdam, J. B. 2. 886. Sophia Chirurgorum, Lob. Icon. 738. Dod. Ger. Park. Raii Hist. 812. Sifymbrium annum Absinthii minoris folio Inst. R. H. 226. Seriphium Absinthium, Fuchs. Lon. Accipitrina, Cæsalp. 361. Thalictrum, Herba Sophia angustifolia, Tabern. Nasturtii genus sylvestre, Gesn. Hort. Sysymbrium petalis calyce minoribus, foliis decompositopinnatis, Linn. Flor. Svec. 200. Descurea Guett. Observ. 164. Erysinum Sophia dictum, Thalictrum verum, Thaliectrum seu Thaliectron vel Thalictron Antiquorum, Eruta geratina Italorum, Sophia vulneraria, Lumbricorum herba, Quorumd. vulgo le Thaliectron ou la Science de Chirurgens.

E radice alba, longa, lignosa, exiguis stipata fibris, annua, caules ad pedis, cum semisse, aut duorum pedum altitudinem exsurgunt rotundi, duri, nonnihil hirsuti, pluribus ramis distincti, foliis onusti copiosis, minutatim divisis, subalbidis, Absinthii minoris folio satis similibus, exiguis brevibusque pilis, fultis, saporis subdulcis, levi acrimonia, permixti. Extremis caulibus, ramisque flores progignuntur exigui, frequentes, quadripetali, cruciformes, luteo-pallescentes. Siliquæ iis præsto sunt longæ, graciles, seminibus refertæ minutis, rotundis, duris, subrubris. Antiquis in muris, rudibus, incultis, petrosis, sabulosisque locis luxuriat planta hæc, nec non inter ædificiorum rudera, in quibus singulis annis enascitur, facileque femine propagatur; Junio, Julioque flores emittit. Solo fere ejus femine Medicina utitur.

D. Guetardus Regiæ Scientiarum Academiæ Parisiensis Socius in *Plantarum Observationibus* nuperrime evulgatis, ob petalorum, staminumque differentiam ex hac planta diversum constituit genus, ac *Descurea* ab eo nuncupatur in avunculi sui D. *Descurei* Pharmacopolæ Stampensis recordationem. Harumce Observationum Auctor magna certe perspicacia præditus, Historiæque Naturalis versatissimus videtur, tamen quin nondum nobis occasio sese obtulerit, ejus experimenta de glandulis, vasisque plantarum excretoriis instituendi, expertioribus Europæ methodicis-Botanicis litem dirimendam relinquimus.

Sophia saporem habet nonnihil adstringentem, & acrem ad Sinapi accedentem, vix rubro colore chartam cæruleam depingit: hinc conjicere possumus, salem ammoniacum, plurimo sulphure, terrestribusque particulis permixtum in hac planta prædominari, unde ejus vulnerario-detergens, ac febrifuga virtus emanat. Ejus semen ab Hortulanis *Thalitri* nomine cognitum

tum 3j. exhibetur, aut condimenti forma in alimentis, aut in Vino rosato ad ventris fluxus sistendos, remediumque est egenis familiarissimum, & ab omnibus Auctoribus comprobatum. Decotio, aut infusum universæ plantæ ex aqua iisdem pollet facultatibus. Succus præterea, Conserva, & Extractum foliorum, ac florum valent adversum sanguinis sputum, fluores albos, fluxusque immodicos hæmorrhoidum, mensiumque. A Cæsalpinio tamquam vermifugum laudatum semen prædicatur, a Nonnullis tamquam sudorificum, & de facto ejus 3j. in Vino albo infusa sudores evocat. A Rajo autem ad renum glareas depellendas commendatur, adduciturque D. Robinsoni auctoritas, qui asserit in agro Eboracensi nephriticis, glareisque vexatis felici cum successu præscribi.

Extrinfecus quoque universa planta contusa, vulneribus, ulceribusque apposita, ea brevi sanat.

S I S O N.

SISON, *Offic.* Sison, quod Amomum Officinis nostris, C. B. P. 154. Sison, five Officinarum Amomum, J. B. 3. 107. *Raii Hist.* 443. Sium Aromaticum, Sison Officinarum, *Inst. R. H.* 308. Petroselinum Macedonicum, *Fuchs. Dod. Pempt.* 697. *Ger.* Sison vulgare, five Amomum Germanicum, *Park.* Amomum Officinar. falsum, *Gensf. Hort.* Sison, *Anguill. Lugd. Hist. Tabern. Camer.* Sison hortense, Petroselinum exoticum, Apium nigrum seu saxatile, Ammi parvum, *Nonnull.* vulgo *Sison ou Amome*.

Huic radix est plerumque simplex, alba, lignosa, parum in solo delitescens, sapore Pastinacæ nonnihil aromatico; unum aut plures promit caules fere bipedales, mediocriter crassos, rotundos, medullosos, satis firmos, læves, nodosos, ramosos, foliis ut in Pastinaca alatis, alternatim secus caulem dispositis, cæterum Sisari foliis æqualibus, teneris, oblongis, ambitu crenato, quandoque incis. Extremis caulibus ramisque, umbellis flores efferuntur quinque petalis albis, cordatis, rosaceisque, constantes, hisque semina bina simul juncta succedunt minuta, rotunda, dorso striato, alterutroque latere plana, atra, saporis nonnihil acris, aromaticique. In locis humidis, juxta sepes, fossasque crescit planta hæc, in hortis quoque colitur, Æstate florescit, ac semina Julio, & Augusto maturitatem acquirunt, facile & ubique multiplicatur; ejus tamen semen usque ab Oriente nobis defertur, odoremque habet *Amomi* veri, cui commode substitui potest.

Sison pseudo-Amomum vocari potest, longe tamen differt ab eo, de quo in superioribus verba facta sunt; semen inter quatuor semina calida minora recensetur, quæ sunt Apii aut Petroselini, Ammeos, Dauci, & Amomi. Semen prædictum oleo essentiali aromatico redundat, hinc carminativa vi pollet, aptum scilicet ad dividendas, dissolvendasque materias viscidas, ac glutinosas, in quibus aer conclusus, ac rarefactus, in stomacho, ac intestinis dolorosas distensiones progignit. Quapropter in colica flatulenta convenit, ejusque infusum ex Sp. Vini usurpari potest, aut alio spirituofo liquore consociari. Ejus vero aqua stillatitia ad 3j. ad 3vj. præscribitur cum potionibus carminativis; addendæ autem sunt ejus olei essentialis gut. v. aut vj. ad efficaciam augendam.

S M I L A X.

Plures plantarum species *Smilacis* nomine indigitantur, quamvis diversum habeant genus: tres inter a nobis modo describendas, primam solummodo *Smilacis* genus amplectitur, binis aliis inter *Convolvulos* ablegatis.

SMILAX aspera, *Offic.* *Smilax aspera* fructu rubente, *C. B. P.* 269. *Inst. R.* H. 654. *Smilax aspera*, *J. B.* 2. 115. *Dod. Ger. Ruell. Matth. Fuchf. Turn. Cord.* *Smilax aspera*, rutilo fructu, *Clus. Hist.* 112. *Smilax aspera* fructu rubro, *Park. Raii Hist.* 655. *Volubilis aspera*, *Lonic.* *Smilax aspera vera*, *Trag.* *Hedera Cilicia*, vel *Cilissa*, *Plin.* *Smilax*, *Theophr. & Anguill.* *Smilax Nicephorocognominata*, *Gaz.* *Milax Galen.* *Hedera spinosa*, *Rubri Viticula*, *Rubus Cervinus*, *Smilax Trachæa*, *volubilis acuta* vel *pungens*, *Salsaparilla notha seu spuria*, *Quorumd.* vulgo *le Liseron rude*, *le Liser piquant* ou *épineux*.

Ei radix est longa, serpens, minimum digitum fere crassa, nodosa, dura, subalbida, fibris stipata, vivax. Caules sunt plurimi, longi, duri, striati, sarmentosi, ramosi, flexibiles, spinis, capreolisque referti, quibus, arbusculis aliis propinquioribus adnectuntur, ac contorquentur. Folia solitaria sunt per intervalla prodeuntia, ampla, foliis *Tamni* similia, magis tamen densa, firma, nervosa, acuminata, spinis tam ambitu, quam dorso armata, frequentissime albis maculis conspersa. Summis ramis flores racematim prodeunt exigui, albi, odori, senis conflati petalis, stelliformibus, totidem staminibus apicibus oblongis. Hisce fructus succedunt adinstar uvæ rotundi, molliusculi, ac per maturitatem rufi, duo, aut tria semina concludentes rotunda, tactu lævia, externe atro rubea, intus alba, saporis insipidi, ac ingrati. Planta hæc occurrit in locis rudibus, ac incultis, juxta sepes, viasque, in montibus, ac vallibus, in Provincia, & Occitania; in hortis quoque colitur, floresque Vere emittit, fructus autem Julio, & Augusto maturescit. Omnes ejusdem partes in usum Medicum veniant, præcipue vero radices.

Plurimum continet olei, salisque essentialis. Dissecans ac sudorifica est ejus radix; viscosos, tenacesque humores dividit, ac attenuat, aptissimaque est adversus arthritidem, fluxiones, paralysem, morbos chronicos, & inveteratos, a densis, glutinosisque humoribus obortos: utilissima quoque deprehenditur adversus impetiginem exulceratam, omnesque cutaneos morbos. In morbis etiam venereis *Sarsaparillæ*, quæ nihil aliud est quam *Smilacis* species nobis e Peruano Regno advecta, commode substitui potest. Cum quondam Fallopio *Smilax aspera* in agro Pisano occurrisset, felici successu lue venerea affectis ab eo exhibita fuit. Ejus pulvis in substantia a 3 ss. ad 3 ij. & in decoctione ad 3 ss. præscribitur. Reicienda omnino est in febribus, morbisque acutis: tuto tamen in ptisanis sudorificis, & disseccantibus usurpari potest.

In *Ephemeridibus Germanicis*, *Decuria III. anno II. pag. 44.* extat Observatio D. Lanzoni, qua testatur, optimum esse topicum adversum Arthritidem, pedes ad suram usque *Smilacis* foliis obvolvendo, ea singulis diebus innovando: quibus mediantibus leniter, & absque ulla erosione per cutis poros fetidarum ferositatum effluxus efformatur, quo dolor, & paroxysmus sedatur, maximaque humoris arthritici pars eliminatur.

Rx. Rad. Smilacis asperæ taleolatim incisar. \mathfrak{z} jv. Sarsæ Parillæ \mathfrak{z} ij. Coque in aquæ font. \mathfrak{lb} xij. ad medias. Fiat colatura, ferveturque loco frigido vasis vitreis probe conclusis. Ptisana hæc tribus tepidis cyathis de die usurpetur in fluxionibus, Arthritide, ut ajunt, frigida, & Paralyfi. Convolvulus major, *Offic.* Convolvulus major albus, C. B. P. 294. *Inst.* R. H. 82. *Park.* Convolvulus major, J. B. 2. 154. *Raii Hist.* 725. Smilax lævis major, *Dod. Pempt.* 392. Smilax lævis, sive lenis, major, *Ger.* Volubilis major, *Trag.* 805. *Tabern. icon.* 875. *Lonic. Lob. Thal.* Convolvulus major flore albo, *Eyst.* Convolvulus major, sive Campana alba sylvestris, *Schavvenck.* Malacocissus Damocratis, *Anguill.* Helxine Cissampelos, *Cord.* Convolvulus foliis sagittatis postice truncatis, *Linn. Hort. Cliff.* 66. Volubilis magna, Lactaria, funis Arborum, Campana Candida Germanorum, Scammonium Germanicum, Cymbalaris seu Campanella, Smilax lenis alba major, Volubilis Cissophyllos vel latifolia, Liliastrum, *Nonnull.* vulgo *le grand Liseron ou Liset.*

Radice est longa, minuta, alba, fibris vestita, vivaci, saporis acriusculi, caules emittit longos, graciles, sarmentosos, striatos, sese altius adrepando elevantes, capreolisque arbusculas, arboreasque proximiores, amplectentes. Folia cordata sunt, Hederæ foliis majora, molliora, tactuque læviora, sagittata, lenia, viridia, longis appensa pedunculis. Flores campanulam mentiuntur, nivem candore æquant, satisque longo extolluntur pedunculo, ex foliorum alis prodeunte, Calyceque ovali, & quinquifido, staminibus totidem, apicibus planis fulciuntur. Fructus fere rotundi flores subsequuntur, exiguum cerasorum crassitie, membranacei, calyce obvoluti, duo semina continentes angulosa, atro-rufescentia, seu fuliginis colorem æmulantia. Planta hæc lacte turgida, ut cæteræ ejusdem generis, ubique fere progignitur in sepibus, ac inter nemora, in locis humidis, ac sativis, Æstate flores emittit, semenque ejus Autumno maturitate donatur. Ejus radicem a porcis in delitiis haberi J. Bauhinus testatur, quod mirum sane Rajo videtur, eo quod purgandi vi scatet.

Convolvulus major plurimum habet salis essentialis, phlegmatis, ac mediocrem olei portionem, catharticus est, resolvens, ac vulnerarius. Ob lactiginosum, resinosumque succum, quo foetus est ad Scammonii efficaciam accedit, parique ratione ad redundantes serositates eliminandas præscribi potest, dosi tamen largiori, scilicet a gr. xx. ad xxx. usque. Johannes Prevostius in sua *Pauperum Medicina* ad bilem exterminandam, decoctionem præscribit, Man. j. aut Man. ij. ejusdem folior. paratam, juxta ægrotantis vires: & Antonius Constantinus in sua *Pharmacopœa Provinciali* Infusum commemorat, ex ejusdem Flor. ac Folior. leviter contusor. \mathfrak{z} v. paratum, quod a \mathfrak{z} j. ad \mathfrak{z} iij. usque præscribit ad serositates leniter per alvum subducendas.

Extrinsecus resolvens est, & anodynus, post levem cocturam pro Cataplasmate tumoribus inflammationem minitantibus apponitur.

Convolvulus minor, *Offic.* Convolvulus minor arvensis, C. B. P. 294. *Inst.* R. H. 83. Helxine cissampelos multis, sive Convolvulus minor, J. B. 2. 157. Smilax lævis minor, *Dod. Pempt.* 393. Volubilis minor, *Trag. Lonic. Thal.* Scammonea parva, *Anguill. Camer. Hort.* Convolvulus minor vulgaris, *Park. Raii Hist.* 725. Smilax lenis, minor, *Ger.* Convolvulus minor, *Gesn. Hort. Cæsalp. Clus. Hist.* Convolvulus foliis sagittatis utrinque acutis, *Linn. Hort. Cliff.* 66. Convolvulus sive volubilis arvensis vel sepiarius minor, Cymbalaria par-

va, Angina seu pestis Hortensium Herbarum, Orobanche Theophrasti, sive Ervanga Gazæ, *Quorumd.* vulgo *le petite Liseron*, *la Campanette ou Clochette*, *la Urillée commune*.

Radicem habet satis longam, minutam, repentem, nonnullis stipatam fibris, vivacem, plures emittit exiguos caules, graciles, debiles, teneros, serpentes, hac, illac cicum proximas plantas sese contorquentes. Folia cordata sunt ut in Convolvolo majori, exiliora tamen, rudiora, magis nervosa, glabra, denticulisque destituta. Flores campaniformes ex foliorum alis prodeunt exigui, roseo-albescentes, & purpurei, aut variis coloribus depicti, longis elati pedunculis, bini simul plerumque juncti. Rotundi fructus horumce locum occupant satis minuti, semina satis crassa, & angulosa occludentes. Ubique abunde crescit planta hæc in solo exculto, secus vias, in hortis, in quibus opprimit, exterminatque omnes quas obsidet plantas, inter segetes denique, nec non incultis in locis, tempestate præsertim pluvia; Æstate uti modo descripta flores edit.

Anodyna est, detergens, ac vulneraria. Ejus decoctionem colicæ affectioni opitulari, asserit Emmanuel Konig, additque ejus folia in oleo decocta arthriticos dolores sedare, linimenti forma, affectæ parti, admota. Inter meliora vulneraria a Tournefortio recensentur. Rustici binas inter filices, tuis, ut plurimum vulnera sanant. Et Garidelius in *Historia Plantarum Agri Aquisextiensis* asserit, pluries vel propria etiam experientia, vulnere, forte ruri, acquisito, feliciter miros ejus effectus conspexisse.

S M Y R N I U M.

SMYRNIUM, sive Olusatrum, *Offic.* Hippofelinum, Theophrasti, vel Smyrnum Dioscoridis, C. B. P. 154. Macerone, quibusdam Smyrnum, semine magno, nigro, J. B. 3. 126. Smyrnum, *Matth.* 773. Smyrnum Matthioli, *Inst. R. H.* 316. Hippofelinum, *Ger. Emac. Raii Hist.* 437. Hippofelinum, sive Smyrnum vulgare, *Park. Petroselinum Alexandrinum, Trag.* 436. Olusatrum, *Cord. in Dioscor. Gesn. Hort. Cast. Lugd. Hist. Column.* Petroselinum Italicum, Apium grande vel magnum sylvestre, Equapium, Smyrnum vel Smyrnion, Holeraceum, Hippofelinon vulgatum, *Quorumd.* vulgo *Maceron*, ou *gros Persil de Macèdoine*.

Radicem habet mediocris longitudinis, crassam, albam, succo acri, & amaro foetam, odoris, saporisque ad Myrrham quodammodo accedentis. Caules ad trium pedum effert altitudinem, ramosos, striatos, sub-rubros. Folia Apii foliis simulantur, majora tamen sunt, rotundioribus segmentis incisa, atro-viridia, aromatica, sapore, Petroselino, proximo. Caules, ramique umbellis terminantur, quibus exigui flores sub-albidi, quinque petalis roseis, totidemque staminibus in centro locatis constantes fulciuntur, hisque succedunt semina bina simul juncta, crassa, semi-rotunda, dorso striato, sapore amaro. Obscuris, paludosisque in locis, scopulisque crescit planta hæc, in hortis quoque colitur; Vere primum ineunte flores propellit, Julioque semen maturitatem acquirit, bima est, facileque semine propagatur; tota Hyeme virescit; primo autem anno caules neutiquam emittit, altero autem perit, post caulis eruptionem seminumque maturitatem. Ejus radix Autumno elicitæ, ac per Hyemem in sabulo conservato tenerior fit, aptiorque pro
ace-

acetariis. Quondam legumen erat pluribus in regionibus familiarissimum, ejusque turiones ad modum Apii palustris comedebantur. Modo Apio prædicto magis delectamur.

Smyrnum plurimum habet olei, salisque essentialis; Radix ejus ac semen præcipue in usum veniunt; ea, tamquam radicis Apii palustris succedanea convenit in apozemate, ac sorbitiunculis ad sanguinem depurandum dicatis; hoc vero magis usitatum, colicæ flatulentæ, & asthmati adversatur, pluribusque cordialibus, & carminativis confectionibus, uti feminis Petroselinæ Macedonici succedaneum admiscetur. Maxima autem hisce similium feminum pars oleo essentiali abundat.

Smyrniæ semen usurpatur in Electuario Lithontriptico Nicolai Alexandrini, ac in pulvere Electuarii Justini.

S O D A .

INter diversas Kali species, binas solummodo subsequentes, tamquam Artibus, & Pharmaciæ utilissimas enucleabimus.

Kali seu Soda, *Offic.* Kali majus, cochleato semine, C. B. P. 289. *Inst. R. H.* 247. *Ger. Raii Hist.* 212. *Mor.* Kali vulgare, J. B. 3. 702. Kali, *Dod. Pempt.* 81. *Matth.* Soda, Kali magnum, Sedi medii folio, semine Cochleato, *Lob. Icon.* 394. Kali majus Cochleatum, *Park.* Anthyllis altera salsa, *Camer.* Salsolæ genus in hortis, Isgarum vulgo, *Cesalp.* 170. Herba Kali, *Bellon.* Kali magnum Penæ, *Lugd. Hist.* 1377. Anthyllis salsosa appellata, Anthyllis Græcorum, Kali Arabum seu Mauritanorum, Herba vitri, seu vitraria, stercus Passerum, *Nonnull.* vulgo *la grande Soude ou Salicote, la Marie vulgaire.*

Radice nititur firma, fibrosa, annua. Caulem ad trium fere pedum altitudinem exulta propellit, ad pedis vero cum semisse altitudinem, absque ulla cultura, late sese expandit, spinisque destituitur, ramisque discriminatur longis, rectis, satis crassis, sub-rubris, foliis longis, angustis, densis, carnosus, acuminatis, succo refertis. Secus caules, ramosque flores progignuntur, calyce conflati quinquepetalo, sub-luteo, totidem staminibus brevissimis, quibus fructus fere rotundi, & membranacei subsequuntur, occluduntque semen longum, nigrum, lucescens, serpens, spiræ in modum convolutum, aut limacem referens. In regionibus calidis, marinis in oris crescit planta hæc; in agro quoque Monspeffulano studiose seritur, Æstate autem exeunte flores edere solet.

Kali spinosum, *Offic.* Kali spinosum Cochleatum, C. B. P. 289. *Raii Hist.* 212. Tragus spinosus Matthioli, sive Kali spinosum, J. B. 3. 706. Tragon Matthioli, *Lob. icon.* 797. *Lugd. Hist.* 1477. Tragon Matthioli, sive potius Tragus improbus Matthioli, *Ger.* Tragus sive Tragum Matthioli, *Park.* Kali spinosum, foliis longioribus & angustioribus, *Inst. R. H.* 247. Salsosa foliis pungentibus, *Linn. Hort. Cliff.* 86. Drypis, sive Scorpius Theophrasti, Tragium sive Tragon secundum, pusillus frutex aculeatus, Herba maritima Cochleiformis, *Quorumd.* vulgo *la Soude ou Marie épineuse.*

Radix fibrosa, annua, unum aut plures effert caules ad pedis cum semisse altitudinem, crassos, ramosos, succulentos, atro-virides, foliis vestitos oblongis, angustis, carnosus, succo foetis salito, acuto vertice. E foliorum alis flores enascuntur exigui, quinque conflati staminibus, calyce suffulti

quinquepetalo, colore herbido. Hisce membranosi fructus præsto sunt femi-
rotundi, spinosi, semen continentes nigrum, lucescens, Cochleiforme. In ca-
lidis regionibus in sabulosis marinis, falsoforumque lacuum oris, ac quando-
que in arvis e mari disitis crescit planta hæc, in hortis vero fata deflectit
aliquantulum, minusque spinis horrescit; sera tempestate flores emittit,
Autumnoque semen maturum efficitur.

Soda saporem habet salitum, plurimumque sal continet, aperiens est, cal-
culis, glareisque expellendis, obstructionibusque referendis aptissima. Intus,
ac extrinsecus usurpatur. Seritur, coliturque pro Soda petrosa, Gallorum
vulgo *Salicote*, *Alumen* vero *Catinum* Latine nuncupata. Paratur autem, plan-
tam prædictam ad perfectam magnitudinem jam deductam metendo, pro-
prioque in solo relictam exsiccando, inde in magnis foveis ob hanc cau-
sam in solo factis, talique pacto coopertis, ut aer tantum ad ignem fer-
vandam sufficiens ingrediatur, eam calcinando: materia autem non modo
in cineres commutatur, verum etiam, quum in maxima sit quantitate, ma-
gnam salis contineat portionem, ac diutissime igne reverberante, e planta
ipsa accensa, prodeunte calcinetur, ejus partes ita invicem uniuntur, ac con-
glutinantur, ut lapidis durissimi species quædam efformetur adeo, ut frige-
facta nisi malleis, aliisque instrumentis contusa excavari possit. Materia
hæc nihil aliud est, præter maximæ salis ac terræ copiarum mixtura, & ex hac
potissimum salina massa, ob facultatum similitudinem, non solum omnes fi-
xi sales, ustione e plantis elicit, salesque animalium volatiles, verum etiam
terreæ ac insipidæ materiæ, & generaliter quidquid fermentationem cum
acidis concipere potest, Alkali denominatione, donatum fuit. Materia ea-
dem ad Saponem potius, Lixivium, ac Vitrum conficiendum, quam Medico-
usui aptatur: planta tamen, unde elicitur, aperiens, & diuretica est, ut su-
perius indicavimus, urinas, glareasque in vesica stabulantes ciet, hepatis-
que, aliorumque viscerum obstructions excutit. Circumspecte admodum
tamen est usurpanda, nec, admonente S. Pauli gravidis, aut urinæ ardori-
bus, vexatis, aut vesicæ inflammationi obnoxiiis, propinanda. Sal vero in
Soda prædominium habens, tantâ acrimonia pollet, ut detergens potius,
quam aperiens reputetur.

Externe ad ulcera antiqua, scabiem, aliosque cutaneos valet morbos. Ex
Sodæ lapide sal fixum elicitur caustica vi præditum, lapidibusque, pro cau-
teriis, fabrefaciendis inservit; sal hocce majorem habet acrimoniam, ac-
vim, quam si sal e plantæ cineribus, more solito extraheretur, a fortiori
enim ac longa calcinatione ignearum particularum maxima majorique quan-
titate foetum fuit.

S O L A N U M.

Innumeras inter SOLANI species, de binis sequentibus, una scilicet in
re Medica, altera in alimentis, usitatissimis, aliquid in medium ad-
ducemus.

Solanum, *Offic. Solanum* Officinarum acinis nigricantibus, C. B. P. 166. *Inst.*
R. H. 148. Solanum hortense baccis nigricantibus, *Dod. Pempt.* 453. Solanum
nigrum vulgare, *Gord. Hist.* 158. Solanum vulgare, *Park. Raii Hist.* 672. Sola-
num hortense, *Matth. Fuchs, Anguill. Gesn. Hort. Lob. icon.* 262. *Luzd. Hist.* 527.

Sola-

Solanum caule inermi herbaceo, foliis ovatis angulatis, *Linn. Hort. Cliff. 60.* *Solanum* vel *Strychnon fativum*, *Solatrum* vulgare vel nigrum, *Uva Lupina*, seu *Vulpina*, *Morella*, *Nonnull.* vulgo *la Morelle commune a fruit noir.*

Radix longa, gracilis, fibrosa, capillitio stipata, sub-albescens, annua caulem ad pedis cum semisse fere altitudinem propellit, firmum, angulosum, atro viridem, pluribus ramis distinctum, foliis oblongis, satis latis, mollibus acuminatis, nigricantibus, alternis, angulosis aliis, crenatis aliis integris aliis, lævibus, sub-viridi succo foetis, sapore herbaceo, ac insipido. Flores e ramis ac fere ex inferna foliorum parte exeunt, exiguasque referunt rosas, plerumque quinis cuspidibus ad stellæ modum distincti, colore albo, quinis pariter exiguis staminibus, apicibus oblongis in centro positis. Fructus *Juniperi* baccas crassitie æmulantes iis præsto sunt rotundi, initio virides, per maturitatem vero vieti fiunt, nigri, læves, succoque foeti, plurimæque occludunt semina minuta, plana, lutea. Secus vias, prope sepes, domosque crescit planta hæc, Augusto ac Septembri flores ostendit, Autumno vero exeunte bacce maturitate gaudent, ac pruina primum apparente planta omnino perit. Quandoque fructu rubro, aut luteo variare solet, indiscriminatim nihilominus usurpatur.

Ejus radix insipida quodammodo est; folia herbæ salitæ saporem habent; fructus autem quidpiam continet subacidi ac vinosi, totaque planta odore scatet soporifero. Rubro colore chartam cæruleam folia nullatenus afficiunt, quod saturatissime a maturo fructu efficitur; hinc suspicari possumus, sal *Ammoniacum* in hacce planta contentum in foliis magna olei foetidi ac terræ quantitate coerceri; partem vero acidam ejusdem salis in fructu maturo omnino explicari, adeo ut juxta varias indicationes morborum, variandus quoque sit diversarum hujusce plantæ partium usus. Fructus e. g. refrigerantes magis sunt, magisque præ foliis retundentes, quæ temperant, resolvunt, ac præterea absorbendi vim habent. Anayliseos vero Chymicæ ope magnam præbent salis volatilis concreti quantitatem. Quum potissimum inflammatio est mitiganda, fibræ nimis violenter distensæ emolliendæ, ac relaxandæ *Solanum* in usum revocatur; tamquam suspectum tamen jure ac merito a Nonnullis reprobatur; plures enim testantur Observationes, quosdam, post ejusce fructus comestionem mortalibus convulsionibus correptos fuisse: quapropter, quamvis asserat *Cæsalpinus*, aquam stillatitiam *Solani* utilissimam esse in stomachi inflammatione, & urinæ ardore, ac in *Ephemeridibus Germanicis Decuria II. anno III. pag. 154.* adsit observatio, qua ejus in *Dysenteria* usus commendatur; nihilominus *Solanum* interne præscriptum omnino reprobanus, quum plura jam alia tutiora remedia, iisdem facultatibus ditata nobis innotescant.

Extrinfecus *Solanum* tulum hæmorrhoidibus applicatur, aut succo ejus tepido fovetur; succus hic etiam convenienti temporis spatio, in mortario plumbeo malaxatur, ad carcinomata illinienda, remedium profecto hocce valde temperans est ac dolorem sedans. Succus idem una cum sexta parte *Sp. Vini* defæcatissimi mixtus, optimus est adversus erysipelata, impetiginem, herpes, papulas, omnesque cutaneas prurigines; huic autem *Sp. Vini* additur, eo quod solitarius nimia frigiditate, ac coercendi vi polleret. In Officinis prostant *Aqua Solani* distillata, oleum infusionis ope elicatum, oleumque alterum coctura paratum. *Aqua distillata* eundem, ac succus, in
usum

usum revocatur, hic vero efficacior deprehenditur. Bina vero olea prædicta in omnibus anodynis cataplasmatibus recipiuntur.

Solani folia usurpantur in Balsamo Tranquillo, & Unguento mundificativo de Apio dicto *Pharm. Paris*. Summitates vero in Unguento *Populeo*, ac succus tam plantæ quam baccarum in Unguento *Diapompholygos* ejusdem *Pharm.*

℞. Succī Sedi maj. & Solani ana ʒ j. Album. Ovi. Agitentur simul, usque dum omnia probe commisceantur. Liquor dein tepidus pluries de die mammarum tumoribus inflammatione non sociatis admoveatur, nec non præputio inflammato, venereorum cancrorum causa.

℞. Aquar. Solani, Plantag. & Spermat. Ranar. ana ʒ ij. Tuthiæ pp. ac p. ʒ β. Salis Saturni gr. xvij. M. pro Collyrio refrigerante adversus oculorum ruborem.

℞. Olei Solani infusione elicti, Unguenti Populei, & Balsami Tranquillæ ana p. æ. M. pro linimento ad hæmorrhoides inflammatas ac dolentes.

Solanum tuberosum, seu Papas, *Offic.* Solanum tuberosum exculentum, *C. B. P.* 167. *Inst. R. H.* 149. *Raii Hist.* 675. Papas Americanum, *J. B.* 3. 621. Battata Virginiana, *Ger. Park.* Archidua Theophrasti forte, Papas Peruvianorum, *Clus. Hist.* Papas, *Acost.* Papas Hispanorum, Papas seu Pappas Indicum vulgo, *Nonnull.* vulgo la Truffe rouge, la Pomme de terre, l'Artichaut des Indes, ou la Batate commune des jardins.

Tuberosa, oblonga, ac inæqualis radix, quandoque pugnum crassitiæ æquans, atro, aut rubro-nigricanti, cortice tecta, substantia referta compacta, atque alba, esuque optima, caulem propellit ad duorum, vel trium pedum altitudinem, & ultra in regionibus præsertim calidis, pollicem fere crassum, rotundum, villosum, viridem, parvis subrubris punctis circumfusus, cavum, striatum, ramosum, succo foetum. Folia longitudine manum æquant, pari ordine ad latus disposita, impari extremo folio præ aliis majori, nonnihil latiora, ac hirsuta, superne atro-viridia ac lucescentia, cauda destituta, hac illac aliis rotundis foliolis interspersa. Flores exiguas æmulantur rosas, quinque cuspidibus discriminatas, calyce suffulti subviridi totidem pariter partibus diviso amplissimis, subalbidis, quinque staminibus, apicibus luteis in centro positis. Hisce rotundi fructus succedunt initio subvirides, atro-virentes dein per maturitatem, succoque referti, pluribusque seminibus minutis, ac rotundis, Solani vulgaris seminibus, æmulis. Planta hæc cujus caulis singulis annis perit e Virginia primum in Angliam, ac ex Anglia ad alias Europæ regiones delata fuit; mirum in modum adeo multiplicatur, ut Autumno exeunte eam extirpando, una cum ejus radicibus quandoque XL. aut L. usque diversæ magnitudinis tuberositates inveniantur: hæc vero semper accurate colliguntur, ne Hyeme perdurante putrescant, ut deinde loco sicco, ac calidiusculo, aut vase terra sicca repleto conserventur, ac Vere denuo terræ committantur; Junio, Julioque flores emittit, ac quandoque Autumno.

Hæc sola Solani species interne absque ullo metu usurpari potest. Indi, referente Acoſta, ejus radice tamquam pane utuntur, ab iis quoque decoquitur, diversisque rationibus conditur, cumque diutissime fervare eam cupiunt, Sole exsiccant, ac taleolatim incidunt. A nobis, eadem, qua Tubera, ratione usurpatur; radix quoque hæc sub cineribus decoquitur, tunica dein ablata pipere ad majorem gratiam, ac stimulum conditur: optimum suppe-

ditat, adinstar Pastinacæ ac Castaneæ alimentum, nonnihil tamen flatulenti habet, ideoque stomachis male affectis cohibenda.

S O L D A N E L L A.

SOLDANELLA, *Offic.* Soldanella maritima minor, C. B. P. 295. Brassica marina, five Soldanella, J. B. 2. 166. Convolvulus maritimus nostras rotundifolius, *Mor. Hist. Oxon.* 2. 11. *Inst. R. H.* 83. Soldanella, *Dod. Pempt.* 395. *Lon. Cost. Gens. Hort.* Soldanella marina, *Ger. Raii Hist.* 726. *Eyst.* Soldanella vulgaris five volubilis marina, *Park.* Soldanella vera, Soldanella, Brassica seu Crambe marina Antiquorum, Campanula maritima five marina, volubilis seu Convolvulus marinus *Quorumd.* vulgo *Soldanelle*, *Ghou de mer.*

Radix minuta ac fibrosa plures effert caules graciles, flexibiles, sarmentosos, subrubros, solo repentes, foliis fere-rotundis, lævibus, lucentibus, Chelidonii min. foliis similibus, densioribus tamen, succoque lactiginoso refertis, longisque pedunculis, elatis; Flores campanas referunt, marginibus inversis, ut in aliis Convolvuli speciebus, satis conspicuam magnitudinem habent, coloremque purpureum. Eos, fructus pene rotundi subsequuntur membranacei, semina condentes angulosa, ac plerumque nigra. Sabulosis in oris maris crescit planta hæc, floribusque Æstate vestitur; integra una cum radice exsiccat, nobisque advehitur; recens, intacta, aut quam possibile est, parum fracta est seligenda.

Plurimum salis essentialis atque olei, saporemque habet amarum, acrem, ac nonnihil salitum, ac inter purgantia-hydragoga recensetur, maximoque emolumento usurpatur in hydrope, paralyti, rheumaticisque affectionibus. Plantæ ejusdem exsiccatæ pulvis a ʒ β. ad ʒ j. ac a Nonnullis etiam ad ʒ ij. usque, in jusculo præscribitur. Succus vero expressi dosis ʒ β. definitur, si vero succus prædictus ad extracti consistentiam inspissatus fuerit, ʒ j. aut ʒ j. β. tantum sufficiet. Commode satis alvum ducit jusculum ex jugulo vervecino, & Man. j. aut Man. j. β. Fol. Soldanellæ paratum, dummodo f. q. Cinnamomi corrigatur, ut nausea præcaveatur; Qua de re a Matthiolo cum Rhabbarbaro consociabatur; præstantior tamen Soldanellam usurpandi ratio videtur esse, si prius ejus folia cum cremore Tartari, aut Tartaro vitriolato in aceto macerentur, ac deinde jusculo prædicto adijciantur. Conserva præterea foliis prædictis saccharo & Cinnamomo paratur.

Folia demum Soldanellæ exsiccata usurpantur in pulvere Hydragogo *Pharm. Parisiensis*.

R. Asari ʒ β. Jalapæ & Turbith. ana ʒ vj. Soldanellæ ʒ ij. pulv. Diacarthami ʒ β. Trium Santal. Croci Martis aperit. & Cinnamomi ana gr. xxx. Scammonii ʒ ij. M. f. p. subtilissimus, ad ferositates per alvum extrudendas idoneus a ʒ β. ad ʒ j. juxta variam ægrotantium ætatem ac constitutionem; sumetur autem in cyathi Vini albi semisse, post duarum horarum infusionem, bis de hebdomada, congruo temporis spatio, nullo vel cibo vel potu, binis ante, binisque post ejus sumptionem horis, in usum revocato.

S O N C H U S.

INter diversas SONCHI species, tres tantum a Medicis usurpatas in medium afferemus.

Sonchus lævis, *Offic.* Sonchus lævis laciniatus latifolius, C. B. P. 124. *Inst.* R. H. 474. Sonchus minus laciniatus, mitior, sive minus spinosus, J. B. 2. 1014. Sonchus lævis, *Dod. Pempt.* 643. *Ger. Raii Hist.* 222. *Matth. Gesn. Hort.* Sonchus lævis vulgaris, *Park.* Lactuca Leporina, *Apul.* Endivia sylvestris, *Lonic.* Andryola major Dalemchampii, *Lugd. Hist.* Sonchus caule ramoso diffuso, foliis summis amplexicaulibus, *Van-Roy. Flor. Leyd. Prodr.* 129. Sonchus pedunculis tomentosis, *Linn. Flor. Svec.* 231. Sonchus lenis seu sine aculeis. Sonchus pinguis foliis non dissectis, vel minus fissis, Sonchus tenerior latifolius, Lactucella, Lactuca Leporaria, Brassica leporina, Oulus leporinum, Palatinum, vel potius Palatum seu Sabulum Leporis, Cicerbita, *Nonnull.* vulgo *le Laitron ou Laceron doux, ou Palais de Lièvre.*

Parva, alba, ac fibrosa radix caulem emittit ad pedis cum dimidio altitudinem, intus cavum, tenerum, striatum, fere purpureum foliis longis, lævibus, Hedypnoidis foliis latioribus, ac tenerioribus, incis, ambitu crenato, succo foetis lactiginoso, alternatim locatis, aliis, longis caudis, appensis, aliis vero caudis omnino destitutis, basi, præ aliis folii partibus, caulem amplectentibus. Flores summo caule, ramisque fasciculatim enascuntur semiflosculis luteis, ac quandoque albis, Hedypnoidis similes, ac exiliores. Hisce præsto sunt conici fructus semina occludentes parva, oblonga, atro-subrubra, cristata. In omnibus fere locis occurrit planta hæc inter segetes, in vinetis, & aggeribus, secus vias, ac in arvis præcipue pinguioribus; Majo, Junioque floribus vestitur, ac folia præsertim in usum veniunt, quæ dum excinduntur lacteum liquorem emittunt; acetariis commode sociantur, aut alia quaque ratione, adhuc tenera esitantur, antequam vero caulis emergat a leporibus avide admodum expetuntur.

Sonchus asper, *Offic.* Sonchus asper non laciniatus, C. B. P. 123. *Inst.* R. H. 474. *Raii Hist.* 225. Sonchus minus laciniatus asperior, sive spinosior, J. B. 2. 1014. Sonchus asper, *Ger.* Sonchus asper major non laciniatus, *Park.* Intybus sylvestris seu erratica acutis foliis, *Trag.* 270. Sonchus asperior, *Dod.* Sonchus sylvestris spinosior, Sonchus nigrior ac spinosior non laciniatus, Sonchus tenerior aculeis horridiusculus, Sonchus valde spinosus folio non laciniato, Carduus anserinus, Carduus, suillus cichorium seu Rostrum porcinum, *Quorumd.* vulgo *le Laitron Epineux.*

Radix exigua, alba, ac fibrosa caulem profert satis procerum, tenerum, subrubrum, cavum, foliis, integris, aut vix laciniatis, Endiviæ foliis proximis, basi caulem amplectente, saturate viridibus, lucescentibus, longis, duris, acutisque spinis armatis. Flores ac semina Sonchum lævem æmulantur; iisdem præterea in locis cum eo luxuriat planta hæc; eadem tempestate florescit, ac lactiginoso, & amaro etiam succo turget.

Terracrepola, *Offic.* Sonchus lævis angustifolius, C. B. P. 124. *Inst.* R. H. 475. *Park.* *Raii Hist.* 225. Sonchus affinis Terracrepola, J. B. 2. 1018. Sonchus lævis Matthioli, *Lob. icon.* 236. Crepis Dalemchampii, *Lugd. Hist.* Terracrepola, *Casalp.* Chondrillis affinis quædam Herba laciniata, Trinciarella forte,

re, Hieracium parvum Dioscoridis, Olus sylvestre, Nonnull. vulgo le petit Laitron dit Terre-Grèpe.

Radix gracilis, longa, radici Endiviæ simillima, alba, fibrosa, plures propellit caules ad pedis cum semisse altitudinem, binis aut tribus ramis divisos, foliis Endiviam æmulantibus, magis tamen albis, minusque laciniatis, saporis amari, ac gratissimi. Flores habet luteos, semiflosculis calyce suffultis, in fructum abeuntes, exiguis seminibus cristatis foetum. Saxosis in collibus sponte luxuriat planta hæc, in aggeribus, in ædificiorum ruderibus & in agro Monspessulano, Æstate flores propellit, in hortis olitoriiis quoque colitur pro acetariis.

Tribus hisce usque adhuc descriptis speciebus indiscriminatum utimur; sapore autem Sonchus donatur nonnihil salino, ac amaro, chartamque cæruleam, rubro colore inficit, saleque scatet Oxysali Diaphoretico Angeli Salæ satis proximo, maxima tamen phlegmatis portione, soluto, plurimoque sulphure sociato. Sal vero Ammoniacum modica admodum dosi resultat, Analyseos enim Chymicæ ope, parum spiritus urinosi, nihil vero salis volatilis concreti ex eo elicitur. Quibus principiis refrigerandi, temperandi, ac blande solvendi vi donatur. Radices vero Hyeme e solo elicite rusticis alimentum præbere solent. Ad infimi ventris æstum compescendum, in stomachi, hepatis, ac intestinorum inflammationibus foliorum decotio hauritur, quæ in prædictis visceribus humorum circulum promovet, eorum stasim, ac obstructions, detrudit. Optima quoque ad nutrimentum lac augendum recensetur. Notissimus præterea Sonchi usus est ad vaccas, cuniculos, aliaque indigena animalia vescenda.

A Nonnullis quoque in syrupo Cichorii usurpatur.

S O R B U S.

TRibus SORBI speciebus Medici utuntur; 1. Sorbo sativa, 2. Sorbo sylvestri, 3. Sorbo torminali, sub Alissi nomine cognito, ac diversum a binis præcedentibus genus efformante.

Sorbus, Offic. Sorbus sativa, C. B. P. 415. Inst. R. H. 633. Sorbus, J. B. 1. 59. Dod. Pempt. 803. Ger. Raii Hist. 1456. Sorbus legitima, Park. Clus. Hist. Sorbus domestica, Matth. Lob. Cast. Sorbus esculenta, Camer. Hort. Sorbum ovatum, Fuchs. Turn. Sorbus vulgaris: Sorbus vera, Quorumd. vulgo le Sorbier, ou Cormier domestique, ou cultivé.

Radice est longa, dura, crassa, lignosa, ex qua arbor extollitur magna, ac brachiata, caudice erecto, cortice, tecto, rudi, nonnihil scabro, pallido, ligno duro, compacto, subrubro, foliis oblongis, pluribus conjugationibus, adinstar foliorum Fraxini, ad costam annexis, ambitu denticulato, villosis, mollibus, superne sub-viridibus, inferne subalbidis, sapore acerbo, ac styptico. Flores exigui sunt, albi, plures simul racematim conjuncti, longis elati pedunculis, e mediis foliis exeuntibus; constant autem petalis quinque rosaceis, iisque deciduis, calyx in fructum abit, exiguum Pyrum, forma, ac crassitie, æmulantem, durum, carnosum ex uno latere sub-viridem, aut pallefcentem, ex alio vero subrubrum, sub-lutea pulpa refertum, sapore primum acerbissimo, ac rudi, Sorbum nuncupatum; ut plurimum in arbore ad maturitatem non perducitur, Autumnoque colligitur; super paleas col-

locatur, in quibus mollitiem, & dulcem, ac gratum saporem acquirit, ac folliculo membraceo donatur in quo nuclei occluduntur plani, Pyri nucleis similes. Sponte quibusdam in regionibus arbor hæc excrefcit, montibus frigidis, foloque saxoso delectatur, atque in hortis, pomariis, ac vinetis etiam colitur, Aprili, ac Majo floret, fructusque Octobri, aut Novembri tantum maturefcit. Segniter adeo augmentum acquirit, ut raro admodum a satore fructus colligi poffint.

Sorbum plurimum continet olei, falisque essentialis, terreftribus particulis, ac phlegmate fociati, tam pro alimento, quam in re Medica ufurpatur. Adstringendi autem vi præditum eft, ac ad vomitus, hæmorrhagias, & diarrhæas fiftendas valet, nec non animæ gratiam conciliare folet. Eligendum vero eft fatis craffum, probe maturum, fapidum, ac odorum: Hyeme convenit junioribus biliofis, ac debili ftomacho prædictis, dummodo moderate ufurpetur; fucco enim fcetet craffo ac terreftri, quo humores, nimia copia ingeftum, coinquinare poffet, aut diutius in ventriculo, & intestinis remorans, fermentefcens, ac acefcens, fibras ftimulandi, & tormina, colicasque affectiones fufcitandi facultatem adpifcitur.

Sorborum aqua ftillaticia in Officinis fervatur ab ℥ jv. ad ℥ vj. in Julapiis, & potioribus adstringentibus præfcribenda. Eorum vero fuccus expreffus, ac congruo temporis fpatio fermentatus, vinofus efficitur, ciceraque perfimilis. J. Bauhinus refert iifdem fructibus conditis, ftomachum roborari, appetitum excitari, ventrisque fluxus ac vomitus cohiberi. Sequenti vero modo condiuntur.

Rx. Sorbor. pene maturor. tunica ac femine mundator. ℔. jv. Coque in aquæ f. q. in qua prius rosæ, ac balauft. ebullierint, ufque dum mollitiem acquifiverint, ac pofttea hujufce pulpæ ℔. iiij. adde Sacchari, ac Mellis optimi ana ℔. j. β. Omnia ad Confervæ liquidæ confidentiam condensentur, cujus dofis a ℥ ij. ad ℥ β. definitur.

Extrinfecus Sorborum pulvis ad ulcera exficcanda in ufum revocatur.

Sorbus fylveftris five Aucuparia Offic. Sorbus fylveftris, foliis domesticæ fimilis, C. B. P. 415. Raii Hift. 1457. Sorbus aucuparia, J. B. 1. 62. Inf. R. H. 634. Bellon. Genf. Cluf. Thal. Sorbus fylveftris Alpina, Lob. icon. 107. Sorbus fylveftris, five Fraxinus bubula, Ger. Ornus, five Fraxinus fylveftris, Park. Sorbus fylveftris, Tabern. Sorbus montana aucuparia, Schvvenckf. Sorbus foliis pinnatis, Linn. Hort. Cliff. 188. Fraxinus humilior montana five aucuparia, Sorbus aucupalis vel racemofa, Sorbus agreftis feu vulgator, Nonnull. vulgo le Cormier fawvage.

Radice craffa, dura, longa, arbor mediocrem magnitudinem habet, truncum erectum, albefcentem, cortice tectum atro-fubrubro, maculis confperfo, Alno perfimili, fub quo & alius apparet luteus, foetens, & amarus. Folia paribus conjugationibus eadem in cofta, impari folio definente, locantur, ambitu crenato, magis quam in Sorbo fativa, acuminata, compacta, glabra, fuperne fub viridia, inferne fubalbida, faporis amariufculi: cæterum mirum in modum variare folent. Flores exigui funt, albi, odori, umbellæ more, plures fimul appenfi, hisque fructus fuccedunt Opuli baccis perfimiles, luteo-rufefcentes, faporis acido-ingrati, nonnulla oblonga femina occludentes. Arbor hæc humidis, montanisque in locis crefcit, Majo, Junioque floret, fuctusque Septembri maturitatem acquirit. Quum autem li-

gnum duritie excellat, ex eo virgæ a bubulcis ad boves incitandos parantur, hinc a Burgundis vulgo, *Aiguillon*, arbor hæc nuncupatur.

Rei aucupariæ potius quam Medicæ species hæc infervit, merulæ enim, ac tardi aliæque aves quamplurimæ ejus baccarum adeo avidæ sunt, ut escam ad eas retiis, aut alia ratione saginadas commodissimam præbeat hinc *Aucuparia* fuit nuncupata.

Verum enim vero aliis præterea scitu dignis facultatibus arbor hæc ditatur, D. Needhamius enim ex ejus baccis expressis succum elici posse testatur, serositates purgandi, scorbutumque debellandi vi præditum. Vere quin etiam ejus trunco inciso, acidulus liquor extillat adversum prædictum morbum lienisque obstructions excellens. D. Ledelii in *Ephemeridibus Germanicis Decuria III. anno IV.* extat observatio, qua in medium adducitur mulier mensium suppressione, hæmorrhoidibusque inflammatis, ac dolentibus vexata, quæ ope Rob, baccis Sorbi sylvestris, parati, binis hisce morbis omnino fuit liberata. In hujusce arboris trunco fungus quoque enascitur levis, subalbidus, ac spongiosus, adversus dysenteriam commendatissimus; si loco sicco servatus pulveris forma usurpetur, a gr. xij. ad 3 ℥. in cyatho temperantis cujusdam potionis, & ter de die ad exitum usque morbi repetatur.

Magnis quoque laudibus extollitur a D. Carisio, a Jonstano in *Dendographia*, articulo de Sorbo sylvestri, citato; asserit enim, ejusce ligni pulvere vulneribus insperso, vi balsamica ejus connaturali, ea perfecte consolidari, eoque etiam 3 ℥. Oleo Olivar. permixto bis aut ter de die exhibito, antiquiores tusses, ac ulcera interna sanari: sale calcinationis ope ex hac arbore elcito, ac gr. iij. vel iv. de die in Althææ decoctione præscripto, non modo Nephriticos solari, verum etiam tartareis particulis morbum progredientibus, in arenaceam mucilaginem redactis, exitum procurari; ejus denique foliis distillationis ope aquam elici posse temperantem, ac blande incidentem, omnibus pulmonum affectibus, utilem, vocis præsertim abolitioni, glareisque in bronchiis quandoque stabulantibus, turberculisque ortum præbentibus; nec non adversum chlorosim, fluoresque albos: exhibetur autem singulis diebus 3 j. aut 3 ij. convenienti temporis spatio. Nusquam fortasse ad exitum perduceretur oratio nostra, si singulæ proprietates a laudato viro recensitæ, a nobis quoque enunciarentur, tamquam Panacea enim universalis ab eo, vel propria experientia, constituitur, quibus omnibus, si fides sit præstanda, aliis dijudicandum relinquimus.

Sorbus torminalis, *Offic. Mespilus Apii folio sylvestris, non spinosa, sive Sorbus torminalis, C. B. P. 454. Raii Hist. 1457. Sorbus torminalis & Cratægus Theophrasti, J. B. I. 63. Sorbus torminalis, Dod. Pempt. 803. Ger. Tabern. Ionic. Cæsalp. Gesn. Hort. Sorbus torminalis sive vulgaris, Park. Cratægus folio laciniato, Inst. R. H. 633. Sorbus sylvestris sive torminalis Matthioli, Lugd. Hist. Sorbus torminalis folio Aceris, vitis aut Populi albæ, Lob. Cratægus foliis ovatis inæqualior ferratis, Linn. Hort. Cliff. 187. Sorbus torminalis Plinii & Herbariorum, vulgo, Hypomelides forte Palladii, Quorumd. vulgo le sorbier torminal, ou Tormigne, l'Alisier, Alignier, Alier, Anier ou Agretier.*

Radice est crassa, firma, profunda, quæ ad Pyri magnitudinem propellit arborem brachiatam, trunco contecto, cortice subalbido ac lævi, ramis e

contra, cortice atro-subrubro, aut lutescente, adstringenti ac amariuscule vestitis: lignum album est ac durissimum: folia simplicia sunt alterna, Opulum æmulantia, magis tamen acuminata, ac diligentius in ambitu denticulata, ad modum anserini pedis extensa, pene glabra in utraque facie, Autumno præsertim, longis elata pedunculis, nonnihil hirsutis, saporis leviter adstringentis: flores albo-pallentes sunt, quinque scilicet petalis constantes rosaceis, plures simul racematim, sive umbellæ in morem congesti, quibus præsto sunt rotundi fructus pyri-formes, Spini-albæ fructibus persimiles, lutescentes, exiguis albis punctis distincti, saporis primum austeri, dein aciduli, satisque per maturitatem grati, quinque cellulis interne divisi, in quibus singulis bina semina ut plurimum locantur, Pyri nucleis similia, nonnihil tamen exiliora, fere triangularia, rutilo-nigrescentia, medulla alba. Incultis in locis, & montanis, soloque fertili ac saxoso, in nemoribus, sepibusque crescit, Majo floret, fructus autem Autumno super paleas adinstar Sorbi, maturitatem acquirit, & a puerulis, mulierculisque in deliciis habetur. Lignum quoque ab artificibus admodum expetitur, observatque J. Bauhinus, ex eo optimos fusus confici posse.

Fructus prædictus facultates cum Sorbis communes habet, quibus semper substitui potest. Monente Rajo, majore etiam refrigerandi, æquali tamen adstringendi vi pollet, Sorbis tamen anteponitur, ac tamquam specificum in diarrhæis, ac dysentericis a nimio fructuum crudorum esu productis recensetur. Ex eo autem ob hanc causam succus exprimitur, ac ad Rob consistentiam inspissatur, & in morbis prædictis ʒ ss. propinatur: si vero majorem gratiam remedio huic concilare cupimus usque ad Diacynodites consistentiam coquendum est, ejus enim acidulus sapor ope sacchari moderatur.

Sorbus Torminalis ab Auctoribus fuit nuncupatus, eo quod ejus fructibus tormina, doloresque dysentericorum sedari dicuntur; Nihilominus eos, colicas affectiones, ac tormina facile incutere posse ab aliis asseritur, quod profecto de iis, adhuc viridibus, ingestis, non vero mollibus, ac maturis, intelligendum est.

S P H O N D Y L I U M.

SPHONDYLUM, Offic. Sphondylium vulgare hirsutum, C. B. P. 157. *Inst.* R. H. 320. Sphondylium quibusdam, sive Branca Ursina Germanica, J. B. 3. 160. Sphondylium, *Dod. Pempt.* 307. *Ger. Raii Hist.* 408. *Matth. Lac. Lon. Cast. Cæsalp. Tabern. Lob. Gesn. Hort.* Sphondylium vulgare, *Park.* Branca Ursina, *Trag. Brunf. Cord.* Acanthus vulgaris, sive Germanica, *Fuchs.* Heracleum foliis, pinnatifidis, *Linn. Hort. Cliff.* 103. Spondylium veterum, Spondylion seu Spondylis, Branca Ursi sive Ursina Germanorum, Planta Ursina Pseudo-Acanthus, Herba rutinalis, Platanella vel Chamæplatanus, *Quorumd.* vulgo *Berce*, *fausse Brance-Ursine*, *Branc-Ursine batarde*.

Huic radix est simplex, longa, crassa, rugosa, carnea, alba, vivax, luteo foeta succo saporis fere acris, ac dulcis, & nonnihil amari; caulem ad trium aut quatuor pedum altitudinem profert erectum, rotundum, nodosum, hirsutum, striatum, intus cavum, ramosum, foliis latis, laciniatis, crenatis, utrinque lævi lanugine tectis, sapore subdulci, caudis longis ac villosis appensis; hæc inter, quæ præcipue in vertice locantur, basi latiori, ac

ac membranacea, prodeuntia, caulem, ramosque amplexantur, generaliter quodammodo foliis Platani, magis vero Pastinacæ foliis simulantur. Flores umbellati quinque liliaceis petalis constantes, plerumque albi, raro purpurei, summo caule, ramisque insident, eorumque calyx in fructum abit binis conflatum conspicuis feminibus planis, ovalibus, superne emarginatis, dorso striato, tunicam facillime relinquentibus, latere mutui contactus lineis nigris signato, odoris ingrati, saporis acrisculi. In pratis, locisque humidis, ac paludosis, secus fluvia, ac rivulos abunde crescit planta hæc, floresque Majo, Junio, ac Julio profert.

Sphondylium vero appellatur, causa feminis male olentis, adinstar insecti cujusdam, quod *Sphondylis* nuncupatur, & plantarum radices erodit: *Branca Ursina* autem, eo quod ejus folia quamdam cum brancis Ursi affinitatem habent, vel eo quod a Nonnullis, referente Linæo, Brancæ Ursinæ legitimæ substitui posse inepte admodum creditum fuit.

Plurimum olei, salisque essentialis ac fixi habet. Folia tamquam emollientia, ac resolventia reputantur, ex iis vero Cataplasmata ad inflammationes sedandas aptissima parantur. Quum autem plurimam cum foliis Acanthi similitudinem habeant, iis, data occasione, in Germania præsertim substituuntur. Aliis præterea facultatibus radix, ac semina insigniuntur, incidendi nempe, ac aperiendi vi, juxta Dioscoridem, ac Galenum, morbis deinde hepatis, epilepsiæ, uteri suffocationibus, cerebrique affectibus dicata. Linimenti forma, ac Cataplasmatibus consistentia ejusdem plantæ sementum, oleoque olivarum permixtum applicatur. Tabernæ Montanus vero asserit, foliorum, aut radicis decoctionem laxantem esse, & vapores debellare; radix hæc eadem tusa, callositates dissipare, iis apposita solet.

Rajus vero post Dodonæum asserit, Polonos ac Lituanos, folia, ac semina ejusdem plantæ in aqua decoquere, qua, fermento addito, potionis genus constituunt ab iis *Parst* nuncupatum, pro pauperibus Cerevisiæ locum tenens: addit inde a cuniculis laudatæ plantæ folia in deliciis haberi.

S T A C H Y S.

STACHYS, *Offic.* Stachys major Germanica, C. B. P. 236. *Inst.* R. H. 186. Stachys Fuchsi, J. B. 3. 319. *Dod. Ger. Raii Hist.* 554. *Cast. Lonic. Tabern.* Stachys Dioscoridis, *Lob. icon.* 530. Salvia sylvestris, *Cæsalp.* Marrubium agreste vel tertium, *Trag.* Sphacelus, aliis Stachys, *Guil.* Pseudo-Stachys Matthioli, *Lugd. Hist.* 963. Stachys foliis oblongo cordatis, floribus, verticillatis, *Linn. Hort. Cliff.* 309. Marrubium campestre seu montanum, Salvia montana, Navicula, Herba coronata, Spica sylvestris vel agrestis, *Quorund.* vulgo *Epi fleuri*, *Sauge molle*, *Sauge sauvage*.

Radix dura, lignosa, fibrosa, lutescens, vivax, unum aut plures propellit caules fere bipedales, crassos, quadratos, implicatos, hirsutos, albos, villosos, interne medullosos; folia pro unoquoque caulis nodo invicem opposita, Marrubii albi foliis æmula, longiora tamen, & albidiora, villosa, margine denticulato, odore gratissimo, sapore adstringenti, absque ulla acrimonia; flores verticillatos, ac inter folia in caulis vertice spicæ in morem dispositos, externe hirsutos, intus glabros, ut plurimum purpureos, quandoque albos, ad Lamii flores plurimum accedentes, & labiatos, quo-

rum labium superius, seu galea cochlearis instar excavata est, inferius vero trifidum, lateralibus divisionibus, media minoribus. Hisce deciduis præsto sunt quatuor semina fere rotunda, subnigra, capsula conclusa quondam florum calycem efformante. Penetranti odore scatet universa planta, locisque montanis, rudibus, ac incultis crescit, Junio Julioque floret, in hortis præterea colitur.

Stachys vero nuncupata fuit, eo quod ejus flores spicæ in modum locati sint.

A Medicis raro admodum usurpatur, plurimum salis, oleique habet exaltati. Dioscorides vero, cujus sententiam Neoterici quoque omnes sequuntur, testatur, ejus decoctionem, urinas, mensesque ciere, ac feliciter ad partus ac secundinarum excretionem adjuvandam, in usum revocari. A Boerhaavio autem, in *Historia Plantarum Horti Lugduno-Batavi* adversum Apoplexiam, Epilepsiam, ac Vapores commendatur.

S T A P H I S A G R I A .

STAPHISAGRIA, Offic. C. B. P. 324. J. B. 3. 641. *Matth.* 1231. *Dod. Pempt.* 366. *Trag.* 902. *Raii Hist.* 705. *Fuchsf. Lob. Lac. Turn. Lugd. Hist. Cæsalp. Cast. Camer. Gesn. Hort. Ger. Park.* Delphinium Platani folio, Staphisagria dictum, *Inst. R. H.* 428. Herba pedicularis, *Cord.* in Dioscor. Aconitum urens Ricini fere foliis, flore cæruleo magno, Staphisagria dictum, *Pluk* Astaphisagria, & Staphis Plinio, vitifolia, Pituitaria, uva taminea, Piper murium, aut glirium Germanorum, Alberas, Arabum, Phithrion, Phirococcon, Phthiroctonon, seu Granum Pedicularium, *Nonnull.* vulgo *Staphisaigre*, *Herbe aux poux*, ou herbe a la pituite.

Radix longa, lignosa, annua, ad pedis cum dimidio, aut ad duorum pedum altitudinem emittit caulem erectum, rotundum, hirsutum, ramosum, folia vero magna, lata, profunde pluribus locis incisa, viridia, hirsuta, Ricino, Platano, aut Viti fere similia, longis caudis appensa, flores summo caule, aut ramis, aut ex foliorum alis enascentes, quinque constantes petalis inæqualibus, sphaericis, saturate cæruleis, floribus *Consolidæ* regali proximis, nonnihil tamen amplioribus, quorum superius postica in parte calcaris in morem elongatur, alteriusque folii calcar excipit. Hisce succedunt fructus tribus, aut quatuor constantes vaginis sub-viridibus, quæ interne longitudinaliter aperiuntur, conduntque plura semina exigui pisi magnitudine, triangularia, rugosa, rudia, firmiter simul juncta, externe subnigra, interne, sub-albida, aut lutescentia, sapore acri, urenti, amaro, ac admodum ingrato. Umbrosis in locis, ac in regionibus calidis, in Provincia, & Occitania crescit planta hæc, ex quibus exsiccatum semen nobis advehitur, quod recens, probe nutritum, ac mundum seligendum est; in hortis quoque colitur ob florum elegantiam, Vere autem feritur, soloque delectatur sativo, ac riguo, Soli meridiano non adeo exposito, Æstate flores propellit, ac vindemiæ tempore semen ad maturitatem deducitur.

Plurimum habet salis, oleique. Ejus tantummodo semen a Medicis externum in usum revocatur, interne namque absque periculo haudquaquam præscribi potest. Violenter enim tam per superiora, quam per inferiora purgat a gr. xij. ad ℥j, simulque fauces tanta inflammatione obducit, ut

suffo-

suffocationis metum incutat. Hinc proscriptum fuit, aliis tutioribus solutivis ejus loco adhibitis.

Extrinfecus seminis ʒj. tusa noduloque occlusa, ac mansa in dentium morbis, pituitæ excreatum promovet, cerebrumque redundantibus serositatibus exonerat. Ejus quoque decoctio pro Gargarismate usurpari commode potest, tamquam vulnerario-detergens, ad carnes antiquorum ulcerum fluentium insummendas, præ aliis vero usitatissimum est semen prædictum ad pediculos enecandos: eo capilli insperguntur, aut cum oleo mixto caput illinitur, hinc brevi turpium animalium genus omnino destruitur.

S T A T I C E.

STATICE, *Offic.* Caryophyllus montanus major flore globoso, C. B. P. 211. *Raii Hist.* 1037. Caryophylleus flos amphylocaulos, vel junceus, major, J. B. 3. 336. Gramen Polyanthemum majus, *Dod. Pempt.* 564. Statice, *Lugd. Hist.* 1190. *Inst. R. H.* 341. Caryophyllus mediterraneus, *Ger.* Gramen marinum mediterraneum majus, Statice quibusdam, *Park.* Statice caule nudo simplicissimo capitato, *Linn. Hort. Cliff.* 115. Statice major & vulgatior, Gramen majus Caryophylleum, Caryophyllus sylvestris major, Caryophyllus foliis graminis montani spicati, Caryophyllus montanus major radice longissima, *Quorumd.* vulgo Statice, *Gazon d' Olympe ou de Montagne*, *OEillet de Paris*.

E radice longa, satis crassa, rotunda, subrubra, lignosa, vivaci, pluribus quodammodo capitibus distincta, plura emergunt folia longa, Graminis more, angusta, dilute-viridia, latitudine variantia; hæc inter plures eriguntur caules fere pedales, erecti, nodis destituti, cavi, ferme nudi, in quorum summitatibus exiguum florum fasciculus sphericus locatur, hi autem flores quinque petalis constant caryophyllaceis, calyceque adinstar infundibuli fulciuntur, fasciculusque universus alio pariter squammoso calyce firmatur. Singulis deciduis floribus, semen utrinque acuminatum succedit capsula conclusum, quondam floris calycem efformante. Montanis in locis, nonnihil humidis, e mari longinquis crescit planta hæc, Æstate flores ostendit, quum autem hi simul non explicentur, sed alii tantum post alios, hinc diutissime in planta ipsa ad exitum usque Autumnii, quandoque servantur.

Tamquam vulnerario-adstringens, ad sanguinem, aliosque fluxus stagnandos planta hæc aptissima recensetur, & a Dalemchampo in *Historia Plantarum Lugdunensium*, & a Boerhaavio in *Historia Plantarum Horti Lugduno-Batavi* pro iisdemmet morbis commendatur. Succus ejus in sputo sanguineo, narium fluxione, ac in menstrua & hæmorrhoidali purgatione nimis copiosa hauritur, nec non in dysenteriis.

Extrinfecus quoque tam vulnera, quam ulcera maligna ejus pulvere consperguntur, quæ, facultate vulneraria, omnino sanat.

S T R A M O N I U M.

STRAMONIUM, seu Nux Metella, *Offic.* Solanum pomo spinoso rotundo, longo flore, C. B. P. 168. Stramonium multis dicta, sive Pomum spinosum,

sum, J. B. 3. 624. Stramonia, *Dod. Pempt.* 460. Stramonium fructu spinoso rotundo, flore albo simplici, *Inst. R. H.* 118. Stramonium majus album, *Park. Raii Hist.* 748. Stramonium spinosum, *Ger. Nux metella*, *Matth. Cast. Acost. Camer.* Nux Methel Avicennæ, *Anguill. Fuchs.* Stramonia, sive pomum spinosum, *Trag.* Stramonium fructu rotundo, deorsum spectante & aspero, *Column.* Datura Turcarum, *Eyst.* Datura pericarpiis erectis ovatis, *Linn. Hort. Cliff.* 55. Stramonium minus, sive Nux Methel, Arabum flore albo, Tatura vel Tatula, Stramonium peregrinum, malum spinosum, Malus Peruviana, Solanum Romanum vel spinosum, Melospinus, Corona regia, solanum foetidum, Hippomanes, *Quorumd.* vulgo *Pomme épineuse*, *Noix metelle*, *Herbe aux Sorciers*, *Herbe de Magiciens*, *Herbe du Diable*, *Herbe a la Taupe*.

E radice crassa, alba, fibrosa, lignosa, annua caulis exsurgit tripedalis, ac quandoque ad humanam usque proceritatem, digiti crassitie, rotundus, cavus, pluribus distinctus ramis, parumper hirsutus, foliis amplissimis, angulosis, acuminatis, Solani folia æmulantibus, nonnihil majoribus, alternatim locatis, ambitu sinuoso, longis, appensis, caudis, mollibus, pinguibus, saturate viridibus, foetore execrando, caputque tentante, flore campaniformi, albo cyathum quodammodo referente, calyce suffulto oblongo, quinidenticulis superne distincto, odoris neutiquam ingrati, quinque staminibus, summitatibus luteis ac planis in centro locatis. Huic fructus succedit, Nucis vulgaris adhuc primo cortice indutæ, magnitudine, semiotundus, brevibus, crassis, vixque aculeatis spinis circum vestitus, sese maturitatis tempore quadrifariam aperiens, ac interne æqualibus membranaceis sepiementis distinctus, in quibus plura semina nigra, nonnihil plana, reniformia, sapore ingrato appenduntur. In hortis colitur planta hæc, quæ quandoque etiam in arvis occurrit pinguibus prope domos, Julio ac Augusto flores præfert, semina autem Autumno maturescunt.

Singularibus profecto Stramonium proprietatibus gaudet, quæ, utinam, aut ignotæ omnino essent, aut eas pravi homines malitiose vafrum in usum non aptarent. Extant enim, jamque a nobis fuerunt recensitæ, aliæ plantæ, quæ huic facile substitui possent, adeoque ejusdem usus, & abusus, in iis præsertim, in quibus noxium deprehenditur, omnino interdicendus esset.

Plurimum continet olei, phlegmatis, salisque essentialis aut volatilis. Folia odore scatent fortissimo, ac foetido, caput lædente, flores, ut innuimus, minus ingrati sunt, soporem nihilo minus hi quoque inducunt, nec non universa planta Narcotica est, ac stupefaciens.

Ejus internus usus absolute interdicendus est, nec clysmatis quidem forma permittendus, prava enim symptomata excitat, vomitus nempe, delirium, lethargum, frigidos sudores, convulsiones, mortemque ipsam, ni prompte occurratur. Speciem hanc veneni, sanguinis massam coagulantis debellare solent Sales volatiles, Theriaca, Orvietanum, vomitoria, fots externi cum Spiritu Vini, aqua Reginæ Hungariæ, spiritu volatili salis Ammoniaci &c. In *Ephemeridibus Germanicis* plures extant observationes, quibus pravæ hujusce plantæ internæ sumptæ qualitates demonstrantur. Præ cæteris D. Grugerus refert, *Decuria III. anno II. pag.* 84. cuidam Primati Nephritico, pulverem seminum Stramonii (sane molesto qui pro quo) pro pulvere seminum Bardanæ propinatum fuisse, qui nonnullarum horarum intervallo, faucium contractione cum suffocationis periculo, vertigine, errore spiritus, ac extasi varia

phantasmata repræsentante correptus fuit. Gargarismate a Medicis ex Ficus, Passulis & Glycyrrhiza præscripto, eoque œsophagi constrictione evanescente, ad sudorem eliciendum, Theriacæ 3 ij. statim propinatae fuerunt, quibus iterum quandoque repetitis, pulverumque absorbentium usu interjecto, brevi dierum spatio æger convaluit, aliquando tamen superveniente vertigine, quæ brevi quoque evanuit. Iisdem in *Ephemeridibus Centuria IX. pag. 206.* in medium adducitur puerulus octo annorum, qui in horto quodam, pomorum Stramonii spinosorum nonnulla semina esitavit, tribusque elapsis horis in delirium incidit risu, cantu, ac gesticulatione continua conjunctum. Theriaca, lacte calido, soluta propinata copiosus apparuit sudor, somnoque xxiv. horarum subsecuto, puerulus sanatus fuit. Acolta, & Garet referunt, a furibus, ac meretricibus seminis prædicti p. 3 s. in liquore aliquo grato iis exhiberi, qui forte in impias earum manus cadunt, ut delirio correptis, impune bona prædari possint. Idem Acolta præterea testatur, Indiæ mulieres ad hocce semen peculiari arte parandum adeo excellere; ut vim habeant proprio nutu homines in mentis errorem inducere.

Quibus exemplis plane constat, quam nocuus sit hujusce plantæ usus internus, & quamvis a nonnullis Medicis quædam ejus præparationes approbentur, iis tamen fidendum non est.

Exerne folia Stramonii Cataplasmatibus forma apponuntur, aut una cum axungia recenti contunduntur, Unguentumque conficitur adversus adustiones, hæmorrhoidesque aptissimum: sic autem temperantem, anodynam, ac resolventem energiam habet. Acetum quoque, in quo, noctis spatio, ejus semina infusa fuerint, mira præstare dicitur adversus exulceratam impetiginem, ac ulcera vaga.

Stramonii folia usurpantur in Balsamo tranquillo, cujus virtus ad omnes dolorum species sedandas, si parti affectæ applicetur, jam notissima est.

S U B E R.

SUBER *Offic.* Suber latifolium perpetuo virens, C. B. P. 424. *Inst. R. H.* 584. Suber latifolium, J. B. 1. 103. *Ger. Park. Raii Hist.* 1393. Phellos, sive Suber, *Dod. Pempt.* 830. Suber latifolia, *Lob. Icon.* 159. Suber, *Lac. Lonic. Cord. Cæsalp.* Suber folio breviori & latiore, *Lugd. Hist.* Suberiferata latifolia ilex glande echinato, Suberella, Suber sylvestre vel agreste, Suber spontaneum, Arbor Corticosa, *Nonnull.* vulgo Liège.

Ei radix est longa, crassa, dura, arboremque progignit mediocris altitudinis, Quercui viridi proximam, caudice tamen crassiori, exiguum ramorum numerum emittente, cortice magis denso, levissimo, spongioso, coloris cinerei ad luteum accedentis, qui sponte finditur, ac ab arbore segregatur, nisi prius avellatur, alio enim subtus enascente depellitur cortice rubri coloris, adeo rutillantis, ut e longe etiam oculos feriat. Folia quoque viridis Quercus folia æmulantur, nonnihil tamen majora sunt, longiora, superne viridiora, ambitu quandoque crenato, ac pungentia. Glandes quoque, earumque receptacula Quercus glandes simulantur, in longum tamen magis extenduntur, obtusiores sunt, saporeque, in Illice constitutis, magis ingrato; calyx quoque major est, magisque hirsutus. Quo magis veterascit eo melior evadit arbor hæc, quæ calidis in regionibus, nostrisque Meridio-

nalibus Provinciis, Provincia nempe, ac Vasconia prope Pyrenæos, maximæ copia in Comitatu Ruscinonensi occurrit.

Regionum incolæ, in quibus Suber reperitur, quum ejus corticem colligere percommode cupiunt, arboris truncum longitudinaliter findunt, corticemque sublatum super arduentes prunas apponunt; postea, ut planitiem acquirat, lapidibus comprimunt, ac mundatum aliunde transmittunt. Suber hoc est, quo ad vasa obturanda, ac in arte Piscatoria, & Nautica diversimode utimur. In quibusdam Hispaniæ regionibus eo domus conteguntur. Optimæ æquales, vix nodosæ, nec rimas agentes, mediocriter compactæ, leves, minus porosæ, fractu faciles, ex eo veluti tabulæ eligendæ sunt. Tempestate autem calida, ac stabili auferri debet cortex; cortex enim inferior primum apparens & adhuc tener facile corrumpi, arborque universa abundantibus supervenientibus pluviis perire posset, quod in regionibus calidis, ac siccis, constanti tempestate, nunquam profecto accidere potest.

Exterior hic cortex proprie Suber, ob ejus levitatem, nuncupatus plurimum continet olei, parumque salis essentialis, adstringit autem, ac detergit, valetque ad hæmorrhagias, ventrisque fluxus sistendos, vel in substantia, pulveris forma, ʒ ss. aut ʒ j. aut in decocto ab ʒ ss. ad ʒ j. pro aqua lb. ij. Suber ustum, ac tenuissimo pulvere redactum, oleoque ovorum aut amygdalarum dulcium permixtum, experimento, a D. Chomelio, pluries repetito feliciter hæmorrhoides temperat, ac imminuit.

Ejus quinetiam glans cum glande Quercus communes virtutes habet adversum colicam ʒ ss. in hausto lactis exhibita.

Hispani Suberi corticem in quibusdam coopertis vasis calcinant, ac in levissimum nigrum pulverem reducant; nuncupatur autem *Nigrum Hispanicum* variisque operibus inservire solet.

℞. Ciner. Suberi q. l. Butyri recentis aut Olei Amygd. dul. f. q. misce pro linimento hæmorrhoidibus hora somni apponendo, ac congruo temporis spatio, repetendo.

℞. Lactis Vaccini lb. j. cui calefacto adde glandis Suberi p. ʒ ss. pro haustu adversus colicam flatulentam.

S Y R I N G A.

SYRINGÆ nomine, arbuscula duo, genere diversa, floris causa exulta, 1. scilicet *Syringa* flore cæruleo, magis sub nomine *Liliac* cognita; 2. *Syringa* flore albo, aut proprie dicta, vulgo *Seringa*.

Liliac, Offic. *Syringa* cærulea, C. B. P. 398. Ger. Raii Hist. 1763. *Syringa* flore cæruleo, sive *Liliac*, J. B. 1. 204. *Liliac*, Matth. 1237. *Liliac* Matthioli, Inst. R. H. 601. *Liliac* Matthioli sive *Syringa* flore cæruleo, Park. Cauda vulpina Turcarum, Bellon. *Ligustrum* Orientale, forte *Jasminum* cæruleum Mauritanum, Cæsalp. *Syringa* cærulea Lusitanica, Lob. *Syringa* Lusitanica, Tabern. *Syringa* Belgis cæruleo flore, Lugd. Hist. Camer. Hort. *Lilach* sive *hambach* Arabum flore cæruleo, *Syringa* Constantinopolitana, *Syringa* azurea, *Syringa* rubra seu purpureo-cærulea, Quorumd. vulgo *le Liliac ordinaire*, ou *la Queue de Renard des Jardins*.

E radice delicatula, lignosa, repenti arbuscula exsurgit, quæ ad mediocris arboris altitudinem perducitur; caudices habet exiles, erectos, ramosos, fat-

tis firmos, cortice tectos cinereo-virescenti, medulla refertos alba, ac fungosa, foliis invicem oppositis, latis, acuminatis, lævibus, mollibus, viridibus, lucescentibus, Vincetoxico, aut Populo nigrae proximis, longis caudis appensis, sapore acriusculo ac amaro. Flores vero habet exiguos, oblongis racemis dispositos, plerumque subrubros, vel rubro-ceruleos, quandoque albos, aut argenteos, odore satis suavi: conflantur autem singuli tubulo vertice expanso, ac plerumque quadrifido, binis brevissimis staminibus apicibus luteis. Iis autem succedunt fructus plani, oblongi, Sarissæ ferrum plerumque immitantes, per maturitatem rubri, in duas cellulas divisi, seminibus repletas minutis, oblongis, planis, utrinque acuminatis, foliolo membranaceo cinctis, & quodammodo cristatis, ac rubris.

Arbuscula hæc propter sui floris elegantiam in hortis colitur, eumque Aprilis promit. Juxta Matthiolum ab urbe Constantinopolitana, & juxta alios ab Indiis Orientalibus nobis advecta fuit.

Liliac, five *Liliach* vox Arabica est: a Nonnullis autem a *Lilio* desumitur, autumaturque sic indigitari, ob figuram floris ad *Lilium* accedentem: *Cauda Vulpina* præterea nuncupatur, ejusdem enim florum racemi, vulpinam caudam mentiuntur; *Syringa* vero a voce Græca *Sirinx*, quæ *tubulum* sonat, crassioribus enim ejus ramis medulla depletis tubuli conficiuntur a Turcis præcipue pro tabacariis syringis usurpati.

Haud magnum apud Medicos usum habet, semen, tamquam adstringens, aut in pulvere, aut in decocto præscribitur.

Syringa, *Offic.* *Syringa alba*, five *Philadelphus Athenæi*, C. B. P. 398. *Inst.* R. H. 617. *Syringa flore albo*, J. B. 1. 203. *Syringa alba*, *Tabern. Ger. Raii Hist.* 1763. *Syringa*, *Dod. Cæsalp.* *Syringa flore albo simplici*, *Park. Frutex coronarius*, *Clus. Hist.* 55. *Syringa vulgo*, *Lugd. Hist.* *Syringa italica seu vulgaris*, *Philadelphus flos*, *Syringa floribus candidis*, vulgo *le Sèringa commun.*

E radice flexibili, repenti, subdivisa, arbuscula progignitur, in longum, latumque sese extendens, cujus stolones, ramique erecti sunt, pluribus nodis articulati, digitum crassitie æquantes, cortice tecti cinereo, medulla fungosa ac alba repleti. Folia oblonga sunt lata, acuta, venosa, nonnihil rugosa, ambitu crenato, Pyri foliis fere similia, rudiora tamen, invicem opposita, sapore amaro, atque acri. Flores brevis spicæ in modum, summis virgultis, ramisque enascuntur, constant autem quatuor petalis acuminatis, rosaceis, albis, gratiose ac penetranter olentibus, adinstar florum Aurantiorum, & Citreorum. Exigui fructus hisce floribus præsto sunt, primum sub-virides, dein per maturitatem nigricantes, ovales, utrinque acuminati, calyci firmiter adhærentes, in quatuor cellulas discriminati, seminibus refertas minutis, ac oblongis. Arbuscula hæc in hortis colitur, Majo, Junioque floret, Autumno, ac Septembri semen maturitatem acquirit. Ejus origo ab omnibus prætermittitur. Nullatenus delicatula est, ubique facile subsistit, quemadmodum, & *Liliac*, tam in regionibus frigidis, quam in calidis, ac non semine modo, verum etiam taleis multiplicatur. Radices quoque plurimis scatent turionibus; *Syringa* hæc quoque duplici quandoque flore variare solet.

Syringa autem nuncupatur, eo quod ejus ramis medulla destitutis, tubuli aut *Syringæ* uti ex ramis *Liliac* commode confici possint. Cognominatur

deinde *Philadelphus* ejus flos, idemque sonat, ac *bonus frater*, eique juxta *Jonstonum* post *J. Bauhinum* denominatio hæc satis convenit, ejus enim rami una connectuntur, ac ita simul amplectuntur, ut *Syringa* apta nata sit ad vivas sepes, circum hortos, contra latronum, animaliumque incurfiones, comparandas.

Boerhaavius in historia Plantarum Horti Lugduni-Batavi, nullas Medicas in *Syringa* proprietates invenire, asserit, nihilo minus nos edocet *Jonstonus in Dedographia*, *Austriæ Matronas* suas chirotecas ejus floribus asperfas servare, ut suavem odorem exhalent, ac ex iisdem floribus, odorem aquam elicere.

T A M A R I S C U S.

DUæ extant *TAMARISCI* species in usum Medicum venientes, *Tamariscus* scilicet *Germanica*, & *Tamariscus Narbonensis*.

Tamariscus Germanica, *Offic. Lob. Icon. 218. Inst. R. H. 661. Ger. Tamarix fruticosa folio crassiore*, sive *Germanica*, *C. B. P. 485. Tamarix Germanica sive minor, fruticosa, J. B. 1. 351. Tamariscus folio latiore, Park. Raii Hist. 1705. Myrica, Trag. 955. Myrica sylvestris altera, Clus. Hist. 40. Tamarix humilis, Cord. Hist. Myrica humilis, Tab. Myrica, sive Tamariscus altera, Camer. Hort. Tamarix secunda vulgaris, Matth. Myricæ species altera, Myrica Pannonica, Myrica Fuchsii Tamarix sylvestris, Tamariscus foemina, Quorumd. vulgo le Tamarisc d'Allemagne.*

Radix pene cruris crassitiem habet, tunicaque fulcitur satis densa, & amarissima, magnum fragilium caulium effert numerum, qui pluribus ramis divisi sub-rubro cortice conteguntur, innumera emittunt folia *Ericæ* vulgari similia, *Tamarisci Narbonensis* majora, dilute-viridia, sapore adstringenti. Summis caulibus, ramisque, spicæ in morem, flores locantur, quinque conflati petalis ovalibus, albo-purpureis, totidem staminibus, apicibus rotundis, ac lutescentibus. Hisce exigui succedunt oblongi fructus acuminati, triangulares, plura semina concludentes minuta ac cristata. In *Hungariæ* regno, in agro *Transburgi*, *Laudavii*, ac *Genevæ*, alibique juxta excurrentes aquas, aut paludes, in locis humidis, saxosisque crescit arbuscula hæc, Majo, Junioque flores effert, quos una cum seminibus per totam *Æstatem* neutiquam dimittit, difficile nisi secus aquas in hortis coli potest, frigoris injurias suffert, nunquam tamen ad arboris proceritatem exsurgit.

Tamariscus, sive *Tamarix*, *Offic. Tamarix altera folio tenuiore, sive Gallica, C. B. P. 485. Tamarix major, sive arborea, Narbonensis, J. B. 1. 350. Raii Hist. 1704. Tamariscus Narbonensis, Lob. Icon. 318. Inst. R. H. 661. Ger. Tamariscus folio tenuiore, Park. Myrica, sive Tamarix Gallica & prima, Matth. Camer. Hort. Myrica sylvestris prima, Clus. Hist. Myrica, Casalp. Dod. Tamarix Narbonensis, Lugd. Hist. Tamarix Gallica aut Hispanica, Tamaricis sylvestre genus *Italiæ* notissimum, *Myrica* circa *Monspelim* crescens sive vulgatissima, Quorumd. vulgo le Tamarisc de Narbonne, ou commun.*

E radice crassa, lignosa, multifariam divisa, unus aut plures emergunt caudices plerumque arbutæ, aut dumi in morem, ac quandoque arborem satis proceram efformantes, adinstar *Mali Cotonæ*, cortice rudi externe cinereo, interne subrubro, ligno albo. Folia exigua sunt longa ac rotunda

ad Cupressi, aut Ericæ vulgaris folia accedentia, dilute-viridia. Flores summo caudice, ramisque enascuntur, oblongis pendunculis, racematim dispositi, exigui, albo-purpurei, quinquepetali, in capsulas tandem, aut acuminatos fructus, abeuntes, pluribus refertos seminibus minutis, ac cristatis, ut in Salice, ac Populo. In regionibus præsertim calidis arbor hæc occurrit, in Italia nempe, Hispania, Occitania, & alibi, secus fluvia, aliaque humida loca, quandoque etiam ab aquis longinqua; tribus per annum vicibus plerumque flores progignit, Vere, Æstate, & Autumno, Hyeme vero foliis exoneratur, novis Vere in eorum locum succedentibus, solo delectatur humido, ac nigro; quum vero altius radices emisserit haudquaquam frigore, dummodo non excedat, læditur; magis tamen calorem amat, taleis, aut turnionibus multiplicatur. Lignum, radix, cortex, ac folia præcipue in usum Medicum revocantur.

Binis Tamarisci speciebus usque adhuc recensitis indiscriminatim utimur, omnesque earum partes plurimo sale, ac oleo scatent, a jure tamquam aperientes, ac idoneæ reputantur ad Lienis, Hepatis, ac Mesenterii obstructions referandas, & ad tartareos ac melancholicos humores attenuandos. Ligni ac radicis cortices in apozematibus, ptisanis, jusculisque aperientibus ʒj. pro singulis liquoris lb. ij. ad tertiæ partis diminutionem præsertim usurpantur. Hujusce præterea corticis Extractum Vino albo aut Sp. Vini elicited potenter aperit a ʒj. ad ʒij. Sal vero fixum calcinationis ope eductum, familiarissimum in jusculis usum habet a gr. xij. ad gr. xx. pro unaquaque dosi. De Tamarisci facultate, Lienem consumendi, plurimas fabulas veteres Medici venditarunt. Qua de causa a Dioscoride foliorum decoctio præscribebatur, a Plinio autem succus cum Vino permixtus; experientia autem compertum est, vim prædictam in Tamarisco neutiquam adesse, valere tamen sale proprio incidenti ad sanguinem condensatum in Liene stabulantem, viscerisque hujus inflationem, ac obstructionem quandoque progignentem, attenuandum, magisque fluidum efficiendum. Ejus quinetiam ligno pocula, cadique conficiuntur, a quibus aquæ aut vino contento incidendi vis communicari dicitur, eorumque usu Splenetici, ac Hypochondriaci solantur. Matthiolus, & Amatus Lusitanus asserunt, corticis, aut ligni Tamarisci decoctionem excellere adversus omnes cutaneos morbos, pruriginem scilicet, impetiginem, scabiem, ac lepram usque, salinas ferositates prædictis vitiis pabulum ministrantes abunde expellendo. Idem quoque lignum in morbis Veneris Guajaco, optimo quidem successu, substituitur.

Ejus cortex cum Capparis cortice tusus, Cataplasmatibus forma Lienis duro applicatur. A Tinctoriis autem ejusdem fructus usurpantur pro Gallis ad nigrum eliciendum.

Cortex, radices & folia Tamarisci in oleo Capparum *Pharmac. Paris.* adhibentur

℞. Rad. Graminis, Asparagi, Eringii vulgaris ana ʒj. Corticis Tamarisci ʒβ. Coque in aquæ lb. iij. ad ij. Adde Nitri depurati ʒj. Fiat colatura pro ptisana aperiente in Hydrope, imique ventris viscerum obstructione.

℞. Extracti Cichorii sylvestr. Fumaricæ, & Rhabarbari ana ʒβ. Extracti Colocynthis gr. vj. Extracti Cucumis sylvestris ʒj. Croci Martis aperientis, ʒβ. Sennæ & Mercurii dulcis p. ana. ʒij. Jalapæ ac Diagridii p. ana.

ana. ℥ jv. Salis Absinthii, & Tamarisci ana. ℥ j. Croci Orientalis ℥ β. Macis gr. xij. M. f. Opiata cum f. q. Oxymellis simplicis, mane, jejuno stomacho a ℥ j. β. ad ℥ ij. exhibenda, una cum jusculo aperienti, aut cum cyatho ptisanæ superius modo descriptæ in Lienis, Hepatis, ac Mesenterii obstructionibus.

T A N A C E T U M.

Plurimæ TANACETI species distinguuntur, inter quas binas sequentes Officinales tantummodo describemus.

Tanacetum, Offic. Tanacetum vulgare luteum, C. B. P. 132. *Inst. R. H.* 461. Tanacetum vulgare flore luteo, J. B. 3. 131. Tanacetum Millefolii foliis, *Lob. icon.* 749. Tanacetum, *Matth. Dod. Cæsalp. Ger. Brunf. Gesn. Hort. Lonic. Cast. Turn. Raii Hist.* 365. Tanacetum vulgare, *Trag. Park. Eyst. Artemisia tenuifolia, Fuchsf. Athanasia vulgaris, Lac. Athanasia seu Tanacetum, Lugd. Hist.* 955. Artemisia Dioscoridis, *Tabern. icon.* 10. Tanacetum foliis pinnatis, pinnis pinnatifidis incisissimis serratis, *Linn. Hort. Cliff.* 398. Tanacetum majus, Tanacetum citrinum, Artemisia Letophyllos & monoclonos, Herba immortalis, Herba Mariæ, Parthenium mas, Parthenium microphyllon Hippocratis, *Nonnull. vulgo la Tanaisie ordinaire, l'Herbe aux Vers.*

Radice est longa, lignosa, pluribus fibris discriminata hinc, atque illinc reptantibus, vivaci, caulibus ad duorum vel trium pedum altitudinem, rotundis, striatis, nonnihil villosis, ac medullosis, foliis magnis, longis, alatis, incisissimis, incisionibus pari ordine quodammodo dispositis, ambitu denticulato, e viridi lutescentibus, odore penetranti, sapore amaro, floribus, summis caulibus, magnis fasciculis rotundis, umbellæ in morem locatis, enascentibus, qui scilicet pluribus expansis flosculis conflantur, vertice crenato, aurei sunt, lucentes, raro albi, squammoso calyce suffulti. Semina minuta, plerumque oblonga, maturescendo nigricantia, prædictis succedunt. Ubique fere occurrit planta hæc secus vias ac prata, in arvis, ad fossarum margines, locisque humidis; Julio autem, & Augusto flores ostendit. Quandoque quædam Tanaceti species reperitur foliis minutissime incisissimis, ac quodammodo cincinnatis, vocaturque *Tanacetum Anglicum*; a Casparo Bauhino ex eo species diversa constituitur sub nomine *Tanaceti crispi*, nihil vero aliud est, nisi præcedentis species in hortis sata. Foliis quoque planta eadem variare solet, hinc *Tanacetum versicolor* Parkinsoni, a quo varietas alia albo, ac viridi distincta colore instituitur.

Tanacetum acre, amarum, & aromaticum est, nec rubro colore chartam cæruleam afficere solet, sale scatet volatili-aromatico-oleoso, plurimo sulphure, saturato, Analyseos enim Chymicæ ope ex eo plurimum olei, ac terræ, nihilque derivat salis volatilis concreti. Tamquam stomachale, febrifugum, sudorificum, antihelminthicum, ac deobstruens, tam interne, quam externe usurpatur. Casalpinus asserit, foliorum decoctione ex Vino, menses cieri, ac ℥ ij. eorundem foliorum succi cum Aquæ Plantaginis ℥ jv. propinatis, intermittentes febres sanari. Hic idem succus ℥ iij. aut jv. utiliter præscribitur in Cakexia, Chlorosi, ac Hydrope; deque morbo, postremo loco enunciato, singularis occurrit observatio in *Ephemeridibus Germanicis*, decuria 2. anno 2. qua D. Peyerus narrat, militem quemdam Monspellii com-

morant-

morantem Hydrope affectum, post plura remedia incassum usurpata, quum Absinthii decoctionem in usum revocare cuperet, deceptum, loco Absinthii, Tanacetum sumpsisse, tribusque horis post bina pocula primum sumpta, adeo magnam urinæ copiam excrevisse, ut inflatio statim evanuerit, ac omnino sanatum deinde fuisse, eodem remedio, convenienti temporis spatio. In infimi ventris morbis, malignisque febribus verminosis summitatum Tanaceti Man. ij. recipiuntur, folia, scilicet, flores ac semina; ℞ iij. ebullientis aquæ affunduntur, cooperto vase omnia relinquendo, magnis deinde calidis cyathis infusum ægris propinatur, quo sane haustu, urinæ viæ optime mundantur, sanguis depuratur, obstructions referantur, vermesque enecantur. Aqua pariter stillatitia ejusdem plantæ semper in Officinis prostant in usum revocari potest ab ℥ ij. ad ℥ jv. in potionibus vermifugis. Conserva autem florum Tanaceti adversum Epilepsiam, ac Vertiginem ab ℥ ss. ad ℥ j. plurimum commendatur. In quibusdam septentrionalibus regionibus, tempore Paschatis, placentæ conficiuntur, in quibus foliorum ejusdem plantæ recentium succus admiscetur; placentæ prædictæ saporem habent gratissimum, stomachum roborant, ac flatus a Quadragesimalibus alimentis plerumque inductos discutiunt. Tanaceti semen, semini Sancto substitui potest, quamvis autem optimum sit, non adeo tamen excellit, parem enim odorem, ac amaritiem, in quibus vis vermifuga consistit, neutiquam habet.

Quoad externum ejusdem usum ab Hercule Saxonia cum successu ejus succus præscribebatur adversum manuum perniones; adversum impetiginem quoque ac porriginem commendatur. Contra vero rheumaticas affectiones Tanaceti summitates post nonnullorum dierum in Sp. Vini macerationem distillandæ sunt; spiritus autem postea elicited, penetrans admodum est, eo-que sæpius partes morbo affectæ illiniuntur, linteis calidis cooperiuntur, ac duo aut tria de die ejusdem cochlearia ægris exhibentur. Universæ præterea plantæ decoctio cum Vini fæce, ac Sambuci succo permixta excellit ad Hydropicorum crura fovenda.

Tanacetum quoque utile deprehenditur in distorsionibus, obliuionibusque; ejus folia tusa butyro recenti sociata, Cataplasmatibus forma, iis applicantur: demum ejusdem foliorum, ac summitatum Cataplasma umbilico appositum excellit adversum vermes, præsertim si cum eo Bovinum fel conjugatur.

Si autem circum lectulos, ac inter culcitra apponatur, pulices, ac cimices depellendi vim habere, Parisiis creditur.

Plantæ ejusdem folia in aqua Generali, flores in pulvere Vermifugo & Orvietano, *Pharm. Paris.* usurpantur.

℞. Summitatum Tanaceti ℥ ij. Æthiopis mineralis ℥ j. ss. Corallinæ & Rhabbarbari ana. ℥ j. F. P. ac M. cum q. s. Syrupi de Absinthio pro Opiata vermifuga, cujus dosis a ℥ j. ad ℥ ij. nebula excepta, purgationem sequentem quarta quaque die præscribendo.

℞. Mercurii dulcis, Rhabbarbari, & pulv. Cornach. ana. gr. xv. M. cum q. s. Syrupi Flor. Persicor. pro bolo purgante, cujus dosis juxta ætatem diversitatem comminuetur.

℞. Fol. Flor. ac Sem. Tanaceti Man. ij. Superaffunde aquæ ebullientis ℞ iij. Frigefactis, fiat colatura, magnisque cyathis tepida ingurgitetur in Cæxixia, Ictero, Hydrope, ac Renum, & infimi Ventris infarctibus.

℞. Summit. floridar. Tanaceti q. l. Infundantur in lagena vitrea Sp. Vini adin-

adimplenda, adeo ut saltem duobus digitis spiritus supernatet, Mensis spatio, omnia infusa relinquantur, vase probe cooperto. Postea infusum hocce usurpetur in Rheumaticis affectionibus partes dolentes eo fovendo, linteoloque quadruplicato, eoque madido superapposito, quod convenienti temporis spatio repetetur.

℞. Fol. ac Summit. Tanaceti Man. j. Fellis Bovini ℥ ij. Unguenti Althææ ℥ j. M. pro Cataplasmate vermifugo, umbillico apponendo.

Costus hortorum, *Offic.* Mentha hortensis corymbifera, C. B. P. 226. Mentha corymbifera, sive Costus hortensis, J. B. 3. 144. Balsamina major. *Dod. Pempt.* 295. Menta Græca, *Camer. Epit.* 480. Tanacetum hortense flore, & odore Mentha, *L. Bat. App. Inst.* R. H. 461. Costus hortorum dictus, seu Balsamita mas, *Raii Hist.* 363. Costus hortorum major, *Park.* Balsamina mas, *Ger.* Herba Sanctæ Mariæ vulgo, *Cæsalp.* 483. Alisma Germanorum, *Trag.* 163. Mentha Romana, *Lac.* Mentha Saracenica, *Cord. Hist.* Balsamita, *Brunf.* Ovaria, *Gesn. Hort.* Mentha lasiulata Hetruscis, Salvia Romana, Costus herba, Pseudo-Costus, Balsamum hortorum, Costus vulgaris, Menthæ folio, Mentha Sacerdotalis, Coquus hortulanus, Herba divæ Mariæ, *Nonnull.* vulgo *la Menthe-Coq*, *la Menthe notre-Dame*, *le gran Baume*, *le Pastè*.

Radicem habet Menthæ simillimam, obliquam, rotundam, pluribus fibris stipatam, caules fere bipedales, striatos, hirsutos, ramosos, pallidos, foliis oblongis, Lepidii maj. foliis, æqualibus, ambitu crenato, ejusdem cum caule coloris, raro incis, odoris penetrantis ac grati, saporis amari & aromatici, floribus uti in Tanaceto fasciculatim enascentibus in caulium ac ramorum vertice, pluribus, una simul globulaliter conjunctis, & aureis. Hi tandem in semina abeunt minuta, neutiquam cristata, oblonga, plana in floris calycis basi conclusa. In omnibus fere hortis occurrit planta hæc, de ejus enim cultura plures delectantur, ac facile multiplicatur; Æstate fere exeunte flores propellit, ac toto plerumque Autumno detinet.

Analyfi Chymica Costus hortorum plurimum olei exaltati, salisque ministrat. Ad cerebrum, nervosque roborandos aptus recensetur, nec non ad menses ciendos, vermesque enecandos, Absinthii in modum usurpatur, ac ex eo pariter extractum, conserva, aqua stillatitia, ac infusione oleum paratur; postrema autem præparatio maximum Lutetiæ Parisiorum adversus omnes vulnerum ac contusionum species usum habet, ac *huile de Baume* nuncupatur. Tam simplex, quam compositum parari potest, simplex vero conficitur infundendo in crassioribus lagenis, aut hydriis folia ejusdem plantæ, aut ejus summitates in optimo Olivar. oleo, vasque mensis fere spatio per Æstatem radiis Solaribus exponendo; compositum autem varimode a variis paratur. Sequens ratio optima quidem videtur.

℞. Olei Olivar. ℔ x. Infunde in magno vase e filice ad medietatem usque repleto, Superaffunde Costi hortorum, Salviæ min. ac maj. Hyperici, Nicotianæ foliis viridibus, Bugulæ, Saniculæ, Betonicæ, Chamomillæ, Artemisiæ ac Rosar. Provincialium ana. Man. j. Omnia minutim dissecantur, ac caulibus costisque duris mudentur, antequam autem Oleo admisceantur optimo Vino rubro irrorentur; postea adde Aristolochiæ tussæ ℔ quadrantem, Vas Junio exeunte ad medietatem usque Augusti Soli expositum relinquatur, herbas quotidie commiscendo; ebulliat deinde oleum in lebetes horæ fere spatio, usque dum saturate virescat, her-

herbæque decoctæ omnino sint, eas baculo, ne comburantur, commiscendo. Linteolo novo omnia deinde exprimantur fortiter, ut herbarum succus eliciatur, in altero deinde lebetæ mundato oleum reponendo, adde deinde optimi Vini rubri cyathum j. Mastich. & Olibani p. ana 3 ij. Coque denuo per horæ dimidium, baculo oleum agitando, deinde auferatur, vascæque idoneo pro usu servetur.

Commode Tanaceto planta hæc substitui potest. Parkinsonus puerulis, lumbricis, vexatis Vini 3 ij. exhibebat, in quo ejusdem folia ac semina infusa fuerint. Vi autem ejus balsamaca, *Balsamitæ* nomine indigitatur.

Quandoque farinaceæ massæ subactæ ad gratiam admiscebatur, hinc Gallice vulgo *Pastè* nuncupatur: hisce vero temporibus, in quibus, sensoriiis nostris depravatis, alliciendis, ne exotici quidem pulveres sufficere videntur, penitus mos hic obsolevit. In Italicis vero regionibus acetariis, ovorumque intritis sociatur.

Planta in Unguento *Martiato* Nicolai Alexandrini usurpatur.

Rx. Flor. Absinthii recentium, Costi hortensis, Marrubii albi, & Tanacetiana. Man. ij. Ex iis incisis, ac tritis succus torculari eliciatur; postea lento igni apponatur ad fœces abigendas: succus deinde optime depuratur, ac ad Mellis densi, aut Extracti consistentiam evaporatur; præscribitur autem 3 ss. in parvo Vini cyatho, mane, jejuno ventriculo, adversum glareas, & viscositates stomachi, & contra vermes.

T A X U S.

TAxus, Offic. C. B. P. 505. J. B. I. 241. Dod. Pempt. 859. Inst. R. H. 589. Raii Hist. 1416. Ger. Park. Matth. Anguill. Gesn. Hort. Lac. Turn. Lon. Lob. Thal. Port. Lugd. Hist. Linn. Hort. Cliff. 464. Milax arbor, Cord. in Dioscor. Taxus vulgo Nassus flosculos amentaceos ferens, Cæsalp. 134. Smilax arbor, Camer. Smilax Dioscoridis, Milas Theophrasti, Arbor mortis, *Quorumd.* vulgo *Yf ou If*.

Radice est crassa, dura, profunda, quæ truncum erectum emittit, arbo-rem constituentem semper virentem, Abieti piceæ persimilem, ligno durissimo, sub-rubro, venoso, incorruptibili, ad bacula, mensas, pateras, aliasque plures suppellectiles conficiendas apto; folia vero, Abietis foliis æqualia, minus tamen erecta, & magis acuta, in pectinis dentium morem distributa, superne lucescentia, atro-viridia, sapore amariuscule; flores exiguis constantes fasciculis, dilute-viridies, ac nonnullis apicibus subtilissimo confertis pulvere, fungi more incisos, quatuor aut quinque denticulis iterum incisos, nullum post se relinquentes semen. Fructus vero eadem in planta segregati progignuntur, baccisque mollibus, succo refertis, cavis, antica in facie crotalum mentientibus, læte purpureis, ovale semen occludentibus, Piperis grano exilius, tunica satis dura obductum, atrum, medulla saporis gratissimi. Montanis, saxosis, præruptisque in locis, in regionibus calidis, Italia nempe, Provincia, & Occitania crescit arbor prædicta, frequenter etiam frigidis in plagis occurrit, in Anglia scilicet, ac Helvetia, & alibi, in montibus, sylvisque umbrosis; flores Vere propellit, baccae vero haudquaquam ingratae, insipidae, & amariuscule Autumno maturescunt. Una tantum Taxi species nota est, a Nonnullis tamen variare dicitur foliis variegatis. In Cæ-

meteriis a veteribus locabatur, ejusque perpetuum virorem, tamquam immortalitatis symbolum respicientes, ad eam tandem generali resurrectione, sepulta corpora pervenire posse, confidebant. Caplæ apud ipsos veteres magis in pretio habitæ e Taxus ligno conficiebantur, nostrisque etiam diebus plurimum a nostris lignariis fabris, ac tornatoribus existimatur. Evelynus vero asserit, lignum hocce præstare ad dentes pro rotis frumentariis, ad plaustrorum axes, & ad musicalia quoque instrumenta paranda. Eo præterea Germani hypocaustra sua exornant. Taxus aut vivi-radice, aut semine propagatur, melius tamen semine, quamvis ad annum, & ultra e solo non elongetur; juxta Gesneri sententiam facillime expanditur, si exilis adhuc transferatur, & ad seculum, & ultra perdurat. Ad magnam proceritatem Taxum excrecere, haudquaquam permittimus, nisi magnis in viis, prætisque, ad pyramides enim tripedales, aut quadripedales in hortensibus areis majoris ornatus causa reduci debet.

Quamvis Taxus agri Parisiensis vulgatissimus incola, nullis usque adhuc notis, Medicis facultatibus excellat, verba tamen de eo facere, idoneum reputavimus, ut de ejus venefica vi, falsa opinio destruat, qua, non ejus foliis, ac fructibus tantum comestis, venenum inferri dicitur, verum etiam si forte sub umbrosis ejusdem ramis somnus capiatur. A Dioscoride, Galeno, ac Plinio, universa Antiquorum pedissequa schola, inter venena rescribitur. Julius Cæsar in sexto Commentariorum libro narrat, Cativulcum Eburo-niensium Regem, Taxus succo, venenum sumpsisse. Matthiolus vero, & Jo. Bauhinus pravas prædictas qualitates experimentis confirmant. P. Scottus & S. J. asserit, Taxus in stagnantem aquam immissum, stupefacientem vim acquirere, vimque hanc narcoticam in brutis quoque exerere Jo. Bauhinus observavit, quæ qualitas ex eo etiam firmari videtur, quod a Rajo de Taxo valde umbroso, in horto Pisano exculto refertur, ad quem tondendum, quum hortulani accederent, ultra horæ dimidium ad hocce opus perficiendum, absque violento dolore capitis perdurare neutiquam poterant. Quibus omnibus perpensis, satis evinci videtur, Taxum inter venena locum habere, fere nihil enim in re Medica pendet Svetonii testimonium, quo asseritur, succum fructuum ejusdem arboris, Viperarum morsui antidotum esse, tamen si Lobellium quoque, Camerarium, aliosque plurimos Medicos, ac præ omnibus experientiam ipsam audiamus, statim apparebit, nullum ex hac arbore periculum imminere posse. Primus enim testatur, puerulos Anglos fructibus Taxus quotidie vesci, absque ullo metu, eosdemque pro alimento porcis ministrari. Gerardus vero præclarus Botanicus Anglus ait, pluries, simul cum aliis pluribus, fructus hosce absque ulla turbatione comedisse, pluriesque, absque ullo capitis, aut alio morbo ad ejusdem arboris umbram obdormivisse: præterea, ne alienis utamur experimentis, nos ipsi pluries puerulos vidimus in Horto Regio Parisiensi, Taxus baccas innoxie esitare, quibus sane ocularibus etiam experimentis statuimus, Taxum nulla ex se venefica facultate scatere, ac si forte aliis in regionibus periculo non caret, climati potius prava qualitas tribuenda sit. Idem quoque est Raii placitum juxta Dioscoridis observationem, a quo Rajo edocemur, Taxum in Italia, ac Gallia Narbonensi enascentem veneficum esse, non vero aliis in regionibus excultum. Eandem diversitatem nonnullis in plantis quoque superius descriptis observavimus, ac in Napello præcipue, quibusdam in re-

in regionibus infensissimo, in aliis vero nequaquam. Quare exoptandum est, ut in iis præsertim locis, in quibus nulla venefica vis suspicatur, Physici de eo experimenta instituunt, tuto enim id fieri potest, maximamque veritati viam explanasse credimus, si percæpta de Taxo præjudicia omnino a nobis fuerint dissipata.

T E R T I A N A R I A .

TERTIANARIA, Offic. *Lyfimachia cærulea galericulata*, vel *Gratiola cærulea*, C. B. P. 246. *Raii Hist.* 572. *Tertianaria*, aliis *Lyfimachia galericulata*, J. B. 3. 435. *Cassida palustris vulgatio*, flore cæruleo, *Inst. R.* H. 182. *Lyfimachia galericulata*, *Leb. Icon.* 344. *Ger. Lyfimachia cærulea*, sive *latifolia major*, *Park. Herba Judaica altera*, *Dod. Lugd. Hist.* *Tertianaria*, *Tabern. Scutellaria*, foliis cordato-lanceolatis, crenatis, *Linn. Hort. Cliff.* 316. *Lyfimachia galericulata cæruleo-purpurea*, *Terfolla*, seu *Terzolla*, *Cassida cærulea major*, *Nonnull.* vulgo *herbe aux fievres tierces*, *Centaurée bleue*.

Radice est gracili, nodosa, alba, repenti, fibrosa, vivaci, quæ caules ad pedis cum dimidio, aut duorum pedum altitudinem producit, quadratos, satis rudes, glabros, ramosos, debiles, solum versus propendentes, in quo denuo intermediis fibris ex eorum nodis discedentibus implantantur. Folia vero habet longa, angusta, acuta, denticulata, brevibus appensa caudis, rudia, atro-viridia; sapore amaro. Ex foliorum alis flores prodeunt invicem oppositi, exigui, labiati, vertice bifariam diviso, quorum labium superius galerum binis auriculis sociatum efformat, inferius vero plerumque cavum est, externe villosi sunt, ac violaceo-cærulei, exiguis referti punctis saturate-cæruleis: abeunt tandem in quatuor semina semiotunda, capsula, conciusa, quondam floris calycem constituyente, caputque mentiente, pileolo contentum. In paludibus, secus aquas stagnantes, fossas, rivulosque, aliisque in locis humidis crescit planta hæc, Junio, Julio, ac Augusto floribus vestitur, hortulanorumque odium meretur, si forte in hortis irreperit, ob suum reptandi morem, vix enim destrui potest; flore albo quandoque variare solet.

Tertianaria odorem habet satis gratum, plurimumque olei, salisque essentialis Analyfi Chymica elargitur, ac tamquam febrifuga, ac vulnerario-adstringens reputatur. Sic autem de facto vocatur, ob febres tertianas sanandi facultatem; vix tamen familiarem in re Medica usum habet. *China China* enim detecta (quæ certe præ omnibus aliis plantis ad intermittentes febres expellendas prælationem meretur) cæteræ omnes febrifuga vi præditæ pene oblitæ sunt: quum tamen quædam febrium species *China China* virtuti reluctantes existant, aliarumque plantarum ope profugentur; perutile ideo recensetur ea quæ Peruviano cortici substituenda sint probe pernoscere; hæc inter vero *Tertianaria* enumeratur. Decoctionis forma Man. j. pro singulis aquæ lb. ij. ad tertiæ partis diminutionem, perque cyathos tepide præscribitur. Camerarius vero decoctionem prædictam in angina optimam deprædicat, sanguinisque massam depurare asserit.

T E T R A G O N I A.

EVonyms , *Offic.* Evonymus vulgaris granis rubentibus , C. B. P. 428. *Inst.* R. H. 617. Evonymus multis, aliis TETRAGONIA, J. B. I. 201. Evonymus , *Dod. Pempt.* 783. Evonymus vulgaris , *Park. Raii Hist.* 1621. Evonymus Theophrasti , *Ger.* Tetragonia Theophrasti , *Lugd. Hist.* 272. Fusanus , *Crescent.* Anonymus , filiis Evonimus , *Cord. Hist.* Evonymos Græcorum , *Clus. Hist.* Evonymus foliis oblongo-ovatis , *Linn. Hort. Cliff.* 38. Quadratoria , *Gaz.* Evonymos, sive Anonymos , Fusanus, Fusanum, Fusago, Fusaria vel Fusoria, Pileus sacerdotis, *Quorumd.* vulgo *Fusain*, *Bonnet de Pretre*, bois à faire des Lardoires.

Radice nititur longa , forti, lignosa , arbusculam emittente ad quatuor , aut quinque cubitos, & ultra, ramosam, ligno satis duro , fractu tamen facili, luteo, ad albedinem accedente, viridi cortice , ramusculis adhuc teneris, ac viridibus, quadrangularibus apparentibus , ob quasdam eorum corticis eminentias; foliis oblongis acutis , crenatis , molliusculis ; floribus exiguis, pallidis, aut herbaceis, constantibus, quatuor petalis ovalibus, ac rotundiformibus in conjunctione, qua rosulæ in centro quadrifidi calycis, locatæ adherescunt . Deciduis floribus rosula hæc in fructum abit membrana-ceum , quadrilatetum , rubrum , raro album , quatuor conflatum capsulis , quarum unaquæque semen occludit ovale, solidum , externe croceum, medulla alba refertum , adinstar seminis Cannabis , sapore amaro , ac ingrato. Arbuscula hæc, forti, ac molesto odore scatet, fere ubique crescit in se-pibus, sylvulis, nemoribus, in rudibus , incultisque locis ; Majo flores pro-fert, ac Semptembri, & Octobri fructus ad maturitatem perducuntur : tunc autem fructus prædicti, quum præcipue perfecte maturi sunt , juxta J. Bauhinum, aspectum elegantissimum habent.

Folia ejus, fructusque Analyti Chymica plurimum olei , salisque essentialis ac fixi largiuntur, experientia autem comprobari dicitur, tres, aut quatuor ex hisce fructibus non minus per superiora , quam per inferiora evacuandi vim habere. A rusticis vero pulverantur, iisque infantum caput inspergitur de pediculos enecandos , aut eorundem fructuum decoctione capilli abster-guuntur. Tinctoria in arte usurpantur, tresque colores suppeditant, luteum, nempe viridem, ac rubrum , pro primo eliciendo , semina adhuc viridia pauco Alumine fociata decoquuntur , quæ præterea in lixivio ebullita , fla-vo colore capillos inficere solent.

Matthiolus post Theophrastum asserit , Tetragoniam Brutis nauseam con-ciliare , & Ruelius memoriæ prodidit, oves , & capras ab ea cavere : Clu-sius e contra scribit , in Austria observasse, capras ea plurimum delectari, ac ab iis folia tuto devorari, quod inverisimile nobis videtur , ingrati odoris, visque hujusce arbusculæ purgantis causa.

Ex ligno denique fusa, dentiscalpia, lardaria verucula, aliaque instrumen-ta quamplurima, & pulvis pyrius parari solet.

T H A L I C T R U M.

THALICTRUM seu Thaliectrum, *Offic.* Thaliectrum majus filiqua angulosa aut striata, C. B. P. 336. *Inst.* R. H. 270. Thaliectrum nigrius, caule, & semine striato, J. B. 3. 486. Thaliectrum magnum, *Dod. Pempt.* 58. Thaliectrum sive Tاليةctrum majus, *Ger. Raii Hist.* 403. Thaliectrum majus vulgare, *Park.* Ruta pratensis, *Gensf. Hort.* Ruta pratensis Herbariorum, *Lob. Icon.* 56. Thaliectrum nigrum, *Thal.* Ruta sylvestris, *Cæsalp.* Thaliectrum verum, *Cord. in Dioscor.* Thaliectrum secundum sive latifolium Germanicum, *Camer.* Thaliectrum pratense elatius, longioribus & magis atris foliis & quodammodo splendentibus, *Clus. Hist.* Thaliectrum caule folioso sulcato, panicula multiplici erecta. *Lin. Hort. Cliff.* 226. Thaliectrum luteum, saxifraga lutea, Barba Caprina minor, saxifraga pratensis, Ruta foetida sive lutea, Ruta pratensis major & vulgatior, Rhabarbarum Spurium sive adulterinum, Pseudo-Rhabarbarum, Piganum, Peganum, vel Peganon pratense majus, *Nonnull.* vulgo *Thalitron commun*, *Rue des Prez.*

Radicem habet subflavam, fibrosam, repentem, amaram & ingratham. Caules ad humanam staturam propellit erectos, striatos, ramosos, interne cavos, plerumque subrubros, ac quandoque sub-virides, foliis amplis, satis latis subdivisionibus, e viridi lucescentibus. In caulium, ramorumque vertice flores locantur exigui, quatuor constantes petalis rosaceis, staminum herbaceorum congerie in centro posita, calyce destituti, facileque decidui, abeuntes tandem in capsulas triangulares, semen occludentes oblongum, flavum, striatum, minutissimum, amarum. In pratis, aliisque humidis paludosisque locis ac secus rivulos occurrit.

Plurimum olei, salisque essentialis ex eo elicitur, vulnerarium est, ac aperiens, tam interne, quam externe usurpatur. Foliorum decotio ex aqua leniter alvum subducit adinstar Lapathi, & Mercurialis, in jusculis quoque laxantibus & emollientibus Man. j. in usum revocatur. Non secus ac, Rhabarbarum ejus radix vi purgante donatur, hinc a Germanis *Rhabarbarum Pauperum* nuncupatur; croceas urinas, salivamque efficit, bilem exonerat, ac stomachum & intestina corroborat, quemadmodum & Rhabarbarum, triplicata tamen dosi pro bono effectui ea utimur, ejus enim efficacia, quamvis ejusdem characteris, demissior admodum tamen est. Felici itaque exitu præscribi potest in Ictero, Cachexia, Hepatisque anasarctibus. Foliorum ac florum succus ab ʒ j. ad ʒ ij. exhibendus, in sputo sanguineo, albis fluoribus, ac immoderato mensium, hæmorrhoidumque fluxu aptissimus est; idem a semine præstatur ʒ j. in aquæ Plantaginis ʒ iiij. vel jv.

Extrinfecus, seminum tusorum pulvis in naribus intruditur ad earum hæmorrhagiam sistendum, ulcera quoque eodem met pulvere, conspersa mundantur, exsiccanturque.

T H A L A S P I.

TRes sequentes tantum, inter diversas THALASPI species, utpote Officinales a nobis persequentur.

Thalaspi, *Offic.* Thalaspi arvense Vaccariæ incano folio majus, C. B. P. 106.

Thalaspī vulgativus, J. B. 2. 921. *Inst. R. H.* 212. *Raii Hist.* 830. *Talaspī alterum*, *Dod. Pempt.* 712. *Thalaspī vulgatissimum*, *Ger. Thalaspī vaccariæ folio*, *Park.* *Thalaspī verum*, cujus semine in Theriaca utimur, *Camer. Thalaspī filiculis subrotundis foliis sagittatis incanis*, *Linn. Hort. Cliff.* 330. *Thalaspī legitimum*, *Thalaspī vulgare* in Officinis receptum, *Thalaspī folio pinnato sive acuto*, *Nasturtium tectorum vel erraticum*, *Sinapi rusticum*, *Nonnull. vulgo le Thalaspī ou Tharspic ordinaire*, dit par quelques-uns *Senevè sauvage*.

Radix est satis crassa, fibrosa, lignosa, alba, acriuscula, caulibus fere pedalibus rotundis, foliis, vestitis, cauda destitutis, simplicibus, ac integris, minimum digitum longis, basi lata sensim in acumen decrefcenti, ambitu crenato, dilute-viridibus, sapore acri, ac penetranti, floribus exilibus, albis, numerosis, in florum Bursæ Pastoris morem dispositis, cruciformibus, seu e quatuor petalis, cum staminibus acutos apices gestantibus; Hisce succedunt fructus rotundi, aut ovales, in bursam complanati, foliolo plerumque stipati, basi angustiori, vertice latiore, ac excavato, binis conflati cellulis tranverso septo divisus, seminaque occludentes semirotonda, ac plana, atro-rubra, veterascendo nigricantia, sapore acri, ac urenti, ut Sinapi, aut Nasturtii hortensis semen. Incultis in locis, rudibus, saxosis, sabulosis, ac Soli expositis, inter segetes, in tectis, ac parietibus crescit planta hæc, Majo floribus decoratur, semen autem Junio maturescit. Ab Occitania, ac Provincia nobis advehitur, quibus in regionibus, præ nostris temperationibus excellit, recens, mundum, probe enutritum, saporeque acri ac penetranti eligendum est.

Thalaspī latius, *Offic. Thalaspī arvense filiquis latis*, C. B. P. 105. *Inst. R. H.* 212. *Thalaspī cum filiquis latis*, J. B. 2. 923. *Thalaspī latius*, *Dod. Pempt.* 712. *Thalaspī Dioscoridis*, *Ger. Raii Hist.* 831. *Thalaspī Drabæ folio*, *Park.* *Thalaspī latifolium*, *Fuchs.* *Thalaspī filiculis orbiculatis*, foliis oblongis dentatis glabris, *Linn. Hort. Cliff.* 330. *Thalaspī alterum*, *Trag.* *Thalaspī secundum foliis & filiquis latis*, Scandulacea, *Nasturtium sylvestræ Scandulaceum*, *Capfella*, *Pes Gallinaceus*, *Quorumd. vulgo le Thalaspī des champs a large filique*.

Radix est exigua, obliqua, alba, lignosa, fibris stipata, sapore leguminoso ad amarorem accedente. Caules ad pedis fere altitudinem expellit angulosos, striatos, ac alatos, foliis stipatos cauda destitutis, integris, longis ac latis, lævibus, ac dentatis, atro-viridibus, sapore acri, odore Allio proximo. Flores in morem fere Spicæ enascuntur in caulium vertice exigui, albi, Bursæ Pastoris floribus proximi, quadripetali, cruciformes, in filiquas abeuntes latas, rotundas, planas, læves, vertice cavo in centro resiliente, semina continentes semi-rotunda, plana, atro-rubra, sapore acri, calido, mordicanti. Majo flores emittit, quandoque etiam citius, semen vero Junio maturitatem acquirit; ubique fere in arvis, vinetis, cultisque in locis inter segetes excrescit, ac Vere ineunte ad exitum usque Autumnii perdurat.

Scorodothalaspī, *Offic. Thalaspī Allium redolens*, *Mor. Hist. Oxon.* 297. *Inst. R. H.* 212. *Scorodothalaspī Ulyssis Aldrovandi*, J. B. 2. 932. *Raii Hist.* 834. *Thalaspī Alliariam olens*, *Nonnull. vulgo le Tharspic a odeur d'Ail*.

Radice est simplici, alba, quibusdam stipata fibris, magno foliorum fulcitur numero, folia Bellidis quodammodo referentium, nonnullis leviter laciniatis, aliis denticulatis, aliis, denticulis laciniisque, omnino destitutis, longis plerumque caudis nervosis, viridibusque elatis. Ea inter exigui caules foliis vestiti alternatim eos amplexantibus eriguntur, in quorum vertice flores locantur quatuor exiguis petalis albis, uti Bursæ pastoris flores, crucis forma conflati, ac in fructus abeuntes planos, ovalis bursæ in morem, semina occludentes femirotunda ac plana: Univerſa planta manifesto Allii odore intacta etiam scatet, sapore autem leguminoso, ac grato, quamdam in ore acrimoniam linquente; Curiosorum in hortis colitur, in quibus flores, ac Siliquas Julio producit: J. Bauhinus nos edocet, ab Ulyſſe Aldrovando Naturalis Historiæ sagaciſſimo ſectatore, ac in Bononiensi Lyceo Phyiſico celeberrimo elegantiffime *Scordothalaspæ* vocari, *Thalaspæ* ſcilicet *Allium* redolens; a nullo enim ante laudatum Auctorem de hoc verba facta ſunt, & nomen non minus, quam planta, novum eſt.

Tres *Thalaspæ* ſpecies uſque adhuc recensitæ æqua ratione in re Medica uſurpari poſſunt, id tamen perraro, excepto ſemine, quod frequentius uſurpatur, & ſapore gaudet acri, & penetranti; Allii aut Cepæ ſapore os adimplet, ac tamquam inciſivum, detergens, ac aperiens reſpicitur. Ad urinas, menſesque ciendos, nec non ad coagulatum ſanguinem ſolvendum, & ad internos abſceſſus detergendos, ac diſſipandos a Θ j. ad Θ ij. liquore appropriato præſcribitur. Cavendum vero eſt, ne gravidis propinetur, acrimonia enim ſua ſanguinem exagitando, abortum cauſare poſſet, ſolumque frigidis temperamentis pituita, atque acido prædominantibus, convenit. Externe ad Maſticatorii modum uſurpari poteſt ad cerebrum redundanti pituita exonerandum, a Scordero item aſſeritur, ulcera externa, ejus pulvere, perfuſa cito detergi, ac mundificari.

Semen quoque prædictum in uſum revocatur iu Theriaca & Mithridato *Pharm. Pariſ.*

T H Y M E L Æ A.

ALio in loco de THYMELÆA regionum frigidarum, de Laureola ſcilicet noſtrate mare, ac ſcœmina, modo de Thymelæa regionum calidarum ſermonem inſtituemus.

Thymelæa, *Offic.* Thymelæa foliis Linî, C. B. P. 463. *Inſt.* R. H. 594. Thymelæa Monſpeliaca, J. B. r. 591. Thymelæa, *Cluſ. Hiſt.* 87. *Dod. Ger. Park. Raii Hiſt.* 1588. Thymelæa vera, *Gefn. Hort.* Thymelæa granis Gnidii, *Adv. Lob.* Thymelæa foliis parvis, Thymelæa Monſpeſſulana ſeu Monſpeliensis, Coccognidium, Coccum ſeu Granum Gnidium, Mazereon ſeu Mazerion Linum ſylveſtre fruteſcens, *Nonnull.* vulgo *Thymelée de Montpel-lier*, *Garou*, *Lin ſauvage*, *Trentanel*.

Radice nititur longa, craſſa, dura, lignoſa, externe cinerea, aut ruſcente, intus alba, denſo, forti, ac tenaci cortice teſta, ſapore primum dulci, ac deinde acri, urenti, ac cauſtico. Ex ea arbuſcula exſurgit exilis, virgulto pollicis craſſitiem plerumque adæquante, pedem cum dimidio, vel pedes duos alto, pluribus ramis cubitum fere longis, minutis, venuſtis, erectis, foliis continuo viſcentibus, veſtitis, Linî foliis ſatis proximis,

majoribus tamen, latioribus, acuminatis, tactu nonnihil viscosis, denticulis, destitutis. Flores e ramorum fastigio enascuntur, veluti racematim congesti, exigui, albi, cylindraceum tubum, basi conclusa, vertice expanso, quadrifido, & cruciformi, mentientes, octo staminibus rotundos apices gestantibus. Fructus in horum locum apparent myrtiformes, oblongi, ovales, carnosii, succo foeti, primo virides, dein Coralli instar rubri, unicum tantum semen condentes oblongum, nigra pellicula tectum, lucescens, fragile, substantia refertum alba, sapore penetranti. In Italia, Hispania, Provincia, ac Occitania abunde in locis demissioribus, rudibus, incultis, præruptis, & dumetis mari proximis occurrit planta hæc; Flores Julio, ac quandoque etiam toto Augusto excurrente propellit, postea fructu oneratur, ac semen ad maturitatem perducitur; in Curiosorum hortis quoque colitur. E regionibus calidis Thymelææ radix exsiccata vulgo *bois d'Oreilles*, ob usum quem habet, nuncupata advehitur. Amatus vero, ac Clusius nos edocent, aviculas ejus baccis plurimum delectari, iisque rusticos Hispanos uti, ad eas, aut aviario decipulo, aut visco aucupandos.

Analyti Chymica Thymelææ plurimum salis acris, ac caustici, exiguo phlegmate, irretiti largitur. A Veteribus ejus folia, ac fructus ad ferositates violentur purgandas in usum revocabantur, mitioribus tamen adinventis cathartici jamdiu ratio prædicta obsolevit; eorum enim acrimonia superpugationes excitabantur, intestina excoriantes, dysenteriisque inflammatoriis pertinacibus ansam præbentes. Jure igitur exilium subiit, & nisi peraudacter ab imperitis præscribi potest, nec valet, utrum aceto ad correctionem folia ac, fructus prædicti macerati sint, aut stomachicis permixti, remedium enim periculo nunquam vacare potest. Mirum profecto est, Perdices, aliasque aves fructu hocce sese avide enutrientes nullo incommodo laborare: Rajus idcirco concludit, ab iis pulpam tantum digeri, semen vero deglutitum, integrum reddi. Ceterum Analogia semper in re Medica locum non habet, ac sola experientia huic facem præbere debet. Fructus hic idem a Veteribus nomine *Grani Cnidii* cognitum fuit, & ab iis ob benigniorum remediorum defectum ad alvum subducendam præscribebatur. Camerarius vero asserit, ejusdem met plantæ radicem interne sumptam, venenum esse lethiferum; exsiccata autem nobis e Monspelio advehitur, ac vesicatorii more ad ferositates expurgandas in hemicrania, oculorumque violentis fluxionibus usurpatur; aure perforata hujusce radicis aut Hellebori frustulum per foramen trahitur; caustica vero remedia hæc morbum quandoque ac inflammationem augent, quare Emplastrum Cantharidum est anteponendum, quod tuto idem præstare solet. A tinctoribus ad pannos laneos viridi colore inficiendos decotio Thymelææ usurpatur, a qua primum luteus apparet color, qui postea Indici ope in carulum commutatur, ac postremo in viridem.

T H Y M U S.

TH Y M I plures extant species, quibus indiscriminatim, urgente necessitate, uti possemus, tres tamen solummodo subsequentes describemus præcipue a Medicis adhibitæ.

Thymum creticum seu verum, Offic. Thymus capitatus, qui Dioscoridis,

ridis C. B. P. 219. *Inst.* R. H. 196. *Raii Hist.* 519. Thymum Creticum, five Antiquorum, J. B. 3. 262. Thymum Cephaloton, *Dod. Pempt.* 276. Thymum Creticum, *Ger.* Thymum legitimum capitatum, *Park.* Thymum legitimum, *Clus. Hist.* Thymus verus Capitatus, five Creticus, *Camer.* Thymus Cephalotos Creticus, Thymum Græcum, Thymum capitatum annuum, Thymum e Creta insula laudatissimum, *Quorumd.* vulgo *Thym de Crète*, *le Thym de Dioscoride ou des Anciens.*

Radice donatur dura, nonnihil lignosa, fibris suffulta, quæ sub-arbusculam emittit quandoque ad pedis altitudinem excrecentem, pluribus divisam, gracilibus ramis, albo-ligneis, vestitis oppositis foliis, exilibus, angustis, sub-albidis, quibusdam in locis Hyeme deciduis, juxta Clusium, saporis acris. Flores capitati, exiles, purpurei, labiati, tubulum efformantes, bifido vertice, staminibus quatuor, apicibus tenuissimis, summis ramis emergunt, abeuntque in semina quatuor semi-rotunda, capsula, conclusa, floris calycem quondam efformante. Planta hæc odore gratissimo Cretæ, Corcyræ, universa in Græcia, Hispania, Sicilia, maritimisque in regionibus Meridiem versus locatis, in montibus, aliisque locis, radiis Solaribus, obviis familiarissima est, & in hortis Curiosorum colitur: Parisiensi autem in agro raro admodum occurrit, ac difficile colitur; ejus autem flos juxta soli diversitatem colore variat.

Thymum vulgare, *Offic.* Thymus vulgaris folio latiore, C. B. P. 219. *Inst.* R. H. 196. *Raii Hist.* 521. Thymum durius, *Dod. Pempt.* 276. *Clus. Hist.* Thymus niger, *Tabern.* Thymus alter durior, *Camer.* Thymum vulgatius folio latiore, Serpyllum hortense vulgo, *Nonnull.* vulgo *le Thym commun a large feville*.

Radice nititur dura, lignosa, vivaci, pluribus fibris suffulta, caulemque emittit brevem, firmum, ramosum, exilibus ornatum foliis, angustis, plerumque atro-viridibus, raro sub-albidis. In ramorum culmine flores progignuntur exigui, purpurei, labiati, fistulaque conflati, superne binis labiis dissecta, quorum inferius trifidum est, quatuor brevissimis staminibus. Quatuor semina succedunt rotunda capsula, conclusa, quondam, floris calycem efformante. Sponte calidis in regionibus crescit planta hæc, in hortis quoque colitur, in quibus adinstar cæterarum Thymi specierum flores propellit, Majo, ac per totam Æstatem. Rajus diversam esse a Thymo minore speciem hanc suspicatur, qua de re a Jo: Bauhino altum silentium servatur. Quomodocumque res sese habeat, omnes ejus partes in usum revocantur, iidemque cum Serpyllo potitur facultatibus.

Thymum minus, *Offic.* Thymus vulgaris folio tenuiore, C. B. P. 219. *Inst.* R. H. 196. Thymum vulgare rigidius folio cinereo, J. B. 3. 263. Thymum durius, *Ger.* *Raii Hist.* 521. Thymum durius vulgare, *Park.* Thymus nostras, *Cord. in Diosc.* Thymum vulgatissimum in hortis cultum, Thymum Narbonense seu Mediteraneum, Thymum Monspeliense, Thymum seu Thymon vulgatum pusillum folio, & flore Serpylli rigidior, Serpyllum Romanum five Italicum Zygis dictum, *Nonnull.* vulgo *le petit Thym des jardins*, ou *le Thym a feville etroite*.

Radice nititur exili, lignosa, fibris circumfusa, vivaci, quæ sub-arbusculæ in morem magnum exiguum ramorum numerum profert, hi autem rotundi sunt, nonnihil lignosi, ac hirsuti, exilibus ornati foliis, Serpylli foliis, angustiori-

bus, subalbidis, aut cinereis, sapore acri. Summis ramis flores enascuntur spicæ in modum exigui, purpurei aut sub-albidi, præcedentibus speciebus cum semine æqualibus. In Italia, Hispania, Provincia, & Occitania abunde occurrit planta hæc; ubique etiam in hortis colitur, quos fragrantissimo aromatico odore beat, quibusdam in regionibus facile Hyemi resistit; in agro Parisiensi, Majo, Junioque flores emittit, in Monspeffulano autem eisdem a Martio ad Autumnum usque servare solet.

Tres usque adhuc recensitæ Thymi species promiscue Medicum in usum veniunt, suavi odore, sapore penetranti calido, ac aromatico scatent. Analyti autem Chymica ex iis plurimum olei exaltati, salisque essentialis elicitur; tam interne, quam externe Thymum usurpatur: interne vero cerebrum roborat, viscosos humores attenuat, & rarefacit, Asthmatis adversatur, & ventriculi viscositates incidendo, ac attenuando digestionem favet. Familiariter in culinis adhibetur, non solum ad alimentorum saporem excitandum, verum etiam, tamquam senibus, phlegmaticis, stomachoque imbecilli, ac relaxato utilissimum.

A biliosis tamen, siccisque vitetur, nimium enim humores exagitat. De Cretensi Thymo tantum a Veteribus verba facta sunt, nam in Provincia excrecens iis omnino ignotum erat. A Dioscoride asseritur, ejus decoctionem adversum Asthma, & ad menses, ac lochia cienda valere. Plinius vero ait, odore potiri adeo penetranti, ut paroxysmum epilepticum sedare possit. Externe præterea discutit, solaturque arthritidem ischiaticam, Cataplasmatum more, parti affectæ admotum, quod paratur Melle, Hordeique farina, ac Thymo pulverato. Antiquis Confectionibus, si earum adhuc viget usus, hæc præcipue postrema species admiscetur, in Confectionibus nempe *Hamech*, *Aurea Alexandrina*, *Pulvereque cordiali Nicolai Salernitani &c.* Binæ autem aliæ Thymi species nostris olitoriis in hortis communes usurpantur in decoctionibus, infusionibusque aromaticis, ac cephalicis, quibus nervosæ partes debilitatæ, ac inflatæ foventur. Oleum essenziale ex iis elicitum in pretio habetur ad colicam flatulentam compescendam, stomachum roborandum, & menses, urinasque ciendas: gut. v. aut vj. in ℥ ij. aut iij. liquoris appropriati ex eo præscribuntur, aut saccharo pulv. instillantur pro Oleosaccharo; in Balsamo Tranquillo etiam usurpatur. Ad dentium dolorem quoque a carie oriundum sedandum, aptissimum recensetur, gossypio ex eo saturato, & in foramen intruso, ac quotidie renovato, in violentiori dolore. Garidelius vel propria experientia hoc confirmat.

Thymi folia adhibentur in aqua Generali; flores autem in Syrupo de Stœchade; summitates floridæ in decoctione aromatica, in Pulvere cordiali, ac Oleo vulpino *Pharm. Paris.* Oleum denique stillatitium in Balsamis, Nervino, & Apoplectico, & aqua distillata in aqua Milleflorum *ejusdem Pharm.*

℞. Thymi Man. j. leviter coque horæ quadrante in sextariis tribus Vini albi, aut aquæ Melleæ. Coletur, exhibeaturque ex ea quotidie, mane cyathus unus parvus in asthmate humido, tussique glareosa.

℞. Fol. Thymi Man. j. Infundatur xxiv. horarum spatio in lb j. optimi Vini rubri frigidi. Fiat deinde colatura, cyathusque, mane, jejuno stomacho propinetur adversum animalium veneficorum, canisque rabidi morsum.

℞. Fol. Thymi, Lauri, Roris marini, Rutæ ana. Man. j. Flor. Chamomill. & Sain-

& Sambuci ana. Man. ſ. Coque cum æ. p. vini, & aquæ uſque dum emolliantur. Adde deinde Farinæ Fabar. & Furfuris ana. ʒ iij. Mellis ʒ jv. M. pro Cataplaſmate diſcutienti, in Iſchiade, OEdemate, partiumque debilitate.

Rx. Rad. Imperatoriæ, Pyrethri, & Galangæ min. ana. ʒ j. Fol. recent. Origanum, Rutæ, Thymi ana. Man. j. Flor. Lavendul. & Matricariæ ana. ʒ j. Corticis Winterani ʒ vj. Superaffunde ebullientis aquæ lbjv. ac vaſe perfecte clauſo omnia infuſa relinquantur per xij. horarum ſpatium in cinerario calido. Adde deinde Sp. Salis Ammoniaci ʒ ſ. Fiat colatura pro Gargarifmate, quo pluries de die utemur in Apoplexia, Paralyſi linguæ, partiumque oris diſtorſione.

T H Y S S E L I N U M.

THYSSELINUM, Offic. Sefeli paluſtre lacteſcens, C. B. P. 162. *Patk.* Sefeli paluſtre lacteſcens acre, foliis ferulaceis, flore albo, ſemine lato, J. B. 3. 188. *Raii Hiſt.* 414. Thyſſelinum paluſtre, *Inst.* R. H. 319. Selinum paluſtre leviffime lacteſcens, *Linn. Hort. Cliff.* 92. Selinum leviter lacteſcens radice unica, *Hall. Helvet.* 443. Carum aquaticum, *Till. icon.* 10. Hydroſelinum, Apium paluſtre ſive aquaticum, Selinum pratense, Cuminum agreſte, Daucus paluſtris lacteſcens. *Nonnul.* vulgo *Persil des marais ou ſauvage.*

Radicem habet longam, vivacem, atro-rubram, lactiginoso ſucco ſortam, ſapore calido, acri, ac admodum ingrato. Caulem quadripedalem emittit ſtriatum, cavum, ramoſum. Folia ferulacea ſunt, Ferulæ ſcilicet foliis ſimilia, non ſecus, ac radix lactiginoso ſucco referta, ſapore ingrato, inter amarum, atque acre. In ramorum ſummitatibus umbellæ exiguis ornata floribus locantur, qui ſcilicet quinque conſtant petalis albo-luteſcentibus, roſaceis, totidem ſtaminibus capillaribus, apicibus rotundis. Evaneſcentibus floribus ſemina ſuccedunt bina ſimul juncta, ovalia, lata, plana, ſtriato dorſo. Humidis in locis paluſtribus, ſecus ſtagnantes aquas, rivuloſque, depreſſioribus in pratis & aquaticis, ac in ſoſſis aqua refertis occurrit planta hæc, Junio, Julioque flores propellit, ac ſemina Æſtate exeunte aut Autumno ineunte maturitatem acquirunt.

Thyſſelinum Analyſeos Chymicæ ope plurimum olei, phlegmatis, ſaliſque eſſentialis elargitur. Radix ejus tantum uſurpatur, quæ incidit, penetrat, ac aperit; decoctionis forma ad urinas, menſeſque excitandos adhibetur, caute tamen, cum enim acerrima ſit, humores maximum ciet in motum, ac facillime nocere poteſt. Hæc eadem radix manſa catharros provocare ſolet, dentiumque morbis opitulari. Boerhaavius in *Hiſtoria Plantarum Horti Lugduno-Batavi* aſſerit, lactiginosum humorem ex ea prodeuntem eadem cum Scammonio cathartica vi pallore, eique facile ſubſtitui poſſe.

T I L I A.

TILIA, Offic. Tilia ſœmina folio majore, C. B. P. 426. *Inst.* R. H. 611. Tilia vulgaris Platyphyllos, J. B. 1. 133. *Raii Hiſt.* 1694. Tilia *Dod. Pempt.* 338. *Linn. Hort. Cliff.* 204. Tilia ſœmina, *Ger. Lob.* Tilia ſœmina major, *Park.* Phylira Græcis, Tilia Latinis, *Guil.* Phyllirea, *Caſ.* Tilia major

feu latifolia , *Quorumd.* vulgo *Tilleul ou Tilioul* , *Tilliau* , *Tillot ou Tiliot d'Hollande* .

Radicem habet profunde in terram dehiscentem , lateque sese expandentem , quæ truncum propellit ingentis arboris , crassæ , ramosæ , in latum sese expandentis , magnamque umbram effundentis , cortice tectæ compacto , extus cinereo aut sub-nigro , intus sub-luteo , aut sub-albido , tanta flexibilitate donato , ut ex eo cordæ pro puteis , funesque confici possint . Lignum tenerum est , nodis destitutum , sub-albidum , ac eo sagittæ , carbonisque pro pyrio pulvere parantur . Folia lata , rotunda , acuminata , utrinque nonnihil villosa , lucescentia , ambitu denticulato , ex eorum vero alis exilissimæ exeunt linguæ , vel foliola , longa , sub-albida , quibus pedunculi implantantur in quatuor aut quinque ramos sese dividentes , quorum singuli florem sustinent quinquepetalum , rosaceum , colore albo ad luteum accedente , maximo staminum numero apicibus luteis stipatum , odore grato , calyceque suffultum quinquifido , albo , ac pingui , cui bacca succedit , crassioris pisi magnitudine , ovalis , lignosa , angulosa , hirsuta , unum , aut bina semina , occludens , rotunda , sub-nigra , sapore dulci . Perquisitissima arbor fere ubique colitur , soloque delectatur pingui , umbram late spargit , ac quamlibet figuram facile recipit , quare ea , ductis arboribus , aditus ad lineam consiti , hortorumque penetralia illustrantur : diutius tamen haudquaquam perdurat , Majo , Junioque floribus vestitur , fructus vero Augusto maturescens , ac sese Septembri referendo sponte cadit .

Inter arbores a nobis cognitæ Tilia plurimum reputatur , non solum enim eleganti aspectu , grato florum odore , umbraque sua , deliciosorum hortorum , nemorumque maximum ornamentum constituit , verum etiam omnes ejus partes utilissimæ sunt tam pro re Medica , quam pro Artibus , hinc magno in pretio semper habita fuit .

Analysi autem Chymica plurimum olei , salisque essentialis largitur Tilia , quæ internum , externumque in usum revocatur . Flores cephalica vi polent , Epilepsiæ , Vertigini , & Apoplexiæ conveniunt ; ex iis pug. j. recipitur , infunditurque in binis ebullientis aquæ cyathis ad modum Theæ , pauco addito saccharo : infusum prædictum , cerebrum exhilarat , ac roborat , stupores mitigat , cordisque palpitationes debellatur . Florum Tiliæ in Officinis aqua stillatitia , ac conserva prostat : prima ab ℥ jv. ad ℥. vj. in portionibus cephalicis , & anti-Epilepticis , altera vero ab ℥ β. ad ℥ j. iisdem in morbis præscribitur . Remedia quoque prædicta conveniunt in calculo renum , affectionibus hystericis , & ad concretum sanguinem in magnis contusionibus resolvendum . Arte Chymica , fermentationis ope ex iisdem floribus spiritus elicitur gut. xij. aut xv. exhibendus , ac ad tincturam e cephalicis plantis eliciendam , tamquam Menstruum mirabiliter inservit . In *Ephemeridibus Germanicis* , *Decuria prima* , anno VI. ac VII. veluti excellens anti-epilepticum decantatur Tiliæ aqua , incisionis ope ex arboris trunco radicem versus Februario , ac Martio , emanata , ℥ iij. vel jv. dosi , ter de die , congruo temporis spatio , perseverando . Baccæ adstringentem facultatem habent , omnesque hæmorrhagiæ , fluxuumque Ventris species sistunt , usurpanturque pulveratæ ℥ j. in jusculo , aut aqua Plantaginis , aut cum pauca pulpæ Cydoniorum conditor. quantitate , permixtæ . D. Chomelius in *Tractatu de Plantis usitatioribus adversum Hydropem ligni* , ac præsertim luteorum ramorum fere bien-

re biennialium decoctionem commendat, qua de causa ejusdem ligni minutatim secti Man. j. in aquæ bullientis ℥ jv. injicitur, ad ℥ j. post colaturam ptisana hæc ab ægro tribus haustibus sumi debet: folia pariter aperientia, & ad urinas, mensesque pellendos dicata sunt.

Extrinfecus, testatur S. Pauli, mucilaginem ex medio sui cortice elicitam, & cum aqua Plantaginis sociatam adversum adustiones excellere. Baccæ præterea pulveratæ, pauco aceto permixtæ, & in nares introductæ, earum hæmorrhagiam sistunt, earundem præcipue interno usu addito, uti innuimus. A Boerhaavio etiam tanquam efficacissimum in Tenesmo, Cataplasma, tussis floribus paratum prædicatur. Afferitur deinde, foliis tussis, & pauca aqua madefactis tumores pedum resolvi, ac dissipari. Si autem eorum succo Vino admixto lintheola inficiantur, applicenturque partibus affectis convulsione flatulenta vulgo *Granchio*, ex eo salamen statim percipietur.

A Sculptoribus Tiliæ lignum cæteris præfertur, eo quod tenerum satis sit, facile scalpro cedat, nec disiliat, nec, ut Acer, carie infestetur. Medius cortex, recens adhuc, scriptorium in usum a Veteribus revocabatur, idemque secundus cortex *Phylira* a Græcis proprie nuncupabatur.

Flores Tiliæ usurpantur in aquis, Generali, & Anti-Epileptica *Pharm. Paris.* aqua vero stillatitia in aqua Hirundinum *ejusdem Pharm.*

℞. Aquar. Flor. Tiliæ, Pæoniæ, & Cerasor. nigror. ana. ℥ ij. Pulveris de Gutteta, & radicis Valerianæ sylvestris ana. ℥ j. Syrupi Pæoniæ simp. ℥ j.

M. pro potione cochleatim sumenda in Epilepsia, & Convulsionibus.

℞. Aquar. Flor. Tiliæ, & Melissæ simplicis ana. ℥ iiij. Rad. Pæoniæ maris p. ℥ β. Syrupi flor. Lilior. Convall. ℥ vj. M. pro potione anti-Eleptica, ante paroxysmum propinanda.

℞. Visci Quercini ℥ ij. Radicis Pæoniæ maris ℥ j. Coque in ℥ vj. aquæ ad tertiæ partis diminutionem. Adde in fine Rad. Valerianæ maj. contusæ ℥ β. Flor. Lilior. Convall., Tiliæ, & Gallii lutei ana. pug. j. Fiat deinde expressio, cui adde Syrupi Pæoniæ simplicis ℥ ij. pro decoctione Anti-spasmodica tepide trium, quatuorve cyathorum dosi de die exhibenda.

T I N C T O R I U S F L O S.

LUTEOLA, *Offic.* Luteola herba falicis folio, C. B. P. 100. *Inst. R. H.* 423. Lutea Plinii quibusdam, J. B. 3. 465. Lutum herba, *Dod. Pempt.* 80. Luteola, *Ger. Raii Hist.* 1054. *Adv. Lob.* Luteola vulgaris, *Park.* Lutea vel Lutum Vitruvii, *Gesn. Hort.* Reseda foliis simplicibus lanceolatis integris, *Linn. Hort. Cliff.* 212 Herba lutea, Lutum croceum Virgilii, Lanaria, Pseudo-struthium, flos Tinctorius, Theriacaria, Unguimilva sive Unguis milvinus, Jovis Radius, *Quorumd.* vulgo *Gaude*, *Herbe a jaunir*.

Radice donatur minimum digitum ut plurimum, quandoque pollicem crassa, simplici, lignosa, alba, exiguo fibrarum numero stipata, sapore acri, Nasturtio hortensi, proximo. Folia emittit oblonga, angusta, lævia, non crenata, quandoque nonnihil crispata. Hæc inter caules eriguntur tripedales, rotundi, duri, læves, sub-virides, ramosi, foliis, in basi locatis, angustioribus circumvestiti, vertice ornato exiguis floribus, tribus, conflatis, petalis inæqualibus, colore luteo-viridi satis eleganti. Marcescentibus floribus præsto sunt capsulæ semi-rotundæ, tricuspidales, plura occludentes semina

minuta, rotunda, sub-nigra. Incultis in locis, secus vias, in arborum marginibus, in muris, interque ædificiorum rudera crescit, Majo floret, Junio, Julioque semen maturitatem acquirit. Pingui in solo Occitaniæ, Normanniæ, Picardiæ, plurimarumque aliarum regionum colitur, e quibus exsiccata nobis pro Tinctorum usu advehitur: in aqua autem cum alumine decoquitur ad pannos laneos, aliaque luteo, aut viridi colore inficienda: albi scilicet in luteum immutat, ac cæruleo prius saturata in viridem. Observatione autem constat, quod si in solo levi, ac ficco excrescat, luteum magis saturatio rem largitur.

Analyseos vero Chymicæ ope plurimum olei, salisque essentialis ministrat; majorem in re Tinctoria quam Medica usum habet, hinc ob facultatem luteum elegantem colorem impertiendi, denominationem mutuatur. Authores omnes consentiunt, radicis ejus decoctionem aperientem esse, & a Boerhaavio viribus cum Rubia communibus prædicatur, menses nempe pellit, obstructions referat, Icterus, & Cakexiam sanat: quare in pituitosis, jussulisque aperientibus prædictæ substitui potest. Contusa quoque febricitantium pulsibus admovetur, ad febrem profugandam, felici quandoque successu.

T I T H Y M A L U S.

Sub nomine *Esulæ min.* jam suo loco de TITHYMALO foliis Cupressi a Geoffroejo verba facta sunt. Tithymali species tres nobis adhuc restant, primo scilicet Tithymalus palustris, 2. Cataputia minor, 3. Tithymalus Amygdaloides.

Esula major, *Offic.* Tithymalus palustris fruticosus, C. B. P. 292. *Inst. R. H.* 87. Tithymalus magnus multicaulis, sive *Esula major*, J. B. 3. 671. *Raii Hist.* 864. *Esula major*, *Dod. Pempt.* 374. *Dal. Pharm.* 231. *Esula major Germanica*, *Ger. Park.* Tithymalus fruticosus Germanicus, *Camer. Hort.* *Esula major recentiorum*, *Lob. icon.* 358. *Euphorbia foliis lanceolatis, umbella universali multifida polyphylla, partialibus trifidis triphyllis, propriis dichotomis*, *Linn. Hort. Cliff.* 200. *Esula palustris*, *Rupp. Jen.* 219. Tithymalus maximus Oelandicus, *Rudb. Hort.* 109. *Esula magna, Esula dendrodes, sive arborescens, Pityusa grandis seu major, Lactaria vel Lactucaria, fruticosa, Turbith nigrum & adulterinum*, *Quorund.* vulgo *le Tithymale des marais, ou la grande Esule, le Turbith noir ou batard.*

Radice est craffissima, alba, lignosa, vivaci, repenti. Caules plurimi, duos, tresve pedes alti, minimi digiti craffitie, sub-rubri, ramosi, alternis circumfusi foliis unitis, oblongis, viridibus, Lathyris foliis proximis, minoribus tamen, una cum caulibus Hyeme pereuntibus. Flores summis caulibus, ramisque enascuntur exigui, flavi, veluti umbellati, binis speciebus distincti, juxta Linnæum; alii enim mares sive steriles quinquepetali sunt, alii hermaphroditi quadripetali. Hisce succedunt fructus trigoni, verrucæ forma, tricapsulares, tria continentes semina sub-rotunda, medulla alba, repleta. In sabulosis fluviorum marginibus, aliisque palustribus locis planta hæc reperitur, in Germania secus Rhenum vulgatissima, non minus, quam nostris hisce in regionibus secus Lupiam, in hortis quoque nonnunquam excolitur, Majo, Junioque flores edit. Planta universa lactiginosa, acri, & caustica

materie redundat, uti cæteræ Tithymali species; ori, ac gingivis pertinacem inflammationem inducit. Radicis tantummodo cortex in usum Medicum venit.

Lathyris, five Cataputia minor, *Offic.* Lathyris major, C. B. P. 293. *Raii Hist.* 866. Lathyris, five Cataputia minor, J. B. 3. *App.* 880. *Lob. Icon.* 362. Lathyris, *Matth.* 1259. *Brunf. Fuchs. Dod. Turn. Lac. Lonic. Camer. Cast. Gen. Hort. Lugd. Hist.* Tithymalus latifolius Cataputia dictus, *Hort. Lugd. Bat. Inst. R. H.* 86. Lathyris five Cataputia major & minor, *Ger. Cataputia minor Lathyris major hortensis, Park. Esula major, Rivin, Euphorbia inermis, foliis oppositis lanceolatis, umbella universali trifida polyphyllas partialibus triphyllis, reliquis diphyllis, Linn. Hort. Cliff.* 198. Lathyris Dioscoridis, *Schwevenckf Tartago Hispanorum, Eyst. Cataputia, Cæsalp. Granum Regium minus, Mesue. Cataputia vulgaris, Quorumd. vulgo l'Epurge, ou la Catapuce ordinaire.*

Radix simplex nonnullis capillaribus stipata fibris fere bipedalem propellit caulem, pollicem crassum, rotundum, solidum, sub-rubrum, superne ramosum, pluribus vestitum foliis tres digitos longis, Salici foliis, similibus, crucis in modum dispositis, e viridi-sub-cæruleis, tactu lævissimis. Summo caule, ramisque flores satis conspicui progignuntur quatuor constantes petalis satis densis, pluribus delicatulis staminibus, apicibus rotundis, cinctis, binis acuminatis foliis sub-luteis, calycis fere locum occupantibus. Floribus fructus præsto sunt præ aliis Tithymali speciebus crassiores, trigoni, tricapsulares, tria adinstar piperis crassa semina fere-rotunda, medulla alba, referta continentes. Copiosum lacteum succum, uti aliæ Tithymali species, universa planta hæc pariter largitur, quæ in omnibus fere regionibus invenitur, frequentissime autem in hortis, in quibus singulis annis adeo semine multiplicatur, ut incommodum sane non leve afferre soleat. Julio floret, Augusto, ac Septembri ejus semina maturescunt; juxta variam ætatem magnitudine quoque, foliisque latioribus, aut angustioribus variare solet, Hyeme quandoque persistit, maturoque semine postea perit; lactiginosus ejusdem succus a mendicis ut plurimum in usum revocatur ad cutem deformandam, similique pacto transeuntium pietatem excitandam. Si autem ejus folia, aut fructus in stagnantem aquam affusa a piscibus comedantur, statim in aquæ superficie tanquam mortui apparent, ut facile manibus comprehendendi possint, si vero aliam in aquam injiciantur statim reviviscunt.

Tithymalus Amygdaloides, *Offic.* Tithymalo maritimo affinis Linariæ folio, C. B. P. 291. *Raii Hist.* 866. Alypum Matthioli Tithymalis affine, J. B. 3. 676. Alypum, *Camer. Epist.* 985. Tithymalus Amygdaloides angustifolius, *Tabern. icon.* 591. *Inst. R. H.* 86. Tithymalus linifolius Paralio congener, *Park. Tithymalus linariæ affinis, Esula minor altera, Nonnull. vulgo le petit Tithymale a feville d'Amandier.*

Minuta, fibrosa, vivax, lignosa, externe atro-rubra, interne alba, amara, acrisque radix plures propellit caules fere semipedales, quandoque pedales, graciles, plurimis ornatos foliis longiusculis, angustis, dilute-viridibus, saporis styptici acris, & amari. In caulium, ramorumque summitate flores umbellati apparent, quatuor conflati petalis flavis, tandem abeuntes in subviridem fructum, lævem, tricapsularem, tribusque donatum seminibus sub-rubris, gibbis, qua vero parte capsulæ septa pertingunt, planis. Universa plan-

planta lacte scatet. C. Bauhinus observat, quod ante floris eruptionem, vix a Linaria, nisi lactiginoso succo, distingui potest; agri Parisiensis incola est, ac præsertim in Bononiensis saltus aditu, in Campaniæ quoque fabulosis planitiebus ac præcipue Remim inter, ac Catalaunum abunde reperitur, Mayo, Junio, Julioque floribus ornatur, pauloque post fructus ad maturitatem, perducit.

Tres usque adhuc recensitæ Tithymali species, lacteo succo omnes turgent, nec æquali causticitate, ac mordacitate donantur. Analyti autem Chymica plurimum olei, salisque acerrimi impertiuntur; quibus principiis adeo violentam catharsim movent, ut internus earum usus periculo neutiquam vacet; gutturis enim inflammationes, colicæ violentiores, ac intestinorum quandoque exulcerationes ex eo derivant. A Rusticis tantum, robustissimo temperamento præditis perraro Lathyris sive Cataputiæ minoris semen a gr. x. ad gr. xx. pro Purgante usurpatur, a quo magna serositatum copia, exonerantur; ab aliis vero ad intermittentes febres expellendas Tithymali Amygdaloidis folia pulverata, jusculoque excepta, tribus subsequentibus diebus adhibentur, a ʒ ß. ad ʒ j. pro quaque dosi juxta ægrotantis vires: quo remedio violenta, tam per superiora, quam per inferiora purgatio concitatur; hinc facile evincitur cur febres prædictæ sanentur, hæ enim ut plurimum a pravo primarum viarum fermento dependent: cavendum tamen est, ne mulieribus gravidis, delicatuloque temperamento ditatis præscribatur. Purgantibus autem prædictis violentissimis, indistincte, & absque ulla præparatione a circulatoribus in usum revocatis, magnus ægrotantium numerus quotidie jugulatur.

Lacteus omnium Tithymali specierum succus digestionem cum sale Tartari commissus, postea condensatus, materiam suppeditat, quæ a D. Chomelio in *Tractatu Plantarum usitatorum*, non solum Scammonio Smyrneni viribus æquiparatur, verum etiam anteponi videtur, a Boerhaavio tamen majori, Scammonio, acrimonia, & causticitate pollere, periculosioremque esse asseritur. Plantas hæc corrigi posse, Nonnulli credunt, si aceto macerentur; temperatiores revera efficiuntur, hebetiorem tamen adversum Hydropem, aliosque rebelles morbos, in quibus plerumque usurpantur efficaciam habent. Itaque omnino sunt, proscribendæ, quum præcipue Jalapæ pulvis in promptu sit, qua eadem indicationes adimplentur, quæque talibus a natura principiis modificata fuit, ut absque ulla irritatione catharsim moveat.

Extrinsècus lactiginosus harum plantarum succus usurpatur ad verrucas, impetiginemque consumendam, depilatoria quoque facultate pollet, si pilosæ partes eo humectentur.

T O R D Y L I U M.

Seseli Creticum, *Offic.* Seseli Creticum minus, C. B. P. 161. *Camer. Ger.* Caucali minor pulcro semine, sive Belloni, J. B. 3. 84. Seseli Creticum, *Dod. Pempt.* 314. Tordylium Narbonense minus, *Inst. R. H.* 320. Tordylium, sive Seseli Creticum minus, *Park. Raii Hist.* 412. Tordylium Creticum, *Eyst. Caucalis*, *Gesn. Hort.* Tordylion Dioscoridis, *Anguill.* Pimpinella Romana vulgo, *Cæsalp.* Seseli Candia, *Caucalis*, Cretica, Seseli Cretici species Elaphobosco

bosco similis, Tordylium verum seu genuinum, Tordylion vulgare, *Nonnull. vulgo Sefeli de Candie.*

Minuta, simplex, & alba radix caulem emittit ad pedis cum dimidio, aut ad duorum pedum altitudinem, striatum, hirsutum, ramosum. Folia oblonga sunt, rotunda, ambitu denticulato, hirsuta, rudia, pluribus conjugationibus juxta costam disposita, longisque caudis appensa. Flores in caulium, ramorumque extermitatibus umbellis quibusdam enascuntur, quinque conflantur petalis albis liliaceis, staminibus totidem capillaribus. Hisce præsto sunt semina bina simul juncta, plana, margine relevato, adinstar coronæ globularis incisa, odora, nonnihil acria ad Pastinacæ sylvestris aut Myrrhis semen accedentia. In agro Monspeffulano abunde occurrit planta hæc secus vias, in vinetis, ac inter segetes; in Curioforum hortis quoque colitur; Junio, Julioque flores edit, semenque ad maturitatem citius, seriusve juxta regionum diversitatem perducitur.

Analyfi Chymica plurimum salis, atque olei largitur. Radix ac semen, quamvis usum Medicum habere possent, haud raro tamen usurpantur. Prima, radix scilicet, decotionis aut pulveris forma, incidendi vim habet, Asthmati humido adversatur, expectorationemque ciet. Semen vero ad excitandas urinas, mensesque, & contra Colicam flatulentam commendatur. Cæsalpinus vero asserit, in Italicis regionibus ejus herbam adhuc teneram, crudamque inter legumina esitari.

T O R M E N T I L L A.

TORMENTILLA. *Offic.* Tormentilla sylvestris, C. B. P. 326. *Inst.* R. H. 298. Tormentilla, J. B. 2. 598. *Dod. Pempt.* 118. *Ger. Raii Hist.* 617. *Cæsalp.* 556. *Linn. Hort. Cliff.* 194. Tormentilla vulgaris, *Park. Consolida rubra*, *Tabern. icon.* 124. Heptaphyllon, *Fuchs. Turn. Gens. Hort.* Pentaphyllum, potius Heptaphyllum flore aureæ tetrapetalo Tormentilla dictum, *Mor. Potentilla foliis quinnatis, flore tetrapetalo, caule erecto, Hall. Helv.* 341. Septifolium, Sanguinaria, Radix rubra, *Quorumd. vulgo la Tormentille.*

Radix tuberculum efformans pollicem, fere crassum, quandoque etiam crassius, scabrum, inæquale, quandoque erectum, quandoque obliquum, externe obscurum, interne sub-rubrum, nonnullis stipatum fibris, sapore styptico, vivax, plures propellit caules graciles, debiles, hirsutos, sub-rubros, fere pedales, ut plurimum curvos ac in terram stratos, per intervalla foliis circumfusus Quinquefolio similibus, hirsutis, pro unaquaque cauda septem plerumque, insidentibus. Flores quatuor constituuntur foliis flavis, rosaceis, calyce suffultis pelvisiformi, octo incisionibus distincto, quatuor majoribus, quatuorque minoribus, alternatim locatis, staminibus sex in centro positis. Iis autem præsto sunt fructus semi-rotundi, plura semina minuta, ac oblonga continentes. Sabulosis in locis, atque humidis, herba-ceisque, in sylvis, pascuisque siccis, montanis, sterilibus, ac umbrosis crescit, Majo, Junio, Julioque floribus vestitur. Radix autem præcipue in usum Medicum venit.

Tormentilla Alpina, a nostrate, radice crassiore, magis enutrita, magisque rubra, ac efficaciori differt. Radix hæc exiccata nobis advehitur; recens autem, probe nutrita, pollicem fere crassa, munda, integra, filamen-

tis rejectis, compacta, probe exsiccata, externe obscura, interne sub-rubra, saporisque adstringentis seligenda est.

Tormentilla nuncupatur a tormento, creditur enim ejus radice pulverata, Pyrethri, & Aluminis exigua portione, permixta, ac in os intrusa, tormentum, rabiemque a dentium dolore obortam, sedari; *Heptaphyllum* autem si-ve *Septifolium* eo quod folia septem eadem in cauda ut plurimum habeat.

Tormentillæ radix styptica est, amarissima, ac saturate rubro colore chartam caruleam inficit, folia vero glutinoso sapore prædita minus saturate idem præstare solent. Planta hæc præterea, Analyseos Chymicæ ope, exiguam tantum spiritus urinosi portionem, nihil salis volatilis concreti, plurimum acidi, olei, ac terræ suppeditat. Hinc facile conjicere possumus, sal aluminosum plurimo sulphure permixtum, exiguaque salis Ammoniaci portione conjunctum in ea occludi, unde vis emanat vulnerario-adstringens, ac per consequens ad omnes ventris fluxus, hæmorrhagias, fluoresque albos sistendos aptissima. Radix in ptisanis, decoctionibusque adstringentibus ab ℥ ℥. ad ℥ j. in ℔. aquæ ij. vel jv. aut in substantia, pulveris forma a ℥ ℥. ad ℥ j. Conserva Rosarum, aut adstringenti aliqua Opiata, excepta usurpatur. Ejusdem radice Extractum paratur, valetque in omnibus Hæmorrhagiæ speciebus ℥ ij. & ultra. Tanquam Alexiterium a nonnullis Auctoribus extractum idem commendatur, asseruntque convenientissimum esse in Febribus malignis, stomachi resolutionibus, hæmorrhagiisque sociatis, ac in Dysenteriis malignis; quod utique verissimum est: tutior tamen in hisce casibus Ipecacuanha esse solet, ejusque defectu tantum substitui potest.

Externe quoque, ejus radice pulvere ulceribus conspersa, exsiccantur & ad cicatricem perducuntur. Pulvis idem eadem ratione Paronychiis inspersus, eas statim, juxta Nonnullos, sanat. Gargarisma quoque ex earundem radicum decoctione dentium morbos plurimum solatur.

Tormentillæ radix usurpatur in Aqua Generali, Decotione adstringenti, Diaiscordio, Confectione Hycinthina, aliisque *Pharm. Paris.* præparationibus. Extractum vero ejusdem in Theriaca cælesti *ejusdem Pharm.*

℞. Rad. Tormentillæ ℥ ℥. Potentillæ Man. j. Pimpinellæ Man. ℥. Incisa infunde in ℔. j. ℥. ferventis aquæ per horæ dimidium. Ex ea autem ℥ j. tertia quoque hora exhibeatur in nimis dejectionibus ab intestinorum relaxatione oriundis.

℞. Aquar. Tormentill. ac Plantagin's ana ℥ ij. Aquæ Cinnamomī ℥ j. ℥. Aquæ admirabilis ℥ ℥. Margaritar. pp. & Coralli rubri pp. ana ℥ j. Boli Armenæ & Sanguinis-Draconis ana gr. xx. Catechu gr. xij. Syrupi Myrtill. ℥ j. Sp. Vitrioli dulcificati q. s. ad gratam aciditatem. M. pro Julapio quatuor dosibus dividendo, binis diebus fero, ac mane exhibendo in sudoribus colliquativis Phthisim ut plurimum comitantibus.

℞. Rad. Tormentill. Bistortæ, & Consolidæ maj. ana ℥ j. Cort. Mali puniceæ & fructuum Rhus ana ℥ ij. Coque in aquæ ℔. viij. ad tertiæ partis consumptionem. Vas deinde igne abducatur, infundaturque semihoræ spatio Glycyrrhizæ taleolatim incisæ ℥ ℥. Fiat colatura pro ptisana adstringenti.

℞. Rad. Tormentill. ℥ j. Fol. Plantag. & Centinodiæ ana Man. ℥. Rosar. rubrar. Balaustior. & Rhus ana ℥ ij. Coque in aquæ ℔. ij. ad medias.

Fiat

Fiat colatura, & adde Diaſcordii ʒ ij. pro Enemate adſtringenti & anodyno, in dejectionibus dolorificis aptiſſimo.

T R A G O P O G O N.

BInas hic loci TRAGOPOGONI ſpecies describemus, Sativum nempe, ac Sylveſtre.

Tragopogon hortenſe, *Offic.* Tragopogon purpureo-cæruleum Porri folio, quod Artiſi vulgo, C. B. P. 274. *Inſt.* R. H. 477. Tragopogon flore purpureo, J. B. 3. 1058. Barbula hirci purpureo-cærulea, *Tabern. icon.* 599. Barbula hirci altera, *Matth. Caſt.* Barbula hirci flore purpureo, *Camer. Hort.* Gerontopogon, ſive Saffica Italorum, *Lugd. Hiſt.* Tragopogon purpureum, *Ger. Park. Raii Hiſt.* 252. Barbula hirci legitima, Barbula hirci, ſeu Coma hirci vel hircina purpurea, Gerontopogon hortenſe ſeu ſativum, *Nonnull.* vulgo *le Serſiſi ou Salfiſi cultivé, le Sarſſic blanc commun des jardins.*

Radice eſt minimum digitum craſſa, longa, erecta, tenera, lactiginosa, ſapore dulci, Caule bipedali, rotundo, intus cavo, ramoſo, pluribus foliis circumfuſo porraceis, quandoque latioribus, quandoque anguſtioribus longis, acuminatis; extremo autem caule, ramisque flores inſident, conſtanturque ſcicculo ſemi-ſcloſorum purpureo-cæruleorum, aut nigrorum, calyce, ſuffulto ſatis longo, ſimplici tamen, ac ad baſim uſque pluribus in locis in- ciſo, quinque exiguis ſtaminibus in centro locatis. Hiſce ſuccedunt plura ſemina oblonga, rotunda, ſtriata, rudia, cinerea, per maturitatem ſubni- gra, & criſtata. Univerſa planta copioſo ſucco ſcatet lactiginoso, viſcoſo, ac dulci, qui dum primo effluit albus eſt poſtea flavescit, in hortis coli- tur, uti Scorſonera, ob culinarium radicis uſum, quæ a pluribus avide ex- petitur, Æſtate autem flores producit.

Tragopogon pratense, *Offic.* Tragopogon pratense luteum majus, C. B. P. 264. *Inſt.* R. H. 477. Tragopogon flore luteo, J. B. 2. 1058. Barbula hirci, *Trag.* 280. *Matth. Lac. Caſt.* Barba hirci, *Cord. in Dioſc.* Tragopogon, *Dod. Pempt.* 256. Gerontopogon flore luteo, *Gefn. Col.* Tragopogon luteum, *Lob. Tabern. Ger. Park. Raii Hiſt.* 252. Tragopogon calicibus florem ſuperantibus, *Linn. Hort. Cliff.* 382. Barba hirci flore luteo, *Camer Hort.* Barbula hirci pra- tensis ſeu vulgaris, Saffica Italorum flore aureo, Barba Senis ſeu Presbyte- ri, *Quorumd.* vulgo *le Cercifi ou Salfiſi ſauvage, ou des prez, la Barbe de Bouc ordinaire.*

Radice eſt minimum digitum fere craſſa, longa, Paſtinacam quodammo- do referente, extus ſub-nigra, intus alba, lacte foeta, dulci; caule altitudi- nis fere pedis cum dimidio, rotundo, ſolido, lævi, foliis oblongis, angu- ſtis, acutis, Croci foliis pene æqualibus, latioribus tamen circumfuſo, non- nullis ramis diſtincto, in quorum apicibus flores inſident ſemifcloſulis con- ſtantes luteis, magnis, floribus Hedypnoidis ſimilibus, calyce ſuffultis ſatis longo, ſimplici, & ad baſim uſque, variis in locis, Balauſtiorum fere mo- re, in ciſo. Hiſce autem ſuccedunt plura ſemina oblonga, ſtriata, rudia, ci- nerea, ac criſtata. In pratis, paſcuisque ſatis humidis, pinguibusque ubique fere creſcit planta hæc, flores Majo, Junioque emittit, poſtea ſemen criſtæ ope in auras evolat, denuoque pullulat, iterumque floribus ornatur Julio,

ac Augusto. Jo: Bauhinus vero observat, omnes ejus flores Orientalem versus plagam converti.

Tragopogon seu *Barba Hirci* nuncupata fuit planta hæc, eo quod e cristis ejusdem seminum a calyce prodeuntibus paniculus efformatur, ad hirci barbam accedens; *Gerontopogon* autem, seu *Barba Senis* eandem ob causam. Gallorum autem vulgo *Sersifi* aut *Salsifi* corruptis vocibus, a *Sassifica*, *Sassifrica*, aut *Sassefrica*, Italis ejusdem denominationibus, quæ pariter corruptæ voces originem trahunt a *Saxifragia*, radix enim hujusce plantæ censabatur apta adversum Stranguriam, & ad renum ac vesicæ calculum expellendum.

Plurimum salis essentialis, olei, & phlegmatis Analyfi Chymica a binis adhuc recensitis speciebus elicitur. Radices aperientes sunt, stomachicæ, & pectorales, & Scorfoneræ radici commode substitui possunt; fere iisdem enim viribus gaudent, nonnihil tamen demissioribus. In alimentis pariter, uti prædicta, usurpantur, alimentumque suppeditant dulce, ac boni succi: peculiariter autem in Pleuritide, Asthmate, ac in renum ac vesicæ calculo commendantur, emolliendi enim, leniterque discutiendi facultate, a densis, glareosisque succis partes hæc omnino liberant.

Externe quoque folia apposita ulcera detergunt, & consolidant.

Juscula Aperientia.

℞. Rad. Scorfoneræ, Tragopogoni, Sisari, Apii, & Cichorii lotar. ac taleolatim incisar. ana. ʒ ij. Coque cum juguli Vervecini ℥ j. in aquæ ℥ iiij. ad duos haustus reducendis. Fiat colatura forti expressione, dividaturque in doses binas, quarum una mane, jejuno ventriculo, altera sero per novendium propinabitur.

℞. Coneros viventes N. vj. Coque ad ruborem in aquæ f. q. Contunde postea in mortario marmoreo, & adde jusculo ebullienti Rad. Tragopogoni ʒ ij. Sisari ʒ j. Fol. Borriginis, & Cichorii amari ana. Man. j. Ebulliant iterum per horæ quadrantis dimidium. Fiat deinde expressio per linteum, dividaturque in doses duas, quindecim dierum spatio sumendas mane, jejuno stomacho, & sero.

Juscula hæc aperientia apta sunt ad massam sanguineam depurandam, & obstructionibus, scabiei, impetigini, aliisque cutaneis morbis adversantur.

T R I B U L U S.

Binas TRIBULI species quandoque a Medicis usurpatas agnoscimus, quæ etsi genus diversum. sortiantur juxta Tournefortium, tamen ut plurimum simul junguntur.

Tribulus terrestris, Offic. Tribulus terrestris Ciceris folio, fructu aculeato, C. B. P. 350. Tribulus terrestris, J. B. 2. 352. Dod. Pempt. 557. Ger. Park. Raii Hist. 1344. Tribulus terrestris, Ciceris folio, seminum integumento aculeato, Mor. Hist. Oxon. 202. Inst. R. H. 266. Tribulus aculeatus vulgatiore, Calci-trapa sive Herba muricata, Nonnutl. vulgo le Tribule commun ou terrestre, la Herse, la Croix de Malthe, Saligot terrestre.

E radice longa, simplici, alba, fibrosa, plures emergunt exigui caules, fere semipedales, in terram strati, rotundi, nodosi, hirsuti, sub-rubri, pluribus

ribus distincti ramis, foliis alatis, seu pari ordine, simplici in latere, locatis, foliis Ciceris, aut Lentis similibus, villosis. Ex foliorum alis flores exeunt longis elati pedunculis, quinque constantes petalis flavis, rosaceis, denis exiguis staminibus in centro positis, qui tandem in fructus abeunt du-ros, spiculis pluribus armatos, longis, acuminatisque, Equitis Melitenensis cruce- quodammodo referentibus, conflanturque quinque cellulis, semina oblonga continentibus. In regionibus calidis Italia, Hispania, Provincia, & Oc- citania in agro Monspeffulano abunde occurrit planta hæc, quæ e solo erum- pit, Majo exeunte, Julio autem & Augusto flores, ac semen emittit, asinif- que alimentum præbet: hortulanis autem, juxta Clusium, satis incommo- da esse solet, ejus enim fructuum facile decidentium spiculis nudi eorum pe- des haud raro vexantur.

Analyfi Chymica a Tribuli fructu, plurimum olei, salisque essentialis re- cipitur; detergit autem, aperit, ventrisque fluxus sistit, pulveris forma a \mathfrak{z} j. ad \mathfrak{z} j. Conserva Rosar. exceptus. Garidelius autem asserit, universæ plan- tæ aquam stillatitiam optimam esse ad renum & vesicæ calculum expellen- dum ab \mathfrak{z} vj. ad \mathfrak{z} viij. matutino tempore, ac jejuno ventriculo, pluries re- petitam. Clusius vero narrat temporibus suis, ejusdem plantæ decoctionem in clysteribus usuvenisse, ad glareas, materiasque viscidas quandoque in crassis intestinis stabulantes incidendas, atque attenuandas. Fructus præte- rea decoctione in cubiculo effusa, pulices expelli, quidam asserunt.

Tribulus aquaticus, *Offic. C. B. P.* 194. *J. B.* 3. 775. *Ger. Raii Hist.* 1321. Tri- bulus aquatilis, *Dod. Pempt.* 581. Tribulus lacustris, *Cord. Hist.* Tribuloides vulgare, aquis innascens, *Inst. R. H.* 665. Tribulus aquaticus major, *Park.* Butomos Damocratis, *Anguill.* Trapa petiolis foliorum natantium ventrico- sis, *Linn. Hort. Cliff.* 483. Tribulus marinus, Castanea Ferrariensis seu palu- stris, Castanea lacustris seu cornuta, Nux aquatica vel lacustris, *Quorumd.* vulgo *le Tribule aquatique*, *la Macre ou Macle*, *la Cornovelle*, *la Chataigne d' eau*, *ou cornue*, *le Truffle d' eau*, *le Salgot ou l' Echarbot*.

E radice satis longa, per intervalla ingenti capillitio stipata, partim aqua innatante, partim profundo limo appensa, crassescendo versus aquæ superficiem, plura exeunt folia lata, Populi, aut Ulmi foliis similia, breviora tamen, ac quodammodo rhomboidalia, pluribus nervosis eminentiis di- stincta, ambitu nonnihil crenato, superne glabra, inferne vero rugosa, lon- gis, crassisque caudis appensa. Flores exigui sunt, quatuor petalis albis constantes, totidemque staminibus, calyce suffulti quadripartito, peduncu- lisque elati rotundis, solidis, viridibus, exigua lanugine tectis. Deciduis floribus exigui fructus præsto sunt parvas castaneas æmulantes, quorum quis- que quatuor conspiciis, durisque cuspidibus fulcitur, cinereum colorem ha- bet, obtegitur membrana, quæ dein separatur, quæque nigrescit, adinstar fere Achatidis, lævis, ac expolita, unicaque cellula quamdam veluti amygdala- lam occludit cordatam, duram, albam, membrana obtectam exilissima, esu optimam, sapore ad Castaneam accedente. In fluviis, lacubus præsertim, ac stagnis, in fossis, aquis putrescentibus, limosoque fundo præditis luxuriat planta hæc, Junio flores emittit, fructusque Autumno maturitatem acquirit. Matthiolus autem testatur, non modo in aquis dulcibus progigni, verum etiam in mari, cui profecto fidem præstare neutiquam possumus. Autuma- tur vero ex hocce fructu ortum, denominationemque sumpsisse machinas

quasdam ferreas acuminatas, vulgo *Chaussetrapes*, quæ belli tempore post hostium cladem protenduntur, ad eorum fugam impediendam.

Tribuli aquatici fructus, quo solo utimur, plurimum olei, parumque salis largitur, adstringens est, refrigerans, resolvens, aptusque ad ventris fluxus, hæmorrhagiasque sistendas: tam internum quam externum in usum revocatur, & a Veteribus, ac Neotericis tamquam alimentum perutile reputatum fuit. Plinius refert, Thraces, marginumque Nili incolas eo vesci, eoque panem conficere saporis satis grati. Idem quoque Author addit, ab hisce populis equos hujusce plantæ foliis saginari. Diversimode autem pro esu fructus paratur, aut enim sub cineribus ad instar Castanearum, aut ebullienti aqua; ejus autem sapor iis dulcior est, insipidiorque. Panis quoque ex eo, pultisque species in agro Lemovicino componitur: qua de causa fructum in aqua semicoctum, corticeque denudatum recipitur, mortarioque ligneo contunditur, & absque ulla aut lactis, aut aquæ additione puls paratur a puerulis magnopere perquisita: a Nonnullis quoque crudus nucum avellanarum more esitatur.

Externe quoque planta hæc contusa Cataplasmatibus forma, inflammationibus admovetur, quas refrigerat, ac temperat. Ejus autem decoctio cum Melle, pro Gargarismate, exulceratas gingivas detergit, ejusque succus in oculorum morbis commendatur.

T R I F O L I U M.

Magnus profecto extat TRIFOLIORUM numerus, nos tamen quinas tantum species a Medicis usitatas describemus, quarum tres primæ inter genuina Trifolia recensentur, binæ autem postremæ inter Lotos veros.

Trifolium, *Offic.* Trifolium pratense purpureum, C. B. P. 327. *Raii Hist.* 943. Trifolium purpureum vulgare, J. B. 2. 374. Trifolium pratense, *Tabern. icon.* 523. *Matth. Dod. Ger. Fuchs. Trag. Lob.* Trifolium pratense flore monopetalo, *Inst. R. H.* 404. Trifolium pratense purpureum vulgare, *Park.* Trifolium majus, *Brunf.* Triphylloides pratensis flore purpureo, *Pont. Anth.* 241. Trifolium pratense capitulis florum purpureis, *Gesn. Hort.* Trifolium spicis villosis, foliis insidentibus, Vaginarum caudis capillaribus, *Hill. Helv.* 584. Trifolium spicis villosis, caule diffuso, foliolis integerrimis, *Linn. Hort. Cliff.* 375. Trifolium pratense vulgare, Trifolium pratense flore purpurascens seu vulgatissimum, *Quorumd.* vulgo *le Trefle vulgaire ou commun des Prez, le Triolet ordinaire.*

Radice[m] habet minimi fere digiti crassitie longam, rotundam, lignosam, repentem, fibrosam. Caules ad pedis cum dimidio fere altitudinem emittit graciles, striatos, nonnihil quandoque hirsutos partim erectos, partim in terram stratos. Folia alia rotunda sunt, alia oblonga, tria simul, eadem in cauda, appensa, macula alba aut nigra, Lunam quodammodo referente, ob signata. In caulium apice flores progignuntur monopetali, leguminosis floribus persimiles, capitati, aut spicati, breves, crassique, purpurei, succo melleo, dulci, ac grato in centro foeti, odore neutiquam ingrato, sapore leviter adstringenti. Floribus præsto sunt exiguæ capsulæ rotundæ, calyce obvolutæ, longaque cauda terminatæ, in quibus singulis exiguum reniforme semen occluditur. Ubique in pratis, pascuis, locisque humidis, ac paludosis

sis crescit planta hæc , Aprili , Majo , ac Junio , flores propellit , quos Apes vehementer appetunt , totaque planta ad armenta faginata optimum alimentum suppeditat.

Plurimum phlegmatis , atque olei , parumque salis essentialis continet , tamquam detergens , refrigerans , ac temperans reputatur , inflammationibusque interne , ac externe admota adversatur ; Tragus autem flores , ac semina in Vino ebullita præscribit ad tormina sedanda , materiasque viscidas in intestinis hærentes incidendas . Universæ autem plantæ decoctio ex aqua utillima est mulieribus fluori albo deditis .

Quoad ejus externum usum , Trifolii species hæc in aqua , aut oleo decoquitur , & Cataplasmatibus formis tumoribus , inflammatione neutiquam sociatis applicatur . Sola foliorum in oleo infusio a Riolano plurimum existimatur , ad membrorum tremorem sedandum ; D. Chomelius in *Historia Plantarum usitatorum* asserit , quemdam agnovisse , a quo aqua distillata ex Trifolio , foliis macula alba , & cordata obsignatis , in oculorum morbis , inflammatione præsertim , ac rubore , pluries cum successu in usum revocata fuit .

Lagopus , *Offic.* Trifolium arvense humile spicatum , sive Lagopus , C. B. P. 328. *Inst. R. H.* 405. Lagopus Trifolius quorundam , J. B. 2. 377. Lagopus , *Dod. Pempt.* 577. Lagopus vulgaris , *Park. Lugd. Hist. Raii Hist.* 948. Lagopodium , sive Pes Leporis , *Ger.* Lagopus , sive Pes Leporinus , *Matth. Fuchs.* Trifolium spicis villosis ovalibus , dentibus Calycinis setaceis æqualibus , *Linn. Hort. Cliff.* 375. Lagopus & Lotus Campestris , *Trag.* Trifolium Leporinum , Lagopus genuinus Antiquorum , Trinitas herbariorum , Lagopyros seu Lagopyrus Hippocratis , Lagopyron Galeni , Leporis Cuminum , Lotus campestris alba , Lagopus vulgatiore seu Campestris , *Nonnull.* vulgo *le petit Trèfle des champs , ou le Pied de Lièvre.*

Radice habet minutam , lignosam , fibrosam , tortuosam , albam , annuam , quæ plures exiles caules emittit , ad fere pedis semisse altitudinem , ramosos , erectos , sub-albida lanugine tectos . Folia terna pro unaquaque cauda locantur , fere-rotunda , acuminata , foliis Trifolii vulgaris angustiora , lanuginosa , sub-albida , præcipue in parte postica . Flores leguminosi sunt exigui , albi , lanuginosis , tenellisque insidentes spicis , leporinum pedem referentibus , colore cinereo ad purpureum accedente . Deciduis floribus capsulæ succedunt calyce obvolutæ , semenque occludentes reniforme , ac sub-rubrum . In arvis segetes inter , elatior , aut depressior juxta Soli fertilitatem , abunde crescit planta hæc , sero , ac Æstate ad exitum properante flores propellit , eosque ad Octobrem usque detinet .

Plurimum habet olei , ac phlegmatis , parumque salis essentialis . Sapore , scatet universa planta , adstringenti , ac exsiccante .

Secundum vero S. Paulli testimonium , optima est ad immodicas dejectiones , dysenteriarumque sistendam ; ex ea Man. j. in aquæ lb iij. ad tertiæ partis diminutionem immititur , usurpaturque pro potu communi . Lemeryus vero nos edocet , ejusdem semine Tritico , sociato , molaque confuso , sub-rubrum colorem in pane apparere , hinc , addit ille , a rusticis omnino explotitur , flocique penditur Triticum , cum quo semen hocce admiscetur . D. vero Antonius de Jussieu celebris Præceptor noster , suis prælectionibus asserbat , plantam hanc quondam satis raram , vulgatissimam adeo fuisse effectam , centum & quinquaginta ab hinc annis solummodo , quæ autem ejus-

dem feminis farina una cum triticea conjuncta reseum colorem pani conciliaret, sanguinem in eo permisceri cogitans Parisiensis plebs adversum Pistorum pene conjuravit.

Trifolium bituminosum, *Offic.* Trifolium Bitumen redolens, C. B. P. 327. *Inst.* R. H. 404. Trifolium asphaltites, sive bituminosum odoratum, J. B. 2. 366. Trifolium bituminosum, *Dod. Pempt.* 566. *Ger. Raii Hist.* 943. Trifolium asphaltites, sive bituminosum, *Park.* Trifolium asphaltitium Monachorum, Trifolium acutum sive odoratum, Asphaltion sive Oxytriphylon Dioscoridis, Trifolium asphalteum seu foetidum, *Nonnull.* vulgo le *Trèfle odorant ou bitumineux*.

Radicem habet duram, lignosam, fibrosam, quæ sub-arbusculæ speciem quamdam ad duorum pedum fere altitudinem emittit, pluribus divisam ramis erectis, striatis, subalbidis, aut subnigris. Terna folia eadem in cauda locantur, primo rotunda, demum sese elongantia, ac in acumen desinentia, sub-albida, hirsuta, tactu viscida, odore bituminoso satis penetrante. Flores summo caule, ramisque enascuntur capitati, oblongi, striati, villosi, abeuntque in capsulas calyce obvolutas, semen continentes, rude, acuminatum, sub-nigum, ejusdem cum planta odoris, saporisque aromatici juxta Cæsalpinum. In regionibus calidis, Creta, Sicilia, Occitania, in agris Monspeulano, & Narbonensi, in collibus saxosis mari proximis crescit planta hæc; in hortis quoque Curiosorum colitur, in quibus Junio, Julio, & Augusto floribus exornatur, frigori quoque, dummodo non excedat, resistendi vim habet. Jo: Bauhinus asserit, semine ejusdem Italico, in Germania fato, bituminoso odore scatentem plantam progigni, semine vero Germanico iterum fato, plantam ullo nec odore, nec sapore præditam produci.

Trifolium prædictum adversus Cancrum, remedium internum nobis supeditat satis optimum, edocemur enim a Fabricio ab Aquapendente, ejusdem succum a cochleari j. ad coch. ij. in duobus, aut tribus aquæ cyathis, humorem, canerosum virus, progignentem corrigere; a Sylvio autem de le Boe oleum e seminibus expressis ejusdem plantæ plurimum existimatur adversum Paralytim, si eo affectæ partes obliniantur.

Trifolium Hæmorrhoidale, *Offic.* Lotus pentaphyllos filiquosus villosus, C. B. P. 332. *Inst.* R. H. 403. Trifolium album rectum, hirsutum valde, J. B. 2. 360. Oxytriphylum alterum Scribonii Herbariorum, *Loh. icon.* 31. Lotus incana, sive Oxytriphylum Scribonii Largi, *Ger.* Lotus Hæmorrhoidalis major, sive Trifolium Hæmorrhoidale majus, *Park.* Oxytriphylum Scribonii Largi, *Valer. Dourez.* Lotus sylvestris Matthioli, *Lugd. Hist.* Trifolium Candidum, Trifolium filiquosum villosum vel incanum, Lotus filiquosa, *Nonnull.* vulgo le *Trèfle ou Lotier Hæmorrhoidal*.

Radicem habet longam, duram, lignosam, plures autem emittit caules ad duorum, vel trium pedum altitudinem, graciles, rotundos, hirsutos, lignosos, ramosos sub-arbusculæ in morem, foliis circumfusus lanuginosis, sub-albidis, rotundis, ternis eadem in cauda locatis, binis ad basim appendicibus, sapore admodum adstringenti. Flores extremis caulibus, ramisque enascuntur leguminosi, plures simul congesti, sub-albidi, calyce admodum hirsuto suffulti, quibus succedunt filiquæ breves, crassiusculæ, muris fimo satis similes, atro-rubra, semen continentes rotundum, exile, interne sub-flavum. In Occitania, agroque Monspeulano crescit planta hæc, Æstate autem flores popellit.

A pluribus ad hæmorrhoidum dolores sedandos Trifolium hocce plurimum existimatur. Garidelius in *Historia Plantarum agri Aquisxetienſis* aſſerit, nonnullos agnoviſſe, qui ejuſdem folior. p. 3j. aut 3ij. in juſculo, aut vino propinabant magno ægrorum emolumento. Pulvis hic Lutetiæ Pariſiorum privilegio divenditur.

Trifolium corniculatum, *Offic.* Lotus ſive Melilotus pentaphyllos minor, glabra, C. B. P. 332. *Inſt.* R. H. 402. Lotus corniculata glabra minor, J. B. 2. 356. *Raii Hiſt.* 967. Trifolium corniculatum primum, *Dod. Pempt.* 573. Trifolium ſiliquoſum minus, *Ger. Tabern.* Melilotus Germanica, *Fuchſ. Lonic.* Pſeudo-Melilotus *Camer.* Lotus Pentaphyllus, *Gent. Hort.* Lotus caule herba- ceo, florum capitulo depreſſo, leguminibus decumbentibus teretibus, *Linn. Hort. Cliff.* 372. Lotus ſylveſtris, Lotus herba, Lotus urbana, Melilotus coronata ſeu nobilis, Herba Leporina, Leporaria, Herba flava *Nonnull.* vulgo *le petit Lotier ou Trèfle ſauvage jaune.*

Radicem habet lignoſam, longam, nigram, pluribus diviſionibus diſtin- ctam, fibris ſtipatam, repentem, ſapore ſub-dulci, & adſtringenti; ex ea plures emergunt caules minuti, fere in terram ſtrati, ramiſi, foliis circum- fuſi, eadem in cauda, ternis una locatis, Trifolio proximis, ſapore adſtrin- genti, binis foliolis inferne poſitis, ſatis pinguibus, acutis, plerumque gla- bris, nonnihil quandoque hirsutis. Flores leguminoſi ſunt, in morem umbel- læ plurimi una ſimul congeſti, flavi, quandoque ſub-virides, Geniſtæ flori- bus perſimiles, calyce ſuffulti denticulato, ac corniformi. Horum autem lo- cum ſubeunt capſulæ cylindraceæ, plura occludentes ſemina ſemi-rotunda, ac reniformia. Ubique fere in pratis, paſcuisque humidis aut ficcis, in col- libus, nemoribus, ſecusque vias occurrit planta hæc; Æſtate ad Autumnum uſque flores emittit; a Jo: Bauhino mas, quæ hirsuta, ſcœmina vero quæ glabra eſt, nuncupatur. Maximum armentis præ aliis nutrimentum ſuppe- ditare ſolet.

Plurimum habet olei, & phlegmatis, mediocrem vero ſalis portionem. Juxta Lemeryum detegens eſt, aperiens, ac vulneraria: raro admodum ta- men in uſum Medicum venit, quamvis a Nonnullis, adinſtar Meliloti, ac ad eaſdem indicationes adimplendas uſurpetur.

T R I T I C U M.

TRITICUM, *Offic.* Triticum Hybernum arſtis carens, C. B. P. 21. *Inſt.* R. H. 512. Triticum vulgare, glumas trituro deponens, J. B. 2. 407. Siligo ſpica mutica, *Lob. icon.* 25. Triticum ſpica mutica, *Ger. Park. Raii Hiſt.* 1236. *Lugd. Hiſt.* Triticum, *Brunſ. Gent. Hort. Cord. Hiſt.* Triticum arſtis carens, *Cæſalp.* Tritici primum genus, *Trag. Fuchſ. Lonic.* Triticum ſeſtre, *Dod. Tabern.* Siligo veterum, Tritici deliciæ Plinii, Triticum genuinum ſeu vulgare, *Nonnull.* vulgo *Froment, Bled franc ou mutet.*

Huic radix eſt minuta, & filamentosa, quæ plures emittit culmos ad quatuor, aut quinque pedum altitudinem, ſatis craſſos, erectos, nodis per intervalla ſtipatos, intus cavos, nonnullis ſuffultos foliis longis, ac anguſtis, adinſtar foliorum Graminis, extremis autem culmis ſpicæ locantur longæ, barba carentes, in quibus flores inſident exiguis faſciculis, tribus conſtantes ſtaminibus capillaribus, apicibus oblongis, ac furcatis, e calyce pluribus

squammis composito, exeuntibus. Deciduis floribus grana succedunt ovalia, fere oblonga, obtusis extremitatibus, dorso convexo, facieque opposita sulcata; externe flava, interne alba, farinacea, ac ad panem conficiendum aptissima, squammis obvoluta, quondam floris calycem efformantibus, Tritici bullis, nuncupatis. In omnibus fere totius Orbis plagis crescit planta hæc, quæ solo delectatur pingui, ac fertili, radiisque Solaribus exposito, magisque sicco, quam humido, optimo enim solo sata, diligenterque exculta mirum in modum multiplicatur. Autumno ineunte feritur; germinat, apparet, & arva cooperire solet ante Hyemis adventum; Aprili excrescit, dein sensim sine sensu tubulis suis nodis roboratis spicam emittit, Majoque floret; demum quadraginta diebus post floris eruptionem ejus semina maturitatem acquirunt, quæ numero, ac crassitie variare solent juxta aeris temperiem, & ventorum, ac culturæ indolem. Mirum profecto est, simulque maxima, ac inconcussa Divinæ erga homines Bonitatis demonstratio, Triticum binis extremitatibus, frigoris scilicet, ac caloris nunquam lædi; æque enim optime crescit in Scotia, & Dania, ac in Ægypto, & Mauritania. Ejus usus universalis, inter grana usque adhuc cognita, vulgatior, meliorque est. Præcipui autem ejus excellentiæ characteres sunt, quod recens sit, probe maturum, compactum, ponderosum, ac facile, plurimumque infletur aqua maceratum, magnam albissimæ farinæ copiam suppeditet, ab omnibus aliis seminum speciebus sejunctum, nec rubigine, aut alia labe sit inquinatum.

Grana Tritici Analyseos Chymicæ ope plurimum olei, salisque essentialis largiuntur. A nemine vero communis ejus usus ignoratur, ad nutrimentum tam utile, quam gratissimum comparandum; ex omnibus enim granorum speciebus pro pane conficiendo usurpatis, Milio nempe, Oryza, Panico, Zea, aliisque quamplurimis, nulla, saporem panis nostratis vulgaris adæquat, nec adeo facile concoquitur.

Verumenimvero pro prædicto alimento adeo necessario rite conficiendo, Mola Triticum primo loco conteritur, ac in farinam reducitur, cui, secreto furfure, sufficiens deinde fermenti quantitas adjungitur: fermentum autem prædictum plerumque constat massa farinacea, alias subacta & acescente, quæ cum, salibus volatilibus acidis, constituatur, minimas farinæ partes, fermentatione, ejus ope, oborta, agitatur, atque attenuatur, panemque efficit levio-rem, magis porosum, faciliusque digestionis.

Secundo loco aquæ, farinæ superaffundendæ, calor probe perpendendus est, si enim frigiditate peccet, fermentatio imperfecta tantum succedet; si e contra nimio peccet calore, massa nimis cito ac nimis violenter in fermentationem accersita corrumpi, ac acescere facile potest.

Tertio loco massa rite est subigenda, ut exacte fermento admisceatur, atque ut intestinus insensibilium ejusdem particularum motus adjuvetur.

Quarto loco congruo temporis spatio, in loco moderate calido probe cooperta est linquenda, ut sufficienter infletur, ac fermentationem subeat: si autem plus justo in hoc statu permaneat, sales farinæ acidi, præ aliis ejusdem principiiis suscitantur, particulisque oleosis, quibus irretiebantur, liberati, pani acorem deinde communicant.

Demum caloris gradus pro panis coctura necessarii rite sunt attendendi, nimio enim calore induratur, debili autem mollis, ponderosusque remanet, difficilemque digestionem procreat.

Pro massa, qua panis conficitur, exquisitiore, gratioreque reddenda, aliis rebus sane diversis admiscetur, eaque plures dulciarii panis species conficiuntur, de quibus hic verba facere nimis profecto longum esset: solum autem indicabimus, raro admodum quamcumque panis prædicti speciem usurpandam esse, non solum quia stomachum gravat, difficilemque digestionem reddit, verum etiam quia semper simpliciora alimenta magis compositis sunt anteponenda.

Quo minor furfuracearum particularum copia in farina relinquatur, panis ex ea elaboratus, majorem nutriendi energiam, gratiamque saporis acquirat; difficilioris tamen est digestionis, magisque ventriculum gravat; tenuissimæ enim farinæ particulæ arcte adeo invicem uniuntur, ut poros omnes respuant, hinc panis compactior efficitur; si autem e contra tenuioris furfuris moderata dosis cum pane conjungitur, crassis ejus particulis, intima farinæ partium unio impeditur, panis porosior, faciliusque fermento stomachi subigendus emanat.

Notum est, furfurem esse Tritici tunicam mola contritam, familiarissimumque in re Medica usum habere, tamquam detergentem ac refrigerantem. Ejus decoctione ex aqua Clyster paratur temperans, emolliens, leviterque detergens; in dejectionibus, dysenteriisque cum Lini semine ut plurimum præscribitur. Aqua eadem furfuris interne sumpta iis alvum subducit, qui invincibili odio cætera purgantia prosequuntur. Ex eo quoque ptisana paratur adversum antiquas rheumaticas affectiones, tusselque pertinaces, qua de causa cochleare unum cumulatam in aquæ lb. ij. decoquitur, spumaque abjecta ab igne retrahitur, ac posteaquam liquor quieverit, inclinatione versatur, saccharique in eo ʒ j. exsolvitur; calidiuscula autem ptisana hæc ingurgitatur. Furfur præter emolliendi vim, æque etiam resolvit; in vino, cerevisia, aut urina decoquitur, & Cataplasmatibus forma applicatus dolores arthriticos sedat, tumoresque articulationum discutit. Eo præterea satis calefacto Hydropicorum crura œdematosa obvolvuntur, ad perspirationem adjuvandam, cumulatamque aquam dissipandam.

Amylum est alia quædam præparatio subtilioris farinæ Tritici, absque molæ adjumento, obtegentis furfuris, aquæ ope, segregatione; exsiccatum autem, ac in frustula divisum variis usibus inservit. Quoad rem Medicam attinet, Amylum pectoris morbis dicatur, refrigerandi, & increassandi vi pollet, sputum sanguineum sistit, ejusdemque acrimoniam temperat. Jure itaque, meritoque in pulvere Diatragacantho frigido, pluribusque aliis pectoralibus compositionibus ac refrigerantibus usurpatur. S. Pauli vero nobis testatur, sanguineos narium copiosos fluxus pluries stagnasse, Amyli Cataplasmate, additis Bolo Armena, albumineque ovi; ab eo autem apponebatur futura coronali ad extremam usque frontis partem. Liquor autem ex Tritico elicited, si inter duo lamina ferrea calida reponatur, excellit, juxta Rajum, ad impetiginem, cutisque pruritus sanandos, nec non ad rimas, fissurasque, Rhagades nuncupatas, a nimio frigore in manibus, pedibusque obortas, sanandas. Fermento præterea, oleoque Rosato, aut Chamomillino Cataplasma conficitur ad abscessus maturandos, suppurationemque adjuvandam satis utile. Ab Ettmullero autem in usum revocabatur fermentum aceto rosato subactum, cum Menthæ exsiccata pulvere, aut aromatis mitioribus ad stomachum in vomitu, alviq; fluxu roborandum,

Mica vero panis lacte, vitello ovorum, ac croco soluta, quotidie nobis Cataplasma suppeditare potest familiarissimum, ad dolentes tumores resolvendos, inflammationemque sedandam.

Tritico pariter, adinstar Hordei, Cerevisia paratur, ex eo etiam Spiritus five Aqua Vitæ elicitur, Sp. Vini fortiolem, intensioremque ebrietatem concilians.

℞. Micæ panis recent. albi ℥ iij. Clara puls cum vaccini lactis ℔ j. ex ea ad ignem conficiatur. Super linteam extendatur, calideque applicetur, Cataplasmatidis forma, tumoribus dolorificis ad inflammationem dissipandam.

℞. Furfuris loti Man. ℔. Folior. Malvæ aut Parietariæ Man. j. Coque in aquæ q. s. ad ℔ j. Adde collaturæ Mellis violati ℥ ij. pro clystere emollienti.

℞. Panis Triticei pauco furfure permixti, probe fermentati, ac recocti ℥ viij. Aquæ purissimæ ac levissimæ ℔ iij. Coque in vase terreo optime cooperto horæ spatio, opportune aquam addendo; Decotio deinde per linteam, aut cribrum setaceum coletur, postea:

℞. Decoctiois prædictæ ℔ j. Adde succi Citri ℥ ℔. Aquæ Cinnamomæ distillatæ ℥ ij. Vini Rhenani ℥ iij. Sacchari q. l. ad gratiam. ℥ j. dosi calide quaque hora exhibeatur. Decotio autem hæc gratissima, levis, & enutriens debilibus, languentibusque convenit, quum ægri quodcumque nutrimenti genus respuere videntur.

T U S S I L A G O.

TUSSILAGO. Offic. Tussilago vulgaris, C. B. P. 197. *Inst. R. H.* 487. Tussilago J. B. 3. 563. *Ger. Park. Raii Hist.* 259. Bechium, five Farfara, *Dod. Pempt.* 596. Ungula Caballina, *Brunf. Trag.* 418. Ungula Asinina, & Lactuca ustularia Germanorum, *Cord. Hist.* Farfarella, *Lac. Gensf. Hort. Lonic. Lob. Cast. Lugd. Hist.* Tussilago, vulgo Farfara aliis ungula Caballina, *Casalp.* 490. Tussilago scapo imbricato, unifloro, foliis subcordatis angulatis denticulatis, *Linn. Hort. Cliff.* 411. Chamæleuce, *Plin.* Bechion seu Bechicon, Farfugium, Farfarus, Farfarum, Farfaria, Farranum, Populago Patra equina vulgo ungula equina, Aphyllanthes, Filius ante Patrem, Nonnulli vulgo *Tussilage ou Pas d'Asne*.

Radice est longa, minuta, sub-albida, tenera, repenti, quæ plures propellit exiguos caules fere pedales, intus cavos, lanuginosos, foliolis circumfusus cauda destitutis, longis, acuminatis, alternatim locatis, in eorum autem extremitate elegans locatur flos rotundus, radiatus, flavus, Hedypnoidis flori proximus, cum quinque capillaribus ac brevissimis staminibus, apices cylindræcos gestantibus, cui plura semina præsto sunt oblonga, plana, cristata. Post florum eruptionem folia exeunt magna, lata, angulosa, semi-rotunda, superne viridia, inferne sub-albida, ac lanuginosa. Humidis in locis, secus fluvia, rivulosque, prope fontes, fossasque in terris pinguibus, parumque aquaticis occurrit planta hæc, Februario exeunte, aut Martio ineunte flores emittit, quos diutius haudquaquam servat; hinc Nonnulli crediderunt, eandem flores nunquam progignere: falsum præterea est ejusdem flores per biduum tantum perdurare. Si vero in hortis, umbroso, atque

atque humido, ejusque naturæ apto loco collocetur, multiplicatur, ac adeo ferpit, ut non leve incommodum quandoque afferat. Quamvis autem omnes ejusmodi plantæ partes in usum Medicum venire possent, ejus flores præcipue usurpantur.

Tussilago folliis donatur, amaris, viscidis, ac nonnihil stypticis, saporem Cinaræ habent, vixque chartam cæruleam rubore inficiunt. In ea autem stabulari videtur sal, sali Corallor. persimile, sulphure, plurimoque phlegmate viscido permixtum, quibus principiis adversum rheumaticas affectiones, ad acrimonias temperandas, thoracis ulcera detergenda, expectorationemque coadjuvandam apta merito recensetur. Tam interne, quam externe usurpatur. Ejus folia, ac flores temperantes admodum sunt, modice aperientes, morbisque pulmonum dicati, a sero acri, ac falso in iis detento productis. Asthamatici ejusdem foliorum fumum syringa tabacaria excipere solent: Boyleus autem eundem in usum mixturam præscribit ex hisce foliis, una cum floribus sulphuris, succinoque pul., asseritque hocce remedio Phthificos plures sanatos fuisse. A Dioscoridis, aliorumque veterum Medicorum usque temporibus curabatur, ut ægri prædicti vaporem ex foliorum ejusdem plantæ decoctione exciperent. Hodie quoque folia, ac flores Man. ij. vel iij. pro singulis liquoris ℥. ij. in decoctionibus pectoralibus præscribuntur. In Officinis præterea syrupus simplex, ac compositus ex iisdem floribus parantur, eorumque dosis ℥ j. definitur: compositus autem ex ejusdem plantæ radicibus, foliis, floribusque, Capillo Veneris, & Glycyrrhiza additis conficitur. Aqua vero Florum Tussilaginis stillatitia ad ℥ vj. usque propinatur, Conserva vero ad ℥ β. in Looch, potionibusque pectoralibus. Rajus narrat, Hillerum Medicum Marchionis Brandeburgensis, puerulos plures tabidos sanasse, eos nempe foliis Tussilaginis cum butyro, ac farina, aliorum leguminum instar, coctis enutriendo. A Nonnullis radix quoque non secus ac folia, & flores in pretio habetur, & decoctionis, ac ptisanæ forma exsiccata etiam adhibetur. Sequens ptisana optima est contra Tussim siccam: ebullientis aquæ ℥. viij. super folior. Tussilaginis Man. iij. flor. ejusdem pug. iij. summitatum Hyslopi pug. ij. Passul. ℥ j. Mellisque Narbonensis cochlear. iij. affunduntur; Ebullitione vix incoacta, vas ab igne retrahitur, cooperiturque, omnibus infusis remanentibus, usquedum ptisana frigeat, colatur postea pro usu. A Nonnullis quoque ejusdem plantæ succus commendatur ad quartanas febres exterminandas, si convenienti temporis spatio, mane, jejuno stomacho ℥ iij. aut jv. hauriatur.

Externe denique Tussilaginis folia tusa, & Cataplasmatibus more inflammationibus apposita, eas temperant, ac resolvunt. S. Pauli autem post Sennerium nos edocet, florum decoctionem ex Vino, pauca Myrrha, Mastiche, & Lithargiro, additis, ad ulcera, Hydropicorum crura, infestantia, gangrænamque minitiantia excellere.

Tussilaginis vero radix usurpatur in syrupo de Erysimò *Pharm. Paris.* folia in syrups Consolidæ maj. & Testudinis, & flores in decoctione pectorali, & syrupo Roris Solis ejusdem. *Pharm.*

℞. Flor. Tussilaginis, Malvæ, Papaveris erratici, & Gnaphali ana Pug. j. superaffunde bullientis aquæ ℥. iij. & semihoræ spatio infusa relinque. Adde colaturæ syrups Capilli Veneris aut Sacchari ℥ j. β. Pro infuso pectorali in rheumaticis affectionibus, tussi, pectorisque calore sociatis convenientissimo.

℞. Fol.

℞. Fol. Portulacæ, & Lactucæ ana. Man. j. Flor. Tuſſilag. Verbaſci, & Nimp hæ ana. Pug. j. Coque in aquæ ℥ jv. ad quartæ partis diminutionem, colaturæ adde ſyrupi Tuſſilaginis ℥ j. ſ. pro decoctione temperanti, ex qua magnus cyathus tepidus, tertia quaque hora, propinabitur in pectoris, abdominiſque inflammationibus.

℞. Olei Amygd. dulcium ℥ ij. Syrupi Tuſſilaginis Althææ, & Gnaphalii ana. ℥ j. M. pro Eclegmate temperanti, cochleatim ſumendo in pectoris fluxionibus, Pleuritide, Tuſſique violenta.

Looch ſive Eclegma alterum magis compoſitum.

℞. Olei Amygdalar. dulcium ℥ ij. Syrupi Tuſſilaginis, Capilli Veneris, & Papaveris rubri ana. ℥ j. Pulveris Diatragacanthi frigidi ℥ iij. M. pro Linctu, ex quo ſumetur quantum Glycyrrhizæ baculo capi poteſt.

V A L E R I A N A.

INter diverſas VALERIANÆ ſpecies præcipue a Medicis uſurpatas, tres uſitatiores enumerantur, primo nempe Valeriana hortenſis; 2. Valeriana ſylveſtris, 3. Valeriana paluſtris.

Valeriana hortenſis, Offic. Valeriana hortenſis, Phu folio Olufatri Dioſcoridis, C. B. P. 164. *Inſt.* R. H. 132. Valeriana major, odorata radice, J. B. 3. 209. *Raii Hiſt.* 388. Valeriana hortenſis, *Dod. Pempt.* 349. *Ger.* Phu majus, ſive Valeriana major, *Park.* Valeriana vera, ſeu Nardus agreſtis, *Trag.* 60. Phu magnum, *Matth. Lugd. Hiſt.* 927. Valeriana major, *Lob. icon.* 714. Phu verum, *Cord. in Dioſcor. Fuchſ.* Phu primum, majus ac nobiliſſimum, Nardus ſylveſtris ſeu ruſtica, Phu hortenſe vel latifolium, Phu vulgatiuſ, Phu Ponticum ſive Valeriana Pontica, Nardus Cretica Plinio, Nardus ſeu ſpica Celtica, Marinella, Herba genicularis vel benediſta, Valentiana, Theriacaria, Valeriana domeſtica, Herba Cattorum, *Nonnull.* vulgo *Valèriane des jardins, la Valeriane franche ou la grande Valeriane.*

E radice pollicem craſſa, rugoſa, tranſverſim in terræ ſuperficie locata, pluribus craſſis, ac ſeſe decuſſantibus fibris inferne ſuffulta, ſub-lutea, aut obſcura, odoris penetrantis, ac ingrati, adinſtar fere radicis Aſari, præſertim exſiccata, ſaporis vero aromatici, caules exſurgunt fere tripedales, graciles, rotundi, læves, cavi, rāmoſi, binis oppoſitis foliis, per intervalla, veſtiti, quæ lævia ſunt, integra alia, alia vero profunde ex unoquoque latere, ad foliorum Scabioſæ modum, inciſa, longa, cuſpideque obtuſa, plerumque deſinentia, præſertim inferne locata. Summis caulibus, ramisque flores umbellati quodammodo enaſcuntur, ac quamdam turbinis ſpeciem eſſormant, exigui ſunt, albi, ad purpureum accedentes, odore ſuavi, Jaſmino, proximo. Singuli autem tubulo conſtant, vertice roſæ more expoſito, & quinquifido, nonnullis ſtaminibus, apicibus rotundis. Deciduiſ floribus ſuccedunt ſemina plana, oblonga, criſtata. In hortis colitur planta hæc, in quibus facile multiplicatur, in Alpibus, aliisque montibus ac ſylvis ſpontè creſcit, ſatis raro tamen, Aprili, Majo, Junioque flores propellit. Inter Valerianæ ſpecies melior, exquiſitiorque eſt. Radix præſertim in uſum venit, fere ſola plantæ huiusce pars in uſum Medicum revocata, quamvis a

Nonnullis & folia, & flores utilissimi recenseantur. In ea autem feles, uti de Nepeta observavimus, summa delectatione obvolvuntur.

Valerianæ hortensis radix plurimum habet olei, salisque essentialis. Tam a veteribus, quam a neotericis Medicis majoribus, quam par est encomiis extollitur planta hæc adeo, ut cum Valeriana sylvestri modo recensenda confundi videatur. Certo tantum scimus, ejus radicem aperientem, & diureticam esse, vique modica alexiteria, ac sudorifica pollere. Feliciter in Asthmate, Hepatisque obstructionibus usurpatur a ʒ ij. ad ʒ β. in jusculo, aut ptisana hisce morbis appropriata, aut in substantia, & pulvere in Vino albo a ʒ j. ad ʒ ij. A pluribus extrinsecus ad visum roborandum præscribitur, decoctione in Vino parata, ejusque guttulis aliquot in oculis immixtis, a quibus roborantur, corneæque maculæ dissipantur. Rajus vero asserit, in Anglia foliis tuis, & Cataplasmatibus forma appositis exilia vulnera vulgariter sanari.

Usurpatur præterea radix prædicta in Theriaca, Mithridato, *Laurea Alexandrina*, atque aliis bene multis Confectionibus.

Valeriana sylvestris, *Offic.* Valeriana sylvestris major, C.B.P. 164. *Inst. R. H.* 132. *Ger. Park. Raii Hist.* 388. Valeriana sylvestris magna aquatica, J.B. 3. 210. Valeriana sylvestris, *Dod. Pempt.* 349. *Lob. icon.* 175. *Camer. Eyst.* Valeriana sylvestris major *Dodonæi*, *Lugd. Hist.* 1044. Phu parvum, *Math. Phu* Dioscoridis, *Brunf. C. lumn.* Valeriana vulgaris, *Trag. Cord. in Dioscor.* Phu Germanicum, *Fuchs.* Valeriana foliis omnibus pinnatis, *Linn. Hort. Cliff.* 15. Valeriana sylvestris prima, *Clus. Hist.* Valeriana aquatica major, Phu minus vulgare vel sylvestre, *Nonnull.* vulgo *la Valèriane sauvage ou de bois, ou la petite Valèriane.*

E radice fibrosa, sub-albida, repenti, odoris satis penetrantis, exsiccata præsertim, saporis aromatici, caules ad humanam proceritatem emergunt erecti, graciles, fistulosi, striati, per intervalla nodis intersiti, nonnihil hirsuti. Folia Valerianæ hortensi proxima sunt, magis tamen divisa, ac viridiora, ambitu denticulato, nonnihil inferne hirsuta, crassisque venis distincta. Summis caulibus, ramisque flores progignuntur, umbellati ex albo purpurei, ad præcedentis speciei modum efformati, quibus semina succedunt cristata, facile, ventorum vi, dispergenda. Cæduis in sylvis, nemoribusque crescit planta hæc; quæ vero humidis in locis, umbrosis, ac secus aquas reperitur varietatem suppeditat foliis latioribus, lævioribus, e viridi-lucescentibus, caulibus crassioribus, fortioribus, elatioribusque. Utraque autem Majo, Junioque floribus decoratur, ac indiscriminatim usurpatur. Semina vero Julio maturescunt.

Valerianæ sylvestris folia odore carent, saporemque habent salsum, amarum, chartamque cæruleam saturate rubro colore imbuunt, languide autem a radicibus idem præstatur, quæ amaræ sunt, stypticæ, odore aromatico-penetranti, nonnihil ingrato. Planta igitur hæc sale scatet volatili, aromatico-oleoso, acidi salis Ammoniaci portione sociato, dum e contra in sale volatili oleoso artificiali acidum hocce sale Tartari irretitur. Quibus principiis Valeriana sylvestris anti-epileptica, sudorifica, hysterica, & ad menstrua excitanda aptissima efficitur: Asthmaticos, vaporibus, ac convulsivis motibus divexatos plurimum solatur. Radices in decoctionibus, jusculisque a ʒ ij. ad ʒ β. in substantia vero & pulvere ex liquore appropriato a ʒ j. ad ʒ ij. præscribuntur. E floribus quoque radicibusque aqua stillatitia elicitur,

citur, quæ ad \mathfrak{z} vj. usque exhibetur pro iisdem indicationibus. Narrat autem Fabius Columna, seipsum Epilepsia hujusce radicis usu sanatum fuisse, quod de aliis bene multis testatur. Tutissimum nos quoque remedium adversum eundem morbum reputamus. Colligenda autem Vere est antequam caules emittat, ad umbram exsiccanda, ac pulveranda. Exhibetur autem puerulis a \mathfrak{z} β . ad \mathfrak{z} j. β . in cochleari vini albi, aut lactis: adultiores autem, humoribusque saginati prius purgantur, Tartaro etiam Emetico, si opus est: Valerianæ pulvis deinde tribus subsequenter diebus, iis, jejuno ventriculo propinatur; denuo repurgantur, tresque aliæ doses eodem intervallo præscribuntur. Si autem sudores appareant, aut alvus aperiatur, aut vermes expellantur, sanatio in promptu est. A D. Chomelio in *Historia Plantarum usitatarum* asseritur, plures diversæ ætatis, ac sexus, hac methodo sanatos fuisse, quemdam vero præ aliis xii. ætatis annum agentem, qui quatuor annorum spatio, binis, aut tribus per mensem vicibus, convulsivis motibus corripiebatur, tremore continuo, ac universali, subsequitis, Grugeri plures extant Observationes in *Ephemeridibus Germanicis Decuria II. anno VII. pag. 140. & sequentibus*, quibus asserit, ingentem Epilepticorum numerum, radicis Valerianæ sylvestris p. \mathfrak{z} j. ex vehiculo sudorifico exhibita, pluriesque repetita, a se fuisse omnino sanatum. Remedium autem hocce copiosos sudores excitat, quibus statim paroxysmi imminuuntur, morbusque postea omnino tollitur. D. Lentilius in prædictis *Ephemeridibus* asserit, eundem pulverem miros effectus præstasse in Epilepsia uterina a mensium retentione oborta. Omnium denique Auctororum unanimi consensu planta hæc, tamquam validius anti-Epilepticum usque adhuc cognitum, reputatur. Sylvius vero Valerianam Pæoniæ anteponit, in morbis Convulsione sociatis. Tournefortius præterea mirandos sane eandem effectus præstasse asserit in violentioribus Asthmatis paroxysmis: præcipit autem, ut aquæ ferventis \mathfrak{ss} j. radicis Valerianæ \mathfrak{z} j. superaffundatur, ut vas ab igne retrahatur, eoque probe cooperto, infusum postea cyathis, ægris propinetur.

Radicis Extractum eadem vi pollet; ex eo \mathfrak{d} j. cum Laudani gr. j. exhibetur, vel Laudanum cum \mathfrak{d} . β . radicis p. sociatur.

Valerianæ radix usurpatur in aquis Generali, Theriacali, Hirundinum, & Epileptica, in Mithridato, & Orvietano., Pulvere de Gutteta, & Unguento Martiato *Pharmac. Paris.*

Radix vero ac folia usurpantur in Emplastro Diabotano, & Extractum in Theriaca cælesti *eiusdem Pharm.*

Rx. Aquar. Valerianæ sylvestris, ac Flor. Tiliæ ana. \mathfrak{z} iij. Sp. volatilis Salis Ammoniaci, & Tincturæ Castorei ana. gut. xv. Syrupi de Stœchados \mathfrak{z} j. M. pro potione anti-Epileptica mane, ac vesperi convenienti temporis spatio ab ægris haurienda.

Boli Anti-Epileptici.

Rx. Conservæ Pæoniæ maris & pul. de Gutteta ana \mathfrak{d} j. Radicis Valerianæ p. gr. xv. Castorei Camphoræ & Myrrhæ ana. gr. v. Salis volatilis C. C. gr. jv. Tincturæ Antispasmodicæ gut. viij. M. f. b. pluries, mane, jejuno Stomacho repetendi.

Opiata Anti-Epileptica.

Rx. Fimi Pavonis exsiccati, & radicis Pæoniæ maris ana. \mathfrak{z} ij. radicis Valerianæ sylvestris \mathfrak{z} j. Seminum Pæoniæ \mathfrak{z} iiij. Sem. Carvi \mathfrak{z} β . M. cum f. q. Mellis pp. cum Rore Marino. Dosis autem \mathfrak{z} ij. præscribetur.

Rx. Castorei optimi \mathfrak{z} β . Ambari citrini f. p. & Croci ana. \mathfrak{z} ij. Flor. recentium Lilior. Convall. \mathfrak{z} j. Superaffunde sp. vini camphor. Sp. Lavendulæ comp. & Sp. Salis Ammoniaci ana. \mathfrak{z} jv. Digerantur omnia frigida sex dierum spatio, in vase vitreo probe clauso. Filtretur postea Tinctura, aut a facibus per inclinationem separetur, simulque coletur. Exhibetur autem a \mathfrak{z} j. ad \mathfrak{z} j. in aqua Cerasorum nigror., aut Flor. Tiliæ, aut Flor. Valerianæ, vel denique in Julapio cephalico. Tinctura vero hæc in Epilepsia, vaporibusque excellit.

Valeriana palustris, *Offic.* Valeriana palustris minor, C. B. P. 164. *Inst.* R. H. 132. Valeriana minor pratensis vel aquatica, J. B. 3. 211. Valeriana minima, *Dod. Pempt.* 350. Valeriana minor. *Ger. Raii Hist.* 388. Valeriana sylvestris minor, *Park.* Valeriana foliis caulinis pinnatis, sexu distincta, *Linn. Hort. Cliff.* 16. Phu minimum palustre five aquaticum, *Nonnull.* vulgo la petite Valeriane aquatique.

E radice tenui, repenti, sub-albida, pluribus capillaribus fibris stipata, odoris aromatici, ac grati, saporis amariusculi, caulis fere pedalis exsurgit angulosus, gracilis, radiatus, cavus, per intervalla nodis interfitus, in quibus folia enascuntur bina invicem opposita, & ad costam usque incisa, caudæ destituta, inferne autem locata rotunda sunt, fere integra, longisque caudis appensa. Flores in caulis apice umbellam veluti quamdam efformant, ut in Valeriana sylvestri, longe tamen minorem, ex albo sub-rubram; pro singulis autem semina præsto sunt cristata. In pratis, locisque humidis, ac paludosis, & secus rivulos crescit planta hæc, in qua Aprili, ac Majo flores apparent, semenque Junio maturatur. In agro quoque Parisiensi frequens occurrit, quemadmodum & præcedens.

Isdem dicitur cum binis aliis speciebus viribus pollere, longe tamen demissioribus, quare minorem in re Medica usum habet.

V A L E R I A N E L L A.

VALERIANELLA, *Offic.* Valerianella Campestris, inodora, major, C. B. P. 165. *Raii Hist.* 392. Locusta herba prior, J. B. 3. 323. Valerianella arvensis præcox humilis semine compresso, *Mor. umb. Inst.* R. H. 132. Lactuca angina, *Ger. Park.* Phu minimum alterum, *Lob. icon.* 717. Locusta herba, foliis fere Oleæ, *Gesn. Hort.* Locusta major & minor, *Riv. Mon.* 8. Valeriana caule dichotomo, foliis lanceolatis integris, fructu simplici, *Linn. Hort. Cliff.* 16. Bupleuron Hippocratis, *Plin.* Lactuca campestris, Herba Sanctæ Clare Monspeliensium, Olus album, Auricula Leporis, Pinguicula, *Quorumd.* vulgo Mache, Blanchette, Poale grasse, Clairette, Doucette, Accroupie, Salade de Chanoine.

E radice minuta, fibrosa, alba, annua, saporis fere dulcis, & insipidi, caulis emanat semipedalis, debilis, rotundus, solum versus ut plurimum inclina-

clinatus, striatus, cavus, nodosus, ramosus, binis plerumque ramis pro unoquoque nodo subdivisus, qui deinde in alios plures pariter discriminantur. Folia oblonga sunt, satis densa, mollia, tenera, delicata, conjugata, herbacea, alia integra, alia crenata, cauda, destituta, sapore sub-dulci. Summis ramis flores implantantur exigui, sub-albidi ad purpureum colorem accedentes, fasciculatim umbellæ in morem sociati, ex iis autem singuli fistulam efformant, eleganter expansam, & quinquifidam, odoreque carent. Deciduis floribus rotundi fructus, nonnihil plani, rugosi, sub-albidi succedunt, exciduntque antequam ad maturitatem perveniant. Ubique fere crescit planta hæc in arvis inter segetes, ac in vinetis; in hortis quoque colitur, feriturque Septembri, totaque Hyeme, ac Quadragesimali præsertim tempore usurpatur, ejus enim folia teneriora in acetariis aut sola, aut cum Rapunculis, & Hipnoide admixta, ad exitum usque Aprilis perdurare solet, tunc autem caules, floresque emittit; solo pingui delectatur.

Valerianella refrigerat, ac detergit, facultatesque habet Lactucæ proximas. A S. Pauli commendatur ad febrilem ardorem, doloresque nephriticos compefcendos, ac in juscule vitulino in hisce morbis apto usurpatur: cum successu etiam adhibetur adversum rheumaticos, & hypochondriacos affectus, scorbutum, & arthritidem, uno verbo, quum vi polleat temperandi, aptissima est ad humorum acrimoniam, sanguinisque massam corrigendam. Ab agnis summopere in deliciis habetur.

V E R A T R U M.

Superius sectione prima, una cum vegetabilibus exoticis de Helleboro albo, & nigro verba facta sunt, de HELLEBORASTRO autem, in arte Medica ad bruta potius, quam ad homines sanandos quandoque usurpato, pauca adhuc nobis remanent dicenda.

Helleborastrum, *Offic.* Helleborus niger foetidus, C. B. P. 185. *Inst.* R. H. 272. Elleborus niger sylvestris adulterinus, etiam hyeme virens, J. B. 3. *App.* 880. Veratrum nigrum tertium, *Dod. Pempt.* 386. Helleborus maximus, *Ger. Raii Hist.* 698. Helleborus maximus, sive Consiglio, *Park. Consiglio, Ruell. Gesn. Hort. Lonic. Consiglio sylvestris, Turn. Sesamoides magnum Cordi, Lob. icon.* 680. Helleborastrum magnum, *Tabern. Pedicularia foetida tertia, Trag. Enneaphyllon Plinii, Casalp.* Helleborus caule inferne angustato multifolio, multifloro, foliis caule brevioribus, *Linn. Hort. Cliff.* 227. Helleboraster maximus flore & semine prægrandibus, Consiglio aconito propior, *Lycostonum primum, Pulmonaria Vegetii, Nonnull.* vulgo *Ellebore noir commun, Pied de Griffon, Pommelée, ou Herbe de Cru.*

Ex radice fibrosa, obliqua, lignosa, cortice tecta sub-nigro, intus albida, amariuscula, ac leviter acri, caulis exsurgit cubitum altus, rotundus, durus, ramosus, e viridi sub-rufus, odore virulento, plurimis vestitus foliis, longis caudis appensis, ad manus apertæ modum dispositis, oblongis, firmis, ambitu plerumque denticulato, venosis, e viridi nigricantibus. Summis caulibus, ramisque flores enascuntur satis conspicui, sub-virides, pluribus constantes petalis rosaceis, numerosis staminibus, apicibus planis, diutissime perdurantes. Horum autem locum fructus subeunt pluribus constantes corniculis membranaceis, in capitulum collectis, semina continentes fere

rotunda, ac nigra. Rudibus, incultisque montanis locis, juxta sepes, atque arva crescit planta hæc; Februario Flores prodit, & quandoque etiam Januario, Hyeme temperatiore, semen vero ad maturitatem Junio perducitur. In agro Parisiensi quoque luxuriare solet.

Helleborastrum, non minorem habet, præ aliis Hellebori speciebus, causticitatem, in violentis oculorum fluxionibus usurpatur, quæ quandoque cedunt, aurium lobo perforato, ac ejusdem radicum frustulo in eo transfixo, peccantium serositatum diversione procurata: vulgatiores autem ejus usus esse solet, ægrotantium Boum cutem subtus fauces pendentem magno ejusdem frustulo, setacei more, transfodiendi, hinc morbificæ serositatis profluvium excitatur, eorumque morbi profligantur.

A rusticis etiam ad catharsim quandoque usurpatur, non sine manifesto periculo; a Trago enim & Dodonæo venefica vis Helleboraastro tribuitur, ac jure, meritoque ejus internus usus prohibetur.

V E R B A S C U M.

QUamvis urgente necessitate omnes VERBASCI diversæ species in usum revocari possent; nos tamen binas tantum usitatiores hic loci describemus.

Thapsus barbatus, *Offic. Verbasum mas latifolium luteum*, C. B. P. 239. *Inst. R. H.* 146. *Raii Hist.* 1094. Verbasum vulgare, flore luteo magno, folio maximo, J. B. 3. *App.* 871. Thapsus barbatus, *Ger. Verbasum latius Dod. Pempt.* 143. Verbasum mas, & Candela regia, *Lob. Obs.* 303. Verbasum primum, *Matth. Cord. in Dioscor. Lugd. Hist. Cæsalp.* Verbasum candidum mas, *Lac. Lonic.* Verbasum album mas, *Thal.* Verbasum latifolium mas, *Eyst.* Verbasum majus masculum Leucophyllon, *Trag.* Verbasum album vulgare, sive Thapsus barbatus communis, *Park.* Verbasum caule simplici floribus sessilibus calvato, foliis utrinque lanigeris, *Linn. Hort. Cliff.* 55. Verbasum mas latifolium flore luteo, Phlomos vulgaris mas Dioscoridis, Candela regis, Candelaria, Lanaria, Cauda Lupi vel Lupina, *Quorumd.* vulgo *le Bovillon-blanc male, la Molene ou le Bon-Homme.*

Radice est simplici, oblonga, satis crassa, lignosa, alba, fibris fulta, biennali, quæ caulem ad quatuor, aut quinque pedum altitudinem propellit, crassum, rotundum, durum, lignosum, quandoque ramosum, lanugine quadam obtectum. Folia magna sunt, longa, lata, mollia, hirsuta, lanuginosa, utrinque alba, alia in terram strata, alia cauli alternatim appensa, appendicibus alas quodammodo in caule efformantibus. Flores simul congesti exiguas æmulantur rosas quinque partitas, lutei sunt, elatioremque caulis, & ramorum partem circumdant atque ornant; iis autem fructus ovales, ac turbinati præsto sunt, qui in duas cellulas discriminantur, plurimæque minuta, angulosa, & sub-nigra occludunt semina. Sabulosis in locis, in arvis, secus vias, in aggeribus, ac quandoque etiam in parietibus, ædificiorumque ruderibus crescit planta hæc; Junio, Julio, & Augusto flores emittit. Ejusque foliis, & floribus utplurimum utimur.

Thapsus barbatus alter seu fœmina, *Offic. Verbasum fœmina flore luteo magno*, C. B. P. 239. *Inst. R. H.* 147. Verbasum maximum Meridionalium odoratum luteum, J. B. 3. *App.* 871. *Raii Hist.* 1094. Verbasum maximum album,

album, *Ger.* Verbasum fœmina flore albo vel pallido, *Park.* Candela regis vel candelaria altera, Verbasum seu Thapsus barbatus foliis longioribus, & angustioribus, *Quorumd.* vulgo *le Bouillon-blanc femelle*.

Radice est satis longa, crassa, lignosa, simplici, alba biennali, speciei præcedentis simili. Caulem ad quatuor aut quinque pedum altitudinem & ultra producit, crassum, rotundum, durum, parumper ramosum, lanuginosum. Folia rotunda sunt longa, mollia, villosa, lanuginosa, alba. Flores autem habet Thapso barbato mari per similes, plerumque luteos, quandoque albos, aut pallidos, staminibus quinque in centro locatis, apicibus purpureis, exiguis lineis sub-rubris distinctos, odore suavi. Floribus deciduis capsulæ succedunt fere rotundæ, turbinatæ, binis cellulis distinctæ, pluribus, refertis, seminibus angulosis, & sub-fuscis. Iisdem fere in locis cum præcedenti occurrit, altero tantum anno flores Æstate exeunte, aut Autumno emittit. Ejus folia, ac flores in Thapsi barbati maris locum usurpantur.

Verbasci folia saporem habent nonnihil falsum, ac stypticum; Sambucum redolent, rubroque colore satis conspicuo chartam cæruleam inficiunt, quod saturatius a floribus præstatur, qui styptici pariter sunt, ac dulces. Verisimilius autem videtur, hujusce plantæ salem, ad Corallorum salem quoquomodo accedere: constituitur vero plurimo acido, & exigua Ammoniæ salis portione, sociatur autem una cum maxima sulphuris, terræque quantitate. Hinc vim habet planta hæc temperandi, resolvendi, ac consolidandi. Indiscriminatim, ut innuimus, binæ usque adhuc recensitæ Verbasci species adhibentur tam interne, quam externe. A Matthiolo foliorum, florumque decoctio Gargarismatis forma in faucium morbis præscribebatur, nec non tussientibus, dysentericis, tenesmo, colica, tensionibusque dolorificis, ac inflammationibus infimi ventris correptis. Verbasci decoctio revera, utilissima est, ac familiarissima, huic tamen in prædictis morbis anteponitur ptisana temperans, in qua dum proxime ab igne est retrahenda Verbasci florum pugilli aliquot injecti fuerint; bechici enim & pectorales sunt, ad sanguinis acrimoniam, cutis pruritum, hæmorrhoidesque internas, & externas leniendas dicati. Afferitur, Aloes in Verbasci succo solutam ac deinde ad extracti consistentiam inspissatam, nullam irritationem, aut hæmorrhagiam progignere; tutius tamen corrigitur, si aqua solvatur, filtrationis ope resinosas particulas segregando, quæ super chartam bibulam remantes, nullas, aut irritationes, aut hæmorrhagias progignere amplius possunt, portione jam filtrata ad extracti consistentiam evaporata. Tragus vero radices Verbasci in Vino rosato decoctas adversus colicam usurpabat, quæ etiam adversum Tenesmum in lacte, & ad ventris fluxum, dysenteriamque sistendam in aqua fabrorum ferrariorum decoquuntur. Ex prædictis vero decoctionibus cyathi bini de die ægris sunt exhibendi; enematis præterea forma eadem sunt usurpandæ, iisque anus fovendus.

Quod vero ad externum hujusce plantæ usum attinet. D. Chomelius in *Historia Plantarum usitatarum* asserit, pluries cum successu præscripsisse contra hæmorrhoides dolorificas, ac inflammatas foliorum Verbasci & Althææ ex lacte decoctionem, aut herbas decoctione madidas applicando, aut fumo, & vapore simpliciter excepto, quod utique commodius est. Ejusdem etiam fumigationis subsidio leniter aperiuntur, ac suppurantur furuncula, exiguique abscessus in ani orificio, hæmorrhoidibus ut plurimum supervenientes,

nientes, sicque partes hæ a Fistula, quandoque imminenti liberantur.

Verbasci quoque succus paratur adversum hæmorrhoidum inflammationem, & Arthritidem: folia ejus, floresque contunduntur; in parvis cupis ligneis probe coopertis, ac lutatis ad putrescendum infunduntur: post trium mensium digestionem, forti expressione succus elicitur, qui in vasis vitreis optime clausis servatur. Ut Soli deinde succus idem exponatur a Tragoprecipitur, ab aliis vero, ut in fimo sepelliatur.

Tragus pariter, & Matthiolus asserunt, aquam stillatitiam florum Verbasci optimam esse adversum adustiones, arthritidem, & erysipelata, aliosque cutaneos morbos. Postremus vero contra hæmorrhoides Cataplasma præscribit, foliis ejusdem plantæ ac porri, cum mica panis & vitellis ovorum, malaxatum, ac tulum. In *Observationibus Borelli Centuria prima Observ. XXVII.* narratur, rusticum a serpente demorsum, statim sanatum fuisse Verbasci foliorum contusorum applicatione: Rajus autem testatur, foliis iisdem subtus nudam pedis plantam appositis, ac in calceamentis congruo temporis spatio delatis, mensium fluxum accelerari. Denique miram fane Observationem de radicis Verbasci vi anti-apoplectica *Ephemerides Germanicæ* nobis suppeditant; *Decuria III. anno IX. & X. pag. 246.* a D. Matthæo Blavy narratur, radicem hanc die 28. Julii ante Solis ortum, quum potissimum Leonis signum subit, e terra evulsam, singulari energia adversum Apoplexiam polere, qua de causa in sericeo sacculo collo appensa deferri debet; nominatim autem bene multi in medium adducuntur vertigini dediti, ac quandoque apoplecticum insultum perpeffi, qui nullo amplius incommodo fuerunt divexati, postquam Amuletum prædictum in usum revocarunt. De experimenti hujusce certitudine fidem jubere haudquaquam volumus, quum vero facile, ac sine noxa exequi possit, lubenti animo commendamus; nec enim adeo ingenti impensa radix hæcce comparatur, uti Saccula Domini Arnoult; sique nihil proficiet, saltem aurum e crumena non abripietur.

Verbasci folia in Unguento *Populeo* usurpantur.

Rx. Rad. Althææ lotæ ʒ ij. Sem. Lini nodulo conclusor. pug. j. Florum Thapsi barbati pug. ij. Superaffunde ebullientis aquæ lb. ij. ac infusa relinquantur per semihoræ spatium, Colaturæ adde Syrupi Althææ, aut Tussilaginis ʒ j. pro ptisana convenienti in rheumatico affectu, tussi violenta, tenesmo, & colica pertinaci.

Rx. Flor. Thapsi barbati exsic. ʒ j. Pulverentur, ac in cyatho parvo vini albi, aut in jusculi poculo in ictero per triduum, mane, jejuno stomacho hauriantur.

Rx. Fol. Thapsi barbati recent. q. l. Contundantur, exprimanturque eorum succi ʒ ij. qui linteolo percolatus brevi ebullitione depuretur. Succus in cochleari Jusculi pinguis misceatur, bisque de die dysentericis propinabitur, nec non ventris fluxibus dolorificis, ac tenesmo vexatis.

Rx. Fol. Thapsi barbati, & Cynoglossi ana Man. j. Contundantur, & Cataplasmatibus ritu gagrænæ apponantur, iterumque de die innoventur.

Rx. Folior. Thapsi barbati, Malvæ, Parietariæ, & Senec. ana Man. j. Coque in lactis lb. iij. cum aquæ com. æ. q. ad tertiæ partis diminutionem. Frustulum panni lanei immersum, deinde fortiter expressum, satisque calidum per totam abdominis peripheriam applicetur, in dolorificis ejusdem viscerum inflammationibus.

V E R B E N A .

VERBENA, *Offic.* Verbena communis cæruleo flore, C. B. P. 269. *Inst.* R. H. 200. Verbena vulgaris, J. B. 3. 443. *Raii Hist.* 535. *Cæsalp.* Verbenaca recta, *Dod. Pempt.* 150. Verbenaca recta, *Dod. Pempt.* 150. Verbenaca recta Dodonei, *Lugd. Hist.* 1336. Verbenaca recta, & Verbenaca mas, *Tabern.* Verbenaca, *Matth. Lac. Cast.* Herba sacra, *Anguil. Turn.* Hierobotane mas, *Brunf.* Columbaris, *Hermol. Barb.* Verbena communis, *Ger.* Verbena mas, seu recta & vulgaris, *Park.* Verbena communis, five sacra procerior recta, *Lob. Adv.* Verbenaca recta, five Peristereon Dioscoridis, & Verbenaca mas Plinii, *Corn.* Herba Cephalalgica, *Hoffman. Alt.* Verbena foliis multifido-laciniatis, spicis filiformibus, *Linn. Hort. Cliff.* 11. Verbena mascula five inalba in locis umbrosis proveniens, Verbena vulgatio, Peristrium, Herba sagminalis vel ferraria, Columbina, *Quorumd.* vulgo *Verveine ou Verveine commune*.

Radice est oblonga, pene minimi digiti crassitie, nonnullis fibris stipata, alba, sapore ad amarum accedente. Caules ad pedis cum dimidio altitudinem exsurgunt angulosi, duri, nonnihil hirsuti, quandoque sub rubri, acramosi, foliis oblongis, binis invicem oppositis, profunde incis, rugosis, colore viridi magis superne, quam inferne saturato, sapore amaro, ac ingrato. Flores in longa, gracilique spica enascuntur, exigui sunt, labiati, plerumque cærulei, quandoque sub albid: singuli autem fistulam efformant vertice expansam, & quinquifidam, quatuor exiguis staminibus, apicibus recurvis in centro locatis. Deciduo flore calyx cornicularis in capsulam immutatur quatuor seminibus simul junctis, gracilibus, ac oblongis repletam. Secus vias, in agris, prope sepes, ac parietes, locisque incultis crescit planta hæc, quæ Junio, Julio, ac Augusto floribus stipatur, & quandoque Autumno. Planta universa in usum venit.

Verbena Analyfi Chymicæ commissa plures acidos liquores, plurimum olei, satisque salis volatilis concreti, ac terræ impertitur. Hinc deduci potest in ea Ammoniacum sal una cum plurimo sulphure contineri. Planta autem hæc ab Auctoribus tamquam vulneraria, detergens, hysterica, ac febrifuga reputatur tam interne, quam externe usurpanda. Vinum in quo noctis spatio Verbena infusa fuerit optimum est adversum icterum, ac chlorosim, si ex eo $\frac{3}{4}$ jv. mane jejuno stomacho, convenienti dierum spatio sumantur. Ejus vero pulvis a Cæsalpino pro Hydropicis commendatur. Vaporibus vexati nonnihil utilitatis recipiunt Verbenæ usu ad modum Theæ, qua de causa ex ea pug. j. pro binis ebullientis aquæ cyathis usurpatur. Verbenæ succo, aut ejus extracto periodicarum febrium paroxysmi moderantur, ac quandoque omnino tolluntur: ejusdem extracti $\frac{3}{4}$ j. bis de die, ante paroxysmum, ac febris declinante accessus die, die vero intermissionis, mane, post meridiem propinatur. Plantæ quoque succus ab $\frac{3}{4}$ ij. ad $\frac{3}{4}$ jv. præscribitur, in febribus autem nullo præcedenti rigore invadentibus observatum fuit, Chinam Chinam cum succo, aut extracto Verbenæ sociatam efficaciorum reddi, quam solitarie usurpatam. Creditur præterea, aqua ejusdem stillatitia, aut decoctione, in qua cancri fluviales ebullierint, abortum præcaveri, ac plantæ universæ decoctione ex lacte, nutricum lac mirabiliter augeri.

Extrin-

Extrinsecus quoque Verbenæ Cataplasma fronti, capiti in pileoli modum appositum, utilissimum deprehenditur in Emicrania, quum præcipue insigne frigus, ægri in capite persentiunt. Verbenæ foliis tuis, ac deinde farina Secale, albumineque ovorum conjunctis, Cataplasma efformantur maxima discutiendi vi præditum, utillimumque in Lienis infarctibus. Sola autem folia cum paucis aceto in sartagine frixa, aut calida patella macerata, costisque applicata, in pleuritide, costarumque dolore magnum solatium afferre solent: serosa autem materies effluens per cutis poros, herbæ hujusce succo, conjuncta, lintea partem cooperientia sub-rubro colore inficit, hinc ignarus vulgus, sanguinem in Pleura extra vasa stagnantem a Verbenæ extrinsecus attractum fuisse, putat. Eiusdem decoctio Gargarismatis forma faucium morbis, oris ulceribus, dentiumque tremoribus dicatur. Succus vero ejusdem met plantæ, aut ejus oleum infusione paratum vulnera sanat. In Officinis etiam aqua stillatitia Verbenæ prostat in oculorum morbis, ac præcipue inflammatione efficacissima, si splenia in ea madida iis applicentur, exsiccata deinde assidue renovando.

Verbenæ folia usurpantur in Aqua vulneraria, in Pulvere adversus rabiem, in Unguento mundificativo de Apio dicto, & in Emplastro Betonice *Pharm. Paris.* Ejus vero summitates in Oleo Scorpionum composito.

℞. Fol. recent. Verbenæ Man. ij. Sartagine frixentur s. q. Aceti. Cataplasmatismatis forma dolenti lateri in Pleuritide calide applicentur.

℞. Verbenæ Man. j. Contunde, & M. cum paucis Fermento, atque Oleo rosato pro Cataplasmate capiti post ebrietatem gravato apponendo. A Nonnullis vero ex ea recenti Man. j. sub auricula tantum applicatur.

℞. Fol. Verbenæ Man. j. Contundantur, ac Cataplasmatismatis more carbunculis admoveantur ad eorum progressum cohibendum.

V E R B E S I N A.

VERBESINA, *Offic.* Cannabina aquatica folio Tripartito diviso, C. B. P. 321. Verbesina sive Cannabina aquatica flore minus pulchro, elatior ac magis frequens, J. B. 2. 1073. Hepatorium aquatile, *Dod. Pempt.* 595. Bidens foliis tripartito divisis, *Cesalp.* 488. *Inst. R. H.* 462. Eupatorium Cannabinum foemina, *Ger. Raii Hist.* 360. Eupatorium aquaticum duorum generum, *Park.* Pseudo-Hepatorium alterum, seu foemina, *Thal.* Verbenæ tertia, sive supina, *Trag.* Eupatorium cannabinum foemina Septentrionalium stellato, & odore flore Lobellio, *Schwenckf.* Ceratocephalus vulgaris tripteris, & pentaperris folio, caule rubente, *Vaill. act. Ac.* 1720. p. 423. Verbesina foliis tripartito divisis, *Rupp. Jen.* 155. Bidens corona feminum retrorsum aculeata, foliis trifidis, *Linn. Hort. Cliff.* 399. Bidens folio dissecto, Hepatorium vulgare & adulterinum, Eupatorium conyzoides, Virga aurea aquatica, Terzolla seu Tertianaria lutea, Chrysanthemum aquaticum, vel Pseudo-Eupatorium Chyranthemum, *Nonnull.* vulgo *Eupatoire femelle batarde ou Chanvre aquatique.*

Radice est fibrosa, alba, aromatica, caules autem ad pedis cum dimidio, aut ad duorum pedum altitudinem emittit rotundos, duros nonnihil villosos, sub-rubros, ramosos. Folia, singula bina juxta caulem invicem opponuntur, acuta sunt, ambitu denticulato, lævia, in tres aut quinque portiones

plerumque divisa, basi satis lata, caulem amplectentia, sapore acriusculo. Summis caulibus, ramisque flores enascuntur, qui scilicet pluribus flosculis constant, vertice expanso, stelliformibus, e luteo viridescens, radiis nigris, quinque staminibus capillaribus, apicibus cylindræis in centro locatis; his autem præsto sunt femina oblonga, plana, angulosa, subrubra, retrorsum aculeata, facile transeuntium vestibis adhærentia. Humidis, paludosisque in locis crescit planta hæc, in fossis etiam aqua corrupta referatis, ac secus rivulos, Augusto ac Septembri floribus vestitur.

Verbesina ab Auctoribus nuncupata fuit, veluti quis diceret *Pseudo-Verbena*, ejus enim folia *Verbenæ* foliis ratione aliqua æquiparari possunt. *Cannabina* autem idem valet ac *pseudo-Cannabis*, sicque foliorum causa pariter vocatur.

Plurimum habet olei, salisque essentialis, exiguum in re Medica usum habet, tamen tamquam vulneraria, & aperiens reputatur, ac quandoque in potionibus & apozematibus vulnerariis adversum ulcera interna, præcipue pulmonum usurpatur: urinas quoque mensesque ciet, ac juxta Linnæum ad lanas flavo colore inficiendas inservit.

V E R O N I C A.

Maximus profecto extat ejusdem specierum numerus, tamen quatuor sequentibus tantum Medici utuntur.

VERONICA mas, *Offic.* Veronica mas supina & vulgatissima, C. B. P. 246. *Inst.* R. H. 143. *Raii Hist.* 851. Veronica vulgatior folio rotundiore, J. B. 3. 282. Veronica mas serpens, *Dod. Pempt.* 40. Veronica vera & major, *Ger.* Veronica mas vulgaris supina, *Park.* Veronica mas, *Fuchs. Loba. Lon. Thal. Anguill. Gens. Hort. Lugd. Hist.* *Betonica Pauli Æginetæ* seu *Teucrium*, *Trag.* 207. *Auricula muris*, *tertia*, *Cæsalp.* 336. *Teucris* quarta species, *Clus. Hist.* 349. Veronica *Tabern.* *Betonica altera Dioscoridis*, *Corn.* Veronica floribus spicatis, foliis oppositis, caule procumbente, *Linn. Flor. Svec.* 4. 8. Veronica Germanorum, Veronica Herbariorum vulgi; Veronica major septentrionalis, Veronica præstantior, *Theæ Europeum* vulgo, *Quorumd.* vulgo *Veronique male* ou le *Thè de l'Europe*.

Radicem habet delicatulam, fibrosam, utrinque in solo dispersam, vivacem, plures vero caules minutos, longos, rotundos, nodosos, hirsutos, in terræ superficie plerumque procumbentes, foliis oppositis, Pruni foliis fere similibus, villosis, denticulatis, sapore amaro, atque acri, floribus spicatis ad modum *Scordii*, exiguis, sub-cæruleis, quandoque albis, binis staminibus ejusdem coloris in centro locatis, apicibusque oblongis; singuli autem exiguum quadripartitam rosam mentiuntur. Deciduis floribus fructus succedunt cordati, duobus cellulis divisi, plurimaque minuta femina rotunda, ac subnigra occludentes. Rudibus, incultis, siccis, sabulosis, saxosisque in locis, in pascuis, juxta sepes in collibus apricis, & umbrosis, in nemoribus, ericæisque crescit planta hæc, quæ Vere, ac Æstate flores propellit. Univerfa autem in usum revocatur; cæteris vero tamquam præstantior ea anteponitur, quæ in Quercuum basi enascitur. Toto autem anni curriculo virefcit.

Veronica pratensis, *Offic.* *Chamædrys spuria major angustifolia*, C. B. P. 249. *Cha-*

Chamædrys spuria angustifolia, J. B. 3. 285. *Raii Hist.* 849. *Veronica supina*, facie *Teucrii pratensis*, *Lob. Icon.* 473. *Inst. R. H.* 144. *Veronica supina*, *Ger. Emac.* *Veronica Teucrii facie*, *Park.* *Tucrium primum Matthioli*, *Lugd. Hist.* 1165. *Teucrium secundum*, *Tabern. icon.* 380. *Auricula muris quinta*, *Cæsalp.* 336. *Teucrii tertia species*, *Clus. Hist.* 349. *Chamædrys vulgaris mas*, *Fuchs.* *Chamædrys altera*, *Trag.* *Chamædrys falsa insipida floribus cæruleis*, *Gens. Hort.* *Veronica floribus racemosis decussatis foliis oblongo-sagittatis*, *Guett. Obser.* 226. *Pseudo-Chamædrys seu Chamædrys sylvestris*, *Teucrium pratense alterum*, *Hierobotane vel Herba Sacra seu Verbenaca supina foemina Dodonæi*, *Nonnull.* vulgo *la Veronique des prez*, ou *la Germandrèe batarde*.

Radicem habet minutam, longam, repentem, fibrosam, lignosam, vivacem, plures emittentem exiguos caules, plerumque in terram stratos, quandoque nonnihil elatos, rotundos, hirsutos, lignosos, vix pedem æquant, foliis suffultos binis per intervalla invicem oppositis, oblongis, ambitu denticulato. In caulium extremitatibus sese in binos aut tres ramos dividunt, flores in spicam dispositi, elegantique cæruleo colore præditi progignuntur, quibus præsto sunt capsulæ *Veronicæ maris* capsulis persimiles, plurimaque semina minuta, ac sphaerica occludentes. In pratis, ac secus fluvios abunde occurrit planta hæc, haud raro in sylvis; flores Majo, ac Junio seriusque propellit, in regionibus præcipue frigidis, uti in Anglia, ibique, referente Rajo, sponte haudquaquam crescit.

Veronica rotundifolia, *Offic.* *Chamædrys spuria minor rotundifolia*, C. B. P. 249. *Chamædrys spuria latifolia*, J. B. 3. 286. *Veronica minor foliis imis rotundioribus*, *Mor. Hist. Oxon.* 320. *Inst. R. H.* 144. *Chamædrys sylvestris*, *Ger. Raii Hist.* 850. *Chamædrys spuria sylvestris*, *Park.* *Teucrium tertium minus*, *Tabern. icon.* 380. *Chamædrys*, *Trag.* 203. *Auricula muris sexta*, *Cæsalp.* 336. *Teucrium pratense & supinum Chamædryoides*, *Lob. icon.* 490. *Hierobotane mas Dodonæi*, *Lugd. Hist.* 1337. *Teucrium pratense*, *Rudb. Hort.* 209. *Pseudo-Chamædrys*, *Till. icon.* 50. *Veronica floribus racemosis lateralibus*, foliis ovatis plicatis dentatis, *Linn. Flor. Svec.* 5. *Chamædrys vulgaris foemina latiore folio*, *Pseudo-Chamædrys vel Chamædrys spuria rotundifolia sive foemina & vulgatior*, *Nonnull.* vulgo *la Veronique des bois ou des hajes*.

Radicem habet delicatulam, fibrosam, repentem plures ejcientem caules spithamam, & quandoque fere cubitum altos, minutos, rotundos, hirsutos, debiles, oppositis vestitos foliis, fere cauda destitutis, villosis, ambitu denticulato, saturate viridibus, rugosis, rotundis, *Scordio Vero* similibus. Ex foliorum alis flores enascuntur monopetali thyrsiformes, late cærulei, raro albi, brevibus elati pedunculis, quibus capsulæ succedunt seminales planæ, in duas cellulas divisæ, binis præcedentibus speciebus persimiles, exiguisque feminibus sphaericis refertæ. In pascuis, sylvis, ac prope sepes abunde luxuriat planta hæc, floret autem Aprili, ac Majo. Universa planta sapore scatet amaro, ac odore pene destituitur. Folia vero in superiori caulium parte locata extra ordinem caudis donantur longioribus, præ foliis in basi positis.

Veronica spicata, *Offic.* *Veronica spicata minor*, C. B. P. 247. *Inst. R. H.* 144. *Veronica spicata recta major & minor*, J. B. 3. 282. *Rai Hist.* 846.

Veronica affurgens five spicata, Ger. Veronica erecta angustifolia, Park. Veronica recta minima, Clus. Hist. 347. Veronica foliis obtusis, caule non ramoso spica nuda terminato, Hall. Helv. 531. Veronica floribus spicatis, foliis oppositis, caule erecto, Linn. Flor. Svec. 4. Veronica spicata angustifolia, Veronica minor erecta, Nonnull. vulgo *la Veronique a èpi*.

Radicem habet fibrosam, obliquam, vivacem, caulem proferentem plerumque erectum, semipedalem, & quandoque pedalem, & ultra, utplurimum simplicem, per intervalla foliis stipatum, angustioribus, acuminatioribusque, foliis Veronicæ vulgaris, leviter crenatis, hirsutis, radicem versus latioribus; prædictus vero caulis longa terminatur alborum florum spica, qui paulatim, a basi ad verticem efflorescunt, iisque succedunt capsulæ planæ cordiformes, in duas cellulas distinctæ, in quibus plura semina minuta, ac rotunda locantur. Crescit autem in sylvis, pascuisque siccis, arridis, ac sabulosis, floresque Julio, & augusto pellit.

Veronica mas præ aliis usque adhuc recensitis speciebus usitatio inter celebriores artis Medicæ plantas enumeratur. Si ejus autem proprietates singulas in medium adduceremus, hujusce Tractatus limites omnino prætergrederentur, quare præcipuas tantum exponemus, si quis autem de ea plura scire cupiet, legat ejus Historiam Parisiis excussam sub titulo *Thè de l'Europe*.

Veronicæ folia amara sunt, saturatissimeque rubro colore chartam cæruleam imbuunt, hinc suspicari potest, in iis sal latere Salis Corallorum analogum, quod tamen in Veronica majore acidi portione scatet. Abundanti præterea sal prædictum sulphure sociatur, Analyseos enim Chymicæ ope plurimum olei ex hac planta elicitur. Quibus sane principiis, sudorifica, vulneraria, detergens, diuretica, ad pulmones, materia viscida, ac purulenta, infarctos liberandos aptissima efficitur. Et de facto ptisana ex ea, parata, ac syrupus ejus decoctione, ac saccharo confectus excellunt adversum tussim siccam, asthma, pulmonum ulcera, sputumque sanguineum. Hujusce præterea plantæ usus viscera deobstruit, liquorumque commercium restituit: in ictero itaque, morbisque longis, ab hepatis, mesenteriique glandularum obstructionibus, obortis utiliter adhibetur.

Diurna etiam experientia ejus vis confirmatur in glareas, urinæ suppressionem, colicamque nephriticam. Qua de re eximia extat observatio in *Ephemeridibus Germanicis*, qua demonstratur, mulierem colica nephritica, sex annorum spatium, divexatam, decoctionis Veronicæ constanti usu sanatam fuisse, calculumque satis conspicuum excrevisse. Vulgatiores eam usurpandi ratio esse solet ad modum Theæ, pug. j. pro aquæ sextario semis, aut Man. ejus parvo, in jusculeo omni pinguedine destituto. Infusio hæc pariter convenit in hemicraniis, capitisque gravedine, in stuporibus, soporibusque; caput enim liberat, aptumque reddit ad meditationem, ac studia. In Officinis aqua Veronicæ stillata servatur, quæ contra calculum, vaporesque excellit, præsertim si in ℥ ij. β. ejusdem aquæ, ℥ j. ejus folior., æqualisque quantitas corticis medii Solani scandentis five Dulcamaræ infundatur. Veronicæ Syrupus ab ℥ j. ad ℥ ij. exhibendus, ejusque Extractum a ℥ j. ad ℥ j. β. sanguinem depurant, morbisque cutaneis adversantur, dummodo eodem tempore, affectæ abluantur partes, aqua ejusdem, in qua ea Vitrioli quantitas, quam continere potest, soluta fuerit. Tragus vero asserit copiosum sudorem

rem in febris malignis excitari, ℥ ij. Sp. Veronicæ, exigua Theriacæ portione, permixtis. Spiritus autem hic elicitur, Vinum, in quo convenienti temporis spatio Veronica digesta fuerit, distillando. In colica autem plurimum prædicantur clysteres cum ℥ j. decoctionis ejusdem plantæ, ℥ j. butyri, æqualique sacchari quantitate, parati: a Nonnullis Veronica una cum Chamomilla in lacte decoquitur, saccharumque additur.

Quoad ejus externum usum, utilissima est contra scabiem, impetiginem, crurum ulcera, vaga, nuncupata, & ad cutis maculas obliterandas, quinimo adversum Cancrum juxta du Renou: pro hisce vero morbis universæ Plantæ decoctio, aut ejus aqua distillata in usum revocatur; iis autem partes affectæ foventur.

Cæsalpinus, Pena, & Lobellius plurimum alias Veronicæ species commendant, efficacioresque Veronica mare dicunt, ad viscerum obstructions referendas. A Cæsalpino autem earundem amaritie hoc comprobatur; Tragus addit, secundam speciem, hydropem incipientem, fluores albos, tussimque convulsivam profligare; præscribitur autem *Teucrii* nomine.

Veronicæ maris folia usurpantur in Aquis, Vulneraria, & Generali, in Balsamis Vulnerario, & Mundificativo de Apio dicto *Pharm. Paris.* Plantæ vero succus in Emplastro *Oppodelthoc.*

℞. Aquæ Veronicæ ℥ jv. Infunde in ea per noctis spatium pulveris ejusdem plantæ ℥ j. Hauriatur mane potio hæc excellens adversum sterilitatem per integrum mensem.

℞. Extracti Veronicæ maris & Juniperi ana ℥ ij. M. pro bolo in viscerum obstructionibus, pulmonisque anarctibus exhibendo.

℞. Rad. Caryophyllatæ exsicc. & contus. ℥ ij. Glycyrrhizæ ℥ j. Veronicæ ac Hederæ terrestres ana Man. j. Flor. Hyperici, & Centaurii min. ana. pug. iij. Sem. Fœniculi ℥ ij. vel iij. M. f. infusio, ℥ β. in ebull. aquæ ℥ x. minutis aliquot vas coopertum remaneat, & dein servetur liquor pro usu, addendo Mellis purissimi cochl. j. Infusio hæc theiformis convenienti temporis spatio repetatur in Phthisi incipiente.

℞. Agrimonie Man. j. Veronicæ, Salviæ, ac Flor. Hyperici ana Man. β. Superaffunde ferv. aquæ ℥ xx. liquanturque cooperto vase per horæ dimidium. Fiat deinde colatura, cui adde Mellis rosat. ℥ ij. pro Gargarismate in ulceribus oris, fauciumque aptissimo.

℞. Sp. Veronicæ ℥ ij. Theriacæ ℥ j. M. pro potione diaphoretica in febris maligna exhibenda, quum mador apparet.

℞. Aquæ Veronicæ ℥ ij. Ea, linteola albâ inficiantur, ulceribusque crurum, aut puerulorum crassiori scabiei applicentur, hæc autem lotio detergit, ac consolidat.

℞. Sem. Violar. ℥ ij. Contunde in mortario marmoreo, paulatim superaffundendo Aquæ Veronicæ ℥ vj. Fiat deinde colatura, cui adde Crystalli miner. gr. xij. Syrupi Violar. ℥ j. pro emulsione utilissima in calculo, & colica nephritica.

V I B U R N U M.

VIBURNUM, Offic. Viburnum vulgo, C. B. P. 428. Lantana vulgo, aliis Viburnum, J. B. I. 557. Viburnum, Matth. 217. Inst. R. H. 637. Park.

Raii Hist. 1590. *Lantana* sive *Viburnum*, *Ger.* *Viurna* vulgi Gallorum, & *Ruelli*, *Lob. Cast.* *Spiræa Theophrasti* forte *Dalemchampi*, *Lugd. Hist.* *Viburnum* foliis cordatis acute crenatis venosis subtus tomentosis, *Linn. Virid. Cliff.* 25. *Viburnum* vulgare, *Nonnull.* vulgo *Viorne*, *Herdeau*, *Bourdaine blanche*.

Radix in terræ superficie errans arbusculam propellit, quandoque ad arboris proceritatem accedens, quæ ut plurimum magis in latum, quam in longum excrescit, ligno prædita fungoso ac medullosa; ramos vero emittit tres aut quatuor pedes fere longos, digitum crassos, satis flexibiles, satisque aptos ad herbarum manipulos, fasciculosque colligandos, cortice subalbido, ac farinaceo. Folia habet Alno, Ulmoque similia, hirsuta tamen, opposita, lata, densa, ambitu crenato, subalbida, in parte præcipue postica, quum adhuc vigent, sub-rubra vero priusquam pereant, sapore adstringenti. Flores in ramorum apicibus umbellati, albi, & odori, adinstar florum Sambuci enascuntur, singuli autem pelvim quinquifidam mentiuntur, quinque staminibus sub-albidis, apicibus rotundis in centro positis. Deciduis floribus baccæ succedunt molles, rotundæ, aut fere ovales, crassiusculæ, primo virides, postea rubræ, ac denique per maturitatem nigræ, sapore subdulci, ac viscido fere ingrato, unicum singulæ continentes semen, eadem figura, donatum, satis tamen complanatum, latum, striatum, ac pene osseum. Frequens arbuscula hæc in sepibus, sylvulis, nemoribusque caduis, in locis rudibus, incultis, saxosis, argillaceis, & montanis crescit; florescit autem Æstate, citius, feriusve juxta aeris temperiem, folique indolem, ejus vero baccæ utplurimum Julio ruborem, Augusto autem exeunte, & Septembri maturitatem acquirunt.

Parum salis essentialis, plurimumque olei *Viburnum* continet. Ejus folia, ac baccæ refrigerant, ac adstringunt. A Matthiolo Gargarismatis forma, in oris, fauciumque inflammatione, & ad gingivas roborandas commendantur; decoctione præterea ad ventris hæmorrhoidumque fluxum sistendum utimur. Ejus radicibus in solo maceratis, ac postea tuis Visci species satis optima paratur pro avibus aucupandis. Mayernus vero in suo de *Asthmate Tractatu* corticem *Viburni* medium, tamquam salutare vesicatorium proponit, & Camerarius asserit, aquam stillatitiam foliorum, efficacissimum collyrium esse adversus oculorum morbos.

V I C I A.

Biniæ *VICIÆ* species reperiuntur a Medico præscriptæ, Vicia scilicet femine nigro, atque altera femine albo.

Vicia, *Offic.* *Vicia sativa* vulgaris femine nigro, *C. B. P.* 344. *Inst. R. H.* 396. *Vicia* vulgaris sativa, *J. B.* 2. 310. *Park.* *Vicia*, *Ger.* *Anguill.* *Lonic.* *Raii Hist.* 900. *Camer. Epitom.* 320. *Orobus sativus* & *Vicia major prima*, *Trag.* 624. *Ervum*, *Brunf.* *Vicia major*, *Fuchs.* *Arachus*, seu *Craccæ* primum genus, *Dod.* *Vicia* vulgaris sativa *Clusio*, *Apacha vera*, *Lugd. Hist.* *Vicia nigra*, *Orobus perperam* *Officinis*, *Aphace Græcorum*, *Os mundi*, *Nonnull.* vulgo *Vesce* ou *Vesse noire* ou *commune*.

Radice tenui, fibrosa, annua, plures emergunt caules ad pedis cum semisse, aut ad duorum pedum altitudinem, angulosi, striati, hirsuti, cavi, foliis

foliis oblongis, angustis, vertice latiori, hirsutis, decem, aut duodécim pari ordine eadem in costa locatis, manuque terminatis, quæ facile vicinis corporibus adhærescit. Flores leguminosi sunt, purpurei, aut sub-cærulei, corniculo denticulato suffulti. Deciduis floribus siliquæ præsto sunt villosæ, planæ, binis cellulis conflatae, feminibusque fere rotundis, & nigris refertæ, sapore ingrato. In arvis ubique fere feritur planta hæc in Europa, aut se-juncta, aut Pisus, & Avena permixta, pro Equorum, aliorumque brutorum alimento, ob herbarum præcipue defectum: etsi vero vim habeat infestæ herbas enecandi, terræque fertilitatem conciliandi, raro tamen in hortis colitur; florescit autem Majo, Junioque, semenque Augusto exeunte, aut Septembri maturitate donatur.

Vicia alba, *Offic.* Vicia sativa alba, C. B. P. 344. *Inst.* R. H. 397. *Park.* Vicia albo semine, J. B. 2. 311. *Raii Hist.* 900. Ervum candidum, vel faba veterum, *Trag.* 626. Vicia major folio cordato, flore rubro, fructu albo, Pisi minoris instar, *Mor. Hist.* 63. Vicia siliquis sessilibus erectis, foliis cordatis, *Hall. Helv.* 598. Vicia leguminibus erectis, petiolis polyphyllis, foliis acumine emarginatis, stipulis dentatis, *Linn. Hort. Cliff.* 368. Vicia albida, seu semine candido, *Nonnull.* vulgo *la Vesce blanche*.

Radix minuta, ac fibrosa, plures emittit caules fere bipedales, angulosos, debiles, cavos. Ejus autem folia plurimum variare solent, alia enim semirounda sunt, alia longa & angusta. Flos autem simplex aut duplex est, pluribus purpureis maculis circumfusus, brevi pedunculo elatus. Siliquæ etiam a Vicia communi differunt, feminibusque adimplentur, quandoque numero novem, albis, aut nonnihil purpureis, aut variegatis, dilute-viridibus, figura ac colore viridia adhuc pisa æmulantibus, diversisque, ex hoc tantum, quod eo latere, quo siliquæ appenduntur, nullam nigredinem habent. Ad præcedentis modum in arvis colitur planta hæc, eademque tempestate floret, ac ad maturitatem semen perducitur.

Analyti autem Chymica plurimum olei, parumque salis largitur. Indiscriminatim harumce specierum semine utimur, eoque farina elicitur qualitatibus farinæ Orobi succedanea. Vicia præterea adstringendi, condensandi, ac consolidandi vi pollet, hinc in ventris fluxibus usurpatur, nec non Cataplasmatibus forma ad emolliendum, resolvendum, ac roborandum. In fame quandoque, ut accidit anno 1709. difficilem admodum digestionem, procreantem, stomachumque gravantem panem, Vicia, conficere, coacti sumus. Semen quoque prædictum, ut innuimus, cum Avena feritur, ejusque herba statim scinditur, ad equos, mulosque vescendos, qua celerrime saginantur. Omnes denique norunt, Viciam, nutrimentum esse columbis famigeratissimum, a pullis vero hæud facile ingurgitatur, anatibus præcipue infesta.

V I O L A .

Hic loci sub VIOLÆ nomine, tres diversi generis plantarum species a nobis describentur, 1. Viola communis, 2. Viola Matronalis, five Damascena, 3. Viola Lunaria.

Viola, *Offic.* Viola Martia purpurea, flore simplici odore, C. B. P. 199. *Inst.* R. H. 419. Viola Martia purpurea, J. B. 2. 542. *Ger. Raii Hist.* 1049.

Viola

Viola nigra, five purpurea, *Dod. Pempt.* 156. Viola simplex Martia, *Park. Parad.* Viola fativa, *Brunf.* Viola Martia præcox purpurea, *Lob. icon.* 608. Viola simpliciter dicta, vel nigra cognominata, *Gesn. Hort.* Viola purpurea Matthioli, *Lugd. Hist.* 797. Viola acaulis, stolonibus teretibus reptantibus, pedunculis radicalibus, *Linn. Hort. Cliff.* 427. Viola Græcis simpliciter Ion vocata, Viola Loripes sessilis & clauda vulgo, Viola purpurea odora simplex, Viola Martia florum colore nigricantis purpuræ, Viola quadragesimalis, Herba violaria seu mater violarum, Viola flore simplici coloris in cæruleo sub-nigro purpurei, Leucojum nigrum Hippocratis, *Quorumd.* vulgo *la Violette de Mars ou de Careme*, *la Violette ordinaire*.

Fibrosa, densa, vivaxque radix, plura emittit folia semi-rotunda, adinstar foliorum Malvæ vulgaris lata, ambitu denticulato, viridia, longis caudis appensa. Hæc inter pedunculi eriguntur graciles, exiguum, elegantissimumque florem læte purpureum, aut atro-cæruleum sustentantes, odore sat grato, ac fragranti, sapore viscoso, nonnihil acri; constat autem foliolis quinis, staminibus totidem, apicies obtusos, gestantibus, papillæque specie quadam, quæ omnia calyce ad basim usque quinquifido fulciuntur. In decidui floris locum capsula ovalis apparet per maturitatem sese quadrifariam aperiens, plurimaque semina præfert semirotunda, capsulæ parietibus appensa, Coriandro exiliora, & sub-albida. Umbrosis in locis, soloque pingui, in fossis, juxta sepes, prope muros, ruri & in hortis luxuriat planta hæc, facileque propagatur filamentis longis, ac reptantibus hac illac radicem emittentibus; Vere, primum ineunte Martio, florescit, nec folia, aut virorem Hyeme amittit. Elegantissime floribus albis quandoque variare solet, & duplici cæruleo, aut duplici albo flore diligenter in Curiosorum hortis excolitur: in hacce vero postrema satis incommodæ profecto esse solent exilissimæ ejus caudæ, quæ quum ad ejus florem sustinendum non sufficiant, solo procumbens, terra, ut plurimum, tempore præsertim pluvio, sordescere flos idem solet.

Salsa nonnihil, glutinosa, ac detergens est ejus radix, neque rubro colore, chartam cæruleam inficit, non secus ac folia, quæ insipida sunt, magisque glutinosa, semina autem recentia ruborem aliquem in ea inducunt, radicibusque falsedine prævalent. Occluditur autem in Viola succus glareosus, alia principia obvolvens, eorumque activitatem comprimens: Analyti enim Chymica ex hacce planta plures acidi liquores, plurimum olei, salisque volatilis concreti, magnaue copia salis fixi lixivialis elicitur, hinc mirum non est, eandem phlegmate suo, atque oleo temperantem, aliorumque constituentium mixtura, diureticam, ac laxantem esse. Violæ autem sal cum sale Ammoniaco affinitatem habet, portione enim urinosa constituitur. Plerumque folia ac flores ejusdem in usum revocantur, & quandoque etiam radices, e quibus, trium aut quatuor unciarum infusio per superiora simul, ac per inferiora purgat; a Nonnullis vero adduntur salis Absinthii gr. xx. ad saturatiorem tincturam ex iis eliciendam. Folia in omnibus fere decoctionibus emollientibus, ac laxativis usurpantur, nec non in clysteribus communibus, ac fomentis temperantibus. Flores cathartici nonnihil sunt, refrigerantes, interque quatuor cordiales flores recensentur. Poterius asserit, eorumdem p. 3 j. in jusculeo omni pinguedine destituto, optime alvum subducere. Iisdem pariter, tres syrupi species parantur; Simplex nempe, cujusco-

lor elegantissimus sane est, dummodo non ferveat; Compositus a Mesue Arabo Medico adinventus, in quo Jujubæ, Sebesten, ac semina Malvæ, & Cotoneæ mali; admiscuntur binæ hæ syrupi species aptissimæ sunt in morbis Thoracis ab acribus, falsisque humoribus ortum ducentibus; incrassantes enim sunt, ac refrigerantes; tertius vero Solutivus nuncupatur, prædictisque in morbis convenit, quum purgandi adsit indicatio; semina enim, florumque calyces, quibus syrupus conflatur, alvum potenter movent: huic autem radices quoque addi possunt; Ejus etiam descriptio a D. Lemeryo in *Pharmacopœa* evulgata fuit, modo una cum aliis formulis a nobis recensenda.

Etmullerus narrat, a Timæo excellentem Conservam laxantem paratam fuisse, cum Violis, & Manna in earum succo ad Conservæ consistentiam fusa: hæc vero, alvum inertem ciendi, vim habet, fere ʒ ss. Species quoque aromatitæ Violis componitur, eadem virtute, prædita, cujus hæc est descriptio: cum Violarum calyce nequaquam carentium lbvj. igne claro, ac dulci Mannæ lbj. ss. funde. Colaturæ adde Sp. Vini lbij. Cochl. j. aut ij. mane, ac vesperi etiam, si opus fuerit, binis a pastu horis ex ea exhiberi possunt. Purgatio quoque excitatur integræ Violarum plantæ decoctione pro haustu. Mel vero Violatum in Officinis prostant, Violis ac Melle ad syrupi consistentiam cocto conficitur; cujus dosis esse solet ʒ j. aut ʒ ij. in clysteribus refrigerantibus, ac emollientibus. Violæ semina purgantia, ac diuretica sunt, præscribuntur vero in colica Nephritica, urinæ detentione, aliisque morbis, in quibus tantum lenissime solvendum est: iis ʒ j. aut ʒ j. ss. in mortario tufis, paulatim superaffunditur ʒvj. aquæ Graminis, colatur deinde liquor, addita syrupi Violar. ʒ j.

Violarum folia usurpantur in unguento *Populeo*, & clystere emollienti *Pharm. Paris.* Flores vero in syrupis de Jujubis, de *Erysmo*, & de Testudine, in *Requie Nicolai Myrepsij* in pulvere *Diamargarito frigido*, aliisque præparationibus. Flores vero ac semina in Electuariis, Lenitivo, & Diapruno; semen in Electuariis, de Psyllio, Catholico, & Diaphanico, in Confectione *Hamech*, & in Pilulis sine quibus ejusdem *Pharm.*

Rx. Furfur. loti Man. j. Coque in aquæ lbij. ad medias. Fiat colatura, in qua dissolve Mellis Violati ʒ ij. pro clystere refrigerante, & emolliente.

Rx. Sem. Violar. probe maturor. ʒ j. Contunde in mortario marmoreo, paulatim superaffundendo, aquæ Graminis, aut Veronicæ, aut Rosar. ʒvj. Fiat colatura raro linteolo pro emulsione, tribus a cœna horis, sumenda in colica nephritica, ac urinæ retentione.

Emulsio altera adversum Urinæ ardorem.

Rx. Sem. Violar. ʒ iiij. Sem. Lithospermi ʒ ss. Contunde in mortario marmoreo paulatim affundendo aquæ Fragariæ ʒjv. Colaturæ adde Aquæ Cinnamomi simplicis ʒ ij. Ocul. Cancror. pp. ʒ j. pro dosi horâ somni propinanda.

Rx. Flor. Violar. integrorum recentium lbij. Seminum Violar. contusor. lbss. Infundantur horis xij. in vase fictili cooperto cum aquæ ferventis lbvj. deinde bulliant leviter; colentur, & exprimantur, eadem colaturæ recalcactæ infunde secundo, itemque tertio, ac quarto, imo si libeat novies,

novies, tantundem Violarum recentium, & feminis Violarum, per idem temporis spatium, ac prima vice, usque dum liquor violarum substantia saturatus omnino sit, quod a floribus liquore infectis probe cognoscetur; denique ultima colatura cum Sacchari albi ℥ iij. clarificetur, & coquatur in syrupum. S. A. Dosis ab ℥ β. ad ℥ ij. ad bilem, & serositates exterminandas.

℞. Fol. Malvæ, Verbasci, Tussilaginis, Papaveris erratici, & Gnaphalii ana. pug. j. Affunde aquæ ferventis ℥ iij. Infusa per horæ semisse relinquantur. Fiat deinde colatura, cui adde Syrupi Violar. ℥ ij. pro infuso pectorali in dolore thoracis, raucedine, tussi, ac phthisi convenientissimo.

Viola Matronalis, five Damascena, *Offic.* Hesperis hortensis flore purpureo, C. B. P. 202. *Inst.* R. H. 222. *Raii Hist.* 790. Hesperides flore purpureo, albo & vario, J. B. 2. 877. Viola Matronalis, *Dod. Pempt. Lob. Gesn. Hort.* Viola Matronalis purpurea, *Ger.* Viola hyemalis purpurea, *Tabern. icon.* 308. Eruca alba & purpurea, *Lugd. Hist.* Leucojum & Viola purpurea, *Fuchsf.* Hesperis nostras flore simplici purpureo, Viola Moschatella, Leucojum Moschatum, *Quorumd.* vulgo *la Julianne ou Julienne, la Violette Giroflée des Dames, la Giroflée musquée.*

Radice est exigua, lignosa, alba, caules emittente fere bipedales, rotundos, hirsutos, medulla refertos, foliis alternatim sitis, juxta caulem, Eurucæ folio satis similibus, minus tamen incis, eorum ambitu denticulato, acuminatis, hirsutis, oblongis, brevibus caudis appensis, e viridi sub-nigris, sapore acriusculo. Ex foliorum alis ramusculi prodeunt, flores, efferentes Keiri floribus figura proximos, quatuor constantes foliis cruciformibus, quandoque albis, quandoque purpureis, quandoque ex albo, maculisque purpureis, variantibus, longis elatos pedunculis, suavissimosque. Hisce succedunt siliquæ longæ ac graciles, bivalvæ, intermedio septo distinctæ, ac plurima continentes semina ovalia, plana, sub-rubra, acria. In nemoribus, sepibusque quandoque occurrit planta hæc, in hortis præterea colitur, facillique negotio multiplicatur, delitiasque Curiosorum constituit, florescit autem Mayo, Junioque, semper virefcit, frigori que fortiter, uti Viola communis, resistit.

Julienne ab hortulano quodam Juliano qui primus eam excoluit vulgo Gallorum nuncupatur, *Hesperis* vero, fragrantiori enim odore, ejus flores post Solis Occasum, quam per diem scaterere videntur, *Viola Matronalis* denique, quia flavæ Violæ quoquomodo similatur, & a Matronis optimi odoris causa excolitur.

Raro admodum in usum Medicum venit planta hæc, continet autem plurimum salis, atque olei, incidit, atque aperit, Scorbuto, Asthmati, Tussi inveteratæ, Convulsionibusque adversatur, sudoremque, juxta Lemeryum excitare solet.

Viola Lunaria, *Offic.* Viola Lunaria major siliqua rotunda, C. B. P. 203. *Raii Hist.* 787. Lunaria major siliqua rotundiore, J. B. 2. 881. *Inst.* R. H. 218. Viola latifolia, *Dod. Pempt.* 161. Viola Lunaris prima, *Tabern. icon.* 313. Viola Lunaria, five Bulbonach, *Ger. Park.* Lunaria Græca rotunda Olingerii, *Gesn. Hort.* Lunaria major, aliis Bulbonac, *Camer. Hort.* Lunaria bulbosa seu Raphanitis, Lunaria odorata five Regia, *Thlaspi montanum* vel *Lunare majus,*

Quorund. vulgo *la grande Lunaire*, *le Bulbonach*, *Médaille*, *la Satinée*, *le Satin blanc* ou *Passe-satin*.

Radice est glandulosa, & biennali, quæ caulem, ad duorum, aut trium pedum altitudinem effert, quandoque ad minimi digiti crassitiem, hirsutum, ramosum, dilute-viridem, aut sub-rubrum. Folia Urticam æmulantur, duplo, ac triplo nonnunquam majora, villosa, denticulata, quandoque opposita, quandoque alternatim secus caulem disposita, sapore herbæ olitoria. Summo caule, ramisque flores progignuntur, ad modum fere florum Brassicæ dispositi, quatuor constantes petalis cruciformibus, purpureis, aut roseis, staminibus senis sub-viridibus, apicibus flavis ac radiatis in centro locatis, odore demisso. Horum autem locum subeunt siliquæ oblongæ, planæ, rotundæ, magnæ, bivalves, medio intersepto discriminatæ, argenteo lucentes, seminibus refertæ binis earum lateribus appensis, latis, reniformibus, Lentis more in centro elevatis, ac foliolo membranaceo stipatis, atrorubris, sapore acri, ac nonnihil amariuscule. Excelsis in montibus frigidarum regionum crescit planta hæc, quæ in hortis etiam colitur, florescit autem Majo, ac Junio, ac Aprili quandoque, facileque ope seminis multiplicatur. Folia Hyeme perdurante virescunt; altero tantum, anno postquam fata fuit, caulem producit, semineque ad maturitatem perducto perit.

Lunaria nuncupata fuit, eo quod ejus siliqua integram Lunam mentiatur, *Bulbonac* aut *Bulbonach* ob radicem bulbosam. Hinc facile aliarum denominationum ratio percipietur.

Plurimum habet salis atque olei. Semina ejus tantum, aliquem in re Medica usum habent. Tamquam incidentia, detergentia, aperientia, ac vulneraria reputantur, urinas cient, & Epilepsiæ ac Rabiei pulveris forma ex aqua Tiliæ adversantur a \mathfrak{z} j. ad \mathfrak{z} j. Quondam maxime ab Alchymistis exquirebatur planta hæc ad Opus magnum. Radices vero Rapunculi more commode acetariis sociantur.

V I O R N A.

Clematitis, *Offic.* Clematitis sylvestris latifolia, C. B. P. 300. *Inst.* R. H. 293. Clematis latifolia sive Athragene quibusdam, J. B. 2. 125. *Raii Hist.* 620. Vitalba, *Dod. Pempt.* 404. *Cæsalp.* Clematis sylvestris latifolia, sive Viorna, *Park.* Viorna, *Ger. Lob. icon.* 626. Athragene Theophrasti, *Anguill. Clus. Hist.* 122. Vitis sylvestris, *Trag.* 818. Vitis nigra, *Fuchs. Turn.* Clematis tertia Matthioli *Lugd. Hist.* Clematitis sive Viorna vulgi, *Eyst.* Viburnum Gallorum, *Bellon.* Clematitis foliis pinnatis, foliis cordatis, inæqualiter inciso crenatis, *Linn. Hort. Cliff.* 225. Vitis alba Italicorum, Clematis altera Dioscoridis, Ampelofagria, seu vitis sylvestris exulceratoria, uva taminea, vel taminia Celsi & Latinorum, Sarmentaria, Salictarium, Vitis Chironia, Bucranium, *Quorund.* vulgo *Clematite*, *Herbe aux Gueux*, *Barbe à Dieu*, *Fiorne des gens de la Campagne*.

Radice est nonnihil crassa, fibrosa, subrubra, vivaci, quæ Vitis more sarmenta propellit crassa, rudia, flexibilia, angulosa, ramosa, serpentia, prima ætate, nonnihil hirsuta, dein sub-rubra, plantis, arbusculisque proximis adhærentia. Folia habet Campanulæ arvensis erectæ, sive Viti Judaicæ æqualia, quandoque integra, quandoque crenata, quina ut plurimum pro-

unaquaque costa, sapore acri. Flores racematim aut umbellæ more enascuntur, quatuorque constant petalis rosaceis, calyce destitutis, pluribus in centro, suffultis, staminibus brevibus, & pallidiusculis, albi; & odori sunt subalbidis elati pedunculis. Floribus præsto sunt fructus criniti, capitati, pluribus conflati seminibus lanuginosis. Ubique fere secus vias, in sepibus, quas summopere exornat, inter spinas, ac in nemoribus luxuriat planta hæc, Julio florescit, & ad Hyemem usque ejus fructus perdurat. Caules ramique adeo flexibiles sunt, ut viminum, cordarumque loco, ad manipulos, fasciculosque herbarum, aliaque devincienda usurpentur.

Analyfi vero Chymica, plurimum olei & salis acerrimi, ad Euphorbii salem accedentis Clematidis largitur. Ab omnibus tam veteribus, quam recentioribus caustica reputatur, quum præcipue externe antiquis ulceribus applicatur, quas abstergit, carneque putrescenti omnino liberat. Dioscorides asserit, ejusdem foliis tufis, & appositis, Leporam sanari, ejusque semine trito, ac ex Hydromele propinato, bilem, ac pituitam solvi. Tragus vero addit, radicem in aqua Vini poculis binis, aqua salsa, permixta, purgantem esse, ac Hydropi adversari. Quibus non obstantibus testimoniis, nos tamen plantam adeo acrem, etsi Vino, & aqua marina corrigatur, internum in usum commendare haudquaquam possumus. Tabernæ Montanus, ex ea tufa atque oleo, Cataplasma parabat, ab pertinaciorum tumorum suppurationem ciendam. *Herbe aux Gueux* vulgo Gallorum nuncupatur, eadem enim mendici cutim suam fricant ad ulcera, excoriationesque excitandas, quas magnis ululatibus transeuntibus ostentatas, ac copiosa ex iis collecta eleemosina, facili negotio Verbasci foliis sanant. Verum enim vero nos ipsi vidimus a quibusdam periculosa ulcera, profundas cicatrices, linquentia fuisse contracta, eo quod ad intermittentes febres debellandas, eorum pulsibus medius Clematidis cortex appositus fuerit.

V I P E R I N A.

EChium, *Offic.* Echium vulgare C. B. P. 254. J. B. 3. 586. *Inst.* R. H. 135. *Park.* Ger. *emac.* *Raii Hist.* 498. Echion, *Cæsalp.* 436. Buglossum sylvestre, *Lob. icon.* 579. *Lonic.* Echium, *Dod. Pempt.* 631. Lycopsis, *Cord. in Dioscor.* Buglossa sylvestris, *Bunf.* Onosma, *Matth. Lac. Cast. Tabern. Lugd. Hist.* 1107. Lycopsis Germanica purpurea, *Fuchsf.* Anchusa prima Dioscoridis, *Guilland.* Echium caule simplici, foliis caulinis lanceolatis hispidis, floribus spicatis lateralibus, *Linn. Hor. Cliff.* 43. Echium five Echion colore floris ex purpura rubente, Buglossum agreste, Anchusa major, lingua hircina vulgi, Alcibion five Alcibiadion vel Alcibiacum, Viperina five Serpentaria, Herba Viperaria, *Quorumd.* vulgo *Viperine* ou *Herbe aux Vipères*.

Radice nititur longa; pollicem crassa, lignosa, biennali; caulem vero emittit binos pedes superantem, hirsutum, rotundum, firmum, viridem, rudibus, nigrisque punctis ad pellis serpentinae modum obsignatum, vertice plerumque, caudæ Scorpionis more, reflexo. Folia habet oblonga, angusta, hirsuta, tactu aspera, inordinate locata, insipida. Ab ima fere ad extremam usque sui partem caulis, floribus exornatur, infundibuli more efformatis, inclinatis, ambitu, quinque inæqualibus divisionibus, distincto, late caruleis, ad purpureum quandoque, quandoque ad cinereum colorem accedentibus; stami-

minibus quinis purpureis, apicibus oblongis, ac pistillo albo in centro locato, quæ omnia calyce ad basim usque quinquifido, longo, angusto, acuto, ac striato fulciuntur. Marcescentibus floribus quatuor semina simul juncta, rugosa, Viperinum caput æquantia succedunt. In arvis, in solo inculto, inter segetes, apricis in locis, ac fere ubique juxta vias, & in parietibus luxuriare solet planta hæc, Junio, Julioque efflorescit, Hyeme perdurante virorem servat, altero vero anno post caulis eruptionem, feminisque maturitatem perit; flore autem albo variare etiam solet.

Plurimum olei, parumque salis largitur planta hæc, quæ quamvis a Cæsalpino post Dioscoridem, aliosque veteres, viperarum, aliorumque veneficorum animalium morsui adversari dicatur, fidem nostram nihilominus præstare haudquaquam possumus, ac *Viperinam* potius, figura seminis viperinum caput mentientis, non vero earumdem morsus sanandi efficacia, vocatam credimus. Hacce autem methodo a Cæsalpino commendatur: recipiantur Fol. man. j. ac radicis fere 3 ℔. quibus tuis ac in Vini poculis iij. infusis, jus ægris exhibetur, vulnerique magma applicatur. A J. Bauhino ejus radix tamquam anti-epileptica prædicatur, ac pulverata 3 ℔. in Vini aut Cerevisiæ cyatho præscribitur, quæ profecto vis eodem cum præcedenti vitio laborat. Frequentissime Viperina Buglosso minus vulgari substituitur, eadem enim emolliente, humectante, ac pectorali efficacia pene donatur.

VIRGÆ AUREÆ.

Innumeras inter VIRGÆ AUREÆ species, binas sequentes a Medicis usurpatas tantum agnoscimus.

Virga Aurea minor, *Offic.* Virga aurea, angustifolia, minus ferrata, C. B. P. 268. Virga Aurea vulgaris latifolia, J. B. 2. 1062. *Inst.* R. H. 484. Virga Aurea vulgaris, *Dod. Pempt.* 142. *Ger. Raii Hist.* 278. *Gens. Hort.* Virga Aurea vulgaris, *Park.* Virga Aurea Matthioli, *Lugd. Hist.* 1272. Solidago ferracenica, *Thal. Eyst.* Consolida aurea, *Tabern.* Virga Aurea ferracenica, Herba Doria, Herba Judaica & Pagana, *Quorumd.* vulgo la Vierge d'Or a fevilles étroites.

Huic radix est geniculata, serpens, fusca, capillitio stipata subalbido, aromatica, quæ unum, aut plures præfert caules tripedales, erectos, firmos, rotundos, striatos, nonnihil villosos, medullaque fungosa repletos. Folia oblonga sunt, alterna, acuminata, hirsuta, ambitu denticulato, e viridi nigrescentia. Flores vero radiati sunt, secus caulem spicæ in morem dispositi, e luteo aurei, calyce suffulti pluribus conflati squammosis foliis, staminibus quinis capillaribus, apicibus cylindræis. Hisce vero succedunt oblonga, cristata semina. In sylvis, nemoribus, montanis, obscurisque in locis, humidis, rudibus, ac incultis frequens occurrit planta hæc, Julio autem & Augusto florescit. C. Bauhinus apte observavit, ejus folia modo crenata modo non, crenæ vero, si adsint, longe minus, quam in sequenti conspicuæ sunt.

Virga Aurea major, *Offic.* Virga Aurea latifolia ferrata, C. B. P. 268. *Inst.* R. H. 484. *Raii Hist.* 279. Virga Aurea, sive solidago Sarracenica, latifolia, ferrata, J. B. 2. 1063. Virga Aurea margine crenato, *Dod. Pempt.* 142. Virga Aurea Arnold. Villanovani, *Ger.* Virga Aurea ferratis foliis, *Park.* Solidago floribus per caulem simplicem undique sparsis, *Linn. Flor.*

Lapp.

Lapp. 306. *Consolida ferracenica major*, *Lugd. Hist.* 1271. *Virga Auræa altera*, *Lob.* *Virga Aurea folio latiore ferrato*, *Quorumd.* vulgo *la Verge d'Or a larges fevilles*.

Huic radix est longa, obliqua, fibrosa, vivax, caulem vero tripedalem, & ultra emittit erectum, rotundum, firmum, striatum, fungosa medulla refertum. Folia præcedenti latiora, longiora, magisque denticulata sunt. Flores radiati, ac luteo-aurei summo caule enascuntur non spicati, sed umbellati, squammoso calyce suffulti, quibus semina cristata præsto sunt. Montanis in locis, in nemoribus umbrosis, & humidis crescit planta hæc, flores vero Augusto, Septembri, ac Octobri propellit.

Virga Aurea styptica est, & amara, vixque chartam caruleam rubore imbuunt. Verisimile est, salem in ea contentum ad salem terræ connaturalem plurimum accedere, magna tamen olei, partiumque terrestrium portione admisceri, hinc detergens, vulneraria, ac diuretica efficitur planta hæc. Harumce autem specierum usque adhuc descriptarum folia, floresque in *Vulnerariis Helveticorum* abunde reperiuntur. Infusione ad Theæ modum usurpantur, pug. j. pro binis aquæ ferventis cyathis, aut in ptisanis, & decoctionibus vulnerariis, & aperientibus. Omnium autem Auctorum consensu opem maximam afferre solet, in urinæ difficultate, calculo, colica nephritica, viscerum obstructionibus, & hydrope incipienti. In hisce autem affectibus felici successu præscripta fuit quotidie ab Hoffmanno, & Boerhaavio, mirum enim in modum detergit, viscerumque tonum roborat. Ab Arnaldo Villanovano adversum calculum plurimum existimatur ℥ ij. pulveris forma singulo, mane in Vino albo exhibita. D. autem Chomelius in *Historia Plantarum usitatorum* asserit, simplicem ejus infusionem in vesicæ morbis mira præstare. In jussulis quoque, ac ptisanis adversum Dysenteriam, aliasque hæmorrhagiæ species usurpatur, magnopere enim temperat, renescque copioso urinæ fluxu referare solet. Ejus summitatum aqua stillatitia, ab ℥ jv. ad ℥ vj. propinanda in potionibus vulnerariis, ac diureticis, & Extractum a ℥ j. ad ℥ ij. iisdem viribus pollent.

Virga Aurea usurpatur in aqua *Generali Pharm. Paris.*

℞. Rad. Althææ ℥ j. β. Glycyrrhizæ ℥ β. Folior. Virgæ Aurææ Man. ij. Althææ ac Parietariæ ana. Man. j. Ficus N. jv. Baccar. Juniperi, Sem. Petroselinii Macedonici, Bardanæ, & Lythospermi (semen autem hocce postremum ad cocturæ medietatem additur) ana. ℥ j. Coque in seri lactis ℔ iij. in quo infusæ fuerint Vini albi ℥ jv. ad tertiæ partis consumptionem, Colaturæ adde Syrupi Althææ ℥ jv. pro decoctione, tepide, quaque hora, propinanda, in colica Nephritica, paroxismo declinante.

V I S C U M.

VISCUM, *Offic.* Viscum baccis albis, C. B. P. 423. *Inst. R. H.* 610. Viscus Quercus, & cæterarum arborum, J. B. 1. Part. 2. 89. Viscum, *Dod. Pempt.* 826. *Ger. Raii Hist.* 1583. *Matth. Trag. Fuchs. Linn. Hort. Cliff.* 441. Viscum vulgare, *Park.* Viscus, *Brunf.* Viscum Quernum, Querceum vel Quercinum, Viscum Corylinum seu Colum, Viscum tiliaceum, viscus vulgaris, Lignum Sanctæ Crucis Monachorum, omnia sanans Druidarum, Hyphæar

phear Arabum , Ramus Aureus Virgilii , Nonnull. vulgo *Gui commun* , ou *Gui de Chene* .

E radice viridi, primum tenera, granisque distincta, postea in centro lignosa, & vivaci, arbuscula veluti quædam progignitur ad duorum fere pedum altitudinem excrescens, globumque satis regularem efformans, caulibus minimum digitum fere crassis, lignosis, compactis, ponderosis, nodosis, externe saturate-viridibus, interne albo-lutescentibus, qui plures emittunt ramos lignosos, flexibiles, invicem plerumque implicatos, binis extremitatibus crassiores, diametri, pene ossis cruris, ac quodammodo una simul articulatos, cortice viridi, inæquali, granisque distincto, tectos. Folia binæ invicem opposita sunt, oblonga, densa ac carnosæ, succo destituta, dura, Buxo majori, aut Portulacæ foliis similia, longiora tamen, extremo rotundo, viridia, sub-lutea, aut pallescentia, sapore subdulci, amariuscule, aut acri, & adstringenti, odore demisso, & ingrato. Quamvis autem a Tournefortio, Boerhaavio, & Linnæo asseratur, sexum utrumque in iisdem individuis, sejunctis tamen in locis reperiri, experientia tamen nos edocuit, Viscum marem adesse, nunquam fructum deferens, Viscumque foeminam, toto anni fere spatio, fructibus onustum, uti a Plinio memoriæ proditum fuit, hoc discrimine, quod scilicet Viscum mas ab eo fructus deferens, fuerit nuncupatum, foemina vero iis destitutum. Flores in ramorum nodis enascuntur, fasciculatim conjuncti ad septem usque quandoque, unico regulari constantes petalo, campanulamque satis patulam crenis quatuor mentientes, staminibus totidem, apicibus oblongis, pulvere subtilissimo, onustis, hi autem florum fasciculi steriles sunt. Fertiles autem in ramorum alis, foemineis individuis locantur, tresque aut quatuor tantum plerumque flores continent sese Februario exeunte, aut ineunte Martio aperientes. Postremis hisce floribus fructus præsto sunt, qui paulatim excrescendo, in exiguas abeunt baccas ovaes, fere rotundas, molles, Pisis crassiores, brevi pedunculo, carnosæ calycis fundo appensas, albas, læves, lucentes, fere adinstar Margaritæ translucidas, satis Uvæ spinæ acinis persimiles, glutinoso succo, refertas, quo gluten a veteribus parabatur: in fructus centro, exiguum semen occurrit sub-viride, satis compressum, plerumque triangulare, aut cordiforme. Planta hæc revera parasita in solo neutiquam crescit, sed arboreorum ramorum ex cortice tantum, in quo radices implantantur; hinc facile colligi potest quantum detrimenti arboribus ipsis asferre soleat, magnam earumdem nutritionis partem abripiendo, quare a diligentioribus hortorum cultoribus exterminanda omnino est, Vere primum apparente, ut innuimus, flores emittit, Septembri, ac Octobri ejus fructus ad maturitatem perducuntur, feritur autem Februario, Martiove.

Vulgatissima recentiorum Botanicorum opinione evincitur, unam eandemque esse Visci speciem in adeo diversarum arborum numero excrescentem, uti hoc ipsum ferendo colligi potest. Si autem Auctoribus fides præstanda est in omnibus fere arboribus enascitur. Alii enim asserunt adinventum fuisse in Abiete, Larice, Pistacia, Nuce, Cotonea Malo, Pyro tam vera, quam sylvestri, Malo sylvestri, ac domestica, Mespilo, Oxiantha, Sorbo, Pruno, Amygdalo, ac Rosa: alii præterea, in Quercu tam viridi, quam vulgari, Subero, Castanea, Corylo, Tilia, Betula, Acero, Fraxino, Olea, Salice, Populo tam nigra, quam alba, Ulmo, Rhamno cathartico,

Buxo, ac Vite etiam, & Junipero; denique in Pseudo-Acacia reperitur. Ab Aristotele autem neutiquam a femine progigni traditur, ab eo enim tamquam spontanea productio, aut ab humoris arborum nutritii eruptione, aut earum transpiratione, ortum habens respiciebatur. Omnes autem qui de Visco scripserunt, exceptis quibusdam Neotericis, Aristotelis sententiam prosequuti sunt; nihilominus a Theophrasto & Plinio traditum fuit, Viscum produci e femine, cui prius, ut frigida qualitate, ejus germinationem impediante exoneraretur, per avium stomachum transeundum erat. Quum vero Visci semina non adeo dura sint, facile in avium ventriculis concoqui posse putavissemus, nisi Bocconus asseruisset, omnino integra ab avibus una cum excrementis restitui. Contrarium igitur probari haudquam potest. Neotericorum tamen observationibus evincitur, Viscum femine multiplicari absque ulla in avium stomacho permansione.

Observatu quidem dignum est, Visci ramos quandoque cælum versus, ad omnium fere plantarum, ac præsertim arborum & arbuscularum morem elevari. Si enim arbuscula hæc in superna rami parte implantetur, aliarum more ejus rami eriguntur, sin autem ex inferna exeat solum versus absque ulla detrimento, via prorsus contraria vegetare solet. Viscum segniter incrementum capit, Hyemeque folia conservat, hinc allucinetur Theophrastus, quum asserit, Viscum neutiquam foliis spoliari, si arbori adhærescat folia non dimittenti, ea vero depellere si arbori infideat, iis, ea tempestate, destitutæ.

Nostri in sylvis quandoque Quercus occurrunt Viscum deferentes, majori tamen copia in Italicis regionibus reperitur, ac præcipue Romam inter, ac Lauretum, quo tractu una tantum Quercus, ad plaustrum onerandum ex eo redundantem quantitatem, suppeditare potest; Clusius quoque nos edocet, Quercum foliis latioribus Visco feracissimam esse in pene omnibus Hungariæ sylvis. Ethnicorum Sacerdotes sub Quercubus Visco onustis simul collecti suas preces effundebant, ac veluti sacratam plantam respiciebant. Ex Plinio colligi potest quantis superstitiosis ceremoniis a Druidis Sacerdotibus Gallis Viscum Quercinum colligebatur: species vero hæc apud Medicos usitatio est; eligendum vero est crassum, probe enutritum, durum, ponderosum, ac si possibile est Quercus frustulo adhuc appensum, ut ejus originis major adsit certitudo; sæpenumero enim a mercatoribus Viscum vulgare pro Quercino divenditur. Viscum autem ex aliis arboribus elicium facultates habet Visco Quercino satis proximas, demissiores tamen, quamvis a Nonnullis huic postremo Viscum Coryli, aut Tiliæ anteponatur.

D. Du Hamelius, præcipuum Regiæ Scientiarum Academiæ ornamentum, qui Physicam facultatem utilissimis experimentis adaugere, ac exornare non cessat, plurimas de Visco observationes nobis exhibuit in ejusdem Academiæ Commentariis, publici juris factas, anno 1740. pag. 483. quas summa voluptate, ac emolumento Lector noster assequi potest.

Viscum plurimum habet olei, salisque essentialis. A Medicis autem ejus lignum, ejusque fructus usurpantur, primumque locum apud eos meretur Quercinum. Lignum tamquam excellens anti-epilepticum reputatur; pulveratur, sicque a ʒ j. ad ʒ ij.; aut taleolatim incisum, & in Vino albo infusum ab ʒ ss. ad ʒ vj. ejus liquor exhibetur: ad præcavendam præterea Apoplexiam, & adversum Vertigines usurpatur. A S. Pauli plurimum in Pleuritie

tide existimatur, ac ex eo pulverato, ℥j. in aquæ Hordei, aut Cardui Benedicti ℥ jv. præscribitur, quo copiosi sudores excitantur. Jo: Bauhinus contra vermes, eundem pulverem commendat, Rajusque asserit in Vino albo epotum quartanas febres depellere.

Visci baccæ acres sunt, & amaræ, nec usquam internum in usum revocandæ sunt, quum tamquam veneni species reputentur: violenter admodum per inferiora purgare solent, faciliq; negotio infimum ventrem inflammatione afficere possunt. Succo viscido scatent, ad abscessus maturandos, eorumque suppurationem accelerandam aptissimo, si iis linimenti forma applicentur. Ex iis vero a Veteribus Gluten conficiebatur hoc pacto, fructus prædicti in aqua prius decoquebantur, deinde iis tuis, colatura, ad semina, tunicamque segregandam instituebatur. Nostris autem diebus Gluten e cortice Aquifolii paratur, medius vero, tamquam tenerior, ac viridior seligi debet, in subterraneis cavis ad putrefactionem usque relinquendus, in mortariis deinde quassatur, ac in pastam reducitur, quæ abstergitur, & in aqua contrectatur. Productum hocce externe appositum potenter resolvendi, ac emolliendi vim habet. D. Chomelius in *Historia Plantarum usitatorum* testatur, ex eo Arthriticos plurimum solari; stupis eo infectis, pars vexata obvolvitur. Cataplasma autem prædictum dolorem temperat, ac inflammationem minuit.

Viscum Quercinum usurpatur in aquis Generali, & Hirundinum, in pulveribus Antispasmodico, & de Gutteta *Pharm. Paris.*

℞. Ligni Visci Quercini dissecti ℥ ij. Radicis Pæoniæ maris ℥ j. Coque in aquæ ℔ vj. ad tertię partis diminutionem. Adde versus finem Radicis Valerianæ maj. dissectæ ℥ ℔. Flor. Lilior. Convall., Tiliæ, & Gallii lutei ana. pug. j. Fiat colatura levi expressione, cui adde Syrupi Pæoniæ simplicis ℥ iij. pro decoctione anti-epileptica, tribus, aut quatuor cyathis tepidis de die in accessuum intervallis, exhibenda.

℞. Aquæ Flor. Tiliæ ℥ vj. Boracis Venetæ & Salis Ammoniaci ana. gr. xv. Visci Quercini p. ℥ j. Radicis Valerianæ maj. ℥ ij. Kermes mineral. gr. ij. Syrupi Pæoniæ simplicis ℥ j. M. pro potione anti-epileptica.

℞. Visci Quercini ℥ j. ℔. Rad. Pæoniæ maris, & Valerianæ sylvestris ana. ℥ ℔. Flor. Lilior. convall. & Tiliæ ana. ℥ jv. Kermes mineralis ℥ j. Salis Ammoniaci, & Boracis Venetæ ana. ℥ vj. Cinnabris nativæ & Salis sedativi ana. ℥ ℔. M. pro pulvere anti-epileptico, cujus dosis, ℥ ℔. cum q. f. Syrupi de Stœchados sociata, definietur.

℞. Corticis medii Visci Quercini q. l. Contunde in mortario marmoreo, ac M. cum q. f. Butyri mense Majo confecti, pro Unguento anti-phthifico, quod, pro linimento regioni Thoracis admovendo, inserviet.

V I S N A G A.

VISNAGA, Offic. Gingidium umbella oblonga, C. B. P. 151. Visnaga, J. B. 3. 31. *Matth. Lob. Raii Hist.* 456. Gingidium alterum, *Dod. Pempt.* 702. Gingidium Hispanicum, *Ger.* Visnaga Gingidium appellatum, *Park.* Fœniculum annuum, umbella contracta oblonga, *Inst. R. H.* 311. Gingidion, *Cord. in Dioscor.* Gingidium, *Anguill. Clus. Hist.* Sefeli Massiliense, *Fuchs.* Cuminum sativi alterum genus, *Cæsalp.* Gingidium seu Gingidion verum vel le-

gitimum Dioscoridis, Bisnaga seu Visnaga Hispanorum, Cheræfolium Hispanicum Herbariorum, Dentiscalpium Hispanicum, Oulus Syriacum, Nonnull. vulgo *Visnage*, *Fenovil annuel*, *Cure-dent d'Espagne*.

Fibrosa & annua radix caulem fere bipedalem propellit striatum, erectum, glabrum, Anethi cauli persimilem, foliis profunde incisiss, lævibus, ac ad instar foliorum Pastinacæ sylvestris compactis. Summo caule umbellati flores progignuntur sub-albidi, oblongi, duri, erecti, basi foliolis, Fragorum more, ornata, quæ sese contrahendo in centro cavum relinquunt, ex iis autem singuli, quinque, constant cordatis petalis, totidem capillaribus staminibus, simplicibus apicibus, ac tandem abeunt in fructus ovales bifariam divisos, bina occludentes semina, ex uno latere convexa, ex altero vero plana, villosa, Apii seminibus æqualia, & acria. Calidis in regionibus, Italia nempe, Hispania & Occitania sponte crescit planta hæc, in hortis quoque colitur, floribusque vestitur Æstate, ejusque semen Autumno accedente maturitate donatur.

Visnaga, denominatio, revera est Hispanica. Quum umbellarum ejus pedunculi exsiccati sunt, firmi sunt, ac a plurimis, in Hispania præcipue, dentiscalpii more usurpantur; seligendi autem sunt, crassiores, integri, læves, sub-lutei, sapore, ac odore grato.

Plurimo oleo, faleque essentiali scatet planta hæc, quæ a J. Bauhino iisdem cum Foeniculo facultatibus prædita recensetur, quare aperiendi, urinæ, mensesque ciendi vi pollet, nihilominus satis raro in usum Medicum revocatur.

V I T I S.

VITIS, Offic. Vitis Vinifera, C. B. P. 299. J. B. 2. 67. *Raii Hist.* 1613. Vitis Vinifera, ex cujus uvis acerbis immaturis Omphacium exprimitur, *Boerb. Ind. Alt.* 2. 232. Vitis sativa, magna, media & parva Vineæ, Mater Vini seu Nectaris, Lignum tortuosum & princeps Vegetabilium, *Quorumd.* vulgo *la Vigne cultivée haute, moyenne, & basse*.

Radix longa, parum in solo demersa, lignosa, vivax arbusculam emittit, ad arboris proceritatem, sese quandoque elevantem, truncò ineleganti; tortuoso, cortice atro-subrubro, rimisque abundanti, pluribus longis famentis, capreolis, munitis, quibus proximioribus arboribus, & pedamentum fasciculis, aut pedamentis adnectuntur. Folia ejus vero ampla sunt, venusta, lata, semiotunda, incisa, viridia, lucentia, tactu nonnihil rudia, sapore styptico. E foliorum alis flores progignuntur exigui, quinque constantes petalis, in sphaeram dispositis, cuspidate collectis, sub-luteis, odoris, staminibus totidem erectis, apicibus simplicissimis. Deciduis floribus baccæ rotundæ, aut ovales succedunt simul congestæ satis crassis racemis, primo virides, & acerbæ, maturescendo autem colore præditæ albo, aut rubro, aut nigro, carnosæ, dulci, gratoque succo refertæ, unica cellula quinque semina, aut acinos occludentes osseos, & cordiformes. In regionibus calidis, temperatisque colitur planta hæc, ac brevissime ad magnam proceritatem elevatur, nisi citissimus ejus cursus diligenti amputatione sistatur; indefinenter quoque excrescere solet, adeo ut elatiores Ulmos superet; Æstate florescit, fructusque sive Uvæ, Autumno, maturitatem acquirunt. Nulla alia plan-

planta in ævum adeo longum, uti Vitis, perdurat, quæ ad prodigium usque dilatatur, adeo ut domus integræ, unius stipitis sarmentis, cooperiri possint. Jure, inquit Columella, Vitis cæteris omnibus arboribus, & arbusculis antepositur, non fructus dulcedine modo, verum etiam ob facilitatem, quæ propagatur, ut hominum cultura, ac diligentia, in omnibus fere regionibus, satis, superque compensetur, dummodo a nimio frigore, aut a nimio calore immunis sit, crescit enim in planitiis, in collibus, in solo forti, levi, ac mobili, pingui, aut sterili, sicco, aut humido, ac nonnihil paludoso. Juxta Plinii sententiam, non adeo inter se differunt terræ, in quibus progignitur, quam Vitis, ac Uvæ innumeræ species; produci enim possunt, & de facto quotidie novæ producuntur, ac inter infinitum pene diversarum specierum numerum difficile profecto esset, ne dicamus impossibile, antiquam, propriamque denominationem cuicumque aptare, hinc perquisitionem hanc intactam relinquemus, quum potissimum nec tempus, nec media adsint, quibus methodo, Lectori, non injucunda ad exitum perducere posset.

Cum Vitis, ejusque productiones diversos habeant usus, successive de hisce sermonem instituemus, deque eorum, cum re Medica, relatione tantum, paulo fusius pertractabimus.

Ex omnibus Vitis partibus, Analyseos Chymicæ ope, plurimum olei, salisque elicitor. Quum Vere, Vitis, humore vernante, turgidæ summitates amputantur, sponte liquor, lacrymæ forma, extillat, qui aperiens est, ac calculo, interne sumptus adversatur, eo pariter oculi abluuntur, ad saniem detergendam, visumque acuendum; a Nonnullis etiam ad impetiginem, cutaneosque pruritus sanandos usurpatur. Vitis germina, ac folia styptica sunt, & a Veteribus eorum succus præscribebatur, ad ventris fluxus, & dysenteriam sistendam, a recentioribus Medicis autem eorundem usus restitutus fuit, hisce postremis temporibus, foliorum viridum ad umbram exsiccatorum pulvere, ʒ j. in juscule, præscripto. Vitis lignum, aut ejusdem sarmenta decocta, aperientia admodum sunt; qua de causa in loco mundo Vitis sarmenta concremantur, cineres colliguntur, cribroque e crassioribus secernuntur, eorumque ʒ j. in aquæ lb ij. injicitur, ac iis ad fundum postea jam delapsis, leniter supernatans aqua limpida affunditur, ac pro potu communi usurpatur, ventriculoque ea jam assueto, cinerum augetur dosis. Ptisana hæc utilissima est in OEdemate, Leucophlegmatia, & Hydrope ascite. Cinis hic idem, juxta Rajum, aceto junctus, & Cataplasmatibus forma appositus condylomata sanat, sique Ruta addatur, valet adversus Lienis inflammationes.

A nemine vero ignoratur Uvarum usus, aut pro alimento, aut pro Vino parando. Uvæ adhuc viridis succus, Omphacium, vulgo *Verjux* nuncupatur, adstringit autem nonnihil, usurpaturque ad stomachi ardorem compescendum, biliosos ventris fluxus sistendos, appetitumque ciendum: ad alimenta quoque condienda, aut ad condimentorum saporem excitandum in usum revocatur, aut etiam ad majorem gratiam, diuturnioremque durationem conditur. Æstate, Omphacino succo, aqua, & saccharo, gratissimus, ac refrigerans haustus paratur, magno in æstu aptissimus, ac præcipue biliosis. Uvæ maturæ appetitum excitant, alvum solvunt, thoracisque acrimoniam demulcent; probe enutritæ, maturæ, succulentæ, tunica tenui, & delicatula, sapore dulci ac grato eligendæ sunt, utpote hisce notis omnino salutare, si modus servetur, aliter, flatulentas Colicas excitare possunt. Cuicumque ætati, ac tem-

peramento conveniunt, senes tamen sese abstineant, iis enim debilitantur, fluxusque augentur, quibus ætas hæc nimium quandoque vexatur.

Uvæ Solaribus radiis aut furno exsiccantur, ut diutissime servari possint, tunc autem Uvæ passæ nuncupantur; de hisce autem jam superius verba facta sunt *Tomo I.* atque illic Lectorem ablegamus.

Uvarum succus, communiter Mustus, nuncupatus adhibetur ad Sapat seu Rob, & Vinum coctum conficiendum. Sapa autem paratur mustum percolando, ac postea ad ignem evaporando ad tertiæ partis permansionem. Adstringendi, ac styptica vi gaudet, & a vulgaribus ad Cotonea Mala, aliosque fructus condiendos usurpatur; Cotonea vero Mala, Sapa, condita ad ventris fluxus sistendos, stomachumque roborandum excellunt. Jure, hæc, præparationi alteræ, antepositur, Melle ac Saccharo confectæ, Mel enim, & Saccharum alvum laxant; Sapa præterea ad Sinapi condiendum usurpatur, Sinapi femine tuso, ac prædicta diluto. A Nonnullis confectio prædicta *Resinè* nuncupatur, juxta autem du Renau, *Resinè* paratur Uvis probe maturis in lebetæ ebullitis, e quibus succus exprimitur, ac ad ignem ad melleam usque consistentiam evaporatur. Testatur præterea idem Auctor, Sapat efficacissimam esse adversum oris morbos; stypticitate sua, fluxiones sistit, digerit, & abstergit. Secundo, Vinum coctum paratur, Uvarum probe maturarum ac dulcium succo, qui ad ignem ad tertiæ partis consumptionem evaporatur: curatur autem, postquam jam igne abductus fuerit, ut in vase terreo, aut ligneo affundatur, eum cochleari, usque dum frigescat, agitando. Ab Uvarum adhibitarum qualitate, optima, aut mala ejusdem præparationis qualitas quoque pendet. Magna vero terrestrium, viscosarumque partium portione scatet, hinc pectus demulcet, excreatumque sollicitat in temperamentis humidis frigidisque; biliosis autem, melancholicis, obstructionibusque deditis haudquaquam convenit.

Omnes morunt, Uvarum succo in cupa fermentato, Vinum elici; liquor hic exquisitissimus, plurimorum morborum Panacea jure, ac merito nuncupari posset, si eo moderate uteremur; Vinum enim prestantius Cordiale, a naturæ Parente D. O. M. nobis exhibitum, est reputandum, stomachica vi pollet, viscera corroborat, concoctionesque juvat: ejus abusus autem egregias hæc qualitates pervertit; Vinum enim immoderate sumptum, maximum calorem inducit, liquores corrumpit, ebrietatem procreat, pluribusque pertinacibus morbis ansam præbet, Febribus videlicet, Apoplexiæ, Paralyfi, Lethargo, & similibus.

Si ex eo exacta Analysis instituatur, statim plurimum spiritus recipietur, qui nihil aliud est, quam oleum exaltatum volatilibus salibus sociatum: distillationem deinde prosequendo plurimum phlegmatis; postea spiritus acidi, qui nihil aliud sunt, nisi sales essentielles, aut volatiles Vini phlegmate soluti, demum nonnihil elicietur olei nigri, ac foetidi, a spiritibus acidis, ope chartæ bibulæ facile separabilis, spiritus enim trajicientur, oleo, utpote densiore superius relicto: remanebit autem in fundo vasis massa quædam constans ex Sale Alkali, ac terra; lixivio autem sal hocce Alkali separatum, sali Tartari omnino similatur.

Vina plurimum variare solent colore, odore, sapore, & consistentia, juxta Uvarum diversitatem, quibus parantur, ac juxta diversa clymata, in quibus Uvæ progeneræ, & diversimode radiis Solaribus percitæ ferunt, ac demum,

demum, juxta diversa fermentationis genera, quæ mustus subivit. Vina in mensis usitatoria sunt, album, helvum, ac rubrum. Eligenda vero sunt clara, diaphana, optime colorata, non recentissima, sapore dulci, ac penetranti, odore grato. *Schola autem Salernitana* pluribus in locis, optimi ac salustaris Vini signa tradit, uti in sequenti versu:

Vina probantur odore, sapore, nitore, colore,

binisque hisce aliis:

Si bona Vina cupis, quinque hæc laudantur in illis:

Fortia, formosa, & fragrantia, frigida, frigida;

denique hisce postremis:

Vinum sit clarum, antiquum, subtile, maturum,

Ac bene dilutum, saliens, moderamine sumptum.

Etsi Vinum generatim inter præstantiora roborantia remedia locum habeat, nihilominus certum est, in ejusdem diversis speciebus ingentem virtutum, vitiorumque varietatem adesse. Vinum album exempli causa diureticum est, urinæque vias celerrime transigit; in biliosis, sanguineisque, sanguinis acrimoniam temperat, rubro minus enutrit, doloremque capitis quandoque suscitatur. Helvum spirituosius est præcedenti, aptiusque phlegmaticis temperamentis, senibusque accomodatur. Verum enim vero merito asseri potest, Rubrum præ aliis cuicumque temperamento idoneum esse, sufficientem enim tartarearum particularum quantitatem complectitur, quibus Albo minus fumosus, magisque stomacho amicus efficitur. Nonnulla ut plurimum Vinum nigrum stypticitate donatur, optimumque recensetur pro facile vomitibus, ventrisque fluxu vexatis, contrarium autem omnino est melancholicis, obstructionibusque correptis. Vina asperiora, ac austeriora adstringentia sunt, nec conferre possunt, nisi alvi profluvio, fibrisque ventriculi relaxatis, laborantibus. Quæ vero acerba ac styptica nuncupantur eandem naturam habent. Acida vero, aut sub-acida biliosis conveniunt, vimque habent, sanguinis effervescentiam compescendi: nihil autem prosunt contrario temperamento præditis; flatus enim, ac tormina quandoque excitant, melancholicisque perniciosissima sunt. Fortiora, ac spirituosiora Vina, magis apta sunt ad debiliorum spiritus recreandos, quam pro usu communi; minorem præ cæteris nutrimentum præbent, sanguinisque motum plus justo concitare solent: hinc in hisce modum non servare, præ aliis periculosius est, si autem moderate ad exitum mensæ usurpentur, satis salutaria esse possunt, stomachumque satis roborare solent, quum enim, natura sua, glutinosa sint, diutius in hoc viscere immorantia optimos effectus procreare solent.

Vino, medicata Vina conficuntur, quorum alia simplicia, uti Vinum Absinthii, Juniperi, Alkekengi; alia composita sunt, solventibusque permixta. Infra, nonnullas, de melioribus, usitatoribusque, formulas exhibebimus.

Magma residuum post vuarum expressionem, e quibus mustum elicatum

fuit, in cabo reponitur: aqua superaffunditur, quæ adhuc nonnullis vuarum principiis imbuitur, vinosa efficitur, rusticisque pro potu ordinario infervit: facile autem acescit, stomachisque debilioribus aptari non potest; tormina excitat, obstructionesque progignit, uno verbo, eodem, quo Vina acida, pacto nocet; longe minus tamen noxia esse solet, quo minori aquæ, majorique magmatis Uvarum probe maturarum portione conficitur. Magma hoc idem Vinacea dictum in cumulum congeritur, ut fermentationem subeat, ac calefiat, in eo deinde aut membra, aut universum corpus obvolvitur Rheumatismo, Paralyfi, Arthritideque ischiatica affectum, ad sudorem conciliandum, nervosumque genus firmandum; spiritu autem sulphureo caput tentante, vertigines quandoque concitare solet, quare a pluribus ne vix quidem sufferri potest.

Distillationis ope e Vino Aqua Vitæ ac Spiritus Vini eliciuntur; hi liquores ab omnibus Vini speciebus colligi possunt, majorem eorum tamen quantitatem una potius, quam altera largitur. Vina fortiora nequiquam liquoris prædicti majorem copiam impertiuntur; melius autem res procedet, si Vina fere vapida potius, quam perfecto sapore prædita distillationi committantur, non solum causa expensæ longe minoris, verum etiam quia in Vino ad acescendum proximo spiritus magis, quam in quocumque alio, solutus est, ac ad sese elevandum aptior. Sp. Vini moderate sumptus, ac necessitate potius cogente, quam ob deliciam ad salutem plurimum conducere potest, & de facto digestionem favet, alimentorum crassiores partes terendo, ac attenuando, quæcumque in loca, summa levitate sua, facile distribuitur, vires restituit, novumque robur sanguini conciliat, volatilibus, ac elatis particulis spirituum dissipationem protinus reparando, si forte aut magno labore, aut continuis vigiliis, aut alia de causa eorum insignis jactura præcesserit. Hinc aptissimus recensetur pro senibus, pro debilibus, ac in frigidis, phlegmaticisque temperamentis.

Diligenter curatur, ut militibus ante pugnam Aqua Vitæ exhibeatur, quæ consuetudo optimum sane effectum progignit, Vini enim spiritu, sanguinis, spirituumque motu adaucto, major iis vis, vigor, & audacia ad omnem imminentium periculorum timorem superandum conciliatur.

Aquæ Vitæ, Spiritusque Vini Pharmaceuticus, & Chirurgicus usus nimis innotescit, ut in eo longius, quam par est, immoremur. Perspicuum enim est, liquores hosce fere omnium spirituosorum, ac stimulantium remediorum menstrua, ac vehicula esse; hinc in Apoplexia, Paralyfi, Lethargo aliisque ejusdem naturæ morbis in usum revocantur. Cum enim in iis animales spiritus, lentis crassisque humoribus, obruantur, volatilibus, exaltatisque particulis opus est ad eos incidendos, atque dissipandos. Extrinsecus etiam hi inflammabiles liquores usurpantur, ad poros referandos, dissolvunt enim, atque attenuant quidquid humorum transitum impedire potest, quare convenient in doloribus, ut ajunt, frigidis, in œdemate, contusionibus, aliisque morbis, in quibus aperiendi, ac resolvendi necessitas adest.

Iidem inflamabiles spiritus immoderate, nimisque frequenter adhibiti, effectus, prædictis, satis oppositos, ac saluti perniciosos producant. De facto in adeo vehementem agitationem, ob immodicum motum iis communicatum, humores inducunt, ut eorum unctuosæ, & balsamicæ particulae ad partes solidas enutriendas, ac sustinendas dicatæ, ob magnam

gnam rarefactionem in iis inductam, ineptæ fiant huic muneri satisfaciendo: hinc subsequitur prava totius corporis dispositio, quum enim ejus partes Balsamo hoc, tam necessario nec humectentur, nec irorerentur, aridæ sicæ & ad functiones rite obeundas ineptæ fiunt. Ab ardentibus hisce præterea spiritibus & alia quoque incommoda originem ducunt, in cerebro enim magna copia excepti, præter ebrietatem, Vini more, inductam adeo excedenter pituitam exolvunt, ut deinde per cerebri canales expansa, eos debilitet, animalesque spiritus irretiatur. His autem canalibus, siue nervis, qui cum omnibus corporis partibus commercium habent, continuo inflammabilium liquorum usu imbutis, spiritibusque animalibus per consequens magis, magisque aggravatis, corporis hebetudo, & ad catarrhos, arthritidem, aut etiam ad morbos magis periculosos Apoplexiam scilicet, Paralytim, plurimosque alios inclinatio subsequitur.

Ex quibus omnibus facile evinci potest, quantum intereat, sese a liquorum ardentium usu abdicare. Vetres hac in re exemplar optimum nobis suppeditant, ab iis enim aut fere semper Aqua tantum hauriebatur, aut Vinum eadem temperatum, hinc maximo vigore pollentes diutissimam vitam ducebant. Nos e contra ætatis limites acceleramus non Vinum meracius modo computando, verum etiam, aquam naturaliter in eo mixtam, quæque plurimum ad nimium ejus calorem moderandum conducit, quoad per nos licet, arte extrahendam. Quare merito in dubium revocari potest, utrum, Vini, liquorumque ardentium adinventio humano generi utilior fuerit vel perniciosior; etsi enim hi liquores vim habeant spiritus excitantem, cordialem, ventriculumque roborantem, ingentem tamen morborum numerum, ut innuimus, producere solent, & quod magni refert, homines brutis perfimiles reddunt.

Spiritus inflammabiles, saporem habent nonnihil acrem, ac plerumque empyreumaticum, Nonnullis infestum. Ad saporem vero huncce ingratum evitandum plures adinventæ fuerunt compositiones, quibus *Aromatitis*, vulgo *Ratafia* nomen inditum fuit, nihilque aliud sunt nisi Sp. Vini diversis rebus permixtus. Aromatites vario sapore, & odore, ac diversis gaudet proprietatibus, juxta materiam in ejus compositione usurpatam. In Gallia diversæ ejus species admodum exquisitæ componuntur, Aromatites videlicet Cerasorum, Mali Persicæ, Prunorum, Uvæ apianæ, Corticum Aurantiorum, & Citreæ Mali, Nucum Avellanarum, aliæque quamplurimæ.

De diversis aliis liquoribus e longinquis regionibus nobis advectis sermonem neutiquam instituere cupimus, indicantes solummodo, liquores hosce, quamvis Sp. Vini, præstantiori sapore, scateant, tamen sanitati, si immoderate ingurgitentur, minus noxios non esse.

Alteratione in veterascente Vino oborta, nova prorsus fermentatione, in Acetum convertitur, generosiore Vino rei Medicæ non minus utile. Et revera liquor hicce acidus plura nobis remedia suppeditat, excepto usu ejus vulgatissimo ad alimenta in culinis condienda. Acetum plurimo scatet acido ab exaltato sulphure semi-volatili reddito, nonnihil olei, ac terræ, magnamque phlegmatis portionem. Sapore penetranti, grato, satis acido, optimoque e Vino confectum Acetum eligatur; adstringens autem est, ac refrigerans, dummodo moderata dosi in usum revocetur, appetitum prostratum excitat, alimentorum concoctioni favet, bilis ardorem compescit,

aeris vitia corrigit, singultum ac vomitum quandoque sedat, aptissimumque est in angina, hæmorrhagiisque, si eo parce utamur, e contra enim, stomachum & intestina valde stimulat, nervosoque generi adversatur, nocet præterea gracilioribus, & extenuatis, debili thorace præditis, plurimum tussientibus, difficili respiratione, obnoxiiis, & hysteriis. Senes quoque, & melancholici ab eo sese abstineant, aut admodum parce eo utantur.

Quoad ejus Medicum usum, optimum præservativum nobis suppeditat, adversum Febres malignas pestilenciales, & contra Pestem. Usurpatur aut simplex, aut alexiteriis compositum, Ruta nempe, Scordio, Zedoaria, Carlina, Imperatoria, Theriaca &c. uti ex Dimerbroeckio, & Sylvio de le Boe colligi potest, qui Pestis tempore ad sese præservandos feliciter usi sunt, sponsia aceto imbuta, sæpius odorata, & cochleari j. ejusdem, mane, jejuno stomacho, deglutito. Notissima est historia *Aceti quatuor Latronum*, cujus infra formulam trademus. Nebulones quatuor simulantes peste affectis opem afferre, magnas furtis suis divitias congefferant, quum autem unus ex iis captus furcæque damnatus fuisset, arcanum suum ad sese liberandum obtulit, liberatusque fuit, tradita Remedii methodo, a quo non solum vice hac, verum etiam pluribus aliis antecedentibus incolumis servatus fuerat. Partē j. Aceti cum aquæ xij. aut xv. æqualibus portionibus mixtura conficitur *Oxyeratum* nuncupata, in fomentis Gargarisnatis, ac Clysteris forma, usurpanda.

Aceto plura servantur; folia nempe, flores, ac fructus; ejus autem agendi ratio consistit, in spiculis acidis poros corporum, quibus conjunctus est, obstruentibus, aerisque liberum ingressum coercentibus, ac fermentationem, quæ cito ea corrumpere impediuntibus.

Vinum præterea sese in doliis depurando, materias utilissimas, ac pernecessarias tam rei Medicæ, quam Chymicæ nobis suppeditat, sunt autem Tartarum, & Fæx Vini. De Tartaro jam superius verba facta sunt *Tomo primo Materiæ Medicæ*. Fæx vero Vini nihil aliud pariter est, nisi Tartarus vasorum vinariorum fundo subsidens, liquidus, viscidioribus Vini particulis permixtus, a quo Acetarii propolæ expressione partem liquidam separant, eamque ad acetum parandum usurpant, magna exsiccat, postea comburitur, & calcinatur loco aperto in magnis foveis in solo excavatis: substantia hæc, prædicta ratione, calcinata, vocatur Fæx Vini calcinata *Cendre gravelée*; exiguis constat frustulis sub-viridibus, Tartaro vulgari calcinato proximis, parique ratione fixo alkalino acerrimo turget, majori tamen terræ copia, scatet. A Tinctioribus, & Purgatoribus usurpatur. Magnopere detergit, urit, ac resolvit; ex eo autem & calce, Lapis pro Cauteriis conficitur, cujus descriptionem habemus in *Cursu Chymicæ D. Lemeryi*. In Deplatoriis quoque, fomentisque resolventibus adhibetur. Interne quoque præscribi potest uberiori aquæ copia, soluta, ad obstructions referandas glaucosque humores dissolvendos a gr. vj. ad gr. xx. Gablier Clauderus in suo Tractatu *De Ratione Corpora aromatibus condiendi* Genevæ impresso, asserit, Cadavera a corruptione servari posse, si liquore inbuantur, in quo Fæx Vini calcinata, Salque Ammoniacum simul solutum fuerit. Fæx Vini hæc calcinata loco satis sicco servanda est; facile enim humectatur, liquaturque ob salem Alkalinum in ea stabulantem.

℞. Rad. Alni lotar. ac taleolatim incisar. ʒ ij. Macerentur frigide xv. die-
rum

rum spatio in Vini rubri optimi ℥ ij. vase clauso. Dosis cochler. j. aut ij. post prandium exhibenda in stomachi, relaxatione, ac gravedine.

℞. Cadum q. l. capacitatis. Infunde Baccas Juniperi probe maturas fere ad medietatem. Optimo Vino albo dein adimple, ac infusa omnia relinque, usque dum Vinum clarescat, dosis a poculo j. ad poc. ij. mane, jejuno stomacho, semihoræ intervallo, aut mensæ tempore propinanda. Vinum autem prædictum adversus Colicam Nephriticam, Calculum, ac Vesicæ glareas conveniet.

Vinum Emmenagogum.

℞. Fol. Roris Marini, & Pulegii. ana Man. ij. Sabinæ Man. j. Croci, & Boracis ana ℥ ij. Limaturæ Martis ℥ j. Macerentur omnia frigide per octiduum in optimi Vini rubri ℥ xij. Coletur deinde Vinum pro usu. Cyathus ex eo j. frigidus præscribetur mane, jejuno stomacho, novem dierum spatio.

℞. Rad. Sigill. Salomonis mund. & taleolatim incis. ℥ vj. Infunde xxiv. horarum spatio in Vini albi sextario semis. Fiat deinde colatura, exhibeaturque binis aut tribus exiguis cyathis de die per mensis spatium. Vinum hocce utilissimum deprehenditur in infantum Herniis. Præterquamquod radices ex infusione remanentes contundendæ sunt, ac singulis diebus super Herniam jam refusam apponendæ, eaque, fasciâ, coercenda.

℞. Radicum Iris nostratis, & Enulæ Campanæ lotar. & taleolatim incisar. ana ℥ j. Rad. Eringii vulgaris, & Anonidis spinosæ ana ℥ β. Fol. Sennæ mund. ℥ vj. Julapæ p. ℥ j. β. Cinnamomi ℥ j. Affunde Optimi Vini albi ℥ iij. & macerentur omnia frigide per octiduum vase clauso. Bini cyathi mane jejuno stomacho, horæ intervallo, jusculumque alterius horæ spatio post extremi poculi sumptionem propinetur. Vinum hocce valet adversum Leucophlegmatiam, & Hydropem Ascitem.

℞. Fol. Sennæ mund. ℥ β. Rad. Polipodii, Quercus, & Rubiæ ana ℥ ij. Fol. Scolopendrii Man. jv. Abstinthii min. Man. ij. Corticis mali Citreæ ℥ j. In sacculo ex tela rara omnia concludantur, qui in Cado cum uvarum albarum musti ℥ xxiv. immergetur, fermentatione inde incoacta cooperiatur, relictis sic omnibus, binis mensibus. Extrahatur postea Vinum, ferveturque in vasis vitreis probe obturatis. Congruo temporis spatio ejus cyathus unus sumetur jejuno ventriculo, vimque habet aperiendi, ac laxandi, excellitque adversus infimi ventris obstructions.

℞. Summit. Genistæ Man. ij. crassiuscule contusas infunde per biduum in Vini albi ℥ ij. pro infusione Anti-pestilentiali, cujus cyathum parvum mane jejuno stomacho, antequam e domo egrediamur, sumemus.

Acetum quatuor Latronum.

℞. Aceti albi ℥. jv. Infunde Allii taleolatim incisi ℥ jv. Adde Assæ Fœtidæ ℥ j. Radicum Gentianæ ℥ ij. Mithridati ℥ j. Sem. Juniperi Pug. j. Omnia simul juncta super cinerarium calidum, aut Solaribus radiis vase probe

probe clauso xxiv. horarum spatio relinquuntur . Vasis vitreis deinde occludantur post colaturam , ac expressionem . Cochlear unum , mane , jejuno ventriculo ex eo haurietur .

Rx. Vitrioli ʒ ij. Rutæ Man. j. Aceti stillat. ℥ j. Maceretur Ruta in Aceto , diei spatio . Coletur deinde liquor infundaturque Vitriolum p. Liquor hicce super candentes tegulas affundetur pro fumigatione ad pravas aeris exhalationes , Pestis tempore , depellendas .

Rx. Rad. Zedoariæ & Angelicæ ana. ʒ j. Baccar. Juniperi ʒ ij. Fol. Rutæ Man. iij. Aceti optimi ℥ iij. Macerentur omnia , exprimaturque liquor , pro Suffumigio , ac Gargarismate ; Pestis tempore usurpari potest .

Rx. Piper. & Fol. Pulegii p. ana. ʒ j. Aceti optimi coch. ij. M. pro potione iis exhibenda , qui contractione , aut alia de causa pene suffocari videntur .

Rx. Zingiberis p. ʒ iij. Aceti optimi ac butyri , ana. ℥ j. β. Coque usque ad aceti consumptionem . Residuum contundatur , ac Unguentum conficiatur , e quo caput quinque aut sex vicibus , mane , ac sero oblinietur adversus achores , ac scabiem .

Rx. Pul. Fol. Vitis post vindemiam rubescentium ʒ j. Infunde per noctem in Vini albi cyatho , hauriaturque , mane , jejuno ventriculo in mictu sanguineo .

Rx. Vini Rhenani ʒ viij. Infunde xii. horarum spatio Rad. Raphani rusticani ʒ ij. Fiat deinde colatura forti expressione , pro potione decem subsequenter diebus exhibenda , mane , jejuno stomacho in Cancris , ejusdemque naturæ tumoribus .

V I T I S I D Æ A .

MYrtillus, *Offic.* VITIS IDÆA foliis oblongis crenatis , fructu nigricante , C. B. P. 470. *Inst.* R. H. 608. Vitis Idæa angulosa , J. B. 1. 520. *Raii Hist.* 1488. Vaccinia nigra , *Dod. Pempt.* 768. *Lob. Ger.* Vitis Idæa , sive Myrtillus primus , *Tabern. icon.* 1078. Myrtillus , *Matth. Lonic. Cast.* Vaccinia nigra vulgaris , *Park.* Vitis Idæa vulgaris baccis nigris , *Clus. Hist.* Radix Idæa fructu nigro , *Anguill.* Bagolæ primum genus , *Cæsalp.* 210. Vaccinia nigra majora , *Frank. Spec.* 38. Myrtillus niger minor , *Rubd. Hort.* 77. Myrtillus minor baccis nigris , *Till. ab.* 47. Vaccinium caule angulato , foliis ovatis serratis deciduis , *Linn. Hort. Cliff.* 148. Vitis Idæa nigra seu Vaccinium nigrum , Myrtus nemoralis sive montana , Myrtus terrestris seu pusilla vel humilis , Chamæmyrsine , Myrtillus vulgaris Germanorum fructu nigro , Uva Ursi vel Ursina seu Vulpina , *Quorumd.* vulgo *Airelle* , *Myrtille* , *Raisin de bois* , *Bluets ou Morets* .

E radice minuta , lignosa , dura , plerumque sub solo repentis , frutex exsurgit pedem , aut pedem cum dimidio altus , qui plures emittit ramos graciles , angulosos , flexibiles , fractuque difficiles viridi cortice tectos . Folia oblonga sunt , Buxi folia , magnitudine æquantia , minus tamen densa , viridia , lævia , ambitu leviter crenato , sapore adstringenti . Ex foliorum alis flores enascuntur monopetali , rotundi cavi , crotali more efformati , brevibus appensi pedunculis albo-subrubris . Hisce autem baccæ sphaericæ succedunt , molles , succo refertæ , adinstar Baccarum Juniperi crassæ , umbilico excavato .

cavatae, saturate-caruleae, aut sub-nigrae, saporis adstringentis ad acidum accedentis, ac neutiquam ingrati, in quibus plura concluduntur semina satis exilia, dilute-rubra. In solo sterili, incultis in locis, ac montanis in sylvis ventorum impetu divexatis, ericæa inter, ac nemora, & in vallibus desertis, humidis, & umbrosis occurrit Planta hæc, Majo florescit, Julioque fructus ad maturitatem perducuntur.

Myrtillus Analyfi Chymica plurimum salis essentialis terrestris, atque olei largitur. Ex ejus baccis succus elicitur, inspissaturque in syrupum satis densum, adinstar Sapæ, parum Sacchari addendo. Compositio Rob vocatur, excellit autem adversum ventris fluxum, & ad bilis effervescentiam cohibendam. Fructus etiam prædicti exsiccantur, pulverisque forma a 3 j. ad 3 ij. exhibentur, aut decoctione, ad 3 ss. usque, adversus Dysenteriam. S. Paulli credit Myrtillorum succum, genuini Myrti succo Antiquorum, & Aciæ ob adstringendi efficaciam substitui posse. Nonnulli Cataplasma hujusce arbusculæ semine, faleque vulgari, confectum, thoraci apponunt, ad lac dissipandum, aut ad ejus secretionem impediendam. Nonnulli caupones Vini albo ruborem fructu prædicto conciliant, baccarumque succo Vini quantitatem adaugent; adulteratio hæc satis reprobanda, minus tamen præ aliis heu nimium usitatis periculosa est. Eodem succo utimur, ad lintea, charitamque caruleo colore inficiendam. Pastores, ac montanæ gentes, fructu hocce, magna voluptate, vescuntur: ejus enim dulcedo, quadam aciditate permixta, satis grato sapore palatum afficere solet.

U L M A R I A.

ULMARIA, Offic. Barba Capræ floribus compactis, C. B. P. 164. Ulmaria, J. B. 3. 488. Inst. R. H. 265. Raii Hist. 623. Clus. Hist. 198. Lugd. Hist. 1081. Camer. Hort. Tabern. Regina Prati, Dod. Pempt. 57. Ger. Ulmaria vulgaris, Park. Barbi Capra, & Ulmaria vulgi, Lob. icon. 711. Potentilla prima, Anguill. Argentilla major. Thal. Medesufium, Cord. Hist. Regina Prati, & Ulmaria quorund., Gesn. Hort. Barba Capræ prima, Trag. Lonic. Filipendula foliis pinnatis, folio impari trifido, Linn. Flor. Svec. 147. Barba Capri vulgatiore, Barbula Caprina prior, Ægopogon pratense, Flabellum Sancti Johannis, Apum herba, Rhodera forte Plinii, Nonnull. vulgo Reine des Prez, petite Barbe de Chèvre, Vignette.

Radice est satis crassa, digitum longa, odora, externe sub-nigra, saturate-rubra interne, pluribus sub-rubris stipata fibris. Caulem vero emittit tripedalem, erectum, angulosum, lævem, sub-rubrum, firmum, cavum, ramosum. Ejus folia alterna sunt, pluribus aliis oblongis foliis conflata, ad modum fere Filipendulæ, & Agrimonix ambitu denticulato, rugosa ac viridia superne ut in Ulmo, sub-albida vero inferne. Flores exigui sunt, racematim dispositi in caulis, ramorumque extremitate, pluribus constantes foliis sub-albidis, rosaceis, odore grato, qui tandem abeunt in fructum pluribus constantem vaginis tortilibus, capitatis, in quarum singulis minutissimum semen occluditur. Aquaticis in locis, in fossis humidis, in pratis depressioribus, in marginibus fluviorum, rivulorumque abunde luxuriat planta hæc, Junio, Julioque florescit, semenque Autumno ad maturitatem perducitur.

Ulmaria nuncupatur, *Ulmair*, aut *Ormaire* vulgo, ejus enim folia aliquam cum foliis Ulmi affinitatem habent, *Barba Capræ* vero, quia ejus flores quomodo talem figuram habent; *Vignette* denique, quasi *petite Vigne*, ob suavem floris odorem ad *Vitis* florem accedentem.

Ulmariæ folia herbæ salitæ, ac viscidæ saporem habent, chartam cæruleam exiguo rubore inficiunt, saturatius autem idem a radice præstatur, quæ styptica est, & amariuscula. Verisimile autem videtur, salem ejusdem plantæ, Salis Ammoniaci naturam attingere, plurimo autem sulphure, ac terra sociatum esse; Analyti autem Chymica liquores acidos, salem volatilem concretum, plurimum Sulphuris ac terræ largitur: hinc vim habet sudorificam, cordialem, & vulnerariam. Ejus radicum decoctio aptissima est in malignis febribus, ac radici Scosonerae anteposenda. In Officinis quoque aqua stillatitia ejus florum, ac foliorum servatur, quæ ab ℥ jv. ad ℥ vj. exhibetur in potionibus cordialibus, & diaphoreticis. Vinum, in quo *Ulmariæ* radix decocta fuerit ventris fluxus sanat, dysenteriam, ac plagas internas. S. Pauli vero asserit in postremo hocce morbo, mira expertum fuisse. Hujusce radices Extracti ℥ j. sudorifica facultate donatur, dummodo in ejus usu binis, aut tribus diebus perseveretur, ut ejusdem effectus sensibilior appareat, alia enim extant sudorifica, e quibus una tantum dosis nihil juvat. Mane itaque Extracti radices *Ulmariæ* ℥ j. exhibenda est, eademque dosis, post prandium, ac sero cum Laudani gr. j. repetenda, biduo, aut triduo, si opus sit. Ejusdem radicum decoctio detergens est, & ad vulnera, & ulcera accomodata. Contundi pariter possunt, ac Cataplasmatibus forma iis applicari. Folia vero tenera & flores, in Vino, Cerevisia, aut Hydromelle infusi, iis odorem, saporemque gratissimum conciliant adeo, ut quamdam cum Cretenfi Vino, sub Vini Arvisii nomine cognito, similitudinem adipiscantur.

Ulmariæ radix usurpatur in Aqua Generali, ejusque folia in Aqua Lactis Alexiteria Pharm. Paris.

℞. Aquæ distillatæ *Ulmariæ* & Cerasor. nigror. ana. ℥ iiij. Syrupi Caryophyllor. & Limonum ana. ℥ β. M. pro Julapio cordiali in animi deliquiis, ac syncope aptissimo.

℞. Aquæ *Ulmariæ* ℥ iiij. Aquæ Epidemicæ, Aquæ Theriacalis, & Syrupi de Diacodio ana. ℥ β. Antimonii Diaphor. ℥ j. Theriacæ ℥ ij. Sp. Salis Ammoniaci gut. xij. M. pro potione Diaphoretica.

℞. Rad. *Ulmariæ* & Bardanæ lotar. & taleolatim incisar. ana. ℥ j. Fol. Cardui Benedicti, *Ulmariæ*, & Scabiosæ ana. Man. j. Coque in ℥ aquæ viij. ad quartæ partis consumptionem. Fiat deinde colatura pro ptisana sudorifica in malignis febribus convenientissima.

℞. Aquar. *Ulmariæ* & Hederæ terrestris ana. ℥ ij. Aquar. Scordii, ac Juniperi ana. ℥ j. Anti-Hæctici Poterii gr. xij. Theriacæ ℥ β. Spermat. Ceti in aqua Cinnamomi soluti ℥ j. Syrupi Gnaphalii ℥ j. M. pro potione vulneraria cochleatim sumenda adversum plagas internas.

U L M U S.

ULMUS, Offic. *Ulmus* campestris & Theophrasti, C. B. P. 426. Inst. R. H. 601. *Ulmus*, J. B. I. 139. Dod. Pempt. 837. Matth. Trag. *Ulmus* vulgariss.

tissimus folio lato scabro, *Ger. Emac.* 1480. *Raii Hist.* 1425. *Ulmus vulgaris* cum Samarris, sive seminibus suis, *Park. Theat.* 1404. *Ulmus* in planis proveniens, *Anguill.* *Ulmus nostras* sive Italica, *Plin.* *Ulmus* fructu membranaceo, *Linn. Hort. Cliff.* 83. *Ulmus* vulgatioꝝ seu *Ptelea Græcis*, *Arbor Cimicum* seu *Culicum Serapionis & Arabum*, *Quorund.* vulgo *Orme*, *Ormeau*, *Ormille*, *Arbre ou pauvre Homme*.

Radice est crassa, dura, lignosa, utrinque late sese in solo expandente, quæ magnam emittit arborem satis brachiatam, caudice crasso, cortice, tecto, rimis, hiantes, rudi, externe cinereo-subrubro, interne subalbido, & flexibili, ligno robusto, duro, sub flavo, ad rubeum accedente. Folia satis lata sunt, rugosa, rudia, venosa, alterna, oblonga, ambitu crenato, acuta, saturate-viridia, brevibus appensa pedunculis, per longum nervo stipata, minus in una facie quam in alia sese extendente. Flores qui summis in ramis folia præcedunt infundibulum tentorii in modum efformatum mentiuntur, incisi sunt, pluribusque exiguis staminibus obscuris ornati, hisque deciduis occurrit fructus membranaceus, in foliolum semi-ovale ac fere complanatum efformatus, vertice plerumque excavato, centro elevato, in quo capsula membranacea, ac pyriformis reperitur, minutum, tenerum, planum, succulentum, saporeque gratum semen occludens. Arbor hæc in arvis, pratis, ac sylvis, in solo fertili, & humido, secus rivulos, ac fluvia crescit, floret autem Martio, & Aprili, semenque, *Samara*, aut *Samera* nuncupatum, Majo ad maturitatem devenire solet; segniter admodum incrementum capit, optima tamen est ad sylvas conficiendas, strata viarum exornanda, atque aditus, *Ormajes*, aut *Ormojes* nuncupatos; majores nostri vero in publica ædificiorum parte frequentes Ulmos plantabant, ad umbram, deambulationemque capiendam, visumque ornatissimo prospectu delectandum, nec non ad ligna, pro bruma, & carrorum fabrilis opus, comparanda. In Italia vero, quum Vites altæ admodum sint, ad eas fulciendas, atque alligandas *Ulmus* inservit, vocaturque *Ulmus marita*, *Ulmus* scilicet cum Vite junctus. Evelynus asserit, nullam fortasse arborem adesse, quæ translationem adeo facile subeat, nam, post viginti annorum cursum hoc fieri posse, feliciter expertus est in Ulmo, cujus truncus humano corpore duplo crassior erat.

Analyſi Chymica plurimum olei, salisque essentialis *Ulmus* largitur. Ejus cortex ac folia succo turgent, mucilaginoso, ac viscido, quo ad vulnera conglutinanda apta fiunt, ejusque radicum decoctio usurpatur adversum omnes sanguinei effluxus species, ac præsertim contra Pulmonis, ac Uteri Hæmorrhagias. In *Ephemeridibus Germanicis* anno 1727. pag. 429. extat Observatio D. Ernesti Gothod Struvii, qui asserit, quamplurimos sanasse Hydrope Ascite affectos decoctione corticis Ulmi pro potu ordinario exhibita, quinque aut sex hebdomadarum spatio; admonet autem, ne prima die a remedio mutationem ullam attendamus, quinimo quandoque inflationem augeri, paucis vero elapsis diebus urinæ vias aperiri, fluxumque copiosum, ac constantem, sollicitam sanationem prænunciare.

In Ulmi foliis plerumque vesicæ reperiuntur sese ad pugni usque crassitiem inflantes, figura sua, tubera æquantes, liquore turgidæ, in quo subvirides culices natantes perspiciuntur, linteo, Balsamum hoc naturale colatur, ad culices separandos, magnoque emolumento usurpatur ad recentia vul-

nera, ac contusiones : cum eo ab Italis, Provincialibusque rusticis Hyperici summitates infunduntur; liquor rubescit, & adinstar Olei Olivarum diutissime servatur, quo magis enim veterascit, eo melior efficitur. Matthiolum vero asserit, liquorem hunc, absque ulla summitatum Hyperici miscella, infantum hernias sanare, dummodo eo obliniantur; & Fallopius testatur, nihil utilius ad vulnera conglutinanda invenisse. Rajus denique asserit, corticis Ulmi decoctionem ad syrupi consistentiam redactam, tertia Sp. Vini parte addita, optimam esse ad Ischiaticum dolorem sedandum, si linimento hoc calido pars affecta foveatur. Ulmi lignum usitatissimum est apud carrorum fabros, adhibeturque ad axes, modiolas, aliaque plurima fabrefacienda.

Mucilago corticis medii Ulmi usurpatur in Emplatro de mucilagine *Pharm. Paris.*

℞. Corticis medii Ulmi junioris ℥ jv. Coque in aquæ ℔ iij. ad medias : Colaturæ adde Syrupi Rubi idæi, & Moror. ana ℥ j. ℞. pro Gargarismate, adversus aphthas, linguæ asperitates, & oris, fauciumque ulcera.

℞. Cort. Ulmi ℥ vj. Glycyrrhizæ ℥ ℞. Uvæ colatura mundatæ gr. xx. Rosar. rubrar. Pug. ij. Coque in aquæ f. q. ad ℔ ℞. Fiat colatura, in qua dissolve Oxymellis simplicis, & Mellis Rosati ana ℥ ij. pro Gargarismate in Variolis aptissimo.

U M B I L I C U S V E N E R I S.

INter diversas ejusdem species a nobis cognitæ, duæ præcipue in usum Medicum venientes a nobis describentur.

UMBILICUS VENERIS, *Offic.* Cotyledon major, C. B. P. 285. *Inst. R.* H. 90. Cotyledon vera, radice tuberosa, J. B. 3. 683. *Raii Hist.* 1878. Umbilicus Veneris, *Ger. Matth. Lac. Turn. Casalp. Cast. Lugd. Hist. Tabern.* Umbilicus Veneris vulgaris, *Park.* Cotyledon, Umbilicus Veneris, *Clus. Hist.* 63. Cotyledon prima seu major, Umbilicus Veneris major, Umbilici Veneris species prima, Umbilicus terræ, Hortus Veneris, Acetabulum, Scytalium, Cymbalum majus, Herba Coxendicum Plinio, Scatum Cæli & Scatellum vel Scatuncellus Manlio, *Nonnull.* vulgo le grand Cotyledon ou Nombriil de Venus, les Escudes ou Escuelles communes.

Radice est tuberosa, carnosæ, alba, inferne exilibus fibris stipata. Folia emittit rotunda, densa, pingua, succo referta, tenera, pelviformia, longis caudis appensa, dilute-viridia, sapore viscoso, ac insipido : hæc inter gracilis erigitur caulis, fere semipedalis, quandoque simplex, quandoque in plures ramos divisus, pluribus exiguis ornatos floribus campaniformibus, in fistulam elongatis, pluribusque cuspidalibus incisionibus donatis, albis, aut purpurascentibus, staminibus denis, apicibus rectis. In eorum locum numerosi fructus succedunt pluribus membranaceis vaginis constantes, capitati, longitudinaliter sese aperientes, ac minutissima semina occludentes. In scopulis, vetustis parietibus, locisque saxosis, & calidis crescit planta hæc, Aprilis, ac Majo floribus decoratur, tunc autem folia marcescunt, in plurimis Galliæ provinciis haud raro occurrit, in hortis autem difficile colitur; apparet autem Autumno exeunte, ac Hyme folia conservat.

Observatur autem, bina, aut tria prima inferna folia, neutiquam rotunda

da esse, eorumque caudam non in centro, sed aliquantulum lateraliter intrudi. *Cotyledon*, sive *Umbilicus Veneris* nuncupata fuit planta hæc, eo quod ejus folia inferne ut plurimum concava sunt, aut cava ad instar infundibuli, aut umbilici.

Umbilicus Veneris alter, *Offic.* *Cotyledon* radice tuberosa longa repente, *Mor. Hort. Reg. Bles. Inst.* R. H. 90. *Raii Hist.* 1878. *Cotyledon* flore luteo, radice tuberosa longa repente, *Act. Ac. R. Par.* 73. *Cotyledon* flore luteo maxima, *Herman. Cat. Leyd.* *Cotyledon* altera, *Umbilici Veneris* species secunda, *Nonnull.* vulgo *le Cotyledon ou Nombril de Venus à fleur jaune*.

Radice est longa, repenti, & vivaci, folia speciei præcedenti proxima, propellente, nonnihil tamen latiora, compactiora, caudam versus ad aperta, ambitu crenato, quæ inter caulis elevatur rotundus, firmus, sub-ruber, nonnullis exilioribus vestitus foliis, in plures divisus ramos, luteis floribus onustos, qui scilicet spicæ in morem locantur, monopetali sunt, campaniformes, quinque cuspidibus distincti, calyceque suffulti longo, ac subviridi. Hisce vero evanescentibus capsulæ quinque oblongæ, acuminatæ, subvirides, seminibus minutissimis, ac rufescentibus scatentes succedunt. E Lusitanico Regno plerumque nobis advehitur planta hæc, in curiosorum hortis colitur, in quibus facile servatur, Junioque florescit. Hyeme etiam perdurante folia virescunt, Majo autem marcescunt, ut vestigia eorum tantum vix remaneant.

Prima *Umbilici Veneris* species usitatior est apud Medicos, postrema quoque huic substitui potest. Ejus folia sapore gaudent viscido, & aquoso. A Dioscoride, & Galeno maxime refrigerans censebatur. Certum est, optimos in externis inflammationibus effectus progignere, ac facile *Sedo maj.* substitui posse, iisdem enim viribus pollet; usurpatur autem in Unguenti *Populei* confectione, quod mirifice temperat aut in adustionibus, aut in hæmorrhoidali dolore. Quamvis autem planta hæc plurimo phlegmate, ac oleo oneretur, nonnihil tamen habet salis volatilis. Ejusdem inter duos scilices contusæ ad hæmorrhoides sane utilissima admotione evincitur, eandem partibus suis mucilaginosas, fibras nimis tensas relaxare, saleque volatili stagnantem, ac densum sanguinem excutere atque resolvere. Dioscorides demum & Galenus testantur, ejus succo interne sumpto, calculus, fabulumque e renibus detrudi; similibus vero in morbis recentiores Medicos ab hac sese penitus abstinere videmus.

Umbilici Veneris folia usurpantur in Unguento *Populeo Pharm. Paris.*

U N E D O.

UNEDO, sive *Arbutus*, *Offic.* *Arbutus* folio ferrato, C. B. P. 460. *Inst.* R. H. 598. *Arbutus*, *Comarus* *Theophrasti*, J. B. 1. 83. *Arbutus* *Dod. Pempt.* 804. *Ger. Park. Raii Hist.* 1576. *Matth.* *Arbutus* sive *Unedo* *Lob. Adv. Comarus*, seu *Comarum*, *Arbutum* *Memæcylum* seu *Memæcylon* Græcis, *Cerasus marina* *Calabris*, *Fragorum Arbor* vel *Fragum Arboreum*, *Fraga montana* *Poetarum*, *Quorumd.* vulgo *Arbousier*, ou *Fraisier en Arbre*.

Radix satis crassa, dura, lignosa arbusculam effert, trunco, cortice, tecto, rudi, rimisque hiantes, pluresque sub-rubros ramos, in vertice, propellente. Folia oblonga sunt, satis lata, Laurinis fere similia, densa, lævia,

perpetuo viridia, ambitu elegantissime crenato. Flores monopetali sunt, crotalumque mentiuntur quinis distinctum spiculis albis, venustis, Liliis Convallibus, proximis, racematim distributis, odore grato, staminibusque denis capillaribus, apicibus inclinatis. Flores subsequuntur fructus Fragis quodammodo similes, crassiores tamen, sphaerici, carnosus, primum flavi, dein per maturitatem læte-purpurei, sapore austeriusculo. Fructus autem prædictus *Unedo*, aut *Arbutum* nuncupatur, Græce vero *Comarum*, aut *Memacylon*, Gallice autem *Arboux*; quinque discriminatur cellulis, in quibus plura conduntur semina minuta, oblonga, ossea. Abunde crescit arbuscula hæc in Italia, Hispania, Occitania, & Provincia in locis montanis, in sylvis inter dumeta; juxta Clusium, semper aut floribus, aut fructibus onusta apparet, ac quandoque etiam floribus, fructibusque una simul vestita; præcipue vero Julio, ac Augusto florescit; alteroque anno fructus ad maturitatem perducitur. Merulæ ac Turdi non minus, quam mulierculæ, pueruli-que Arbutis delectantur. Virgilius vero testatur, flores ab Apibus in deliciis haberi, folia vero a Capreolis. Belonus autem nos edocet, Cretæ, & in vallibus, Athos monti, proximis, ad tantam proceritatem ascendere, ut altiores arbores adæquet, fructumque pariter Malum crassitie æquare, colore instrui rubro, nigrescente, majorique mollitie, saporisque gratia, Arbuti vulgaris fructu, præditum esse.

Quamvis adstringendi facultas, tam in foliis, quam in cortice, fructu-que manifesta sit, *Unedo* tamen vix in re Medica usum habet; quare ejus decoctione, ad ventris fluxus sistendos, uti merito possumus. Amatus Lusitanus asserit, aquam distillatam ex floribus, foliisque ejusdem adversum Pestem excellere, & ad humorum malignitatem debellandam, quum præcipue morbi initio exhibeatur. A Matthiolo autem C. C. pp. additur. Sebizius cum aliis credit, ejusdem fructum stomacho noxium esse, caputque lædere posse: hinc ab eo *Unedo*, quasi *unum edo* nuncupatus fuit, ultra enim, perniciosus pronuntiatur: quod nobis adhuc comprobandum videtur, Clusius enim ait, pluries a se ipso fructus prædictos absque ullo incommodo comestos fuisse; quod etiam a Garidelio confirmatur, qui testatur, eosdem in Provincia vulgarissime ac tuto pro esu usurpari.

Arbutæ lignum album est, peculiaribusque operibus dicatum, nec non ad optimos carbones parandos inseruit.

U R T I C A.

DE tribus ejusdem speciebus in Officinis usitatis verba faciemus.

URTICA major, Offic. Urtica urens maxima, C. B. P. 232. Inst. R. H. 534. Urtica vulgaris major, J. B. 3. 445. Raii Hist. 160. Urtica urens altera, Dod. Pempt. 151. Urtica major, Brunf. Fuchsf. Urtica major, five sylvestris asperior, Tabern. icon. 534. Urtica major vulgaris & remedia sylvestris, Park. Urtica urens maxima sterilis vel fertilis, Ponted. Anth. 210. Urtica foliis cordatis, amentis cylindræis, sexu distincta, Linn. Flor. Lapp. 374. Urtica urens vulgatior, Urtica perennis mas & femina, Urtica communis major, Quorumd. vulgo *la grande Ortie piquante*, l'Ortie vivace l'Ortie commune.

Ei radix est minuta, fibrosa, in longum serpens, sub-flava; caules vero emit-

tit tripedales, quadratos, striatos, rigidos, urenti lanugine tectos, cavos, ramosos, binis invicem oppositis vestitos foliis, oblongis, latis, acuminatis, ambitu dentitulato, pilis penetrantissimis, ac urentibus, stipatis, longiusculis caudis, appensis. Summis caulibus, ramisque e foliorum alis flores prodeunt, ramosis racemis dispositi, pluribusque conflati staminibus, calyce suffulti quadripetalo, herbido; hi autem flores nullum post se semen relinquunt. Hinc *Urtica maris*, ac *Urtica foeminae*, ut in Cannabi distinctio oboritur: *Urtica mas* e caulibus numquam florentibus acutas emittit capsulas, farissae ferrum mentientes, tactu pungentes, semenque ovale, planum, splendidumque continentes. *Urtica vero foemina* flores tantum progignit, nullosque fructus, ut vulgari ratione loquamur; Botanici enim proprie *flores mares* eos potissimum esse pronunciant, quos nulla semina subsequuntur, *floris* deinde *foeminas*, quos revera subsequuntur. Ubique fere abunde luxuriat planta haec in locis praecipue incultis, & fabulosis, in sepibus, fossisque, prope muros, in sylvis praeterea, atque hortis; Junio florescit, ejusque semen Julio, & Augusto maturitatem acquirit; folia vero, ut plurimum, singulis annis, Hyeme marcescunt, radix autem neutiquam perit, ac Vere primum accedente recentia folia producit. Radices, folia, ac semina in usum Medicum veniunt. Tela quoque ex ejus caulibus, uti ex Cannabi parari potest. Linnæus asserit, ejus juniora surcula una cum leguminibus esse decoquenda. *Urtica vulgaris*, radicum, caulium ac foliorum colore, quandoque variare solet: tunc autem *Urtica rubra*, aut *Urtica lutea*, aut *semicana* vocitatur.

Urtica minor, *Offic. Urtica urens minor*, C. B. P. 232. *Inst. R. H.* 535. *Urtica minor annua*, J. B. 3. 446. *Urtica urens minima*, *Dod. Pempt.* 152. *Urtica minor*, *Ger. Raii Hist.* 161. *Brunf. Fuchs. Cord. Lob. Tabern.* *Urtica tertia Matthioli*, *Lugd. Hist.* 1244. *Urticoides urens*, *Ponted. Anth.* 210. *Urtica minor urens*, foliis eleganter variegatis, caule intorto rubente, *Rudb. Lapp.* 100. *Urtica foliis ovatis*, amentis cylindraceis, *Androgyna*, *Linn. Flor. Lapon.* 375. *Hall. Helv.* 178. *Urtica vulgaris minor*, *Urtica minor & acrior*, *Cania Plinii acrior*, *Quorumd.* vulgo *le petite Ortie*, ou *l'Ortie griesche*.

Huic radix est simplex, satis crassa, alba, exiguis stipata fibris, annua. Caules profert semipedales, aut pedem nusquam superantes, satis crassos, quadratos, duros, striatos, ramosos, urentes, minus, quam in praecedenti elatos. Folia bina invicem opposita sunt, breviora, ac obtusiora *Urticae maj.* foliis, marginibus profunde incisissimis, adurentia, saturate-viridia, longis caudis appensa. Flores staminibus suis, racematim, ad modum crucis in foliorum alis locantur, coloremque herbidum habent; alii mares, seu steriles, alii vero foeminae, sive foecundi eodem e caule prodeunt; hisce vero secundis deciditibus exiguae capsulae praesto sunt, quae binis foliolis simul junctis constant, occluduntque semen minutum, oblongum, planum, lucescens, sub-rubrum. Secus aedificia, in locis incultis, inter rudera, ac in hortis olitoriiis crescit planta haec, in quibus semine singulis annis innovatur, frigoris enim rigorem suffere haudquaquam potest. Herba praesertim a Medicis usurpatur.

Urtica Romana, *Offic. Urtica urens*, pilulas ferens, prima Dioscoridis, semine Lini, C. B. P. 232. *Inst. R. H.* 535. *Urtica Romana*, sive mas cum

globulis, J. B. 3. 445. *Urtica urens* prior, Dod. *Pempt.* 151. *Urtica Romana*, Ger. Park. *Rati Hist.* 161. *Urtica sylvestris*, five *Romana Officinarum* semine Lini, Lob. *Adv.* *Urtica prima*, Matth. Lac. *Cæsalp. Cast. Tabern.* *Urtica prima Matthioli*, Lugd. *Hist.* 1243. *Urtica Græca* five *Romana*, & *aspera Dioscoridis*, Fuchf. *Urtica Romana* seu *peregrina*, & *elegantissima*, Trag. *Urtica Dioscoridis*, aliis *Cnide dicta*, *Urtica urens major & prima*, *Urtica mascula* five *mas*, *Urtica sylvestris asperior*, *Urtica pilulifera* seu *pilulas rotundas ferens*, *Urtica Italica* five *hortensis*, Nonnull. vulgo *l'Ortie Romaine*, *l'Ortie Grecque*, ou *Ortie male*.

Radicem habet fibrosam, sub-luteam, annuam, caulem vero quatuor, vel quinque pedum altitudinis, rotundum, debilem, ramosum, exiguis rigidis, pungentibusque spinis stipatum, foliisque oppositis, latis, acuminatis, ambitu profunde inciso, rudi, urenti, & lucenti lanugine tectis. E foliorum alis ad ramorum fere, cauliumque extremitatem flores enascuntur, binis præcedentibus speciebus, similes. Marcescentibus vero floribus, globuli virides præsto sunt, totidem scilicet exigui fructus, rotundi, pisiformes, exiguis spiculis horrescentes, longis appensi pedunculis, pluribus constantes capsulis, bifariam sese aperientes, semenque condentes ovale, acutum, planum, glabrum, lubricum, tactu læve, adinstar seminis Lini. Tam in frigidis, quam in calidis regionibus, in sepibus, pratis, sylvis cæduis, & umbrosis crescit planta hæc, rarius tamen præ binis aliis occurrit, ac ad ornatum in hortis feritur. Æstate floret, ac Julio, & Augusto semen ad maturationem perducitur; frigori vero nequiquam resistit, atque singulis annis perit. Semen præcipue in usum revocatur.

Urtica ab *urendo* nuncupata fuit, rigida enim, acuta, & exilissima lanugine obtegitur, qua tangentium cuti adhærens, eam penetrat, nervisque eundem doloris sensum communicat, ac si pars ignem tetigisset, urentem calorem, pustulas, pertinacesque pruritus excitando, quibus, omnibus occurrere possumus, Oleo Olivarum, Oleo rosato, Nicotianæ succo, ejusdem *Urticæ* folio superapposito, aut ejusdem plantæ succo expresso juxta Parkinsonum. Hooek vero Microscopio detexit, *Urticam* acutissimis spiculis contactam esse, quorum basis, vesicula constat liquore acri, mordicanti, ac venefico referta, cuspis vero substantia durissima, foramine instructa, quo liquor per puncturam in cutem intruditur, doloremque excitat. Langius e contra id omne pernegat, asserendo, nec vesiculas, nec cavitates, nec foramina *Urticæ*, de quibus celebris Observator Hooek verba fecit, Microscopio quantumvis exquisitissimo, nunquam potuisse percipere.

Ex tribus *Urticæ* usque adhuc recentis speciebus folia saporem habent insipidum, glutinosum, nec chartam cæruleam rubro colore inficiunt: radices vero hoc admodum infirme præstare solent, quæ insipidæ pariter sunt, ac stypticæ: hinc conjectari licet, omnes *Urticæ* species sale scatere ad terræ naturalem salem accedente, conflato scilicet, Nitro, Saleque marino: sal vero hoc in plantis prædictis, plurimo viscoso plegmate irretitur, magnæque sulphuris, partiumque terrestrium copia, sociatur: Analyseos enim Chymicæ ope ex *Urticis* sal volatile concretum, plurimum sulphuris terræque, pluresque liquores, sal acre, & acidum manifesto indicantes eliciuntur. Hinc verisimile videtur harum plantarum phlegma a particulis terrestribus potius, quam ab acido condensari: phlegma autem hoc condensatum, quod profecto adest in

magna copia, omnino ab igne destruitur: Nil inde mirum, Urticas detergentes esse, diureticas, & ad liquorum circulum restituendum aptas, phlegmate enim hocce glareoso, magna falis acris, & sulphuris energia moderatur.

Tam interne, quam externe usurpatur planta hæc. Urticæ succus depuratus, vel simplex, vel post levem ebullitionem sanguineum sputum, narium hæmorrhagiam, fluxumque hæmorrhoidalem sistendi vim habet, & dysentericæ, fluoribusque albis adversatur ab ℥ ij. ad ℥ jv. aut solitarie tepidus, aut æ. q. jusculi permixtus. Foliis vero ejusdem ad modum Theæ infusis utimur contra arthritidem, rehumaticos affectus, calculum, glareasque in renibus, & vesica stabulantes: eadem præterea infusio optima quoque est pro Gargarismate in faucium morbis. Ejus etiam furculi in jusculo decocti sanguinem depurant; ejusdemque plantæ ptisana plurimum reputatur in Febribus malignis, Variolis, & Morbillis. Emulsionem quoque eadem aqua, ac ejus seminibus parari possunt. Syrupus, racemorum Conserva, & Extractum iisdem viribus insigniuntur: Urticæ quoque radices Saccharo condiuntur, usurpanturque magno emolumento adversum icterum, antiqua in tussi, asthmate humido, ac pleuritide ad expectorationem procurandam, præsertim si folia tusa Cataplasmatismore parti affectæ apponantur. Succus quoque prædictis in morbis exhiberi debet. Remedium modo describendum Parisiis usitatissimum est, & in Pleuritide ut plurimum mira præstat.

℞. Urticæ Romanæ recentiss. Man. ij. vel iij. Contunde leviter, & coque in ℥ jv. optimi Olei Olivar. & Vini cyatho. Fiat colatura, exhibeaturque agro probe cooperto ad sudorem provocandum. Magma vero parti affectæ, quam possibile est calide, applicetur. Aptius vero tempus est pro eo usurpando, post secundam, aut tertiam sanguinis missionem, tertia scilicet morbi die nondum præterlapsa.

Extrinsècus vero Urticæ Cataplasma emolliens est, ac resolvens, aptumque ad tumores, inflammatione sociatos, referandos, arthriticos solatur, ac tumores quandoque, & ganglia dissipat. Plures etiam tam veteres, quam recentiore Medici, tamquam optimum adversum Ischiadem, & Paralysem commendant, si affectæ partes fasciculo Urticæ ad ruborem usque plectantur, Vinoque calido deinde abstergantur. Plures extant Observationes sanationum hacce methodo peractarum, qua debilioribus, extenuatisque in partibus sanguis, spiritusque revocantur, eorumque circulatio restituitur.

Urticæ semen usurpatur in Syrupo Composito Althææ, & Unguento Martiato *Pharm. Paris.*

℞. Succus Urticæ Rom. depur. ℥ ij. Vini albi ℥ jv. M. exhibeaturque mane jejuno stomacho novem dierum spatium in calculo, ac mejendi difficultate.

℞. Rad. Urticæ, & Consolidæ maj. ana ℥ j. β. Fol. Millefolii, & Plantaginis ana Man. j. Cort. Malor. Punicor. & Gummi Arabici ana ℥ ij. Sem. Papaveris albi ℥ β. Coque in aquæ ℔ iij. ad medias. Colaturæ adde Syrupi de Rosis siccis ℥ jv. Sacchar. Saturni ℥ j. Croci Martis adstringentis ℥ jv. Pro decotione, cujus ℥ jv. bis de die exhibebuntur in sputo sanguineo, narium hæmorrhagia, hæmorrhoidumque immoderato fluxu.

U S N E A .

USNEA Humana, *Offic.* Muscus ex Cranio, J. B. 3. 764. Muscus ex Cranio humano, *Tabern. icon. & Hist.* Muscus Cranio humano innatus, *Raii Hist.* 117. Usnea seu Muscus Cranii humani, Usnea Microcosmi, Muscus de Calvaria humana, seu Cranio hominis suspensi, & strangulati, vel rota necati innascens, Muscus ex Craniis hominum violenta morte peremptorum, Elos Cranii, *Quorumd.* vulgo *Usnée Humaine, ou Mouffe de Crane humain.*

Juxta Lemeryum, Usnea Humana nihil aliud est, quam Muscus vulgaris, sub-viridis, binis, aut tribus lineis altus, inodorus, sapore falso, in craniis cadaverum utriusque sexus diutius aeri espositis innascens: plantula hæc in Anglia, & Hibernia præcipue occurrit, in craniis hominum suspensorum, & strangulatorum, eorum enim membra adeo firmiter, ære textili, patibulo alligantur, ut plurimum annorum spatio, post carnis, putredine, ac aere consumptionem, integra ossa remaneant. In ossibus quoque humanorum cadaverum dudum aeri aperto objectis Usnea reperitur, non adeo tamen in pretio habetur, quemadmodum Usnea Cranio innata.

Juxta alios, duæ Usneæ humanæ extant species; Prima Officinalis ex Hibernia advecta, estque species Musci vulgaris terrestris, Adianti aurei capitulis, nihilque differt a Musco super Tiliam, saxos, arboreque enascente; hinc non adeo facile distingui potest. D. Doody Pharmacopola Londinensis, celeberrimusque Botanicus observavit, Usneam quoque progigni in equorum & boum divulforum ossibus. In craniis autem præcipue occurrit in solo humido stratis.

Altera vero crustacea est, e craniis humanis ad crustæ modum producta, more Lichen saxatilis, sive Lichen petræi; ab Auctoribus autem hæc postrema antecedenti præfertur, tamquam, peculiari ad plures morbos energia, utilissima. Referente Rajo species est Lichen, superne cinerei, inferne nigri coloris, ambitu fimbriato, pene inciso, absque caule, arborum expansa corticibus, aliisque corporibus, quibus adhæret.

De *Usnea vulgari*, Muscus arboreus villosus a *Jo. Baubino*, nuncupata, hic neutiquam verba faciemus, nihil enim aliud est, nisi Musci arborei, aut potius Lichen species sub-albida, & filamentosa, quæ in regionibus calidis, in vetustissimis arboribus frequentissime occurrit, in Quercu scilicet, Populo, Ulmo, Betula, Malo, Pyro, Pinu, Abiete, Larice, & Citro, cujus pulveris basis est Fulveris Cyprii, vulgo *Corps de Cypr gris.*

Usnea denominatio est ab Alchymistis Paracelsi sectatoribus proveniens, apparenter vero deducta fuit a *Axnech*, sic enim Arabi Usneam arboream vocitabant.

Usnea Humana, Analyfi Chymica, plurimum falis volatilis, atque olei largitur. Raro admodum hisce in regionibus occurrit, cadavera enim hominum violenta morte peremptorum, non adeo frequenter exponuntur, uti in regionibus Septentrionalibus, & Germania, ubi usitatissima est. Tamquam adstringens, narium hæmorrhagias in iis apposita sistit: ad Epilepsiam præterea usurpari potest: huic autem nostris in regionibus cranium ipsum substituitur; usurpatur autem in pulvere sympathico, in Petra *Butler*, in Unguento *Amaro* sive a' *Arquebusade*, aliter etiam *Martiali* & *Magnetico*

nuncupato, aliisque compositionibus ad sanguinem sistendum aptis. In *Ephemeridibus Germanicis Decuria prima, anno secundo pag. 96.* & sequentibus extat elegans Dissertatio D. Martini Bernardi a Berniz, in qua fuse de hujusce plantæ viribus differit; ad eam itaque Lectores ablegamus, in ea, enim præ aliis scitu dignis, modus edocetur, quo facilius in craniis humanis excrescat.

Grube præterea affirmat, haud multum quidem in re Medica Usneam existimari, eo quod supponatur, cadaverum vitales, & animales spiritus in ea contentos ad viventium partes quadam efficacia communicari, quum autem omnibus notum sit, cadavera iis omnino esse destituta, haud inficiuntur ii qui de specifica ad plures morbos ejusdem energia satis dubitant. Junkerus asserit; nullas alias in ea, nisi, ab hominum credulitate falso tributas, vires adesse. Mark vero celebris Aromatarius Norimbergensis constanter tradit, Usneam Cranii Humani sola raritate excellere, & Boeclerus testatur, Usneam, una cum cadaverum ossibus, pluribus tam superstitionis, quam impiis usibus inservire. Nos tamen credimus cum doctissimo D. James, Muscum huncce natura sua utilem esse posse in hæmorrhagiis, in quibus turundis, & pessariis stypticis uti opus est, dummodo aptis aliis admisceatur.

In morbis, itaque in quibus remediis dissecantibus, & adstringentibus cum internis, tum externis necessitas adest, usurpari commode potest.

V U L N E R A R I A.

VULNERARIA, Offic. Loto affinis Vulneraria pratensis, C. B. P. 332. Vulneraria rustica, J. B. 2. 362. Inst. R. H. 591. Anthyllis Lenti similis, Dod. Pempt. 552. Anthyllis leguminosa, Ger. Raii Hist. 922. Anthyllis leguminosa vulgaris, Park. Vulneraria Consolida, Gesn. Hort. Glauz quorundam, Lob. adv. Lotus latifolia Dalemchampi, Lugd. Hist. Lagopodium flore luteo, Tabern. icon. 925. Anthyllis foliis pinnatis, foliolis pluribus, terminatrice majore, Linn. Hort. Cliff. 371. Vulneraria rustica flore ferrugineo, Act. Stoch. 1741. 202. Anthyllis leguminosa Belgarum, Anthyllis prior seu magna, sive Anthyllis Dioscoridis, Anthyllis major vel leguminosa flore luteo, Anthyllion sive Anthyllion, & Anthycellon Plinii, sideritis cognomine rustica, Glauciola, Panaces Chironium læve denominatum, Nonnull. vulgo *Vulneraire des Paysans*.

E radice simplici, longa, erecta, lignosa, sub-nigra, saporis leguminosi, caules exeunt fere pedales, graciles, rotundi, hirsuti, nonnihil subrubri, curvi, aut in solo strati. Folia pari ordine, juxta simplicem costam, folio unico terminatrice locantur, amulanturque folia Galangæ, aut Rutæ Caprariæ, nonnihil tamen succulentiora, inferne villosa, ac ad albedinem accedentia, superne vero, e viridi lutescentia, sapore sub-dulci, fere acriusculo, ea vero, quibus in ramorum summitate flores fulciuntur, præ aliis latiora sunt, oblonga, membranacea. Summis ramis fasciculatim flores enascuntur leguminosi, lutei, calyce elati fistuloso, crasso, lanuginoso, argenteo, absque ullo odore statim sensibili. Deciduis floribus calyx ulterius quoque inflatur, vesiculamque efformat, membranaceam capsulam, occludentem, uno, aut binis plerumque seminibus sub-luteis refertam. Montanis in locis, siccis, sabulo-

bulosis, ac in apricis collibus, in pratis, solo sterili, ac cretaceo, ac secus arva luxuriat planta hæc, florum causa quandoque etiam in hortis colitur; Majo, Junioque flores propellit, Julio, & Augusto autem semen ad maturitatem perducitur; flore albo quandoque variare solet.

Vulneraria rustica, plurimum olei, parumque continet salis essentialis, inter vulnerarias, & consolidantes locum habet, quemadmodum etiam ejus nomine indicatur, ad recentia ulcera, & vulnera sananda apta est, tusa, Cataplasmatidis forma apposita: nihilominus raro admodum, usurpatam cernimus.

U V U L A R I A

T Rachelium, *Offic.* Campanula vulgatio, foliis Urticæ vel major & asperior, C. B. P. 94. *Inst.* R. H. 109. Campanula major & asperior folio Urticæ, J. B. 2. 805. Cervicaria major, *Dod. Pempt.* 164. Trachelium vulgare, *Clus. Hist.* 170. Trachelium majus, *Ger. Raii Hist.* 732. Trachelium majus flore purpureo, *Park. Parad.* Campanula major, *Fuchs.* Uvularia major, *Trag.* Cervicaria maxima foliis Urticæ majoris, caule sæpe tricubitali, floribus magnis cæruleis, quandoque etiam albis, *Thal.* Cervicaria, Uvularia, Campanula major prima, *Tabern. icon.* 412. Trachelium majus purpureo-violaceum, *Scavvenck.* Campanula foliis radicalibus cordatis, calycibus ciliatis, *Linn. Hort. Cliff.* 64. Campanula quibusdam Herbariis vocata Archangelica, Trachelium foliis urticæ flore subcæruleo, Campanula Fuchsi flore dilute-purpureo vel ad cæruleum inclinante, Rapum sylvestre majus, *Quorumd.* vulgo *Campanule a fevilles d'Ortie, Gantelee ou Gands de Notre-Dame.*

E radice satis crassa, longa, ramosa, alba, vivaci, sapore adinstar Rapunculi grato, plures emergunt caules duos, aut tres pedes, alti, quandoque minimum digitum crassi, angulosi, striati, cavi, sub-rubri, hirsuti, foliis alternatim juxta caules dispositis; Urticæ majori similibus, acuminatioribus tamen, hirsutis, infernis præcipue, longis caudis, appensis, superioribus e contra brevibus. Ex foliorum alis flores prodeunt campanulam mentientes expansam, ambitu quinquifido, cærulei sunt, quandoque albi, interne villosi, exiguo calyce suffulti pariter quinquifido, staminibus quinque capillaribus, brevissimis, apices longos, ac planos gestantibus, in centro locatis. Deciduo flore calyx abit in fructum membranaceum, rotundum, angulosum, in plures divisum cellulas lateraliter perforatas, plurima semina occludentes minuta, lucentia, sub-rubra. In sylvis cæduis, elatis nemoribus, in sepibus, ac pratis, secusque valles, obscuris, umbrosisque in locis frequens occurrit planta hæc; Æstate flores emittit, semen vero Autumno maturatur. In Hortis Curiosorum quoque colitur; ac varietates producit satis gratas, flore dilute-purpureo, flore duplici albo, & duplici cæruleo, triplici etiam quandoque, ac quadruplici.

Campanula nostras succo lactiginoso scatet, ejusque radix Rapunculi locum occupare potest in acetariis, Quadragesimali præsertim tempestate. Si autem, postquam ejus radix e solo evulsa fuerit, in frustula, aut taleolas, tres, aut quatuor lineas, crassas incidatur, eæque separatim solo committantur, ab unaquaque, ejusdem speciei planta progignetur; experimentum hocce institutum fuit a D. Marchand, Regiæque Scientiarum Academiæ relatum.

latum. Jamque ex superioribus constat, experimentum hoc idem pari cum successu in radice Raphani rustici parari posse.

Causa floris, *Campanula* nuncupata fuit, *Trachelium* vero, non solum quia nonnihil rudis, tactuque aspera deprehenditur, verum etiam quia *Tracheæ* inflammationibus dicatur, *Uvularia*, quod *Uvulae* morbos solatur, *Cervicaria* demum, quod adversus colli, fauciumque ægri tudines commendatur.

Plurimum habet olei, & phlegmatis, mediocrem vero salis portionem. Adstringens est, detergens, ac vulneraria. Ejus decoctio pro Gargarismate in usum revocatur, ad oris, faucium, amygdalarumque inflammationem, initio tamen morbi solummodo, quum scilicet adstringentia tuto usurpari possunt, in progressu autem potius noceret.

X A N T I U M .

XANTIMUM, Offic. Lappa minor, Xantium Dioscoridis, C. B. P. 198. Xantium, five Lappa minor, J. B. 3. 572. *Raii Hist.* 165. Xantium, *Dod. Pempt.* 39. *Inst. R. H.* 439. *Matth. Anguill. Fuchsf. Turn. Cord. in Dioscor. Lac. Lonic. Thal. Cæsalp. Cast. Tabern. Gesn. Hort. Lob. icon.* 588. *Lugd. Hist.* 1056. Xantium five Strumaria, *Lob. Adv.* 254. Bardana minor, *Ger. Lappa minor, Brunf. Trag. Eric. Cord.* Lappa Strumaria foliis angulosis, dispersos, echinis bicornibus sursum rigentibus ad foliorum alas confertis, *Pluk. Alm.* 205. Xantium caule inermi, *Linn. Hort. Cliff.* 443. Lappa inversa, Aretion minus, Philantropon, Chæradoltheron, Phasagonon seu Phasagonion, *Quorumd.* vulgo *Petite Bardane, petit Glouteron ou Gletteron, Grappelles.*

E radice exigua, alba, fibris satis crassis stipata, annua, caulis exsurgit ad duorum fere pedum altitudinem, angulosus, hirsutus, rubris distinctus punctis, ramosus, late sese expandens, foliis Bardanæ maj. longe exilioribus, alternis, Tussilaginem quodammodo referentibus, e viridi lutescentibus, hirsutis, ambitu leviter crenato, longiusculis caudis appensis, sapore acriusculo ad aromaticum accedente. Ex foliorum alis flores apparent, constantque fasciculis flosculorum vesicularium, quinis staminibus e fundo exeuntibus, facile cadunt, nec ullum post se semen relinquunt: in eadem vero planta floribus hisce maribus, sive sterilibus, & alii flores fœminæ sive fecundi subnascuntur, fructus post se relinquentes oblongos, olivares, spiculis armatos, vestibis facile adhærescentibus, per longum in binas cellulas divisos, semina oblonga, sub-rubra, ex uno latere convexa, ex altero plana continent. Pingui in solo, prope muros, ac secus fluvios, in ædificiorum ruderibus, & in fossis aqua destitutis luxuriat planta hæc, Julio, & Augusto flores propellit, semina autem Autumno maturantur.

Bardana hæc minor *Xanthium* nuncupata fuit, quasi *Planta flava*, aut ad res flavo colore fucandas apta; ea enim apud Veteres ad capillos flavedine inficiendos usurpabatur; colore hocce tunc temporis præ aliis in pretio habito.

Ejus folia amara sunt, & adstringentia, nec ullo rubro colore chartam cæruleam imbuunt, plurimumque ex planta universa salis, atque olei elici potest. Eiusdem usus commendatur ad strumas, impetiginemque sanandam, ac ad sanguinem depurandum, si ægris, aut ejus succi ʒ vj. aut ejus extracti ʒ j. exhibeatur. Folia tusa, uti Bardanæ folia resolvendi vim habent, tumores.

moreſque ſtrumofos diſcutiunt, ac diſſipant. Konig vero aſſerit, ſemen in ſp. Vini infuſum potenter arenulas ciere. Præſtantiortamen, calculoſis miniſtrandi, ratio nobis videtur, ſi pulveratum 3 ſ. ex Vino albo propinetur.

X Y R I S.

X Y R I S, Offic. Gladiolus foetidus, C. B. P. 30. Spatula foetida, plerisque Xyris, J. B. 2. 731. Dod. Pempt. 247. Iris foetidiffima ſeu Xyris, Inſt. R. H. 360. Xyris, Matth. Lob. Caſt. Camer. Ger. Raii Hiſt. 1190. Xyris, ſive Spatula foetida, Park. Iris foliis enſiformibus, Corollulis imberbibus, petalis interioribus longitudine Stigmatis, Linn. Hort. Clif. 19. Iris agria Theophrasti, Xyris ſive Iris ſylveſtris Dioſcoridis, Iris agreſtis Spatula foetida vulgo dicta, Nonnull. vulgo *Glayeul puant*, *Spatule ou Eſpatule*, *Iris qui ſent le Gigot*.

Radice eſt globola ad modum Cepæ, dum adhuc adoleſcit, deinde curva, geniculata, craſſiuſculis fibris circumfuſa, longis, implicatis, ſapore acerrimo, adinſtar Iris vulgaris. Plura emittit folia, pedem cum dimidio, aut pedes duos longa, Iris vulgaris foliis anguſtiora, gladii more acuminata, atro-viridia, ac luceſcentia, odore foetido, cimicis, aut vervecini ſemoris aſſi, præſertim tuſa, aut fracta. Ea inter plures caules eriguntur mediocriſ craſſitudinis, erecti, læves, in quorum extremo flos locatur, Iridis florì proximus, exilior tamen, ſeniſque conflatus petalis atro-rubris, ac pene cæruleis. Fructus, huius in locum, ſuccedit oblongus, anguloſus, per maturitatem ſeſe aperiens, adinſtar fructus Pæoniæ maris, ac ſemina præſeferens rotunda, piſiformia, rubra, & urentia. Humidis in locis prope ſepes, cæduis in ſylvis, dumetis, vallibuſque umbroſis occurrit, Julio, & Auguſto floreſcit, ac Autumno ſemen ad maturitatem perducitur. Quandoque etiam in hortis colitur, facile ubique creſcit, agri Pariſienſis incola eſt, in Anglia vero juxta Rajum raro reperitur.

A Majoribus noſtris Xyris aut Xiris nuncupata fuit, quaſi *Gladius*, ejus enim folia ſimili figura prædicta ſunt. *Spatula* vel *Spathula* idem ſibi vult.

Plurimum olei, ſaliſque largitur. Non minus radix quam ſemen decoctum, aperiens, hydragogum, & adverſum rheumaticas affectiones, obſtructiones, ac hydropem aptum cenſetur. A Nonnullis contra Strumas, & Aſthma humidum plurimum commendatur; ad aquas tamen potenter evacuan-das, materiamque tenacem, ac viſcidam, viſcera quandoque infarciენტem ſolvendam, vis ejus maxima prædicatur.

Alterius Partis, Tomi Secundi Finis.

ERRATA CORRIGE.

pagina 1 lin. 8	<i>Cavver</i>	<i>Caner.</i>
p. 2 l. 12	fatido	foetido
p. ead. l. 21	præscribendam	præscribenda
p. ead. l. 26	familiaris	familiarius
p. ead. l. 31	Borrhaginis	Borrhaginis
p. ead. l. 33	propinata	propinanda
p. ead. l. 38	stanno	stanno
p. 3 l. 2	Letargum	Lethargum
p. ead. l. 12	rapidus	vapidus
p. ead. l. 25	syncope	syncope
p. ead. l. 28	Vulnerarie	Vulneraria
p. ead. l. 34	Pannomicum	Pannonicum
p. 3 l. 36	quante	puante
p. ead. l. 42	vilosis	villosis
p. ead. l. 44	purpurefcentibus	purpurafcentibus
p. ead. l. 46	malleum	melleum
p. ead. l. ead.	fatet	foetet
p. 4 l. 13	paratum	paratur
p. ead. l. 26	Melorum	Melonum
p. ead. l. 33	cure	lutei
p. ead. l. 35	desiderantur	primum villosi
p. 5 l. 8	pulpo	pulpa
p. ead. l. 29	definitur	definitur
p. ead. l. 33	indicationis	indicationes
p. ead. l. 43	Echthisi	Phthisi
p. 6 l. 1	MEDICINÆ	MEDICÆ.
p. ead. l. 6	Hubergene	Aubergene
p. ead. l. 13	feta	foeta
p. ead. l. 22	delitiam	deliciam
p. ead. l. 34	hocce	hacce
p. ead. l. ead.	onodino	anodyno
p. 7 l. 1	Solami	Solani
p. ead. l. 11	Luppon.	Lappon
p. 8 l. 26	P Herte	P Herbe
p. ead. l. ead.	acuminatiora	acuminatiora
p. ead. l. 32	feta	foeta
p. ead. l. 34	anuli. Florum	anuli florum
p. 9 l. 5	ædem	ædem
p. ead. l. 6	cococctionem	cococctionem
p. ead. l. 15	frisoè	frisee.
p. ead. l. 19	aliis	alis
p. ead. l. 22	analisque	anulisque
p. ead. l. 38	hisce	hac
p. ead. l. 47	producta	productus
p. 10 l. 1	MEDICINÆ	MEDICÆ.
p. ead. l. 6	Parck	Park
p. ead. l. 12	Radix	Radice
p. ead. l. 47	vere	Vere
p. 12 l. 13	phlematis	phlegmatis
p. ead. l. 25	Charas	Charas
p. ead. l. 28	repetendo	repetenda
p. ead. l. 37	quoque	quaque
p. 13 l. 7	Linoxostoris	Linoxostis.
p. ead. l. 18	olitonis	olitoris
p. 14 l. 32	pug. j.	Man. j
p. ead. l. 12	Mespillum	Mespillum
p. ead. l. 26	circumfusas	circumfusus
p. ead. l. 41	Diarræas	Diarrhoeas
p. 16 l. 11	boceis	baccis
p. ead. l. 19	unam	unam
p. ead. l. 34	conficiendos	conficiendas
p. 17 l. 5	652	642.
p. ead. l. 39	Caner.	Caner.
p. 18 l. 29	eruptione	eruptionem
p. ead. l. 38	Feniculi	Feniculi
p. 20 l. 20	aciusculo	aciusculo
p. ead. l. 22	purpurefcent	purpurafcent
p. 21 l. 28	Balsaminas	Balsamina
p. 22 l. 14	Mensium	Mensis
p. ead. l. 41	Caudes	Caudex
p. 22 l. 40	Pfombyces	Bo nyces.
p. 24 l. 30	læduntur	læduntur
p. 25 l. 26	Radici	Radici
p. 26 l. 8	Luppinus	Lupinus
p. ead. l. 23	candellæ	candellæ
p. 27 l. 16	plurias	pluvias
p. ead. l. 28	fabularum	fabularum

ERRATA CORRIGE.

p. ead. l. 35	exalantem	exhalantem
p. ead. l. 46	Helveticum	Helveticum
p. 28 l. 13	desiderantur	J R. H. 227. Myagrum
p. ead. l. 27	penne	pene
p. 29 l. 25	vere	Vere
p. 31 l. 14	fatira	fativa
p. ead. l. 30	Ætruria	Hetruria
p. 32 l. 7	nuncupantur	nuncupatum
p. ead. l. 13	pillulis	pilulis
p. ead. l. 19	Fabor	Fabrur.
p. ead. l. 27	Chamæleagnus	Chamæleagnus
p. ead. l. 40	quinque	quique
p. ead. l. 43	prædicti	præditi
p. 33 l. 5	foliis	foliis
p. ead. l. 23	ipfi	ipfis
p. 35 l. 25	Pyrensis	Pyrensis
p. ead. l. 30	Hermani	Hermanni
p. 36 l. 14	Emethico	Emetico
p. ead. l. 23	Althææ	Althææ
p. ead. l. 36	æstus	extus
p. 37 l. 20	morbi	morbis
p. ead. l. 29	sciens	ciens
p. ead. l. 31	exanematicis	exanthematicis
p. ead. l. 35	anfarctibus	anfarctibus
p. ead. l. ead	propinandas	propinanda
p. ead. l. 36	Capas	Cepas
p. ead. l. 37	excorticatos	excorticatas
p. ead. l. 42	Bunios	Bunias
p. 38 l. 8	ageribus	aggeribus
p. ead. l. 28	valriolarum	variolarum
p. ead. l. 44	alba indutus	alba indutus
p. 39 l. 3	Viole	Violæ
p. 40 l. 14	Emulsione	Emulsiones
p. ead. l. 15	Phænigmis	Phænigmis
p. ead. l. 27	Pharmacopææ	Pharmacopææ, & sic
p. 41 l. 30	limpidioribus	limpidioribus
p. ead. l. ead.	quod	quum
p. ead. l. 38	Accademiae	Academiae
p. ead. l. 43	regioni	regionis
p. 42 l. 4	magna	magma
p. ead. l. 5	prostant	præstant
p. ead. l. 14	vini	vim
p. ead. l. 40	vitullinum	vitulinum
p. 43 l. 8	Lata	Lota
p. ead. l. 14	desideratur	vase
p. ead. l. ead.	ter	tere
p. ead. l. 27	ad media	ad medias
p. 44 l. 26	cuculum	cucullum
p. ead. l. 30	quam	quarum
p. ead. l. 40	exquisitur	exquiritur
p. ead. l. 44	alatum	allatum
p. ead. l. 47	adversus	adverso
p. 45 l. 7	admisceretur	admiscentur
p. ead. l. 11	reperiantur	reperientur
p. ead. l. 15	ferunt	ferant
p. ead. l. ead.	vinum	virum
p. ead. l. 24	Catania	Cataria
p. ead. l. 36	mucrostata	mucronata
p. 46 l. 16	Trochissis	Trochiscis
p. ead. l. 24	Rododophene	Rododaphne
p. 47 l. 9	universalis	universali
p. ead. l. 12	Fiacum	Ficum
p. ead. l. 30	Prebecente	Prebecenue
p. ead. l. 32	Tereti	Teveti
p. ead. l. 38	pollicem	pollice
p. ead. l. 39	Emulæ	Enulæ
p. 48 l. 6	dura	dum
p. ead. l. 11	angustifolium	angustifolium & sic
p. ead. l. 47	gelo	gelu,
p. 49 l. 39	dictasse	ditasse
p. 51 l. 20	postum	pastum
p. ead. l. 29	chararum	catharum
p. ead. l. 39	alatum	allatum
p. ead. l. 46	abbundans	abundans
p. 52 l. 4	choleari	cochleari
p. ead. l. 12	abbundantem	abundantem

ERRATA CORRIGE.

p. ead. l. 13	in assuetis	inassuetis
p. 53 l. 15	Elleborus	Helleborus
p. ead. l. 22	paracavendos	præcavendos
p. 54 l. 21	quosdam	quasdam
p. 58 l. 28	Nymphæa	Nymphæa & sic de sing.
p. ead. l. 44	duobus	duabus
p. 59 l. 46	prostant	præstant
p. 60 l. 11	choitum	coitum
p. 61 l. 3	Gonorrhæa	Gonorrhæa
p. ead. l. 31	incisis	incisis
p. 62 l. 45	abdictos	abditos
p. 63 l. 26	pedunculatis	pedunculatis
p. ead. l. 33	fætida	fœtida
p. ead. l. 37	Camomila	Camomile
p. ead. l. 42	Camomillino	Chamomillino
p. 65 l. 1	tradita fuit	tradiderimus
p. ead. l. 26	earum	eorum
p. ead. l. 36	pyriforme	pyriformem
p. ead. l. 45	exposuit	exposcit
p. 68 l. 17	molioris	melioris
p. ead. l. 20	Hypocondriaci	Hypochondriaci
p. 69 l. 24	Prunus	Prunum
p. 71 l. 21	duobus	duabus
p. 73 l. 12	Serpentaria	Serpentaria
p. ead. l. 16	Eleboro	Helleboro
p. 74 l. 31	Cataplama	Cataplasma
p. 75 l. 22	contenendum	contemnendum
p. ead. l. 28	Absintii	Absinthii
p. 76 l. 3	Testiculis	Testiculus
p. 77 l. 22	Aphodisiaca	Aphodisiaca
p. 80 l. 36	fætam	fœtam
p. ead. l. 38	irretitus	irretitum
p. 81 l. 2	Satureæ	Saturejæ
p. ead. l. 14	Stechados	Stachados
p. ead. l. 45	aridis	aridis
p. 84 l. 21	pugillum	pugillus
p. 85 l. 12	Orizæ	Oryzæ
p. ead. l. 33	Serpillo	Serpyllo
p. 86 l. 1	Sphericæ	Sphæricæ
p. 87 l. 9	introsum	introrsum
p. ead. l. 10	femibus	feminibus
p. 89 l. 26	sphericum	sphæricum
p. ead. l. 34	capitis	capiti
p. 91 l. 30	maritimisque	maritimisque
p. 92 l. 42	duobus	duabus
p. 95 l. 41	Amigd.	Amygd.
p. 96 l. 25	Camomillæ	Chamomillæ
p. 101 l. 8	conspicitur	conspicitur
p. ead. l. 10	rammis	ramis
p. 102 l. 5	duobus	duabus
p. 104 l. 36	aliisque	aliique
p. 105 l. 36	duobus	duabus
p. ead. l. 38	multiplicetur	multiplicatur
p. 109 l. 40	portio	portio
p. ead. l. 41	vitreus	vitreum
p. ead. l. ead.	poculus	poculum
p. 112 l. 38	aptior	aptius
p. 122 l. 24	alive	aliove
p. 128 l. 10	Sodi	Sedi
p. 134 l. 17	sphericæ	sphæricæ

ERRATA CORRIGE.

p. 136 l. 17	perticioribus	pertinacioribus
p. ead. l. 31	plubeo	plumbeo
p. ead. l. 38	Poqulei	Populei
p. 140 l. 27	fumigeratissimus	famigeratissimus
p. 143 l. 22	cujus	quorum
p. ead. l. 23	fere	fere
p. 145 l. 2	fructum	fructu
p. ead. l. 26	merum	numerus
p. 156 l. 4	seculis	seculis
p. 157 l. 32	æmuli	æmulis
p. 159 l. 34	Psylli	Psyllii
p. 160 l. 42	Pyreneis	Pyrenæis
p. 160 l. 12	haud	fatis
p. 169 l. 42	intollerabili	intolerabili
p. 170 l. 36	folet	solent
p. 176 l. 32	Duas	Duz
p. 180 l. 4	Cerafæ	Cerafa
p. 195 l. 45	aperientibu	aperientibus
p. 197 l. 47	Mororum	Mororum
p. 199 l. 16	Fragorem	Fragorum
p. ead. l. 26	dætergens	detergens
p. 200 l. 46	Feniculo	Fœniculo
p. 203 l. 46	prædictam	prædictum
p. 206 l. 20	Matiato	Martiato
p. 210 l. 1	rotouuda	rotunda
p. 214 l. 20	lingno	ligno
p. 219 l. 39	Cæti	Ceti
p. ead. l. 12	Sanicle	Sanicle
p. 223 l. 35	Saxifragia	Saxifraga & sic de sing.
p. 231 l. 44	mascula	mascula
p. 232 l. 31	plegmate	phlegmate
p. 239 l. 5	duobus	duabus
p. ead. l. 29	ægri	ægris
p. 242 l. 5	Hemi micraniz	Hemicraniz
p. ead. l. 14	Cataplama	Cataplasma
p. 243 l. 5	prædicta	prædita
p. 247 l. 23	Soliis	foliis
p. 248 l. 18	recipitur	recipiuntur
p. 252 l. 16	Erisipelata	Erysipelata
p. 257 l. 19	breviores	breviores
p. 262 l. 46	conservato	conservata
p. 271 l. 4	tardi	turdi
p. ead. l. 5	saginandas	aucupandas
p. 280 l. 8	Dedographia	Dendographia
p. 286 l. 25	Taxus	Taxum
p. 288 l. 20	quadrilatetum	quadrilaterum
p. ead. l. 32	de	ad
p. 292 l. 16	aucupandos	aucupandas
p. 306 l. 6	reputatum	reputatus
p. 312 l. 12	collaturæ	colaturæ
p. 317 l. 40	Clare	Clare
p. 318 l. 12	Hipnoide	Hedypnoide
p. 320 l. 30	pruritum	pruritum
p. 322 l. 5	Dodonei	Dodonæi
p. 323 l. 36	pentaperris	pentapteris
p. ead. l. 41	Chyranthemum	Chrysanthemum
p. 332 l. 21	Eurucæ	Eruca
p. 352 l. 12	Emplatro	Emplastro
p. 360 l. 39	cæruleo	cæruleo
p. 362 l. 28	prædicta	prædita

